



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonComercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

13
p-419

1568


1883

U.S. 4

2010

100
94-PG.

100
94-PG.



17

թ-49
այ

ԹԵՍԱԿՐՈՒՒ

ՀՐԱԶԱՆԳԻ ԲԱՐՈՅԱԿԱՆ

ԻՄԱՍԱՌՈՒԹՈՒԱՆ

ԹԱՐԳՄԱՆԵԱՑ

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՀԱՅԱՍՏԱՆԻ ԳՐԱԴՐԱՄ

Հ. ՎՐԹԱՆՔԻ ՎԱՐԴԱՊԵՏԱԿԱՆ ՈՍԿԵՐԵԱՆ 1922

Ի ՄԽԻԹԱՐԵԱՆ ՈՒՓԳԵՐԱԿԱՆ ԱՐԴՅՈՒՆ ԱՐԴՅՈՒՆ ԱՐԴՅՈՒՆ

Երրորդ տպագրութիւն



ՎԵՆԵՏԻԿ

Ի ՏՊԱՐԱՆԻ ԱՐԵՎԱՆ ՀԱՅԱՍՏԱՆ

1855

1005

1004
1005
1006
1007
1008
1009

919-22

W



12001

ՅԱՌԱՋԱԲԱՆ

Պանձ ցանկալի քարոզի իմաստութիւն, և գանձարան գովելի՝ արժանընկալ սիրտ իմաստնոյն : Իմաստութիւն իմա ինձ նախ զվերինն և զաստուածային, որ 'ի բարեկամութիւն աշարջին դլսովին 'ի վեր տանի զստացիչ իւր՝ ըստ իմաստնոյն պատգամաց . և երկրորդ՝ իբրև սպասահարկու նմին՝ զբնատուր լուսոյ աստուածամիր վայելքութիւն, իբր նշոյլ երկրորդ յառաջին լուսոյ, կամ ճրագ մտաց՝ առ արփիափայլ ճառագայթիւք աստուածիմաստ դիտութեան : Առ որով յիրաւի զերկրորդս այս ոչ այնչափ իմաստութիւն, որչափ իմաստամիրութիւն արժան է ձայնել . զի թէ Պիւթագորաս 'ի կարդի մարդկեղէն իմաստութեան չիշխեաց զանձն իմաստուն անուանել ըստ առաջնոց, այլ միայն՝ իմաստամէր, յորմէ և ժիշտուիայդ անուն սկիզբն կալաւ, քանի՞ոն առաւել զնոյն է ասել առ աստուածային իմաստութեամբ :

Արդ թէսկէտե բազմասկատիկ է անուն իմաստանիշունեան, այն է ըստ յունականին ժիշտուիայութիւն կամ քիւօսօքիս առձայնեալ, և 'ի բազմագիմ մասունս բաժանեալ, այլ այս մտեան առաջի առնէ զգլսաւորագոյնն 'ի մասանց անտի նորա, զառաւել կարևորն ասեմ բանաւորացս, զբարոյական վարդապետութիւն . որոյ է օրինագիր լինել բարուց՝ և կանոնագիր վարուց, առ խոտորելոյ 'ի չարէ՝ և առնելոյ զբարի, առ գիտելոյ երջանկանալ՝ և օրինօք առաքինանալ, ըստ սատարութեան լուսոյ բանի՝ որ ընծայէ փաստս բանականս . Վասն ոչ այս է մարդու անենախն, վարիլ ըստ ուղիղ բանի, ոչ ուրար Աստուած ոմարդու ուղիղ . այսինքն է՝ զի մարդն իբրև մարդ

քաղաքավարեսցի, և ոչ մի ինչ յանձին բերցէ անվայել բա-
նաւորի:

Գործ այսպիսի 'ի լոյս ընծայեցին՝ 'ի հրահանդութիւն
մարդկեղէն բարուց յոլովք 'ի նախնի իմաստասիրաց, և զնոյն
աւանդեն ճշգրտագոյնս արդի ուսուցիչք փիլիսոփայութեան:
Այլ որպէս առաջնոցն բանք բազմօրինակ մթութեամբ՝ թո-
ղում ասել թէ և վրիպականութեամբ խաթարեալ, սակաւս
քան թէ բազումն օգտեցին լսելեաց, նոյնպէս և դաստիան
ոճ վերջնոցն՝ յաւէտ 'ի գիտել քան 'ի գործել ուղղեալ,
մտաց Ճարակ քան կամաց ցուցաւ. զի սակաւս գացես՝ որք
զոր ուսանինն կամ ուսուցանեն 'ի բարոյական փիլիսոփայու-
թեան, զնոյն և առնել փութաոցին. և զոր գանձեն 'ի յիշո-
ղութեան՝ գանձեսցեն անձանց:

Եւ ահա զմիջինն այսոցիկ կալաւ ճանապարհ՝ իբրև նոր
գանձագիւտ՝ Գանձ անուն հեղինակս. զի թեսաւրոս՝ Գանձ լսի
'ի հայումն: Առաջի արար զցանկալի և զօդտաշահ վաճառս
կենցաղուուտ գիտութեան, և սփռեաց զգանձս բարոյական
իմաստասիրութեան, ոչ 'ի տեսանել ևեթ, այլ և 'ի ստանալ.
այսինքն է՝ ոչ ուսանիլ միայն, այլ և առնել. ոչ լոկ 'ի գիտել,
այլ և 'ի գործել: Քանզի սյնպիսի կալաւ ոճ վարդապետու-
թեան, յորում տեսանի միանգամայն գիտնաւոր կարդ ու-
սումնական՝ և ազգոյ խրատ վարժովական: Իբրև խորազնին
փիլիսոփաս ճշդիւ խուզարկէ՝ զոր ինչ աւանդէ, և իբրև հո-
գեհրահանդ դաստիարակ մարզէ 'ի նոյն՝ զոր ասէ: ԶՃմար-
տութիւն բանից հաստահիմն փաստիւք խարսխէ, և զգործա-
դրութիւն գործոց իբրև մասնանից ցուցանէ: Ճարտար ա-
սացուածովք և վՃռական իմաստիւք զմիտս վառէ, և հարկե-
ցուցիչ հետեւանոք զսէր կամաց 'ի նոյն բորբոքէ: Ոչ այնչափ
բանիւ յորդորանաց համոզէ 'ի բարին, որչափ բանականու-
թեամբ բռնադատէ զմիտս և ձգէ զկամս յընարութիւն բար-
ւոյն. մինչև ինքնայօժար բերիլ լսելեաց՝ լինել անդէն միյառ-
նելեաց: Այլ զայս ամենայն այլոց թոլումք իմաստասիրել՝
որ իմաստասէր մտօք 'ի վերծանութիւն դրոցս մատչեցին. մեք
և զայլ ինչ կարենոր տեղեկութիւնս ասաէն առաջի գիցուք:

ՀԵՆԴԱՄԱՆՔ ՄԱՏԵՆԻՑ

Ա. Այս գործ ընտիր յօրինեալ է յիտալական բարբառ՝ ի մեծիմաստ և յիշխանաշուք առնէ, որոյ անուն կոչի Կմմանուէլ Թեսաւրոս, և պատրիկ՝ կոմս և ասպետ անուանի, և նուիրեալ իբր ՚ի պէտս հրահանգութեան Վիկտորի Ամեդէոսի թագաւորացնի՝ անդրանիկ որդւոյ Երկրորդն Կարոլոսի Կմմանուէլի դքսին Սաբաւդիոյ (Սավոյա). որ և իշխան Տաւրինոյ (Դուքին) ասի. և նորին իսկ հրամանաւ՚ի լոյսընծայեալ զաւաջինն ՚ի Տաւրին յամի տեառն 1676: Ուր և հարեւանցի ծանիր, զի՞նա՝ որում ընծայեցաւ այս գիրք, այն է Վիկտոր Ամեդէոս Երկրորդ կոչեցեալ որ յաջորդեաց յետոյ հօրիւրում յիշխանութեան՝ անուանի գտաւ յոյժ, և եղեւ առաջին թագաւոր Սարդենիայ կղզւոյն. և յայնմ հետէ մինչև ցարդ գուքսին Սաբաւդիոյ է միանգամայն արքայ Սարդենիոյ: Արդ որպէս նշանակէ հեղինակս ՚ի կատարածի գրոցս, զայս գործ շարագրեաց յալիս ծերութեան՝ յութսուն ամաց հասակի. և յիրաւի հասունացեալ և զգօնաւոր մտաց է ծնունդ. որոյ կանխաւ գեգերեալ իցէ յամենայն ուստիւնս իմաստասիրականս, և լցեալ ազգի տպանական գիտութեամբ. որպէս և այլ գործք իւր վկայեն: Քանզի շարագրեաց սա և զայլ գիրս ոչ սակաւ՝ իտալերէն և լատիներէն՝ ուստիւնս իտալական և բանասիրական, յորս բաղմապատիկ գովութիւնք ընծային հեղինակիս. և ՚ի մտանաւորի հռչակի յամենեցուն քաջ հմտութիւն նորա ՚ի բարոյական գիտութիւնս. զի՞ եղեն իսկ ոմանք որ կոչեցին վնա հանդիսարան հանձարոյ և Ճեմարան զգօնութեան:

Բ. ՈՃ հեղինակիս ՚ի բնագրի անդ է Ճարտարարուեստ և ախորժալուր բառիւք հիւսեալ, և առաւելապէս նմանաձայն եղերօք յելւեջս բանից հանդիսացեալ. վասն որոյ և ոչ գոյզն գժուարութիւն կրէ՝ որ կամի յեզուլ զայն յայլ բարբառ. և այս իսկ է գլխաւոր պատճառն, յոյր սակս մթին երեխն ուրեք ուրեք ասացուածք նորա: Մեք ըստ կարի զգուշաւոր թարգմանութեան ուշ եղեալ՝ յամենայնի հաւատարմութեամբ պահել ջանացաք զանմիջական նշանակութիւն բառիցն. այլ ուրեք պահանջէր բանն յաւետ յիմաստն հայիլ քան ՚ի բառն, ըստ հայկական ոճոյ բացատրեցաք. քանզի և օրէնք

այս են ամենայն թարգմանքի, ոչ զիմաստ հեղինակին այլայլել, և ոչ զբնիկ բարբառ իւր աղաւաղել։ Յոող զի երբեմն յակամայս հարկեցաք որոշել ինչ բառ համեմատ սկզբնադրին, թէպէտե գիտէաք ոչ այնչափ յաճախեալ առ մեզ, զի և շնորհեալ է իմաստասիրական ոճոյ 'ի կիր առնուլ երբեմն և զանսովոր իսկ ձայն՝ առ բացատրելոյ զառաջեղեալ նիւթն։

Գ. Ուղիղ համառօտել գիտէ հեղինակս՝ զոր ինչ և գիտէ ասել։ Ճիրէ զընդլայնմունս բանից կամ զերկարապատում ասացուածս։ ՎՃիռս և առածս բարբառի յամենայնի՝ հանրականս և մասնաւորս՝ առանց ընդվայր Ճոխաբանելոյ։ Եւ թէպէտ սովլին իսկ խրթնանալ թուի բանին, այլ ուշադիր մտաց յաւէտ դիւրընտել ընծայի։ Քանզի ամենայն ընտիր տացուած այնչափ խորագոյնս ընդ մտանէ 'ի սիրո և դիւրագոյնս յաման մտաց ամփոփի, որչափ 'ի համառօտ եղերս ըովանդակի։ Սմին իրի և իմաստուն անձինք առ հասարակ զայնպիսի ախորժեն ձեւ բանից, որպէս նաշին անթեփ՝ կամ ջուր յստակ և անսպառ։ Ապա եթէ յանդրագիտաց ոք այլազգինչ խորհի, գիտացէ այնպիսին, զի իմաստոյ է բանս՝ և առ իմաստունս։ զիմաստասիրութիւն ուսուցանէ, վասն որոյ և զիմաստասէր անձինս խնդրէ։ Բայց քանզի իմաստասէրն լինել 'ի բնաւորական կարգի՝ ամենեցուն է անկ, ո ոք և իցէ՝ որ միանդամ փոքր 'ի շատէ իմանայ զգրեալսն, որչափ և սակաւս իմասցի՝ գտանէ անձին բաւական նիւթ իմաստնանալոյ, և զբարոյապէս բարին ընտրելոյ, այսինքն առ ուղղելոյ զվարս, կամ առ խորշելոյ 'ի մոլութեանց և զարդանալոյ յառաքինութիւնս։ որում ամենայն մարդ է պարտական՝ և բաւական, միայն թէ կամիցի։

Դ. Իբրև փիլիսոփայ խօսի, և ոչ իբրև աստուածաբան։ այսինքն է՝ զպատճառս իրացն յառաջ բերէ 'ի բնական սկզբանց իմաստասիրութեան, որք լուսով բանին ճանաչին, և ոչ յաստուածային սկատամաց ձեռնարկէ՝ որ գեր 'ի վեր գտանին, զառածս փիլիսոփայից 'ի մեջ առնու, և ոչ զդրութիւնս աստուածաբանից։ Ի խօսել անդ զառաքինութեանց՝ ոչ քննէ զնոսա 'ի կարգի աստուածային և գերբնական ձրից։ այլ 'ի կարգի մարդկային և բնական կատարելութեանց՝ որք իբր պատկեր կամ օրինակ են նոցին, և կացուցանեն զմարդներջանիկ բնաւորապէս, կամ առնեն զմարդ բարեկեցիկ ըստ

տանելոյ վիճակի աստեացս, անդորրացեալ հոգւով և անվըրդով յանբանական շարժութեանց ախտից։ Սմին իրի խօսի նաև զայնպիսի իրաց, որք ըստ ինքեան ոչ այնչափ առաքինութիւն էն՝ որչափ մարդավարութիւն, քաղցր կենակցութիւն, կամ հաճոյական քաղաքավարութիւն։ Եւ թէ ուրեք խօսեացի նաև զքրիստոնէական առաքինութեանց, առաջի առնէ և զնոսա յաւէտ ըստ բնական կատարելութեան՝ և ոչ ըստ գերբնականին, և կամ հարևանցի իմն եեթ նշանակէ 'ի վեր լինել քան զտեսութիւն փիլիսոփայից։ Քանզի և գործն գլուխին է բնական խմաստասիրութիւն, և ոչ գերբնական խմաստութիւն։ և վախճան գործոյն է տալ ճանաչել ամենեցուն, թէ նաև բանն բանաւորաց կամ լոյսն բնածին՝ որ և Աստուծոյ պարգև է, միշտ թելադրէ մեզ զուղիղն։ զոր օրինակ՝ թէ բարին է առնելի, չարն՝ խորշելի։ այս ինչ է բարի, և այն ինչ՝ յոռի։ այս ինչ զմարդ երջանկացուցանէ, և այն թշուառացուցանէ։ և ըստ նմին կանոնս ընտիրս աւանդէ՝ բարոյականս խմաստասիրութիւն։ Վասն որոյ չունի ոք ասել, թէ զի՞ է զի չքերէ հեղինակս վկայութիւնս պէսալէս առ 'ի սուրբ դրոց և 'ի սրբոց վարդապետաց, այլ միայն արտաքնոցն ասացուածովք շատանայ։ ընդէր է զի չածէ յօրինակ զվարս սրբոցն Աստուծոյ, այլ զքաղաքավարութիւնս արտաքին փիլիսոփայից, և այլն։ Քանզի դիտումն նորա այս է, զի ցուցցէ՝ թէ նաև հեթանոսք բնական օրինօք դիտացին առաքինանալ։ և յամօթ առնեն զմեղ գործք նոցա, եթէ մեք յետնեալ գտանիցիմք քան զնոսա, 'ի դէպ եկեալ բանից սուրբ առաքելոյն։ ԱՅԼ յորժամ հեթանոսք՝ որ զօրէնս ոչ ունին, բնութեամբ զօրինացն գործիցեն, նոքա որ զօրէնսն ոչ ունին՝ անձանց իւրեանց իսկ են օրէնք։ որք ցուցանեն զգործս օրինացն գրեալ 'ի սիրտս իւրեանց վկայութեամբ մոտաց իւրեանց, և յանդիմանել զմիմեանս 'ի խորհրդոց իւրեանց։ և որ 'ի կարգին են բանք։

Ե. Ի նոյն միտս խմա ինձ և զյառաջ բերելն հեղինակիս ստէպ ստէպ զառասպելս հեթանոսաց 'ի վերայ քաջազանց կամ մոլի անձանց, և զդիւցաբանութիւնս նոցա 'ի վերայ անգոյ կտոց իւրեանց և մնոտի պաշտամանց՝ հանդերձ աղգի աղգի ստեղծաբանութեամբ բանաստեղծից, որ առ չելլենացիս և որ առ նախնի հռովմայեցիս։ Վասն զի և 'ի ձեռն այ-

ոոցիկ արուեստահնար նմանաբանութեանց և ստուերագրութեանց քաջայայտ ցուցանի, թէ զիարդ նոքին իսկ հեթանոսք ընական լուսով զմոլութիւնս ցուցին ատելի, և զառաքինութիւնս՝ գովելի, կամ զիարդ նկարագրեցին զբարին սիրելի, և զչարն՝ հերքելի. և գործովք յայտ արարին՝ զորինչ մտօք ճանաչեին: Թող զայն՝ զի որովհետեւ հեղինակս սկզբամբք փիլիսոփիայից խօսի, զառ՝ ի նոցանէ ՚ի կիր արկեալ օրինակս երկրորդէ: Եւ այն իսկ է ախորժալուր առ այնոսիկ՝ որք հետամուտքն են հնախօսութեանց, և ցանկան գիտել՝ թէ յինչ միտս խօսեցան զայսպիսիս նախնի իմաստասերք և բանաստեղծք: Եւ թէ քաջ խորհիցիմք, ոչ փոքր իմաստ քաղեն իմաստունք յայսպիսի օրինակաց, հայելով ոչ յառասպելն, այլ՝ յիմաստ առասպելացն. ոչ՝ ի մնութիւն կեղծիս, այլ՝ ի նշանակեալն նոքօք: Վասն որոյ և տեսանեմք զբաղումս ՚ի սրբոց վտրդապետաց բաղում անդամ այսպիսեօք վարեցեալ օրինակօք, և մանաւանդ զմեծն Գրիգոր Աստուածաբան, և այս այնչափ՝ մինչև կայ և գիրք առանձին՝ յօրինեալ ՚ի Նոննոսէ հին մատենադրէ Յունաց, և թարգմանեալ ՚ի նախնեաց անտի մերոց. ուր առաջի դնին մեկնութիւնք առասպելացն յիշատակելոց յԱստուածաբանէն յընթացս Ճառից ինչ իւրոց: Զնոյն գտանես ուրեք ուրեք և ՚ի գիրս հարց մերոց, որք ըզգործս արտաքին իմաստամիրաց կամ զառակաբանութիւնս բանաստեղծից ՚ի մէջ առնուն. որպէս է տեսանել ՚ի գիրս Մովսէսի խորենացւոյն, մեծին խոսրովու, Կերսեսի Շնորհալոյ, և այլն: Իսկ իմաստալից թուղթք Գրիգորի Մագիստրոսի առն իմաստամիրի՝ գլխովին այսպիսեօք են զոդեալ. մինչև ոչ ինչ տարադէալ թուի ըստ գիտնաւոր հնախօսութեանն և ըստ հանճարաւոր Ճարտարմտութեան՝ որպէս և ըստ իշխանութեանն չքոյ զթեսաւրոս երկրորդ Մագիստրոս Ճայնել, և զՄագիստրոս՝ առաջին թեսաւրոս: Զայսոսիկ ասացաք՝ զի մի ոք ՚ի տիսմարաց այլազգ ինչ խորհիցի, այլ ուղիղ իմասցի զմիտս թեսաւրոսի, հայելով ՚ի վախճանն՝ ոյր վասն յառաջ բերէ հեղինակս զօրինակս արտաքնոց:

2. Այլ քանզի բաղումք յառասպելաց անտի կամ ՚ի հին պատմութեանց՝ համառօտ ոճով յիշատակեալք ՚ի հեղինակէս, անծանօթ գտանին բազմաց, կարեւոր համարեցաք յաւելու ՚ի վախճան գործոյս կարճ'ի կարճոյ բացարութիւնս

կամ հանրական ծանօթութիւնս . զի որ չունի բնաւ տեղեւ-
կութիւն զայսպիսեաց , դժուարանայ իմանալ զմիտս հեղի-
նակիս : Ասացի՝ կարձ 'ի կարձոյ և հանրական . այսինքն
այնչափ՝ որչափ ինչ ալէտք եղեն առ իմացուած օրինա-
կին . զի չեին մեզ կամք յանհեթեթ առասպելս գեգերիլ , և
կամ վիպասանութիւնս ընդարձակս ճառել , այլ զյիշատա-
կեալսն բացայայտել : Նովին մտօք եդաք և ինչ ինչ ծանօթու-
թիւնս 'ի բացատրութիւն այլոց բանից հեղինակիս , ուր ու-
րեք արժանի ինչ տեղեկութեան դատեալ եղեւ . զանց արա-
րեալ զայլովք՝ որք ոչ ինչ օդտէին 'ի դիտել կամ յոչ դի-
տել . կամ որք ընդ տեսութեամբ մտաց անկանին , և ուշադիր
անձանց պայծառ երեխն : Իսկ առ դիւրագիւտ լինելոյ այսց
ծանօթութեանց , այսինքն թէ որ բան յոր տեղի հայիցի . նշա-
նակեցաք յընթացս բանին թուանշանս ըստ կարգի , և նովին
կարգաւ զնոյն թուանշանս եդաք առընթեր միոյ միոյ 'ի ծա-
նօթութեանց : Եթր զի որ ոք յընթեռնուլ զբանս գրոյս՝ տե-
սանէ թուանշան ինչ , ծանիցէ թէ կայ ծանօթութիւն մաս-
նաւոր 'ի վերայ առաջիկայ բանից 'ի վախճան մատենիս ընդ-
նովին թուագրով :

Է . Եւ արդ՝ 'ի կնքել զբանս , յորդոր ընծայեմք բարե-
պաշտընթերցապիրաց և ճշմարտիւ իմաստասէր անձանց՝ քա-
ղել զօդուտ ոգւոց յօդակարս գրոց , և առնուլ խրատ յուղ-
ղութիւն վարուց 'ի բարոյականս իմաստասիրութենէ . զի և
միակ վախճան բարոյականն վարդապետութեան է ուղղել ըզ-
վարս , կամ կանոնաւորել զբարս մարդկան . իմաստնացուցա-
նել զիմաստասէրս , և առաքինացուցանել զառաքինասէրս :
Ոչ կոչեցաք զսա յունական ձայնիւ գիւղայունիւն , այլ
զստուդաբանութիւնն ընտրեցաք , որ է իմաստահրանիւն . զի
մի ոք կարծեսցէ զսա իթր լոկ ուսումնական դրութիւն , որ-
սկէս կարծի բարոյականն՝ մին 'ի չորից մասանց վիլխովիայու-
թեան , այլ՝ ծանիցէ լինել տիրապէս հոգեխրատ վարդապե-
տութիւն՝ իմաստասիրական ոճով կարգեալ 'ի պէտս սիրո-
ղաց ճշմարիտ իմաստութեան , որ այն ինքն է Աստուածապաշ-
տութիւն , ըստ Յորայ ձայնին * :

Զայս եթէ ստասցին բարեսէր ընթերցովք , և կամ նպաստ

՚ի նոյն տուցեն զայս մատեան իմաստասիրական, յայնիժամ ոչ
միայն հեղինակ սորա գովելի՝ արդիւնաւոր գտանի, այլև իմա
դուզնաքեայ աշխատասիրութիւն 'ի թարգմանութեան՝ ոչ
անսպառուղ ելանե։ Այսմ ևեթ փափաքէ անձն իմ, և զայս
ևեթ խնդրեմ. զի մի անգործ մնացէ տշխատութիւն երկո-
ցունց վաստակաբեկ ծերունեացս. հեղինակին՝ որ յութմնա-
մեայ հասակի յայսպիսի գործ եղև ձեռնամուխ, և թարգ-
մանչիս՝ որ վեցիւք ևեթ ամօք կրտսեր քան զնա՝ անվեհեր
արկի զանձն իմ 'ի նորին դժուարաքիրտն գործակցութիւն,
ըստ մասնաւոր ակնարկութեան գերյարդոյ բարունապետիս
մերոյ Տեառն Ստեփանոսի վ. Մելքոնեան, 'ի փառս և 'ի
պատիւ Ամենատեառն, և յօդուտ հայկաղեանս տոհմի։

ԲՐԱՄ-ՐԱ ԽՈՎՃՈՒՆ
ԽՈՎՃՈՒՆ ՚ի ԽՈՎՃՈՒՆ սահմ.
ԳԵՐ. Ա. ԽԵՐՈՅ Ճ. ՎՈՎՃՈՒՆ
ՎՈՎՃՈՒՆ Ա. Խ. ԽԵՐՈՅ
1897 ԱՄ Հ 21

Բ Ա Ր Ո Յ Ա Կ Ա Ն

Ի Մ Ա Ս Տ Ա Ս Ի Ր Ո Ւ Թ Ե Ա Ն

Գ Ի Ր Ք Ը Ա Ռ Ո Յ Լ Ե

Վ Ա Խ Ճ Ա Ն Ե Կ Ե Ա Կ Թ Ի Կ Ա Ն

Բ Ա Ր Ո Յ Ա Կ Ա Ն Ա Ռ Ո Յ Լ Ե Ա Ն

Գ Լ Ո Ւ Խ Ա .

Յաղագս վախճանի բարոյական իմաստափոքեան :

Ո՞ւ Երջանիկ արուեստիս , որ ուսուցանէ լինել Երջանիկ .
այլ ով յետին թշուառութեան մարդկան , որք ոչինչ իմկը
այնպէս ըղձանան , որպէս Երջանկութեան , և յոչինչ իրաց այն-
պէս խորշին . որպէս 'ի նմանէ :

Բայց զինչ զարմանք են , եթէ մեծամեծ փիլիսոփայք իսկ՝
'ի յուզել զվեճս ընդ միմեանս զսահմանէ նորա , կորուսանեն
զերջանկութիւն անդէն իսկ 'ի խնդրելն զնա :

Երեք կերպարանք բարեաց ակն յանդիման Երևին որոց Եր-
ջանիկն լինել կամին . Արտաքին բարիք , Մարմնաւոր բարիք ,
և Հոգւոյ բարիք :

Բարիքն անարգք՝ են պատրողականք , և ընտիրքն՝ տարժա-
նականք . մարմնոյքն՝ վաղանցուկք , և հոգւոյքն՝ բացականք :
Եւ արդ՝ ուր դացուք զՃշմարիսն Երջանկութիւն յայսչափ
ստոց միջի :

Հրապուրեն կարի իմն ուժդին զսանդակաթ միտս արտա-
քին բարիք , այսինքն են Ճոխութիւնն և Պատիւ . բարիք այս
ազնուագոյնք քան զմարմնականս . իբր զի արտաքինքն հաս-
տատեալ են 'ի կարծիս՝ որ սեպհական է մարդոյ , և մարմնա-
կանքն 'ի զգայութեան՝ որ հասարակ է կենդանեաց :

Բայց զիարդ լինիցի մարդոյ բարի այն , որ չէ 'ի մարդ . և

զիարդ լինիցին 'ի մարդ այս բարիք, որովհետև պատիւն է 'ի պատուօղն և ոչ 'ի պատուեալն. և Ճոխութիւնքն յարկվն մեծատան և ոչ 'ի մեծատունն:

Իրաւամբք՝ Ճոխութիւնք և պատիւ բարիք կոչին բախտի. որոյ ոչ կարացեալ սլարդեւել բազում ինչ, և սլարդեւել բազմաց, պատրանօք և վաղանցութեամբ՝ է զի սլարդեւէ, և է զի բառնայ, յանհաստատութեան միայն կացեալ հաստատուն:

Բայց զոր բարիս հնար իցէ բախտի պարդեւել, որք յաջ աշալը չացեն առաւել սնուաի՝ քան յարդի, և յոլովակի մնասկար՝ քան պիտանի:

Զինչ են ոսկի և ակունք պատուականք, բայց պսպղուն դիրոք հողոյ. որք 'ի գանձատունս և յարկեղս բանտարդել առնեն զիրտ բանտարկողի իւրեանց, և ստացեալ ունին զըստացիչ իւրեանց: Զինչ են գովեստից հռչակք, բայց ծխային շունչք բերանոյ ռամկաց՝ յօդաւորեալք յատամնամերձ շըրթանց. իրը զի կից է ընդ համբոյր գովեստի՝ խածատողութիւն նախանձու: Զինչ են գահոյք իշխանականք՝ և աթոռք թագաւորականք, բայց շքեղ գահաւանդք. ուր բազումք՝ որք երջանիկ զանձինս կարծէին, չափեալ զելս ընդ էջ իւրեանց՝ դաին անհնարին արհաւիրս 'ի գերակայ պատիւս:

Անմարթ է երջանիկ կոչել զայն, որոյ կախեալ զյողդողդ բախտէ՝ յերերի կայ հանապազ ընդ մէջ գրգանաց և վշտաց վտանգի, ընդ մէջ յուսոյ և երկիւղի:

Վայ այնմ որ երկնչի, և ևս վայ այնմ որ ոչն երկնչի. զի նա երկուցեալ միշտ 'ի պատահարացն՝ որ 'ի վերայ գան յոլովակի, յանձին զգայ զարկածմն՝ մինչ չկ իցեն եկեալ. և սա ոչ երկուցեալ յայնմանէ որում հնար է դիպիլ, արժանի է՝ թէ 'ի վերայ եկեսցէ որում ոչն խիթայր:

Իսկ արդ՝ եթէ յարտաքին բարիս անմարթ է լինել Ճշմարիտ երջանկութեան, տեսցուք թէ հնար իցէ նմա լինել 'ի մարմնաւոր բարիս. որպիսի են Առողջութիւն, Ժրութիւն և Հաճոյք մարմնոյ:

Այս բարիք անտարակոյս այնչափ մեծ են քան զարտաքինան, որչափ առաւել ներքին են և իրական, և հարկաւոր առ կեանս. վասն այսորիկ արտաքինքն կոչին Օդտակար բարիք, զի ծառայեն մարմնական բարեաց. և սոքա կոչին թերկրական բարիք, զի պահպանեն զէութիւն մարդկեղէն մարմնոյ: Զնոքօք յածի երևակայութիւն, և զսոքօք զգայութիւն:

Բայց և այնպէս՝ զիարդ հնար իցէ երջանկութեան, որ սեպհական է մարդոյ, լինել 'ի բարիս՝ որ չեն սեպհական մարդոյ. զի չէ սեպհական այն՝ որ ընդ այլոց է հասարակ:

Հասարակաց են կեանք ընդ կաղնիս, որք ընդ մեզ ծնեալ, բայց զօրագոյն ևս՝ և կորովագոյն քան զմեզ լեալ՝ դեռ առոյդ են, մինչ մեք յենումք յալիս ծերութեան:

Հասարակաց են զգայական հեշտութիւնք ընդ անասունս . որք երջանկագոյն լինէին արդեօք , որչափ առաւելուն նոքք , և որչափ նուազ խմանան զվակալ լինել իւրեանց 'ի նոցանէ : Նա զինչ բարիք այնք իցեն , ընդ որս այնչափ չարիք են անքակ լծորդք : Խորհրդով հռովմայեցիք միահաղոյն պաշտօն մատուցանէին Վոլուպեայ դից հեշտութեան , և Անգերոնեայ դից դառնութեան ։ Երկաքանչլւրոցն կանգնեցին ուրոյն մեհեան . բայց 'ի միոյն մեհենի՝ միւսում զոհէին : Եթզ զի այնպէս լծորդ են ընդ միմեանս հեշտութիւն և դառնութիւն , մինչև յօդնել նորա՝ խիթալի է 'ի սմանէ , և 'ի վնասել սորա՝ յուսալի է 'ի նա . զի 'ի մի վայրկեան 'ի միմեանս յեղափոխին : Ճանձի նստելոյ 'ի վերայ մեղու՝ մեղսն լինի ոստդ , և հեշտութիւնն փոխի 'ի դառնութիւն :

Այլ զինչ է հեշտութիւն , բայց այլայլութիւն անտեւական : Զինչ է առողջութիւն , բայց չորից հիւթոց զուգախառնութիւն՝ 'ի չորից որակութեանց մշտաբազս : Զինչ են կեանք , բայց հոսումն յաջորդական վայրկենից , որոց միոյն ծնունդ՝ է միւսոյն մահ : Յայնժամ սկսանի մարդ մեռանիլ , յորժամ սկիզբն առնէ կեալ : Եւ զինչ է մարմին , բայց աստանդական հիւանդանոց . յորում չեն այնչափ անդամք , որչափ են ախոք՝ նոցին ապականարարք :

Արդ եթէ սեպհական երջանկութիւն մարդոյ ոչ գտանի՝ ոչ յարտաքին և յօդտակար բարիս , և ոչ 'ի մարմնական և 'ի բերկրական բարիս , ապա է 'ի համեստ բարիս . այսինքն է՝ յառաքինութիւնս հոգւոյ . որք են բարիք սեպհականք մարդոյ . դերագոյն կատարելութիւն բնութեան բանականի , և սքանչելի հաղորդութիւն աստուածայնոյն :

Եյսոքիկ են ճշմարիտ բարիք , զորս հնար է մարդոյ ստանալ անձամք , և պարգևել անձին , և վայելել յանձին , անհախանձ և աներկիւլ . գիտելով . թէ երկնի ոչ են կամք բառնալ զնոսա յիւրոց , և ընդ երկնաւ չէ ումեք հնար բառնալ զնոսա , զի զօղեալ կան յոգի :

Ի կշոր կրիտողայոսի սովեստի՝ 2 առաւել ծանրակշիռ է փոքրիկ ինչ առաքինութիւն՝ քան զամենայն ոսկի աշխարհի , զի չիք ինչ համեմատութիւն 'ի մէջ աստուածայնոց և անցաւորաց :

Ստոյգ իմն է՝ թէ կարողութիւնն ոչ հանգչի յունակութիւնս , այլ 'ի ներգործութիւնս առաքինութեան աստուածայնոց :

Որպէս գոլն է կարգեալ 'ի գործել , նոյնպէս ունակութիւնն առաքինութեան է կարգեալ առ գործ առաքինական . և կարգելոյն առ վախճան ինչ՝ անհնար է լինել վերջին վախճան : Եւ թէ երջանկութիւնն ըստ ասկից ամենայն փիլիսոփայից է վերջին վախճան մարդոյ , լրումն ցանկութեանց՝ և բովանդակութիւն բարեաց , յայտ է թէ երջանկութիւնն ոչ

է յունակութեան առաքինութեան , այլ 'ի ներդործութեան :

Չէ երջանկութիւնն առանց զուարժութեան , որպէս ունիս լսել . և զուարժութեանն առաքինութեան չիք առնուլ զհաշակ , բայց եթէ առաքինորէն գործելով :

Արուեստաւորն 'ի ննջել իւրում ունի զունակութիւն արուեստին . առաքինին 'ի ննջել իւրում ունի զունակութիւն առաքինութեան . բայց ոչ արուեստաւորն 'ի ննջել իւրում զգայ զբերկրութիւն արուեստին , և ոչ առաքինին 'ի ննջել իւրում զգայ զբերկրութիւն առաքինութեան :

Վասն այսորիկ երջանիկն ըստ կիսոյ կենացն չէ ինչ ընդհատ յաներջանիկն . զի չէ աներջանիկ՝ որ ոչ զգայ զիւր թշուառութիւն . և ոչ երջանիկ՝ որ ոչ զգայ զիւր երջանիկութիւն . և չէ հնար զգալ , յորժամ զգայութիւնք կամ մահուամբ բարձեալ են , և կամ յեղբօրէ մահու կապեալ . (այսինքն է 'ի քնոյ) :

Ոչ խնդայ պատկերահանն , յորժամ կանոնքն 'ի միտս՝ և գոյնք 'ի վերայ սխակտի՝ կան անդործ . այլ՝ յորժամ ըստ այնց կանոնաց , 'ի սերմանց անտի գունոց ծնուցանէ 'ի մեռեալ դաստառակի կենդանագրութիւն ինչ պատկերի . որոյ չունելով զգայութիւն՝ խաբէ զզգայարանս՝ որոց հայինն 'ի նա . և արուեստաւորն խնդայ ընդ ճարտարահնար իւր խաբեռութիւն :

Վասն այսորիկ՝ որպէս արուեստագէտն յիւր մէ արուեստէ , նոյնպէս առաքինին յիւրմէ առաքինութենէ բուռն բերմամբ անդադար վարի և մզի 'ի գործ . և թէ յարտաքին բոնութենէ գործածութիւն ունակութեան խափանի , խափանի և երջանիկութիւնն . զի ոչ կեայ սա յունակութեան , այլ 'ի ներգործութեան :

Վասն ամենայն առաքինութիւն նպաստամատոյց է երջանիկութեան ըստ իւրում մասին . զի որպէս առաքինութիւնն է սեռ ինչ՝ որ փակէ ընդ իւրեւ զբաղում առաքինութիւնս միքան զմի մեծագոյնս , նոյնպէս երջանիկութիւնն է բարի ինչ , որ փակէ ընդ իւրեւ բաղում բարիս միքան զմի առաւելեալս : Վասն երջանիկութիւնն հաստատեալ է 'ի գործ առաքինութեանց , բայց առաւելապէս վեհագունիցն և գերակայից , որպէս ցուցցի յիւրում պահու :

ԳԼՈՒԽ Բ.

Յաղացու թէ զինչ պիտի առ երջանկուրիւն . և յաղացու բոլորական սահմանի նորա :

Տարապայման իմաստասիրեցին Ստոյիկեանք . թէ բարիք հոգւոյ միայն՝ են բարիք . իսկ արտաքինքն և բերկրականք՝ են չարք , և ոչ բարիք . ոչ միայն անպիտանք , այլև վասսակարք առաքինութեան , վասն որոյ և իսկապէս մահաբերք մարդկային երջանկութեան :

Պնդէին սոքա , թէ “Ճոխութիւն , դիւրութիւն , առողջութիւն , իշխանութիւն , և զաւակք , չեն բարիք . զի անմարթէ՝ ասէին , թէ այն ինչ առաքինուոյն իցէ բարի . յոր կարէ վայելել և մոլին . և վասն զի երջանկութիւնն է անփոփոխ և մնայուն բարի , ամենայն՝ որ ինչ դիմադարձի տեսողութեան , դիմադարձի և երջանկութեան , :

Չսորին հակառակն՝ սինդէին , թէ “Չքաւորութիւն , չարկրութիւն , կուրութիւն , թշնամանք , խօթութիւնք և ցաւք՝ ոչ կարեն երջանկին լինել չար . զի ’ի պահել նորա յոդի իւր զառաքինութիւն՝ պահէ ողջ անարատ զերջանկութիւն : Սառնասցի այնպիսին ’ի ձիւնաբերս լերանց կովկասու , ճենճերեսցի ’ի հրացեալ ցուլ ֆաղարիսի Յ . շատ է միայն առաքինութիւնն առնել զնա երանելի ’ի տանջանս , :

Չէ այս իմաստասիրութիւն մարդոյ քաղաքայնոյ , այլ իմաստակութիւն առն վայրենաբարոյի . զի անմարդացուցանէ զմարդիկ , և անբնացուցանէ զբնութիւն , և գիտնաւոր ստութեամբք աղաւաղէ զջմարիան : Ոչ որոշէին սոքա զըարն ’ի բարւոյ , ոչ զբարին ’ի լաւէ , ոչ զչափազանցն ’ի չափաւորէ , և ոչ զբովանգակեալ երջանկութիւնն յանբովանդակէ :

Արիստոտէլ և մարդկօրէն տրամաբանեալ և ոչ անասնօրէն , որպէս բարի կոչէ զայն ամենայն՝ զոր կարդեալ է բնութիւնն առ բարի վախճան , նոյնպէս բաժանէ զբարին յերիս դասս . ’ի Փոքունս , ’ի Միջակայինս , և ’ի Մեծամեծս :

Փոքունս կոչէ զարտաքին բարիս , միջակայինս՝ զմարմնականս , մեծամեծս՝ զառաքինութիւնս : Բայց զամենայն ընդմիմեամբք դասաւորեալ . զի արտաքինքն են ’ի պէտս մարմնոյ , մարմինն ’ի պէտս հոգւոյ , և հոգին ’ի սլէտս առաքինական գործոց , այսինքն երջանկութեան :

Ստոյդ է թէ առ առաքինութեամբք արտաքին բարիք են թեթէք և պատիրք . և մարմնականքն՝ սնոտիք և անցաւորք , որպէս ասացաւ . բայց չեն պատիրք և ոչ սնոտիք , ցորչափ

Երօք լծորդեալք ընդ առաքինութեան՝ արբանեկեն վերջին և գերերջանիկ վախճանին: «Նա՝ չեր արժան ումեք ստանալ ըզ-փոքր բարիս, բայց միայն այնմ՝ որ ստացեալ ունի զմեծամեծ բարիս: «Նա է արժանաւոր զինուց, որ գիտէ արիագոյն 'ի դործ ածել զայնս. և նա է արժանի բարեաց մարմնոյ և բախտի, որ գիտէ զնոսա առաքինագոյն 'ի կիր արկանել:

Ճոխութիւն 'ի ձեռս առաքինուցն են օգտակար բարիք. այլ 'ի ձեռս մոլեկանին են վնասակար բարիք: Վասն որոյ վերնախնամ տեսչութիւնն, որ առաւել սիրող է իւրոց նմանեաց՝ քան հակառակողաց, ոչ վասն մոլեաց, այլ վասն առաքինեաց արար զաշխարհ:

Ապա երջանկութիւնն տիրապէս հասատեալ է 'ի բարիս հոգւոյ, և հետևաբար յայլ բարիս. զի է նա հաւաքումն ամենայն բարեաց, մեծաց՝ միջակայնոց և փոքունց: Եւ թէպէտ դուզնաքեայ դոլով սոցա՝ չառնեն զերջանկութիւնն կարի իմն մեծ, սակայն պակասութիւննոցամեծապէս զսանուազէ: Բառնայ զՃարակ 'ի բոցոյ, որ բառնայ զայսպիսի եկամուտ բարիս յառաքինութենէ:

Ոչ կարէ 'ի դործ արկանել զառատաձեռնութիւն, որ ոչն ունի ինչս. և ոչ զարիութիւն, որոյ չեք զօրութիւն. և ոչ զդերագոյն խոհեմութիւն, որ չունի ինչ դահերիցութիւն կամ իշխանութիւն: Որչափ ինչ բառնի յառաքինութենէ, այնչափ ինչ բառնի յերջանկութենէ:

Ապա եթէ միայն պակասութիւն այսց բարեաց՝ այսչափ վնասակար է գերագոյն բարւոյ, քանի առաւել յուռացուցանեն զնա չարիք դէմ ընդդէմ հակառակք. չքաւորութիւն, ցաւք, վէրք, գելարանք և քերանք:

Շաղփաղփեսցեն որչափ և կամին՝ Կինիկոս յիւրմէ կարասէ 5, և Մեարոդորոս յիւրմէ քարանձաւէ՝ զմտացածինն զայն և զանլուր անչարչարութիւն 'ի ցուլ Փաղարեան. ոչ ոք յողամտաց հաւատայ երբէք, թէ լինիցին բնաւորասկէս միանդամայն 'ի միում ժամանակի 'ի մի մարմին մարդկային երկու շարժմունք ներհակականք. սաստիկ տանջումն, և կատարեալ երանութիւն: Հասարակաց զգայութիւն ստէ զնոցա անդայութիւն:

Մարմինն է դործարան հոգւոյ. ոչ բարւոք կարողանայ դործել հոգի, եթէ աւեր է դործարանն. և 'ի խափանիլ դործողութեանն՝ երջանկութիւնն մնայ խափան:

Ապա չէ կատարեալ երջանկութիւնն միայն 'ի բարիս հոգւոյ. բայց ոչ կատարեալ՝ և ոչ անկատար հնար է նմա լինել առանց երկուց յատկութեանց 'ի նա յարելոց, և 'ի միմեանց ծնելոց, այն են համեստութիւն և Զուարձութիւն:

Չէ երջանկութիւն, եթէ չէ համեստ. զի ծնանի սա յառաքինական ունակութեանց, որք են համեստ բարիք: Այլ

Համեստ լինել չէ հնար, թէ չիցէ զուարձալի. զի յատուկ է ունակութեան առնել զբործն բերկրական:

Ապա եթէ երջանկութիւնն է լրումն ցանկութեանց, հարկ է թէ իցէ և լրումն բերկրանաց. բայց բերկրանաց՝ որ պատուոյ են արժանի, և ոչ նշաւակ նախանձու. դոլով բարձրութեանն առաքինութեան առանց ամբարտաւանութեան, զուարձարար ստացողին՝ և ոչ ումեք մնասակար:

Ընդ այսց երկուց ձրից ներքնոց լծորդին երկու այլ ձիբք, որք չեն էականք, բայց յոյժ պիտեանք. Յաջողութիւնն և Ապահովութիւն:

Զի որպէս երջանկութիւնն չէ զուգակիր ընդ ցաւոց, նոյն պէս չէ զուգակիր ընդ երկիւղի. զի ոչ այնչափ ուրախ առնէ բարին՝ յոր ոք վայելէ, որչափ տրտմեցուցանէ չարն՝ յորմէ կասկածէ:

Գերագոյն երջանկութիւնն թուէր երջանկութիւն բռնաւորին Սիրակուսայ, ամենալիր յղփութեամբ բազմախորտիկ սեղանոյ, անչափ գրդանաց, և մեծաշուք պատուոյ. սակայն և այնպէս էր նա ամենաթշուառ. զի միշտ խորհէր 'ի վերայ գլխոյ իւրոյ սուսեր սուր կախեալ զդիւրախզելի ասղանեոյ: Զայնչափ ճշմարիտ քաղցրութիւնս դառնացուցանէր նմա երևակայութիւն վտանգի. և ամենայն անուշակ օշարակ թուէր նմա թոյն 6:

Այլ թէպէտ և այնչափ լինէր հաւատարմութիւն բախտի՝ կամ վստահութիւն մնաց, մինչև փարատել զամենայն երկիւղ, բայց քանի ձախորդութիւնք դիալին զորոց չէր ուստեք կասկած:

Զառժամայն երջանկութիւն այո՛ մարթ է կոչել ուրախութիւն, բայց ոչ երջանկութիւն. զի ուրախութիւնն է կայսուումն ինչ սրտի, այլ երջանկութիւնն է յարաձգեալ իմն յաջողուած: Նա չափի այժմեան առարկայինք, սա մնայուն ունակութեամբք. նա սկզբամբ, սա վախճանաւ:

Չէ աջողակ նաւարկութիւնն, որ պարզէ զառադասաս աջողակ հողմոց, եթէ ոչ հասուցանէ 'ի դէմ եղեալ նաւահանգիստ: 'Նա՝ չիք նաւաբեկութիւն աւաղելի՝ քան զայն որ պատահէ յետ աջողակ նաւորդութեան. և ոչ թշուառութիւն եղերական՝ քան զայն որ 'ի վերայ հասանէ կենաց բարելրութեան:

Վերջին գիծն է՝ որ Երկրաչափական ձեռոց դնէ անուն: Վերջին ունիոխին է՝ որ զընթացս Ոլիմպիական ասպարիզին առնէ բարեբախտ կամ դժբախտ: Վերջին օրն է՝ որ յայտ առնէ, արդեօք կրասոս և կրեսոս երջանիկ իցեն, թէ թքշուառ: Կաց մնա վախճանի՝ ասէր Աօղոն կրեսոսի. զի ոգործ վախճանն, և զտիւ երեկոյն առնէ գովելին:

Յասացելոց աստի հնար է քեզ գիւրաւ հաւաքել զբովան-

գակեալ և զկատարեալ սահման երջանկութեան ըստ մատց
Արիստոտելի, և ոչ Սաոյիկեանց, թէ Երջանկութիւնն է դործ
առաքինութեան հոգւոյ՝ մանաւանդ ամենակատարի, ոչ ա-
ռանց արտաքին և մարմնաւոր բարեաց իբր օդնչաց, ընկերե-
լով համեստութեան և զուարձութեան իբր լծորդաց, և յա-
րաձգական ապահովութեան և յաջողութեան :

Այս է հաւաքումն այն ամենայն բարեաց զոր արժան է,
կոչել գերագոյն բարի, բովանդակեալ երջանկութիւն, և
երանութիւն բնական, զի խօսիլ զերկնայնոյն ոչ է փիլիսո-
փայի, այլ բարձրագոյն ևս խոհականի 8 :

Գ Լ Ո Ւ Խ Գ .

*Բնոյիմադրութեանք առ այս սահման, և նոցին
պատասխանառութեանք :*

“ Զիարդ հնար է, ասիցես, թէ այդչափ այլ և այլ բա-
րիք ընդ այսչափ գժուարին պարագայս լծորդք՝ ընաւորա-
պէս ժողովեսցին ’ի մի մարդ : Կարի սակաւուց է մատչի
միանդամայն ’ի մէտ երջանկութեան և կենաց . և ’ի տաճարի
բախտի ’ի նոյն բախտէ թաղումն ընդունել : Եթէ մեծաց ա-
ռաքինութեանց պիտին մեծ Ճոխութիւն, մեծ զօրութիւն,
մեծ աւագութիւն . և եթէ աւագութիւն՝ զօրութիւն և Ճո-
խութիւն են բարիք ժամ ’ի ժամէ փոփոխականք, զիարդ հնար
իցէ ’ի վերայ անկայուն աւազոյս հիմնել զբարձր զայս աշտա-
րակ : Բախտն և ընութիւն պարգևատու են մեծամեծ իրաց .
այլ չեն երաշխաւոր իւրեանց պարգևաց :

” Ոչ ոք ’ի մարդկանէ երբէք առաւելաւ ամենայն բարեօք
որսէս զօգոստոս կայսր յարբունս հասակի : Ունէր մեծ ա-
ռաքինութիւն ընդ մեծի իմաստութեան, մեծ վայելս փափ-
կութեան՝ ընդ մեծի չափաւորութեան, մեծամեծ արարս՝
ընդ մեծի կորովութեան, մեծամեծ դանձս՝ ընդ մեծի ասկա-
հովութեան, մեծ ինքնակալութիւն՝ ընդ մեծի խաղաղու-
թեան, մեծ համակամութիւն կնոջ, բարեմտութիւն բարե-
կամաց, սէր ժողովրդոց : Եւ որ ոչ արդեօք պատահեաց այ-
լոց, իւր գերագոյն բարեբաստութիւնք՝ ոչ բախտի էին ձիրք,
այլ իւրոյ առաքինութեան : Սակայն և այնպէս յայնչափ մե-
ծամեծ բարիս սպրդեցին մտին անհնարին վիշտք՝ վասն յառա-
ջածանօթ չարութեան ժառանդաւորին, վասն խորաման-
կեալ մահու որդւոցն, և վասն խառն անկողնոց դստերաց :

” Ճշմարիտ երջանկութիւն թուի երջանկութիւն Ադղոյ-

ոոի⁹, զոր կոչեաց պատգամախօսն՝ երջանիկ քան զամենայն մարդ. զի անձին միայնոյ էր ծանուցեալ. վասն որոյ և չէր կարող կրել կամ առնել ինչ վաս. սակաւ ինչ ունէր, և ոչ իմիք այլ ըղձանայր. և մշակեալ զեւր փոքրիկ անգ՝ բաւական 'ի սնունդ իւրոյ մշակողին, անդէն ծնաւ՝ սնաւ և մեռաւ. և ոչ երբէք ել անափ:

„Ապա շատ էր սահմանել զերջանկութիւնն՝ կէանտ ինչ անմել և գոհ, իբրեւ զկեանս ոսկեղէն դարուն 10: Եւ զսորին հակառակն՝ թուի թէ երջանկութիւնս սահմանեալ յԱրիստոտելէ՝ իցէ մտացածին ինչ, և ոչ իրական. կամ թէ իմաստասիրութիւն բարոյական օդտակար իմն իցէ. այլ ոչ հարկաւոր. որովհետեւ վախճանի նորա՝ առ որ պիտին այսչափ բարիք, հնար է ցանկալ, այլ ոչ ակն ունել,,:

Արդ կամ է ինձ զիջանել առ կարծիսդ, թէ երջանկութիւնն նկարագրեալ 'ի փիլիսոփայէն՝ է չքնաղագիւտ և վաեմական ինչ դաղափար. բայց և այնպէս յայս գաղափար դէտակն ունի իմաստասիրութիւնն բարոյական. զի որ ոչն կարողանայ հասանել յայն, գէթ մօտ մատչիցի:

Նաւուղիղն որ ոչ կարէ ընթանալ լիուլի հողմով, ընթանայ կիսոյ կիսով. և թէ առագաստն ոչ դարձուցանէ զամենայն զգոդ իւր ուղղագիծ հողմոյ, պարզի փոքր մի կողմնակի. և զամենայն հնարս հնարի, միայն թէ զնաւն յառաջ վարեսցէ: Սոյնօրինակ զիմաստութիւն, զատենախօսութիւն, զբանաստեղծութիւն, և զպատկերահանութիւն ուսուցանեն յայս միտս, զի որ տկարանայ 'ի գլուխ ելանել, գէթ ելցէ ուր կարող իցէ: Եւ թէ չէ Ապեղէս 'ի նկարել զդիւցազունս, լիցի Վուգիոն 'ի նկարել զեղնավարս 11:

Իմաստասիրութիւնն բարոյական տեսեալ թէ մարդն է կենդանի ընկերական, և ոչ վայրենի, զկանոնս իւր կարգէ տիրապէս առ կեանս քաղաքական. որում անկ են մեծամեծ բարիք վասն մեծամեծ առաքինութեանց, որք հային 'ի հասարակաց օդուտ. որսլիսի են առատաձեռնութիւն, մեծադորձութիւն, վեհանձնութիւն, քաղաքական և զինուորական առաջնորդութիւն:

Սակաւ բարիք սլիտին Ագղայոսի մենակեցի, զի շատ են նմա փոքր առաքինութիւնք: Երջանկութիւն ոսկեղէն դարուն շատ էր աշխարհինորածնելոյ, յորժամ միապէս երջանիկ էին հովիւք և խաշնք, և չէին մի քան զմի վերագասհայց: յառաւելուլ աշխարհի՝ հարկ եղեւ առաւելուլ և առագութեանց, արուեստից և գիտութեանց. և սկիզբն առին ընդ մեծաց մոլութեանց մեծամեծ առաքինութիւնք:

Ստոյդ է թէ իմաստասիրութիւնն իսկ ուսուցանէ զկանոնս միայնաւոր կենաց՝ վասն նորա, որ ծնաւ միայն վասն իւր. զի թէ չէ յանկաւոր լիուլի երջանկութեան մեծին Օգոստոսի,

գիթ վայելեսցէ առանձինն ՚ի հանդարտութեան աղքատին
Վգայոսի:

Որ չէ ձեռնհաս ստանալ զայն՝ որում ցանկայ, այնու ցան-
կասցի զոր կարօղ իցէ ստանալ: Եթէ բարիք բախտի նուազ
են քան զպիտոյն, շատասցի բարեօք բնութեան որ սակա-
ւուք շատանայ. և թէ սոքա փոքր են քան զցանկութիւն.
վայելեսցէ յիւր առաքինութիւնս որք են աներկեան. և թէ
չէ կարօղ գործել զմեծամեծ առաքինութիւնս, արկցէ ՚ի
գործ զփոքունս: Բայց եթէ ոչ միայն բախտն և բնութիւնն
ստրջասցին ընդ պարզեւս իւրեանց, այլ և թշնամին, բոնա-
ւորն, և վերին հրամանն իսկ միաբան զինեսցին ընդդէմ առա-
քինւոյն, ոչ միայն մերկեալ զնա յամենայն բարեաց, այլ և
ծանրաբեռնեալ ամենայն չարեօք, չքաւորութեամբ, հիւան-
դութեամբ, գմնդակ ցաւովք և անողորմ տանջանօք, չա-
սեմ զԱտոյիկեանցն՝ թէ չարիքն իցեն բարիք, այլ թէ ՚ի չա-
րիս անդ հնար է վայելել ՚ի մեծամեծ բարիս: Չասեմ թէ ա-
ռաքինին այնպէս երանելի իցէ ՚ի ցուլ ֆաղարեան, որպէս ՚ի
բայեան բաղանիս 12. այնպէս խրախամիտ ՚ի սուսերս և յա-
նիւս, որպէս ՚ի փափուկ անկողնի և ՚ի վարդենիս. և կամ թէ
նախանձելի իցէ և ոչ ախտակցութեան արժանի: Այս լիներ
յեղափոխել զբառս՝ ՚ի հաւատացուցանել զանհաւատալիս:
Այլ ասեմ, թէ յայնժամ տանջեալ առաքինին այս թշուառ
է, բայց ոչ այնչափ՝ որչափ տանջանաւոր մոլին:

Երկու ինչ ուսուցանէ խմաստասիրութիւնն բարոյական.
յանձին բերել զբարիս և համբերել չարեաց. վայելել չա-
փաւորապէս ՚ի յաջողութեան, և տանիլ արիաբար ձախոր-
դութեանց: Անհնար է երջանկութեան լինել առանց առա-
քինութեան. բայց հնար է առաքինութեան լինել առանց
երջանկութեան: Աղաղակ բարձցէ, յոդւոց հանցէ ՚ի տան-
ջանսն, զի մարդ է. բայց զի առաքինի է՝ զգեցցի քաջալե-
րութիւն ինչ, յորմէ լվէալ է մոլին: Մխիթարեսցի անմեղու-
թեամբ իւրով և առաքինութեամբ, գիտելով թէ զսա միայն
յոչ կամաց բախտի և բնութեան և բոնաւորին և մահու՝ ընդ-
փոյթ տարցի ընդ իւր յանցանելն ՚ի գերեզման, թողեալ
յերկրի գերապանծ պարծանս:

Չայս ուսուցանէ խմաստասիրութիւնն բարոյական՝ յու-
սուցանելն զառաքինութիւնս: Ոչ փոքր գիտութիւն է գի-
տել թէ է թշուառ:

ԳԼՈՒԽ. Դ.

Յաղագս թէ զինէ իցէ առաքինուրիւնն բարոյական :

Ամենայն ստեղծեալ գոյացութիւն ունի ինչ սեպհական գործողութիւն. և ամենայն կարողութիւն գործողական՝ ընդհանուր անուամբ կոչե ջօրութիւն, այսինքն է կարողութիւն և ոյժ գործելոյ: Ի զօրութեանց աստի ոմանք են ընդաբոյսք և հարկաւորք, և ոմանք կամաւորք և ստացականք: Չիք ինչ քար, կամ տունկ, կամ ճճի, որոյ չիցէ բնաւորապէս գաղտնի ինչ զօրութիւն՝ յայտնի և զարմանաւոր գործոց արտադրիչ, կամ առ իւր սլահպանութիւն, և կամ 'ի նակասաւորութիւն ազգի մարդկան, յոյր սակս աշխարհ ամենայն է 'ի վաստակս:

Անթոր խոտ՝ ունի զօրութիւն թափելոյ զթոյն նապէլ խոտոյ, վիմահերձ բոյս՝ անմուրձ հերձու զքարինս. մագնիս՝ անձեռն գողանայ զերկաթ. թմրաձուկն անչուան կապէ ըզձկնորս. և ձուկն նաւակալ անհեղոյս բեեռէ ընդ ալիս զարդ ընթաց նաւս:

Մարդկան իսկ ետ բնութիւնն զգօրութիւն զստորաքարշ ըստ խառնելոց, զամեցուն ըստ անկոց, զզգայական ըստ անսմնոց, և զիմացական ըստ հրեշտակաց, բովանդակեալ 'ի նմա միայնում զբնական զօրութիւնո բովանդակ աշխարհի:

Այլ բաց յայսց՝ հերակլեայ ետ ուժգին զօրութիւն, հեղինեայ զաննաման գեղեցկութիւն 13, և այլոց՝ զօրութիւնս զարմանաւորս առանձինն. զի յԱղեքսանդրէ բուրէր, ասեն, հոտ, Տիբերիոս աեսանէր 'ի գիշերի, Պիւռոս բժշկէր զախտս հպելով, Աթենագորաս խաղայր ընդ իժից անիվստ. և այլոց առւան պէսպէս զօրութիւնք, որք որչափ առաւելուն զզարմանս տդիտաց՝ այնչափ նուազեն զստուգութեանն հաւատս: Սոքա են զօրութիւնք այս գործողականք, բայց բնականք. ուստի և հարկաւորք և ոչ ստացականք. 'ի բղիել բնաւորապէս զօրութեանն յէռութենէ, և գործողութեանն 'ի զօրութենէ: Բայց թողեալ զայսոսիկ բնաւոր զօրութիւնս, կամաւոր և ստացական զօրութիւնք, որք տիրապէս կոչին Առաքինութիւնք, են այնք զորս ընծայէ մարդ անձին, տպաւորեալ յինքեան յերկարաւոր մարզութեամբ զորակութիւն ինչ գործադրիչ վսեմական գործոց՝ որ սեպհական են մարդոյ:

Այս զօրութիւնք կամ առաքինութիւնք են 14 որք իսկա-

գոյն և պահծագոյն ևս անուամբ կոչին առաքինական ունակութիւնք կամ ունակական առաքինութիւնք . իբր զի են գեղեցիկ պատմուժանք և մեծագին զարդք հոգւոյ , պատուականք քան զբանական զօրութիւնս . զի ընականքն են ձիրքընութեան , իսկ սոքա ստացեալք ջանիւ : Յայց ստացական առաքինութեանց ոմանք են խմացականք , և ոմանք բարոյականք :

Խմացականք այնք են , որք կատարեն զհայեցողական կամ զգործնական միաս 'ի կարդի առ գիտութիւնս և առ արուեստս : Բարոյականք են այնք , որք կատարեն զգայական և զբանական բաղանս . այսինքն է զիիրս և զկամս 'ի կարդի առ բարի բարս . որպէս անունն իսկ յայտ առնէ :

Զի խմացականքն ստացեալ լինին կանոնօք . բայց բարոյականքն ստացեալ լինին առաւելապէս դաստիարակութեամբ և սովորութեամբ : Նոքա առաւելուն տարածմամբ՝ յարելով կանոն առ կանոն . իսկ սոքա առաւելուն ստատիկութեամբ՝ յարելով ներգործութիւն 'ի ներգործութիւն , որպէս ցուցցի յիւրում կարդի :

Թէ արդարե հայիմք յենթակայն ունակութեան , խմացականքն են պատուական քան զբարոյականս . զի միտքն է պատուական քան զբաղանս : Այլ թէ հայիմք 'ի վախճանն , բարոյականքն են պատուականագոյն քան զիմացականս . զի խմացականքն առնեն բարի զգործն , իսկ բարոյականքն առնեն բարի զգործօղն :

Արուեստն պատկերահանութեան առնէ գեղեցիկ զպատկերն . այլ ոչ առնէ բարի զպատկերահանն . զի խմացական բարութիւնն չափի 'ի կանոնաց արուեստին . բայց բարոյական բարութիւնն չափի 'ի համեստութենէ զիսաւորութեան :

Ոչ ոք եղե գիտուն քան զիւրացողն Յուլիանոս . բայց ոչ ոք ապիրատ քան զնա : Գիտէր բարւոք խօսել , այլ ոչ կամեր բարւոք գործել . նա՝ զգիտութիւն իւր վարէր միայն 'ի գործել զշար : Էր երկկերպարան կենաւորս , կէս մարդ և կէս գաղան . զի զմիտս ունէր ովզ , և զկամս՝ անառողջ 15 :

Թէպէտ մոլեկան ունակութեան չէ հնար լինել առաքինական , և ոչ առաքինական ունակութեան՝ լինել մոլեկան , բայց գործ ինչ յանկարծակի այլափոխեալ , հնար է թէ փոխեսցի յառաքինականէ 'ի մոլեկան , կամ 'ի մոլեկանէ յառաքինական , 'ի փոխիլն վախճանի և դիտաւորութեան :

Դրօշէ Պրաքսիտէղէս 16 զգնիդեանն Ափրոդիտէ , դրօշէ Փիդիաս զԱթենականն Աթենաս . Երկոքին իսկ սոսկապէս առ 'ի գործ գնել զիւրեանց ճարտարութիւն : Այս գործք են խմացականք , այլ ոչ բարոյականք , գերակատարք ըստ արուեստին , այլ անտարբերք ըստ բարուց : Բայց թէ Պրաքսիտէղէս դրօշէ զԱփրոդիտէ 'ի գրգիռ ցանկութեան , և Փիդիաս

դրօշէ զԱթենաս 'ի յորդոր համեստութեան, այն գործք ի մացականք և անտարբերք՝ լինին գործք բարոյականք, և յարուեստաւորացն՝ մին լինի վաւաշ, և միւսն համեստ:

Ապա բարութիւնն իմացական հաստատի յընթացակցութեան պարագայից, որք զգործն առնեն բնապէս կատարեալ ըստ արուեստին: Իսկ բարութիւնն բարոյական հաստատի յընթացակցութեան պարագայից, որք զգործն առնեն բարոյապէս կատարեալ ըստ վարուց և ըստ համեստութեան, այսինքն յորժամ առարկայն է բարոյապէս բարի, գիտաւորութիւնն բարի, և միջոցքն բարի:

Կանդնել զտաճար ինչ աստուածոց սաոց է գործ մոլեկան ըստ առարկային: Կանդնել զտաճար Աստուծոյ Ճշմարտի՝ բայց 'ի մնութի ցոյցս բարեպաշտութեան, է գործ բարի ըստ առարկային, այլ մոլեկան ըստ դիտաւորութեան: Կանդնել զտաճար Աստուծոյ Ճշմարտի, զի պաշտեսցի, բայց 'ի յափըշտակեալ դրամոց, է գործ բարի ըստ առարկային, բարի ըստ դիտաւորութեանն, այլ մոլեկան ըստ միջոցին, որ զմեծաշէն գործն վոխէ 'ի չարաշէն: Վասն այսորիկ՝ որպէս զի գործ ինչ լիցի բարոյապէս բարի, պարս է ամենայն համեստ պարագայից ընթացակցիլ ընդ այն, այլ 'ի լինել մոլեկան՝ շատ է միոյ միայնայ 'ի սոցանէ պակասութիւն:

Տես արդ զի թէպէտ և ենթակայ բարոյական իմաստասիրութեան է առաքինութիւնն, ստկայն ոչ ամենայն առաքինութիւն ընդ դրօշակաւնորա զինուորի: Չէ ճշմարիտ առաքինութիւն, բայց այն՝ որում թշնամի է մոլութիւն. և ոչ ճշմարիտ մոլութիւն, բայց այն՝ որում լծորդ է տգեղութիւն: Ասլա 'ի բաց անկանին 'ի բարոյական գիտութենէ բնաւոր առաքինութիւնք. զի որովհետեւ ոչ է մարթ ստանալ զնոսասեպհական զօրութեամբ, այլ են պատուաստ 'ի բնէ, 'ի զուր է ուսուցանել զայն, որ ընդաբոյս է 'ի մարդ՝ առանց ուսանելոյ: Եւ անմարթ է զնոսա հոմանունակի կոչել առաքինութիւնս. զի որպէս բնաւոր պակասութիւնք չեն մոլեկանք, նոյնպէս բնաւոր կատարելութիւնք չեն առաքինականք: Հանձարաւոր է մեղու, յառաջտաես է մրջիւն, գթած է արագիլ, մեծասիրտ է առիւծ. բայց և ոչ մի 'ի ձրիցս է 'ի նոսա առաքինութիւն բարոյական, զի չէ կամաւոր:

Ի բաց անկանին և իմացական առաքինութիւնք մեքենականք, որպէս արուեստք՝ որք չեն ազատական. նկարչութիւն, քանդակագործութիւն և դարձնութիւն. զի թէպէտ մարդիկ կամաւ ստանան զնոսա, բայց որպէս ասացաւ՝ հային նոքա 'ի լաւութիւն գործոց արտաքնոց և ոչ 'ի ներքին բարութիւն անձին: Ի սիսալել արուեստաւորին յարուեստի՝ ոչ վասն այնր սիսալէ 'ի բարի վարս. լինի այո արուեստաւոր յոռի, այլ ոչ մարդ չար: Մանաւանդ թէ՝ որ սիսալէ կամաւ յարուեստին,

չէ արուեստաւոր յոռի, բայց որ կամաւ սխալէ՝ ի բարի վարս, ստուգութեամբ մոլի է և զեղծ։ Արժան է յեղաշըջել կամաւ զկանոնս նկարչութեան՝ ի նկարել զհրէշ ինչ. այլ չէ արժան յեղաշըջել զկանոնս բանին՝ ի գործել ինչ գործ անհամեստ։

Առաքինութիւնք արուեստից դասին՝ ի կարգս օդտակար և բերկրական բարեաց. զի ծառայեն գիւրութեան կամ բերկրութեան մարդկային կենաց. այլ բարոյական առաքինութիւնք են համեստ և ազնուական բարիք. վասն զի են ըստ ինքեանց ցանկալի։ Սմին իրի գին այնց գործոց դրամօք չափի, բայց բովանդակ ոսկի աշխարհի՝ ըստ ասից Կրիտողայոսի՝ չէ հանգիտակշիռ փոքու իմն առաքինութեան բարոյականի։

Յաւելում ասել թէ և ոչ ազատական արուեստք, և ոչ այլ գիտութիւնք՝ ի բարոյական առաքինութեանց են սակի, զի թէպէտ ազնուականք են և արգոյք, բայց առնեն զմարդն գիտուն և ոչ բարեմոյն։ Երկու մասունք են բանականութեան՝ մարդ. Ըմբռնողական՝ որ ճանաչէ զՃշմարիտն, և Բաղձողական՝ որ զհետ երթայ բարւոյն։ Գիտութիւնք թէպէտ և վսեմականք՝ կատարեն միայն զառաջինն. այլ բարոյական առաքինութիւնք կատարեն միանգամայն զերկոսին. զմին խոհեմութեամբ, և զմիւսն այլովք առաքինութեամբ։ Մեծ իմաստութիւն է գիտել լինել բարի։ Եւ թէպէտ իմացական առաքինութիւնք են կտմաւորք՝ ի ստանալն, բայց ոչ վասն այնը կոչին ընտրողականք՝ ըստ ներքին պայմանի բարոյական առաքինութեանց. զի չէ յազատութեան մարդոյ՝ առնել, զի գիտութիւնն իցէ Ճշմարիտ կամ սուտ. բայց էյազատութեան նորա առնել, զի գործն իցէ բարոյապէս բարի կամ չար։ Թող զի զունակութիւնս գիտութեանց հնար է մարդոյ վարել՝ ի չարն կամ՝ ի բարին. որպէս զՃոխութիւն, զոյժ, զզէնս և զերիվարս. բայց զունակութիւնս բարոյական առաքինութեանց անհնար է մարդոյ վարել՝ բայց եթէ՝ ի բարին. զի ունակութեան չէ հնար լինել բարի, եթէ վախճանն է չար։ Ապա չէ ամենայնիւ բարի այն՝ զոր հնար է վարել և ՚ի չարն։ Չէ ամօթ հողագործի և եղնավարի լինել տգէտ։ Բայց ամօթ է նոցա լինել մոլի. զի ամենայն մարդիկ չեն պարտական լինել գիտուն, այլ լինել բարի ամենեքին են պարտական։

Նոյն ինքն աստուածութիւնն՝ գլխովին իմաստութիւն և բարութիւն՝ ի կամս հայեցեալ և ոչ՝ ի զգօնութիւն, անօրինէ զիւրոց փառաց զհատուցումն, ոչ ըստ չափու տեսական գիտութեանց, այլ ըստ չափու բարոյական առաքինութեանց։ Եւ ոչ փոխարէ վարձս այնմ՝ որ գիտէ, այլ այնմ որ առնէ։ Ապա որպէս որ առասական յորջորջմամբ կոչէ մոլու-

թիւն, նշանակէ զբարոյական մոլութիւն, նոյնպէս որ առասական յորջորջմամբ կոչէ առաքինութիւն, նշանակէ զբարոյական առաքինութիւն։ Զի ներհակն ներհակաւ ճանաչի։ Յայսմ՝ ամենայնէ որ ասացաւ, մարթիս հաւաքել զբովանդակեալ սահման բարոյական առաքինութեան ըստ մտաց Արիստոտելի այսպէս։ Բարոյական առաքինութիւնն է ունակութիւն ինչ ընտրողական՝ 'ի բաղձողական կարողութեան։ որ արամադրէ զմարդ՝ 'ի գործել զհամեսոս՝ ըստ թելադրելոյ խոհեմութեան։

ԳԼՈՒԽ Ե.

Յաղաց յատկուրեան բարոյական առաքինուրեան։

Եական յատկութիւն բարոյական առաքինութեան է լինել պատուելի, որպէս և մոլութեանն լինել դսրովելի։ Պատիւն ըստ փիլիսոփայից՝ է արտաքին ինչ նշան յարգի համարման, զոր ներքուստ ունիմք առ գերազանցութիւն ուրուք։ իսկ անարգանքն է նշան ինչ անգուսութեան, զոր ներքուստ ունիմք առ անարգութիւն ուրուք։ Գերազանցութիւն է արժանաւոր յարգի, և յարգն է վարձ արժանաւորութեան։ Բայց քանզի յարգն է աներևոյթ, լիներ աներևակ արժանաւորին, եթէ պատիւն չլիներ վկայ երևելի՝ աներևոյթ յարգին։ Ապա գերազանցութիւնն պատճառէ զզարմանս, զարմանքն զակնածութիւն, և ակնածութիւնն զերկիւղ ինչ պատկառանաց՝ իբր ստորագունի ուրուք առ վերագոյն ոք։ և այս բովանդակ կոչի Յարգութիւն։ Ի յարգութենէ աստի ծնանին արտաքին նշանքս։ գովութիւնք, խոնարհել զպարանոցս, ծափ, արմաւենիք և պսակք։ և այն է Պատիւ։ Բայց այս ինչ ընդ մէջ է պատուոյ և գովութեան։ զի պատիւն հայի 'ի ներքինն անձին։ իսկ գովութիւնն հայի յարտաքին գործս։ Պատիւն յարգէ զբարոյական գերազանցութիւնս, իսկ գովութիւնն մեծ համարի և զբնական կատարելութիւնս։ Մինչ բազում ինչ իրք արժանի են գովութեան, այլ ոչ պատուոյ, որպէս ասասցի զկնի։ Ապա գերազանցութիւնն է 'ի պատուեալն և ոչ 'ի պատուօղն։ և պատիւն է 'ի պատուօղն, և ոչ 'ի պատուեալն։ Բայց թէպէտ պատիւն՝ արտաքին բարի իմն է առաքինւոյն, սակայն և այնպէս՝ լինելն պատուելի է ներքին բարի առաքինութեան։

Այս ամենայն է ամենայնիւ ճշմարիտ։ Բայց արժան է քեզ առնուլ 'ի միտ, զի գերազանցութիւն է անուն ինչ հոմ, որ հնչէ 'ի պէսպէս միտս։ Ասսն այսորիկ՝ այնմ՝ որ մատամբ ցուցեալ

զյարդելի ոք ծերունի՝ ասաց . Սա է գերազանց վիլխոսփայ . պատասխանի ետ ոմն ծաղրածու ցուցանելով զայլ ոք . Եւ սա է գերազանց ոք խոհակեր : Իւրաքանչիւր ոք մեծ համարի զայն որ ըստ ըղձի : Եւ վասն զի բազումք 'ի մարդկանէ են մոլորադատ , գերազանց համարեալ ոչ զառաւելեալն յառաքինութեան , այլ զօդտամատոյցն և զբերկրականն , յիմարաքար պատուեն զտրհամարհն և արհամարհն զպատուականն : Բայց թէ ուղիղ դատիմք , ասէ Արքատութէլ , միայն տռաքինութիւնն է արժանի պատուոյ , որպէս և միայն մոլութիւնն է արժանի անարդութեան :

Համեստութիւնն և պատիւ ձեռն 'ի ձեռն տան , և զոյգ գընան . և զի միայն առաքինութիւնն է համեստ բարի , որպէս ցուցաւ , միայն առաքինութիւնն է բարի պատուոյ արժանի :

Յայտ է թէ որպէս ծիծաղին յատուկ է մարդոյ , այլ փոխադրութեամք ասի զզուարձալի դաշտաց և զընորհաշուք ծաղկանց և զպարզ օդոց , սոյնակէս պատիւն է յատկութիւն բարոյական առաքինութեան միայն , բայց նմանութեամք ընծայի և բնաւոր զօրութեանց տնկոց և անտանոց :

Կզաւդիանոս 1 ։ գովեաց զոզնի որպէս զքաջ զօրական ինքնազէն . Սիմոնիդէս յօրինեաց գովեստ 'ի վերայ ջորւոյն յազմականի յընթացո ողիմպիական խաղուց՝ նախանձ արկեալ Վերդիլեան գովասանութեան 'ի վերայ արագոտն կամիլլայի . Թեմիսոն գովեաց զջզախոտն . Ասկզեսիադէս՝ զԱրտեմիսիտ . Փանիաս զեզինջն : Եւ ոմանք անցեալ զկոպարաւ գովութեան՝ ձիոց և շանց քաջաց կանգնեցին արձանս , բրդունս և շիրիմս : Բանաստեղծական հանձարն , որ մտացածին սքանչելեք շնչաւորէ զանշունչս , և անշնչացուցանէ զընչաւորս , փոխաքերեալ զսեպհականն գերազանցութիւն առնմանականս՝ ձևացուցանէ , թէ որ ինչ է յօդուտ՝ է առաքինութիւն շահեկան , և որ ինչ 'ի մնաս , ժանառութիւն մոլեկան : Այլ դոյն իսկ փոխաքերութիւն ցուցանէ թէ ճշմարիտ պատիւն է սեպհական բարոյական առաքինութեան միայնոյ . իբր զի ըստ այնմպատուին այն տունկք և անասունք , ըստ որում համարի թէ բնաւոր որակք նոցա պատկեր են բարոյական առաքինութեանց :

Զնոյն ասեմ և զմարդկանէ ըստ բնաւոր ձրից . որ չեն ստացեալ 'ի նոցանէ , որպիսի են գեղեցկութիւն և ոյժ : Մարթէ բնաւոր ձրիցս լինել նիւթ գովութեան , այլ ոչ պատուոյ . քանզի որպէս զի լիցի ինչ գովելի , շատ է նմա բնաւոր կատարելութիւն յինչ և իցէ սեռի . այլ առ 'ի լինել պատուելի սիտի բարոյական բարութիւն անձին : Այն զի՝ գովութիւնն հիմնեալ 'ի բնական առաքինութիւն և ոչ 'ի բարոյականն , չէ գովութիւն ճշմարիտ , և ոչ գովութիւն սեպհական մարդոյ : Որ գովեացն զանվանելի զօրութիւն Ազկիդեայ 18 և զգեղ յափշտակելոյն Հեղինեայ , ոչ գովեաց զնոսա , այլ զբնու-

թիւնն ՚ի նոսա . որ նոյնպէս գովելի է ՚ի ցուլ և ՚ի սիրամարդ : Ի ձահ ասաց բանաստեղծն Ովկիոս . Այն որ չէ արարետը ՚ի մէնջ , միթէ ասիցի՞ մեր :

Բայց եթէ որ բնաւորապէս ունի զայսոսիկ ձիրս , առաքինօրէն ՚ի կիր արկցէ , յայնժամ ոչ միայն արժանաւորի ճշմարիտ գովութեան , այլ և ճշմարիտ պատուոյ . զի թէպէտ և որակութիւնն է ընդաբոյս և բնական , բայց գործածութիւնն է կամաւոր և բարոյական :

Մէքենական արուեստք , որպէս գարբնութիւն , նկարչութիւն և քանդակագործութիւն , են արժանաւորք մեծի գովութեան՝ քան զբնաւոր զօրութիւնս . զի են փոքրիկ առուակինչ խմացական առաքինութեանց և ստացականք : Եւ ՚ի մէջ այնց այնք առաւել են գովելի , որոց գործք առաւել են կատարեալ . և գործքն են առաւել կատարեալ , յորժամ առաւել հազորդին ազատական արուեստից :

Այսպիսի է նկարչութիւն , որ ընդհայեցողութեան սկըզբամբք երեւեցուցանէ զհեռաւորն մօտաւոր , և զոււան ճշմարիտ . և անուաւոր ժամացոյցն , յորում զօղեալ զարմանալի ինչ հանձար՝ հոլովէ զերկնային պարունակս ՚ի փոքրիկ տփի : Եւ ձեռակերտն Արքիտասայ , որ ընթացուցանէր ընդ երկիր զարձանս , և թուուցանէր ընդ օդս զփայտակերտ թուզունս : Այլ թէպէտ այս արուեստք են զարմանալիք և գովութեան արժանիք , բայց չեն արժանաւորք ճշմարիտ պատուոյ , զի գերազանցութիւն նոցա առնէ բնաւորապէս բարի զգործն արտաքին , այլ ոչ առնէ բարոյապէս բարի զարուեստագէտն : Վասն այսորիկ ձեռադործացնոցա ոչ հատանի գին պատուով , այլ փողով , զի են պիտանի , այլ ոչ սկատուելի . արգոյ առնեն զբախան , այլ ոչ զանձն : Չէ ճշմարիտ սկատուելի բարի , բայց այն միայն՝ որ պարագրէ յինքեան զամենայն պիտանութիւն և զբերկրութիւն , և մեծ համարի միայն վասն իւրոյ սեպհական բարութեան : Ճշմարիտ առաքինութիւնն չէ վարձկան : Գերազանցութիւն Արիստիդեայ 19 ՚ի նկարչութեան՝ հնար է թէ չափեսցի գնովք գործոց իւրոց . զի զմի և թյայնց գնեաց արքայն Ատտաղոս հարիւր տաղանդաց արծաթոյ և չգնեաց զայն թանկադնոյ : Մարթ էր Արիստիդեայ այնու արծաթով գնել արձան մի ոսկեղէն . բայց եթէ արքայ պատուեալ էր զԱրիստիդէս ոսկի արձանաւ , մարթ էր երկուանալ՝ ոյր արդեօք առաւելուցու հանձար , արքային թէ արձանին : Եւ իւ հնար էր այնուհետեւ պատուել զարիութիւն Տիմոլէսնի ազատչի հայրենեացն 20 : Բայց թէպէտ և ՚ի պատիւ Արիստիդեայ՝ որպէս Տիմոլէսնի , կանգնեալ էր արձան ոսկի , ոսկի արձանին Արիստիդեայ առ ոսկւով արձանին Տիմոլէսնի՝ լինէր ոսկեպղինձ . կերպարանն նուաստացուցանէր զնիւթն :

Բազում ինչ է ընդ մեջ պատռոյ և պատռոյ, որպէս գերազանցութեան և գերազանցութեան: Դաքնի պսակաւ պատռին բանաստեղծք և յաղթանակողք. բայց բանաստեղծից դաքնի առ դաքնեաւ յաղթանակողաց է չնչին իմն. զինա պսակ է ճարտարութեան մտաց, և սա արխական հոգւոյ:

Դորին աղագաւ հարկ է ասել, թէ թէսկէտ միտքն է կարողութիւն ազնուագոյն քան զբաղձանս, սակայն և այնպէս առաքինութիւնքն որք կանոնաւորեն զբաղձանս բարի վարուք, են առաւել պատռելի քան զառաքինութիւնս որք լուսաւորեն զմիտս վսեմական հայեցողութեամբք: Քաղեսցեն միտք որչափ վարդապետութիւնս սերմանեալ իցեն Պղատոն՝ ի զուարթարար բուրաստանս Ակադեմիոյ, և Արխատութէլ՝ ի փոշոտ Ճեմարանս Լիկեոնի 21. տարրասցին յայն դլուխ ամենայն գիտութիւնք՝ որպէս յակատն Պիւռոսի 22: Զինչ պարծանք իցեն գիտել զամենայն զարտաքինս և զեթերականս, և չճանաչել զանձն. զինչ պատիւ իցէ լի լինել գիտութեամբք և թափուր յառաքինութենէ. զինչ է մոլի գիտունն, բայց եթէ գրաստ գրաբարձ:

Ապա մեծապէս գովելի են հայեցողական գիտութիւնք: այլ չեն իսկութեամբ պատռելիք. բայց միայն զի արբանեկեն բարոյական առաքինութեանց և կամընդնոսա լծորդին: Սերտ դաշնաւոր են միմեանց բաղձողականն և իմացականն, որպէս լուիցես յառաջակայդ: Չէ հնար լիով լուսաւորիւ մտաց, ցորչափ սիրան է վարակեալ կրիւք. և ոչ փարատել հնար է զամաս կրից, թէ ոչ պայծառ շողողեն շառաւիդք մտաց: Վասն այսորիկ թէսկէտ յիմացական առաքինութիւնս՝ խոհեմութիւնն ստոր է յազնուութեան քան զհայեցողական գիտութիւնս՝ ի սակս ենթակային, զի իմաստութիւնն դադարէ՝ ի հայեցողական և յընդհանուր միտս, իսկ խոհեմութիւնն՝ ի գործնականն և ՚ի մասնաւորն. սակայն և այնապէս խոհեմութիւնն է առաւել պատռելիք. զի չափու ուղիղ բանին կանոնաւորեալ զկիրս՝ ինքն միայն է առաքինութիւն բարոյական յիմացականս, և իմացական՝ ի բարոյականս, որպէս տեսցես յիւրում տեղւոջ:

Ապա խոհեմութիւնն է թագուհի գիտութեանց և գիտութիւն թագաւորաց. զօրացեալ իշխանութեամբ և շքեղացեալ ծիրանեօք, ոչ պատռեալ միայն՝ ի ժողովրդոց, այլ և երկըրպագեալ: Վասն զի յանդործ նստիլ հայեցողական գիտութեանց՝ ՚ի նկատել զերկինս, սա օգտակար օրինօք հաստատէ զակրութիւնս և ուղղէ զաշխարհ: Վասն այսորիկ տեսանեմք զիմաստունս պատառուուն ձորձով մուրանալ առ դրունս խոհեմաց:

Վսեմամիտ փիլխոփայ էր՝ ՚ի տեսականս մեծն Դեմետր Փաղերացի 23, և ՚ի պատիւ նորա կանգնեալ էին արձանք ըստ

աւուրց տարւոյ. բայց չընկալաւ զայն պատիւ որպէս փիլիսոփայ, այլ որպէս խոհեմ. զի զամս տասն հաստատուն կալաւ իմաստութեամբ իւրով զհասարակապետութիւն Աթենացւոց, որ մերձ էր 'ի կործանումն : Մեծ գիտուն էր Սողոն. բայց հասանել նորա 'ի գերակայ պատիւ չեղե գիտութեամբ այլ խոհեմութեամբ, զի գաղափարեալ յիւրոց բարուց օրէնսք քաղաքականս՝ ջնջեաց զանմարդի և զբոնական օրէնս վայրենամիան Դրակոնի շահութեամբ, թող զի ամենայն գիտութիւնք թէպէտե աղնիւք և աղատք. գաղտնի հանգուցիւք շղթայօրէն աղխաղխեալ են ընդ միմեանս . բայց առաջին օղ շղթային է 'ի ձեռին բարոյական առաքինութեան : Ամենայն գիտութիւնք գործնականք առաջնորդեն առ տեսականս . և ամենայն տեսական գիտութիւնք բնականք՝ բնաւորապէս առաջնորդեն առ ճանաչումն արարչին բնութեան 'ի սկաշտել զնա . և այս գերապանծ առաքինութիւնն բարոյական՝ է վերջին վախճան իմացական առաքինութեանց, որք յայտմ վախճանէ ընդունին զիւրեանց պատիւ :

Ապա յասացելոց աստի խմա, թէ որպէս մոլութեան միայնոյ անկ է Ճշմարիտ գորովումն, նոյնպէս Ճշմարիտ պատիւ և գերագոյն գովսւթիւն անկ է միայնոյ բարոյական առաքինութեան, որ պատիւ է աստուածայնոյն . սմին իրի և յաչս Աստուծոյ մեծարդի է և վարձուց արժանի : Վասն այնորիկ իմաստութեամբ սահմանեցին բարեկարգ հասարակապետութիւնք մեծամեծ պատիւս և հանդիսական գովեստս արանց քաջաց և առաքինեաց, և 'ի ձայն փողոյ քարողէին 'ի հրապարակս զարիական գործս քաղաքացւոց : Այն պատիւք էին հարկք առաքինութեան, և գորովանք մոլութեան : Հնչիւն փողոցն զարթուցանէր զնախանձաւորութիւնն, և հեղձուցանէր զմախանս : Բայց և այն Ճշմարիտ է թէ առաքինութիւնն ոչ տածի գովսւթեամբ, և ոչ փքանայ պատուով : Արժանի է նա ամենայնի, այլ ոչինչ խնդրէ . և ընդէր խնդրիցէ, զոր թէ գտանէ արհամարհէ : Գովսւթիւնն է ստուեր առաքինութեան . և հանգոյն ստուերի վախչի 'ի հետամտէն, և հետամուտ լինի վախուցելոյն : Ապա որպէս յատկութիւն մարդոյ չէ իրօք ծիծալին, այլ ծիծաղական լինել . սոյնպէս յատկութիւն առաքինութեան ոչ է գովիլ, այլ գովելի լինել . ոչ է պատուիլ, այլ պատուելի լինել : Արժանաւորութիւնն է առաքինոյն . գործն է բախտի կոյր բաշխովի, որ յոլովակի զայն որ արժան էր միում, տայ այլում :

Պատիւն է արտաքին բարի և նպատակ նախանձու . պատուելին է ներքին բարի և արտաքոյ նախանձու . զի է նոյն իսկ առաքինութիւնն, զոր ոչ ոք կարէ քեզ պարգևել, և ոչ ոք կարէ 'ի քէն հանել : Մեծն այն Փաղերացի պատուեալն յԱթենացւոց բաղմապատիկ արձանօք՝ իբրև լուաւ թէ այն

ամենայն արձանիք յապերախսու և 'ի կատաղի ժողովրդենէն
էին յերկիր կործանեալք, ժաղաւը ետ պատասխանի. կա-
րացին կործանել զիմ պատկերս, այլ ոչ և զառաքինութիւն
որոց վասն զայնոսիկ կանգնեաց երբեմն ժողովուրդն երախ-
տապարտ :

Սակայն բաց յարժանաւորութենէ գովութեան և պատուոյ՝
են և այլ երեք ազնուական յատկութիւնք բարոյական առա-
քինութեան. այսինքն է՝ զի զառաքինական գործս առնէ
Դիւրինս, Զուարթս և Միօրինակս. այլ սոքա կախեալ կան
յորոց զինի :

ԳԻՒՅՔ ԵՐԱԲՈՐԴ

ՅԵՂԱԳՍ ԲԱՐՈՅԱԿԱՆ ՆԵՐԳՈՐԾՈՒԹԵԱՆՑ
ԵՒ ԱԽՆԱԿՈՒԹԵԱՑ ԱԲ ՀԱՍՏԱԿ

ԳԼՈՒԽ Ա.

Յաղաց բնական կարողութեանց, յորս ծնանին
բարոյական ունակութիւնք :

Ո՞գէս բնաբանական դիտութիւնն է առողջացուցիչ մարմնոց, նոյնպէս բարոյական դիտութիւնն է բուժիչ հոգւոց : Վասն այսորիկ Պղատոն յերթալ իւրում ուղղել զթիւր վարս արքային Դիոնէսիոսի, Ճշմարտութեամբ տսաց . Երթամբ բժիկել զՍիկիլիա որ ունի ցաւ դվխոյ : Ապա քանզի ամենայն արուեստ հայի յիւր ենթակայ, վասն այսորիկ բնաբանութիւնն հայի ՚ի կազմութիւն մարմնոց՝ արարեալ զնորա զգուշաւոր անգամազննութիւն . և բարոյականն առանց մասնաւոր իմն անդամազննութեան ոգւոց՝ ոչ կարողանայ ճանաչել զաւական գործողութիւնս :

Երեք են մասունք մարդկային ոգւոյ . առաջինն ամեննեին անբանական, Երկրորդն ըստ մասին բանական և ըստ մասին ոչ . Երրորդն բոլորովին բանական : Առաջինն է տնկականն, հասարակ տնկոց . Երկրորդն է զգայութիւնն՝ ըստ մասին հասարակ անամնոց և ըստ մասին ոչ . և Երրորդն է միաքն կամ բան՝ սեակհական մարդոյ : Արդ թուղթուք զառաջինն իբր անպիտան առ բարոյական դիտութիւն, զի չհաղանդի բանին . նա՝ որակէս լուար, զկէս ժամանակին ծախէ ՚ի քուն և գործէ անզգայ :

Մասնն զգայական և մասնն բանական՝ ունին իւրաքանչիւր Երկուս կարողութիւնս . մին Ըմբռնողական և միւսն Բաղձողական . զի ամենայն շնչաւոր բաղձայ իւրում բարւոյ, այլ ոչ ոք բաղձայ այնմ զոր ոչ լուսունէ :

Առաջ չորք են կարողութիւնք բնականք, որք յառաջ բերեն զբարոյական ներգործութիւնս . Երկուքն՝ զգայական և մարմնաւոր, և Երկուքն՝ հոգեսոր և բանաւոր :

Ըմբռնողականն մարմնաւոր, զոր և կոչեմք Պատկերակեր-պութիւն կամ Երևակայութիւն, է կարողութիւն ինչ ստորին և զգայական մասին հոգւոյ. որ 'ի ձեռն հասարակ զգայութեան հաւաքէ և ճանաչէ զամենայն զպատկերս ախորժ կամ անախորժ առարկայից, որք յաշաց՝ յականջաց և յայլարտաքին զգայութեանց հետազօտ և հաւատարիմ լրտեսաց՝ առաքին առ նա. նկարեալ յինքեան առաւել ևս վառ և մընայուն գունովք զայն պատիր երեոյթս, որք և 'ի քուն երեւթանան՝ որոց չէ տեսեալ զնոսա:

Բաղձողականն մարմնաւոր կամ Զգայական բաղձանքն է նոյնապէս կարողութիւն ինչ նոյն ստորին մասին հոգւոյ. որ ցանկայ ախորժական առարկայից, և փախչի յանախորժից՝ մատուցելոց նմա 'ի դաշնաւոր պատկերակերալութենէ: Սա է հրէշ ինչ երկկերպարան, գլխովին սառն և գլխովին հուր. զի յերկուց ներհական շարժութեանց յուղի՝ 'ի բարկութենէ և 'ի ցանկութենէ. 'ի բարկութենէ՝ զի խոյս տացէ 'ի դժուարէն, և 'ի ցանկութենէ՝ զի զհեա լիցի բերկրականին: Եւ այս շարժութիւնք կոչին իղձք և կիրք:

Ըմբռնողականն բանական է միտքն, կարողութիւն հոգւոր և վսեմ. որ յայնց նիւթական պատկերաց 'ի պատկերակեր-պութենէ մատուցելոց՝ որք են յողդողդ, կերպարանէ յինքեան նոր պատկերս հոգւորս և անջինջս՝ դանձեալ զնոսա յաւանդարան յիշողութեան, զի 'ի կիր արկցէ յիւր խօսս:

Խսկ բաղձողականն բանական է կամքն, դշնոյ կարողութեանց. որ միայն աղատ գոլով՝ աղատօրէն ընտրէ կամ մերժէ զառարկայս, որք 'ի մտաց խմանալի պատկերօքն առաջի եղան նմա. և ասկա հրամայէ զգայութեանց սպասաւորաց և արբանեկաց իւրոց՝ հետամուտ լինել նոցա, կամ փախչիլ 'ի նոցանէ:

Յայսցանէ ունիս խմանալ, թէ պատկերակերալութիւնն է իբրու միտք ինչ նիւթական, և միտքն է իբր պատկերակեր-պութիւն ինչ հոգւոր: Բաղձանքն զգայական է կամք ինչ նիւթական, և կամքն է բաղձանք ինչ հոգւոր: Առանց երևակայութեան միտքն լինէր կոյր. զի ոչ մտանէ ինչ 'ի տաճար մտաց, որ ոչ անցանէ ընդ դրունս զգայութեանց. բայց առանց մտաց երևակայութիւնն լինէր յիմար, զի շփոթէր զՃըշ մարիտն ընդ երևակայականին: Մինչ զի փոփոխ ձեռնտուութեամբ երևակայութիւնն առաջնորդէ մտաց, և միտքն ուղղէ զսիալանս իւրոյ առաջնորդին:

Բաղձանքն զգայական և բաղձանքն բանական՝ թէպէտ են ամոլք դաշնաւորք և լծակիցք, սակայն՝ վասն զի մին է երկը բաւոր և միւսն երկնաւոր, նա մահկանացու և սա մշտնջենաւոր, է զի ատեն զմիմեանս և է զի սիրեն: Միշտ են կենակից, և միշտ 'ի կոռուի: Մի զմի հնարին յինքեանս ձգել.

ոյլ դիւրագոյն է ստորագունին լինքն ձգել զվերագոյնն . զի զգալի առարկայք առաւել շարժեն քան զիմանալիս , և դիւրագոյն է վայրաբերիլ . քան զվերբերիլ :

Բաղձանքն զգայական թէ ոչ հաղորդէր ազգեցութեան բանին , լինէր բոլորովին անբան . և 'ի հարկէ ձգիւր լինչ և իցէ առարկայ բերկրական՝ առաջի արարեալ նմա յերեակայութենէ իբրև զանբան անասունս : Վասն այսորիկ բուռն թափք բարկութեան և ցանկութեան երբ յառաջեն քան զբան , ոչ մոլեկան են և ոչ առաքինական , այլ բնական և անասնական : Ապա բաղձանքն զգայական է կարողութիւն ինչ ըստ մասին անբան և հարկակիր , և ըստ մասին բանաւոր և ազատ : Ի հպատակ կամաց , այլ հպատակ քաղաքային և ոչ ստրկական . սպասաւոր քաղաքական և ոչ գերի շղթայակապ : Սմին իրի բազում անդամ ապստամբի 'ի տիկնոջէ իւրմէ 'ի կամաց , արհամարհէ զօրէնս նորա և յափշտակէ զիշխանութիւն նորա : Ստամբակին երբեմն և կամք ընդդէմ մտաց 'ի հաճել զպատիր հեշտութիւնս :

Առարկայ մտաց է ճշմարիտն , և առարկայ կամաց՝ բարին : Այլ միտք բազում անդամ զառերեւոյթն համարին ճշմարտութիւն . որպէս շունք հաշէին առ շունն նկարեալ 'ի Պրաքոփեղեայ : Եւ կամք բազում անդամ զհետ երթան առերևոյթ բարեւոյն իբր ճշմարտի , որպէս ասի յառակս թէ շունն եթող զմիսն վասն ստուերի նորա : Եւ բազում անդամ ևս ուղիղ առաջնորդութեամբ մտաց՝ ճանաչէ զբարին , բայց իւրովի յարի 'ի չարն : Արդ 'ի միտ առ թէ որչափ դժուարին իցէ մարդոյ չգործել զչար , դիւրագայթ դոլով յընտրութեան բարեւոյ և չարի :

ԳԼՈՒԽ Բ.

Բնական կարողութիւնք իցեև արդեօք կատարելագոյնք
յայս ոք բան յայն :

Փորձիւ աեսանեմք , զի ոմանք 'ի մարդկանէ այնպէս են թմբրեալք , մինչև երեւել նոցա մարմին անհոգի . և ոմանք այնպէս սթափք , մինչև կարծել զնոսա հոգիս անմարմինս : Այս պէսապիսութիւն՝ 'ի կարծիս էարկ զբազումն թէ հոգիք մարդկան են պէսապիսակք ըստ կատարելութեանց . զի բնապէս մտացի եղեւ , ասեն , Պղատոն , և բնապէս անմիտ Մարդիտէս 25 . ապա եթէ հոգին Պղատոնի մտեալէր 'ի մարմին Մարդիտէայ՝ և հոգին Մարդիտէայ 'ի մարմին Պղատոնի , Մարդիտէս լինէր դլուխ մտացեաց , և Պղատոն դլուխ անմտաց : Այսպէս իմաս-

տասիրեցին մեծարու արք համալսարանաց հեթանոսաց և քրիստոնէից : Այլ զգօնամիտն Արիստոտէլ ուսուցանէ , թէ մեծադոյն կատարելութիւն հոգւոց յառաջ գայ յառաւելութենէ կատարելութեան մարմնոց : Ոչ յամենայն փայտէ դրօշէին զարձան չերմեայ 26 , և ոչ յամենայն մարմնոց կերպանան ուշիմ և զօրաւոր մարդիկ :

Մարմինն է գործարան գործողութեանց հոգւոյ . և այնպիսի են բնական գործողութիւնք հոգւոյ , որպիսի է գործարանն : Բանք մեր են զբնական գործոց , և ոչ զանձնիշխանականաց :

Յայտնի ցոյց ընծայեն այտմ գործողութիւնք պատահականք : Եթէ մարմինն է առողջ , գործողութիւնք հոգւոյ ևս են զօրաւորք . եթէ հիւանդ , անզօրք : Եթէ մաղձային , փոյթք . եթէ մաղասային , դանդաղք : Եթէ տղայ է , կան խափանք . որպէս թէ հոգւոյ բանականի չիցէ բնակեալ յայն անդամն : Ապա մի ոք մեղադիր լիցի արարչին հոգւոց , թէ չարար զամենեսին միօրինակ կատարեալ . այլ բնութեան , որ ոչ կարէ առնել զամենայն մարմինս միապէս կատարեալ :

Ածանց հանգամանք ծնողաց , շարժումն լուսաւորաց , արեգդիմութիւն տեղեաց , կազմութիւն անդամոց՝ պէսպիսացուցանեն զխառնուած մարմնոց : Պէսպիսութիւն խառնուածոց առնէ աչս մի քան զմի սրատես , պատկերակերպութիւնս մի քան զմի զօրաւոր , բաղձանս մի քան զմի սաստկագոյն , միտս մի քան զմի սթափս , և կամն բնաւորապէս մի քան զմի բարեյօժարս . և վասն այնորիկ հոգին թուի առաւել կատարեալ , զի մարմինն է առաւել կատարեալ :

Ստոյդ իմն է թէ որպէս յառաջատես բնութիւնն հայի յօդուատ տիեզերաց , նոյնպէս կարեսոր համարեալ նորա մարդկայնոյ ընկերութեան զպէսպէս արուեստս և զպէսպէս կարդանաց , կարեսոր վարկաւ և զպէսպիսութիւն բնական կատարելութեանց մարդկան . զի անկատարք ծնցին 'ի ծառայել կատարելոց . և որ չէ ընդունակ ազատական արուեստից , կարգեսցի առ մեքենականս :

Յասացելոց աստի դիւրին է քեզ լուծանել զայն դժուարին խնդիր , թէ արդեօք 'ի ձեռոս իցէ իւրաքանչիւրոց հաստնել 'ի գագաթն բարոյական առաքինութեանց : Ոչ խօսի զգերբնականաց և զշեղականաց Արիստոտէլ , զի չէր աստուածաբան . և եղկելի այնու՝ զի չեհաս 'ի ծանոթութիւն շնորհաց : Ապա իմաստասիրէին Ստոյիկեանք , թէ ազատ կամքն է որ առնէ զներդործութիւնն մոլեկան կամ առաքինական , և լինել առաքինի կամ մոլի՝ է յիշխանութեան կամաց . վասն որոյ 'ի կամել մարդոյ լինել կարի իմն մոլի , լինի . և 'ի կամել նորա լինել կարի իմն առաքինի , ժաման լինի իւրոցն ըղձից . զի կամելն չունի այլ ինչ ներհակ , բայց եթէ զշկամելն : Այլ

լուր թէ որպէս Արիստոտէլ ասացելովքս լուծանէ զամենայն տարակոյս : Մարդն է բաղկացեալ իմն 'ի նիւթականէ և 'ի հոգեռորէ , 'ի զգայութենէ և 'ի բանականութենէ : Ստոյդ է թէ մասնն բանական կարէ ձգիլ ըղձմամբ առ այդպիսի բարձրագոյն նսպատակ . այլ զգայական մասն որ զօրագոյն է յայս ոք քան յայն , լինի հակակշխո ձգման կամացն յայս ոք քան յայն ոք : Ամենայն ոք կարէ լինել արի և խոհեմ . բայց դժուարին է թէ բնաւոր զօրութեամբ ամենեքին կարողասցին լինել զօրաւոր իբրև զԱքիլէս , և խոհեմ իբրև զՈդիս և 27 . 'ի զօրանալ յոմանս կրից երկիւղի , կամ 'ի պակասիլ ուշոյ մտաց : Վասն այսորիկ չկարացեալ կամացն կատարումն տալ այնպիսի բարձրագոյն ձգմանն , մնայ թարմատար : Բայց և այնպէս՝ յընթացս առաքինութեան սկարտ է իւրաքանչիւրոց փոյթ ունել , զի թէ տկարանայ առնուլ զաւածին յաղթանակն , գէթ առցէ զերկրորդն . և ուր տկարանայ հասանել բուռն զօրութեամբ , հասցէ ըղձմամբ : Զի միայն 'ի ստացմունս առաքինութեան օրէն է ըղձանալ այնմ . որում ոչ կարես լինել հասու , վասն լինելոյ նորա անչափ ըղձալի :

Ասկա երջանիկ են նոքա , որոց 'ի ընէ վիճակին ձիրք ընական կարողութեանց՝ քաջադէսլք առ մեծամեծ առաքինութիւնս բարոյականս : Բայց որպիսի և իցէ երկիրն , յիրաւի է պտղաբերել զայն ըստ կարի՝ 'ի ձեռն մշակութեան : Որ խաղայ քուէիւք , անձկայ նսպատաւորագոյն նշանի . բայց որ և դիպեսցի , ջանայ նովին բարեվիճակ առնել դիսալ իւր 28 : Ոչ ոք 'ի մարդկանէ եղեւ բարեկեցիկ իբրև զԱռկրատէս . որոյ մուծեալ 'ի դպրոցս զիմաստասիրութիւն բարոյական՝ դլսովին եցոյց զայն 'ի վարս իւր : Եւ թէ կորնչէին դիրք նորա , մարթ էր զամենեսեան ընթեռնուլ 'ի վարս նորա : Մեծ ոմն աստեղագէտ , որ ոչ ճանաչէր զնա , տեսեալ զգծագրութիւն դիմաց նորա և զբնաւոր կերպարանս , սոսկացաւ և ասէ . Դա է մեծագոյնն 'ի չարագործս ժամանակիս : Լուեալ աշակերտացն՝ փոքր միւս ևս և ձգէին զձեռս 'ի սուսեր 'ի վրէժիլն դրութիւն զրպարտութեան , եթէ չէր արգելեալ Սոկրատայ . ասելով . Ոչ ինչ անիրաւութիւն է դորա . այդպիսի էր իմ ընութիւն , այլ իմաստասիրութեամբ յաղթեցի :

ԳԼՈՒԽ Գ.

**Յաղաց նախկին սերմանց, որք արտադրեն
զբարոյական ունակուրիշնեւ :**

**Չորք ինչ ընթացակցին՝ ի բուսականս . Երկիր, սերմն,
տունկ և պտուղ: Եւ չորք ինչ ընթացակցին՝ ի բարոյական ա-
ռաքինութիւնս . Բնական կարողութիւնք, այն է երկիր . ա-
ռաջին ներգործութիւնք, այն է ունակութեանն սերմանք .
Ունակութիւնն յառաջ եկեալ՝ ի ներգործութեանց, այն է
տունկն . և ներգործութիւնք անդրէն բղխեալք յունակու-
թենէ, այն է պտուղք առաքինութեանց: Ալաքէն խօսեցաք
զբնական կարողութեանց . արդ խօսեսցուք զառաջին ներգոր-
ծութեանց, որք են սերմանք առաքինական ունակութեան:**

**Վէճ մեծ եղեւ առ փիլսոփիայս, միթէ առաքինութիւնք և
մոլութիւնք անընդմիջաբար բղխիցեն՝ ի բնական կարողու-
թեանց հոգւոյն, մինչև մարթ իցէ Ճշմարտութեամբ կոչել
զնոսա ընդաբոյս, տուեալ զգով կամ զդսրով մարդկայնոյ
բնութեան և ոչ մարդոյ: Ըստ իրաց ինչ, վասն զի առաջին
է՝ ի մարդ՝ կեալ անասնօրէն քան մարդկօրէն, ի վարել նո-
րանախ զգգայութիւն քան զբանականութիւն, չեն ինչ զար-
մանք՝ թէ բնաւորապէս միաէ առաւել՝ ի մոլութիւն քան
յառաքինութիւն . և շատ է նմա ծնանիլ առ՝ ի զչար գործել:
Ըստ այլ իրաց, վասն զի բնական օրէնք են ուղղակի համա-
ձայն բանի, Ճահողագոյն է մարդոյ բանաւորի բնաւորապէս
միտել յառաքինութիւն քան՝ ի ներհակ նորա . և շատ է նմա
ծնանիլ մարդ առ՝ ի զբարիս գործել: Յաւել յառաջինն,
զի ոմանք իրօք վիճակին բնութեան այնպէս ստամբակելոյ
իւրեանց բարին, մինչ զչափ առնուլ զմեծի հակառակու-
թեան առ առաքինութիւն քան զորթոյն առ կաղամբ: Յա-
ւել յերկրորդն, զի ոմանք ևս են վիճակեալ այնպիսոյ
քաղցր բնութեան, մինչև փոքր վիշտ է նոցա բիւրուց համբե-
րել մեռելութեանց քան գործել ինչ գործ անարժան:**

**Արդ սկիզբն արարեալ բանից, յայտ է թէ յառաջնոց
սերմանց առաքինութեանց՝ ոմանք են բնածինք՝ ի սեպհա-
կան երկրի, և ոմանք ստացեալք արտաքուստ: Գտանին եր-
բեմն յոմանս բնական կարողութիւնք այնպէս բարեկարգք,
մինչև առանց յայլմէ ուսանելոյ և անբռնադատ ինքնին յա-
ռաջ բերել նոցա ներգործութիւնս բարոյականս: Այս ինք-
նաբերական արդասաւորութիւնն երեխ ևս յիմացական ունա-
կութիւնս . զի բազումք առանց օդնականութեան արուեստի՝**

գտին նոր արուեստու : Կադմոս 29 անգետ գրոց հնարեաց զգիրս, զնորաստեղծ տանջանս մտաց . զի բազումք լացին յուսանել զայն, և այլք լացին վասն ուսանելոյ զայն : Անաքսիմանդր 30 հնարեաց զժամացոյցն արեգական . ընդ որ և արեգակն իսկ զարմացաւ, տեսեալ զինքն ըմբռնեալ 'ի սակաւագիծ ուսկան : Դիպենոս 31 եղիտ զարուեստ անգրիագործութեան . զի սրածայր ինչ երկաթով՝ որպէս Պալլաս իւրով վահանաւ՝ փոխեաց զմարդիկ 'ի քարինս :

Կոյն արգասաւորութիւնն երեի և 'ի բաղձողական կարողութիւնս շուրջ զբարուք, որպէս յիմացական կարողութիւնս շուրջ զդիտութեամբք . զի ոմանք բարեբաստիկ աշակերտք անձանց՝ արիացան առ մեծամեծ գործս բարոյականս : Օրիորդն կամիլլէ 32 զկաթն դիելով զանամնոց յանտառի՝ իւրովի ձգեցաւ 'ի սէր պարկեշտութեան . և պահեաց զայն անյաղի յարքունիս Վոլսկեանց, առանց զաւակի, այլ ոչ առանց պարծանաց : Աքիլլէս սնեալ 'ի փափկասուն աղջկանց միջի, զի իդացեալ 'ի գրգանս՝ մի մարզեացի 'ի մարտ, մերժեաց զծիրանիս և զմանեակս, և ընարեաց զզէնս՝ զոր չէր երբէք տեսեալ, առ 'ի հանդիսանալ 'ի գործս քաջութեան : Կիւրոս առաջի արկեալ գաղանաց՝ զի մի թագաւորեսցէ, և 'ի գազանաց սնուցեալ, սկիզբն արար թագաւորութեան 'ի մէջ մանուկ հովուաց . այնպէս ահեղասաստ 'ի վերայ կաղնի աթուոյ, որչափ զկնի յոսկեղէն գահոյս թագաւորութեան Պարսից : Եւ Մարկոս կատովն գեռ մանուկ գոլով՝ խօսէր որպէս հիւպատոս, հասուն 'ի խակ հասակի : Զորմէ և ասացաւ, թէ յեօթնամեայ հասակի չէր մանուկ, և յեօթնամեայ հասակի չէր ծեր : Բնութիւնն ոչ պարզեւէ զաւաքինութիւնս, այլ փոխանակ առաքինութեանց պարգևէ տղայոց անկերպարան ինչ ստուերագրութիւնն, որք երբեմն ինքնին առնուն կերպարան : Այսպիսեաց առաքինութիք ստուերագրեցան 'ի խառնուածս . բայց զկնի առին կերպարան սեպհական ջանիւ :

Ամենեքին սոքա եղեն ընածին սերմանք 'ի ընական կարողութիւնս, որք բողբոջեցին ունակութիւնս բարոյականս : Իսկ այլ սերմանք են փոխադրեալք արտաքուստ 'ի ներքս՝ այլում նմանողութեամբ կամ բուռն առնելով անձին : Սաոյդ ժամանակ սերմանելոյ զայսոսիկ սերմանս՝ է մանկութիւնն . զի է սա առաւել դիւրամէտ առ նմանողութիւն, վասն որոյ և առաւել ընդունակ : Յարմատս նորատունկ որթոց եղեալ ինչ ինչ հոտաւէտ՝ անուշահոսս առնէ յաշնան զհասեալ խաղողս . և պատկերք առաքինութեանց պատուաստեալք 'ի դաւար տիս նմանողութեամբ՝ ազնուականս յարդարեն զդործսն 'ի հասանել յարբունս : Կաթնկեր շանց ուսուցանեն որսորդք հաչել առ մորթ եղին կամ վարազու յորջոյ իւրեանց . զի համարձակեալ՝ մի երկիցեն 'ի դաղանաց անտի յանտառի : Փորձ

կեղծեալ պատերազմի՝ բառնայ զերկիւլ Շշմարախն։ Աթե-նացիք մարդէին զմանկունս իւրեանց յուսումն մարտի, երա-ժշտութեան և գիտութեանց, այլ ոչ 'ի տեսութիւն օրինա-կաց բարի վարուց։ սմին իրի լինէին նոքա քաջ մարտիկք։ պարաւորք և խմաստակք։ բայց այնչափ ախտաւորք, մինչեւ Աստիկէ անուան վատանուն առնել բովանդակ զՅունաս-տան 33։ Չիք ոք քաջ վարժապետ առաքինութեանց քան զՃնօղն։ զի ոչինչ գաղափար բնաւորապէս դիւրագոյն է ձգել 'ի նմանութիւն։ Առաքինի արքայն Ագամիկղէս 34 ոչ զոք կամեցաւ 'ի մանկութեան ունել իւր ուսուցիչ, ասէ։ Դ նմա-նէ ուսուց, յորմէ և ծնայ։ Յառաջ քան զուսանիլ իւր գի-տաց, թէ ոչ ոք կարօղ էր աւանդել նմա զուսումն վարուց լաւ քան զայն որ ետ նմա զկեանս։

Ի խոր տպաւորի պատկեր առաքինութեան, յորժամ չերմ կնիք է սէրն հայրական, և մոմ կակուղ՝ հնազանդու-թիւնն որդիական։ Բայց 'ի հայրական դպրոցի առաւել ու-սուցանեն բարի օրինակք քան բարի խրատք։ զի հաւատա-րիմ ևս են առարկայք աչաց՝ քան ունկան։ և գիւրին ևս է բարւոք հրամայել, քան բարւոք 'ի գործ դնել։ Խաչափառ-յանդիմանէր զմանուկ իւր խոտորագնաց, ասէ։ Որդեակ՝ չգնաս ուղիղ։ և նա ասէ։ Հայր, դնամ որպէս զքո դնալդ-տեսանեմ։ Ծնողին պարտ է լինել առաքինի, եթէ կամի զի ծնցին նմա առաքինի որդիք։ զի որովհետեւ որդին է պատկեր ինչ հօրն, հրէշ իմն լինի բնութեան եթէ որդին նմանեսցի հօր ըստ կերպարանացն և ոչ ըստ բարուց։

Ապա պարտ է ուսուցանել զառաքինութիւնս քաղցրու-թեամբ և սիրով, առ 'ի չառնել ատելի զմի միայն սիրելին յաշ-խարհի։ Ապա եթէ ոչ օգնեսցէ սէրն, նպաստամատոյց լիցի երկիւղն։ Ճանապարհ առաքինութեան գտանի յաղնուա-կանաց նշողիւք փառաց։ այլ 'ի գեղջկաց փայլատակամքք դանից։ Եղինք նեղեալք 'ի շանց՝ դիմեն 'ի գիրկո մարդոյ, յորմէ փախչելին, և ախտաւորն առ զերծանելոյ 'ի կշտամբա-նաց յորմէ երկնչի, դիմէ յառաքինութիւնն յորմէ խորշէր։ Միայն մոլորակք ունին շարժումն ներհակ այլոց աստեղաց՝ յարեւմտից յարեւելո, այլ վերին կամարն բուռն զօրութեամբ յափշտակեալ ձգէ զնոսա իբրև զայլ աստեղս յարեւելից յա-րեւմուտս։ Ոմանք 'ի տղայոց՝ իւրեանց թիւր յօժարութեամբ գնան ընդդէմ բանականութեան։ այլ յառաջին շարժունէ խիստ խրատառի դառնալ ունին 'ի բանաւորութիւն։ Բելե-րովոնտ 35 սպան նիզակաւ զեղջերուաքաղն առասպելեալ, որ իւր այլանդակ գլխովք զարհուրեցուցանէր զԼիկիացիս՝ զի մի ելցեն արտաքս 'ի գործ իւրեանց։ Եւ իմաստուն վար-դապետն գանիւք բառնայ 'ի տղայոց զցնորս, որք յետս ըն-կրկեն զնոսա յառաքինի գործոց։

Տեսեր արդ երիս տարբեր բնաւորութիւնս 'ի մուսս Ճանապարհի առաքինութեան . մի՝ ինքնաշարժ , երկրորդ՝ նմանողութեամբ և երրորդ բռնութեամբ : Մի միայն գար զերեցունց եաես զազնուական օրինակ յերիս անուանի արս , որք ըստ Սենեկայի այլ և այլ առթիւք հասին փառօք 'ի վերջին կատար բարոյական առաքինութեան . այսինքն են Եպիկուրոս , Մետրոդորոս և Հերմակոս : Քանիզ Հերմակոս եմուտ 'ի Ճանապարհ առաքինութեան՝ վարեալ յայն 'ի բըռնադատութենէ Մետրոդորոսի . Մետրոդորոս հեշտեաւ եմուտ յայն՝ զհետ երթեալ զհետոցն Եպիկուրոսի : Բայց Եպիկուրոս առանց խրատուց և խրատառուի ուսոյց անձին զնոյն Ճանապարհ առաքինի գործովք 'ի մանկութենէ : Երեքին իսկ յարդասաւոր սերմանց բուսուցին բարձր արմաւենիս վսեմական ունակութեանց : Առաջինն բռնադատ գործովք , երկրորդն ուսեւալ գործովք և երրորդն իւրական գործովք , ոչ ումեք լեալ երախտասկարտ , բայց անձին և բնութեան : Զարմանալի է երրորդն , գովելի երկրորդն . այլ անդարով և առաջինն . զի լաւ ևս է լինել առաքինի բռնութեամբ քան մոլի ընարութեամբ : Ապա ստեն անգէտ ուամիկք և գիտնաւոր ևս , որք համարին զԵպիկուրոս զեղծ օրինակ փափիկասուն և հեշտասէր կենաց : Ոչ գիտեն սոքա թէ որ հեշտութիւն իցէ այն , յոր հասաւաեաց Եպիկուրոս զմարդկային երջանկութիւն : Կարի իսկ 'ի բացէ էին 'ի նորա հեշտութենէն հեշտասէր կեանք : Բաց 'ի մոլորութենէն որ հասարակաց էր ամենայն Սաոյիկեանց ընդ այն ժամանակս , թէ ընդ մարմնոյ շիջանի և հոգի՝ զոր համարէին նոքա մարմնաւոր , յայտ է թէ սակաւք ոմանք յանապատաւորաց վարեցին խստամբեր կեանս քան զԵպիկուրոս : Զի հեշտութիւն կոչէր նա զայն անխռով սկարզութիւն մտաց և զանչարչար հանդարտութիւն կրից , զօտացեալն ոչ դատարկակեաց գրգանօք և մեծածախ խրախճանօք , այլ բրտութեամբ մարմնոյ առ ամենայն ցաւս , և հոգւոյ առ ամենայն արկած բախտի , մինչեւ զգայականութեանն կորուսանել զզգայութիւն . մինչ զի և 'ի ցուլ ֆաղարեան լինել մարդոյ երջանիկ : Զայդակիսի երջանկութիւն ոչ արդեօք ընտրէին անձանց՝ նորուն զրադարձիչք 36 :

ԳԼՈՒԽ Գ.

Յաղագս բարոյական ունակուրեան :

Ամենայն սերմն՝ թէպէտ և փոքրիկ 'ի բերի արտորայս բաւսուցանէ առւնկս համարսւն . և ամենայն ներդործութիւն

մարդկային թէպէտե գիւրանց՝ տպաւորէ 'ի հոգի համատեսակ ինչ որակութիւն մնայուն։ Եթէ ներգործութիւնքն են խմացականք, ունակութիւնն լինի խմացական, որպէս գիտութիւնք։ Եթէ են բարոյականք, ունակութիւնն լինի բարոյական։ և մարդն լինի գովելի կամ պարսաւելի, պատուելի կամ անարդելի։ Աղա ունակութիւնն բարոյական ոչ այլ ինչ է, բայց որակութիւն ինչ տպաւորեալ 'ի հոգի, որ արամադրէ զմարդ 'ի գործել զվայելչական։ Այս որակութիւն յորժամանկատար տպաւորի սակաւ կամ թէթէներգործութեամբք, կոչի լոկ տրամադրութիւն, և ոչ ունակութիւն։

Սմենայն տունկ մեծ յիւրում սկզբան է գիւրաբեկ բարունակ ինչ, որ գիւրաւ չորանայ կամ խլի. այլ աճեցեալ 'ի ժամանակի, և 'ի փոքուէ հսկայացեալ՝ ծաղը առնէ զսաստիկ ձմեռն և զտապախառն տօթ. մաքառի ընդ հիւսիս և ընդ հարաւ, ընու զերկինս ոստովք և զերկիր արմատովք։ Սոյնպէս տրամադրութիւնն այն 'ի սկզբան է տկար և անհաստատ այլ կազդուրեալ յաճախ ներգործութեամբք և սովորութեամբք լինի այնչափ զօրաւոր, մինչև ոչ արտաքին բռնութիւն, ոչ մարմնական տկարութիւն և ոչ մանգաղ ժամանակի և մահու կարէ նկուն առնել զնա. զի երկարութեամբ ժամանակի ունակութիւնն լինի իբր բնութիւն։

Աղա Ճշմարիտ է զոր ասէ Արխատոտէլ, թէ մի ծիծառն ոչ առնէ գարուն. և ոչ մի միայն ներգործութիւն գործէ ունակութիւն։ Ու ոք բնաւորապէս լինի յանկարծակի մոլի կամ առաքինի։ Զարմանք եղեն զի ըստ առասպելաց Արեկուսա 'ի միում աւուր փոխեցաւ 'ի կեռջէ յայր Յ. այլ մեծ ևս սքանչելիք են, թէ ունակացեալն 'ի մոլութիւն՝ միով ևեթ ներգործութեամբ փոխեսցի յառաքինի։ Բայց և այնպէս՝ երևին այս սքանչելիք, յորժամ ներգործութիւնն այն այնպէս սաստիկ իցէ, մինչև տպաւորել զորակութիւն համաչափ բազմաց ներգործութեանց. զոր օրինակ 'ի շարժել զբեռն ինչ՝ առաւել աղդէ մի միայն ուժգին բուռնհարութիւն քան զհարիւր մեղմ։

Եւ այս 'ի հեթանոս իսկ։ Կայիսու Վաղերիսուի՝ խենէշ մանաւանդ թէ անուղղայ էին վարք. Պոբղիոս Ավելինիոս կամեցեալ ածել զնա յուղութիւն՝ արար զնա քրմապետ Ալիմ պիականն Դիոսի։ Ո՞ երբէք լուաւ այսպիսի օտար դեղ 'ի բուժել զչարաչար վարս. յանձն առնել զդիւցական պաշտամանց : Սակայն այնպէս տպաւորեցաւ յեղեւնաւոր միտս նորա դիւցական պաշտամանցն պատիւ, և այնպէս արիական եղեւ առաջադրութիւն նորա չարատել զեղծ գործով զփայլիւն նուիրական խուրին, մինչև չեղեւ ոք նման նմայառինութեան՝ յետ լինելոյ քրմապետ . որպէս չէր ոք

Նման նմա 'ի մոլութիւնս յառաջ քան զքրմապետութիւն 38 :

Ապա անհնար է ցրել զնախնի ունակութիւնն, բայց այնու որ զայն արար, եղեալ ներգործութիւնս հակառակ ներգործութեանց, ունակութիւն հակառակ ունակութեան և իբր ընութիւն հակառակ ընութեան :

ԳԼՈՒԽ Ե.

Յաղազ յատկուրեանց բարոյական ունակուրեան :

Յառաջին գիրսն խօսեցեալ մեր ինչ ինչ վասն դլխաւոր յատկութեան բարոյական առաքինութեան, այսինքն է վասն վնելոյ նորա պատուելի և գովելի, թողաք խօսիլ զկնի զերից այլոց յատկութեանց, որք պատշաճին նմա ըստ որում ունակութիւն . իբր զի հասարակ են ամենայն ունակութեանց, ևս և ազատական և մեքենական արուեստից : Այս յատկութիւնք են՝ տրամադրել զմարդ 'ի գործել Դիւրաւ, Բերկրութեամբ և Միօրինակ : Ամենայն ունտկութիւնն առաքինութիւնն է սկզբան անդ է գժուարին . զի որպէս լուար՝ առաքինութիւնն է ընդ զառ 'ի վեր, իսկ մոլութիւնն ընդ զառ 'ի վայր . զի առաջնոյն դիմամարտի զգայութիւնն, այլ ոչ երկրորդին : Ապա ունակութիւնն յաղթեալ առ սակաւ սակաւ գժուարութեանց՝ յառաջ բերէ գիւրաւ զներգործութիւնն որք յառաջն երկեին գժուարինք :

Ո՞ր արհեստ գժուարին իցէ քան զլարախաղացի, որ Ճեմէ յօդս ընդ երկայնութիւն ինչ անձուկ, վիհ ունելով աստի և անտի, և մահ առաջի . սակայն և այնպէս յերկարաւոր ունակութեամբ յայն վստահութիւնն հասանէ, մինչև ոչ երևակայութեան նորա ամբոխիլ, ոչ աչացն մթագնիլ և ոչ սրտին բարախել . է զի 'ի կախ կայ, և է զի ուղիղ յոտին . է զի կորանայ, և է զի 'ի վեր ոստչի, որք և 'ի հարթ յատակի լինեին արդեօք մահաբերք . մինչև ամենեքին երկնչին յանկանելոյ նորա և նա միայն չերկեցի : Ահա յայս սահման հասանէ երկար և սովորեալ ունակութիւն 'ի բարոյականս, վստահացուցեալ զսիրան ընթանալ ընդ ուղիղ Ճանապարհ առաքինութեան՝ առանց յայսկոյս և յայնկոյս կործանելոյ : Բազում ինչ իբր են գժուարինք յառաքինութիւնս, ոչ զի են այնպիսի, այլ զի այնպէս չսովորելոցն թուի : Ստուերախիրտ ձիոց 'ի գնացս անսովոր Ճանապարհի՝ քարն երեկի լեառն, և կտրօն ծառոյ օձ . և սուտ կարծեացն պատճառեալ Ճշմարիտ զարհուրանո՝ գահավէժ առնէ զերիվարն և զհեծեալ նորա : Այս

սլիսի են բազումք՝ ի մուտս Ճանապարհի առաքինութեան։ սպատրեալք՝ ի սնոտի Երկիւղէ՝ շրտնուն, և 'ի չնչին իրաց յաղթին։ Այլ զոր օրինակ դեղ ստուերախիրտ ձիոց ոչ է բուռն յառաջ վարել զնոսա խթանաւ, այլ տալ զտեղի առնուլ, և հոտոսել և Ճանաչել ուստի Երկնչենն, սոյնպէս ունակութիւնն քաջալերէ զվատասիրտս, զի անձամբ ծանիցեն զպատրանս և ծիծաղեսցին զերկիւղիւ իւրեանց։

Ոչ միայն դիւրացուցանէ ունակութիւնն զդժուարին ներդործութիւնս, այլ և ախորժելի առնէ զանախորժս։ Ոչինչ ծառոյ արմատք այնպէս դառն են՝ որպէս զլուասասայն։ բայց ոչինչ ծառ բերէ սպառդ քաղցր քան զնա։ Յարմատս ունի զլեղին, և զանոյշն յոսաս։ ոյր քաղցրութիւն յապաղեցոյց զնաւս Ոդիսեայ, դեգերեցուցեալ զնաւորդմն՝ ի ծովեղին Տիւուենայ 39։ Չեք ինչ դառնագոյն զգայական բաղճանաց՝ քան զառաջին ներդործութիւնսն, որք ծնանին զունակութիւն արիութեան կամ բարեխառնութեան։ բայց ներդործութիւնք անդրէն ծնեալք յունակութենէ՝ են քաղցր։ Յայն սահման եհաս ունակական արիութիւն Մուտափոսի Սկեւոլայ, մինչեւ առաւել ցաւ եղենմա այն զի չաջողեաց աջոյ նորա՝ ի գլուխ տանել զգործն արիական ընդդէմ թշնամոյ հայրենեաց, քան դաջոյ իւրոյ բոցակիզումն։ առաւել սոսկացաւթշնամին՝ ի տեսանել զատնջանս Սկեւոլայ, քան Սկեւոլ՝ ի տանել այնմ 40։ Ոչինչ գործողութիւն բնական է անախորժ։ զի բնութիւնն համեմեաց զամենայն պէսպէս ախորժակօք։ Ունակութիւնն հանապաղորդեալ՝ է Երկրորդ բնութիւն, որպէս ուսոյց Արիստոտել։ ապա հարկէ նմա լինելախորժական։ Ունակութիւն մոլեկան յայնժամ հասանէ՝ ի յետին սահման, յորժամ ուրախութեամբ գործէ ոք զըար։ և ունակութիւնն առաքինական յայնժամ հասանէ՝ ի կատարելութիւն, յորժամ զգայ ոք բերկրութիւն՝ ի գործել զբարին։ Ցորչափ տտիպ է պտուղն, է խակ. և խակ է ունակութիւնն, ցորչափ ունի յինքեան զատպութիւն։ Տրամադրութիւն է այն, և ոչ ունակութիւնն. սմին իրի և դիւրաւ խլի։ Եսլիկուրոս՝ ի մեռանել իւրում՝ ի դառն ցաւոց փառութեան աղեաց՝ անխօժու, իբրև հարցաւ՝ ի բարեկամաց՝ թէ զիամրդ կաս, ետ պատասխանի. Բարեաւ անցուցանեմ զյետին զայս օր կենաց իմոց. և ցյետին շունչ չեցոյց ինչ հեծութիւն։ Այս կատարեալ ուրախութիւն՝ ի յետին ցաւս՝ եցոյց թէ հինաւուրց էր ունակութիւնն և ոչ համբակ։

Ասացի հուսկ ուրեմն, թէ ունակութիւնն առաքինական յառաջ բերէ միօրինակ ներդործութիւնս։

Այնպիսի են գործք, որպիսի է սկիզբն՝ յորմէ շարժին։ եթէ սկիզբն է ունակութիւն ինչ առաքինական, ամենայն գործք՝ ի նմանէ յառաջ եկեալք՝ լինին առաքինականք, վասն

որոյ և միօրինակք : Գործք նմանին իւրեանց պատճառի . ապա գործք մի և նոյն պատճառի հարկիւ նմանին միմեանց : Որ դործէ ըստ ունակութեան , գործէ միշտ միօրինակ . զի սկիզբն է սա ներքին և մնայուն . և անհնար է նմա լինել ունակութիւն , եթէ չէ մնայուն և ներքին : Լուսինն միշտ փոփոխի . արեգակն միշտ կայ մնայ նոյն . զի լուսինն ընդունի զլոյս արտաքուստ , և արեգակն ունի զսկիզբն փայլածոյ իւրոյ ՚ի ներքուատ՝ և յաւետ : Որ գործէ ըստ գիտուածոյ , գիտուած է թէ գործն իցէ բարի . զի գիտուածն է սկիզբն ինչ փոփոխական և արտաքին : Ուսոյց գիտուածն պատկերահանի ումեմն (այսինքն Նէաղկեսի) նկարել սպնդաւ զիրփուր սանձի ձիոց . ՚ի ջնջելն սպնդաւ զոչ բարւոք նկարեալն յիւրմէ . բայց այս թէ միանգամ պատահեաց , յերկրորդումն ոչ պատահեացէ :

Որ գործէ ՚ի կրից , յետ սակաւ միոյ գործեսցէ զհակառակն . զի թէսկէտ կիզբն է սկիզբն ինչ ներքին , բայց առժամանակեայ . զի փոփոխի ըստ առարկայից , որպէս ծովն ըստ հողմոց : Որ գործէ ըստ նմանողութեան , ոչ գործէ միօրինակ . զի այն պիսի լինին գաղափարեալքն , որպիսի են գաղափարքն : Որ գործէ ըստ բնութեան , միշտ գործէ միօրինակ : Եւ որ գործէ ըստ ունակութեան , գործէ իբր ըստ բնութեան . զի ունակութիւնն հանապազորդեալ՝ որպէս ասացաւ՝ փոխի իբր ՚ի բնութիւն : Նըճանիք ձուլածոյք բովանդակ են միօրինակ , զի ձուլին ՚ի միոջէ գաղափարէ . և ամենայն ներգործութիւնք յառաջ եկեալք ՚ի միոյ առաքինական ունակութենէ՝ են առաքինականք . զի առաքինական ունակութիւնն է գաղափար ինչ կերպարանեալ յուղիլ բանէ , որ է անայլայլակ և յաւերժական :

Զնոյն մարթ է ասել զմոլեկան ունակութեանց ՚ի հակառակ միաս : Թէ գործէ ոք ունակութեամբ շռայլութեան , ներգործութիւնքն լինին միշտ շռայլ : Թէ գործէ ունակութեամբ ագահութեան , ներգործութիւնքն լինին միշտ առատաձեռնութեան , ներգործութիւնքն լինին միշտ առատաձեռն . զի որպիսի է գործն՝ այնպէս և ներգործութիւնն : Իոկ թէ ոք միապէս վրէալ է յունակութեանց առատաձեռնութեան և շռայլութեան և ագահութեան , որպէս՝ տղայք և յիմարք , այնպիսին թէպէտե պարգևեսցէ կամ չպարգևեսցէ , ոչ առատաձեռն է և ոչ շռայլ և ոչ ագահ . զի ներգործութիւնքն ոչ գան յառաջ յունակութենէ առատաձեռնութեան , և ոչ ՚ի մոլութեանց ՚ի ծայրս խոտորելոց , որոց չէ ընդունակ , այլ ՚ի բաղդովի և յանասնական բերմանց . վասն որոյ և միշտ են ան նմանիք միմեանց :

ԳԼՈՒԽ Զ.

Յաղագս կամառը և անկամառը ներգործութեան :

Ոչ կարէ իմանալ թէ զի՞նչ իցէ ներգործութիւն բարոյական, որ ոչն իմանայ թէ ո՛ր խափիր իցէ 'ի մէջ մտախորհ և անմտախորհ գործոց, 'ի մէջ կամաւորին և անկամաւորին՝ և խառնելոյն: Կամաւոր գործն է, զոր ունի մարդ յիւրում իշխանութեան, և առնէ զայն աղատօրէն, ճանաչելով զպարագայս այնր զոր առնէ: Ենէաս յաղթական գտեալ 'ի մենամարտութեան, սպանանէ զջուռնոս, թէպէտ և խոնարհեալ աղաչէր զնա: զի Տուռնոսի սպանեալ էր անդթութեամբ զիւրն Պալլաս 41: Այս եղեւ գործ կամաւոր և մտախորհ, նա՝ վաղու ևս խորհրդածեալ. իբր զի յայն հայէր, թէ չէ արժանի գթութեան անգութն: Անկամաւոր գործ այն է, որ լինի անդիտութեամբ և կամ բոնութեամբ: Բոնութեամբ լինի, յորժամ գործն չէ 'ի ձեռս գործողին զայն, ոյլ այնորիկ որ տայ գործել. որպէս Ոդիսես ոչ գնաց զհետ ընկերաց իւրոց, թէպէտև խոստացեալ էր. զի 'ի կիկլոպայ արգելեալ պահեցաւ յայրին 42: Վնդիտութեամբ լինի, յորժամ գործն է 'ի ձեռս գործողին, բայց անդիտանայ նա ինչ ինչ 'ի սպարագայից գործոյն զոր առնէ: Ըստ այսմ փախըտեայն Որեստէս յորսս նետաձիգ լեալ յեղերու մի, ոչ գետելով թէ նուիրեալ էր այն Արտեմեայ, պարտաւորեցաւ, թէպէտ և էր անմեղ 43: Գործն խառնեալ 'ի կամաւորէ և յանկամաւորէ լինի, յորժամ որ առնէն զսյն, ոչ կամէր առնել. բայց և այնպէս կամի առնել վասն զերծանելոյ 'ի մէծինչ չարէ, կամ յանձն ձգելոյ զմեծ ինչ բարի. որպէս Վգամեմնոն 'ի սպանդ մատոյց զդուսարն առ երկիւղի, զի մի ինքն 'ի սպանդ վարեսցի 'ի Յունաց 44:

Արդ 'ի գործն կամաւոր հաճեալ է մարդ. 'ի բոնականն անհաճ. յանդիտականն ոչ հաճէ և ոչ անհաճ. իսկ 'ի խառնեալն միանգամայն հաճէ և անհաճ: Ի գործ կամաւոր՝ բարութիւնն կամ չարութիւնն չտփի 'ի բարութենէ կամ 'ի չարութենէ առարկային, վախճանին և կամ միջոցաց. որպէս հանդերձեալ եմք ասել: Ի գործ անդիտական եթէ զանդիտացեալ պարագայն պարտ էր ճանաչել ամենեցուն բնական լուսով, որ է խիղճն մտաց, անդիտութիւնն է չար: Այսպիսի եղեւ անդիտութիւն Ստամմատոսի ուրումն, որոյ գողացեալ զգանձս հասարակապետութեան սրբոյն Մարկոսի, որ 'ի վեհետիկ քաղաքի, 'ի չքմեղս եղեւ ասելով. Ես կարծէի թէ

իրք հասարակութեան՝ նոցա լինին, որք առնուն զնոսա: Գործն բռնագատ՝ եթէ յիւրմէ է չար, և կամքն հաւանի այնմ, է դործ մոլեկան: Բայց եթէ կամքն ընդդէմ կայ այնմ ամենայն զօրութեամբ, դործն ոչ միայն չէ մոլեկան, այլ և դովելի և առաքինական: որպէս սկատահեաց ողջախոհին հռովմայեցւոյ Լուկրետիայ: Ընութիւնն եղե 'ի բռնաւորն, և ոչ 'ի նմա: զի ոչ 'ի նմա, այլ 'ի բռնաւորն եղե կամաւոր 45: Ի դործն խառնեալ եթէ երկիւղն կամ ցաւն յաղթէ արիութեան քաջի ուրուք, դործն թէպէտ չար՝ ախտակցութեան է արժանի: զի որչափ նուազի կամաւորն, այնչափ նուազի յանցաւորութիւնն: Եւ այսպիսի իրք առաւել լի նին նիւթ եղերերդութեանց 46, յորժամ յերեւելեաց ոք ոչ ամենեին պարտաւոր, և ոչ ամենեին անսպարտ, արժանի հանդիսանայ սկատոյ և ցաւակցութեան: Բայց եթէ դործն է ամենեին զեղծ, որպէս՝ հայրասպանութիւն, հայրենեաց մատնութիւն և կռապաշտութիւն, առնէ զմարդ ամենայնիւ զեղծ, և սարսափին զիջուցանէ զցաւակցութիւնն: անարժան դոլով կենաց, որ այնալիսի դործով կեանս դնեաց:

Այլ զինչ ասելի իցէ զգործոց եղելոց 'ի բռւռն յարձակմանէ կրից: Կանոն է հանրական, զի թէ կիրքն յառաջէ քան զբան, դործն ոչ մոլեկան է, և ոչ առաքինական, այլ անտարբեր: զի չէ կամաւոր, այլ բնական: Բայց եթէ կամքն յառաջէ քան զնա կամ ընկերէ նմա, լինի մոլեկան կամ առաքինական՝ ըստ առարկային բարութեան կամ չարութեան: Ապաքէն լուար թէ զգայական բաղձանք մարդոյ մասամբ իմն է բանական, և մասամբ իմն անբան: Վնեան է և անասնային ըստ ինքեան: զի ներքուստ չէ ազատ, այլ որոշեալ յառարկայէն իբրև զբաղձանս անամոց: Մինչ զի ընդ առաջադրիլ կարի իմն ախորժական առարկայի ինչ ցանկութեան կամ վրէժինդրութեան, բաղձանքն հարկիլ բերի յայն, որպէս զսովեալ գրաստ առ դարման, կամ որպէս զքար 'ի կեդրոն: Բայց ըստ այլ մասին կոչի նա բանական, ըստ որում կամքը յերկարաւոր ունակութեամբ, կամ հրամայական ներդործութեամբ մեղմէ զնա, և ուղղէ սանձիւ բանականութեան: Ապա առաջին և յանկարծ յարձակմունք կրից, յորժամ ոչ միտք և ոչ կամք ընթացակցին այնմ, վասն զի չեն կամաւորք և ազատք, այլ բնականք և հարկաւորք որպէս զանասնոցն, ոչ առաքինականք են և ոչ մոլեկանք, այլ անտարբերք: Զնոյն է ասել և զարբելոց և զզայրագնելոց: որոց անասնային դործք՝ մինչդեռ խամրեալ է սթափութիւն նոցա 'ի գինւոյ կամ 'ի սրտմառութենէ, վասն զի չեն ազատք, յառկապէս ոչ մոլեկանք են և ոչ առաքինականք:

Այլ յայտ է թէ են բազում դործք, որ թէպէտ չեն կամաւորք 'ի լինելութեան, սակայն են կամաւորք 'ի սկատճառն,

վասն որոյ և մոլեկանք : Կրկին օրինակաւ մարթ է պատճառին
կոչել կամաւոր : Մի մերձաւոր , յորժամ ոք գիտէ թէ գիւ-
րաւ գինեհարի , և արբեցութիւնն կարի իմն զնա կատաղե-
ցուցանէ , սակայն և այնպէս գիտութեամբ արկանէ զանձն
'ի վտանգ , յորմէ պարտ էր նմա խորշել : Զի որ կամի զպատ-
ճառն , կամի և զգործն յառաջ եկեալ 'ի նմանէ : Վասն որոյ
Պիտուակոս խմաստուն օրէնսդիրն սահմանեաց վասն կատաղի
արբելոց կրկին պատիժ . մի վասն գործոյն , և միւս վասն պատճա-
ռին 47 : Երկրորդ փոքր մի ընդհանրագոյն և հեռաւոր այն է ,
յորժամ ոք առաքինական ունակութեամբ չէ այնպէս տիրեալ
բուռն կրից , մինչև դիմակալել ունակութեանն և յանկարծ
բորբոքմանց բարկութեան կամ ցանկութեան : Կա որք ա-
ռաջնոց յարձակմանց կրից ներքենին և կորուսանեն զուշ իւ-
րեանց , յայտնի ցուցանեն թէ ապիրատ և անասնային սովո-
րութեամբ ամենայնիւ խանդարեալ են զոգիս : Հայեաց 'ի
մեծ օրինակ քաջի ինքնակալին , Աղեքսանդրի ասեմ մեծի .
յորժամ յուրախութիւնս կոչնոց յիմաստուն և 'ի սիրելի
բարձակցէ 'ի Կղիտոսէ հեղիկ ազգումն ընկալեալ , եհար զնա
գեղարդեամբ և սպան 48 : Կարէր անբասիր առնել զԱղեք-
սանդր յանկարծական բարբոք բարկութեանն՝ որ բառնայ 'ի
գործոյ զկամաւորութիւնն . և ևս վառումն գինւոյն , որ բառ-
նայ զմթափութիւն . այն զի առ նմա կայր և նիզակ իւրոյ
սրտմտութեան պատրաստական արբանեակ . մինչև յառաջել
խոցմանն քան զընտրողութիւնն , և յաղթողին աշխարհի յաղ-
թիւ 'ի կրից : Այլ այս պատճառանք որոց մարթ էր անբա-
սիր առնել զգործն , առաւել ևս դատախազեն : Քաջ Ճա-
նաչէր նա յառաջնմէ իսկ բազմապատիկ փորձով զիսառնուած-
իւր ցասկոտ : Գիտէր ևս թէ գինեհարութիւնն 'ի նմա գըր-
դուէր զայրոյթ . վասն այսորիկ չէր պարտ նմա արբենալ , և ոչ
զէն առ իւր ունել : Երեցութիւնն չառնէ զգործութիւննէ կան ,
այլ զարթուցանէ զմոլեկան ունակութիւնս , որք կան 'ի հոգի
որպէս զկապեալ դազանս , և սպանդարամեան լուծանէ զըրդ-
թայս : Մինչ զի գործն յիւրմէ անտարբեր՝ եղեւ անողորմ 'ի
պատճառն իւր : Թող զի , եթէ էր 'ի նմա զգայութիւնն 'ի
Ճանաչէլ զիսայթ ազգարարութեանն , զիարդ չեղեւ սթա-
փութիւն 'ի Ճանաչէլ զիւրոց գործոց չարութիւն : Այն զի՝
երախտապարտ ևս էր իւրում հաւատարիմ բարեկամի , և ի-
մաստուն վարդապետի , զի և սա ինքն Կղիտոս եղեւ նորա փի-
լիսովիս . որ 'ի գրգել բազմութեան մարդահաճոյից զախտ
նորա , սա միայն ազդու ինչ բանիւ ջանացաւ բժշկել զնա .
զի մի ստելով թէ որդի է Արամազդայ , զմայր իւր ցուցցէ
չնացեալ , զհայր իւր խայտառակ և զանձն իւր աղջկորդի և
ծանակ : Այո 'նոյն ինքն Աղեքսանդր վաղվաղակի 'ի միտս ե-
կեալ , եղեւ դատախազ և դատաւոր իւրոց յանցանաց : Կա-

մէր դահիճ ևս լինել անձին, եթէ էր թողացուցեալ: Զափու վիրաց բարեկամին զիւրն չափեաց վէրս. և որչափ արիւն եհեղ յանձնէ օտարի, այնչափ արտասուս եհեղ յիւրոց աչաց:

Գ Լ Ո Ւ Խ Ե

Թէ ո՞ր իցեն խոչք առաքինուրեան :

Ապաքէն լուար, թէ առաքինութիւնն ոչ է բնական, բոյց և ոչ հակառակ բնութեան, որ հասարակօրէն ոչ սլարդեւէ զառաքինութիւնս և ոչ մերժէ զնոսա: Բայց զոր օրինակ ասացաք թէ ոմանք ծնանին բնական կարողութեամբք պատրաստականք առ առաքինութիւն քան զայլս, նոյնպէս մարթէ ասել եթէ ոմանց միտք են անուոք և բաղձանքը ըմբոստք առառաքինական գործս, թէ ոչ յաղթեսցի անսպազութիւն երկրին քաջ մշակութեամբ: Թեմիստոկլէս 49 առաքինասէր իշխան կարող եղեւ ուսուցանել որդւոյ իւրում Դէփանտոսի հնազանդել զամեհի երիվարս. այլ ոչ կարողացաւ ուսուցանել նմա տիրել անձին: Կարողացաւ առնել զնա գիտնաւոր քան զգիտունս, այլ չեղեւ կարող առաքինութեամբ որոշել զնա 'ի մոլեաց: Բնութիւնն մայր գոլով այլոց՝ սմա եղեւ մօրու, երախտաւորեալ նմա ոչ 'ի բարիս. զի պատրաստեաց զնա բնդունարան լինել ամենայն բարեաց, այլ ոչ ճշմարիտ բարւոյն: Պատանի արժանի ախտակցութեան, այլ ոչ ներողութեան. զի կարող եղեւ բնութիւնն յօժարել զբաղձանս նորա, այլ ոչ բռնադատել զկամս, որ կարողն էր անխոնջ աշխատութեամբ բռնանալ 'ի վերայ յամառ բնութեան: Սինչ զի իրկին և իրաւացի գանդատանօք հնար էր պատանւոյն մեղադիր լինել բնութեան, և բնութեանն մեղադիր լինել պատանւոյն. նմա պարտաւորիլ և սմա պատժապարտիլ:

Ապա առաջին խոչն ծնանի 'ի մոտաց՝ որ առաջնորդն է բանին: Զի թէպէտ առարկայ մտաց է առ հասարակ ճշմարիտն, սակայն յոմանս աւելի քան յայլս՝ մամնաւոր միտք, կամ 'ի սուտ երեւակայութենէ, և կամ 'ի սեպհական տկարութենէ նոեմացեալ՝ իմանան զառերևոյթն որպէս ճշմարիտ. և կամքըն հետեւորդ՝ ըմբռնէ որպէս բարի զիւր վնասակարն: Յերկիլ երկուց արեգականց միանգամայն յերկինս տգէտք զտպաւոր նմանութիւնն համարին ճշմարիտ արեգակն, և զճշմարիտ արեգակն տպաւոր նմանութիւն: Այսպէս յիմարք և յետսամիտք՝ յորոշել զյատուկ և զանյատուկ պարագայս՝ սգիտաբար սխալեն:

Բայց և սակալ պատահէ, զի թէպէտ միտքն է բարեկարգ,

բայց կամքն կարի իմն յամառ կամ հեղդ՝ մերժէ զխորհուրդս նորա յափշտակեալ 'ի կրից։ Քաջ է որ գիտէ։ Բարի է որ ոչ գիտէ, բայց անձկայ գիտել։ Այլ չար է որ ոչ գիտէ, և ոչ գիտել կամի։ Սոյնպէս քաջ է որ զհետ երթայ առաքի նութեան։ բարի է որ անձկայ զհետ երթալ. այլ չար է, որ ոչ զհետ երթայ, և ոչ զհետ երթալ կամի։ Առաքինութիւնն յիւրմէ այնչափ է գեղեցիկ, որ թէ երևէր աչաց, յափշտակէր զամենեցուն սիրոս։ Բայց զի հաճեալ ընդ տարժանառուս՝ բնակէ յապառաժուտ և յանկոխ տեղիս'ի սկզբան անդ, և բացական է 'ի զգայութեանց, կամքն կարճամիտ առաւել զարհուրի 'ի դժուարութենէ ճանապարհին, քան ամոքի 'ի գեղեցկութենէ ելիցն որպէս ասացաւ։ Սմին իրի խորշեցեալ 'ի ճանապարհէն, խորշի և յուսուցչէ նորա. և որպէս իժ խնու զականջս, զի մի լուիցէ զփրկաւէտ թովզութիւնն բարի խորհրդոց։ Խակ խաքուսիկ հեշտութիւնն նստեալ 'ի ծաղկազարդ ոստլ զգալի փափկութեանց, հրապուրէ զանդործ կամն։ որ թէսկէտև դշխոյ է 'ի ծնէ, ոչ հրամայէ, այլ հնազանդի. և այնպէս գլխարկեալ տոռամբ իւրոյ աղախնոյ՝ խարդաւանի 'ի վիճ։ Երդուաւ Յունաստան չհաշտիլ ընդ Տրովացիս, ցորչափ բնակէր 'ի Տրովա որ մխասակար գեղով յափշտակեալն էր զյափշտակիչ իւր 50։ Մի ակնկալցին երբէք մարդիկ հաշտ լինել ընդ առաքինութեան, թէ ոչ արտաքսեն յանձանց զգիրդն զայն՝ բայց զմոլեդին զհեշտախտութեանն չեղինէ։ Սա է վշուկն Կիրկէ, անուշակ հրաւիրակ և գեղատու դաւաճան իւրոց իջաւորաց։ որոց ընդ քաղցր օշարակի արթեալ զթոյն կերպարանափոխ, մտանէին մարդ և լինէին անասուն 51։

Ընդ մխաս բնութեան լծորդի բազում անդամ և վատթարութիւնն սննդեան։ Տիմոթէոս ուսուցիչ քնարերդութեան՝ կրկին վարձս խնդրէր յաշակերտաց անախ, որք կանխաւ աշակերտեալ էին անգէտ քնարահարի։ զի դիւրագոյն է ուսուցանել զըուսեալ բարին, քան մոռացուցանել զուսեալ յուին։ Ամուլ են խրասք, որք դտանեն զսիրտ 'ի վատթար սննդենէ խոպանացեալ չար սովորութեամբք. զի կրկին աշխատութեան պէտք են խլելոյ զքար արմատ, և սերմանելոյ զքարերէր սերմանս։ Բայց այնչափ առաւելու դժուարութիւնն, որչափ խորարմատ է չար սովորութիւնն։ Դեռածին մոլութիւնն գլխովին ընդ ձեռամբ է ծնողին։ բայց իբրև աճէ, ըմբոստանայ առ ծնողն. և ծերացեալ ընդ մարդոյ՝ այնչափ զօրանայ, որչափ մարդ տկարանայ։

Զհուսկն ասացից. չարագոյն ժանախտ առաքինութեանց է կենակցութիւնն ընդ մոլիս։ Հաղաւորութեամբ ծնանի ժանախտ. և այնպէս դիւրամէտ է բնութիւնն 'ի վատթարն, որ յառողջէն չբժշկի ախտացեալն, բայց յախտացելոյն ախտա-

որի առողջն. և դիւրին է միոյ մոլելոյ ախտաւորել զբա-
զում բարեկեցիկա, քան բազում բարեկեցաց շընել 'ի բարի
զմի ոք մոլի: Յիրաւի ըզձանայր Խոկրատէս, թէ մոլիք 'ի ճա-
կատա կրէին ինչ նշան, զոր օրինակ խեթկող եղանց կապէն
խոտ յեղջիւրս, զի զգուշացին 'ի նոցանէ մարդիկ: Բայց
բնութիւնն չարար զայս՝ վասն երկուց: Մի, զի մոլիք կարի խէկ
քաջ յայտնեն զանձինս գործովք և բանիւք. և երկրորդ՝ զի
առաքինիք յերևել իւրեանց սակաւ, մի յօժարեսցին խառնիլ
'ի թիւ բազմաւոր: Խմաստութեամբ Պղատոն յերկուս դա-
սակարգութիւնս սակաւաւորաց և բազմաւորաց, զմոլիսն դա-
սեաց 'ի թիւ բազմաւորաց, և զառաքինիսն 'ի թիւ սակաւա-
ւորաց:



ԳՐԻՉԻ ԵՐԵԱՐԴ

ՅԱՂԱԳՍ ՄԱՍՆԱԿՈՐ ԵՌԱՔԻՆՈՒԹԵԱՆՑ. ԵՒ ԹԵ
ՈՐ ԻՑԷ ՆՈՑԱ ՄԵՀ:

ԳԼՈՒԽ Ա.

Յաղագս չորից զյխաշոր առաքինութեանց, և քէ
յոր մասն հոգոյ զետեղանան:

Ապաքէն լուար թէ չորք են կարողութիւնք հոգւոյ՝ ընդ-
ունակք առաքինութեան. այսինքն է, ջասմնական և ջան-
կական 'ի զդայական մասին, Միտք և Կամք 'ի բանական մա-
սին: Յիւրաքանչիւրում 'ի կարողութեանց աստի նստի առա-
քինութիւն ինչ կանոնադիր և ուսուցիչ բարի վարուց. որ-
պէս 'ի վերայ տրմուղ ձիոյ նստի ձիավարժ, որ կրթէ վնա: Մի-
յառաքինութեանց աստի կանոնաւորէ զցասմնականն, յա-
ռաջ վարեալ և ընկրկեալ զնա ըստ բանականութեան՝ 'ի գը-
ժուարին իրողութիւնս, այն է Արիութիւն: Երկրորդն կա-
նոնաւորէ զցանկականն 'ի բերկրական իրողութիւնս ըստ թե-
լադրելոյ բանականութեան, և սա է Բարեխառնութիւն: Եր-
րորդն կանոնաւորէ զկամս, յօժարեցուցեալ զնա յիրաւացի
իրս որք հային յօժուտ այլոց, և սա է Արդարութիւն: Իսկ
չորրորդն լուսաւորէ զմիաս զառնելեօք. չափ սահմանէ օրի-
նաց, և ամենայն առաքինութեանց տայ օրէնս. և սա է խո-
հեմութիւն:

Ապա սոքա են չորք ծղխնիք բարոյական խմաստասիրու-
թեան. զի բարձեալ ունին զբովանդակ շրջանս մարդկային
կենաց, որ յայտնի ճանաչի 'ի սոցին ներհակաց այսպէս: Ո-
մանք գործեն չարիս, զի ոչ ճանաչեն զբանաւորն: Այլք
Ճանաչեն, բայց կամաւոր չարութեամք ոչ կամին երթալ
զհետ: Իսկ այլք կամին երթալ զհետ, բայց կիրք երկիւղի
կամ ցանկութեան խոտորեցուցանեն զկամս և զմիաս 'ի պար-
տաւորութենէ իւրեանց: Ապա առ 'ի գործել բարոյապէս,
պիտի խոհեմութիւն, զի լուսաւորեացէ զմիաս. Արդարու-
թիւն, զի կանոնաւորեացէ զկամս. Արիութիւն, զի ջերմա-

ցուսցէ զցրտութիւն երկիւղի . և բարեխառնութիւն , որ մեղմեսցէ զբորբոք ցանկութեան : Յայսմանէ մարթիս իմանալ , թէ զոր կարգ վերադասութեան պահել ունիցին 'ի մէջ իւրեանց այս չօրեքին առաքինութիւնք , հայեցեալ 'ի ձիրս չըրեցունց բնաւոր կարողութեանցս յորոց առնուն զազնուութիւն իւրեանց :

Յայտ է , թէ Յասմնականն՝ որ ձեռնարկէ 'ի դժուարինս , ազնուականագոյն է քսն զջանկականն՝ որ յածի զբերկրականօք : Եւ կամքն՝ որ զտեղի ունի 'ի բանական մասին , առաւելու ազնուութեամբ քան զցանկականն և զցասմնականն , որք են 'ի զգայական բաղձանս : Այլ Միտքն՝ որ զտեղի ունի 'ի բարձրագոյն աթոռ բանականութեան , ազնուագոյն է յոյժ քան զկամս . զի է լոյս՝ լուսատու մարդկեղէն Երկնից : Մինչև մարթ է քեզ իմաստասիրել զըորեցունց առաքինութեանցս , չափեալ զազնուութիւն նոցա ըստ ծագման , եթէ յատենի խորհրդոց նստին առաքինութիւնք այսպիսի կարգաւ . խոհեմութիւն , Արդարութիւն , Արիութիւն , և բարեխառնութիւն : Իսկ արդ զինչ լինէր հոգի առանց առաքինութեանց , բայց եթէ մարմին առանց հոգւոյ . աշխարհ առանց բնակչաց , երկինք առանց աստեղաց , և լուսեղէն խորան առանց երանելեաց :

Այլ աստանօր թուի ինձ թէ յուշ լինի ուշիմ մտաց քոց մեծ ինչ տարակոյս , որ պառակտեաց զկարծիս մեծամեծ փիլիսոփայից : Վասն զի եթէ անհնար է ներգործութեան իմլիք լինել առաքինական՝ եթէ չէ ազատ և կամաւոր , զիարդ հնար իցէ արիութեան և բարեխառնութեան լինել 'ի զգայական բաղձանս , որ յիւրմէ չէ կարողութիւն ազատ , այլ բնական , որպիսի անասնոցն է : Իսկ եթէ զբաղձանս ասիցէ ոք ազատ , ըստ որում ներբոյ անկանի իշխանութեան կամաց , ապա 'ի կամս և ոչ 'ի զգայական բաղձանս բնակէ բարեխառնութիւն և արիութիւն , կամ թէ ոչ մին և ոչ միւսն է ճշմարիտ առաքինութիւն : Ապա եթէ այս երկու առաքինական ունակութիւնք էին յանցաւոր բաղձանս , և ոչ յանինահ կամս , ապա 'ի բառնալ մահու 'ի մարդկանէ զմարմնական և զգգայական կողոպուտ , մնայր հոգին մերկ յերկուց դեղեցիկ և ցանկալի զարդուց , առեալ ընդ իւր միայն վլսոհեմութիւն և զարդարութիւն , այլ ոչ զբարեխառնութիւն և զարիութիւն :

Յայլմէ կողմանէ և այս ևս յայտ է , թէ հարկ է առաքինութեան լինել յայնմ կարողութեան , որ միտեցուցանէ ըզմարդ 'ի ներհակալ մոլութիւն . ապա 'ի զգայական բաղձանս հարկ է լինել արիութեան և բարեխառնութեան , զի զգայութիւնն է որ միտեցուցանէ յանբարեխառնութիւն և յերկիւղ : Կիզն Անտիռքոսի կիրթ էր աներկիւղ մարտնչել . և առիւծն Դոմետիանոսի սովոր էր ժուժկալել յորսոյ , զորով

խաղայր՝ ի քիմս։ Զառաջնն մարթ էր կոչել արիութիւն, և զերկրորդն բարեխառնութիւն զգայական և անասնական։ Երկաքանչփւրն յառաջ եկին յերկար սովորութենէ տպաւորմամբ պատկերաց յերեակայութեան այնց գաղանաց։ Գործողութիւնք զգայական հոգւոյ ի մարդ և յանասունս, մեկուսի ի գործոյ բանականութեան, որպէս արդ լուար՝ են հասարակաց։ ապա հարկ է, զի և ի մարդկային զգայութեան տպաւորեսցի երկար սովորութեամբ զգալի ինչ որակութիւն առ ընտելացուցանելոյ զնա բուռն հարկանել զգժուարին իրաց, և ժուժկալեալ ի բերկրականաց։

Այս պատճառք յերկոցունց կողմանց ազդուք՝ ստիպեցին զոմանս ի գիտնաւոր վարդապետաց՝ ոչ միայն փիլիսոփայական, այլ և աստուածաբանական գպրոցաց՝ իմաստասիրել, եթէ հարկ է լինել ի մարդ երկուց ունակութեանց զբարեխառնութեամբ, որպէս և զարիութեամբ։ մի ի կամս, և միւս ևս ի զգայութեան։ Քանզի եթէ բաղձանքն զգայական՝ որպէս ըմբոսա հպատակ բազում անդամ ապստամբի ի կամաց, և բազում անդամ կամքն հեղգացեալ յաղթի և ձգի զհետ զգայական բաղձանաց, ապա սիտին երկու ունակութիւնք։ մի ի կամս առ բարւոք հրամայելոյ, և միւս ի բաղձանս՝ առ բարւոք հնազանդելոյ։ Եւ ոչ աւելորդ համարին զայս կրկնութիւն։ Քանզի զոր օրինակ յըմբոնողական գործողութիւնս՝ բաց ի նիւթական տեսակաց երեակայութեան դնին և հոգեզէն տեսակք իմացողութեան, սոյնալէս ի բաղձողական գործողութիւնս չէ ինչ դժպատեհ թէ բաց յունակութենէ ըզգայութեան դնիցի և ունակութիւն կամաց զնովին առարկայիւք ցանկութեան կամ երկիւզի։

Այս ճշմարիտ է թէ ընդ մէջ երկաքանչփւր ունակութեան գաանեն մեծ խաիր, այն որ կամացն է, ասեն, է ճշմարիտ և տիրապէս առաքինութիւն բարեխառնութեան և արիութեան։ զի կամքն է կարողութիւն ազատ և բանական։ բայց ունակութիւն զգայութեան, որ ըստ ինքեան է կարողութիւն հարկակիր և իբր անասնային, այս տրամադրէ զգայութիւնն առ առաքինութիւն, բայց չէ արժանի անուան առաքինութեան։ Եւ վասն այսորիկ գիւրաւ լուծանեն զայն տարակոյս, թէ արիութիւն և բարեխառնութիւն արդեօք անեղծ առաքինութիւնք իցեն թէ եղծտկանք։ Քանզի ունակութիւն զգայական բաղձանաց որպէս մարմնական՝ մեռանի ընդ մարմնոյն։ այլ ունակութիւնն կամաց որպէս հոգեսոր՝ անեղծ մնայ ի հոգւոջ։ թէ պէտ և լուծեալ ի մարմնոյ։

Այս կարծիք է այնց իմաստնոց, և թուփի թէ չէ հեռի ի վարդապետութենէ ճեմականաց։ Յուցեալ էր Վրիստելի, թէ բաղձանքն զգայական ի մարդ՝ է մասամբ իմն անբանական, և մասամբ իմն բանական։ Անբանական՝ ըստ որում ըզ-

դայական, և հասարակ անամեոց. և բանական՝ ըստ որում
ներքոյ անկանի աղատ կամաց: Ապա 'ի գնել նորա զարիու-
թիւնն և զբարեխառնութիւն 'ի զգայական բաղձան՝ ըստ ո-
րում բանական, այսինքն հաղորդ հոսման կամաց, յայտէ թէ
երկուց այնց առաքինութեանց անհնար է լինել բովանդա-
կապէս ոչ սոսկ 'ի կամս, և ոչ լոկ 'ի բաղձանս: Բայց և այն-
պէս կոչին առաքինութիւնք բաղձանաց, և ոչ կամաց, հայե-
ցեալ 'ի կարողութիւնն՝ որ յառաքինութենէ ընդունի զկա-
նոնաւորութիւն և զկատարելութիւն: Մինչ զի սպարտ է մեղ-
ասէլ, եթէ խոհեմութիւնն է առաքինութիւն մտաց. զի
միտքն է, որ ընդունի զկանոն և զկատարելութիւն 'ի սկզբանց
առնելեաց. թէսպէտ ինքն է որ կանոնաւորէ զայլ ամենայն
առաքինութիւնս: Եւ արդարութիւնն է առաքինութիւն կա-
մաց. զի կամքն է որ ընդունի զուղղութիւն և զկատարելու-
թիւն 'ի գործել զիրաւացի գործս: Ապա ըստ այսմ՝ արիու-
թիւնն է առաքինութիւն ցամմականին. զի ցամմականն է
որ չափաւորի և տրամադրի զդժուարին իրօք: Խոկ բարե-
խառնութիւնն է առաքինութիւն ցանկականին. զի ցանկու-
թիւնն 'ի նմանէ կատարելագործի, և ընդունի զկանոն զբեր-
կրականօք:

ԳԼՈՒԽ Բ.

Թէ զիա՞րդ զանազանին այս չորեքին առաքինուրիւնք
յայլոց բարոյական առաքինուրեանց :

Բաց 'ի գլխաւոր առաքինութեանց աստի՝ է միւս ևս գե-
րապանծ և բարդաւաճգերդաստան այլոց առաքինութեանց,
զողս վաղվաղակի խոկ առաջի արասցուք անուամբք իւրեանց
և նշանակօք: Բայց մեծապէս սխալեցան մեծամեծ փիլիսո-
փայք 'ի վերայ չորից այսց առաքինութեանց, կարծեալ թէ
այլք ամենայն ծնանին 'ի մարց աստի, որպէս ընդ միմեամբ
տեսակք 'ի սեռից: Այս է շփոթել զառաքինութիւնս՝ 'ի
տրոհել անդ զնոսա, և աղաւաղել զարուեստ յուսուցանելն
զնոյն: Այս է խաւնակել զսահմանս, զկանոնս և զվարդապէ-
տութիւնս, 'ի կարի իմն կարճատել կամ յերկարածգել զայս
գիտութիւն: Յիւրաքանչիւր տունկո հարկաւ ընթացակցին
չորեքին տարերք, բայց և ոչ մի 'ի տնկոց անուանի տեսակ միոյ
'ի մասնաւոր տարերաց: Յիւրաքանչիւր ներգործութիւնս ա-
ռատաձեռնութեան՝ այն չորեք առաքինութիւնք են պիտա-
նելք. բայց առատաձեռնութիւնն չէ տեսակ ինչ միոյ 'ի չորե-
ցունց առաքինութեանց անտի:

Ապա գիտել արժան է թէ կը կնակի հնար է բարոյական առաքինութեանց արոհիլ 'ի միմեանց : Միըստ սկզբանց գործողութեանց, և ե կը որդ ըստ առարկայից : Առաջինն արոհէ ընդհանրասկէս զգործո առաքինականս 'ի մոլեկանաց . Երկը որդին արոհէ զմասնաւոր ինչ առաքինութիւն յայլմէ մասնաւորէ : Ստոյգ է թէ այն չորք առաքինութիւնք ըստ առաջնոյն մասածեալք, են հանրական տարերք ամենայն առաքինութեանց, զի առ ամենայն են պիտանիք . Խոհեմութիւն հանրական՝ յուղութիւն կամաց . Արիութիւնն և Բարեխառնութիւնն հանրական, զի կը մի նսեմացուսցեն զբանն : Այլ Խոհեմութիւնն մասնաւոր, զորմէ է աստանօր խնդիր, ոչ ձգի առ ամենայն ուղղութիւն մտաց . և ոչ Արդարութիւնն մասնաւոր առ ամենայն ուղղութիւն կամաց, և ոչ Արիութիւն մասնաւոր առ ամենայն երկիւլ . և ոչ Բարեխառնութիւնն մասնաւոր առ ամենայն բերկրականս . այլ իւրաքանչիւրն ամփոփի 'ի սահմանս իւրոյ առարկայի, և չմիսի յայլոց իրաւունս :

Յայտմանէ մարթ է խմաստասիրել թէ այնք չորք առաքինութիւնք, Խոհեմութիւն, Արդարութիւն, Արիութիւն, և Բարեխառնութիւն, ըստ այնմ որ մտածին յայսմ վարդապետութեան՝ չեն մարք բարոյական առաքինութեանց, այլ քորք . Բայց զի առարկայք նոցա նն ազնուագոյնք, և առաւել ներքինք մարդոյ և դժուարինք, վասն այսորիկ չորեքին նոքա արժանապէս կոչին առաքինութիւնք Գլխաւորք, այլ ոչ հանրականք . այլք անուանին Երկրորդականք, այլ ոչ ընդ միմեամբք : Ամենեքին քորք են միմեանց, այլ նոքա երիցագոյնք . ուստի և 'ի խնջոյս բարոյական առաքինութեանց են նախապատիւք : Ասլա ոչ յայնց հանրական սկզբանց, այլ 'ի հայեցուածոյ բնական կարողութեանց առ սեպհական առարկայս՝ կամեցաւ առնել զբանումն ամենայն բարոյական առաքինութեանց Արիստոտէլ . որոյ երկեակ աչք լաւ ևս տեսին՝ քան զբովանդակ աչս այլ ամենայն փիլիսոփայից . որպէս լուիցես յառաջիկայդ,

ԳԼՈՒԽ Գ.

**Յաղագս բաժանման բոլյանդակ բարոյական
առաքինութեանց ըստ սեպհական առարկայից :**

Ի բանական կարողութեան ոմն յառաքինութեանց ուղղէ զմիսս զբարւոք խորհրդածութեամբ և կշռութեամբ . և սա է Խոհեմութիւն մասնաւոր : Ոմն ուղղէ զկամն զբաշխմամբ և զփոխարինութեամբ . և սա է Արդարութիւն մասնաւոր :

Ի կիրս՝ ոմն չափաւորէ զերկիւղն զառարկայիւք, որ եղծիչ էն կենաց. և սա է Արիութիւն մասնաւոր: Ոմն չափաւորէ զցանկութիւնն զառարկայիւք որ պահպանիչ էն կենաց. և սա է բարեխառնութիւն մասնաւոր:

Յարտաքին բարիս և 'ի չարիս՝ ոմն չափաւորէ զախորժակն զմիջական օգտակար բարեօք. և սա է Առատաձեռնութիւն: Ոմն չափաւորէ զնոյն ախորժակ զմեծամեծ օգտակար բարեօք. և սա է Մեծագործութիւն: Ոչ չափաւորէ զախորժակն զմիջական պատուաւոր բարեօք. և սա է Պարկեշտութիւն: Ոմն չափաւորէ զնոյն զմեծամեծ պատուաւոր բարեօք, և սա է Մեծանձնութիւն: Ոմն չափաւորէ զկիրս զարտաքին չարեօք, որք գրգռեն զբարկութիւն. և սա է Հեղութիւն:

Ի քաղաքական կենցաղավարութեան ոմն յառաքինութեանց միաբանէ զիսօսս ընդ իւր միաս. և սա է Ճշմարտախօսութիւն: Ոմն միաբանէ զիսօսս ընդ այլոց հաճոյս՝ յիրս որ ընդ խաղ. և սա է Զուտարձախօսութիւն: Եւ ոմն միաբանէ զիսօսս և զգործս ընդ հաճոյս այլոց՝ յիրս որ ոչ ընդ խաղ. և սա է Հաճոյականութիւն: Այս են Ճշմարիտ առաքինութիւնք: Բայց 'ի կիրս են և այլ երկու միջասահմանք. որպէս թէ առաքինութիւնք խորդք և ոչ Ճշմարիտք. զի շառաւիղեն յապականեալ արմատոյ: Այլ զի են գեղեցիկք, առանձնաշնորհութեամբ՝ 'ի համար մատանեն ազգակցութեան առաքինութեանց: Մին է երկիւղ գորովանաց 'ի սակս իւրոց անարդ գործոց. և սա է Ամօթխածութիւն: Միւսն է ցաւ վասն բարեաց օտարի, որոց չէր նա արժանի. և սա է Արտմատութիւն:

Արդ 'ի վերայ այսր բաժանման կարևոր համարիմ զառաջինն յուշ առնել, զի թէ իմաստակի ուրուք միտք կամիցին զսանքել ատամնաւոր խարսոցաւ մեթաֆիզիկական բաժանմանց, եղիցի յանդուդն: Արիստոտէլ 'ի վերայ բարաւորի իւրոյ բարոյական գործատան հաստատեաց տախտակ այսպիսի գրութեամբ. Ի գիտութիւնս՝ որոց սկզբունք են հաւանականք և համոզականք, խնդրել զապացուցութիւնս՝ է յանդընութիւն և յիմարութիւն: Սա կամեցաւ տրոհմամբ առարկայից ուսուցանել զգիտութիւն ինչ սահմանափակ և բարեկարգ, որ այլազգ տրոհմամբ լինէր անսահման և շփոթ: Եւ արդարե ոչինչ այլ առաքինութիւն բարոյական գայ 'ի միաս ուրուք, որ ոչ հայիցի առ այսոսիկ առարկայս, որպէս տեսցես յառաջիկայդ: Խշեմ ասել. զոր ինչ 'ի գիտութիւնս չետես Արիստոտէլ, մի ակնկալցի տեսանել այլ ոք 'ի մահկանացուաց:

Ի վախճան ամենայնի մարթ է քեզ առնուլ 'ի միտ, թէ երկու միայն առաքինութիւնք բնակին 'ի դարպաս բանին. այսինքն է խոհեմութիւն, և Արդարութիւն: Այլք ամենայն իջավանին յարուարձանս կրից . այսինքն է 'ի զգայական բաղ-

ձանս, ըստ օրինակին որպէս և ասացաւ: ՄԵՇԻ լիցի վասն այսը
մեղադիր լինել բնութեան, թէ ընդէր փակեաց 'ի մարդ ըզ-
կիրս՝ զթշնամի խռովարարս հոգւոյ, Վասն զի առանց նոցա
հոգին անմասն լինէր յայսպիսի և յայսչափ գեղեցիկ առա-
քինութեանց: Բարկութիւնն է յեսան արիութեան. Ցան-
կութիւնն է տածիչ բարեկամութեան. Երկիւղն է խորհըր-
դական խոհեմութեան. Փառասիրութիւնն է խթան մեծա-
գործութեան. Ցաւն է ուսուցիչ բարեխառնութեան. Ի
հողոյ բուսանին շուշանք, և 'ի զգայութենէ ծնանին առաքի-
նութիւնք: Մարդ ոչ է սոսկ մարմին, և ոչ միտ աննիւթա-
կան, այլ խառնեալ ինչ 'ի հոգւոյ և 'ի մարմնոյ: Արարչին
բնութեան՝ որ 'ի կատարելութիւն և 'ի զարդ աշխարհի չե-
թող ինչ թերի, արարեալ զազդ ինչ էից գլխովին զգայնոց
որպէս զանբանս, և զազդ ինչ գլխովին հոգի այսինքն զհրեշ-
տակս, անկ էր նմա առնել և միջակային ինչ բաղադրեալ 'ի
զգայութենէ և 'ի հոգւոյ, և այն է մարդ: Ի թունաւոր Ճճիս
յառաջատես բնութիւնն լծորդեաց ընդ թոյն զդեղթափ:
Չէ ինչ բացական 'ի կրից բանականութիւնն, որ ուղղէ զնո-
սա. և մոլութեանց՝ որ 'ի ծայրս՝ մօտ են առաքինութիւնք.
որպէս և տեսցես:

ԳԼՈՒԽ Գ.

Ճիշդադրիւն բարոյական սոսքինութեանց, և նոցին
մողութեանց՝ որ 'ի ծազ:

ՈՒՂՂՈՒԹԻՒՆ

Մատոյ՝ ԿԲաբառական խորհրդանշականին

Անխոհեմու-
թիւն:

ԽՈՀԵՄՈՒԹԻՒՆ

Խորամանկու-
թիւն:

Կամաց՝ ԿԲալխմանք և Կէնխարինութեանք

Անիրաւութիւն
յառաւելն:

ԱՐԴԱՐՈՒԹԻՒՆ

Անիրաւութիւն
'ի նուազն:

Կըի՞՝ Կմաբնառուր լարեօն

ՎԵՀԵՐՈՍՈՒ-
ԹԻՒՆ:

ԱՐԴՈՒԹԻՒՆ

Յանդգնու-
թիւն:

Կըի՞՝ Կմաբնառուր բարեօն

Թամրու-
թիւն:

ԲԱՐԵԽԱՌԱ-
ՆՈՒԹԻՒՆ

Անբարեխառ-
նութիւն:

Յարպատին բարին՝ պմիջակային օգտակարօն

Ագահու-
թիւն:

ԱՌԵՏԱԶԵՌՆՈՒԹԻՒՆ

Հռայլու-
թիւն:

ԶԵՃԱՋԵԾ օգտակար բարեօն

Փոքրագոր-
ծութիւն:

ՄԵԾԱԳՈՒԾՈՒԹԻՒՆ

Չափազանց
վայելչութիւն:

ԶՄԵՋԱԿԱՆ պարուատառ բարեօն

Անհոգու-
թիւն:

ՊԱՐԿԵՇՏՈՒԹԻՒՆ

Փառամոլու-
թիւն:

ԶԵՃԱՋԵԾ պարուատառ բարեօն

Փոքրոգու-
թիւն:

ՄԵԾԱԶՆՈՒԹԻՒՆ

Փքացումն:

Զարպատին լարեօն՝ որ գրգռեն պարկութիւն

Անզգայու-
թիւն:

ՀԵԶՈՒԹԻՒՆ

Բարկացողու-
թիւն:

Ի ինշաղավարութիւն՝ յորժամ զանյն էն պըսցան

ԿԵՂԾԵՔ:

ՃԾՄԵՐՏԱԽՕՍՈՒԹԻՒՆ Ճառատանք:

ԶԿԱՋԱԿԱՆԸ այլ յիշ՝ որ ընդ խաղ

ԳԵՂԾԿՈՒ-
ԹԻՒՆ:

ԶՈՒՄԱՃԱԽՕՍՈՒԹԻՒՆ

ԽԵՂԿԱՍԱ-
ԿՈՒԹԻՒՆ:

ԶԿԱՋԱԿԱՆԸ այլ յիշ՝ որ ու ընդ խաղ

Մարդահա-
ճութիւն:

ՀԱՃՈՅԱԿԱՆՈՒԹԻՒՆ

Հակառակա-
բանութիւն:

ԶԵՐԻԴԱՂԻՆ անպարուաթիւն անյն

ԵՐԿՅՈՒՄՈՒ-
ԹԻՒՆ:

ԱՄՕԹԽԱԾՈՒԹԻՒՆ

Լըբութիւն:

Ի գծութիւն ընդ բարին այլ որոշ չեն արժանի

Կախանձաբե-
կութիւն:

ՄՐՑՄՏՈՒԹԻՒՆ

Չարակա-
մութիւն:

ԳԼՈՒԽ Ե.

Յաղաց քե որ իցէ մէջ առաքինուրեան :

Այս աղբւսակ ճիւղագրութեան առաքինութեանց և խոտոր մոլութեանց՝ յայտնի ցուցանէ քեզ, թէ ոչ այլ ինչ է առաքինութիւն, բայց միջասահման ինչ՝ ի մէջ մոլեկան ծայրից. որով և զգացուցանէ քեզ, քանի հպաւոր իցէ չարն բարւոյ, և սուտն Շմարտի : Զինչ կայ լաւ քան զառաքինութիւն և զինչ վատթար քան զմոլութիւն. սակայն և այնպէս իւրաքանչիւր առաքինութեան երկու մոլութիւնք կան առընթեր. մի ըստ առաւելութեան, և մի ըստ նուազութեան : Հատ էր ձեռնարկութիւնս առ ապացուցանել թէ յաշխարհի մոլեք կրկնապատիկ առաւելուն քան զառաքինիս, որովհետեւ առաքինութիւնք են չորեքտասան թուով, և մոլութիւնք քսան եռութ : Բայց չարագոյն այն է զի առաքինութիւնն է մի և մոլութիւնքն անբաւ . իբր զի մի միայն է եղանակ հասանելոյ ՚ինպատակ, այլ խոտորութիւնքն անբաւք : Ապա զիարդ հնարիցէ դիմել յառաքինութիւն, եթէ այնչափ անձուկ է ճանապարհն, մինչև գնալ միշտ ընդ այն զօրէն լարախաղացի՝ վիշ աստի ունելով և անտի : Հայեցեալ ական ՚ի լուսինն ընդ արեգակամբ՝ խառնէ զմոլորակ ընդ մոլորակի . և թուի նմատեսանել կամ լուսին ինչ խաւարակ, կամ արեգակն ինչ սկըրակ : Եւ մարդկային միտք՝ զայն որ ՚ի ծայրն՝ առաքինութիւն կարծեալ, չգիտէ զորն գովեսցէ, կամ յորմէ խորշիցի : Անմոռութիւնն կղաւգիսի՝ անմտաց թուեցաւ խոհեմութիւն, և ոչ ծանուցաւ բայց ՚ի շողիւն ծիրանեաց 52 : Յանդգնութիւն Աղեքսանդրի՝ վասն զի էր բարեբաստիկ, յանգուգն եղելոց թուեցաւ արիութիւն . և նախանձաւորք եղեն այնմ որում պարտն էր ախտակցիլ : Վնդթութիւն Սիղղայի քաղաքայնոց թուեցաւ արդարութիւն . որոց և յիրաւի եղեւ այնպիսի ունել դատաւոր 53 :

Բայց որ իցէ այս մէջ, ուր ամփոփ գահակալէ առաքինութիւնն : Զարմանամ ես, զի այնպէս զարմանալի թուեցաւ վՃիւն, զոր ոմանք ընծայեն Բիասայ, ոմանք Սոզոնի, ոմանք Պիւթագորայ, և ոմանք պատգամախօսի, որ զմէջն առաքինութեան երկբառիւ սահմանեաց, Մի աւելազանց : Անմիտ գտաւ որ ասաց, զի սահմանեաց զառաքինութիւնն ըստ կիսոյ : Պարտ է յայն յարել՝ Եւ մի ինչ նուազ : Փոքր մի լրագոյն և յայտնագոյն եղեն սահմանքս . կէս աւելի քան զբուրն : Ոչ յայսկոյս, և ոչ յայնկոյս . Ամենայն չափով : Բայց

այս չափք՝ առաւել բնականք քան բարոյականք, ոչ այնչափ պատշաճին գործոց առաքինութեան, որչափ գործուածոց ճարտարապետի. հիւսան և մաշկեկարի: Իսկագոյն ևս են սահմանքս. Որ ինչ վայելէ. Որ ինչ արժան է: Զի այս բառք են բարոյական չափու և ոչ բնականի: Բայց զամենայն 'ի մի բառ բովանդակես, թէ ասես բանաւորն. զի ոչ այլ ինչ է առաքինութիւն, բայց միջասահման ինչ որոշեալ 'ի բանէ, որ 'ի ներքս փակէ զամենայն առաքինութիւն և արտասահմանէ զամենայն զծայրս:

Բայց այս մէջ՝ յոր զկայ առնու բանն, ոչ է թուաբանական, իբրև զմէջ թուական, որ միշտ է նոյն. թէսկէտէ 'ի պէս պէս ենթակայս, և միշտ միապէս է տարակաց յիւրոց ծայրից: Իբերիացիք, այսինքն նախնի Սպանիացիք, պարտաւորէին զամենայն չափահասս ածել ընդ մէջ նոյնչափ դօտի. և որոյ ընդարձակագոյն էր փոր, պատժէին զնա որպէս ոլորտաբոյծ: Ըստաւել ևս պատժապարտ էին օրէնսդիրք նոցա. որք թէ ջրդողէին, զօրինօք անցանէին՝ խղեալ զգօտին: Այլ չափ բանին՝ է երկրաչափական, այսինքն համեմատական. զի որ միումն է սակաւ, այլում է աւելի. և որ միումն է միջասահման, այլում է աւելազանց: Վասն որոյ հայի նայանձինս, և ոչ 'ի ծայրս: Ոչ վայելէ թզուկի կօշիկ Աղկիդեայ հսկայի 54. և ոչ փոքր արժանաւորութիւն ունողի չափազանց վարձառութիւն: Արդարն ոչ չափէ զամենայն գողութիւնս նովին չուանաւ: Արին ոչ հեղու վասն չնչին պատճառի զպատուական զիւր արիւն՝ պահեալ վասն հայրենեաց: Ըստածեւնն ոչ միապէս պերճ է առ դուէհիկ ոք, որպէս առ ազնուական: Երկաթի քանոն Պողիկղետոսի դիպողանյր միայն ուղղորդ և մակարդակ քարի. բայց կապարեայ քանոն Լեսբացւոց՝ այս ուղիղ, բայց ճապուկ և դիւրակոր՝ դիպողանյր քարի մակարդակի, կորոյ և գոգաւորի, և ամենայն ձեռյ՝ միշտ ճապկութեամբ և միշտ ուղղութեամբ 55: Քանոն երկաթի էր դօտի իբերիացւոց. բայց կանոն բանին չափէ միայն զհանրական և զանփոփոխ ենթակայս, այլ՝ հայի 'ի մասնաւոր պարագայս. այսինքն յանձն, 'ի գործն, 'ի տէղին, 'ի ժամանակն, 'ի միջոցս, յեղանակ և 'ի պատճառն, որ պէս ասասցի յիւրում վայրի. և ըստ փոփոխութեան պարագայիցո՝ փոփոխի և մէջ բանին: Առներդաշնակութիւննուագերդութեան պահանջի միաբանութիւն ամենայն լարից, բայց 'ի իստնդարել զայն՝ բաւական է մի միայն լար արտուղի: Միայն արեգակն գիտէ գնալ անանջրպետ ընդ ծիր իսաւարման. ոչ 'ի հիւսիսասահմանս վերճեմեալ, և ոչ 'ի հարաւասահմանս ստորիջեալ: Այլ ամենայն մոլորակը որպէս անմիտ Փայետոնք 56, է զի վերճեմեն 'ի բարձր բնեռ, և է զի վայրաբերին 'ի ստորին բնեռ. ոչ դիտեն զկայ առնուլ 'ի միջի՝ և ոչ վայր

մի , յորմէ իսկ կոչեցան մոլորակք : Արդ զիա՞րդ հնար իցէ մարդկային մտաց ըմոլորիլ :

ԳԼՈՒԽ Զ .

Թէ զիա՞րդ գտանիցի մէջ առաքինութեանց յերկուց ծայրից միջի :

Բնութիւնն որպէս յառաջ լուար , ոչ պարգևէ զառաքիւնութիւնս , այլ պարգևէ լոյս ինչ պայծառ առ ՚ի կարօղ լինելոյ ճանաչել զայն : Անասնոց ետ ազգեցութիւն՝ առ գիտելոյ որոշել զխոսս առողջարարս ՚ի վխասակարաց . մարդկան ետ զխիղձ մտաց՝ առ գիտելոյ որոշել զբարին ՚ի չարէն : Եւ զի այս օրէնսդիր հասաեաց օրէնս արդարս , կարի իմն անիւրաւէր թէ ոչ հրատարակէր և տպաւորէր ՚ի միտս այնց՝ որոց պարան էր պահել զնոսա : Մոլութեան հնար է լինել անդատաւոր , բայց չէ երբէք անդատախաղ և անպատիժ . զի դատախաղ նոցա է խիղձ մտաց , և պատժօղ՝ խայթ նորա : Բայց թէ զինչ իցէ այս խիղձ մտաց , խօսեսցուք լիով յիւրումտեղ ևոջ : Ապա չէ մոլի աղայն կամ խելագարն , որք ոչ ճանաչեն զմոլութիւն , և ոչ մեղանչէ այն որ ոչ գիտէ մեղանչել : Բայց որ ճանաչէ զմոլութիւն ճանաչէ և զառաքինութիւն . զի որ ճանաչէ զծայրան , ճանաչէ և զմէջն :

Չիք գիտութիւն պայծառ քան զխիղձ մտաց , թէ չէ ՚ի կրից նսեմացեալ : Ըոգիախասառն ծուխք օդոյ չժողուն տեսանել զխկական չափ և զջշգրիտ գոյն արեւու ՚ի ծագել իւրում . և վասն այսորիկ երևակայութիւնն ըստ տեսութեան աչաց՝ կարծէ զնա շառագոյն ես , և մեծագոյն . նոյնպէս ծխամածութիւն կրից այլայլէ զծշմարիտդատաստան և զչափ բանին :

Բայց առաւել ես , եթէ դատաստանն է զեղծ ՚ի թիւր ունակութեանց , որք և առանց կրից գործեն չարաչար՝ մղեալ զմիրան ՚ի ծայրս : Բազուկ բեկ չմնայ երբէք ՚ի միջի յիւրում տեղւոջ . թէ ուղղի մի մասն՝ անկանի միւսն : Եւ այր թիւր թէ ՚ի բացէ լինի ՚ի միոջէ ՚ի ծայրից , ընդհարկանի ՚ի միւսն . ոչ երբէք զաեղի առնու ՚ի բանաւորն , կամ լինի շռայլ և կամ կծծի . կամ յանդուգն վառի և կամ վեհերոտեալ դողայ . անցանէ անընդմէջ ՚ի մարդահաճութենէ ՚ի տմարդութիւն : Ապա այս է նախնական և գիւրագոյն ճանապարհ ճանաչելոյ զմէջ առաքինութեանց : Ի բաց արա ՚ի սրտէ զկիրս և զչար սովորութիւնս , զի ճառագայթեսցէ լոյս խղձի մաաց . վասն զի նոյն իսկ խոչք , զորոց ասացաւ թէ խափանեն զստացումն առաքինութեանց , խափանեն և զՃանաչումն միջոյ :

Բայց միւս ևս եղանակ՝ յայտնագոյն որոշելոյ զմեջն յիւրոց ծայրից, է խոհեմութիւնն. որ 'ի բնաւոր խիղճ մտաց յաւելու ուսուցմունս և մասնաւոր փորձս։ Լոյս է լուսաւորագոյն, բայց դժուարագոյն և դանդաղագոյն։ զի ոչ պարգևելի 'ի բնութենէ, այլ ստացանի երկար սովորութեամբ 57։ Միայն 'ի տաճար չաստուածուհւոյն 'Նեմիսեայ պահիւր արքունի չափ կանգնոյ. և միայն 'ի տաճար խոհեմութեան եղեալ կայ չափ բանաւորի։ Կողմնական մոլութիւնք միշտ կագեն ընդ առաքինութեան 'ի վերայ սահմանաց։ Բայց որպէս անդաստանական դատաւորի էր որոշել զահմանս արտորէից՝ որ ընդ վեճիւ, սոյնպէս միայն խոհեմին է սահմանել զկոսկար բանին ընդ յաւեալ և ընդ նուազ։ Դեղազոս 58 'ի փախչիլ իւրում մոմապատ թեոց թուուցիւք յանդթական կղզւոյ յերկեր խաղաղական, զայս ինչ յուշ արար որդւոյ իւրում իկարոսի։ Որդեակ իմ, մի թուչիր այնչափ բարձր, մինչև հրոյ կամարի այրել զքո թես, և մի այնչափ ցած, մինչև գոլորշեաց ջրոյ կորդել զնոսա, ընդ միջին ճանապարհ թուիր ապահով։ Եւ արդարե Դեղազոս որպէս ծերունի խոհեմ՝ գիտաց ունել զմիջին ճանապարհ, և ողջամբ եհաս 'ի ցամաք։ այլ համբակին անզգոյշ մանկական յանձնապաստանութեամբ կարի իմն վերաթեալ 'ի բարձունս՝ թօթափիւաց զթես 'ի հուր, և մեռաւ 'ի ջուր, անցեալ ծագէ 'ի ծագ։ փոխանակ զի ոչ գիտաց զմեջն ունել։

Ամենայն արուեստ է դժուարին յիւրում սկզբան։ Հրեշտակաց միայն յաջողեաց հաստիլ 'ի բնէ խոհեմ։ 'ի նոսա հեղան պատկերք ամենայնի զոր արժան էր առնել։ Մարդկան անկ է ստանալ զնոսա ջանիւ խոհեմութեան։ Ուսանի նաւապետն զնաւարկութիւն տաղտկանօք, երկուցեալ 'ի սկզբան անդ 'ի կոհակաց կոհակաց իբր 'ի մահահրաւէր շիրմաց։ Բայց ապա սովորութեամբ՝ 'ի վերայ մրրկածուփ տարեր խաղաղական անձամբ ճեմ առեալ շրջե ընդ աշխարհ։ Չէ այնչափ դժուարին գիտութիւն առաքինութեանց, որչափ գիտութիւն ևս և ստորին աղատական արուեստից։ Դիւրագոյն և յայտնագոյն են կանոնք բարոյական առաքինութեան՝ քան զկանոնս քերթածաց բանաստեղծութեան, որ կապէ զարձակ բանն բազմապատիկ շղթայիւք։ և անհամար կանոնք բաժանէ զտողս ոտիւք, և զոտս վանկօք, և զիւրաքանչիւր վանկի չափէ զքանակ։ կշռորդէ զշեշտ, արոհէ զհնչիւն և կշռէ զհագադ։ Դժուարագոյն է առնել ինչ ճարտար քերթած՝ քան զաւաքինի ինչ գործ։ գիւրագոյն ճանաչի պարագոյ բանաւորութեան՝ քան զգօրութիւն փաղառութեան։ Խակարդ է թէ սովորութեամբ դիւրանայ այսպիսի ինչ տարժանաւոր հմտութիւն, որոյ սկզբունք չեն հաստատեալ ոչ 'ի բնութիւն և ոչ 'ի բանն, այլ 'ի հաճոյս մատացածին նրբութեանց,

զոր սահմանեցին կանոնագիրք . ո՞րչափ ևս գիւրուսանելի իցէ ճանաչել զբանաւորն՝ լուսով բնութեան , ազնուական սննդեամբ , սիրով գովութեան , երկիւղիւ պատժոյ , ձայնաւոր պատուիրանօք , գրաւոր մատենիւք , հրապարակական օրինօք , այլոց օրինակօք և անձին իսկ փորձիւ , որ քան զամենայն է զօրաւոր :

ԳԼՈՒԽ Է.

Բաղդատուրիւն երկուց ծայրից առ միմեան :

Թէակտ և երկաքանչիւր մոլեկան ծայրք են այլանդակք և տգեղք , բայց և այնպէս միոյ քան զմիւսոյն նուտող է տգեղութիւն . զի մին նմանագոյն է առաքինութեանն որ կայ 'ի մէջն : 'Նմանագոյն է խոհեմութեան խորամանկութիւնն քան զանխոհեմութիւն : 'Նմանագոյն է արիութեան յանդդնութիւնն քան զվեհերոտութիւն : 'Նմանագոյն է առատաձեռնութեան շուայլութիւնն քան զագահութիւն : Զի առելազանցութիւնն ոչ կարէ առաւելուլ քան զմէջն , թէ ոչ այնմհաւասարի : Բայց պակասութիւնն վասն զի ոչ կարողանայ հասանել 'ի մէջն առաքինութեան , նուազ նման է առաքինութեան քան զաւելազանցութիւնն : Որպէս գիշերայն լուցեալ գոլորշիք՝ յանմիտ դիատղաց համարին աստղ , նոյնպէս ծայրն նմանագոյն առաքինութեան՝ բազում անդամ 'ի համար գրի առաքինութեան :

Մոլութիւնն նմանագոյն առաքինութեան՝ է նուազ ամօթալի քան զմիւսն . զի է առաւել դժուարին և նուազ ծառայական . թէակտ և միասսակարագոյն է և դժնդակակագոյն : Ծանրագոյն պատժի պատերազմողն ընդդէմ հրամանի՝ քան զփախուցեալն 'ի պատերազմէ . բայց առաւել ամօթալի է փախչիլն 'ի պատերազմէ՝ քան զպատերազմիլն ընդդէմ հրամանի . զի այն է ցածութիւն՝ մոլութիւն աշխայժ վասն որոյ և նմանագոյն արիութեան : Մանլիոս 59 պատանին դժբախտ՝ ընդդէմ հրամանին հրատարակելոյ 'ի հօրէ իւրմէ իշխանապետէ 'ի ձոյն փողոյ . քաջութեամբ կռուեալ և յաղթեալ թշնամւոյն , վասն այսովիսի պանծալի յանցանաց եթող ընդ տապարաւ զգլուխ իւր պսակազարդ . և յամենեցունց ախտակցաբար գովեստ ընկալեալ յիւրում թաղման յաղթանակեաց :

Դիւրագոյն վերածի յառաքինութիւնն մոլութիւնն , որ նմանագոյն է նմա : Փոքր աշխատութեամբ արի հանդիսանայ յանդուգն քան զվեհերոտն . զի դիւրագոյն է յապաւել զա-

և լազանցութիւնն , քան ընուշ զթերին . և դժուարագոյն է հասուցանել 'ի միջասահման զայն որ չյաւելու ինչ , քան զայն որ առաւելու : Աքանչելիք եղեն ընութեան , զի Տորկուատոս այնպէս պիտանի եղեւ հասարակապետութեան իւրովք յաղթութեամբք , այն որ այնպէս անպիտան էր և անարդ , մինչև հօր իւրոյ առաքել զնա արածել զարջառո՞ որոց էր նման 60 : Եւ մեծ ևս սքանչելիք եղեն , զի զօրավարն Ափրիկանոս հայելին մանկանց 'ի զեղծ և յանառակ վարս , եղեւ ապա հայելի պատերազմողաց՝ 'ի ժուժկալ և 'ի պարկեշտ վարս 61 : Թուի թէ ընութիւնն 'ի նկարել զկենդանագիր երկոցուն քաջազանցա . զի առաւել ևս բացափայլեսցի լոյս մեծամեծ առաքինութեանց՝ արկ զնոքօք զմթին ստուերս առաջնոց վարուց :

Բայց և այն է ճշմարիտ , զի թէպէտե երբեմն մոլութիւնք ընդ առաքինութեան են անկուիւ , բայց ընդ միմեանս միշտ են 'ի կուուի : Այս բարութիւն միայն է 'ի կարիճս , զի սատակեն զմիմեանս : Զայս հոգացաւ ընութիւնն , զի մի բազմածնունդ սերունդ ժանատախիս 'ի չիք դարձուոցէ զազէ մարդկան : Եւ այս բարութիւն ևեթէ 'ի մոլութիւնս , զի բազմածնունդ գուլով . քան զառաքինութիւնս , միմեանց լինին դահիճք և եղծիչք : Ծռայլութիւնն սպանանէ զագահութիւն , ագահութիւնն զիառասիրութիւն , փառասիրութիւնն զվեհերոտութիւն , և վեհերոտութիւնն զյանդգնութիւն , ըստ օրինակի շահատակաց կադմոսի , որք միահազոյն ծնեալք և դատապարաեալք , փոփոխ վիրաւորութեամբ զմիմեանս սատակեալ դառնային անդրէն 'ի հող՝ ուստի ելին 62 . Կա՝ ամենայն յետին մոլութիւն յիւր վերայ գաղանանայ , և իւրովի սատակի : Չիքինչ առաւել հակառակ շռայլութեան քան շռայլութիւն , և յանդգնութեան քան զյանդգնութիւն , և հեշտախտութեան քան զնոյն ինքն հեշտախտութիւն : Ամենայն որ հասանէ 'ի ծագ , կամ զկայառնու , կամ յիւր վերայ ընկրկի , և լինի ատելի իւրում գործողի : Վիշտապի հայեցեալ ընդ հայելի՝ իւրովք թունօք պայթի . և մեծ ինչ չարագործ հայեցեալ ընդ առաքինիս՝ յիւրոց չարեաց նողկայ : Գործ մոլեկան՝ է տգեղ . և ամենայն ծնունդ ագեղ և այլանդակ՝ զարհուրեցուցանէ զիւր ծնօղսն : Եւ այն պէս բազում անդամ տաղտկութիւնն և սարսափ մոլութեան դարձուցանէ զմոլին յառաքինութիւն : Զսորին հակառակն առաքինութիւնք զաւակք տատուածապարդեք՝ պահեն առմիմեանս միաբանութիւնն և խաղաղութիւն . զի առ հասարակ են համաձայն բանի : Չլինի առաքինութիւնն առելի . զի է յոյժ սիրելի : Չլինի իւր ինքեան անհաճոյ . զի է յոյժ գեղեցիկ : Չիք նորա աճման սահման . զի ոչ պակասի նորա ճարակ : Ոչ ուստեք երկնչի , զի է անստդիւտ . ոչ փախչի 'ի

լուսոյ, զի է շքեղ. ոչ սարջանայ, զի ոչ դործէ զչար. ոչ տաղտկանայ, զի միշտ գիմէ յերջանկութիւն, որպէս մոլութիւնն ՚ի թշուառութիւն :

Բայց արդ եկեսցուք ՚ի լուծումն տարակուսանաց ինչ, որում հնար է յուշ լինել քեղ, որպէս յուշ եղև մեծամեծ փիլխոփայից, ՚ի վերայ ասացելոցն պմջ, առաքինութեան, և զտարբերութենէ իւրոց ծայրեն :

Գ Լ Ո Ւ Խ Ը.

Արդեօք ամենայն մոլորիւնք իցեն հաշասար:

“Ըստ իրաց ինչ, եթէ մէջն առաքինութեան է դիծ ինչ անբաժանելի ՚ի մէջ երկուց ծայրից, որպէս ծիր գիշերահաւասարի ՚ի մէջ երկուց բեկուաց, ապա խոտորումն ՚ի դժէ ասաի ՚ի մի կամ ՚ի միւս ծայր՝ հաստատեալ է յանբաժանելի իմն: Իսկ եթէ միոյ անբաժանելոյ անհնար է լինել մեծ քան զմիւսն, ապա միոյ ծայրի մոլութեան անհնար է լինել մեծ քան զմիւսն: Ապա ուրեմն չէ մեծ մոլութիւն խրոխտ Ամբարտաւանութիւնն քան զընդոստ Փոքրոդութիւն. և ոչ կատաղի Յանդգնութիւնն՝ քան զերկչոտ Վեհերոտութիւն. և ոչ լիրք Վավաշանք՝ քան զցուրտ Թմբութիւն. զի յերկոցունց ծայրից միջի չկայ ինչ մէջ. բայց կէտ անբաժանելի, և սոսկ բացասութիւն :

„Զայն՝ որ ասի զերկոցունց ծայրից, մարթ է ասել և զերկոցունց նոյնատեսակ մոլութեանց: Անհնար է լինել միոյ դողութեան մեծ քան զմիւսն. և մեծագունի արժանանալ պատուհասի. զի մէջ արդարութեան է չառնուլ զօտարինն ընդդէմնորա կամացն: Եւ այս ես է անբաժանելի իմն: Ապա այնչափ անիրաւութիւն է դողանալ զդանկ ինչ, որչափ գողանալ զհարիւր տաղանդս. և այնչափ անիրաւ իմն է և հաւատադրժութիւն՝ չհատուցանել զաւանդ դանկի միոջ, որչափ չհատուցանել զաւանդ հարիւր տաղանդոց:

„Վրիպակ նետաձգին չէ հաստատեալ ՚ի մեծ կամ ՚ի փոքր բացաձգութիւն ՚ի նպատակէն, այլ յայն՝ զի չեհար զմէջ նպատակին: Ապա թէ փոքր իցէ քանակ գողութեան, և թէ մեծ, խոտորումն ՚ի միջոյ անտի է անբաժանելի: Ապա դողութիւնք ամենայն են հաւասարք:

„Որ ինչ ասի զնոյնատեսակ մոլութեանց, զնոյն մարթ է ասել և զտարասեռ մոլութեանց: Մէջ ուղիղ բանին, որպէս ասացաք՝ է որ ինչ օրէն է: Ի մէջ օրինաւորին և օրինաւորին չկայ ինչ մէջ. զի լինելն օրինաւոր՝ է կէտ անբաժան: Ապա

չէ մեծագոյն յանցաւորութիւն՝ սպանութիւնն քան զգո-
ղութիւն. զի չէ ինչ օրինաւորագոյն գողութիւնն քան զըս-
պանութիւն։ Զի թէ էր գողութիւնն օրինաւորագոյն քան
զսպանութիւն, դտանիւր ինչ մէջ 'ի հակասութեանց միջի,
'ի դտանիւր 'ի մէջ օրինաւորի և չօրինաւորի։ Ապա չէ հնար
միոյ արդարութեան լինել արդարագոյն քան զայլ, և ոչ ա-
նիրաւութեան լինել անիրաւագոյն քան զայլ. ոչ ուղղու-
թեան լինել ուղղագոյն քան զայլ, և ոչ մոլութեան լինել
մոլեգոյն քան զայլ մոլութիւնս. ուստի և ամենայն մոլու-
թիւնք են յիւրեանս հաւասարք, ։ Այսպէս խօսեր մեծ ու-
սուցիչն Պղատոնի Սոկրատ, յիւրում խիստ դասատուու-
թեան։ Իբր ոչ եթէ 'ի փոքր կացուցանել զմեծամեծ մոլու-
թիւնս՝ հաւասարեալ զնոսա փոքունց, այլ 'ի մեծացուցա-
նել զփոքր մոլութիւնս՝ հաւասարեալ զնոսա մեծաց. զի մի
զարտուղեցին մարդիկ յուղութենէ, տեսեալ թէ ամենայն
մանր վթիպակք են մեծ ինչ յանցաւորութիւն, վասն որոյ և
արժանի մեծաց պատճոց։

Բայց ոչ ինչ հայեցեալ յայսպիսի նրբութիւնս սոկրա-
տեանց, որք ըստ ասից Արիստոտելի՝ բազում ինչ ուսուցա-
նէին, զոր ոչ 'ի գործ դնէին, քաջայայտ է թէ են մոլու-
թիւնք, որք մի քան զմի են մեծք և ծանունք և տդեղք. ուս-
տի և խստագոյն պատճոյ արժանիք։ Քանզի այնչափ խտիր է
'ի մոլութիւնս, որչափ յառաքինութիւնս որոց հակակային,
և առաքինութիւնք մի քան զմի են մեծք՝ ըստ առարկայից,
ըստ վախճանին և ըստ պարագայից, որպէս և լուար։ Անմարթ
է ուրանալ, թէ չեն առարկայք մի քան զմի մեծ։ Պատուա-
ւոր բարիք են մեծք քան զմարմնականս, և մարմնականք քան
շբարիս բախտի։ Ուստի և Մեծանձնութիւնն է մեծ առա-
քինութիւն քան զԱրիութիւն, և Արիութիւնն քան զԱռա-
տաձեռնութիւն։ Զի առաջնն է զպատուաւոր բարեօք,
երկրորդն զմարմնականօք և երրորդն զՃոխութեամբք։ Ա-
պա նովին կարդաւ՝ վատահամբաւել զոք է մեծ մոլու-
թիւն քան զսպանութիւն, և սպանութիւնն քան զգողու-
թիւն։ Զի գողութիւնն 'ի վերայ յարձակի բարեաց բախտի.
սպանութիւնն՝ մարմնաւոր բարեաց, և վատահամբաւու-
թիւնն՝ պատուաւոր բարեաց։ Վասն այսորիկ Ճշմարիտ բա-
րեաց կշռադատք փոքր չար համարեցան տանել մահու քան
անպատուութեան։ Ապա արժան է յիշեցուցանել քեզ՝ չժա-
կարդիլ 'ի պատիր բանս, անցեալ 'ի զինչութենէ յորակու-
թիւն, կամ 'ի վերացելոյ 'ի թանձրացեալն, կամ յէութենէ
'ի պարագայ։ Սկայն Գեմագովդ չէ ինչ աւելի մարդ՝ քան
զՄանիսն դաճաճ. բայց Գեմագովդ է անձնեայ քան զՄա-
նիսն։ Եութիւնն որոշչ զմարդ յայնմանէ որ չէ մարդ. իսկ
առընթեռ պատագովդք որոշեն զմարդ 'ի մորդոյ։ Տեսակարար

տարբերութիւնն որոշէ զգողութիւնն յայնմանէ՝ որ չէ դո-
ղութիւն, բայց պարագայք որոշեն զգողութիւն ՚ի գողու-
թիւնէ։ Ապա ըստ հանրական սահմանի՝ մի մոլութիւն չէ ա-
ւելի մոլութիւն քան զմիւմն։ զի առ ՚ի լինել մոլութիւն՝ շատ
է լինել հակառակ ուղիղ բանին։ բայց պարագայք ծանրա-
ցուցիչք առնեն զմոլութիւնն մի քան զմի մեծ։

Ի վախճան ամենայնի կամ է ինձ և զայն ևս յիշեցուցա-
նել, թէ ոչ միայն եկամուտ պարագայիւք, այլ և ներքին աճ-
մամբ հնար է թէ մոլեկան ինչ ունակութիւն լիցի քան զնոյն
ինքն մոլեգոյն։ Ի մարդկային մարմնի զուգախառնութիւն և
անզուգախառնութիւն հիւթոց չէ հաստատեալ յանբաժան
ինչ, այլ ՚ի բնական իմն ընդարձակութիւն, որով առողջու-
թիւնն լինի յաւէտ կամ նուազ կատարեալ, և այլայլութեանն
հնար է ՚ի լոկոյ տենդէ փոխիլ ՚ի տենդ մահաբեր։ Ապա ըստ
այսմ ՚ի հոգւոջ հնար է առաքինութեան աճել ցայն վայր
կատարելութեան՝ ըստ ուղղութեան մտաց կամ բաղձանաց,
մինչև ՚ի լոկոյ առաքինութենէ լինել նմա առաքինութիւն
դիւցաղնական, և իբր աստուածական, և երեխիլ մարդոյ աս-
տուածաղդեաց ոմն։ Եւ ըստ սմին օրինակի հնար է ունակու-
թեան մոլեկանի աճել յայն սահման թիւրութեան, մինչև ՚ի
լոկոյ մոլութենէ փոխիլ նմա ՚ի գաղանութիւն, և երեխել մար-
դոյ փոխակերպեալ ՚ի սատանայ։ Այլ զայսմ կերպարանա-
փոխութենէ Ճոխագոյն ևս խօսեսցուք յիւրում տեղւոջ։

Եւ արդ զի ցուցաւ թէ մարդկային գործք տարբերին ՚ի
միմեանց՝ ոչ ըստ առարկային միայն այլ և ըստ պարագայից,
զորոց առաւելապէս կախեալ կայ չարութիւն և բարութիւն
բարոյական, մնայ քեզ մտառել թէ որ իցեն այնք որք աս-
տանօր կոչին պարագայք։

ԳԼՈՒԽ. Թ.

Յաղագս թէ որպիսի և քանի իցեն պարագայք
բարոյական գործոց։

Չիք մարմնեղէն ինչ գոյացութիւն որում ոչ ընկերեն պէս
պէս պատահմունք։ յորոց ընդունի նա զկատարելութիւն
կամ զոյժ, և որովք բաժանեալ որոշի յայլոց համատեսակ
գոյացութեանց։ Ծառն է բաղադրեալ ինչ ՚ի մարմնոյ, և ՚ի
տնկական ոգւոյ։ այս է զինչութիւն և գոյացութիւն ծառոյ։
Այլ լինել կանաչ կամ դեղին, մեծ կամ փոքր, պտղաբեր
կամ անպտուղ, այս ամենայն պատահմունք են որք ընկերեն

գոյացութեան, և տարբերեն զծառ 'ի ծառոյ, և կոչին սոքա Պարագայք բնականք: Ըստ սմին օրինակի Գործն բարոյական, թէպէտ ըստ որում գործ՝ 'ի տրամաբանից 'ի համար դասի պատահմանց, իբր զի հնար է մարդոյ գործել կամ չգործել սակայն և այնպէս մտածի որպէս գոյացութիւն ինչ կամ զին չութիւն, հայելով 'ի պատահմունա՝ որք ընկերեն նմա, և տարբերեն յայլ գործոյ, արարեալ զայն առաւել առաքի նական կամ մոլեկան. և սոքին են Պարագայք բարոյականք, որպէս արդ լուար:

Արդ այս բարոյական սկարագայք հասարակօրէն ամփոփին յեօթն, որք բովանդակին յայս ստանաւոր.

Ո՞շ ստ և ԶԲՆՀ, Ո՞ւր և Ուռնչ:

ՀԲՅ, Ո՞ր Գունակ և Ե՞րբ արդէօտ:

որոց այս է մեկնութիւն:

Ո՞շ ստ նշանակէ եթէ զանձն որ առնէ, և եթէ զանձն որ կրէ. զի երկաքանչիւրն տարբերեն զդործն առաւելով կամ նուազելով:

ԶԲՆՀ ոչ նշանակէ զզինչութիւն գործոյն. զի էութիւնն չէ պարագայ. այլ զպառւղ ինչ, որ 'ի գործոյն գայ յառաջ:

Ո՞ւրն նշանակէ զտեղին, յորում եղեւ գործն. անսուրբ իցէ թէ սրբազն. հրապարակական իցէ թէ առանձինն:

Ուռնչն նշանակէ թէ որպիսի միջոցօք կամ նպաստիւք կամ գործեօք եղեւ այն գործ:

ՀԲՅն նշանակէ զպառնառն և զվախճանն և զդիտումն. զի բազում անդամ պատճառն այլափոխէ զտեսակ գործոյն:

Ո՞ր Գունակն նշանակէ զեղանակ գործելոյ, մտաբերութեամբ եղեւ թէ յանկարծ. նենդութեամբ թէ բարեմտութեամբ:

Ե՞րբն նշանակէ զժամանակն, յորում եղեւ գործն. յարդելեալ թէ 'ի թողացուցեալ ժամանակի. 'ի տուել թէ 'ի դիշերի. յիւրում ժամանակի, թէ արտաքոյ ժամանակի:

Եւ ահա քեզ այսմ օրինակ յայնի: Օդոստոս կայսր միշտ երկրագեալն և միշտ դաւաճանեալն յիւրոց Հռոմայեցւոց, մինչ էրն 'ի գաղղիա, ստոյգ լուր լուաւ թէ Ղուկիոս կիննա աղնուական իւր ձեռնասուն, սիրեցեալն 'ի նմանէ որպէս որդի և քան զամենեսին երախտաւորեալ, 'ի սադրելոյ Մարկոսի Անտոնիոսի՝ երդուաւ սպանանել զնա 'ի մեհենի, 'ի զոհել նորա ըստ օրլոտօրէ սովորութեան իւրոյ. ունելով իւր ձեռնտու և մեղսակից զերեելիս դրանն արքունի, որք ծածկեալ ունէին զսուր իւրեանց: Արդ էութիւն գործոյն է այս. Ղուկինա կիննա ե՛տ 'ի ճպի սպանանել ԿՕդոստոս: Սպանութիւնն արդէն եղեւ 'ի սրտի յաբաջ քան զմսել ձեռին, բայց յոյժ ծանրացաւ 'ի հետևակ պարագայից:

Ո՞շ ստ, կիննա սիրեցեալ էր յօդոստոսէ, և երախտաւորեալ 'ի նմանէ. Օդոստոս երախտաւոր էր կիննայի և իշխան

նորա: Յորոց մասնաւոր պարագայից մին յաւելու 'ի գաղա-
նութիւնն զասլերախտութիւն, և մրւսն փոխէ զմարդասպա-
նութիւնն 'ի հայրասպանութիւն:

ԶԲՀՆՀ. Այս պարագայ առաւել ևս ծանրացուցանէ զայն.
զի յայնմ սպանութենէ՝ ծագէ անտերունչ մնալ ինքնակա-
լութեանն. և վերսախն բորբոքի պատերազմն քաղաքական
նորոգ շիջեալ:

Ո՞-Ռ. Յաւելու 'ի վերայ յանցանացն զնոր չարութիւն, 'ի
գործել զայն 'ի մեհենի, առաջի աչաց գիցն վեհից ըստ հե-
թանոսական կարծեաց. յորմէ նախատինք լինէին մարդկայ-
նոյ մեծափառութեան և դիւցականի:

Ո՞-Ռ. Եւ ևս առաւելու յանցուածն միջոցօք՝ զորս հնա-
րեցաւ կիննա 'ի կատարել զայն. կոչեալ իւր 'ի թիկունս և
'ի գործակցութիւն իւրոյ ապիրատութեան և զայլ ևս աղ-
նուականս. և ծածկեալ զառըն զղէնն մատնութեան և ան-
արգութեան, որով երբեմն 'ի վերայ յարեան Յուլիոսի կե-
սարու:

ՀԲՀ. Աս քան զամենայն առաւելու զյանցանս, զի շաբժե-
ցաւ ոչ 'ի քաջասիրտ գժդմնութենէ ընդ նախատինս ինչ հա-
սուցեալս նմա, այլ յանարդ և 'ի խժական գրդմանէ մատ-
նելոյ զտէր իւր, 'ի հաճել զմիտո Անտոնիոսի հասարակաց
թշնամոյ և ընդունիլ 'ի նմանէ զվարձս ինչ:

Ո՞-ՇԻ-ՆԱ-Խ-Ի. Ոչ այնչափ անարգական լինէր յանցուածն, ե-
թէ Ճակատ յարդարեալ էր նորա զինիլ ընդդէմ Օգոստոսի
յայնապէս, որպէս արարեալ էին այլ ապստամբք. բայց
հաւատարմութիւն և սէր կեղծաւորիլ առ դաւաճանեալն,
'ի սեղանոյ նորա կերակրիլ և մատնութեամբ դաւադիր լի-
նել կենաց որ վստահն էր 'ի նա, այս է անհնարին դրժո-
ղութիւն:

Ե՞ՇԵ. Այս պարագայ 'ի ներքս փակէ զայլոյ ամենայնի
զսոսկումն, և առաւելու ևս: Ի ժամանակի յորժամբ բարեա-
ցապարտ իշխանն զոհս մատուցանէ վասն հասարակաց բարօ-
րութեան, կիննա կամի 'ի սպանդ վարել զնոյն ինքն զիշխանն
վասն հասարակաց աւերման: Ի նոյն սեղան Օգոստոս քրիմա-
բար զարիւն հեղու զսպանդից 'ի հաճել զդիս հայրենեաց.
և կիննա հեղու զարիւն քրմին, առ երկրագելի առնելոյ
զՄարկոս Անտոնիոս զթշնամի հայրենեաց, թողեալ զշոռվ
մայեցիս 'ի տարակուսի թէ որ մեծ իցէ, բարեսպաշտութիւն
դաւաճանելոյն թէ ամպարշտութիւն դաւաճանողին. որ 'ի
հայրասպանութիւն յաւելու և զսեղանակապտութիւն 63:

Յայսոսիկ Եօթանեսին պարագայս յաւելուն ոմանք և ըզ-
թիւ, այսինքն թէ քանիցս լեալ իցէ այն գործ: Բայց կոչի
սա բազմաւորութիւն գործոց, և ոչ թէ պարագայ միոյ գոր-
ծոյ: Այլք յաւելուն յայնս և զայլ մասնաւորութիւնս ինն

ստորոգութեանց պատահականաց՝ որ առ արամաբանս : Բայց
բովանդակ վերածին սոքա յայս եօթն պարագայս : Եւ յայս
հաստատեալ է առաւելութիւն նրբահայեցութեան խոհեմ
մտաց, 'ի քաջ խորհրդածել և քննել զմարդկային գործս :
Ի շառաւիղել ճառագայթից արևու ընդ մթին տեղի՝ երկին
մանրամաղ շամանդաղք ընդ օդս թուռցեալք . որք արտաքոյ
չերկին աչաց . և լուսաւորագոյն միտք տեսանել զմանը մանը
պարագայս, զոր նուազ խոհեմք չտեսանեն, և լաւ ևս որոշէ
զառաքինի գործս 'ի մոլեկանաց :

ԳԻՒՅՔ ԶԱՐՅԱՐԴ

ՅԱՂԱԳՍ ԵՐԻՌԻԹԵԱՆ ԵՒ ԽԱՅՐԻՑ ՆՈՐԱ

ԳԼՈՒԽ Ա.

Ներածութիւն յԱրիութեան ձևու :

Այստեղ քեզ նախ առաջին ՚ի հանդէս մատչի այն ազնիւ Առաքինութիւնն քաջազանց, որ ազնուացուցանէ ըզտոհմս, պայծառ յարդարէ զանձինս, փողփողէ զվահանս ազնուազգի նշանօք, լի աւարաւ և վերօք, զարդարեալ յաղթական պսակօք, միանդամայն և անդաստանական փոշւով. որպէս քաջութեամբ՝ նոյնալէս պատուով քան զամենայն առաքինութիւնս սկնդէ լինել դահերէց: Անտի յառաջ մատչին երկու խաղաղական՝ բայց իմաստուն քորք, Արդարութիւն և խոհեմութիւն. և ընդդէմ եղեալ զհեղինակութիւն օրինաց՝ զօրութեան զինուց, զիշխանականն պատմուժան՝ զինուորական քղամդաց, զուսուցչականն դաբնի յաղթական ախոյանաց, բողոքեն թէ առաքինութիւն ինչ զգայական ոգւոյ՝ որ հասարակ է անասնոց, զիանդ իշխիցէ յառաջադաս լինել երկուց առաքինութեանց ոգւոյ բանաւորի, որ սեպհական է մարդոյ: Եւ ահա անդրէն նորոգի վաղնջուց վէճն ազնըւութեան ՚ի մէջ Զինուց և Տառից, գրաւորութեամբ և զինուք ընդերկար հոսհոսեալ ՚ի մէջ զօրականաց և պատմուժանաւորաց. սոցա գրելով գիտնաւոր սեակաւ, և նոցա կենդանի արեամբ վերաբանչիւր զիւր փաստս:

Եւ թէպէտ ամենայն փիլիսոփայական դպրոցք ուղիղ որոշմամբ զկողմն իրաւացուցանեն զպատմուժանազգեաց առաքինութեանց զխոհեմութեան և զարդարութեան, վասն առաջնութեան նոցա յաղդահամարի՝ որպէս ցուցաւ ՚ի նախընթաց գիրս, բայց և այնալէս Ճշմարիտէ թէ զկողմն արիութեան առաւել իրաւացուցանեն, և մեծամեծ վարձատուութեամբ պատուեն իշխանք մեծամեծք և հզօրք, որք մեծ համարին զմի քաջ զօրավար քան զհարիւր ուսուցիչս:

Չայսր միտողութեան զննեալ Արիստոտէլի յիւր գիրս խնդրոց զքաղաքական պատճառ, այսպէս իմաստասիրէ . Մարդկային միտք որպէս աշառութեամբ գին հատանօղ՝ ոչ լաւ համարին զայն ինչ որ ստոյգ լաւն է յինքեան, այլ զայն որ լաւն է գնահատին, չափեալ զպատիւն ընդ օգտին : Յորմէ 'ի վերայ բերէ, թէ վասն զի իշխանք մեծամեծք հանապաղ կան նեղեալ 'ի սահմանակցաց, միշտ պատերազմունս մեքենայեն, և յայնց երկնչին, և այնպէս 'ի պաշտպանել անձանց և 'ի վանել զայլս՝ առաւել պիտոյս ունին զինուց քան օրինաց, Պալըասայ պատերազմողի քան Աթենասայ գիտնաւորի 64 : Եւ վասն այսորիկ մեծապէս պատուեալ զարիութիւն քան զայլ առաքինութիւնս . որպէս թէ սահմանական վճռաւ նորին՝ իւր իցէ առաջին տեղին : Յայս է թէ ըստ ընաւոր կարգի՝ յուսուցանել նորա զայս գիտութիւն, պարա էր նմա սկիզբն առնել յերկուց անտի դլխաւոր առաքինութեանց : Բայց քանզի կարդ վարդապէտութեան պահանջէ 'ի գիւրագունից յառաջանալ 'ի գժուարագոյնս, կամ եղև նմա ըսկիզբն առնել յԱրիութենէ և 'ի բարեխառնութենէ, և յայլոց առաքինութեանց՝ որք կարդաւորեն զկիրս . իբր զի են դիւրիմացք՝ վասն լինելոյ իւրեանց առաւել զգալի . 'ի վերջէ գասեալ զԱրդարութիւն և զխոհեմութիւն, որոց հոգեւրագոյն գոլով և բարձրագոյն, մեծ ջան պիտի և խոր զննութիւն : Մեր ոչ կամեցեալ դատաւոր լինել վիճիս, որոյ են այսպիսի մեծ դատախազք, և այսպիսի հզօր կուսակիցք, ըղհետ երթիցուք կարգի զոր կալաւ Արիստոտէլ :

Գ Լ Ո Ւ Խ Բ .

Յաղագս թէ զինչ իցէ առարինուրիւն արխուրեան ,
և ո՞ր իցէ արին :

Արիութիւնն է առաքինութիւն որ բարեկարգէ զցասմնական կիրս զերկիւլիւ չարեաց ապականչաց մարմնաւոր կենաց . գժուարին իմն, բայց չքեղ վախճանաւ : Այլ որպէս փայլուն հաւիկն միկրոֆիւնիկ ոչ երկի, բայց եթէ 'ի գիշերի . նոյնպէս այսմ աղնուական առաքինութեան ոչ է հնար լինել

հասու, բայց եթէ 'ի ստուերս ծայրական մոլութեանց վեհերուառթեան և Յանդգնութեան։ Քանզի վեհերուան յամենայնէ երկնչի, և յանդուգնն յամենայնի է վստահ։ Արին չերկնչի ուր պարտ է վստահիլ, և չվստահի ուր պարտն է երկնչիլ։ Ըստաջի դիցի ինչ վստանդաւոր և դժուարին։ Վեհերուան զամենայն խորհի, յանդուգնն ոչինչ խորհի։ արին այնափ ինչ խորհի՝ որչափ պիտոյ իցէ առ շքեղ լինելութիւն դործոյն։

Բնութիւնն չարար զամենայն մարդիկ միապէս պատրաստականս առ արիութիւն։ զի չետ ամենեցուն մարմին միօրինակ։ Առ մարդկային կենակցութիւն պիտեին պէսպէս արուեստք՝ տեսականք կամ գործնականք, տիրականք կամ ծառայականք, խաղաղականք կամ պատերազմականք։

Պէսպէս արուեստք պահանջեն պէսպէս բնաւորութիւնս, և պէսպիսութիւն բնաւորութեանց ծնանի 'ի պէսպիսութենէ խառնուածոց։ բայց և այնպէս պարտ է կանոնաւորել զնոսա և ուղղել առաքինութեամբ։ զի միտումն է բնական։ այլ մոլութիւնն անձնական։ Արք կարի իմն ցուրտք՝ բնութեամբ են երկչութք։ կարի իմն ջերմք՝ բնաւորապէս են յանդունք։ արին ունի խառնուած խառն 'ի մաղձայնոյ և 'ի մաղասայնոյ։ Խաբի հասարակաց զրոյցն, որ կարծէ արիագոյն զայն որոյ սիրան իցէ մեծագոյն։ Չիք ինչ գաղան արիագոյն քան զառիւծ։ և ոչ ուրուք սիրտ փոքր է քան զնորայն ըստ համեմատութեան։ զի սիրտ փոքր սկահեալ զկենասական ոգիս առաւել ամիսփ և ջերմագին, լաւ ևս ջեռուցանէ զկուրծու։ Յանդգնութիւնն յառաջ գայ յառաւելեալ ջերմութենէ թոքոց, իբրև զարամտութիւն ցասուցելոց և արբելոց, որ ոչ թողացուցանէ հայիլ 'ի վտանգն։

Զսորին հակառակն՝ վեհերուութիւնն ծնանի յառաւելեալ պաղութենէ կրծոց, որպէս 'ի յանկարծ զարհուրանս։ որոյ ստորասուզեալ զջերմութիւն 'ի ստորին մասունս՝ լքեալ թոլու զոյժս կենսական և կենդանական։ Վասն այսորիկ յանդուգնն ընդ քիրտն հարկանի, վեհերուտն դողայ։ բայց արին չունելով աւելազանց ջերմութիւն կամ ցրառութիւն, գործէ քաջութեամբ և խելօք։

Եւս և յարտաքին կերպարանս, արին երևեցուցանէ ցոյցս, զի մարմինն է գործի հոգւոյ։ Ակն ընդ խոժուահայեաց և ընդ քաղցրահայեաց։ գոյն ընդ թխատեսակ և ընդ շառագոյն, գէմք ընդ զուարթ և ընդ տիսուր, տիք ընդ մանկական և ընդ ծերունական, տախտակ կրծոց լայն, և մարմին մկանուա, այս կազմութիւն էր Հերակլեսի՝ քաջաց գաղափարի։

Բայց բազումս օգտէ և ժառանդական քաջասրտութիւն նախնեաց։ Արեք ծնանին յարեաց։ Պսիւղացիք ընդունէին զորդիս որպէս իւրեանց եթէ յարկանել առաջի նոցա զիժ,

կայրնա աներկիւղ և անվխաս 65: Եւ պատերազմողաց տոհմք այնու ճանաչեն զիւրեանց որդիս, յորժամ ընդդեմ եղեաւ զնոսա վտանգի, տեսանեն թէ կան աներկիւղ և անսասան: Ի ծնանիլ հերակլեայ և խփիկլեայ ՚ի շնացալ մօրէ, Հերակլէս համարեցաւ որդի Դիոսի, և խփիկլէս՝ Ամփիստրիոնի 66. զի ՚ի յարձակիլ օձի ՚ի վերայ երկոցուն սոցա յանկարծակի, խփիկլէս փախեաւ, և Հերակլէս հեղձոյց զնա: Ա է հերոտն և արին ցուցանեն թէ այլ և այլ տոհմի են ծնունդ, յորժամ յերեկիլ թշնամոյն՝ ոմն զթիկունս դարձուցանէ և ոմն ընդդեմ ճակատի:

Բայց առանց քաջազուն սննդեան խամրանայ որդւոց յորդիս առաքինութիւն քաջազանց: Ի ցնկնիլ ամեհի շանն Լիկուրգոսի՝ մի ՚ի կորեանց սնեալ յանտառի՝ գազանացաւ առ գազանս. և միւսն սնեալ ՚ի խոհակերոցի, եղեւ որկորեայ և անարի: Եւ ՚ի փորձել զերկոսին զնոսա յիւրումսրահի՝ առաջի արարեալ նոցա գազան և կերակուր, մին զհետ պնդեցաւ գազանին, և միւսն վաղեաց ՚ի լակ: Չուշ առնեն բնախօք, թէ չորրորդ ծնունդ արեաց լինի կատաղի. յոյր վերայ լինին նուրբ և վիճաբանական փաստից յոյզք: Ինձ թուի թէ չփ փաստ ստուգագոյն քան զայս, թէ ըստ որում արք քաջք պատազին առաւել յարսաքին գործս քան ՚ի անտեսականս, յորդիսն լինին կամք այլ ոչ ուստունք՝ առնելոյ գործս քաջութեան. և վասն այսորիկ երեկին կատաղիք, վասն զի են յանդգունք. իբր զի ոչ այլ ինչ է յանդգնութիւն, բայց անմիտ համարձակութիւն:

ԱՅԼ և հայրենիք առնեն զմարդ արի՝ զոր օրինակ հարք: Վպարտա և թ էր գաւառ արիականաց. զի արեգդիմութիւն տեղոյն առներ զնոսա կորովիս. և չգոյութիւն կերակրոյ ստիպէր զնոսա պարսաքարամքք որսալ իւրեանց հաց: Յայնմ ապառաժէ ծնանեին մանկունք քան զապառաժ վիմարդեանք, որ ցաւ անդամ չլմանային. ՚ի պատառութեալ մարմնոյ գունդագունդ հոսէր արիւն, և չերեկ շիթ մի արտասուաց, ու դիք նոցա քաղէին և հեծութիւն և ոչ մի:

Բայց ՚ի վախճան ամենային՝ ունակութիւնն է որ հաստատէ և կաղդուրէ զայս առաքինութիւն: Ա հաւորագոյն է հարիւրեակ մի հինաւուրց զօրականաց, քան զլէգէսնախումք կաձառ նորամտից. զի սոքա առ ամենայն շողիւն սուսերի կարծեն վարիլ ՚ի մահ. այլ նոքա խաղան ընդ մահու՝ որպէս ընդ ընտելացելոյ: Արին թէպէտե տիօք և վիրօք ուժաթափ իցէ, ունի սիրտ աշխոյժ, և քաջութեամք իմն արտայայտէ զունակութիւն: Զառամեալն Պրիամոս՝ 67 քանդելոյ հայրենեացն յետնորդ՝ տեսեալ զիւրեւ զանզերծ սուսեր գոռոզին Պիւռոսի, որ իշխեացն զոհել զնա դաւադիր յաղթութեամք ՚ի զոհարանի, թէպէտ և պարտեցաւ՝ բայց դեռ երեկալ ան-

պարտասելի, թուղացեալ ձեռամբ բայց արիական սրտիւ՝ ընկեց
՚ի բարբարոս անդր զտէդն անզօր. որոյ շռնչաձայն շկահեալ
ընդ անթափանց վահանն՝ անկաւ ՚ի գետին անդործ, այլ ոչ
անշուք: Շատ եղեւ այն քաջութիւն ՚ի պատուեալ զանբաղ-
դութիւն պարտելոց, և յամօթ առնել զպարծանս յաղթա-
կանաց :

Գ. Լ. Ո. Ի. Խ. Պ.

Յաղաց առարկայից արիուրեան . այսինքն թէ յորոց
շարեաց երկնչիցի արին և յորոց ոչ :

Նախնի Կեղտք ըստ Արիստոտելի՝ չերկնչեին ՚ի վտանգէ
իմեքէ 68. Կիկղոպայք արհամարհէին զշանթս Արամազդայ,
և մեծաբանէին ևս քարձիդ լինել շանթիւք ՚ի շանթառաքն, և
որուաալ սպառնալեօք յորոտողն 69: Ոչ ամենայն վտանգ է
առարկայ արիութեան: Երին երկնչի ՚ի սաստէ երկնից, այլ
ոչ ՚ի սաստէ սրոյ: Երկնչի ՚ի հասարակաց ժանտախտէ, այլ
ոչ յիւրոց վիրաց: Երկնչի ՚ի նաւաբեկութենէ ծովու, այլ
ոչ ՚ի հոսելոյ արեան իւրոյ: Զեւ յանդուգն է որ չերկնչի ՚ի
վտանգից, որք առաւելուն քան զկար մարդոյ. որպէս վե-
հերոս է որ երկնչի ՚ի վտանգից, որ չառաւելուն ինչ քան
զկար իւր:

Երկնչի արին ՚ի սպառնալեաց իշխանաց և ՚ի ցամանէ բազ
մութեան. զի իշխանքն են աստուածք երկրաւորք, և բազմու-
թիւնն է գազան բիւրգլսի. և երեք միայն գլուխք՝ բաւական
են ՚ի բաղկացուցանել զահեղ ճիւազ: Հերակլէս գաղափարն
արիութեան՝ որպէս ասացաւ, ՚ի մենամարտել իւրում ընդ
երկուս ախոյեանս յՈղիմպիական խաղս՝ պարտեցաւ: Եւ
վասն այսորիկ ոչ իշխեալ մենամարտիլ ընդ Ճախնայինն հի-
գրայ և ընդ ծովայինն խեցգետին, կոչեաց զՅոլաս յիւր օգ-
նութիւն 70. յորմէ ել առածն Պղատոնեան. Եւ ոչ Հերակ-
լէս ընդդէմ երկուց:

Չեն պարծանք քաջազօրի ՚ի վերայ յարձակել խրոխտա-
նօք. և ոչ ամօթ՝ նկուն եղելոյն պարտութիւն: Ապա արին ոչ
ընդ առաջ ելանէ վտանգից՝ որ ՚ի վեր են քան զկար իւր,
բայց ոչ զանգիտէ ՚ի զօրութենէ որ փոքր է քան զիւրն: Ա-
մօթ համարի Ասկանիոս զհետ պնդել ընչին երէոց, և արձա-
կել զիւր քաջութեան նետս՝ զհետ այծեմանց փախտէից.
այլ ըղձանայ, զի ՚ի բարձրաբերձ լերանց իջցէ առիւծ ամե-
հի, կամ թաւամազ հրէշ ինչ անտառի 71: Եւ արին ոչ դար-

ձուցանէ զղէնս ընդդէմ անարդ հակառակորդի . ուր յաղթելն չէ ինչ պարծանք , և յաղթիլն է ամօթ :

Երկնջի արին և 'ի ձախող պատահարաց բախտի , 'ի շղթայից Յուգուրթայ , 'ի բանտէ Սիփակայ , յարհամարհանաց Կրասոսի , 'ի բոցոյ Կրեսոսի 72 . բայց յոյժ առաւել 'ի ձախող պատահարաց որ յիւրոց դործոց : Որ տանի ամօթալի չարեաց քան համեստից , անամօթ է և ոչ արի : Ոչ ինչ չարեք են նախատագոյն՝ քան զիրաւացին , և ոչ ինչ անցաւակցելի քան զարժանահամն : Երկու մեծամեծ դշոյք՝ նովին յանդգնութեամբ զդրդուեալ զդրագոյն ոք , արժանացան նոյն պատուհասի , Կղէոպատրա և Զենոբիա : Բայց ո՞ի սոցանէ եղև արիագոյն . մին եցոյց թէ լրեի 'ի յանձն առնուլ զամօթ յաղթանակին . միւսն քերեաց յանձնէ զշառագունութիւն ամօթոյ՝ դեղնութեամբ մահու : Միումն՝ բռնաւորն յաղթանակեաց , միւսն յաղթեաց բռնաւորին . որոյ կարծեալ զհետ ձգել զիւրոց կառաց զկղէոպատրա , զհետ ձգեաց արձան մի : Եւ այնպէս՝ Զենոբիա զիւրոյ յանդգնութեանն անարդաբար ընկալաւ պատուհաս . և Կղէոպատրա անուամբ արութեան քերեաց յանձնէ զկեղտ անուն յանդգնութե՝ 73 :

Վասն այսորիկ 'ի վերայ քերէ Արիստոտէլ , թէ ճշմարիտ և սեպհական և գերագոյն առարկայ արիութեան է մահ զինաշարժութեան՝ վասն իրաւացի պատճառաւաց . և այնպիսի համեստ զօրութեամբ , զի առաքինօրէն հնար իցէ արիաբար զայն վանել , կամ քաջութեամբ յանձն առնուլ : Յայնժամ մահն է յաղթական , յորժամ հորդի նմա ճանապարհ ծիրանեօք , և մտանէ ընդ կամարս վերաց 74 . և յայնժամ արիութիւնն առնէ զիւր ծայրագոյն ճիգն , յորժամ պարտէ զծայրագոյնն ահաւորաց : Մահու անհնար է առնել ինչ յուեգոյն քան զբարձումն կենաց . և արիականին անհնար է առնել ինչ լաւ քան զարհամարհութիւն նորա : Որ տայ զինչս՝ պահէ զազատութիւն . որ կորուսանէ զազատութիւն , պահէ զկեանս . բայց որ տայ զկեանս , տայ զամենայն բաց յառաքինութենէ , զոր ընդ իւր տանի . և բաց 'ի համբաւոյ զոր թողու յերկրի :

Գ Լ Ո Ւ Խ Դ .

Թէ վասն որո՞ց պատճառաց գործիցէ արին :

Արին ոչ զդրդուէ զլտանդս , բայց և ոչ փախչի 'ի նոցանէ յորժամ յարժանաւոր պատճառէ յայն հրաւիրի : Այնպէս պատուական է արիւն առն արիականի , զի չէ և չէ արժան հե-

ղուլ զայն, բայց եթէ վասն մեծահարկի իրաց: Բնութիւնն էարկ զայն յերակս՝ որպէս անդին կարկէհանս յարկղ զգուշութեան. զի երևեցուսցէ չքեղ հանդէս'ի հանդիսի առիթս: Ըռայլութիւն է անտանելի թէ գանձ այդպիսի վատնեսցի վասն փանաքի լնչից, վասն թեթև նախատանաց, վասն առանձնաւոր ատելութեանց, վասն կամակոր մենամարտութեանց. որք առաւելարժանաւոր են պատուհասից՝ քան յաղթանակի: Չիք ինչ անարդ քան զարիւն մարդոյ՝ հեղեալ վասն չնչին պատճառի. չիք ինչ պատուական քան զնոյն՝ ձօնեալ վասն գեղեցիկ պատճառի: Գեղեցիկ պատճառ արիութեան՝ համարեալ են փառք: Գեղեցիկ դաշն է, սուղ ինչ մահուամբ՝ գնոց առնուլ զյաւիտենական համբաւ: Գեղեցիկ փոխանակութիւն է յաւելուլ յանմահութիւն զայն ինչ որ բառնի 'ի կենաց: Թանկադին եղեւ Մանլիոսի 75 Տորկուատոսդ անուն. Կուրիոսի՝ Դենտատոսն անուն, Կոսսոսի՝ հոռմայեցի Աքիլլէսդ անուն: Սակայն և այնպէս կենդանածնեալք յիւրեանց վերտառութիւնս, վայելեցին միանդամայն և 'ի փառս և 'ի պանծալի կեանս: Բայց պանծագոյն ևս է փոխել յական թօթափել զսիրելի լոյսն կենաց ընդ պայծառ լուսոյ յաւիտենական անուան. և արժանի ևս է վերագրել զայն 'ի շիրմի քան 'ի յաղթական կամարս:

Ճշմարիտ է թէ վաղ մեռանի համբաւ, եթէ ոչ հաստէ զնա 'ի կեանս չունչ գովչաց. և սակաւ թռչի, թէ չունի թևս գրչաց անուանի մատենագրաց. Քաջ լեռ որդիդ գովանւոյն Ոդիսեայ՝ ասաց Պալլաս առ Տելեմաք, զի և գուլ գոցես գովիչ հանդոյն հօր քոյ 76: Այս բարեբաստութիւն միայն՝ էարկ նախանձուկս Ազեքսանդրի առ Աքիլլեւս, և կեսարու առ Ազեքսանդր, ունել գովասան զոմն հոմերոս: Ոչ ինչ բոմբիւն թօթափէ զքուն քնիկած որդւոց, որպէս նուագ ներբողից քաջաց նախնեաց: Զօրականաց միայն էր առանձինն օրէն՝ դրել զիւրեանց զինուորական կտակ արեամբ վիրաց 'ի պատեանս սուսերաց: Աւելի արժէր կտակն քան զթողեալ ժառանգութիւնն: Ոչ ինչ հայրենի ժառանգութիւն ճոխ՝ կարօղ էին թողուլ որդւոց, որպէս զօրինակ արիութեան իւրեանց:

Բայց տկար յորդորիչ է առն քաջի՝ յետ մահուն համբաւ: Հատուցումն՝ չէ բաւական վճար աշխատութեանն: Ընդունայն լինէին քաջագործութիւնք անհամար շահատակաց, որք ոչ գրեցան, բայց 'ի ջուր մոռացութեան, և ոչ նուագեցան բայց հողմաձայն հարեւանցեալ, և ոչ երևեցան բայց ուրուականաց միայն. համբաւն՝ կենդանի է առ կենդանիս, և մեռեալ առ մեռեալս: 'Նա՝ առ կենդանիս իսկ կիրք շռայլօրէն պարգևեն զայն չարժանւոյն. և նախանձն խորամանկութեամբ բառնայ յարժանաւորէն: Մինչ զի աւելի արժէ օր մի մար-

մնաւոր կենացս՝ քան դար մի երևակայական կենաց . և չարժէ
առ շրջելոյ 'ի պատկերի՝ եղծանել զնախատիան : Այլ ճշմա-
րիտ պարծանք առն արխականի՝ որովէս և լուար , է գործն
պանծալի : Ճշմարիտ համբաւն է վկայութիւն խղճի մտաց :
Ճշմարիտ դոլ է այն զոր ստանայ նա անձին , 'ի համարել
ստուգութեամբ թէ բարւոք գործեաց : Առաւել արժէ հա-
մեստ ինչ գործ առժամեայ՝ քան զհաղար դարս կենաց : Ե-
պամինոնդ 77 խոցեալ 'ի սլատերազմի՝ որում զօրավարէր ,
մինչև էր հանեալ ուաքն 'ի վերաց , եհարց թէ ասսկար իւր
զերծ իցէ , և թէ պարտեցաւ թշնամին . և լուեալ զերկոցուն
զայոն , խնդամիտ ասէ . Արդ Եպամինոնդ ծնանի , զի զայ-
օրինակ մեռանի : Եւ յայնժամ թողացոյց հանել զսլաքն , և
եհան զոդի . և յաղթանակեաց 'ի պանծալի մահիճս դադա-
ղաց : Ոչ ինչ այլ գործս կարօղ էր գտանել լաւ ևս գովիչ . և
ոչ ինչ գովիչ՝ լաւ ևս քան զիւր գործ :

Ապա Ճշմարիտ պարծանք գործոց քաջութեան հաստա-
տեալ է 'ի սպատճառն որ ստիպէ առնել զնոսա : Եւ Ճշմարիտ
սպատճառ չէ գովին իւրական , այլ երախտաւորութիւնն առ-
այլս . և որչափ մեծ է երախտաւորութիւնն , այնչափ մեծ էն
և Ճշմարիտ պարծանք արխութեան : Այսպիսի է գնելն զկեանս
վասն հօր , վասն հայրենեաց և վասն իշխանի : Վնարժան է
կենաց՝ որ ոչ գնէ զնա վասն տուողի նորա : Զերախտաւո-
րութիւն ընդունելութեան կենաց չիք հաւասարել այլում
երախտաւորութեան , բայց եթէ նուիրելով զայն իւրում
տուողի : Ի վերաց Դիսոսի 78 ծնաւ Պալլաս՝ զինեալ , 'ի խնդ-
րել զվեհժ նորուն : Ետ բնութիւնն զսէր զաւակի առ ծնօղս .
զի յորժամ դէպն տայցէ կայցեն նոցա պաշտպանողք , ոչ ծա-
ռայաբար հարկեալք : Ի զերծուցանել զհայր 'ի հայրասպա-
նաց՝ բնութիւնն արձակեաց զհամբ լեզու զիւրոյ տղայի 79 : Ի
կասկարճս տղայական շրթանց պատրաստեալ էր զնետ այնր
լեզուի՝ վասն այսպէս գեղեցիկ հարկանելոյ : Փոքրիկ ինչ լե-
զու բթացոյց զամենայն սուր գումարելոցն 'ի վերաց :

Բազում պարակիք են որդւոյ առ ծնօղս . յորոց ծնանի . բայց
առաւել ևս առ հայրենիս՝ վասն որոյ ծնանի : Չիք ինչ քաղցր
քան զսէր հայրենեաց . չիք ինչ անձկտլի քան զկեալն 'ի հայրե-
նիս . և չիք ինչ պատուաւոր քան զմեռանել վասն հայրենեաց :
Ծատ եկեաց , որ վասն հայրենեաց մեռաւ . կարի շատ՝ որ ե-
յետ հայրենեաց եկեաց : Սակաւ եկեաց որ մեռաւ . մինչ չիք
փոխարեալ էր հայրենեաց մեծ ինչ երախտիս : Գեղարդն
չոռմուլոսի 80 անկեալ 'ի գետնի , եղեւ ծառ վարտաւոր . և
ընդ հովանեաւ նորա հովանային քաղաքացիք : Ոչ ինչ հովանի
այնպէս հաճոյ է հայրենեաց , որովէս զհովանի զինուց քա-
ղաց . և ոչ պառւղ քաղցր՝ քան զպտուղ արմաւենեաց համ-
տշխարհիկ յաղթականաց : — Հայրենեօք իմա և զիշխանն՝ որ

տէրն է նորա : Որ ամենեցուն է պաշտպան , պարտ և պատշաճ է՝ թէ յամենեցունց պաշտպանութիւնը ընկալցի : Յորժամ յառնէ թշնամի ՚ի վերայ օձի , ամենայն պարոյրք գալարածոյ անդամոց՝ զգլսով պատին , ուր են կեանք բովանդակ մարմնոյն : Յորչափ իշխանն է կենդանի , հասարակութիւնն է կենդանի :

Այս ամենայն է բարւոք և համեստ պատճառը քաջի , ՚ի գործ դնելոյ զիւրն քաջութիւն : Բայց կայ միւս ևս կարի իմն ազնուագոյն և պահծագոյն : Այլ ինչ է մեռանել վասն համեստ պատճառաց , և այլ ինչ է մեռանել վասն համեստութեան , որսկէս յուշ առնէ մեզ Արիստոտէլ : Համեստ իրք են փոփոխական , համեստութիւնն է անփոփոխ . նոքա են ըռպէական , և սա յաւէժական . նոքա են երևելի , և սա աներևոյթ . նոքա են գաղափարեալ և սա գաղափար . որ կայ ՚ի միտս աստուածական , և փակէ ընդ իւրեւ զաստուածականս . և ամփոփէ զամենայն առաքինութիւնս ՚ի մի միայն , որ է վերառեալ և զտեալ յայլմէ ամենայնէ : Ապա սա է բարձրագոյն առարկայն՝ յոր հայի արին , յորժամ գիմագրաւէ ըզկեանս . այն է Համեստն և Բանաւորն : Մեծանունութիւն , համբաւ , անդրիք , հոյակապ շիրիմք , դրուատք , պատմական յիշատակագրութիւնք , և ամենայն աշխարհային պատիւք չարժեն դանկ մի համեստութեան :

Ապրեցուցանել զիւրսն , հաստատել զհայրենիս , պաշտպանել իշխանի , և այլ ամենայն պատճառք , այնչափ են պատուաւորք՝ որչափ յաւէտ կամ նուազ հաղորդին գաղափարիս : Ապա արին մեծ նախատինս հասուցանէ անձին՝ և իւրոյ արեան , եթէ ՚ի հեղուլ զայն չունի զայս առարկայ ակն յանդիման , քան զհամբաւ և զշուք յաղթական :

ԳԼՈՒԽ Ե.

Յաղագս թէ որոնք օրինակաց գործիցէ արին :

Ի գործս արիականին՝ բազում ինչ ընդ մէջ է , եթէ պատերազմեսցի նա այլոյ հրամանաւ կամ իւրականաւ : Եթէ վասնգն յառաջադէտ իցէ կամ անսակնիալ , եթէ իւր պատերազմակից կայցէ կամ մենազինեալ իցէ . եթէ վասնգն վերագոյն իցէ քան զկար մարդոյ՝ կամ հաւասար իւրումն : Այսմ ամենայնի յառաջ քան զամենայն՝ մտախորհ լինի արին : Եթէ է նա հրամանատար , լինի առաւել զգուշաւոր . եթէ է հրամանակատար , լինի առաւել կամակար . զի յառաջնումն՝ իղձ իւր է ապրեցուցանել զհայրենիս , իսկ յեր-

կրորդումն՝ մեռանիլ վասն հայրեննեաց։ Ի յառաջադեմ վրանդս մեծագոյն լինի նորա վստահութիւն։ 'ի յանկարծադէպս մեծագոյն արիութիւն։ Մեծագոյն արիութիւն է՝ դժմագրաւել անկարծ արկածից, քան ընդ առաջ լինել նոցա ընտրութեամբ։ զի կամքն քաղցրացուցանէ զդառինս, և հարկն դառնացուցանէ զքաղցունս։ Ոչ լքեալ թողունա զմարտակիցս ՚ի վասնդի, և ոչ մարտակցաց արժան է զնա լքանել։ բայց թէ լքցի՝ ոչ լքանէ նա զանձն։ Ասացէ զքան զօրագլխին զոր լքեալ թողին երկչոտ Աթենացիք։ Երթայք ՚ի բաց։ իմ լիցի բանակն ամենայն։ ընկերեսցեն ինձ իմ ճակատագիր, և դիք մարտակիցք։ Արին ոչ սիրէ զվտանդս՝ որ ՚ի վեր են քան զկար մարդկան, որպէս ասացաւ։ բայց թէ բախտն կամ հարկն յայն ստիպեսցէ, երևի այո՛ մարդ՝ ՚ի ըզդալ զայն, այլ ՚ի վեր քան զմարդ՝ ՚ի տոկալ այնմ։ Եթէ կարեվէր խոցի, ոչ անձկայ մահու՝ ըստ 'Նեսսոսի 84։ և ոչ ՚ի խնդիր լինի նորա ըստ Հերակլեսի, այլ տանի կենաց որպէս չարաբաստ ընկերի, և երբ մեռանի, փոխի յաշխարհէ և ոչ թէ փախչի։ Ի յայտնի նաւակոծութեան իսկ՝ թէպէտ և հասարակաց է վտանդն, գործք առն արիականի երեխին այլազգ։ Մըտապնդէ զանձն և զընկերա, և ՚ի մրրկի անդ սիրտ նորա է անվրդուլ։ Ցաւ է նմա, զի ոչ զօրէ ցուցանել զիւր զօրութիւն։ բայց հետասնդի ցուցանել զիւր արիութիւն։ Աներկիւղ տեսանէ զմահ, զի միշտ յառաջաւես եղեւ նորա։

Բայց ՚ի լինել վտանդին հանդիտակշխո՛ հաւասար զօրութեամբ, իբր զպաաանւոյն Մանլիոսի ընդդէմ դաղղիացւոյն, և իբր զկուինտոսի կոստոսի ընդդէմ սպանիացւոյն, յառաջ քան զմարտն հայի արին՝ ոչ ՚ի ցաւ մահուն, այլ ՚ի վայելըութիւն առթիւն։ զի պատիժ է յոյժ թանկագին՝ կորուսանել զարիւն, և փոխանակ գովութեան և փառաց՝ ստգտանաց լինել արժանաւոր։ Արին Ճիշդ է ՚ի սպառնալիս։ 'Նախատադրութիւն է թշնամւոյն՝ արհամարհէլ զանձն։ նախատադրութիւն է անձին՝ արհամարհէլ զթշնամին։ Զի թէ անարդ է թշնամին՝ արժան է մերժել. և թէ զօրաւոր՝ չէ արժան անդոսնել։ Զանձն գովէ յաղթականն՝ ՚ի գովէլ զպարտեալն։ Ուր առաւելու քաջութիւն, սպառնալիք են աւելորդք. ուր նուազ է քաջութիւն, սպառնալիք են ծանակելիք. ուր հաւասար է քաջութիւն, յիրաւի է ակնածել մարտի և բախտի։ զի մինն է առօրեայ, և միւսն դաւաճան։ Յանդուգնն արհամարհէ զպառազլնութիւն. արին զինի, զի յանդուգն վստահ է ՚ի փախուստ և արին ՚ի մարտ։ Յորժամ Աղեքսանդր զէն առնոյր զանձամբ, դողայր դլսովին. այլ յետ զգենլոյ՝ դողացուցանէր զամենեսին։ Արծարծանի սիրտ ընդ զրահիւք. և վահանն սպասարանէ իւրում պաշտպանողի։ Ասացէ արին զասացեան յումեմնէ առ Քուըքուէս, Կարողացար թագա-

ոռը, անցանել հետի ընդ ծով, և խորտակել զլեառն Աթովս։ բայց ոչ ինչ գտցես քեզ դժուարին, քան առ կողիւք քերել միոյ 'ի սպարտացւոց զինելոց։ Իձայն եղջեր փողոյ՝ շունք որսականք հաջեն։ այլ շունք որ առ տնին, կաղկանձեն։ Սոյն պէս 'ի հնչել մարտագրդիո փողոյ, արին խայտայ և վատասիրտն սասանի։ նորա գէմք՝ զուարթ են և աշխոյժ, սորայս՝ ոգեսպառ և կիսակենդան։ Միումն թուի օր հարսանեաց, միւսումն հանդէս յուղարկաւորութեան։

Որպէս յամը է արին 'ի խորհրդածել, նոյնպէս երագ է 'ի կատարել. զի չիք անմտութիւն մեծ քան դնել 'ի վտանգի զկեանս առանց նախագէտ պատճառի. և չիք վտանգ մեծ քան զդիմագրաւել ջերմ առթի՝ սառնասառոյց սրտիւ։ Մըտանէ արին յասպարէզ, և թողու 'ի բաց զամենայն երկիւզ։ Եւ ո խիթայցէ յայնպիսւոյն վերայ, որոյ նուիրեալ զիւր կեանս իւրոց հայրենեաց՝ մատուցանէ յայն հանդէս որպէս 'ի զոհարան զոհ ինչ, որ ոչ ևս է իւր. բայց կամի թէ թանկագնի լիցի այնմ՝ որ իշխեսցէ զոհել զայն։ Ախորժէ արին՝ թէ տեսողք կայցեն 'ի զնին, ոչ որպէս գովողք առաքինութեան, այլ որպէս վկայք ճշմարտութեան։ Ոչինչ ցաւեաց երից հարիւրոց սպարտացւոց այն՝ զի հանդերձեալ էին պատերազմիլ ընդ երեսուն բիւրուց պարսից, այլ այն միայն զի չունեին 'ի զնին տեսօղս անաշառս. վասն որոյ և ասէին։ Այն չափ ինչ կարծեսցի՝ որչափ Պարսիկն ասիցէ։ Երկուանալի է գովեստն՝ որ կախեալ կայ զբերանոյ ոխերիմ գովչաց։ Բայց յորժամ չունիցի արին տեսօղս զիւրեւ, նա ինքն է իւր տեսօղ և տեսարան։ զի նա ինքն է հանդիսագիր և գովիչ իւրոց քաջութեանց։

Ի վերայ յարձակի արին մեծաւ բորբոքմամբ. բայց խաղաղական մտօք։ Հուր սրտին ջեռուցանէ զկուրծս, այլ ոչ ծխոտէ զմիտս։ Որ յաղթական է իւրոց կրից, կարգադիր է իւրոց գործոց. զոր օրինակ անվեհեր է 'ի փորձ մարտի, նոյնպէս 'ի բուն պատերազմի ոչինչ աւելի խռովի քան 'ի փորձ մարտի։ Եթէ բախտն զհետ վարի իւրոյ զօրութեան, նա ինքն ևս ըզհետ վարի իւրոյ բախտի։ Ոչ կորուսանէ զդիպողութիւնս և ոչ խնայէ 'ի հարուածս։ Ի ճիգն մտանէ միանգամայն սրով և վահանաւ, 'ի պաշտպանել և 'ի վնասել։ Եթէ յաղթէ նա թշնամւոյ իւրում զօրութեամբ, յաղթէ և անձին գթասիրութեամբ։ Ոչ յոխորտանայ առ այն որ պարտութիւն խոսավանի. անձին սեպհականէ զյաղթութիւն, և նմա շնորհէ զկեանս։ Թշնամին ոչ ևս է իւր թշնամի, այլ կոթող կենդանի իւրոյ յաղթանակի։ Բայց եթէ բախտն՝ որ յոլովակի արիւթեան է թշնամի՝ մատնէ զնա թշնամւոյ, նա ոչ այս տեղի և ոչ դադարէ։ Կիսոս 82 ցորչափ ծիրանի ունէր 'ի հերս, ոչ պարտիւր. և արին ցորչափ ծիրանի է յերակս նորա, չառ-

նէ ինչ գործ նկուն և անարդ . չաղացէ , չկորանայ , չփախչի : Առաւել ընտրէ քայլ մի յառաջ մահու պատահել , քան քայլ մի ընդ կրունկն՝ զկենդանութիւն ողջունել : Ի խորտակիւն զինուց , յանկանել սուսերի , չանկանի նորա սիրտ . ամենայն մարմնով զինի ընդդէմ : Ի պատերազմին որ ընդ Դարեհի՝ յորժամ փախստեայ գնային Պարսիկք յերեսաց Աթենացւոց մինչեւ ի նաւս իսկ իւրեանց , Կիւնեգրեայ զհետմտեալ նոցա՝ կասեցոյց զմի ՚ի նաւուց փախստէից՝ զօրութեամբ աջոյ իւրոյ . իբրև հատին զաջն , կասեցոյց ձախոյ ձեռամբ . իբրև հատին զձախն՝ կասեցոյց ատամամբք , և չեթող շարժիլ : Որ ոչ հաւատայ ՚ի բուռն զօրութիւն նաւակալ ձկան՝ յարգելու զնաւս , հայեսցի ՚ի Կիւնեգիլ : Բուռն է արիականին զօրութիւն քան զնաւակալ ձկան :

Հուսկ ուրեմն ՚ի սպառիլ արեան՝ յորժամ մեռանիցի վայելական իրաց աղագաւ և վասն հայրենեաց , որում ևեթ ըզձանայր , ոչ մորմոքի , ոչ յոդւոց հանէ , այլ խնդայ և ուրախ լինի յանձին . մխիթարէ զմիսիթարիչ , հայի անարտօռ՝ յարտասուս բարեկամաց , և յանդիմանէ զարտօսր նոցա : Յայնժամ արդոյ համարի զիւր կեանս , յորժամ կորուսանէ , և ընդ Եպամինոնդայ ասէ . Այսօր վերստին ծնանիմ , զի այսպէս մեռանիմ :

Յայս սահման եհաս արիութիւն հեթանոսաց բարոյական իմաստասիրութեամբ , որք ոչն հաւատային թէ յետ թշուառ կենացս կան լաւագոյն կեանք : Իսկ զիարդ լինիցի արիութիւն քաջազուն քրիստոնէի . որոյ հայեցեալ ՚ի կեանսն յաւիտենից աչքը հաւատոյ՝ մեռանի վասն հաւատոյ : Առաջի արանմա զամենայն զտանջանս՝ զորս բռնաւորական բարբարոսութիւն մենքենայել ջանացաւ մարմնոց ՚ի խորտակել զսիրտս : Առ ՚ի չիմանալ զտանջանս՝ աստուածապարգե հնար է նորա յոյսն : Նա սաստկագոյն տանջանք լինէին նմա թէ սակաւ տանջեւր : Չզարհուրեցուցանեն զիա ոչ ցաւադին խոցուածք Կեսարու , և ոչ թոյնն Սոկրատայ 83 . զի չէ նմա փոյթ , թէ մոլախնդաւ մոցէ մահ , կամ ընդ արեան ելցեն կեանք , միայն թէ հոդին աստ ՚ի սատրինս մի մնասցէ : Ոչ ահ արկանէ ՚ի նաերկար տքնութիւն հուեգուլոսի ՚ի բանտս , քան զսուղ ինչ քուն Սենեկայ ՚ի բաղանիս 84 . զի անխտիր է յաճս նորա՝ թէ փակեալ կամ բաց իցեն պատուհանք մարմնեղէն օժեանին , միայն թէ ՚ի լաւ ևս օժեանս փոխեսցի հոդի : Սպառնացիր նմա մահ երագահաս . քաղցր սպառնալիք է նմա վաղահաս երջանկութիւն : Հաշեցու առ սակաւ սակաւ զնորա կեանս . ոչ լինի հասանել երբէք անագան ՚ի բարի ինչ անանց : Յոյց նմա զահաւոր կոհակս մըրկալից ծովու . նաւահանգստին՝ որում անձկայ , նաւակոծութիւնն է առաջնորդ : Յոյց նմա զզառիթափ ժայռս և զկործանական վիհս . առ ելանել ուր

գեմ եղեալ է, վիհքն են նմա վերելք . երևեցո նմա զսովեալ ժանիս դազանաց, լու համարեսցի զայն շնչաւոր շիրիմս՝ քան զհոյակապ դամբանս: Արկ զնա 'ի լափլիզով բոց բաբելոնեան հնոցի, ելցէ անմահ փիւնիկ 'ի նորահրաշ կեանս: Զհուսկն ասացից . այնչափ գերագոյն է արիութիւնն քրիստոնէական քան զբարոյական, որչափ աստուածայինք քան զմարդկայինո: Եւ զնոյն ասեմ զայլ ամենայն առաքինութեանց 85:

ԳԼՈՒԽ Զ.

Յաղաց յանդզնուրեան և վեհերոտուրեան :

Յանդզնութիւնն և Վեհերոտութիւն՝ են ծայրական մօլութիւնք ցասմնականին . նա տարապայման բերմամբ 'ի վտանգու, և սա տարապայման փախատեամբ 'ի վտանգից: Երկաքանչերոցն այնպէս խանգարեալ է իմաստ 'ի թիւր ունակութենէ, մինչև չհայիլ նոցա թէ յոր վտանգու, և վասն որոց պատճառաց և որով օրինակաւ՝ մին ընդ առաջ լինիցի և միւսն փախչիցի:

Չիք ինչ անասուն նմանագոյն մարգոյ՝ քան զկապիկն, բայց և չիք քան զնա տգեղագոյն: Չիք ինչ նման արիութեան քան զյանդզնութիւն . բայց որչափ բանաւոր է նա, այնչափ անբանական է սա: Յանդզնուդնն՝ ըստ ասից Արիստոտելի 'ի դիրս բնազննութեանց, ամենայնիւ նման է արիականին 'ի կերպարանս . այլ սիրտ նորա է ամենեւին աննման: Պատահէ նոցին վշաւաց վտանգի . բայց արին չափէ զնոսա ընդ իւր զօրութիւն, և յանդզնուդնն ընդ իւր բորբոք: Հռովմէական դատաւորք պատժէին զզօրականս կարի իմն յոխորտս՝ երակահատութեամբ աջոյ բազկի . և կարի յիրաւունս: Զի որպէս յանդզնութիւնն յառաջ գայ բնաւորապէս 'ի կարի իմն եռանդնէ արեան 'ի թոքս, նոյնպէս պատիմն այն էր նոցադեղ նախատական՝ միանդամայն և առողջարար: 'Նոյն բուռն բերումն մղէ զնա ընդ առաջ լինել մեծ ևս վտանգից՝ քան որոց ընդ առաջ ելանէ արին . և երբեմն այնպէս դահավեժ՝ յաջողելով դիպուածոյն, մինչև թշնամիք քան զնա զօրագոյնք՝ ոչ որոշելով զջմարիսն յառերեւութէն, գնան փախըստեայք, և խաժամուժ ամբոխն չորոշելով զյաջողեալ յանդզնութիւնն յառաքինական արիութենէ, գովէ զնա մեծաձայն:

Ծերումին Սկիպիոն՝ 86 մինչեւ էր ծերացեալ, երիտասարդական յանդզնութեամբ համարձակեցաւ վստահանալ երկու միայն նաւօք յերկուանալի բաղկառմամբոխ զօրուն

Սիմբակայ. Ծողեալ զհասարակաց փրկութիւն կամ զկործանումն 'ի վարանս երկուանալի գիպուածոյ, թէ կամ Սիմբակ 'ի Սկիպիոնէ կալանաւորեսցի, կամ Սկիպիոն 'ի Սիմբակայ սպանցի: Ելքն անակնկալ՝ արծարծեցոյց զմեռեալ ակնկալութիւնն: Գործն գովեցաւ յանմտաց. այլ անգունեցաւ յիմաստնոց: Եւ որ արարն՝ ուսաւ յայնմ հետէ չառնել ինչ այնպիսի:

Բայց առած է հասարակաց, թէ յանդուգն գործոց ելք՝ են 'ի մնաս հասարակութեան, և 'ի նախատինս այնմ որ արար: Զի որովհետեւ այնպիսին յառաջ ձեռն 'ի գործ առնէ և ապա խորհի, 'ի գտանելն զանխորհ դժուարութիւն՝ չամաչէ ասել զայն ամօթալի բան թէ Ոչ կարծէի: Փոխան բիւր օրինակի՝ շատ լիցին կեպիոն ընդդէմ կիմբրացւոց, և Մինոտիոս ընդդէմ Պենացւոց 87. որոց երկաքանչիւրն անգունեալ զդանդաղանս՝ իւրեանց խոհական խորհրդականաց, ընդ փոյթ տեսին զկոտորած զօրու իւրեանց, և զվատանունութիւն անձանց: Չշարժին յանդգունք 'ի դժուարին ձեռնարկս վասն համեստութեան, որ է հաստատուն և անփոփոխ վախճան արիութեան՝ իբր փոքր արջն նաւորդաց. այլ՝ ոմն վասն անասնային անմտածութեան, ոմն վասն սնափառութեան, ոմն վասն ատելութեան առ թշնամին, ոմն վասն ագահելոյ յաւարն, և ոմն վասն վստահանալոյ յօդնութիւնս: Արդ վասն զի այս վախճանք են ներընդունականք և այլայլականք, 'ի փոխիլ վախճանի փոխի և սիրտն: Չարժեալն յանմտածութենէ, հայեցեալ ապա յանակնկալ դէմս մահու՝ զարհուրի: Չարժեալն 'ի սնափառութենէ, իբրև տեղի տայ ընդունայնամտութիւնն իսկութեան վասնդին, սրտաբեկի: Չարժեալն յատելութենէ, 'ի զօրանալ սիրոյ կենաց քան զատելութեան թշնամոյն՝ անարգաբար զայն խնդրէ: Չարժեալն յագահութենէ. 'ի նանրանալ յուսոյ աւարին յերկիւղէ սրոյն զկենաց խորհի: Իսկ շարժելոյն յապաւինութենէ, 'ի պակասիլ օգնութեանց լքանի սիրտն: Ի մարտին հանդիսի՝ նորօրինակ առաքինանայ: Խոյանայ որպէս զկոդրոս 88 արքայ՝ անզէն 'ի վերայ սպառազինաց. կամ որպէս զկիւգնոս արքայ՝ զինու վառի 'ի պէնութիւնն, և ոչ 'ի պաշտապանութիւնն. բայց թէ գիպուածոյ գիպի ծանու, այլ ոչ պիտի նմա սաղաւարտ, բայց եթէ 'ի թաքուցանել զիւր դեղնութիւն. և ոչ վետուրք փողփողեալք, բայց եթէ առ երագել զփախուստն: Զհուսկն ասացից. յամենայնի է յեղափոխ և ինքն ինքեան աննման. վայր մի գլխովին սրտեայ, և վայր մի անսիրտ. վայր մի քան զայր արուորագոյն, և վայր մի քան զկին կնատ. վայր մի անհեղաստ, և վայր մի յողոք խոնարհեալ. ահարկու 'ի յարձակման, և երկչոտ 'ի փախստի. խրոխտ 'ի յաղթութեան, լուծեալ լքեալ 'ի պարտութեան: Ի յոխորտ խիզախմանց՝ ան-

դէն անցանէ 'ի գործս անարժան . և 'ի յետին յանդգնութենէ 'ի յետին երկչոտութիւն . զորմէ խօսել կայ մեզ առաջի:

Յանդգնութիւնն է մոլութիւն առաւել վտանգաւոր . բայց Վեհերոտութիւնն կամ Երկչոտութիւնն է մոլութիւն առաւել ամօթալի . զի նա դիմագրաւի աւելի քան զարժանն , և սա խնայէ յոր չեր արժան: Յամենայն մոլութիւնս յետնութիւնն է առաւել ամօթալի՝ քան զաւելազանցութիւնն . և դիւրագոյն է լինել երկչոա՝ ուր պարսն էր վստահիլ, քան վստահանալ՝ ուր պարսն էր երկնչել: Վեհերոտն՝ 'ի վտանգի ոչ հայի 'ի պատուաւոր պարագայս , այլ միայն 'ի ցաւագինս . և միայն թէ զերծցի 'ի վտանգէ , թողու այլոց զպատիւն՝ և յինքն արկանէ զապահովութիւնն: Որ ոչն կամի ընծայել փառաց զաւանգն կենաց , հատուսցէ բնութեան զգլուխն՝ տոկոսեօք բազում վնասուց , այսօր զմի յատամանց , վաղիւ զմի յաշաց , յետ սակաւ միոյ զուշն , և 'ի վախճանի զկեանս իսկ , լեալ ամենեին անարդ . և առ խորշելոյ 'ի միոյ մահուանէ՝ բիւրս կրէ մահունս :

Բայց առաւել ևս ամօթալի է այս մոլութիւն այնմ որոյ յանձն առեալ է զզինուորական պատիւ : Արք գրագէտք են երկչոտք . զի փոխանակ արութեան զգիտութիւն յանձին կալեալ , զգուշագոյն հային 'ի վտանգ կենաց . բայց զինուորի՝ որ փողոյ սակ էարկ զվտանգ մահու , փախուստն է ամօթնախատանաց : Ոչ ոք 'ի զինուորաց այնպէս արժանի է կենաց , որպէս որ արհամարհէ զկեանս . և ոչ ոք այնպէս անարժան է կենաց , որպէս որ երկնչի 'ի մահուանէ : Օրէնք էին Մակեդոնացւոց , զի զինուոր որոյ չեր սպանեալ զոք 'ի թշնամեաց , փոխան զինուորական կամարի՝ կրէր չուան կախազանի : Միապէս մարդասպան համարէր՝ որ բառնայր զկեանս միոյ 'ի քաղաքացւոց խեռութեամբ , և որ շնորհէր զկեանս հասարակաց թշնամւոյ՝ վեհերոտութեամբ : Անանուն էր առ Յոյնս զօրական՝ որոյ էր վահան աննշան՝ և սուսեր անշաղախ յարենէ թշնամւոյ . բայց ամենեին վատանուն , որ կորուսանէր զսուրն և զվահան : Սպարտացիք աքսորեցին զՆըքիլոքոս զիւրեանց քաղաքացի , զի 'ի բանաստեղծ ութիւնս նորա դտաւ գրեալ այս տուն բանի . Լաւ է կորուսանել զվահան՝ քան զկեանս : Լինել նորա բանաստեղծ՝ ապրեցոյց զնա 'ի մահուանէ , այլ ոչ յաքսորանաց : Անարժան վարկան զբանաստեղծն Սպարտիոյ , վասն բանիցն որ չէին արժանի Սպարտացւոյ : Չէին նմա յանցանք 'ի գործ դնել զիւր ասացեալն . բայց յանցանք եղեն գրել նորա զայն :

Ի մարտին պահու՝ արին ըստ մօտելոյ վտանգին արագէ , և վեհերոտն ըստ մօտելոյ վտանգին յամբ գնայ . զի նորայն է շարժումն բնական , և սորայս շարժումն բոնական . այն է կամայական , և այս ակամայ կամօք : Վեհերոտն գովէ հրա-

պարակաւ զարիս, սրտապնդէ զընկերս, զի երևեսցի քաջամիլոտ: Տայ սիրտ զոր ինքն ոչ ունի: Ըստ սակոի անձրև կոչէ, և ինքն կայ անթացիկ: Արիստոգիտոն այր անձնեայ՝ բայց փոքրոգի, միշտ շողողուն զինուք զարդարեալ, որոյ և զոյցք էին հանապազ զպատերազմաց և զկոտորածից, էր համարեալ մի 'ի քաջամարտիկ Աթենացւոց. բայց 'ի լսել զբարբառ փողոյ, եկն եւ 'ի յայտ՝ անսուսեր, յեցեալ 'ի ցուալ, զմի 'ի սրունից սլատատեալ, և գնայր կաղ 'ի կաղ. զոր Փոկիոնի ծազր արարեալ՝ եթող առակ վատասրտաց. ասէ. Արիստոգիտոն գնայ 'ի կաղ: Յանդուգնն յայնժամ սկսանի մերձ համարել զկեանս, յորժամ մօտ է 'ի կորուսանել զայն. զի 'ի նմա ընդ կենացն շիջանին ամենայն իւր բարիք: Բայց արին՝ յորոյ 'ի սիրտն կան մեծ ևս և անանց բարիք, ոչ ցաւի ընդ կորուստ իրացն՝ որոց հնար է թէ բարձցին 'ի նմանէ. զի ոչ իւր համարի զնոսա:

Բայց և այնապէս վեհերոտն ջանայ բաժանորդ լինել փառաց, զօտարի ճգանց պարծանս անձին սեպհականէ: Եղեայս մոլութիւն ոչ միայն զինուորաց սոսկականաց, այլ և կայսերաց յետնելոց 'ի հետոց 'նորա՝ զորոյ առին զանուն 89: 'Նստէին 'ի պալպաջունս, և առաքէին 'ի բանակն զիւրեանց պատուիրակս: Զօրագլուիք յաղթէին յԱսիա, և 'նոքա յաղթական հանդիսանային 'ի Հռովմ: Կեսար յետ յաղթական հանդիսի՝ սերմանեաց զհատս զիւրոյ դաբնեայ պսակի. զի 'ի դեռաբոյս դաբնեաց այնր անտառի՝ պսակեսցին իւր յաջորդք: ուսեալք 'ի նմանէ յաղթէլ յառաջ քան զյաղթանակել, և յաղթանակել վասն զի յաղթէցին: Բայց 'ի սակաւ ամս գօսացան համայն ազգատոհմիւ այն դաբնիք, և 'ի վատանունութիւն ամենեցուն՝ հուսկ յետինն եղե 'Ներոն՝ պարագլուին վեհերոտաց: Միայն Օգոստոս ցուցաւ արժանի որդեգրական անուանն կեսարու. բայց ևսա 'ի յաղթութեանն մեծի ընդդէմ Պոմպէի առ Մեղեաւ, էառ դաբնեայ պսակ անթացիկ յիւրոց քրտանց: Կշտամբեցաւ թէ այն ինչ անքունն Ագրիպաս արիաբար յաղթէր. Օգոստոս ընդ գինի մտեալ ննջէր և խորդայր. և 'ի բանալ զկկոցեալ աչս հայիլ յԱգրիպաս, անդէն աւետիս տուաւ նմա յաղթութեան: Զհուսկն ասացից. մեծ ևս երախախս արարեալ էր կեսարու առ իւր հայրենիս, եթէ թողեալ էր ուսումնարան՝ գլխոց արժանաւորաց դաբնեայ պսակի, քան զսերմնարան դաբնեայ պսակաց որոց պիտէին գլուիք 90:

ԳԻՒՅԻ ՀԻՒԳԵՐԱՐԴ

ՅԱՂԱԳՍ ԲԱՐԵԽԱՌՆՈՒԹԵԱՆ ԵՒ ԾԱՅՐԻՑ ՆՈՐԸ



Գ Լ Ո Ւ Խ Ա .

Թէ զինչ իցէ բարեխառնորիւնն :

ՊատրեԽառնութեանն է առաքինութիւնն ցանկականին . որ շափաւորէ զկարի իմն թմրութիւն , և զկարի իմն ցանկաւթիւն մարմնական հաճոյից : Մարդ ոչ է քար և ոչ անասուն . ոչ բոլորովին անզգայ . և ոչ գլխովին զգայութիւն : Կամք են բնութեան պահել մարդոյ զմարմին , զի և մարմինն ծառայեսցէ հոգւոյ : Մարմինն ախորժէ զհաճոյս . հոգին սիրէ զգգաստութիւն : Անբարեխառնն նեղէ զհոգի աւելորդ կերակրովք . Թմրեալն՝ լքեալ թողու զմարմինն աւելորդ զգաստութեամք . բարեխառնն դատ առնէ 'ի մէջ մարմնոյ և հոգւոյ , գտեալ մէջ՝ որով ոչ մարմնոյ պակասին կենսական զօրութիւնք , և ոչ հոգին պակասի 'ի բանաւոր գործողութեանց : Բայց քանզի բարեխառնութիւնն երկոցունց ձեռաց տջողակ՝ սլատերազմիլ ունի միանգամայն ընդ երկուս հրէշս՝ որ աստի և անտի , իբր հերակլէս ընդ խեցգետնի և ընդ հիդրայի , որոց առաջինն է բոլորովին ցուրտ և դանդաղ և երկրորդն բոլորովին որկորեայ և բոցային , հարկաւ մեծ է նորա ձիդն 'ի յաղթել հիդրայի քան խեցգետնի , ցանկութեան՝ քան թըմբը ութեան 94 :

Ապա գլխաւոր գործ բարեխառնութեան է շափաւորել զբաղձանս հաճոյական առարկայից , զի մի եկաւորութիւննոցա ծնցի աւելազանց հաճութիւն , և ոչ հեռաւորութիւննոցա կարի իմն ցաւ : Ի նորա ձեռս է կշիռ արտասուաց և ծաղու , հեծութեան և հրձուանաց , հաճութեան և ցաւոց : Եւ որպէս արիութիւնն առնէ զվատահութիւնն երկեղուտ և զերկիւղն վստահական , նայնպէս բարեխառնութիւնն արդար հաւասարակշռութեամբ առնէ զարտմութիւնն հաճոյական , և զհաճոյն տրտմական , 'ի հասուցանել զերկաքանչիւրն 'ի

հաւասարութիւն համեստական։ Բայց արգարե առաւել դը ժուարին է չափաւորել զբերկրութիւն մերձակայ առարկայի՝ քան զցաւ հեռաւոր առարկայի։ Վասն զի բնութիւնն սիրող գոլով հաճոյից և առեցող ցաւոց, ընդ ցաւոց հեռաւոր առարկայի պատերազմին առաքինութիւնն և բնութիւնն, բայց ընդ հաճոյս մերձակայ առարկայի պատերազմի միայն առաքինութիւնն։ և դժուարագոյն ձեռնարկ է յաղթել երկուց թշնամեաց քան միոյ միայնոյ։ Թող զի յառարկայն հեռաւոր՝ միայն երեակայութեամբ լինի վայելել, բայց 'ի մերձակայն զգայութեամբ։ Եւ զի երեակայութիւնն է կարողութիւն առաւել հոգեզէն և նիազ, և զգայութիւնն առաւել մարմնեղէն և սաստիկ, վասն այսորիկ նուազ շարժէ առարկայն երեակայելի քան զգգալի։ Ուստի և իմաստաբար ասացաւ յառակս։ Հեռաւորութիւնն զամենայն զմեծամեծ վէրս բժշկէ։ Յամենայնի ճշմարիտ լինէր առակս եթէ ամենայն մարդկան խառնուած էր միօրինակ։

Ուր սկսմազն տիրէ. երեակայութիւնն զօրագոյն է քան զգգայութիւն, այնչափ առաւելութեամբ մինչև այնպիսիք յոլովակի ընդ անձանց խօսին քան ընդ այլոց։ և մօտ գոլով մեղ անձանք՝ դեգերին մտօք 'ի հեռաստան, իբրև զվերնոտս և զվայրախօս։ Յայսպիսի բնաւորութիւնս՝ վասն լինելոյ երեակայութեանն առաւել սուր և պնդապահ, մեծագոյն ցաւ ազդէ առարկայն հեռաւոր՝ քան մօտաւորն զվայելս. վասն զի երեակայութիւնն ձևացուցանէ զայն, որպէս և ըղձանայ. և զգայութիւնն չգտանէ զնա, որպէս երեակայէր։

Յանցաւոր իրա՛ ամենայն կատարեալ ունի զիւր պակասութիւնն, բայց յառարկայն հեռաւոր՝ երեակայութիւնն հայի 'ի կատարելութիւնս ուրոյն 'ի պակասութեանց, և առաւել ըզձանայ այնմ. իսկ յառարկայն մերձակայ՝ զգայութիւնն աւելի գտանէ պակասութիւնս քան կատարելութիւնս, և անդէն խորշի. և 'ի փոխել զկարծիս՝ փոխէ և զցանկութիւնն։ Գայլ սովեալ թէպէտե որս 'ի ձեռին ունիցի, եթէ դէպ լիցի նման դարձուցանել զաջս յայլ որս հեռաւոր, թողու զոր ունի՝ և զհետ սկնդի այնմ զոր չունի. վասն զի երեակայութիւննորա է սուր, և զգայութիւնն բութ։ Այսպիսի էր թեսէոս, որ միշտ զակատեալ 'ի դեղ օտարուտի, յառաջ քան զամուսնակալ՝ ելուզակաբար ստանայր իւր աներս սպանութեամբ և կանայս յափշտակութեամբ. առ վրեցելոյ 'ի ախկնայս՝ խռովէր զայլոց թագաւորութիւնս. և իսկ և իսկ յափրացեալ վանէր զնոսա յիւրմէ թագաւորութենէ։ Ի բաց արձակեաց զլանաքառն՝ 'ի յափշտակել զՊերիբէա. մերժեաց զՊերիբէա՝ վասն Յոպակեայ, և զսա՛ վասն Անտիոպեայ, զԱնտիոպէ վասն Արիանեայ, զԾրիանէ վասն Եգղեայ, և զԵգղէ վասն Փեղրեայ. զամենայն զկապարձս դատարկեաց ցանկութիւնն, զի որսաս.

ցի նմաս միշտ նոր որս 92: Աչքնէ հանգոյց հիմենեան կարօղ եղեւ այնպէս սլրկել զնորա սևամաղձային սէր, որ ոչ թռչիցի: Աչք իսկ և իսկ յագենային, այլ երևակայութիւնն ոչ երբէք: Այս ոչ բարւոք խօսեցաւ Քրիստովոս, թէ մարդկային կիրք ոչ այլ ինչ են, բայց կարծիք. որպէս տեսցի յիւրում տեղւոջ: Բայց և այնպէս Ճշմարիտ է թէ սաստիկ ըմբռունմունք զարթուցանեն զասատիկ կիրա. և կարծիք սևամաղձոտաց՝ են սաստիկ ըմբռնմունք: Ապա բարեխառնութիւնն յուղղել անդ զարտուղութիւն կարծեաց՝ և 'ի չափաւորել զանյագութիւն զգայութեան, վերածէ իւր արդար կշռով զհաճոյս ստացութեան և զտհաճութիւն պակասութեան 'ի միջասահմանութիւն բանի:

ԳԼՈՒԽ Բ.

Թէ որպիսի իցէ բարեխառնն:

Բարեխառնութիւնն է արեգակն ինչ 'ի կըո՞ի՝ ընդ մէջ ամառնային արևադարձի և խոր ձմերան. դօտի ինչ բարեխառն՝ ընդ մէջ սառնամանեաց և տապոյ. առաքինութիւնն ինչ միջասահման՝ ընդ մէջ ցուրտ թմրութեան, և հրատապ անբարեխառնութեան: Ապա խառնութած բարեխառնին է ընդ ցուրտ և ընդ ջերմ, ընդ մաղասային և ընդ արիւնային. հասակ ինչ ընդ եռանդն մանկական և ընդ սառոյց ծերութեան: Բարք նորա են միշտ բարեկարգ, սիրտն միշտ զուգական, երեսքն միշտ միօրինակ. յոր ոչ երևի բարկութիւն, և ոչ փայլատակէ ծաղը. այլ իբրև 'ի գագաթ ոլիմպիական լեռին՝ քաղցրութեամբ փողփողէ անխռով պարզութիւն: Անմիտ եղեւ իմաստ Ստոյիկեանց, թէ կիրք չմտանեն 'ի սիրտ իմաստնոց: Վերադասէին այսու զիմաստունս քան զդիս իւրեանց: Հարկ լինէր իմաստնոյ՝ առ աքսորել յիւրոց կրծոց զկիրս, աքսորել զսիրտ իւր՝ որ է նոցա կայան, որպէս լուցես: Չէ իմաստութիւնն չունել զկիրս, այլ գիտել քաջ վարել զնոսա՝ որպէս զձիս, զզէնս և զինչս: Չեն առաքինութիւն. բայց հնար է շրջել զնոսա յառաքինութիւն. 'ի տիրել նոցա, և 'ի չժողացուցանել թէ տիրեսցեն նոքա: ԶՍոկրատաց ասեն թէ չեցոյց այլայլութիւն դիմաց յաւուր հարսանեաց՝ և յաւուր յորում մեռաւ: Եւ չեն ինչ զարմանք. զի բարեխառն գոլով, չիշխէին նմա ոչ հաճոյք կենաց, և ոչ ցաւ մահու. վասն այնորիկ առ հարսնն և առ մահ՝ նոյն եղեն նորա դէմք, որպէս էին առ իւր բարեկամ:

Այլ և կլիմայք գաւառաց և դիրք երկնային կամարի՝ տրա-

մադրեն զենթակային առ այս առաքինութիւն։ Յակունս Գանեցի ծնանին ժողովուրդք այնպէս ժուժկալք, մինչեւ ուղիգունք են նոցա փոխանակ բերանոյ, և կերակուր՝ հոտ ծաղկանց։ Եւ ընդ այրեցածիւ ծնանին ժողովուրդք այնպէս շատակելք, որ խճողեն զորովայն մարմնովք մարդկան։ Նոքաչեն մարդիկ, այլ՝ գետնառիւծք. և սոքա գայլք կատաղիք, և ոչ մարդիկ։ Ապա մեծ երախտիք են երկնից՝ ծնանիլ ընդքաղցը երկնիւք 93։ Բարեխառն գաւառք յօդեն բարեխառն մարմինս. զի մարմինք զհետ երթան խառնուածոյ լուսաւորաց, և ոդիք՝ յոլովակի խառնուածոյ մարմնոց։ Կարի իմն բարկացողք՝ են և կարի անբարեխառն, ասէր Պիւթագորաս. ոչ զի անբարեխառնութիւնն է ծնունդ բարկութեան, այլ զի ոչ բարւոք նուածէ զարտաքին զգայութիւնս, որ ոչն նուածեաց զներքինս։ Վասն այսորիկ արք առաւել գաղանաբարոյք՝ են առաւել իդասէլք. զի 'ի նոյն սկզբնէ ծնանին՝ յետին գաղանութիւնն առ այլս, և յետին մեղկութիւնն առ իւրական անձն։

Բայց առաւել բարեխառն են այնոքիկ որ 'ի մատաղ տիոց արարին ունակութիւնն, ասէ Արիստոտել։ Ունակութիւնն չար՝ որպէս լուար, հանդերձ է զոր ամենայն ոք կարօղ է զգենուլ երբ կամի. բայց իբրև զգենու, ոչ ևս է կարօղ՝ երբ կամի՝ դիւրաւ մերկանալ զայն 'ի բաց. և 'ի վերայ ամենայնի զունակութիւնն անբարեխառնութեան, որ քան զամենայն ունակութիւն ընդակից է մարմնոյ։ Ապա մանուկն սկիզբն առնէ լինել բարեխառն՝ յորժամ սկսանի ամաչել, յորմէ արժան է ամաչել։ Չառագունութիւն արշալուսի յուսացուցանէ թէ օրն պարզ լինիցի. և ամօթխածութիւն մաքուր մանկութեան յուսացուցանէ՝ թէ համեստ լիցին նորա վարք. զի որ ամաչէ առաջի այլոց, ամաչեսցէ յանձնէ իսկ՝ յորժամ միայն իցէ. և ամօթն պահեսցէ զնա յամօթալի գործոց։ Քիրով 94 չէր քաջազն, և էր ուսուցիչ քաջազանց. ամօթխածութիւնն չէ ճշմարիտ առաքինութիւն, և է ուսուցիչ առաքինութիւնն ։ Ճշմարիտ է թէ ամօթխածութիւնն է երկիւղինչ, և ամենայն երկիւղ՝ թէ նկուն առնէ զսիրտս պատերազմողաց։ Բայց արժան է նմանող լինել Քիրովի, որ միանդամայն ուսուցանէր քաջազանց չերկնչել 'ի յարձակմանէ առիւծուց, և երկնչել յամօթոյ անարդ գործոց. զի որ կորուսանէ զամօթ, կորոյս և զպատիւ։

Գ. Լ. ՈՒ Խ. Գ.

Թ. և ոյք իցեմ առարկայք բարեխառնորեան :

Արիութիւնն չէ զամենայն ցաւադին առարկայիւք . և բարեխառնութիւնն չէ զամենայն բերկրական առարկայիւք , որպէս և լուար : Մարդն է եռագլխեան կենդանի երեքորկորեայ . բանիւ , կարծեօք և արտաքին զգայութեամբ : Եւ իւրաքանչիւրում 'ի սոցանէ ետ տեսչութիւնն զիւր համեմատ կերակուրս , համեմեալս՝ (որպէս սովորութիւն է նորա յամենայն տեսչութիւնս իւր) զարմանաւոր հաճոյիւք իմանալեօք , կամ զգալեօք և կամ միջակայնովք : Միտք որպէս բանաւոր՝ անյագ են առ գիտութիւն . կարծիք՝ անյագ են առ գանձս և առ պատիւ . արտաքին զգայութիւնք՝ անյագ են առ մարմնական հաճոյս : Հաճոյք մտաց՝ հաւասարորդ են ընդ հրեշտակաց , վասն որոյ և հրեշտակայինք : Հաճոյք կարծեաց ոեպհական են մարդոյ , վասն որոյ և մարդկայինք : Հաճոյք արտաքին զգայութեանց՝ հաւասարորդ են ընդ անասնոց . վասն որոյ և անասնայինք . և որչափ առաւել պիտանիք , այնչափ առաւել անարդք :

Վապա բարեխառնութիւնն ոչ չափաւորէ զհաճոյս մտաց . որոյ աւելազանցութիւնն՝ կոչի ընդվայրաքննութիւն , զոր չափաւորէ խոհեմութիւնն : Ոչ չափաւորէ և զհաճոյս կարծեաց . զի չափաւորին սոքա առատաձեռնութեամբ և հանդարտութեամբ : Վապա չափաւորէ նա զհաճոյս արտաքին ըզգայութեան , որ ստորինն է քան զամենայն կարողութիւն մարդկային . որոյ աւելազանցութիւնն է անբարեխառնութիւն . և ընդդեմ այսց հաճոյից մարտ է նորա հանապազ :

Նա վասն զի յարտաքին զգայութեանց ակնն , ունին և հոտոտելիք՝ են փոքր մի հոգեղինագոյնք , վասն որոյ և ազնուագոյնք , արբանեկելով բանաւոր գործողութեանց , ակնն աստեղաբաշխութեան , ականջն երաժշտութեան , և հոտոտելիք բնազննութեան 'ի ճանաչումն բժշկական խոտաց , բարեխառնութիւնն չափաւորէ միայն զհաճոյս երկուց այնց ստորին զգայութեանց , որ արբանեկեն անարդագոյն և գլխովին անասնային գործողութեանց , ճաշուկելեաց և շօշափելեաց : Տեսչութիւնն չէ այնպէս անյառաջատես , որ 'ի պահել զտեսակս իւրոց արարածոց՝ կորուսանել կամիցի զանհատս , կամ 'ի պահել զանհատս կորուսանել կամիցի զտեսակս : Վապա 'ի տալ իւրում մարդկան միայնոյ զբան՝ վասն գերապանծ գործողութեանց , ետ առ հասարակ մարդկան և անասնոց զայն

երկու անարդագոյն զգայութիւնս ճաշակելեաց և շօշափելեաց . զառաջինն 'ի պահել զկեանս անհատի՝ կերակրովք , և զերկրորդն զի անհատն պահեսցէ զտեսակ իւր զաւակօք : Արդ վասն զի անասունք չունին այլ վախճան՝ բայց զկեանս և զզաւակ , տեսչութիւնն առատաձեռնեաց 'ի նոսա զհեշտական հաճոյս երկոցունց զգայութեանց , բայց չետ զբերկրութիւն այլոց երից զգայութեանց ազնուագունից , բայց եթէ ըստ պատահման . ըստ որում երկոցուն նոցա արբանեկեն լրտեսութեամբ : Ոչ բերկրին անասունք համեմատութեամբ գունց , և ոչ ներդաշնակութեամբ ձայնից , և ոչ անուշութեամբ հոտոց : 'Սա ոմանք մեռանին 'ի հոտոյ վարդից , և բազումք կաղկանձեն 'ի հնչիւն երաժշտական նուագաց . և չէ ոք 'ի նոցանէ հաճ ընդ նկար՝ ըստ որում նկար : Վասն զի այս հաճութիւն ենթադրէ զալատրանս երեակայութեան , թէ կեղծն իցէ ճշմարիտ . և զիրագէտ լինելն հետազօտ մտաց , թէ չէ ճշմարիտ , այլ կեղծ . յոր իրագիտութիւն է հաստատեալ հաճութիւնն ընդ նկար , որում անասունք են անծանօթք : Ապա եթէ անասունք ոմանք դիմեցին 'ի պատիր խաղող օեւք սեայ 95 , և 'ի գրասան նկարեալ 'ի Պրաքսիտեղեայ , խաբեցաւ նոցա երեակայութիւն , այլ ոչ իրագէտ եղեն խաբէութեան իւրեանց : Այն գոյնք ոչ հաճոյացան նոցա , բայց եթէ ըստ որում առաջի առնեին առարկայս համեմատս զգայութեան իւրեանց : Չեղև այն հաճութիւն ընդ նկար , այլ ընդ առարկայն . և ոչ առարկայն էանց ըստ կոպար երկուց զգայութեանցն անասնայնոց՝ ճաշակելեաց և շօշափելեաց : Ապա բարեխառնութիւնն ոչ ուղղէ տիրաբար զերեսին զայն ազնուական զգայութիւնս՝ ըստ այնմ որ արբանեկեն իմացական գործողութեան . որոց աւելազանցութիւն չէ անբարեխառնութիւն իսկական , այլ այլաբանական , մանաւանդ թէ ընդվայրագննութիւն , որ ներքոյ անկանի ուղղագրութեան խոհեմութեան :

Բայց և այն ճշմարիտ է . թէ որպէս բարեխառնութիւնն ուղղակի հայի յերկուս յետնորդ և անարդ զգայութիւնո՝ և չափաւորէ զհաճոյս նոցա զհասարակորդս անասնոց , նոյնպէս ըստ պատահման և անուղղակի չափաւորէ և զաշս և զսելս և զհոտոտելլս , յորժամ ընդ մէջ մտեալ արբանեկեն երկուց յետնորդ զգայութեանց՝ ընդդէմ համեստութեան , աչքըն լկաի հայեցիւք , ականջք լրբենի նուագօք , հոտոտելիքն խնկենեաց փափկութեամբք : Մանաւանդ թէ վասն դորին վախճանի բարեխառնութիւնն նախանձախնդիր համեստութեան՝ սաստէ ևս հագներգութեանց և գիտութեանց , յորժամ չարաչար վարեն զսրութիւն մտաց՝ 'ի սրել զերկոսին զայսոսիկ անասնային և անմիտ զգայութիւնս : Պրահմինք 96 'ի զեղս խրախճանութիւնս իւրեանց՝ ուշի ուշով միտ դնեին

համագամ և նորանոր կերակրոց։ Աւազ մտաց նոցա, զի զոր սահմանեցին երկինք վասն գերապանծ դործոց, առ նոսա եղեւ քաջ խորտկեփեաց։ Բայց յոռեգոյն ևս եղեւ ժահահոտն այն նոխազ տիբերեան, որ 'ի գարշ գպրոցի այծեաց առաջի արար վարձս այնո՞ւ զոր յառաջադէմ գտանէր յաղծապիղծ լինութիւնս։ Պրահմինք ոչ ուտէին առ իմաստամիրել, այլ իմաստամիրէին առ ուտել։ սա վարձս փոխատրէր գիտնոց ուսուցչաց, զի լինիցին ոչ 'ի գաղանաց մարդիկ, այլ 'ի մարդկանէ գաղանք։ 'Նա չար ևս քան զգաղանս։ զի սոցա բնութիւնն եդ կոպար հեշտութեան՝ որպէս բանն մարդկան։ այլ ծիրերիոս վեր 'ի վայր շրջեաց զամենայն զկոպար բնութեան և բանի։

Յասացելոց աստի հնար է քեզ առնուլ 'ի միա՛ թէ բարեխառնութիւնն յեսնորդ է յազնուութեան քան զամենայն առաքինութիւնս, բայց անբարեխառնութիւնն ամօթալի է առաւել քան զամենայն մոլութիւնս։ Գիտել զքերթողութիւն չէ ինչ մեծ գովութիւն։ բայց չգիտել զայն՝ է ամօթմեծ։ զի առարկայք քերթողութեան են ստորինք քան զամենայն գիտութեանց։ և առարկայք բարեխառնութեան՝ են ստորինք քան զամենայն առաքինութեանց։ Այլ թէպէտ և ճշմարիտ է այս, հայեցեալ յանարդութիւն հաճոյից զորս չափաւորէ նա, բայց և այնպէս թէ հայիսմք 'ի գժուարութիւն չափաւորելոյ զնոսա վասն դիմամարտութեան բնութեան, կոչի սա պանծագոյն յառաքինութիւնս քաջաղանց։ զի առնէ զմարդ նման գիւցաղանց, որպէս լուիցես յիւրումտեղով։

ԳԼՈՒԽ Դ.

Թէ է՞ր աղազաւ շինիցի մարդ բարեխառն։

Մի միայն վախճան բարեխառնութեան՝ է չամետութիւնն։ և որ է բարեխառն այլոյ իրի աղազաւ, չէ բարեխառն։ Ակոտիքիդէս սպարտացի իբրև հարցաւ թէ ընդէր սպարտացիք չըմպէն գինի, ետ պատասխանի։ Զի մի այլք խորհուրդ խորհեսցին վասն մեր։ Եւ յիրաւի. զի գինի աղազէ զճշմարիտն, և յայտնէ զծածուկս։ Այս խոհեմութիւն է, և ոչ բարեխառնութիւն։ Ստոյիկեան իմաստամիրք առբարւոք իմաստամիրելոյ՝ էին բարեխառն կամ ժուժկալ։ Եւ յիրաւի. զի ձէթ մնունդ է լապտերի, և ձէթ զեղեալ շիջուցանէ զնա. կերակուր լուսաւորէ զմիտս, և կերակուր յորդեալ խամրէ զնա։ Այս իմաստութիւն է, և ոչ բարեխառ-

նութիւն : Որք յասպարիզի ընթանային , էին ամենեին բարե-
խառն կամ ժուժկալ : Եւ յիրաւի . զի չափաւոր բեռն՝ հաս-
տատուն գնացուցանէ զնաւո . այլ անչափ բեռն՝ ընկղմէ :
Այս արուեստ է մրցականաց , և ոչ բարեխառնութիւն : Փա-
րիսեցիք էին ամենեին բարեխառն կամ ժուժկալ 'ի ցոյցս .
զի անշաղախն 'ի մարմնական հեշտութեանց երևի հոգի երկ-
նաւոր , և ոչ մարմին երկրաւոր : Այս է կեղծաւորութիւն ,
և ոչ բարեխառնութիւն : Են և այլ և բարեխառնք կամ 'ի ընէ
և կամ 'ի չքաւորութենէ : Չեն սոքա բարեխառնք կամ ժուժ-
կալք . այլ ոմն թմրեալ , և ոմն Աղքատ :

Սոցա ամենեցուն թէ հարցանէ ոք . զիանդ սիրիցէն . զբա-
րեխառնութիւն , նշանակեն պատճառ ինչ արտաքին և բա-
ցական յառաքինութենէ աստի : Բայց թէ հարցանես ցբա-
րեխառն թէ զիանդ սիրես դու զբարեխառնութիւն , տացէ
պատասխանի . վասն զի է բարեխառնութիւն : Այն բովան-
դակ են գործք խառն 'ի կամաւորէ և յակամայէ իբր զԱգա-
մանոնին 97 . զի նուիրեն զսիրելի հեշտութիւնն ակամայ՝ եր-
թալ ուր առաջնորդեն նոցա կամք : Բայց Ճշմարիտ բարե-
խառնն՝ չունելով այլ վախճան բաց 'ի համեստութենէ , ոչ
սիրէ և ոչ ատէ զհեշտութիւնն , բայց եթէ ըստ պահանջել
համեստութեանն , և վասն այսորիկ գործքն է կամաւոր : Բա-
րեխառնն գործէ ունակութեամք . և ունակութիւնն առնէ
զգործս կամակարս և գիւրինս և միօրինակս : Բայց ուր չկը
ունակութիւն , սիրան մնայ տարտամ ընդ մէջ հեշտութեան
և համեստութեան . և գործն լինի խառն 'ի կամաւորէ և յա-
կամայէ : Հերակլէսի հասեալ յերկճիղ փողոց , եդիտ երկուս
Ճանապարհս . մին զառ 'ի վայր՝ զարդարեալ սօսեօք և փըթ-
թեալ ծաղկամբք , և միւսն զառ 'ի վեր՝ առապար և փշալից :
Նստէին անդ երկու օրիորդք . մին գլխովին զուարթագին և
կայտառ , և միւսն հանդարս և ծանրաբարոյ : Օրիորդն ու-
րախ՝ յորդորէր զնա հրապուրանօք գալ զինի ընդ Ճանապարհ
ծաղկաւէտ : Բայց միւսն խոստանայր նմա լսւ ևս վիճակ , ե-
թէ գայցէ զինի ընդ այն զառ 'ի վեր և տարժանաւոր Ճանա-
պարհ : Այս , ըստ Պռոսիկոսի փիլիսոփայի 98 է երկճիղ փո-
ղոց մարդկային կենաց , երկու Ճանապարհք են՝ զգայութեանն
և բանին . երկու օրիորդք են հեշտութիւնն և համեստու-
թիւնն , Հերակլէս յերկճիղ փողոցի անդ՝ է սիրան . որոյ չու-
նելով զեռ ունակութիւն՝ ոչ բարեխառնութեան և ոչ ան-
բարեխառնութեան , մնայ տարտամ . բայց ընաւորապէս ա-
ռաւել միտեալ 'ի զգայութիւն քան 'ի բանն : Յայս փողոց
ժամանէ և պատանին Սկիպիոն , ասէ Սկիպիոս իտալացի . և
լուեալ զերկաքանչիւր հրաւիրակացն յորդորանս , քանզի ու-
սաւ յառաքինութենէ լուծանել զստապատիր Ճեռնարկու-
թիւնս հեշտութեան , հաստատեաց 'ի միտո գնալ ընդ առա-

պար շաւիդ, որով եհաս պանծալի յաղթանակաց, և նորութեաց ճշգրտիւ զառասպելեալ օրինակն չերակլեսի:

Հեշտութիւնն, ասէ Արիստոտէլ, գործնական հաւաքաբանութեամբ իմն՝ մտաւորաւ քան ձայնաւորաւ, բնաւորականաւ քան արամաբանականաւ, պատրէ զանզբոյշ այսպիսի իմն ձեռվ թէ բարին է բաղձալի, Հեշտութիւնն է բարի, Ապա հեշտութիւնն է բաղձալի: Բայց առաքինութիւնն՝ի պատասխանատուութեան՝ յայտնէ զպատրանս նենդաւոր ձեռնարկութեանն. վասն զի ընկալեալ զմեծն առաջարկութեանց՝ թէ է Ճմարիտ, իբրև զի հիմնեալ է՝ի սահման բարւոյ, ըզ փոքրն այսպիս զանազանէ. Հեշտութիւնն է բարի, ցորչափ է այսպիսի և այսչափ, և վասն այսպիսի իմն պատճառի, և այսպիսի իմն օրինակաւ. այլ արտաքոյ բանաւորութեան ոչ է նա բարի: Ապա այս խտիր է՝ի մէջ բարեխառնի և անբարեխառնի և թմրելոյ: Անբարեխառնն ընդունի անդէն վաղվաղակի և ընդհանրապէս զայն փոքրն: Թմրեալն ընդհանրապէս ուրանայ: Բարեխառնն զանազանէ զբանաւոր հեշտութիւնն միայն համարեալ բարի: Թէոդորա կինն անուանի վասն իւրոց վատանունութեանց, ծաղը արարեալ զՍոկրատէս՝ զմեծ ուսուցիչն բարոյական իմաստասիրութեան, ասէ ցնա. Սոկրատէ, բազում ինչ դիտես դու. բայց ես դիտեմ աւելի քան զքեզ. զի դու չգիտես ձգել՝ի քեզ յիմոց աշակերտաց և ոչ մի. և ես դիտեմ ձգել յիս զամենայն զքոյսդ: Սոկրատէս ետ պատասխանի. Չեն ինչ զարմանք. զի դիւրագոյն է զքար 'ի վայր հոսել, քան 'ի վեր բերել:

Գ. Լ. Ո. Խ. Խ.

Թէ զո՞ր եղանակ վարիցէ բարեխառնն:

Յամենայն առարկայս զգայութեանց՝ տեսչութիւնն եղ զբերկրութիւն՝ի միջասահման ինչ բարեխառնեալ յերկուց ծայրից միջի: Ի խառնուածոյ ձայնից՝ ծնանի բերկրութիւն նուագերգութեան. 'ի խառնուածոյ դունոց բերկրութիւն տեսութեան. և 'ի խառնուածոյ հոտոց բերկրութիւն անուշահոտութեան: Ապա և բերկրութիւն այլոց զգայութեանց ծնանի յեղանակաւորութենէ որ ընդ յաւէտ և ընդ նուազ: Այս միջասահմանութիւն հաստատեալ է՝ որպէս վաղու և լուար, 'ի պարագայս. 'ի վարել մարդոյ զայն առարկայս որք վայել են, որչափ վայել են, և որպէս վայել: Այսպէս առնէ բարեխառնն:

Բնաւոր բաղձանք՝ են սակաւք. արուեստականք՝ են բաղումք. անկարգք՝ են անհամարք: Ի պատսպարութիւն սեական կենաց՝ ծարաւն է բաղձանք առ ցուրտն և խոնաւ. քաղցն՝ բաղձանք առ ջերմն և չոր: Ի զիջուցանել զծարաւ բնութիւնն հոգացաւ աղբիւրս զովացուցիչս. 'ի զիջուցանել զքաղց՝ հոգացաւ հատս զօրացուցիչս. և որպէս երկրորդ սեղան՝ պտուղս քաղցունս, հոտաւետս, և գունագեղս. որք միանգամայն զուարթացուցանեն զերիս զգայութիւնս: Վասն ամենեցուն սպատրաստեաց զերկիր խոտաւէտ յանկողինս. և զդալար ոստս 'ի յարկս և 'ի հովանոց. և 'ի քնաբերութիւն յաւել և զթոչնոց քաղցրաձայնութիւն: Այսպիսի լոկովք պատրաստութեամբք՝ սպարզամիտ ազննք առաջնոյ դարուն, որ անոսկի՝ եղե դար ոսկեղէն, կեցին կորովագոյն ևս և խրախագոյն և անմեղագոյն. ոչ կեցին մահուամբ այլոց. և ոչ բաց 'ի ձորձոյ՝ կեղեքեցին և զնոցա միս. և ոչ կերան ընդ հնձոց և զհերկագործողս: Չեղե երբէք բարեխառնութիւն քան զոցայս բարեխառն: Յայս դար, որ չեղե ինչ կեղծ և մտացածին՝ այլ ճշմարիտ և իրօք, դիւցազնն Պիւթագորաս հրաւիրեաց զիւր անխօսիկ աշակերտս: Ուսոյց նոցա ներհուն բանիւք. շատանալ սպահանջելով յանմեղ գառանց զփափկիկ ասր 'ի ծածկոյթ, և զքաղցր կաթն 'ի կերակուր, և 'ի բարեբեր տնկոց պտուղս բարեհամս. որ են հարկք շահեկանք տեալց և արդասաւորք հարկատուաց. և չսճողել զորովայն շալդօք, լեալ գիշախանձ գայլ իւրական հօտի:

Եթէ 'ի վերայ այսց բնաւոր հանգերձանաց՝ յաւելան զկնի յազնուագոյն դարս ազնուագոյն կերակուրք և ըմպելիք և այլ համադամք 'ի սակս արժանապատիւ արանց և քաջազնց, յայսոսիկ առաւելութիւնս ևս 'ի գործ արկանէ բարեխառնութիւնն բարոյական ինչ միջասահմանութիւն՝ չափաբերական կանոնաւ համեմատութեան, որ 'ի ձեռս է խոհեմութեան: Կարի իմն աննինջ է, ոյր ոչ տանի քուն՝ բայց 'ի փետրալից անկողնի: Կարի իմն քմակորոյս է, որ ոչ առնու ճաշակ կերակրոյ, թէ ոչ գայ այն յայնմ կողմանէ ծովու. և որում ոչ քաղցրանայ մուշկաթ կրետայ, թէ չէ 'ի գոհարի. 'ի ծծել նորա առաւել զըմպանակն աչօք, քան զհեղուկն շըթամբք: Ի բարեխառն խրախճանս չափաւոր է յաճախութիւն, և չափաւոր՝ խահարարութիւն կերակրոց: Աիդզա բըռնաւոր վասն բազմօրեաց իրախճանութեան առ ժողովուրդն ամենայն՝ ամայացոյց զանտառս ամենայն. աւելադրեալ օրըստորէ կերակուրս 'ի յագուրգ՝ և ըմպելիս յարբեցութիւն Տիբերիս գետոյ, առ 'ի չդոյէ ուրուք որ յայնս վայելեսցէ: Այնչափ անողորմ լեալ 'ի կոտորած անասնոց առ ուրախութեան, որչափ 'ի կոտորած քաղաքացւոց առ անդթութեան: Անդութն 'Ներոն արար խրախութիւն լեզուօք սիրամարդաց՝

Համադամ համեմելովք : Չետ երբէք այնպիսի քաղցր կերակուր լեզուաց ժողովսդեան չուսվմայեցւոց , որ մեղադրէր նմա միայն զի չէր անդ և լեզու կոչնատեաւն : Համն ոչ ծնանի 'ի ճարտար խահարարութենէ հանդերձանաց , այլ 'ի տրամադրութենէ բնաւոր կարողութեան : Դարեհ յետ պատերազմին պասքեալ 'ի ծարաւոյ , 'ի պատահել տղմուտ և նեխ ջրշեղջի , և 'ի լնուլ անտի զազաւարտն , երդուաւ թէ չէարք երբէք ջուր քան զայն քաղցր : Այնպիսի լինելոց են ընթրիք բարեխառնի , զի որկորն մի ծնանիցի նախանձ . և այնպիսի հանդերձանք , զի փաղփիւնն մի շրջեսցի 'ի զեղսութիւն : Թռչունք յրմակել խրեանց՝ համբաւնան ստեալ զաշս յերկինս . և բարեխառնն ևս 'ի սեղանի՝ յածէ ընդ միտս խորխուրդս վեհս . և առաւել պարարէ զհոգի հանճարաւոր իմաստիւք՝ քան զմարմինն համադամ կերակրովք : Կարի իմն գրդութիւն հանդերձանաց՝ է տիրական իմն աւելորդութիւն : Կարի իմն յաճախութիւն կերակրոյ է ծառայական իմն գեղշկութիւն : Կարի իմն յաճախութիւն գինւոյ է մարդկային իմն անասնութիւն :

Բայց ոչ ինչ հեշտութիւն է այնպէս ամօթալի , և այնպէս բուռն 'ի խոտորեցուցանել զսիրտ 'ի սլատուաւոր գործոց , իբրև զաւելազանցութիւն վաւաշ ցանկութեան : Դիդէ 99 դշխոյն անայր՝ գեր 'ի վերոյ գտաւ քան զդիւցազնեայ աւագուհիս : Կայր գլխովին պատաղեալ 'ի հաստատել զնորոգ ինքնակալութիւն մեծին կարքեգոնի . զարհուրեցուցեալ զԱփրիկէ զինուք , և զայերս աշտարակօք : Բայց իբրև պարանեցաւ յօտարոտի սէր այնորիկ , որ եբեր ընդ իւր 'ի Ակբիայ զհրայրեացմն Տրովագայ , անդէն ձեռնթափ եղե 'ի քաջագործութեանց , 'ի խնամոց թագաւորութեան , և 'ի մեծագործ կՃեայ շինութեանց .

Կացին մնացին գործք իւր խափան ,

Եւ առ ամբովկ ապաժաման .

Եւ ամբարտակք ամբարձաձիգք ,

Ոչ երկնաբերձ վերամբարձան :

Եւ քանին անուանի զօրագլուխիք 'ի բարեբաստիկ գործս քաջութեան , ամբոխեալք 'ի հեշտախտութեան խորհրդոց՝ յոսաղ ցանկութեան մածուցին զթես թռուցիկ յաղթութեան : Ապա բարեխառնն ոչ արտասահմանէ զհամեսութիւն՝ 'ի ժողովել զհեշտութիւն . զի սա է վայրկենական և այն անանցական . և ունի զհաճոյս 'ի հոգի , և ոչ թէ զհոգին 'ի հաճոյս : Առ ապօրինաւոր առարկայս ոչ ախտակրի . և յօրինաւորսն չափաւորէ զիւր կիրո : Թէ առարկայք են հեռա-

ողք, ոչ ամբոխի ունել զնոսա: Թէ մօտաւորք, ոչ ելանէ ըստ չափ, զի չամբոխեցաւ. և թէ փախատեայք, ոչ կոծի, զի չեանց ըստ չափ: Զհուսկն ասացից. կարօղ է կեալ առանց հաճոյից. ոչ կամի կեալ առանց առաքինութեան. զի յառաքինութիւնս են հաճոյք նորա: Միտք որ ընաւորեցան հայիլ յերկինս, չառնուն յանձն շաղախիլ ընդ երկիր:

Բայց տեսչութիւնն չէ այնպէս թշնամի առաքինութեան, մինչև կամք իցեն նմա զրկել զառաքինին 'ի համեստ ըղձանաց՝ թողլոյ ժառանգս իւրոյ տոհմի, և յաջորդս իւրոց առաքինութեանց: Վասն այսորիկ առաջի արար բերկրական իմն և աղնուական առարկայ՝ 'ի պահպանութիւն զաւակի և համեստութեան՝ զսէրն ամուսնական. որ միով ևեթ սրբազան ջահիւ շիջուցանէ զհազար խառնակ ջահս: Զայսպիսի հոգաբարձութիւն չեցոյց առ անասունս. զի որոշեալ զնոսա 'ի լուծ հերկագործութեան՝ եթող ազատա 'ի լծոյ ամուսնութեան: Եւ չեղե նմա փոյթ թէ ուստի ծնանիցին կամ որպէս կեցցեն. բայց միայն զի մեռցին 'ի մնունդ մարդկան, կամ կեցցեն 'ի սփոփանս նոցա: Կամ եղե նմա մարդոյ միայնոյ 'ի սեղան հաւատարմութեան անշէջ պահել զայս յաերժական հուր, ուղեկցելով և լուսաւորաց յաւերժական լուսով իւրեանց յառագաստ հարսանեաց. չժողացուցեալ թէ լինիցին բարեբաստ հարսանիք յերկրի, որ ոչ իցեն նշանակեալ յերկինս:

Թէ ցոր վայր ձգիցի բարեբաստութիւն ամուսնական սիրոյ, յայտնի օրինակ ետուն մեզ երկու բարեբաստիկ և սիրապատար լծակցութիւնք Եւադնեայ և կապանէոսի 'ի Յունատան, Պղոտիոսի և Որեստիղայ յիտալիս 400:

Անհնար է զչափ առնուլ զբարեբաստութեան այնց ամուսնութեանց, բայց եթէ 'ի սիրոյ. անհնար է չափել զսէրն, բայց եթէ 'ի միաբանութենէ. անհնար է հասու լինել միաբանութեան կենաց, բայց եթէ 'ի միաբանութենէ մահու. յորմէ սոքա ևեթ կոչեցան ճշմարիտ: Ի մեռանիլ նախ կապանէոսի Եւադնէ ընկէց զինքն 'ի խարոյկ նորա. և 'ի մեռանիլ նախ Որեստիղայ՝ Պղոտիոս ընկէց զինքն 'ի խարոյկ նորա: Այրեցաւ Եւադնէ 'ի բոց առնն. այրեցաւ Պղոտիոս 'ի բոց կեռջն: Որպէս թէ 'ի սիրա միմեանց ունին զոդի, միանդամայն անշնչացան. և նոյն ջահ որ առաջնորդեացն յառագաստ, հուր բորբոքեցոյց 'ի փայտակոյտն: Հնար եղե մահու բաժանել զմարմին նոցա. բայց սէրն անբաժան՝ անդրէն զուգաւորեաց: Անցին ապրեալքն յերկրորդ հարսանիս ընդ իւրեանց ննջեցեալն: Երկրորդ առագաստ եղե դագաղն, և երկրորդ փեսաւեր մահն: Նոյն մահ եղիտ զնոսա միաբանս. նոյն բոց ժողովեաց զնոսա դրկախառնեալս, և նոյն տապան պահեաց զնոսա շիջեալս, թէ շիջանիցին մախիրք այսպէս պահ-

Ճալիք : Յանդգնութիւն է հաւատալ թէ հնար էր երբեք այդպիսւոյ սիրոյ հովանալ վայր մի՝ մինչդեռ էին կենդանի. որովհետև և 'ի շիջման այսչափ վառեցան : Այո մարթ է երկուանալ, թէ որ սէր առաւել էր վառեալ. արանցն եթէ կանանցն. զի բոցն որոշիչ ամենայն դժուարութեանց՝ եթող զայս անորոշ :

ԳԼՈՒԽ Զ.

Յաղագս թմրութեան, և անշարեխառնութեան :

Աւասիկ քեղ հրեշքն երկոքին, որոց ընդդեմ մարտն չերարեխառնութիւնն, խեցգետին և չիդրա : Սա այնպէս է վառեալ, որ և 'ի սառնամանիս արձակէ բոց. և նա այնպէս սառնաստոյց, որ և 'ի մէջ բոցոյ չվառի : Տես արդ թէ օրպէս սահմանաւ տարբերին 'ի միմեանց, և երկաքանչիւրն 'ի բարեխառնութենէ : Զի շատ է ասել թէ մին է պակասութիւն, և միւսն աւելազանցութիւն : Թմրեալն մազասամակարդ՝ երեսի արձան ինչ 'ի ձիւնոյ : Անբարեխառնն գլխովին արիւնըուշտ՝ հրաչեայ, թէ խառնուրդ ունիցի սևամաղձի, ցուցանէ յերեսս զբոց և զծուխ Ետնայ լերին :

Երկուս ազգս մագնիսի արտադրէ բնութիւնն, նմանս առերեսս՝ բայց հակառակս 'ի յատկութիւնս. զի մին ունելով առերկաթ կարի իմն համակրութիւնն, և միւսն կարի իմն հակակրութիւնն, նա անձկանօք յինքն ձգէ զայն, և սա արհամարհանօք վանէ : Այսպիսի մագնիսք են անբարեխառնն և թըմրեալն : Նորա կամք են զի հաճոյական առարկայք միշտ իցեն ընթերակայ. սորա կամք են, զի միշտ իցեն բացակայ. և սակայն երկաքանչիւրն են մարդիկ : Թմրեալն է պակասաւորքան զանասունս, զի հոգի ունի զգայուն, բայց երեսի իբրև զտունկս անզգայ : Անբարեխառնն է յոռեգոյն քան զամենայն անասուն . զի հոգի ունի բանաւոր, բայց 'ի կիր արկանէ միայն զզգայականն : Սա ոչ սիրէ զհաճոյս վասն կենաց, այլ զկեանս վասն հաճոյից : Նա ոչ միտէ 'ի մարդկային հաճոյս, որպէս թէ չունէր մարմին մարդկային :

Անբարեխառնն առ բերկրականս՝ է իբրև զորկորաժեան Փիլոքսենոս . որ ըզձանայր ունել զպարանոց կրնկան, առաւել սիրելով զհամք քան զնունդ 101 : Թմրեալն է որպէս զանախորժակ հիւանդ՝ որ ցանկայ առողջութեան, և ատեայ զկերակուր որ պահպանիչ է նորա : Երկաքանչիւրն արտնջեն զարաքչն բնութեան . մին զի ետ մարդկան սակաւ հաճոյս, և միւսն զի ետ աւելորդս : Եւ վասն այսորիկ մին ցանկայ ան-

Հնարաւորաց, և միւսոյն կամք են՝ թէ և կարևորքն լիցին անհնարաւորք. և զի հնար լիցի կետը տռանց կերակրոյ: Ի սիրտ թմրելոյն՝ սէրն ոչ ինչ առելի աղդէ քան զնեան՝ ի փիղ. ընդորոյ ոչ անցանէ և ոչ ընդ առաջին մորթ: Ի սիրտ անբարեխառնի այնպէս աղդէ՝ որպէս 'ի պղծասէր կենդանին՝ ի խող, որ կարի իմն զգայուն գոլով առ փոքր խոցուած անհնարին խանչէ: Սէր նորա նման է յունական հրոյ 102. որ 'ի ջուրս առաւել ևս արծարծանի, և փշմամբ սաստկագոյնս բորբոքի: Սէր սորա նման է շրջմոլիկ հրոյ, որ 'ի վերայ գերեզմանաց լինի. հուր երեխ, բայց ոչ վառի. զի է թռուցիկ գոլորշի անմարմին: Անբարեխառնն է որպէս քար արտաքոյ կեդրոնի. զի առ հեշտալի առարկայս՝ որպէս առ կեդրոն իւր գտհավեժ բերի: Թմրեալն է որպէս քար յիւրում կեդրոնի. զի ունելով յինքեան հանդիսա ինչ թմրական, յոչ ինչ ախորժակէ շարժի: Եւ վասն այսորիկ անբարեխառնն 'ի սէր և յատելութիւն սաստիկ բերի, թմրեալն անձանաւ է երախտեաց, և անխոժոռ առ վեասս. քանիզի ոչ զգայ զնոսա: Հրաժեշտն այն 'ի հեշտութենէ, որ 'ի բարեխառնն է առաքինական, 'ի թմրեալն չէ առաքինութիւն. զի է պակասութիւն բնութեան, և ոչ գործ ընտրութեան: Եւ բուռն բերումն այն որ յանասունս չէ մոլութիւն, յանբարեխառնն է մոլեկան. զի տնկար է լինել մոլութիւն, յորս չիք բանավարութիւն. բայց սա ունի զբանաւորութիւն, միայն թէ յունակութենէ խանդարեալ:

Յոյամ ևեթ միաբանին թմրեալն և անբարեխառնն. զի չհային 'ի պարագայ ինչ, ոչ 'ի պատճառն, ոչ 'ի քանակն և ոչ 'ի ժամանակն. նա 'ի ժուժկալել իւրում, և սա 'ի չժուժկալել իւրում 'ի հեշտալի առարկայից: Երկաքանչիւր մոլութիւնքս են առաւել ամօթալի քան զամենայն մոլութիւնս. զի առարկայքն են առաւել անարգք: Սակայն թմրութիւնն թէպէտ և է փոքր մոլութիւն, վասն նմանելոյ իւրոյ բարեխառնութեան, բայց և այնպէս է դժուարաբոյժ քան զանբարեխառնութիւնն: Զի առ վերածել զերկաքանչիւրն 'ի միջասահման, այնչափ դժուարաբոյն է խթել զթմրեալն քան նահանջել զանբարեխառնն, որչափ դժուարաբոյն է կենդանացուցանել զմեռեալն քան մեռուցանել զկենդանին:

Ի վերայ այսր ամենայնի 'ի միտ առ նախ, չքիոթել զանբարեխառնութիւնն ընդ անժուժկալութեան. զի անբարեխառնն գործէ ունակութեամբ և ընարութեամբ, աղջատեալ զսկիղըն բանականութեան. և վասն այնը հաւատայ թէ ոչ ինչ հեշտութիւն արդելեալ է նմա: Բայց անժուժկալն ճանաչէ թէ չար գործէ. բայց և այնպէս թողացուցանէ յափշտակիլ 'ի ցանկութենէ 'ի գործել զչար. մինչ զի մեղանչէ նա առաւել բուռն բերմամբ քան ունակութեամբ որ-

պէս լուիցես յիւրում տեղւոջ : Ի միտ առ երկրորդ , թէ Ա-
րիստոտէլ ոչ խօսեցաւ աստ զայնց , որք կամաւորասպէս հրա-
ժարին յերկրաւոր հեշտութեանց վասն ժառանգելոյ զերկ-
նաւորս : Այս ոչ է թմրութիւն , այլ պանծալի առաքինու-
թիւն . դիւցազնագոյն և աստուածային քան զբարոյական
բարեխառնութիւն : Զի սա չափաւորէ զհաճոյս , այլ նա
նուիրէ : Ի բաց կայ յայնմանէ որ հաճոյն է , զի արժանասցի
այնմ որում ակն ունի . փոխանակէ զվայրկենականն ընդ յա-
ւիտենականին , 'ի մահկանացու մարմնի կեանս վարէ հրեշ-
տակային : Է սա առաքինութիւն այնչափ բարձրագոյն , յոր
աչք արտաքնոց փիլիսոփայից ոչ երբէք ժամանեցին 103 :



ԳՐԱԴԱՐԱՆ ԱՅԵՑԵՐԱՐԴԻ

ՅԱՀԱԳՍ ԱՌԱՏԱՁԵՌՆՈՒԹԵԱՆ ԵՒ ԾԱՑՐԻՑ ՆՈՐԱ

Գ Լ Ո Ւ Խ Ա .

Թէ զինչ իցէ առատաձեռնորիւնն :

ՏԵՍՉՈՒԹԻՒՆՆ որ կառավարէ զաշխարհ, ոչ զամենեսին արար մեծատունս, և ոչ զամենեսին աղքատոս. որպէս զի որ ընչաւէտն է՝ յօդնութիւն հասեալ այնմ որ պիտոյս ունիցի, հանապազորդեսցի տուր և առ մարդոյ ընդ մարդոյ, թագաւորութեան ընդ թագաւորութեան, և միոյ մասին աշխարհի ընդ այլում: Ապա պիտոյ եղեն ինչք 'ի չափել զգինս պիտոյից կենաց մարդկան: Եւ յայս սակա կոչեցան նոքա ինչք կամ բարիք կարծեաց, զի այնչափ արժեն, որչափ հասարակաց կարծիք տան արժողութիւն: Ինչք կամ բարիք բախտի, զի բախտն կոյր ձեռամբ ումեմն զայնս պարդեւէ և յումեմնէ բառնայ: Ինչք կամ բարիք պիտանիք, զի ըստ օրինակին Վերտումնի փոխակերպին յայն ամենայն՝ որում ըղձանայ ստացող նոցա 104: Ոսկին՝ յազնիւ հրահալելեաց միջի ազնուագոյն, փայլողագոյն, սերտագոյն, դժուարագիւտ, վասն որոյ և թանկագոյն, եղեւ չափ ամենայն գնոց. բայց և չափ ամենայն չարեաց, յորժամ չարաչար վարիցեն: Քանի հարուածոց տանի այս հրահալելի, որ յիւրմէ է անմեղ: Է որ կոփէ զնա կռանաւ, և դժնէանայ առ նա երկաթ ազգային նորա. է որ պատառոտէ զնա 'ի թիթղունս, է որ ծակէ շաղափով. է որ այրէ քիմիական բոցով. կարծեալ գտանել զնա՝ անդէն իսկ կորուսանէ, և կամեցեալ յաճախել զնա՝ նուազէ: Բայց յոցինչ տանջանս այնպէս է ամօթահար, որպէս 'ի ձեռս շըռայլի և ագահի: Ագահն յանչափ սիրոյն թաղէ զնա, և ըղթաղեալն պաշտէ: Ըսայլն յանչափ արհամարհութենէ վատնէ զնա և ցրուէ յայնպիսի անարժան պէտս, որպէս զի մտադիւրագոյն արդեօք տանէր բանտարկութեան ագահի: Ապա հարկ էր թէ լինիցի յաշխարհի առատաձեռնութիւն. որո

չափաւորեալ զկարի իմն ախորժակ, և զկարի իմն արհամար հութիւն առ այս պատուական պարգև բախտի, 'ի տալ և յընդունել զայն չափով, համեստօրէն վայելեսցէ յայն և տացէ վայելել այլոց :

Ասկա առատաձեռնութիւնն է առաքինութիւն չափաւորիչ մարդկային ախորժակի՝ 'ի տալ և յընդունել զինչս միայն 'ի սակա համեստութեան : Երկու ինչ ներհական կայ յառատաձեռնն . տալ և ընդունել : Եւ այն զի ընդունի, չէ ամօթ առատաձեռնութեան, եթէ զմաւաւ ածցի վախճան նորա . զի ընդունի 'ի պահել, այլ զի կարօղ լիցի տալ : Ամենայն արուեստաւոր ունի նիւթ արուեստի, որոյ 'ի պակասիլն պակասի արուեստ : Ոսկին է նիւթ առատաձեռնութեան, որպէս երկաթն դարբնութեան : Որ միշտ տայ և ընդունի երբէք, վաղվաղակի իսկ չունիցի ինչ 'ի տալ : Ծովն է աղբիւր ամենայն գետոց 105 . բայց վաղվաղակի ցամաքէին գետք, եթէ ծով 'ի տալ միշտ զիւրն՝ չընդունէր ինչ այլուստ . այլ 'ի տալ նորա և յընդունել, լինի այն շրջան հանապազորդ շարժման որ պահէ զծով, և զովացուցանէ զերկիր ամենայն : Ասկա իրաւունք և գլխաւոր վախճան առատաձեռնին է տալ պարգևս յերախտաւորութիւն իւրոց հայրենեաց . իսկ ընդունելն է վախճան հետեւորդ : Վասն որոյ ընդունել և պարգևել չեն գործք անլծորդք ընդ առատաձեռնութեան . մանաւանդ թէ այնակէս գործ է առատաձեռնութեան ընդունել զպարգևս, որպէս տալ պարգևս : Վասն այսորիկ առատաձեռնն փոխանակ զի ոչ պարգևե առ 'ի ընդունել, այլ ընդունի 'ի պարգևել, անդէն իսկ յընդունել իւրում պարգևէ . ընկալեալ յումեմնէ ձեռամբ, և պարգևեալ այլում դիտմամբ :

Սահմանս նախ առաջին բաժաննէ զառատաձեռնութիւնն յերկուց իւրոց մոլեկան ծայրից . Ծուայլն կարի իմն անարգէ զոսկի, ագահն կարի իմն յարգէ . առատաձեռնն ոչ կարի իմն յարգէ և ոչ կարի իմն անարգէ : Վասն զի ոչ է մարթնմա կարի իմն յարգել զոր պարգևէ, և ոչ կարի իմն անարգէլ զոր ընդունի : Ծուայլն վատնէ զոսկի վայրապար, և յափրշտակէ յանիրաւի . ագահն 'ի խնդիր է նորա անյագ, և պահէ զայն ինամովք . առատաձեռնն պարգևէ զնա և չյափրշտակէ . ոչ խնդրէ զնա և ոչ 'ի բաց մերժէ . ընդունի միայն 'ի պարգևել զայն : Վասն զի շռայլն շարժի յանյառաջատես անքանութենէ, ագահն 'ի պիղծ զօշաքաղութենէ, առատաձեռնն յառաքինական համեստութենէ : Վասն այնորիկ և ոսկին ըստ ստացովին փոխէ զբնութիւնն, 'ի ձեռս շռայլն է նախատ ինչ, 'ի ձեռս ագահի՝ անպիտան . 'ի ձեռս առատաձեռնի պիտանի և զուարթարար և արդոյ : Զի շռայլն զայն չարաչար վարէ, ագահն ոչ վարէ, առատաձեռնն վարէ որպէս արժանն է : Մինչ զի ոսկի առատաձեռնին է գետ հան-

դարաւահոս, որ զամենեսին զովացուցանէ և միշտ է յորդ: Ու կի շուայլի է ուղիսաջուր կարկաչահոս, որ երբեմն հեղեղէ և երբեմն ցամաքի: Իսկ ոսկի ագահի է աղմուտ ճախին, որ անդնաց անպէտ նեխի, և զիւր գոյն զերեսօք արկանէ ագահի: Յայսմանէ մարթիս իմանալ, թէ պարգևատուութիւն ՚ի շռուայլն է որպէս թէ ակամոյ, իբրև զարբելոց և զմոլեգնելոց: Յագահն է խառն ՚ի կամաւորէ և յակամայէ, զի պարգևէ անյօժար: Բայց յառատաձեռնն է գործ գլխովին կամաւոր. զի ՚ի պարգևէ լիւրում՝ մեծապէս բերկրի, և թէ չէ ձեռնհաս տիրի:

Ի նոյն սահմանէ ունիս իմանալ և զիստիրն՝ որ ընդ մէջ Առատաձեռնութեան և Մեծագործութեան: Զի թէ պէտ այս երկու առաքինութիւնք երկին միայն տարբերք որպէս յաւէտ և նուազ որ ոչ փոխէ զտեսակ իրաց, որպէս սկայն և գաճաճն, սակայն բազում ինչ ընդ մէջ է վախճանի և առարկայի առաքինութեանց պարգևական գրամք, սահմանաւոր կոսկարաւ ըստ պիտոյից նոցա: Միւսն երևեցուցանէ արքունի վեհանձնութիւն ՚ի հրապարակական գործս յիշատակաց արժանիս: Կա չափի երկրաչափական համեմատութեամբ ըստ սրտի և ըստ անձանց: Սա ֆիզիգական չափմամբ քանակի և մեծութեան գործոյն, որպէս անունն իսկ հնչէ:

Յոր և իցէ անձուկ հիւզ՝ հնար է մուտ ունել մեծի առատաձեռնութեան. բայց մեծագործութեամբն մտանէ միայն ՚ի մեծամեծ և յարբունի ապարանս: Զի առաւել առատաձեռն է աղքատիկն՝ ՚ի պարգևէ լումայս անդորր սրբաթիւ, քան զմեծատուն ոք որ պարգևեսցէ մեծ ինչ գումար նեղարառութեամբ: Բայց ՚ի մեծագործութեան՝ սիրան ոչ առնէ զգործն մեծ, թէ չէ այն յիւրմէ մեծ և արարեալ ՚ի վեհ անձնէ. վասն լինելոյ սորա առաքինութիւն արքունի, և նորա առաքինութիւն առանձնաւորի: Ապա ոչ ամենայն առատաձեան լինի մեծագործ. բայց ամենայն մեծագործի հնար է լինել առատաձեռն: Վասն այսորիկ յորժամ մեծ ոք իշխան առնէ պարգև միջական՝ արժան է կոչել զիա առատաձեռն, այլ ոչ մեծագործ. և յորժամ առնէ գործ ինչ մեծ և բազմածախ, արժան է կոչել մեծագործ, այլ ոչ առատաձեռն: Եւ այսու զանազանութեամբ իմաստասիրեցին իմաստունք, թէ և թագաւորն անմահ, ՚ի պատրաստել թռչնոց և մրջմանց կերակուր ՚ի բուսոց, եցոյց զիւր առատաձեռնութիւն. այլ ՚ի կանգնել զլուսաճաճանչ խորանս երկնից յագամանդեայ ճեմարան հրեշտակաց, և ՚ի վերնակամար յարկ մարդկան, եցոյց զիւր արքունի մեծագործութիւն:

ԳԼՈՒԽ Բ.

Թե ո՞ր իցէ առատաձենոն :

Առատաձեռնութիւնն պահանջէ զաղատութիւն՝ ի կրից : Զի զոր օրինակ կիրքն որպէս քող մթագնէ զմիտս, նոյնպէս չժողու տեսանել զկարեւոր պարագայս՝ ի պարզեցէլ և յընդունել որպէս արժանն է : Բայց առաւելապէս յոյսն և երկիւղն . զի նա է մայր շռայլութեան, և սա հայր ադահութեան : Եթե զի շռայլն միշտ յուսայ, թէ նմա ինչ ոչ պակասեսցի . և ագահն միշտ երկնցի, թէ ամենայն ինչ նմա պակասեսցի : Յայսմանէ բուն հասակ առատաձեռն լինելոյ՝ է միջասահմանն ընդ մէջ մանկութեան և ծերութեան . զի ՚ի մանուկն որ չէ ինչ փորձ, առաւելու յոյս . իսկ ՚ի ծերն վասն զի է քաջափորձ, ծնանի կարի իմն երկիւղ : Հասակն միջակային ոչ կարի փորձ գոլով և ոչ կարի անփորձ, բարեխառնէ զյոյսն և զերկիւղ . և այս խառնուած է սեպհական առատաձեռնի : Աղեքսանդր մինչդեռ էր պատանեակ, և չե էր անուն առեալ զմեծի Աղեքսանդրի, վառեալ պատրաստեալ յիւր առաջին ձեռնարկ մարտի՝ սլարդեւաց զամենայն զիւր հայրենի կալուածու և զժառանգութիւնս իւրոց զօրավարաց : Պերդիկաս իմաստուն զօրավար չէառ յանձն զնոխ ինչ վիճակ . ասէ . իսկ քեզ զինչ պահիցես : Ասէ Աղեքսանդր . իմ պահեալ է ինձ զյոյս : Եթէ բախտն անմիտ քան զնա՝ չէր յաջողեալ շռայլ անմտութեան նորա, յոյսն որ չքաւորեաց զնա՝ ի չուի, առնէր զնա ծաղածանակ ՚ի դարձի :

Ոչ ոք այնպէս է առատաձեռն, որպէս որ յաջորդէ հօր ագահի . ոչ և ոք այնպէս ագահ, որպէս որ յաջորդէ հօր առատաձեռնի : Զի նա ոչ կարէ քերել յանձնէ զկեղտ անուն հայրենի կծծութեան բայց եթէ ընդ հակառակն՝ պարծանօք զուարթատուր առատաձեռնութեան . և սա ոչ կարէ հանել զփոխարէնն տուժի հայրենի առատաձեռնութեան, բայց եթէ ընդ հակառակն ճշդութեամբ : Չիք ոք այնպէս շռայլ, որպէս որ եգիտ մթերեալ համբարս ճոխութեան՝ առանց ինչ իւրոյ մշակութեան . չիք ոք այնպէս ագահ, որպէս որ սերմանեացն զնոսա իւրովք քրտնաջան վաստակօք : Զի սա հայեցեալ ՚ի նոսա իբրև յիւր երկս՝ կաթողին սիրէ . և նա հայեցեալ ՚ի նոսա անտարփ՝ իբրև յերկս որ ոչ իւր իցեն, անգոսնէ . և ոչ գիտելով թէ իւ եկին, ոչ ինչ փոյթ է նորա թէ իւ գնան : Այսր բնաւոր պատճառի աղագաւ՝ առաւել յօժարամիտ է յառատաձեռնութիւն՝ որ ժառագեացն զնոխութիւն, քան որ մթերեաց :

Առաւել առատաձեռն լինի անդաւակն , քան զայն որ ունի զգաւակ : Զի թէպէտ և առատաձեռնն հայր է հայրենեաց , և բարի առնէ քաղաքացւոց որպէս իւրոց որդւոց , բայց և այնպէս իղձն առաքինական ոչքառնայ զկարդ բնական : Վասն որոյ բառնալ յիւրոց՝ 'ի պարզել օտարաց , ոչ է առատաձեռնութիւն , այլ անիրաւութիւն . և չտալ օտարաց 'ի պարզել իւրոց , ոչ է գործ առատաձեռնութեան , այլ պարտք արդարութեան . մինչև որչափ ինչ պարզելի արդարութեան , այնչափ պակասեցուցանելի է յառատաձեռնութենէ : Քան զամենայն ոք նա է առատաձեռն , որ տարրացեալ ունի 'ի միտս՝ զսկզբունս պատուաւորս որք շարժեն զառատաձեռնութիւն նորա : Եւ զսորին հակառակն՝ սկզբունք ծառայականք և գծուծ ճշդականք խափանեն զնա : Զի ձեռնն ոչ 'ի գործ արկանէ , բայց զոր միտք հրամայեն . և միտք ոչ կարեն հրամայել զգործս պայծառու և զուարթառատս . թէ տարրացեալ են 'ի նմա ռամկային սկզբունք կծծութեան : Երկու թագաւորք արենակիցք և անուանակիցք՝ տարրացեալ ունեին 'ի միտս զսկզբունս ամենենին տարօրինակս . Պաղոմէոս արքայ Եգիպտացւոց , և Պաղոմէոս արքայ Կիպրացւոց : 'Նա սովոր էր ասել հանտպազ . Լաւ է Ճոխացուցանել , քան Ճոխանալ : Սա զնորին հակառակն սովոր էր ասել . Լաւ է վայելել , քան այլում պարզել : Եւ վասն այսորիկ նա առատաձեռնորէն պարզելալ զիւր Ճոխութիւնս՝ կոչեցաւ Պաղոմէոս առատաձեռն . և սա գծծօրէն 'ի խնդիր լեալ նոցա՝ կոչեցաւ Պաղոմէոս գերի արծաթոյ :

Ի վախճան ամենայնի , առատաձեռնն պերճ է 'ի կահս , յարդարուն 'ի զգեստս , զուարթ 'ի դէմն , քաղցրաբարոյ 'ի գնացս , շնորհալի 'ի գործս , ազատ և համարձակ 'ի բանս որպէս 'ի տուրս . ոչ կարելով ծածկել զգաղտնիս սրտի , որ բոլորովին է սիրտ : Զհամառօտն ասացից . փորձաքարն ցուցանէ զյարդ ոսկւոյ , և ոսկին ցուցանէ զյարդ անձին :

Գ Լ Ո Ւ Խ Գ .

Առարկայք առատաձեռնութեան :

Ամենայն առարկայ առատաձեռնութեան է Երախտաւորութիւն , բայց ոչ ամենայն Երախտաւորութիւն է առարկայ առատաձեռնութեան : Տալ խորհուրդս փրկականս տարակուսելոց , չէ առատաձեռնութիւն , այլ մարդասիրութիւն : Տալ հզօրաց օգնութիւն գործաւորութեամք , չէ առատաձեռնութիւն , այլ սպասահարկութիւն : Տալ քաջալերու-

թիւն նեղելոց չէ առատաձեռնութիւն, այլ գթութիւն։ Տալ զարիւն վասն հայրենեաց, չէ առատաձեռնութեան, այլ արիութիւն։ Առարկայք առատաձեռնութեան են ինչք կամ բարիք բախտի, որք չափին ոսկւով, զի զսոքօք դործ է առատաձեռնութեան բարեկարգել զմարդկային ախորժակ։ Յաջորդն ինքնակալութեան և ատելութեան Դարեհի Վշտասպեայ, ոչ շատացեալ վերագոյն լինել քան զամենայն մարդկային զօրութիւն՝ թէ ոչ մրցէր և ընդ աստուածեղէն ամենակալ զօրութեան, յարկանել իւրում 'ի ծով երկուս ոտնակասս ոսկիս՝ կարծեաց կալանաւորել զմշտափախուսան զայն Պրոտեւս, և փակել յերկուս անուրս ղհամածաւալ զայն մարմին 106։ Առատաձեռնն միայն զայս հրաշագործէ։ Ոչ ինչ ծով է այնպէս մրցկածուփ և ալեկոծ՝ իբրև զժողովուրդն ասէ Ճարտարախօսն հոռվմայեցի, զորոյ էառ անձամբ զփորձ։ Բայց ձեռնն առատաձեռնի 'ի պարզել քաղաքացւոց՝ ումեմն մատանի, ումեմն դահեկան և ումեմն շղթայ ոսկի 'ի պիտոյս նոցա, զոմանս պնդեալ պարաւանդէ, և զժողովուրդն ամենայն կապեալ կաշկանդէ։ զի առատաձեռնութիւն իւր չէ ամփոփ առ մասնաւորս, այլ սփուեալ ծաւալի առ ամենայն ոք 'ի ժողովրդենէ որ դիմէ առ նա։ Այս է արկանել զժով յոտնակասս և գերել զնա։

Տուչութիւն առատաձեռնի չէ միայն փոխարերել զտէրութիւն ական պատուականի, կամ գումարի ինչ ոսկւոյ յայն որ ընդունի, այլ ծախս առնել լիաձեռն 'ի մեծապայծառ ապարանս, 'ի զուարձալի կալուածս, 'ի զքոսալի դարաստանս, յաղթիւրս և յարձանս, և 'ի նկարս պատուականս և յանդիւտ գաղանս։ ոչ առ իւր, այլ առ ժողովրդեան զքոսանս, զտէրութիւնն անձին պահեալ, զի 'ի պտուղն վայելեսցեն աչք ամենեցուն։ Զի որովհետեւ ագահն բիւրուք շղթայիւք փակեալ զիւր տունս և զարկեղս, մինչև արեւու չմտանել 'ի նոսա, ըստ անքուն օձի Եսալերեան դարաստանին՝ այսինքն Երեկորնական պարախզին 107, ոչ ինքն վայելէ և ոչ այլոց թոյլտայ վայելել, առատաձեռնն զսորին հակառակն՝ յայնժամ վայելէ, յորժամ այլք յայն վայելեն։ մինչև յիրաւի է նմազ զժողովրդեանն ուրախութիւն՝ կոչել իւր ուրախութիւն։ Կիմոն աթենացի՝ որ անուանի եղեւ ոչ այնչափ վասն իւրոյ մտաթափութեան 'ի մանկութեան, որչափ վասն իւրոյ քաջութեան յարբունս հասակի, լեալ գաղափար պատերազմական արիութեան և ժողովրդական առատաձեռնութեան, հարթայատակ արար զցանց զիւրոյ կալուածոյ, զի լիցի հասարակաց զքոսարան, ոչինչ այլ պտուղ քաղեալ անտի, բայց ղհասարակաց հաճոյս 108։ Արժան էր Պոմոնայ և Փլորայ՝ դից պարտիզաց և ծաղկոցաց ելեւել առնել զմիմեամբք յայնմ կալուածի, զի մի երեւսցի յետնեալ առատաձեռնութիւն իւ-

րեանց առ տէր կալուածոյն, քան զառատաձեռնութիւն տեառն կալուածոյն առ իւր քաղաքակիցս: Բայց արդարե կամ գարձ եղև կիմոնի յիւր առաջին մտաթափութիւն, կամ էին նորա այլ պահեստի կալուածք. զի պարտ է առատաձեռնի՝ որպէս ուսուցանէ Արիստոտէլ, ունել զՃիշդ հաշիւ զիւրոց վիճակաց և զիւրոց եկամտից, այլազդ ունելով վախան քան զադահին: Զի եթէ առատաձեռնն խնդամիտ է առաւել՝ ի պարզեելն քան յընդունելն, և առեալն չհաւասարի այնմ զօր պարզեէ, հիմն իւրոյ առատաձեռնութեան լինելոց է իւրն կալուած. և որ անփոյթ է այսմ՝ շռայլ է և ոչ առատաձեռն: Ինքնակալն Աղեքսանդր Սևերոս օրըստօրէ՝ ի գանձէ իւրմէ բաշխեր պարզես, և օրըստօրէ՝ ի գանձապետաց առնոյր համարս: Եր նա նման մեծին Աղեքսանդրի յառատաձեռնելն, և Սեւերոս՝ կամ անաչառ յառնուլն զՃիշդ համարս: Կը էր զալարդեեալն ընդ հասին, զի միշտ կարողացի պարզեել:

Վասն որոյ և ճշմարիտ է թէ վասն զի ագահն է սաստիկ՝ ի պահանջելն՝ ի պարտապանաց, և ժլատ՝ ի վճարել պարտատեարց, ամենելին զսորին հակաւակն է բնաւորութիւն առատաձեռնի: Զի առ պարտատեարս՝ ագահութիւն համարի անփոյթ լինելն՝ ի վճար. իսկ առ պարտապանս առատաձեռնութիւն համարի զիջանիլ, և առ ժամանակ մի որպէս թէ խարիլ, անխաբ գոլով իւր: Ոչ բարւոք արար զիւր հաշիւ շռայլն այն, որոյ վասնեալ զհայրենի ինչ և ծախեալ զապարանս, վասն զի այլ ոչ մնաց նմա ինչ՝ որով զեղսեսցի, և ոչ տեղի ուր բնակութիւն կալցի, խեղդիւ էջ՝ ի տարտարոս: Զէր արդեօք արարեալ զայսպիսի ամօթալի ելս, եթէ բարւոք քննէր զիւր եկամուտս: Այլ թէպէտ և քաջ տնտես է առատաձեռնն իւրոց հասից. բայց և այնպէս ոչ ձգէ հասսյանարդ իրաց: Այս ախտ է, որ ազաւաղեաց զփառս ևս և զառատաձեռն իշխանաց: Հիպպիաս բռնաւոր Աթենայ՝ չափ մի դարւոյ հարկ՝ ի վերայ էարկ իւրաքանչիւր մեռելոյ: Ոչ այլում, բայց Պղուտոնի սանդարապետի աթենացւոց հնար էր՝ ի վերայ դնել կասլալ այդպիսի, արօտ իւրոց երիվարաց արարեալ զգերեզմանատունս⁴⁰⁹: Այս հարկ մեռելոց սարսափեցոյց զկենդանիս: Հալածեցաւ՝ ի թագաւորութենէ, զի կեցցէ ընդ իւր հարկատուս:

Ազա յայտ է թէ հարեալքն զադահութեամբ թէպէտ և ձեռնարկեն երբեմն՝ ի գործ ինչ առատաձեռնութեան կամ մեծադործութեան, միշտ՝ ի վերայ արկանեն կեղտ ինչ ագահութեան:

ԳԼՈՒԽ Դ.

Թէ վասն որո՞ց իրաց զործիցէ առատաձևեն :

Ոսկի և ակունք և այլ ամենայն պարգևք՝ չունին ինչյարդ . բայց եթէ 'ի դիտմանէ որով պարգևին : Զի որպէս պարգևն ոչ այլ ինչ է , բայց երեւելի նշան աներեւոյթ սրտի , սոյնպէս ոչ ոսկին՝ որ պարգևի , այլ սիրտն՝ որով պարգևի , է երախտաւորութիւն : Պսակք 'ի կաղնւոյ , 'ի դաքնոյ և 'ի սիզոյ՝ էին չնչին ինչ . բայց և այնպէս՝ գին էին կենդանի արեան պակաւորին . զի էին դուզնաքեայ նշանք մեծի պատուոյ : Յորժամ աղքատն Փաբրիկիոս 110 ետես առաջի աչաց զՃոխ պարգևս Սամնիացւոց , եհարց՝ թէ տային արդեօք Սամնիացիք նոյնչափ և այլ ամենայն քաղաքացւոց Հռովմայեցւոց . և 'ի պատասխանել հրեշտակաց՝ թէ Այդ նշան ինչ է մասնաւոր յարգի , զոր ընծայեն Սամնիացիք քումդ անձին , Փաբրիկիոս՝ թէպէտ և աղքատ ոմն էր , հրաժարեաց 'ի պարգևացն . և ամբաստան եղե զարգեւատուաց թէ նենդէ 'ի նոսա : Քանզի հայեցաւ Փաբրիկիոս նախ 'ի դիտումն Սամնիացւոց քան 'ի պարգևս նոցա , առ իմանալ թէ արդեօք պարգևք էին այնք եթէ որոգայթք : Զի նոյն արծաթ՝ որ 'ի պարգևիլ ամենեցուն , լինէր պարգև ինչ առատաձեռն 'ի պատիւ հասարակապետութեան , պարգևեալ ինքեան միայնոյ , թուեցաւ թէ չէր գին արժանի 'ի գնել զիւրն հաւատարմութիւն :

Ապա սիրտ պարգևողին է ոգի պարգևին . նա է որ առնէ զոսկին մեծադին կամ անարդ , պատուաւոր կամ նախատ , առատաձեռն կամ ժլատ : Ըռայլն՝ յիւր պարգևատուութիւնս ունի վախճան զունայնութիւն . ագահն՝ յընդունիլն , ունի վախճան զարծաթակութիւն . առատաձեռնն՝ որպէս յառաջն լուար , 'ի պարգևելն և յընդունելն՝ ունի վախճան միայն զհամեսառութիւնն յայլ բազում համանման առաքինութեանց՝ համաբնակելոց յոգի առատաձեռնի , որ ընդունարան է ամենայն առաքինութեանց , որպէս ոգի ագահի ընդունարան է ամենայն մոլութեանց : Նոյն ոսկի թէ պարգևի պարտատեառն , լինի Արդարութիւն . թէ պարգևի բարերարի , լինի Ընորհակալութիւն . թէ ողորմելոյ , լինի Աղորմութիւն . թէ բարեկամի , լինի Բարեկամութիւն . թէ իշխանի , լինի Կամակատար ծառայութիւն . թէ Աստուծոյ , լինի Կրօնասիրութիւն : Սոսկ առատաձեռնութիւնն չհայի յայլ ինչ յորդոր , թէպէտ և առաքինասէր , բայց եթէ 'ի համեստութիւն տըւ-

չութեան, ըստ որում չափաւորէ զկարի իմն իղձ կամ զկարի իմն արհամարհութիւն երկրաւոր բարեաց: Մանաւանդ թէ ֆառքն որ տածիչն է արիութեան, մեծագործութեան և բազմաց այլոց առաքինութեանց, թոյն է առատաձեռնութեան: Չիք առաքինութիւն քան զսա գովելի, և չիք իբրև զսա որ ատեայ զգովութիւն: Ոչ ինչ վաճառ պատուական քան զփառս, յորժամ ստացեալ լիցի արեամբ առն քաջի, և ոչինչ անարդ քան զփառս, յորժամ գնի ոսկւով յառատաձեռնէ: Մի 'ի մտերիմ սիրելեաց նախայիշատակեալ կայսերն Աեւերոսի, որ վաճառէր զծիրս և զշնորհս արքայի, նորին հրամանաւ 'ի ծուխ հեղձուցաւ. յասել նորա թէ 'ի ծուխ մեռանի որ զծուխ վաճառէ: Որ մնափառութեամբ պարգևէ զոսկի, մարթ է 'ի նա շրջել զբանս ասելով. Ի ծուխ մեռանի, որ զծուխ գնէ:

Ճշմարիտ առատաձեռնն 'ի պարգևել իւրում, հայեցեալ միայն 'ի համեստութիւն պարգևատուութեան, միայն թէ սպարգեն իցէ յօգուտ, ոչինչ փոյթ է նորա, զի ծանիցի թէ ուստի գայ: Ապեղէսի քիացւոյ 111 անկեալ հիւանդագին 'ի յետին չքաւորութեան, որ յետին ասպնջականն է առաքինեաց, եմուտ 'ի խուզ նորա Արկեսիզայոս գրքոյկ 'ի ձեռին, և ասէ. Ապեղէս, գամ 'ի հարեւանցի 'ի տես քոյ, և վասն այնը չունիմ ինչ առ իս, բայց զայս գիրս տարերաց Եմբետոկղի. և 'ի խոնարհելն գիրկս արկանել նմա, գաղտ սպըրդեցոյց ընդ մնարս նորա քսակ լի ոսկւով: Եգիտ զայն անկարծ աղախինն. և 'ի զարմանալ նորա ասէ Ապեղէս. Մի զարմանար, անտարակոյս խաղ է այդ Արկեսիզայոսի: Այսպէս զծաղու գայ առատաձեռնն 'ի բարերարել իւրում. պարգևե ոսկի, և ծածկէ զծեռն. առնէ երախտիս, և խուսէ 'ի ծխոյ: Որ պարգևէ վասն փառաց, ոչ պարգևէ այլում, այլ անձին. վաճառէ զերախտիս, գնէ ստգտանս և կորուսանէ զդրամս:

Գ Լ Ո Ւ Խ Ե

Թէ որով օրինակա գործիցի առատաձեռնորիւնն:

Զամենայն մարդկային բարիս հնար է մարդոյ վարել բարւոք կամ չարւոք: Կա միայն գիտէ վարել բարւոք, որ գիտէ զարուեսան: Որ ոք գիտէ վարել զունս, պաշտպանէ անձին, և վնասէ հակառակորդին: Որ ոք չարաչար վարէ, անձին միայնոյ վնասէ: Կետ հերակլեսի 'ի ձեռս հերակլեսի՝ շանթ էր մահարար Տրովացւոց. 'ի ձեռս գիլոկտետեայ՝ եղեւ շանթ

վրէու . որ յանփորձ ձեռանէ յոտս անկեալ նորա՝ խոցեաց կարեվէր ցնուազումն 112 : Ասկին՝ իբրև զերկաթ է պիտանի ինչ գործի . բայց անպիտան ՚ի ձեռս ագահի , վտանգաւոր ՚ի ձեռս շուայլի . միայն առատաձեռնն դիտէ զարուեստ քաջ ՚ի վար արկանելոյ : Այս արուեստ մեծ՝ հաստատեալ է ՚ի քաջ ճանաչել զալարագայս որ ասացան . որչափ և ում և վասն էր , և որով օրինակաւ պարտ իցէ պարգևել և ընդունել :

Առաջին և մեծ կանոն է . համեմատել զալարգեն որակի սութեան պարգևողին և ընդունողին : Երկոքին սոքա են առն չակիցք՝ անքակք յառաքինական միջասահմանութենէ : Փի լիսովիայ ոմն ՚ի կիւնիկեան կամ ՚ի Ծնական աղանդոյ . որ սովալլուկն էր և կատաղի քան զամենայն աղանդս , զեղծիչ և ոչ թէ սիրող խմաստութեան , ժալրհեցաւ խնդրել յԱնտիգոնոնսէ յաջորդէ Աղեքսանդրի տաղանդ մի , որ է իբր վեց հարիւր դահեկան : Պատասխանի ետ Անտիգոնոս . կարի շատ է այդ կիւնիկոսի : Այլ անգամ խնդրեաց երկուս դենարս . ասէ Անտիգոնոս . կարի սակաւ է այդ թագաւորի . և զանց արար զնովաւ : Զսորին հակառակն , մեծն Աղեքսանդր ու մեմն թարմատար զօրականի որ խնդրեաց ՚ի նմանէ դոյզն վարձս , պարգևեաց քաղաք մեծ : Զարմացեալ պարգևաբաշ խին ասէ . Ըատ է այդ վասն զօրականի ուրումն : Պատասխանի ետ պարգևատուն . Սակաւ է այդ վասն Աղեքսանդրի : Երկաքանչիւր թագաւորք սուտ տրամաբանութեամբ իմն աղաւաղեցին զառատաձեռնութիւն . ցուցեալ զանձինս՝ մինն ագահ և միւսն շուայլ : Անտիգոնոս խորեաց ՚ի մէջ կիւնիկոսի և թագաւորի , զի մի պարգևեսցէ ինչ , Աղեքսանդր խորեաց ՚ի մէջ թագաւորի և զօրականի , զի պարգևեսցէ բազում : Պարտ էր Անտիգոնոսի դտանել միջական ինչ պարգև ՚ի մէջ երկաքանչիւր խնդրուածոց , չժխտեալ երկաքանչիւրոցն երկոքումբք հրաժարմամբք , որ չէին արժան թագաւորի : Պարտ էր Աղեքսանդրի առնել միջակային ինչ պարգև ՚ի մէջ թագաւորի և զինուորի , և մի ելանել ըստ սահման բանաւորի : Չէին կամք արդարութեան թէ քաղաք մի ստացեալ արեամբ բազմաց՝ լիցի վարձք միոյ միայնոյ : Եթէ Աղեքսանդրի կամք էին չափել զամենայն զիւր պարգևս անձամբ լոկով պարգևատուին , առ օրին սպառեալ էր զամենայն զիւր աւար : Առաւել ևս առատաձեռնէր թէ աւարէր սակաւ , քան թէ ՚ի պարգևել զքաղաքս՝ աւարէր զթագաւորութիւնս : Ապա առատաձեռնն ՚ի պարգևել ամենայն աստիճանի անձանց՝ աւագաց , միջակայնոց և ստորնոց , չափէ զոսկին կանոնաւ՝ զոր թուաբանք կոչեն կանոն ոսկի , այսինքն է կանոն համեմատական . համեմատեալ զալարգեստ աստիճանաց անձանց , և իւրում կարողութեան :

Յայսմ կանոնէ հարկաւ մակաբերի միւս ևս կանոն թէ Ա-

ուատաձեռնն ոչ պարգևէ զամենայն միում միայնոյ: Վասն զի հայր հայրենեաց գոլով նորա, բաշխել ունի զպարդես քաղաքացւոց՝ որպէս իւրոց որդւոց, ըստ իւրաքանչիւր արժանեաց, և առանց նախանձ արկանելոյ նոցա 'ի միմեանս: Քսերքսէս յաջորդ Դարեհի այնչափ սէր կալաւ առ մի 'ի բիւրաւոր սօսեաց առ ջրբղաօք նորա պատելոց, մինչեւ զարդարել նմա զբուն սօսւոյն մեծագին մանեկօք, օլարկել յոստս նորա, թագ 'ի գլուխ կապել, և արբուցանել նմա անուշահոտ և պատուական օշարակս: Եթէ սօսւոյն կայր միտ, խընդրէր արդեօք յարքայէ՝ չարկանել իւրեւ նախանձուկս յայլտունկս, և չտալ զանձնէ կարծիս՝ անմիտ լինել իբրեւ զմի 'ի տնկոց: Այլ որ իշխեացն ոսկի ոտնակապօք կալանաւորել զծով, որպէս վերագոյնդ ասացաւ, իշխէր արդեօք ոսկի սկակաւ դշխոյացուցանել և զմի 'ի տնկոց:

Բայց կանոն է ևս էական, չբաշխել առատաձեռնի զպարդես իւր 'ի մոլիս և 'ի վատանունս: Զի որպէս ոսկի խառնեալ ընդ այլ հրահալելի՝ անարդի և կորուսանէ զիւր շովիւն, նոյն պէս յոռանայ և յանձանց՝ որպ վարենն զնա:

Վասն այսորիկ առատաձեռնն ոչ ընդունի զպարդես 'ի մոլեաց, զի մի կեղտ անուն ձգեսցէ յիւր գանձ. և ոչ պարդես մոլեաց, զի մի կեղտ անուն ձգեսցէ յիւր պարդես: Թող զի որպէս ոսկին պարգևեալ առաքինեաց՝ տածիչէ առաքինութե, նոյնպէս պարդեալ մոլեաց՝ տածիչէ մոլութեանց. և որ պարդեսի չարաց, բառնի 'ի բարեաց: Այս և ասկիրատին որ 'ի թշուառութեան իցէ, չէ պարտ ժխտել զօդնութիւն. բայց այն լինի այլ առաքինութիւն առատաձեռնի, այլ ոչ առաքինութիւն առատաձեռնութեան: Վրիստոտէլ այսմ օրէնուդիր՝ ուսոյց մեղ զկատարումնն իւրով օրինակաւ: Քանզի 'ի հարցանել միոյ յաշակերտաց նորա, թէ էր ազագաւ պարդեաց փող վատանուն և մոլի ազքատի, ետ պատասխանի. Ոչ երախտաւորեցի նմա որպէս բարւոյ, այլ որպէս մարդոյ: Որպէս թէ ասէր՝ թէ պարդես այնմ որ վատանուն իցէ՝ երբ ողորմելի է, չէ առատաձեռնութիւն, այլ մարդասիրութիւն և պարտք բնական:

Չէ յատուկ առատաձեռնի առնել պարդես և մեծատանց և յղփացելոց ընչիւք: Զի ոսկի առատաձեռնի՝ յանձն է տրամաբաշխական առաքինութեան, առ օգնել և ոչ թէ առ ընկենուլ 'ի բաց. և յառատաձեռնութեան մասին որ ինչ ոչ օգնէ, է ընկեցիկ: Չեղեւ առատաձեռնութիւն այն զոր արար ոմն յիմաստափրաց, որ առ իմաստափրել ընկէց 'ի ծովզամենայն զիւր գանձ 443: Սկիզբն արար սա իւրոյ իմաստութեան 'ի մեծէ յիմարութենէ, որ յոռեգոյն ևս էր քան ըզքսերքսեսին: Զի Քսերքսէս կամեցաւ ոսկւով ծառայեցուցանել զծով, սա կամեցաւ ոսկւով փարթամացուցանել զծով,

որ փարթամն էր քան զնա : Յուցաւ սա ոչ խմաստասէր , այլ առաքինատեաց , կամեցեալ հեղձուցանել զոսկի 'ի մէջ ձկանց , քան կեցուցանել զնա 'ի մէջ առաքինեաց : Առատաձեռնն ընկենու զոսկի 'ի ծով , յորժամ պարգևէ զայն այնպիսւոյ որում ինչ ոչ օդնէ , կարօղ գոլով օդնել այլոց : Այս լինի բարեմարգութիւն , բարեկամութիւն , և քաղաքավարութիւն պարգևել մեծատանց , այլ ոչ առատաձեռնութիւն որպէս և ասացաւ :

Յաւելու Արիստոտէլ թէ առատաձեռնն առանձին իմն օրինակաւ պատաղեցուցանէ զառտատաձեռնութիւն իւր յօդնէլ ազատական արուեստից , և որոց ւարիցին նովաւ . զի ամօթ է առաքինութեան , թէ մուզայքն իցեն մուրօղք :

Ի ծնանիլ Ամենասայ , Դիոս տեղաց յերկնից տարափ ու կի 114 : Դիոս է առատաձեռնն և Ամենաս է ճարտարմտութիւնն . տարափն ուկւոյ է ուկի առատաձեռնի , տածիչ կենաց ճարտարամտաց և ճարտարարուեստից : Բազում քաջ ճարտարամիտք յայտնեցան առ Օդոստոսիւ . զի կենդանի էր Մեկենաս , որ լիաձեռն անձրեւեր տարափ ուկի 115 : Նա եղել կատարեալ գաղափար առատաձեռնից , և միշտ 'ի վերստին ծնանիլ այսպիսէաց՝ վերստին ծնանին ճարտարամիտք , ասէ նուագերգուն Որատիոս : Չորք ցեղք անձանց բաղկացուցանէն զհասարակապետութիւն , իշխանաւորք , ուսումնականք , զօրականք և արուեստաւորք : Արուեստաւորք կեան վարձուք իւրեանց , զօրականք թոշակաւ իւրեանց , իշխանաւորք կառավարութեամբ իւրեանց , բանաստեղծ և այլ ազատ ճարտարարուեստք՝ գովութեամբ . և որ կերակրի գովութեամբ , կերակրի օդով : Որք սկարծանքն են քաղաքաց , անկեալ դնին 'ի մթան . որք գրչաւ բարձրացուցանեն զքաջազունս , անկեալ դնին 'ի գետնի . որք կեանս տան մեռելոց , մեռանին 'ի սովէ , եթէ արք առատամիտք ոչ անձրեւեն տարափ ուկի :

Յետին կանոն և քան զամենայն գովելի՝ է այն , զի պարգևեսցէ զուարթամիտ և արագ : Պարգևն առանց այսոցիկ է կերակուր անհամեմ : Զի բարերարութիւն հաստատեալ է 'ի կամս . և երկոքին սոքա են ճշմարիտ նշանք գործադրիչ կամաց : Պարգևատութիւն յագահն՝ է շարժումն բռնական . յառատաձեռնն է շարժումն բնական , և վասն այսորիկ նա է դանդաղ և դժկամակ , և սա է արագ և կամակ : Թէ չկարէ վաղ հրաժարէ , և թէ կարէ՝ վաղվաղ չնորհէ . երկաքանչիւրն են երախտիք . զի նա զյոյսն չլսաբէ , սա զհայցուածս աշխատ չառնէ : Չէ պարգև այն որ գնոց դնի : Ազնուական սիրտ ոչ ինչ այնպէս թանկագնոյ գնէ , որպէս յորժամ արիւնը ուշադադունութեամբ աղացէ , և վասն այսորիկ լաւ համարի գնոց դնել . քան ժամել . չարչարանս չարչարիլ . քան շառադունիլ : Որ արագ պարգևէ՝ կրկին պարգևէ . զի որպէս կախա

ժահ՝ է կրկին մահ, նոյնպէս երադ երախտիք՝ են կրկին երախտիք: Տիբերիոս՝ յերկաքանչիւրսն եղեւ միշտ Տիբերիոս 446. զի՞ ՚ի գատապարտելն, ասէր ցդահիձն. կտտամահ սատակեած զդա: Եւ ՚ի բարերարելն ասէին զնմանէ, թէ Զոր պարգևելն կամի, յամը խոստանայ: Բայց որ պսակէ զգործ առատաձեռնի, է այն՝ զի վերախախիսն զոր ընդունի, կրկին փոխարքէ. և զոր ինքն առնէ, այնմ փոխարքն ոչինչ առնու կամ պահանջէ. զի զայլոցն երախտիս դրէ յարձանի, և զիւրսն յառաջի:

Ապա է սա առաքինութիւն քան զամենայն զուարթարար և շքեղ: Զուարթարար յինքեան, զի պահէ զսիրտն ՚ի հանապալորդ մարզ՝ կրկնակի բերկրականս. իբր զի առնէ շնորհս, և ընդունի շնորհակալութիւնս: Ոսկին որ այլոց է սկիզբն վարանման՝ վասն դժուարութեանն ՚ի ստանալ, վասն հոգոց ՚ի պահէլ և վասն տրամութեանն ՚ի կորուսանել, ոչ կարէ ՚ի վարանս արկանել զսիրտ առատաձեռնի. զի ոչ պարգևեսցէ. բայց զոր ստացեալ ունի. և ոչ ստանայ, բայց զի պարգևեսցէ. և որ պարգևի՝ մնայ անկորուստ, մանաւանդ թէ ՚ի վարձու տուեալ լինի բազում տոկոսեօք. կալով յապահովի երախտեայն յայնմ՝ որ ընդունի, և անմահական արդեանց յայնմ որ առնէ: Իբրև հարցին կիւրոսի օտար գեսպանք, թէ Ո՞ւր պահէս զքո գանձտ, եցոյց նոցա զիւր ասպետս՝ ասելով. Ահա իմ գանձապահք: Տես զի համարէր այնչափ ինչ ունել, որչափ ինչ պարգևեալն էր:

Բայց մեծ ևս տոկոսի է՝ Պատախւն և գովութիւն զոր յայնմանէ ընդունի: Զի որովհեաև յաչս ժողովրդեան ոչ այլ ինչ է պատիւ, բայց վարէ երախտամատոյց կարովութեան, որ պէս ուսոյց Նրիստոտէլ, ոչինչ առաքինութիւն այնպէս հաճոյ է ժողովրդեան և գովիւլի, որպէս առատաձեռնութիւնն. և ոչ ոք ՚ի մարգկանէ այնպէս շքեղ է և մեծարգի, որպէս առատաձեռնն. կենդանի աղբիւր գոլով երախտեաց: Բարեացապարտ է նա առ ամենեսեան, և երկրագործեալ յամենեցուն որպէս երկնաւոր ոմն ՚ի յերկրի: Ըտեմարանապետ կոչի աղբատաց, ինամակալու մեծատանց, վարձահատոյց առաքինեաց և հայր հայրենեաց: Ի նա հայեցեալ ծերք՝ և զարմանան, մանկունք և ուսանին. չափահասք և նմանող լինին, չռայլք և ուղղին, անուղղայ ագահք և զամօթի հարկանին: Ոչ ոք քան զնա ապահով է և զերծ ՚ի նախանձոտաց, ՚ի չարանիւթից և ՚ի թշնամեաց: Զի ոչ ոք նախանձի այնմ որ ոչ ինչ ստանայ, բայց եթէ ՚ի պարգևել. ոչ ոք ատեայ զայն որ զամենեսին սիրէ. ոչ ոք թշնամեայ առատաձեռնի, թէ չէ թշնամի հասարակաց օգախ և հայրենեաց և իւր իսկ անձին: Վասն այսորիկ ՚ի մահու նորա հասարակաց լալիւն լոի ՚ի մաղկատանաց, և սուգ զգենուն դէմք ամենայն: Լան ժողո-

վուրդք, լան առաքինիք, լան և ճարտարարուեսաք որբոցեալք և խաթարեալք : Դառն կոչեն զմանգաղ մահու, զի երարձ՚ի կենաց զամենեցուն կենսատու . և անարդար զբնութիւնն որ ոգւոյ երկնաւորի ետ մարմին հողեղէն :

Գ. Լ. Ո. Ւ. Խ. Զ.

Յաղաց շոայլորեան և ազանորեան :

Առւու է այն կանոն հանրական, թէ երկու ինչ միում երրորդի ներհական՝ են ընդ միմեանս միաբան : Ըռայլութիւն և Ագահութիւն են երկու մահուչափ թշնամիք առատաձեռնութեան, բայց առաւել ևս թշնամիք միմեանց : Ըռայն կարի իմն արհամարհէ զինչս, վասն որոյ և վատնէ . ագահն կարի իմն սիրէ զնտ, վասն որոյ և պահէ : Որ առնէ աւելացանց ծախս վասն հեշտախտութեան, է հեշտասէր և ոչ շռայլ : Որ վասն փառասիրութեան, է փառամոլ և ոչ շռայլ : Որ պահէ զինչս վասն առևտրոյ, է վաճառական և ոչ ագահ : Որ վասն խաղի, է խաղամոլ և ոչ ագահ : Ապա շռայլն միայն պարգևէ՝ ըղձիւ լոկով պարգևելոյ, և ագահն պահէ ըղձիւ լոկով պահելոյ . և երկոքին իսկ արտաքոյ քան զարժանն :

Ամենայն մոլութիւն ունի իւր գովիտ : Ըռայլութիւնն գունագեղի անուամբ առատաձեռնութեան, և ագահութիւնն անուամբ խնայութեան, վասն այսորիկ զնա գովեն երիտասարդք, և զսա ծերք . զի շռայլութիւնն է մոլութիւն երիտասարդաց, և ագահութիւնն ծերոց : Բայց որպէս փորձաքարն յայտ առնէ զինչ ընդ մէջ է ճշմարիտ ոսկւոյ և սուտ ոսկւոյ, նոյնպէս առատաձեռնութիւնն տայ ճանաչել զինչ ընդ մէջ է ոսկւոյ շռայլ և ոսկւոյ ագահի : Ըռայլն յափշտակէ զտարին, յորժամ չկայ ինչ իւր ՚ի վատնել : Ագահն ոչ վայելէ յիւրն, միայն թէ մի վայելեսցէն այլք : ‘Նա նման է գետոյն լիւդիայ, որ գողանայ զոսկի լերինն Միդայ, զի ամասցէ ՚ի ծով 147 : Սա նման է մրջմառիւծուց լերանցն Արիմասպեայ, որք պահեն զպահպանութիւնս հանքաց ոսկւոյ, ոչ զի պիտին նոցա, այլ զի մի պիտանասցին այլոց : Ըռայլն ոչ է մոլի յիւրմէ, այլ ըստ պատահման . զի ոսկի ցանեալ ոչ ըստ առօքինութեան՝ սերմն է ամենայն մոլութեանց : Եւ ագահն յիւրմէ է ընդունարան ամենայն մոլութեանց . բայց ըստ պատահման երեխ առաքինի : Զգաստ է ՚ի կերակուրս զի մի արասցէ ծախս . չէ խաղումոլ զի մի կորուսցէ . չէ փառամոլ զի մի Ճոխ երեխսցի . ոչ յանցաւորի առ երկիւզի, զի մի տուժեսցի . բայց մի միայն մոլութիւն՝ լնու զտեղի ամենայնի :

Դիւրագոյն գոյ ՚ի միջաստհման առաքինութեան շռայլն քան զագահն։ Զի շռայլն ոչ պակասի գործն, այլ դիտումն։ բայց ագահին պակասի երկաքանչիւրն։ Նա սխալէ կարի իմն վատահութեամբ, սա կարի իմն երկիւղիւ։ Եւ վասն այսորիկ նա ցորչափ կեայ՝ առաւելու ՚ի խոհականութեան, և նուազէ ՚ի շռայլութեան։ և սա որչափ առաւել ծերանայ, այնչափ առաւել երկչութիւն, վասն որոյ և առաւել ագահէ։

Շռայլն պարգևէ զոր ոչն պարտի, և չպարգևէ զոր պարտի։ Ագահն պարգևէ զոր պարտի, և չպարգևէ զոր կարօղ էր պարգևել։ Վասն զի շռայլն ՚ի պարգևելն վասն հաճոյից իւրոց, և ոչ վասն համեստութեան, առաւել հաճեալ է պարգևել ըստ ընտրութեան, քան վճարել ըստ պարտեաց։ Եւ ագահն վասն զի չէ հաճեալ պարգևել ըստ ընտրութեան, վճարէ միայն զոր պարտի, զի մի բարձրի ՚ի նմանէ զոր ոչն պարտի։

Ի վախճան ամենայնի՝ այնչափ անմիտ է շռայլն, որչափ ագահն։ Զի նորա չչափեալ զոր պարգևէ, սպառէ զինչս յառաջ քան զապառիլ կենաց։ Եւ սորա երկուցեալ թէ պակասեցին ինչք, սպառէ զիեանս, մինչ չն է վարեալ զնուսա՝ ՚ի պէտս։ Մին կարի իմն ՚ի վար արկեալ զիւր Ճոխութիւն, մեռանի աղքատ։ միւսն կեայ աղքատորէն, զի մեռցի Ճոխ։ Նա թողու ժառանդաց զգանձս Եպամինոնդայ, լի բարեկամօք և թափուր ՚ի դրամոց։ Աս թողու զգանձս Պաւսանեայ, լի դրամօք և թափուր ՚ի բարեկամաց 148 :



ԳՐԻՎՅԱ ԵՇՈԹԵԲԱՐԴ

ՅԱՆԱԳ.Ս ՄԵԾԱԳՈՐԾՈՒԹԵԱՆ ԵՒ ԾԱՑՐԻՑ ՆՈՐԱ



ԳԼՈՒԽ Ա.

Թէ զինչ իցէ մեծագործուրիւնն :

ՄԵԾԱԳՈՐԾՈՒԹԵԱՆ Ե առաքինութիւն յոգւոջ՝ զմիջասահմանութեամբ մեծամեծ ծախուց՝ 'ի սակս համեստ պատճառի : Թերեւս 'ի սկզբան անդ անտեղի իմն թուիցի ումեք այս սահման Արխտութէլի : Զե թէ փոքրն և մեծ՝ են երկու ծայրը միջասահմանին, զիարդ հնար իցէ միջասահմանին լինել մեծ ինչ միջասահման . և եթէ առաքինութիւնն հաստատեալ է 'ի միջասահմանութեան, զիարդ հնար է թէ լինիցի առաքինութիւն այն որ զանցանէ զմիջասահմանութեամբ : Բայց և այնալէս ծանիր զի և 'ի մեծութեան դտանի միջասահմանութիւն, և 'ի միջասահմանութեան մեծութիւն համեմատական : Մեծ եղև դրօշուած կապիտոլեան Դիոսի, և գործ մեծագործ յինքեան . բայց եղև միջասահման ինչ առ արձանաւ գոմպէոսի, որ փոքր էր քան զնա . և առ առնապատկերաւ չոռդոսի որ մեծ էր քան զնա : 'Նա՝ առնապատկերն չոռդոսի, առ որով ամենայն առնապատկերք աշխարհի էին թզուկք, համեմատեալ իւրում վախճանի էր միջասահման ինչ . որպէս և այլք համեմատեալք իւրեանց վախճանի : Եթր զի արձանն գոմպէոսի՝ 'ի պատիւ ուրումն առանձնաւորի, և կապիտոլեանն Դիոս վասն մէհենին մեծի, և առնապատկերն չոռդոսի՝ 'ի մուտ նաւահանգստի, չէին ինչ փոքր կամ մեծ քան զպատշաճն, և յայն պատշաճողութիւն հաստատեալ է միջասահմանութիւնն համեմատական : Զսորին հակառակն թէ նուիրես դու Պոմպէոսի զառնապատկերն չոռդոսի, և 'ի վերայ նաւահանգստին չոռդոսի կանգնես զկապիտոլեանն Դիոս, յայտ է թէ փոփոխմամբ վախճանաց և համեմատութեանց՝ բառնաս դու զմիջասահմանութիւնն . զի մին լիցի մեծ, և միւսն լիցի փոքր քան զպատշաճն, և այն գործք մեծագործք՝ լիցին ծաղու արժանի :

Ապա մեծագործութիւնն հայի միանգամայն յերիս եզերս առնչականս . այսինքն է 'ի մեծութիւն գործոյն , 'ի մեծութիւն գործողին , և 'ի մեծութիւն վախճանին՝ յոյր սակա գործի : Մեծութիւն գործոյն չափի 'ի քանակէն . մեծութիւն գործողին յաւագութենէ իւրմէ , մեծութիւն վախճանին՝ ի հասարակաց օդուէ : Եւ այս երեքին չափք միահաղոյն միով անուամբ կոչին Վայելըութիւն : Ապա իմաստութեամբ Արիստուէլ զայս մեծ առաքինութիւն անուանեաց երկեակ մեծամեծ անուամբ որ նման են , այլ ոչ նոյնանշան . այսինքն է՝ Մեծագործութիւն և Մեծավայելըութիւն : Մեծագործութիւն՝ սոսկապէս վասն նիւթական մեծութեան գործոյն . Մեծավայելըութիւն վասն բաղդատական մեծութեան՝ համեմատելոյ վայելըութեան քանակին , և անձին և վախճանի նորա:

Յասացելոց ասաի նախ առաջին մարթ է քեզ առնուլ 'ի միտ , թէ միջասահմանութիւն մեծագործութեան մեծ է յոյժքան զմիջասահմանութիւն առատաձեռնութեան : Զի որպէս փոքրիկ փիղն մեծագոյն է քան զմեծ գառնն , սոյնալէս փոքր գործ մեծագործութեան՝ առաւելու քան զմեծ գործ առատաձեռնութեան : Փաբիոս Մաքսիմոս՝ մեծն քաջութեամբ և նիազն ընջլւք՝ վաճառեաց զիւր մի միայն փոքրիկ կալուած , զի այնու ոսկւով լուծցէ յերկաթի կապանաց Աննիբաղայ զկալանաւորս քաղաքին կաննեայ . զի փոքր ամօթհամարեցաւ հասարակապէտութեան՝ զաղքատութիւն իւրոյ զօրագլսի . քան զգերութիւն իւրոց զօրականաց : Ճողովուրդն հռովմէական առեալ զմագաւորութիւն փոքուն Ասիոյ , պարգևեաց զայն արքային Տատաղոսի . զի առաւել արժան համարեցաւ հռովմէական վեհափառութեան զնել մեծ ոմն թագաւոր , քան ժառանգել զմեծ ինչ թագաւորութիւն : Թէ բաղդատին երկոքին այս գործք՝ ըստ ըղձի և ըստ կարի պարգևողին , յոյժ առաւել պարգևեաց Փաբիոս 'ի պարգևել իւրում վիճակ մի գետնի , քան ժողովուրդն հռովմէական 'ի պարգևել զմագաւորութիւն մի : Զի որ պարգևէ՝ որչափինչ ունի յաշխարհի , պարգևէ բովանդակ զաշխարհ : Զսորին հակառակին՝ ժողովուրդն հռովմէական պարգևեաց գուզնաքեայ իմն՝ առ այնու զոր կարօղ էր պարգևել : Բայց և այն պէս պարգև Փաբիոսի եղեւ առատաձեռն և ոչ մեծագործ . իսկ պարգև ժողովրդեան եղեւ մեծագործ և ոչ առատաձեռն : Զի որպէս լուար , գործ մեծագործ ոչ չափի ըստ կարի և ըստ ըղձի , այլ ըստ մեծութեան և ըստ պաղոյ գործոյն :

Տես դու և զայն , զի որպէս մեծագործութիւնն է առաքինութիւն տարբեր յաւատաձեռնութենէ . նոյնալէս և ծայրք մեծագործութեան են տարբեր 'ի ծայրից առատաձեռնութեան : Սոքին կոչեցան Ագահութիւն և Շոայլութիւն . բայց նոքին յառաջ քան զԱրիստոսէլ չունէին անուն : Այնալէս

դժուարագիւտ եղեւ առ նախնիս մեծագործութիւն, որ ոչ
անուամբ և ոչ խսկութեամբ ծանուցաւ . կամ թէ այնպէս
ազքատ էին նոքա 'ի մտաւորութենէ, զի խտաղեալ աչաց նո-
ցա 'ի փայլմանէ որպիսի և իցէ մեծագործ գործոյ՝ ոչ որո-
շէին զմէջ յիւրոց ծայրից : Եւ զիարդ կարող իցէ խմաստասի-
րել որ ոչն գիտէ սահմանել . կամ զիարդ կարող իցէ սահմա-
նել . որ զանունն իսկ ոչ գիտէ : Ապա Արիստոտէլ որպէս
հասու եղեւ թէ միջաստհմանութիւն առաքինութեանս մեծի
հաստատեալ է 'ի վայելքականն , նոյնպէս նոր՝ բայց խսկական
անուամբ կոչեաց զառաքինութիւնն՝ Մեծավայելքութիւն .
զմոլեկան նուազութիւնն՝ Փոքրավայելքութիւն, և զմոլեկան
աւելազանցութիւնն՝ Չափազանց վայելքութիւն : Մեծավայ-
ելքութիւնն է պատշաճաւոր մեծութեանն չափ . փոքրավայ-
ելքութիւնն ոչ հասանէ 'ի չափ . չափազանց վայելքութիւնն
առաւելու ըստ չափ : Յայսմանէ ունիս խմանալ հուսկ ուրեմն
թէ քանի դժուարին իցէ գիտութիւնս, և քանի կարեսը ում
կամք իցեն առնել գործս մեծագործս : Վասն զի որպէս ոչ
ինչ է այնպէս դժուարին, որպէս ճանաչել զհամեմատու-
թիւն վայելքութեան, վասն անհամար պարագայից զորոց
կախեալ կայ, նոյնպէս կարի գիւրին է վրիպիլ յիմիք պարա-
գայի . և կարի ծանր է ամենայն վրիպակ, զի 'ի պակասել կամ
յառաւելուլ քան զվայելքականն՝ վասնին գանձք 'ի ստանալ
մեղագրանս :

ԳԼՈՒԽ Բ .

Թէ ո՞ իցէ այր մեծագործ :

Գործն մեծագործ, որպէս անունն իսկ իւր հնչէ, լինելոց
է Մեծ : Ապա պարտ և պատշաճ է, թէ և որ գործէն զայն՝
իցէ մեծ . զի համեմատական վայելքութիւն իցէ 'ի մէջ արա-
րողին և արարուածոյն : Միապէս անպատեհ իմն է, թէ ոչ
խարն զառիւծ ծնցի, և անարդ ոք զգործ մեծագործ : Ոչ
կարէ մեծագործ լինել, որ 'ի վերայ գործոյ մեծի ոչ կարէ
գրել մեծ ևս անուն . զի անունն մեծացուցանէ զգործն՝ քան
թէ գործն զանունն : Կախատինք մեծ են մերումն դարու, զի
մեծագործ գ անուն այնպէս անկեալ է յիւրմէ մեծութենէ .
մինչև հազիւ կարուակք և պանդոկապետք զիջանին յանձն
առնուլ, այն որ երբեմն պահեստ էր միայն մեծամեծ թա-
գաւորաց և քաջազօր ինքնակալաց : Եւ զիարդ կարող իցէ լի-
նել մեծագործ, որ ոչն է ձեռնհաս առնել գործս մեծա-
գործս . կամ զիարդ մեծագործ իցէ գործն, եթէ արարող

գործոյն՝ ի ժողովրդականաց ոք իցէ, թէպէտ և մեծատուն։ Առասպելեալ գործն՝ մինչը հասեալ էր ուռուցիւք յհաւասրութիւն եղին՝ պայթեցաւ, և ազգատոհմ մեծատուն՝ մինչը է արժանացեալ կոչիլ մեծագործ, հիւծեալ հաշեսցի. զիցածութիւն անձինցածուցանէ զգործն թէպէտ և մեծ։ Բակտրակ և Սալսա մեծահարուստ Ճարաարապէտք՝ անձնամատոյց եղեն շինել զթատր Հոկտաւեայ իւրեանց ծախիւք, միայն թէ շնորհեսցի նոցա քանդակել զանուն իւրեանց՝ ինմա։ Գործակալք շինուածոյն չառին յանձն, համարեալ թէ մեծագործութիւն գործոյն անարգեսցի ոսկւով ուամկայնոց՝ և ցածուն անուամբ Ճարտարաց, որք էին ցածազգի, թէպէտ և յարուեստին իւրեանց անուանի։ Բայց անգունելի մեծագործութիւն եղե այն՝ զոր արար Հռոդովսէ գերի աղջիկ մեծանուն, որոյ գեղ՝ բազմաց յաղթեաց իշխանաց և թագաւորաց։ որ յամօթապարտ շահուց՝ կանգնեալ բարձր ամբարտակ, եցոյց երկնից զիւը և զայլոց ամօթնախատանաց 149։ Նախանձ էարկ համեստութեան այն լրենի յաղթանակ։ և հրապարակեալ խայտառակութիւնն՝ եղե հրապարակական զարդ։ Եբարձ այն ամբարտակ զզարմանագործութիւն այլոց ամբարտակաց Եգիպտոսի։ և այլ ոչ զարմացաւ աշխարհ, թէ յամբարտակ ալբային կղեռպայ աշխատ եղեն այնչափ գերիք։ որովհետեւ՝ ի շինուած ամբարտակի գերի աղջկան ուրուք հանգանակեցին այնչափ թագաւորք։

Ապա որոց մեծ է հարստութիւն և փոքր վիճակ, Ճահողագոյն է նոցա բաշխել զգանձս իւրեանց՝ ի գործս առատաձեռնութեան, քան կորուսանել զայն՝ ի մեծածախ շինուածս. զի հնար է նոցա արդիւնս ստանալ զպարգևատուի, այլ ոչ մեծագործ անուան լինել արժանի։ Գանձ վաճառականաց նաւարկէ թառուցիկ առագաստիւ բախտի։ Գանձ մեծամեծ կալուածոց՝ կախեալ կայ զամպոց։ Գանձ մեծամեծ իշխանաց է իբրև զանդաստան Պիերիայ գաւառի ուր խորարմատ տարբացեալ էր ոսկի. իբր զի ոչ պակասին նոցա հարկք թէ ոչ պակասին ժողովուրդք։ Ապա իշխանաց միայն հնար է փառաւոր առնել զգործ ինչ մեծ, անուամբ մեծաւ։ Ծնանի ընդ իշխանի գերունակ իմն բարձրութիւն՝ անուանեալ վեհափառութիւն, որ փայլէ՝ ի նմա։ և զեղեալ յիւր գործս՝ առնէ զնոսա արդոյս և մեծս։ Ապա յայնժամ գործ ինչ է գեր՝ ի վերոյ մեծագործ յորժամ անցանէ զանցանէ մեծութեամբ զայլովք, և արարող նորա տուաւելու քան զայլս վեհութեամբ։

Յայտ է թէ զոր օրինակ մարդ ոչ միշտ գործէ որպէս բանաւոր, այլ երբեմն որպէս զգայուն և երբեմն որպէս աճեցուն, նոյնպէս իշխան ոք ոչ միշտ գործէ որպէս մեծագործ, և ոչ որպէս իշխան։ Արեգակն ոչ այլ ինչ է էասլէս, բայց

վառարան լուսեղեն և կենսատու, զետեղեալ յաշխարհիցերախտաւորութիւն ամենայն մարմնեղեն գոյից, որ շուրջ կան զնովաւ որպէս սանդիաց մանկունք՝ դիել զըս և ընդունել զկեանս : Խշաննն է արեգակն իւրոց ժողովրդոց, և արեգակն է իշխան ամենայն լուսաւորաց : Էական յատկութիւն արեւու է ճառագայթել, և էական յատկութիւն իշխանի՝ օդնել : Թէ արեն չէր լուսատու, չէր արեւ . և թէ իշխանն ոչ օդնէ, չէ իշխան : Թէ արեն անցուցանէր օր մի անլոյս, այն օր ոչ լինէր տիւ, այլ մթին գիշեր . և թէ իշխանն անցուցանէ օր մի յորում չօդնէ այլոց, այն օր որպէս ասէր Տիտոս, կորուսեալ է վասն նորա . զի ոչ գործեաց ինչ որպէս իշխան 120 : Ապա ուրեմն եթէ արեգակն լուսաւորէ զմարմին ինչ մասնաւոր, ընդ սահմանաւ փակէ զիւրն զօրութիւն . բայց եթէ լուսաւորէ զամենայն աշխարհ, համասփիւռ ծաւալէ յառարկայն զիւր բարերար կարողութիւն : Եւ իշխանն՝ որպէս այլուր ասցաք, յորժամ ըստմասնեայ երախտեօք օդնէ մասնաւորաց, գործէ որպէս առատաձեռն . այլ յորժամ առնէ գործս մեծամեծս առ հրապարակական օդուտ և 'ի զարդ, յայնիժամ 'ի վար արկեալ զգերը 'ի վերոյն իւրոյ վեհութեան՝ գործէ որպէս մեծագործ :

ԳԼՈՒԽ Գ.

Թէ որք իցեն առարկայք մեծագործուրեան :

Որպէս զառատաձեռնութենէ ասացաւ, թէ բազումք դիտեն վասնել այլ սակաւք գիտեն պարգևել, սոյնալէս 'ի մեծագործութեան դիւրագոյն է մեծ ծախս առնել քան առնել ինչ մեծագործ : Են թռչունք որ յղանան 'ի շնչել զեփիւռի . բայց ձուքն ելանեն հողմալիցք, որք յայն սակս կոչին զեփիւռականք : Ըստ սմին օրինակի երբեմն անձինք մեծամեծք փքոցուռոյց փառամոլութեամբ երկնեն երկս բազմածախս, բայց 'ի խոհականութենէ և 'ի վայելցութենէ թափուրս : Գաղափարք մեծագործ գործոց եղեն այնք զորս աշխարհ կոչեաց իւր եօթն սքանչելիս 121 . իբր զի արգարես սքանչելի իմն եղեւ, զի աշխարհ դեռ տրմուղ գոլով՝ երկնեաց սիրտս լայնատարրս 'ի յղանալ զնոսա, և միտս հանճարաւորս յերկնել զնոսա :

Մեծագործ եղեւ մեհեան Արտեմեայ կառուցեալ յԵփիսոս 'ի բովանդակ Ասիոյ՝ յերկերիւր ամս 'ի վերայ հարիւրոց սեանց կանգնելոց 'ի հարիւր թագաւորաց . համակ ընդար-

ձակատարը և հոյակապ և մշանջենաւոր . թէ չէր յանկ հանեալ զմշանջենաւորութիւն նորա ջահի միոյ 'ի միում գիշերի . կամ զի պայծառասցի նսեմ անուն հրդեհարկուին , կամ զի լիցի հրացանութիւն ուրախութեան մեծի ծննդեան Աղեքսանդրի , յոյր մանկաբարձութիւն զբաղեալ էր Արտեմիս զայն գիշերը առասպելաց : Պարիսալն Բաբելոնի , որոյ բարձրութիւն սահման էր թռուցաց թռոչնոց , և թանձրութիւնն յօրինէր լայն ասպարէզ 'ի կառարշաւո : Աքանչելիք զարմանագոյն , զի ոչ 'ի հարիւրոց թագաւորաց յերկերիւր ամս , այլ 'ի միոջէ միայնոյ թագուհւոյ 'ի Համիրամայ , 'ի դոյզն հնգերեակս տմաց սկսաւ և կատարեցաւ : Որով և ցուցաւ , թէ ոչ երկարութիւն ժամանակի , այլ մեծութիւնն սրտի առնէ գործս մեծամեծս . ամփոփեալ զսիրտ այնչափ թագաւորաց 'ի մի կին : Բրդունք եգիսկտականք , ոչ բրդունք , այլ լերինք պատուական քարանց՝ փոխագրեալք յԱրարիոյ յԵդիստոս՝ 'ի թաղել ղթագաւորս , բայց յառաջադոյն զնոցագանձս : Յաղթեաց մեծագործութեանս դշնոյն կարիոյ՝ Արտեմիսիա թագուհի՝ կին Մաւսոլեայ արքային կարիացւոց մեծակառոյց դամբարանաւն , զոր արար 'ի պահել զոսկերս առն իւրոյ , մինչեւ թողուլ զաշխարհ 'ի տարակուսի , թէ ո՞ր շիրիմ էր չքնաղագոյն , կճեայն թէ կենդանին որ գիաաց այնուորինակաւ մեծարել զյիշատակ առնն : Նախայիշտատակեալ առնապատկերն արեգական՝ որ գուռն էր պղնձի՝ նաւահան . գլսախն հոռդոսի , այնչափ բարձր և այնպէս Ճարտարաբուեստ , մինչեւ նախանձառեալ արեւու , թէ առ իւրեւ երեւեսի այլ ոք թագաւոր քան զինքն զարմանաւոր , սասանեցուցեալ զերկիր տապալ կործանեաց զնա . զի մի կորուսցէ ըզփառս լինելոյ մի միայն 122 : Աշտարակն Փարոսի որ 'ի մեծան գիշերի ցուցեալ նաւորդաց զնաւահանգիստն՝ իւրով բոցաճաճանչ լուսով , այնպէս անուանի եղեւ ընդ աշխարհ ամենայն , մինչեւ նաւել բազմաց առաւել 'ի տեսանել զաշտարակն՝ քան զարքունիս Աղեքսանդրի , յոյր պէտս էր : Զհուսկն ասացից . Մեծ դրօշեալն ոլիմպիական Դիոսի համակ 'ի փղոսկրէ , գործ քերութ քանդակագործին Փիդիայ . որ 'ի վարան արկանէր զդիցամոլ երկրագուան թէ ո՞ր իցէ առաւել էր կրպագելի . Դիոս թէ քանդակին նորա :

Յայսց գաղափարաց մարթ է քեզ առնուլ 'ի միտ , թէ գործք մեծագործք՝ լինել ունին մեծածախ և մեծ , զարմանալի և արդոյ : Զի 'ի մեծածախութենէ ծնանի մեծութիւն , 'ի մեծութենէ զարմանութիւն , և 'ի զարմանութենէ յարդ և պատիւ : Բայց անկատար լինին այս չորք ձիք , թէ այլք երկուք ոչ կատարելագործեն զգործն : Մին է օգուտն . զի այնչափ ոսկի յամուլ քարանց վերայ վայրապար ցանեսցի : Երկրորդն է մշանջենաւորութիւնն , զի որկորեայ ծերունւոյն

որ ուտէ զիւր ծնունդս , յայսալիսի հաստաբեստ ծնունդս զուր խոսասակեսցին ժամիք 123 : Որ ոք նովին գնով կարօղ է առնել ինչ գործ մշտնշենաւոր , և առնէ զայն վայրկենաւոր , չարիս կամի իւրոց յետնորդաց . և իւր յետնորդք լիցին նորա չարակամ . ատեայ զիւր ինչս , և ստրջասցի զի ատեաց . յոր ժամ իսպառ կորուսցէ :

Ծափք որ լինին 'ի մարդարիտս , 'ի կարկեհանս , և յանդամանդս մեծագինս , անկ են այո առն մեծագործի , բայց չեն դործք մեծագործք : Չիք 'ի նոսա մեծութիւն քանակի , զի դանձ մեծ փակի 'ի փեճեկ մի ընկուզոյ : Չիք հաստատութիւն . զի դանձ իմն է շարժուն , և ոչ կայուն : Չիք ապահովութիւն , զի դանձ է որում կան 'ի դարանի . և վտանգ է գուցէ 'ի ճանկ անկանիցի ծառայի : Չիք օգուտ զի դանձ է թաղեալ յարկեղ : Չիք ճշմարիտ արժողութիւն , զի դանձ է որոյ գինք կախեալ կան զկարծեաց ամբոխին : Եւ արդարի փիւնիկն անուանեալ անդամանդից՝ անդամանդն կարողոսի բուրդունդիաց եղեւ անդին . զի առաւելոյր քան զամենայն չափ , և դանձ մեծ էր յամփիոփ քանակի անդ : Բայց և այնպէս՝ գերմանացին որոյ դառեալ էր զայն ընդ սայլիւ յաւարս իշխանին մեծի՝ անպարտելոյն 'ի պատերազմողաց , և պարտեցելոյն 'ի հովուէ , վաճառեաց զայն սափորոյ միոյ գինւոյ : Եւ թերեւ լաւ ևս գին եհատ սա քան զակնավաճառս . զի և աքաղաղն Եսովպոսեան գտեալ անդամանդ յաղբես , ասաց . Առաւել կամէի գտանել հատ մի դարւոյ քան գոհար մի : Ապա կարի իմն առատաձեռնութեան , այլ ոչ մեծագործութեան են ցոյցք այսպիսի ծախք . բայց և չեն ինչ անսկատշաճականք մեծագործ իշխանի . զի որ ստացեալ ունի զառաքինութեանց զմեծն , ստանալ ունի և զփոքրն : Բայց մեծ նախատինս գնէ իւրոց դանձուց . վասնեալ զգինն 'ի գործ որ չարժէ այնչափ :

Լիաձեռն պարգևատութիւնք , այլ ոչ ճշմարիտ մեծադործութիւնք եղեն յաղթական պարգևք կայսերաց , սփուեալք ժողովրդեան 'ի միոջէ առատաձեռն ձեռանէ , և յափշտակեալք 'ի բիւրուց ագահ ձեռաց այնչափ աղմկաւ , մինչև վարձուց յաղթութեան թշնամեաց՝ երկեր սկիզբն քաղաքական մարտի : Թող զի 'ի չքաւորիլ դանձատան 'ի սակաւ ժամս , դուզնաքեայ իմն 'ի ձեռս հասանէր իւրաքանչիւր սոսկականի , և արքունեացն և ոչ մի :

Զնոյն ասեմ զհանդիսական ընթրեաց կեսարու և Սիղղայի՝ առ որսալոյ խայծիւ զսէր ժողովրդեան . որ 'ի միում աւուր միայն կլանէր զգինս մեծ և անանց դործոյ : Այն զի յոլովակի ինչոյքն սկսեալք միաբանութեամբ և ինոդութեամբ՝ յանկէին 'ի ինչոյս հարսանեաց Լապիթաց և կենտաւրոսաց 124 . և կատաղութիւնն 'ի ներքս հոլովէր 'ի միրգս անդ ինձոր գըժառութեան : Բայց թէ հիմնարկէ ոք երկելի իջաւանս մնայուն

Եկամովք՝ ՚ի ժողովել զհիւրս, թէպէտ և հիւրընկալութիւնն է լոկ առատաձեռն իմն, բայց մշտնչենաւորութիւնն է մեծագործ ինչ. զի կրկին երախտաւորութեամբ միշտ երախտասպարտ կացուցանէ զօտարս. և միշտ պատուէ զհայրենիս, և յետ մահու իսկ յայնմ վիճակէ քաղէ իւր դովեստ: Վասն այսորիկ թէպէտ խաղք թատերականք, ամփիթէատրոնականք, կրկիսատկանք, և նաւակացուրդք, դործ էին մեծագործութեան. զի խաղքն էին առժամայնք և շինուածքն յաւերժականք. այնց ՚ի խնդիր էին քաղաքացիք, սոքա զարդարէին զքաղաքն. նոքա էին տեսարան, և սոքա սքանչարան: Նոյնպէս դործք մեծագործք եղեն կամարք յաղթականք: Սիւնք նշանագրականք յաղթութեանց Տրայիանոսի, կամ ցուցակք յաղթանակաց Օգոստոսի: Դամբարան Ագրիանոսի. Զերմուկք նմանք մարմարաշեն քաղաքի. Ամփիթէատրոն Վեսպասիանոսի. որ ըստուերէարկ զեօթամբ սքանչելեք աշխարհի, լնդ թիւ մտեալ որսլէս ութերորդ՝ մեծ ևս քան զնոսա:

Բայց եթէ այնք դործք են առաւել մեծագործք, որք՝ ՚ի սքանչելարուեստ Ճարտարութիւն և՝ իմեծածախութիւն հոյակապ դործոյն յաւելուն հատարակաց ինչ և նշանաւոր և յաւերժական երախտաւորութիւն. զի՞նչ էին կամարքն յաղթականք, բայց դրունք անպիտանք փեռեկաբացք, միայն ՚ի տալ մուտս համակ հռովմէական ամբարտաւանութեան: Զի՞նչ սիւնք Տրայիանոսի և Օգոստոսի. բայց յիշատակագրութիւնք բարբարոսաց, առ քերելոյ յանձնանց զիւրեանց անիրաւութիւնս անջինջ քանդակեալս: Զի՞նչ ամբարտակն Ագրիանոսի. բայց լեառն վիմարդեան առ ամբաւնալ յօդս զդի ինչ անկենդան: Զի՞նչ զերմուկք, բայց զուրք վնասակարք առաքինութեան և առնացի բարոյից: Եւ զի՞նչ ահեղն այն ամփիթէատրոն, բայց մեծ ինչ սպանդանոց մարդկեղէն մարմնոց. ուր կամ գաղանք մարդկան, և կամ մարդ մարդոյ էին դիշատողք:

Այլ դու տես ինձ աստանօր, զի դործ քան զսոսա մեծագործ եղև աղտեղագոյնն ՚ի դործս չուովմայ, այն են լուալիք: Դործ այնպէս աղտեղի՝ որ յինքն հաւաքեալ զամենայն զպըզծութիւնս չուովմայ, անտես առնէր յաչաց. մանաւանդ թէ զի մի ծանր լիցի լսելեաց իւր անուն, փոխառիկ անուամբ պատկառաւորաւ կոչիւր Նիմիարան. որպէս թէ Նիմիայք իցեն խոզք՝ որ փափկանայցէն ՚ի ժահը 125: Բայց յայլմէ կողմանէ էր այն դործ այնչափ մեծածախ՝ վասն յօրինուածոց անբաւ կամարակապ քարանց, մինչև չէր ինչ սուտ ասել, թէ գեղեցիկ էին ներքոյք չուովմայ՝ քան զվերին երեսս: Այնչափ առողջարար, մինչև ՚ի նմանէ ևեթ խոստովանէր չուովմ

ունել զառողջութիւն, և զիւրոյ մարմնոյ արտաքնայարդար վայելըութիւն։ Այնչափ սիրուան, որ ապահովէր զհողմ ստորերկրեայ շնչահանօք՝ ի սասանութեանց՝ որ ստէալ լինէին յայնմ վայրի։ Այնչափ օգտակար՝ ի տուրեառիկ վաճառս, որ փակեալ՝ ի դոգ իւր գետս նաւագնացիկս, առնէր ընդ երկրաւ տարուբերս վաճառաց և համբարաց։ Եւ այնչափ մեծագործ, մինչև համարիլ Պլինիոսի թէ մեծ եղև քան զամենայն գործս հուղմայ։ և արժանացաւ հեղինակ ունել զլաւն քան զամենայն թագաւորս։ Բայց խոստովանելի է, թէ աղտեղութիւնն նսեմացոյց իրօք ինչ զշողիւն մեծագործ գործոյն, և օգուտն զամօթի հարաւ յանարդութիւնէն։ Ապա առաւել ևս մեծագործ եղև գործ Ապափիոսի կղոդիոսի, որոյ ըրեալ զերկիր՝ յարկեաց բրածով նորա զճանապարհ զօրականին, խաղացուցանել՝ ի վերայ հովտաց և ընդ լերամբք ըզհուղմէական լէգէոնս՝ ի միջերկրեայ ծովէն մինչև՝ ի ծովն ադրիական։ որով ճանապարհն տարժանաւոր՝ եղև զուարձալի ճեմարան։ Սա եղև ճշմարիտ մեծագործութիւն։ որ զմեծածախութիւնն արար օգտակար, և զօգուտն մեծածախ։ և ճանապարհն արքունի արժանացաւ անուն առնուլ յիւրմէ արարողէ։ Ի կոխան լինել ճանապարհին՝ անուն նորա բարձրանայր։ և ամենայն քայլ տապաւորէր նշոյլ ինչ՝ ի փառաց նորա։ Չէ ինչ յեանորդ քան զսա գործ ինքնակալին կղոդեայ զջրմղօք։ Այն ինչ հուղմ՝ ի ջուրս իւրոյ ազմուտ Տիբերիս գետոյ պապէր՝ ի ծարաւոյ, սա՝ ի մարմարիսնեայ բարձրաբերձ կամարաց՝ խաղացոյց իերե յաղթանակաւ ընդ օգոս գետս առողջարարս։ որոց սողեալ՝ ի հրապարակական և յառանձնաւոր աղբիւրս, շնորհեցին ժողովրդեանն մեծի՝ առողջութիւն և գրգանս։ Բայց այն եղեն մեծ զարմանք, զի գլուխ մի փոքրիմաց կարողացաւ խորհել այդպիսի ինչ մեծագործ։ Խորհուրդ՝ որ բաւական եղև տալ նմա զօգոստապատիւդ անուն ոչ ընդ խաղ։ շատ է՝ եթէ իւր էր այն խորհուրդ։ զի առաւել սիրէր նա զտակաւս գինւոյ քան զջրմուզ։

Բայց քան զամենայն գործ մեծագործ է ըստ իմաստամիրելոյ Արիստոտէլի, կանգնել պատկերս և տաճարս Աստուծոյ՝ այնչափ մեծածախս և զարմանագործս, մինչև գործոյն լինել հրաւիրակ հասարակաց յաստածաշտութիւն, և աստաւածաշտութեանն լինել հրաւիրակ անմահ ընութեանն ի մահկանացուաց բնակակցութիւն։ Այս է գերամեծ գերակատար առարկայ մեծագործութեան։ զի ոչինչ մեծ՝ է այն պէս առաւել ընդունարան գեղոյ արուեստի։ ոչինչ վախճան է առաւել գերակայ, և ոչինչ գործ է երախտաւորագոյն հասարակապետութեան՝ քան զհանդէս կրօնից։ Ի տաճարէ սկսանէին հուղմայեցիք զպատերազմական շահատակութիւն, և՝ ի տաճար բերէին զկապուտ կողոպուտ աւարին։ Ի տաճա-

բէ հարցանեին խորհուրդ զմեծամեծ իրաց, և 'ի տաճար գարձուցանեին զշնորհակալութիւնս բարեբաստ ելից: Վասն այսորիկ թէպէտ և 'ի կոյր մոլորութիւնս հեթանոսութեան խարիսափեիննոցա միտք, սակայն և այնպէս համարեցան միշտ թէ ոչինչ գործոյ արժան էր լինել քան զայն մեծավայելուչ և մեծաշուք: 'Նոյն թագաւոր որ հանճարեաց զլուալիս, զի արասցէ զշռովմ առողջ, խորհեցաւ կառուցանել և զմեծ տաճար կապիտոլեանն Դիոսի. զի արասցէ զշռովմ սուրբ, թէպէտ և անսուրբ կրօնիւք: Եւ թէպէտնոյն Դիոս շանթառք՝ բազում անդամ շանթս արձակեաց յայն իւր ամբարտակ, բայց և այնպէս միշտ ել յիւրմէ այրեցածէ առաւել ևս գեղեցիկ և պատուական. մինչ զի 'ի ժամանակս կայսերաց, յորում տիզմ չռովմայ փոխեցաւ 'ի կի՛Ճ, կի՛Ճ տաճարիս փոխեցան յոոկի 126:

ԳԼՈՒԽ Դ.

Թէ առ ինչ վախանան գործիցէ մեծագործն:

Հստ ասացելոցս զառատաձեռնութենէ՝ մարթիս խորհել և զմեծագործութենէ. զի հանրական վախճան երկոցուն սոցա է նոյն, այսինքն է համեստն. այլ մասնաւոր իմաստք են տարբերք: Զգործ մեծագործ մարթ է մտածել 'Նիւթապէս և Տեսակապէս: 'Նիւթ է ամբարտակն՝ որ աչօք երևի. որպէս թատրոն ինչ, կամ կամար, կամ շիրիմ, կամ տաճար: Տեսակն է աներեսոյթ, և ծածկեալ 'ի գիտման գործողին. որ կեանս տայ առաքինի կամ մոլի գործոց, որպէս հոգին մարմնոյ: Դիտումն գործողին մեծագործութեամբ է համեստութիւննորին գործոյ, որպէս ասացաւ: Եւ առանց այսր վախճանի՝ որչափ և մեծ իցէ գործ ինչ և աբքենի, կամ լինի մոլեկան, կամ այլ ինչ առաքինութիւն տարբեր 'ի մեծագործութենէ: Խոտ ինչ տակ ունել այնչափ զօրութիւն յեղափոխելոյ զերևակայութիւն կերողին, մինչև ոչ այլ ինչ առնել նմա, բայց շրջել և շրջշրջել զքարինս: Այսպիսի է արամագրութիւն ոմանց. որ ոչ 'ի սակս մեծագործ համեստութեան, այլ 'ի բնաւոր իմն բերմանէ ձեռնարկեն 'ի քանդել և 'ի շինել մերթ հոյակապ ապարանս, մերթ բարձրաբերձ ամբարտակս. որ չեն ինչ սփիտանի. ոչ վայելչական, և ոչ գովնի: Այսպիսի եղի բնաւոր բերումն Դոմետիանոսի, խուռն խճողել զշռովմ քարամբք, և զքարինս ոսկեով. այնպէս անշուք զնոսա ընկեցեալ: Ասկեզարդեաց այնպէս զսեամս դրանց,

որպէս զգահոյս . այնպէս զասպաստանս , որպէս զգահլիճս . այնպէս զտաձար Դիսոսի , որպէս զգմբէթեայ յարկս հարծից : Պլուտարքոս համարեցաւ զնա անմիտ . և իմաստնապէս կոչեաց զմեծագործութիւն նորա՝ անմտութիւն արքային Միդասայ : Ըղձանայր սա թէ յոր ինչ ձեռն հասուցանէ , լիցի ոսկի . յորմէ սովալկեալ , կորեաւ սովամահ 127 :

Այլք յորդորին առնել գործս մեծագործս , զի այլոց մեծագործութեան լիցին նմանող , զօրէն կապկաց որ չեն մարդիկ , բայց ջանան առնել զամենայն զոր տեսանեն առնել մարդկան : Ոչ է սա մեծագործութիւն , այլ կապիկ մեծագործութեան . զի չունելով յինքեան զտիսկ մեծագործութեան , առնու զայն 'ի փոխ : Այլ թէպէտե նմանողք յերդիծաբանից կոչին հօտ ծառայական , բայց և այնպէս իմաստունն զենտն յորդորէր զՃոխ քաղաքացիս նմանող լինել մեծագործութեանց Պերիկլեայ . զի մեծ փառք են լինել նմանող 'ի մեծամեծ իրողութիւնս , քան հեղինակ 'ի փոքունս . և չէ քաջ հեղինակ՝ որ չեղե քաջ նմանող :

Փոքր միւս ևս արժանաւոր յորդոր մեծագործ գործոց , է կեալ յետ մահու յիւր դաստակերաս : Յամենայն մարդիկ բնաւորեալ է մեծ ինչ տենչ անմահութեան . բայց քանզի բնութիւնն որոշեալ ունի իւրաքանչիւրում անհատի զսահման կենաց , նոյն ինքն բնութիւնն հաստեաց 'ի նոսա Ճիպն յերկարաձգելոյ զկեանս 'ի զաւակս . և որումոչ գոյ զաւակ . փոխանակեաց զազնուական ինչ խորհուրդ գործելոյ գործս մեծամեծս , զի 'ի նոսա կեցցէ իւր յիշատակ . և եթէ անմարթէ ասել , թէ կեայ նա , գէթ ասասցի , եկեաց նա : Այլ թէպէտ և այս դիտումն արժան է ամենայն մարդոյ , որոյ ծնունդ իւր ոչ բերէ նմա ապաշաւ , բայց և այնպէս մօտ է սա մոլութեանն , որ ապարտէ զմեծագործութիւն . այն է՝ Պատուասէր ցուցամոլութիւն : Վազու ևս ծնաւ այս մոլութիւն գրեթէ ընդ աշխարհի յարսն յաղթամարմինս , այլ ծանծաղամիտս , որ խրախուսեցին շինել աշտարակ , որում արժան իցէ անուն կոչել աշտարակ հսկայից և հսկայ աշտարակաց . որոյ հասեալ գագաթ յերկինս՝ տարցի զմակագրութիւն անուան նոցա 'ի վերոյ քան զաստեզս : Չեղե երբէք ինչ գործ քան զայն մեծագործ . բայց և ոչ քան զայն յիմարական : Թէ կեցեալ էին հարիւր հազար ամս , և զամենայն զգունտ հողոյ առեալ էին յաղիւստրկութիւն , մինչեւ ելեալ գործոյն 'ի գլուխ , սպառեալ էր արդեօք հողն : Բայց 'ի գործս մեծագործս , որչափ գլուխ ամբառնայ փառամոլութիւնն , այնչափ 'ի բացուստ 'ի վեր երեխ անմառութիւնն : Փառամոլք ոչ դրոշմեն զմակագրութիւն՝ վասն առնելոյ իւրեանց զգործն , այլ առնեն զգործն վասն գրոշմելոյ զմակագրութիւն . զի վախճան նոցա չէ առնել գործ մեծ , բայց եթէ 'ի մեծացուցանել զանձինս : Նա

որպէս անմիտ նկարիչք առ ամենայն շնչին նկար ստորագրեն զիւրեանց անուն, նոյնպէս փառամոլք՝ 'ի վերայ գերեզմանի, 'ի վերայ սեղանոյ, և յամենայն գլուխ կամրջի քանդակեն զանուն և զդրոշմ, ըստ բաղեղան որ յամենայն որմ կռուի:

Ապա մեծագործն ոչ պատուաւոր իմն համարի առնել ինչ պատուական՝ 'ի մուրանալ զպատիւ. այլ վասն զի համեստութիւն գործոյն այնպէս պահանջէ: Շատ է նմա զի շատացոյց զանձն: Վուկուղղոս մեծապարգև մեծարեաց մեծագործ շքով զդեսպանս Սպարափոյ, որոց զարմացեալ և զամօթի հարեալ, ջանային իւրեանց համառօտ ոճիւ շնորհակալութիւն մատուցանել, փոխանակ զի 'ի շնորհս նոցա արար մեծամեծս: Որոց Վուկուղղոս ետ պատասխանի. Ինչ ինչ արարի 'ի շնորհս ձեր, բայց առաւել արարի 'ի շնորհս Վուկուղղոսի: Չեր կարող առալ պատասխանի քան զայն արժանավայելուց հռովմէական մեծագործութեան: Եթէ յայնմ մեծածախ ընդունելութեան ակն եղեալ էր նորա երախտապարա կացուցանել հասարակապետութեան զօաարսն, լինէր խոհեմութիւն քաղաքական: Եթէ յայտ առնել զսէր իւր, լինէր բարեկամութիւն: Եթէ 'ի ցոյց ընծայել զիւրին Ճոխութիւն, լինէր ունայնութիւն: Բայց դիտումն մեծագործին դէտակն ունի առնել զգործն արժանի իւրում անձին: Թէպէտ և նիւթական վախճան գործոյն իցէ հիւրասիրութիւն, տեսական վախճան գործոյն է համեստութիւն: Զի մարթ է ումեք առնել հիւրասիրութիւն առանց մեծագործութեան, կամ գործ մեծագործ առանց հիւրասիրութեան: Վասն այսորիկ մեծագործն ոչ պարծի, և ոչ հաղարտանայ ընդ գործս իւր. զի ոչ գործէ վասն պատուոյ, այլ վասն համեստութեան. և սիրտ նորա մեծ է միշտ քան զգործն: Չէ ինչ նմա փոյթ՝ թէ գովեսցեն զգործն ժողովուրդք. ինքն է միայն նորա գովիչ, զի ինքն է միայն որ գիտէ զյարդ նորա: Չէ ինչ նմա փոյթ դնել 'ի վերայ զանուն իւր կամ զմակադրութիւն, զի ոչինչ փոյթ է նմա թէ գիտասցեն այլք, ոյր արարեալ իցէ զայն, և էր աղադաւ: Զի թէ գործն է փոքր, չհամարի զայն արժանի իւրում անուան. և թէ մեծ, ոչ անուն իւր 'ի խնդիր լինի տեսպաց, այլ տեսողք 'ի խնդիր լինին անուանն. որ 'ի համբաւոյ կամ 'ի յիշատակադրաց հետզհետէ գրի 'ի յիշատակարանս: Ապա եթէ ուրեք երեք հեղինակն մակադրէ գործոյն զիւր անուն, չառնէ զայն որպէս լուար, առառաւել ևս պայծառացուցանելոյ զանուն իւր շքեղութեամբ գործոյն, այլ առ առաւել պայծառացուցանելոյ զգործն շքեղութեամբ իւրոյ անուան: Որ միանգամ աեսանէր զհրաշակառոյցն զայն Պանթէոն 428 զանսուրք ախալ սրբոց տաճարաց, կառուցեալ պորփիւր սեամբք, պղնձի հեծանօք և ոսկի ձեղուամբ,

ընդարձակատարը և արժանաւոր ընդունելութեան Աստու-
ծոյ Ճշմարտի ամենայն սրբովք, և ոչ թէ Արեսի համայն աս-
տուածովք, համարէր ընդ միաս, թէ անկար է լինել գործ քան
զայն մեծ և սքանչելի : Բայց ապա ընթերցեալ զայն երեք
բառ, ՄԵՐԿՈՍ ՍԳՐԻՊՊԱՍ ԱՐԱՐ, ԹՈՒԷՐ Նոցա գործն՝ կրկին
քան որչափ էրն՝ մեծ և սքանչելի : Կարծէին կերպարանափո-
խութիւն ինչ լեալ Ագրիպասայ ՚ի գործն, և գործոյն յԱ-
գրիպաս, մի զմիով ելեւելս արարեալ ՚ի պատուի : Ստոյդ
իմն է թէ մեծանձն ըղձանայ պատուոյ մեծի՝ համեմատելոյ
մեծութեան իւրոց գործոց . վասն այսորիկ յիրաւի էր Ագրիպ-
ասյ ըղձանալ փառաց և գովեստից վասն գործոյս մեծի :
Այլ այն իպա լինէր սեպհական մեծանձնութեանն Ագրիպ-
ասյ և ոչ թէ մեծագործութեան նորա . զի մեծանձնու-
թեանն կամակ՝ է պատիւն վասն գործոյ մեծի . այլ մեծա-
գործութեանն կամակ՝ է մեծութիւն գործոյն,

ԳԼՈՒԽ Ե.

Թէ որով օրինակաւ գործիցէ մեծագործն :

Մեծագործութիւնն որպէս ցուցաք, է մեծ ինչ գիտու-
թիւն . զի պահանջէ զկատարեալ ճանաչումն ինչ անհամար
պարագայից, յորս հաստատեալ է վայելցութիւն գործոյն :
Չափազանցն ՚ի վայելցութեան՝ չհայի ինչ ՚ի պատշաճաւո-
րութիւնն, միայն թէ գործն իցէ մեծ : Փոքրավայելուչն՝ ա-
ռաւել հայի ՚ի նիազութիւն ծախուց, քան ՚ի վայելցութիւն
գործոյն : Մեծագործն՝ առաջի առնէ գործ ինչ մեծ . բայց
պատշաճող վախճանին՝ անձին, զօրութեան և այլոց պարա-
գայից . զամենայն փոյթ՝ ՚ի մէջ առեալ, զի մի ինչ պակաս ի-
ցէ ՚ի կատարելութենէ և ՚ի վայելցութենէ : Որ ոչ զմտաւ-
ածէ զոր առնէ, ոչ կարողանայ առնել զայն որում ըլ-
ձանայ :

Առաջին և մեծ կանոն է, զի վախճանն իցէ պատշաճող
գործոյն, և գործն վախճանին, առէ Արիստոտէլ : Ապա ծաղ-
րական եղիւ մեծագործութիւն իւրումն Ազեքսանդրի . որոյ
խոտորեալ յայսմ խմասաէ, ՚ի մեռանիլ երիվարի իւրոյ ցլա-
գլիսի՝ նուիրեաց քաղաք մի յանուն նորա . և անդ կանգնեաց
նմա արքայավայել գամբարան՝ արձանաւ նորա և մակագրու-
թեամբ : Եթէ կարծէր նա, թէ ոգի հօր իւրոյ թագաւորի
միոխաղեալ էր յայն երիվար, ապա ցուցաւ թէ է յիմար .
զի ուսուցիչ իւր գատապարտեաց զալիւթագործեան ոգեփո-

խութիւն։ Թէ ոչ հաւատայր, ասկա ցուցաւ թէ է ապերախտ։ զի շարար այնչափ պատիւ հօրն, որչափ երիվարին։ Այլ ոչ մնայր ինչ բայց նուիրագործել նմա տաճար, և պաշտել զնա։ զի այլ մի ոք յերկուացի, ով առաւել անմիտ իցէ, երիվարին թէ որ աշաանակէրն ՚ի նա։ Զեցոյց ինչ մտաւորութիւն քան զա Կիմոն Աթենացի՝ անուանեալն Մեծագործ, որ ջորւոցն յաղթականաց ՚ի ձիընթացս ոլիմպիական խաղուց՝ կանգնեաց մեծագործ շիրիմս մօտ իւրումն։ Կարող էր պատուել զնոսա իւրով իսկ գերեզմանաւ, հանդերձ հասարակաց իմն մակա դրութեամբ։ Աստ անկեալ դնին երեք անբանք յաղթականիք։ Երկու ջորիք, և տէր նոցա։ Զէ արժան համապատուել զա նասունս ընդ մարդկան, և ևս առաւել զմարդիկ ընդ Աստու ծոյ, ասէ Արիստոտէլ։ զի առաւելու անպատշաճութիւնն ըստ առաւելոյ անզուգականութեան։ Բայց և այնողէս յայս տարապայման սահման ձգեցաւ մարդահաճութիւն ծերա կուտին։ որ առաջի արար Տիբերիոսի փոխանակ յաղթական կամարի կանգնել մեծակառոյց ինչ տաճար, զի անդ երկըր պագութիւնն ընկալցի անուն իւր և աստուածութիւն։ Տիբե րիոս թէպէտ և էր փառախնդիր, չառեալ յանձն զայն պա տիւ, բացէ ՚ի բաց մերժեաց ասելով։ Ոչ կամիմ այլ տաճար, բայց զձեր սիրտ։ և ոչ այլ պատկեր, բայց զձեր յիշատակ։ Թուէր նմա աեւսանել, թէ յետ մահուն իւրոյ այն տաճար ՚ի հիմանց քանդեսցի։ անուն իւր դատապարտեսցի։ աստուա ծութիւնն իւր ծաղածանակ լիցի։ և պատկերք իւր գետնա քարշ գետընկէց լիցին, որպէս աղաղակեաց ժողովուրդն յե րեսս իսկ նորա։ Տիբերիոս ՚ի Տիբերիս։ Բայց չեղեն այնչափ առ երեսս զգուշաւորք իւր յաջորդք, զի վոքը փոքր ընաե լացեալ նոցա այնմ կերպարանափոխութեան մարդկան ՚ի սուտ աստուածութիւնն 129, համարէին զանձինս լինել այն՝ զոր ինչ այլք ասէին։ Ոչ անդադար դաւադրութիւնք, և ոչ արեան ՚ի վիրաց բղխմունք, և ոչ հեաղջեակ խայտառակ մահք, բաւէին յայտնել նոցա, թէ աստուածութիւնք էին ծաղրականք, որովհետեւ որք աստուածացուցանէինն զնոսա նոյնք և ցրէին։

Հայի մեծագործն ՚ի պատշաճութիւն գործոյն ևս ըստ ընաւորութեան տեղւոյն և ժողովրդեանն՝ որում առնէ։ Ի թերէ դործք առաւել պատշաճողք և հաճոյականիք էին տա ճարք, և ՚ի Սպարտիա՝ պատերազմական մրցանակք, զի այն էր բնաւորութիւն նոցա։ վասն որոյ և ասացաւ։ Թերէ պան ծայ նուիրանօք, և Սպարտա զինու զարդուք։ ՅԱթէիս՝ դըս բոցք և իւմաստասիրաց համալսարանք, և ՚ի Կրետէ ջերմուկք և թատրոնք, զի նոքա էին դիանականիք, և սոքա փափկա կեացք, վասն որոյ և ասացաւ յառակս, Կրետացիք չարա ճճիք և դատարկապորտք 130։ Սմին իրի ՚ի Հռովմ ամենայն

ազգք մեծագործ դործոց եղեն ճահողականք . զի առ նոսա զօրացեալ էին միապէս ամենայն առաքինութիւնք և ամենայն մոլութիւնք :

Եւ ոչ միայն ըստ որպիսութեան տեղւոյն , այլ և ըստ դիպովութեան ժամանակին չափէ մեծագործն զիւր դործս : Սերվիոս Տուղղոս թագաւոր՝ յաւարէ յաղթութեան Լատինաց կառոյց զարձան կապիտոլեանն Դիոսի , զի ձօնեսցին նմա կողոսկուտք : Ապալիոս Կղոդիոս , որում որպէս քննչի մեծի անկ էր զինուորական բարեկարգութիւն , համարեցաւ թէ չկայր նմա դործ ճահողագոյն , քան զհորդել ճանապարհ զօրականին . յորոյ աւերակսն մինչև ցայսօր երեխ ողջիկ իւր անուն : Իբրև ցածոյց Օգոստոս արեամբ դաւադրաց զստուեր հայրենի , Մարկոս Ագրիպաս վիեսայ նորա կանգնեաց զտա ճար Արեսի վրէժինդրի : Եւ Վեսպանիանոսի տեսեալ , թէ յինքնակալել իւրում լուեաց քաղաքական սպատերազմն Վիտեղեանց և Աթոնեանց , և փախուտեայ խաղաղութիւնն եմուտ անգրէն 'ի Հռովմ որպէս նոր ինչ աստուածութիւն , կանգնեաց զտաճար խաղաղութեան , և զամփիթէատրոն . զայն 'ի շնորհակալութիւն իւրոց աստուածութեանց , զայս 'ի խնդութիւն իւրոյ կիսամեռ ժողովրդեան : Գործք որ մեծութեամբ և դեղեցկութեամբ առաւելեալ քան զամենայն մեծագործ ամբարտակ , 'ի վէգ կային միայն ընդ միմեանս : Զսորին հակառակն՝ ապաժամ և աարադէալ մեծագործութիւն եղեւ այն գործ Օգոստոսի , որ յանձկութեան պահու , յորժամ յամենայն թաղս թօթափէին քաղաքացիք որպէս ոսկերոտի 'ի սովէ , արար մեծապատրաստ և չքեղահանգէս խրախճան՝ որ չէր երեք երեկեալ , ընդ տիկնայս և ընդ ասպետս , զդիցն Ապողոնի արկեալ զիւրեաւ զհանգերձ , որպէս և այլք զպէս պէս դից : Երկարատկեցաւ չքաւորութիւն հտարակաց՝ զեղիութեամբ սակաւուց : Այնուհետեւ ընդ ամենայն Հռովմ ոչ լինէր լսելի , և ոչ երեկը ինչ , բայց կաաազի յոգւոցհանութիք . և քրթմնջանաց գրութիւնք այսպիսի երգիծանօք . Ոչինչ են զարմանք՝ թէ Հռովմայեցիք մեռանին 'ի սովէ , զի կերան դիք զամենայն զհամբարս : Անողորմ զեղծագործութիւն , և ոչ թէ մեծագործութիւն եղեւ այն՝ այնպիսւոյ իմաստնոյ ինքնակալի . բայց թերեւս նուազեսցէ զզարմանս՝ տէրութիւն այն չափ լկտի Ափրողիտաց 'ի վերայ միոյ Ապողոնի 131 . որոց մին միայն բաւական է խելագարել զտամն Ապողոնս :

Ապա առաջի տրարեալ վախճան ինչ պատշաճող , այն որ ձեռնարկէ 'ի գործ ինչ խկապէս մեծագործ . այնուհետեւ ջանայ գտանել արուեստագէտս անուանիս և հմուտս 'ի նկարագրել զձեն : Զի դեղեցիկ վախճանն կախեալ կայ զգեղեցիկ սկզբնաւորութենէ . և այնպէս կերտուածոց՝ որպէս և նկարուց՝ յանուանէ արուեստագիտին կրկնապատկի յարգ :

Յեղանց սքանչելեաց աշխարհի, առնապատկերին Հռոդոսի Երկպատոկեցաւ անուն՝ յանուանէ Կարեսայ աշխակերտին Լիւսիալոսի: Ովմակիականն Դիոս եղեւ մեծանուն յանուանէ Փիդիայ: Մեծակառոյց դամբարանն Արտեմիսեայ՝ 'ի Ճարտարութենէ չորից գերազանց Ճարտարապետացն՝ Սկովալայ, Բրիտակայ, Տիմոթեայ և Լէովկարայ: որք եղեն միմեանց գործակից և փառակից: Եւ տաճարն Արտեմեայ նկարագծեալ՝ 'ի Կորեբայ, յառաջ տարեալ՝ 'ի Մետդենայ, աւարտեցաւ՝ 'ի Թեմոկլեայ: Որոց բնաւք եղեն անմահք քան զիւրեանց ամբարտակս: զի ամբարտակք թաղեցան, և իւրեանց անուն գեռկայ: Եւ ոչ վայրապար արուեստագէտք կոչեցան Ճարտարք կամ Հանճարաւորք: զի այնապէս Ճարտարութեամբ և հանճարով փոյթ ունեին վայելըութեան և համեմատութեան գործոց իւրեանց, մինչև մեքենական արուեստին փոխիլ յարուեստ ազատական: Որպէս 'ի հանդերձանս զոհից գիտնաւոր օրինականք, նոյնապէս 'ի զարդ տաճարաց ներհուն Ճարտարապետք իմաստասիրեցին: Դից անտառայնոց կառուցանէին տաճարս, որոց Ճարտարապետեալ յօրինուած էր գեղչուկ, ցածուն, խոշորագեղ, և հաստաբեստ. անուանեալ՝ Կարգ Տոսկեան: Դից միջակայնոց էր Կարգն Դորիացի, փոքր մի ևս բարձր և սեթեւթեալ: Դից մեծաց՝ Կարգն Յոնիական, առաւել ևս մեծավայելուչ և Ճոխազարդ: Բայց Ափրոդիտեայ և Հերայի և Արտեմեայ յերիւրէին զկարգ Կորնթեան, ծաղկայօրինուորակ վայելըութեամբ խարսխաց, խոյակաց և ծնօտից: Իսկ յաւերժահարսանց՝ որպէս գերակայից և գլխովին մտաւորաց՝ զկարգն Բազագրեալ, որ պանծագոյնն էր և նուրբ և գիրգ քան զամենայն կարգ:

Ապա 'ի դնել առաջի գեղեցիկ ինչ և խմասուն գազափար, հայի ուշի ուշով իշխանն մեծագործ թէ վախճանն արժանաւոր իցէ ծախուց. կամ թէ ծախքն արժանաւոր իցեն վախճանին. զի մի ծախուց կամ գործոյն զկնի եկեսցէ ապաշտ: Ագրիանոս կայսր 'ի հանդիսի որդեգրութեան կեսոնիսի՝ 'ի տօնախմբութեան մեծագործութիւնս, 'ի շինուածս, 'ի խազս, 'ի խրախճանս, 'ի սպարգես հրապարակականս և առանձնաւորս, 'ի գերապանծ հանդերձանս՝ ծախեաց տասն միլիոն ոսկի: Յաւարտ տօնախմբութեանն սկիզբն եղեւ կոծոյ: Կեսոնիս հիւանդացաւ 'ի մահ: Ագրիանոս խելայեղեալ գոչքը: Ալայ է ինձ, քանի՞ ոսկի 'ի զուր կորուսի: Վառաւելցաւ էր նմա կորուստ դրամոյն քան որդւոյն. զի դիւրագոյն էր նմա որդեգրել այլ տասն կեսոնս, քան հաւաքել այլ տասն միլիոնս: Եւ նովին գնովք արարեալ էր արդեօք գործ՝ ոչ հրճուողական, բայց հասարակաց կարի պիտեան: Զի վասն հանապարհին Ապակեայ չեղեն այնչափ ծախք: Այլ առաւել ևս յիրաւի էր ստրջանալ Դեմետրի ումեմն, որ ծա-

խեաց զերկերիւր հազար նոմոսս ոսկւոյ՝ ի ծախս պոռնկար կանս . և Մեսսաղայ , որ ծախեաց երկուս մեծագանձ հայրենի ժառանգութիւնս՝ ի կատակերգակս , որ և եղեւ յետոյ առակ կատակերգուաց . որպէս և Մեսսաղինա առակ եղերգուաց :

Բայց կարեւոր ևս մտածութիւն է կշռել զգործն ընդ իւրում զօրութեան : Առանց այսր կշռութեան անհնար է զերծանել՝ ի միոջէ յերկուց աստի անսպատշաճութեանց : Զի կամ դործն մնայ անկատար , և որ արարն՝ լինի առակ նշաւակի , և կամ որ արարն՝ այնուհետեւ զօշաքաղէ արծաթ՝ ուստի չեր արժան : Զի որպէս գրէ Պողիտիկոս . ի սպառիլ գանձուն փառասիրութեամբ , անդրէն մթերի անիրաւութեամբ : Առերկրորդս այս անսպատշաճութիւն՝ շատ է ՚ի բիւրուց օրինակաց միայն օրինակին մեծի բրդան Կղէովակէի արքային Եղիստացւոց , որ առաւելաւն՝ ՚ի բարձրութեան քան զհասողութիւնն մտաց , և յիրաւի՝ ՚ի համար դասեցաւ եօմանց սքանչելեաց աշխարհի : Ի սակա սորա սպառեալ Կղէովակէի զամենայն զիւր գանձս . և տեսեալ թէ ոչ է ձեռնիհաս հասուցանել՝ ՚ի կատար , եղիստ նոր ինչ ոսկեհանք յիւրում իսկ տան , վաճառեալ զիւրոյ դստերն զպատիւ : Եւ ուր է զոր ասացն Արիստոտէլ , թէ վախճան մեծագործութեան է հայիլ՝ ՚ի համեստութիւն . զի Կղէովակէ առանց ընկեցիկ առնելոյ զհամեստութիւն՝ ՚ի տանէ՝ ՚ի դուրս՝ չկարողացաւ՝ ՚ի կատար հասուցանել զիւր բուրգն :

Մեծ անսպատշաճութիւն է չափել զիւր ինչս . բայց ոչ փոքր է և այն՝ չչափել զիւր կեանս : Այսմ օրինակ եղեն առիշխանս՝ այլ երկու սքանչելիք . դամբարանն Արտեմիսեայ , և տաճարն Եփեսոսի . դործք որոց անհնար էր կատարումնառնուլ՝ ՚ի վերայ երկրի , թէ ոչ արարօղք նոցա լինեին ընդ երկրաւ : Ար սկսաւն զնոսա , ոչ ուրախ եղեւ տեսլեամբ կատարմանն . և որ կատարեացն՝ ոչ կալաւ յանձին պարծանս սկիզբն առնելոյ նոցա : Թող զի մեծ սքանչելիք պիտին , թէ յաջորդն կատարեսցէ զգործ նախորդին : Երբ զի իւրաքանչիւր ոք սիրէ զիւր մտաց ծնունդ . և տոյժ մեծ համարի և անշքութիւն վատնել զիւր ինչս առ՝ ՚ի կատար հասուցանել զայլոյ խորհուրդս , ըստ տիսմար հաւու՝ որ՝ ՚ի թուլսս նստի՝ ՚ի վերայ ձուոց որ ոչ իւր իցեն : Ստոյգ իմն է այս , որպէս յիւրում տեղով ասասցի , թէ մեծանձին է թողուլ զգործն անկատար . ցուցեալ թէ՝ ՚ի կուրծս նորա տաշաւարի սիրա մեծ ևս քան զիար . և թէ դիւրին է ժամանակի՝ ՚ի նմանէ պակասիլ , քան նմա՝ ՚ի ժամանակէ : Բայց մեծանձնութիւնն չէ մեծագործութիւն . նա չափէ զսիրան , և սա զգործն :

Զհուսկն ասացից . մեծագործն յամենայն՝ ՚ի դործս իւր է ժրաշան և զգուշաւոր և շքեղ . զի մի ինչ պակաս իցէ՝ ՚ի կա-

տարելութենէ և 'ի վայելչութենէ։ Պահծալի հանդիսացաւ յայսի Պօղոս Եմիլիոս. որ զինչ և առնէր, եթէ շինուածս, եթէ խաղս, և եթէ խրախճանս, յօրինէր զայն մեծագործութեամբ և կարի իմն զգուշաւորութեամբ։ Զարմանային Յոյնք թէ զիարդ միտք նորա զբաղեալ 'ի մեծամեծս, այդպէս ժրաշան էր 'ի մանունս։ Առ որս առնէր պատասխանի. 'Նոյն արուեստ է քաջ կարգել զպատերազմ, և քաջ յարդարել զսեղան։ զայն յահարկութիւն թշնամեաց, և զայս՝ 'ի ձգել զսէր քաղաքացեաց։ Միայն Պարրասիոս 'ի պատկերահանս արժանացաւ մականուանիլ աշխատին, այս է անվթար։ զի հասուցանէր զնկարս իւր յայնպիսի վերջին կատարումն, մինչև այն ինչ 'ի հանդէս հանէին այլ ամենայն պատկերահանք զգործս իւրեանց չե ևս աւարտեալ, զի անկատարութեամբ ծածկեացի թերութիւն նոցին, և Ապեղէս իսկ ստորագրէր անկատար բայիւ թէ առնէր. սա միայն կարողացաւ սառըագրել, թէ Պարրասիոս արար։ Սոյնպէս 'ի մէջ ամենայն մեծագործ գործոց՝ միայն Պահնթէոն արժանացաւ այնմ մակագրութեան թէ Մարկոս Ակրիպաս արար։

Գ Լ Ո Ւ Խ Զ.

Յաղաց փոքրախայելչորեան և չափազանց
վայելչորեան։

Չափազանցն 'ի վայելչութեան, և փոքրավայելուչն՝ ոչ 'ի վար արկանեն՝ 'ի գործս իւրեանց զայլ ոք ճարտար, բայց զիւրեանց բնաւոր բերումն։ Զի թէպէտ և հրաշատիսլ իցէ օրինակն, երկաքանչիւրն զայն խանդարեն։ 'Նա 'ի վերայ յաւելեալ անպէտ մեծութիւն, սա խնայեալ յաշխատութիւն և 'ի ծախս։ ոչ դիտելով ոչ սորա և ոչ նորա, ո՞ր իցէ համեմատութիւն և վայելչութիւն։ Չափազանցն 'ի վայելչութեան՝ գործէ կամակար, բայց անմտաբար։ Փոքրավայելչին գործ խառն է 'ի կամաւորէ և յակամայէ. զի մզէ զնա փառամոլութիւն, և յետս ընկրկէ ագահութիւն։ Վասն այսորիկ մին ազաւաղէ զգործն կարի իմն շութափութեամբ, և միւսն խանդարէ կարի իմն դանդաղանօք։ 'Նա նման է ընձառիւծու, որ թէ ոչ փոյթ զբռամբ ածէ զորսն, լքեալ թողու։ Սա նման է լերին՝ որոյ երկնեալ մեծ ինչ երկն, յետ բազում դղրդմանց ծնաւ զնչին մուկն։ Ի գործս չափազանցին 'ի վայելչութեան՝ աեսցես դու արարս մեծամեծս արիական սրտի. բայց միշտ ունելով ինչ նիշ անմտութեան։ Եւ 'ի գործս փոքրավայել


չեն տեսցես գու Ճիգն մեծագործութեան , բայց միշտ ունելով ինչ արատ կծծութեան : Որպէս ծնունդք խառնածինք՝ ծնեալք յերկասակ անասնոց , միշտ զնմանութիւն բերեն յոռեգոյն տեսակի , նոյնալէս գործք սոցա՝ քանզի ծնանին 'ի մոլութենախառն առաքինութենէ , միշտ զնմանութիւն բերեն զմոլութեան քան զառաքինութեան : Անմիտ եղեւ չափազանց վայելութիւն Ներոնի , որ հրձիգ արար զշոռվմ , զի տացէ վերականդինել ևս գեղեցիկ , և անուանել զայն յիւր անուն՝ Ներոնիա : Բայց անողորմագոյն եղեւ յիմարութիւն նորա . զի զծաղու եկեալ 'ի հասարակաց հեծութիւնս , և զշոմերոսի զգեցեալ հանդերձ , ջութակ 'ի ձեռին , 'ի հրայրեացսն Հռովմայ՝ Երդէր ողբս հրկիզութեանն Տրովադայ : Այլ Տրովադա (այսինքն Ներոն) յետ երգոյն եկին 'ի լալիւն : Ծազու արժանի եղեւ փոքրավայելութիւն նախորդի նորա կաղիգողայ . որոյ վիքացեալ ընդ նշանաւոր յաղթութիւնն , զորոյ լուաւ զաւետիս , գրեաց առ ծերակոյան զյիշատակաց արժանի զայս բան . Պատրաստեցէք ամենամեծ յաղթանակ ամենանուազ ծախիւք : Ուր տեսանես 'ի սիրտ նորա տարրացեալ զգեր 'ի վերոյ մեծագործութիւնն ընդ յետին գծութեան : Այս էր հրէշ ինչ խառնածին :

Ի վերոյգրելոց աստի ունիս առնուլ 'ի միտ առաւելապէս , թէ քանի սակաւք եղեն յաշխարհի գործք անթերի մեծագործք . որովհետև յութ սքանչելիս խկ աշխարհի է տեսանել թերութիւնս էապէս հակառակօղս Ճշմարիտ մեծագործութեան : Թէ զԱրտէմեայ տաճարն ասես , թէպէտ և ազնուագոյն առարկայ մեծագործութեան է տաճարն վասն գերակայութեան վախճանին , սակայն խոչ է նմա աստուածութիւնն . զոր ստեղծաբանէին Ճառատօղ բանաստեղծք , այլ յիմաստնոց ոք ոչ հաւատայր : Մինչև շիմանալ քեզ , ո՞ր անմտութիւն գրգռեաց զայնչափ թագաւորս՝ հիմնել զայնպիսի ընդարձակ և բազմածախ ամբարտակ 'ի վերայ բանաստեղծական ինչ ունայնութեան : Յորմէ մարթ է հաւատալ , թէ որ այրեացն զայն՝ առաւել ևս խմաստուն եղեւ քան զամենեսին զնոսա որք շինեցին : Եւ թերես 'ի նախանձախնդիր փիլսոփայից ոք էր Երոսարատոսն այն որ հրդեհեաց զայն տաճար . արժանացեալ՝ զի իւր անուն սպայծառասցի նորուն լուսով . և շինողացն անուն կացցէ մնացէ 'ի մթան : Թող զայն , զի թէ և գործն լինէր խկապէս մեծագործ , ում արդեօք արժան էր տալ զմեծագործդ անուն : Ոչ հիմնարկուին՝ զի ոչ կատարեաց . և ոչ կատարողին զի ոչ հիմնարկեաց , որպէս ասացաւ : Ուստի զայն տաճար Մարտիալէս կոչեաց Գործ յուշիկ . և Կրատինոս՝ Գանդաղ . և Ճարտարապէտի նորա Կորեբայ՝ մականուն կոչեցաւ Յանդուգն : Այս մեծագործ

եղև Ամբարտակն Արտեմիսեայ, ըստ նիւթոյն, ըստ արուեստին, և ըստ բարձրութեան, որ ընոյր զսահմանս օգոյ, որպէս երգէ Մարտիաղէս: Բայց թէ հայեցիմք 'ի վախճանն փոխադրելոյ զլեառն ինչ սրբատաշ քարանց կճեայց՝ 'ի ծածկոյթ ոսկերաց մոխրեալ ինչ շաղղի՝ առանց ինչ հասարակաց օգտի, յայտ է թէ չեղև ինչ ճշմարիտ մեծագործութիւն, այլ անմիտ չափազանց վայելըութիւն: որ և ետ օրինակ և անուն այլոց նմանակ անմտութեանց: Զնոյն մարթ է ասել զլսժդժական բրդանց Եգիպտացւոց, որք 'ի սակս այսպիսի անպիտան վախճանի՝ յաղքատութիւն խոնարհէին զմժագաւորութիւնս: և առաւել բուրգն այն արքային Կղէովսէի՝ քան զամենայնն սոսկավիթիսար և ամօթալի: Ալիմպիականին Դիոսի թէ հայեցիմք յանձն, էր անսուրբ ինչ: Թէ 'ի նիւթն, յանկագոյն ևս էր Դիոսի արձան ինչ յոսկւոյ՝ քան 'ի փողոսկրէ, զոր անգոսնէ Մարտիաղէս: Թէ 'ի մեծութիւնն, չէր ինչ սքանչելի: զի չէր մարմին միաձոյլ, այլ ադուցիկ 'ի կոտորոց: Թէ 'ի Ճարտարութիւն արուեստագիտին, մարթ էր նմա առնել ինչ գործ մեծագին: այլ ոչ ընդվայրածախ, որով և անմեծագործ: Առնապատկերն Հռոդոսի՝ թէպէտ և յոյժ էր սքանչելի վասն պլթիսարութեան, բայց նկարագրիւր յանձն նորա բանաստեղծական ինչ այլաբանութիւն, և միոտի առասպել: և այնպէս անհիմն էր յամբարտակն որպէս և 'ի գիւտն: Ոչ 'ի միտ տախն Հռոդացիք, թէ այնապիսւոյ յաղթ մարմնոյ, որ 'ի կշիռ կայր յերկուց ոտից վերայ, անհնար էր ընդ երկար կալ յակասանի՝ 'ի կղզւոջ, ուր ստէպ լինէին սասանութիւնիք: Եւ արդարն եղև այն հրէշ յիսնամեայ միայն, և ոչ աւելի: զի գետնաշարժն ամաց 'ի ծով զայն անպիտան բեռն: և արեգականն Հռոդոսի եղև յանկարծակի իմն մուտ, որ այլ ոչ ծագեաց: Աշտարակն Փարոսի քան զամենայննախայիշատակեալ գործս եղև յօդուտ հասարակաց և պիտանի, 'ի ցոյց նաւահանգստի, 'ի նուլ բոցաձաձանչ լուսոյ զարեգականն տեղի: Յայս սակս հաստահիմնութիւննորա և բարձրութիւն էին վայելականք: բայց զարդքն ընդվայրածախք էին և աւելորդք: Եւ զի վասն այսր ևեթ էր զարմանալի, ըստ առաւելոյ զարմանութեանն առաւելաւ և նորա չափազանց վայելըութիւն: Եւ որ չար ևս է, լուսաւորութիւն իւր ուսոյց բարքարոսաց զնաւահանգիտան, որք և առին զայն: Միայն գործն Շամիրամայ ամենայնիւ եղև մեծագործ: ըստ մեծութեան, ըստ մեծածախութեան, և ըստ վախճանին, հայեցեալ 'ի կերպ քաղաքառութեանց այնց ժամանակաց, յորս ոչ ինչ բարձրութիւն և ոչինչ խորութիւն սլարսպաց էր աւելորդ: Բայց 'ի պաշտպանութիւն այնց պիտէր և բազմամբոխ ժողովուրդ, որպիսի Բաբելացւոցն էր. և սիրտ մեծ՝ որպիսի Շամիրամայն էր: Իսկ ամփիթէատրոնն Ակսպատիանոսի, որ ըստ

գրելոյ Հռոտիղիոսի ահընկէց էր դից վերնականաց, մտածեալ միայն յինքեան և յիւրում վախճանի, չեղև ինչ գործ մեծապէս մեծագործ . զի էր 'ի պէտս դատարկ անձանց Հռովմայ, և ոչ կրօնատիրաց կամ պատերազմովաց նորա : Բայց թէ լծորդէ ոք զսա ընդ միւս գործ տաճարին խաղաղութեան, 'ի կոպարի անդ հեթանոսական մոլորութեան՝ խոստովանելի է, թէ այս կայսր բարձրագույս պարծի 'ի մեծագործութեան քան զամենայն հեթանոս :

Յայսմ ամենայնէ ունիս իմանալ, թէ քանի տարժանաւոր է առաքինութիւն մեծագործութեան . փոխանակ զի այնչափ դժուարին է առնել գործս մեծագործս, և այնչափ դիւրին ստգիւտ նոցս :



ԳԻՒՅՔ ԱԼԵՔՍԵՐՈԲԴ

ՅԱՆԿԱՄ ՄԵԾԱՆՁՆՈՒԹԵԱՆ ԵՒ ԻՒՐՈՅ ԾԱՅՐԻՑ

ԳԼՈՒԽ Ա.

Թէ զինէ իցէ մեծանձնութիւնն :

Եթսր առաքինութեան այնչափ են գեղեցիկ և գերապանծ յատկութիւնք, մինչև ոմանց խմաստամիրաց շփոթել զսա ընդ արիութեան, զի տանի ծանունց : Կիսոց՝ ընդ մեծագործութեան, զի գործէ զմեծամեծս : Կիսոց՝ ընդ արդարութեան, զի ոչ զարտուղի յուղղութենէ : Կիսոց՝ ընդ խմաստութեան, զի գիտէ տիրել իւրաքանչիւր բախտի : Այս է շփոթել զնիւթն ընդ տեսակի, կամ զյատկութիւնս ընդ էութեան, ունելով առաքինութեանց այնչափ սիրելութիւն ընդ միմեանս, որ չխօրշին ծառայել միմեանց : Բայց Արիստոտէլ, որ զանազանէ զառաքինութիւնս ըստ առարկայից նոցա, սահմանէ զսա այսպէս : Մեծանձնութիւնն է Առաքինութիւն ոգւոյ՝ հաստատեալ՝ ի միջասահմանութեան զմեծամեծ պատուօք, միայն՝ ի սակա համեստութեան : Երդ այս սահման նախ առաջին տարատրոհէ զմեծանձնութիւնն յայլ ամենայն առաքինութեանց, որք չհային՝ ի պատիւ՝ որպէս յիւրեանց առարկայ : Յետ այսորիկ որոշէ վնա ՚ի պարկեշտութենէ . զի պարկեշտութիւնն հայի ՚ի միջակային պատիւս, և մեծանձնութիւնն ՚ի մեծամեծ պատիւս : Որպէս մեծագործութիւնն տարբերի յառատաձեռնութենէ . զի սա յածի զմիջակային ծախիւք, և նա զմեծամեծ ծախիւք : Իբր զի մեծութիւնն էական իմն է առարկայից նոցա, որպէս և անուան նոցին : Հուսկ ուրեմն որոշէ զմեծանձնութիւնն յերկուց իւրոց մոլեկան ծայրից . այսինքն է ՚ի Փոքրոգութենէ, և ՚ի Փըքացմանէ : Վասն զի փոքրոգութիւնն թէպէտև ունիցի մեծամեծ առաքինութիւնս, չհամարի արժանի պատուոյ մեծի : Փքացումն անձկայ պատուոյ մեծի, թէպէտև չունի առաքինութիւնս մեծս : Ապա մեծանձնութիւնն է այն, որոյ ծա-

Նուցեալ յինքեան առաքինութիւնս մեծո՞ համարի աղոթանի
մեծի պատուոյ:

Եւ այս ևս առաքինութիւն, որպէս ասացաք զմեծագոր-
ծութենէ, ունի զիւր միջասահմանութիւնն 'ի մեծութեան:
Մանաւանդ թէ այս իւր միջասահմանութիւն փակէ ընդ իւ-
րեւ բազում և մեծամեծ միջասահմանութիւնս: Շանաշել յին-
քեան մեծ ինչ արդիւնս, և անձկալ մեծի պատուոյ, է ար-
դար իմն միջասահմանութիւն. զի արդարութիւնն տրամա-
բաշխական՝ մեծագոյն արդեանց նշանակէ մեծագոյն վարձո:
Եթէ պատիւ անձին ընծայի, ոչ կարի իմն ուրախանալ, և
եթէ չընծայի՝ ոչ կարի իմն տրտմիլ, այս է իմաստասիրական
իմն միջասահմանութիւն: Վայելել 'ի մեծ պատիւս՝ որպէս
արժան է, և խոժոռիլ ընդ անպատուութիւնս՝ միայն որչափ
արժան է, այս է խոհական իմն միջասահմանութիւն: Ըզձա-
նալ պատուոյ մեծի և արհամարհել զայն, այս է մեծանձ-
նական իմն միջասահմանութիւն. որպէս յիւրում աեզւոջ
լուիցես:

ԳԼՈՒԽ Բ.

Թէ ով իցէ մեծանձն:

Թէպէտ և մեծանձնութիւնն տեսականապէս չէ արիու-
թիւն, և ոչ մեծագործութիւն, և ոչ արդարութիւն, և ոչ
իմաստութիւն, որպէս ասացաւ. բայց և այնպէս մեծանձնն
լինի արի, մեծագործ, արդար, և իմաստուն. և լինին 'ի նմա-
ամենայն առաքինութիւնք բարեկարգիչք կրից, կամաց, և
մտաց: Որովհետեւ 'ի խանգարել զծայրագոյն կատարելու-
թիւն սրտի՝ շատ է մի միայն անկատարութիւն, որպէս 'ի խան-
գարել զծայրագոյն գեղեցկութիւն մարմնոյ՝ շատ է մի միայն
պակասութիւն: Անինի սիրտ նորա սեղան համեստութեան.
ախորժակ նորա՝ զերծ յամենայն ցածուն ախորժանաց. բան
նորա՝ չափ բանաւորութեան. խոհեմութիւննորա ջահ ճըշ-
մարտութեան և մանդաղ երկբայութեան. միտք նորա սան-
դուղք առաքինութեանց, և դպրոց գիտութեանց 132. բայց
գիտութեանց օդտակարաց քան հետաքննականաց, մեծաց
քան նրբից. մտադիւր իմաստասիրեալ նորա յանձին գիտնա-
ւոր լուռութեամբ Պիւթագորայ, քան ճառատոլ իմաստակու-
թեամբ Պրոտագորայ և Ակադեմոսի: Մինչև կարող լինել
մեղ ասել թէ Մեծանձնութիւնն է չափաւոր ինչ իղձ պա-
տուոյ մեծի, հիմնեալ 'ի մեծութիւն ամենայն առաքինու-
թեանց համախմբելոց: Կամ թէ մեծութիւն ամենայն առա-

քինութեանց իցէ նիւթ մեծանձնութեան . և չափաւոր ջան պատույ մեծի իցէ տեսակ նորուն : Ուստի Արիստոտէլ զմեծանձնութիւնն կոչեաց պսակ ամենայն առաքինութեանց :

Յայսմ մեծէ վերտառութենէ մեծանձին՝ յառաջ եկին այն ամենայն վերտառութիւնք պատույ , զորս ակնածութիւն ժողովրդեան արժանապէս սեպհականեաց մեծաց իշխանաց : Վատահացեալ թէ ըստ մեծութեան իշխանութեան է և մեծութիւն ոգւոյ և առաքինութեանս , ոչ միայն յընտրութեամբ կարդեալ իշխանաւորս՝ վասն ընտրողացն խոհեմութեան , որ ընտրէ զլաւն՝ ի բարեաց , այլև և ՚ի պայազատութեամբ իջեալ իշխանաւորս , զօրութեամբ բարիոք սննդեան՝ որ առնէ զիշխանորդիս արժանաւորս ընտրութեան : Ապա իշխանաց մեծանձանց ընծայեցաւ ՆԵԺԱՊԱՅԺԱՊԱԴ 133 անուն . զի մեծանձնութիւնն պայծառացուցանէ զամենայն առաքինութիւնս , որպէս ըստ երեսելի առնէ զամենայն զգոյնս մթին մարմնոց : Վ Հ Շ Պ անուն՝ ըստ ասից Արիստոտէլի՝ սեպհական է մեծանձին . զի վեհութիւնն է եզր ինչ առնչչական , որ ընդիւրե փակէ զնոււազն , և ՚ի վերայ բերէ իմն աւելի . և մեծանձնութիւնն ՚ի հասարակ առաքինութեան վերայ յաւելու առաւելութիւն ինչ կատարելութեան : Ըստ այսմ և ԷՊԵՅԴ անուն . զի մեծանձնն առ այլովք առ աքինէօք՝ է որպէս զվեսուվ լեառն Վեգութիոյ առ մօտակայ լերամբք , որոց դադաթն ստորոտ է նորա : Ուստի և Հ Շ Վ Պ անուն : Զի միտք մեծանձին իբրե զգագաթն Ոլիմպեայ լերին՝ անցեալ զանցեալ զամալովք և զմրրիօք՝ վայելէ ՚ի յաւերժական և յանխուով պարզութեան : Ապա յայս սակա ՆԵԺՊ անուն յիրաւի ընծայի Պամպէսի , այլ ոչ նոյնութէս Ազեքսանդրի . վասն զի ոչինչ բարի աստ ՚ի ստորինս է Ճշմարտապէս մեծ՝ բաց յառաքինութենէ . և սիրտ մեծանձին է ընդունակ ամենայն առաքինութեանց : Վասն այսորիկ մեծանձինք կոչեցան զիւցազունք , որպէս թէ զից ծնունդք . ուստի զԱքիլլէս բանաստեղծք կոչեցին վեհանձն Նւակիդէ , ահեղ ծնունդ որոտածայն Դիոսի : Զի թէ միայն առաքինութիւնն է որ առնէ զմարդիկ աստուածանման , ոչ ինչ են զարմանք թէ առաքինութիւնն ինչ գեր ՚ի վերոյ քան զմարդկային առաքինութիւնս , ընդ թիւ մոցէ տստուածականաց , և ստացիչ նորա համարեսցի Աստուած Երկրաւոր :

ՎԵՐԲԻՆ մեծութեան անձին՝ բնաւորապէս համեմատ լինի և արտաքին առուգութիւնն մարմնոյ . դոլով բնութեան ներհուն Ճարտարապետ բարեձեռութեան : Ապա մեծանձնն ըստ համեմատութեան լինի և մեծամարմին , մեծագլուխ , մեծակնեայ , ծանրաքայլ , բարձրաձայն , և դոյն նորա անփոփոխ : Հոգին՝ ասէ ներբողաբանն , կամ գտանէ մարմին ինչ իւր արժանի , և կամ առնէ : Որպէս թագաւորն մեղուաց ՚ի խռան

գնդի նոցա թռուցելոյ՝ 'ի մեծութենէ և 'ի վեհանձնութենէ ճանաչի, նոյնպէս մեծանձնն տեսլեամբ ճանաչի' ի մէջ առաքինեաց: Որ ոք զնա տեսանէ, ընդ միտս ասէ. Յայսմ' մեծի տաճարի ոչ գուզնաքեայ բնակէ վերին զօրութիւն: Այսպիսի նկարագրութիւնս առաջի առնէ մեզ Հոմերոս յիւրումն Ագամեմնոնի 'ի յօրինակ մեծանձին. Յերեսաց նորա նշոյլք զայլովք փայլատակէին: Ըստ սրտի և մարմինն լինի յաղթ: Զսորին հակառակն, զփոքրոգին նկարագրէ Արիստոտէլ 'ի գիրս բնազննութեան՝ փոքրագէմ, մանրակնեայ, նուազածայն, կարճահասակ. զոր թէ տեսանէ ոք, 'ի միտ առնու, թէ յայն անձուկ օթարան ոչ բնականայ ոգի մեծ: Եւ օրինակ փոքրոգւոյ առաջի առնէ մեզ զլեկադիոս կորնթացի, սրոյ էր մեծ զօրութիւն, այլ սիրտ տկար: Կապիկ մեծանձին է 'ի գէմս՝ փքացեալն. Նա մեծ ևս և ուռուցիկ և լայնալանջ. Բայց յայն կերպարան երևի խառնուրդ նանրութեան և գաղանութեան, յոր կերպարան նկարագրէ բանաստեղծն իտալական Լուդովիկոս Արիստոյ, զամբարտաւանն Որլանդէս յասելն

Որդի է սա հրապարառութեան սրբամբառութեան.

Ի սպառնալիս 'ի թշնամանս բանայ բերան.

Աչս արձակէ՝ զօրհանապազ խօժուական,

Եւ բարձրայօն յաղջամկջին կայ 'ի մըթան:

Գ Լ Ո Ւ Խ Գ .

Առարկայք մեծանձնութեան:

Առարկայ մեծանձնութեան է վարձն սկատշաճող մեծանձին վասն իւրոց մեծամեծ առաքինութեանց, որպէս արմաւենին յաղթովին: Բայց ո՞ր իցէ այս մեծ վարձ: Գուցէ ընթերցեալ իցէ քո կամ լուեալ զայն անուանի դրութիւն փիլսոփայից ոմանց, թէ Միայն առաքինութիւնն է իւր ինքեան վարձ: Բայց այս դրութիւն կամ խսպառ սուտ է, և կամ խրթնիմաց: Վասն զի արժանաւորութիւն վարձուն ոչ կարէ լինել վարձ արժանաւորութեան. իբր զի արժանաւորութիւնն է որակութիւն ներքին և նախընթաց, և վարձն գործ արտաքին և հետեւորդ: Այն զի, եթէ առաքինութեան հնար էր արժանանալ նոյն առաքինութեան, լինէր նա գործ և պատճառ իւր ինքեան. և եթէ լինէր գործ այլոյ առաքինութեան, լինէր յանբաւս յառաջանալ 'ի պատճառս: Եւս առաւել չէ ճշմարիտ թէ աղնուութիւն, գեղեցկութիւն, և այլ պարգեք

ընութեան, վարձք իցեն մեծանձնութեան։ Զի ոչ լինի արժանաւորիլ այնմ, որ վաղու ևս է՝ ի ստացութեան յառաջքան դարժանաւորիլն։ և պարզեք ընութեան յառաջենքան զատացութիւն առաքինութեանց, ևս առաւել մեծանձնութեան։ որ յառաջ ենթադրէ զատացութիւն այլ ամենայն առաքինութեանց և պսակ է նոցա։ խակ արդ եթէ առաքինութիւնն է, արժան է բարի ինչ արտաքին։ նա է ստացեալ յառաքինոյն, և սա ուստի առաքինութեան, պարտ և սպատշաճ է ասել թէ լաւագունինքան զամենայն բարիս հոգւոյ, որպիսի է մեծանձնութիւնն, վայել է՝ ի վարձ մեծագոյնն և լաւագոյնն քան զամենայն արտաքին բարիս։ և այն է Պատիւ։ Զոր օրինակ առաքինութիւնն ոչ այլ ինչ է, բայց համեստութիւն, նոյնակէս էական յատկութիւն առաքինութեան է լինել պատուաւոր։ Էւ զոր օրինակ, առաքինութիւնն է որակութիւնն ինչ աստուածային, որ առնետ զմարդ աստուածանման, որպէս ասացաւ, նոյնակէս անհնար է արժանագոյն վարձ փոխարել նմա քան զպատիւ։ զի Աստուծոյ խակ ոչ ինչ լաւքան զայն կարօղ եմք ընծայել։ Ի կորուստ մտանին ինչք 'ի պահել զկեանս։ կորնչին կեանիք 'ի պահել զպատիւ։ զի այն չոփ յետնորդ են մարմնաւոր բարիք քան զպատուաւոր բարիս, որչափ օդակար բարիք քան զմարմնաւոր բարիս։ Ապա սխալէ յուղւոյ, որ կամի ելանել 'ի տաճար՝ զպատուոյ առանց անցանելոյ ընդ առաքինութեանն շաւիլ։ զի սա գաւիթ է նորա։ Այդոնեւ արքայ Սոլոսացւոյ կամէր ամուսնացուցանել զչքնաղ զիւր դուսար և զժառանդ, այսպիսի եղեալ պայման։ զի որ անձկայ առնուլ զնա կնութեան, և յաջորդ լինել թագաւորութեանն, յաղթեացէ այլանդակ շանն որում անուն կոչեւր կերպեր 134։ Գեղեցիկ հարսն է փառք։ բայց ոչ կարողանայ առնուլ զնա կնութեան, որ ոչ յերկիր կործանետ զկերպերն բազմագլուխան զմոլութիւն։ Որ ոք զհետ պիդի լինել 'ի պատուի վասն առաքինութեանց իւրոց նախնեաց, զատար փոխատուի զփոխ պահանջէ, և իւր մոլութեամբք զփոխատուաց անուն աղջատէ։ Որ այլոց երախտեց և ոչ իւր արժանաւորութեամբ բարձրացեալ յիշխանութիւնն պահանջէ պատիւ, նման է գրաստուն որ իւր երկը պատագուս կարծէր զերկլուպագուս պատկերին իսկութեայ, որ կայր 'ի քամակ նորա 135։

Խակ արդ եթէ մեծանձնութիւնն է մեծագոյն և գերագոյն և պահծագոյն և դիւցազնագոյն 'ի մարդկային առաքինութիւնս, հարկաւ նմա վայելէ մեծն և գերագոյնն 'ի սլատիւս՝ որ ընծային մարդկան։ Ապա սուտ է ասացեալն Սենեկայ թէ Աեծանձնն է փոքր շատանալ պատուով։ Սոլութիւն է այդ փոքրութւոյն։ որոյ անդիտացեալ զիւր առաքինութիւնն, ոչ

չափէ զիւրն արժանաւորութիւն։ Կ մեհեան Հերակլեայ ոչ
մտանէին Ճանճք։ և 'ի սիրտ մեծանձին ոչ մտանեն հետա-
մտութիւնք չնշին պատուոյ, որ 'ի չնշին ժողովրդենէ։ Առիւծք
զորս ծաղկապսակ վարէին 'ի թատերական հանդէսս, բար-
կութեամբ պատառուաէին զծաղկեայ պսակսն 'ի տեսանել
զատուեր նոցա։ Խոկ զենլլք անզօրք՝ գնային իբր խայտալով
'ի զոհ ծաղկազարդ պարանոցօք և ոսկեզարդ եղջերօք։ Այս-
պիսի խաիր է ընդ մէջ փոքրոգւոյն և մեծանձին։ Նա խայտայ
ընդ դոյզն փաղաքշանս, սա մերժէ զայն և արհամարհէ։ Ապա
պատիւն է Ճշմարիտ առարկայ մեծանձնութեան։ զի այն է
Ճշմարիտ վարձ առաքինութեան։ Բայց քանզի արժանաւորն
առելոյն՝ արժանի է և նուազին, յայտ է թէ արժանաւորն
գերագոյն և իբր գիւցազնական պատուոյ 'ի մէջ մարդկան,
արժանի է և Ճոխութեան և բազում ստացուածոց, լանջա-
դեղ կամարաց և պսակաց։ զի փոքր բարիք են յաւելուածք
մեծաց, առ որս և կարդին 'ի բնէ։ Մինչև լինել մեծանձին
կամ մեծահարուստ, կամ արժանի մեծի հարստութեան։
կամ իշխան, կամ արժանի իշխանութեան։ Զի որ իշխէ բախ-
տի, գիտէ վարել 'ի պէտս զբարիս բախտի։ և որ գիտէ հրա-
մայել անձին, գիտէ հրամայել և այլոց։ Թող զի առանց իշ-
խանութեան՝ անգործ մնայ իւր մեծ խոհեմութիւն։ և առանց
Ճոխութեան անգործ մնայ իւր մեծ մեծագործութիւն։ և
այն սիրտ մեծ ոչ կարողանայ առնել ինչ գործ մեծ։

Ամենայնի այսորիկ Ճշմարիտ եղելոյ, և այն ևս է ամենայ-
նիւ Ճշմարիտ։ թէ յաչս մեծանձին ոչ ինչ է մեծ՝ բայց միայն
առաքինութիւնն։ Զի որովհետև մեծաշուք պատիւ, և գե-
րագահ իշխանութիւնք, և բազմահարուստ գանձք են արտա-
քին բարիք, և ամենայն տրտաքին իրք այնչափ ստորագոյնք
են քան զներքին առաքինութիւնս, որչափ մարդկային և ան-
ցաւոր իրք քան զանանցս և զաստուածայինս։ մեծ անձնն ա-
ռաւել համարի զիւր առաքինութիւն՝ քան զամենայն պատիւ
և քան զամենայն ինչս աշխարհի։ Խելամուտ է նա և գիտէ,
թէ պատիւն արտաքին նշան է կարծեաց օտարի, զոր չէ մարթ
գիտել։ Գիտէ թէ բարիք բախտի չեն ինչ հաստատուն քան
զանիւ բախտի։ Գիտէ թէ աւագութեանց որչափ բարձր է
գագաթն, այնչափ խոր է կործանումն։ Գիտէ թէ բարիք
մարմնոյ չեն ինչ լաւ քան զմարմինն, որ աղքատին ձորձ է
հոգւոյ։ և յիւրմէ ընդ փոյթ փտի թէ ոչ պատուով ամփո-
փի։ Վասն այսորիկ մեծանձնն այս արժանաւոր է այսց բա-
րեաց։ բայց արհամարհէ զնոսա։ Գիտէ թէ վարձք են, բայց
վարձք յոյժ ստորագոյնք քան զիւր արժանաւորութիւն։ Ի-
րաւունս համարի ունել, զի արժանի է այնց։ բայց քամահէ
զնոսա զի անարժան են նմա։ Անվայել համարի զդոյն նոցա-
բայց և ոչ մեծ ինչ գրէ զստացութիւն նոցին։ Զհուսկն ա-

սացից . այնչափ է նորա արժանաւորութիւն . մինչև չբաւել ընութեան վարձահատոյց լինել նմա . զի ոչինչ բարի է զուգահաւասար առաքինութեան : Ապայայս միտս իմանալ պարա է զայն իմաստ , թէ Առաքինութիւնն միայն է իւր ինքեան վարձ վայելչական : Ոչ զի մեծ պատիւք չեն Ճշմարիտ վարձք առաքինութեան մեծանձին , այլ զի անհնար է պատուիլ նմա՝ որչոփ է սկասուելի և իւրովի շատանայ :

Գ Լ Ո Ւ Խ Դ .

Թէ ո՞ր իցէ վախճան մեծանձին :

Մեծանձնն ոչ ըղձանայ պատուոյ մեծի վասն փառամբ ըութեան , և ոչ մերժէ զայն վասն փոքրոգութեան : Չէ փառամոլ . զի ոչ ըղձանայ՝ աւելի քան զոր վայել է նմա : Եւ փոքրոգի լինել չէ նմա հնար , զի ունի սիրտ մեծ . և ճանաչէ զայն որ վայել է նմա : Ապա ուրեմն թէ ընկալցի զպատիւ , և թէ մերժեսցէ , չունի այլ յորդոր բայց զհամեսան և զպատշաճողն . կանոն մեծ է և անյեղլի թէ համեստն ոչ վասն այլ ինչ իրաց սիրի , բայց միայն զի է համեստ : Որ սիրէ զայն յայս սակս , զի է օգտակար . կամ բերկրական , կամ փառաւոր , ոչ սիրէ զհամեստն , այլ զանձն իւր : Մեծագործն առնէ գործս մեծամեծս որք ըստ ինքեանց են գովելի . և չառնէ զնոսա 'ի լինել գովելի , այլ զի իւրում առաքինութեան այն է անկ . զոր թէ չառնէր , չար առնէր : Սոյնոկէս մեծանձնն ըղձանայ պատուոյ մեծի , ոչ զի պատուեսցի , այլ զի առաքինութիւն իւր այդպէս պահանջէ . և ըստիւտ լինէր նմա չըղձանալ այնմ : Մանաւանդ թէ արհամարհէ նա զպատիւ , որպէս ասացաւ . և վասն այսորիկ թէ ըղձանայ այնմ , իղձ իւր է չսփաւոր և անտարբեր : Ոչ կագէ ընդ այլս առ 'ի զբռամբ ածել զայն . ոչ կողոպաէ զստացիչն , զի ինքն ստասցի . ոչ անձկայ հասանել , ցոր վայր է բերումն ըղձի : Թէ մերժէ զաւադութիւնս , ոչ մերժէ զնոսա առ երկիւղի , որպէս փոքրոգին , այլ զի յանկաւոր է մերժել զնոսա : Թէ ընդունի , ոչ զհետ պնդի 'ի խնդիր նոցա , որպէս փքացեալն . այլ նոքա հետամուտ լինին 'ի խնդիր իւր , զորո և ժողովէ որպէս ազնուական իշաւորս առաւել 'ի պատուել զնոսա քան առ ընդունել 'ի նոցանէ պասիւ : Ի վիճակել վահանին Աքիլլէսի՝ դաւաճանութեամբ դատաւորաց՝ նենդաւորին Ոդիսեայ , և ոչ վեհանձին Այասայ , վահանն ինքնին 'ի լող անկեալ 'ի վերայ կոհակաց ծովու եհաս առ Այաս , թէպէտ և էրնա թաղեալ 136 : Վահանն անզգայ՝ գտաւ լաւ ևս զգայուն քան զդատաւորս .

զի 'ի խնդրել զնա անարժանին՝ ինքնին 'ի խնդիր չոքաւ արժանաւորին։ Այս ինչ Սերանոս և կինկիննատոս 137 մեկուսի յարգունեաց և 'ի հոգոց, որպէս հրաժեշտք 'ի պատուոյ, մին սերմանէր և միւսն հերկէր իւրաքանչիւր յիւրում վիճակի. հիւսպատուութիւնն մատեաւ յողոք Սերանոսի. և իշխանապետութիւնն յողոք կինկիննատոսի։ 'Աս յակօսս փոխան հնձոց՝ քաղեաց գաւազանս իշխանական, սա զփոշոտ մարմնով արկաւ քղամիդ. Թողեալ զմաճ, ընդ մէջ էած զուսեր. թողեալ զուսեր՝ դարձաւ անդրէն 'ի մաճ. Թուէր ճետէլ զյաղթութիւն, զի 'ի գլուխ տարցի զիւր արօրադրութիւն։

ԳԼՈՒԽ Ե.

Թէ որով օրինակաց գործիցէ մեծանեանն։

Աս է գերատանծ 'ի բարոյական առաքինութիւնս. բայց և կարի իմն ատելի, որոց ոչ ճանաչեն զնա։ Վասն զի որպէս նստելոյն 'ի բարձր աշատրակ՝ ամենայն մարդիկ, որք կան 'ի ստորե, երեխն մրջիւնք. նոյնպէս մեծանձնն արհամարհէ և չնչին ոք համարի զամենայն մարդ առանձնաւոր. թէպէտ և մեծատուն իցէ և ազնուական և հզօր. համարեալ զանձն այն չափ վերադոյն քան զնոսսա յաստիճանի, որչափ նոքա ստորեն քան զինքն յառաքինութեան։ Զբաղեալ է նա 'ի ներքս յինքեան. և այնպէս գոհ ընդ իւր գերազանցիկ վիճակ, որ չէ նմա փոյթ իմանալ զինչ այլք գործիցեն. և ոչ փոյթ է նմա, թէ գիտասցեն այլք զինչ գործ է նորա։ Աչ ինչ է յաչս նորա մեծ, բայց միայն առաքինութիւնք մեծամեծք, զորս անխար ճանաչէ նա յանձին. վասն որոյ և զզարմանայ ինչ ընդ այն՝ ընդ որ այլք զարմանան։ Ամին իրի ոչ գովիշ նա զոք և ոչ սլարսաւէ. զի 'ի պարսաւելի թուի զննիչ լինել գործոց օտարի. և 'ի գովելն՝ թուի թէ համարիցի զնոսա ինչ։ Եւ ևս առաւել՝ ոչ գնայ մարդահաճութեամբ. տռաւել ընտրէ յանդիմանել զոք ճշմարտութեամբ, քան հաճոյանալ նմա ստութեամբ։ Դմին իրի և չէ նմա փոյթ թէ գովեսցի 'ի նոցանէ, կամ պարսաւեսցի։ Զի ոչ համարի ինչ զգովեստ այնց զորս ինքն արհամարհէ. և չեն բաւական անարդել զնա, որք ոչն կարողանան պատուել։ Մինչ զի ներանձնացեալ յինքեան, այլ չիմանայ զշիթել լեզուաց այլոց. որպէս և ոչ կրիայ զշիթել ճանձից։ Ապա յատուկ է մեծանձին լինել արհամարհու։ Եւ վասն այսորիկ թիւրադառք զփոքրոգին համարին

պարկեցա, և զմեծանձնն գոռող. զնա առաւել սիրեն և 'ի ամանէ ակնածեն:

Այլ թէպէտ և մեծանձնն արհամարհէ զանցնիւր անհատ, բայց չարհամարհէ զբազմութիւնն. ածեալ զմտաւ, զի թէպէտ և առաքինութիւննիւր մասնաւորի կարի իմն ստորեւ իցէ .քան զիւրն, սակայն բնաւից միահաղոյն հնար է ունել զառաքինութիւն հաւասար՝ և մեծ ևս: Վասն այսորիկ'ի բազմութենէ ըստ Երիստոտելի՝ պարտ է պատկառել և երկնչել: Չիք ինչ յաշ խարհի այնպէս տկար և չնչին, որպէս շիթ մի անձրեի, բայց չիք ինչ սյնապէս բռնահոս, որպէս ամենայն շիթք միահաղոյն: Խրաքանչիւրն իւրովի է արհամարհ՝ բնաւքն միահաղոյն ըդ թումբս պատառեն, զերինս քակեն, զբազաքս ընկլուզանեն: Վասն այսորիկ իմաստնապէս ազդ արար Պերիանդր մին յեօթն իմաստամիրաց: Զդոյշ լեր 'ի բազմաց: Այս խոփիր է ընդ մէջ փոքրոդւոյն, փքացելոյն և մեծանձին: Փոքրոդին մեծ համար վի զմասնաւորս: Փքացեալն արհամարհէ զբազմութիւն: Մեծանձնն արհամարհէ զմասնաւորս, և մեծ համարի զբազմութիւն: Ապա սիրէ նա զժողովուրդն, պատուէ զատենակալս՝ զկանոնագիրս ժողովրդեան. վերապատուէ զիշխանն, յոր ամփոփի զօրութիւն ժողովրդեան և իմաստութիւն ատենակալաց: Յարդէ և զմեծանձինս իւր նմանս, միայն թէ կայցեն 'ի սահման զուգականութեան: Զի որպէս նմանութիւնն ծնանի զսէր, նոյնպէս զուգականութիւնն ծնանի զնախանձաւութիւն. որոյ լծորդեալ ընդ վեաս ինչ արկանէ նա խանձուկս, և սա բերէ ատելութիւն մահուչափ: Միհրդատ եղե օրինակ մեծանձանց՝ շքեղ առատաձեռնութեամբ, մեծադործութեամբ և մեծանձնութեամբ յազգս արևելեայց: Նովին ձրիւք էր սկզնեալ նաթան, և սա ևս հզօր և մեծադագաւոր, էին երկոքին լծորդ ամոլք արևափայլք, սիրելք և փրկարարք ամենայն Ըսից: Բայց քանզի առարկայ մեծանձանց է նոյն, այն է մեծ պատիւ, կարծեալ նաթանայ, թէ իւր պատիւ չէ մեծ՝ ցորչափ կայ ոք իւր հաւասար, խորհեցաւ խժդագարար բառնաւլ յաշխարհէ զիւր նմանն, զի իցէ մի միայն: Տես, յո՞ր փոքրոդութեան վիհ խարդաւանէ երբեմն մեծանձնութիւն: Եւ 'ի գլուխ ելանէր արդեօք խորհուրդն, եթէ նոյն ինքն Միհրդատ, որոյ գործ էր միշտ զամենեցուն հաճել զկամն, չէր քաղցրութեամբ առաջի արարեալ զիւր գլուխ, ոյր ապառումն այն էր 'ի ինդիր. զի և զթշնամոյն հաճեսցէ զմլուա: Այս գործ գեր 'ի վերոյ քան զամենայն մարդկային մեծանձնութիւն՝ այնպէս ապշեցոյց զնաթան, մինչև անկեալ յուս նորա՝ հլու լինել նմա այնուհետեւ իւրում ախոյեանին:

Յարդէ և զբարեկամն մեծանձնն, և պատուէ զնոսա՝ միայն վասն զի սիրէ, բայց սոքա լինին սակաւք, զի առաւել է սի-

թելի, որ սակաւագիւտն է. և զի 'ի սակաւս հաւաքին հանգամանք, զորս խնդրէ նա յիւր բարեկամս. այսինքն, ախորժառանց ախտաւորութեան, յարգութիւն առանց ընկճութեան, պերճաբանութիւն առանց շատիսօսութեան. հանձար զուարթամիտ, բարք քաղցունք, ազգուութիւն խոհական, դիտութիւն անկճանող. և 'ի վերայ ամենայնի, աստիճան ստորին, և առաքինութիւն անհաւասար իւրումն : Զի առ երիցագոյնս չլինի ընտանութիւն. առ հաւասարս ծնանի նախանձաւորութիւն, և թէ և բարեկամք իցեն ստորագոյնք, սէրն հաւասարէ զնոսա անկասկած : Այսպիսի էին երկու բարեկամք Օգոստոսի վեհանձինն, Մարկոս Ագրիպաս և Մեկենաս : Միայնընդ երկոսին սոսա գնայր ընտանութեամբ. երկոցուն սոցա բանայր զիւր սիրտ, երկոցուն սոցա հարցանէր խորհուրդ, և 'ի նոցանէ առնոյր խրատ . որպէս ունիմք յիշել և զինի : Զսորին հակառակն, ոխերիմ և անտանելի թշնամի մեծանձին՝ է փքացեալն, վասն լինելոյ սորա սուտ մեծանձն : Աքաղաղի տեսեալ զիւր սուտ պատկեր 'ի հայել ւոջ՝ զգրգուի և 'ի բարկութիւն բրդի, և կտցտւ և թեօք ոգորի ընդ իւրում թարմատար պատկերի : Ըստ սմին օրինակի, վասն զի փքութիւնն է սուտ ինչ պատկեր մեծանձնութեան, մեծանձնն խորշի 'ի փքացելոյն, և չարաչար հալածէ զնա խոպառ : Ոչ վայրապար ինչ ել զրոյց յառասպելս, թէ առ Դիոսի կայր միշտ Ագրաստէ ասառածուհին բարկութեան, 'ի գլխահար լինել ամբարտաւանին, որ 'ի բարձր բերի քան զարժանն : Այս միայն եղե պատճառ անհաշտ ատելութեան կատովնի առ կեսար : Փքացեալ էր կեսար, ոյլ ոչ մեծանձն . զի յափշտակէր զգերակայ սկատիւ, ում չէր արժանի : Ճըշմարիտ մեծանձն էր կատովն, զի քան զնորայն ոչ մեծ առաքինութիւն և ոչ մեծ սիրտ երևեցան յիւր հայրենիս : Ոչ այնալէս կամակար 'ի դիմի հարաւ չերակլէս չիդրայի, որպէս կատովն կեսարու : Ոչ զի 'ի բուռն արկցէ զինքնակաւլութիւնն, որում էր արժանի . այլ զի մի անարժանութեամբ փքացելոյն 'ի բուռն անկցի : Սա միայն սրտապնդեցաւ սլինդունել զհասարակաց ազատութիւնն որ կայր 'ի գայթի : Եւ եթէ ազատութեանն կամք եղեն տապալ կործանիլ, գէթ սա մեռաւ ազատ . զի ոչ ազատութեանն քան զկատովնին, և ոչ կատովնին քան զազատութեանն յերկարածգեցան աւուրք :

Յասացելոց աստի մարթ է իմաստափրել, թէ գլխաւոր առաջեդեալն մեծանձին՝ է կեալ ազատ : Դիւրին է լծորդիւ երկուց ներհականացդ՝ բոցոյ և սառին, քան երկոցուն սոցա մեծանձնութեան և ծառայութեան : Զի չէ մեծանձն որ ծառայական կապանօք սլրկի, և ոչ արժանի է պատուոյ մեծի որ 'ի ներքոյ է այլոց հրամանի : Վասն որոյ վերագոյն ասացաք, թէ մեծանձն կամ իշխան է, և կամ արժանի լինելոյ

իշխան։ Բնութիւնն արար ազատ։ բերումն բախտի արար ծառայս, բռնութիւնն արար գերիս։ Մեծանձնն ոչ կորուսանէ երբէք զբնաւոր ազատութիւնն, զի չառնէ ինչ բռնութեամբ, և ոչընկածի երբէք ընդ բախտիւ։ Իսկ զինչ իցէ ազատութիւն, բայց եթէ կարող լինել գործել ըստ կամս իւր։ և ո՞քաջ գործիցէ ըստ կամս իւր, բայց որ միաբանէ զկամս իւր ընդ բանին։ Ապա անհնար է աստուածային կամ բնական օրինաց՝ բառնալ 'ի մեծանձնէ զազատութիւն։ Զի որովհետեւ երկաքանչիւրն հիմնեալ են յուղիղ բան, և զի մեծանձնն ոչ ոյլ ինչ կամի՝ բայց զկամեցեալն ուղիղ բանին, ոչ գործէ նա բռնադատեալ յօրինաց, այլ յաղդմանէ իւրոց կամաց, որ իւր ինքեան է օրէն և օրէնսդիր։ Զնոյն ասեմ զքաղաքական և զմարդկային օրինաց։ Զի թէ օրէնն է արդար և համաձայն բանի, որպէս սղարտ իսկ է, ոչ կարէ բռնաբարել զկամս մեծանձնն, որ ոչինչ այլ կամի, բայց զկամեցեալն բանին։ Ապա եթէ օրէնն իցէ անիրաւ և անարժան առաքինոյն, ոչ ումեք առաքինուոյ արժան է կամիլ զայն, ևս առաւել մեծանձնն, որ առաքինագոյնն է քան զամենեսին։ Եւ վասն այսորիկ ոչ ինչ սպառնալիք կամ ողոքանք, ոչինչ աքսոր կամ արդելանք, ոչինչ ցաւագին կամ մահաբեր տանջանք բռնադատեն երբէք զկամս մեծանձնն 'ի կատարել զայն։ Մանուկ մի Սպարտացի՝ կալանաւորեալ 'ի նաւարտակաց՝ վաճառեցաւ 'ի ստրկանոց։ Հրամայեցաւ նմա 'ի տեառնէ իւրմէ առնել ինչ գործ ծառայական՝ անարժան իւրում աղնուութեան։ Ըմբոստացեալ չեառ համբակն յանձն լսել նմա։ Եւ յասել տեառնն։ Առնելով արացես, զի գնեցի զքեղ գերի, ետ պատասխանի։ Այժմ իսկ տեսցես, զո՞ գնեցեր քեղ գերի։ և ընկէց զինքն ընդ պատուհանն արտաքս։ առաւել ընտրեաց խորտակել զղարանոց իւր, քան խոնարհել։ Ոչինչ շղթայ կարող է կապել զսիրտ որոյ կամակար ընտրեալ իցէ մեռանիլ քան հնազանդիլ։ Այս հնար է բախտի զարս մեծամեծս և բարեբասաս 'ի ձեռս արկանել բռնայաղթ թշնամւոյ, որպէս զհուեդուզս զյաղթականն, և զվաղերիանոս զինքնակալն, և զՊերսէոս զտրքայ Մակեդոնիոյ, և զԱլիփակ արքայ Նումիդացւոց։ բայց մեծանձնն յամենայնի յայսմ վերագոյն երկի քան զբախտ։ և 'ի յաղթեալ և 'ի շղթայակապ մարմնի մնայ սիրտ նորա անյաղթ և ազատ։ Հոեգուզս յետ ափրիկեան յաղթանակի՝ կալանաւորեալ յԱփրիկեցւոց մատնութեամբ, և առաքեալ 'ի նոցանէ 'ի Հոռվմ 'ի հաստատել զհաշտութիւն, խրատ ետ հոռվմայեցւոց հանտպազրդել զպատերազմ։ Եւ գիտելով թէ վասն խրատուս մնայր նմա մահ դառնամահ, դարձաւ 'ի բանտիւր, ակնկալեալ այնմ։ Զոր և կրեաց յերկաթափուշ տապանի, անքթթական աչօք միշտ յիւր մահ հայեցեալ, և իւրոց թշնամեաց պատերազմ սպառնացեալ։ Ոչ ուրուք սիրտ եղեւ

Երբէք այնպէս ազատ, որպէս Հռեդուլոսին, որ փակեալ կայր 'ի տապանի անդ։ Զսորին հակառակն՝ Պերսէսս անկեալ 'ի ձեռս Եմիլիոսի, յոտս անկաւ նորա, գիրկս էարկ զծնդօք, լալով տղայաբար և խնդրելով ողորմութիւնն 'ի յաղթականէն, որ և երդուաւ, թէ ամաչեմ զի յաղթեցի առնն 'որ յայսպի սի վատութիւն խոնարհեալ անկանի։ Եղե նորա սիրտ փոքր ոգի, արժանաւոր շղթայի, յոր և մեռաւ։ Ապա ոչ կամի մեծանձնն ծառայել։ Յաւելում 'ի վերայ, թէ վասն նորին պատճառի ոչ սիրէ և հրամայել. զի ըստ ասելոյ Սենեկայի, Մեծ իշխանութիւնն է մեծ ինչ ծառայութիւնն . և այն պէս տաղոկալի է հրամայել անբանից, որպէս ծառայել նոցա։ Բժշկութիւնն ցորչափ հայի յընդհանուր սկզբունս, և խոր խմաստասիրութիւնն . այլ յիջանել իւրում 'ի մտսնաւոր դործս, փոխի յարուեստ։ Նոյնպէս քաղաքականութիւնն թէ զկայ առնու 'ի հանրական ծանօթութիւնս, դշոյ է դիտութեանց. բայց մասնաւոր դործք քաղաքական կառավարութեան ոչ այլ ինչ են, բայց բազմազբաղ ծառայութիւն։

Բառնալ զբեռնիրողութեանց և հոդոց, չհանդչիլ զի հանդիցեն այլք, լի ունել զականջս հասարակաց քրթմնջանօք, և զաջս առանձնաւոր նամակօք, ձեռնարկել երբեմն 'ի չաւսութեան կեղծիս, երբեմն յահարկութիւնն և երբեմն 'ի բըռնութիւնն ընդդէմ իւրոց կամաց, նկուն առնել զմշնամիս, զուսակ ունել զիւրս. գլխահար լինել չարագործաց, հեղուլ զարիւն զիւրոց որդեպէս սիրելեաց, յորժամ դթութիւնն քան զիսսառութիւնն ինսասակար իցէ, այս ամենայն է այնպիսի տարժանաւոր ծառայութիւնն, մինչեւ ինքնակալինն, որ կարի իմն անձուկ ունէր ինքնակալութեան, անիծանել զօրն յոր ձեռն էարկ ինքնակալել։ Ապա մեծանձնն ոչ սիրէ ոչ հնազանդիլ, և ոչ հրամայել, բայց միայն անձին. զի այսու օրինակաւ հրամայէ նա այնմ որ մտադիւր հնազանդի, և հնազանդի այնմ որ արժանի է հրամայելոյ նմա, մնալով ազատութեանն անկորուստ։ Վասն այսորիկ վայելէ 'ի զուարթադին առանձնութեան, ոչ իրրե զծիբերիոս, զի համարձակադոյն թարթափեացի ընդ եղեռնաւորս, այլ իրրե զկիւրոս. զի համարձակադոյն միտ դիցէ անձին, հայեցեալ ընդ սքանչելի հանդէս երկնի և մեծի մօր հասարակաց. առարկայ մեծ, և արժանաւոր մեծի մտաւորի։ Ապա չսիսալէ Արխսատէլ յամել իւրում թէ Մենացեալն կամ Աստուած ոմն է, և կամ անբան, այսինքն կամ բոլորովին է անիմաստ, որ յամենայնէ երկնչի, կամ բոլորովին մեծանձն, որ զամենայն արհամարհէ։ Եւ ոչ խռովեն զառանձնութիւննորա սիրելի բարեկամք, զի նոյն են ընդ նմա։

Ապա այս է գլխաւոր իղձ մեծանձին, պահել զիւր ազատութիւնն, յորմէ յառաջ գան իւր մեծանձնեայ բարք։ Ու

ծառայէ նա ճոխութեան, ոչ մեծ ինչ գրէ զլայնատարը կա-
լուածս, և ոչ զընդարձակ դաշտավայրս. ոչ զհոյակապ պա-
լտաս, և ոչ զպատուական կահս. ոչ զընտիր ընտիր նկարս,
և ոչ զմեծանուն քանդակս. զի ամենայն որոյ կորուստ բերէ
ցաւ, հոգովք ստացանի. և ամենայն դոյզն հոգ է ծառայու-
թիւն ինչ: Ապա ստացեալ ունի մեծանձնն զայս ամենայն
բարի, բայց ինքն ՚ի նոցանե ոչ ստացանի. զի կարեռըն այլոց
աւելորդ են նմա: Կորուստ նոցա յաչս նորա չէ ինչ ընդհատ
յունելութենէ. զի ոչ կորնչին այնմ որ ունի, այլ այնմ որ
՚ի նոսսա վայելէ: Ոչ ծառայէ նա իւրում մարմնոյ, զի համա-
րի զնա սարուկ հոգւոյ: Վասն այսորիկ պերծ է առ այլո ՚ի
սկարգես և ՚ի կոչունս. այլ առ անձն յարդար, և ոչ պՃնա-
սէր, խոշոր և ոչ փափկասէր: Գնայ ընդ մարմին իւր տնտե-
սութեամբ, որպէս վայելէ ընդ ստրկի. զի մի տկարասցի առ
՚ի չգոյէ բաւականին, և մի լըբեսցի ՚ի յափրութենէ: Ոչ ծա-
ռայէ նա իւրոց կենաց. զի ոչ կետյ ՚ի սկահել զայն, այլ առ
հասուցանել յելս պատուով մեծաւ. ոչ հայեցեալ թէ իցէ
երկար, այլ զի իցէ մեծ: Եւ զի մեծն այն անձն լի է մեծա-
մեծ առաքինութեամբ, վասն այսորիկ ոչ գնէ զկեանս զինչ
և իցէ գնոյ, և ոչ ծախէ զնա վասն զինչ և իցէ իրաց: Խտիր
է ընդ մէջ արիականին և մեծանձին, որպէս ընդ մէջ երկուց
անդամանդից՝ փոքու և մեծի: Երկաքանչիւրն են պատուա-
կան դոհարք՝ անքեկք, այլ անմիտ շռայլութիւն լինէր այն-
պէս առատաձեռն լինէլ ՚ի մեծամեծ անդամանդս, որպէս ՚ի
մանունս. զի բաղում առաւելութիւն է նոցա քան զսոցա
ըստ արժողութեան և ըստ սակաւագիւտն լինէլս: Բազմաց
հնար է լինէլ արի, բայց սակաւուց՝ մեծանձն, զի արիու-
թիւնն է մի միայն առաքինութիւն. բայց մեծանձնութիւնն
՚ի ներքս փակէ զամենայնն գերազանցօրէն: Ոչ ծառայէ նա
համբաւոյ, զի ոչ ծառայէ կարծեաց օտարի: Առաւել ար-
ժէ մի միայն ստուգութիւն ճշմարտութեան քան զանբաւ
կարծիս. և ոչ ոք կարէ ստուգութիւն ունել բարութեան
գործոյն, բայց որ առնէ զայն. զի նա միայն ճանաչէ թէ ո-
րով հոգւով առնէ: Եւ վասն այնորիկ մեծանձնն առաւել
համարի զիւր սեպհական դիտակցութիւնն քան զամենայն
մարդկան կարծիս: Հերակլէս կարդեաց զոհս առ ոչինչ գրե-
լով զպցանս պարսաւագրաց. յայտ արարեալ թէ մեծան-
ձնց պարտ է գործել զբարին, ոչ ինչ փոյթ ունելով թէ
այլք բարիս խօսիցին: Վասն այսորիկ ոչ դատէ և զայլոց
գործս. զի ոչ համարի զնոսսա արժանաւորս իւրում դատա-
տանի, և չերկնչի յայլոց դատաղութենէ, զի ոչ ուրուք դա-
տաստանի ծառայէ: Մոմոս որդի քնոյ և դիշերի՝ վստահա-
ցեալ դատողապետ լինէլ դից, ստգտանէր զնոցին գործս
թէ ընդէր ցուլն կրէ զեղջիւրս ՚ի դլուխն և ոչ ՚ի թիկունս.

զիանրդ մարդ չունի պատուհան՝ ի լանջս, առ իմէ ասլարանք Աթենասայ ոչ գնան՝ ի վերայ անուոց: Այլ զոր օրինակ զեպերանս Մոմոսի իբրև զծաղը Միմոսի խաղ առնելին դիք վերնականք, ըստ առասպելաց, և ոչ ինչ գժդմնելին, նոյնպէս մեծանձնն, որ միայն է դատաւոր իւրոց դործոց, ծաղը առնել զայսպիսի դատաւորս, իբրև զբուս և զչղջիկանս որդիս քնոյ և գիշերի: Ոչ ծառայէ նա իւրոց կրից. զի առաջնորդու թեամբ բանի, որ միշտ է նոյն, ինքն ևս հանապաղ է նոյն: Ի յաջողուածս է պարկեշտ, 'ի ձախողակս արի, յանտարբերս միօրինակ: Կեայ աներկիւդ, զի զօրաւոր է 'ի նմա բանն: Այլ թէ կամք իցեն բանին, թէ պատուհասեսցէ զոք, պատուհասէ անցասումն, յանդիմանեալ զյանցանուն, և ախտակցեալ յանցաւորին: Որպէս երկինք երբեմն փայլատակէն՝ ի պարզի, նոյնպէս և նա սուսեր շողացուցանէ խաղաղական սրտիւ: Ոչ ծառայէ նա և բախտի, որ ոչ գիտէ թէ յոր կողմն ձգեսցէ զնա: Քանզի գիտելով մեծանձին թէ չէ կարող բախտն ոչ տալ և ոչ բառնալ զիւր առաքինութիւն, որ զինչ և բարի տացէ նմա, կամ բարձցէ 'ի նմանէ, ոչինչ այլափոխի: Ի բարեբաստութիւնս չէ ինչ վստահ. 'ի ձախողութեանց ոչ ինչ խռովի: 'Նա՝ յառաջ քան զեկաւորիլ յանկարծադէսպ պատահարաց, կանխեալ սրտապնդի և քաջալանջ ելանէ ընդ առաջ. մինչև չունելով նորա ինչ անանենկալ, ոչինչ անկարծ 'ի վերայ գայ նորա: Սոկրատայ սկիզբն արարեալ իւրոց գիտնաւոր խօսից ընդ միումն յիւրոց համբակաց, ե հաս նմա յանկարծակի գուժկան թէ Սոփրոնիսկոս որդի քո մեռաւ: Յայտ է ամենայն մտաւորի, թէ բարբառ նորա և գոյն և արիւն՝ վազեցին 'ի սիրտ. և կոկծագին ցաւք թէ ոչ զկենաց՝ գէթ զիսօսից նորա կտրեցին զթել: Բայց և այնպէս Սոկրատ՝ անխռով զսկսեալ խօսն տարաւ 'ի գլուխ, և ապատէ. Օն երթիցուք տալ Սոփրոնիսկոսի զյուղարկաւորութեան պատիւ:

Յայսմ մեծէ առաջադրութենէ մեծանձին մարթիս իմանալ, քանի՞ Ճշմարիտ իցէ այն առած, թէ իմաստունն միայն է ազատ. և այլք ամենեքին ծառայ: Եւ յայսմ սկզբնէ յառաջ գան 'ի մեծանձնն յատկութիւնք ինչ, որք յաչս գռեհկաց երեխն յառաջ գալ 'ի մոլութենէ, և են հիմնեալ յառաքինութեան: 'Նախ առաջին՝ երեխն նա յամառ 'ի կարծիս վասն որոյ և անխրատ. որպէս յանդիման ցուցանէ զայս Պլուտարքոս 'ի կատովն: Զի զոր օրինակ 'ի սրտի է նա յամենայնի միօրինակ, նոյնպէս 'ի միտս է նա միշտ 'ի նոյն կարծիս: Վասն որոյ և ասի, թէ մեղք իմաստոց են մեղք հրեշտակաց: Զի զոր օրինակ կեանք մարդոյ են յաջորդական, և կեանք հրեշտակաց անհոսական, նոյնպէս մարդիկ այսօք մեղանչեն, վաղիւ զղջանան. բայց հրեշտակը յոր կամս եղեն

միանդամ, 'ի նոյն միան յաւիտեան։ Սակայն սառուգութեամբ՝ 'ի ճշմարիտ մեծանձն չիք այս մոլութիւն։ Փոքրոգին յորդորմամբ այլոց յեղամիտ է յառաջադրութեան, զի ամենեցուն հաւատայ։ Փքացեալն ոչ ումեք հաւատայ։ վասն այսորիիկ 'ի սկսանիլ զգործ ինչ անիրաւ, հաստատութիւն մտաց համարի հանապազորդել 'ի նոյն։ Բայց մեծանձնն վասն զի գործէ բանիւ, անյօղդողդ մնայ 'ի գործն, թէ ոչ ոյլ զօրագոյն բան յաղթեսցէ նմա։ Ճշմարիտ է թէ որպէս իմաստուն է նա քան զայլս, նոյնապէս դժուարին է նմա՝ զայլոց բան վերադասել քան զիւրն։ Յող զի եթէ է ինչ 'ի նմա վրիպակ գործոյ, որովհետեւ զգործովկը՝ հրեշտակաց իսկ, թող թէ մարդկան, հնար է սխալել, ոչ ոք իշխէ աղդ առնել նմա, բայց որ մտերիմ՝ բարեկամ իցէ։ որոյ խրատուց մտադիւր անսայ մեծանձնն զի բարեկամն է միւս ինքն։ և որպէս պարաւութիւն խոստովանի և կարծեաց նորա։ Օգոստոսի կայսեր հրասպարակեալ զօրէնս Յուլիոսական ընդդէմ շնացելոց, իրավեկ եղեւ թէ Յուլիա գուստը իւր էր շնացեալ։ Օրինացն որ 'ի Յուլիոսէ առեալ էր զանուն, հնար էր առնուլ զայն 'ի Յուլիայ։ Օգոստոս արտասահմանեաց զիս, և հրատարակեաց ամենայն աշխարհի զիսայ։ առաւակութիւն նորա, որ յանկեան ուրեք իւրոյ պալատի կայր ծածկեալ։ Մեղապարան աքսորեալ 'ի հօրէ աքսորեաց յիւրմէ զամօժք, և սկսաւ տռնել համարձակ, զոր դող 'ի գող գործէր առ երկիւզի։ և 'ի ծածուկ շնացեալն եղեւ յայտնի պոռնիկ։ Յայնժամ ծանեաւ Օգոստոս, բայց կարի իմն անագան, թէ յորժամ չէ հնար պատուհասել զյանցուած՝ առանց խայտառակութեան պատուհասողն, լաւ է ծածկել զայն քան յայտնել։ Վան այսորիկ բարկութեան նորա զինի եկեալ ապաշաւ, առաւել զայրագին էր 'ի վերայ իւրոց սխալանաց՝ քան դատերն։ Գուշէր 'ի ձայն բարձր։ Արդ Ճանաչեմ թէ որչափ ինչ կորուսի, 'ի կորուսանել իմում զլադրիպաս և զՄեկենաս 438։ Եւ արդարեւ եթէ կենդանի լինելին նորա, չէր սորա գործեալ զայն վրիպակ։

Միւս ևս մոլութիւն մեծ սնձին երեխ լինել ծանրութիւնն, որ մայրն է մենակեցութեան։ և արհամարհութիւնն ոչ միայն գործոց այլոց, զորս ոչ դովել արժան համարի և ոչ ուղղել, ոյլ և պատուոյ և մեծարանաց, որք ընծային նմա։ Վասն այսրիկ է զի թէպէտ մեծանձնն առնէ այլոց երախտիս, բայց ոչ ընդունի զայն յայլոց։ զի երախտիք են կապանիք հակառակովք ազատութեան, որք ոչ կարեն պարտաւորել, եթէ պարաւանդեն իբրև ստարանօք։ Եւ թէ ուրեք երբէք ընդունիցի պարդե ինչ, վաղվազակի փոխարէ մեծ ևս պարգև։ զի այսու օրինակաւ ոչ միայն լուծանի 'ի կապանաց, այլ և զկամիչ իւր կապէ։ Կա երբեմն փոխադարձուցանէ պարգևե

պարգև ընդ խաղ, 'ի զգացուցանել պարգևողին, թէ չհամարի ինչ զպարգևսն։ Մեծանձնեայ արքայն թրակացւոց կոտիւս, օտարուտոյ ումեմն որ պարգևեալ էր նմա վագր, պարգևեաց առիւծ։ Եւ քահանայապետն Առն տասներորդ, ումեմն քիմիադիտի, յորմէ ընկալեալ էր 'ի պարգև գեղեցկահիւս ինչ մատեան արուեստի ոսկէգործութեան, պարգևեաց փոխարէն քսակ դատարկ։ Եւ բանաստեղծի ումեմն, որոյ ընծայեալ էր նմա մեծ ինչ ճառսներողական, փոխատրեաց սուլ ինչ վաշ վաշ։ Չեղև այն ագահութիւն, այլ խոհական մեծանձնութիւն։ օդ ընդ օդոյ պարգևեալ։ Բայց երեւլին քան զամենայն իւր յատկութիւնս, որ առաւել ատելին է մեծամեծաց, է այն։ զի թէպէտ ինքն ըստ քաջ ըմբշամարտից ոչ արժան համարի մրցիլ ընդ տկարաց, և ըստ մեծանձին առիւծու ոչ 'ի վար արկանէ զիւր զօրութիւն ընդդէմ մանունց դազանաց, սակայն ընդ հզօր հակառակորդս խրոխտ մաքառի։ Ազեքսանդր իբրև հարցաւ 'ի հօրէ իւրմէ, եթէ ընթանամ յարշաւահանդէս Ոլիմպիական խաղուց, ետ պատասխանի։ Ընթացայց, եթէ կայցեն թագաւորք՝ ընթացակից լինել ինձ։ Մեծանձին է ցուցանել մեծ սիրտ առ մեծամեծս, յորժամ զգրդոի 'ի նոցաննէ։ և չիք տեսարան արժանագոյն աշխարհախումբ ժողովոյ և ահեղագոյն, քան յորժամ առաքինութիւն ինչ մեծ 'ի գրդիո մտաննէ։ Կամ ոչ դիմակալէ մեծանձնն, կամ դիմակալէ յամենայն սրտէ։ Ոչ կորուսաննէ զիւր դագար։ և ոչ տայ թշնամւոյ իւրում դադար։ ԶՄարկեղոսէ ասէր Անհիբաղ. Գործ է իմ ընդ առն, որ թէ յաղթէ և թէ յաղթի, չունի դադար։ Արմաւենի է նա, որ թէ ցածնու ծանրոցաւ՝ բռնագոյն ևս ամբառնայ 'ի վեր։ Սունկ է նա, որ բռնագոյն սուզեալ՝ բռնագոյն 'ի վեր ելաննէ։ Կարկին է՝ ըստ ասից մեծանձինն կարողոսի կմմանուէլի, որ որչափ Ճնշի, այնչափ տարածանի։ Զօրութիւն Հռոմուլոսի առաւելաւ կործանմամբ զօրաւորաց, որք գրգռեցին զնա։ Հակառակութիւն Ամուլիոսի արքային Ալբայեցւոց՝ եղև նորա առաջին պարծանք։ և սպարիսպք Ալբայ շինեցին զհռովմ։ Փիդենացիք, Կամերացիք և հուսկ ուրեմն Վէովացիք զգրդուելք զցասումն նորա, ոչ այլ ինչ գործեցին, բայց ընդարձակել զինքնակալութիւն Հռովմայ։ Մեծ թշնամի ունի նա, զոր մեծանձնն համարի արժանի իւրում ցասման։

Զհուսկին ասացից։ Մեծանձնն կամ իշխան է, կամ ահընկէց յիշխանս։ Զի սիրէ զժողովուրդն, և իւր մեծամեծ առաքինութիւնք առնեն զնա սիրելի ժողովրդեան։ Բայց 'ի ժողովրդական կառավարութեան սկատգամատու է նա խորհըրդականաց, և զինարան զօրաւորաց, զարդ հայրենեաց և սիրալի օտարաց։ որոց չիք ցուցանել մեծ ինչ քան զնա։ Որպէս նաւէին 'ի գնիդոս՝ տեսանել զարձանն Ափրոդիտեայ, և 'ի

Սեղեստէ՝ զարձանն Արտեմեայ, նոյնապէս նաւէին՝ ի Կողին թու տեսանել զմեծանձնն Տիմոլէոն, թէպէտ և կուրացեալ էր նա ՚ի ծերութենէ, և նստէր յիւրում աւանի որսլէս մնացուած ինչ յիշատակի իւրոց քաջութեանց կամ յիշատակ իւր ինքեան։ Անտի ՚ի մեծամեծ իրողութիւնս ՚ի վերայ ուսոց ժողովրդեան բարձեալ բերէին զնա ՚ի մեծն թատրոն՝ հարցանել ՚ի նմանէ խորհուրդ։ ուր ՚ի գովաբանել զնա ամենայն քաղաքացեաց յիշատակութեամբ իւրոց քաջութեանց՝ որ ՚ի Սիկիլիա և յԱփրիկէ, զտեղի առնոյր վայր մի լսել զիւր դումեատ և առնուլ ոգի, և ապա տայր պատասխանի, ցուցեալ յիւրում խորհրդատութեան՝ թէ յստակագոյն տեսանէին երկու աչք ուրումն կուրի, քանի զամենայն աչս իւրոց քաղաքացեաց։

ԳԼՈՒԽ Զ.

Յաղագս վիրրոզորեան և վրացման։

Փաղփիւն պատուոյ և հրապարակական իշխանութեանց երկու ազգէ ներհական գործս յայլեայլ անձինս։ Քանիզ ոմանք իբրև զթիթուունս ՚ի լոյս անդր ամոքեալք, այնչափ մերձին յայն մինչ այրիլ թեսոց նոցա, և սոքա են վրացեալքն և հսկարաք։ Ա. յլք իբրև զըլովս՝ շրտուցեալք ՚ի կարի իմն փայլմանէ անտի, փախչին թաքչին ՚ի ստուերս, և սոքա են փոքրոդիք։ Փքացեալն չունի մեծամեծ առաքինութիւնս, բայց համարի զանձն արժանի պատուոյ մեծի։ Փոքրոդին ունի առաքինութիւնն մեծ, բայց ոչ համարի զանձն ընդունակ պատուոյ մեծի։ Կա կոչի Փքացեալ, զի ունի սիրտ թափուր յառաքինութենէ, և լի հողմով սնափառութեան։ Սա կոչի փոքրոդի։ զի թէպէտ և ունի սիրտ լի առաքինութեամբք, բայց չորտապիդի երեւցուցանել զայնս ՚ի պայծառ պիտառութիւնս հասարակութեան։

Բայց ասիցես. Զեարդ լի իցէ մեծամեծ առաքինութեամբք այն՝ որ չունի քաջալէրութիւն ՚ի գործ գնել զնոսա։ կամ զի՞րդ իցէ թափուր յառաքինութեանց մեծաց այն՝ որոյ սիրտ մեծ է քան զփոքրոդւոյն։ Պատասխանեմ, մոլութիւն փոքրոդութեան ծնանի առաւել ՚ի բնաւոր իմն պակասութենէ, քան ՚ի բարոյականէ։ Զե ունելով նորամարմնաւոր ինչ խառնուած այլազդ քան զմեծանձին, որչափ մեծանձինն զերմ է սիրտ, այնչափ փոքրոդւոյն ցուրտ է սիրտ։ Եւ զի ոգին զհետ երթայ մարմնոյ, այն բնաւոր ցրտութիւնն անպարտելի երեւցուցանէ նմա զբազում գժուարութիւնս ՚ի վեհ իշխանու-

թիւնս. վասն որոյ 'ի բաց հրաժարէ յայնց և շատանայ փոքու պատուով:

Չսորին հակառակն՝ փքացեալն թէալէտ չունի բազում առաքինութիւն յանձին, և ոչ բազում խմաստ 'ի միտս, բայց ունի 'ի սրտի բազում ջերմութիւն, և աւելի ևս քան զմեծանձինն, և վասն այնը խրոխտ վսահութեամբ հետամուտ լինի փառաց և վեհ իշխանութեանց, որոց չէ ընդունակ իբրև զմեծանձնն: Այլ կրկնիցես անգրէն. Եթէ փոքրոգոյն են բազում և մեծամեծ առաքինութիւնք, հարկ է թէ իցէ 'ի նման մեծ ինչ արիութիւն. իսկ զիարդ լինիցի արի, որ այդպէս երկշոտ է: Առ այս պատասխանեմ, թէ կեանք և սկատիւ են առարկայք ամեննեին այլեայլ, զի մին է մարմնական բարի, և միւսն կարծեաց բարի: Արդ յայտ է թէ որպէս առիւծ առաւել երկնչի 'ի տկար աքաղաղէ քան 'ի դժնեայ ընձուէ, նոյնպէս սիրտ մարդոյ առաւել երկնչի 'ի միոյ առարկայէ քան յայլմէ: Փոքրոգոյն չերկնչի 'ի վտանգաց կենաց, բայց երկնչի 'ի վտանգաց պատուոյ. զի 'ի դնել զկեանս ամենայն քաջ զօրական՝ է պատրաստական. բայց ստանձնել զհրապարական իշխանութիւն այնպէս է տարժանաւոր, մինչ քաջասըրտաց ևս և գերզգոնից մատիւր 'ի վար արկանել զառաքինութիւնս իւրեանց ընդ հովանեաւ մենակեցիկ երկասիրութեանց, քան 'ի բացերեւակ լոյս քաղաքական իրողութեանց, զհետ երթեալ խմաստուն այն ասից. Սիրեալ լինել անծանօթ: Չսորին հակառակն՝ փքացեալն սրտատոչոր անձկանօք հանդիսի գովութեանց, և մեծապայծառ իշխանութեանց, յանդուդն այնց զհետ պնդի. զի չունելով հանձար՝ ոչ խմանայ զկործանմանն լտանդ:

Յասացելոց աստինախ առաջին 'ի միտ առջիր թէ փքացումն նմանագոյն է մեծանձնութեան ըստ երևութիւն, այլ աննմանագոյն ըստ էութեան. և փոքրոգութիւնն նմանագոյն է ըստ էութեան, այլ աննմանագոյն ըստ երևութիւն: Զի փքացելոյն աւելի է համարձակութիւնն քան զարժանաւորութիւն, և փոքրոգոյն աւելի է արժանաւորութիւնն քան զհամարձակութիւն: Վասն այսորիկ որպէս շռայն է կապիկ առատաձեռին, և յանդուգնն կապիկ արխականին, նոյնպէս փքացեալն է կապիկ մեծանձին: Զի սնապարձութեամբ տիսորժէ երևլով մեծանձն, որպէս զի արժանաւոր համարեսցի պատուոյ: Զի յաջուամկաց որք ըստ աչս դատեն, փքացեալն համարի մեծանձն, և պատուի, թէպէտ և է մոլի. իսկ փոքրոգոյն թէպէտ և մեծամեծ առաքինութեամբ զարդարեալ՝ ոչ այդպէս համարի, զի ոչ ձանացի: Փքացեալն կարի իմն արհամարհէ զմեծամեծս. փոքրոգոյն կարի իմն մեծ համարի զփոքունս: Նա առ հասանել իւրում դիաման՝ սպառնայ և բարկացուցանէ. սա առ ընդունել զայն խոնարհի և աղացէ: Նա առ դոյզն լինաս ձեռնարկէ

՚ի դառն վրէժինդրութիւն, սա ՚ի ներքս յինքեան տառապի և հեծէ: Նա սականէ զգործս այլոց՝ ևս և զգերապանծս: սա դովէ ևս և զմանունս: Նա տեսեալ զգործս վեհանձնեայս՝ պանծայ լու ևս առնել. սա ոչ վստահանայ զհաւասարն առնել: Նա ըղձանայ այնմ, յորմէ պարտ էր խորշիլ. սա խորշի յայնմանէ, որում պարտ էր ըղձանալ:

Ի միտ առ և զայս, թէ յերկուց աստի մոլութեանց փոքրութութեան և փբացման, դիւրագոյն հնար է շրջել յառաքինութիւն մեծանձնութեան զփոքրոգին քան զփբացեալն. թէ պէտ և փոքրոգութիւնն երեխ առաւել նախատական և ծառայական, և փբացումն առաւել պատուաւոր և տիրական: Որոյ այս է պատճառ, զի փբացելոյն պակասի էութիւն մեծանձնութեան որպէս ասացաւ, այսինքն հանձար մտաց և առաքինութիւն սրաի: Խոկ փոքրոգոյն պակասի միայն ջերմութիւն և քաջալերութիւն: Մինչև մարթիմք ասել, թէ փոքրոգին է առաքինի ոմն երկչոտ, և փբացեալն մոլի ոմն խրոխա: Ապա եթէ ցրտութիւն փոքրոգոյն ջերմասցի ՚ի բուռն ինչ կրից, կամ դրդեսցի ՚ի յորդորմանց բարեկամաց, կամ շարժեսցի յաղաճանաց հայրենեաց, կամ հարկեսցի ՚ի ստիտող ինչ առթէ. և ևս առաւել թէ օգնեսցի յիմաստուն խորհրդականաց և ՚ի ներկուռ պաշտօնեից, այն ինչ սկիզբն առնէ ճանաչել զիւր զօրութիւն և զբափ առնուլ զանձին, զիւրանան նմա դժուարինք, և ինքն վստահացեալ և բարեյոյ լեալ ՚ի փոքրոգութենէ լինի մեծանձն: Ո՞ եղեւ երկչոտ ՚ի պատուոյ քան զգաղեսոս որդի Արիստիպատոսի աղնուականի կիպրացւոյ. որոյ խորշեցեալ ՚ի լուսոյ ոչ միայն հրապարակական իրողութեանց, այլ և քաղաքային կենցաղավարութեանց, փոխանակեաց զքաղաքական և զաղնուական կեանս ՚ի ծառայական երկրագործութեան կեանս՝ ընդ իւր շինականս: Բայց ո՛ եղեւ յետ այնր քան զնա քաջակորով ՚ի սրտի, և երեւելի ՚ի գործս, ՚ի ժամանակի յորժամ սէր չքնազին և աղնուականին խփիւգենեայ յանտառի ուրեք նմա պատահելոյ՝ ձգեաց զնա անդրէն յանտառէ անտի ՚ի քաղաք. և նախանձաւորութիւն չոռդիանոսի Պատմոնդայ երաց ճանապարհ քաջութեաննորա, և երեւելի երեւելի առաքինութեանց որք ծածկեալ կային յանձն նորա: Բայց թէ փբացեալն ճըշմարտապէս լիցի մեծանձն, մեծի սքանչելեաց սկէտք են: Կահեք թէ Վեսպասիանոս ուղղեաց զոտն խեղացելոյ ուրումն չուովմայեցւոյ, այլ ուղղել զիւեղացեալ խելս անհնար թուի, թէ ոչ փոխեսցի և խելապատակն:

Ի վախճան ամենայնի իմա, թէ փոքրոգին ասղահովագոյն է քան զփբացեալն. զի չելեալ նորա կարի իմն ՚ի բարձր, ոչ կործանի կարի իմն ՚ի խոր. և առաքինութիւն նորա է իւր հաստարան, զի մի անկցի: Բայց փբացեալն ամբարձեալ ՚ի

մեծ սպատիւ, առանց հաստարանի հանձարոյ և առաքինութեան, որչափ ՚ի վեր ամբառնայ՝ այնչափ գահավէժ կործանի. և իւրով կործանմամբ կործանէ և զհասարակութիւն։ Այսպիսի օրինակաւ Փայեթոն անմիտ համբակ՝ տեսեալ զճառադայթարձակ նարօտս և զոսկեղէն կառս լուսոյ, և զականակուռ դանդանաւանդս թեաւոր երիվարացն արևու, կաթոգին ըղձանայր հեծնուլ յայն, զի կառավար երևեսցի տունջեան, և լուսատու աշխարհի։ չածեալ զմտաւ թէ ՚ի մեծէ լուսոյ անտի քանի խաւար պաշարել ունէր զինքն և զաշխարհ։

ԳԻՒՅՔ ԻՆՇԵՐԱՐԴ

ՅԵՂԱԳՍ ՊԱՐԿԵՇՏՈՒԹԵԱՆ ԵՒ ՄՈԼՈՒԹԵԱՆՑ
ՆՈՐԱ ՈՐ Ի ԾԱՅՐԱ

Գ Լ Ո Ւ Խ Ա.

Թէ զինէ իցէ պարկեշտորիւնն :

Վանքին լուար թէ որպէս չափաւորութիւն 'ի մեծամեծ ծախս է մեծագործութիւն, և 'ի միջակային ծախս է առատաձեռնութիւն. նոյնպէս չափաւորութիւն 'ի մեծամեծ պատիւս է մեծանձնութիւն, և 'ի միջակային պատիւս՝ Պարկեշտութիւն : Թէ իցէ սա ճշմարիտ առաքինութիւն բարոյական, յայտնի երևի . զի ուր գտանին ծայրք, գտանի և միջասահմանութիւն : Ապա եթէ զմիջակային պատիւս հնար է սիրել յաւէտ կամ նուազ, որք են մոլեկան ծայրք, սիրել զնոսաըստ պատշաճի՝ լինի միջասահմանութիւն առաքինական : Ապա որ ոք ունելով զմիջակային առաքինութիւն, համարի զանձն արժանի միջակային պատուոյ, է պարկեշտ : Որ ոք ունի փոքր առաքինութիւն, և համարի զանձն արժանի միջակային պատուոյ, է փառամոլ : Որ ոք ունի միջակային առաքինութիւն, և չհամարի զանձն արժանի միջակային պատուոյ, է անհոդ : Մինչև պարկեշտութեանն համեմատիլ մեծանձնութեան, փառամոլութեանն՝ փքացման, և անհոգութեանն՝ փոքրոգութեան : Եւ որչափ պանծագոյն առաքինութիւն է մեծանձնութիւնն քան զպարկեշտութիւն, այնչափ նուազ է ամօթ ծայրից պարկեշտութեան քան զմեծանձնութեան, զի ապականութիւն լաւագունին է յոռեգոյն :

Վմենայն մեծանձին հնար է լինել պարկեշտ . այլ ոչ ամենայն պարկեշտի հնար է լինել մեծանձն : Որպէս և ամենայն մեծագործի հնար է լինել առատաձեռն, բայց ոչ ամենայն առատաձեռին հնար է լինել մեծագործ : Զե որ ձեռնհաս է առաւելին՝ ձեռնհաս է և նուազին . բայց ոչ հետևի թէ որ ձեռնհաս է նուազին, ձեռնհաս իցէ և առաւելին : Ապա ու-

ըեմն եթէ մեծանձնն համարեալ զանձն արժանի մեծի պատուոյ, ոչ մերժէ վարել զմիջակային իշխանութիւն առ օդ նելոյ հայրենեաց, ոչ է այն մեծանձնութիւն, այլ պարկեշտութիւն։ Բայց որ արժանաւոր գոլով մեծի պատուոյ՝ միջակայնով շատանայ, զի ոչ ճանաչէ զիւր արժանաւորութիւն, ոչ պարկեշտ է և ոչ մեծանձն, այլ փոքրոգի։ Թէ սկզբ և 'ի աղետ ռամկոց համարի պարկեշտ։ զի բազում մուլութիւնք ներքոյ են աղեղ, և արտաքոյ գեղեցիկ, և ժողովուրդն դատէ, որսկէս և տեսանէ։

ԳԼՈՒԽ Բ.

**Որո՞յ օրինակաւ և առ ինչ վախճան գործիցէ
պարկեշտն :**

Պարկեշտն ամփոփ պարուրի յիւրում սահմանի, և ոչ տարածէ զթևս արտաքոյ քան զիւրն բոյն։ Ոչ ամենեքին բնաւորեալ են առ մեծ պատիւ, և ոչ 'ի կամն է իւրաքանչիւրոց արժանաւորիլ այնմ։ 'Նա՝ բազմաց գժուարագոյն է արժանաւորիլն քան զհասանելն։ Ի սերմանց ոմանք սիրեն զբլուրս, և ոմանք զդաշասվայրս, յորս բուսանն։ և որ փոխէ զաեզի սերմանց, կորուսանէ զալտուղն և զմշակութիւն։ Բազումք են մտաւորք 'ի միջակային իշխանութիւնն։ ամբարձեալք 'ի գերամբարձմ՝ լինին այսին կատականաց։ Ի հարկանել կայծական զգլուխ մեծի պատկերին Աթենասայ ՅԱթէնս, յանձն Եղենախանձաւորութեան երկուց անուանի քանդակագործաց Փիդեայ և Աղկամենեայ՝ ձեռնարկ նորոգութեան նորա։ Երկաքանչիւր մի քան զմի ճգամք՝ արկին ձեռն 'ի գործ։ Երկաքանչիւրն հանին 'ի հրապարակ զիւրեանց երկս։ Գլուխն արարեալ 'ի Փիդեայ էր այսպէս անհեթեթ, մինչև երկիլ գունտ ինչ խորտաքորտ։ իսկ զոր արարն Աղկամենէս էր այնպէս արուեստակեալ, մինչ ոչ գոյր տեսանել քերուք ինչ քան զայն։ Ասլա զսորայս գրուատեալ գատաւորաց բազում գովութեամբ, այսպանէին առ հասարակ զՓիդեայն։ որոյ այսպանէալ զայսպանիչսիւր, ասէ։ Մի գատէք գատաստան ոչ զմիոյ և ոչ զմիւսոյ։ մինչև զետեղեսցին երկաքանչիւրն 'ի բուն տեղի։ Երեւ եղին 'ի վերայ իրանաց բարձու դրօշուածոյն զգլուխն, զոր Աղկամենեայ էր արուեստակեալ, թուեցաւ գունտ ինչ անկերպարան։ այլ իբրև եղին զմիւսն որ երեւէր ուրուական իմն, այնպէս գտաւ համեմատ, որ ոչինչ քան զայն կատարեալ եղեւ երբէք հանձարել արուեստի։ Եւ չեն ինչ զարմանք, զի մին գործեցաւ գալ 'ի տեսութիւն 'ի բարձուէ, և միւսն 'ի

ստորէ : Զմտաւ էած իմաստուն քանդակադործն Փիդիաս , թէ բարձրութիւնն փոխէ զհամեմատութիւնս և զերևոյթս . և վասն այսորիկ յիւրումն՝ աչք , ականջք , ոնդունք , և ծընօռք , որք թուելին այտուցք և փորոքք դիակուածոյք , 'ի բարձրադիակի անդ դային յանվրէալ չափակցութիւն : Իսկ 'ի միւսն մանրութիւն ձնոց 'ի կարի իմն հեռաւորութենէ խառնեալ շփոթեցաւ :

Են ոքք բնաւորեալ ե՞ն առ միջակային տւագութիւնս իշխանականս կամ զինուորականս . և այսպիսեաց ոչինչ այնալէս է վտանգաւոր , որսլէս ամբառնալ 'ի գերաբարձր աւագութիւնս : Սյս ոք լինի քաջ խորհրդական , այլ ոչ գլուխ խորհրդականաց . և այն ոք լինի քաջ հազարապետ , այլ ոչ քաջ լինքնակալ : Գլուխն չէ համեմատ այդչափ բարձրութեան : Գաղբա 'ի մասնաւոր հրամանատարութիւնս համարեցաւ գերիմասա . յինքնակալութեան ամենելին անմտացաւ : Զորին հակառակն՝ Տիտոս 'ի ցածութեան պնասակար յայտնեցաւ հասարակապետութեան . ամբարձեալ 'ի գերագահ իշխանութիւն՝ թուեցաւ առաքեալ յերկնից : 'Նա թուեր արժանի թագաւորելոյ , եթէ չէր թագաւորեալ : Սա ոչ համարեցաւ արժանի թագաւորութեան , բայց յորժամ թագաւորեաց : Զի 'նա զօրութիւն ունելով չափաւոր , ոչ կարողանայր տոկալ ծանր բեռին . և սա սիրտ ունելով վսեմական , ոչ հանդուրժեր անձուկ բախտի : Վասն այսորիկ 'նա հասարակաց խնդութեամբ սպանաւ : Սա հասարակաց երկիւղիւ լինքն էառ զինքնակալութիւն , և հասարակաց ցաւովք եթող զայն : Երկաքանչիւրն թագաւորեցին սակաւ : 'Նա առ գթութեան երկնից , որում ոչ եղեն կամք թէ հասարակաց չարիք յերկարեսցին : Սա 'ի նախանձուէ օրհասին , որ ոչ հանդուրժէ աստ 'ի ստորինս յերկարաձգելոյ մեծի երջանկութեան :

Ապա ուրեմն եթէ դժուարին է ումեք լինել մեծանձն , այն պիտոյն մեծ քաջալերութիւն լինի առ միջակային ինչ առաքինութիւն՝ պարկեշտութիւնն . որսլէս մեծ փառս ստանայնա , որ ոչ բաւեալ լինել մեծագործ՝ լինի առատաձեռն : Նա որպէս յաջս ժողովրդեան առաւել հաճոյ է առատաձեռնն քան զմեծագործն . զի մեծագործութիւնն ծնանի զզարմացումն , և առատաձեռնութիւնն զսէր , նոյնապէս պարկեշտութիւնն առաւել է հաճոյական քան զմեծանձնութիւնն . զի մեծանձնն արհամարհէ զամենեսին բաց յանձնէ . պարկեշտն տանի հաւասարութեան բազմաց , և առ ամենեսին է քաղցր : Վասն որոյ մեծանձնն է առաւել զարմանալի . պարկեշտն առաւել սիրելի : Ապա գոհ է պարկեշտն ընդ միջակային սպատիւ . ոչ առ երկիւղի անկման որսլէս փոքրոգին , այլ վասն զի համեստ իմն է և վայելչական , թէ պատիւն համաչափ իցէ իւրում արժանաւորութեան , և արժանաւորութիւնն առա-

Քինութեան : Ի դնել առաջի նորա գաւաղան իշխանութեան և խոյր , ասէ համարձակ . Աչ է այդ վասն իմ . կարի իմն է այդ . ոչ ցայդ վայր հասանէ իմ արժանաւորութիւն . ինդրեցէք զայլս՝ որ արժանաւորագոյն իցեն : Աչ ինչ դիւցազնական առաքինութիւն արժանացաւ այնչափ գովեստի , որչափ այս հրաժեշտ :

Զոր ասացաքս զպարկեշտութենէ , շատ լիցի : Զի զամենայն զայլ հանդամանս՝ ամենայն մտաւորի դիւրին է յանկել յիւր վերայ յամենայնէ՝ զոր ասացաք զմեծանձնութեան և զծայրից նորա , պահեալ զհամեմատական կանոնս ընդ յաւէտ և ընդ նուազ :

ԳԼՈՒԽ Գ.

Յաղագս քրիստոնեական խոնարհութեան :

Սա է առաքինութիւն աւետարանական . որում հնար է կալ ընդ բարոյական պարկեշտութեան և մեծանձնութեան . զի թէ մեծ առաքինութիւն ունիցի ոք , և թէ միջակային , հնար է նմա լինել խոնարհ ըստ համեմատութեան : Ստոյգիմն է թէ ընդ մեծանձնութեան առաւել ևս փայլէ պայծառ . զի որչափ մեծ է արժանաւորութիւնն , այնչափ առաւել գժուարին լինի խոնարհութիւնն : Բայց նմանագոյն է նա պարկեշտութեան , զի փախչի ՚ի մեծամեծ պատուոյ : Կա առարտաքին իմաստասէրս , առաւել նման էր նա մոլեկան անհոգութեան , քան առաքինական պարկեշտութեան . զի ունելով արժանաւորութիւն ոչ ինչ փոյթ է նմա զպատուոյ , իբրև զանհոգ ոմն կամ փոքրոգի : Բայց բազում ինչ ընդ մեջ է խոնարհի և փոքրոգւոյ : Փոքրոգին փախչի ՚ի պատուոյ , զի ոչ ճանաչէ զիւր առաքինութիւն : Խոնարհն ճանաչէ զիւր առաքինութիւն . բայց և այնպէս փախչի ՚ի պատուոյ , զի ճանաչէ յանձին որ ինչ է իւր , և որ ինչ ոչն է իւր : Զէ նա որպէս զիւլուրդս , որք ոչ ունին աչս ճանաչել զանձինս . այլ է իբրև զերկնային թռչունս Եզեկիելի . որք հանդոյն Արդոսի ունէին հարիւր աչս , ծածկեալս ընդ փեարօք , առ հասարակ դարձուցեալս ՚ի հայել ՚ի ներքս յինքեանս 139 :

Ապա ճանաչէ խոնարհն զիւր կատարելութիւնս . բայց ճանաչէ և զանկատարութիւնս : Գիտէ թէ որչափ ինչ կատարելութիւն է յինքեան , ամենայնն է յԱստուծոյ , և վասն այնորիկ ոչ պարծի : Եւ որչափ ինչ անկատարութիւն , ամենայնն է յիւրմէ . և խոնարհի և ամաչէ : Գիտէ , թէ որդին Աստուծոյ եղեւ ուստուցիչ առաքինութեանս . վասն զի քաջածանօթ լւալ

նորա՝ զինչ աստուածային էր 'ի նմա և զինչ մարդկային 'ի միում անձին, վասն մարդկայնոյն խոնարհէր զանձն հօր, ում ըստ աստուածայնոյն էր հաւասար: Գիտէ թէ այսուիկ օրինակաւ նոյն ինքն որդին Աստուծոյ ուսոյց մարդկան, ևս և գերակայից խոնարհէլ ստորագունից, թող թէ հաւասարից. հայեցեալ իւրաքանչիւրումն՝ զինչ պակասութիւնք են յինքեան, և բաղդատեալ ամենայնի՝ զոր ճանաչէ յայլս լինել յԱստուծոյ: Եւ գիտէ թէ որպէս որդին Աստուծոյ որշափ խոնարհեցոյց զանձն Աստուծոյ, այնչափ բարձրացոյց զնա Աստուած, նոյնպէս խոստացաւ խոնարհի՝ այնչափ բարձրացուցանել զնա յերկինս, որշափ խոնարհի նա յերկրի:

Յասացելոց աստի ունիս քաղել թէ խոնարհութիւն է յոյժ առաւել մեծ անձնեայ քան զբարոյական մեծ անձնութիւն. զի սա վերագոյն առնէ զմարդ քան զայլ մարդիկ, այլ նա առնէ զնա նման Քրիստոսի: Թող զի մեծանձնն արհամարհէ զփոքք պատիւ. զի անձկայ մեծ ևս պատուոյ աւ մարդիկ, բայց խոնարհն արհամարհէ զամենայն պատիւ երկրաւոր՝ զի անձկայ երկնայնոյն, և սա է մեծանձնեայ խոնարհութիւն: Էակ եթէ ստիպի խոնարհն ընդունել զաւագութիւնս՝ որոց է արժանի և յորոց խորշի, առնու զայն յանձն արիաբար և շքով: Եւ թէպէտ ոչ մեծ ինչ համարի զանձն, բայց և այնպէս կամի, զի վերագունութիւն իւր մեծ համարեսցի. և առաւել նախանձախնդիր է արժանապարտ պատուոյ քան զամենայն մեծանձն: Զոր օրինակ պատկեր Աստուծոյ երկրպագի, ոչ որպէս պաստառ ինչ նկարեալ. այլ որպէս կենդանագիր երեցուցիչ Աստուծոյ, նոյնպէս առաջնորդ ոք ամենեին խոնարհ՝ կամի զի աւագութիւն իւր 'ի ստորագունից պատուեսցի, ոչ որպէս զարդ իւրոյ անձին, այլ որպէս պատկեր աստուածային հեղինակութեան, որ բացափայլէ 'ի նմա: Զհուսկն ասացից: Եթէ Արիստոտէլի ծանուցեալ էր Քրիստոնէական խոնարհութիւն, ասէր արգեօք անտարակոյս, թէ Մեծ է մեծ անձնութիւն քան զամենայն բարոյական առաքինութիւն. բայց խոնարհութիւնն մեծ է քան զնոյն ինքն զմեծանձնութիւն:

ԳՐԻՎԻ ՏԵՍՈՒՅԹԻՐԴԻ

ՅԱՀԱԳՄ ՀԵԶՈՒԹԵԱՆ ԵՒ ԻՒՐՈՅ ՄՈԼՈՒԹԵԱՆՑ
ՈՐ Ի ԾԱՅՐԱ

Գ Լ Ո Ւ Խ Ա .

Թէ զինչ իցէ հեղուրիւնն :

Խ սա առաքինութիւն ցածուցիչ բարկութեան գրգռելոյ յանիրաւ իմն մնասուէ 'ի վրէժինդրութիւն : Մինչ զի չորք էական պարագայք ընթացակցին 'ի հեղութեան . Ըմբռնումն անիրաւութեան . Ցասումն գրգռեալ, Բաղձանք վրէժինդրութեան և Ցածուցումն ցասման և վրէժինդրութեան : Ապա չէ հեղ, որ որպէս փայտեղէն ինչ արձան չզգայ զանիրաւութիւնն, և չզայրանայ . և ոչ այն որ իբրև զգազան՝ անդէն իսկ 'ի զգալ զանիրաւութիւնն . յափշտակի 'ի բարկութենէ առաւել քան զարժանն : Երկաքանչիւրն են մոլեկան ծայրք . մին կոչի անզգայութիւնն, և միւսն բարկութիւնն : Կա անցանէ ըստ չափ 'ի նուազն, սա յառաւելն . նա է ջուր, և սա հուր : Ապա հեղն է որպէս զԴեղազոս 440, որ յանցանելն ընդ ջուր և ընդ հուր անսոյզ և անկէզ, զգայ զանիրաւութիւնն որչափ արժան է, և զայրանայ որչափ վայել է : Թուիցի քեզ թերես, թէ հեղութիւնդ անուն զկէսն միայն յայտ առնէ զառաքինութեանս, զմիւս կէսն լուելեայն ծածկեալ : Զի երկեակ գոլով նորա գործ, մի՛ չզայրանալ արտաքոյ բանի, և երկրորդ զայրանալ ըստ պահանջել բանի . որ սակէն հեղութիւն, թուի թէ յայտ առնէ միայն զզայրանալն . և ստղիւտ արկանէ այնմ՝ որ զայրանայ ըստ բանի : Բայց և այնպէս բարւոք թուեցաւ մեծամեծ խմաստասիրաց առնուլ զանուն յայնմ մասնէ, որ է գժուարագոյն, որով և պահնծագոյն, այսինքն է 'ի չզայրանաւոյ : Որպէս և արիութիւնն թէ պէտ և նշանակէ միջաստահման ինչ ընդ մէջ երկնչելոյ 'ի վտանգից և չերկնչելոյ, բայց էառ զանուն 'ի գժուարագոյն մասնէ, այսինքն 'ի չերկնչելոյ՝ քան յերկնչելոյ : Բայց չէ ինչ փոյթ զհնչմանէ անուան . միայն թէ սահմանն իցէ ծանու-

ցեալ։ Զե սահմանք հիմնեալ են յանայլայլակ էութիւն ի-
րաց . և անուանք յայլ և այլ հաճոյս անուանադրաց : Արդ
առ ուսուցանելոյ զայս առաքինութիւն , կալցուք ոճ այլազգ-
քան զնախագրելոցդ : Զե յայլս քննեցաք զառաքինութիւնն
յառաջ քան զմոլութիւնս , որ 'ի ծայրս . այլ արդ քննես-
ցուք զմոլութիւնս որ 'ի ծայրս՝ յառաջ քան զառաքինու-
թիւնն . զի այնք են առաւել զգալիք և տկներեք . սա առա-
ւել վերացեալ և ծածկեալ :

ԳԼՈՒԽ Բ.

Յաղագս բարկութեան :

Զբարկութիւն մարթ է մասածել երկակի . բարոյապէս և
ֆիզիգապէս : Ըստ բարոյական գոլոյ , է նա մոլութիւն առա-
ւելեալ 'ի ցատման յրղձի վրէժինդրութեան վասն ընկալեալ
անիրաւութեանց : Ուր ծանիր զի բուն ցասումն է բնաւոր
կիրք , և բարկութիւնն է մոլեկան ունակութիւն այնորիկ , ո-
րոյ գիւրավառ լեալ 'ի ցասումն կոչի բարկացող : Բայց յոլո-
վակի ցասումն կոչի ոչ միայն կիրքն , այլև նոյն իսկ զայրա-
ցումն : Վասն զի որպէս ամենայն մարդ բնաւորապէս սիրէ
զինքն և զիւրսն , նոյնալէս այն ամենայն որ վնասէ մարմնոյ ,
որպէս հարուածք և խոցուածք , և այն ամենայն որ վնաս հա-
սուցանէ համբաւոյ , որպէս անհծք և արհամարհանք , և այն
ամենայն որ վնաս առնէ ընչից , որպէս գողութիւնք և յա-
փըշտակութիւնք , և այն ամենայն որ խոչ է հաճոյական կա-
մաց . որպէս խնուլ զազրիւր սկասքելոյն , առնուլ զքուեայս
խաղացողին , տռհասարակ են առարկայք՝ որք առաջարկեալք
յերեակայութենէ որպէս անիրաւք , զարթուցանեն զցասումն
'ի վրէժինդրութիւն : Բայց ըստ ֆիզիգական գոլոյ , ցասումն
է բոց ինչ յերեակայեալ առարկայէ յանկարծակի իմն վա-
ռեալ զարտիւ . որ եռացուցանէ զարիւն , և զգալի ցնցմամբ
ձգեալ զսիրան ընդդէմ վնասակարին շարժէ զարտաքին կա-
րողութիւնս 'ի վրէժինդրութիւն : Երանի այս բնաւոր գործ՝
որպէս ասասցուք 'ի ճառս կրից . յամենայն կատարեալ կեն-
դանիս , որոց իւրաքանչիւր ընդ զգալն զնաս՝ վառի բոցովս .
հրանան նորա աչք , ցցուին հերք , խիզախէ բարբառ , և մեր-
կեալ 'ի պատենից զբնատուր զէնս՝ բուռն 'ի վերայ յարձակի
վնասակարին : Եւ զի 'ի բնաւոր յարձակմունս մարդ չէ ինչ
ընդհատ յանամնոց , ևս և 'ի սիրտ մարդոյ զայրացելոյ վառի
այս հուր : Ուստի սաստիկ բարկութիւնն յիրաւի կոչեցաւ
բորբոքումն իւրի զշանթի երկաթոյ : 'Աա' վասն զի դիմամար-

տութեամբ ջերմութիւնն ամփոփ ժողովեալ ցրտացուցանէ զորս շուրջն կան, վասն այսորիկ տեսանես 'ի ցասուցեալն մրցումն ինչ որակութեանց, և շարժմունս ներհականս, վտուումն և սառոյց: Վառի սիրտն 'ի ներքին բոցոյ, և դիզանան հերք 'ի պաղելոյ մորթոյն: Դէմք է զի շառագունին, և է զի դալկանան. խառնին ձիւնաբերք Կովկասու ընդբոց Եանայի: Սորեն ազք ջուր և հուր. փայլատակեալ 'ի կտաւալութենէ և արտասուեալ 'ի ցաւոց: Ծուխ արձակեն ռնդունք և դողդոջեն շրթունք. բոցավառին կուրծք և սառնանան զրոյցք. յանձին զգայ միանդամայն ցաւագին ինչ ուրտիսութիւն, և ուրախաւետ ցաւ, մաքառելով քինու մնանուն ընդ յուսոյ վրէժինդրութեան: Եւ այնպէս լինի մարդ ճիւազ ինչ խառնեալ յամենայն գազանաց: Բառաչէ որպէս ցուլ, մռնչէ որպէս առիւծ, շչէ որպէս վիշապ, խածանէ որպէս շուն, ճիրան արձակէ որպէս արջ. զոտս զգետնի հարկանէ, երկնի սպառնայ. յառաջ քան զթշնամին գանել՝ զանձն չարաթոպ կոշկոճէ: Յորմէ մարթիս իմանալ քանի իցէ տգեղութիւն այնպիսի ոգւոյ, որ այսպէս չարաչար զմարմինն այլանդակէ: Վասն այսորիկ Պղատոն խրատէ զմարդ բարկացեալ՝ հայել ընդ հայելի: Զի զոր օրինակ ըստ առասպելարկուաց Աթենաս 'ի հարկանել զարինդ առ աղբեր, տեսեալ 'ի ջուրս անդ զծնօտս իւր այտուցեալ և զդէմս այլանդակեալ, զահի հարաւ յիւրմէ. և ընկէց զարինդն 'ի բացնոյնպէս բարկացեալն հայեցեալ յիւր պատկեր, գարշեսցի 'ի ցասմանէ իւրմէ և սասանեսցի յիւրմէ:

Արդ այս բոց դիւրագոյն վառի 'ի ջերմագոյն խառնուածս՝ իբրև 'ի նիւթ պատրաստագոյն առ ընդունելութիւն և մնունդնորա: Առ յարուցանելոյ մեծ ինչ հրդեհ՝ չէ ինչ փոյթ որչափ ինչ իցէ լուցկին, այլ թէ ուր անկանի: Վտանգաւորագոյն է կայծ մի անկեալ 'ի վերայ վշոյ, քան բոց ինչ մեծ 'ի վերայ երկանաքարի: Բայց ըստ այլ հայեցուածոյ՝ առաւել սուր է բարկութիւնն, ուր նուազ է զօրութիւն. զի 'ի պակասել ուժոյ յորդէ յօժարութիւն: Որպէս առաւել անկատար և անզօր կենդանեաց՝ իժից, կարճաց, սարդից և պիծակաց բնութիւնն ետ առաւել պատրաստական և թունաւոր զէնս 'ի վրէժինդրութիւնն, նոյնպէս բարկութիւնն 'ի տկարս է առաւել կորովի, 'ի ծերս աշխոյժ, 'ի կանայս առնացի. վասն որոյ և ասացաւ, թէ Ամենայն փոքրիկ ճանճ ունի զիւր մաղձ:

Սա է ճշգրիտ բարկութիւնն, զորմէ ցայսվայր եղեն բանք, ուժգնայարձակ և յայտնի, վասն որոյ և նուազ մոլեկան. զի կարի իմն եռայ, բազումս սպառնայ և անդէն շիջանի: Յորմէ իմաստնապէս էոչեցաւ անմտութիւն սուղ, սրտմասութիւն հարեանցեալ, արբեցութիւն ոգւոյ, բռնութիւն առօրեայ,

վասն որոյ և կտրժատեն. զի որ ինչ է բռնական, չէ տեսկան:

Բայց միւս ևս աստիճանն ցաման ևս մոլեկան՝ գաղանական և անդժական՝ առաջի առնէ մեղ Արխատոտէլ, կոչեալ զայն ցասումն դժուարին և սեամաղձային: Զի առաջինն է հաստատեալ յարեան, որ վազ եռայ, և վաղ եղկանայ. բայց սա բնակէ 'ի սեամաղձն, որ հիւթ գոլով ցրաագին և մածուցիկ, դժուարաւ մարսի կամ լուծանի. և որչափ չերեկի, այնչափ առաւել ինասէ: Սմին իրի զոր օրինակ երկաքանչիւրոցն այլ և այլ են պատճառք, նոյնպէս այլ և այլ են հանգամանք և տխուր գործք: Կա հուր ծաւալէ յերեսս, և սա ծուխ: Կա արիւն է եռանդուն, և սա խանձող ծածկեալ 'ի գաղախի. վասն այսորիկ ունակացեալն 'ի բարկութիւն՝ է արիւնըռուշտ, և դժուարաշարժն՝ սեամաղձային, և գոյնն ցուցանէ զնոցին բարս: Յայս սակս նա խուճապի 'ի խորհուրդու, և բուռն բերմամբ յառաջ գործէ և ապա խորհի. սա հանդարտ սրտիւ անխուճապ խորհի ընդ միտս, և հնարս ընտրէ խժդժականս, և 'ի կամն մվասողութեան յաւելու արուեստս: Կա բանիւք և գործովք յայանէ զսիրան, և որոտայ զսպառնալիս, մինչեւ է արձակեալ զշանթ սուսերի, և յոլովակի լուծանի 'ի մնոտի փայլակն, բայց սա նենդամիտ անամբոխութեամբ մրրիկ պատրաստեալ, լուելեայն կեղծեօք պարապ յարդարէ, և յանկարծ դարանաւ. 'ի վերայ հասանէ չզգուշացելոյն: Կա իբրև զապուլեանն սարդ 141, աւագ հնչմամբ բարեյորդոր բարեկամաց մեղմէ զիւր թոյն. սա որպէս իժ խուլ՝ յոչինչ երդոյ փրկաւէտ ազդարարութեանց թովի: Կա իբրև զտիտեռն յետ գործոյն ստրջանայ, և անսպան լալեօք զիկրսն լուանայ. սա իբրև զկատազի վագր՝ զկենդանին դիշատէ, և 'ի շաղիշ անդր թափէ զցասումն: Կա որպէս մասնաւոր ինչ ախտ հարկանէ զմի միայն սնիհատ, և 'ի բարկացուցէ իւրմէ խնդրէ առնուլ վրէժ. սա հալածէ զամենայն զզարմ և զտմենայն զազդն. և 'ի բարկացուցանէլ զնա միոյ ուրուք՝ թշնամանայ ամենայն ազգի մարդկան: Երկաքանչիւրն խափանեն զքուն, և խոռովեն զհանդիստ. բայց նա յապաժոյժ ըղձէ վսէժինդրութեան, և սա 'ի խոր մատածութենէ մեքենայից վրէժ խնդրելոյ: Բայց յոլովակի փոխարկեալ միոյն 'ի միւս՝ լինի չար ևս քան զորէրն. զի հնացեալ բարկութիւնն փոխի 'ի յամառ ատելութիւն. և ատելութիւնն բորբոքեալ փոխի 'ի կատաղութիւն:

ԳԼՈՒԽ Գ.

Թէ որո՞վ օրինակաւ գործիցէ բարկացողն :

Ապաքէն լուար թէ որ իցեն խառնուածք, առարկայք և տարբերութիւնք բարկութեան . մնայ մեզ խօսել, թէ որո՞վ օրինակաւ անցանիցէ նա ըստ չափ, և թափիցէ զիւր թոյն : Չափազանցութիւն բարկութեան հաստատեալ է 'ի բարկանալ վասն պատճառաց, որոց վասն չպիտի . և ընդդէմ այնմ, որում չպիտի, և աւելի քան զոր պիտի :

Ճշմարիտ և բուն պատճառ բարկութեան է Վրհամարհութիւնն : Խօսիմ՝ զբարկութենէ մարդկան, և ոչ զբուռն բերմանէ անասնոց : Զգայ ամենայն մարդ, թէպէտե ցածուն, կարի իմն իղձ գերազանցութեան յիւրում կոպարի . որում ուղղակի ընդդէմ դնի անարգումն . և սա է Ճշմարիտ նախատինքն, որ վառէ զբարկութիւն : Ամենայն վասս պատճառէ զցաւ, բայց ոչ ամենայն ցաւ պատճառէ զբարկութիւն, եթէ ընդունող վասուն ոչ ըմբռնէ զւար սիրոյ իւրոյ վասակարին . առանց որոյ վասն, թէպէտե է վասաող, այլ ոչ նախատադիր : Բայց 'ի չար սիրան ազգողագոյն ըմբռնի արհամարհութիւնն քան զվասան : Տեսեալ Աքիլեսի 442 զիսոյանալ արքային Ագամեմնոնի առ իւր Բրիսէյա, բորբոքեցաւ անշէջ բարկութեամբ . զի չհայէր նա յայն զի զրկեցաւ յիւրմէ սիրելոյ, այլ յայն զի անարգեցաւ յարքայէ : Ասէ . Համարեցաւ զիս իբրև զընչին ոք 'ի մարդկանէ . եզերծ յինէն՝ որ ինչ իմ էր, իբրև յանարդ գիւղականէ, 'ի չքոտոյ և 'ի գերւոյ : Իսկ գալահք որք ընդունակ են ցաւոց, և ոչ պատուոյ, վասն զի զգան զվասան, այլ ոչ ճանաչեն զնախատինսն, բորբոքին ցասմամբ, այլ ոչ Ճշմարիտ բարկութեամբ : Վասն այսորիկ յազդի մարդկան, առ որս տանիլ ցաւոց՝ է արիութիւն, այլ համբերել արհամարհանաց է անարգութիւն, ամենայն մեծի նախատանաց գեղ է խոնարհական ստորանկութիւն այնմիկ որ արարն . զի թուի գալ 'ի զուգակշռութիւն, եթէ փոխատրի բարկացելոյն այնչափ յարդ և մեծարանք, որչափ բարձին 'ի նմանէ արհամարհանք : Ասկա հնար է ումեք ընդունել վասս, այլ ոչ նախատինս . կամ ընդունել նախատինս, այլ ոչ երևելի : Դէպէ ինչ իցեն, այլ ոչ մտադրութիւն . մտադրութիւն իցէ, այլ ոչ չարութիւն . ընդ խաղ ինչ իցէ, այլ ոչ արհամարհութիւն : Երևակայութիւնն զհետ երթայ կրից, և կիբք գործեն ըստ կորնթարդ տկնոցի . որոյ ընդարձակեալ զտեսութիւն մանը առարկայից՝ զլուն երևեցուցանէ փիղ : Այսպէս

բարկացողն սաստիկ ունելով երեակայութիւն, մեծացուցանէ զվրիպակն, զի երեակայէ: Ամենայն փոքր վաս երևի նմա մեծ նախատինք, և կռուոյ արժան համարի զարժանին ծաղու:

Թաղէս մեծ փիլիսոփայ, բայց և մեծ բարկացող, յերթալն ասողագիտակ գործեաւ դիտել զաստեղս՝ անկաւ՝ ի խորխորաց: Ազախինն զուարթաբարոյ և ծաղրտսէր ժաղտեալ առ փոքր մի, յօդնելն նմա առ ելանել՝ ի խորխորատէ ասէ. կամիս դիտել զորս՝ ի բարձունս. և ոչ դիտես զորս առ ոտս կան: Կարող էր տալ պատասխանի. կարի իսկ քաջ. զի աչս ունիմ՝ ի դլուխ, և ոչ յոտս: Բայց զի էր բարկացող, այն եղեւ նորապատասխանի, զի ընդ ելանելն՝ ի խորխորատէ՝ բռնցի և աքացի և կարօնաւ ուռււոյ ոզբածեծ արարեալ զողորմելին, կեսամեռ ընկէց՝ ի խորխորատ անդր, ուր ինքեան արժան էր մնալ: Եւ զինչ զարմանք են թէ Տիբերիոս՝ որ չէր փիլիսոփայ, այլ բռնաւոր, հարցեալ ցմեծ հռեաորն Զենոն, թէ յինչ բարբառ իցէ իւր յունական ինչ ճառ. և՝ ի պատասխանել Զենոնի միամտութեամբ սրախ, թէ իմ ուսեալ է վարել զհողացւոց բարբառ, անդէն վազվաղակի սպան զնա, որպէս և այլուր ասասցուք 143: Վասն զի որպէս բռնաւոր սրամիտ և սրավար՝ ի բարկութիւն, մեկնեալ զնորա միամիտ պատասխանի յերկդիմի միտս՝ կարծեաց թէ կամք էին նմա՝ ի դէմս ածել զաքսորանս իւր՝ ի չուղոս. և եղիս առիթ վրէժ խընդրութեան յանմեղութեան անդ: Զինչ զարմանք են թէ Ազեքսանդր և ոյր ուսումն թանկագին եղեւ յոյժ իւրոց ուսուցչաց, թիւր մեկնութեամբ նախատագիր չարութիւն կարծեալ զիմաստասիրական համարձակութիւն, և թշնամանագիր արհամարհանս՝ զլաւակամութիւնս, մատնեաց զկալիս թենէս կապանաց, զլիւսիմաքոս առիւծուց, և զկղիառս իւրում ցասման որ դժնդակ ևս էր քան զառիւծուց, զի առիւծք ծանեան զառաքինութիւն Լիւսիմաքոսի, և ինչ ոչ մեղան անմեղին. այլ Ազեքսանդր ոչ ծանեաւ զարժանաւորութիւն Կալիսթենէսի, և յանսպարտ արիւն շաղախէաց զձեռն:

Միւս չափազանցութիւնն բարկացողին է՝ ի կիր արկանել զայն անզուսագ կիրս ընդդէմ որոյ չպիսի: Բարկանալ՝ ի վերայ մեծաւորաց՝ է յանդդնութիւն, զի սպարտ է առաւել խոնարհութեամբ ցածուցանել քան յանդդնութեամբ զգրգռել զայն, որոյ ձեռնհաս լեալ առնել ինչ նախատինս՝ կարող է առնել միւս ևս մեծագոյն: Բարկանալ՝ ի վերայ սաորնոց է անմտութիւն, զի որովհեաւ բարկութիւն տուաւ՝ ի զօրացուցանել զտկար զօրութիւն ընդդէմ հաւասարից, աւելորդ է այն՝ ուր զօրութիւնք են վերագոյնք: Բարկանալ՝ ի վերայ բարեկամաց է ասպերախտութիւն, կամեցեալ զւար այնմ՝ որ կամեցողն է բարւոյ. և եթէ բարեկամն է նոյն ընդիւր, ապա անմտութիւն է դժնէանալ յիւր վերայ: Բարկա-

Նալ 'ի վերայ անմեղաց է անիրաւութիւն զի չէ արժանի բարկութեան որ չէ արժանի պատժոց, և չէ արժանի պատժոց, որոյ ոչ գոն յանցանք: Բայց բարկացողն ունելով զաշս մտաց կուրացեալ 'ի կրից՝ ոչ որոշէ զվերնագոյնն 'ի ստորագունէ, և զստորինն 'ի հաւասարէ. զբարեկամն 'ի թշնամւոյ, և զանոպարտն 'ի պարտաւորէ, ըստ յունական հրոյ այնպէս վառի 'ի ջուր, որպէս 'ի խծուծ: Զի երեակոյութիւն նորա այնպէս զեւծ է 'ի կրից, մինչ զի և յանբան անասունս կարծեալ լինել չարութիւն բանի, զայրանայ 'ի վերայ նոցա: Տեսփոնտ 144 արժանացեալն քաջայաղթ անուան, վասն լինելոյ նորա յաղթական 'ի հնդեակ խաղս ոլիմպիականս, աքացի հարեալ 'ի ջորւոյ՝ դարձոյց կատաղանօք դաւակ 'ի դաւակ, անդրէն կիցս արձակել 'ի ջորին: Ետես ամենայն Ոլիմպիա նորանշան իմն օրինակ մրցողաց, մարդոյ ընդ անասնոյ. ոչ գիտելով որ իցէ անբանագոյն, զի 'ի կարծել մարդոյ ոջորին բանտուր, ինքն ցուցաւ անբան: Բայց զամենայն զպսակս և զարմաւենիս զորս ստացեալ էր Տեսփոնտայ 'ի հինդ խաղս, ստացաւ ջորին միանգամայն. զի որ յաղթեալն էր հնդից գիմամրցանակաց, յայսմ ևեթ գիմամրցանակէ տապալ յերկիր կործանեցաւ: Յայլմէ կողմանէ, չիք ոք ունակ այնպէս սաստիկ երեակայութեան, որպէս բարկացողն: Զի այնպէս կենդանագրի 'ի նմա պատկեր վնասակարին, մինչև յոր կողմն և դարձի, թուի նմա տեսանել զնա ակնյանդիման. և յորս և հայի, զամենեսին կարծէ լինել մեղսակից, կամ նոյն ինքն մեղսպարա. վասն այսորիկ խեթահարի, և թափէ զցասումն յանզդայս իսկ, իբրև զցուն 'ի քար: Կերոն յընթրել իւրում իբրև լուաւ զասլստամբէլ Գաղղիոյ, կործանեցաց զսեզանն, և խորտակեցաց զսպասս սառնտեսակս, որ դրգագոյն էին 'ի դրգանս նորա: Վեր 'ի վայր լինել թագաւորութեանն վեր 'ի վայր շրջեաց զմիտս նորա. թուեցաւ նմա թէ սեզանն Գաղղիա իցէ, ըստ միոյ միոյ 'ի սպասուց զարկուցելոց զգեանի կարծէր զգետնել զիւրոյ տէրութեան սպասաւորս: Քանի առաւել խոհական դտաւ կոտիւս արքայն թրակացւոց 'ի գործ նմանակ. որոյ ընկալեալ 'ի պարգև զսպասս ինչ սառնատեսակս՝ հրաշագեղս, արար հատուցումն փոխարինի տրքայավայել մեծագործութեամբ. բայց անդէն վաղվաղակի զամենայն սպասման ետ խորտակել, զի մի բարկացի եթէ ոք վրիպակաւ խորտակեսցէ զնոսսա: Մինչ զի Կերոն վասն զի բարկացեալ էր 'ի վերայ ապսատամբաց, բարկացաւ 'ի վերայ սպասուց. և կոտիւս կորոյս յիւրմէ զսպասս, զի մի բարկասցի 'ի վերայ ընտանեաց: Կորայն եղե խժդժութիւն, սորայս իմաստութիւն: Իսկ զինչ յիմարութիւն կայցէ՝ քան զբարկանալն յիւր վերայ: Արջ խոցեալ չհանդուրժեալ ցաւոց՝ միսի 'ի

մաշտուախիսս, 'ի փուշս և 'ի բեկոս, և յամենայն ուր և պատահէ. դեղ՝ որ չար ևս է քան զվասն. զի փոխանակ բժշկելոյ, առնէ զնա անբուժելի: Այդպիսի արջ կատաղի եղեւ Եծելինոյ բռնտւոր 145, որոյ բազում վերս ընկալեալ, բայց զգուշութեամբ դարմանեալ և սլատեալ, իբրև լուաւ զնորտակումն իւրոյ գօրուն, ոչ կարացեալ բարկանալ 'ի վերայ յաղթականին՝ բարկացաւ յիւր վերայ. և կրծտեալ դազանաբար՝ աստմամբք և եղնդամբք պատառուեաց զալատանսն և զվերսն, կարծեալ հանել զվուժք քինու կորստեան պատուոյ՝ կորստեամբ կենաց:

Չետին չափաղանցութիւն բարկացողին է՝ յեղանակն: Մարթ է դիպիլ թէ ոք բարկացի, 'ի վերայ որոյ պիտի, և վասն պատճառի յաղագս որոյ պիտի. բայց սաստկագոյն՝ քան զոր պիտի: Ամենայն ընական արարող դործէ միայն, որչափ կարող է. բայց անձնիշխան արարողն, որպէս մարդ, կամի երբեմն դործել աւելի քան զկարն: Զի ընաւոր աղդեցութիւնն է սահմանաւոր, ցանկութիւնն անսահման. և վասն այսորիկ սա հասանէ յոլովակի 'ի սահմանս թշուառութեան: Զայսր աղնիւ օրինակ ունիմք 'ի Դուկիոս Սիղլա, որ վայրենաբարոյ ոմն եղեւ 'ի հասարակապետութեանն չուովմայ: Խոստացեալ էր նմա Դրանիոս՝ հասուցանել յիւրմէ գաւառէ 'ի պայմանեալ ժամանակի մեծ ինչ դումար դրամոյ 'ի նորոդութիւն կապիտոլիոնի. բայց էանց ժամանակն, և դրամն չեն հաս 'ի ձեռս: Ցիրաւի էր Սիղլայի բարկանալ. զի թէպէտ ոչ թէ Դրանիոս չետ Սիղլայի, այլ գաւառն չետ Դրանիոսի. բայց և այնպէս բռնադունից կամ չէ պարտ խոստանալ, կամ պարտ է կատարմանն միտ գնել: Եւ մանաւանդ Սիղլայի, որոյ կարի իմն բարեբաստութիւն ոչ թողացուցանէր միջոց ժամանակի ընդ մէջ կամելոյ և 'ի ձեռին ունելոյ: Աստ կոչեալ առ ինքն զգրանիոս, այնպէս մեծասաստ 'ի բարկութիւն բրդեցաւ 'ի վերայ նորա, մինչեւ 'ի բուռն առնել ահելուգոյ բարեբաստուցան մահու, կարեցաւ նորա երակ սրախի, և ընդ սպառնալիսն ժայթքեաց արիւն: Անհնար էր այնու բռնաւորի ճահողագոյն քան զայն պատուհաս 'ի վերայ ածել իւրում բարկութեան: Զի թէ բարկութիւնն է եռանդն իմն արեան, ոչ պիտէր այլ հիւթ 'ի շիջուցանել զայն: Բայց դուզնաքեայ իմն փոխարինութիւն եղեւ այն իւր սակաւ արիւն, առ վտակօք արեան այլոց զորս եհեղ:

Խոկ արդ էթէ այսչափ դժնդակ և ահաւոր է իւրաքանչիւր մասն բարկութեան ուրոյն, քանի՞ դժնդակ իցէ նա ինքն, եթէ տեսցիս դու զնա յօրինակի ուրեք ամենայն մասամբք և ահաւորութեամբք: Եւ արդ հնար է քեզ տեսանել զնա աչք, և դիտէլ մտօք, եթէ առաջի կացցես պատկերի Յուլիոսի կեսարու, Ճգրիտ և ահաւոր օրինակի եթէ սուր բարկու-

թեան և եթէ կատաղւոյ, եթէ արիւնայնոյ և եթէ սեամազ-
ձայնոյ . եթէ խստամբակի և եթէ մեղմոյ, եթէ գթասիրի և
եթէ անդթականի : Եթէ կամք իցեն քեղ փոխել զանուն բար-
կութեան , մարթիս անուն կոչել նմա կեսար , և նկարել զնա-
սուր 'ի ձեռին 146 : Անուն իւր եղե նմա գուշակ , որ ոչ կա-
րաց ծնանիլ , բայց եթէ վիրօք մօրն . ոչ կարաց թագաւորել ,
բայց եթէ վիրօք հայրենեաց . և ոչ մեռանել , բայց եթէ վիրօք
իւրուք : Սիղղա , որ բարկասիրան էր քան զամենեսին 'ի
Հռովմ , ծանեաւ թէ մանուկն այն լինիցի չար ևս քան զինքն :
Ի ցոփի և 'ի լոյծ հանդերձից 'ի միտ էառ զվարուց նորա ցո-
փութիւն : Զի ոչ արդեօք հանդուրժէր օրինաց ինչ , որ ոչն
հանդուրժէր կալ գոտէսլինդ : Ի գործակալութեան շինուա-
ծոց՝ հանդիսագիր լեալ թատերական խաղուց , քանզի շա-
ռաջիւն ամպոց ժխորէր զձայն մրմնշաձայն միմոսաց , ահեղ
գոռմամբ սաստեաց որոսմանց , զի լուեսցեն : Յորժամ հիւ-
պատոսութեան էր հետամուտ , առաքեաց զմի 'ի զօրավարաց
'ի ծերակոյա անդը սպառնալեօք , ասէ . թէ ոչ տայք ինձ զիշ-
խանութիւնդ , առից զայն սրով իմով : 'Նոր էր եղանակն , ա-
րիւնազդեցութեամբ արկանել զանձամբ զողայծառափայլ
պատիւ : Լեալ հիւպատոս՝ այնչափ բարկացաւ իւրում իշխա-
նակցի վասն ագարակային օրինաց , մինչև բունի արտաքսեաց
զնա յատենէ , և այնալէս զարհուրեցոյց , մինչև նստիլ նմա
միշտ առ տնին թաքուցեալ որպէս զճագար : Վասն որոյ և
յերկուց հիւպատոսաց կեսար միայն էր 'ի համարի : Բար-
կութիւն կեսարու նախ առաջին եմոյծ զնոր օրինակ արձակ
գանից խրձանց հիւպատոսականաց , 'ի վերայ ուսոց եթէ սին-
կղստոսաց և եթէ ստրկաց . մինչև մարթ եղե ասել . Այս ան-
սովոր անդութիւն՝ 'ի Հռովմ եղե սովորութիւն : Այսպէս
ապաժոյժ եղե բարկութիւն սորա , որ չսպասետ լուսանա-
լոյ աւուրն՝ տայր գլխատել զերկելի սինկղիտոսս , և զազ-
նուական բամբիշ լուսով ճրագաց յիւրում պարտիղի . թէ
պէտև առ բոցակնութեամբ նորա չէին պէտք այլոյ ճրագի :
Վաստակաբեկ լեալ յանչափ բարկութենէ 'ի վերայ այնչափ
հռովմայեցոց , ըղձանայր զի ամենայն հռովմէական ժողո-
վըրդեան իցէ մի միայն գլուխ , 'ի կառափինատել զնա միան-
գամայն : Եւ որ եսն է , և ոչ յերկնաւորաց ակն ածէր բար-
կութիւն նորա : Կոչունս արարեալ ուրախութեան իւրոց բա-
րեկամաց , որ որչափ նման էին նմա՝ նոյնչափ և սիրելի , վասն
զի ցոլմունք փայլատականց զարհուրեցուցանէին զկոչնականս՝
յոտն յառնէ սա , և ձգեալ զոււսեր զգրդուէ զԴիոս գալ 'ի
մենամարտութիւն : Եցոյց թէ արդարե բարկութիւն է ան-
մտութիւն . կարծեալ թէ վերին զօրութիւն ոչ կարէր սաստ-
կել զնա , և ինքն կարող էր յազմել վերին զօրութեան : Որ-
պէս և իցէ , այս յետին բարկութիւն գրգուեցոյց զմիաբա-

նեալմն՝ ի գաւադրութիւն. որ այլ ոչ կարացին հանդուրժել այնմ, որ ոչ հանդուրժեր գից: Եւ այնպէս սրով եմուտյաշ խարհ, և սրովք բարձաւ յաշխարհէ:

ԳԼՈՒԽ Դ.

Յաղազ անզգայուրիան:

Եսա մոլութիւն ցասմնականին. և է պակասութիւն բարկութեան զվոէժինդրութեամբ: Ծնանի մոլութիւն ՚ի բնաւոր թմրութենէ, և ՚ի ծառայական անզգացողութենէ անիրաւութեանց, մինչեւ ոչինչ կամ նուազ լմբանողութեամբ նոցա, ոչինչ կամ նուազ բարկանայ. վասն որոյ և ոչինչ վրէժինդիր լինի, ոչ որպէս պարտն է, և ոչ յորժամ պարտն է, և ոչ որում պարտն է: Երկի մոլութիւնս աղգակից անփառասիրութեան. և իրօք ինչ բաժանորդ է ՚նմա ըստ պատահման, բայց ըստ էութեան է տարորոշ: Անփառակըն ոչ անձկայ պատուոյ, որում էր արժանի. անզգայն տանի անարդանաց. նա է թերատ ՚ի ցանկութեան, և սա թերատ ՚ի բարկութեան: Անլեզի անասունք թէպէտ և զէնս ունիցին, չանձկան վրէժինդրութեան. և անզգայն վասն զի չզգայ զիմթան բարկութեան, թէպէտ և ունիցի ոյժ, ոչ ինչ փոյթ է ՚նմա ՚ի գործ դնել զայն: Դէմք ՚նորա են միշտ միօրինակ. ոչ ՚ի բարկութենէ բորբոքեալ, և ոչ յերկիւղէ գալկացեալ. զի երկոքին իսկ չազգեն ինչ ՚ի նա տպաւորութիւն: Մինչ զի զօրէն առն ընդարմացելոյ՝ մինչեւ ՚ի միտ առեալ մոռանայ զանիրաւութիւնսն. մինչեւ զգացեալ զերկիւղ՝ զգայ զիմսան. և մինչ չկ զառաջնոյ տմարդութեանն խնդրեալ զվոէժ, ընդունի զերկրորդն: Դրդեալ ՚ի վրէժինդրութիւն, ատեայ զդրդօղն. նա ինքն ՚նուազէ զիմսան, և ՚ի չքմեղս լինի այնմ որ արարն: Նա ինքն ՚նախ առաջին ՚ի խնդիր լինի հաշտութեան. և ՚ի հատուցումն փոխարինի յանձն առնու ամօթապարտ պայման: Պատրուակէ զիւրն ՚նկունութիւն իմաստասիրական առակօք: Մեծ յաղթութիւն է, ասէ, յաղթել բարկութեան, քան յաղթել թշնամոյ. և թէ՝ մեծ վրէժինդրութիւն ՚նախատանաց է արհամարհել զնախատինս. և թէ՝ սիրա վեհական անցանէ զանցանէ զամենայն վնասուք. և թէ՝ բարձրեալն Աստուած ոչ միշտ պատուհաս ՚ի վերայ ածէ, ՚ի բարկացուցանել մեր զիա: Կամի զապիկարութիւնն ՚ի համար դասել հեղութեան:

Բայց և այն ճշմարիտ է, թէ զոր օրինակ երկչուն ՚ի դէպէս

ինչ արիանայ, և փոքրոգին զգաստացեալ՝ լինի մեծանձն, որ պէս ասացաք յիւրեանց տեղիս, նոյնպէս անզգայն նախատանաց՝ յանակնկալ պատճառաց սթափեալ և զգօնացեալ՝ փոխէ զբնութիւնն: Իբրև առաւ երկիրն սուրբ քաջութեամբ Կոփրետոսի Բուլիոնի, առաջին թագաւորին Կիպրոսի եղեայո իշխան բարի և անմեղ, բայց այնպէս մեղկ և թուլասիրտ և թմրեալ, մինչև ընդ առաքինութեանն չդնելոյ նախատինս՝ Ծորդել նմա զանզգայութեանն մոլութիւն: Որ ոք 'ի հպատակաց ընդ թագաւորին ունէր ինչ գժդմնութիւն, խոժուեցուցեալ զնա իւիք կամ ամաչեցուցեալ, կարող էր զիջուցանել զնա. և նա որպէս համակամ ցածնոյր՝ առանց բարկանալոյ և վրէժ խնդրելոյ: Դէալ եղեւ զի ազնուական ոմն բամբիշ վասկոնացի 'ի դառնալ իւրում 'ի սուրբ տեղեաց ուխտաւորի սքեմաւ, անօրէնք ոմանք 'ի Կիպրոս յարեան 'ի վերայ, և գեղջկօրէն թշնամանեցին զնա: Կինն ազնուական անմիսիթար սրտցաւութեամբ չոքաւ խնդրել իրաւունս յարքայէ. այլ ոմն ասէ ցնա. 'ի դիմել քեզ առ արքայ՝ յայտնեացես այո զնախատինսդ, այլ ոչ գտցես իրաւունս. զի ոչ խրտագոյնս ինչ խնդրեսցէ նա զվսէժ զօտարի նախատանաց քան զիւրոց: Այս լքուցիչ զրոյց ոչ եքարձ 'ի ցաւագնելոյն զարտապնդութիւն, այլ յաւել ևս 'ի վերայ: Խորհուրդ հարցեալ իւրոց ցաւոց՝ եկն եկաց առաջի արքայի, որոյ յառաջածանօթ լեալ իրացն եղելոց 'ի կանխիկ լրոյ, զծաղուեկեալ էր ընդ քիմն ժաղտելով: Ապա մատուցեալ բամբշին բազում արտասուօք, ասէ 'ի ձայն բարձր. Տէր արքայ, ոչ դամ առ քեզ՝ ակն ունելով առ 'ի քէն վրէժինդրութեան ընդ արհամարհանսն՝ զոր ընկալայ 'ի քում թագաւորութեան. այլ զի ուսայց միայն, թէ որպէս հանդուրժես դու քոյոցդ, զորս օրբստօրէ, որպէս լսեմ, հասուցանեն քեզ: Ի քէն ուսեալ, թերևս կտրողացայց երկայնմտութեամբ տանել խոց նախատանաց. զորս թէ հնար էր, յօժարամիտ քեզ ընծայէի, որովհետեւ այդպէս քաջ ժուժկալես քոյոցդ: Յայն բարբառ, թագաւորն որ ցայնվայր կայր անզգայ և նկուն, զարթեաւ իբրև 'ի խոր քնոյ: Յասումն սառնասառոյց և քնէած՝ ջեռնուլ սկսաւ առ սրտիւ, և խթեաց 'ի վրէժինդրութիւն: Ապա սկիզբն արարեալ թագաւորին 'ի նախատանացն հասուցելոց յիւրոց հպատակաց առ այն կին, խստիւ եղեւ նորա վրէժիընդիր: Յայնմ օրէ և առ յապայ ոչ ոք 'ի թագաւորաց այնպէս խստիւ պատուհասեաց զօրինազանցս և զարքունի իշխանութեանն անարդուս, որպէս սա:

ԳԼՈՒԽ Ե.

**Յաղագս միջասահմանորեան՝ ի մեջ բարկուրեան
և անզգայորեան:**

Այսդ հնար է քեզ հեշտեաւ տռնուլ՝ ի միտ, թէ ո՞ր իցէ չեղութիւն։ Զի թէ կարի իմն բարկանալ է մոլութիւն։ և կարի իմն նուազ բարկանալ՝ է մոլութիւն, ապա բարկանան միջասահման՝ լինի առաքինութիւն։ և այն է հեղութիւն։ Ասիցես թէ ոչ բարւոք է ձեռնարկդ։ Զի թէ գողանալ բազում, է մոլեկան, և գողանալ սակաւ՝ է մոլեկան։ ապա գողանալն միջասահման՝ է առաքինութիւն։ Պատասխանեմ. Ոչ հանգէտ է հետեւութիւնդ. զի գողանալն ըստ ինքեան է միշտ մոլեկան, զի միշտ է հակառակ արդարւութեան։ Բայց բարկութիւնն ըստ ինքեան չէ ինչ չար, այլ կիրք պարգևեալ՝ ի բնութենէ, որպէս յեսան արիութեան և խթան երկիւղի և հրահանդ հանճարոյ, գործի յոյժ կարեօր՝ գժուարին իրողութեանց։ Ճարտարախօսն բարկացեալ՝ կորովագոյն ատենաբանէ, բանաստեղծն բարկացեալ՝ մտաւորագոյն տողէ, եղերդուն բարկացեալ ազդողագոյն շարժէ, մարտիկն բարկացեալ՝ արիագոյն շահատակէ։ Բայց յայս ամենայն բարկութիւնս՝ չափաւորութեան պէտք են, զի մի հակառակ ինչ գործեացն։

Ասիցես. եթէ պատաւորն ունի զօրութիւն, աւելորդ է բարկութիւն. եթէ չունի զօրութիւն, յիմարութիւն է բարկութիւն։ Զի նմա հնար է վրէժ խնդրել անխոտլ, և սա փոխանակ վրէժ խնդրելոյ միոյ մնասու՝ գրդուէ միւս ևս մնաս։ Պատասխանեմ թէ բարկութիւնն զօրացուցանէ ղջաւասար զօրութիւնս. առաւելու զիոքրն, և սթափեցուցանէ զմեծն։ Փիզն թէպէտ և դղեակ իմն է շնչաւոր, կնճիթ նորա 'ի տեղի տիգի, և մորթն անթափանց 'ի տեղի զրահի. բայց և այնպէս ցուրտ է և թմրեալ, որպէս լեառն ձիւնաթաղ՝ ի պատերազմի. եթէ ոչ կապերտ ինչ շառագոյն համակրութեամբ գունոյն ջեռուսցէ զարիւնն, և վառեացէ զբարկութիւնն։ Ո՞ էր հուժկու 'ի խնդրել զվրէժ նախատանաց զիւրոց և զատարի, իբրև զնախայիշատակեալ արքայն կիտրոսի. բայց եկաց նա անփոյթ և անզգայ, մինչև 'ի քաջասիրտ յանդիմանութենէ անտի վառեալ բորբոքեցաւ բարկութիւնն 'ի պաղեալ սրտի անդ։ Զիւրև ունիցի խրձունս գանից հիւպատուն կամ թագաւորն. իցեն առ նովաւ արբանեակք և սպասաւորք ատենի. դէպէ ինչ իցեն վրէժ խնդրելոյ ոչ անձին ինչ նախատա-

նաց, այլ յանցաւորութեան օրինաց. ոչ զինեալ ոք իցէ յանցաւորն կամ փախստական, այլ անզէն և կալանաւոր. բայց և այնպէս պիտի գրդիռ ինչ ցասմնականին, կամ՝ ի ջեռուցանել զկարի իմն ցրաւութիւն, և կամ՝ ի յաղթել բնաւոր ախտակցութեան: Աչինչ այնպէս է վնասակար, որպէս ինայել յարիւն չարագործաց. և ոչինչ այնպէս խժդժական, որպէս հեղուլ զայն արեամբ ցրտագին: Այն գրդիռ ոգւոյ՝ եթէ յիւրն հայի վնաս, կոչի բարկութիւն. և եթէ՝ ի վնաս օրինաց, կոչի նախանձախինդրութիւն: Բայց եթէ նախանձախնդրութիւն և բարկութիւն չիցեն չափաւորեալ բանիւ. լինի անխոհական: Ապա հեղութիւնն չէ ջերմութիւն ինչ սաստիկ, կամ՝ թմբրութիւն ինչ սառնասառոյց, այլ չափաւորութիւն ինչ ցասմնականին, որ վասն ընկալեալ նախատանաց ոչ ջերմանայ և ոչ ցրտանայ, բայց եթէ վասն պատճառի, յոյր սակս պարտ է, և ընդդէմ որում պարտ է, և որով օրինակաւ պարտ է: Զայս չափ մարթ է ունել ամենայն մարդոյ, որ ընդունակ է բանի. զի խիղճն մտաց աղաղակէ յոդի, և ուսուցանէ քաջի ունկնդրի զեզը սահմանաց՝ որ ընդ յաւետ և ընդ նուազ: Աչ մեղանչէ, որ ոք ոչ ճանաչէ թէ մեղանչէ և չար առնէ. և որ ոք ճանաչէ զըտրն, ճանաչէ և ըդբարին:

Հեղն ոչ բարկանայ և ոչ ցածնու, բայց եթէ վասն համեստ պատճառի. այսինքն վասն բանաւոր սկատշաճողութեան: Պատշաճող իմն է մարդկային կենակցութեան, զի որ ոք հասուցանէ վնաս կամ անպատճութիւն, տուժեսցի զվնասն և զանապատճութիւն. զի պահեսցի՝ ի հասարակութեան հաւասարութիւն. ևս առաւել եթէ նախատինքն իցեն ծանր և չար օրինակ, և մեծ ևս չարիք զհետ գայցեն այնմ. և յորժամ լինիցին կամօք նախատինս գնելոյ: Զի որովհետեւ որ վնասէն միում միայնոյ, կարող է ամենեցուն վնասել, առանձնաւոր ինչ նախատինք լինին այնուհետեւ դատ հասարակաց: Ապա հեղն՝ թէպէտ և չէ անզգայ իւրում վնասու իբրև զթըմբեալն, և ոչ ցանկայ փոխագարձի, բայց շարժի ոչ՝ ի թափոյ բարկութեան, և ոչ՝ ի խնդութենէ ընդ այլոց վնաս, որպէս բարկացողն. այլ զի վնասակարին վայել է պատիժ: Ապա եթէ ցածնու, ոչ ցածնու՝ ի տկարութենէ սրտի, այլ զի ոչ վայել է մարդոյ լինել տմարդի. և ոչ մահկանացու սրտի վասիլ անմեռ բարկութեամբ: Վասն սյսորիկ վտանգաւոր իմն է նախատինս գնել հոգեոր անձանց: Զի եթէ առ անգամ մի հաստատեն՝ ի միտս, թէ ճահողական իմն է և աստուածահաճոյ պատուհասել զայն որ արար, այնուհետեւ ոչ զոքյաշխարհայնոց գտցես երբէք այնպէս անհաշտ: Առնէ առանց բարկութեան՝ զայն զոր հաղիւ առներ բարկացող ոք:

Հեղն հայի և յանձն որում բարկանայ, կամ զիջանի: Ըստն

՚ի լաեւ զբաղվիւն դրան, զայրանայ և հաջէ. բայց ասլա տեսալ թէ տէր իւր է, անդէն վազվազակի շնթէ և քծնի: Սոյնալէս այր հեզ յընդունել զնախատաինս, զգայ զայն, և իբրև այն զի ՚ի հասարակաց զանգուածոյ է զանդեալ, խռովի ընդդէմ նախատադրին, թէ ալէտ և անծանօթ ոք իցէ: Բայց իբրև Ճանաչէ, թէ է նա տէր իւր կամ սիրելի բարեկամ, կամ անմեղ ոք կամ անմիտ է գուեհիկ, ընդ տէր իւր ոչ խեթահարի, բայց իմացուցանէ զիւր իրաւունս. ընդ բարեկամին գանգատի, բայց անդրէն հաշտի. անմեղին ըլենի վրէժինդիր. անմտին ախտակցի, անարդին դիւրաւ ներէ. զի կարի իմն դիւրին է առնուուլ ՚ի նմանէ վրէժ:

Խակ ըստ եղանակին, հեզն ոչ թողացուցանէ իւրում բարեկութեան անցանել քան զպարտն: Նա յերկուց կոպարաց միջի որ ընդ յաւէտ և ընդ նուազ, առաւել միտէ ՚ի նուազն քան ՚ի յաւէտն: Կարի իմն դիւրին է բարեկացելոյն միտէլ ՚ի չափազանցն. վասն այսորիկ առաւել փոյթ է հեզութեան սանձել զբարկութիւնն, քան դրդուել զայն: Եւ այս առաւել պաաշաճող է մարդկութեան և բանավարութեան. զի որ դործէ նուազ բորբոքմամբ. դործէ առաւել խոհականութեամբ: Պիւռոս քաջ վարժապետ մանկավարժութեան՝ զայս ստէսլ յիշեցուցանէր շահատակաց և ըմբշամարտից, սանձել զբարկութիւն. զի սիրտ խռովեալ՝ առաւել ուշ եղեալ ՚ի վնասել այլում քան ՚ի պաշտպանել անձին, դիւրաւ ընկճի: Վասն այսորիկ դիւրելով հեզահոդւոյն թէ բարկութիւնն է անհաւատարիմ խորհրդական, ոչ վազվաղէ, այլ մելուլ բերի ՚ի վրէժինդրութիւն, զի տացէ ժամանակ հովանալոյ բարկութեան: Մեծ փիլիսոփայն Աթենոգորոս բնակեալ առ ժամանակ մի առ Օգոստոսի, իբրև արձակեցաւ դառնալ ՚ի Յունաստան՝ ետ նմա զայս վերջին իրատ. Ի բարկանալ քում կայսր, մի արասցես և մի ասասցես ինչ, բայց յետ քաղելոյ քոյ բովանդակ զայրութենս: Չդիտեմ, քաղեաց արդեօք Օգոստոս զայրութենս՝ ՚ի վազվաղէլ զպատուհաս դըստեր իւրոյ: Քաջ դիտեմ, թէ զայս իրատ յանձին կալաւ Արքիտաս տարենտացի. որոյ խոժուեալընդ ստահակութիւն իւրոց շինականաց ասէ. Պատուհասէի արդեօք զձեղ, եթէ չէի բարկացեալ:

Ապա յամբ շարժի հեզն, և դիւրաւ ցածնու բանաւոր փոխարինօք ըստ դատելոյ բարեկամաց, քան ըստ դատելոյ իւրոյ. զի ոչ է յանկաւոր դատաւոր ՚ի դատ իւր: Ծատանայ և սակաւուք քան զարժան համարեալն. և անբասիր առնէ զմիտ իւրոյ վնասապարտին. զի որպէս ասացաւ, հեզութիւնն առաւել միտէ ՚ի նուազն քան յառաւելն: Նա որպէս կիրն ջրով վառի, և իւղով շիջանի, նոյնալէս բարկութիւն հեզոյն դիմադարձութեամբ վառի, և խոնարհութեամբ և ողոք բանիւք

վնասապարտին շիջանի : Հեղութիւնն է մեծանձնեայ , ըմբու-
տացելոյն ընդդէմ դառնայ , այլ խոստովանովին զյանցանոն
ներէ : Որպէս որոտումն գարնայնոյ է անշանթ , նոյնպէս ըս-
պառնալիք հեղոյն յոլովակի են առանց վրէժինդրութեան .
և ընդ լուել բարկութեան լոէ և յիշատակ վնասուն :

ԳԼՈՒԽ Զ .

Թէ զինչ ընդ մէջ է հեղուրեան և իշրոց համաևմանից :

Ասացաք 'ի սկզբան անդ , թէ հեղութիւնն ենթադրէ չորս
պարագայս . Չըմբոնումննախատանաց , զբարկութիւնն գրդ-
ռեալ յըմբոնմանէ , զբաղձանս վրէժինդրութեան , և զչա-
փաւորութիւն բարկութեան և վրէժինդրութեան : Ապանախ
առաջին տրոհի հեղութիւն յիւրոց ծայրից , 'ի բարկութենէ
և յանզգայութենիէ : Տրոհումն որ 'ի սկզբան անդ երեխ յոյժ
գժուարին . իբր զի մէջն այնպէս շփոթ է ընդ ծայրից , մինչ
զի թէ զայրանայ հեղն , երեխ բարկացող . և թէ չզոյրանայ .
երեխ անզգայ : Եւ զսորին հակառակն , թէ բարկացողն խնդ-
րէ զվրէժ . երեխ նախանձախնդիր , և թէ անզգայն ոչ խնդրէ
զվրէժ . երեխ հեղ : Այնպէս անդէտ են մարդիկ առ որոշել
զմոլութիւնս յառաքինութեանց , որպէս անփորձ ակնավա-
ճառք՝ զկեղծ գոհարս 'ի ճշմարիտ գոհարաց : Ապա թուի թէ
պիտէր մեզ պատուհան Սոկրատայ 447 , յառել զաչս 'ի խիզճ
մտաց այլոց , 'ի կշռել զնորհուրդս և զմիաս . զի մի յանդուգն
դատեսցուք դատաստան : Բաց յոյժ դիւրին լիցի այս դա-
տաստան կշռադատութեան , թէ հայեսցուք յայն երիս պա-
րագայս , որք ասացան , յորպիսութիւննախատանաց , 'ի վե-
ճակ անձին , և 'ի համեմատութիւն վրէժինդրութեան :

ԳԼՈՒԽ Է .

Թէ զինչ ընդ մէջ ից է հեղուրեան և գրուրեան :

Հեղութիւնն ենթադրէ զըմբոնումն անձնական վնասու .
որ ընաւորապէս վառէ զբարկութիւնն առ առանձնաւոր
վրէժինդրութիւն : Գթութիւն ենթադրէ զըմբոնումն վնա-
սու օրինաց , և հասարակաց արդարութեան , որ շարժէ զնա-
խանձախնդրութիւնն առ պատուհաս : Բարկութիւնն է շար-
ժումն ինչ կրից , որ բազում անդամ հրամայէ բանին : 'Նա-

խանձախնդրութիւնն է շարժումն ինչ բանին, որ և սա յուղվակի շարժէ զկիրս փոխադարձ համախոհութեամբ։ Մինչ զի հնար է բարկութեան լինել տկամայ, բոյց նախանձախընդրութիւնն է կամաւոր, զի է շարժումն կամաց լուսաւորելոյ ՚ի մտաց, և յայս սակս բազում անգամ վրիպակաւ մտաց՝ նախանձախնդրութիւնն լինի անընտրովական։ Ապա որպէս հեղութիւնն է միջասահման իմն ՚ի մէջ բարկութեան և անզգայութեան։ նոյնալէս գթութիւնն է միջասահման իմն ՚ի մէջ կարի սաստկապահանջութեան և կարի ներողութեան։ Եւ վասն այսորիկ գթութիւնն՝ սեպհական է գերադահ ատենտակալաց և իշխանաց, հեղութիւնն սեպհական է մասնաւոր անձանց։ Թէպէտ ճշմարիտ է զի եթէ ընդ հասարակաց մխասուն Ծորդի և անձնական մխաս իշխանին, յայնժամ հնար է ընթացակցիւ հեղութեանն ընդ գթութեան։ Տիգրան 148 յայտնեցաւ հասարակաց թշնամի ժողովոդեանն չուովմայ՝ պաշտպանութեամբ Միհրդատայ, և առանձինն թշնամի Պոմալէոսի որհամարհութեամբ անձին նորա։ Իբրև պարտեցաւ քաջադիպութեամբ Պոմալէոսի, կամ ձախողութեամբ իւրոյ բարդի, զունան և զսաւակ յոտս ընկեց յաղթականին։ որ կարող գոյով պատուհաս ՚ի վերայ ածել հասարակաց մխասուն, և հանել զվոէժ քինու զիւրոյ մխասուն, միանդամայն ներեաց՝ միումն գթութեամբ և միւսումն հեղութեամբ։ Վասն զի թագ ՚ի գլուխ եղեալ նորա, և զպարանոցաւ փարեալ, հաստատեաց զնա անդրէն ՚ի թագաւորութեան։ և ընկալաւ յիւրառաջին բարեկամութիւն։ Բայց զգթութենէ դարձին բանք յիւրում տեղւոջ ՚ի ճառս արդարութեան։

ԳԼՈՒԽ Ը.

Թէ զինչ ընդ մէջ իցէ հեղութեան և ողորմութեան։

Յման հեղութեան է ողորմութիւնն 149 առ ուամիկս, այլոչ առ իմաստասէրս որք ոչ ՚ի համար դասեն զնա առաքինութեանց, որպէս զհեղութիւնն։ վասն զի հեղութիւնն չափաւորէ զկիրս բանիւ, բայց ողորմութիւնն է տկարութիւնն ինչ կրից։ որ բնաւոր համակրութեամբ ըմբռնեալ զայլոյ թշուառութիւն իբրև զիւր, տայ կարեկից լինել չարչարելոյն, և շարժէ յարտասուս ևս առանց պատճառի։ Վասն այսորիկ սեպհական է սա երկչուաց և տկարաց, կանանց և զառամելոց։ որք ՚ի կարի իմն գորովանաց սրտի լան ընդ լավն, և հեծեն ընդ հեծութիւն չարագործաց, յորժամ ՚ի վերայ գայ նոցա արժանահաս պատուհաս։ Եւ ոչ միայն շար-

Ժին սոքա ընդ ճշգրիտ ողորմելութիւնս, այլ և ընդ կեղծու կամ ընդ նկարածու. որպէս 'ի պատկերս երևեցուցիչս տան ջանաց Պրոմեթէոսի, և 'ի ստեղծաբանութիւնս արտսառուաց Դիցեայ, և յեղերերգութիւնս տառապանաց Եզդիպոսի. թէ պէտ և որ լայ վնոսա, գիտէ թէ Են կեղծիք 150 : Վասն այսորիկ 'ի հասարակապետութիւնս հաստատեցան 'ի քաղաքայնոց եղերերգութիւնիք և խաղք մենամարտից, առ փարատելոյ 'ի բաց՝ յաճախութեամբ ողորմ տեսարանաց, որ կեղծեօք և որ իրօք, զհամակրականն զայն տկարութիւն, զինատթշնամի արիութեան և արդարութեան : Վասն այնորիկ 'ի ծերակոյտն Աթենայ արգելեալ էր ատենախոսից շարժել զդատաւորս գորովանօք յողորմութիւն և յախտակցութիւն : Բայց և այնպէս, թէ կամք իցեն վերածել զսա 'ի մոլութիւն կամ յառաքինութիւն մարթ է ասել . զի թէ ողորմութիւնն ընդդէմ բանի շարժէ զսիրտս կանացեաց և անարեաց 'ի դտաստանի՝ ախտակցիլ այնմ ում ախտակցիլ չէ արժան ոչ իրօք և ոչ կեղծեօք, վերածի 'ի մոլութիւն անզգայութեան : Եւ զսորին հակառակն՝ թէ ախտակցի ոք ճշմարիտ թշուառութեան, որում յիրաւի է ախտակցիլ, վերածի յառաքինութիւն հեղութեան :

Գ. Լ. Ո. Խ. Թ.

**Թէ զինչ ընդ մէջ իցէ հեղուրեան բարոյականի
և առեւտարանականի :**

Հեղութիւնն բարոյական ենթագրէ զվիճակ բնութեան, որ թողացուցանէ վեստելոյն զբանաւոր վրէժինդրութիւն և իւրով ձեռամբ. ըստ այնմ կանոնի փոխարէն հատուցման, թէ զոր ինչ առնէ ոք, զնոյն և կրեօցէ : Հեղութիւնն աւետարանական ենթագրէ զվիճակ շնորհաց. յորում բանն յափուենական հայեցեալ՝ թէ իւր հաւատացեալք իցեն ինքեան նմանող, արգել նոցա զվրէժինդրութիւն, պահեալ զայն աստուածային տեսչութեան . ըստ այնմ երկնաւոր կանոնի՝ թէ իմ է վրէժինդրութիւն, և ես հատուցից : Մինչև հեղութեանն փիլիսոփայականի չտփաւորել զբարկութիւն բարոյական առթիւ, և աւետարանականին չափաւորել զբարկութիւն գերբնական տռթիւ : Նորայն վախճան է երանութիւնն ժամանակաւոր, և սորայս վախճան է երանութիւնն յաւետենական :

Բայց որպէս ոչ գիտէ աւետարանն նպաստամատոյց լինել անիրաւութեան՝ անդատասլարտութեամբ վնասուց, նոյն-

պէս ոչ արդելու արդարութեան պատուհասել զնոսա և յերկրի աստ . միայն թէ պատուհասն մի յառաջ գայցէ 'ի բորբոքմանէ բարկութեան , այլ 'ի նախանձուէ արդարութեան . ոչ վասն սիրոյ վրէժինդրութեան , այլ վասն ուղղութեան յանցաւորին . և ոչ 'ի մեաս մեասարարին , այլ առ հասարակաց օգուած : Նոյնպէս ոչ դիտէ աւետարանն , թէ ընդունողն մեասու և անպատճութեան չիցէ կարող դիմել առ դատաւորին առ անդրէն նորոգութիւն : Զի թէ դատաւորն ունի զտեղի Աստուծոյ , մեասաւորն՝ Աստուծոյ թողու զիւր մեասն , յորժամ թողու զայն 'ի ձեւս դատաւորի . որում պարա է լինել արդար , վասն զի Աստուծած է արդար : Բայց և յայս ևս դիպուած հեղութիւնն աւետարանական և բարոյական պահանջէ զի մեասաւորն մի շարժեսցի 'ի ծարաւոյ վրէժինդրութեան , այլ 'ի պատշաճողութենէ արդարութեան : Այս , յորժամ մեասն է ծանր և բարկութիւնն շարժեալ , դժուարին իմն է որոշել զերկոսին զայսոսիկ վախճանս , և յաղթել յարձակման ընութեան բարոյական հեղութեամբ . բայց չէ այդ դժուարին աւետարանական հեղութեան՝ գերբնական շնորհօք , որ ոչ երեկք զւացեալ լինի այնմ՝ որ խնդրէ :



ԳԻՒՅՅԻ ՄԵՏԱՎԵՐՈՒԴԻ

ՅԱԿԱԴՍ ՔԱՂՑՐԱԽՕՍՈՒԹԵԱՆ ԿԱՄ ՀԱՃՈՅԱԿԱ
ՆՈՒԹԵԱՆ, ԵՒ ԾԱՅՐԻՑ ՆՈՐԱ

ԳԼՈՒԽ Ա.

Յաղագն քաղաքական կենցաղավարութեան
ընդհանրապէս :

Կենդանեաց ոմանք են անընկերականք և մենակեացք, որպէս թռչունք յափշտակողք . և ոմանք ընկերականք և ընաանեկանք, որպէս մեղուք : Զի նոքա հոգացեալ միայն վասն իւրեանց անհատից, սիրեն միայն զինքեանս . սոքա կեցեալ 'ի հասարակութեան, սիրեն զիւրեանց տեսակ : Մարդիկ տռաւել են ընկերականք քան զայլ ամենայն շնչաւորս : Զի որովհետե ոչ ծնանին բնաւք վասն ամենայնի, այլ ուսանին 'ի միմեանց, և պէտս ունին իրերաց, հարկ է նոցա սիրել ըզկեանս ընկերական . և կենցաղակցութիւն նոցա է փոփոխականողութիւնն 151 : Վասն այսորիկ տեսչութիւնն եւ նոցա բարբառ և արուեստ գրութեան, բարբառիլ 'ի մօտոյ և 'ի հեռաստանէ, և կենցաղակցիլ ընդ ամենայն աշխարհի, հասուցեալ զիսօսս ուր ոչ հասանէ ձայն : Ապա որ ոչ սիրե զքաղաքական կենցաղավարութիւն, ոչ կարէ լինել անդամ քաղաքական մարմնոյ, մեկուսացեալ 'ի հաղորդակցութենիէ, որ է յօդ հասարակութեան : Վասն այսորիկ Արիստոտէլ 'ի վերայ բերէ, թէ մարդ մենակեաց կամ Աստուած է և կամ դազան . զի Աստուած վայելէ յինքեան միայն, և դազանք յափշտակողք ոչ սիրեն զընկերութիւն :

Արդ երեք ինչ զքաղաքական կենցաղավարութիւն առնեն բերկրական . երկուսն 'ի ստոյգս կամ յանկատակս, և մին յորս ընդ խաղ : Ի ստոյգս՝ բերկրութիւն ինչ պարզեմ, 'ի տալ զհաւանութիւն և զգովեստ ասից և խմաստից այլոց . և բերկրութիւն ինչ ընկալեալ լինի, 'ի հաղորդել այլոց զիւրիմաստս : Խակ յորս ընդ խաղ, ալարդեմի և ընկալեալ լինի բերկրութիւն 'ի փոխադարձ հաճոյս ծիծաղական ասից և ծա-

դուց : Զի հանապազորդ անծաղը ստուգութիւն՝ ի տաղուկալեաց է համարի . և սիրտ իբրև զաղեղն՝ կորովանայ , եթէ երբեմն թողանայ : Ըստ այսց երից սլարագայից , երիս աղնուական առաքինութիւնս որոշէ Արիստոտէլ՝ 'ի քաղաքական կենցաղավարութեան : Առաջին՝ 'ի գովել զայլոց իմաստս , և սա կոչի քաղցրախօսութիւն , կամ Հաճոյականութիւն , կամ Սիրողութիւն : Երկրորդ՝ 'ի հաղորդել այլոց զիւր իմաստս . և սա է Ճշմարտախօսութիւն : Երկրորդ՝ 'ի զբօսամիւրել փոփոխակի զուարթարար ասիւք , որ ընդ խաղա . որ և յայս սակա կոչի Զուարժախօսութիւն :

Զայսց երից առաքինութեանց խօսեսցուք ուրոյն ուրոյն յերիս յաջորդ դիրս , սկիզբն արարեալ յառաջնոյն :

ԳԼՈՒԽ Բ.

Յաղացս քաղցրախօսութեան կամ հաճոյականութեան :

Սա որպէս ասացաւ է միջասահման ինչ ընդ մէջ հաճոյանալոյ և հակառակելոյ այլոց՝ որչափ վայել է , 'ի քաղաքական կենցաղավարութեան : Որ անցանէ ըստ չափ՝ 'ի հաճոյանալն , է մարդահաճոյ . որ անցանէ ըստ չափ՝ 'ի հակառակիլն , է հակառակասէր . որ միջասահման հաճոյանայ կամ հակառակի , է քաղցրախօս : Բայց այս առաքինութիւն իբրև զհեղութիւնն ոչ բարւոք ճանաչի յիւրմէ անուանէ : Զի գոլովնորա երկու այլևայլ պաշտօն , մին հաճոյանալոյ և միւսն հակառակելոյ , հաճոյականութիւնդ անուն չէ համաչափ , վասն նշանակելոյ իւրոյ զմի մասն միայն իւրոյ սահմանի : 'Նա այնպէս շփոթ է սա ընդ երկոցունց ծայրից , որ թէ հաճոյանայ , երեխ մարդահաճել . թէ հակառակի , երեխ կագել : Եւ զսորին հակառակն , մարդահաճոյն երեխ հաճոյական . և հակառակասէրն երեխ՝ իրաւամբք հակառակող : Մինչ զի 'ի սահմանէն իսկ անմարթ է ճանաչել , թէ այս առաքինութիւն հաճոյակա՞ն իցէ թէ անհաճոյական , խայթիցէ թէ փայփայիցէ , խածանիցէ թէ համբուրեսցէ : Ապա և յայտմ վայրի հարկ է ճանաչել նախ զծայրան , իբրև առաւել զգալիս և բացերես . և ապա զմիջասահմանն , որ է առաւել խրթին և շփոթ :

ԳԼՈՒԽ Գ.

Յաղագս մարդահամուրեևան :

Սա է աւելազանցութիւն հաճոյականութեան և սիրովութեան զգովեստիւ ասից, իմաստից և գործոց այլոց՝ ՚ի քաղաքական կենցաղավարութեան։ Բայց որպէս Տիմանթէս շափմամբ բութոյ՝ չափեաց բովանդակ զմարմին զառնապատկերին մեծի 152, նոյնպէս յայսմ ընտանի մարդահաճութենէ մարթ է ամենայն ումեք ճանաչել համեմատութեամբ զմարդահաճութիւն արքունեաց և խորհրդականաց։ Իբր զի մեծ են սորա հետեւութիւնք, այլ բնութիւնն նոյն։ Ապա երեք ինչ մտածին յայսմ մոլութեան։ Ո՛վ և ո՛վ իցեն անձինք, որք մարդահաճութիւն ընդունին։ Յինչ վախճան հայիցի այն որ մարդահաճէ. և որով օրինակաւ վարիցի ՚ի մարդահաճել իւրում։

Յաղագս առաջնոյն, հասարակ է ամենայն մարդոյ իղձ գովութիւն ընդունելոց։ Այս իղձ ըստ ինքեան չէ մոլեկան։ այլ մանաւանդ է գովելի ինչ յատկութիւն մեծանձնութեան, եթէ գովեստքն են մեծամեծք։ կամ համեստութեան, եթէ են միջակայինք։ Բնութիւնն ետ զսէր գովութեան ՚ի խթան առաքինութեան. և զերկիւղ պարսաւանաց ՚ի սանձ մոլութեան։ Որ չամոքի ՚ի գովեստ, չերկնչի ՚ի պարսաւանաց. և որ չերկնչի ՚ի պարսաւանաց, չզգայ զամօթ. և որ չզգայ զամօթ չարի, դիւրամէտ է առ ամենայն չարիս։ Թեմիստոկլէս գտեալ ՚ի ժողովի ուրեք երաժշտաց բազմաց որք դիմամրցանակաւ երգէին, իբրև հարցաւ թէ որ ձայն առաւել հաճոյ եղե քեզ, ետ պատասխանի։ Այն որ երգեաց զիմ գովեստ։ Եւ յիրաւի էր նմա զայս ասել. զի գովութիւնք լիով ձայնակից էին իրացն իսկութեան։ Թեմիստոկլէս արժանի էր գովութիւն ընդունելոց. ուստի և էր ճշգրիտ և բուն առարկայ գովասանութեան։ Բայց բազումք առանց արժանաւորութեան սիրեն զգովութիւն, և սոքա են բուն առարկայ մարդահաճութեան։ Դրախտահաւն անուն թռչուն՝ օդով կերակրի, օդով կերակրի և գետնասոխւծ, բայց նա թռուցեալ ՚ի բարձունս կերակրի յստակ և անխառն օդով. իսկ գետնասիւծն սողեալ ընդ երկիր՝ կերակրի անմաքուր և խառնակ օդով։ Առաքինւոյն և փառամոլին ախորժ է գովեստ։ բայց նա ախորժէ զգովեստ ճշմարիտ զառաքինեացն, և սա զգովեստ սուտ՝ զապականեալն մարդահաճութեամբ։

Չիք ոք այնապէս թափուր յարժանաւորութենէ, որ ոչ ու-

նիցի բարի կարծիս զանձնէ . և որ վատահն է յիմկը՝ դիւրաւ հաւատայ այնմ . մանաւանդ եթէ յորում սեռի գովի , ունի ցի ինչ զայնը ուրուական : Ամենայն կին տգեղլ իբրև զԳորդոնա՝ 153 լուեալ թէ դեղեցիկ կոչի , խնդայ , կարծեալ թէ դէթ 'ի միջակայնոց իցէ : Կին որոյ գեղ միջառահման իցէ , լուեալ թէ չքնաղ կոչի , խնդայ , կարծեալ ըստ միտս այլոց լինել այնպիսի : Խակ կին չքնաղ՝ լուեալ թէ հրեշտակ կոչի կամ աստուածուհի , խնդայ , կարծեալ թէ այնպէս համարիցին , որպէս և ասեն : Աստիճանք արժանաւորութեան այն պէս են հպաւորք , որ ստորինն շփոթի ընդ միջակայնոյն , և միջակայինն ընդ վերնոյն . և վասն այսորիկ բարիոք կարծիք զանձնէ՝ դոյզն աջակցութեամբ արտաքնոց՝ ելեելս առնէ դիւրաւ յաստիճանէ յաստիճան : Հոռվմէական կայսերք 'ի մարդահաճոյ ծերակուտէն աստուածական անուն ընկալեալք , զառաջինն ամաչէին , ապա երկուանային , հուսկ ապա հաւատային . զի փառամոլութիւնն փոքր փոքր հաւատացուցանէ , թէ զոր բազումք պնդեն հնար է թէ լինիցի ճշմարիտ : Վտոն այսորիկ անամօթաբար աելի տուեալքագնաց , զոր անամօթաբար կանդնէր նոցա ծերակոյան , հաւատային ունել աստուածական ինչ զօրութիւն 'ի կուրծս , և ճառագայթ յերեսս : Յայտ է թէ մարդահաճութիւն ինչ այդպէս յայտ նի սուտ և չիչին . դերապահծ արժանաւորութեան՝ բարկութիւն բերէ . զի երբեմն անարդ մարդահաճութիւն նուազէ զյարդ ճշմարիտ գովեստից : Ազեքսանդր ընկէց զայն ներբող 'ի Հիւդասսալ գետ . փոքր միւս ևս և զներբողաբանն ընկէցեալ էր յայն : Գովեստ էր այս անհաւատալի , զի 'ի մորթ փղի ոչ գծէ նետ , որպէս և ոչ խայթ ճանձի 'ի պողպատ : Խակ զիարդ ոչ ընկէց 'ի Լեբիկ գետ զԱմմոնիոս քուրմ , որ կոչեաց զնա որդի Արամաղդայ . որ մեծ ևս մարդահաճութիւն էր քան զայն . որչափ դիւրագոյն է նետահար սպանանել զփիդ , քան ծընունդ լինել Արամաղդայ : Ապա ոչ ատեայր Ազեքսանդր զմարդահաճութիւն այլ ատեայր զփոքր մարդահաճութիւն , որում հնար էր 'ի սուտ հանել զմեծամեծս :

Մեծաց մարմնաց մեծ ճարակք պիտին , և մեծամեծ անձանց մեծամեծ մարդահաճութիւնք : Զի մեծ են յոյժ կարծիք նոցա զանձանց . և խնդան , թէ տեսանեն զանձինս 'ի կարծիս այլոց մեծ ևս քան զոր են . որպէս ամենայն ոք խընդայ և ծիծաղի՝ տեսեալ 'ի մեծացոյց հայելով զերեսս իւր մեծաբանակ : Վասն այսորիկ գովեստք թէպէտ և սուտ իցեն , և գովեստընկալն իսկ դիտիցէ թէ են սուտք , բայց և այնպէս միշտ են հաճոյականք : Զի զոր օրինակ ճշմարտութիւն հա-

կառակաբանին ծնանի զատելութիւն, նոյնպէս ստութիւն գովասանին ծնանի զաէր. որպէս ասաց մեծն այն. Գիտեմ, զի մարդահաճես, բայց և այնպէս հաճոյէ ինձ: Ապա դժուարին է որոշել զմարդահաճոյն 'ի գովասանէն, բայց ևս դժուարին է որոշել, ո՞ առեցող իցէ մարդահաճութեան և ո՞ տարփացող: Զի են որք սնդէն թէ չեն հաւան ընդ մարդահաճութիւն. և բարկանան, եթէ ոչ մարդահաճութիւն ընդունին: Աքայաբ մարդահաճեալ յիւրոց ըղձապատում քրմաց որք յորդորէին զնա ելանել 'ի պատերազմ, ասաց ցմարդարէն Միքիա. Երդմնեցուցանեմ զքեզ յԱստուած Շմարիտ, զի ասասցես ինձ զՃշմարիտն առանց մարդահաճութեան: Միքիաս քաջ ևս ըղձապատում վասն այլոց քան վասն անձին, յայտ յանդիման ասաց. Թէ ելցես 'ի պատերազմ, ըսպանցիս: Բարկացեալ թագաւորին՝ անդէն վազվաղակի էարկ զնա 'ի կաշանս. բայց և այնպէս մարդարէութիւնն Շգրտեցաւ. չոքաւ նա 'ի պատերազմ, և սպանաւ: Ով խորութեան և անհասութեան կամաց զօրաւորաց. բայց անհասանելի ևս եզեն վՃիռք աստուածակետական զօրութեան: Թագաւորն երդմնեցուցանէ զմարդարէն շմարդահաճել, և 'ի շմարդահաճել նորա սպանանէ զնա: Մարդարէն վասն հնազանդելոյ արքայի՝ ասէ զՃշմարիտն. և վասն զի ասաց զՃշմարիտն, պատուհասի: Յառաջատես աստուածակետութիւնն յառաջագետ գոլով գրժողութեան արքային, էր նախակարգեալ, զի մարդարէն վկայական մահուամբ մեռցի վասն ասելոյ իւրոյ զՃշմարիտն, իսկ թագաւորն սպանցի վասն չհաւատալոյ նմա: Իսկ արդ ովլ իցէ որ սիրիցէ զմարդահաճութիւն: Որ ունի բարիռք կարծիս զանձնէ, որ կամի լինել 'ի բարւոք կարծիտ առ այլս, և որ դիւրաւ հաւատայ այնմ որում մեծապէս ըդանայ:

Գ Լ Ո Ւ Խ Դ.

Յաղագս վախճանի մարդահաճոյին:

Ով, որպէս նման են մարդահաճոյն և գովասանն 154 թէ պէտ և մին է մոլի և միւսն առաքինի: Բայց որչափ նման են միմեանց, այնչափ տարբեր են վախճանք նոցա: Գովասանն գիտէ պատուել. մարդահաճոյն գիտէ օգտիլ. մին հայի յայլոյ օգուտ, և միւսն յիւր օգուտ: Յայսմ անարդ և ծառայական վախճանէ մարդահաճոյք ստացան անուանս նախատականս: Կոստանդիանոս կայսր կոչեաց զնոսա Մկունս պալտականս: Անտքսիղայոս, Ցեցս քսակի: Դիոդինէս, Շունտ

արքունի։ Այլը, Կասպիկս եթովպականս, Պրոթէոսս երկրտ-
ւորս, պատառաբոյծս սեղանոց, որսօղս պարգևաց, աղուէսս
սովեալս, նմանաբերեալ զգեղեցիկ առակ փոխւգացւոյ ծա-
ռային 155։ Տեսեալ աղուիսուն զագուաւն յոստ մի ՚ի կայտ-
ոի, պատառ մոյ ՚ի կտցի ունելով, համոզեաց զնա թէ քաջ
ես յերաժշտութեան քան զսիսակ. և յորդորեաց զնա փորձ
փորձել զիւրոյ քալցր ձայնի։ Հաւատաց նմա ագուաւն. և
այն ինչ կամեր երգել, անկաւ որսն ՚ի վայր. և խորամանկ
աղուէսն եկեր զայն։ Ագուաւ սեափետուր էր միանձնական
սքեմաւ այլ սպիտակափառ մսքրութեամբ Պետրոս Մորրովն,
որ ապա կոչեցաւ Կելեստինոս 156։ Հին աղուէս էր Բենե-
դիկոսս Կայետան. որ յայս սակօ ՚ի յիշատակադրութիւնս
սրբազնոս աղուէս կոչեցաւ խորամանկ և անյագ։ Տեսեալ
սորա զիւլեստինոս, զի ամբարձեալ յաթոռ գերագահ՝ վայե-
լըր խաղաղութեամբ ՚ի քահանայապետութեանն՝ որում էր
արժանի, ցանկացաւ յինքն կորզել զայն անոյշ պատառ։
Սկսաւ շողոմելով այնչափ գովասանել զառաքինութիւննո-
րա, և զերջանկութիւն առաջնոց վարուցնորա՝ յորժամ էր-
գեր ընդ հրեշտակս յիւրում դասի, մինչեւ հովիւն բարի ՚ի
ժողովն Սէտապօլսոյ նուագեալ զանլուր զայն երգ, Ես Կե-
լեստինոս, և որ զինի, հրաժարեաց ՚ի քահանայապետու-
թենէ։ Եւ աղուէսն անյագ՝ աջակցութեամբ արքային Կարո-
լոսի՝ արկ զայն յիւր բերան։ Գրեն բազումք թէ այն քահա-
նայապետ ոչ ևս քահանայապետ՝ իբրև յելից իրացն ծանեաւ
զնենգութիւնն, դուշակեաց զբենեգիկոսէ զայս դուշակու-
թիւն։ Եմուտ նա որպէս աղուէս, թագաւորեսցէ որպէս ա-
ռիւծ, և մեռցի անարդութեամբ. ամենայնն ճշմարտեցաւ։
Եւ ՚ի վերայ այսպիսի անցից անցելոց, որ ՚ի վեաս շողոմե-
լոցն, և յօդուտ շողոմողին, հաստատեցաւ առակն վաղեմի։
Ոչ վասն իւր երգեաց ագուաւն, այլ վասն աղուեսուն։

Բայց այսոքիկ են մարդահաճութիւնք գէթ ուղղեալք առ-
բարձր վախճան։ Անարդին թէ ՚ի գերեւ ելանեն, բայց պա-
տուին ՚ի ռամկաց, թէ ՚ի գէալ յաջողեն։ զի առ նոսա՝ որք
ըստ ելից իրացն դատեն, մեծ պատիւն ջնջէ զմեծ ամօթ, և
թէ միջոցն մեղադրի՝ վախճանն գովի։ Բայց վատանուն մար-
դահաճոյք են նոքա, որք ընդ անարդ վարձուց անարդաբար
գովեն և ստեն։ Զի դժպատէհ իմն է թէ գովեստն, քան զոր
չիք մեծագոյն նուէր՝ ՚ի նուէրս իսկ Աստուծոյ, վարձուոր
զոհ ընծայեսցի պիղծ մարդահաճութեան։ Մոլութիւն է դա-
տարկանձանց և յուլացելոց, որոց փախուցեալ յաշխատու-
թենէ և ՚ի պատուաւոր գործոց, ձեռնարկեն յամենայն ա-
րուեստ և հնարս ստախօս լեզուի, զի զօտարին կերիցեն։ Ի
ծունիր իջանեն, զպարանոցս խոնարհեն որպէս կարթ, զի ըն-
թրիս ինչ որսասցին։ Չիք գծծութիւն յոր ոչ միին, և ոչ

Նախատինք զոր ոչ յանձն առնուն. միայն թէ աջալուրջ իցեն առ իւրեանց շահ: Մեծն այն շահատակ կաստրուկիոս կաստրական՝ 157 որ գովելի ընծայէր զանձն իւրովք քաջութեամբք, տեսեալ թէ մի ՚ի մըջմանցս ընծայէր գովեստս, զի կորզեսցէ դրամս, եթուք յերեսս աներեսին: Կա անամաչ գիմօք, առանց զերեսս սրբելոյ, ասէ. Զկնորսն յանձն առնու գլխովին թացանիլ ՚ի ջուր ծովու, զի որսասցի ձուկն. ես ոչ թողացուցանիցեմ թանալ զերեսս, զի որսայցեմ տուրս: Բայց ոչ ձկան և ոչ տրոց լեալ արժանի, թացերես և ձեռնունայն ել յերեսաց նորա ՚ի բաց:

ԳԼՈՒԽ Ե.

**Թէ որով օրինակա վարիցի մարդահանոյն ՚ի
մարդահանել իշրում:**

Անսպատկառ և տխմար մարդահանոյն չէ արժանի այլում հատուցման, բայց որում արժանացաւ նախասացեալ ձկնորսն կաստրականեան: Չէ հմուտ մարդահանոյ, որ չունի մտավարժութիւն. և քաջուսումն լինի նա, յորժամ վարժապետէ նմա քաղց: Բայց գլխաւոր ուսումն մտավարժ մարդահանոյին է գիտել ճանաչել զբնաւորութիւնն այլոց և գիտել յերիւրիլ ըստ այնմ, բանիւք, գործովք և կամակատար ծառայութեամբք: Եւ զի մարդահանութիւնն է կապիկ բարեկամութեան, վասն այսորիկ ոչ ինչ նշան սիրոյ այնակէս բնաւոր է նմա, որպէս կերպարանակցութիւնն ընդ բարեկամին. մինչեւ երեկիլ թէ յերկուս մարմինս իցէ մի միայն հոգի: Սակայն մարդահանոյն է որպէս զատուեր որ ոչ սիրէ զքեզ, բայց և այնակէս քո զինի գայ, և առնէ զամենայն զոր առնես: Արիստոն էր թոթով, և իւր համբակք թոթովվէին: Պղատոն էր կոր, և աշակերտք ՚ի կոր գնային, իբրև զկորաքամակ առնապատկերս զորս կանգնեն ճարտարապետք ՚ի մոյթ շինուածոց: Ազեքսանդրի կոր էր պարանոց, և իւր պաշտօնեայք նորա կորանային, զի ՚ի դէպ յաջողեսցէ նոցա: Չգիտեմ Պատրոկլիդէս որ մարդահանէր հօրն Ազեքսանդրի, բրեաց արդեօք զիւր մի ակն, զի նմանող լիցի իւրում տեառն: Կերպարանակցի մարդահանոյն քում այժմեան վիճակի. թէ գովես՝ գովէ, թէ անարդես՝ անարդէ, թէ ծիծաղիս՝ ծիծաղի, թէ լաս՝ լայ, և ոչ խնդրէ միսիթարել զքեզ. զի մի հակառակեսցի. այլ կեզծաւորի անմիսիթար լինել ՚ի քո ցաւո: Կման է պողիպողի, որ ըստ ժամանակին աճէ կամ նուազի, և ըստ տեղւոյն փոխէ զդոյն. մինչեւ մանրիկ ձկունք և թիթուունք

չորոշեալ զնա 'ի ժայռէն, վստահութեամբ մատչին 'ի նա, և ըմբռնին 'ի խիղք նորա: Այլ այսօքիկ են կապկային հնարք՝ մակերևականք, նմանակցութեամբ իրացն, զորոց առանց ճգանց մատորութեան՝ բայց օդախէ հնար է բերել զնմա- նութիւն:

Այլք մեծ ևս արուեստաւորութեամբ ընդմտեալ 'ի բարս և 'ի յօժարութիւնս սրտի, սուտակասպաս գովութեամբ զմո- լութիւնն առնեն առաքինութիւն. և զօրէն բանաստեղծից զջշմարիան քօղարկեն ճշմարտի կերպարանաւ: Թէ յան- գուգն ես, կոչէ զքեղ արի. թէ երկչոտ, կոչէ զքեղ խոհա- կան. թէ փառասէր, բարձրացուցանէ զքեղ որպէս մեծանձ- նեայ, առակ 'ի վերայ բերեալ. թէ ցածասրտի է՝ տոկալ վերնագունի:

Բայց մտաւորագոյն և միսասակարագոյն ևս են այնք, որք արծարծանեն զմարդահաճութիւն ուշեղ սրամառութեամբ, որ առնէ զգովեսան շնորհաբան, թէպէտ և ըստ քմաց: Մտա- ցի մարդահաճոյ եղեւ Եւդեմոնիկ. որոյ լուեալ զորոտումն՝ դարձաւ առ Ազեքսանդր և ասէ. Դո՞ւ իցես, որ որոտաս, թէ որդին Արամազդայ: Եւնիկեսեայ տեսեալ յերեսս նորա- ճանձ մի. ասէ. Ո՛վ ճանձ բարեբաստիկ քան զամենայն ճանձս, որ արժանացար ճաշակել զարիւն դիւցազին: Հաճոյ եղեն այս փաղաքշանք արքայի, և փոխատրեաց այնց մեծա- գանձ պարգևս. զի մտաւորութեամբ և աննախանձ հաճէին զկամս յիմարութեան նորա: Բայց ոչ այդպէս 'ի գէպ յաջո- ղեաց փիլիսոփային, որ իբրև ետէս զնա վիրաւորեալ, զի հե- ղոր զարիւն, ասաց առ նա զհոմերական զայն տող. Արիւն որ բղնէ 'ի դից անմահից: Գեղեցիկ եղեւ ասացուածն. այլ գեղեցիկ ևս էր չասել զայն. զի առաւել կծեաց այն զԱզեք- սանդր քան զնոյն ինքն զլերս. զի գիտաց, թէ այն գովեստ ՚ի բերան այլոց եղեւ մարդահաճութիւն, այլ 'ի սորայս հեգ- նութիւն: Մեծի զգուշաւորութեան պէտք են 'ի մարդահա- ճէլ անդ, զի ընդունողն մարդահաճութեան մի ամաչեսցէ յընդունել իւրում. և զի կեղծ սէրն երևեսցի անկեղծու- թիւն: Մարդահաճոյք որ 'ի Տարրակոնայ քաղաքէ Սպանիոյ կամեցեալ գուշակել Օդոստոսի մտացի իմն գուշակութիւն յաղթութեան և յաղթանակի, ասացին նմա, թէ 'ի վերայ սեղանոյ յանուն քո 'ի մէնջ նուիրելոյ՝ բուսաւ արմաւենի: Թագաւորն՝ որ մտացի ևս էր, խոժուահայեաց ետ պատաս- խանի հեգնելով. նշան է, թէ ստէպ զոհէք 'ի վերայ իմոյ սեղանոյ: Պատասխանին հռովմայեցոյն մտաւորագոյն ևս եղեւ քան զսպանիացւոց առաջարկութիւն, և մարդահաճու- թիւնն յայտնեցաւ իւրովի. իբր զի եթէ ստէպ զոհեալ էր նոցա կրակավառութեամբ 'ի վերայ սեղանոյ, չէր արդեօք բուսեալ արմաւենին:

Բայց Ճարտար և է այն ազգ մարդահաճութեան, որ երկի հակառակիլ և մարդահաճէ. զի գովեստ անակնկալ հիացումն արկանէ ՚ի կարծիս, և առաւել բերկրեցուցանէ: Աղախինն Փիլովմատեայ՝ ըստ բանաստեղծութեանն Պլաւտոսի, առ առաւել բարձրացուցանելոյ զգեղ տիկնոջ իւրոյ, զլանայրնմա զգործիսն զոր խնդրէր նա ՚ի գեղազարդել զանձն: Վասն այ. սորիկ ՚ի խնդրել նորա սպիտակագեղ ՚ի սպիտակացուցանել զերեսս, տայր պատասխանի. Իմ ոչ են կամք տալ. քանզի զիարդ սպիտակասցի փղոսկր՝ սեակաւ: Եւ ՚ի խնդրել նորա ջուր ՚ի լուանալ զձեռս, ասէր. Չպիտի. զի գիւրագոյն է քոց ձեռաց զջուրս լուանալ. քան ջրոյն զքոց ձեռս:

Դառնագոյն յայսմ ազգի, և չարաշուք յոյժ եղեւ մարդահաճութիւն ուրումն յաւագաց անտի ՚ի դասէ սինկղիտոսաց: Յոտն եկաց սա յաւուր միում յատենի ծերակուտին, խօսել սկսաւ լնդ Տիբերիոսի յայրատագոյնս իմն և ՚ի ձայն բարձր ասէ. Տիբերիէ, ժամ է արդ խօսել լնդ քեղ համարձակ յօդուտ հասարակապետութեան, առանց մատահաճութեան: Ապշեցաւ ինքնակալն, և ծերակոյան իսկ ոչինչ պակաս քան զնա: Յաւել ասել. Լուր ով կայսր, մեծ անիրաւութիւն է քոյ, զոր բովանդակ ծերակոյտս ստգատանէ. թէպէտ և ոչ ոք իշխէ խօսել համարձակ: Սոսկացաւ ծերակոյտն առ այն բարբառ և առաւել ևս քան զծերակոյտն՝ Տիբերիոս, կարծիս ՚ի մտի եղեալ թէ գաղանի ինչ իրք դաւադրութեան ՚ի վեր երևեսցին: Ապա ասէ. Դու, ով Տիբերիէ, տաս զամենայն մեղ, վրիպեցուցեալ զքեղ յօդտէ գանձուցն արքունի: Տքնիս ՚ի գիշերի. զի մեք անհոգ ՚ի քուն լիցուք: Հաշես զքո մարմինդ յանդադար աշխատութիւնս, զի մեք յանձնդիւրութիւնս և ՚ի գրգանս վայելեսցուք: Յայտնի անիրաւութիւն է այդ. ՚ի վեաս մեծ հասարակապետութեան և ինքնակալութեան. որոյ կեանք զքո կենաց կախեալ, ոչ կարէ կեալ, թէ դու զքոյդ արհամարհէս: Կասսիոս Սևերոս՝ զգօնաւոր յաւաջատես՝ լուեալ զայն բան, անդէն վաղվաղակի ասաց ցիւր ընթերակայս. Երդուեալ ՚ի Դիոս, այս մարդահաճութիւն՝ կործանումն է Տիբերիոսի, որ եղեւ իսկ: Տիբերիոս ետ զանձն փափկութեան կենաց և անդութութեան, ՚ի զեղս քարանձաւս կղզւոյն կապրեայ. չունելով հռովմայ այլ նշան թէ կենդանի է Տիբերիոս, բայց զկոտորած իւրոց քաղաքացւոց: Բայց յայնմ վայրի մարդահաճոյն եհաս իւրում օդոփի: Տիբերիոս հրամայէր հռովմայ, և նա Տիբերիոսի:

ԳԼՈՒԽ 9.

Յաղագս հակառակասիրի, կամ կոռասիրի:

Մարդահաճութիւնն է աւելազանցութիւն, իսկ հակառակասիրութիւնն պակասութիւն. զի՞ քաղաքական կենցաղավարութեան որչափ հաճութիւն բերէ նա գովելով, այն չափ բառնայ սա հակառակելով: Ամենայն ոք սիրէ վինքն, և զոր ինչ իւր է, և ես առաւել զիւր կարծիս որպէս զազնուտդոյն մասունս ազնուականագոյն մասին հոգւոյ: Վասն այսորիկ միտ մարդկան ընդ լսելն ՚ի հակառակասիրէ, զի երդիծանութեամբ կրկաէ զիւր կարծիս, այնպէս դառնանայ, որպէս դառնանայը Ռէա, յորժամ ժանան կռօնոս կլանէր զնորա սիրելի ծնունդս 158:

Հակառակասէրն ըստ երեւութիւն է ընդ հակառակս մարդահաճոյին: Զի մարդահաճոյն է զուարթագին, քաղցրաբան, շնորհաշուք, բարեմարդ. գլխովին շողոմով և քծնող: Իսկ կռուասէրն ախուր, սևամաղձուա, թուխ, գիսախուիւ, անպահոյձ, գլխովին յանդուդն և արհամարհու: Վասն զի որ մարդահաճէ, ջանայ հաճոյանալ. և որ հակառակի, անհաճոյ լինել: Այլեւայլ են երկոցուն արարք և հընչիւն ձայնի. որպէս այլեւայլ են արարք և ձայնարձակութիւն շան քծնողի և շան խածատողի, զի նա շարժի ՚ի ցանկականէն, և սա ՚ի ցասմնականէն. որք են կիրք միմեանց հակառակը: Այլեւայլ են և ՚ի ճիգն մտաց: Ոչ այնչափ մտաւորութիւն պիտի առ ասել զքարն բարի, որչափ առ ասել զքարին չոր: Առ մարդահաճէ լշատ է թէ գիտիցէ ոք տալ հաւանութիւն ակնարկութեամբ կամ ձայնիւ, բայց առ հակառակէ պիտոյ է թէ գիտիցէ ոք գիմախօսէ նուրբ փաստիք, եբրև զկիւնիկեանս և զիմաստակս: Վասն այսորիկ մարդահաճոյին մեղք է ՚ի լեզուի, այլ հակառակասիրէն լեզի է յատամունս: Կա թէ խոցէ ևս, քաղցրութեամբ խոցէ. այլ ստդառնտպէս խածանէ, սկատառուաէ և գիշատէ: Վասն այսորիկ ծանրատաղտուկ մականուամբք նկարագրեցաւ կենդանագիր հակառակասիրին. որոց կէս զառնելութիւնն ածէ ՚ի ցուցակութիւն, և կէս զգործն: Յառնելութենէն կոչեցաւ, մանրակրկիտ կռուայոյզ, երդիծաբան Արիստարքոս, անիծաբան Տիմոն, և մոլի Մոմոս 159: Եւ ՚ի գործոցն՝ շուն տաղակալի, ատելութիւն նողկալի, ժահահոտութիւն զզուելի, ժանաախտ կենակցութեան: Վասն զի ամենեցուն է ատելի և խորշելի, որպէս անդղն թաշնոց. իբր զի մի ՚ի նոցանէ բա-

ւական է՝ ի տիսրեցուցանել բովանդակ դժողով ուրախութեան. որպէս մի միայն ձայն անհամաձայն բաւական է՝ ի ժխորել զամենայն քաղցրանուագ եղանակ։ Զհումկն ասացից։ Ի հարցանել ցԴիոգինէս թէ որ գաղան չարագոյնս խածատիցէ, խմասնապէս ետ պատասխանի։ Յընտանիս մարդահաճոյն, և՝ ի վայրենիս՝ չարախօս։

ԳԼՈՒԽ Է.

Յաղաց առարկայից հակառակախրի։

Մարդկային խօսակցութիւնք կազմին առաջարկութեամբք և պատասխանատութեամբք. յորոց ումանք են տեսական, և ոմանք գործնական. ոմանք ընդհանուր, և ոմանք մասնաւոր. Տեսական. որպէս, լուսինն է փոքր քան զերկիր։ Գործնական, որպէս Պարա է իշխանի առաւելու ՚ի գթութեան։ Ընդհանուր, որպէս Գեղն է փաղփիւն ինչ Հոգւոյ։ Մասնաւոր, որպէս Հեղինէ է ցքնաղագոյնն ՚ի կանայս Յունաստանի։ Վամենայն առաջարկութիւնք եթէ ճշմարիտք և եթէ սուտք, մարթին տեղի ունել ՚ի քաղաքական կենցաղավարութեան, և որ ինչ տեղի ունի ՚ի քաղաքական կենցաղավարութեան, մարթի լինել առարկայ հակառակասիրի։ զի նա ամենայնի հակառակի։ Թէպէաւ դիտիցեն լինել ճշմարիտ, կամ դիտիցեն լինել սուտ, զոր դուդ ասես, մարդահաճոյն ստորասէ եթէ ստորասէս, և բացասէ եթէ բացասէս։ Այլ հակառակողն բացասէ եթէ ստորասէս. և ստորասէ եթէ բացասէս։ Թէ դու գովես, նա պարսաւէ. թէ դու պարսաւէս, նա դովէ. թէ դու խրատէս առնել, նա խրատէ չառնել. թէ դու խրատէս չառնել, նա յորդորէ։ Ասա. լաւ է մեռանել վասն հայրենեաց։ Անդէն ասիցէ. Լաւ ևս է կեալ վասն հայրենեաց։ Ասա. Այն ոք է մեծատուն։ Ասիցէ. Խոյ է նա ոսկեգեղմն։ Ասա. Այն ոք է աղքատ։ Ասիցէ. Ոչ այդպէս. զի գաղեալ ունի յորովայնի զամենայն զիւր ժառանդութիւն հայրենի։ Գովեան զգեղ ուրուք, տացէ պատասխանի։ Զպակասորդ բնութեանն արուեստիւ լնու. Ասա. այն ոք է տղեղ. տացէ պատասխանի, նա՝ զեղեցիկ է յոյժնորա մարմին հայեցեալ ՚ի Հոգին։

Ոչ բանից միայն, այլև գործոց դիմախօսէ հակառակասէրն։ Յանդիմանէ զքո արարս, ձայնիդ ձայն նմանակէ, ծիծաղի զշարժմամբդ, անդոսնէ զբարսդ, այսն առնէ զագանելիսդ։ Թէ զհասարակաց զգենուս տարագ, կոչէ զքեղ հնասէր. թէ նորաձես, ծաղը առնէ զքեղ որպէս կասիկ նմանորդ։ Թէ

առատաձեռնես, կոչէ զքեղ անառակ որդի. թէ խնայօքէն դնաս, կոչէ զքեղ փցուն ովլահար: Ամենայն ինչ ժահահոտ է նմա և զզուելի. ամենայն ինչ նիւթ է նորա արուեստի, և գարբնոց իւրոց երկաթոց: Զհուսկն ասացից. թէ կամք իցեն քեզ նկարագրել զհակառակասէրն, նկարեսջեր զայն, զոր օրինակ նկարեաց Անախիկիզոս զանընտրող բարս, և Պարրասիս զբնաւորութիւն Աթենայ (կամ Աթենացւոց) գլխովին ընդ հակառակս և անհեթեթ: Աւրախ՝ միանգամայն և տիսուր. յամբ՝ համայն և արագ. երկչոտ և յանգուդն, շուայլ և ագահ: Վասն զի որպէս մարդահաճոյն ամենայնի նմանակի, նոյնակէս հակառակասէրն ամենայնի հակառակի:

ԳԼՈՒԽ Ը.

Թէ զինչ իցէ վախճան հակառակասիրին:

Աչ շարժի հակառակասէրն ՚ի հակառակիլ վասն սիրոյ վարձուց հատուցման որպէս փաստաբանն, և ոչ վասն յայտնութեան ճշմարտութեան որպէս իմաստասէրն, և ոչ վասն ըզձի համբաւոյ որպէս հպարտն, այլ վասն ընդաբոյս չար կատաղութեան ՚ի հակառակիլ. որում սեպհական անուն կոչի ոդի հակառակութեան: թէ սատանայական ազդումն ինչ իցէ այս ոդի, որպէս կոչեն սուրբք զոդի ամբարտաւանութեան կամ չար ցանկութեան, և թէ բնաւոր յօժարութիւն ինչ, անանջրակետ ՚ի սրտէ, որ չարաչար փորձիչն է իւր ինքեան քան զիոյն ինքն զդե: Այսպիսի եղի ոդի կամ այս չար Սաւուղայ, որ առանց գիտելոյ զլամն էրն, գեղարդն արձակէր՝ ի վերայ պատանեոյն Դաւթի, ընդ հարկանել նորա զբընար՝ ի բժշկութիւն նորուն: Այո, այս ոդի հակառակութեան անանջրակետ զուգորդ է միշտ ընդ ոգւոյ ամբարտաւանութեան, կամեցեալ թէ իւր կարծիք յաղթ իցեն քան զայլոց կարծիս. զի երևեսցի թէ իւր ուշիմութիւն վերադոյն իցէ քան զայլոցն, որ է ինքնաբուն ամբարտաւանութիւն: Բայց ՚ի հակառակասէրն, որ յայսմ վայրի դիմագրի հաճոյականին, ոդին ամբարտաւանութեան ծառայէ ոգւոյ հակառակութեան որպէս հրամայողի. զի գրդիու հակառակասիրին ոչ է հակառակիլ ՚ի ցուցանել զուշիմութիւն, այլ ցուցանել զուշիմութիւն ՚ի հակառակիլ: Բայց առ նրբարանել զայսմ նիւթոյ, դիտել արժան է, թէ այս ոդի հակառակութեան ծընունդ է գմնդակ ևս ոգւոյ, այսինքն է սոպու ատելութեան առ ամենայն ազգ մարդկան: Վասն զի չ նմա փոյթ մաքառիլ ընդդէմ սատութեան քան ճշմարտութեան, միայն թէ

Դիակուցէ բարկացուցանել և գժդմնեցուցանել զայն որ խօսի : Զոյելէ 160 անուանի օրինակն հակառակասիրաց, զոր յայս սակս դիտնաւորք կոչէին շուն կատաղի, իբրև հարցաւ յու մեմնէ յընտանեաց, որովհետեւ հասարակաց թշնամին չուներ զոք իւր բարեկամ, թէ զիարդ իշխեցեր պարաւել զգիրս չոմերոսի և Պղատոնի, զորս առհասարակ իմաստունք և պատգամախօսք գործս համարին չնաշխարհիկս, յանդուգն ետ պատասխանի . Չար խօսիմ զգրուածոցս, զի չեմ կարող չար հասուցանել գրողաց : Կատաղութիւն ուներ զայս շուն՝ խածատել և մանրել զոսկերս իսկ մեռելոց, փոխանակ զի եղեն մարդիկ, և զի չէր ձեռնհաս այսմ, թափէր զիւր աաելութիւն՝ ի վերայ գրոց յորս մարդիկ յերկարաձգեն զկեանս : Արժան էր այսմ ատեցողի ազգի մարդկան՝ և զանձն ևս իւր ատել, եթէ չէր նա իբրև զըմարդացեալն Լիկայոն կատաղանօք փոխակերպեալ՝ ի մարդոյ՝ ի գազան 161 :

ԳԼՈՒԽ Թ.

Թէ որով օրինակաց գործիցէ հակառակասէրն :

Զամենայն նախագասութիւնս զգործնականս կամ զտեսականս . զընդհանուրս կամ զմասնաւորս, զորս նշանակեցաք, հնար է ստորասել կամ բացասել, կամ ճշմարիա և կամ վերերևոյթ պատճառօք, ըստ երկաքանչիւր կողման : Ի քաղաքական կենցաղավարութիւնս զինչ առաջարկութիւն և ելանէ՝ ի քո բերանոյ, անդէն խափանէ հակառակասէրն . և թէ պէտե պայծառ իցէ քան զարև, աղօտացուցանել հնարի զայն սաապատիր հակառակութեամք, և միտք, որոյ առարկայ է ճշմարիտն, կուսակից լինի ստութեան : Որպէս ձեռնածուք շութափութեամք ձեռաց պատճեն զաշս, նոյնպէս իմաստակք ստապատիր պատճառանօք դիտեն յեղափոխել զանզգոյշմիաս : Սկեպտացի ակադեմեանք ջանային ճշգրաել զհականական նախագասութիւնս, երևեցուցեալ թէ ճշմարիան է սուտ և սուտն ճշմարիտ : Պնդէր Անաքսագորաս թէ ձիւնն է սեաւ . և Զենոն թէ ոչինչ շարժի, և կամ թէ շարժի, այնպէս երագ ընթանայ մըլիւնն, որպէս արագոտն սուրհանդակն : Զինչ թշուառագոյն կայցէ մարմնոյ՝ քան զտենդ, և հոգւոյ՝ քան զիսելացնորութիւն : Բայց և այնպէս ստապատիր արամաբանութեամք Փաւորինոս զտենդն և Երասմոս զիսելացնորութիւնն գովեցին որպէս բարի ինչ . երկաքանչիւրն արժանացեալք՝ ի հատուցումն փոխարինի իւրեանց ներբողենի՝ յանձինս ընդունել զիւրեանց գովածն : Յայսմ աղան-

դոյ է հակառակասէրն : Կամի սկնդել, թէ արեն է խաւար , յասել քո թէ է լուսաւոր : Եւ չէ ինչ նմա փոյթ, թէ նա խատակոծ լիցի որպէս ստասաց , միայն թէ խրախ լիցի 'ի զայրացուցանել զքեզ՝ հակառակութեամբ քոց ասից : Եւ ոչ միայն խրախ լինի՝ յընդդէմ գառնալ ճշմարտութեան քոց նախադասութեանց որպէս զիմաստակ , այլ և թողեալ զէութիւն իրին , ձեռնարկէ 'ի քերթողական մանրակրկառութիւն բառից , յորակ փաղառութեանց , 'ի շեշտմունս և 'ի կետադրութիւնս , զի առաւել ևս երգիծուսցէ զքեզ : Այսպէս ոմանք քննիչք մանրաքննինք 'ի կարդալ զալասմութիւնս լիւ փոսի պատաւեցւոյ , ոչինչ փոյթ կալեալ խմանալ զերեելի անցս հռովմայեցւոց , զտեղի կալան 'ի կշռադատել զբառս ինչ պատաւեցւոց : Ասինիոս զկիկերոն , և կարքիզ զվերգիլոս իշխեցին գանել քերթողական խարազանաւ , որում ինքեանք էին արժանի . անմտաբար ըստգիւտ արկեալ յոճս ինչ՝ առանց հայելոյ յանձն : Վերգիլիոս յընթեռնուլ զշարագրութիւնս Եննիոսի քերթողի քաղէր ոսկի 'ի տղմոյ . գոքա յընթեռնուլ զվերգիլոս քաղէին տիղմ յոսկւոյ : Ըստ օրինակի իշամեղուաց՝ թուուցեալ շուրջ զմեղու , թեակոխէին յանալէտն , թողեալ զպիտանին : Եւ որ չար ևս է , յայսպիսեաց խեշերանաց կշռադատութիւնս այնպէս ջերանի հակառակասէրն , մինչև յաղլսաղլսիլ խօսից , և գարձադարձ պտտասիտանատուութեանց՝ յոլովակի լինի յաւաշատութիւն 'ի բանից 'ի գործ , և 'ի բանակուուութենէ 'ի սրաշարժութիւն : Այսպէս կշռադատութիւն կաստելլեարի 'ի վերայ ոսկի շուշանաց Աննիբաղայ կարոսի՝ զգրգուեաց զամենայն զմեղուանց գիտնաւոր համալսարանի : Կարի իմն սուր գրիչք Վաղղայ և Պովդայ հեղին թանաք բաղում , բայց առաւել ևս արիւն : Եւ գոյզն ուղղագրութիւն վերտառութեան արձանին Անաքսենորայ էարկ հրդեհ պատերազմի 'ի մէջ Մագնեսիոյ , և շրջակայ քաղաքաց 162 :

Բայց է և այլ եղանակ թունաւորագոյն ևս քան զհակառակին պարսաւանօք , այն է հակառակիլ գովութեամբ : Գովէ այն ոք երբեմն , բայց յարէ յայն զբայց , որ աղարտէ զգովեստն . ըստ օրինակի մեղուի , որ բարձեալ ունի զմեղս 'ի բերան , և զմոյն 'ի տուտն : Թէ համբաւի իմաստութիւն քաջի ուրումն ատենակալի ասէ . Այս այնչափ է նորա իմաստութիւն և արդարութիւն , մինչ ունի անտի և վաճառել կամելով ասել , իմաստուն է նա , բայց անիրաւ : Եթէ ասի զտիկնոջէ ումեմնէ լինել գեղեցիկ , 'ի վերայ բերէ . Այս պարծանք էին ամենայն տիկնաց այնչափ լինել գեղեցիկ , որչափ դա կարծի լինել : Է զի գովէ՝ գեղեցկահիւս առասացութեամբ , բայց հեղմօրէն . կամայնպիսի խորամանկութեամբ , մինչև պարսաւանաց երեխիլ գովէստ : Մինչ զի ոչ ոք իմանայ՝

գովիցէ արդեօք, թէ պարսաւիցէ, բայց միայն որ ճանաչէ զիսորհուրդս մարդկան: Դարձեալ երբեմն, թէ գովես դու զոք յարդեաց, նա առաւել ևս գովէ զնախնիս, ոչ զի գովեսցէ զնոսա, այլ զի ընդվայր հարցէ զսոսա: Կամ թէ գովես դու զմի ոք, նա գովէ զամենայն ոք զի գովեսցէ և ոչ զոք: Վասն զի, ըստ ասից Մարտիաղեսի առ Զոյիլոս, Ում ամենեքին են բարի, ո՞լ լինիցի չար: Զհուսկին ասացից, թէ գովես դու զոք, նա ինչ ոչ հակառակի, այլ ունչս առնէ, կամ ընդ քիմս ժամի: և առաւել չարախոսէ լուել նորա քան զիսուել: Ծաղը նորա և ացք՝ վատանունութեան են նամակք:

Զգեղջկութիւնն, զոր ցուցանէ հահառակասէրն յիւր խօսս, ցուցանէ և 'ի գործս, զի որպէս բանք, նոյնպէս և գործք նորա յառաջ գան 'ի նոյն իսկ ընդաբոյս ատելութենէ առ ազգ մարդկան: Խնդրեա ինչ 'ի նմանէ ծառայութիւն. կամ գեղջկօրէն հրաժեշտ տայ, կամ գեղջկօրէն կատարէ. ուր լաւէր հրաժեշտ ինչ շնորհօք. քան շնորհ ինչ գեղջկութեամբ: Բայց յատուկէ չարախոսի լինել չարաչար, և անմարթ է բարերար կոչել զայն որ յոչ կամաց առնէ զբարի: Ի տիրութիւնս այլոց զուարթանայ՝ յուրախութիւնսն արտմի: Թէ գտանի 'ի կոչունս, հոլովեցուցանէ 'ի սեղան խնձոր գժտութեան, 'ի խռովել զսեղանակցաց միաբանութիւն: Յառաւելու. ուրախութեան՝ տեսցես միոյն յանցանօք 'ի խորտիկս անդ յառնել պատերազմի Լապիթայց և կենտաւրոսաց 163. և ըմսկանակաց և պնակաց որ 'ի պէտս սեղանոյ, լինել զէն սպանութեան. և գինույն ընդ կոկորդս մտելոյ 'ի դուրս հոսել ընդ վիրաբերանս:

ԳԼՈՒԽ Ժ.

Յաղագս միջասահմանորեան 'ի մեջ երկուց ծայրից:

Արդ տգեղութիւն երկուց մոլեկան ծայրիցս յայտնի ծանուցէ քեզ զգեղջեցկութիւն քաղցրախօսութեան, որ է առաքինութիւն միջասահման 'ի մէջ աւելազանցութեան և պակասութեան: Որպէս 'ի խառնեալ մարմինս կան պարզ տարերք, բայց յորակ իւրեանց այնպէս մեղմեալք, որ հուրն ոչ վառէ և ջուրն ոչ թանայ, նոյնպէս 'ի քաղցրախօսութիւն մտանեն երկու գործողութիւնք հակակայք, Հաճոյականութիւն և հակառակութիւն. բայց այնպէս բարեխառնեալք՝ զի հաճոյականութիւնն ոչ մարդահաճէ, և հակառակու-

թիւնն ոչ դառնացուցանէ, և վասն այնր ոչ քակեն զբարեկամութիւն և ոչ զքաղաքական կենցաղավարութիւն, այլ առաւել հաստատեն և պահեն: Ոմանք յիմաստասիրաց ուսեալք'ի հերակլիտոսէ, պնդէին թէ քարեկամութիւնն հիմնի առաւել'ի ներհակութեան քան 'ի նմանութեան, յառաջ բերեալ զայն տող բանաստեղծական. Երկիր տապացեալ սիրէ զով տարափ: Արիստոտէլ մերժէ զայս մոլորութիւն նուրբ իմն զանաղանութեամբ զի երբ ենթակայն՝ ասէ, է յան պատշաճ տրամադրութեան, սիրէ զիւր ներհականն: Բայց երբ է 'ի սպատշաճ տրամադրութեան, սիրէ զիւր նմանն: Վասն այսորիկ'ի տապանալ մարդոյ 'ի տենդէ, սիրէ զջուր ցուրտ և առատ, բայց թէ է առողջ, սիրէ բարեխառն ըմպելի: Եթէ ամենայն մարդիկ էին 'ի պատշաճ տրամադրութեան առ ճըշմարիտն և արդարն, ոչ ինչ պաշտօն էր քաղցրախօսին. բայց հաճոյ լինել և գովել: Բայց քանզի միտ մարդկան յոլովակի 'ի բանս կամ 'ի գործս՝ խոտորի 'ի բանաւորէն. պիտի միւս ևս պաշտօն՝ 'ի հակառակիլ նմա, և 'ի յանդիմանել ըստ պիտելոյ: Այս, որպէս ասացաւ 'ի սկզբան անդ, քաղցրախօսութիւնն կամ սիրողութիւնն հայի նախ առաջին 'ի հաճոյականութիւն, և որպէս թէ ըստ պատահման՝ 'ի հակառակութիւն: Զի այս առաքինութիւն ենթադրէ, թէ կենցաղավարութիւնն է ընդ մարդկան, որք են 'ի պատշաճ տրամադրութեան առ ճըշմարիտն և արդարն՝ 'ի գործս իւրեանց և 'ի բանս. և առ սոսա ուղղակի կարգէ զիւր խօսս. բայց թէ լսէ կամ տեսանէ ինչ ներհական, 'ի վար արկանէ զմիւս պաշտօն: Բայց յերկաքանչիւրն պահէ զչափաւորութիւն և զվայելը ութիւն, զտեղի առեալ 'ի սահմանի բանաւորութեան, ոչինչ զարտուղեալ ոչ 'ի գծծութիւնս մարդահաճոյին, և ոչ յապարասանութիւնս հակառակասիրին. և այս է մէջն առաքինութեան:

Վապա քաղցրախօսն, չունի գրգիչ զիւր օգուտն իբրև զմարդահաճոյն, և ոչ զայլոց խոժուռումն իբրև զհակառականէրն, այլ զհամեսան և զպատշաճականն: Վասն զի քաղցրախօսութիւնն է կարողական մասն արդարութեան, որ ուսուցանէ հաճոյ լինել ամենեցուն, որչափ հնար է: Որ ոք չունի զայդվախճան, չունի զայս առաքինութիւն: Վապա ամենեցուն է հաճոյական, բայց ոչ ամենեցուն նովին օրինակաւ: Ընդ բարեկամս է մաերիմ, ընդ ստորագոյնս քաղցր, ընդ վերնագոյնս հլու, ընդ ծերս ծանրակաց, ընդ երիտասարդս զըւարթ, ընդ տղայս գդուող: Ագեսիղայոս արքայ ոչ ամօթհամարէր խայտալ ընդ իւր մանկունս, յաշտանակել ընդ նոսա յեղեղունս և 'ի հարկանել տաւիղս: Եւ 'ի զարմանալուրումն 'ի վերայ թեթևութեանցս յանձն մեծի արքայի, ետ պատասխանի. Չդիտես ուրեմն, զինչ իցէ լինել հայր:

Եւս և առ թշնամիս լինի հաճոյական և քաղցրախօս։ և ոչ փոքր յաղթութիւնս կատարէ 'ի շահել զսիրա նոցա հաճութեամբ, քան 'ի յաղթել բռնութեան նոցա քաջութեամբ։ Սկիսիոն իւրով բնաւոր քաղցրախօսութեամբ հաշտեցոյց ընդ չուովմայեցիս զվերագն Սիփակ, զորոյ ոչինչ բռնութեամբ կամ ահարկութեամբ կարող էր զերծուլ զընդաբոյս ատելութիւն և զլսժդժութիւն։

Մնայ արդ տեսանել թէ որով օրինակաւ քերիցի քաղցրախօսն առ մարդահաճոյն և առ հակառակասէրն, որք են իւր մեծ թշնամիք, թշնամիք գոլով իւրումառաքինութեան։ Քաղցրական կենցաղավարութիւնն է փոխադարձ հաղորդութիւն ինչ խորհրդոց, որպէս բարեկամութիւնն է փոխադարձ հաղորդութիւն ինչ ախորժակաց։ Վասն այսորիկ քաղցրախօսն սիրէ հաճել և հաճոյ լինել, որպէս որ սիրէն կամի զի փոխարէն սիրեացի։ Նոյնակէս սիրէ հակառակիլ, և հակառակութիւն ընդունիլ. զի վիճելն սրէ զմիտա, վասն որոյ և բերկրեցուցանէ։ Կեղիոս անուանի ատենաբանն՝ հանդերձեալ ջատագովել զոմն որ ապաստանեալ էր 'ի նա, և առաջի առնէր նմա զիւր փաստա։ որոց ապաստանն ոչինչ ընդդէմ դարձեալ, ամենայնի տայր հաւանութիւն։ Վասն որոյ բարկացեալ կեղիոսի. ասէ. Ասա ինչ ինձ ընդդէմ. զի գէթ յայտնեացի, թէ եմք երկու 164։ Բայց եթէ 'ի գովելն և եթէ 'ի հակառակելն, պահէ զօրէնս վայելչականութեան, որպէս ասացաւ։ Ոչ մարդահաճէ նա, զի ոչ գովել առ իւր օգուտ։ և թէ տայ գովութիւն փոքու իմն առաւելեալ քան զջմարիտն, չէ այն մարդահաճութիւն, այլ ընդ խաղ։ զի վերաթուութեամբ իմն յայտնէ զիսկն։ Սիրէ նա զգովութիւն, այլ ոչ զմարդահաճութիւն։ զի ոչ համարի գովութիւն զայն որ գայ 'ի վարձուոր գովչէ, և ոչ զայն որ առ հաճելոյ զունկն՝ գիմախօսէ ծշմարտութեան։ Բայց իբրև իմանայ նա թէ մարդահաճութիւն ընդունի, ոչ թքանէ յերեսս մարդահաճոյին իբրև զկասարուկիոս, զի աւելազանցութեան մարդավարութեան չէ արժան փոխարինել գեղջկութիւն։ այլ քաղցրիկ ինչ կծանօք մերժէ զմարդահաճութիւնն առանց թշնամանելոց զմարդահաճոյն, ցուցեալ զանձն քաղցրախօս և առ նա իսկ։ Ստրատոնիկ մեծանուն քնարահար, մարդահաճոյի ումեմն որ վերադասէր զնա քան զնրիկոս և քան զչալողոն, թեկն ածեալ ետ պատասխանի։ Բարեկամ, ես քան զքեզ աղքատ եմ։ Գեղեցիկ օրինակ մերժելոյ զմարդահաճութիւն է չտալ նմա ինչ։ Նուադածուն նանրացոյց զձայն գովչին, զի չհնչեցոյց նմա ձայն արծաթոյ։ Բայց զուարթառատ իշխանաւորի չէ քաղցրախօսութիւն այդ պատասխանի։ Մերոց իշխանաց կնիք է ձեռն ուսկի, որպէս Պեղուպայ քամակ փղոսկրեայ 165։ Դուքսն իշմանուել Փիլիպերտ, առատաձեռն և զուարճա-

իոս , բանաստեղծի ումեմն օտարականի , որ մատոյց նմա շողոմաբան ինչ քերթութիւն անո՞՛ , հրամայեաց տալ յիսուն դահեկան , ասէ . Վաշ բանաստեղծ է դա . զի խօսեցաւ զինէն , ոչ որ ինչ եմն , այլ որպիսի պարտ է ինձ լինել : Եգիտ իշխանն հնար հանձարաւոր վարձատրելոյ զքերթութիւն նորա , բայց 'ի սուտ եհան զմարդահաճոյն : Քանզի այս ինչ ընդ մէջ է բանաստեղծին և պատմաբանին . զի պատմաբանն գրէ որ ինչ է , իսկ բանաստեղծն , որ ինչ լինել մարթ էր կամ պարտ էր : Քաղցրախօս երևի և առ հակառակասէրն . թէ պէտ և այս մոլութիւն արժանի է կշտամբութեան քան քաղցր խօսից . իրաւացի իմն գոլով , թէ որ ասէ զոր կամի , լուիցէ զոր ոչն կամի : Բայց քաղցրախօսն գտանէ եղանակ հեղիկ փոխադարձի կծանաց չարախօսի : Արիստիպալոս էր մեծ փիլիսոփայ , միանդամայն և մեծ պալատական , ուստի և ատելի ամենայն փիլիսոփայից . զի մարդահաճութեամբն առ Դիոնեսիոս բռնաւոր՝ արար զիմաստասիրութիւնն պատառաքաղ բազմախորախիկ սեղանոյ : Յանցանել սորա ընդ երկայնաձիգ վտակ , ուր աղքատն Դիոգինէս լուանայր զիւր ընդեղէնս , ասէ ցնա . թէ դու ևս մարդահաճէիր Դիոնեսիոսի , չուտէիր զայդպիսի իրս : Որում անդէն վաղվաղակի Դիոգինէս ետ պատասխանի . Եւ դու թէ ուտէիր զայսպիսի իրս , ոչ մարդահաճէիր Դիոնեսիոսի : Բայց ապահովագոյն կանոն համարեալ է չգրգռել կծանօք զիսայթ չարախօսաց . զի մի , որպիս ասէր Պիւթագորաս , յարծարծանել զիսարոյին ունելեօք՝ կայծակունք յաշոդ արձակեսցին : Վասն այսորիկ լաւ է ըզիսոսն խափանել , կամ յայլ զրոյց շրջէլ : Զենոնի հանդիպեալ 'ի ինչոյս ուրեք , ուր էր մի 'ի դիմադարձիցս զոր ձանաշէր , իբրև հարցաւ 'ի նմանէ թէ առաքինութիւնն իցէ բարի , խոժուադէմ ետ պատասխանի , թէ ոչ , և չոքաւ 'ի բացանանեաւ Զենոն , թէ այն հակառակասէր ոգի կամէր մտանել ընդ նմա 'ի վէճ : Բայց ևս քաղցրախօս գտաւ այլ ոմն , որ 'ի հարցանել այլոյ ուրումն հակառակասիրի . Ասա ինձ . ո՞լ ակն իցէ առաւել հեռատես , աջոյ ակն , եթէ ձախոյ ակն . ժպտելով ետ պատասխանի . Այն որ քեզ հաճոյ իցէ , և չոքաւ 'ի բաց : Այլ քան զամենայն քաջ է խրասն զոր տայ մեզ Արիստոտէլ , փախչիլ յայսպիսեաց աստի . զի մի վիճես զուք ընդ նոսա , կամ նմանող լիցուք նոցա :

ԳԼՈՒԽ ԺԱ.

Թէ զինչ իցէ քաջ մարդավարութիւն :

Ծանօթագոյն է անուամբ և գործածութեամբ, քան սեպհական սահմանաւ այն ազնուական առաքինութիւն որ առազնուազգիս և պալատականս կոչի քաջ մարդավարութիւն։ Եւս և այլովք յարդական անուամբք, որ ծաւալ և որ ամփոփ, նկարագրեցաւ մեզ այս գեղեցիկ առաքինութիւնք հասարակ օրինօք ստացանին դաստիարակութեամբ, և ապա գործածութեամբ կամ սովորութեամբ, սոյնպէս սա հանրական անուամբ կոչեցաւ քաջ մարդավարութիւն, և Բարեբարոյութիւն, որպէս այլ ամենայն առաքինական ունակութիւնք։ Բայց քանզի է սա մասնաւորապէս սովորութիւն ինչ ազնուական, զոր չիք ուսանել կամ 'ի գործ ածել 'ի գեղազնդ ուամկաբարոյս և ընդ գեղջուկս, այլ յազնուական քաղաքս և 'ի քաղաքական կենցաղավարութիւնս, վասն այսորիկ կոչեցաւ և քաղաքավարութիւն կամ քաղաքականութիւն, որ են նոյն։ Նա՝ վասն զի առանձինն իմն միտ դնի այսմ յապարանս մեծամեծաց 'ի մշջ ազնուական արանց և կանանց, յատկագոյն և անուամբ կոչի Պալատականութիւն և Ազնուաբարոյութիւն, և Բարեձեռութիւն։ Եւ բարեձե կոչին բարեբարոյք, որպէս թէ սկահողք քաղաքականութեան օրինաց։ զորս ամենայն ազնուազգի պատանիք առ հաճոյանալոյ 'ի գրունս մեծամեծաց՝ պարտին գիտել։ Զսորին հակառակն՝ վերջացեալքն յայսմ առաքինութենէ, թէպէտ և իցեն ազնուատոհմ, նախատական անուամբք լինին յառակս, թէ այն ոք է տմարդի, անքաղաքավար, սոպո և ուամկաբարոյ։ Բայց թէպէտ և այժմուս ամենայն ոք իշխէ ստգտանել զայլս որպէս վարժապէտ մարդավարութեանց, ասելով. Այս ինչ է տմարդութիւն։ այդ ինչ՝ անքաղաքավարութիւն։ այն ինչ շինականի է։ և ոչ ազնուազգւոյ։ այն ոք կարծէ 'ի գեղջ լինել, և ոչ յապարանս։ Ասկայն և այնպէս, ուսուցանել զքաջ մարդավարութիւն, կամ ստգտանել զտմարդութիւն, է յոյժ գիւրին, քան վակել ընդ որոշ սահմանաւ, թէ զինչ իցէ քաջ մարդավարութիւն։

Չգտանի 'ի վերայ այսր յայտնի ինչ լոյս առ նախնի իմաստասէրս։ Զի որովհետեւ իմաստասիրական կեանք սիրէին յամենայնի զաղատութիւն՝ ուստի և զվայրենութիւն և զառանձնութիւն, չեղն ինչ նոցա փոյթ՝ կեանս վարել զօրէն այլոց,

կամ նմանեցուցանել զբարս իւրեանց պալատական օրինաց .
այլ միայն իւրեանց խղճի մտաց որ քաջ օրէնսդիրն էր նոցա ,
որպէս և լուար : Վասն այսորիկ առ անբասիր առնել զոք 'ի
տմարդութենէ և յանքաղաքավարութենէ , սովորութիւն է
ասել , թէ փիլիսոփիոս ոմն է նա : թէպէտ յիրաւի է խտրել 'ի
մէջ փիլիսոփայի և փիլիսոփայի , 'ի մէջ Արիստիապոսի յա-
պարանս ընակելոյ , և 'ի մէջ Կինիկոսի ընակելոյ 'ի կարաս :
Բայց զգօնամիտն այն հոռվմայեցի քերթող Ովիդիոս , որ
գրեաց զարուեստ սիրելի լինելոյ , զոր ինքն չեած 'ի գործ առ
Օգոստոս տէր իւր , յապահովագոյն և յազգողագոյն դաղտ-
նիս այնը սիրողական թովչութեան սրախ ուսոյց զայս , թէ
սիրողն լիցի քաջ մարդավար , զզուելով զամենայն գեղջուկ և
անքաղաքավար գործս . որպիսի են , սանտրել զհերս , յսաա-
կել զատամունս , և հատանել զեղնգունս առաջի յարդելի
անձանց : Վասն զի ասէ , բազում ինչ հաճոյ է թէ կանխաւ
լեալ իցէ , այլ ոչ յորժամ լինի : Ստդտանէ և զծիծաղելն
բարձրաձայն , ատամնաբաց և լնտերացոյց , իբրև զյաւանակ
զոնչող : Ազդ առնէ , թէ տարազ անձին 'ի վնացս մի իցէ ան-
հեթեթ և խուճապ , այլ ծանր և բարեձեւ : Եւ զկերակուրն
առնուլ ծայրիւ մատին , և շթաթաւել զկզակս ըստ անսուրբ
անամոց : Եւ չերեխլ առաջի այլոց մրճոտեալ , և խոժուա-
դէմ , ցուցեալ յերեսս նիշ ատելութեան և ոչ սիրոյ : Այլ և
զուարթադին այն ոդի՝ մտերիմ այեստացւոց . Վուդովիկոս
Արիստոս քերթող իտալացի 'ի քաղել յիւրում հագներդու-
թեան զվէնս , և զսէր ազնուազգեաց առ ժամանակօք կարուսի
մեծի , խառնեաց զգործս քաջազանց , որք հային յարիութիւն
զինուորական , ընդ պալատականութիւնս և ազնուաբարոյու-
թիւնս , որք հային 'ի քաղաքականութիւնս ապարանից : Զի
արիութեան սեպհական է երկեցաւցանել , և քաղաքակա-
նութեանն սիրելի լինել :

Ապա յամենայն ժամանակի այս առաքինութիւնն համարե-
ցաւ էական , և ոչ թէ էկամուտ ինչ յատկութիւնն ազնուա-
զգեաց և պալատականաց : Բայց յանցելում դարու վասն
խժդժական անցից որք լուծին ցրեցին զամենայն մարդկային
ընկերութիւնն , իբրև վտարեցաւ յիտալիոյ ամենայն բարեբա-
րոյութիւնն , ծնաւ վերստին յաշխարհ կատովն նորոդիչ բա-
րուց , յանձն իմաստնոյն Յովհաննու Տէլլա Գազա : Ծնեալ
սորա և սնեալ 'ի ֆլորենտիա քաղաքի , որ ստուդաբանու-
թեամբ անուանն , և գերապանծութեամբ թաղից , և ազնուա-
կանութեամբ քաղաքացւոց , յիրաւի կոչեցաւ Շաղիկ քա-
ղաքաց իտալիոյ , և մանր կրկտեալ նորա զամենայն զընդդի-
մակս քաջի մարդավարութեան , 'ի լոյս ընծայեաց գրքոյկ
ինչ իբրև փոքրիկ հայելի քաջի մարդավարութեան , և մեծ
խարազան տմարդութեան , որում և անուն կոչեաց կալա-

դեռն : Այնչափ գովութեամբ ընդունելի եղեւ ամենայն խռացոյ այն ազնուական երկասիրութիւն , մինչ ոչ միայն տանուտեարց և ուսուցչաց , այլև վարչաց համալսարանաց և մանկավարժից իշխանազնից վարել զոյն 'ի պէտս իբրև զկանոն Պողիկղետոսի , յուղղել զբարս և զմարդավարութիւն իւրեանց համբակաց . որոց շատ էր ասել . Այդ գործ ընդդեմ է կալադէռնի : Այլ թէակտ և 'ի վերայնիւթոյս բազում ինչ խօսեցաւ նա գեղեցիկ և ընտրական , սակայն չկը դատնել 'ի ճառս նորա զգիտնական սահման այսր առաքինութեան . և ոչ թէ իւ զանազանիցի յայլոց տեսակաւ , և ոչ թէ յոր վայր դասիցի սա 'ի դասակարգի բարոյական առաքինութեանց , և ոչ թէ ո՞ր իցեն որոշակի իւր ծայրք : Ուր արժան էր և զայտ ևս առաքինութիւն յեռուլ յայնս , և իմաստատիրաբար քըն-նել սկզբամբք բարոյական գիտութեան : Վասն զի թէակտ և յաջս ռամկաց ոչ այսր առաքինութեան պիտանութիւն , և ոչ հակակայի սորա մոլութեան վնաս՝ երևին մեծ ինչ առ կեանս մարդկան , բայց և այնապէս ստոյգ իմն է թէ մեծ ինչ են առ կեանս քաղաքական : Զի զոր օրինակ 'ի փոքր նշանաց գիմաց՝ հմուտ բնազնինք ճանաչեն զիսառնուած մարմնոց . սոյնապէս 'ի քաջ մարդավարութիւնէ և 'ի տմարդութենէ խոհեմք ճանաչեն զբարս հոգւոյ : Եւ անտարակոյս այս եղեւ իմաստ իմաստնագունին 'ի մարդկանէ , յայն բան սուրբ գրոց թէ Զգեստ մարմնոյ , և ծաղք ատամանց , և գնացք մարդոց պատմեն վնմանէ * :

Վավա վասն այսց սկատճառաց՝ պատշաճ վարկուցեալ իմ . 'ի վերայ այսորիկ ևս խորհուրդ հարցանել մերում պատգամախօսի մեծին ասեմ Արիստոտելի , որ զամենայն իրաց խօսի , 'ի միտ առի թէ քաջ մարդավարութիւն կամ քաղաքականութիւն փակի յերիս նախայիշտակեալ առաքինութիւնս , որք համեմեն զբաղաքական կենցաղավարութիւն , այն է Քաղցրախօսութիւն , Ճշմարտախօսութիւն և Զուարճախօսութիւն : Բայց յերեցունց միջի՝ փակի նա յատկապէս յառաջնումն , որ առարկայ ունելով զհաճոյանալն յիրս ըստուգութեան այնոցիկ ընդ որս կենցաղվամք , կոչեցաւ Քաղցրախօսութիւն , Արողութիւն և Հաճոյականութիւն : Այլ յայսմ վայրի յիրաւի է յուշ առնել քեզ , թէ Արիստոտէլ 'ի քաղցրախօսութեան հոյեցաւ առաւել ընդ հաճոյականութիւնն 'ի գովել և 'ի հաւանիլ իմաստից այլոց . ոչ գեղջկօրէն հակառակելով և ոչ անարդաբար մարդահաճելով : Բայց թէակտ և այս է գլխաւոր գործ քաղցրախօսութեան , սակայն և այնապէս անուն իւր ոչ պարագրէ զամենայն զծիր իւրոյ պարունակի . որպէս և անուանք արիութեան և առասա-

ձեռնութեան արտայայտեն զեականագոյն մասն այնց առաքինութեանց, թողեալ դիտնական սահմանին բացատրել զմնացուածն։ Ապա ըստ այսմ եթէ հայիմք՝ ի քաղցրախօսութեանդ անուն, որ արտայայտէ ըստ հնչման ձայնին զեղանակ խօսակցութեան, թուի թէ ամփոփէնա զքաջ մարդավարութիւնն միայն՝ ի հաճոյականութիւն խօսից։ Բայց բաց՝ ի խօսից՝ քաղցրախօսութիւնն տարածի և՝ ի քաղաքականութիւնն գրութեանց, հաճոյականալով այլոց և յողունագիրս առաքեալս քաղաքական յարդանօք, և շքեղ վերտառութեամբք՝ ի մակագրութիւնս, և պատկառաւոր և խոնարհական եզերօք՝ ի ստորագրութիւնս։ սակայն պահելով այնպիսի իմն վայելչականութիւն, զի կարի իմն հաճոյականութիւնն մի փոխեացի՝ ի քաղցրութիւն աղի։ Կա՝ նոյն խակ քաղցրախօսութիւնն տարածէ զհաճոյականութիւն և առ ամենայն արտաքին և անտարբեր գործս քաղաքական կենցաղավարութեան։ Զի զոր օրինակ հնար է մարդահաճել և հակառակիլ խօսիւք, նշանօք, և գործովք, որպէս ցուցաւ, նոյնպէս հնար է խօսիւք, նշանօք և գործովք վարել զքաղցրախօսութիւն, որ է միջասահման՝ ի մէջ մարդահաճութեան և հակառակութեան։ Ասացի առ անտարբեր գործս։ Վասն զի աստանօր ոչ են մեր բանք զգործոց՝ որ ՚ի բնէ են չարք, այլ զգործոց, զորս առանց յանցաւորութեան մարթ է գործել գեղջկօրէն և յոչ հաճոյս, կամ ազնուօրէն և՝ ի հաճոյս։ Նոյնպէս քաղաքականութիւնն մարդավարութեան չէ օրէն քաղաքական, որ կանոնաւորէ զգաշխնս արդարութեամբ։ այլ օրէն ինչ պաշտական, որ կանոնաւորէ զեղանակ գործողութեանց հաճոյականութեամբ։ Այն կոչի Ընկերութիւն, և սա կենցաղավարութիւն։ Ապա փոյթ յանձին կալցի քաղցրախօսն, զի միայն իւր խօսք, գովասանութիւնք, և շնորհակալք, այլ և շարժմունք իւր և ծիծաղ, և յառնել և նստիլ և դնալ, և զգենուլ և յօրինիլ, և ուտել և խաղալ, և մեծարել, և այլ ամենայն անտարբեր գործք, որք լինին՝ ի կենցաղավարութեան քաղաքայնոց, լիցին այնպիսի քաղաքավարութեամբ, որ ոչ միայն ոչ զգուեսցեն, այլ և հաճոյ լիցին տեսողաց։ Արդայս ամենայն է առարկայ քաղցրախօսութեան, ամենայնն է հաճոյականութիւն առաքինական։ ամենայնն է քաջ մարդավարութիւն և հրահանգութիւն, որ ՚ի պատուաւոր կենցաղավարութիւնս շնորհէ հաճոյս, և ընդունի սէր։ Եւ զսորին հակառակն, որ տմարդի է յայսմ ամենայնի, խորշելի և զգուելի է ազնուական անձանց որպէս անքաղաքավար։

Ապա ձեռնարկեալ՝ ի յայտնի ինչ սահման, ասեմք։ Քաջ մարդավարութիւնն է նոյն խակ առաքինութիւն քաղցրախօսութեան, ըստ այնմ որ՝ ի քաղաքական կենցաղավարութեան ջանայ հաճոյանալ այլոց՝ անկատակ, և հրահանդ՝ ի բանս և

'ի գործս՝ ըստ պահանջելոյ վայելքականութեան։ Յայսմ սահմանէ մարթ է քեզ նախ ճանաչել թէ լինել տմարդի՝ ոչ նշանակէ լինել ամբարիշտ, գող կամ սպանող. և զսորին հակառակն, լինել մարդավար ոչ նշանակէ լինել արի, առատաձեռն կամ արդար։ Վասն զի այս մոլութիւնք և այս առաքինութիւնք ունին այլ առարկայս և սեպհական անուանս և յատուկ սահմանս։ Իսկ մարդավարութիւնն չունի զայլ անուն, բայց զքաղցրախօս հաճոյականութիւն։ և ոչ զայլ օրէն, բայց զազնուաբարոյութիւն։ Եւ պակասին յայնմանէ չէ յանցանք, վասն զի ոչ ծնանի 'ի չարութենէ, այլ 'ի տութենէ, և վասն այնր չէ արժանի այլում պատուհասի։ Բայց զզուանաց և քամահանաց։ Մարթիս ճանաչել և ևս, թէ քաջ մարդավարութիւնն ոչ վերաբերի տիրասկէս, ոչ 'ի ճշմարտախօսութիւն, և ոչ 'ի զուարժախօսութիւն, այլ 'ի քաղցրախօսութիւն։ Ոչ 'ի ճշմարտախօսութիւն, զի լինել ճշմարտախօս և ոչ ստախօս, է օրէնք ընական, եղեալ 'ի վերայ ամենայն մարդոյ, եթէ ազնուականի և եթէ շինականի։ Բայց լինել քաղցրախօս և քաջ մարդավար, է օրէնք քաղցրական և պալատական պատշաճոլութեան։ որ ոչ պատշաճի շինականի; որպէս և ոչ քղամիդ՝ կապկի։ Ոչ վերաբերի և 'ի զուարժախօսութիւն տիրաբար։ զի թէպէտ զուարժախօսութիւնն 'ի կենցաղավարութիւնս է հաճոյական, բայց հաճոյ է յայնս որ ընդ խաղ, հիմնեալ 'ի տգեղութիւն ինչ ընդդէմ վայելքականութեան, որպէս ասասցի յիւրում տեղւոջ։ Բայց քաղցրախօսութիւնն հաճոյ է յանկատակն և 'ի վայելքականն, և այն է քաջ մարդավարութիւն։

Եւ ոչ վայրապար յաւելաւ 'ի սահմանի անդ վայելքականութիւնն։ որ հայի 'ի տեղին, 'ի ժամանակն և յանձինս։ Զի այլ մարդավարութիւնք 'ի գործ ածին 'ի մէջ շինականաց և շինականաց, և այլ 'ի մէջ ազնուականաց և ազնուականաց։ Ուստի է ինչ գործ յընտանեաց միջի սովորութիւն, որ յաղնուականաց միջի է գեղջկութիւն։ Նա, յազնուականաց միջի խակ՝ ինչ ինչ 'ի գեօղս, և յորս ընդ խաղ չէ հրաժարական։ որ յանկատակս և յապարանս է ստգատանելի։ Եւ ինչ ինչ 'ի սերտ բարեկամաց միջի է համարձակութիւն, որ առաջի օտարականաց է անքաղաքալարութիւն։ Զի բարեկամն է միւս ինքն, և իւր ինքեան ոչ ոք դնէ նախատինս։ Թող զայն, զի ինչ ինչ յերկրի ուրեք է անքաղաքալարութիւն, որ յայլում երկրի է քաջ քաղաքավարութիւն։ Ի քաղաքս ինչ խտալիոյ, վասն զի են տղմուտ, պատուաւոր տեղի գնացից է առ որմով։ խակ յայլ քաղաքս ոլորկս և ցամաքս՝ պատուաւոր տեղի է աջակողմն։ Յարևմուտս մէծարանք են այլում՝ բանալը գլուխ։ և բանալ զգլուխ յարեւելս է անքաղաքավարութիւն։ Հանել զհողաթափս առաջի հարկեսը տնձին, է գեղջկու-

թիւն . և յերկիրս ինչ չնդկաց է այն պատուաւոր ողջունա-
տուութիւն : Սպա չափ քաղաքավարութեան է վայելքականն .
և չիք ուսանել զվայելքականն , բայց եթէ մտաւորութեամբ
կամ ընթերցմամբ և կամ կենակցութեամբ ընդ քաղաքավար
անձին :

Բայց առաւելապէս 'ի բուն իսկ սահմանէն է քեզ 'ի միտ
առնուլ , թէ որով օրինակաւ գործիցէ քաջ մարդավարն : Զի
որովհետեւ ասացաւ թէ քաջ մարդավարութիւնն հաստա-
տեալ է 'ի բանս և 'ի գործս հրահանդս և հաճոյականս , կրկ-
նակի յառաջանայ քաջ մարդավարն : Մի , զգուշացեալ չե-
րեցուցանել 'ի գործս և 'ի բանս առարկայ ինչ , որ պատ-
ուաւոր անձանց կենցաղակցաց բերիցէ նողկանս և տհաճու-
թիւն : Եւ երկրորդ ջանացեալ զի իւր բանք և գործք երևես-
ցին նոցա իրօք հաճոյականք և ազնուականք վայելքականու-
թեամբ : Աչտա 'ի նողկալեաց անտի և յանքաղաքականաց ո-
մանք անհաճոյ են տչաց , և այլոց արտաքին զգայութեանց .
ոմանք անհաճոյ են ներքին զգայութեանց , այսինքն երևա-
կայութեան և կրից . և ոմանք անհաճոյ են բանի , այսինքն
մտաց և կամաց : Թէ ակն յանդիման առնես դու անձանց քա-
ղաքայնոց առարկայ ինչ աղտեղի և զգուական , այդ է մեծ
գեղջկութիւն : Վասն զի աչքն է ճապկագոյն 'ի զգայարանս ,
և զբազում ինչ ըստ ասից Արիստոտէլի , լաւ է չուսանել
քան տեսանել : Նոյնպէս , վասն զի ախորժագոյն առարկայ
աչաց է համեմատութիւն իրաց , մեծապէս անհաճոյ է աա-
րազ զգեստուց փերևեթեալ և օտարոտի , կամ տարազ ան-
ձին անշնորհ և անհեթեթ՝ յոտնկելիս , 'ի նիստս և 'ի շարժ-
մունս . որպէս որք 'ի գնալն աստանդեն զբազուկս , որպէս թէ
սերմանիցեն յանդի . և այլք 'ի խօսելն շարժեն զգլուխս , որ-
պէս թէ խօսիցին 'ի նաւակէ որ կայ յերերի : Են և առար-
կայք ինչ անհաճոյ լսելեաց , որպէս փող հարկանել 'ի փոն-
չելն , կամ սուլել և չչել իբրև զանդէորդս յանդի . կամ ծի-
ծաղիլ կարկաչաձայն , կամ կրծտել զատամունս իբրև զկինչ
կատաղի . կամ առնել դրնդիւն , մինչ այլք խօսին կամ 'ի
քուն են : Են և առարկայք ինչ անհաճոյ հոտոտելեաց , որ-
պէս հոտոտեցուցանել նեխեալ ինչ , կամ շիջուցանել զճրագ-
փչմամբ , կամ 'ի խօսիլն մօտել զերեսս յայլոյ երեսս , շունչ
'ի փորոտեաց 'ի վեր բերելով որպէս և յետ ուստելոյ և ըմպե-
լոյ զօրահոտս : Եւ ոչինչ օգտէ յանձին կրել մուշկ և բուր-
կէն . զի ըստ ասից Մարտիաղիսի առ ոմն 'ի տիկնաց . Ոչ միշտ
անոյշ հոտ առնու , որ միշտ է յանուշահոտութեան : Զնոյն
ասելի է և զայլոց երկու զգայութեանց : Մարթ է թէ ան-
հաճոյ լիցի ճաշակի աղնուական անձանց համեմել զկերա-
կուրս իւկք որ բերէ կծուութիւն կամ զգուանս , կամ ստի-
պէլ գեղջուկ քաղաքականութեամբ յարբումն ընդդէմ կա-

մաց, կամ միսել զձեռն՝ ի սկաւառակս յառաջ քան զերիցա-
գոյնս, կամ առնուլ ձեռամբացի զկերակուրն՝ ի մատուցա-
նել սեղանակցաց, զի այդպիսի գործք տաղտկալի են փափ-
կասնից: Խսկ՝ ի շօշափելեաց մասին, աստ ոչ են բանք զջնո-
ցելոյ կամ զչհարկանելոյ զայլս. զի որպէս ասացաւ, տմար-
դութիւնն չէ չարութիւն: Բայց հնար է թէ՝ ի մէջ անկանի-
ցի ինչ ինչ գեղջուկ, ՚ի խթել կամ յընդհարկանիլ ընդ այլս
անզգաստութեամբ, կամ՝ ի հասուցանել զձեռն յերեսս պա-
տուաւոր անձանց՝ ի սրբել զբիծ ինչ, կամ գգուելով զայլս
անշնորհաբար, իբրև զէշն Եսովպոսի, որոյ վերառեալ զոտա
գիրկս արկանել տեառն իւրում նստելոյ, զաթոռն և զտէր
իւր յերկիր կործանեաց:

Արդ եկեսցուք յառարկայս որք անհաճոյ են երեակայու-
թեան կամ կրից: Մեծ գեղջկութիւն է անուանել զամօթա-
լիս կամ զնողկալիս, ՚ի պատուաւոր կենցաղավարութիւնս:
Զի զնոյն իսկ զզուումն զոր զգան աչք՝ ի տեսանել զայնպիսի
առարկայս, զգայ և երեակայութիւնն՝ ի լսել զայնց անուանս.
զի անուանքն են պատկերք իրաց, որք տպաւորին՝ ի հասա-
րակ զգայութիւնն: Կոյնալէս անհաճոյ է երեակայութեան
յիշատակութիւն անցից ինչ, որ եղեն՝ ի ստգտանս և յամօթ
ուրուք որ երեւմն լինի չարութեամբ առ երգիծուցանել
զայն, որոյ կսկիծ է՝ ի սիրտ, և երեւմն անմտածութեամբ:
Այն է նախատինք, և այս անքաղաքավարութիւնն, որ և կաս-
կածուաց մեծապէս է անհաճոյ, և գժդմնին ընդ այն: Այս-
պէս Տիբերիոս ՚ի լսել զանուն կղզւոյն Հռոդոսի, անդէն
վաղվաղակի կարծէր թէ՝ ի դէմս ածէին նմա զաքսորանս ո-
րում դառնութեամբ տարաւ: Եւ Եւտրոպիոս Հիւպատոս,
որ էր ներքինի, և ՚ի շղթայակապ գերութենէ ամբարձեալ
յաւագամեծար իշխանութիւնն, ՚ի լսել զանուն սուսերաց և
շղթայից, կարծէր թէ՝ ի դէմս ածէին նմա զգործիս իւրոյ
անարդութեան. որոց մասնաւորութեանց քաջ մարդավարն
միտ դնէ, այլ անքաղաքավարն ոչ մտագրէ: Ի զգայական
կրից մասին, տմարդի է այն որ տիսրեցուցանէ զուրախութիւն
ուրուք. որպէս գեղջուկն այն, որ ՚ի զօրացուցանել Հերակ-
լեայ զսիրտ իւր ՚ի մեծապատրաստ ընթրիս յետ տունջենային
աշխատութեանց ընդդէմ Դիոմիդեայ, անմտաբար ետ նմա
զգոյժ մահուն Աղկեստեայ, զոր Ադմետի մարդավար Հիւրըն-
կալի ծածկեալ էր՝ ի նմանել 166: Եւ զսորին հակառակն, թէ
ոք մեծապէս է վշտացեալ վասն ցաւագին ինչ պատահարի,
մինչ դեռ խսկ է հարուածն, տմարդութիւն է խօսել ընդ նմա
զուարթերէս առանց ինչ ցաւակցութեան նշանի. կամ այն-
պիսի առնել ցաւակցութիւնն, որ փոխանակնուազելոյ զցաւն
և ևս յաւելուցու: կամ ցաւակցիլ այնչափ անագան, մինչեւ
ցածուցեալ ցաւոցն վերսախն նորոգիլ. իբր Թերացիք, որոց

Տիբերիոս ետ սլատասիսանի . և ես ցաւակից եմ ձեզ վասն մահուն Հերակլեայ հաղարաւոր ամօք յառաջ մեռելոյ :

Մնան արդ առարկայք , որք անհաճոյ են մտաց և կամաց : Յաղագս առաջնոյն ապաքէն լուար , թէ մոլութիւն առաւել գեղջուկ և թշնամի քաղցրախօսութեան , է հակառակի կարծեաց այլոց : Վասն զի իւրաքանչիւր ոք սիրէ զիւր կարծիս որպէս զիւր ծնունդս : Եւ ոչ փոքր անքաղաքավարութիւն լինի խափանել զզրոյցս խօսողին , կամ 'ի քուն լինել և կամ յօրաննել 'ի խօսել նորա : Զի այսու ցուցանես թէ չես հաճեալ , և արհամարհես և յոչինչ համարիս զիսօսս նորա : Իսկ յաղագս կամաց յետին անքաղաքավարութիւն է հակառակիլ այլոյ կամաց ոչ վասն իւրոյ ինչ օդախ , այլ վասն բնաւոր իմն գեղջկութեան : Որպէս շնականք Լիկիոյ՝ Վէտովայ իւրովք մատաղ մանկամբք առ նոսա եկաւորելոյ , և սլասքելոյ 'ի ծարաւոյ , չժողացուցանէին ըմպել զջուր լճին , վասն որոյ և ըստ ասից առասպելարկուաց արժանապէս փոխեցան 'ի գորտս , զի միշտ արբցեն՝ զոր այլոց զանային 167 : Եւ վասն զի ամենայն մարդ պատուաւոր՝ բնաւորապէս ըղձանայ ստհել զիւր պատիւ և զաստիճան , գեղջկութիւն է ամեննեին և հակառակ վայելքութեան , չմեծարել զարժանաւորս , կամ առնուլ զերիցագունից զալատուաւոր տեղի 'ի գնացս , կամ 'ի սեղանս , կամ 'ի համախմբութիւնս , ոչ յառաւելութենէ յանդգնութեան այլ 'ի պակասութենէ քաղաքավարութեան . որ չէ արժանի ցասման , այլ քամահանաց և ծաղու , որպէս բու 'ի կարասս զմիջին ունելով տեղի :

Մնայ մեզ արդ հաստատել թէ ո՞ր իցեն երկու մոլեկան ծայրք քաջի մարդավարութեան : Արդ գիւրաւ ճանաչին սոքա 'ի ծայրից քաղցրախօսութեան . զի որպէս քաղցրախօսութիւնն է միջասահման ինչ 'ի մէջ գեղջուկ հակառակութեան , և աւելազանց մարդահաճութեան , սորա յառաւելն սայթաքելով , և նորա 'ի նուազն , նոյնապէս քաղաքավարութիւնն որպէս լուար , է միջասահման ինչ 'ի մէջ գեղջուկ անքաղաքավարութեան և 'ի մէջ աւելազանց քաղաքավարութեան : Ապա 'ի նուազն սխալէ գեղջկութիւն , որ է պակասութիւն քաղաքավարութեան և հաճոյականութեան , այնապէս վարելով 'ի գործս և 'ի բանս , որ անհաճոյ են գրգութեան արտաքին զգայարանաց , կամ ներքին զգայութեան , կամ իմացական հոգւոյ , որպէս լուար : Եւ զի զսոցանէ ասացաւ լիով չեք այլ յաւելու 'ի վերայ : Բայց յառաւելն սխալէ միւս մոլութիւն , որ է նուազ անհաճոյ ըստ երեսութիւն , և որպէս թէ ծաղրական իմն . բայց յոլովակի տաղակագոյն ես : Եւ այս է աւելազանցութիւն քաղաքավարութեան : Որ երբեմն ծագի 'ի տղիտութենէ . կամելով նորա 'ի վար արկանել բառահաճոյականս և քաղաքավարականս ընտրելագոյնս , բայց չու-

Նելով յինքեան զարդար չափ հաճոյականութեան անմտաբար անցանէ ըստ կոսկար վայելքականութեան, և լինի ծաղրական։ Այսպիսի եղե սյստանին այն լոմբարտացի, որոյ երթեալ 'ի Վենէտիկ, և չգիտելով որո՞վ օրինակաւ լինին անդյարդանք, բայց և այնպէս կամեցեալ լոմբարտօրէն խոր խոնարհիլ ազնուականի ումեմն 'ի ռիալդեան կամրջի 168. այնչափ ցածեաւ, մինչե ընդհարեալ գլխոյ նորա ի սրունս ազնուականիս ընկեց զնա 'ի ջրանցս անդր։ Լինի երբեմն աւելազանցութիւն և 'ի թեթեութենէ . յորժամ առաւելու ոք 'ի յարդարուած զգեստուց, 'ի սպասահարկութիւն անձին, 'ի կանացի ծեքծեքումն գնացից . զի երեւեսցի յանկաւոր և հաճոյական յընկերութիւնս . և սոքա դիւրաւ առաւելուն 'ի մարդահաճութեան, զի առաւել ևս հաճոյասցին : Բայց երբեմն այս աւելազանցութիւն քաղաքավարութեան լինի 'ի խոր իմն վիառամոլութենէ . վասն զի ոմանք կարի իմն անձկանօք մեծարանս ընդունելոյ առաւելուն 'ի մեծարել զայլս, և 'ի շքեղ երեխիլ 'ի քաղաքավարական խօսս . բայց թէ դու ոչ փոխարինես նոցա նոյնչափ շքեղ զրոյցս, անդէն 'ի վեր երեխ տրտունջ : Մինչ զի լաւ է կենցաղավարիլ ընդ գեղջուկս, քան ընդ այսպիսի իմաստակս և պատուասիրովլս :

Գ Լ Ո Ւ Խ Փ Բ .

Յաղագս տմարդուրեան, որ մուծաւ 'ի ծխախոտէ 169 :

Խնդիր մեծ յուզեցաւ առ քաղաքականս, արդեօք վնաս թէ օգուտ եղե հնոյ աշխարհի՝ յայսանութիւն նորոյ աշխարհի : Զանց զայլովք արարեալ, ոչ դոյզն օրինակ դատեցաւ այն, զի եկն յարեմտեան հնդկաց գեղջուկ ոմն թշնամի քաջի մարդավարութեան, անուանեալ ծխախոտ . յորմէ երեխ գլխովին աղաւաղեալ յարդական հեղինակութիւն, և ցրեալ օրէնք կալագէոն գրոցն քաղաքավարութեան՝ Յովհաննու Տէլլա Գազա, ձայնակիցք բարոյական իմաստասիրութեան : Ստոյգ իմն է թէ ստգտանել զպէտս այսր խոտոյ՝ լինէր ստգիւտ արկանել 'ի խնամս արարչին, որ յամենայն մանրատունկս թէպէտե չնչինս և անարդս՝ հաստեաց ազգուութիւն ինչ առողջարար մարդկային կենաց, եթէ էր 'ի մէնջ ծանուցեալ : Բայց սա յայլ ամենայն տնկոց միջի առաւելաւ այնպիսի և այնչափ հրաշալի ազդեցութեամբ, մինչե կարծել ինձ, գուցէ սա իցէ դիցականն այն պէոնիա Հոմերոսի, մի միայն գեղը ժկութեան ամենայն ախտից 170 : Գտաւ սա 'ի մի 'ի գաւառացն հիւսիսային Ամերիկոյ, որում անուն կոչի Փլորիգա,

որ թարգմանի Ծաղկաւէտ բարեքեր, թէպէտ երկիրն է անբեր. մեծահարուստ հանքօք, այլ չքոտի փողովք. 'ի մէջ դրաստամիա և չարակեղա ժողովրդոց արևմտեայց. որոց խոյզ լինի միայն վասն ոսկւոյ՝ որ արհամարհ է յաչս նոցա, և վասն բուսոյս՝ որ միշտ առ նոսա եղե մեծարդի: Վասն զի համակ այս բոյս՝ եթէ դալար և եթէ չոր, եթէ այրեցեալ և եթէ թրմեալ, տերեռովք, ծաղկամբ, սերմամբ և հիւթովք, 'ի փոշի դարձուցեալ կամ ծխեալ, մածուցեալ կամ մղեալ, տենդի և ցաւոց և լիրաց անքշշկականաց իբրև սքանչելեօք իմն մատուցանէր բժշկութիւն: Կա եթէ ճշմարիտ իցեն պատմեալքն, սա միայն շոդեօք լոկովք ընդ ոնդունս, զնստուցանէ վքաղց և զծարաւ. յորմէ թերես իշխեցին ասել պատմիչք թէ ժողովուրդք ինչ չնդկաց կեան 'ի հոտոց: Եւ յայտնի իսկ՝ զօրաց Սպանիացւոց առատ բաշխի այս ծխախոտ, զի 'ի պակասիլ պիտոյից զօրականին, ճարակ մատուցանէ սա սովու, և բժշկութեան լիրաց: Ապա յիրաւի յԵւրոպացւոց անտի պատուեցաւ սա արքենի անուամբ, կոչեցեալ խոտ դշխոյական: Զի թէպէտ իսկութեամբ էառ սա զմակդիր անունս 'ի կատարինեայ թագուհւոյն գաղղիոյ, որում 'ի դեսպանէն Լուսիանիոյ ընծայեցաւ որպէս հրեշ իմն նորոյ աշխարհի, բայց և այնալէս նոյն իսկ տնկոյն՝ վասն իւրոց նշանաւոր առաւելութեանց մարթ էր վերաքարողիլ, թէ թագուհի է խոտոց:

Այլ թէպէտ և այս ամենայն ճշմարիտ իցէ, բայց և այնպէս բազում ինչ ընդ մէջ է գործածութեան տնկոյս 'ի կարգի առառողջութիւն մարմնոյ, և չարաչար գործածութեան նորա 'ի կարգի առ բարոյական կենցաղավարութիւն: Զի թէպէտ 'ի ձեռս է իւրաքանչիւր ուրուք առնուլ 'ի պէտս իւր զորակիսի և իցէ ազգ դեղոց՝ թէպէտե զզուականաց, միայն թէ իցէ յօդուտ, բայց չէ ինչ պատշաճող քաղաքականութեան առնուլ զայն յամենայն ժամանակի, յամենայն տեղիս, և առաջի ամենայն անձանց. զի բազում ինչ է օդուտ ընդունողին, այլ նողկալի տեսողին: Ապա աստանօր ոչ են մեր բանք զգործածութենէ ծխախոտոյ առանձինն վասն հարկի, այլ զարաչար գործածութենէ նորա յայտնապէս մոլեկան սովորութեամբ, յամենայն պահու, յամենայն ժողովս, և առաջի ամենայն անձանց, երբեմն ընդ ոնդունս ձգեալ զնորա կեղտոտ փոշի, երբեմն ծասքեալ զնորա փուտ տերևս, երբեմն ընկլեալ ըզծանիրահոտ նորա ծուխ, երբեմն յայլմէ զայն ընկալեալ, և երբեմն այլում կարկառեալ, առանց հայելոյ յայնս՝ ոքք զզուին 'ի նմանէ, և 'ի լոկոյ հոտոյ նորա թալանան:

Արդ եթէ բարոյական առաքինութիւն քաղցրախօսութեան և քաջ մարդավարութիւն հաստատեալ է յայն, զի անհետ լիցին ամենայն առարկայք, որք ընաւորապէս անհաջոյ են զգայութեանց, և երեակայութեան քաղաքայնոց, և

Եթէ այս է ճշմարիտ սահման մարդավարութեան, և նազատակ կալագէոնի, ով չասիցէ թէ զեղծ սովորութիւն ծխախոտոյ արտասահմանեաց յաշխարհէ զկալագէոն հանդերձ իւրովք բարոյական օրինօք: Քաջ գիտեմ, զի յիշատակութիւնք և թէ այնց աղտեղութեանց բերեն զղուանս. զի ասացաւ իսկ, թէ առարկայք որոց տեսութիւն անհաճոյ է աչաց, նոցին և լսելութիւն անհաճոյ է երևակայութեան: Բայց քանզի հարկ է յառաջ բերել և ցոյց ինչ, առաջի արարից զօրինադրեալն 'ի կալագէոնէ 'ի գլխաւոր կանոնս իւր, թէ քաջ մարդավարն յազնուական ինչ կենցաղավարութեան՝ իբրև յանձին զդայ թէ ստիպի ըռնկել կամ մաքրել զունչս, գարձուսցէ զերեսս, և մի անձին իսկ երեւցուսցէ, թող թէ այլում, զոր ըռնկեացն կամ 'ի վարշամակի ծրարեաց. զի քան զամենայն դարշութիւն աշխարհի, ոչ ինչ այնպէս ժխորէ զստամնքս, որպէս յաւելուածք մարդկային մարմնոյ: Իսկ արդ՝ զի՞նչ դարշութիւն կայցէ առաւել հակառակ այսմբնաւոր օրինաց՝ քան միսել յայտնապէս յունչս մատամբք զկորկ այնը փոշւոյ, կամ ցամաքեցուցանել զաղակղամած ոնդունս 'ի քամածոյ նորա, ժողովեալ զայն և 'ի ցոյց ընծայեալ 'ի լայն պաստառս, որ առաւել ևս աղտեղի են և ժահահոտ քան զամենայն ջնջոց պուտաան և կՃՃոյ: Զի՞նչ առաւել ժխորիցէ զորովայն, քան 'ի խօսել ընդ այլում որոճել աստամամբք զայն դարշելի և զազրոտի նիւթ, արտաշնչեալ՝ 'ի համեմել զլսօսս, ցրօնս ժահահոտ ջնջոյ: Եթէ փոնչիւնն է ցնցումն ինչ ուղղոյ՝ այնպէս բուռն և ահաւոր, մինչեւ որք լսենն, զերկինս յօդնութիւն կարդան 474, և յայս սակս հրամայէ կալագէոն զի 'ի գտանել քաջի մարդավարի յընկերութեան ջանասցի զուսպ ունել զինքն ըստ կարի, և կամ հեղձուցիկ առնել զփոնչիւնն սպիտակ թաշկինակաւ, զի մի կարի իմն շոնչեսցէ, առ 'ի չտաղտկացուցանելոյ զընթերակացս, զի՞նչ լինիցի գրդուել կամաւ ժամ 'ի ժամէ՝ առանց ինչ հարկի զայն տղեղ և շառաչտձայն ցնցումն, շիթելով զաճառս հոտոտելեաց ծծմբային հոտով այնց փոշեաց. և ապա մնալ, զի որք լսենն, իբրև 'ի մեծ ինչ վտանկի՝ զլստուած յօդնութիւն նորա կարդայցեն: Բայց զի՞նչ առաւել քստմնելի տեսիլ, քան միսել յիւր բերան զբերան գալարածոյ եղջեր խճողելոյ մրճոտեալ և մրկեալ աղտեղութեամբ, քարշեալ անտի զտարարուսական գոլորշի ընդ քիմս 'ի վեր, և ընդ ոնդունս 'ի դուրս հոսեալ, ըստ ձիոց Դիոմիդեայ և ըստ ցլուց Յասովնի, որք ընդ ոնդունս ժայթքէին ծուխ և կայծակունս 472: Մարթէր 'ի համար բերել և այլս ևս ծանրատաղտուկ պատկերս այսր չարաչար կիրաւութեան, որք թէ նողկացուցանեն զքաղաքավար ոք 'ի լսել, ևս առաւել 'ի աեսանել:

Բայց յայսմ վայրի տացէ թերես ոք պատասխանի: Ստոյդ

Է թէ տմարդութիւն է այն՝ որ անհաճոյ է զգայութեանց աղնուականաց, ընդ որս լինի կենակցութիւն։ Բայց առ այժմ ոչ միայն զօրականք սկահատանք, և պահպոկապետք փոխավաճառք, այլև պատուաւոր քաղաքացիք, և բազում ազնուական ասպետք այնպէս ընտել են սովորութեանս, մինչեւ զըգուանիք փոխեցան ՚ի բերկրանս։ և որ առ ժամանակօք կալագէսնի էր անքաղաքավարութիւն, շրջեցաւ ՚ի քաղաքավարութիւն։ զի չարաչար կիրառութիւնն եղեւ սովորութիւն, և վասն այսորիկ ծխախոտն չէ ինչ խօփանարար առաքինութեանն քաղցրախօսութեան, զի ընծայութիւննորա և ընդունելութիւն են հաճոյական։ Առ այդ պատասխանէ բարոյական իմաստասիրութիւնն, թէ որպէս մարդահաճութիւնն ևս է աւելազանցութիւն հաճոյականութեան, բայց և այնպէս չէ առաքինութիւն, այլ մոլեկան ինչ ծայր քաղցրախօսութեան։ զի հաճոյականութիւնն այն ոչ մնայ ՚ի կոպար բնական պատճառի, նոյնպէս հաճոյականութիւնն չարաչար կիրառութեան ծխախոտոյ չէ հաճոյականութիւն առաքինական, այլ մոլեկան և անընական։ Վասն որոյ ծայրի առաքինութեան անհնար է լինել առաքինութիւն, զի աւելազանցութեան անհնար է լինել մէջ։ Աստ որպէս եթէ ամենայն մարդիկ լինէին մարդահաճոյք, և ամենէքին հաճ էին ընդ մարդահաճութիւն, ոչ վասն այդը լինէր երբէք մարդահաճութիւնն առաքինութիւն, սոյնպէս թէպէտ և ամենայն մարդ հաճ իցէ ընդ չարաչար կիրառութիւն ծխախոտոյ՝ ըստ ասացելումդ, ՚ի քաղաքական կենցաղավարութիւնն, ոչ վասն այդը երբէք այդպիսի չարաչար կիրառութիւն լինի առաքինութիւն։ Այնպէս զի կանոն քաղաքականութեան ոչ առեալ լինի ՚ի սովորութենէ անքաղաքավար գործողին, այլ յայն մանէ որ դատէ ըստ բնաւոր և բարոյական պատճառի իբրև զկալագէսն։ Եթէ ամենայն իմաստունք այնչափ մեղադրեցին զԱնիբաղ վասն աւելազանցութեաննորա յանուշահոտ գըրգանս կապուայեցի օծանելեաց 173, թէպէտ և անուշահոտութիւնն այն զուարթութիւն էր սրտի՝ որոց շուրջն կային, զինչ արդեօք դրէին զայնց ողք առաւելուն ՚ի ժահահոտ գըրգանս հնդկային ծխախոտոյ, որ բնաւորապէս է անախորժ։ Թող զի այն աւելազանցութիւն ոչ միայն քաղաքականութեան, այլև մարմնաւոր առողջութեան է լինասակար։ զի բազմաց ՚ի ծխախոտաս մոլելոց գտան ախոնդանք խահրեալք, և ուղեղ ծխոտեալ կամ խարակեալ։ Յայտ իսկ է, թէ ուղեղն հանապազորդ զգրդուեալ իբրև ծախէ զհիւթն զաւելուդ, ծախէ և զբնաւորականս։ Ապաքէն ամենայն աւելազանցութիւն է լինասակար, և չարաչար կիրառութեամբ ամենայն դեղ բժշկական կամ կորուսանէ զաղգութութիւն, և կամ փոխարկի ՚ի թոյն։ Նա՝ մարթ է ասել ստուգութեամբ,

թէ չեք պատուաւոր ոք յաճախեալ յայս սովորութիւն, ոք ոչ խոսասովան լիցի, թէ մոլութիւն ինչ է այն և ոչ պէտք, և ոչ դատապարտեսցէ զյաճախել իւր յայն :

Աղա կնքեսցուք զբանս յայն զոր յառաջն ասացաք, թէ չէ պարս մեզադիր լինել դործածութեան օգտամատոյց բուսոյս, և ոչ այլոց աղտեղի բժշկական դեղոց, զոր առնուն առանձինն յօդուտ. իբր զի ամենայն ոք պահապան է իւրոյ առողջութեան, և տէր 'ի առան իւրումն և յիւրոց ընտանեաց միջի: Բայց 'ի քաղաքական կենցաղավարութեան մասին, թէպէտե չեն ներքոյ անկեալ դատման կալադէոնի արք խոտանք և դռեհիկք, բայց անձինք քաղաքականք և բարոյական խմաստից ընդունակք, զորոց են մեր բանք, ոչ պարախն խոտորիլ 'ի կանոնաց առաքինութեան և վայելքութեան, նմին իրի ամենայնն հաստատեալ է յեղանակն և 'ի չափն:



ԳՐԻՎ ԵՐԱՌԵՄԵՍԵՐՈՒԴ

ՅԱՀԱԳՍ ՃՇՄԱՐՏԱԽՈՍՈՒԹԵԱՆ ԵՒ ԾԱՑՐԻՑ
ՆՈՐԱ

Գ Լ Ո Ւ Խ Ա .

Յաղագս թէ զինչ առաքինուրիւն իցէ ձշմարտախօսուրիւն:

Դ քաղաքական կենցաղավարութեան նախընթաց առաքինութիւնն հայէր առաւելապէս 'ի խորհուրդս զոր այլք հաղորդեն մեղ: Սա հայի 'ի խորհուրդս զոր մեք հաղորդեմք այլոց: Վասն որոյ նա պահանջէ զհաճոյականութիւն, և սա զհշմարտախօսութիւն: Զի որապէս մեք հաւանիմք տսից այլոց, համարեալ թէ են ճշմարիտք, նոյնապէս այլք չհաւանին ասից մերոց, 'ի համարել թէ են սուտք. և կենցաղավարութիւնն ոչ փոխատրէ զփոխագարձ հաճոյս, յոյր սակս խնդրի: Բայց 'ի դէալ է յիշեցուցանել, թէ խօսիմք աստ զհշմարտախօսութենէ կենցաղավարութեան, և ոչ զհշմարտախօսութենէ որ 'ի դաշնադրութիւնս: Այն է համաձայնութիւն գործոյ ընդ խոստմունս, սա է համաձայնութիւն մերոց ասից ընդ մեր գործառնութիւն, զորս կամաւ հաղորդեմք խօսակցաց: Այն է էական ինչ մասն արդարութեան, որ տայ զիւրն իւրաքանչիւրում. սա է կարողական ինչ մասնիկ բարեխառնութեան յընդունել և 'ի աալ բերկրութիւն 'ի խօսակցութիւնս: Սա կայի ճշմարիտ է, թէ որ ունի զունակութիւն ճշմարտախօսութեան 'ի խօսակցութեան, առաւել պատրաստական է առ ճշմարտախօսութիւն 'ի դաշնադրութիւնս. զի որ ճշմարտախօս է ընտրութեամբ, առաւել ևս լինի այնպիսի պարտաւորութեամբ:

Առաջ ճշմարտախօսութիւնն զորմէ խօսիմք, է առաքինական ունակութիւն ինչ հոգւոյ, որ հաստատեալ է 'ի միջառահմանութեան զհշմարտութեամբ այնց զոր հաղորդեմք այլոց 'ի քաղաքական կենցաղավարութիւնս, ևս առաւել այնց որ բերին 'ի գովեստ մեր: Վասն զի յարտայայտել զայնս որ-

ալէս մոլութիւն է ասել աւելի քան զոր էն, նոյնպէս մոլութիւն է ասել նուազ քան զոր էն, յորժամ ինդրի ճշմարիան. ըստ այսմ, ասել որ ինչ է, և երբ պատշաճ է ասել, է միջասահմանութիւն ինչ առաքինական: Աւելազանցութիւն սորա է ճառատանք, և պակասութիւնն կեղծաւորութիւն. իսկ միջասահմանութիւնն կոչի ճշմարտախօսութիւն: Արդ այս առաքինութիւն յայտնագոյն ճանաչի իւրեւ քան իւրովք ծայրիւք. զի ճշմարտութիւն է որոշ իմն և եղական, իսկ առութիւնն է անորոշ իմն և անբան:

ԳԼՈՒԽ Բ.

Յաղագս առարկայից ձշմարտախօսութեան:

Ամենայն մարդ ընկերական բնաւորապէս ախորժէ հաղորդել ընկերին զիւր խորհուրդս, և մանաւանդ զյարդականս խօսողին և զհաճոյականս ունինդրին: Որպէս գաղանի վիշտք, նոյնպէս գաղանի մխիթարութիւնք հեղձամղձուկ առնեն ըզսիրտ, թէ ոչ արտայայախն խօսակցութեամբ, զի վիշտք նուազեն և մխիթարութիւնք առաւելուն 'ի հաղորդել զնոսա բարեկամաց: Ասկա ամենայն ումեք քաղցր է խօսել զիւրոց առաքինութեանց, զիւրմէ գիտութենէ, զիւրոց քաջագործութեանց, զիւրոց տարժանաւոր և բարեբաստիկ պատահարաց, զընչից, զազդատոհմէ, զընաւորութենէ իւրոց զաւակաց, զմեծահարկի բարեկամութեանց և զընորհաց ընկալելոց 'ի մեծամեծաց: Զայս ամենայն, զորս հաճոյ է խօսել, հաճոյ է և լսել. զի երկաքանչիւր այս յօժարութիւնք միապէս են բնաւորականք, իմացուցանել զիւրսն, և իմանալ զօտարինն: Ամենայն մարդ ունի անյագ հետապնդութիւն գիտելոյ զամենայն, և առ 'ի գիտել զամենայն առաքէ միշտ շուրջանակի չորս աչալուրջ լրտեսս, երկուս աչս և երկուս ականջս: Եւ թէպէտ իւրաքանչիւրումն փոյթ է առաւել ճանաչել զինքն. բայց և այնապէս գտանի որում առաւել քաղցր է իմանալ զայլոց սրարս քան զիւրսն: Եւ ոչ միայն հետաքննին է մարդ 'ի գիտել զիրողութիւնս ամենեցուն, որք կենդանիքն են, այլ և զամենեցուն նոցա որք մեռան բազում դարուք յառաջ քան զծնունդ իւր. իսոյզ և խնդիր արարեալ ծանօթութեանց 'ի պատամութեանց, 'ի մակադրութեանց, յարձանագրութեանց գերեզմանաց և 'ի վաղեմի գրոց: Բայց փափաք իւր ոչ գայ 'ի լրումն, եթէ զայսց իրաց ոչ ճանաչէ զՃշմարտութիւն. զի գիտել զսուաս ոչ է գիտել, և ճշմարիան է ճշմարիա առարկայ մաաց 174: Դիդիմոս քերթող կորովամիտ շարագրեաց

չորս հազար գիրս ընդվայրաքննին հնութեանց, 'ի խնդիր լեալ ճշմարտութեան յառասպելս, թէ ո՞ր իցէ լեալ ճշմարիտ մայր Ենէասայ, և ճշգրիտ հայրենի գաւառ Հոմերոսի. թէ արդարեւ Դիոս էան. 'ի կնութիւն զիւր քոյր, և թէ Սափփուլ քերթողուհի ողջախոհ ոմն եղեւ թէ սուսնիկ: Որ իրք և այլ սոցին նման տնբաւք, թէսլէտ և չնչինք և անպէտք, զորս դիտողին իսկ պարտ էր 'ի մոռացօնս արկանել, այսու ամենայնիւ հաճոյ են զի ճշմարտութիւնն ինքնին է հաճոյական, և զի տնաշխատ ուսեալ լինի զոր ինչ անհնարին աշխատութեամբ հետազօտեաց նա 'ի գիրս: Արդ թէ այսչափ բերերութիւնը բերէ ճանաչել զդուզնաքեայ ինչ նշոյլ ճշմարտութեան այնց որք ընդ աշխարհի ծնեալ՝ 'ի մերմէ աշխարհէս գտան բացական, քանի բերկրութիւնը բերէ ճանաչել թէ ով և ով իցէն ճշմարտութեամբ այնք որք ընդ մեզ կենցաղին: Ապա չէ բաւական հաճոյականութիւն 'ի պատմել այլոց զմերիրս, թէ ոչ ընկերէ նմա ճշմարտախօսութիւն. զի որպէս պատմութիւնք գլխաւոր նիւթ են կենցաղակցութեան, նոյնպէս ճշմարտութիւն հոգի է պատմութեանց:

Ասացի նիւթ գլխաւոր: Զի որովհետեւ մարթ է խօսել ոչ բարբառով միայն այլ և գրովք, ակնարկութեամբք, տրարողութեամբք, հանդերձիւք և լուսութեամբ իսկ, որպէս լուար, այս ամենայն լեզուօք հնար է ճշմարիան ասել, կամ ստել, ամենայնիւ լինի հաւանեցուցանել կամ պատրել, ամենայնն է նիւթ ճշմարտախօսի և ստախօսի: Ճակատ և աչք և դէմք ստէպ ստեն, այլ յաճախագոյն ևս լեզու, ասաց որ ասացն: Հարցեալ որսորդաց ցազուէսն թէ ընդ ո՞ր էանց նապաստակն. ետ պատասխանի, չգիտեմ. զի մի մատնեսցէ զընկերն. բայց գնացիւք եցոյց նոցա զճանապարհն: Եւ աղուխակն այն Փիլոկտետէս երդուեալ հերակլէսի որ մերձ էր 'ի մահ, չյայսնել ումեք զնորա գերեզման, ապա իբրև հարցաւ 'ի Յունաց թէ ո՞ւր թաղեցաւ, աղաղակեաց 'ի ձայն բարձր չգիտեմ. բայց ոտն հարեալ 'ի գետինն յայտնեաց զտեղին 175: Երկուքանչիւրն խօսեցան միանդամայն լեզուաւ և ոտիւք. ոտն ասաց զճշմարիան. բայց լեզուն ստեաց. երկաքանչիւրն միանդամայն ստեցին և զճշմարիան ասացին. այլ չեղեն ճշմարտախօս, զի ճշմարտախօսութիւնն ոչ լծորդի ընդ մատնութեան որպէս և լուիցես:

ԳԼՈՒԽ Գ.

Թե՞ ո՞ր իցէ յորդոր ձշմարտախօսին :

Որ յորդորի ասել զշմարիան վասն փառամոլութեան՝ ոչ է ձշմարտախօս, այլ փառամոլ։ Որ վասն զօշաքաղութեան, ոչ է ձշմարտախօս, այլ ագահ։ Որ վասն երկիւղի պատժոց, ոչ է ձշմարտախօս այլ երկչոտ։ Որ վասն պարտաւորութեան խոսամանց, ոչ է ձշմարտախօս, այլ արդար։ Յորդոր ձշմարտախօսին ոչ այլ ինչ է, բայց նոյն ինքն ձշմարտախօսութիւնն այսինքն նոյն ինքն ունակութիւն առաքինութեանս, որ յօժարեցուցանէ զմիտս համաձայնել զբանս ընդ սրախ, և ըդսիրտն ընդ ձշմարտի։ մանաւանդ յիւր իրողութիւնս։ վասն զի զայդ պահանջեն համեստութիւնն և բանն, և հակառակն է ագեղ ինչ և գեղջկական։ Որ յայլ յորդորանաց ասէ ըզ ձշմարիան, ցայնվայր և ձշմարտախօս, ցորվայր տեէ յորդորն։ Որ զունակութիւնն ունի զշմարտախօսութեան, միշտ է ձըշմարտախօս։ Զի ունակութիւնն է հաստարմատ 'ի հոգին, և հոգին մտադիւր և խնդամիտ ածէ զունակութիւնն 'ի գործ 'ի լինել սկասաշնողութեան։ Ձշմարիտ է թէ այս ունակութիւն գիւրացուցանէ զգործս այլոց մեծամեծ առաքինութեանց արտաքոյ քաղաքական կենցաղավարութեան։ Վասն զի սերտ գաշնաւոր գոլով առաքինութեանց ընդ միմեանս ընդդէմ մոլութեանց, ոչ է հնար թէ ունակութիւն ինչ առաքինական արբանեկեսցէ գործոյ ինչ մոլեկանի։ բայց արբանեկէ գործոց առաքինութեանց, ընդ որս է գաշնաւոր։

Ձշմարտախօսն որպէս և ասացաւ, հաւատարմագոյն լինի 'ի կաաարել զգործս ըստ խոսամանցն որ 'ի գաշնագրութիւնս իւր, արարեալ զհարկաւորն կամաւոր։ Անաչառագոյն լինի յընտրութիւնս քաղաքական կամ ծերակուտական խորհըրդոց, վերագասեալ զշմարտութիւնն քան զաւագութիւն։ Համարձակագոյն լինի 'ի խիստ պատասխանատուութիւնս առ հզօր թշնամիս վասն իւրոց հայրենեաց, որպէս Դեմագէս կալանաւոր առ Փիլիպպոս, որ փքայրն վասն կորոնեան յաղթութեան 176։ Հաւատարմագոյն լինի 'ի հանդիսի վկայութիւնս գաաատանական իրողութեանց։ Վասն այսորիկ մեծագոյն հաւատ ընծայիւր Քսենոկրատայ առանց ինչ երդման, քան այլոց յունաց երդմամբ։ մինչ զի շատ էր ասել թէ Քսենոկրատէս ասաց։ Վասն զի յամենայն բանս իւր եղի ձշմարտախօս 177։ իակ չարախօսին որ ընդդէմ հռաբերիոսի այնչափ չհաւատային, որչափ յաճախէր երդնութ 178։ Ըզ-

հուսկն ասացից : Որ ոչ գիտէ ատել՝ ՚ի խօսելն զիւրոց իրողութեանց եթէ յիւր կողմն և եթէ իւր հակառակ, ոչ գիտէ ատել և ՚ի խօսելն զիւրողութեանց այլոց :

ԳԼՈՒԽ Դ.

Թէ որով օրինակաց գործից է ձշմարտախօսն :

Միջասահմանութիւն առաքինութեանս հաստատեալ է յասել զՃշմարիտն ՚ի կենցաղավարութիւնս, յորժամ, և որպէս, ուր, և որքան արժան իցէ, ունելով միշտ ընտրողութիւն ՚ի չափ խօսելոյ և լուելոյ : Թէպէտ և չէ արժան երբէք ասել զատութիւն, բայց և ոչ միշտ արժան է ասել զՃշմարտութիւն : Ամենայնի որ ասի, պարտ է լինել Ճշմարիտ . այլ ոչ զամենայն որ է Ճշմարիտ պարտ է ասել : Քանզի զբազում ինչ լաւ ևս է ցդիտել քան գիտել, և լաւ ևս է լուել զայնց, քան յայտնել : Ըստ առասպելարկուաց՝ Կորաքս, որ թարգմանի ագռաւ, էր գեղեցիկ և սպիտակ պատանի . բայց քանզի յայտնեաց զմեզս ինչ զիւրոյ տիկինով՝ թէպէտ և Ճշմարիտ, փոխեցաւ ՚ի սետիետուր ագռաւ և վարեցաւ յանտառս : Վասն զի որ յայտնէ զՃշմարտութիւնս լինասակարս համբաւոյ այլոց, արժան է զայնպիսին որպէս գեղջուկ ոք արտասահմանել ՚ի կենցաղավարութենէ քաղաքայնոց : Եւ ոչ խեկ ճըշմարտախօնն ՚ի կենցաղավարութիւնս խօսի զամօթական իրազանձնէ, թէպէտ և Ճշմարիտք իցեն . զի ոչ է օրէն ասել ինչ. զոր թէ այլք ասեին, պարտական լինելին կանգնել զանուննորա : Բարի համբաւն ՚ի մէնջ ստացանի . բայց իբրև ստացեալ եղեւ, ոչ ևս է մեր : Հայրեննեացն է այն և որդւոց և աղքականաց և բարեկամաց . և ոչ կարեմք ընկեցիկ առնել զմերն առանց անարդութեան, և ոչ զայլոցն առանց անիրաւութե :

Ոչ զամենայն Ճշմարտութիւնս զորս յիրաւի էր հաղորդել բարեկամի, պարտ է հաղորդել ընկերաց ՚ի կենցաղավարութիւնս : Առ սոսա է սիրողութիւն, այլ ոչ բարեկամութիւն, ազնուաբարոյութիւն, այլ ոչ վստահութիւն . քաղաքականութիւն, այլ ոչ գորովակական մտերմութիւն : Վասն որոյ այն ինչ ընդ մէջ է սիրոյ ընկերաց և բարեկամաց, որ ինչ ընդ մէջ է սիրոյ տեսակին, և սիրոյ անհատին . զի յընկերս են բազում սիրոք, բայց ՚ի բարեկամութեան է մի միայն սիրա : Մինչ զի որ խօսի ՚ի կենցաղավարութիւնս, խօսի առ այլս . այլ որ խօսի ընդ բարեկամի, խօսի ընդ ինքեան . վասն որոյ և ապահովագոյն ընդ բարեկամի քան ՚ի կենցաղավարութիւնս կարող է մարդ յայտնել զիւր մոլութիւնս և զառաքինութիւնս : Ա-

պառըրեմն Եթէ պահանջէ տուաքինութիւնս զի յայտնեսցէ Շշմարտախօսն ջինջ անկեղծութեամբ զիւր գովեստս և զիւր պակասութիւնս . իբր զի անկեղծութիւնն ծնանի զսէր , և մին տռանց միւսոյ չերեկի անկեղծ , այսու ամենայնիւ արժան է յերկաքանչիւրն՝ ի գործ արկանել բազում չափաւորութիւն : Վասն զի որովհեաւ 'ի կենցաղավարութիւնս միշտ դտանի ոք յոր զօրանայ նախանձուկ՝ քան զսլարզմաութիւն , ոխերիմ չարակնութիւն՝ քան զջինջ հաջութիւն , 'ի չարազգածս անդ գովեստք՝ կասկած 'ի միտս արկանեն փառամոլութեան , և պակասութիւնք կարծին աւելի քան զոր ենն , և Շշմարտախօսն փոխանակ սիրոյ յինքն առարկանէ զստգաանս , իբրեթէ խոստովանութեամբ իւրոյ բերանոյ :

Ասկա լինելոց է Շշմարտախօսն անկեղծ ընդ անկեղծս , կեղծ ընդ կեղծս , միջակային ընդ միջակայինս , և ոչ վասն այդր դադարէ 'ի լինելոյ Շշմարտախօս : Վասն զի տռաքինութիւն Շշմարտախօսութեան չէ առաքինութիւն արդարութեան , որպէս ասացաւ : Չէ դատաստանական խոստովանութիւնն է զելութեան , այլ կամաւորական հաղորդութիւն մերոց մոաց զորոց ոչ է հարկ ասել զամենայնն , թէպէտ և պատշաճական իմն իցէ և Շշմարիտ այն որ ասի : Եւ այս է միջասահմանութիւնն առաքինական : Վասն այսորիկ թէ հրաւիրեն զնա զրոյցք խօսել զիւրոց գործոց , զիւրմէ ազնուութենէ և զստառուոյ , զիւրոց որդւոց և զիւրոց զարմանաւոր անցից , ոչ միայն խօսի զնոցանէ անսկարծ և անխրոխա , այլ և յասդաւէ ինչ 'ի Շշմարտէն , զի մի նախանձուկս արկանիցէ , և աւելի քան զորէն կարծիցի : Եւ թէպէտ մէջ Շշմարտութեան հաստատեալ է 'ի չասել աւելի կամ նուազ քան զոր էն , բայց և այնապէս մէջ Շշմարտախօսութեան 'ի խօսել զիւրոց գովեստից հաստատեալ է յասել նուազ քան զոր էն , առ ասելոյ զստաշաճն . զի պատշաճաւոր իմն է հայիլ 'ի հանդարաութիւն խօսողին և 'ի նախանձ լսողին : Սոյնապէս 'ի պակասութիւնս , թէ արդարի մեծ իցեն և ամօթական , Շշմարտախօսութեանն ոչ են կամք ասել զՇշմարիտն , զի մի վատանուն լիցի որ ասէն , և գայթակողեսցի որ լսէն : Սմին իրի մէջ Շշմարտութեանն է անբաժանելի , և թուաբանական . բայց մէջ Շշմարտախօսութեան է համեմատական և երկրաչափական . զի չէ հաստատեալ յասել զայն ամենայն որ է , այլ զայն ամենայն որ պատշաճ է . հայեցեալ 'ի տեղին , 'ի ժամանակին , և յանձինս :

Շշմարիտ է թէ Շշմարտախօսն չասէ ինչ բնաւ զի գովեսցէ զանձն , և ոչ զի գովեսցեն այլք . այլ ասէ զայն ինչ որ արժանաւոր է գովութեան . և թէ չեն այդապիսի , նա ինքն է իւր դատաւոր . զի առաւել համարի զՇշմարտութիւնն քան ըզդ գովեստ : Ոչ միայն Շշմարտախօս է նա 'ի բանս , այլ և յամենայն գործս և գլխովին յանձն իսկ իւր . զոր ընդունողք

պղատոնական գաղափարաց կարող էին ցուցանել զայն կենդանի գաղափարաւ Ճշմարտախօսութեան : Ճշմարտախօս են նորա գեմք . ոչ այլ ընդ այլոյ երևեալ մտախորհ նենդաւորութեամբ , և ոչ բարձրայօն արհամարհոտ ալցրանօք . այլ զուարթ , հեղահամբոյր և անկեղծ . մինչև 'ի վճիտ Ճակատ նորա երևութանան խորհուրդք , և ընդ պատուհանս աշաց երևի նորա սիրտ : Ճշմարտախօս է նորա անձնական սպասահարկութիւն . թէ գեղեցիկ է նա , ոչ սլաշտէ զհայելի իբրև վնարկիսոս , և ոչ ցաէ զերեսս իբրև զՍպորինէ 179 : Եթէ է դալկաւոր , ոչ շպարէ զգունատութիւնն պատուաստգունովք : Թէ ալւոր է , ոչ սափրէ զնարաեաշ գիսակս մեռլոց , ոսկեզօծել զարծաթափայլ զիւր ալիս : Եթէ է տգեղ , ոչ թագչի 'ի լուսոյ , այլ գեղերեսէ հանճարաւոր իմաստութեամբ զիւր տգեղութիւն իբր զՍոկրատէս . ջանացեալ զտրգեղութիւնն ծածկել զերեսաց գեղով ուշոյ իմաստից 180 : Ճշմարտախօս է յուժի և 'ի քաջութեան մարմնոյ : Ի խաղս , կամ 'ի պարանցիկս , կամ 'ի աէգընկէցութիւնս , կամ 'ի թատերական մրցմունս առնել զոր կտրողանայ , և մտադիւր խոստովանի ուր տկարանայ : Թէ յաղթէ , ոչ պարծի . թէ յաղթի , չամաչէ . անայլայլակ դիմօք զբրաբիոնն ընդունի և տայ . գովեստ ընդունի , և յաղթականին գովեստ ընծայէ : Ճշմարտախօս է 'ի ծագումն տոհմի : Թէ է ազնուաղգի , զարդարէ զարահս երևելի նկարագրութեամբ նախնեաց , զի նոքօք պատուեսցի : Եթէ է ցածաղգի , ոչինչ ամօթ համարի զցածուն նշանս աղքատին նախնեաց , 'ի պատուել զնոսա . որպէս արքայն Ագաթոկլէս որ 'ի պատիւ հօր իւրոյ բրաի , խեցեղինօք զարդարէր զիւր արքայական սեղան 181 : Ճշմարտախօս է յիւր ախորժակս : Եթէ սիրէ նա կամ ատեայ , այնուկս մեկին է ատելութիւն նորա , որպէս սէրն : Եթէ ըղձանայ իմիք կամ մերժէ , ոչ գնայ ընդ գողուզի ուր դէմ եղեալ է . մերժումն չերևի ըղձումն , և ըղձումն չերևի մերժումն : Զհետ պնդի ազատադէմ պատուոյ եթէ է արժանի . հրաժարէ յայնմանէ Եթէ է անարժան 182 : Տերենտիոս Վարրոն յետ իւրոյ ձախող պատերազմի որ 'ի կողմանս կաննայ , չէառ յանձն զգաւազան իշխանապետութեան , և կիկերոն չէառ յանձն զպրետորութիւն , արժանաւորագոյն համարեալ այնմ զորդի մեծին Սկիպիոնի : Զհուսկն ասացից , Ճշմարտախօսն 'ի քաղաքական կեանս ստանայ ինչ սակաւագիւտ , այն է գովեստ աննախանձ . զի իւր արդիւնք են անփառասէր : Այնուպէս գովի 'ի յայտնել զիւր պակասութիւնս , որպէս 'ի յայտնել զառաքինութիւնս , ծնունդ գոլով երկաքանչիւրոցն՝ Ճշմարտախօսութեան , որ գովելին է և սիրելի :

ԳԼՈՒԽ Ե.

Յաղաց ձառատանաց և կեղծեաց :

Սոքա են երկու թշնամիք ճշմարտախօսութեան . բայց առաւել ևս թշնամիք միմեանց . մին սկայաձեւ և միւսն կարծիկ . զի նա վերամբառնայ քան զՃշմարիան , և սա ցածնու քան զնոյն : Երկաքանչիւրն են ստախօս . բայց մեծն է առաւել յիմար , և փոքրն՝ առաւել անքաղաքավալար : Ճառատանիքն է իբրև զընտանի սիրամարդ . որոյ թռուցեալ 'ի բարձրակատար գագաթ , ուռուցիկ լանջօք և ընդվզեալ գլխով՝ նստի 'ի լու . սասփիւռ բոլորածիր պարունակ իւրոց փետրոց , և բիւրուք յինքն յառեալ աջօք , և զամենեցուն աջ յիւր տեսութիւն հրաւիրեալ . 'ի ձայն բարձր աղաղակէ , որպէս թէ ասելով , յիս հայեսչիք : Իսկ կեղծիքն է իբրև զբու վայրենի , որոյ խորշեցեալ 'ի պայծառ լուսոյ , գլխովն կծկեալ և ծածկեալ յիւր փետուրս , ծակամուտ լինի 'ի խորխորին խոռոշ . անձին իսկ լեալ ատելի . և հեկեկաձայն 'ի մթան՝ թուի առել , մի ոք յիս հայեսցի : Եթէ բանիքն են զգիտութենէ , ճառատողն թէպէտ և ոչ ինչ գիտիցէ , պարծի գիտել զամենայն . իսկ կեղծն թէպէտ և գիտիցէ բազում , կեղծաւորի գիտել սակաւ : Եթէ զՃոխութենէ , ճառատողն իբրև զԾիմագենէս . չքաւոր գոլով՝ զարդարի սուտ գոհարօք : Իսկ կեղծն՝ իբրև զսպարտացիս , հարուստ գոլով՝ զդենու հանգերձս վայրավատինս : Եթէ զքաջութենէ , ճառատողն իբրև զպլաւեան զօրավար փչէ 'ի լեգէոնախումբ կաճառս իբրև 'ի թռուցիկ տերես . կեղծն թէպէտ յուժի իցէ , ոչ կամի զայն ցուցանել . և թէ առնէ ինչ քաջութիւն , այլում թողու զպատիւն : Առ քաղաքական կենցաղավարութիւն երկաքանչիւրն են անըմբոն . զի ճառատողն տարապայման վերագրութեամբ աղաւաղէ զՃշմարտութիւն . և կեղծն ցածուն թերութեամբ առնէ զնա հեղձամուղձ : Երկաքանչիւրքն վրիպեցուցանեն զընկերս 'ի հաճոյից , զորոյ առնուլ ունեին զՃաշակ 'ի ճանաչել զՃշմարտութիւն արարից այլոց . զի նմա՝ որ ասէ աւելազանցութեամբ , չհաւատան ինչ , և սմա՝ որ չասէ ինչ , չդիտեն թէ զինչ հաւատայցեն : Այս , 'ի բաղդասէլ զսոսա ընդմիմեանս , ճառատողն յանկագոյն է 'ի կենակցութիւն քան զկեղծն . զի նա է բացերև , և սա խորախոհ . նա է ճիծաղելի , և սա կասկածելի : Մինչ զի թէպէտ սնուակապատուաստ զբոյց ճառատողն տաղակալի է ճշմարտասիրին , բայց զուարճալի այնու

որ կամի զծաղու դալ: Բայց կեղծն՝ Զշմարտասիրաց է խիթալի, և զուարթասիրաց ատելի: զի ոչ հազորդէ զիւր խորհուրդս: Եւ վասն այսորիկ ճառատօղն սիրէ զկենցաղակցութիւն, զի 'ի դլուխ տարցի զիւր վաճառ, և կեղծն չդիտելով ընդ ում կենցաղիւ, միայն ընդ միայն կենցաղի:

Կարծեն ոմանք, թէ այս երկու մոլութիւնք ծագին յերկուց առաքինութեանց. Ճառատանք 'ի քաջասրտութենէ, և կեղծիք 'ի հանդարտութենէ: Բայց այդ է սուտ. զի յառաքինական ունակութեանց անհնար է ծագիլ մոլեկան գործոց: Ապա ծագին յերկուց բնաւոր և ներհական անկատարութեանց: Ճառատանքն 'ի կարի իմն ջերմութենէ, որ վըստահացուցանէ. և կեղծիքն 'ի կարի իմն ցրտութենէ, որ երկեցուցանէ: Եւ վասն այսորիկ ճառատօղն ըմբռնէ զիրս իւրաւելի քան զոր ենն. և քարոզէ աւելի քան զըմբռնեալն: Իսկ կեղծն երկից 'ի գատաստանաց այլոց. և չէ վստահ յանձն և յիրս իւր: Բայց յերկաքանչիւրսն ընթացակցի տկարութիւնն ինչ մտաց: Զի ապականեալ կարծիք եթէ 'ի յաւէտ և եթէ 'ի նուազ, թէ կամք իցեն ասել, է երակ ինչ յիմարութեան. որ թէպէտ 'ի սկզբան անդ է թէթէ, բայց յանցանել ժամանակաց՝ 'ի յաճախել գործոց՝ ծնանի զունակութիւնն ինչ այնպէս զեղծ, որ 'ի բարոյական մոլութենէ փոխի իրօք 'ի յիմարութիւն: Եւս առաւել՝ եթէ 'ի մարդահաճոյից առնորհուկս, և 'ի չարայուղից ընդ խաղ, այն ներքին կարծիք արտաքուստ գտցեն զօդնութիւն: Եմպեդոկլէս 183 բժիշկ այնպէս սովոր էր բարձրացուցանել զիւր յայնմ արուեստի ճարտարութիւն, մինչև կարծիս 'ի մաի դնել, թէ իւր բժըշկութիւնք չէին գործք մարդկայինք, այլ գերմարդկային սքանչելիք. յորմէ ախտէ ջանացան այլք բժշկել զբժշկապետն չարագոյն ևս ախտիւ: Մուծին 'ի խելապատակ նորա, թէ չէ նա մարդ, այլ թէ 'ի մարմին նորա բնակէ հոգի աստուածոյն Ասկղեպիոսի 184: Որում 'ի հաւատալ Եմպեդոկլի թէ այնպէս իցէ, 'ի վերայ բերին. մեծ ամօթ է Աստուծոյ անմահի տուայտանօք կեանս վարել 'ի մահկանացուաց միջի: Եւ յայս ևս Եմպեդոկլի հաստատեալ զմիտս, առ ելանելոյ 'ի հրեղէն երկինս ընկեց զինքն 'ի հրաբորբոք վեհ Ետնայի: Կոյն զօրութիւնն է և յունակութեան կեղծեաց. որովէս երեխ 'ի Վիբիոս Գաղղոս, որոյ ախորժեալ յիմար կեղծաւորիլ ընդ խաղ իրօք յիմարեցաւ: Բայց առաւել ևս երեխ 'ի հախայիշատակեալ աղանդ Սկեսրիկեան փիլիսոփիայից, որք են Պիւռոնեանք, որք յայլոց փիլիսոփիայից միջի սկսան տգիտութիւնն խոստվանել: Զի 'ի սկզբան անդ հարցուփորձ փաստիւք յերկբայս լեալ և զքաջածանօթ իրաց, հուսկ ուրեմն կարծեցին զայս միայն գիտել թէ չիք հնար գիտել ինչ, և թէ չկայ ինչ ստոյդ, բայց այն միայն, թէ չիք ինչ յաշնարհի ստոյդ: Եւ թէ և

խոտղելիր դու զաշս նոցա ճառագայթիւք արեգական, նոքա ուրանային թէ արեգակն իցէ լուսաւոր:

Ապա իսկական յորդոր այսց երկուց մոլութեանց ոչ է զրկել զոք կամ ախորժել զպատիւ կամ զօշաքաղել զշահ: Այսոքիկ են վախճան այլոց մոլութեանց, այսինքն է անիրաւութեան, փառասիրութեան, և ագահութեան, որք հակառակն են արդարութեան, մեծանձնութեան և առատաձեռնութեան: Այլ բուն յորդոր այսց երկուց մոլութեանց հակակայից ճշմարտախօսութեան, առնու տեսակ'ի նոյն իսկ ունակութեանց մոլեկանաց 'ի կարդի առ իւրեանց վախճան: Ճառատողն յորդորի յիւր ընաւոր կամ յունակական թիւր յօժարութենէ մեծացուցանել քան զճշմարիտն, ոչ միայն զիւրն գովեստ, այլ և զամենայն զոր պատմէ: Եւ հակակայ իմն յօժարութեամբ այն, զոր աստանօր կեղծ կոչեմք, փոքրկացուցանէ զնոսա: Երկաքանչիւրն ընդ այս մոլեկան դործ են հաճ և հաւան, զի ոչ է բռնի, այլ կամաւոր:

Ի նախասացելոցս մարթ է իմաստասիրել թէ այս երկու ունակութիւնք, թէպէտ և են ճշմարտապէս մոլեկանք, ըստ այնմ որ խոտորին յառաքինական միջասահմանութենէ. բայց և այնպէս չեն ըստ ինքեանց չարարարք, զի չունին վախճան չար: Եւ թէ 'ի քաղաքական կենցաղավարութեան չեն հաճոյականք բայց չեն և վնասակարք: Նա չափազանցութիւնք ճառատողն, որպէս ասացաւ, զբոսանս մատուցանեն ընդունողին. որպէս սպառնալիք վասկոնացւոյն, որ կոչեցաւ թմբուկ զօրավարաց, և պէսպէս պարծանք Ապալիոնի որ կոչեցաւ ծնծղայ աշխարհի: Նոյնպէս եթէ կեղծն նուազեցուցանէ կամ ծածկէ զիւր գովեստ, առաւել անձին վնասէ, քան այլում. նա երկի սովաւ հանդարտ, զի յայտնի առաքինութիւն թուի զիւր առաքինութիւնս քօղարկել, ըստ խրատուն թէ սիրեա 'ի թաքստի լինել: Բայց ստախօս է հանդարտութիւնն, որ ծածկէ զճշմարտութիւն. զի թէ հանդարտութիւնն բառնայ յիւրմէ զգովեստ, ստութիւնն բառնայ յաշխարհէ զմարդկային կենակցութիւն:


Այլ այսոքիկ փոքր վնաս են ճառատանաց և կեղծեաց 'ի քաղաքական կենցաղավարութեան: Յոռեգոյն ևս անկարգութիւնք 'ի վեր երեխն յիրողութիւնս ծանունս: Զի զոր օրինակ ունակութիւնն ճշմարտախօսութեան լծորդեալ ընդ այլ ունակութիւնս առաքինագոյնս յառաջ բերէ առաքինագոյն գործս, նոյնալէս այս երկու ունակութիւնք մոլեկանք լծորդեալք ընդ այլ ունակութիւնս մոլեգոյնս յառաջ բերեն գործս կարի իմն վնասակարս հասարակութեան, և նոցին իսկ գործադրաց: Որպիսի անկարգութիւնս նիւթեցին ճառատանք լծորդեալք ընդ սէր մեծաշուք պատուոյ: Իմաստանալէս առասպելեաց 'Վուկիանոս, թէ իշոյ անարդի անձկա-

ցեալ թագաւոր լինել գաղանաց, և 'ի դիպել յաջողակի առիւծու մեռելոյ զդիմակ նորա զերեսօք արկեալ և զմորթն զթիկամբք, առ ժամանակ մի պատուեցաւ 'ի գաղանաց. և ահարկու եղե հովուաց, որոց չէր երբէք տեսեալ զառիւծ: Բայց հուսկ ուրեմն իբրե Հայկազնի ումեմն քաջավարժի յորս առիւծուց յայտնեցան նորին պատրանիք, զոտարինն և զիւրն կորոյս զմորթ: Յամենայն գարս գտան այսպիսի գըրասոք, որք զուրուականն առիւծու զիւրեամբք արկեալ առ ստանալոյ զարքայական պատիւ, խոռվեցին զշասարակապետութիւնս և թշուառացուցին զանձինս: Ի սպանանել Տիբերիոսի զպատանին Ագրիպաս վեղբօրորդի Օգոստոսի, ում հասանէր ինքնակալութեանն յաջորդութիւն, ծառայն Ագրիպասայ տեառն իւրում նմանաւոր կեղծաւորեցաւ թէ ինքն է Ագրիպաս պրծեալ 'ի մահուանէ, և խնդրեալ իւր թիկունս, խռովեցոյց գլխովին զինքնակալութիւնն, և զծիբերիոս վտանկեաց յոյժ: Բայց իբրե յայտնեաց զնենդն մի ոմն յանհաւատարիմ ընկերաց, շղթայակապ տարան զնա առաջի Տիբերիոսի: Որոյ հարցեալ թէ Զիանդ եղեր դու Ագրիպաս. յանդուդն ետ պատասխանի. Եւ դու զիանդ եղեր կայսր. բայց այն եղե իւր յետին բարբառ: Այլ մեծ ևս խռովութիւնս յարոյց ասպատանեակն այն, որոյ կերպարանեալ թէ իցէ կայիոս Գրակիոս տրիբուն ժողովրդեան, զոր ընդդէմ կամաց խուժանին սպանեալ էր ծերակոյան, սեպհականեաց զտրիբունական իշխանութիւնն իբրե իւր. և թէպէտ և Մեաեղոս համարակալ, որ գիտէր զամենայն զազգատոհմ Գրակիոսի, յայտ արար զնենդն, բայց և այնպէս առ ժամանակ մի ելեել առնելով կողմանց. Երբեմն բանտարկեալ 'ի ծերակուտէն և երբեմն 'ի բանտէ հանեալ 'ի ձեռն ժողովրդեան, 'ի սմանէ ստացաւ պատիւ և 'ի նմանէ նախատինս ուր և բազում եղեն արեան ճապաղիք:

Իսկ զինչ կայցէ թշնամի մարդկային ընկերութեան, քոն զկեղծիս լծորդեալս ընդ դժբողութեան խոսամանց, Մարկոս Վտափիոս պահծացաւ 'ի ծերակուտին, թէ յանկարծակի իմն խոսամամբ խաղաղութեան և հաշտութեան յաղթեցի արքային Յունաց: Գովեցին գեռահասակ սինկղիտոսք, թէ խորամանկութիւն Յունաց յամօթ եղե 'ի խորամանկութենէ Հռովմայեցւոց: Բայց ծեր սինկղիտոսք նախատանօք անարդեցին զնա, ասէ Լիւիոս. յառաջ բերեալ թէ Հռովմայեցւոց սովորութիւն այս եղե հանապազ, յաղթել քաջութեամբ և ոչ նենդութեամբ. և ոչ յարուցանել պատերազմ թէ ոչ նախ ազդ արասցեն: Ամենայն քաջագործութիւնք մեծի զօրավարին Գոնսաղվոսի 185 եղեն վատանուն երկոքումբք այնոքիւք, որ ընդ ամենայն գարս հնչեն: Մի զի ընդ առնուլ զծարենա քաղաք, երդուեալ 'ի սուրբ նուհան թողուլ ա-

զատ զիշխանն կաղաքը իրոյ, կալեալ կապեալ առաքեաց զնա
առ թագաւորն Սպանիոյ: Երկրորդ զի պաշտպանութիւն
խոստացեալ և մեծ պատիւցուցեալ Վաղենտինոսի դքսի, որ
տպաստանեալն էր 'ի նա, հաւատադրժութեամբ կալանա-
ւորեալ առաքեաց 'ի Սպանիա: Աջն, որ ստացաւ զայնպիսի
գով սուսերաւ, կորոյս զայն գրչաւ: Եւ այնուհետեւ ոչ գի-
տաց ոք, աջ եղեւ թէ ձախ. և իւր հաւատք սպանիական ե-
ղեն թէ յունական:

Բայց ոչ երբէք այնպիս վտանգաւոր և վատանուն են կեղ-
ծիք, որպէս յորժամ լծորդին ընդ ախտ կեղծաւորութեան,
որ 'ի կեղծեսց անախ առնու զանուն: Զի կեղծաւորն ըստ
խեղկատակի շրջեալ զդէմն, այլ ոմն է և այլ ոմն երեխ. այլ
ինչ խօսի և այլ ինչ խորհի. հսկարտ խոնարհութեամբ, կա-
մաւոր այլագունութեամբ, արտասուաց Ճնշմամբ խաբեալ
զամենեցուն աչս, որ չեն սրտատես, երեւութիւ կրօնի զկրօն
տապալէ. և որպէս գառնազգեատ գայլ յափշտակօղ զհօտն
Քրիստոսի ցրուէ և գիշատէ: Բայց յայսմ վայրի զգուշանաւ
արժան է չչփոթել զկեղծիս զհակառակն Ճշմարտախօսու-
թեան ընդ խորամանիկութեան, որ հակառակն է խոհեմու-
թեան: Եւ ոչ ընդ հեգնութեանն որ ընդ խաղ, որ հայի 'ի
զուարճախօսութիւն: Եւ ոչ ընդ առաքինական այլափոխու-
թեան, որպիսի էր Դաւթին որ առ զերծանելոյ 'ի ձեռաց
թշնամեաց երեւեցոյց զինքն մտաթափ: Զի զսոցանէ խօսել
ունիմք յիւրաքանչիւր տեղիս:



ԳՐԻՎԻ ԵՐԵՎԱՆԻ ԵՐԱՐԾՈՒԹԵԱՆ

ՅԱՂԱԳՍ ԶՈՒԱՐՃԱԽՈՍՈՒԹԵԱՆ
ԵՒ ԾԱՑՐԻՑ ՆՈՐԱ

Գ Լ Ո Ւ Խ Ա .

Օգոստ զուարձախօսութեան :

Դ ամսաթեատրութեան 186 ընդերկար վաստակեալ 'ի խնդիր Պերսէփոնեայ յանդնդախոր վայրս զօղելոյ . այն ինչ 'ի վերայ քարի . որում անծիծաղ անուն կոչէին , յանապատս Եղիւսեայ միշտ մտախորհ զՊերսէփոնեայ հիւծեալ հաշէր դլսովին 'ի արտմութենէ , Յամբէ զուարճախօս պառաւ իւրովք զուարժարար զրուցիւք զնա ժապտեցոյց : Վասն այսորիկ 'ի խորհրդաւոր դահամունս Պեմետրէայ ընդ լրջութիւն յարդական ծիսից խառնէին զուարճախօս զրոյցս ընդ խաղ , ուստի և եղեւ յառակս , թէ դից խոկ հաճոյ են զուարժարար զրոյցք : Կամ եղեւ այնց վսեմախոհ մտաց բանաստեղծական խմաստասիրութեամբ յիշեցուցանել թէ 'ի լուրջ հետազօտութեան ճշմարտութեան զօղելոյ 'ի խորս գիտութեանց միտմարդկային տխրագին և ներանձնացեալ , բազում ինչ ծախէ 'ի մարմնական զօրութենէ . և չկարողանայր տոկալ ընդերկար թէ ոչ երբեմն ծաղու և զուարժարար զրուցիւք առնոյր քաղաքական ինչ սփոփանս : Տրտմութիւնն հետևորդ լրջութեան սեղմեալ զսիրտ , կալմկապ ունի զկենսական ոգիս , և հովացուցեալ զկուրծս , կնճռէ զերեսս և փակէ զշնչահան ձայնի . վասն այսորիկ բազմահոգք են սակաւախօսք : Զսորին հակառակն՝ ծիծաղն հետևորդ զուարճախօսութեան՝ ընդարձակեալ զսիրտ հանէ յազատութիւն զՃնշեալ ոգիս , և ջեռուցեալ զկուրծս պարզէ զՃակատն և վարէ յորդ շունչ 'ի հագագ ձայնի , որպէս յիւրում տեղւոջ լուիցես : Որպէս դասարկութիւնն է հանգիստ մարմնոյ , նոյնալէս Զուարճախօսութիւնն է հանգիստ սրախ . այլ ոչ հանգիստ պարապորդ և անխորհ , զի միտք են կարողութիւն հոգեղէն , և հոգի թէ

չե կապեալ քնով այնշափ գործէ ցորչափ կեայ. զի կեանք իւր է գործէլ: Նա թէ ՚ի զրոյցս լուրջս առաւելու հանդարտութիւն, ՚ի զրոյցս զուարձախօսս առաւելու սրութիւն, ՚ի նոսին առաւելու խոհականութիւն և ՚ի սոսին սրամտութիւն. վասն զի նոքա ծնանին ՚ի ճշմարտութենէ իրաց, և սոքա ծընունդ են բեղնաւոր մտաց. որոյ գիտակ գոլով այնց ըստ իւրաքանչիւր մասանց, մեծապէս խնդայ. և ՚ի գործողութեան անդ գտանէ զհանգիստ:

Ապա օգտակար են զուարձախօսութիւնք պահպանութեան անհատի. բայց առաւել ևս կենցաղավարութեան ընդ այլոց: Զի որպէս ընութիւնն կապեաց զմարդիկ ընդ միմեանս գաղտնի կապանօք համակրութեան, և արամութիւն միոյն ցայտէ յերեսս միւսոյն, նոյնուկ զուարթագին երեսք ուրախ առնեն զսիրտ աեսովին. և վասն այսորիկ զուարձախօսն շահի զսիրտ խօսակցին: Ապա զուարձախօսութիւնք են քաղցրիկ համեմունք քաղաքական կենցաղարութեան ՚ի ճեմս, ՚ի խընջոյս, յարթնութիւնս, ՚ի խաղս և ՚ի կոչունս: Յասել միոյն միւսն լսէ: Նա անուշիկ նետաձգէ, սա սիրողապէս ընդունի, և անդրէն դարձուցանէ. ըստ կորեանց շանց, որ ընդ միմեանս ծամածուեն անմիտաս ատամամբք. կռուին ընդ միմեանս և հաշտ են, խածատէն զմիմեանս և գրկախառնին: Վասն այսորիկ զզուարձախօսութիւնս յիրաւի կոչեաց Արիստոտէլ քաղաքավարութիւն. զի որպէս աստցաւ զքաջ մարդավարութենէ, ոչ ծնանին յանգործ երկիր վայրենի և ՚ի խելս գեղիայինս, այլ ՚ի միտս քաղաքայինս, որք կամ սովորութեամբ և կամ արուեստիւ հանճարաւորք հանդիսացան: Ստոյդ իմն է թէպէտ և ոմանց այլազգ թուիցի թէ և զուարձախօսութեանց կայ ուսումն և արուեստ ճշմարիտ, որպէս ցուցաք յԱրիստոտէլեան գիտական 187. յորոյ իմաստից արժան է աստանօր յիշեցուցանել ինչ ինչ, վասն զի անդանօր բազում զննեցաք զայս պրակ Արիստոտէլի:

ԳԼՈՒԽ Բ.

Թէ զի՞նչ իցէ քաղաքավարուրիւն 188, կամ զուարձախօսուրիւն:

Խնդիր է սա արդարեւ հետաքնին և կարեւոր մերումն առաջադրութեան, առ իմանալ թէ իւ զանազանիցին զուարձախօսութիւնք գիտականք ՚ի բարոյականաց, և ծանունք ՚ի ծիծաղականաց. և թէ ոյք անկ իցեն իշխանի, ոյք քաղաքայինս և ոյք ծառայի: Ապա ընդհանրապէս խօսելով, զուար-

Ճախօսութիւնն կամ քաղաքավարութիւնն է գործ մնաց , որ ուսուցանէ ինչ հանձարաւոր օրինակաւ : Հանձարաւոր օրինակ այն է որ նշանակէ զիրս ոչ սեպհական և հասարակ եղերք , այլ նմանականօք հնարելովք 'ի հանձարոյ , որ և են նոր և անակնկալ : Որպէս բանաստեղծական դիւտք , որք չեն ճըմարիտք , բայց նմանող են ճշմարտի : Զոր օրինակ եթէ կամելով քոյ ասել սէր , ասիցես հուր : Զի ոչ նշանակեցեր զայն կիրք իւրով սեպհական բառիւ , այլ նմանականաւ , որ հանձարեցաւ 'ի քոց մնաց . բայց է քաջ յայտարար , վասն որոյ և բերկրարար :

Արդ այս հանձարաւորութիւն ամփոփի երբեմն 'ի մի միայն բառ հանձարաւոր , որպէս 'ի վերոյգրեալդ օրինակի , որ է լոկ փոխաբերութիւն ինչ բառի : Երբեմն ապածանի 'ի նախադասութիւն ինչ . որպիսի են առածք և իմաստք հանձարաւորք : Երբեմն կազմակերպէ ձեռնարկութիւն ինչ պատրողական հանձարով . ուստի զզուարճախօսն կոչէ Արիստոտէլ գիտականոյ ումեմնէ Սիկիլիացւոյ Տրանսիլվան անուն , որ էր տռ.փոտ , այլ ոչ իշխէր յայտնել զտուփանս իւր : Մի 'ի խօսակցաց արկ 'ի մէջ զայս զրոյց . Տրանսիլվան է գլխովին հուր : Այս է բառ փոխաբերական և հանձարաւոր : Այլ ոմն ասէ : Եթէ Տրանսիլվանի կայր հուր 'ի տան , ձայն արձակէր արդեօք : Այս է նախադասութիւն հանձարաւոր : Այլ ոմն 'ի վերայ բերէ . Գիտիցէք , զիանդ ոչ ձայն արձակէ հուրն . վասն զի է հուր մոլի : Այս է ձեռնարկութիւն հանձարաւոր . զի հուր մոլի , որ 'ի գերեզմանատունս վառի , ոչ այրէ , և այսուտայ համարել զնա ազաւաշ ոք : Այլ ոմն կծողագոյն ևս ասէ . նա հուր դժոխային է այն որ տանջէ զդես , և զժողուձայն արձակել . և այսուիկ տայ համարել զպատանին եղեռնաւոր ոք : Բայց այլ ոմն առաւել ևս հանձարաւոր և քաղաքային , յայս կնքէ զբանն . Ոչ գիտէք , զի սիկիլիաց է նա . հուր է այն իւրոյ Ետնայի , որ և ոչ զձիւնն որ զիւրեւ հալել զօրէ . և այսուտայ համարել զնա ցուրտ սիրով : Այս են պատրանք հանձարաւորք և զուարճախօսութիւն նիւթ և տեսակ . զորոց վասն վախճանին որ ասացաւ , յիրաւի է խօսել սկիզբն արարեալ 'ի գլխաւորէն :

Գ. Լ. Ո. Խ. Խ. Գ.

**Թէ ո՞ր իցէ տեսակ զուարձախօսութեան և քանի իցին
տարրելութիւնը նորա :**

Տեսակ զուարձարար զբուցաց կայանայ 'ի հանձարաւութեան անդ զոր ասացաք, այսինքն 'ի նշանակելն զիմն ոչ սեալհական և սովորական եղերօք, այլ փոխաբերական և նմանական եղերօք . զի այս է դործ լոկոյ հանձարոյ : Արդ այս հանձարաւորութիւնը բաժանի յայնչափ տեսակս սեռականս, որչափ են տարբերութիւնք փոխաբերական ձեռց . որպէս ցուցաք 'ի մերում դիտական : Առաջինն է համեմատութեան, որ նշանակէ զիմն այլով նմանակաւ, առեալ զմին փոխանակ միւսոյ . իբր այն զոր ասաց Անտիսթենէս . կեփիսոդորոս ծառայ իմ խունկէ, որ ոչ քուրէ զհոտ, թէ ոչ քաջ ծեծի . կամեցեալ նշանակել թէ ծեծ պիտի նմա 'ի ձգել 'ի ծառայութիւն : Երկրորդն է առատրութեան, որ նշանակէ զիմն այլով որ կցորդ է նմա . որպէս զպատերազմ փողով, և զհաշտութիւն պէզնաւորաւ : Ըստ այսմ Գաղղիացիք պատերազմ սպառնացան Փլորենտացւոց, թէ ոչ կամիցին յետս դարձուցանել 'ի նոսա զքաղաքան ամուրս, ասելով թէ դուք ոչ առնէք մեք զմեր փողս հնչեսցուք : Եւ Փլորենտացիք ետուն պատասխանի, թէ Դուք զձեր փողս հնչէք, մեք զմեր զանգակս հնչեսցուք : Զի 'ի ձայն հասարակաց զանգակի, ժողովուրդն խուռն 'ի զէն ընթանային : Եւ այս զուարձախօսութիւն զնոսա զարհուրեցոյց : Երրորդն է հոմանունութեան հենդինելով զանունն : Որպէս Մետեղոսի առն ծանծաղամտի, որ պարծէր թէ աշակերտեալ իցէ ագռաւ անուն մեծի հռետորի, կիկերոն ընդ կատակս ետ պատասխանի . Այս, այն ագռաւ ուսոյց քեզ թռչնի, այլ ոչ խօսիլ : Չորրորդն է նկարագրութեան . որ առաջի աչաց դնէ զիրն ազդու և հատու իմն փոխաբերութեամբ : Որպէս Դիոգինէս վասն անառակին որ արկ 'ի խաղ զպալատ իւր, ասաց . Սա յետ ուտելոյ զինչս հայրենի, փսխէ զտուն : Հինդերորդն է չափազանցութեան, որպէս Լիւսիմաքոսին առ Պարսիդէս դեսպան բիւզանդացւոց . Արդ գան առ իս բիւզանդացիք, յորժամ գեղարդն իմ հասեալ է յերկինս : Եւ Պարսիդէս դարձուցեալ 'ի նա զլթիկունս, ասէ ցիւրսն . Երթիցուք աստի, մինչը է սորա գեղարդեամբ իւրով փլուզեալ զերկինս 'ի չաղլսել զմեզ : Աեցերորդն է լակոնացի ոճով, որ նշանակէ աւելի քան զոր ամէն . ընդ հակառակս չափազանցութեան, որ ասէ աւելի

քան զոր նշանակէն։ Այսպէս Սպարտացիք խրոխտ սպառնալեաց հրովարտակի արքային Մակեդոնացւոց Փիլիպոսի, ոչ այլ ինչ ետուն պատասխանի, բայց զերկու զայս բառ՝ ի մեծ ինչ թերթ թղթոյ։ Դիոնէսիոս՝ ի կողնթոս։ Կամեցեալ ասել։ Յիշեա, զի Դիօնէսիոս վասն իւրոց խրոխտանաց՝ հալածեալ՝ ի թագաւորութենէ, չոքաւ՝ ի կորնթոս, ուսուցիչ լինել մանկանց, փոխեալ զգաւազանն ալքունի՝ ի ձաղկիչ տղայոց, զի ասլրեսցի։ զնոյն արասցուք ընդ քեզ, թէ խիզախես մեզ։ Եօթներորդ է հակադրութեան, որ ունի ինչ զօրութիւն հաւանեցուցանելոյ։ զի քաջ արտայայտէ զներհակն ներհականաւ։ Որպէս Բիաս խրատէր զոմն պատանի չամուսնանալ, ասէ։ Թէ զտգեղն ածես, քեզ ոչ հաճոյացի։ Թէ զգեղեցիկն ածես, այլոց հաճոյացի։ Եւ պատանին ետ պատասխանի։ Նա թէ զգեղեցիկն ածեմ, ինձ հաճոյացի։ Թէ զտգեղն ածեմ, այլոց չհաճոյացի։ Ութերորդն է պատրողութեան, որ յատկապէս կոչի զրոյց անակնկալ։ յորժամելք բանին է այլազգ, քան որում ակն ունէր ունկնդիրն։ իբր այն զոր ասաց Մարտիաղէս առ Զոյիլոս։ Ի կոչել ուրուք զքեզ եղեռնաւոր, դու չես եղեռնաւոր, այլ նոյն ինքն եղեռնութիւն։

Այլ զոր օրինակ՝ ի պատուաստել զտունկս՝ մի միայն տունկքերէ ազգի ազգի պտուզս, նոյնպէս՝ ի մի զրոյց զուարձախօս հնար է մտանել բազում հանձարաւոր ձեռց պատուաստ փոխաբերութեամբք, և այն է առաւել գովանի։

Յայս վայր խօսեցաք զտեսակէ, արդ խօսեսցուք զնիւթոյ։

Գ Լ Ո Ւ Խ Պ .

Յաղագս նիւրոյ և ներակայի զուարձախօսութեան։

Ի զուարձախօսութիւնս է որ ծանր, և է որ ծիծաղաշարժ։ Խաբին որք կարծեն թէ Արիստոտէլ զուարձախօսութիւնս կոչէ միայն զզրոյցս ծիծաղաշարժս։ Զեկոյց նա զերկաքանչիւնն յայսմ իսկ գլխի, ՚ի յիշեցուցանել իւրում թէ զուարձախօսն ընդ խրախամիտս առնէ զրոյցս զուարժարարս, այլ ընդ ծանունս առնէ զրոյցս ծանունս։ Որպէս արուեստն սովեստական արբանեկէ միապէս եթէ ծիծաղաշարժ պատրողութեանց և եթէ լրջաց, նոյնպէս այս առաքինական ունակութիւնն զուարձախօսութեան միապէս արբանեկէ եթէ ծիծաղաշարժ զուարձախօսութեանց և եթէ ծանունց։ Բայց ասիցես թերեւս, եթէ զուարձախօսութիւնն է հակակայ լրջութեան, իբր զի սա պատճառէ զտիրութիւն և նա զզուար-

Թութիւն. զիարդ հնար է թէ լինիցի զուարձախօսութիւն ինչ լուրջ, կամ լըջութիւն ինչ զուարձախօս. զուարթութիւն ինչ տիսուր, կամ տիրութիւն ինչ զուարթ: Առ որ զայս տամ պատախանի թէ չկը ինչ ենթակայ այնպէս ծանր, այնպէս տիսուր և այնպէս վայրենի, որում չկը հնար փոխիլ 'ի զուարձ ըստ նիւթոյ և ըստ աեսակի: Զի՞նչ ենթակայ կայցէ ծանրագոյն և լըջագոյն քան զաստեղս երկնից, և զի՞նչ նախադասութիւն կայցէ լըջագոյն և դիտնականագոյն քան զասութիւն այսպիսի. Աստեղք են պնդակազմ և դիմահար մասունք եթերական գաւառի. որք 'ի ցայտել ճառագայթից արեւու լինին լուսաւորք: Այս է նախադասութիւն գիտնական, այլ ոչ զուարձախօս: Ապա թէ ասիցես. Աստեղք են եթերական հայելիք. որք թէպէտե են նսեմք, բայց թէ ցայտէ 'ի նոսա արև, լինին գիշերային արեգակունք: Այս է նոյն հսկ իմաստ, բայց առ փոքր մի զուարձախօս, զի եզերքն 'ի նիւթ և 'ի տեսակ են փոքր մի փոխաբերականք. և որչափ առաւել բացական լինին 'ի բուն եզերաց, նախադասութիւնն լինի առաւել զուարձախօս, և ծիծաղաշարժ իսկ:

Ծանր դաշտիօնի լինի նախադասութիւնս, թէ ասես. Աստեղք են նուիրական կանթեղք եթերական տաճարի Վատուծոյ: Գեղեցի թէ ասես. Աստեղք են ականակապ ասղնեգործութիւնք վսանի աշխարհիս: Ուշակ թէ ասես. Աստեղք են փթթեալ ծաղկունք երանաւէտ դրախտին: Գիտուառ թէ ասես. Աստեղք են տչք երկնայինն Արգոսի, որք հսկեն զգիշերն ամենայն 'ի վերայ մարդկան: Վայրենի թէ ասես. Աստեղք են երկնային ահեղ գիշերապահք, հիւսիւք վարսից Ճաճանչաւոր օձից. առ 'ի բացէ ունելոյ զըարս յերկնից: Տիւառ թէ ասես. Աստեղք են սգաւոր ջահք՝ հրավառ մատրան 'ի յուղարկաւորութեանն արեւու: Զսորին հակառակն ծիծաղաշարժ թէ ասես. Աստեղք են փոսուրայք թռուցիկք ընդ կապուտակ դաշտ երկնից: Եւս ծիծաղաշարժ թէ ասես. Աստեղք են լապտերք դից, երք շրջին գիշերայն: Եւ առաւել ևս ծիծաղաշարժ, թէ ասես. Աստեղք են պատրոյգք առ կայծեալք, որք թօթափին յաշտանակէ արեւու: Ապա թէ զերկինս խարբալի նմանեցուսցես, մարթ է քեզ ըստ Ստիլանոսի 189, ընդ կատակս կոչել զատեղս, Երկնային խարբալի լուսանցոյց ծակս: Յօրինակաց աստի ունիս առնուլ 'ի միտ թէ այս ամենայն նախադասութիւնք են զուարձախօսք, ըստ լոկոյ հանճարաւոր տեսակի այսինքն ըստ համեմատական փոխաբերութեան, որ առնու զնմանն փոխանակ նմանւոյ. բայց ամենայնն պէսպիսակ ըստ նիւթոյ. որ յոմանս է ազնուագոյն, և յոմանս անարգագոյն. 'ի նոսա գեղեցկագոյն, և 'ի սոսա ագեղագոյն: Ապա ըստ Վրիստոտէլի նիւթ ծիծաղաշարժ զուարձախօսութեանց է զազրութիւն կամ ագեղու-

թիւն : Ուստի և նիւթ ծանր զուարճախօսութեանց է գեղեցկութիւն կամ վայելչութիւն :

Եւ 'ի վերայ ծիծաղաշարժից՝ խմանալ պարտ է երկակի տգեղութիւնո . մի ֆիզիդական , և երկրորդ բարոյական . յորոց բաղկանայ երրորդ իմն խառն 'ի ֆիզիդականէ և 'ի բարոյականէ : Ֆիզիդական տգեղութիւնն է անհամեմատութիւն ինչ՝ որպիսի և իցէ բնաւոր կամ արուեստագործ իրի . որ առաւելուցու կամ նուազիցի քան զպատշաճական չափ . որպէս խեղաթիւր երես , մեծ ինչ ունչ 'ի փոքր դէմս , շնուռած ինչ անհամեմատ , երաժշտութիւն ինչ խառնածայն և ամենայն զազրութիւն՝ որ ժխորէ զսամոքս : Բարոյական տգեղութիւնն է անպատշաճութիւն վարուց , որ առաւելու կամ նուազի քան զմէջ բանի , որպէս անմտութիւն կամ խորամանկութիւն . վեհերոտութիւն կամ յանդգնութիւն , և ամենայն որպիսութիւն անշքական և ամօթալի : Խառն տգեղութիւնն է տգեղութիւն մարդկան , որ երեկցուցանէ պակասութիւն ինչ անասնական . որպէս զազրոտի իմն կնճիթցցուեալ արտօքս երկայնաժանի իբրև զխոզի : Եւ տգեղութիւն անասնական որ երեկցուցանէ յոռութիւն ինչ մարդկային . իբր կապիկն որ երեկի մարդ տգեղ և նենդաւոր , որ ոչ խօսի զի մի աշխատ լիցի : Արդ տգեղութիւնն եթէ ֆիզիդական և եթէ բարոյական , և երկեակ . մին առաւել ամօթական , քան ամօթական : Յանդգնութիւնն է առաւել վխասակար , քան զմէհերոտութիւն , և անիրաւութիւնն քան զանժուժկալութիւն . բայց անժուժկալութիւնն է առաւել ամօթական քան զանիրաւութիւն , և վեհերոտութիւնն քան զյանդգնութիւն : Ի վախճան ամենայնի և զայն ևս պարտ է յուշ ածել , թէ նոյն իսկ տգեղութիւնն է առաւել ամօթական յայս ոք՝ քան յայն ոք : Որպէս ագիտութիւնն յայնմ . որ 'ի գիտնոց է համարի , և վեհերոտութիւնն յայնմ որ 'ի քաջաց է համարի , և աղտեղութիւնն յայնմ որ է գեղաւոր և պանծալի :

Վազա ասեմ թէ այս ամենայն տգեղութիւնք են նիւթ զըւարճախօսութեան . այլ ոչ ամենայնն է նիւթ ծիծաղաշարժ զուարճախօսութեան : Զի թէպէտ երես ինչ ծամածուռ ծիծաղեցուցանէ , բայց թէ իցէ ծամածուռութիւնն 'ի հերձմանէ ծնօափց կակծագին ցաւօք , ոչ ևս շարժէ 'ի ծիծաղ , այլ յախտակցութիւն և 'ի զարհուրանս : Վասն այսորիկ 'ի վերայ բերէ Արիստոտէլ , թէ նիւթ ծաղու է տգեղութիւն անցաւ . որպէտ երես ծամածուռ , որ ոչ ցաւի : Յորոց բանից մարթ է մեղ քաղել երկուս կարևոր հետևութիւնս . մի թէ մոլութիւնք որք են վխասակարք քան ամօթականք , ոչ են նիւթ ծիծաղաշարժ զուարճախօսութեանց , այլ թշնամանականաց և կծանողականաց . զորս պարտ է վտարել 'ի քաղաքական

կենցաղավարութենէ : Ուստի և ծիծաղաշարժք են այնք որք զծաղու դան՝ ի վերայ մոլութեանց առաւել ամօթականաց քան վնասակարսց . որպիսի են վեհերոտութիւն, տգիտութիւն, անհամեստութիւն և արբեցութիւն, որք են մոլութիւնք առաւել անարգք և ծառայականք : Երկրորդ հետեւութիւնն է թէ և ՚ի վերայ այդպիսի ամօթական և անարգ նիւթոց զուարձախօսութիւնք չեն ծիծաղաշարժք, յորժամ կամ կարի իմն կծողագոյն խայթեն զայլս, կամ կարի իմն յայտնի զրոյցք լինին զաղտեղեաց և զանապարկեշտից : Զի այնք ցաւագին լեալ նախատելոյն, և այսոքիկ զզուեցուցեալ զունկնդիրս, ոչ կոչին տգեղութիւնք անցաւք : Վասն այսորիկ ՚ի սոցանէ ևս ՚ի քաղաքական կենցաղավարութեան պարտ է խորչիլ : Եւ յիրաւի գտանին աղք այնպէս անագորունք, որոց նիւթ ծաղու է անգթութիւն, և այլք այնպէս աղտեղիք որք ախորժեն զաղտեղի զրոյցս որպէս խողք զախղմս : Պիւռոս ՚ի սպանանել զծերունին Պրիամոս ՚ի զոհանոցի, խաղ արար զնա զուարձախօս զրուցիւք : Եւ Աղեքսանդր Սկերոս, զծաղու եկեալ ՚ի տանջանս միոյ ուրուք յիւրոց սիրելեաց, որ վաճառէր զաւագութիւնս արքունի, հեղձոյց զնա ՚ի ծուխ, ասելով . ծխով կորնչի, որ զծուխ վաճառէ : Զուարձախօսութիւն արժանի Սկերոսի : Խակ Եղիոդաբաղայ առաւել միտեալ ՚ի շամբշութիւն քան յանգթութիւն, վարձս խոստանայր որոց հնարեին զրոյցս խենէցս 190 : Բայց այսոքիկ չեն համեմունք քաղաքան կենցաղավարութեան զորոց է աստանօր խնդիր :

Ապա կրկնակի զրոյց ինչ լինի միանգամայն ծիծաղաշարժ և քաղաքական : Մի եթէ տգեղութիւնն այնպէս թեթև իցէ, որ զրոյցն խտաղեսցէ այո, այլ ոչ ցաւեցուսցէ : Զի ոչ է հնար ունել զաւագինութիւն զուարձախօսութեան այնմ, որ գիտէ զայլս մարմաջեցուցանել, և զիւր մարմաջել ոչ կամի : Թող զի ոչ միշտ զուարձախօսութիւնք անկանին ՚ի վերայ մտակայից, այլ ՚ի վերայ բացականաց . և ամենայն ոք հեշտալուր է ամենայնի, որ զայլս խոցէ : Երկրորդ, յորժամ տգեղութիւնն թէսլէտ և աղտեղի իցէ կամ կծանող, թէսլէտ և ամօթալի իցէ կամ վնասակար, այնպէս ՚ի վայելուչ փոխակերպի հանձարաւոր ձեռվլ, մինչեւ տեսակին գեղերեսելը նիւթն և կծողութեանն երևիլ գովեստ և անհամեստին՝ համեստ, իբր զի թէ ոչ գովի էութիւն զրուցացն, գովի հանձարն : Երևի և յառաջարկութիւնս ֆիզիդական իրաց գործ այսր վայելութեան : Չասաց Մարտիաղէս բուն եղերօք բաղանիք քո չեն ինչ ջերմ . այլ ասէ . թէ պահել կամիցիս զձկունս, արկ ՚ի քո բաղանիս : Չասաց թէ Այդ սենեակ է կարի գիջին . այլ թէ արկ ձկունս աստ ՚ի ներքս, և կայտուեցին : Չասաց թէ Տոնդիլիանոս է մեծունչ . այլ թէ զՏոնդիլիանոսի տեսանեմ զունչս, այլ ոչ տեսանեմ զնա ինքն : Չա-

սաց Որատիոս թէ Դա է յաղթահասակ . միականի . այլ թէ Կիկոպայ 'ի կտքաւս ոչ պիտին դիմակը 194 : Եւ զայլմէ ումեմնէ , որոյ աջոյ ակն էր կոյր և ձախոյ ակն Ճ՛ՆՇԷՐ արտօսր , ասացաւ թէ այդ ակն լայ զմահ զիւրոյ եղբօրն : Այսու օրինակաւ 'ի զուարձախօսութիւն վոխին տգեզութիւնք բարոյականք , թէպէտ և կծանողք կամ ամօթականք : Զոր օրինակ զգոզաբարոյ ծառայէ ասացաւ , թէ Դմա միայնոյ 'ի ծառայից ոչինչ կայ փակ : Եւ զայնմանէ որ բարձեալ տանէր կեղծ ինչ գլխանոց , և համարեալ էր ստախօս . եթէ երկու գլուխք են դորա , ապա և երկու լեզուք : Եւ զանգէտ բժշկէ ումեմնէ . Բժիշկ է դա , որ ոչ կարի իմն հիւծեալ հաշէ զիւր ախտացեալս : Եւ զպատկերէ բամբշի ուրումն , որ 'ի մնգոյր շպարիւր . Ոչ թէ նկարդ նման է նմա , այլ նա նման նկարիդ : Եւ զթուխ պատանւոյ ումեմնէ սպիտակազգեստէ , որոյ էր կեղակարծ անուն . կարապ է դա . որոյ միս է սեաւ , և փետուրք սպիտակք . բայց չկը նորա քաղցր ձայն : Եւ զդատաւորի ուրումն շեղտամեզտ կնոջէ . Յիրաւի է այդմ դատաւորի լինել արդար , զի 'ի տան ունի զնոյն ինքն զարդարութիւն , որ իւրաքանչիւրում տայ զիւրն : Եւ զայնմանէ որ ունէր կին փոքրիկ բայց տգեղ . Դա 'ի բազում չարեաց էաւ իւր զփոքրն :

Գ Լ Ո Ւ Խ Ե .

Յաղացս զուարձախօսուրեանց ծանունց :

Վերագոյն յիշատակեցաք , թէ որովհետեւ նիւթ ծիծազաշարժից է զազուութիւն կամ տգեզութիւն , եթէ բնական և եթէ բարոյական , հարկաւ պատշաճի զի նիւթ ազնուականաց և ծանունց իցէ գեղեցկութիւն կամ կատարելութիւն իրաց , եթէ բարոյականաց և եթէ բնականաց և արուեստականաց , որք արժանի իցեն գովութեան և զարմացման : Բայց աստանօր արժան է և զայն ևս յուշ ածել . զի թէպէտ և ամենայն առաջարկութիւնք գովանիք են ծանունք , բայց ոչ վասն այդք բնաւքն են զուարձախօսիկք . եթէ նիւթն ծանր չէ զգեցեալ զտեսակ հանճարաւոր : Թէ ասիցես դու թէ վարդն է գեղեցկագոյն քան զամենայն ծաղկունս , զոր արար բնութիւնն , լինի այս առաջարկութիւն ազնուական և ծանր , այլ ոչ զուարձախօսիկ . վասն զի է նշանակեալ Ճշգրիտ և բուն եզերօք՝ իբր պատմաբանօրէն : Այլ զուարձախօսիկ և ծանր արար զայն Սափփով , յասել իւրում . Թէ արարեալ էր Դիոսի թագուհի ծաղկանց , արարեալ էր արդեօք զվարդն : Եւ թէ հաճոյ էր քեզ այլաբանել և ևս , մարթ էր 'ի վերայ

բերել թէ փուշք են նորա արբանեակք և զօրականք։ Ըղ հուսկն ասացից . գործք բնականք և յանկարծադէսլք , հանձարաւոր մտախոհութեամբ լինին ծանր զուարձախօսութեան նիւթք . զոր օրինակ զծաղու եկն Մարտիաղէս 'ի վերայ երէոյ , որոյ խոցեալ յորսորդաց՝ 'ի նոյն և երկնեաց . ասէ . Արտեմիս միանդամայն 'ի կիր էարկ զերկաքանչիւր զիւր գործ , զորսովի և զծնուցչի . քանզի Արտեմիս աստուածուհին համարէր որսորդ , միանդամայն և մանկաբարձ դիւցաղանց : Ապա եթէ 'ի մէջ երևեսցի տիկին ոք , և տղայ մի նորա , երկաքանչիւրն գեղեցիկ , բայց երկոքին խոկ միականի , մարթ էր 'ի քաղաքական ինչ կենցաղավարութեան ծանու զուարձախօսութեամբ ասել . Եթէ տղայդ պարգևէր զիւր մի ակն մօր իւրում . լինէր դա կոյր Սէր 192 , և մայրն գեղեցիկ Ափրոդիտէ : Եւ այսպիսի են գովեստ գեղեցիկ արձանաց և դրօշուածոց և այլ ամենայն ձեռակերտ դործոց :

Այսոքիկ են զուարձախօսութիւնք հիմնեալք 'ի նիւթ ընական : Խակ զբարոյական գեղով , եթէ Մարտիաղիսի ասացեալ էր զՆերուասայ , իշխան է սա այնչափ բարի , որ ըղձալի առնէ բարեաց զմիապետութիւն քան զհասարակապետութիւն , լինէր այս առաջարկութիւն գովասանական և ծանր , բայց պատմական և ոչ զուարձախօս : Բայց 'ի ծանր զուարձախօսութիւն շրջեաց զայն . յասել իւրում . Եթէ դառնայր արդկատովն յաշխարհ , զկողմն արդեօք ունէր զկեսարու : Վասն զի կատովն այնչափ խորշէր 'ի միապետութենէ , մինչև չոքաւզիւրովի , զի մի տեսցէ զմիապետել Յուլիոսի կեսարու 193 : Սինչ զի նոյն առաջարկութիւն , այնու ձեւաւոր և լակոնական յառաջբերութեամբ , զգեցաւ զուարձախօսութիւն , անկորուստ պահեալ զծանրութիւն : Այսպիսի ձևով գովեաց Անգեղոս Փոլիցիանոյ զպերձախօսն կիկկա կին սենացի . ասէ . Սնեմոսինէ (մայր ինն մուզայից) լուեալ զիաօմիլ կիկկայ , ասէ . Երբ ծնայ ես տասներորդ գուստը . կամելով ասել . կիկկա 'ի պերձախօսութեան թուի լինել մի 'ի մուզայից : Եւ զումեմնէ գեղեցիկ և պարկեշտ օրիորդէ ասէ . Գիտէ դա , զի՞նչ է լինել սիրեցեալ , այլ ոչ գիտէ , զինչ իցէ սիրել : Ըստ Պարթեաց նետածիդ լինի 'ի սիրովս՝ փախչելով իւրով : Եւ զումեմնէ իմաստուն փարթամ և գեղեցիկ տիկնոջէ ասէ . Եթէ գտեալ էր 'ի դատ Պարիսի , նա միայն շահեալ էր զիսնձորոսկի՝ յերից տարփակցաց անտի 194 : Զի Աթենաս էր աստուածուհի իմաստութեան , Հերա՝ փարթամութեան և Ափրոդիտէ գեղեցկութեան . և սա յինքն միայն միաբանեալ ունէր զերեսին զայն ձիրս : Բայց դու տես , զի ձեւ հակագրութեան առնէ զառաջարկութիւնս ևս զուարձախօսս և ծանունս քան զայլ ամենայն ձես : Որպէս եթէ ասէիր . Սիրել արժան է , որպէս թէ պարտ էր գեղ ատել . և ատել , որպէս

թէ պարտ էր քեզ սիրել։ Որալէս և այս որ անարգ է ըստ նիւթոյն, այլ պէղեցիկ ըստ տեսակին։ Պարտ է քեզ ուտել, զի կեցցես. և ոչ կեալ, զի ուտիցես։

Յօրինակաց աստի ունիս ճանաչել թէ 'ի զուարձախօսութիւնս ծանօւնս, ծանրութիւնն ոչ բառնայ զհաճոյականութիւնն և զբաղաքական ինչ զուարժութիւն։ որ թէպէտ չէ ծիծաղաշարժ, բայց և այնպէս շարժէ զանուշակ ինչ ժպիտ, ոչ ձայնարձակ և անկարգ իբրև զզուարձախօսութիւնս խեղկատակս, այլ խաղաղական և հանդարտ, որպէս յորժամ տեսանեմք զսիրելի ոք բարեկամ կամ երեսս կայտառս կամ ճարտարարուեստ ինչ նկար, կամ հոյակապ ինչ ճակատ, կամ սքանչելի իմն և անակնկալ փոփոխութիւն թատերաց, զի նորութիւն և զարմանք մեծապէս բերկրեցուցանեն։ Եւ այսոքիկ են 'ի գիտնոց կենցաղավարութիւնս ընտրելագոյն զուարձախօսութիւնք։

Գ. Լ. Ո. Ւ. Խ. Զ.

Կիրառուրիւն զուարձախօտուրեանց 'ի քաղաքական կենցաղավարուրիւնս :

Երկակի են զուարձախօսութիւնք, այսինքն է Ասից, և Գործոց։ Զուարձախօսութիւն ասից յատկապէս կոչի Զաւշտութիւն։ Զուարձախօսութիւն գործոց մասնաւորապէս կոչի Կատակ։ Եւ յերկուց աստի բաղկանայ զուարձախօսութիւն խառն յասից և 'ի գործոց։ Եւ երեքին իսկ յանկաւորեն քաղաքական կենցաղավարութեան։

Ապա կամեցեալ խօսիլ նախ զզուարձախօսութենէ ասից։ Առաջին կիրառութիւն նորա է 'ի պատասխանիս. որոց հասարակօրէն պարտ է լինել համեմատ առաջարկութեանց։ Դարձուցանելով զիսայթ զըուցաց խայթականաց կամ զգով զըուցաց գովականաց։ Առաջի կղեմայ ութերորդի ընտանի զըոյցք 'ի միջի լինէին թէ որով օրինակաւ հնար իցէ քաղելարժաթ, առանց տրամեցուցանելոյ զժողովուրդն։ Եր անդ Արմելինոս ոմն անուն, որ թարգմանի կուզ զորմէ էին կարծիք՝ գտիչ լինել այսպիսի կապալաց։ Զամանէ մի 'ի պալատականաց զծաղու եկեալ ասէ. Մրբութիւն ձեր ժողովեացէ 'ի ժողովրդենէ հեշտեաւ գանձ բաղում, թէ շուրջ յածեցուսցէ զմորթ այսր կուզի։ Որում Արմելինոս ետ պատասխանի. Ես գէթ 'ի մահու լինիցիմ իմիք պիտանի. այլ գուանասուն ես այնպիսի, որ ոչ 'ի կենդանութեան և ոչ 'ի մահու չես ինչ իմիք պիտանացու։ 'Նոյնպէս յընտանի գիներ.

բուս ուրեք, 'ի մատուցանել միոյ ուրուք զբաժակն 'ի ըր-
թունս, ասէ ցնա ընդ խաղ ընկեր իւր . զգոյշ լեր չարկանել
զայդ 'ի յոռի տակառ: Եւնա ևս ընդ խաղ ետ պատասխանի,
ազդ ուրեմն առնես ինձ չարկանել 'ի քոյդ, և էարբ: Այս-
պիսի դարձադարձ զբոյցք առաւել ևս են զուարձալիք. յոր-
ժամ մտանէ յայնս ձե հակակայ: Ի կենցաղավարութեան
ուրեք եկն եհաս 'ի վերսյ պատանի ոմն ուշեղ, բայց այնպէս
վտիտ, մինչ հազիւ անկանիլ նմա ընդ ակամբ: Մի յընկերաց
ողջոյն ետ նմա այսպիսի. Բարեաւ եկիր հոգի անմարմին: Եւ
նա ասէ, Բարեաւ գտար մարմին անհոգի:

Բայց 'ի գովական պատասխանիս ընդ զուարձախօսութեան
խառնի ծանրութիւն, ելեել առնելով յազնուաբարոյութիւն
և 'ի հանձար: Հետամուտ էին պրետորութեան կուրախոս
և լելիոս սերտ բարեկամբ միմեանց: Պրետորութիւնն 'ի կայ-
սերէն տուաւ լելիոսի: Կուրախոս քաղաքավարութեամբ
ինդակցեալ բարեկամին, ասէ. Վասն զի գովել ակնյանդի-
ման՝ ցոյց է մարդահաճութեան, ես ոչ խնդակցիմ քեզ, զի
ստացար արժանաւոր պրետորութիւն. այլ խնդակցիմ սլրե-
տորութեան, զի ստացաւ արժանաւոր պրետոր: Պատասխա-
նի ետ լելիոս. Դու ինքնին գիտես, զի ուր նիազ է խոհե-
մութիւն, առաւելու բախտ. Վասն այսորիկ իմ է պրետորու-
թիւն և քո արժանաւորութիւն: Կրկնեաց անդրէն կուր-
տիոս. Բախտի չեք տեղի, ուր մտանէ խոհեմութիւն. որպէս
գուդ ասես. և վասն զի 'ի քում ընտրութեան եմուտ խոհե-
մութիւն կայսեր, բախտի այլ ոչ գտաւ մասն բաժնի: Պա-
տասխանի ետ լելիոս. Կայսերք են աստուածք երկրի. և տո-
տուածք է զի գործէն ինչ 'ի ցուցանել զծայրագոյն իմաս-
տութիւն, և է զի գործէն 'ի ցուցանել զինքնիշխան տէրու-
թիւն: Իյաւելուլ կուրախոսի և այլ ևս քաղաքավարութիւնս,
լելիոս յայս կնքեաց զբանն. Որպէս և իցէ, ջանացայց չհա-
նել 'ի գերե ոչ զկայսերին ընտրութիւն, և ոչ զբոյին կարծիս:

Են և պատասխանիք, որք ոչ խայթական են, և ոչ գո-
վական. բայց են զուարձախօսիկ՝ վասն երագահաս մտաւո-
րութեան: Ի կենցաղավարութեան ուրեք բանք 'ի միջի եղեն.
ոյք այնք իցեն որք չմիաբանին ընդ միմեանս: Մին ասէ, եր-
կու տեաբք 'ի միում թագաւորութեան: Եւ միւսն. Երկու
ասրագածուք 'ի սէր: Եւ 'ի լինել խնդրոյ միւսանդամ, ոյք
այնք իցեն որք առաւել միաբանին ընդ միմեանս, ասէ ոմն.
Կոյրն և կաղն զի մին զոտս, և միւսն զակն փոխ տան ընկերին:
Եւ առաւել ևս զուարձախօսիկ լինին պատասխանիք թէ մտա-
նէ յայնս ձե անակնկալ: Որպէս իբրեւ հարցաւ Ստրատոնի-
կոս, ո՞ր նաւք են առաւել ապահովք, երկայնաձիզք թէ բո-
լորաձեք. ետ պատասխանի. Այնք որք կան 'ի նաւահանդստի:
Ի և այլ կիրառութիւն իբրեւ հանձարաւոր ինչ մտածու-

թիւն 'ի վերայ նոր ինչ լրոյ , որ պատմիցի : Պատմեցաւ թէ գորդիաս ծնաւ 'ի դադաղի . մինչ տանէին զմայր նորա 'ի գերեզման : Յոյր վերայ Վաղերիոս արար այսպիսի ինչ մտածութիւն : Ով սքանչելեաց . կին ելեալ յաշխարհէ՝ եղեմայր . և որդի յառաջ քան զմտանել յաշխարհ , եղետարեալ 'ի գերեզման : Կ զի մտածութիւնն լինի օրինակաւ ստորասութեան կամ բացասութեան : Որպէս իբրև լու եղեւ , թէ լաբրակ տիսմար ծաղբածուն անկեալ էր 'ի ծով , ոմն ասէ . բարւոք արար , զի անալի գոլով իցէ թէ առնուցու փոքր աղութիւն . Եւ այլ ոմն ասէ . Մի կարծէք թէ սուզեսցի 'ի խոր , զի է թէթէ : Կ և այլ կիրառութիւն օրինակաւ խաբէական հաւաքաբանութեան 'ի նիւթ ծիծաղական . իբր զԱԵՆԵկայինն , որ զծաղու եկեալ զիւրով Լուկիլոսիւ 'ի խոստովանեցուցանել զիա թէ ունի եղջիւրս , ասէ . Զոր ինչ ոչ է քո կորուսեալ , ունիս . իսկ չէ կորուսեալ քո զեղջիւրս , ապա ունիս եղջիւրս : Բայց բազում անգամ ձեռնարկութիւնն ոչ տարածանի 'ի ձե հաւաքաբանութեան , այլ ամփոփի յեզրակացութիւն , կամ 'ի հնարական հետեւութիւն : Որպէս յորժամ Վլադիմարոս արքայ Նէապօլոյ տայր զամենայն աւագութիւնս կայետացւոց , թէալէտ և չէին ընդունակ , իբր զի կայեացիք ասպնջական լեալ էին նորա յիւր տառապանս , ոմն 'ի շնուականաց ասաց ցէշ իւր , Ով վատաբաղդութեան յաւանակիդ իմոյ . թէ ծնեալ էր քո 'ի կայետա , լեալ էիր արդեօք 'ի դասս սինկղիտոսաց , կամ մի 'ի բերդակալաց : Կ միւս ևս կիրառութիւն օրինակաւ առաջարկութեան առեղծուածոց և առասպելաց առ միմեանս : Զոր օրինակ եղեւ ռասսլելն այն սփինգեան . Ո՞ր կենդանի իցէ , որ նախ է չորքոտանի , ապա երկոտանի , հուսկ ապա եռոտանի , զոր առեղծեալ Եգիպոտի , թէ է մարդ , ստացաւ զթագաւորութիւն 195 : Կամ օրինակաւ առակարկութեան , ուսուցեալ իմաստ ինչ բարոյական , կեղծ զրուցիւք շնչաւորաց կամ անշընչից : Յորոց առակարկութեանց ոմանք են ծիծաղականք . իբր այն , թէ Զհանդուրժեալ իշոյ հարուածոց գանից , ցանկացաւ մահու . բայց յետ մահու՝ իբրև զերծին զմորթ նորա և արարին թմբուկ , առաւել ևս գանեցաւ 'ի մահուն քան առ կենդանութեամբ . առ ուսուցանել թէ բազումք կարծելով փախչիլ 'ի չարէ , չարագունի պատահէն : Այլ այս է անկատակ . Կ կրկտել աքաղաղի հատս , եդիտ անդամանդ , և ասէ . ուր էր թէ դատնէի հատիկ մի դարւոյ . 'ի նշանակել թէ իւրաքանչիւր ոք յարդէ , զոր ըստ իւրում յօժարութեան գտանէ : 'Նման է այսմ կիրառութիւն զուարճախօս առակաց . զի առ ռամիկս ազդու են ռամկային ձեռնարկութիւնք . որք 'ի խոր տպաւորին : Եւ 'ի սոցանէ ոմանք են անարդք . իբր այն թէ Տապակն ասէ ցկաթսայ , 'ի բաց կաց յինէն , զի մի

մը Ճոտեսցես զիս : Եւ ոմանք աղնուականք . իբր այն թէ Արծուի ոչ ըմբռնէ զՃանճս . այսինքն է , մեծանձնն ոչ ընդունի զփոքք պատիւ : ‘Նոյն տրոհութիւն է և ’ի զուարՃախօս առածս . Ծանր զուարՃախօսութիւն է այն . Բազումս գիտէ , որ գիտէ լուել . և ծիծաղաշարժ այն , Գեղեցիկ փախուստ են՝ կենցաղոյս գնացք : Միւս ևս քաղցրախորժ կիրառութիւն է զուարՃախօս նմանութեանց , յարտայայտել ծանր ինչ կամ ծիծաղաշարժ իմաստ . զորս Արիստոտէլ կոչէ պատկերս , զի յայտնի երևեցուցանեն զմեր միտս : Ծիծաղաշարժ եղեւ իմաստ Սեսսայ շատակերի , որ առ որս զարմանայինն թէ զիարդ ուտէր այնչափ , տայր պատասխանի . Որովայնն է նման ծակ գբոյ : Բայց ծանր եղեւ իմաստ Դեմոսթենէսի որ սուղ ինչ բանիւ նկարեաց ակնյանդիման աթենացւոց զբնաւորութիւն ուամիլի . Նման է նա , ասէ , զեկի նաւաց . որ ամրակուռ է , բայց թէք : Հուսկ յետին կիրառութիւն է ’ի պատմութիւնս , յորժամ ’ի պատմել զծանր ինչ կամ զծիծաղական , ’ի գործ ածին բառք ինչ կամ զրոյցք ձեւաւորք և զուարՃախօսք ծանունք կամ ծիծաղականք , որք արծարծ և շնորհաշուք յայտնեն զպատմեալն : Որովհետեւ յամենայն մասունս բանի չիք ինչ որ այնպէս յօրանջեցուցանէ զունկնդիրն , որպէս յերկար և անծազր լէսլ . յայս սակս սմա առաւել քան զամենայն զրոյցս պարտ է լինել պաճուՃաղարդ և զուարՃարար՝ հիւսիւք հանճարաւոր ձեւոց :

ԳԼՈՒԽ Է.

ԶուարՃախօսութիւնք գործոց :

Սոքա ևս են յանկաւորք քաղաքական կենցաղավարութեան , յորժամ չլինին կարի իմն միմոսականք : Ի սոցա համարի են նախ նշանացի գործք , որք են պատկերք իմացուածոց իբրև զիսոս . վասն որոյ մարթ է կոչել զնոսա խօսս համերս , կամ բարբառս անձայնս : Հորտենսիոս յատենաբանել իւրում , զինչ և ասէր , այնպէս արծարծ արտայայտէր ձեռօք , որպէս խօսիւք . վասն որոյ կիկերոն նախանձաւոր նորա՝ կոչէր զգործս նորա Ճարտարութիւնս մատանց . և բազումք ընթանային առաւել ’ի տեսանել զնա քան լսել ’ի նմանէ : Արդ որպէս խօսից՝ նոյնպէս ’ի նշանացի գործողութեանց ոմանք են զուարՃախօսք և ոմանք ոչ : Չեն զուարՃախօսք , որք բնաւորապէս նշանակեն զիմացմունս . որպէս ծափ զծափի հարկանել , կամ կայթել յուրախութենէ , բաղնել ըզկուրծս , կամ փետել զհերս առ ցաւոց , ձգել զբաղուկն ’ի

սպառնալ, ամբառնալ զյօնս 'ի զարմանս, տատանել զմա տունս 'ի խնդրել զօգնութիւն։ Զուարձախօս այն են, որք նշանակեն զիմացմունս իւրովի զուարձականս։ Աերեսեան ժողովուրդք յայնկոյս Հնդկաց խօսէին միայն նշանացի։ Բայց և այնպէս 'ի մէջ իւրեանց խաղ առնելին, և զծաղու գային։ զի որպէս խօսք, նոյնպէս և նշանացի գործք են պատկերք մտաւորութեան։ և մտաւորութիւնն է աղբիւր զուարձախօսութեանց։ Մնջկատակք 196 շարժմամբ ձեռաց և բովանդակ մարմնոյ նմանաբերէին զամենայն արարս ծիծաղաշարժս և անարդս, կամ անողորմս և անգթականս։ Անողորմ նշանացի կատակ եղե այն, զոր մի 'ի մնջկատակաց 'ի խաղալն երևեցոյց առաջի Կերոնի 'ի թարրոնի։ Լուզելով իւրով նշանակեաց զնաւաբեկութիւնն զոր նիւթեաց Կերոն մօր իւրում։ և լմպելով իւրով նշանակեաց զթոյնն, զոր արբուցեալ էր նորահօր իւրում։ Բայց ևս կատակականք են գործք փոխաբերականք։ իբր այն զոր առնէր կինն անզգամ որ երկճիղ մատամբք եղջիւրս 'ի դէմս ածէր առն իւրում որպէս շնացողի, և վասն այնր յընկենուլ զնա առնն 'ի դետ, այն ինչ ջրահեղձոյց կորնչէր, դեռ երկճիղ մատանցն քան զջուր 'ի վեր ամբարձմամբ։ յանդիմանէր զնա լինել շնացող։ Փոխաբերական եղեն և նշանացի գործք այլոյ ուրումն։ որ 'ի հատանելընկերի իւրոյ զեղնդունս, էառ զմի 'ի կոտորոց, և մերձեցոյց յոտն իւր։ կամելով ասել ընդ խաղ։ Դու ես Աղկէս գաղան մհծ, որոյ եղունդն բժշկութիւնն է ախտից։ Եւ այլ ոմն 'ի լսել զձայն երգեցկի ուրումն, որ էր գորտաձայն, արկաւ զիւրեաւ վերաբերու, որպէս թէ ասելով։ Ժամանակ է անձրսի, զի գորտ ձայն արձակէ։ Ընդ կատակս հաշուեին և խաղք ինչ և ձեռնածութիւնք, որք այլ ընդ այլոյ երևեցուցանեն։ և այլք որք յանկարծակի զգեաննեն զընկերն անվնաս, զի 'ի պատրողական ձեռոց են սակի։ Ապա թէ յանկանիլն վնասեացի, ոչ ևս է կատակ։ զի ոչ է տղեղութիւն անցաւ։

Գ Լ Ո Ւ Խ Ը Ը .

Զուարձախօսուրիւնք որք խառն ևն յարարից և յասից։

Այսպիսի եղեն այն երկու կատակք մնջկատակի առաջի Կերոնի։ Զի ընդ երգել նորա տող մի ողբերգական։ Աւաղհօր և աւաղ մօր իմոյ, յասելն՝ Աւաղհօր, արար արարս ըմպելոյ։ և յասելն, Աւաղ մօր իմոյ, արար արարս լուղելոյ։ և սովուս որ չէր իւր արար երգիծումն։ Լինին ևս զուարձախօսութիւնք կամ կատակք արարից և ասից, յորժամ երեւ-

ցուցանին բարք ուրուք՝ ի սպատկեր ինչ նկարեալ կամ քանդակեալ, յոյր վերայ գրեալ կայցէ զրոյց ինչ զուարձախօս։ Օգոստոս արար մեծածախ կոչունս բամբշաց յաւուրս սովումեծի. ուր բամբիչք երևեցուցանէին ՚ի զգեստս զակսպէս աստուածսւհիս, և ինքն զգեցեալ էր զւազողոնին։ Դառնացեալ ժողովրդեանն ընդ այն, եղին զանունն Օգոստոսի ՚ի վերայ պատկերի միոջ Ապողոնի, որ քերթէր զմորթ Մարսիասայ, կոչեալ այսու զօգոստոս Ապողոն մորթեզերծ։ Կամ յորժամ գրուցմին տպաւորութիւնք ինչ կամ նշանք հանձարաւոր զրուցիւք ՚ի նախատինս ուրուք կամ ՚ի գով։ Որպէս կամելով երևեցուցանել զագահ ոք նկարեցաւ խոզ սպարարեալ, այսպիսի զրուցիւ. Միայն ՚ի խորտիկս. զի միայն ՚ի մահու է պիտանի։ Եւ ՚ի գով տիկնոջ ուրումն գիտնաւորի, որում անունն կոչիւր լաւրա, այն է դաբնի. նկարեցաւ սպակ ՚ի դաբնոյ այսպիսի իմն գրութեամբ. Անուն գուշակ իրի. դաբնոյն վայելէ պսակ ՚ի դաբնոյ 197։ Երբեմն այն ինչ զոր հնար էր նշանակել խօսիւք, բացատրի կատակաւոր իմն արարմամբ և ապա արտայայտի։ Մտացի ոմն հրաւիրեալ ընդ այլոց ՚ի ճաշ յումեմնէ իւրմէ բարեկամէ, տեսեալ առաջի իւր կոտոր մի դահ մաոյ, անդէն վաղվաղակի յարեաւ ՚ի սեղանոյ, և եկաց վայր մի արտաքոյ դահլճին. ընդ որ զարմացան կոչնականք։ Յետ սակաւ միոյ դարձաւ և իւրեւ հարցաւ, թէ զի է զի ելեր արտաքս, ետ պատասխանի։ Տեսեալ զայս միս, թուեցաւ ինձ, թէ իցէ ուս իմոյ ջորւոյ. բայց գոհութիւն Աստուծոյ. զի գտի զջորի իմ կենդանի։ Մարթ էր ասել նմա բացերեւակի. Այս միս դահ է իւրեւ զմիս ջորւոյ. այլ արարմամբն արծարծեցոյց զասացեալն։ Ոչ ծիծաղեցաւ յայսպիսի իմն կատակէ մի ՚ի ծաղրածուաց. որոյ տեսեալ տանիլ ՚ի գերեզման զոմն մեռեալ, ակն յանդիման Տիբերիոսի, կասեցոյց զդագաղսն և կեղծաւորեցաւ խօսիլ յականջս մեռելոյն։ Ի հարցանել Տիբերիոսի թէ զինչ խօսեցար, ասէ. Ասացի, թէ յերթալ քում ՚ի միւս աշխարհ, պատմեան Օգոստոսի, թէ յաջորդ քո ոչ վճարէ զառ ՚ի քէն կտակագրեալս։ Եւ Տիբերիոսի ծաղը ընդ ծաղու փոխանակեալ դաղանաբար ասէ. Լաւ ևս լինի, թէ դու ինքնին տարցիս Օգոստոսի զայդ լուր. և ետ զնա սպանանել։ Է միւս ևս հանձարաւոր այլ վտանգաւոր օրինակ, խառնեալ ՚ի խաղ զրոյցս զուարձախօս, որք երևին վերաբերիլ առ խաղն, և վերաբերին առծածուկ խորհուրդս փառազինն և տիկնոջն, որք խաղան ՚ի միասին, գաղտամեստ այլաբանելով, և ճարտար պատասխանելով այլաբանութեանն. այնչափ առաւել խորագիտութեամբ, որչափ առաւել երևին պարզախօսք։

ԳԼՈՒԽ Թ.

Յաղագս առարինական ունակուրեան զուարձախօսուրեան

Յառաջագոյն եղեալ զնախընթաց ծանօթութիւնքս , շատ
է արդ ասել թէ զուարձախօսութիւնն է ունակութիւն հոգ-
ոյ յասել և 'ի լսել ինչ ինչ զուարձախօս և ընդ խաղ, մի-
ջասահմանութեամբ վայելքականաւ կենցաղավարութեան
քաղաքայնոց և պատուաւորաց : Ունակութիւնն պակասեալ
յայսմ առաքինական միջասահմանութենէ՝ կոչի գեղջկու-
թիւն կամ գուեհկութիւն : Ունակութիւն աւելազանց կոչի
խեղկատակութիւն կամ Ծաղրածութիւն : Չիք ծաղիկ գե-
ղեցիկ , որ 'ի վեճակ ինչ գետնի ոչ ինքնին բուսանիցի : Սոյն-
պէս 'ի բարեբաստ միտս ինչ բնաւորապէս ծաղկին մտացի և
զուարձախօս զրոյցք : Յայլս մշակին վարժիկք կամ երկասի-
րութեամբ , և 'ի ստէպ գործածութենէ գոյաւորի ունակու-
թիւն : Ի վերայ բերէ Արիստոտէլ թէ մտացի և զուարձախօս
զրոյց յառաջ գայ 'ի հանձարոյ կամ 'ի վարժից : Բայց լինելն
զուարձախօսութեանց վայելքական և առաքինական , այսինքն
է զի 'ի քաղաքական կենցաղավարութեան զկայ առցեն 'ի
կոպար միջասահմանութեան , այս է գործ բարոյական իմաս-
տասիրութեան :

Ապա կամեցեալ խօսել զբնաւորապէս ունակութենէ ա-
սեմ , թէ առ զուարձախօսութիւնս բնաւորապէս վայելքա-
կանսնա է պատրաստական , որ ունի խառնուած բարեխառ-
նեալ յարիւնայնոյ և 'ի սեամաղձայնոյ , դէմս խառնուածոյս
'ի ծանուէ և 'ի զուարթարարէ , աչս ուրախս քան տխուրս ,
այլ ոչ ծիծաղոտս : Չի արիւնայինն օգնէ զուարթութեան ,
այլ սեամաղձայինն օգնէ սրտմտութեան , և են չափաւորիչ
միմեանց : Այսպիսի էր կրասսոս ատենաբան հռովմայեցի ,
ծանր հաճոյական . որ առանց յեղափոխելոյ հոլովէր երբեմն
զրոյցս , որ ինծ զացուցանէր զոյլս ծաղու . և ինքն երբէք չծի-
ծաղէր : Բայց յաղագս բարոյական ունակութեան մնայ արդ
զննել , թէ էր աղագաւ և որով օրինակաւ գործիցէ այր զուար-
ձախօս . որովհեաւ զնիւթոյ նորա և զտեսակէ եղեն զրոյցք :

ԳԼՈՒԽ Ժ .

Թե ո՞ր իցէ վախճան զուարձախօսին :

Բուն վախճան զուարձախօսին ոչ այլ ինչ է, բայց 'ի կիրականել զառաքինական ունակութիւնն 'ի սակա համեստ ուրախութեան, որ զօրացուցանէ զսիրտ վաստակեալ 'ի լուրջ զբաղանաց: Բայց չէ գլխովին ունակութեանս ունակ, որ յօժարամիտ է զայլս այպանել, և ինքն ոչ կամի այպն լինել: Զուարձախօսութիւնն է բարեկամական ինչ տնազ. և 'ի մէջ բարեկամաց ամենայնն է հասարակաց: Որ պարգևէ և ընդունի պարգևս, առաւել շռայլ է քան առատաձեռն: Որ առնէ զրոյցս ընդխաղ, և ընդունի զրոյցս ընդ խաղ, առաւել գեղջուկ է քան զուարձախօս: Պիծակի է այն և կարծի, խայթել զայլս, և ոչ տանիլ թէ ոք ընդհարցի ընդ նա: Առաւել ևս գեղջուկ է զուարձախօսութիւնն որ 'ի բերկրեցուցանել զոք բարկացուցանէ զսյլ ոք: Վասն այսորիկ կոչեցաւ երգիծական կամ ձիւաղական, յանուանէ վայրենի մարդոց թշնամեաց մարդկան, որք նկարին որպէս մարդակերպ գաղան, կամ որպէս մարդ պատուաստ 'ի գաղան. զի կատակք կծանողք առաւել են գաղանայինք քան մարդկայինք: Բայց ևս անարդ է զուարձախօսութիւնն որ վաճառէ զծաղք դնոց, և ուրախ առնէ զունկնդիրն՝ զի բաեսցէ զծաղրածու: Եւ այս իմաստնապէս կոչեցաւ Պատառաքաղութիւն, այսինքն արուեստ պորտաքուծից և կատակերգուաց, պատառաքաղ անուանելոց՝ յանուանէ սովեալ թռչնոց, որք գողանային միս 'ի սեղանոց. կամ պիղծ չարպայից, որք թռուցեալ զսեղանով սլանային 'ի վերայ կերակրոց 198: Աղա զուարձախօսութիւնն ոչ արբանեկէ իմկք մոլութեան: Բայց հնար է թէ արբանեկեսցէ այլում առաքինութեան, փոխեալ զվախճանն, այլ ոչ զտեսակն: Զսա առնու յիւր պէտս ատենաբանն առամաշեցուցանելոյ զմեղապարան. զի որպէս սլաք օծեալ իւղով խորագոյն ընդմտանէ, նոյնպէս նախատինք քաղցրացեալք զուարձախօսութեամբ խորագոյն ազգեն: Պիտենայ և 'ի բթել զսուր սայրս, և 'ի վայր կործանել զձեռնարկութիւնս հակառակորդին. զի ծիծաղաշարժ ինչ պատասխանի գիտէ տկարացուցանել զհզօր ձեռնարկութիւնս, իբր կակուղ բուրդ զշանթս և զռումբս: Որպէս Կիկերոն 'ի խրոխտ խիզախմանց Մարկոսի Վնտոնիոսի՝ խուսափեր զուարձ խօսիւք. և կարեվէր խոցէր զհակառակորդս իւրով ծիծաղաշարժ սրամատութեամբ քան հաստատուն փաստիւք. որպիսի եղիւ այն

հանձարաւոր երկսայրի զայց իւր ընդդէմ՝ անիրաւ օրինաց վէրբէսի . Զիարդ լինիցին , ասէ , բարի իրաւունք վէրբէսի 199 : Առաւել ևս պիտենայ զուարձախօսութիւնն՝ 'ի յայտնել զախորժակս մեր , և 'ի յանկուցանել զսիրտս այլոց : Վասն այսորիկ զներմեսէ զԱստուծոյ Ճուռամախօսութեան առասպելէին առ իւրեւ ունել զշնորհս , և շնորհք իսկ կոչին զուարձախօսութիւնք . զի շնորհք ինդրեալք շնորհիւ գիւրաւ ստացանին , և առ շահելոյ զսէր՝ այնչափ աղդու է դեղեցիկ ինչ ասութիւն , որչափ գեղեցիկ ինչ դէմք : Զի՞ ևս յաւելից , առաջնորդք իսկ պատերազմի 'ի կիր արկին զզուարձախօսութիւն , 'ի քաջալերել զզօրս իւրեանց պատերազմիլ արիաբար . որսկէս Նէոնիդէս , յորժամ՝ իւրքն զարհուրեալք 'ի բազմութենէ թշնամեաց՝ ասէին նմա , որսկէս էր իսկ Ճշմարիտ . Այնչափ խուռն են նետք նոցա , մինչև մթացուցանել զարեւ , ծիծաղելով ետ պատասխանի . Ընդ հովանեաւ ուրեմն պատերազմեսցուք . և այսու զուարձախօսութեամք ամաչեցուցեալ զնոսա՝ վարատեաց 'ի նոցանէ զերկիւդ :

ԳԼՈՒԽ ԺԱԿ.

Թէ որով օրինակաւ գործիցէ զուարձախօսն :

Յայտնի իմն է , թէ այս առաքինութիւնն հաստատեալ կայ 'ի միջասահմանութեան . բայց ոչ նոյնպէս յայտ է թէ յի՞նչ հաստատեալ կայցէ միջասահմանութիւնն : Օրէնսդիրք ու մանք արգելին զզուարձախօսութիւնս կծանողս և անհամեսա . զի նոքա դառնացուցանեն և սոքա դարշեցուցանեն զսիրտս : Բայց որ բառնայ 'ի սպառ զայսովիսի նիւթս , բառնալ ունի յաշնարհէ զծիծաղաշարժս . և որ տեղի տայ ծիծաղաշարժից , ոչ երբէք կարողանայ նշանակել կոպար 'ի մէջ օրինաւորի և չօրինաւորի : Թող զի , որ օրէնսդիր կարողիցէ դնել օրէնս մտաւորութեան խոժուելոյն կամ ցանկասիրին : Ապա չիք այլ օրէն առաքինութեանս զուարձախօսութեան , բաց 'ի դատմանէ ստացողին զայն : Ոչ են աստանօր զույցք ընդ խածատող և ընդ սլիզդ կենդանիս , ոչ ընդ ճիւազս և ընդ պատառաբոյժս , այլ ընդ քաղաքայինս և ընդ առաքինիս . և առաքինին է իւր ինքեան օրէնսդիր : Ապա գեղեցիկ և յաւերժական օրէն է պահել զօրէնս վայելչութեան քաղաքական կենցաղավարութեան , զմատաւ ածեալ . Զի՞նչ զուարձախօսութիւնք իցեն որ ասին . ով է որ ասէն , և ում ասին : Այսոքիկ են երբէք ընդհանուր կանոնք , յորս մտաց-

ւոյն պարտ է հայիլ յամենայն առիթս և 'ի մասնաւոր ժողովս :

Ըստ առաջնոյ կանոնի՝ վայելքական լինի զուարձախօսութիւնն, որ որպէս ասացաւ, 'ի մէջ բերէ տգեղութիւն ինչ անցաւ, կամ պատշաճողութիւն ինչ հանձարաւոր և մտացի: Զի ծիծաղաշարժք, որք ցաւ բերեն, չեն ծիծաղաշարժք. և իմաստք առանց սրութեան մտաց չեն զուարձախօսք: Այսուօրինակաւ զուարձախօսութիւնն ոչ լինի կծանող և ոչ խենէց, ոչ ձիւաղական և ոչ խեղկատակ. լինի պարկեցաօրէն հաճոյական և հաճոյօրէն պարկեցա, իբր զի վախճան քաղաքական կենցաղավարութեան է համեստ ինչ զբօսումն: Լինի և վայելքական, եթէ տեղւոյն և ժամանակին իցէ պատշաճող: Այլ զուարձախօսութիւնք ճահողանան 'ի խնջոյս ուրախութեան, և այլք 'ի լուրջ գումարման: Կատովն թէպէտ և էր խիստ դատաւոր, ախորժէր զզոյցս որ ընդ խաղ, յորոց և շարագրեաց գիրս: Եւ բազումք ասէին զնմանէ թէ ելանէին այն բանք 'ի նորա գեգութենէ իբրև կայծակունք յամպոց: Բայց յորժամմիտ դնէր իւրում պաշտաման, ոչ կամէր յայնց ասել ինչ կամ լսել. շաքարն թուէր նմա թոյն: 'Նսաւալ երեմն յաթու դատողական՝ 'ի քննել զՊորախոս Կասիկ զասպէտն շնորհաբան, իբրև եհաս ցայն սովորական հարցումն, Է՞ քո կին, 'ի հաճել զքեղ, Կասիկ անդէն վաղվաղակի ետ պատասխանի. Է իմ կին, ոչ 'ի հաճել զքեղ: Զայս անկարծ՝ ուստի և զուարձախօս պատասխանի՝ եթէ կատովնի լուեալ էր 'ի գիւղի, ոչ միայն ծիծաղէր, այլ գրէր արգեօք և յիւրում յիշատակագրի: Բայց հայեցեալ 'ի տեղին՝ ուր ասացաւ, այնչափ բարկացաւ, զի 'ի բաց էառ 'ի նմանէ զկամար գօտի և զձի. և զասպէտն արար հետի: Այլ զուարձախօսութիւնք պատշաճին ուրախ ժամանակաց, և այլ տիսուր ժամանակաց: Ի նոսա լուրջ զրոյցք լինին ցուրտք, 'ի սոսա ցուրտք լինին ծիծաղաշարժք: Որ լայ, ատեայ զայն որ ծիծաղի. և որ ծիծաղի ատեայ զայն որ լայ: Յամսեանն դեկտեմբերի դասք սինկղիտոսաց 'ի բաց եղեալ զպձղնաւորն, բաճկոնիւ ընդ ծառայս կաքաւէին, և ընդ խաղ՝ զրոյցս 'ի միմեանս արկանէին. զոր թէ յայլ ժամանակս առնէին, արտաքսեալ լինէին արգեօք յարքունի գրանէն որպէս խելագարք, և խելագարագոյն համարիւր որ մտաւորագոյնն հանդիսանայր: Այն էին նոցա աւուրք բարեկենդանութեան: Այլ և 'ի հարսանիս յօրինէին և երգէին ցուցս խենէշս և աղտեղիս, բայց մտացիս և հանձարաւորս ըստ հեթանոսական կարգի: Եւ ոչ միայն մասնաւորք յօրինէին 'ի վերայ ինքնակալաց, որպէս կղոդիտնոս 'ի վերայ Ոնորիոսի, այլ և ինքնակալք 'ի վերայ մասնաւորաց, որպէս Օդոսառոս 'ի վերայ Պողղիոնի: Եւ այն զրոյցք յայնմ ժամանակի էին շողոմականք, որ յայլ ժամանակս էին

սրբապիղծք: Ոչինչ այնակէս է անալի, որպէս զուարժախօսութիւն ապահովամ: Թուվմաս Մոռոս, քաջ իմաստուն, բայց ամենաթշուառ դլուխ խորհրդականաց մեծին Բրիտանիոյ, այնպէս զակատեալ էր զհետ զուարժախօսութեան, մինչեւ յելանել իւրում ընդ սանդուղս 'ի գահաւանդ գլխատութեան՝ ասաց ընդ խաղ միում 'ի սպասաւորաց դատաստանի: Օգնեա ինձ աղացեմ՝ 'ի վերելս, զի յիջանել իմում ոչ խընդրեցից յումեքէ օգնութիւն: Ամենեքին լային զնա, և նա դեռ զծաղու գայր:

Երկրորդ կանոնն է, զի զուարժախօսութիւնն իցէ յանկաւոր այնմ որ ասէ: Զի զոր օրինակ այլ զրոյցք պատշաճին եղերերգութին Սենեկայ և այլ խաղարկութին Արիստոփանէսի, և 'ի խաղարկութեան իսկ այլ են զրոյցք ծերոյն Եւկլիոնի, այլ պատահուոյն Լիկոնիդեայ, այլ ծառային Ստրոբիզոսի և այլ օրիորդին Փեդրեայ. սոյնպէս ըստ հասակի, ըստ աստիճանի և ըստ վեճակի՝ այլ և այլ պիտին լինել զուարժախօսութիւնք 'ի քաղաքական կենցաղավարութեան: Կայսրն Կարոլոս հինգերորդ մեծապէս զուտրժանայր ընդ ծիծաղաշարժ զրոյցս դաճաճի ուրումն պողոնիացւոյ, Ագրիանոսի սենեկապեափ, և Պեդրիկիեայ Սանտերբասայ իւրոյ ծաղրածուի: Բայց թէ յասպետաց ոք ասէր ինչ այնպիսի ընդ կատակս, խոժոռութեամբ սասանեցուցանէր զնա. և այլ ոչ հանէր զնա յաւագութիւնս. որպէս դրեն 'ի վարսնորա: Խայն Եսուվղոսի տեսեալ թէ սկունդ նորա ոստոստէր առ ոսս՝ քծնելով զաերտմբ իւրով, և պարդես ընդունէր 'ի սեղանոյ նորա, ասէ ընդ միաս. եթէ և ես նոյնօրինակ կայթեցից առ աերամբս, նոյն բարեմասնութեան վեճակ և ինձ գիպեսցի: Ապա յոտն յարուցեալ քծնել զնովաւ, զտէրն և զաթոռ նորա յերկիր կործանեաց. և փոխանակ պարդեսի արժանացաւ մահակի: Լուգովիկոս մետասաներորդ աբքայ գաղղիացւոց մինչեւ էր թագաւորեալ աքսորեցաւ 'ի բուրդունդիա, և որսոյ աղագաւ գնայր ստէսլ 'ի հիւղ աղքատ շինականի ուրումն զուարժախօսի, և ընդ նմա ընտանեբար ուտէր 'ի շողգամոց նորա զմեծամեծս: Իբրև եհաս նմա թագաւորել չոքաւ շինականն 'ի խնդակցութիւն, և իւր զուարժախօսութեամբ առաջի արար նմա շողգամ մի մեծ յոյժ: Թագաւորն ընկալաւ զայն խնդամիս, և ետ սլահել յիւրում մառանի, առատաձեռնեալ ընծայաբերին հաղար դահեկան ոսկի: Յետ աւուրց ինչ մի ոմն յասպետաց լուեալ զհոչակ առատաձեռնութեանս, ընծայեաց աբքայի երիվար մի, զուարժախօս զրուցիւք ինչ: Թագաւորն փոխարէն առաքեաց նմա զայն շողգամ՝ պատատեալ 'ի թուղթ սպիտակ: Տեսեալ ասպետին զիւր կրկնակի այպանութիւն, հասոյց յականջս աբքայի զմեծ զիւր դանդատ. որ և ետ պատասխանի. Ասասջիք նմա ոչ իրաւացի է գանգատդ.

զի շողդամն արժէ ինձ հազար դահեկան ոսկի . և քոյդ ձի չարժէ և ոչ վեց :

Երբորդ կանոնն կարի յոյժ դժուարին է այն , զի յերիւրեսցին զուարձախօսութիւնք ըստ անձանց առ որս ասին : Ըստ պէսպէս դիմաց մարդկան պէսպէս են և նոցա բնաւորութիւնք . ոմանք են ուրախ և ոմանք տրտում , ոմանք դիտունք և ոմանք տգէաք . ոմանք հեզք և ոմանք բարկացողք . է որ ախորժէ զայս ինչ նիւթ , և է որ ախորժէ զայլ . է որ խոժոռի ընդ այս ինչ , և է որ խոժոռի ընդ այլ : Ասկա մեծի զգօնութեան պէտք են վարիլ ըստ իւրաքանչիւրում բնաւորութեան 'ի զուարձախօսութիւնս , զի ամենեքին իցեն հաճ , և մի ոք խոժոռեսցի : Վասն այսորիկ զզուարձախօսն կոչէ Արիստոտէլ 'ի յունական բարբառ Էտրաքէլս , որպէս թէ Դիւրադարձ և աջողակ . որ ըստ իւրաքանչիւր յօժարութեան յերիւրի , որպէս հայելին ըստ իւրաքանչիւր դիմաց : Ընդ գիտնաւորի՝ գիտնաւորս վարէ զրոյցս , ընդ սրամտի՝ սուրս , ընդ պարզամտի՝ գիւրիմացս , ընդ ախինայս՝ պարկեշտս , բայց առաւել ևս ընդ տեառն և ընդ իշխանի՝ պատկառաւորս . զի չէ ինչ աներկիւղ խազալ ընդ առիւծունս , թէպէտ և ընտանիս : Օգոստոս շարագրեաց կծանօղ ինչ կատակս ընդգէմ Պաղպիսնի , զգրգուել զնորա սրամիտ հանձար : Բայց Պողպիսն ոչ կամեցաւ տալ պատասխանի , ասէ . Ոչ կամիմ զընդգէմն գրել այնմ , որ կարող է զիս տարագրել : Հռամիրոս արքայ Սպանիոյ այնչափ էր պարզամտս , զի պարզամտաց իսկ թուէր պակասամիտ . վասն այսորիկ բազում ազնուականք զմեծութիւն փառաց նորա արհամարհէին , և ծիծաղաշարժ զրուցիւք առնուին զնա յառակս : Բայց և այնպէս՝ եղև նորա այնչափ հանձար , զի գիտաց արտասանել զայս զրոյց . Ե՞ն ոմանք որ շատախօսեն , այլ առ հեցիւն ինչ զանդակի առ հասարակ համրացին : Եւ այն եղև հեցիւն , զի 'ի վաղիւ անդր երեւցաւ 'ի հրապարակի մեծ ինչ զանդակ 'ի վերայ դահւանդի , և առ եղերք զանդակին շուրջանակի բազում գլուխք աւագանւոյն , որոց ծազը արարեալ էր զնա . և 'ի վերայ զանդակին թուղթ գրեալ զայս օրինակ . Ոչ գիտէ աղուիսակին , ընդ ում խաղայ : Այս եղև զանդակին , որ համրացոյց զամենեսին , զոմանս մահուամք և զոմանս ահարկութեամք , և այս զուարձախօսութիւն զզուարձախօսութիւնս լռեցոյց :

ԳԼՈՒԽ ԺԲ.

Յաղաց գեղջկորեան և խեղիատսկորեան :

Լուար արդ, թէ գեղջկութիւնն է պակասութիւն, և խեղիատսկութիւնն է աւելազանցութիւն զուարժախօսութեան: Եւ առ առնելոյ աստանօր զերկաբանչւրոցն տարատրոհութիւն, ասեմք:

Գեղջկութիւնն յառաջ գայ յերկուց այլ և այլ պատճառաց, որք մի քան զմի են մոլեկան: Վասն զի ոմանք՝ ի զուարժախօսութիւնս գեղջուկ են առ՝ ի չգոյէ մտաւորութեան: Չունելով խորախորհուրդ միտս 'ի խօսել ձեռվ, հազիւ գիտեն խօսել բուն եզերօք, թող թէ ձանաչել զնրբութիւն զըուցաց, ցուցեալ այնուիկ թէ կոշտ է նոցա բնաւորութիւն և գեղջկական: Վասն այսորիկ որովէս ՃՃիք ծնեալք 'ի նեխոյ ոչ երբէք ընտանանան, նոյնալէս այսպիսի տրուպ և անաւագ մտաւորութիւնք սիրեն առաւել զգեղջկական առանձնութիւնս քան զբազաբայնոց հազորդութիւն. նա և 'ի գեղջկաց իսկ միջի լինին յառակս, և շարժեն 'ի ծաղը անմտութեամք իբրև զկիմոն, զորմէ այլուր խօսեցաք: Բայց զայսպիսեաց չէ արժան աստանօր խօսել. զի պակասութիւն սոցա չէ մոլեկան, անհնար գոլով անմտի լինել զուարժախօս: Է միւս ևս գեղջկութիւն մոլեկան, զի է կամաւոր, յառաջ եկեալ ոչ 'ի պակասութենէ մտաւորութեան, այլ 'ի կարի իմն լրջութենէ: Վասն զի որովէս երբեմն ազնուական տղայք մնուցեալք 'ի գաղանաց 'ի վայրի՝ եղեն վայրենիք և գաղանաբարոյք, սոյնալէս ազնուական մտաւորութիւնք ինչ այնալէս խոյանան յուսումն և 'ի լուրջ զբազանս, մինչ այլ ոչ քաղցրանան նոցա իբր որ ընդ խաղ, և 'ի ներդոյանալ 'ի նոսա ունակութեան հակառակի զուարժախօսութեան, իբրև զանհամբոյր և զվայրենի մարդիկ ոչ առնուն և ոչ տան ճաշակ քաղցրութեան յուրախական կենցաղավարութիւնս: Այսպիսի էր Քսենոկրատէս 200 Ագելաստոս ասացեալ այս է անծիծաղ, փիլոսոփոս այնալէս ծանր զի պատկեր նորա կամ մտաքերութիւն կերպարանաց և էթ՝ կազմ յարդարէր զերեսս և զսիրտս կարի իմն զուարթս: Վասն այսորիկ Փիլիպոս Մակեդոնացի 'ի հրաւիրելն յուրախութիւնս կոչնոց զամենայն զդեսպանս աթենացւոց՝ զպաշտօնակիցս նորա, զնա միայն չհրաւիրեաց. զի ծանրութեամք իւրով արամեցուոցէ զուրախութիւնն: Բայց է միւս ևս գեղջկութիւն և ևս մոլեկան, հիմնեալ 'ի թիւրութիւն ինչ բնաւորական խորշելոյ յընկերական կենաց, իբր

ՂՏԻՄՈՆՆ մարդատեաց զոր յիշատակեցաք 'ի խօսիլն զսիրողութենէ կամ զհաճոյականութենէ : Որ և եղեւ մեծ հրէշ բնութեան, և 'ի տալ օձի զկերպարան մարդկան 201 : Արդ այս պիսիք թէպէտե ունիցին մտաւորութիւն 'ի խօսիլ զրոյցս ընդ խաղ, բայց և այնպէս թէ լաեն ինչ այնպիսի, ատեան . զի ատեան զայն որ ասէ, և թէ ինքեանք ասեն ինչ այնպիսի ցամամբ ասեն և դառնութեամբ, զի ոչ կարէ թքանել ինչ քաղցր, որ ունի 'ի բերանն լեզի դառնութեան : Թէ լոեն, չար խորհին . թէ այլ ոք լուէ, զլուել նորա կասկածաւոր համարին : Թէ խօսին, վիրաւորեն . թէ այլ ոք խօսի, վերս ընդունին . զի չարախորհին կասկածաւոր գոլով, որովհետե չզրուցէ ինչ բայց խեթիւ, կարծէ թէ և այլք խեթիւ զրոյցս առնիցեն : Մինչ զի թշնամի գոլով սոցա մարդկային կենակցութեան, արժան է թէ կենակցեսցին միայն ընդ գաղանս, այսինքն է ընդ ինքեանս :

Խոկ խեղկատակութեան նոյնալէս երկու են տեսակք, երկանչիւրն աւելազանցք 'ի զուարձախօսութեան . բայց մին 'ի բնաւոր շատախօսութենէ, և միւսն 'ի ցանկութենէ շատկերութեան 'ի սեղանս մեծամեծաց : Այն յատակ է արանց Ճոռոմախօսից, բայց աղատաց, և այս ծաղրածուաց և ցածուն վատատոհմից . և վասն այսորիկ 'ի զուարձախօսութեան մասիննա առաւելու յանխտիր քանակին աւելորդաբանութեամբ, և սա 'ի լրբենի որակին ցոփաբանութեամբ : Զոր օրինակ ստամքս, որոյ պակասին թիւրաթեկ մանրերակք, ոչ կարէ պահել զկերակուրն, նոյնալէս մտաւորք որոց պակասին խելք, ոչ կարեն զուսպ ունել զիմացմունս, և սոքա են շատախօսք : Այլք որոց փոյթ է ծիծաղեցուցանելով զայլս ձգել օդուտ . չհային 'ի պարկեշտութիւն և 'ի համեստութիւն զրուցաց կամ արարից, վասն վաճառելոյ իւրեանց զպատիւ ընդ յուսոյ, և սոքա են պորտաբոյծք : Բայց երկաբանչիւրոցն շաղակրատանք բերեն նողկանս վասն երկուց պատճառաց : Մի զի անհնար գոլով խօսիլ միշտ մտաւորութեամբ և խօսիլ բազում, պատահէ նոցա, որ ինչ պատահեաց հոռվմայեցւոյ ումեմն հրապարակախօսի, յիշատակելոյ 'ի ծերոյն Սենեկայ, որոյ ոչ կամեցեալ խօսիլ ինչ աննուրք, կամ զնոյն նրբութիւնս յեղյեղէր, կամ փոխանակ նրբութեանց աղաւաղս կցկցէր : Արդ եթէ բերկրութիւն նուրբ զրուցաց ծնանի 'ի սրութենէ և 'ի նորութենէ, ոչ ինչ այնպէս նողկացուցանէ զհանճարաւոր միտս, որպէս նրբութիւն աղճատ և անալիր : Երկրորդ պատճառն է, զի որովհետե դոյզն հեռաւորութիւնն է 'ի մէջ ծիծաղականի, և 'ի մէջ անհամեստի կամ կծանողի, և զի անհնար է զրուցին լինել սուր, որ ոչ խայթիցէ, վասն այսորիկ 'ի համարձակ լեզուաց ամենայն ոք երկնչի, և յորմէ ամենէքեան երկնչին, ամենեցուն է ատելի :

Ասլա՛ ի տարատրոհել զայսոսիկ երկուս ծայրս զուարձա-
խօսութեան, ասեմք թէ ի գեղջուկն առաւելու սևամաղձն,
որ առնէ զնա կարի իմն մենակեաց և տխուր: Խոկ ի խեղկա-
տակն առաւելու արիւն մաղձային, որ առնէ զնա մեծապէս
կենակցելի և զուարթ: Ի նորա դէմս են հետք գեղջկա-
կան տրամութեան, ճակատ կնճռեալ, աչք տխուրք, գոյն
սևորտկ, ձայն թանձրադանդաղ: Ի սորա յաջս և ՚ի բերան
կերպարանք ծիծաղոտի, երես աներես, գոյն շառադոյն,
ձայն սրաձայն. զի երկաքանչիւրոցն որ ունակութիւն է գոր-
ծելոյ, այն տրամադրութիւն է ունակական: Կա ՚ի զգեստս
է անփոյթ, ՚ի մորուսն անդարման. սա զգուշաւոր և յար-
դար. զի մին փախչի ՚ի քաղաքական կենցաղավարութենէ, և
միւսն ՚ի խնդիր է նորա: Գեղջուկն ճիշդ է ՚ի խօսս, և յաւետ
կծանող քան անհամեստ. խեղկատակն ճոխ է ՚ի խօսս, և
յաւետ անհամեստ քան կծանող. զի նա է առաւել խորա-
մանկ և ծանր, սա է առաւել պարզամիտ և ծիծաղաշարժ. և
զաղըութիւնն է բուն նիւթ ծաղու: Զհուսկն ասացից. գեղ-
ջուկն ընդ չքոտի խօսս կցկցէ և չքոտի արարս, վասն լինելոյ
իւրոյ առաւել յարեալ ՚ի տեսականն քան ՚ի գործնական.
Բայց խեղկատակն այնուկէս ճոխ է յակնարկութիւնս և յա-
րարս, որպէս ՚ի խօսս ծիծաղաշարժս. վասն այսորիկ նմանա-
բերեալ զձայն մարդոյ աղջատախօսի և անասնոյ զաղըոտուոյ
և զարարողութիւնս միմուսականս, և զարարս անարգս և ար-
դեղս, միտ դնէ ծիծաղականի քան վայելքականի: Բայց թէ
կամք իցեն քոյ աեսանել յերկուս փիլիսոփայո երկուս պատ-
կերս հակակայո զգեղջկի և զիսեղկատակի, դիր առաջի աչաց
զերկուս այլեայլ բնաւորութիւնս՝ զԵրակլիտոսի և զԴեմո-
կրիտոսի 202. որոց առաջինն զամենայն խաղարկութիւն փո-
խէր յեղերերգութիւն, և երկրորդն զամենայն եղերերգու-
թիւն փոխէր ՚ի խաղարկութիւն. զի յամենայինէ զոր տեսա-
նէին, նա կարի իմն լրջութեամբ ձգէր նողկանս և դառնու-
թիւն, և սա ձգէր զուարձախօսութիւնս և խաղս: Տիսուրն
լայր ընդ ծիծաղ զուարթացելոյն, և զուարթն ծիծաղէր ընդ
լավիւն ախրելոյն: Մինչև չգիտել իմաստնոց թէ որ իցէ առա-
ւել անմիտ. բայց միայն, զի մին միշտ ծիծաղէլով կեայր ու-
րախ, և միւսն միշտ լալով հալէր և մաշէր:

ԳՐԱՎԻՔ ՉՈՐԵՎՏԵՄԵՍԵԲՈՐԴ

ՅԱՀԱԴՍ ԱՄՕԹԽԱԾՈՒԹԵԱՆ ԵՒ ԾԱՑՐԻՑ ՆՈՐԱ



ԳԼՈՒԽ Ա.

Թէ զինէ իցէ ամօրխածուրիւն :

Երկուս սաստիկ կիրս եղ բնութիւնն՝ի զդայտկան բաղձանս, զմի առ ՚ի փախչիլ ՚ի ցաւագին առարկայից թէսկէտ և պատուաւորաց, և զմիւս առ ՚ի փախչիլ յամօթական գործոց թէսկէտ և բերկրականաց. և սոքա են վեհերոտութիւն և Ամօթխածութիւն : Երկաքանչիւրն են վրդովութիւնք ցամականին զերկիւղիւ : Բայց նա է երկիւղ անարդ և ծառայական, և սա երկիւղ ազնուական և ազատական : Զի որչափ պարսաւելի է որ երկնչի ՚ի սղատուաւոր վտանգից, այնչափ դովելի է որ խորշի ՚ի վատանուն գործոց : Երկաքանչիւր երկիւղ՝ ընդ ամբոխելն զմիտս, փոխեն զերեսս, բայց նա ՚ի մոխիր և սա ՚ի հուր . նա գեղնեցուցանէ և սա շառագունէ : Յախտակրիլ մարդոյ, բնութիւնն առաքէ զարիւնն յօդնութիւն յախտակրութեանն տեղի : Եւ զի յերկիւղի մահու ախտակրի սիրան որ ազբիւրն է կենաց, և յերկիւղի ամօթոյ ախտակրին երեսք որ տեսարան են սղատուոյ, վասն այսորիկ յերկիւղի մահու արիւնն թողեալ զերեսս՝ վազէ ՚ի սիրտ, և յերկիւղի ամօթոյ թողեալ զսիրտ՝ վազէ յերեսս : Կեանքն է ներքին ինչ բարի, և վասն այսորիկ ՚ի պաշապանութիւն նորա արիւնն հաւաքի ՚ի մակերեսութէն ՚ի կեդրոն : Պատիւն է արտաքին ինչ բարի . և վասն այսորիկ առ ընդառաջ ելանելոյ նմա՝ արիւնն ձգի ՚ի կեդրոնէ ՚ի մակերեսոյթն : Զ հուսկն ասացից, յամօթխածութեան արիւնն վազէ յաչս . վասն զի պահապան գոլով սոցա, դէտ են սղատուողի և անարդողի : Ապա առ սոսա առաւելապէս առաքէ բնութիւնն զօգնութիւն, ՚ի ծածկել զնոսա ծիրանագոյն ինչ քողով . և ձեռք ընթանան ՚ի թաքուցանել զնոսա, զի մի տեսցեն և մի տեսցին . զի թէ հային, յանցաւորութիւն խոսառվանին . և թէ

այլք, 'ի նոսա հային, դառն է նոցա: Վասն այսորիկ Արիստոտել և Պղատոն յԱրիպիդեայ բանաստեղծէ առին զայն առած թէ Յաչս բնակէ ամօթ զի ոչ կրէ ամօթ, որ աչս ոչ ունի: 'Նմին իրի թէ սիրան իրագետ է յանցանաց, այնափիսւոյն աչք յերկիր 'ի խոնարհ նային, որպէս թէ կամելով ծածկիլ ընդ երկրաւ, զի մի տեսցի. զի աղնուական և պատուաւոր սրտի դիւրին է զմահ յանձն առնուլ քան զվատանունութիւն: Կիրք չեն առաքինութիւնք, այլ բերմունք բնաւորականք. զի ոչ ստացանին անձնիշխան ներգործութեամբք, այլ յառաջեն քան զմարդկային տրամաբանութիւն. ոչ կատարելագործեն զհոգի, այլ խռովեն զսիրտ և այլայլեն զերեսս: Ասկա ըստ այսմ զամօթխածութիւն վասն այսց պատճառաց անմարթ է կոչել առաքինութիւն: ևս առաւել, զի թէպէտ պտուզի է բարի, այլ պատճառն չար, արմատ ունելով 'ի գործ ինչ անարժան. և ոչինչ պտուզ չար պատճառի՝ բացարձակ կոչի բարի: Այլ թէպէտ և ամօթխածութիւնն չէ ինչ ունակութիւն, բայց և այնպէս է բերումն բարենշան, թէպէտ և չէ կատարելութիւն, բայց է անկատարութիւն ըղձալի, և թէ չէ առաքինութիւն, է ապաշաւ ինչ 'ի մոլութենէ, և վասն այսորիկ է գովելի. և ամենայն գովելի՝ կամ արդեամբք, և կամ առանձնաշնորհութեամբ 'ի շար մտանէ բարոյական առաքինութեանց:

Ճշմարիտ է թէ այս կիրք բաժանի յերկուս տեսակս, այսինքն է յԱմօթխածութիւնն և յԱմօթ. մին ծագէ 'ի միւսմէ, և մին անկատարագոյն է քան զմիւմն: Ամօթխածութիւնն յառաջէ քան զամօթական գործ. ամօթն զհետ գայ, նա է որպէս դասախարակ որ քեցէ զմարդ յանարժան գործոյ. սա է ձաղկիչ, որ գանէ զհոգի յետ գործելոյ նորա զայն: Զամօթխածութիւնն Արիստոտել յատկապէս սահմանէ յայսմ վայրի Երկիւղ վատանունութեան. զի յառաջէ քան զնա: 'Նոյն՝ զամօթն 'ի հռետորութեան սահմանէ ջաւ վատանութեան, զի հռետորդ է նորա: Մինչ զի խտիր է 'ի մէջ երկուցունց այսց կրից, որպէս 'ի մէջ երկիւղի սխալանաց և երկիւղի պատժոց: Եւ այս խտիր յայտնի երեխ 'ի պէսպիսակ կարմրութեան, զոր երկաքանչլւրն ծաւալէ յերեսս: Երկուս տեսակս ծիրանեոյ նշանակեն բնախօսք պէսպիսակս արժողութեամբ և գունով, մին է ծովու ծիրանին, որ երեխ արիւն ինչ պայծառ՝ որպէս տղայական հասակի. վասն որոյ և է մեծարգի. միւսն է ծիրանի այլոյ խեցեմորթի խառն ընդ լոթագոյն կապուտակի, որպէս արիւն ինչ ապականեալ և մածուցեալ, վասն որոյ և անարգ: Արդ ամօթխածութիւն նկարէ զծնօտա համեստ օրիորդաց պարկեցա իմն կարմրութեամբ նման ծովու ծիրանեոյ. իսկ ամօթն ներկանէ համակ զերեսս զղջականաց լրթագոյն շառագունութեամբ իմն նման կարմրութեան միւ-

սոյ խեցեմորթի : Ոչ դաին երբէք ճարտար մնդրագործք այն .
պէս ընաւոր ծիրանիս անուշունս 'ի մնդուրել զերեսս , իբրև
զազնուականն զայն գոյն լծորդ պարկեշտութեան , պահա-
պան համեստութեան , արտաքին կնիք ներքին առաքինու-
թեան : Բազում զգօնութեամբ Պիւթիս արժանաւոր գուստ
Արիստոէլի՝ իբրև հարցաւ , թէ ո՞ր գոյն թուիցի նմա առա-
ւել անուշակ , ետ պատասխանի . Գոյն ամօթխածութեան :
Բայց շառագունութիւն ամօթոյ առ կարմրութեամբ ամօթ-
խածութեան այնչափ է անարդ և տգեղ որպէս ծիրանին
միւսոյ խեցեմորթի առ ծիրանեաւ ծովու ծիրանւոյ . զի ստ-
է լոկ և անմեզ երկիւղ յանցանաց . բայց նա իրագէտ գոլով
յանցաւորութեան , խառնէ զգոյն պատկառանաց ընդ լրթա-
գոյն ցաւոց վատանունութեան , որում արժանացաւ : Այլ
թէպէտ և շառագունութիւն ամօթոյ անարդ է յոյժ քան
զկարմրութիւն ամօթխածութեան , բայց և այնպէս ըստ իրաց
ինչ է գովելի . զի առաջին գովեստն է հրաժարեալ կալ 'ի
գործելոյ զքար . այլ երկրորդն է ապաշաւել 'ի չարէ որ գոր-
ծեցաւն : Տեսեալ Դիոգինէսի զպատանի ոմն շառագունեալ
յետ գործելոյ նորա չար ինչ , ուրախ եղեւ ընդ նմա , առէ .
Քաջալերեաց , որդեակ . գոյն առաքինութեան տեսանեմ
յերեսս քո : Եթէ յետ մրրկեալ գիշերի սկսանին մթագին
ամսլք շառագունիլ . նշան է թէ օրն պարզ լինիցի . և թէ յետ
վատթար գործոց երեսք շառագունին , աւետաւոր նշան է
ուղղութեան : Ցորչափ է բալխիւն շնչերակի 'ի մարմնի ախ-
տացելոյ՝ կայ յոյս կենաց . և ցորչափ՝ որ զքարն գործեաց՝ ա-
մաչէ , առաքինութիւնն չէ անյուսալի : Զսորին հակառակն՝
յետ ամօթական գործոց չամաչել յայտնի նշան է անյոյս
թիւրութեան վարուց : Պառւղք որք աճեն 'ի ծմակի , երբէք
չժամանեն 'ի կարմրութիւն և 'ի հասունութիւն , այլ մնան
խոկ 'ի համ և 'ի գոյն , մինչև փախն , և որ չզգայ զամօթ և
զշառագունութիւն , ցուցանէ նշան թէ գեղջկասուն է և խո-
կաբարոյ , և գիւրամէտ յամենոյն 'ի սիրոջ և յանհամեսա
գործս : Իսկ կարի իմն ամօթահարութիւնն՝ որով մնոտի կար-
ծեօք խռովի սիրտ և շփոթի , կամ երկնչի յանողատութենէ
ուր ոչ է , և կամ 'ի կարի իմն երկիւղէ յամօթ լինելոյ՝ փախ-
չի հրապարակական և 'ի շքեղ գործոց , և թաքչի ուր պարան
եր հանդիսանալ , և այս է տգեղ մոլութիւն : Զի այնպէս է
մեղադրելի որ ոչ գործէ զոր պարտ է , որպէս այն որ գործէ
զոր ոչ է պարտ :

Ի նախասացելոց աստի մարթիս ճանաչել թէ զի՞նչ իցէ ա-
մօթխածութիւն և զի՞նչ ծայրք նորա : Վասն զի որ չերկնչի
յամօթոյ , է անամօթ և լիրք . որ կարէ իմն երկնչի , է երկչոտ
և վատասիրտ : Երկարանչիւրն է մեղադրելի , զի նա է պակա-
սութիւն , և սա աւելազանցութիւն բանաւորի : Բայց որ եր-

կընչի 'ի վատանունութենէ ըստ պլատշաճի , է ամօթխած : Մինչև լինել ամօթխածութեան Միջասահման ինչ զերկիւ զիւ իրողութեանց , որք բերեն զանազատութիւն : Յորմէ և մարթիս Ճանաչել , զի թէ չէ նա առաքինութիւն սակայն նման է տռաքինութեան . զի ուր գտանին երկու մոլեկան ծայրք , միջասահմանն լինի առաքինական :

ԳԼՈՒԽԻ Բ.

Յաղագս առարկայից ամօթխածութեան :

Ամենայն մոլութիւնք են ամօթականք , զի խոտորին 'ի համեստէ : Զոր օրինակ ամենայն առաքինութիւնք են նիւթք դովեստից գրուատանաց և ներբռողից , նոյնպէս ամենայն մոլութիւնք են նիւթք պարսաւանաց՝ լուտանաց և կշտամբանաց : Ամենայնն երկնէ զվատանունութիւն , զի ամենայնն հակառակի բարի անոււան : Բայց յերկուց գլխոց մոլութիւն ինչ լինի առաւել ամօթական քան զայլս . յԱնագորունութենէ , և յԱնհամեստութենէ : Անագորունք են Հայրասպանութիւն և Ոճրագործութիւն . անհամեստք , Արբեցութիւն և Վաւաշոտ ցանկութիւն : Եւ թէպէտ հայրասպանութիւնն է առաւել քստմնելի քան զանհամեստութիւն , բայց և այնպէս անհամեստութիւնն է առաւել ամօթական քան զհայրասպանութիւն : Զի 'ի սմա զազրութիւնն է խառն ընդ դազանութեան , որ առնէ զգործն դժուարին . և 'ի նմա անարդութիւն դործոյն պատճառէ զմեծագոյն շառագունութիւն : Եւ յայս սակա , յամենայն այլ մոլութիւնս ծայրքն անարդագոյնք են առաւել ամօթականք քան զայնս՝ յորս երկի ինչ դժուարին . թէպէտ և առաւել լիսասակարք իցեն և դազանայինք , որպէս այլուր ցուցաւ : Առաւել ամօթալի եղեւ անմասութիւնն կղոդիսի քան զխորամանկութիւնն Անիլբազայ . կաշտառակրծութիւնն Սիսամնի քան զբոնաբարութիւնն Ամուլիսի . կծծութիւնն Մենիպատոսի քան զշուայլութիւնն Ապիկիսի . վեհերոտութիւնն Արտեմոնի քան զյանգգնութիւնն Մանղիսի . դաւագրութիւնն Պելոպայ քան զանգթութիւնն Միհրդատայ 203: Ասլա քանզի անժուժկալութիւնն արբանեկէ զգայարանաց անարդագունից , այսինքն է Ճաշակելեաց և շօշափելեաց , յայս սակա համարեալ է այն մոլութիւն առաւել ամօթական , մանաւանդ կանացի բնութեան , որում զգաստութիւնն և պարկեշտութիւն են սեպհական և գլխաւոր զարդ : Վասն այսորիկ իմաստասէրք ոմանք կոչեն զամօթխածութիւնն ամբողջական մասն ժուժկալութեան . զի թէպէտ կիրք ամօթ-

խածութեան Երկիւղ ինչ գոլով, վերաբերի առ ցասմնականն, սակայն և այնպէս արբանեկէ ժուժկալութեան, որ է 'ի ցանկականն . բայց իրօք ծնանինա յամենայն մոլութեանց . որ և յայտնապէս երեխ . զի ամենայն գործ անարդ՝ յառաջեկեալ 'ի մոլութենէ ինչ է ամօթական : Ամօթ է ամենեին ժխտել զաւանդն, զի է գործ հակառակ արդարութեան : Զէնընկեց լինել 'ի պատերազմի, զի է հակառակ արիութեան : Հարկս պահանջել 'ի չնչին իրաց, զի է հակառակ առատաձեռնութեան մեծի իշխանի . և թէպէտ յունչս վեսպասիանոսի չէր ինչ ժահահոտ արծաթն կուտեալ 'ի լուալեաց, բայց յունչս ժողովրդեան ժահահոտ էր յոյժ ընչափաղցութիւն նորա : Եւ ոչ միայն գործք, այլ և նշանք յիշատակութեան ամօթալի գործոց են ամօթականք : Կղոդիանոս յամօթառնէր զեւարուպիոս հիւպատոս, 'ի դէմս ածեալ նմա զկապուտակ սպիս չղթայից և ծառայական կոճեղաց . և կիկերոն Անտոնիոսի զնիչս համբուրի իւրոց սիրուհեաց . և Ընտոնիոս Օգոստոսի՝ զկեղտ մատանց հաւու նորա յոսկւոյ լումայափոխութեան, այսինքն յանարդ արուեստէ վաշխառութեան : Եւ նոյն դէպք, որք ումեմն էին 'ի պատիւ, այլում լինին ամօթական, ըստ պանծալի և ըստ ամօթական պատճառաց : Միապէս ցաւին վէրք ընկալեալք 'ի պատերազմի կամ 'ի փախրստի . բայց այնոքիկ են նախանձելի, և այսոքիկ քամահանաց արժանի : Միապէս տգեղ էր կորութիւն իլոսի և Դեմոկրիտոսի, մինչեւ քսամնիլ տեսողաց զայն ջրցիր իսուոչս երկարանչիւր դիմաց, որպէս մատանիս անգոհարս և Շակատանակատուհանս : Բայց նոյն տգեղութիւն 'ի Դեմոկրիտոս եղեանձալի, և յիլոս ամօթալի . զի սա կուրացաւ 'ի սեղանակապուտ յափշտակութեան Պալլադիովի 204, և նա կուրացաւ առ միտ դնելոյ փիլիսոփայական իմաստից, փակեալ զացս մարմնոյ 'ի բանալ զացս հոգւոյ : Վասն որոյ յիրաւի էր ասել Եւրիսլիդեայ թէ յաչս իլոսի բնակէ ամպարշտութիւն և ամօթ, բայց յաչս Դեմոկրիտոսի իմաստասիրութիւն և պարծանք :

ԳԼՈՒԽ Գ.

Յաղագս պատճառի ամօթխածուրեան :

Քաջ խտիր է ընդ մէջ պատճառի ճշմարիտ առաքինութեանց, և ընդ մէջ պատճառի ամօթխածութեան . զի նոցայն պատճառ է համեստն, և սորայս զազիրն . իբր զի ծնանի ամօթխածութիւնն 'ի տգեղ ինչ գործոյ եղելոյ կամ լինելոյ

որպէս ասացաւ : Մեծ առանձնաշնորհութիւն արար յառաջատես բնութիւնն մարդկան միայն կարող լինել ամաչել . զի մարդ միայն զգայութիւն աւնու պատուոյ : Անասունք որք դործեն վասն հեշտութեան և ոչ վասն պատուոյ , զգան զերկիւլ , ոյլ ոչ զամօթ : Ապա երկու ազգք են մարդկան , որք ոչ զգան զամբոխումն ամօթոյ . մեծապէս առաքինին և մեծապէս մոլին . զի մեծապէս առաքինին՝ չունի պատճառ ամաչելոյ , և մեծապէս մոլոյն վճարեալ է ամօթ : 'Կա չերկնչի կորուսանել զպատիւ , զի ոչ մեղանչէ . սա մեղանչէ անամաչ , զի յոչինչ համարեալ զպատիւ չերկնչի կորուսանել զայն զոր ոչն ունի : Վասն որոյ յատուկ է ամօթխածութիւնն բարիոք սրտի , այլ ոչ կատարելոյ : Զի որովհետեւ պատիւն է բարի ինչ կարծեաց , միջակային ընդ մէջ բարեաց զգայութեան և բանի , ամօթխածութիւնն է միջակային ընդ մէջ անբանութեան և առաքինութեան , և շարժի ըստ չափու ըմբռնման անպատճութեան : Ի դէմս կոշտացեալս վատանունութեամբ՝ չաղդէ ինչ ամօթխածութիւն . և ուր մեռեալ է ամօթխածութիւն , ծնանի լրբութիւն : Սեպհական գեռահասակաց է ամօթխածութիւն և ոչ ծերոց . զի 'ի գեռահասակս փափկութիւն մորթոյ , և նրբութիւն ծիրանափայլ արեան՝ տայ կարմրութեան վաղ աճստարել 'ի ծնօսա , որք թէ ցուրտ են և խորշոմեալ , ոչ գիտեն շառագունիլ : Թող զայն , զի գեռահասակը չե են ունակացեալ 'ի մոլութիւնս , և ծերոց սլարա է ունակ լինել առաքինութեանց : Վասն այսորիկ ամօթխածութիւնն գովի 'ի գեռահասակս և ոչ 'ի ծերս . զի 'ի նոսա է ծաղկեալ ինչ յոյս ծերական առաքինութեան , և 'ի սոսա է լուելեայն ինչ կասկած մոլութեանց ևո և մանկականաց : Երեք ինչ ըղձանայր Սոկրատէս թէ իցէ 'ի գեռահասակս . սլարզմառութիւն 'ի սրտի , լուռութիւն 'ի բերանն , ամօթխածութիւն յերեսս . և երեք ինչ 'ի ծերս . ծանրութիւն յերեսս , քաղցրութիւն 'ի խօսս , խոհեմութիւն 'ի սրտի :

Օտարոտի իմն այլափոխութիւն եղել յեղափոխութիւն բազում ծանրակաց և արգոյ անձանց , ևս առաւել երկուց կատարինց 205 , որք յառոյդ հասակի հայելի լեալ առաքինութեանց և օրինակ վարուց , 'ի ծերութեան ետուն զանձինս՝ մին հանապազորդ արբեցութեան , և միւսն գիշերային տռիանաց : Գայթակլէին մանկահասակլք 'ի կատովնէ խստիւ խրատեալք , ամաչէին որդիք 'ի կատովնէ սրբութեամբ սնեալք , զարմանային հռովմայեցիք 'ի կատովնի օրինակէ նորոգեալք : Պլուտարքոս մեծ փիլիսոփայն բարսյական 'ի վարս նոցա զզարմանս լուծանէ , առէ . հասակն վաստակաբեկ և նեղեալ 'ի լուրջ զբաղանաց՝ խնդրէր զօրանալ հեշտութեամբք զգայութեան : Վասն այսորիկ ոչ ամօթ համարէին զայն ինչ որ 'ի գեռահասակս էր ամօթալի . վասն զի վազու և մթե-

բեալ նոցա պատիւ գործովք հասարակաց օգտի, չերկնչեին զայն կորուսանել, բայց եթէ գործովք հասարակաց վիասու: Բայց Արիստոտէլ 'ի խօսելն զվարուց գեռահասակաց և ծերոց, յերկրորդ պիրս հուետորութեան, յայս կնքէ զբանն թէ ամօթիածութիւնն յատուկ է մանկանց և ոչ ծերոց: զի մանկութիւնն փառամոլ նախամեծար ընտրէ զպատիւ քան զգիւրութիւն, իսկ ծերն երախտաւոր նախամեծար ընտրէ զգիւրութիւն քան զպատիւ:

Պարտ է հայիլ և յայն, թէ ոչ ամենայն շառագունութիւն է ամօթիած: Եւ յորոց առաւել պարտ է երկնչիլ յորժամ շառագունին, քան յորժամ դեղնին: Այսպիսի էր Սիրզա, ասէ Սենեկա: Այսպիսի էր և ապերախտ աշակերան Սենեկայի 206. որոյ դէմք ըստ անուանն և հոգւոյն, իբրև դազանանայր, թուէր ափում թաթաւեալ յարեան: Չէր այն շառագունութիւն ամօթիածութեան, այլ ցոյց անգթութեան: Ծիրանագոյն գրօշ պարզեալ յասլարանս նշան էր՝ մարտի. և կարմրութիւնն երևեալ 'ի դէմս Սիրզայի և Ներոնի գուշակ էր կոտորածի: Զի յայնժամ թիւրեալ բնութիւնն ՚ի գուրս տայլ զշառագունութիւն, 'ի տալ տեղի գազանութեան: Արիւն արեան էր գուշակ. զի արիւնըուուշ գէմք յոյտ առնեին զարիւնահեղ բարս:

ԳԼՈՒԽ Դ.

Թէ որով եղանակաց գործիցէ ամօրխածն:

Եղանակն հաստատեալ է յամաչել յանձանց յորոց պարտ է, և յիրաց վասն որոց պարտ է և որչափ պարտ է: Ոչ ոք ամաչէ վասն առաջի լինելոյ անասնոց կամ քարանց կամ պատկերաց, յորժամ չար գործէ. բայց եթէ գուցէ երկչուխիղջն մտաց համարիցի թէ յայն անասունս իցէ բան մարդկային, և յայն արձանս հոդի և կեանք: Բազում անգամ նկարեալ պատկերը՝ երկչու երևակայութեան թուին կենդանի սկզբնատիպք. որպէս դիպէր կառանդրոսի 'ի աեսանել ըպպատկեր Աղեքսանդրի վազու և մեռելոյ: Ամպարշտին թէսդորիկոսի, յետ հատանելոյ նորա զպատուական գլուխ Սիմաքոսի, գլուխ ձկան մեծի զոր առաջի արարին նմա 'ի սեղանի թուեցաւ գլուխ Սիմաքոսի, յորմէ և մեռաւ նա առ երկիւղի: Կոյն իսկ զօրութիւն երևակայտկան որ երեւեցուցանէր նմա զյանցանսն յանմեղութեան Սիմաքոսի, երևեցոյց նմա և զիւր մահ 'ի խորտիկս անդ, այլ դէստք ինչ եղեն այնք երևակայութեան:

Ապա ամենայն ոք ամաչէ յայնց յորոց երկնչի . որպիսի են ծնողք, ուսուցիչք, և իշխանաւորք : Եւ յայնց զորս արդոյ համարի, և յաջս որոց արդոյ լինել ըղձանայ . որպիսի են առաքինիք, ջանակիցք, ժողովուրդն և օտարք : Եւ յայնց ոք կարող են վատահամբաւել ղնա 'ի վեր հանելով զբանն . որպէս տղայք, նախանձոտք, թշնամանագիրիք, և ծաղրածուք : Վասն այսորիկ գեղեցիկ իմն հնար անձնապահ լինելոյ յամօթական գործոց՝ ուսուցին խմասառնիք թէ իւրաքանչիւր ոք համարեցի ընթերակաց ունել գործոց իւրոց զմեծարու ոք և զարդոյ դէտ : Զի ոչ է հնար զթիւր ինչ գիծ ածել յուղ զութիւն, առանց առաջի ունելոյ զուղիոն : Այն ինչ կամքը ծերակոյան Աթենացւոց գրել վճիռ մեծ զբաշխից կալուածոց Ստմիացւոց, Կիդիադէս մեծանուն ատենաբան աղաչեաց զատեան ծերակուախն համարիլ թէ ամենայն Յունաստան առաջակայ իցէ վճռոյն : Յայսմ աղդաբարութենէ 'ի միտս եկեալ այն զգօն ոգիք, և համարեալ թէ անդ յատենի կան եօթն թագաւորութիւնիք, և զտոմսէն կախեալ կայ յարդ կամ վատանունութիւն ծերակուախն, նախամեծար ընարեցին զիրաւունս, քան զիւրեանց կիրս, թէպէտ և սաստիկս : Սենեկա խրատ ետ իւրում կուկիլիսոի առաջի նկարել զկենսորինոս կամ զկելիոս, զորս համարէր նա երկնաւոր գաղափարս ուղղութեան 207 : Այլ ոյր զօրութիւն իցէ առաւել աղդական . ցնորական ներկայութեանն մահկանացուի, թէ ճշմարիտ և անհրաժեշտ ներկայութեանն Աստուծոյ անմահի, որ ոչ միայն զարտաքին գործս, այլև զներքին գիտմունս, ևս և 'ի խաւարի յայտնի տեսանէ, և ընդ գիր անցուցանէ : Հեթանոտք իսկ ունէին երկիւղ և շառագունութիւն յԵլենքոսէ Աստուծոյ, զորմէ առաստելէին թէ աեսանէ զամենայն գործս անարժանս և գրէ զամենայն 'ի տումարի, զի պատուհաս 'ի վերայ ածիցէ յիւրում ժամանակի : Բայց թէպէտե յերկինս և յերկրի չէր ոք դիտող մարդկային ապիրատութեանց, սակայն և այնպէս պարտ է մարդոյ ըստ խրատուն Պիւթագրույ ամաչել յանձնէ, որում 'ի գործելն զարմեծապէս նախատինս գնէ և թշնամանս : Վասն այսորիկ Աթենացիք տաճար կանգնեցին պատկառանաց . զի թէ պակասեցի յաշխարհէ ամենայն աստուածավախ երկիւղածութեան : Յամրափակ վայրի, 'ի մենակեցիկ անապատի, 'ի խաւար դիշերի մատցին տեսանէ զինքն, և ատեայ զիւր չար գործս : Որ ամաչէ յայլոց և ոչ յանձնէ, ունի զերկիւղ այլ ոչ զամօթ . զի հայի 'ի պատիմն, այլ ոչ 'ի յանցուածն : Մեծ մոլութիւն է, որպէս ասացաւ, ամաչել յիրաց՝ որ չեն ամօթալի, և չամաչել յամօթալեաց : Կատովն Ուտիկեցի, որ չէր ինչ ընդհատ 'ի

նախահաւոյ իւրմէ 'ի մեծէն կատովնէ, յորժամ չոռվմայեցիք 'ի տօնախմբութիւնս շքեղ հանդիսանային ոսկե հանդերձ և ծիրանազգեացք, նա ելանէր սևազգեաց և բոկոն իբրև զմի 'ի գուեհկաց. զի ըստ ասելոյ Պլուտարքոսի՝ ուսցի չամոչել, բայց 'ի գործոց ևեթ, որք ստուդիւ անշքականք իցեն: Եւ զայս իմաստ տպաւորէր յիւր զօրականս, կամեցեալ երկչու լինել նոցա առ անհամեստ իրողութիւնս և քաջասիրտ առ համեստս, ոչինչ ակն ածեալ կարծեաց օտարաց: Այսու որոշե յանամօթէն ամօթխածն, զի 'ի յանկարծ գէպս ցուցանէ զնորուն նշան: Ոլմակիա մայր Աղեքսանդրի՝ կարեվէր խոցեալ 'ի սրոյ գոռողին կասանդրոսի, այն ինչ 'ի վիրաց անտի քաղէին ոգիք, ոչ այլ իմիք այնպէս զգուշացաւ, որպէս անկանիլ համեստօրէն, սկատատեալ զիւրե զհանդերձս երկոքումք ձեռօք: Երկիւղ ամօթոյ յաղթեաց երկիւղին մահու: Օրինակ յիշատակաց արժանի յանձն բամբշի. այլ զարմանագոյն ևս յանձն սկատերազմողի: Յուլիոս կայսր քսան և երիս մահաբեր վէրս յանկարծակի յանձն ընկալեալ 'ի հայրախոշոշ սպանողաց, այն ինչ փչէր զոգի, զայն միայն յիշեաց, փաթութիւն պէճղնաւորաւ, զի պարկեշտօրէն անկցի. որպէս գրէ իւրն պատմիչ: Ի նոյն արարս բամբիշն եցոյց արիութիւն այրական, և զօրավարն եցոյց համեստութիւն բամբշական: Երկոքին իսկ վկայեցան թէ էին ամօթխած 'ի կեանս իւրեանց, զի յետին ծիգն նոցա եղեւ առաւել ինսամ ունել պատույ քան կենաց: Պատալեցուցին զձեռս ոչ յաղերսարկութիւն, ոչ 'ի պաշտպանութիւն անձանց և ոչ 'ի մխասողութիւն այլսց, այլ 'ի պարտակել զանձինս, առաւել երկուցեալք յաչաց քան 'ի սրոյ հայրասպանաց: Այս պարկեշտութիւն առաւել շքեղացոյց զդատ սպանելոց, և առաւել նողկացոյց զանդութիւն սպանողաց:

Զսորին հակառակն, ամաչել ընդ այն ինչ վասն որոյ չէ արժան, ոչ է արիութիւն ամօթխածական, այլ անարդութիւն ամօթական քան զայն վասն որոյ է արժան, և բաց 'ի վրիժուց արժանի է և քամահանաց: Այր իմաստուն 'ի վերայ յանցուածոց ոչ իւրոց՝ այս վշտագնի, այլ ոչ ամաչէ. զի վիշտն ծնունդ գոլով բնաւոր ախտակցութեան, զայլոց ցաւ որպէս զիւր զգայ. բայց ամօթն վասն զի ստգիւտ է կամաւոր չարի, ոչ իրաւամբք ստգտանէ զայն որ ոչն յանցեաւ: Նախայիշատակեալդ Աւախկեցի՝ արդար կշռադատող Ճշմարիտ համբաւոյ, ոչ թթուեցոյց զերեսս, և ոչ ցածոյց զյօնս վասն լինելոյ իւրոց երկուց դստերաց և երկուց կանանց: Եւ իմաստունն Սիմոնիդէս յանդիմանութիւն լուեալ թէ գուստը քո անաւակ գնացիւք յամօթ առնէ զքեղ, ետ պատասխանի. Խաբիս, անհնար է նմա այնպէս անպատութիւն արկանել զինև իւրովք մոլութեամբք, որպէս եսս պատիւ եմ նորա

իմովք առաքինութեամբք : Բայց անմտութիւն մեծ է մոլար կարծեզք ամօթալի համարել զգործ ինչ առաքինական : Ո՞ր մարտիկ եղեւ արի և պանծալի քան զԱթրիւագես սպարացի . որ 'ի կռուին մեծի երից հարիւրոց Սպարացւոց և երից հարիւրոց Յունաց՝ 'ի հատանել սրով 'ի վերայ փոքու դաշտի զմէջ թիւրենեան դաշտաց , նա միայն մնացեալ տէր դաշտին , յազմող վիճին և յազմական մահու , այնչափ ամօթ համարեցաւ , զի ոչ մեռաւ ընդ այլ մարտակիցո , մինչև չոքաւ զիւրովի 208 : Չեղեւ սա հաւան ընդ դատաստան երկնից , որ զնա միայն արժանի վարկաւ կենաց . շառագունեցան յամօթոյ աչք , որոց պարան էր նշողել յուրախութենէ . ստացաւ յաղթութիւն հայրենեաց և սպան զյազմականն . և թանկադին արեամբն անմտաբար մրճուտեաց զիւր յազմանակ : Ո՞ր բամբիշ եղեւ պարկեցա քան զԼուկրետիա կին կոլլատինոսի . որոյ արիաբար հերքեալ զհրապոյրս և մերժեալ զպարդես բարբարոսին , պարտեալ 'ի մարմնի առ չզօրելոյ ընդդէմ բըռնութեանն , բայց անպարաելի լեալ 'ի հոգի , ուր դզեակն է պարկեցաւութեան , իբրև առաւել երկեաւ 'ի սուտ կարծեաց տյլոց քան յիւրմէ խղճէ , զշնութիւն բռնաւորին ընդդէմ արդարութեան պատուհասեաց յիւրում ողջախոհ անձին . և ոչ կարծեալ զերծ լինել 'ի ցնորական ամօթոյ , թէ ոչ զերծցի յաշխարհէ , զՃշդրիտ պատուհան համեստութեան կարճեաց յաշխարհէ : Առաւել արժանի էին այնմ խոցուածոյ ազգականք որք թողացուցին , քան զայն որ արարն : Յաչս ողջամաց ոչ ստացան այնչափ գովեստ 'ի խնդրել զվսէժ այնր մահու , որչափ պարսաւանս 'ի թողացուցանել զայն . զի 'ի թողացուցանելն ցուցին զԼուկրետիա պարտաւոր ընդդէմ ճըշմարտութեան , և 'ի վրէժ խնդրելն ցուցին զԼուկրետիա ան պարտ , և զանձինս պարտականս մահու նորա : Այլէ ամօթալի ակարութիւնն է շառագնութիւնն ամօթոյ , որ 'ի հրամապարականն և 'ի պատուաւոր գործս վառէ զերեսո , և թալկացուցանէ զսիրտ : Տկարութիւն որ ծագէ յանմիտ ըմբռնմանէ տեսոյ բաղմութեան : Սնոտի պատրանք են երկնչիլ 'ի գատաստանէ բազմաց 'ի մի վայր եկելոց , որոց իւրաքանչիւրն ուրոյն է արհամարհ : Բազում փոքր զօրութիւնք միացեալք առնեն մեծ ինչ զօրութիւն , բայց բազում տիմարք 'ի մի վայր եկեալք չկացուցանեն խմաստուն մի : Այնպիսին չերկնչի 'ի զօրաց զինելոց յընդարձակ դաշտի , և երկնչի 'ի տեսոյ տկար ամբոխի յատենի կամ 'ի թատրոնի : Դանդաշէ նորա յիշողութիւն , շփոթէ զիմաստ , կակազէ 'ի բանս , և յանկարծակի տենդիւ հարեալ դողդոջէ որպէս աերև : Մեծն այն Պոմպէս , որ դողացուցանէր զամենայն թագաւորս , իբրև կամէր հրապարակախօսել միշտ շառագունէր , և երկնչէր 'ի տեսոյ ուամկաց ըստ վկայելոց Սենեկայի : Եւ կիկերոն ընդ որում

ծնաւ ճարտարախօսութիւն, խոստովան լինի թէ քանիցս անդամ հանդիսանայր խօսել յատենի, զառաջինն գլխովին դողայր երկիւղիւ . մինչև եռանդն խօսից վառէր զնա'ի համարձակութիւն, և սկսեալ նապաստակօրէն հետ զհետէ առիւծանայր : Վասն այսորիկ վատասիրտք ոմանք ոչ բաւեալ յաղթել երեակայութեանն, խոռովին . և որպէս որոյ պտոյտքի գլուխ յելանելն 'ի բարձրաւանդակ՝ առ երկիւղի անկման կործանի, նոյնպէս 'ի դատանիլ այնավիսւոյն 'ի բեմբի առ երկիւղի յամօթ լինելոյ՝ ամաչէ :

ԳԼՈՒԽ Ե.

Յաղագս անամօրի և երկչոտի :

Ապաքէն լուար, թէ ամօթիածութիւնն է միջասահման 'ի մէջ երկուց ծայրից, անամօթութեան և երկչոտութեան: Բայց դիւրագոյն է ճանաչել զմի քան զմիւո ծայր, սեպհական անուամբ: Վասն զի գոլով անամօթութեան պակասութիւն ամօթիածութեան, դիւրին իմն է ճանաչել զներհակն առ ներհակաւ: Բայց երկիւղ վատանունութեան շփոթեալ անուամբ ընդ երկիւղի ցաւոց, դժուարին է այնու նշանակել մասնաւոր անուն: Բայց և այնպէս շատ է մեզ իմանալ թէ անամօթութիւնն է պակասութիւն, և երկչոտութիւնն աւելազանցութիւն ամօթիածութեան: Առարկայք երկաքանչիւր մոլութեան են նոյն . այսինքն գործք պատուաւորք կամ ամօթականք, բայց ներհական հայեցիւք: Երկչոտն ըմբռնէ կարի իմն, և անամօթն նիազ. և վասն այնորիկ անամօթն չտմաչէ 'ի մոլութեանց, և երկչոտն երկնչի յառաքինութեանց: Երկչոտն նման է փոքրոգոյ, և անամօթն վստահացելոյ: Փոքրոգին փախչի 'ի պատուոյ, որում էր արժանի, սուտ կարծեօք թէ չէ այնմ արժանի. և երկչոտն փախչի 'ի պատուաւոր գործոց, սուտ երկիւղիւ, թէ չէ կարող պատուով 'ի գլուխ տանել: Վստահն անգոսնեալ զվանդս դիմագրաւի ամենայն վշտաց վտանգի, և անամօթն անգոսնեալ զվատանունութիւն՝ ձեռներէց է յամենայն գործ պակաս: Վասն այսորիկ անամօթն միապէս բերի 'ի ծայրական մոլութիւնս, թշնամանսադիր է և մարդահաճոյ, շռայլ և ադահ, յանդուգն և վեհերոտ, զի չունի ամօթ, որ սանձն է ամենայն մոլութեանց: Երկչոտն փախչի անխաիր յամենայն գովանի գործոց, յընթացակցութենէ զինուց և գրոց, յազատական և 'ի մէծագործ գործոց, 'ի հանդիսի ատենաբանութեանց և 'ի կարեոր խորհրդոց. զի երկուցեալ 'ի հասարակաց

գատողութենէ, որչափ առաւել պանծալի Են դործք, այն-
չափ առաւել երկնչի զամօթի հարկանիլ: Մինչև անամօթու-
թեանն լինել մոլութիւն տիրական միանդամայն և անասնա-
կան, զի ոչինչ ակն ածել կարծեաց այլոց դործ է աղատի, և
չամացելն բնաւ դործ է անասնոյ անմաի: Եւ երկչոտութեանն
լինել մոլութիւն ամբարտաւանական, միանդամայն և անար-
դական, զի մեծապէս սիրէ զյարգ անձին, և չունի սիրտ ստա-
նալոյ զայն, կորուսանէ զպարծանս առ երկիւզի թէ կորուսցէ
զայն: Զհուսկին ասացից, մին ունի իւր ապաստան զառանձ-
նութիւն և միւսն զաներեսութիւն: Վասն որոյ և պատժոյ
նորա պարա է լինել առաւել ամօթական քան ցաւագին, և
պատժոյ սորա առաւել ցաւագին քան ամօթական: Յորմէ
մարթիս 'ի վերայ բերել թէ չկարելն մեղանչել է երջանկու-
թիւն աստուածային: Ճուժիալելն 'ի մեղանչելոյ առ ամօթոյ
է աղատականութիւն մարդկային: Ամաչել յետ մեղանչելոյ՝
է ապերջանկութիւն գովելի: Զամացել յամօթական դործոց
է աներեսութիւն անասնական, և պարծիլ ընդ այն է յամա-
ռութիւն զիւական:


Բայց ասիցես. Եթէ ամօթխածութիւնն չէ առաքինու-
թիւն, այլ ամբոխումն ինչ ակամայ, զօր չէ հնար ըստ կամա
ռունել կամ վանել, ապա և իւր ծայրք չեն մոլութիւնք, այլ
ակամայ և բնաւոր յարձակմունք: Արդ զինչ պիտի ճառել
զնոցանէ յայս դպրոց բարոյական, եթէ չէ 'ի կամս մեր ամա-
ռել կամ չամաչել, որպէս ոչ անձրև ածել, կամ զօդս պար-
զել: Պատասխանեմ. Թէպէտ ամօթխածութիւնն է բնաւոր
ինչ յարձակումն, բայց և այնպէս ծագէ յըմբռնմանէ ամօթա-
կան և կամաւոր ինչ դործոյ: Եւ զի կամայական դործք կա-
խեալ կան 'ի մերոց կամաց, վասն այսորիկ 'ի կամս մեր են 'ի
բացէ առնել յերեսաց մերոց զամօթ, բառնալով զնորին պատ-
ճառ: Որ չար ոչ դործէ, ոչ ամաչէ: Ապա չէ 'ի կամս այնո-
րիկ որ չար դործէ, չամաչել. բայց է 'ի կամս իւրաքանչիւրոց
չդործել զչար: Նա, որպէս ասացաւ, որ 'ի դործելն զչար
չամաչէ, ոչ է մարդ, այլ անասուն չար ևս քան զանասունս.
զի նոքա ոչ ճանաչեն զպատիւ, և մարդոյ պարտ է ճանաչել:
Այն զի զայս բնաւոր յարձակումն իբրև զայլ ամենայն յար-
ձակմունս, եթէ 'ի յանկարծ ամբոխման անհնար իցէ բառ-
նալ, հնար է ժամանակաւ 'ի չափ ածել, չափաւորեալ զիւր
ծայրս: Արդ այսմ քաջ հնար է լինել իմաստասիրական յոր-
դորմամք: Վասն զի որպէս ամօթխածութիւնն ընաւորապէս
շարժի յըմբռնմանէ ամօթական առարկայից, նոյնպէս յոր-
դորանօք հնար է ստանալ, զի որ փոքր ըմբռնէ զվատանունու-
թիւնն, առաւելուցու. և որ կարի իմն մեծ, նուազեսցէ: Քա-
նի՞ պատկառ օրիորդք յերսիլ ամբոխին ծածկէին զերեսս հա-
մեսա շառագունութեամբ: Բայց ապա իբրև 'ի հրամանէ կամ

՚ի կարեաց ուսան երևիլ կիսամերկ՝ ծնծղայիւք կամ քնարօք
 ՚ի հանգէս խաղալկաց, բրտացուցեալ զՃակատ, և խաթա-
 րեալ զշառադունութիւնն, եղեն լիրք կաքաւիչք, և ապա
 յայտնի պոռնիկք: Մինչ զի թէպէտ և ամօթխածութիւնն է
 յարձակումն ինչ բնաւոր, բայց և այնպէս ցուցաւ այլուր,
 թէ յարձակմունք և կիրք բնաւորք, եթէ ՚ի մարդիկ և եթէ
 ՚ի գաղանս յաղթին սովորութեամբ. զի սովորութիւնն է երկ.
 բորդ բնութիւն: Արդ ամենայնի որում կարողանայ երկար
 ինչ սովորութիւն, անտարակոյս կարողանայ և սաստիկ իմն
 համոզումն, որ զօրութեամբ ձեռնարկութեանց և օրինակաց
 փոխէ զիմացումն յըմբռնողականն, և ՚ի փոխիլ ներքին իմաց-
 մանց, փոխին և գործք արտաքինք: Զչափ էառ զորա թշուա-
 ռականն Միուռա 209. որ հայրական գեղոյ կարի իմն հա-
 րեալ ՚ի սէր, գողայր և տապանայր յամօթոյ իւրոց խորհըր-
 դոց, պատրաստեալ շիջուցանել զայն բորբոք իւրով արեամբ:
 Զորոյ լեզուագարութիւն լիրք գայեկին պաճարամիտ պատ-
 ճառանօք, և շեղտամեղտ օրինակօք այնպէս ցրեաց զամօթխա-
 ծութիւն, մինչև ՚ի բաց եղեալ նորա զամօթ և զձորձս՝ իշ-
 ևեաց ելանել յազգապիզծ անկողինս հօր իւրոյ պատրելոյ,
 և ծնող լինել եղբօր իւրոյ: Զսորին հակառակն, ո՞ր պատանի
 անամօթ երբէք յայտնեցաւ ՚ի պատմութիւնս քան զնախայի-
 շատակեալդ Պոլեմոն Աթենացի. որոյ արձակերասան հանա-
 պազորդեալ զցայդ և զցերեկ ՚ի պղծութիւնս, ոչ թէ երկն-
 չէր ՚ի վատանունութենէ, այլ պարծանս ևս գրէր զայն ան-
 ձին. բայց և այնպէս, գրաստն այն՝ բարեխրատ յորդորանօք
 փոխեալ զմիտս՝ փոխեաց զբնութիւն: Ելեալ սորա ՚ի զեղ-
 խութեան սեղանոյ ծաղկապսակ գլխով, որպէս զոհ արբելոց,
 և խենեշութեամբ մտեալ ՚ի զգաստ գպրոց Քսենոկրատայ՝
 խաղ առնել զուսուցիչն և զառածանել զաշակերտս, ՚ի լսել
 զբանս մեծի իմաստասիրին ՚ի վերայ ժուժկալութեան և ա-
 մօթխածութեան, այնպէս փոխեաց զպատկեր մտաց, մինչև
 ամաչեցեալ յանձնէ՝ ընկէց զծաղկեայ պսակն. և ՚ի բաց ե-
 ղեալ զիւր մոլութիւնս, յայնմ պարսպափակ վայրի յոր ե-
 մուտ որպէս անասուն, եղև մարդ. և վատանուն անառակն
 եղեւ մեծ իմաստասէր, մինչև հաւասարիլ նմա ՚ի պարկեշտու-
 թեան և առաւելու յիմաստութեան քան զիւր վարժապետ:



ԳՈՒՅՔ ՀԱԳԻՏԵՑՄԱՆ ՍԵՐՈՅԻ

ՅԱՂԱԳԻ ՍՐԾՄՏՈՒԹԵԱՆ ԵՒ ԻՒՐՈՅ ԾԱՅՐԻՑ



Գ Լ Ո Ւ Խ Ա .

Թէ զինչ իցէ սրտմտուրիւն :

Ա ՅՍ այն է զոր Հեսկոդոս Կեմեսիս անուանէ , և Հոմերոս
Ագրաստիա գուստար արդարութեան , զոր նախնի փիլիսոփայք
՚ի բանաստեղծութիւնս իւրեանց դասեցին առ երի ատենին
Դիոսի Երկրաչափական չափու ՚ի ձեռին . ոխերիմ թշնամի
այնոցիկ , որք չչափեալ զարժանաւորութիւն իւրեանց , բարձ
րանան ՚ի վեր քան զարժանն 210 : Սա ևս է կիրք ինչ բնաւոր
քան թէ առաքինութիւն կամաւոր , բայց և այնպէս , ըստ օ-
րինակի ամօթխածութեան՝ վասն իւրոյ գեղեցկութեանն ար-
ժանացաւ դասիլ ընդ բարոյական առաքինութիւնս : Վասն
որոյ յիրաւի է կոչել զսա քաջազնական և պատուաւոր ինչ
ամբոխումն : Գեղեցկութիւն այսր կիսամասնեայ տռաքինու-
թեան ճանաչի ՚ի տգեղութենէ իւրոց ծայրից . որք են Զա-
րակամութիւն և Կախանձաբեկութիւն : Կախանձաբեկու-
թիւնն է անկարգ կիրք , որ խոժոռի ընդ բարին այլոց , թէ-
պէտ և են այնմ արժանաւորք : Զարակամութիւնն է անկարգ
կիրք , որ խնդայ ընդ չար այլոց , թէպէտ և չեն այնմ արժանի :
Ազա սրտմտութիւնն է կարգաւորեալ ինչ կիրք , որ խնդայ
ընդ բարին բարեաց , և ընդ չար չարաց . ուստի և խոժոռի ընդ
բարին չարաց , և ընդ չար բարեաց՝ ըստ ուղիղ բանի :

Յայսմանէ ունիս ՚ի միտ առնաւլ թէ սրտմտութիւնդ անուն
արտայայտէ միայն զկէսն այսր առաքինութեան , այսինքն է
զլսոժոռիլն ընդ բարին այնց որք չեն այնմ արժանի : Բայց
պարտ է մտաւորին լնուլ զմիւս կէսն , այսինքն է զլսնդալն
ընդ բարին այնց որք արժանի են այնմ : Բայց զդոյշ լեր չշփո-
թել քեզ ըստ տգետ ուամկաց զսրտմտութիւնն ընդ ցասման
բարկութեան : Բարկութիւնն է մոլեկան ինչ ծայր հեղու-
թեան , որոյ վառեալ ՚ի ցասմականն մղէ ՚ի վրէժինդրու-

թիւն : Իսկ սրտմտութիւնն է ազնուական ինչ կիրք ցանկականին , որ չափաւորէ զհաճոյն և զոչ հաճոյն՝ յիրս այլոց , առանց իւրոյ օգտախնդրութեան : Վասն այսորիկ թէ ոք գժդմի ընդ բարին չարաց , վասն ընդունելոյ իւրոյ 'ի նոցանէ զնախատինս , լինի բարկութիւն : Եթէ առ երկիւղի անպատութեան , լինի ամօթ : Եթէ առ ահի վնասու ինչ իւրոյ , լինի երկիւղ , այլ ոչ սրտմտութիւն : Ապա այս ինչ հասարակ է սրտմտութեան , նախանձու , չարակամութեան , զի ինդութիւն նոցա կամ խոժուութիւն յիրս այլոց՝ ոչ հային յիւրեանց գիւրութիւն : Բայց տարբերին յայնմ զի նախանձն և չարակամութիւն շարժին անասնօրէն ընդդէմ բանի , բայց սրտմտութիւնն իննդայ կամ խոժուի ըստ բանի և ըստ պատշաճի :

ԳԼՈՒԽ Բ.

Թէ որ իցեև առարկայք սրտմտուրեան :

Սրտմտութեան , նախանձու և չարակամութեան առարկայք են նոյն . այսինքն բարիքն կամ չարիքն որք պատահեն օրըստօրէ մարդկան : Բայց սրտմտութիւնն հայի եթէ բարիքն կամ չարիքն իցե՞ն պատշաճողք այնց՝ որոց պատահեն : Ապա սեպհական և առաջին առարկայ սրտմտութեան են Ճոխութիւնք , ասկարանք , ընչաւետ կալուածք , մեծահարուստ ժառանգութիւնք , և գանձք գտեալք , եթէ չեն պատշաճականք այնմ որ ստացեալ ունի : Կամ չքաւորութիւն , նաւարեկութիւն , անարգ կարասիք . ծխամած հիւղք , և տնանկութիւնք , որք անարժանապէս 'ի վերայ գան արանց քաջաց և առաքի նեաց , յայլոց չարութենէ , կամ 'ի բախտին ձախողութենէ : Ո՞ւմ հնար էր անցասումն ականել 'ի գերին կղոդեայ կայսեր , յանուանեալն Կարկիսոս . ոյր փոխեցան ոտնակատք 'ի մանեակս և ձեռակապք 'ի շինդղ ասսկետական . և ոյր այնչափ եղեն մթերք ոսկեոյ , մինչև Կարկիսեան դանձուց անցանել յառակս իբրև զՄիդայն 241 : Եւ զսորին հակառակն՝ տեսանել զբեղիսարիոս որ իւր յաղթական ձեռամբն , որով բազումն ընծայեալ էր յաղթութեան արմաւենիս Յուստինիանոսի ինքնակալի , մուրողապէս գանկ մի խնդրէր յանցաւորաց . թէպէտ և առ կուրութեան անկարանայր տեսանել , թէ ո է որ տայ 242 : Մեծ յանցանք եղեայն բախտի , թէպէտև թուէր անմեղադրէլի վասն լինելոյ իւրոյ կոյր : Բայց մեծ ևս եղեանցումն նոցին իսկ կայսերաց , որոց մին կողոպատեաց զգանձն արքունի 'ի Ճոխացուցանել զանուանարկ ոք , և միւսն կեղեքեաց զմեծանուն շահատակն , 'ի հաճել զմիաս կնոջ ուրուք :

Բայց առաւել ևս շարժեն 'ի ցասումն անհամեմատութիւնք պատուոյ : Պէրճաղգետոն նախարարութիւնք 'ի տղէտս , և զի նուորական քղամիդք 'ի վեհերոտս՝ ձախողակի բաշխեալք : Եւ զսորին հակառակն՝ դիտնաւորն անարդեալ և քաջ ոլատերազմողն թողեալ յանկեան ուրեք անգործ : Զիազրդ հնար էր առանց պժգանաց տեսանել զԵւարոպիոս նելքինի՝ զպահապան կանանւոյն և զհովանաբարձ կանանց , բարձերէց լեալ Հռովմէական ծերակուախ , բազմեալ յիշխանաւորաց միջի , որք դողացուցանէինն զաշխարհ , և 'ի սակս սորա եղեն այսին կատականաց . զի էր որպէս վայրեներէս կապիկ , արկեալ զիւրեաւ զհիւսպատոսականն օթոց , որոյ շառագունութիւն էր առաւել յամօթոյ քան 'ի ծիրանւոյ 243 :

Այսոքիկ են գլխաւոր առարկայք սրտմտութեան , յանմիտ բախտէ ոչ 'ի դէպ բաշխեալք . թէպէտ և ոչ առանց հետամտութեան ամբարձելոց և անմատութեան ամբարձողաց : Բայց երբեմն և բարիք բնութեան , որպէս Գեղեցկութիւն , Առողջութիւն և Ազնութութիւն են առարկայք սրտմտութեան , յորժամ հանդամանաց անձին չերեխն դիսպան : Մեծ վրիսպակ ընութեան թուեցաւ ոյն զի Ակիւղատայ , որ խեղաբարոյն էր և ասպիրատ քան զբովանդակ Հռովմ , վիճակեցաւ մարմին բարեձև , որ չէր երբէք երկեալ . և Սոկրատայ որ իմաստունն էր և առաքինի քան զամենայն Յունաստան , մարմին այլանդակ , խեղաթիւր իբրև զօձի , անհեթեթ ըստ կապիկ , ճաղատ իբրև զկունտ , և թաւամազ իբրև զՃիւաղ . մինչև երեխիլ թէ դողացեալ նորա հերք գլխոյ արկեալ էին զմարմնով , 'ի լինիլ ծաղածանակ : 'Սա ինքն իսկ սոսկայր յիւրմէ , վասն որոյ երկուց կանանց Սանտիպակեայ և Միրրեայ , որք նախանձաւորութեամբ նորա կադէին ընդ միմեանս , ասէ . Զի՞ վիճէք վասն իմ . քան զոր տգեղլ ինչ չարար երբէք բնութիւնն : Մինչ զի զբնութենէ կրկնակի մարթ էր գանդատել իմաստնոց , փոխանակ զի ետ Ակիւղատայ մարմին որ անկ էր Սոկրատայ . և Սոկրատայ մարմին որ անկ էր Ակիւղատայ , բնակեցուցեալ զերկաքանչիւրոց ոգիս արտաքոյ իւրոյին մարմնոյ իբրև 'ի վարձու :

Յաւել և զայն , զի թէպէտ բարիք հոգւոյ , որպէս Գիտութիւն , Ոյժ , և Արուեստք աղատականք և մեքենականք չեն Ճշմարիտ առարկայք սրտմտութեան , զի առաքինութիւն ընդդէմ այլում առաքինութեան ոչ ցասնու , այլ սիրէ զնա և պատուէ , բայց և այնսպէս այս բարիք ևս երբեմն շարժեն 'ի սրտմտութիւն , յորժամ են յենթակայո մոլեկանս և չարս . կամ 'ի հակարտս և յամբարտաւանս , մինչև առաքինութեանն երեխիլ ձեռնտու մոլութեան : Ոչինչ այնսպէս է դժպատեհ , որպէս գիտութիւն յայր խեղաբարոյ : Չար է սա քան զամենայն դաղանս . զի գաղանք կարող են լիսասել , այլ սա կա-

ըող է և գիտէ միասել. իբր զի ընդ խեղաբարոյ քնութեան լծորդէ և զարուեստն: Ոչ այնչափ միասակար լինէր քրիստոնէական կրօնի Յուլիանոս, եթէ չէր այնչափ ուսեալ: Չիք ինչ ժանտիբրե զգիտութե, յորժամ զեղծմամբ փոխարկի ՚ի թոյն:

ԳԼՈՒԽ Գ.

Թէ ո՞ր իցէ առիր սրումտուրեան :

Կեղծեցին բանաստեղծք թէ բարիք և չարիք կուտեալք յերկուս ամանս, ՚ի սկզբանէ աշխարհի, ըստ բերման վիճակի թափեալք խառնիխուռն յերկիր առնէին երջանիկ կամ թըշուառ զմարդիկ, որոց գիտէին 244: Բայց այր մտացի և բարեկիր, որպէս բնաւորապէս խելամուա է թէ պարտ է աշխարհի կառավարիլ ՚ի տեսչութենէ, նոյնպէս ըստ ընդաբոյս լաւաբարոյութեան իւրոյ համարի թէ բարիք ՚ի ստորինս լինելոց են վարձ առաքինեաց, և չարիք պատիժ չարագործաց: Վասն այսորիկ ոչինչ այնպէս շարժէ զբարեկիր ոգի, որպէս տեսանել վեր ՚ի վայր շրջեալ զայս կարգ երջանկութեամբ խեղաբարոյից. և չարակրութեամբ առաքինեաց: Երեխ այս կիրք և յանշունչ նկարս, յառասպել քերթածս, և յեղերեր գութեան տեսարանս երեւցուցիչս անհարազատին Եգիսթոսի, որում խաղաղական ստացութիւն ժառանգութեան հարազատ որբոց յաջողեաց. և ողջախոհին Հիպալովիւտոսի, որ ամենեին անպարտ դոլով զբարաեցաւ, զօտարի չարեաց ըղվոքի լուծանել: Որ անպատշաճութիւնիք երբ երեխն, կամ ընթերցեալ լինին, թէստ և մտացածին իմն են, բնաւոր շարժմամբ վառեն զճշմարիտ ցասումն բարեկիր սրտի 245: Ստոյդ իմն է թէ առ նախնի իմաստանէրս այս գեղեցիկ կիրք ունէր խառնուրդ բազում մոլորութեանց, և բնաւոր բերման զհետ երթայր մտաւոր տրամաբանութիւնն: Ոմանց ՚ի հեթանոսաց տեսեալ ՚ի ստորինս զանդէսկ բաշխ բարեաց և չարեաց, դայթակղեալք ընդ դժպատեհ տնտեսութիւն գից իւրեանց, հաստատութեամբ հաւատացին թէ չիք ինչ վերնախնամ տեսչութիւն, այլ բախտ բախտովի շրջէր զստփոր մարդկային վիճակի: Այսորի նուագեաց քերթողն կղոդիանոս, տեսեալ զգաւազանն արեւելեան կառավարութեան ՚ի ձեռս ուրումն ապիրատի: Ասէ

Տեսեալ ՚ի ստորինս խառնակ զամենայն,

Զվիճակ մարդկային յաւերժ ՚ի մըթան,

Ըզվատաց կայտուել և զլաւաց կական,

Կըրօնք ՚ի սըրտէս անկանին կործան:

Եւ յիս դայ խորհուրդ թէ աշխարհ համայն ,

Վրիպակաւ վարի անհանձարական .

Եւ թէ չիք խընամ աստուածալետական ,

Կամ թէ չունի փոյթ նա առ մեր խընամ :

Այլք խմաստասիրեցին թէ դիք ճշմարտութեամբ և ուղիղ վարեն զմարդիկ , բայց 'ի վերայ դեց կայ , ասեն , դաղտնի օրէնք , անուանեալ ծակատագիր , հեղուսեալ յաւիտենից ադամանդեայ բեռուաւ անփոփոխ հարկի . որում 'ի դիպուածս ինչ դիք իսկ ոչ զօրեն ընդդէմ դառնալ . որպէս երդէ այլ ոմն քերթողաբան Սենեկա .

Ոչ 'ի ձեռս է դից եղծանել զայն ինչ ,

Զոր ճակատագիր՝ եդ յօրէնս անջինջ :

Խոկ այլք սահմանեցին թէ ոչինչ առաքինութիւն է անվարձ , ոչինչ ապիրատութիւն անպատճ , բայց վարձն և պատճ գան անտգան , և անագանութեանն ծանրութիւն փոխատրի ըստ ասից կղոդիանոսի .

Ամբարիշտք աջողակ ամբառնան բարձրագահ .

Զի անկցին չարաչար դահավէժ 'ի խոնարհ :

Բայց քանիզի բազում անօրէնութիւնք երեկին յոլովակի անպատճաս , և Սիզզա յետ այնչափ յափշտակութեանց և անողորմ բռնաւորութեանց հասուցանէ ողջիկ զիւրին բարօրութիւն մինչ 'ի գերեզման , խոհականագոյնքն յիմաստասէրս զերծուցին զիւրեանց դիս 'ի հասարակաց նախանձուէ և յանիրաւ քրթմնջանաց . վարդապետութեամբ որ չէ ինչ օտարաձայն 'ի քրիստոնէականէն : Ուսուցին զի թէ առ կենդանեօք բազում յանցանք յաստիս մնան անսրատուհաս , ոչ վասն այդք մնան անվթէժ , զի արդարութիւնն աստուածային 'ի խաւարչականջ թագաւորութեան սանդարամեսից՝ ունի իւր սաստկապահանջ և անհաշտ ատեան , 'ի քննէլ զնոսա անաչառ , և 'ի պատժել անբողոք , ըստ նուագելոյ Վիրդիլիոսի .

Զինչ աստ ոք արար յանախս կրեսցէ ,

Զիւրոց յանցանաց վրէժը լուծցէ :

Ապա որպէս 'ի վերայ այսորիկ պէսպէս կարծիք եղեն մարդկան , նոյնպէս պէսպէս զգածմունս ազգեցին 'ի սիրտ նոցա : Դեմոկրիտոս վասն զի հաստատութեամբ եղեալ էր 'ի մափ , թէ դիպուածով կառավարի աշխարհ , հայեցեալ յայն իբրև 'ի խաղարկութիւն ինչ ծաղսական , ընդ ամենայն մարդկային պատահարս եթէ ընդ բարիս և եթէ ընդ չարս , որպէս դէտ անգործ՝ հանապազ ծիծաղէր : Զսորին հակառակն , հերակլիոս , որ զամենայն ընծայէր անխորշելի հարկի ճակատա-

գրական ինչ օրինի, ողբալով զթշուառ և զաննորոգելի վեճակ մարդկան, և ախտակցեալ նոցին իսկ դից, ընդ ամենայն պատահար անմիտար լայր. իբր զի չէր ձեռնհաս օրէնս դնել յաւիտենական օրինի: Բայց Արիստոտէլ և ամենեքին որք բնաւորապէս ունէին բանաւոր և ծշմարիտ իմաստ աստուածային տեսչութեան, զգային յանձինս բանաւորագոյն ևս զգածմունս: Վասն այսորիկ նմանակեալ զիմաստ իւրեանց ընդ իմաստ Նեմեսեայ դիցն արդարութեան, և չհանդուրժեալ թէ մոլիք որպէս անիրաւ յափշտակիչք, վայելեսցեն ՚ի բարիսն որ առաքինեացն էին անկ, վառէին արդար ցամամբ: Եւ զսորին հակառակն, ՚ի առանել զշարաց չարակրութիւն և զբարեաց յաջողութիւն, սրտի դիւր էր նոցա յոյժ, իբրեւ խնդակցութեամբ իմն ընդ տեսչութիւն դից իւրեանց: Վասն այնորիկ որպէս Պղատոն կոչէր զՆեմեսիոս Հրեշտակ արդարութեան, առաքեալ ՚ի Դիոսէ առ իշխանս և ատենակալս, նոյնալէս առաքինիք և իմաստունք արդար ցամամբ իրաւախնդիրք լինէին աստուածային արդարութիւն: Արդ այն էր իսկապէս սրտմտութիւն ինչ ընտրական և գլխուլին առաքինական, զի յառաջ գայր ՚ի խոհական իմն և ՚ի կատարեալ հաւանութենէ կարգելոյ առ արդարութիւն. զի իւրաքանչիւր ոք կալցի որ ինչ անկ է նմա: Բայց այս սրտմտութիւն կիսամտոնեայ առաքինական, զորմէ են բանիքս, վասն զի սոսկապէս հաստատեալ է ՚ի բնաւոր կիրս, կամ յամբոխումն քաջի ոգւոյ, որ բնաւորապէս յանկաւոր է բանաւորի, չհասանէ ՚ի գերակայութիւն միւսոյն, և ոչ դասի ընդ կատարեալ առաքինութիւնս. բայց գիտութեամբ քաջ իսկ հնար է նմա այնմ հասանել: Որպէս ամօթխածութիւնն չէ համեստութիւն, բայց չունելն զայն նշան է սրտի յեանելոյ ՚ի համեստութենէ. նոյնալէս սրտմտութիւնն չէ արդարութիւն, բայց չունելն զայն նշան է սրտի յեանելոյ յարդարութենէ:

ԳԼՈՒԽ Դ.

Թէ որոն օրինակաց գործիցէ սրտմտեալն:

Ասկաքէն լուար թէ չորս մեծամեծ գործս գործէ այս առաքինութիւնն ՚ի սիրտ ստացողին զայն. Խոժոռիլ ընդ բարին չարժանւոյն. Խնդալ ընդ չար արժանւոյն. Խնդալ ընդ բարին արժանւոյն, և Խոժոռիլ ընդ չար չարժանւոյն: Արդ յիւրաքանչիւրումն ՚ի գործոցս այր առաքինի նմանակէ զիւր ըլդածմունս բանին. և ըստ ալէսապէս առթից առաւելու կամ նուազէ բնաւորապէս զուրախութիւնն կամ զխոժոռուումն ընդ բարիս կամ ընդ չարիս տյլոց:

Խուժանն վստահ է՝ ի դատել։ Տեսեալ զապակի ՚ի մատին ազնուականի՝ համարի թէ իցէ անդամանդ։ և զանդամանդն ՚ի մատին դռեհկի կարծէ լինել ապակի։ Ըստ այսմ առ բազումն մոլութիւն վեհանձանց պատուի որպէս առաքինութիւն, և առաքինութիւն ցածունց քամահի որպէս մոլութիւն։ Բայց որ ունի զարամտութեանն առաքինութիւն, որոշէ ընդ մէջ ճշմարտին և առերեւութիւն։ և ըստ չափու արժանեացն խոժոռի կամ խնդայ, որչափ վայել է։ Այնչափ մեծ է ցասումն ընդ բարին չարագործաց, որչափ առաւել մեծ է չարութիւնն և պատուաւոր է բարին։ զի փաղփիւն պատուոյ մեծապէս երեւցուցանէ զբիծս սրախ և մեծապէս անարդէ զանձն։ Կոյնալէս այնչափ առաւելու ցասումն ընդ չարն առաքինեաց, որչափ առաքինութիւնն է ծանօթագոյն, և չարն ծանրագոյն։ զի թուի կրկին անիրաւութիւն և անաւոչութիւն, ոչ միայն զվարձատրել զառաքինութիւն, այլ և պատժել։ Բայց առաւել ևս առաւելու սրտմտութիւն, յորժամ յաջողուած չարաց լինի ՚ի վնտոս բարեաց։ զի առ ժամանակ մի առ ռամիկս մոլութիւնն ստանայ մեծ յարդ, և առաքինութիւնն ՚ի սպառ զայն կորուսանէ։ Մեծ է և ցասումնն յորժամ անարժանն խնդրէ ինչ պատիւ ընդ արժանաւորին, անարդն ընդ ազնուականին, մոլին ընդ առաքինոյն։ Վասն այսորիկ ըստ տաելոյ Հոմերոսի, մեծապէս բարկացաւ Դիոս, յորժամ Ոդիսես ժալրհեցաւ հետասնդիլ ընդ Այասայ վասն աքիլեան զինուց և էառ, թողեալ անստոյդ թէ ո՛ առաւել ցուցաւ անմիտ՝ դատաւորք ՚ի պարզեելն, թէ Ոդիսես ՚ի հետապնդելն։ որովհետեւ զէնք վայելեն քաջաց, և ոշ թէ խորամանկաց։ Այսպիսի սրտմտութեամբ վառեցաւ բորբոքեցաւ ծերակոյան Հռովմէական, յորժամ Վատինիոս դիմամրցանակաւ ընդ Պորկիոսի Կատովինի հետամուտ եզեւ պրետորութեան, անարժանն ընդ արժանաւորի։ և վատանունն ընդ մեծանուն հռովմայեցւոյ։ և քուէարկութեամբ ժողովրդեան գիւրաւ եհաս այնմ։ Դատաստան նման դատաստանին Տմօլոսի, ՚ի կագել Մարսեայ ընդ Վալողնի։ որում արժան էր առաւել մորթեզերծ առնել զդատաւորն քան զիւր դիմամրցանակն 246։ զի ՚ի չարաչար հետամուտ լինելն՝ առանձնաւորն վեասէ արդարութեան։ այլ ՚ի չարաչար դատելն՝ արդարութիւնն վեասէ հասարակութեան։ Բայց առաւել քան զառաւել առաւելու սրտմտութիւնն յորժամ վատթարք հրամայեն բարեաց, և ծառայք աղատաց։ զի ՚ի վարիլ մարդկային երաց շրջուն, շրջեալ երսի և վերնախնամ տեսչութիւնն։ Վասն այսորիկ Պղատոն ՚ի խորշեցուցանել յայսմ մեծէ դայթակղութենէ զիւր հասարակապետութիւնն՝ օրինագրէ, զի առաքինեաց հարկ ՚ի վերայ դիցի կառավարել զհասարակութիւնն, որպէս զի մի կառավարեսցի յանարժան արանց։ Կրե-

տացիք ոչ թողացուցանելին ծառայից ընթեռնուլ, զի մի ուսցին. և ոչ զէն առնուլ, զի մի կարող լիցին հրամայել: Վասն զի եթէ տէրութիւն ծառայից է անտանելի, և նկնութիւն բարեաց ևս անտանելի, ապա երկոցուն անիրաւութեանցո 'ի մի վայր եկաւորութիւն լինի ամենելին անտանելի: Ապա խընդայ սրտմտեալն ընդ յաջողուած առաքինեաց. զի և ինքն առաքինի գոլով, ակն ունի թէ և նմա յաջողեսցի 'ի վերուստ, տեսեալ զբաշխ բարեաց ըստ չափու արժանաւորութեան լեալ և ոչ ըստ կամաց բախտի: Խնդայ և ընդ տանջանս չարաց, և ևս առաւել եթէ տանջանքն համեմատ իցեն յանցանաց: Որպէս Սաղմոնէոս կամեցեալ կայծակնանման ինչ հնարել, զի համարեսցի աստուածական ունել զօրութիւն, կայծակնահար կորեաւ 217: Եւ Պերիպոս առաջին դաիչ անողում պղնձի ցլուն, նախ առաջին ինքն ուսոյց իւրում ցլուցագինս բառաւել: Եւ սիրելին յաչս կայսեր Սևերոսի, որ զծուս նպաստից վաճառեր, 'ի ծուս հեղձու: Եւ իրաւամբք օրէնք զփախստէից զոտս հատանեին, և զաւազակաց զձեռս: Ընդ այսպիսի տեսարանս մեծապէս խնդայ սրտմտեալն. զի աեսանէ զկարդ արդարութեան պահեալ, ըստ արդար օրինի փոխարէն հատուցման, թէ զոր ինչ ոք առնէ, զնոյն և կրէ: Եւ ոչ միայն սրտմտի 'ի վերայ անարժանութեամբ ամբարձելոց, այլ առաւել ևս 'ի վերայ այնց որք բարձրացուցանենն զնոսա. զի փոքր ստգիւտ է ամբարտաւանին, քան այնմ որ ամբարտաւանեցուցանէն զնա. որ 'ի սիրելին զմի ոք 'ի չարաց՝ յանձն ձգէ զատելութիւն ամենայն բարեաց: Եւ առաւել ևս սրտմտի 'ի վերայ այնց որք բարեմարդիկն լինին, և գովեն սրպէս արժանաւոր զանարժանութեամբ ամբարձեալն. զի նպաստամատոյցքն՝ երեխն սկզբնապատճառք 218: Մեծանունն այն կատովին երթեալ 'ի Յունաստան իշխանութեամբ բազմաւ, եաւս զի ընդ առաջ գային դասք դասք սպիտակազգեստ Աթենացւոց ոստովք ձիթենեաց 'ի ձեռին, որ էր մեծաշուք ընդունելութեան հանդէս: Այն ինչ կատովին մարդասիրապէս ժողովէր զնոսա, նոցա յառեալ հայեցեալ ընդ երեսս զաեզի առին, և հարցին, թէ Ո՞ւր իցէ Դեմետր: Այս Դեմետր էր ազատագրեալ ոմն ծառայ՝ սիրելի յոյժ յաչ Պոմպէոսի: Զամօթի հարաւ կատովին, միանդամայն և զզուեցաւ, զի զայնալիսի մեծաշուք ընդունելութիւն առնեին վասն ուրումն ծառայի և ոչ վասն իւր: Մեծագրի էր յաչս նոցա ազատագրեալ ոք ծառայ Պոմպէոսի, քան զապարապէտ ոք զօրու: Յաչս նոցա չնչին իմն էր անուն կատովին՝ առ անուամբ Դեմետրի, զի յաչս Պոմպէոսի զօրագոյն էր ընտոծին ոք քան զազատազգի: Ծառայք, ընդ որոց ձեռս անցանեն չնորհք իշխանի, սովոր են լինել առաւել երկրպագելի քան զնոյն ինքն իշխանն. զի անընդմէջ պատճառք առաւել են ծանուցեալք

քան զընդմիջականս : Եւ վասն այսորիկ սիրելիքն յաչս իշխանաց , թէ են խոհականք՝ զերծուցանեն զիշխանս 'ի նախանձուէ , և զանձինս 'ի կործանմանէ՝ ցածութեամբ :

Գ. Լ. Ո Ւ Խ Ե .

Գործք սրտմտոքեան :

Բայց զի՞նչ օգուտ իցէ առաքինւոյն կրծել ներքուստ զիւր սիրտ , և լոելեայն սրտմտութեամբ հաշիլ 'ի ցաւոց , հանելով յանձնէ զվոէժ քինու յիմարութեանց բախտի : Ո՞չ ապաքէն դառն ևս լինէր այդ և մարդկային կրից օգուտ և ոչ մի : Հարկ էր լինել աչաց մերոց կրկնավտակ հանապազահոս աղբիւր իբրև զշերակլիտստին . զի ըստ ասելոյն Սենեկայ , յոր կողմն և գարձցի մարդ , տեսանէ հանապազ նորանոր և մեծամեծ՝ առարկայս սրտմտութեան . մինչ զի եթէ ընդ ամենայն իրս զզուանաց պարտ էր խոռովիլ առաքինւոյն , ոչ սրտմտիւր միայն այլ և կատաղութիւն զնա ունէր առանց ինչ օգտի : Ամենայն կիրք ընութեան տուեալ է մարդոյ վասն գործոց ինչ : Ամենայն կիսամասնեայ առաքինութիւնն արբանեկեալ ունի առաքինութեան ինչ : Վակա և սրտմտութիւնն բանաւոր գոլով . ոչ զկայ առնու 'ի ներքին հաճոյս կամ յոչհաճոյս . այլ երբեմն բրդի 'ի բարկութիւն , և զեղու 'ի գործս արտաքինս : Զոր օրինակ ամօթիսածութիւնն արբանեկէ ժուժկալութեան , նոյնակէս սրտմտութիւնն արբանեկէ արդարութեան : Խոժոռի ընդ դժպատեհ իրս , և ջանահնար լինի արժանաւոր դարմանոյ , ձեռն աալով մարդկային արդարութեան և աստուածախնամ տեսչութեան , մինչև լոկոյ կրից փոխիլ յընարութիւն : Առաջին գործ սրտմտութեան 'ի քաջաղանց ժամանակէ հետէ՝ եզե բորբոքել զախրանոցա ընդդէմ գոռոզաց . ուստի առաւ 'Նեմեսիսդ անուն , որպէս թէ ամբարտաւանատեաց . և Ագրասափայդ անուն , որպէս թէ վրէժինդիր հալարաաց 219 : Այսպիսի էր անպարտելին Աղկիդէս , որ որպէս պատգամաւոր Դիոսի , ուր և յառնէր անուանի ոք աւարահար , կամ անօրէն յափշտակող այլոց թագաւորութեանց , կամ բուռն բոնաւոր իւրոց ժողովրդոց , իրը կակոսն էր և բուսիրիս , և Անտէսս և Գերիովն , ոչ յըղձանաց աւարաւութեան այլ յայսմ դիւցազնական առաքինութենէ վառեալ բորբոքեալ , 'ի վերայ յարձակէր խորտակել զնա , և մաքրել զաշխարհ յամենայն այսպիսի այլանդակաց 220 : Բայց թողեալ զայն անձինս , որք առաւել տաղտապէին վասն հեռաւոր իրողութեանց քան մօտաւորաց , այս այն առաքինու-

թիւն է որ վառել զդատաւորս և զատենակալս խնդրել զվեհժ
նեղելոց, և նեղել ղնեղիչս. զի կարի իմն ցուրտ է վրէժիըն-
գրութիւնն, որ զօրէն անլեղի անասնոց՝ սպանանէ անբարկա-
սիրա: Եւ ևս առաւել յանկաւոր է այս իշխանաց և թագա-
ւորաց՝ յերախտաւորութիւն ամենայն ժողովրդեանն, խորա-
սուզել, և ոչ թէ ցածուցանել միայն զժպիրհս, և բարձրա-
ցուցանել զառաքինիս, բաշխեալ ըստ խրաքանչիւրումն ար-
ժանեաց զշնորհս և զպատուհաս: Բայց թէ խօսիմք զանձանց,
որոց ոչ է իշխանութիւն և զօրութիւն, 'ի սոսա ևս սրամտու-
թիւնն առնէ ինչ գործ արիական, բայց վտանգաւոր, այն է
համարձակութիւն լեզուի: Թէ աեսանէ առուիւ հոսել բա-
րեաց և շքոյ յանձինս անարժանս, և առաքինեացն առաքի-
նութեամբ իւրեանց կալ յանջրդւոջ, ոչ ժուժայ լուել: Երեկ
հեղձամղձուկ լինել սրամտութիւնն 'ի սրտի, թէ ոչ 'ի դուրս
չնչէ ընդ շրմունս 'ի պատիւ արդարութեան, և առ հասա-
րակաց օդուտ: Բայց բազում խորհուրդք են քաջք, մինչդեռ
կան փակք, այլ յորժամ 'ի դուրս չնչեն, միասակար են այնմ
որ ոչ 'ի փակ պահէ: Ի ժամանակս հիւպատոսաց, յորժամ
ազատ էր Հռովմ, ազատ էին և գործք և բանք: Առ Օդոսաո-
սիւ սկսան պատուհասակոծ լինել գործք, այլ ոչ բանք: Առ
Տիբերիոսիւ բանք և խորհուրդք համարեցան սեղանակապ-
տութիւնք: և յայնժամ առաքինութիւնն և ազատութիւն
հալածական եղեն 'ի Հռովմայ, զի ըստ Տակիտոսի, սնինար
է ազատութեան կալ ընդ ինքնակալութեան: Ասկա գեղեցիկ
առաքինութիւն է սրամտութիւն, բայց վտանգաւոր յոյժ
յորժամ է առանց ընտրողութեան:

ԳԼՈՒԽ Զ.

Յաղագս չարակամորեեան և նախանձու:

Չարակամութիւնն է ախտ բնաւորական, որ խնդայ ընդ
չար այլոց: 'Նախանձն է ախտ բնաւոր, որ տիսրի ընդ բարին
այլոց, որպէս և լուար: Չարակամութիւնն է կիրք ինչ անսո-
նական: Ոչ են աստ բանք զմասնաւոր ինչ չարակամութենէ
վասն ընդունելոյն ինչ միաս. այլ զընդաբոյս իմն թիւրութե-
նէ, որ տարածի առ ամենայն ազգ մարդկան. զի շատ է լինել
մարդ, 'ի լինել առարկայ չար կամաց սորա: Եւ թէպէտ մա-
հուամբ զսաւի ամենայն ոք 'ի լինելոյ մարդ, այլ ոչ վասն այդը
զրաւի 'ի լինելոյ առելի. զի չարակամն ատեայ զամենեսին որք
ենն, և որք եղեն, կարծեալ թէ ամենէքին են չարք, և ամե-
նայն չարեաց արժանիք: Բայց նախանձն է կիրք ինչ առաւել

կարծատես. Հայեցեալ միայն 'ի մօտակայս և 'ի հաւասարս ըստ հասակի, ըստ ընչից, ըստ գեղոյ, ըստ ուժոյ, ըստ գիտութեան, կամ ըստ արուեստի. զի կամի լինել մեծ քան զնոսա: Մինչ զի նախանձուն ոչ հանդուրժէ՝ թէ ոք իցէ իւր հաւասար. իսկ չարակամն ոչ հանդուրժէ, թէ ոք իցէ յաշխարհի: Սա ատեայ զանձինս, և նա զառաքինութիւնս անձանց: Երկաքանչիւրն զայս ունին բարի, զի ոչ ումեք տռնեն չար, բայց միայն անձանց. զի չար ախան ներքին, որպէս տենդն, տանջէ միայն զունակն: Չարակամին երեսք են ծիծաղոտ, բայց գժնեայ և ժանտ, զի խնդալ ընդ չար այլոց՝ է թունարբութիւն: Նախանձուի աչք են արխւնըուուշոք. երեսք գունաթափիք և հիւծեալք. զի վշտագնիլ ընդ բարին այլոց է կրծել զիւր սիրտ: Պոսկիոս Սիրոս 221 տեսեալ ախուր և վշտագին զՄոււախոս զայր նախանձալլուկ, ասէր. Բաթէ, կամ չար ինչ պատահեաց Մոււախոսի, կամ այլոց բարի ինչ: Չարակամութիւնն երբեմն է կիրք տռնացի. բայց նախանձ միշտ է կիրք անարդ, զի չարակամութիւնն ատեայ զայլոց սկակասութիւն, և նախանձն ատեայ զայլոց կատարալութիւն. և վասն այսորիկ լաւ է լինել նախանձելի, քան առարկայ չարակամի: Բայց որ ատեայ զամենեսին, արժանի է ատելի լինել ամենեցուն, որպէս տմարդի ոք. և որ նախանձի ումեք. արժանի է չլինել ումեք նախանձելի, որպէս փոքրոգի ոք:


Թէպէտ չարակամութիւն և նախանձ են լոկ ներքին կիրք, բայց և այնպէս սոքին ևս յերկարութեամբ ջեռեալք արտադրեն չարաչար գործու արտաքինս: Առաջին գործ չարակամին է լինել չարախօս: Ճճիք որք չունին զօրութիւն, ունին զխայթոց, որպէս պիծակիք. և չարակամն, որ չէ ձեռնհաս վնաս հասուցանել գործովք, վնասէ լեզուաւ. վասն որոյ 'ի նշանակ Արքիլոքոսի՝ քանդակեցան պիծակիք 'ի վերոյ իւրոյ գերեզմանի 222: Այս է և առաջին Ճիգն նախանձու, որպէս առաւել ևս փոքրոգւոյ. զի չվստահացեալ առաւելուլ քան զայլս արգեամբ՝ ջանայ ցածուցանել զնոսա: Դրանկէս նախանձեալ ընդ քաջութիւն Տուռնոսի, խօսէր զնմանէ չարիս: Կոդրոս նախանձեալ ընդ Խիական քերթած չոմերոսի, գիրս գրեաց ընդդէմ զդանս Ենիականին: Պորկիոս Լատրոն նախանձեալ ընդ աննման ճարտարխօսութիւն կիկերոնի, գրեաց ընդդէմ զդանս կիկերոնի: Գանիչք արժանիք գանից: Ո՛ հաւատայր թէ և 'ի քաջազանց ոք ըմբռնեսցի յայս անարդ մոլութիւն: Կեսար նախանձեալ ընդ համբաւ կատովսի, վասն բարձրացուցանելոյ զնա կիկերոնի, գրեաց նմա զընդդէմն կատովսի: Բայց ամենեքին ապաքէն առաւելեալ զպատիւ այնց առ որս ունէին նախանձ, անշքացուցին զանձինս: Կայ ինչ կենդանի,

որում ոմանք Բոնասոս անուն կոչեն . որոյ ոչ կարացեալ գալարածոյ եղջերք խեթիել զորսորդս , արկանէ 'ի վերայ նոցա կորկ ինչ սեաւ իբրև զժանաք , վառ իբրև զկրտկ , և ժահահոտ իբրև զջուր Ստիւգեան լՃի 223 : Զնոյն առնեն չարա խօսք , այսու առաւելութեամբ զի աղտեղի թանաքաւիրեանց պղծեն միայն զանձինս իւրեանց :

Ճշմարիտ է , թէ ոչ նախանձ և ոչ չարակամութիւն զտեղի առնուն 'ի խօսս կամ 'ի գիրս . զի ամենայն մոլութիւն ունի ինչ շարժումն ոչ դադարուն , այլ գնայուն : Ի չարակամութենէ լինի յառաջել 'ի չարախօսութիւն , 'ի չարախօսութենէ 'ի չարարութիւն , միայն թէ ունիցի ոյժ : 'Նախայիշատակեալն այն Տիմոն Աթենացի , որում Մարդատեաց անուն կոչեին . ոչ թէ ըղձանայր միայն , այլ և ջանայր 'ի չիք դարձուցանել զամենայն ազգ մարդկան : Չեցոյց երբէք ումեք քաղցր երես , բայց միայն առ Ազկիբիադէս խարտեաց մանուկ : Ընդ որ 'ի զարմանալ քաղաքացւոց , ասէ . Մի ինչ զարմանայք . սիրեմ ես զայդ տղայ , քանզի գիտեմ թէ դա լինելոց է կործանումն հայրենեաց մերոց և ամենեցուն ձեր : Այս Տիմոն իւրով մարդախոշոշ իմաստասիրութեամբ ձգէր զմարդիկ ելանել 'ի կախաղան , և միայն սիրէր զկեանս զի կարողացի խնդալ ընդ մահ այլոց : Ել երբեմն յատեան , արար իւրում ժողովրդեան հրաւէր այսպիսի . Կայ մօտ տան իմոյ թզենի գեղեցիկ , յորմէ բազումք 'ի ձէնջ կախեցան . արդ կամ է ինձ կարել զնա . զի ունիմ կանգնել շինուած . վասն այսորիկ թէ ոմանք 'ի ձէնջ կամնցին կախիլ , փութասցին գալ : Իզձ անդթական , այլ անդթագոյն ևս եղե իզձ Յուլիոսի կայսեր . որոյ արդէն վաստակեալ 'ի գլխատելոյ զայնչափ քաղաքացիս մի ըստ միոնէ , ըղձանայր թէ ամենայն ժողովրդեանն լինէր մի միայն գլուխ , 'ի հատանել զայն միանդամայն : Ոչ այսպէս հանրածաւալ է իղձնախանձու , բայց է առաւել դժնդակ : Զի չարակամութիւնն ազատ է և յայտնի . բայց նախանձն , վասն լինելոյ իւրոյ փոքրոգի , է և դաւաճան : Այն ինչ ել աշխարհ 'ի խանձարի չքութեան , եաւս յառաջին երկուս եղբարս զօրինակ դաւաճանութեան : Գուշակութիւն անվրէպ թէ այնպէս վախճան առնուլ ունի աշխարհ , զորօրինակ կալաւ սկիզբն 224:

Այլ ասիցես . Իւ հնար իցէ ինձ զերծանիլ յերկուց այսց ժանտ ախախ , 'ի չարակամութենէ և 'ի նախանձուէ : Սոկրատէս իբրև հարցաւ յԱզկիբիադեայ զիարդ հնար իցէ ինձ խորշիլ 'ի նախանձուէ , ետ սկատասխանի . Եթէ կեցցես ըստ Մարդիտայ , որ եղե յետինն յետսամատց , և անարդաց յունական զօրուն . բայց այս գեղ չար ես է քան զհիւանդութիւնն : Ասպախմատասխանի առ իմաստունս և բարեխրատս այս է : Հանրական գեղ ընդդէմ չարակամութեան և նախանձու՝ է հասանել ցայնչափ վեհ աստիճան՝ դիւցաղնական գործովք քա-

ջութեան, մինչև չարակամութեանն խսկ լինել տարիալի. և նախանձուն ամենեին անյոյս լինել ձգելոյ ՚ի հաւասարութիւն: Թէ փոքր է տռաքինութիւնն, չարակամութիւնն շփոթէ զայն ընդ մոլութեան. թէ միջակային, նախանձն ակն ունի ստնանել: Բայց թէ է գեր ՚ի վերոյ, չարակամն ամաչէ ատել զայն, զի մի լիցի ամենեցուն ատելի. և նախանձուն՝ նախանձիլ ընդ այն, զի մի լիցի ամենեցուն ծանակ: Կա՝ յայնժամ չարակամութիւնն փոխի ՚ի նախանձ, և նախանձն ՚ի նախանձաւորութիւնն, որում հնար է լծակցիլ ընդ օիրոյ: Եւ ևս բարերարութեամբ թափի թոյն չարակամութեան, և ցածութեամբ շիջանի հուր նախանձու, որ ամբարտաւանութեամբ բորբոքի: Ապա եթէ և յետ այսց գեղոց՝ չարակամն կամիցի կալ մնալ ՚ի չարակամութեան, և նախանձուն ՚ի նախանձու, թող նոցա լինել անձնատանջ: Հիարբիաս ՚ի ճիպն մտեալ նախանձու՝ հաւասարիլ պերնախօսութեան Տիմադենէսի, հուսկ ուրեմն սկայթեցաւ:



ԳԻՒՅԻ ԱՅԾՏԱՄԵՍԵՐՈՐԴ

ՅԱՂԱԳՍ ԱՐԴԱՐՈՒԹԵԱՆ ԵՒ ԾԱՑՐԻՑ ՆՈՐԱ

ԳԼՈՒԽ Ա.

Թէ զինչ իցէ արդարութիւն :

ԽՈՐՀՇԴՈՎ առասպելեցին նախնի իմաստասէրք թէ Դիոս
յերկաթի գարուն խիթացեալ թէ ամենայն մարդիկ սրով ՚ի
միմեանց սատակեսցին, առաքեաց յերկիր երկուս զօրութիւնս
փրկականս՝ զԱմօթխածութիւն և զԱրդարութիւն. զի որք
չէին զապեալ զահձինս յազնուական երկիւղէ ամօթոյ, սահ-
ձահարեսցին ՚ի ծառայական երկիւղէ պատժոյ : Ապա իմաստ-
նապէս Արիստոտէլ յետ ամօթխածութեան ՚ի մէջ բերէ
զարդարութիւն : Զօրութիւն քաջ և ահաւոր, միշտ սիրե-
ցեալ և ատեցեալ, բարեացապարտից բարի և վնասապարտից
վնասակար. զի կոյր է առ կաշառս, և խուլ առ աղերսանս.
սուր ՚ի ձեռին ունելով և կշիռ, կշոէ զյանցուածս և պատու-
հասէ : Ապա դշխոյ է սա առաքինութեանց ցայս վայր ՚ի մէջ
երևելոց. և այս եթէ հայեցեալ ՚ի վեհութիւն իւր, զի այն-
չափ բարձրագահ նստի սա ՚ի մէջ նոցա, որչափ բարձրագոյն
գահոյք են կամք՝ քան զզգայական բաղձանս. և եթէ հայե-
ցեալ յիշխանութիւն իւր. իբր զի նոքա ՚ի կարգաւորել զներ-
քին կիրս, հային յառանձնական օգուտ. և սա ՚ի կարգաւո-
րել զարտաքին գործս հայի ՚ի հասարակաց օգուտ. և թէ պա-
հի պահպանէ զթագաւորութիւն : Այլ յայտմ վայրի արժան
է քեզ վերստին յիշել, զոր ասացաք ՚ի սկզբան անդ, թէ զըո-
րեսին գլխաւոր առաքինութիւնս մարթ է մտածել, կամ որ-
պէս չորս առերս պիտանիս իւրաքանչիւրում բարոյական ա-
ռաքինութեան, կամ որպէս չորս մասնաւոր առաքինութիւնս
տրոհեալս յայլմէ ամենայնէ սեպհական առարկայիւ : Ապա
ըստ այսմ արդարութիւնն տարբական գտանի յամենայն ա-
ռաքինութիւնս . ըստ որում յամենայնի ՚ի նոսա պիտի ուղ-
ղութիւն կամաց, և որ գործէ բարոյապէս գործէ ուղիղ : Բայց

արդարութիւնն մասնաւոր, զորմէ է աստանօր խնդիր, ոչ արտայայտի այլով անուամբ, բայց եթէ արդարութեամբ։ Ապա գործ է դժունել զբուն և զգիտնական սահման արդարութեանն, զորմէ յայսմ վայրի են բանք։ առ որ սիտի մեծ աշխատութիւն առաւել քան զոր կարծիցէս։

Արիստոտէլ, վասն զի՞ դժուարին խոյզս ոչ անդէն վաղվազկի 'ի վերայ բերէ սահմանս, այլ 'ի խնդիր լինի այնց, որպէս թէ հոտոտելով զհետ հետոց հասարակաց կարծեաց, զի ապա քննեսցէ խրով դատմամբ, վասն այսորիկ 'ի վերայ առաջինութեանս որ ազնուագոյնն է և պիտանագոյն, բայց ե խրթնագոյն և շփոթ ընդ այլս, յերևելեաց անտի սահմանաց այլոց իմաստասիրաց քաղէ սահման այսպիսի։ Արդարութիւնն է Ռւնակութիւն, որով յօժարի մարդ առ արդար իրս, եթէ առ առնել զնոսա, և եթէ 'ի կամիլ թէ արասցէ։ Անիրաւութիւնն է Ռւնակութիւն, որով յօժարի մարդ առ անիրաւ իրս, եթէ առ առնել զնոսա, և եթէ 'ի կամիլ թէ արասցէ։ Ռւը ունիս տեսանել, զի չէ այս գիտնական և ճիշդ սահման Արիստուակի 'ի վերայ արդարութեան, որպէս ոմանք կարծեն։ այլ բովանդակութիւն ինչ երից սահմանաց այլոց իմաստասիրաց։ որոց սմանք սահմանէին զարդարութիւնն 'ի տրամադրութենէ գատման մտաց, այլք 'ի գործոց, և այլք յունակութենէ կամաց։ Բայց ամենէքին եղեալ զարդարն որպէս ըուն առարկայ արդարութեան, թողուին 'ի տարակուսի՝ թէ զինչ իցէ արդարն։ Մինչ զի սահման սոցա պէտս ունի այլում սահմանի։ զոր օրինակ, եթէ 'ի հարցանել ցնոսա, զինչ է արդարութիւն, պատասխանէին, Ռւնակութիւն որ յօժարեցուցանէ 'ի գործել զգործս արիականս։ Որոց յիրաւի եր անդրէն հարցանել։ Զինչ իցէ գործն արիական, և յայսմ է գլուովն դժուարութիւնն։ Այլ Արիստոտէլ ընկալեալ որչափ ինչ զօրեն այս հասարակաց իմաստք, կոչէ զնոսա առաջին ստուբագրութիւնս արդարութեան, որպէս թէ կամելով ասել, 'ի վերայ այսր ուրուական գծագրութեան գիտէ ինքն ևս արծարծ գունովքներէ զկատարեալ պատկեր արդարութեան ճշգրիտ սահմանաւ, վաղվագակի իբրև յայտ արասցէ թէ զինչ է արդարն։ Բայց և յայսմ վայրի 'ի սահմանաց անտի առնունա զայնոսիկ հանրական ծանօթութիւնս, որք սկիզբն առնեն հորդել նմա ճանապարհ 'ի դժուարինն յայն ձեռնարկ։ Առաջինն է, թէ արդարութիւնն չէ ունակութիւն ուղղիչ կրից, իբրև զայլ առաքինութիւնս, որք կոչին, կարդեալք առ օգուտ անհատին։ այլ ուղղէ զկամս առ գործս արտաքինս որք հային յօդուտ այլոց։ Մինչ զի յայլ առաքինութիւնս նախ մտածի, զիարդ զգածեալ իցէ մարդ։ և ապա թէ զիարդ գործիցէ։ բայց յարդարութեան մտածի նախ՝ թէ զիարդ գործիցէ մարդ, և ապա թէ զիարդ զգածեալ իցէ։ իբր զի դոր-

ծովութիւնք ծնանին 'ի ներքին տրամադրութենէ : Երկրորդ թէ ուղղութիւն կամաց ենթադրէ զուղղութիւն գործնական մտաց, առանց որոյ է նա կոյր գշխոյ՝ անառաջնորդ . իբր զի հնար է կամաց մերժել զուղիղ խորհուրդն, այլ ոչ գործել ուղիղ տռանց ուղիղ խորհրդոյ մտաց: Բայց թէպէտև միաք ճանաչեն զարդարն և զանիրաւն, և կամք ազատ են առ երկաքանչիւրն, սակայն և այնալէս ունակութիւն արդարութեան միտեցուցանէ միայն առ գործս արդարս, և անիրաւութիւնն առ անիրաւս: Զի ճանաչումն ձգի առ երկուս ներհականս . բայց ունակութիւնն է որոշեալ առ մին միայն: Որպէս գիտութիւն առողջութեան հայի յառողջութիւն և 'ի հիւանդութիւն. բայց ունակութիւն առողջութեան միտեցուցանէ միայն առ գործս առողջարարս: Մինչ զի առ 'ի լինել արդար՝ շատ է ունել զունակութիւն արդարութեան . բայց առ ուսուցանել թէ զինչ է արդարութիւն, պիտի և ուսուցանել թէ զինչ է անիրաւութիւն: Հուսկ ասկա կնքէ թէ ունակութիւնք ներքինք ճանաչին յարտաքին գործոց, և 'ի ներհականէն ճանաչի այլ ներհական, և 'ի քանի տեսակս բաժանի մի 'ի ներհականաց, 'ի նոյնքանս բաժանի և միւսն: Վասն այսորիկ արդարութիւն և անիրաւութիւն խկութեամք ճանաչին 'ի գործոց իւրեանց . բայց յանիրաւ գործոց գիւրագոյն և ճանաչին գործք արդարք . և թէ քանի տեսակք են անիրաւ գործոյ, նոյնչափ տեսակք են և արդար գործոյ: Եւ ահա ընդ այս հեռաւոր շրջան իջանէ 'ի ճանաչումն արդար գործոյ, և մասանց նորա, ձգեալ 'ի ներհականէն այսպէս:

Կրկնակի սովոր եմք խմանալ, թէ գործէ ոք անիրաւութեամք . մի եթէ գործէ նա ընդդէմ գրաւոր օրինաց . և երկրորդ եթէ գործէ նա ընդդէմ բնաւոր կամ քաղաքական ուղղութեան: Մին կոչի անօրէն, զի ոչ հատուցանէ օրինաց զիւրպարաս, պարաւոր գոլով պահպանութեան նոցա: Երկրորդն կոչի անիրաւ . զի աւելի առնու 'ի բարեաց, և պակաս 'ի չարեաց քան զարժանն՝ 'ի վարել իւրում զընկերական կեանս: Արդ մեք խօսեսցուք նախ զօրինական արդարութենէ, որ հակադրի օրինական անիրաւութեան: Եւ ապա զաւղղութենէ, որ հակադրի անուղղութեան . անուն կոչեալ նմա արդարութիւն հանրական, և սմա արդարութիւն մտաւոր :

Գ. Լ. ՈՒ Խ. Բ.

Յաղաց օրինական կամ համերական արդարութեան :

Օրէնք են դրական և հրապարակական կանոնք քաղաքական կենաց՝ կարգեալք առ երջանկութիւն հասարակապետութեան։ Ապաքէն լուար, թէ երջանկութիւնն առաւելապէս հաստատեալ կայ յառաքինութեան, որ գերագոյնն է 'ի մարգկային բարիս։ Եւ վասն այսորիկ նիւթ օրինաց ընդ իւրեւ փակէ զամենայն առաքինութիւնս, առ ՚ի վանել 'ի հասարակութենէ զամենայն մոլութիւնս որք ուղղակի հակառակին երջանկութեան, որպէս ախտք՝ կատարեալ առողջութեան։ Բարձ զմոլութիւնս, և ահա բարձեր զօրէնս։ Վիկուրգոս չետ գրաւոր օրէնս Սպարտացւոց։ զի փոխանակ օրինաց ունէին բարի բարս դրեալս 'ի բնէ 'ի կենդանի կուրծս, և ոչ յօրէնս դրաց 'ի մեռելուակ մաշկս։ Ոչ կային օրէնք յոսկեղէն դարուն, զի ոչ կային ապիրատութիւնք, յայնժամ ծնաւ իրաւախոհութիւն, յորժամ ծնաւ անիրաւութիւն։ մոլութիւնք եղեն սկզբնապատճառք գեղեցիկ առաքինութեանս, որպէս հիւանդութիւնք եղեն սկզբնապատճառք արուեստի բժշկութեան։ Ապա քանզի արդար է վախճան օրինաց, արդար են և օրէնք։ և թէ չէին արդարք, ոչ լինէին օրէնք, այլ խեղդք հասարակաց ազատութեան, և գեղատուութեան թուլչութիւնք։ Արդ եթէ իւրաքանչիւր քաղաքացի մասն է հասարակութեան, և ամենայն մասն համաձայնիլ ունի իւրում բոլոր մարմնոյ, յայտ է թէ օրէնք որք սկարտաւորեն զբոլոր մարմինն, պարտաւորեն և զիւրաքանչիւր մասն լինել առաքինի 225։ Այո, առաքինութիւնք խեկ սկարտաւորեն զմարդ խորշիլ 'ի մոլութեանց։ Ժուժկալութիւնն 'ի զեղսելոյ։ արիութիւնն 'ի զէնընկէց լինելոյ, հեղութիւնն 'ի սպանանելոյ։ Բայց քանզի յոլովակի կամքն հակառակի բանին և իւրում օդակի, արդարութիւնն օրինական, 'ի վերայ բնաւոր պարտաւորութեան որ հայի յօդուատ անհատին, յաւելու զպատժական խստութիւնն, բուռն առնել ստամբակելոց, զի իցեն արդարք հայելով 'ի հասարակաց օդուատ։ Եւ ոչ վասն այսր գրաւոր օրէնք բռնաբարեն զազատութիւնն, զի են համաձայն օրինաց ընութեան։ թէ ոչ է արժան յափշտակել զօտարին, և ոչ սպանանել զանսպարան, և ոչ երդնուլ սուտ, և ոչ զինիլ ընդդէմ հայրենեաց, կանոնք են։ որք ըստ որում թելադրին մարդոյ յառաքինութենէ, կոչին բնական օրէնք։ Բայց ըստ որում հրատարակեալ են ժողովրդեան յօրէնսդրաց, կոչին օրինական և հանրական արդարութիւն։ Ապա ոչ այլ ինչ է

արդարութիւնն օրինական, բայց նոյն ինքն առաքինութիւնն ըստ այլեւայլ հայեցուածոյ: Վասն զի ըստ այնմ որ բարի առնէ զենթակայն՝ յոր գտանի, կոչի ունակութիւն առաքինական. իսկ ըստ այնմ որ հայի 'ի հասարակաց օգուտ, կոչի արդարութիւն: Բաղումք բարիոք են վասն հասարակաց, որք չեն բարւոք յանձինս իւրեանց. և են որք բարւոք և առաքինի են յինքեանս, բայց վասն հասարակաց են անպէտք: Բարւոք ասց Բիաս, իշխանութիւնն յայտ առնէ թէ որպիսի ոք է մարդ: Ո՞ր թագաւոր եղեւ անմեղ քան զբարեպաշտն Հռամիրոս, յոր թագաւորեցին տմենայն առանձնական առաքինութիւնք. բայց ծանուցաւ նա այնչափ անբաւական 'ի հրամայել հասարակաց, մինչեւ ընտրեցաւ հրամայել անձին միայնոյ 'ի սենեկի ուրեք 226: Ոյք եղեն առաւել ապիրատք և յամենայն մոլութիւնս շաղախեալք քան զՊատրիկոս և զԾրեբոնիանոս. և ահա սոքա եղեն ճարտարապետք քաղաքական իրաւանց, առտգիտագունիւն 'ի կայսերս. որոյ առեալ զօրէնս 'ի կնոջէ ետ օրէնս ամենայն աշխարհի 227: Ապա կնքէ Արիստոտէլ, թէ արդարութիւնն օրինական դշխոյ է առաքինութեանց, վասն երկուց, մի զի փակէ ընդ իւրեւ զամենայն առաքինութիւնս, և երկրորդ զի հայի 'ի հասարակաց օգուտ, և առաքինութիւնք որք առաւել օգտեն, են մեծագոյնք, որպէս և մոլութիւնք որք առաւել վնասեն, են յոռեգոյնք:

ԳԼՈՒԽ Գ.

Յաղագս ուղղուրեան կամ մասնաւոր արդարուրեան:

Թէպէտ ամենայն առաքինութիւն համաձայն է թելադրութեան բնական օրինաց, սակայն ոչ ամենայն առաքինութիւն յատկապէս կոչի արդարութիւն և ուղղութիւն մասնաւոր: Երեխն մոլեկան ինչ արարք առ մարդիկ. որոց չիք այլ անուն մոլութեան, բայց անուղղութիւն կամ անհաւասարութիւն 'ի հաղորդել կամ 'ի բաշխել զբարիս և զշարիս յընկերութեան մարդկան: Փախուստ 'ի պատերազմէ և արբեցութիւն և կոիւ, թէպէտ խոտորումն են 'ի բնական օրինաց. սակայն և այնպէս ունին զսեպհական անուն, զվեհերութիւն, զանժուժկալութիւն և զցասումն: Բայց առնուլ վնասուք այլոց՝ յաւետ 'ի բարեաց կամ նուազ 'ի չարեաց, չունի զայլ անուն մոլութեան, բայց զանհաւասարութիւն, որ թէ զտեղի առնու յառանձնաւորս, կոչի անիրաւութիւն մասնաւոր: Այս, երբեմն մոլութիւնք ձեռն տան միմեանց: Որպէս գորգոնեան դստերք փոխ տային միմեանց զմունաւոր աչս,

որ էր նոցա հասարակաց 228. այսպէս մի մոլութիւն փոխայ միւսումն զիւր չարութիւն։ Ուստի և դեպ լինի անիրաւութեան շփոթիլ ընդ այլում մոլութեան, յորում խառնութեան գործն մոլեկան առնու զանուն՝ ի գլխաւոր վախճանէ գործողին։ Որ գողանայ վասն շնալոյ, առաւել շնացող է, քան գող։ և որ շնայ վասն գողանալոյ, առաւել գող է, քան շնացող։ առաւել անիրաւ, քան անժուժկալ։ Երկու յանցանք ընթացակցին՝ ի մի յանցուած։ և գլխաւոր դիտումն առաւելապէս տեսակաւորէ զգործն։ Բայց սեպհական չարութիւն մասնաւոր անիրաւութեան, թէպէտ և խառն իցէ ընդ այլ մոլութիւնս, է միայն անիրաւութիւնն, զոր ոմանք կոչեն անուղղութիւն։ Արդ եթէ գտանի անիրաւութիւն ինչ մասնաւոր հիմնեալ յանուղղութեան, հարկ է թէ իցէ և արդարութիւն ինչ մասնաւոր հիմնեալ յուղղութեան, 'ի չառնուլ վտան իւր, և 'ի չբաշխել յայլս յաւէտ 'ի բարեաց կամ նուազ 'ի չարեաց՝ քան զարժանն։ Այս կշիռ է զոր ունի 'ի ձեռին օրիորդն Աստրեա, այսինքն է անկաշառ արդարութիւնն։ որում անհնար է լինել արդար, եթէ երկաքանչիւր թաթք չիցեն զուգակշիռ 229։ Այս այն չափ է, զոր դնեին 'ի ձեռս Կեմեսեայ աստուածուհւոյ, որոյ մէջն էր արդար։ և որ ինչ խոտորիւր 'ի ծայրս կամ առաւելոյր քան զմիջասահման, էր անիրաւ։ Կշանակ է չափուս գաւաղանն արքունի կամ իշխանական։ Կշանակեալ զենթակայն արդարութեան, զկոչեցեալն ուղիղ, արդար, և հաւասար։ Ապա արդարութիւնն է անուն հանրական, որ փաղանունաբար բաժանի յարդարութիւնն օրինական և յուղղութիւն։ գեղեցիկ քոլք և արժանի ծնունդք երկնայնոյն Աստրեայ։ բայց կրտսերն հասակաւ երիցագոյն է յաւագութեան։ և անդրանիկն վասն զի է անմեղագոյն, չի ինչ մէծարդի։ Այնչափ մանկագոյն է արդարութիւնն օրինական քան զարդարութիւն մասնաւոր, որ չափ նախնագոյն է ուղղութիւնն քան զօրէնս։ Բայց նա ընդաշխարհի ծնեալ, չունելով զայլ օրէնս բայց զբնութեանն, յանձուկ և 'ի ծխամած հիւզս անզէն և անմեղ հովուաց, առաւել սիրեցեալ քան ահընկէց, եկեաց առանձինն։ Բայց արդարութիւնն օրինական ծնեալ զինի 'ի գարս Հռագամանթեանց և Դրակոնաց 230, շուրջ պահ ունելով ձաղկաւորաց և սպասաւորաց՝ նստի թագազարդ յաթոռ արքունի, առաւել երկրպագեալ քան սիրեցեալ։ իբր զի ոչ յոյժ է սիրելի, որ ահընկէցն է։ Ապա նմանք են միմեանց և աննմանք։ Կմանք ըստ ենթակայի, զի երկաքանչիւրն են առաքինութիւնք համառնչականք, զի արամագրեն զկամս առ արտաքին գործս, ոլք հային յայլս։ Բայց աննմանք ըստ վախճանի, ըստ նիւթոյ, ըստ առարկայի և ըստ տեսակի։ Իբր զի օրինականն, հիմնեալ 'ի հրապարակական իրաւունս հայի 'ի հասարակաց

բարին , ուղղութիւնն ամփոփեալ յառանձնական իրաւունք՝ հայի 'ի մասնաւորաց բարին : 'Սա յածի զբարեօք , որոց անհընար է լինել չար , այսինքն է զառաքինութեամբք , որ միշտ են բարի : Սա յածի զբարեօք , որոց հնար է լինել չար այսմ կամ այնմ մասնաւոր ենթակայի . այսինքն է զմարմնական բարեօք , զընչիւք կամ զպատուով : 'Սա պէսպիսանայ ըստ սլէսպիսութեան տեղեաց և ժամանակաց ըստ դատման օրէնսդրին : Բայց ուղղութիւնն թելադրեալ 'ի բնութենէ 'ի հանրական մօրէ , յամենայն տեղիս է նոյն :

Գ Լ Ո Ւ Խ Պ.

Յաղագս զերարդարութեան :

Ի մէջ օրինաց և ուղղութեան է միջական ինչ արդարութիւն , որ մեկնէ զօրէնս ըստ ուղղութեան , և սա կոչի գերարդարութիւն : Զօրէնս արդարս պարտ է սրբութեան պահել , զանիրաւս 'ի սպառ նանրացուցանել , զերկբայականս՝ իմաստութեամբ մեկնել : Մետեղոս փոխեաց զօրէնս թուրացւոց յօրէնս չոռվմէականս՝ բազում առաւելթութեամբ արդարս . և Աթենացիք յօրէնս Սոլոնի փոխեցին զօրէնս Դրակոնի , զօրէնս արդարեւ վիշապի և ոչ մարդոյ . գրեալս արեամբ և ոչ մելանաւ . զի զամենայն թեթև ինչ վրիպակ պատուհասէր ծանու տանջանօք , բառնալով զգեր 'ի վերոյն 'ի բարիս բնութեան յայնմանէ , որոյ բարձեալ իցէ յայլմէ զդուղնաքեայ իմն 'ի բարեաց բախտի : Անագորուն էին օրէնք թուասայ արքայի 'ի Տաւրիս , զոհել Արտեմեայ զամենայն զպանդուխտս : Վասն այսորիկ այն ինչ կամէին զոհել զպանդուխտն Ովթեստէս , նա ինքն զոհեաց զօրէնսդիրն , և արեամբ նորա ջնջեաց զնորուն օրէնս 231 : Հռովմայեցիք ոչ ջնջեցին զօրէնս երկոտասան տախտակաց 232 , այլ մեկնեցին . վասն այսորիկ իրաւախոհք նոցա ոչ կոչեցան նորոգիչք , այլ թարգմանիք օրինաց : Են պատկերք յորս թէ հայիս 'ի միոջէ կողմանէ՝ երևին այլանդակ իմն . և թէ 'ի միւսմէ , երևին գէմք մարդկային : Սոյնպէս օրէնք ինչ թէ հայիս 'ի նկարադիրն , երևին գժընդակք . թէ մեկնես 'ի բարի՝ գերարդարութեամբ , լինին մարդկայինք : Չարութիւնն միտէ առաւել յազատութիւն քան յօրինապահութիւն , և վասն այսորիկ օրէնք առաւել միտեն յահարկութիւն քան 'ի գթութիւն : Բայց գերարդարութիւնն որպէս քննող և միջնորդ երկոցուն , հայեցեալ յաւէտ 'ի միտս քան 'ի խօսս օրէնսդրին , բարիոք օրէնս համարի խուսել երբեմն 'ի հրապարակական օրինաց : Բնութիւնն , որ

՚ի վերայ իւրոց երախտեաց ոչ երբէք ստրջանայ, հայի ՚ի պահպանութիւն իրաց ինքնաբերաբար, այլ յեղծումն՝ ըստ պատահման: Եւ ուղղութիւնն որ նմանող է բնութեան, հայի առաւել ՚ի պահպանութիւն քան ՚ի պատուհաս քաղաքացւոց: Կրէովի ՚ի կոտորածի թերեացւոց ամբարձեալ ՚ի թագաւորութիւն թերեին՝ խիստ օրինօք հրամայեաց. զի կենդանւոյն թաղեսցի, որ զմեռեալ թերացի թաղեցէ: Անտիգոնէ գթած կին, ընդդէմ հրամանին՝ թաղեաց զՊողինիկէ զիւր եղբայր: Կոչեցեալ սորա առաջի կրէովի ՚ի դատաստան, համարձակ ետ պատասխանի. Հնազանդ եղէ կրէովի օրինաց. ոչ այնմ, զոր յերէկ և յեռանդն եղիր դու թերացւոց. այլ այնմ, որ յամենայն յաւիտեանց եղեալ կայ ՚ի վերայ ամենայն ժողովրդոց: Այս էր օրէնք բնութեան, զոր և մըջիւնք պահեն. և այս է ուղղութիւնն, որով Անտիգոնէ մեկնեաց առաւել ևս ողջմտութեամբ զօրէնս կրէովի, քան զնոյն ինքն կրէովի, որոյ եղեալ էր զայն. այսինքն, թէ այն արդելումն ոչ ՚ի ներքս փակէր զքոյր մեռելոյն, վասն լինելոյն ընդդէմ բնական իրաւանց:

Ապա առաջին դործ գերարդարութեան է չափաւորել ուղղութեամբ զնստութիւն գրաւոր օրինաց. զի ծայրադոյն խստութիւնն է ծայրագոյն անիրաւութիւն: Երկրորդ դործն է: ՚ի լրումն ածել մեկնութեամբ զհամառօտութիւն օրինաց: Յերկոտասան տախտակս օրէնք էին սակաւք, և բանք սուղք. և Պղատոնի կամք են, այսպիսի լինել օրինաց: Զէ օգուտ կառավարութեան հասարակութեան բազմութիւն օրինաց: Յորժամ հատանի ինչ ուռ յորթոյ, բազում ուռք շառաւիզեն, և ՚ի հօտոցէ անտի առնուն բեղնաւորութիւն. և հօտոց օրինաց յաճախէ զյանցուածս՝ յաճախելով զարդելմունս: Եւ ևս առաւել չէ օգուտ բազմութիւն բառից, զի որպէս ասէ Սենեկա, ՚ի վերայ իւրաքանչիւր բառի օրինաց ծնանի ինչ վէճ: Յուլիոսի կայսեր կամք էին ամփոփել զքաղաքական իրաւունս ՚ի դուղնաքեայ ինչ մատեան, բայց սուր դաւադրաց խողլսողեցին զայն գեղեցիկ դործ ՚ի սիրա նորա: Վասն այսորիկ այն առաջին օրէնք էին իբրև զպատասխանատութիւնս պատգամախօսից. այնչափ արդոյք, որչափ էին սուղք: Այլ զոր օրինակ մէհենապեան իբրև յոդեշարժ ազգմանէ թարգման լինէր պատգամախօսին, ՚ի լրումն ածեալ զոր նայն լուէր, նոյնպէս այր իմաստուն զհետ երթեալ ուղղութեան բնութեան մեկնէ զհամք օրէնս, և խօսեցուցանէ զմեռեալ օրէնսգիրն իւրով բարբառով: Ապեղէս նկարէր զգլսաւոր ձևս, թողեալ իւրոց աշակերտաց նկարել զմանրամանը գծագրութիւնս, զորս կոչէր նա յաւելուածս և գեղերեսութիւնս պատկերին: Ըստ սմին օրինակի գլսաւոր նկարգրութիւնք քաղաքական կենաց նկարագրեցան ՚ի վերայ

այնց երկոտասան տախտակաց, թողեալ զի 'ի մասնաւորս ուղղութիւն թարգմանին տացէ գործոյն զլրումն: Թող զի թէ և օրէնք լինէին ճոխք, յոյժ գժուարին լինէր հպեցուցանել զնոսա անհատական դիպուածոց, զորս օրէնսդրին անհնար է տեսանել 'ի հեռաստանէ. զի անհնար է նմա լինել յառաջատես, ոչ գոլով գուշակ: Պարագայքն են որք տեսակաւորեն կամ ծանրացուցանեն և կամ նուազեն զյանցանսն: Դատապարտեն օրէնք զայն որ խոցէ զայլս: Գուցէ խոցիցէ ոք, բայց թէ թէ. ծանր խոցիցէ, բայց ակամայ. կամաւոր իցէ հարուածն, բայց ոչ աղատ. աղատ իցէ, բայց գրգռեալ 'ի ծանր վնասուէ. Որ զայլ ոք գրգռէ, խնդրէ զվնաս անձին, և անիրաւութիւն ոչ լինի այնմ որ 'ի խնդիր է նորա: Ճարտարապեաք 'ի յղկել զկիճս բոլորչի սեանց, ոչ 'ի գործ ածեն զքանոն Պողիկետեան, որ 'ի խիստ և յանձնալուկ երկաթոյ. այլ զքանոն Աւսբեան որ 'ի կապարէ, ուղիղ միանդամայն և ծեքական, յարեալ յարմարեալ ոչ զկիճն քանոնի, այլ ըգքանոնն կճոյ: Կանոն երկաթի են օրէնք, և կանոն կապարեայ է ուղղութիւն. Երկաքանչիւրն ուղղորդք, զի հիմնեալ են 'ի բանն: Այլ այն անայլայլակ հայեցիւք 'ի դիպոցածն, և ոչ 'ի պարագայս է կարի իմն խիստ: Եւ սա հայեցիւք 'ի պարագայս է գողտը և այլայլակ, պատշաճեալ զօրէնս դիպուածոյ, և ոչ զդիպուածն օրինի:

Պիտոյ է գերարդարութիւն և 'ի միաբանել զօրէնս, յորժամ երեխն անմիաբան միմեանց: Էր օրէն ինչ յԱթէնս, զի մի ոք 'ի պանդխտաց եցի 'ի վերայ պարսպի: Էր միւս ևս օրէնք որ հրամայէր, զի 'ի հնչել ձայնի վառելոյ 'ի զէն, առ հասարակ ելանիցեն 'ի վերայ պարսպի: Սողոն օրէնսդիր օրինաց թուեցաւ խոսիլ պատուածոյս: Ապա իբրև պաշարեցաւ Աթէն, քաջն Սեմպրոնիոս 'ի պանդխտաց անտի ել 'ի վերայ պարսպին, և 'ի վայր հոսեալ զթշնամին՝ զելեալն 'ի պարիսպ անդր կանդնել յաղթութիւն, զերծոյց զքաղաքն: Առ կայթիւն հասարակաց կոչեցաւ Սեմպրոնիոս յանաչառ ատեան Արիսպագին: Ամբաստանեցաւ, որպէս թէ զընդդէմն գործեաց պանդխտական օրինաց. և ջատագովեցաւ յայլմէ օրինէ համախուռն յարձակման: Օրէն ընդ օրէն մաքառէին: Սա ընդհանրութեամբ ցրէր զմասնաւորն. նա մասնաւորութեամբ ցրէր զընդհանուրն, և սղորմելին յերկուց օրինաց միջի կայլ ընդ ուռն և ընդ սալ, ընդ յաղթանակ և ընդ պատուհաս: Ապա պէտք եղեն գերարդարութեան. զի 'ի բացատրել զերկաքանչիւրն օրինացն զվախճան, յաղթականն մի գատապարտեսցի յԱթէնացոց. և Աթէնացիք մի լիցին վատանուն, թէ սպանին դյաղթականն առ չլինելոյ նմա վարձահատոյց:

Ապաքէն 'ի միտ առեր թէ արդարութիւնն օրինական հայի յօդուտ հասարակաց, և մասնաւորն յօդուտ առանձնական:

Ուստի և վերաբերին՝ նա 'ի քաղաքականութիւն, զի արասցէ քաջ օրէնսդիրս. և սա 'ի բարոյականն, զի արասցէ քաջ քաղաքացիս։ Արդ Արիստոնէլ երկոցուն գիտութեանցս ու սուցչապետ՝ զՃառս օրինական արդարութեան պահեալգրոց քաղաքականութեան, ճառէ աստանօր միայն զմասնաւոր արդարութենէ. բաժանեալ զայն յերկուս տեսակս հաւասարս, ըստ երկուց գլխաւոր գործողութեանց նորա։

Գ. Լ. Ո Ւ Խ Ե .


**Յաղացս արդարութեան տրամարաշխականի և
փոխարինականի ընդհանրապէս։**

Տրամարաշխական արդարութիւնն է, որ 'ի բաշխել զբարին հասարակաց առ բազումս, պահէ զհամեմատութիւն երկրաչափական, ըստ հանդամանաց ընդունողին։ Փոխարինականն է որ պահէ զհաւասարութիւն թուաբանական 'ի փոխարինութիւնս և 'ի դաշինս որ 'ի մէջ առանձնաւորի և առանձնաւորի։ Երկաքանչիւրն տայ իւրաքանչիւրում զիւր արժանն հաւասարութեամբ. բայց հաւասարութիւն տրամաբաշխականին է համեմատական, 'ի չափել նորա զհանդամանս անձին ընդունողի։ Հաւասարութիւն փոխարինականին է անբաժանելի, 'ի չափել նորա զհանդամանս իրին, զոր պարտն է տալ։ Երկաքանչիւր հաւասարութիւն հաստատեալ կայ 'ի միջասահմանութեան։ զի տան ոչ յաւէտ և ոչ նուազ քան զպահանջել բանին։ Եւ վասն այսորիկ երկաքանչիւրն են առաքինութիւն, զի առաքինութիւնն զմէջն ունի զերկուց ծայրից։ Եւ մի ինչ գժուարին լիցի քեզ իմանալ, թէ զիարդ մին երկրաչափական կոչիցի և միւսն թուաբանական։ Թուաբանական կոչի փոխարինականն, զի հաստատեալ է 'ի մէջ անբաժան, իբրև զթիւս այսպէս։ Տիտիոս պարտի Սեմպրոնիոսի վասն ընչից գնելոց վՃարել հարիւր լիպրա ոսկի։ Սա է գաշն փոխարինական։ և հարիւր լիպրայն է թիւն, յորում հաւասարին պարտք և առնլիք. զի թէ վՃարի հարիւրի հարիւր, մնայ և ոչինչ։ Վասն որոյ 'ի կոչել Սեմպրոնիոսի զՏիտիոս 'ի գատաստան, իբր զի ոչ կայ 'ի խոստաման, եթէ գատաւորն առնու 'ի Տիտիոսէ հարիւր լիպրա ոսկի, և տայ Սեմպրոնիոսի, լինի արդարութիւն փոխարինական, և հաւասարութիւն թուաբանական, զի թիւն է զուգահաւասար։ Բայց արդարութիւնն տրամարաշխական կոչի երկրաչափական, զի հաստատեալ է 'ի համեմատութեան երկու իրաց առ երկու իրս։ Տիտիոս սակարկէ ուտեստ երկուց ծառայից, որոց մին է կար-

Ճիկ, և միւսն սկայ: Յայտ է թէ նոյնաքանակ կերակրով կար Ճիկն ապրի, այլ սկայն սովամահ մեռանի: Աւան այսորիկ կամք են օրինաց, զի տացի կերակուր ըստ համեմատութեան անձին: Ապա պարա է խնամածու բաշխողին հայիլ, որչափ ինչ Ճահողական իցէ կարճիկն, և ըստ համեմատութեան որ չափ ինչ Ճահողական իցէ մարմնոյ՝ քառապատիկ մեծ եղելոյ: Արդ այս համեմատութիւն հաստատի 'ի չորս ծագս տարան ջատա. այսինքն յերկուս իրս, որք տուեալ լինին, և յերկուս անձինս, որք ընդունին. և այս ծագք դրոշմին 'ի ձեւ երկրաչափական ինչ քառակուսոյ: Առաջին ծագն է կարճիկն, և երկրորդ կերակուր կարճիկն: Երրորդ սկայն, չորրորդ կերակուր սկային: Արդ զայս կերակուր հաշուէ խոհական բաշխողն 'ի կերակրոյ կարճիկն կանոնաւն համեմատութեան՝ որ կոչի կանոն ոսկի: Եթէ առ սնունդ երկթղաչափ կարճիկի պիտի երկու լիպրա ցորեան. քանի լիպրայք պիտոյ իցեն վասն ութ թղաչափ սկայի: Ապա յայնժամ պահի արդարութիւնն արամաքաշխական և երկրաչափական, յորժամ չորրորդ ծագն զնոյն համեմատութիւն ունի ընդ երրորդին, զորինչ երկրորդն ընդ առաջնոյն. և փոխադարձեալ, յորժամ երկրորդն զնոյն համեմատութիւն ունի ընդ չորրորդին, զորինչ առաջինն ընդ երրորդին, այսպիսի իմն ձեւով:

Բ. Կարճիկն.

Գ. Սկայն.



Բ. Երկու լիպրա.

Գ. Ութ լիպրա:

Եւ արդ քանզի բացատրեցան եղելք արդարութեանն երկրաչափականի և թուաբանականի, արամաքաշխականի և փոխարինականի, սկիզբն արասցուք խօսիլ զերկաքանչիւրոցն ուրոյն:

ԳԼՈՒԽ Զ.

Յաղաց տրամաբաշխական արդարութեան :

Եթէ իւրաքանչիւր քաղաքացի մասն է հասարակութեան, պարտ է նոցա բաժանորդ լինել բարեաց և շարեաց հասարակութեան. զի զայս պահանջէ ընկերութիւն և արդարութիւն. Այլ աստանօր մարթ է քեզ խնդրել երկու ինչ: Մի՛ եթէ սպարա իցէ իւրաքանչիւրում՝ բաժանորդ լինել թուաբանորէն, ըստ համեմատութեան հանդամանաց անձանց: Երկրորդ, որ իցէն հանդամանք որք առնեն զանձինս յաւետ կամ նուազ արժանաւորս: Երկաքանչիւր տարակոյս կախեալ կայ զկարգաւորութիւնէ հասարակութեանն բաշխողի, և զբնութիւնէ բարեացն բաշխելոց. որովհետև բարիք զհետ երթան արժանաւորութեան, և արժանաւորութիւնն զհետ երթայ կարգաւորութեան հասարակութեան: Չորք են ըստ Արիստոտէլի, պարզ կարգաւորութիւնք հասարակութեան. Միապետութիւն, որ է կառավարութիւն միոյ իշխանաւորի. Աւագակետութիւն, որ է կառավարութիւն առաքինեաց: Ազնուապետութիւն, որ է կառավարութիւն ազնուականաց. Ժողովրդապետութիւն, որ է կառավարութիւն ժողովրդականաց: Բայց 'ի պարզ կարգաւորութեանց աստի լինին պէսպէս խառնուածոյք. որպէս 'ի չորից պարզ գունոց բաղադրին անքաւ գոյնք: Միապետութիւնն է կառավարութիւն ազնուագոյն բայց ըստ կառավարողին այլ ծանրագոյն ըստ կառավարեցելոյն. իբր զի ամենեքին կախեալ կան զակնարկութիւնէ միոյ ուրուք: Աւագակետութիւնն է կառավարութիւն սակաւոց առաքինեաց և իմաստնոց. որպիսի էր կառավարութիւն փիլիսոփայից և մոդուց և քրմաց եգիսկացւոց: Զազնուապետութիւնն Արիստոտէլ կոչէ կառավարութիւն փարթամաց. զի նա զազնուականութիւնն սահմանէ հնութիւնն զարմի հանդերձ փարթամութեամբ: Փարթամութիւն առանց ազնուականութեան է նախանձելի. և ազնուականութիւն առանց փարթամութեան է ծիծաղելի: Եւ այսպիսի եղե կառավարութիւն Հռովմէական ծերակուտին յետ թագաւորաց, և յառաջ քան զարիքունութիւն: Մինչև թուոյ տեարց մեծ լինել քան զաւադպետականն, և փոքր քան զժողովրդապետականն: Իսկ ժողովրդապետութիւնն է կառավարութիւն առաւել անարդ, բայց առաւել աղատ. զի համակ են ժողովրդականք, բայց և համակ ինքնիշխանք. վասն զի այնչափ աղջէ քուարկութիւն ոստայնանկի, որչափ գիտնաւորի, որ-

պէս 'ի Սպարտա : Ասլա 'ի ժողովրդապետութեան նա է առաւել արժանաւոր և բարեացապարտ, որ առաւել սկինդ ունի զհասարակաց աղատութիւն . յազնուապետութեան՝ նա որ է առաւել . աղնուական յաւագպետութեան՝ նա որ է առաւել առաքինի և 'ի միասկետութեան՝ նա որ աւագամեծար է առ արքայի : Բայց որպէս յամենայն մարմնի կան սինդամք մի քան զմի աղնուագոյնք, թէպէտ և 'ի նմքն կաւոյ ստեղծեալք, սոյնակէս ամենայն հասարակապետութիւն թէպէտե ժողովրդական, է յօդաւորեալ 'ի բազում կարգաց մի քան զմի արժանաւորաց ըստ պաշտամանց և սպասաւորութեանց վերագունից, միջակայնոց և ստորնոց : Յամենայն բարեկազմ հասարակապետութեան միշտ եղեն քահանայք, իշխանաւորք, զօրականք, արուեստաւորք . բայց ըստ կազմութեան հասարակապետութեան՝ աստիճան քան զաստիճան էր առաւել յարգական . 'ի թերե քահանայք, Ամենս գիտնաւորք . 'ի Սպարտա զօրականք, 'ի Հռովմ աղնուականք . և 'ի հասարակապետութեան ինչ սպանդապետք : Թող զի անձն ոք բարեացապարտ հասարակաց միշտ յաչս հասարակաց է մեծարդի : Մինչ զի յամենայն հասարակապետութեան թէպէտ և թուաբանական, դատանի միշտ երկրաչափական ինչ համեմատութիւն անձանց :

Միւս տարակոյսն է զբարեօք զորս հասարակութիւնն հաղորդէ իւրոց առանձնաւորաց : Վասն զի ոմանք են սակարկեալք հանդերձ պարտաւորութեամբք, որպէս թոշակք քաղաքականք և զինուորականք, և վարձք գործաւորաց : Այլք պարգևականք 'ի սկասիւ . որպէս յավթանականք, պսակք, և առանձնաշնորհութիւնք վասն քաջադործութեանց եղելոց 'ի ծառայութիւն հասարակաց : Այլք պարտաւորիչք միանդամայն և սպատուաւորք . որպէս աւագութիւնք, հանդերձանք հիւպատոսականք, և գործակալութիւնք զինուորականք և պազաւաւորականք : Այլք սոսկապէս ձրիականք 'ի յանկուցանել զսիրտ քաղաքացեաց և զօրականաց . որպէս առւչութիւնք պարգևականք, տրովք դրամոց՝ կամ չափու ցորենոյ, կամ բաշխիւք կալուածոց և աւարաց : Այս ամենայն է առարկայ արդարութեան . այլ ոչ ամենայնն տրամաբաշխականին : ՎՃարք և թոշակք՝ թէպէտե առ անհաւասար անձինս, վասն զի են սակարկեալք, ոչ բաշխին երկրաչափական արդարութեամբ այլ թուաբանականաւ . վասն զի ոչ լինի հայելովլյորակ ընդունովին, այլ 'ի քանակն ճշգիւ պարտաւորեալ . և ոչ մտածի հասարակութիւնն որպէս վերագոյն ոք առ իւր հպատակ, այլ որպէս առանձնաւոր ոք առ առանձնաւոր . վասն զի փոխագարձ դաշնն հաւասար պարտաւորէ զդաշնադիրս : Ի հասուցմունս պատուաւորս, յորս ոչ է ճիշդ պարտաւորութիւն սակարկութեամբ, այլ պատշաճողութեամբ և

հասարակաց օրինակաւ, տարտ է զի՞ թաշխոյս պահեսցի արդարութիւն երկրաչափական, ըստ համեմատութեան անձանց. զի մի կանգնեսցի արձան քարեղէն մեծին Պոմալէոսի, և արձան ոսկեղէն Դեմետրի իւրոյ աղատագրեալ ծառայի: Եւս առաւել զի նշանակք պատուոյ յոլովակի սակաւագին են պատուողին, և թանկագին պատուեցելոյն: Մեծապէս շնորհապարտ է Հռովմ Առափաղիոսի՝ շնուռածոց գործակալի, որ նախ առաջին վարձահատոյց եղեւ ծերակուտին շքով, վասն զի որ յառաջն սինկղիտոսք և ազնուականք զամս հինգ հարիւր նստէին խառն ընդ ժողովրդականս 'ի թատրոնի, սա ետ նոցա տեղի աղնուականագոյն. որով տրամաբաշխական արդարութեամբ ձգեաց յանձն զսէր ամենայն աղնուականաց, և զատելութիւն ամենայն ժողովրդեան: Բայց առաւել ևս շնորհապարտին ամենայն հասարակապետութիւնք աթենականին, որ եղեւ առաջին 'ի տալ յարդ անգին՝ տերեոց ծառոց, պակեալ զյաղթականս ոստով ձիթենւոյ: Տերեք այնիր անկոյ ճարակ մատուցին զինուօրական եռանդեան, քան հիւթ նորա լապաերաց: Այլ չէր գիտելի, յաղթականն զպսամին պատուէր թէ պսակն զյաղթականն: Յայնմ օրէ ձիթենիք եղեն թանկագին և արիւն թեթեագին, 'ի հեղուլ մտրտկաց զարիւն 'ի ճակատամարտի, զի բարձեալ ունիցին ճիւղ մի: Առաւադութեամբք 'ի կիր արկանին կրկին արդարութիւնք. տրամաբաշխականն, 'ի համեմատել զպաշտօնս անձանց, և փոխարինականն 'ի վճարել զսակարկեալ թոշակս: Աւագութիւնք են ծանրութիւնք պատուաւորք, և պատիւք ծանրաբեռնք: Եւ վասն այսորիկ յիրաւի կոցին և բեռինք, զի տարժանաւորք են 'ի վարել, և ծանրածախք 'ի տոկալ, թէ ոչ թեթեաբեռնին օդաիւ և սլատուով: Վպա պիտոյ են երկու արդարութիւնք 'ի բաշխել զաւագութիւնս անձանց, զի մի առ անընդունակութեան գնոց գնիցեն, կամ առ աղքատութեան վաճառեսցեն զարդարութիւն: Եւ այս լաւ ևս լինի 'ի միապետութեան, քան յայլ հասարակապետութիւնս: Զի յաւագպետութեան առաւել առաքինիքն չեն առաւել գործօնեայք: Յազնուապետութեան, առաւել ազնուականք չեն առաւել առաքինիք: Եւ 'ի ժողովրդապետութեան, աղնուական իշխանութիւնք բաշխին յաճախութեամբ քուէից, զորսդիւրաւ վաճառեն աղքատք. և որ գնին զարդարութիւն, վաճառէ զայն: Բայց 'ի միապետութեան հնար է արդար իշխանին յաննիազ հանքաց ամենայն կարգաց առնուլ ընտրանաւ զանձինս համեմատս ամենայն աւագութեանց և պաշտամանց վերագունից, միջակայնոց և ստորնոց՝ ըստ առաքինութեան, ըստ Ճոխութեան, և ըստ հաւատարմութեան: Թէ ուղէտ վասն զի 'ի միապետութիւնս՝ բազումն ազդեն կիրք և նսլասաք, որք են երկու ժանտախմտք ընտրութեան, յայտնա-

նէ քաղաքականիք առնուն առած, [թէ յայլ հասարակապետութիւնս յորովագոյն երևին անձինիք գերապանծք: Խոկ 'ի հասարակաց պարզեատութիւնս, եթէ լինին բաշխոյք ըստ համեմատութեան արժանաւորութեանց և գանձուց, մտանեն երկու մեծ առաքինութիւնք. մեծագործութիւն 'ի պարգևելն, և արդարութիւն 'ի բաշխելն. և շնորհապարտ առնեն զհասարակութիւնն առ առանձնաւորս, և զառանձնաւորս առ հասարակութիւնն: Բայց եթէ պարգիք ընկեցիկ լինին անխափիր ում և իցէ, և առանց ինչ հարկի, աղքատացուցանեն զհասարակութիւնն. և ոչ զոք յառանձնաւորաց առնեն շնորհապարտ: Մանաւանդ թէ ծաղածանակ առնեն զպարգևատուն: իբր այն չափազանց տուչութիւնք Օգոստոսի, զորմէ առտկաւ ասէին: ոչ ինչ եթող իւր, բայց զերկինս, և ըգտիղմ 233: Զհուսկն ասացից: այն իշխան ծաղկեցուցանէ զիւր հասարակապետութիւն, որ տայ զդատաւորութիւն գիտագունիցն, զզէնս զօրագունից, զքսակն հաւատարմագունից, զքննութիւն արդարագունից: զկառավարութիւն խոհեմագունից, և զաշխտատութիւն կորովագունից:

Որ ինչ ասացաւ զբաշխէ բարեաց հասարակաց, պարտ է իմանալ և զբաշխէ չարեաց հասարակաց. որպիսի են հարկք, և գլխահարկք, և տնահարկք, և վինուորական ծառայութիւնք, և արքունի ճանապարհաց տուրք: Զի ըստ ասից Արիստոտէլի, զարդարութիւն իւրովք հակառակօք լինի ուսանել. և յատուկ է ընկերութեան որ չէ դազանական, մտանաւորիլ տուժից, որպէս շահուց: Սաէս ապստամբութիւնք Հրեից առ ժողովուրդն հռովմէական լինէին, ասէ Ապափիանոս, յարդար գանդատանաց, զի էին նոքա առաւել ծանրաբեռնեալք քան զԱսորիս և քան զկապադովկացիս և քան զայլ հարկատու ժողովուրդս: Ոչ մորմոքէին յաղագս բեռին, այլ յաղագս անհաւասարութեան բեռին. չէ ինչ ծանր բեռն բարձութիւն, որում ամենեքին միօրինակ տանին: Հաւասարութիւնն է մայր սիրոյ և խաղաղութեան. անհաւասարութիւնն՝ ատելութեան և կռուոյ: Վասն այսորիկ գլխահարկն է բեռն արդասաւոր, բայց անիրաւ. զի 'ի բաժանին թուաբանօրէն 'ի հաւասար մասունս, և ոչ երկրաչափօրէն ըստ համեմատութեան, նոյն հարկ մեծատանն է անզգալի, այլ աղքատին անտանելի: Արդելեալ էր լծել զեզն և զէշ 'ի միամին, զի լծոյն ծանրութիւն անկեալ 'ի վերայ փոքուն ծանրինմա յոյժ: Այս եղեւ անօրէնութիւն Օգոստոսի, որ յիւր գիրս գրեաց զանուանս ամենեցուն, այլ ոչ զամենեցուն ինչս: Դարման մատուցին յաջորդք այսմ անկարգութեան, գրեալ և զամենեցուն ինչս. զի հանդանակեցեն ըստ գոյին երկրաչափական համեմատութեամբ: Այն գիրք եղեն կշիռք արդարակշիռ, որ կշռեցին զիւրաքանչիւրոց զբեռն և զկար:

Ի գեալ է արդ յիշեցուցանել, թէ հայեցեալ տստանօր յարդարութիւն ոչ 'ի քաղաքական, այլ 'ի բարոյական, ըստ որում առնել արդար զամենայն մարդ առանձինն, զամենայն զատցեալս զարամաքաշխական արդարութենէ իշխանին կամ հասարակութեանն պարտ է մտսնաւորապէս հպեցուցանել պաշտօնէից, որք բաշխենն զբարիս և զարյժու 'ի յանձնարարութենէ իշխանին, և հասարակութեան։ Պատահէ յոլովակի զի պատուէրն է աստուածական, և կատարումն սատանայական։ Միա իշխանին է արդար և բարեպաշտ։ այլ միտ գործադրին թիւրեալ, և շրջեալ յիւր օգուտ։ Ընդ Սիմալիեգագեան ժայռս նաւարկէ 'ի գեղմն ոսկի 234։ Մաքսաւորք՝ չար ևս քան զաւաղակս՝ սաստկասպահանջք արքունի հարկաց, անյագ վաշխիւ և անողորմ բոնութեամբ տառապեցուցեալ զժողովուրդս՝ անուանարկ առնեին զկառավարութիւն գթասիրին Օգոստոսի։ Եւ վասն այսորիկ 'ի լինել արդար հրամանի զհարկսն ուղղակի յարքունի գանձս հասուցանել, այն զեղծադրծ ճետ 'ի բաց հալածեցաւ 'ի չուովմէական հասարակապետութենէ։ Միւս ևս անօրէնութիւն հնարեցաւ սիրեցեալն յԱղեքսանդրէ Սկերոսէ, զոր վերադոյնդ ստէպ յիշատակեցաք։ Խրու զգայր սա, թէ տէր իւր բաշխել կամի աւագութիւնս, կանխէր առ որս սահմանեալն էին առնուլ։ ցուցեալ թէ կամի զպատիւսն 'ի նոսա առարկանել, թէ տային նմա լիաձեռն պարդս։ Աղեքսանդր որ 'ի տեսանել զանիրաւութիւն ինչ 'ի պաշտօնեայս իւր, բրդէր 'ի բարկութիւն, 'ի ծուխ հեղձոյց, որպէս արժան էր, զվաճառովն ծխոյ։ Ոչ է արժան իշխանի անցուցանել զիւր պարդես ընդ այլոյ ձեռն, բայց միայն ընդ իւրն։ Գաղբա ետ Ոթոնի երկու հազար հինգ հարիւր գտհեկանս, բաշխել աղքատ զօրականին։ Ոթոն նոքիմիք կաշառաբեկս արարեալ զպահապանս, սպան զգաղբա։ Իշխանին պարտ է լինել նախանձախնդիր իւրոց շնորհաց, զի ժողովուրդն համբուրէ զձեռն որ պարդեւէ, և ոչ զայն որ տայ պարդեւէ։ Ծովը ըմակէ զգեան, և յաղբիւր անդր ինչ ոչ հայի։

ԳԼՈՒԽ Է.

Յաղագս փոխարինական արդարութեան։

Մինչ չեր բանտազերծ ոսկւոյ աքսորեալ զդարն զոսկեղն, ամենայն սակարկութիւն լինել փոխանակութեամբ։ 'ի տաւ իւրաքանչիւր ուրուք զայն ինչ զոր ունէր յաճախութեամբ, և յառնուլ զայն ինչ որում կարօտանայր։ Բրուտն փոխանակէր դերձակի այնչափ անօթս խեցեղէնս, մինչեւ հա-

ւասարիլ արժողութեան հանդերձի . և դերձակն փոխանակէր ճարտարապետի այնչափ հանդերձս , մինչեւ հաւասարիլ արժողութեան տան : Ի գնոց աստի մարթիս իմանալ , որպիսի ինչ էր պերճութիւն այնը գեղեցիկ դարու , և որպիսի գանձք , զորս 'ի պահեստ արկանէր ագահութիւնն 'ի գանձարանս : Վասն այսորիկ զսակարկութիւնս կոչէին փոխարինութիւնս , և զարդարութիւնն՝ փոխարինական : Բայց քանզի խոչ մեծ էր խճողել զանձուկ տունս այնչափ խառնաղանձ կահիւք , որոց գժուարին էր փոխադրութիւն որպէս և պահպանութիւն , եդիտ ագահութիւնն նոր հնար գնահատութեամբ ոսկւոյ , որում վասն քան զամենայն բնական մարմինս զանխուլ լինելոյ , առաւել եղեն հետազօտ . և ըստ սակաւագիւտն լինելոյ՝ եղեւ և թանկագին : Ապա ոսկւոյն վառեալ յաջս զնորահրաշ իմն սէր զիւրոյ փայլման , անդէն վաղվաղակի եղեւ չափ գնոց և ըղձանաց . զի որ ունէր զոսկի , ունէր զամենայն . և զամենայնն ամփոփ 'ի մի արկղ : Յայնժամ սկսան իշխանք կենդանւոյն սողեցուցանել ընդ երկրաւ զգերիս , զի 'ի գուրս պեղեսցեն զայս հրահալելի պատուական , բայց և մխասակար , և այն ինչ յայսնեցաւ ոսկի , ել արտաքս և երկաթ 'ի ծեծել զնա : Եւ յայնժամ ծեծեցաւ ոսկի 'ի կրպակս , յորժամ իշխանք գրոշմեցին 'ի նա զպատկեր իւրեանց , զի կրկնապատիկ լիցի երկրսպագելի : Վասն որոյ չեն ինչ զարմանք , թէ ոսկին տանջեալ 'ի մարդկանէ տանջէ զմարդիկ , և զվրէժ ինդրէ զիւրոց հարուածոց կռուովլք : Բայց թէպէտ և այսու նորոգ եղանակաւ սակարկութեան՝ փոխարինութիւնն փոխեցաւ 'ի վճար , սակայն և այնպէս ամենայն սակարկութիւնք պահեցին զնախնի անունն փոխարինութեան : Վասն այսորիկ արդարութիւնն փոխարինական է այն , որ ուղղէ զանհաւասարութիւնն սակարկութեանց 'ի մէջ առանձնաւորի և առանձնաւորի , բարձեալ յայնմանէ առ որում է աւելի քան զարժանն . և տուեալ այնմ առ որում է նուազ քան զարժանն : Սմին իրի որպէս արդարութիւնն տրամաբաշխական փոխաբերէ ինչ ինչ 'ի հասարակաց առ առանձնաւորն , նոյնպէս փոխարինականն փոխաբերէ ինչ ինչ յառանձնաւորէ յայլ առանձնաւոր 'ի պահել զհաւասարութիւն մարդկային տուրեսառի : Աշխարհու է որպէս թատրոն ինչ , որոյ նստարանք են հասարակաց , ցորչափ են գատարկք . բայց որ նախ առաջին անդ տեղակալէ . եթէ 'ի վեր և եթէ 'ի վայր , զայն իւրացուցանէ , և ունի իրաւունս պինդ ունելոյ . այլ ոչ գրաւելոյ զայն՝ զոր այլ ոք ստացեալ ունի : Բնութիւնն մայր հասարակաց՝ արար զաշխարհս հասարակաց : Բայց որ ժառանգութեամբ կամ սակարկութեամբ կամ այլ ինչ օրինաւոր անուամբ ստացեալ ունի զման ինչ նորա՝ եթէ փոքր և եթէ մեծ , ունի իրաւունս պահել զայն . և յայնժամ աշխարհ է 'ի խաղաղութեան , յորժամ

իւրաքանչիւր ոք խաղաղութեամբ ստացեալ ունի զիւրն։ Յէ պէտ և մասունք յիւրեանս իցեն անհաւասարք, եթէ իւրաքանչիւր ոք դո՞հ է ընդ իւր մասն, յայնժամ յանհաւասարութեան իսկ պահի հաւասարութիւն տուրեառի։ Այս բազում անգամ 'ի մէջ առանձնաւորի և առանձնաւորի առ պէսպիսութեան կարծեաց, 'ի վերայ հաւասարութեան լինի վէճ։ Մէք կարծեմք թէ հակոտնեայք կախեալ կան ընդ ոտիւք մերովք, և հակոտնեայք կարծեն, թէ մէք կախեալ կամք ընդ ոտիւք նոցա գլխիվայր զի յերկնի չիք նշանակել սկիզբն, որ ցուցցէ ո՞ր կողմն իցէ վեր և որ կողմն վայր։ Այսպիսի են վեճ մունք կողման և կողման, 'ի պնդել երկաքանչիւրոցն թէ միւսն սայթաքէ յուղութենէ. զի չերեկի յայտնի, թէ ո՞ր իցէ մէջ չափուն, հանգիտամէտ կշռոյն և քուն մէտ բանին. վասն այսորիկ յոլովակի ոչ լուծանի կնճիռն առանց սուսերի։ Արդայս է սեպհական պաշտօն դատաւորին, որ և արժանապէս կոչի միջնորդ իրաւանց. զի լուեալ զերկոցունց կողմանց փաստս և մտախոհ լեալ, թէ որ իցէ ճշմարիտ մէջ երկոցուն ծայրից, և թէ ո՛ աւելի ունիցի և ո՛ նուազ քան զարժանն, հասուցանէ զերկաքանչիւրն յայն հաւասարութիւն, զոր հաստատեաց յիւրում խորհրդեան։ Վասն այսորիկ պարտ է դատաւորի լաւ երկաքանչիւր կողման, 'ի տալ նմա բնութեան երկուս ականջս յայս սակս։ Վասն զի որ դատէն՝ լսելով միոյ միայնոյ կողման, թէպէտ և դատեսցէ արդար, է դատաւոր անիրաւ։ Սմին իրի չէ պարտ նմա միտել զախորժակն 'ի մինքան 'ի միւսն. զի որ միտէ 'ի մի կողմն, ոչ ևս է միջնորդ, այլ հակամէտ։ Վասն որոյ և ոչ դատաւոր, այլ դատախազ։ Վասն այսորիկ չէ պարտ նմա հայիլ ոչ յաւագութիւն, ոչ յաղնութիւն և ոչ յառաքինութիւն դիմելոցն առ նա. այլ միայն յառն և 'ի տուրի։ Զի 'ի դատելն թուաբանօրէն և ոչ երկրաչափօրէն, դատէ ըստ համեմատութեան հաւասարութեան, և ոչ ըստ հաւասարութեան համեմատութեան։ Ըզ հուսկն ասացից, պարտ է նմա լինել այնպիսի որ արդարութիւնն փոխարինական զգեցցի զմարմնեղէն պատկեր նորա, և ձայնիւ նորուն խօսեսցի առ մարդիկ, 'ի պահել զուուր և առ։

Արդ 'ի մարդկային արոց և առից՝ ոմանք են կամաւորականք և քաղաքականք։ ոմանք ակամայք և եղեւնականք։ ոմանք զնիւթական և զմարմնեղէն իրօք։ և ոմանք զաննիւթականօք և զանմարմնականօք։ Բայց կանոն փոխարինական արդարութեան է նոյն։ Կամաւորականք և քաղաքականք են վաճառմունք, գնմունք, 'ի վարձու տուչութիւնք, աւանդք, և այլ ամենայն ասկարկութիւնք, որք պահանջեն զփոխադարձ և զազաս կամս երկաքանչիւր կողման։ Ակամայք և եղեւնականք են, գողութիւնք, հարուածք, զբարտութիւնք և այլ ամենայն մխասք, որք բառնան յայլմէ նենդութեամբ զինչո,

զպատիւ, կամ զառողջութիւն, ընդգեմ կամաց միոյ 'ի կողմանց : Ոչ առնին զրկանք, բայց եթէ կամելով, և ոչ ընկալեալ լինին, բայց եթէ չկամելով : Որ կամի զիւր մխաս, արժանի է թէ չար ևս ինչ լիցի նմա . և այնմ որ կամի զզրկանս, որ լինին զրկանք . սակայն թէ հաւանութիւնն ազատ իցէ, և ոչ բռնադատ : Բայց թէպէտև ոչ լինին զրկանք այնմ որ կամի զայն, սակայն լինին զրկանք արդարութեան, որ ոչ երբէք կամի զանարդարն : Ապա այն է հանրական կանոն փոխարինական արդարութեան, զի որ ոք բառնայ զօտարինն, եթէ փող իցէ, եթէ համբաւ, եթէ աչք, և եթէ կեանք, պահէ առ իւր զոր եքարձն և շահեցաւ տուժիւք օտարի : Եւ ոչ երբէք լինի վճար արդարութեան, ցորշափ որ շահեցաւն չհատուցանէ զբարձեալն կամ զհաւասար գինն այնմ որ տուժեցաւ : Եւ այս փոխարինութիւնն է որ պահէ զհաւասարութիւն 'ի մարդկային կենակցութիւնս քաղաքականս կամ յատենականս : Եւ այսուիկ սկզբամբ ճանաչել ունիս դիւրաւ թէ զինչ է այն արդար և խիստ պատիժն, զոր կոչեն փոխադարձ տոյժ . զորմէ արժան է խօսիլ ինչ առանձին :

ԳԼՈՒԽ Ը.

Յաղագս յիշաղարձ տուժի :

Հաւադամանթն այն, որ արբանեկեալ արդարութեան՝ իմաստիւք, յօրինեաց քաղցր չափաբերութեամբ օրէնս փղձկեցուցիչս բազմաց, այնպիսի եղեւ թագաւոր իրաւասէր, օրէնսդիր անաչառ և դատաւոր արդարակորով 'ի Լիկիա, մինչեւ բանասաւեղծից ընարել զիա և դատաւոր դատապարտ ոգւոց : Սա 'ի գրել իւրում համառօտ զփոխարինական արդարութենէ, զամենայն օրէնս յայս օրէն բովանդակեաց .

Թէ ոք կըրէ զոր ինչ արար,

Արդարութեան առնէ վճար :

Այս է համբաւեալն այն հաւադամանթէ ան օրէն, որ կոչի փոխադարձ տոյժ, այնպէս իրաւացի, մինչեւ որպէս աստուածային պատգամ գրեցաւ 'ի բարոյական մատեանս, հրատարակեցաւ յօրէնսդրաց, 'ի գործ արկաւ 'ի դատաւորաց, և 'ի բանասաւեղծից իսկ գրեցաւ յատեան սանդարամետականաց գլսադրովք .

Զոր ինչ ոք առնէ, ըզնոյն և կըրէ :

Այս այն անյեղլի չափ է Կեմեսեայ, որով չափին ոչ միայն

ամենայն իրաւունք քաղաքական և յանցաւորական, այլ և օրէնք խոկ տմենայն օրէնսդրաց։ Զի կարի անգթականք համարին թէ անցանեն ըստ այս չափի, և կարի ներողականք թէ չհաւասարին այնմ։ Կարի իմն ներողական եղեւ օրէն կի կուրդոսի, որ ոչ պատուհասէր զգողին թէ ոչ ըմբռնիւր՝ գողութեան անգ։ Ոչ թէ պատուհասէր զյանցուածն, այլ զանհոգութիւն նորա ՚ի յանցանել իւրում։ Կարի անգթական եղեւ օրէն Դրակոնի, որ որպէս ասացաւ, զամենայն թեթև գողութիւն՝ կենօք պատուհասէր, զուգակշռեալ ըզդուզնաքեայն ՚ի շահս ընդ մեծն ՚ի կորուստ։ Ապա ոչինչ օրէնք երևեցան երբէք այնպէս արդար և չտփաւոր, որպէս այն թէ իւրաքանչիւր ոք զայն կրեսցէ, զոր և արարն։ Որ խորեացն զդրամ, տուժեսցի զդրամ։ որ թափեաց զատամն, կորուսցէ զատամն։ որ եհան զակն, կորուսցէ զակն, որ եբարձ զկեանս, կորուսցէ զկեանս։ Այս է թուաբանական փոխարինութիւն։ Վասն այսորիկ ենթագրեալ բարոյապէս զօրէնս ըստ ասացելումդ, թէ իւրաքանչիւր ոք ունի առ իւր զոր յափշտակեացն յայլմէ, որ տոյժ թուիցի այնպէս հաւասար, որպէս հատուցանել արդարութեամբ զոր առ իւր ունիցի ընդդէմ արդարութեան։ Ոչ ոք պարտաւոր՝ յայսմ բնաւոր վճռոյ՝ թուի կարող լինել բողոքել։ զի նա ինքն ՚ի գողանալ իւրում կամ ՚ի սպանանել, դրէ ձեռամբացի զիւրն դատապարտութիւն։ դիտելով թէ որչափ ինչ նա առնէ, այնչափ ինչ արասցի նմա։ Որ ոք առնէ յանցանս ինչ, կռէ դաշն, պարտաւորեալ զանձն արդարութեան լոելեայն, կրել զայն ինչ չար զոր այլում առնէ, և վասն այսորիկ չունի զայլմէ տրանջել, բայց միայն զանձնէ։

Այս, այս փոխարինութիւն թուաբանական դիպաւոր է տուժից նիւթական և մարմնեղէն իրաց։ զորս մարթ է թուաբանօրէն չափել և թուել։ այլ չէ դիպաւոր անմարմնական իրաց և անհամեստականաց, որպէս գեղջկութեանց, ստութեանց և շնութեանց։ զի ոչ է հնար կշռել զհամբաւ կամ զվատահամբաւութիւն, և ոչ պատժել զյանցուած ինչ այլով յանցուածով։ Սակայն և յայսալիսի իրողութիւնս ուզիղ գատաստանն եգիտ զիւր զուգակշիռն։ արար երևելի զանմարմնականն, և փոխարինեաց անհամեստ յանցուածոց պատիժո համեստ։ Զաղարտողն գեղջկութեամբ զհամբաւ օտարի, օծանէին մեղու, և մերկ առաջի արկանէին պիծակաց ՚ի տալ արեւու։ զի խայթոցօք թունաւոր ճճեացս, որ նման են խայթոցի չարախօս լեզուի զայլս շեթողի, և նա շիթեացի։ Այս է փոխագրձ տոյժ։ Զատերդմանց հատանէին զլեզու և զսուտ գիր գրողաց հատանէին զձեռն։ զի լեզուն, որ ողջ և խօսուն գոլով ուսույց ստութիւն, համրութեամբ և պապանձմամբ քարողեսցէ զՃշմարտութիւն։ և ձեռնն որ կենդանի և անկ-

տուր աղաւաղեաց զնշմարտութիւն, հատմամբ և մեռելու թեամբ յայտ արասցէ զստութիւն: Այս է փոխադարձտոյժ: Զնացողի հանէին զաշ, զնացելոյն թողուին զաշ, բայց հատանէին զունչ: զի տարփածուն կորուսեալ զաշ՝ որք անարժան սիրոյ են առաջնորդք, կարօտասցի աչաց այլոց, և շնացեալն, որ առ հայելով գեղգեղէր զիւր երեսս, 'ի հայելոյ անտի սոսկասցի, և սիրողաց քստմնելի լիցի, թողեալ 'ի տարակուսի թէ որ իցէ կնոջ մեծագոյն տանջանք: Այսպէս ըստ արդար փոխադարձ տուժի, որով իւիք մեղաւ ոք, նովին և պատժեցաւ, և դաւոյն ցաւ փոխատրեցաւ: Ապա կարի խկարդար էր յինքեան փոխադարձ տոյժն Հռադամանթեան: բայց միով իւիք թուէր կարի իմն խիստ, զի չտայր տեղի ոչ ընտրովութեան և ոչ հանգամանաց անձանց: Բնդ դատաստանաւ արկանէր անխտիր եթէ զազնուականս և եթէ զանարդս, եթէ զմեծատունս և եթէ զմուրողս, եթէ զգիտունս և եթէ զտգէաս, եթէ զրարեացապարտս և եթէ զարեացապարտս, որպէս մարմինս մերկեալս յոդւոյ: մինչև 'ի դժոխս խել դատէր զօդիս մերկեալս 'ի մարմնոյ: Հայէր 'ի գործն, և ոչ 'ի գործողն: Եւ այս իմաստ էր ամենայն օրէնսդրաց և դատաւորաց, որք զդուշաւորքն էին պահպանութեան հռադամանթեան փոխադարձ տուժի: չխորել 'ի մէջ պարաւորի և պարտաւորի: Էր օրէնն խիստ քան զերկաթ, և դատաւորն խիստ քան զօրէնս. գթութիւնն յատենէ աստի էր արտահալած: Զալեկոս օրէնսդիր Ղոկրաց՝ աշակերտ Հռադամանթայ, հրատարակեաց զնախայիշատակեալդ օրէն թէ շնացողին բրեսցին աչք: Դէսպ եղեւ սմա, որպէս դէսպ լինի այնոցիկ որք կարի իմն խուզարկութեամբ պատահեն խւրեանց մխասու, զի առաջին յանցաւոր օրինացս եղեւ միամօր իւր որդի: Ծերակոյտն ամենայն աղաւաց զԶալեկոսներել որդւոյն և պահել զաշն, որք էին բեկուական աստեղք յուսոյ թագաւորութեան: Այլ Զալեկոս խիստ ևս էր և անլսող քան զտարտարոսականն Հռադամանթ: Գիտելով թէ անուն դատաւորի սրբազնագոյն է քան զհօր, և թէ օրէնքն են աչք արդարութեան, առաւել պատշաճ համարէր կատարել զօրէնս, կուրացուցեալ զորդին, քան անցանելով զօրինօք կուրացուցանել զարդարութիւն: Բայց յաղացել նոցա զԶալեկոս առաւել ևս ժառանքութեամբ, չթողուլ զթագաւորութիւնն կոյր՝ կուրութեամբ յաջորդի, յետ բազումն ընդդէմ դաւնալոյ ուր ուրեմն զայս ետ պատասխանի: Խորհեցայ, ասէ, հուսկ ուրեմն հնար հաճելոյ զսէր ժողովրդեանդ, միանգամայն և վճարելոյ խստութեան օրինաց: Որդի և հայր են անձն մի. տակա բրեսցի միայն մի ակն խմոյ որդւոյ, և միւս՝ բրեսցի իմ ակն. և այնպէս օրէնք ոչ լուծցին, և յանցաւորն ոչ եղիցի կոյր: Եւ արդարի եթէ բանիքն իցեն զմխասուէ օտարի, երևի թէ ոչինչ գթութիւն

կարող է տնօրինել յօրէնսն գրեալ 'ի Հռադամանթէ, բայց թելադրեալ 'ի բնութենէ: Զի հիմնեալ յայսպիսի բնաւոր կանոն, թէ իւրաքանչիւր ոք հատուցէ զայն, զոր եբարձ ցաւովք յայլմէ, այո, կարող է իշխանն գթած շնորհել զիշխասն՝ որ եհաս անձին, այլ ոչ զիշխասն որ եհաս այլում. եթէ իշխանն ըվճարէ յիւրոց անտի մխասելոյն:

Բայց խստութիւն փոխադարձ տուժի Հռադամանթայ ոչ էր անզիջողութիւնն, 'ի չներել ումեք, այլ անհաւասարութիւնն 'ի պատժել զամենեսին միապէս վասն նմանակ գործոյ: Զի որպէս իմաստութեամբ ասէ Արիստոտէլ, եթէ 'ի մի ևնոյն գործ ամենայն մարդիկ ունեին հաւասար ախորժակ, և ամենայն պարագայք լինեին հաւասարք, 'ի լինել անիրաւութեանն հաւասար պարտ էր և պատժոյն լինել հաւասար: Բայց քանզի նոյն գողութիւն լինի յանցաւորագոյն 'ի միումն, քան 'ի միւսում, և նոյն իսկ հարուածն առաւել նախատական յումեմնէ քան յայլմէ, անիրաւ փոխադարձ տոյժ լինի պատժել զանիրաւութիւնս մեծի և փոքու հաւասար: Ոչ ամենեցուն է գիտել չափել զքափ անիրաւութեան: Պատգամախօսն Գեղփեայ հրամայեալ էր Յունաց երկպատկել զաւզան Ապողոնի, եթէ կամէին ընդունել զիւրեանց հայցուածս. նոքա այնչափ ասկահով կարծեալ զընդունելութիւն շնորհին, որչափ գիւրին էր երկպատկութիւն սեղանոյն, անդէն վաղվաղակի կոչեցին զհիւսունս. և 'ի սեղանն որ էր քառակուսի, յաւելին միւս ևս քառակուսի հաւասարաչափ: Պատգամախօսն խարդաւան, որ ոչ կամէր լսել նոցա, ծաղք արար զանմատութիւն նոցա. իբր զի առադրել քառակուսոյ քառակուսի, ոչ է երկպատկել զքառակուսին տեսակապէս, այլ միայն նիւթապէս. մանաւանդ թէ է աղճատել զտեսակն, արարեսուլ 'ի հաւասարակողմն քառակուսոյ՝ երկայնաձիւ իմն քառանելիւն: Այլ տեսական երկպատկութիւն քառակուսոյ է գաղտնի իմն. գծել բոլորակ ինչ զքառակուսեաւ, և ապա այլ քառակուսի զբոլորակաւ: Վսան զի քառակուսին արտաքին է արդար երկպատիկն ներքնոյն, որ պէս ասկացուցանեն երկրաչափք: Ըստ սմին օրինակի ամենոյն անմիտ գիտէ գատել, թէ գողութիւն հարիւր սկեղ կրկնապատիկ աւելի է քան զգողութիւն յիսուն սկեղ. այլ այս է չափել զնիւթական քանակ գողութեան, և ոչ զտեսական. որ միայն 'ի մտացի գատաւորաց չափի, ոչ թուարանօրէն, այլ երկրաչափօրէն. քննեալ զանձն, զվախճանն, զտեղին, զժամանակն, և զայլ ամենայն պարագայս գործոյն, որք առաւելուն կամ նուազեն զքարութիւնն, որ է տեսակ յանցանացն: Ապաքէն գողանալ հարիւր սիկլ 'ի տաճարէ, և մեծագոյն յանցանք քան զգողանալ հարիւր սիկլ յումեմնէ սոսկականէ: Մանաւանդ թէ տեսակապէս մեծագոյն յանցանք էն

գողանալ տասն սիկղ՝ ի տաճարէ, քան հարիւր սիկղ՝ ի սոսկականէ. զի այս է լոկ գողութիւն, և այն սեղանակապառւթիւն: Յոյժ աւելի նախատինք են, ասէ Արիստոտէլ, ածել ապտակ սինկղիառսի քան գիւղականի. զի նա է անձն արքունի. և նախատինքն որ լինի արքունւոյն, յոյժ մեծ է քան զեղեալն սոսկականին: Մինչ զի ըստ կանոնի երկրաշափական համեմատութեան, որչափ մեծագոյն է անձն սինկղիառսին քան դգիւղականին, այնչափ առաւել մեծ է նախատինքն եղեալ սինկղիառսին քան գիւղականին: Եւ վասն այսորիկ, չէ արդար կանոնն չուագամանթայ, Որչափ ոք առնէ, նոյնչափ և կրեսցէ: Վասն զի, եթէ որ էածն ապտակ գիւղականի, արժանի է ապտակի, յայտ է թէ որ էածն ապտակ սինկղիառսի, մեծ ևս պատժոյ է արժանի: Բայց ասիցես եթէ՝ ի փխարինական արդարութեան պարտ է պահել զհամեմատութիւնք. մի չափել զանիրաւութիւնն, երկրորդ չափել զալտիժն: Ի վերայ առաջնոյն՝ պարտ է դատաւորին՝ ի կիր արկանել զհամեմատութիւն երկրաշափական. բայց՝ ի վերայ երկրորդին պարտ է նմա՝ ի կիր արկանել զհամեմատութիւն թուաբանական, ոչինչ հայեցեալ յանձինս: Այնպէս զի մեծի անիրաւութեան տացի պատիժ մեծ, փոքրուն փոքր, հաւասարին հաւասար: Այս են կշիռք Աստրեայ կանխաւ յիշատակեալ: Եւ ըստ այսմ պարտ է իմանալ զփոխագարձ տոյժ չուագամանթայ. Որչափ ոք արար՝ նոյնչափ և կրեսցէ. հայեցեալ՝ ի դործն ոչ նիւթապէս, այլ տեսականապէս. ոչ՝ ի դործողութիւնն, այլ՝ ի չարութիւնն:

Չնոյն պարտ է իմանալ և՝ ի վերայ փոխարինական փոխագարձ տուժի՝ ի սակարկութիւնս քաղաքականս, որ հիմնեալն է յայսպիսի նմանակ կանոն. Որչափ ունի ոք տոյժ, այնչափ առցէ՝ ի շահէն: Վասն զի որպէս յընկերութեան և՝ ի տուրեաւ քաղաքական՝ փոխանակութիւն ընչլց հաւասարի գնահատութեան, որոյ չափ է փողն. սոյնպէս՝ ի քաղաքական վէճս երկու ինչ ունի դիտել դատաւորն. մի հատանել զգինս, երկրորդ հաւասարել զփողն վսասուն: Առաջինն պահանջէ զհամեմատութիւն երկրաշափական, երկրորդն զհաւասարութիւն թուաբանական: Չի երկաքանչիւր կողմն ունիցի, որ ինչ նմա հասանի:

ԳԼՈՒԽ Թ.

Յաղացս քաղաքական և բնական իրաւանց :

Արդարութիւնն ՚ի մէջ այլոց խորհրդաւոր գրօշուածոց նկարեցաւ ՚ի բանաստեղծից որպէս աստուածուհի ինչ եռադիմի և եռանուն, որ միանգամայն բնակեալ յերկինս և յերկրի, և ՚ի ստորինս երկրի. յերկինի կոչեցաւ թէմիս 235. յերկրի օրէն, և ՚ի ստորինս երկրի Պղուտոն : Կամեցան այն քաջուսումն խոհականք ձևացուցանել մեզ երիս տարբերութիւնս արդարութեան . զգերակայ, զմիջական, և զստորին . զիրաւունս աստուածային՝ զառ ՚ի յերկինից եկեալ . զիրաւունս քաղաքական, որ սեպհական է մարդկան, և զիրաւունս բնական, որ հասարակ է կենդանեաց : Պաշտել զերըեակ միութիւն Աստուծոյ, է յաստուածային իրաւանց, զի զայն ուսուցին մեզ միտք տեսող աներեւութից : Պաշտամանել զիւր կեանս, է ՚ի բնական իրաւանց, զի ամենայն կենդանեաց ուսոյց զայն ընութիւնն : Պահել զհաւատարմութիւն ՚ի դաշնա, է ՚ի քաղաքական իրաւանց, կամ յիրաւանց ազգաց . զի ՚ի քաղաքական ընկերութենէ իմացան զայն մարդիկ լուսով բանի : Բայց սկահեալ զաստուածային իրաւունս այլում վեհագոյն գսլրոցի, երկու մեծ հոմանունութիւնք ՚ի վեր երևին ՚ի մէջ իմաստոց ՚ի վերայ բնական իրաւանց, և քաղաքական իրաւանց : Վասն զի ըստ որում հաղորդ է մարդ զգայական ընութեան որ հասարակ է կենդանեաց, և բանաւոր ընութեան որ սեպհական է մարդոյ, յայսմանէ ոմանք բնական իրաւունս կոչեն միայն զհասարակն կենդանեաց, և այլք բնական իրաւունս կոչեն և զբանաւորն . որպիսի է սկահել զհաւատարմութիւն ՚ի դաշնա : Նոյնպէս, քաղաքական իրաւամբք սմանք իմանան միայն զգրաւոր օրէնս, և ոմանք իմանան նովաւ և զբնական օրէնս բանաւորս : Բայց Արիստոտելի իմաստամիրեալ բարձրագոյն ևս սկզբամբ, ընդհանրատէս բաժանէ զքաղաքական օրէնս հաւասար յերկուս տեսակս . այսինքն է, ՚ի Գրաւոր օրէնս, և ՚ի բնական օրէնս . չորոշեալ ՚ի մարդիկ զբնական բանաւոր ՚ի բնականէն որ հասարակ է կենդանեաց, ըստ այնմ որ ծառայեն քաղաքական ընկերութեան : Վասն զի, որպէս ՚ի կենդանիս օրէնքն բնական կատարելագոյն է ՚ի միում քան ՚ի միւսում, ընկերութիւնն ամուսնական ՚ի տատրակս քան ՚ի Ճնճղուկս, մնունդ զաւակաց ՚ի ծիծուունս քան յարծուիս, հոգաբարձութիւնն անտեսական ՚ի մրջիւնս քան ՚ի Ճանճս, կառավարութիւնն կարդաւորական ՚ի մեղուս քան ՚ի մրջիւնս, սոյնպէս այս ամենայն բնական օրէնք կա-

աարելագոյնք են 'ի մարդիկ քան 'ի կենդանիս , զի են կարգա-
ւորեալք 'ի բանէ և յօրինաց : Եւ որպէս զգիտութեամբք
ընութիւնն ուսուցանէ սկզբունս ինչ հանրականս , յորոց միտ
մարդոյ իմաստափրեալ քաղէ իմաստս գիտնականս , նոյնպէս
զառնելի իրօք լոյսն բնական ծանուցանէ սկզբունս ինչ հա-
սարակս կենդանեաց , և ինչ ինչ ևս հասարակ ամենայն մարդ-
կան , որք փորձիւ և խոհեմութեամբ գան 'ի լաւ ևս կազմու-
թիւն վասն ընկերութեան և կենակցութեան , և այս է հան-
րական իրաւունք քաղաքական :

Նույտ իրաւունքն քաղաքական հանրական , ըստ Արիստո-
տելի , է բազկացութիւն ինչ գրաւոր օրինաց , և բնական օրի-
նաց՝ կարգեալ 'ի պահպանութիւն քաղաքական ընկերու-
թեան : Բայց որ ոք մտադրութեամբ ընթեռնու զվարդապե-
տութիւնն նորա , տեսանէ թէ որոշէ նա զքաղաքական իրա-
ւունս ինչ զանձկագոյն և զյատակագոյն , այսինքն զայն որ կա-
պէ զժողովուրդ ինչ ընդ գրաւոր օրինի : Մինչ զի ընկերու-
թիւնն քաղաքական ընդարձակ , նշանակէ և զկենցաղավարու-
թիւնն քաղաքական , զքաղցրախօսութիւն և զզուարձախօ-
սութիւն : Բայց ընկերութիւնն քաղաքական անձուկ . նշա-
նակէ զթիւ ինչ անձանց ազատաց , ըստ այնմ որ չեն միմեանց
ստորագտս , այլ ամենեքին ստորագտաս նոյն խոկ գրաւոր օրի-
նաց , որոյ վախճանն է զի ամենեքին բաժանորդ իցեն բարեաց
և չարեաց հասարակաց . և փոխագարձ փոխարինութեամբք
պահեսցեն յիւրեանց միջի զկենակցութիւն վասն պիտոյից
մարդկային կենաց : Բայց այս գրաւոր օրէնք է հիմնեալ 'ի
բնականն : Բնութիւնն որ յամենայնի սիրէ զներդաշնակու-
թիւն , ետ մարդկան որպէս ձայնս և կերպարանս , նոյնպէս
յօժարութիւնս և խառնուածս պէսսուէս . զի պիտոյս ունե-
լով միմեանց , իցեն ընկերական . և կազմեսցեն միաբանու-
թեամբ մի նուագածութիւն ներդաշնակաւոր : Մի միայն
մարդ չառնէ ինչ ընկերութիւն , զի մի լար միայն չառնէ ներ-
դաշնակութիւն : Այնպիսին , որպէս յաւաջն ասացաք , կամ
է էրէ ինչ վայրի , որ յամենեցունց խորշի , կամ աստուած
երկնաւոր , որ չունի ուստեք պիտոյս : Բազում մարդիկ որ 'ի
գրաւոր օրէնս իցեն այլեւայլս , չառնեն ընկերութիւն քաղա-
քական . զի չառնեն զհասարակութիւն ինչ : Եւ բազում մար-
դիկ , որոց իցէ նոյն օրէն . բայց իցեն համարուեստ , չառնեն
ընկերութիւն քաղաքական . զի ոչ հաղորդին ընդ միմեանս
փոխանակութեամբ . ուստի և սովորութիւն է ասել . բրուտ
զբրուտ՝ և բժիշկ զբժիշկ ոչ սիրեն : Ի տիեզերական հասա-
րակապետութեան մի տարր նման է այլում տարեր 'ի միում
որակութեան , բայց աննման յայլում , զի պիտոյասցին մի-
մեանց 'ի գործել : Եթէ ամենեքեան լինէին ամենեին նման ,
ուրին լինէր անպաղական առ 'ի չգոյէ արտադրութեանց . և

տիեղերք ոչ ևս լինեին հանրական, առ ՚ի չդոյէ պէսպիսութեան իրաց 236: Այլ զոր օրինակ ընդ տիեղերս, ամենայն տարերք թէպէտե այլեայլք կառավարին ՚ի մի միայն գերակայ մտաց, նոյնողէս ՚ի միում հասարակապետութեան ամենայն առանձնաւորք թէպէտե և ազատք՝ ներքոյ են միոյ օրինի, և այնմ որ երեւցուցիչն է օրինին, այսինքն է իշխանի: որ է օրէն կենդանի, և իրաւունք քաղաքական անձնաւոր և խօսուն: Որ պիսի և իցէ այս իշխանութիւն, եթէ միապետական, եթէ աւագպետական, եթէ ազնուապետական, և եթէ ժողովրդապետական, ստոյդ իմն է, թէ ուր չիք իշխան, չիք գրաւոր օրէն, և ուր չիք գրաւոր օրէն, չիք յատկապէտ և մարմին քաղաքական: Յայսմանէ մարմիս իմանալ, որ իցէն իրաւունք օրինաւոր իշխանութեան, որ իցէ նորա վախճան, և ցոր վայր ձգիցի կարողութիւն նորա: Յայն վայր ձգի հեղինակութիւն իշխանին, ցոր վայր ձգի հեղինակութիւն գրաւոր օրինին. այսինքն է՝ Պահել զազատութիւն և զհաւասարութիւն կենակցութեան ժողովրդոց՝ ՚ի բաժանորդն լինել բարեաց և շարեաց և ՚ի փոխարինութիւնս գաշանց: Այս սլաշտօն է օրինաց, և այս սլաշտօն իշխանին: Բազում պանծալի վերտառութեամբք բարեմարդիկն Աթէնք կամեցաւ բարձրացուցանել զանուն Պերիկլեայ իւրոյ իշխանի ՚ի վերայ այլոց: Բայց Պերիկլեսի մերժեալ զամենայն, եցոյց թէ կամք են նմա կոչել, Պերիկլես արդար, և հռչակեաց ժողովուրդն այնչափ գովութեամք զայն նոր վերտառութիւն, մինչև ՚ի սկատմութիւնս ցայսօր իսկ հնչէ 237: Պարտ է իշխանի յանձին բերել զամենայն առաքինութիւնս. բայց ոչ է նմա հնար առանց արատոյ փառամոլութեան՝ զմիոյ յառաքինութեանց թէպէտե փոքունց յանձին բերել զանուն. որպէտ եթէ տացէ կոչել իմաստուն, արի, սրբասէր, վեհանձն, կամ գթած: Արդարդ անուն վեհագոյն է քան զայլ անոււանս. զի արդարութիւնն մեծագոյն է ՚ի բարոյական առաքինութիւնս: Բայց թէպէտե անունն է պանծագոյն, սակայն և այնպէս չէ ինչ փառամոլ. զի է սեպհական անուն օրինաց, և իշխանի որ երեւցուցիչն է օրինաց: Եւ որպէտ օրէնն անիրաւ, թէպէտե զինու զօրացեալ չէ օրէն, նոյնողէս իշխանն անիրաւ, թէպէտե ամենայն առաքինութեամբք զարդարեալ, չէ իշխան, այլ բռնաւոր: Մինչ զի զոր օրինակ հնար է իշխանի առանց փառախրութեան կոչել իշխան, նոյնօրինակ հնար է նմտ առանց փառասիրութեան կոչել և արդար: Այն զի վերտառութիւնք այլ ամենայն առաքինութեանց հնար է թէ նախանձ արկանիցէն յայլ իշխանս. զի մարթ է միոյ իշխանի լինել քան ըզմիւն առաքինի, իմաստուն, արի և ժուժկալ. բայց վերտառութիւնդ արդար ոչ արկանէ նախանձուկս. զի չընդունի առաւելութիւն, անհնար գոլով միոյ իշխանի լինել արդա-

րադոյն քան զմիւսն . վասն զի արդարն՝ որպէս ասացաւ , հաստատեալ կայ ՚ի մէտ անբաժանելի : Բայց յայտմանէ միւս ևս կարեւրագոյն հետեւութիւն յառաջ բերէ Արխատոտէլ , այսինքն թէ որպէս օրենն ոչ իւր ինքեան արբանեկէ , այլ այնց որք ենն ընդ օրինօք , նոյնպէս իշխանին ոչ է պարտ հայիլ յիւր օգուտ , այլ յօդուտ իւրոց հնազանգելոց : Արդարութիւնն ըստ այնմ որ արդարութիւն , է առաքինութիւն առընչական , որպէս ասացաւ . զի ոչ հայեցեալ առաւել'ի բարութիւն անձին , այլ 'ի գործողութիւն նորա առ այլս , տայ իւրաքանչիւրում զիւր արժանն : Ըստ այսմ իշխանն արդար ոչ կեայ վասն իւր , այլ վասն ժողովրդեան իւրոյ . զի թագաւորէ վասն ժողովրդեան . և ոչ վասն անձին : Եւ վասն զի մեծագոյնն 'ի մարդկային գործս է թագաւորել , և մեծագոյն գործք արժանի են մեծագոյն վարձուց , պարտ է իշխանի , ասէ Արխատոտէլ , շատանալ ընդունելութեամբ 'ի վարձ զփառս և զպատիւ : Զփառս և զպատիւ , ասաց Արխատոտէլ ըստ նախնի մեկնչաց : Բայց արդիք , որոց հեզասիք հողմ փառաց և պատույ թուեցաւ վարձ ինչ կերակրելոյ զգեանառիւծս և ոչ զիշխանս , փոխանակ փառաց և պատույ , կարդալ կամեցան , զփառս և զհարկս բանաւորս , որք յիրաւի կոչին պատույ առւրք վայելչականք իշխանի : Այլ թէպէտե այսոքիկ են բանաւորք և վայելչականք , բայց Արխատոտէլ խօսի զվարձուց , որ են 'ի վայելս իշխանին . և ոչ զայն զորս ծախէ 'ի ժողովուրդս 'ի պաշտպանել նոցա , որպիսի են հարկք : Թող զի խօսի նա զվարձուէ , որ զուգահաւասար իցէ գործոյն . որոյ աստուածային գոլով , անհնար է զնորա հաւասարն կշռել , բայց այնուիկ , որ Աստուծոյ ընծայի : Զհուսկին ասացից . խօսի նա զաղատաղնեայց և ոչ զընդ լժով եղելոց . և որոշէ զՊերիկէս՝ որոյ փոյթ էր օգուտ հասարակաց , 'ի Դիտնեսիոսէ , որոյ փոյթ էր օգուտ անձին : Եւ վասն այսոքիկ 'ի վերայ բերէ . Եւ որ ոք փառօք և պատուով ոչ շատանայ , ոչ է իշխան , այլ բռնաւոր :

ԳԼՈՒԽ Ժ.

Յաղագս քաղաքական իրաւանց , որ անյառուկ և տնտեսական : Եւ նախ յաղագս հայրական իրաւանց :

Ի սահմանէ քաղաքական իրաւանց մարթիս քեղէն դիւրաւ իմանալ . թէ ո՞ր իցէ իրաւունքն որ զնմանութիւն բերէ զքաղաքականին , բայց իրօք չէ : Ազաքէն ասացաւ , թէ քաղաքական իրաւունքն է որ միաւորէ զմարմին ինչ ընկերական

ընդ մի և նոյն օրինք . և ուր չեն օրէնք , և ոչ ընկերութիւն , և ոչ հաւասարութիւն , անդ անկար է լինել ճշմարիտ և յա-
առակ իրաւունք քաղաքական : Ապա հայրական իրաւունք չեն
յատկապէս իրաւունք քաղաքական : Զի ոչ գոլով յորդին
ազատութիւն և հաւասարութիւն ընդ հօր , չկայ ընկերու-
թիւն . և յառնուլ որդւոյն անունդ ՚ի հօրէ , զիք փոխադարձ
փոխարինութիւն . և զի է իմն սեպհական հօր , ՚ի վերայ իւ-
րոց սեպհական իրաց ոչ կարէ լինել դրաւոր օրէն , զի չկը
անդ անիրաւութիւն քաղաքական , այլ միայն բնական : Վասն
այսորիկ օրէնսդիրք ոչինչ օրէնս եղին ՚ի վերայ հօր , դիտելով
թէ բնաւորապէս ոչ ոք կամի լինասել իւր ինքեան , և որ լինա-
սէ զաւակի՝ լինասէ անձին : Ամենայն արուեստաւոր սիրէ բնա-
ւորապէս զգործ իւր , և թէալէտ և անկատար իցեն երևին նմա-
գեղեցիկք . զի սիրէ ՚ի նոսա զանձն իւր : Մինչ զի փոխանակ
քաղաքական օրինի , շատ է բնաւորականն . զի զերկիւղին տեղի
լին հայրական սէրն : Այլանդակ իմն եղեն յաշխարհի Ման-
կոս՝ Մանկոսի որդւոյ իւրոյ սպանող , և Պալոմեոս Պտղո-
մեայ հօր իւրոյ սպանող . յոյր վերայ արկ համբաւն զվատա-
համբաւ մականուն հայրասպան 238 : Անտոյդ է թէ ո առա-
ւել մեզանչական գտաւ բնութեան . արդեօք որ երարձն ըզ-
կեանս յայնմանէ որում ետ , եթէ որ երարձն զկեանս յայն-
մանէ յորմէ էառ : Բայց մարթ է մեղ ասել , թէ հայրասպանն
է առաւել ապերախտ . և որդեսպանն առաւել անգութ : Ի
բաշխել բնութեանն զպաշտամունս , եհեղ յորդիս զպարտա-
ւորութիւն և ՚ի հարս զսէր , որ հուր իմն է հակառակ բնու-
թեան տարրական հրոյ . զի սա ՚ի վեր ցոլանայ , և նա ՚ի ստոր :
Մինչ զի մեծ ևս այլանդակ է հայր որդիատեաց . քանի զորդի
հայրատեաց : Այսու ամենայնիւ դրաւոր օրէնք հեթանոսաց
եղին ծանր ծանր տանջանս ՚ի վերայ հայրասպանին , իսկ որ-
դեսպանին և ոչ մի . թոյլ տուեալ հօրն առաջի արկանել
զորդիս գաղանաց և խողխողել իսկ , այնու անբանական որ-
փաստիւ թէ յիւրսն իւրաքանչիւր ոք է ազատ հրամանատու-
պէս թէ որդիք ծնանիցին միայն վասն հօրն , և ոչ վասն
հայրենեաց կամ տիեզերաց : Բայց եգիստացի օրէնսդիրք ոքք
չեին այնչափ խժարարոյք , որդեսպանին ՚ի վերայ եղին զայս
պատիժ , զի զերիս աւուրս պահարկութեամբ ոպասաւորաց
ատենին՝ նստցի առաջի անթաղ մարմնոյ մեռելոյն . զի ՚ի տես
ամենայն ժողովրդեան տեսցէ թէ զինչ արար : Զինչ պատիժ
քան զայդ մեղմ , և խնայական . զինչ անսպատճութիւն քան
զայդ պատճական և անխնայական : Ատեան էր թատրոնն քա-
ղաքացեաց քստմնելոց . ամբաստանող էր մեռեալն , վկայք՝
աչք , դատաւոր՝ խիզճն մատց , երկու դահիճք՝ սէր և կսկիծ :
Անդ էր տեսանել ողորմ նշաւակ . ՚ի ծիւրիլ նեխ և ժահա-
հոտ մարմնոյ հիւծեալ հաշէր հայրն յաղէկառւր կսկծանաց .

որդունք զազերք կրծէին զմարմին մեռելոյն, և զոդի կենդան ւոյն: Ցուըրտ արիւնն, որ սպանողին առաջի եռայ ՚ի դիա կունս՚ի դուրս հոսեալ ընդ վէրս՝ անբարբառ կշտամբէր զհօրն զանդթութիւն: Եւ այն էր փոխադարձ տոյժն ոչ Հռադա մանթայ, այլ Մեղենափոսի անողորմ արքայի, որ ուսոյց մեռելոց տանջել զկենդանիս 239:

ԳԼՈՒԽ ԺԱ.

Յաղագս տիրական իրաւանց ՚ի վերայ ծառայից :

Մարթ էր նախ առաջին խնդիր ՚ի մէջ արկանել թէ արդեօք ծառայութեան իցէ ինչ բնական պատճառ. զի թուի թէ բնութիւնն մայր ամենեցուն զամենեսին կամեցաւ լինել ազատ: Գիտելի է զի բնութիւնն մասնաւոր՝ հայի միշտ ՚ի կատարելութիւն մասնաւոր իրաց: Բայց քանզի ՚ի պակասութենէ նիւթոյ՝ ոչ ամենայն իրք կարողանան լինել կատարեալ, սմին իրի չէ ինչ անկատարութիւն, եթէ ընդհանուր բնութեան չծառայէ կատարելապէս ՚ի հասարակաց ինչ պէտս: Ոչ ամենայն պառւղք միոյ ծառոյ՝ ողջիկ հասունանան, դնիլ ՚ի սեղան մարդկան. բայց ոչինչ պառւղ է այնպէս թթու և ժողս, որ անսպիտան իցէ ՚ի բուտ անտանոց կամ յաղք երկրի: Չիք ինչ յաշխարհի աւելորդ: Ահա այսպիսի են խելք մարդկան. ումանք ծնանին այնպէս զգօնք և կատարեալք, որ երեխին հաստեալք ՚ի հրամայել. և այլք այնպէս ախմարք և խելաթափք, որ երեխին կարգեալք ՚ի ծառայել. վասն զի որոյ չիք զգօնութիւն, վարիլ ունի զգօնութեամբ այլոց: Արդ այս է ծառայութիւն բնական, սպիտանի եթէ այնմ որ ծառայէ, և եթէ այնմ որ հրամայէ. զի չիք ոք այնպէս անսպիտան, որ չիցէ բաւական ՚ի կրել զջուր կամ ՚ի բերել զփայտ, կամ ՚ի պահել զանդեայս. գործք, որք զգօնաւորի չեն ինչ ըմբոն. և ՚ի դարձ փոխարինի՝ որ այլում ծառայէ, յայլմէ անտի կեայ: Որ ինչ ասի զանհատէ, զնոյն մարթ է ասել համակ զժողովրդենէ: ՅԱՄԵՐԻԿԱ գտան աղինք այնպէս անագորունք և այնպէս պահարամիտք, որ գտղանակեաց կենաց նոցա կամ պաճարամտութեան, չէր հնար յաջողել քաջադիպութիւն քան զայն զի եղեն ընդ լծով: Եւ այսու օրինակու Հռովմայեցիք երախտիս արարին Սարմատացւոց, Լիւրիկեցւոց, և Գեղոնացւոց, արկեալ զնոսա ՚ի ստրկութիւն, զի եկեսցեն ՚ի մարդկութիւն: Բայց արժան է որոշել ՚ի մէջ ծառայի և ստրկի, որպէս լուիցես յառաջիկայդ:

Արդ որ ինչ ասացաւ զհայրտկան իրաւանց, զայն զօրագոյն

ևս պատճառաւ պարտ է իմանալ՝ ի վերայ տիրական իրաւանց առ ծառայս։ Արժանի է աղատութեան, որ երբէք ոչ դիտաց զայն, արժանի է դթութեան, որ կորոյս զայն՝ ի չար պատահարէ։ արժանի է ծառայելոյ, որ վաճառեաց զայն փողոյ։ Բայց որով օրինակաւ և իցէ, ծառայութիւնն՝ ի բաց արտաքսէ զընկերութիւն, ուստի և զքաղաքական իրաւունս։ Նա՝ ի մէջ որդւոյ և հօր, թէ չիք ընկերութիւն, սակայն կայ սէր։ բայց ընդ ծառայութեան այնպէս անյարիր է սիրելութիւն, մինչև ըստ վաղնջուց առակին, Որչափ են ծառայք, այնչափ են թշնամիք։ Որ միշտ անձկայ ազատութեան, ոչ կարէ սիրել զծառայութիւն։ և որ առեայ զծառայութիւն՝ ոչ կարէ սիրել զակը։ և վայ տերանց, որոց բազմացւցանեն զծառայս։ Թուջուն արկեալ՝ ի վանդակ, թէպէտ և քաջ կերակրի, յամենայնի զծերակս խնդրէ զիւրոյ վանդակարգործի, Ճողոպրիլ՝ ի դուրս։ և ծառայ առաւել ըղձանայ լինել մուրող և ազատ, քան կերակուր ունել և ընդ տերամբ լինել։ Յող զմջուառ կեանս ստրկութեան, անարդ և վաստակարեկ քան վանասնոցն, Ճիշդ՝ ի կերակուրս և ծանրաբեռնեալ յերկաթս։ և ըստ վաղեմի իրաւանց՝ այնպէս ներքոց անկեալ ազատ իշխանութեան տեառն, մինչև ի աեսանել զակը անսանել նմա դահիմ։ Աւ մէք զարմանամք, զի որչափ են ծառայք, գոգցես մարթի գտանել և այնչափ թշնամիս։ Փիլիպպոս Մակեդոնացի տռեալ և հրձիգ արարեալ զնզիւնթոս քաղաք Աթենացւոց, զքաղաքացիսն վաճառեաց ի սարկանց։ Պարրասիոս անուանի պատկերահան Աթենացի՝ ի նկարել զպատկեր Պրոմեթէոսի տանջելոց՝ ի Դիոսէ ի քարաժայուի վերայ, գնեաց զծերունի ուն ազնուականագոյն և առաւել վշտագին՝ ի միջոց անտի Ազիւնթացւոց։ Առ ի նկարել զպատկեր Պրոմեթէոսի՝ բաւական էր առաջի ունել զդէմս սորազմտեալ ՚ի սովէ և ՚ի ցաւոց վասն կորստեան հայրենեաց, որդւոց, ընչից և ազտառութեան։ Բայց Պարրասիոսի կամեցեալ ճշգրտագոյն հանել՝ ի նկար զդագրութիւն ցաւագին դիմաց, զայտումն աչաց, զուռոյց կրծոց, զձգտումն մկանանց, և զիսլիլլը ոսկերաց Պրոմեթէոսի, ետ տարածանել մերկ զծերունին, և այնպէս բուռն ձգտեցոյց քարշողաց զայն կիսակենդան անդամն, մինչև ողորմելոյն՝ ի կարկամութենէ անտի անշնչանալ՝ ի տանջանան։ Չար ևս չարիս անցոյց Պարրասիոս ընդ ծառայն, քան Փիլիպպոս ընդ թշնամին։ Փիլիպպոս ոչ սպան, զի վաճառեացէ զնա։ Պարրասիոս զնեաց, զի սպանցէ զնա։ Նա՝ չար ևս չարչարեցաւ անմեզ Ազիւնթացին՝ ի բարեկամ տեառնէ, քան մեզապարան Պրոմեթէոս՝ ի ծանրացասումն Դիոսէ։ Դիոս վշտագնեաց զՊրոմեթէոս՝ ի պատժել զնա։ Պարրասիոս սպան զծերունին՝ ի նկարել զնա վշտագին։ Զամենայն զինչ և կոմիցի, Ճեռներէց պատկերահանի օրէն է

նկարել, բայց ոչ ոք այլ պատկերահան օրինաւոր համարեցաւ սպանանել զսկզբնատիպն, զի նկարեսցէ զպատկերն: Սակայն օրէնք թողացուցանէին մեծ ևս ձեռներիցութիւն տեառն, քան պատկերահանի: Հուադամանթոս ըստ իւրում արդար փոխադարձ տուժի, գատապարտէր տրդեօք զՊարրասիոս, զի նկարեսցի ՚ի կերպարանս Տիախոսի նովին արուեստիւ, որով նկարեաց ինքն զԱղիւնթացին ՚ի կերպ Պրոմեթէոսի 240:

Ի մեր մարդասիրագոյն գարս՝ արդարագոյն և ապահովագոյն է վիճակ այնց ծառայից, որոց պայման եդեալ ծառայութեան իւրեանց ըստ կամս, փոխադարձ փոխանակութեամբ, տան զիւրեանց աշխատութիւն և ընդունին զարժանին թոշակ. և այնպէս դիւրաւ հրաժարելով՝ ի ծառայութենէ իբր ապահարզանաւ, ազատ կացուցանեն զանձինս, այլ ոչ կամելով ծառայել: Ոչ պակասին երբէք տեարք ծառայից, և ոչ ծառայք տերանց: Այսու օրինակաւ լծորդի ընկերութիւն ընդ անհաւասարութեան, ազատութիւն ընդ ծառայութեան, և իրաւունքն տիրական ընդ իրաւունս քաղաքական, մինչեւ լինել տանն փոքրիկ ինչ հասարակութիւն, և ծառային ունել զաեզի արքունի սպասաւորի, և տանուտեառնն լինել ինքնուրոյն արքայիկ: Արդ այսպիսիք են ծառայք, այլ ոչ թշնամիք տեառն. զի չեն բռնազբօսեալք: Մանաւանդ թէ են սիրել բարեկամք, զի են երախտաւորեալք. և վասն այսորիկ առաւել ևս հաւատարիմք, զի են առաւել բարեկամք: Ընդ այսպիսիս քաղաքավարագոյն ևս վարի տէրն, գիտելով յօր ըստ օրէ անցից, քանի դիւրին է նմա ՚ի նոցայն լինել վիճակի: Ամենայն ծառայ սերեալ է յումեմնէ թագաւորէ. և ամենայն թագաւոր սերեալ է յումեմնէ ծառայէ: Կա՝ վասն զի ամենայն տէր է ընդ աւագագոյն տերամք, այնպէս վարի ընդ ծառայս, որպէս կամեր թէ վարեսցի աւագագոյնն ընդ իւր:

ԳԼՈՒԽ ԺԲ.

Յաղագս ամոռնական իրաւանց :

Առաւել ևս դժուարին իմն է սահմանել թէ որսկիսի ինչ իրաւունք կոչիցին ամոռնականն. զի թուի թէ չէ այն ոչ յաստուածային իրաւանց, ոչ ՚ի քաղաքականէն, ոչ յիրաւանց ազգաց, և ոչ ՚ի բռնականէն: Չերեկի լինել յաստուածայնոյն. ապա թէ ոչ, ամենայն մարդ պարտաւոր լինէր ածել կին, և մեղապարտ լինէր այնչափ սպանութեանց, որչափ որդիս յանհոգութենէ ամոռնութեան ընծայէր աշխարհի և Աստուծոյ: Մանաւանդ զի այնչափ առաւել հաճոյ է Աստուծոյ վիճակի

կուսական քան զամուսնական, որչափ առաւել նման է աստուածեղէն բնութեան հոդի քան զմարմին: Եւ եթէ մեծ առաքինութիւն է համարեալ չանցանել յերկրորդ ամուսնութիւն, մեծ ևս առաքինութիւն լինի չանցանել յառաջինն: Եւս առաւել չթուի կախեալ զքաղաքական իրաւանց: Զիթէ ամուսնութիւնն յառաջէ քան զտոհմ, և տոհմ քան ըզքաղաք, և քաղաք քան զքաղաքական իրաւունս, ապա և ամուսնական իրաւունք յառաջէն քան զքաղաքական իրաւունս. զի բաղկացուցիչ մասունք յառաջադոյն են քան ըզքաղացեալն: Այն զի, եթէ իրաւունքն քաղաքական որպէս ասացաւ, չէ 'ի մէջ վերնագունի և ստորագունի, այլ 'ի մէջ հաւասարից, անմարթ է այդմ հաւասարութեան ունել զտեղի յամուսնացեալս. վասն լինելոյ տանուտեառնն որպէս արեգակն յերկնի, և իշխան 'ի թագաւորութեան, և դլուխ 'ի մարդկեղէն մարմնի: Թող զի, եթէ իրաւունքն քաղաքական է կարգեալ առ հասարակաց օգուտ, կարգա զամենայն պատմութիւնս, և գտցես զի ընդ միոյ կնոջ, որոյ գործեալ ինչ իցէ օգուտ հասարակութեան, բիւրաւորք եղեն պատճառք մեծամեծ չարեաց: Եւս առաւել չերեխ միաբանել ամուսնական իրաւունքն ընդ իրաւունս ազգաց: Զիթէ հաստատեալ է սա առաւելապէս յընկերական կեանս, և յազատութիւն անձին. զինչ ինչ կայցէ առաւել հակառակ երկաքանչիւր օգափ քան զամուսնութիւն: Զիթէ պէտնախ առաջին՝ կարի իսկ ճշմարիտ է թէ միաբանութիւնն է մայր ամուսնութեան. բայց ամուսնութիւնն է հայր անմիաբանութեան: Այն ինչ վառէ սէրն զջահ հարսանեաց, ատելութիւնն 'ի վերայ հասեալ շիջուցանէ: Ի սուղ ժամանակի փոփոխ հաւանութեանն զհետ գայ համբ ապաշաւ, և ուրախ հարսնածութեան տըխուր կոծութիւն 241: Մինչև անձամբ զքափ առեալ ուրումն իմաստնոյ կնքեաց, թէ երկուս միայն աւուրս բարօրութեան շնորհէ առնն կին. զհարսանեացն և զթազման: Իսկ յազատութեան մասին ո՞ր ազատութիւն իցէ առաւել ծառայական քան զայն, յորժամ երկու ազատ անձինք անձնատուր լինին տէրութեան միմեանց, և երկաքանչիւրն զպարանոցս խոնարհեն ընդ միովլ լծով, ում կամաւորութեամբ լինին 'ի խնդիր, և բառնան ակամայ կամօք, զի մի միայն վայրկենական կամք լինի նոցա մշտնջենաւոր հարկ: Ապա եթէ լինի անջատումն առագաստի, չար ևս է վիճակն. զի գու այնուհետև չես ծառայ, բայց և ոչ ազատ. ոչ ևս ես նորա, բայց և ոչ քոյ. զի ոչ կարես լինել այլում. մինչև զկնի ստրկութեանդ դեռ ընդ քարշ տանել քեզ զքո շղթայսդ: Ապա եթէ խզեսցես իսկ զայն՝ իսպառ բաժանմամբ, կամ խոստովանիս թէ չար ընկերութիւն է ամուսնականն, և կամ թէ հարիւրոց ես արժանի, եթէ միովլ չշատանաս: Հուսկ ապա երեխ թէ անյարիր է

իրաւունքն ամուսնական ընդ բնականին։ Զի թէպէտ ընութիւնն ետ անասնոց սէր զաւակի, բայց ոչ կապեաց զսէր նոցա ընդ մի միայն անհատ։ Թող զի ամենայն նոյնատեսակ անհատից ետ զնոյն բարս։ Վասն այսորիկ յընտրութեան ընկերի ոչ կարեն անասունք սխալել կամ ստրջանալ։ Այլ 'ի կանայս այնչափ բարք են և այնչափ մոլութիւնք 'ի միմեանց տարբերք իբրև զդէմս, սակայն համակ քողարկեալք ընդ չքնաղ և համեստ կերպարանաւ իբրև օձք 'ի մէջ ծաղկանց։ մինչև անհնարէ ճանաչել զնոսա, բայց յորժամ ճանաչումն նոցա այլ ոչ օգնէ ինչ։ զի ամենայն այլ գեղ չարագոյն գոլով քան զայն չար, հարկ լինի կամ հանդուրժել և կամ փախչել։ Բայց բաց յանհատական մոլութեանց կան և հասարակք բովանդակի դական սերի։ Վասն զի եթէ կինն է անպարկեշտ, ով քանի ամօթ նախատանաց իցէ, եթէ պարկեշտ, ով քանի նորա անսաստութիւն։ Եթէ աղքատ, ով քանի վայրապար ծափք, եթէ փարթամ, ով քանի խրոխտանք։ Թէ է ամուլ, քանի վէճք, թէ է բազմածին, քանի թշնամիք։ Թէ է մանկամարդ, լինի պահանձախնդիր։ Թէ է տպեղ, անհաճոյ է այնմ ոյր է։ Թէ գեղեցիկ, հաճոյ է այնմ ոյր չէ։ Եւ զինչ այնպէս դժուարին իցէ պահել որպէս զայն որ բազմաց է ակնահաճոյ։ Զհուսկն ասացից։ Պրոտագորաս առ 'ի հասուցանել զմեծն 'ի չարեաց իւրում թշնամոյ, ետ 'ի նա զդուսար իւր կնութեան 242։

Բայց յայլմէ կողմանէ, թուի թէ իրաւունքն ամուսնական փակէ յինքեան զայլ ամենայն իրաւունս։ Ե 'նա ստուգապէս յաստուածային իրաւանց։ զի կարգեցաւ յԱստուծոյ ընդհանուր հրամանաւ, որ պարտաւորէ զամենայն աղդ մարդկան 'ի ընուլ զաշխարհ որ արարաւն վասն նորա։ 'Նա՝ թէպէտ և կարող էր Աստուած կազմել իւրով ձեռամբ զամենայն մարդ իբրև զառաջինն, ոչ կամեցաւ թէ 'ի սկզբնատպէն լիցի նոցա հաստուած։ այլ զի սերեսցին 'ի միմեանց, 'ի պահել զսէր առ զաւակս և առ ընկերութիւն ամուսնական։ Վասն այսորիկ ձգեաց էառ զիինն ոչ 'ի գլխոյ, ոչ յոտից, այլ 'ի կողէ առննյայտ արարեալ թէ կինն ոչ է ինքնիշխան տիկին, և ոչ անարդ աղախին։ այլ անանջըպէտ ընկեր, և 'ի բարիս և 'ի չարիս մտերիմ վիճակակից։ Բայց իբրև հանրական սերնդեամբ՝ առաւել ևս պիտոյացաւ ժողովրդոց բնակութիւն, քան բնակութեան ժողովուրդ։ և այնպէս 'ի լնանիլ աշխարհի՝ մնայր միայն ընուլ զերկինս, օրէնքն բնութեան տեղի ետ օրինաց շնորհաց, և պարծանք ծննդականութեան տեղի ետուն պարծանաց կուսութեան և անկնութեան։ Սակայն և այնպէս հրաման սերնդեան մնաց առ ամենայն աղդ մարդկան ընդհանրապէս, այլ ոչ առ իւրաքանչիւր մասնաւոր։ ցոր վայր արարչին աշխարհի կամք իցեն պահել զայն։ Բայց բաց յայտմ գաղտնեաց, զոր

վաղնջուց իմաստասիրութիւնն ոչ ծանեաւ, ստոյգ իմն է թէ ամուսնական իրաւունքն մեծապէս անկ է քաղաքական իրաւանց : Անկ է նախ 'ի սակս դաշին Շմարիտ ընկերութեան երկուց, որք 'ի սկզբանէ ազատ գոլով հասարակեն 'ի մէջ իւրեանց զինչս և զանձինս, յորում բաժանորդութեան՝ վասն զի հնար է թէ դիպեսցի անիրաւութիւն և վնաս, ունին զտեղի արդարութիւն և օրէնք : Եւ չէ ընդդէմ թէ ամուսնութիւնն եղե յառաջադոյն քան զքաղաքական օրէնս : Զի և առաքինութիւնք և մոլութիւնք եղեն յառաջադոյն քան զօրէնս. սակայն և այնպէս օրէնք արդելուն զմոլութիւնս, և օրինադրեն զառաքինութիւնս : Անկ է և 'ի սակս վախճանի քաղաքականութեան. իբր զի ամուսնութիւնն է սերմնարան հասարակապետութեց . որք առանց այսր նուազին, որպէս պարտէզք անջըրդիք : Վասն այսորիկ ամուսնացելոց՝ իբրև բարեացապարտից հասարակապետութեան, հռովմայեցի օրէնսդիրք ընորհեցին ապահարկութիւնս նպաստամատոյցս, և մեծաշուք նախապատութիւնս : Եւ սպարտացիք ամուրեաց ոչ տային տեղի 'ի թատրոնս, ոչ կամեցեալ 'ի համար դասել քաղաքացեաց զայն որ ոչ յաւելոյր զթիւ քաղաքացւոց : Եւս առաւել անկ են ամուսնական իրաւունք իրաւանց ազդաց : Զի որովհետեւ այր մարդ առաւել մտաւորութիւն ունի 'ի վերայ ընդհանուր իրողութեանց, և կին մարդ առաւել զգուշաւորութիւն 'ի վերայ մասնաւոր իրաց, 'ի ծառայել նորա հայրենեաց՝ սա պահէ զտունն : 'Նա աշխատի 'ի կերակրել զզաւակն, սա պահապան է նորա . նա հրամայէ խմբից զրաց, և սա ծառայից : Մինչեւ կնոջն՝ ձեռամբ առնն զինիլ 'ի բանակի, թէպէտ և կայ 'ի տան . և առնն՝ աչօք կնոջն պահել զտունն, թէպէտ և կայ 'ի բանակի : Եւ ովլ առաւել փութաջան իցէ վասն առնն, բայց որ վիճակակիցն է վիճակի նորա : Ովլ քան զնա երկայնամիտ իցէ 'ի հիւանդութիւնս . ովլ քան զնա անձնատուր 'ի վտանգս . ովլ քան զնա քաղցր 'ի վիշտս . ովլ քան զնա հաւասարիմ 'ի խորհուրդս : Զափ էառ զսորա իմաստունն 'ի կայսերս Օգոստոս 'ի դաւադրութիւնս Կիննեայ . որ առանց հանճարոյ կնոջ իւրոյ չփիտէր ելանել 'ի լաբիւրինթոսէ հանապազորդ դաւադրութեանց : Իսկ թէ իրաւունք ամուսնական անկ իցեն ընական իրաւանց, քաջայայտէ : Զի որովհետեւ վախճան բնութեան է պահպանութիւն ազդի մարդկան, և զի չէ հնար անհատից լինել անմահ, և ոչ ծնանիլ միանդամայն առ չբաւելոյ գետնի այնչափ բաղմութեան, պատշաճ եղե նոցա հետ զհեաէ մեռելութեամբ վերստին ծնանիլ 'ի զաւակս, և մահկանացութեան անհատից անմահանալ յիւրեանց տեսակի : Թող զի գեղեցիկ իմն գոլով վասն պէսպիսութեան աշխարհի . թէ 'ի մարդոյ միայն ծնցի մարդ, ամենեքին ծնանէին արդեօք նոյնատիւպ և նոյնու

բակ՝ իբրև զպտուղս միոյ տնկոյ. ուր տարբերութեամբ սերի՝ իբրև պատուաստիւ պէսպէս տնկոց՝ ծնանի պէսպիսութիւն գիմաց և բարուց և բնաւորութեանց առ պէսպէս արուեստս։ Եւ ոչ վասն այսր սլատշաճող է մարդոյ՝ որպէս անասնոց, խառն զուգաւորութիւն. զի սէրն բաժանեալ մի ծնցի յաճախութեամբ վէճս քան զորդիս, և որդիս քան զինչ. իբր զի տոհմից և հասարակութեանց մեծ է պիտանութիւն ստուգութեան և միաբանութեան քան բազմութեան զաւակաց։ Վասն այսորիկ բնութիւնն իսկ ազնուագոյն և կատարելագոյն կենդանեաց՝ ետ մեծ ևս հաւասարմութիւն և հաստատութիւն 'ի սէր իւրեանց։ Իսկ թէ 'ի կանայս իցեն աւելի մոլութիւնք քան յարս, ոչինչ են զարմանք. որովհետեւ ոչ այլ ինչ է կին, բայց անկատար մարդ։ Բայց և արժան է յուշ ածել, մի իցէ թէ մոլութեանց նոցա պատճառք իցեն մոլութիւնք արանց, որք են կարի իմն դժնդակք։ Վասն այսորիկ նոյն ինքն բնութիւնն անզօր կենդանեաց ետ թոյն, և կանանց չարութիւն՝ 'ի պաշտպանութիւն իւրեանց։ Որպէս և իցէ, մոլութիւնք կանանց չեղեն երբէք խոչ առաքինութեան արանց։ Ոչ կարողացան վնասել թշնամանք քսանդիպպեայ՝ Սոկրատայ իմաստասիրի, և ոչ Պաւլային՝ կատովնի քննչի, և ոչ Սկրիբոնայն Օգոստոսի քաջի, և ոչ Սաբինայն Ագրիանոսի վեհանձին։ Մանաւանդ թէ իբրև ոչ կարողացան բարւոքել սոքա զկանայս իւրեանց գանիւ, բարւոքեցին զանձինս իւրեանց համբերատար ժուժկալութեամբ։ Բայց կարի իմն դիւրին է առն մտաւորի՝ գիտել 'ի ձեռն բերել զվարդ զանփուշընտրեալ կին գեղեցիկ, ազնուական, և հարուստ, բայց և պարկեշտ, իմաստուն, և հանդարտ։ Այն է միայն դժուարին, թէ ուր գտանիցի։

ԳԼՈՒԽ ԺԳ.

Յաղագս իրաւանց զոր ունի մարդ 'ի վերայ
անձին իւրոյ։

Եւս և 'ի վերայ անձին իւրոյ իւրաքանչիւր ոք ունի ինչ իրաւունս, որով կարող է գործել արդարութեամբ կամ անիրաւութեամբ։ Այլ այս է իրաւունք ինչ անյատուկ և փխաբերական։ Վասն զի եթէ մարդկայինս բազկացութիւն մտածի որպէս փոքրիկ ինչ տուն, յորում հոգի և մարմին են երկու ընկերք, որոց հնազանդին զաւակք, որ են կիրք. և ծառայեն զգայութիւնք իբր արբանեակք. ու քանիցս բռնաբարին այս անտեսական իրաւունք կարի իմն մեղկութեամբ տա-

նուաեառն, և ստահակութեամբ ծառայից : Կամ եթէ մոածի մարդ որպէս փոքրիկ ինչ հասարակապետութիւն, յորում միտք 'ի ձեռին ունի զմիապետական իշխանութիւն, ախորժականք են աղնուականք, և արտաքին զգայութիւնք ժողովրդականք . քանիցս բռնաւորին քաղաքական իրաւունք, վասն զի իշխանն պահանջէ զոր չէ արժան, կամ ժողովրդականք ապստամբին յիշխանէն : Բայց քանզի արդարն և անիւրաւն է 'ի մէջ որոշ անձանց, որոց մին պահանջմամբ աւելի քան զարժանն, կամ առնլով աւելի քան զոր պարտն է, թիւրէ զարդարութիւնն տրամաբաշխական կամ փոխարինական, վասն այսորիկ այս մասնաւոր իրաւունք չեն յատկապէս սնտեսական, և ոչ քաղաքական . այլ փոխաբերական, ըստ որում մասունք մի և նոյն բազադրելոյ կեղծին որպէս անձինք որոշք 'ի միմեանց : Եւ այս իսկ եղեւ փոխաբերութիւնն, որով իմաստունն Ագրիպտաս զգաստացոյց զժողովուրդն ըմբոստացեալ առ ծերակոյտն յԱւենտին . բերելով օրինակ զանդամա ըմբոստացեալ առ որովայն, որում կամելով վնասել, ինքեանց հասուցանէին վնաս 243 :

Յայտանէ մարթիս լուծանել զերկուս երեւելի խնդիրա : Մի թէ որ սպանանէ զինքն, անիրաւեսցի՝ արդեօք առ ինքն : Երկրորդ թէ սպանովն ուրուք՝ որ կամի թէ սպանցի, անիրաւեսցի՝ առ սպանեալն : Զոր պարտ է իմանալ 'ի վերայ այլ ամենայն վնասուց պատուոյ կամ ընչեց, զոր կամաւ ոք հասուցէ անձին, կամ յայլմէ կամաւ ընկալցի : Եւ առ առաջինն՝ գիւրաւ կարող ես տալ պատասխանի, որպէս ասացաւն . զի թէ և անիրաւութիւն լինէր վնասել կամաւ անձին, այն լինէր անիրաւութիւն փոխաբերական . ըստ որում երկու կարողութիւնք 'ի նոյն բազադրեալ անբաժանաբար լծորդք՝ կեղծին իրրու երկու անձինք 'ի միմեանց իսկութեամբ որոշք, և ընդ միմեանս խռովք, մինչեւ միոյն զմիւսն թշնամանօք անարդել : Ըստ օրինակի այլանդակին՝ որոյ երկու գլուխք էին և չորք բազուկք ընդ միմեանս մարտադիրք, մինչեւ նոյն այլանդակին թշնամացեալ անձին՝ վերս ընդունիլ և վերս 'ի վերայ գնել : Բայց թէ զիսկն խօսիցիմք, անհնար է մարդոյ անիրաւիլ առ ինքն : Զի որպէս ոչ է հնար անիրաւիլ, բայց եթէ կամաւ . նոյնպէս ոչ է հնար ընդունիլ զանիրաւութիւն, բայց եթէ ակամայ, առնչակից գոլով այսց եզերաց : Ի կամ միայն է ոյժ անիրաւութեան : Որ վնասէ այլում յանգէտա կամ բռնութեամբ, առնէ այո՝ անարդար ինչ, այլ ոչ անիրաւի . զի անարդարութիւնն չափի յօրինաց, այլ անիրաւութիւնն չափի 'ի կամաց . նա է չար նիւթապէս, և սա չար տեսականապէս : Մինչ զի անիրաւիլ տեսականապէս ոչ է առնելն այլում չար, այլ կամիլն առնել այլում չար : Արծուին չար արար Եսքիղոսի, բայց ոչ անիրաւեցաւ առ նա յորժամ

ընկեց զկրիայն՝ ի վերայ ճաղատ գլխոյ նորա , կարծելով թէ
իցէ քար : Կամէր զկրիայն խորտակել , և ոչ թէ զբանաստեղծն
սպանանել . իւրում օդաի ըղձանայր , և ոչ թէ վնասու այ-
լոց 244 : Արդ ասեմ , թէ այս հնար է մարդոյ վնաս հասու-
ցանել անձին , այլ ոչ է նմա հնար անիրաւիլ առ անձն , զի
անհնար է նմա կամիլ զշար իւր : Ապա եթէ կարողացի կա-
միլ ինչ անձին իւրում չար , ոչ է հնար թէ կամեսցի տեսա-
կանապէս որպէս չար , այլ որպէս բարի . զի բարին է սեպ-
հական առարկայ կամաց , որպէս Ճշմարիտն մտաց 245 : Հե-
րակլէսի չհանդուրժեալ ցաւոց արեան Նեսսոսի , որ ուտէր
զմարմին նորա , ընկեց զանձն՝ ի հուր : Եւ կատովս՝ ի չհամ-
բուրել զզինեալ ձեռս իւրոյ թշնամոյ , սրով իւրով զիւր
երակս եհատ : Երկաքանչիւրքն ըղձանային մահու , ոչ որպէս
վնասակար առարկայի , այլ մին ընտրեաց զբոց՝ ի դեղ իւրոց
ցաւոց , և միւսն զսուր որպէս բանալի իւրոյ ազատութեան :
Երկաքանչիւրն ոխանային չարաբաստութեան , և ոչ թէ ան-
ձանց : Բայց կամեցեալ մատչիլ յես մասնաւոր փորձս , թէ
արդեօք սպանանել զանձն իցէ անիրաւիլ առ անձն , տեսցուք
ում յերկուց ասաի արդարութեանց անկ իցէ զայս անիրա-
ւութիւն ածել յուղղութիւն . արդեօք արդարութեան մաս-
նաւորի թէ օրինականի : Յայտ է թէ ոչ արդարութեանն
մասնաւորի : Վասն զի նոյն գոլով որ անիրաւի՝ և որ զանիրա-
ւութիւն կրէ , նոյնն միանդամայն լինէր պարտապան և պար-
տատէր : Ապա վասն զի պարտ է փոխարինական արդարու-
թեան հրամայել զտոյժն անիրաւութեան ըստ թուաբանա-
կան հաւասարութեան , պարտ և պատշաճ էր նոյն ինքեան
փոխատրել զկեանս՝ զոր եբարձ . կտմ եթէ հոգին սպան ըղ-
մարմինն , պարտ և պատշաճ էր մարմնոյ սպանանել զհոգի :
Իսկ ըստ օրինական արդարութեան՝ խոստովանելի է թէ օ-
րէնսդիրք ոմանք հրամայեցին զդիակունս անձնասպանից ըն-
կենուլ՝ ի բացի , զի ըստ գաղանանալոյ նոցա առ անձինս՝ փոր
գաղանաց լիցի նոցա գերեզման : Փոխադարձ տոյժ այս վայել-
չական , և ահընկեց կենդանեաց . քան պատժական մեռելոց :
Բայց այս քաջ ցոյց է , թէ անիրաւեցան նոքա առ հայրենիս ,
յանցանել ըստ օրէնս . և ոչ թէ անիրաւեցան առ իւրեանց
անձինս : Իբր զի՝ ի ծնանիլ ամենայն մարդկան վասն հայրե-
նեաց , որպէս այլուր ասացաք , կամաւոր է այն սպանութիւն՝
հայելով՝ սպանեալն . այլ ակամայ՝ հայելով՝ ի հայրենիս .
և վասն այնորիկ անիրաւ է առ հայրենիս , այլ ոչ առ սպա-
նեալն : Վարդապետութիւնս հաստատի անընտել օրինակաւ :
Մարսիլիա , որ երբեմն ազատ էր և բարեկարգ հասարակա-
պետութիւն , էր անաշառ վրէժինդիր՝ որոց կամաւոր դա-
հիճն լինէին անձանց . բայց պահէր նա յարքունի պահեստա
զթունաւոր մոլախինդ , որպէս զառողջարար ինչ դեղ սլիտանի

ամենայն շարեաց, եթէ օրինաւոր թոյլտուութեամբ իշխանաւորաց լինէր առնուլ՝ ի կիր: Վասն որոյ եթէ ՚ի քաղաքացեաց ոք ախտաժէտ կամ դժբախտ՝ աազտկանայր ՚ի կենաց, խնդրէր աղազանօք յիշխանաւորաց կենազրաւ լինել. որք թէ իրաւացի համարէին զնորա յառաջ բերեալ պատճառս, տային նմա զայն մահաբեր ումապ. որով ՚ի դէպ ժամու, յետ հրաման տալոյ վասն տան իւրոյ՝ քաղցր ՚ի քուն լեալ, զրաւիւր ՚ի կենաց և ՚ի տաղտապանաց: Գերմանիկոս կեսար ըստ պատմելոյ Տակիտոսի, զայսր գորովական և խժդժական օրինի ետես զվեհանձնեայ փորձ ՚ի բամբիշ ոմն երևելի, չուառ՝ միանդամայն և երջանիկ կարծեցեալ: Յայսմ օրինաց գրելոյ ըստ աղօտանուազ լուսոյ բնութեան, և ոչ ըստ լուսապայծառ աւետարանի, մարթիս Ճանաչել ՚նախ թէ ըստ դատման իսկ այնց իմաստնոց, որ սպանանե զանձն անիրաւի առհայրենիս. յորժամ հայրենիք չեն հաւան ընդ պատճառանորն. այլ ոչ յորժամ թողացուցանեն զմա՞՝ որպէս մեծ ինչ երախտաւորութիւն՝ այնմ անձուկ ունողին: Եւ երկրորդ թէ ևս առաւել չանիրաւի առ ինքն, իբր զի յառաջ դայ գործն յիւրոյ կամաց, և ոչ ՚ի կամաց այլոյ: Նա ըստ կարծեաց ՚նոցա, առնէ անձին մեծ ինչ ծառայութիւն. զի այնուիկ կարճատե և քաղցր դեղմափաւ բառնայ զբունութիւն երկարատե և ցաւագին թունոյ վշտակիր կենաց, և արարեալ հաճելի զահաւորն քան զամենայն որ յաշխարհի, քաղցր թիալարէ ՚ի քնոյ ՚ի մահ ՚ի միում բաժակի:

Ի ՚նախընթաց վարդասլետութենէ ասաի մարթիս դիւրաւլուծանել և զմիւս խնդիրն, թէ սպանողն այնորիկ որ կամի թէ սպանցի, անիրաւեսցի՝ արդեօք առ սպանեալն: Ստոյգիմն է թէ ՚ի փոխարինութիւնս ոչինչ արդարութիւնն կոչէ վնասեալ զայն, որ կամի զմնասն. կամ զրկեալ, զայն որ կամի զզրկանան: Ի փոխանակութեան զինուց, զոր ՚ի նշան դաշնաւորութեան արարին ՚ի մէջ իւրեանց Դիոմեդէս և Գլաւկոս, թէսլէտ զէնք Գլաւկոսի էին յոսկւոյ, և Դիոմիդէայն յերկաթոյ, ոչ դատապարտեցաւ Դիոմեդէս ածել ՚ի հաւասարութիւնն էր ՚նիւթական, այլ ոչ տեսական. ազատ հաւանութիւնն նոյր զմնասն, զի ամենայն ոք տէր է իւրոյն: Ըստ այսմ սպանողն այնորիկ որ կամի թէ սպանցի, այս հնար է թէ անիրաւեսցի ՚նիւթապէս, այլ ոչ տեսականապէս: Յիրաւի յանդիմանեցաւ յԱրիստոտէլէ Որեստէս յեղերդութեանն Եւրիպիդէայ. զի խոստովանելով և ՚ի չքմեղս լինելով ետ պատախանի. թէ սպան զմայր իւր, ասէ.

Կամաւ զկամեցովն, ակամայ զչկամեցովն:

Որպէս թէ ասէր. Եթէ կամէր նա թէ սպանցի, սպանի կա-

մաւ . Եթէ ոչ կամերնա , սպանի ակամայ : Ոչինչ զբոյց յայնոմ
մեծի բանաստեղծութեան քան զայդ եղերական , և ոչ ինչ
քան զայդ յիմարական : Չգիտեմ ով առաւել շաղփաղփիցէ .
Որեստէս եթէ բանաստեղծն , որ կամելով արդարացուցանել
զՈրեստէս , լինի նորա չարախօս , զի անդ է տեսականապէս
յանցուածն . ուր է նորա սկիզբն , և սկիզբն յանցուածոյն է
կամքն : Ապա շատ էր ասել . Սպանի զմայրս , զի նա կամեցաւ
թէ սպանցի . փոխանակ զի նա ինքն շնացողին ետ սպանանել
զհայր իմ : Այսու օրինակաւ Որեստէս արկանէր զյանցուածն
'ի հեղինակին վերայ . զի արդարութիւնն ենթադրէ . թէ որ
կամի զպատճառն կամի և զգործն որ հարկիւ լծորդ է ընդ
նմա : Ապա ոչ էր պարտ նմա ասել , կամաւ զկամեցողն . այլ
թէ ակամայ զկամեցողն . զի կամքն բռնադատեալ ոչ է կամք .
և կրկին էր բռնադատեալ կամք Որեստեայ . 'ի հարկէ վլէժ .
խընդրութեան հօր , և 'ի հրամանէ պատգամախօսին : Իսկ
արդ , եթէ մեկնողական կամք սպանելոյն՝ բաւական է զի ըս-
պանողն մի անիրաւեցի , ո՞րչափ ևս չանիրաւի , յորժամ
յայտնի և աղատ կամք սպանելոյն ստիպէ զսպանողն : Եւ ե-
թէ որ իւրով ձեռամբ սպանանէ զինքն , ոչ անիրաւի առ-
ինքն , որպէս ասացաւ , զիարդ անիրաւութիւն ընկալցի , եթէ
այլոյ ձեռօք կամի թէ սպանցի : Նա ինքն է սպանեալն և սպա-
նողն : Աքքայ Սաւուղ էր վիրաւորեալ 'ի մահ , բայց քանզի
կամ յամառ ոգին չելանէր 'ի մարմնոյ 'ի տանջել զնա . կամ
կարի իմն անձուկ դուռն թուեր իւրոյ հպարտութեան՝ մի
միայն վիրաբերան , ողորմելին կիսամեռ և կիսակենդան տան-
ջիւր և ոչ մահանայր : Ապա հրամայեաց միում յիւրոց զօրա-
կանաց՝ Ամաղեկացւոյ , զրաւել զնա 'ի կենաց . նա 'ի հնազան-
դութենէ և յաղեխորով գթոյ ընդարձակագոյն ևս պատա-
ռուածով լայնեաց զելս հոգւոյ և զմուտ մահու : Ո՞ր չարա-
գործ եղեւ երբէք քան զսա բարեգործ : Ո՞վ անիրաւութիւն
կոչիցէ զայսպիսի հնազանդութիւն իւրում տեառն դիւ-
րիչ²⁴⁶ : Բայց ասիցես . Եթէ Ամաղեկացին չանիրաւեցաւ
առ տէր իւր , զիարդ ապա Դաւիթ այր իմաստուն և սուրբ մե-
ռոյց զԱմաղեկացին վասն այդր բանի : Թէ չեղեւ նա անիրաւ ,
անիրաւեցաւ ուրեմն Դաւիթ 'ի դատապարտել զանպարտն :
Եթէ Դաւիթ իրաւամբք դատապարտեաց զնա , ապա չէ ճըշ-
մարիտ թէ ոչ լինի անիրաւութիւն 'ի սպանանելն զայն որ
կամի թէ սպանցի : Պատասխանեմ , որպէս յառաջն , թէ զոր
օրինակ որ սպանանէ զինքն , ոչ անիրաւի առ ինքն , այլ առ
հայրենիս . նոյնապէս Դաւիթ ոչ դատապարտեաց զԱմաղեկա-
ցին , զի անիրաւեցաւ առ Սաւուղ , այլ զի անիրաւեցաւ առ
Աստուած , որ օծեալն էր զնա ձեռամբ Սամուելի : Այն
սուրբ օծումն էր պահանորդ այնը մարմնոյ : Կեանք թագա-
ւորի են 'ի ձեռս Աստուածոյ . 'ի նա պարտ էր Ամաղեկաց .

ւոյն առնել զայն ապաստան : Կա արար որ ինչ կամք էին Աստուղայ . չարար՝ որ ինչ կամք էին Աստուծոյ : Բայց գուցէ թէ այն եղե սնապարծութիւն ինչ Ամաղեկացւոյ :

ԳԼՈՒԽ ԺԴ.

**Թէ ո՞ր իցէ ձշմարիտ և կատարեալ սահման
արդարութեան :**

Աստուածաբանք ոմանք սահմանեն այսպէս . Արդարութիւնն է խոտորիլ 'ի չարէ , և առնել զբարի : Բայց սոքա շփոթեն զդշխոյն առաքինութեանց ընդ իւր աղախնայս : Վանզի և ժուժկան , հեզն և առատաձեռնն առնեն զբարի , և խորշն 'ի չարէ . զի զմէջն ունին զառաքինութեան , և խորշին 'ի ծայրից . բայց վասն այնր ոչ ժուժկալութիւն , ոչ հեզութիւն , և ոչ առատաձեռնութիւն են արդարութիւն : Արիստիդէս Ճարտարն յարդարութեան , որ էառ յիւր վերայ զարդարդ մականուն , իբրև հարցաւ թէ զինչ է արդարութիւն , ետ պատասխանի . Ոչ ցանկալ ընչից այլոց : Վաշ գիտաց դա 'ի գործ դնել զարդարութիւն , քան սահմանել զայն : Արժանի էր կիսոյ միայն իւրոյ անուան , թէ չէր արարեալ աւելի քան զիւրն սահման . որ սահման կտրեալ զարդարութիւնն ընդ մէջ շատանայր թերես վասն նորա , այլ ոչ վասն այլոց : Լրագոյն ևս է սահմանն իրաւագիտաց , թէ արդարութիւնն է հաստատուն և մշտնջենաւոր կամք տալոյ ամենեցուն , զոր պարտն է : Բայց և այդ է առաւել գուեհկական , քան գիտնական . զի 'ի տեղի սեռի դնէ զենթակայն , և թէպէտ էութիւնն է Ճշմարիտ . բայց պարոյական առաքինութիւնք սկահանջեն զհաստատուն և զմշտնջենաւոր կամս 'ի գործ դնելոյ զնոսա : Առաւել ևս տրամաբանօրէն և ևս ընդարձակ սահմանեցաւ յայն նախնի Փիլիսոփայից , որպէս 'ի սկզբան անդ ասացաք . Արդարութիւնն է ունակութիւն , որով մարդ լինի պատրաստական առնելոյ զիրս արդարս , և կամելոյ առնել զնոսա : Միայն թէ սոքա դնէին յայտնի զսեռն , այսինքն թէ արդարութիւնն է ունակութիւն . բայց թողուին անյայտ զարրերութիւնն , մնալով 'ի մթան թէ ո՞ր իցեն արդար իրք , որպէս ևս թէ զինչ իցէ արդարութիւն . մինչ այնուհետեւ չերեիլ սահման , այլ վայրաբանութիւն : Ապա Արիստոտէլ 'ի վերայ այսց նախանկար գծադրութեանց աշխատասիրեալ , և զարդարութիւնն օրինական՝ որ ընդ իւրեւ փակէ զամենայն առաքինութիւնս , որոշեալ 'ի մասնաւոր արդարութենէ , որ հայի 'ի հաւասար

բութիւն բաշխից և փոխարինութեանց, ճշգրտիւ նկարէ զբուն և զկատարեալ պատկեր արդարութեան սահմանաւս'ի բանից նորա քաղեցելով. թէ արդարութիւնն է առաքինութիւն ինչ, որով յօժարին կամք առնել ուղիղ դատաստանաւ զիրս արդարս. և տալ անձին և այլոց համեմատութեամբ և հաւասարութեամբ զոր պարտն է, 'ի բաշխս և 'ի փոխարինութիւն: Յորում սահմանի արտայայտեալ տեսանես բովանդակ զէութիւն արդարութեանն, օրինականի և մասնաւորի, և զտարբերութիւնն յիւրոց ծայրից և յայլոց բարոյական առաքինութեանց: Ասաց նա նախ առաջին, թէ արդարութիւնն է առաքինութիւն ինչ, կամ առաքինական ունակութիւն: Ուր պարտ է քեզ առնուլ 'ի միտ, թէ որպէս զարդարն մարթ է իմանալ յերկուս նշանակութիւնս, այսինքն կամ վասն առարկայի արդարութեան, և կամ վասն անձին որ առնէ, նոյն պէս արդարութեամբ մարթ է իմանալ կամ զգործն և կամ զունակութիւն արդարութեան: Վասն զի իմացուցեալ մեզ Արիատտելի, թէ արդարութիւնն ըստ որում գործ հայի 'ի բարին այլոց՝ առ որս է կարգեալ. բայց ըստ որում ունակութիւն, առնէ բարոյակէս բարի զունող նորա. յայս միտ խօսի նա աստանօր, ուսուցիչ լեալ բարեաց բարուց. և այս է հասարակ սեռ ամենայն բարոյական առաքինութեանց. որով հետեւ ընաւքն են ունակութիւնք յօժարեցուցիչք առ առաքինական գործս իւրոյ տեսակի: Այնու զոր ասէ, թէ յօժարեցուցանէ զկամս, նշանակէ մեզ զենթակայն, յորում զտեղի առնու արդարութիւնն. զի թէպէտ ամենայն առաքինութիւնք ընթացակցին առ ուղղութիւն կամաց, բայց արդարութիւնն մասնաւորապէս ունի ենթակայզկամս, և ոչ զկիրս իբրև զայլ առաքինութիւնս, որ ասացան: Ուստի իրաւագէտն կոչեաց զարդարութիւնն, հաստատուն և մշտնչենաւոր կամք, առեալ զենթակայն փոխանակ ունակութեան, որ և ասացաւ: Եւ վասն զի կամքն ոչ գործէ ուղիղ առանց ուղղութեան գործնական դատման որ է խոհեմութիւնն, 'ի վերայ բերէ, ուղիղ դատաստանաւ, զի 'ի մէջ այլ ամենայն առաքինութեանց՝ սա մասնաւորապէս սկահանչէ զմտագիր ինչ դատաստան, 'ի ճանաչել զարդարութիւն միջոյն, յորմէ և դատաւորք առին զանուն: Խորհրդով 'ի վերայ բերէ անդանօր և զայն հանրական եզերս, որք երեխն նոյնանշանք ընդ արդարութեան. յասելն թէ այս ունակութիւն յօժարեցուցանէ առ ամենայն արդար իրս. նշանակել կամքցեալ զօրինականն արդարութիւն, որ հրամայէ բազմաց առաքինութեանց, որք առանց օրինաց լինեին միայն ընտրութիւն, բայց օրինօք փոխին յարդարութիւն: Աւարտէ յայն, թէ հայի նա 'ի համեմատութիւն և 'ի հաւասարութիւն 'ի բաշխս և 'ի փոխարինութիւնս. որ է սեպհական տարբերու-

թիւն մասնաւոր արդարութեանն յայլ ամենայն առաքինութեանց, որպէս լուար: Բայց բայց յայսմանէ՝ եզերօքս համեմատութեան և հաւասարութեան որք նշանակեն զհամեմատութիւն զերկրաչափական 'ի տրամաբաշխականս, և զթուաւանական 'ի փոխարինականս, արտայայտէ մեզ խոր ինչ գաղտնիս. այսինքն թէ որք իցեն ծայրք արդարութեան, և քանի տարբերք իցեն 'ի ծայրից այլ ամենայն առաքինութեանց, որպէս լուիցես արդ: Սաոյդ իմն է թէ իւրաքանչիւր առաքինութիւնն է միջասահման ինչ եղեալ 'ի միջի ընդ յաւէտ և ընդ նուազ, որք են նորա ծայրք, այսինքն առաւելութիւնն և նուազութիւն: Այսպէս արիութիւնն է միջասահման ինչ ընդ մէջ կարի իմն երկիւղի, և կարի իմն աներկիւղութեան: Առատաձեռնութիւնն ընդ մէջ կարի իմն առաւելութեան և կարի իմն նուազութեան 'ի տալն: Բայց կարի իմն յաւէտն կամ նուազն այլոց առաքինութեանց են երկու չարութիւնք յառաջ եկեալք յերկուց մոլեկան ունակութեանց, որք չեն համակիր ընդ միմեանս, և դժուարին է որոշել զնոսա յառաքինութենէն որ 'ի մէջն: Եւ վասն այսորիկ այլնայլ անուանակոչութիւնն է նոցա: Ծայրք արիութեան են յանդգնութիւնն, 'ի կարի իմն աներկիւղութեան, և վեհերուառութիւնն 'ի կարի իմն երկիւղի: Եւ ծայրք առատաձեռնութեան են շռայլութիւնն, 'ի տալ կարի իմն աւելի, և ագահութիւնն, 'ի տալ կարի իմն նուազ. մինչ զի ծայր ընդ ծայրի են անհամակիրք: Բայց զսորին հակառակն, միջասահմանութիւն արդարութեան կայ 'ի մէջ երկուց եզերաց առնչակցաց, միանգամայն և համակրաց, յառաջ եկելոց 'ի մի և նոյն մոլութենէ, այսինքն է յանարդարութենէ: Զի եթէ մտածի մարդ որպէս դատաւոր, անարդարութիւն լինի 'ի տալ միւսմն յաւէտ և միւսումն նուազ քան զպարտն: Իսկ եթէ մտածի որպէս մասնաւոր ոք, անարդարութիւն լինի յառնուլ վասն իւր աւելի քան զպարտն, և 'ի տալ այլոց նուազ քան զպարտն: Մինչ զի ոչ այլ ինչ է արդարութիւնն, բայց հաւասարութիւնն. և ծայրքն են երկու անարդարութիւնք կամ անհաւասարութիւնք. մին 'ի յաւէտն, և միւսն 'ի նուազն: Մին ներդործական և կամաւոր, միւսն ակամայ և կրաւոր: Ուստի որպէս երկաքանչիւր ծայրք ունին մի և նոյն անուն, այսինքն անհաւասարութիւն կամ անարդարութիւն, նոյնպէս սովոր եմք ասել, թէ առաքինութիւնն արդարութեան ունի մի միայն ծայր, և այլք երկուս: Յայսմանէ ունիս ճանաչել, թէ որ իցէ անարդարութիւն քաղաքական, և ատենական. զի եթէ անարդարութիւնն չէ կամաւոր, լինի անարդարութիւն նիւթական և քաղաքական. իսկ եթէ կամաւոր և ներդործական, լինի անարդարութիւն տեսական, և իսկական անիրաւութիւն:

ԳԼՈՒԽ ԺԵ

**Յաղագս անարդարութեան և բաղդատութիւն
արդարոյ լնի անարդարոյ :**

Ի սահմանէ արդարութեան, ըստ նախագրեալ կանոնի ներհականաց, մարթիս ճանաչել, որ իցէ սահման անարդարութեան, այսինքն է. անարդարութիւնն է ունակութիւն մոլեկան, որով յօժարի մարդ առնել կամաւ, որ ինչ է անարդար, ոչ պահեալ 'ի բաշխս և 'ի փոխարինութիւնս զհամեմատութիւն և զհաւասարութիւն: Բայց քանզի գերիմաստ սուրբն Օգոստինոս համառօտեաց զսահման Արիստոտէլի, այսպիսի իմն օրինակաւ, որում զհետ չոգան և աստուածաբանք թէ արդարութիւնն է առաքինութիւն ինչ, որ տայ իւրաքանչիւրում՝ զիւր արժանն. մարթ է և մեզ ասել, թէ անարդարութիւնն է մոլութիւն, որ չտայ իւրաքանչիւրում զիւր արժանն: Եւ այս սակաւ բանք բաւական էն 'ի նկարել Ճգրիտ քաղդատութեամբ զալատկերս առն արդարոյ և անարդարոյ:

Վասն զի արդարն առաջնորդեալ յառաքինական ունակութենէ առ ամենայն ինչ արդար՝ մեծապէս խնդայ ընդուղութիւն: Եւ անարդարն վարեալ 'ի մոլեկան ունակութենէ առ ամենայն ինչ անարդար, մեծապէս խնդայ ընդանիրաւութիւն: Վասն զի եթէ բնաւոր յօժարութիւնն չեշտ և քաղցր առնէ զգործն, ապա և ունակութիւնն որ է երկրորդ բնութիւն: Ըուրջ զօրինական արդարութեամբ, արդարն ունելով զօրէնս որպէս իւր կամք, ատեայ ընդհանրապէս զամենայն առաքինութիւնս. իսկ անարդարն՝ ունելով զիւր կամս միայն որպէս օրէնք, ատեայ ընդհանրապէս զամենայն առաքինութիւնս: Զի որովհետեւ ամենայն առաքինութիւնք են հրամայեալք յօրինաց, որ միանդամ վտարէ 'ի սրտէ իւրմէ զօրէնս, դուռն բանայ ամենայն մոլութեանց: Իսկ զինչ 'ի քաղաքական կեանս: Արդարն 'ի բաշխս ունի չափ հատուցման զարժանաւորութիւն անձանց. իսկ անարդարն ունի չափ արժանաւորութեան զիւրն նպաստ. և վասն այսորիկ նա վերադասէ զառաքինիս քան զհզօրս, սա վերադասէ զմոլիս քան զառաքինիս. զի մոլին 'ի վարձահատոյց լինել մոլեաց՝ վարձահատոյց լինի անձին: Ի փոխարինական սակարկութիւնս, արդարն վերադասեալ զիրաւացին քան զօդուտն, եթէ գնեացէ և եթէ վաճառեսցէ, ոչինչ կամի ունել աւելի քան զարժանն: Անարդարն վերադասեալ զօդուտն քան զիրաւացին, թէ վա-

Ճառէ՝ խաբէ, և թէ գնէ՝ գողանայ. մինչ զի ընդ շահասիրին ամենայն սակարկութիւն աւարտի 'ի վէճ: Տուր յաւանդ ոսկի և ականս յերկոցուն ձեռս. 'ի ձեռս արդարոյն իբրև յաւանդատեղի սուրբ՝ այնչափ գտցես, որչափ ետուր յաւանդ. 'ի ձեռաց անարդարոյն իբրև յԱխերոնեան գրոյ անհնար է թէ հանցես արտաքս զոր արկերն 'ի նա 247: Յանձն արա երկոցուն զքանոն փղոսկրեայ առանձնաւոր ինչ գատաստանի, այն քանոն 'ի ձեռին արդարոյ լիցի կանոն Պողիկլետոսի, որ ոչ 'ի սիրոյ և ոչ յերկիւղէ թեքթեքի. 'ի ձեռին անարդարոյ է կանոն Լեսեեան, որ թեքի յոր կողմն իւր կամք իցեն: Յանձն արա երկոցուն զկշիռ արքունի իշխանութեան: Ի կը շիռ արդարոյն՝ յանցանք աղքատաց և մեծատանց են հաւատարք. 'ի կշիռ անարդարոյն՝ յանցանք փոքունց են մեծամեծք. և յանցանք մեծամեծաց են փոքունք. զի նոցա ոչինչ, և սոցա զամենայն թողացուցանէ, և տուողին տայ տեղի 248: Եթէ կարի իմն խիստ կամ մթին են օրէնք, արդարն առնէ օրէնս զբնաւոր ուղղութիւն. և բերանով նորա ննջեցեալ օրէնս դիրն յայտնէ կամ մեղմէ զիւր օրէնս: Անարդարն՝ կամ կարի իմն խնայութեամբ և կամ կարի իմն խստութեամբ, թարգման առնէ օրինաց զիւր կիրս: Ուստի օրէնք առ իւր սիրելիս են ուռկանք ստրդի. առ ատելիս՝ են ադամանդեայ ցանցք հեփեստեայ 249: Ոչ լաւ ևս ինչ ուղղութիւն պահէ 'ի տընտեսական իրաւունս քան 'ի քաղաքականս: Վարի դա ընդ իւր Ծակից իբրև ընդ հարճ, ընդ որդիս իբրև ընդ ծառայս, և ընդ ծառայս իբրև ընդ անասունս: Արդարն գնայ ընդ ծառայս դթութեամբ, ընդ որդիս սիրով, ընդ կին իւր հաւատարմութեամբ, և ընդ ամենեսին մարդասիրութեամբ. զի սա զիրոզս իւր փոխարէն սիրէ, և նա ոչ կարէ սիրել բայց միայն զանձն: Առ անձն իւր արդարն վարէ զառաջնորդութիւն միանձնական, ըստ միապետական իմն առաջնորդութեան, հնազանդեցուցեալ զկիրս կամաց և զկամս բանին. այլ անարդարն վեր 'ի վայր շրջէ զառաջնորդութիւն անձին, որպէս և զհասարակացն, հնազանդեցուցեալ զբանն կրից, և զկիրս արտաքնոց զգայութեանց: Հուսկ ապա, նա 'ի առ ամենեցուն զարժանն, ընծայէ քաղցրութիւն առ կրտսերս, հաւատարմութիւն առ հաւատարս, յարդութիւն առ մեծամեծս, հնազանդութիւն առ իշխանս, երկիւղածութիւն առ Աստուած: Սա չունի ոչ քաղցրութիւն, ոչ հաւատարմութիւն, ոչ յարդ և ոչ երկիւղածութիւն. զի անուղիղ միտս ունելով և ամբոխեալ, շփոթէ զամենայն իրաւունս. զաստուածային, զմարդկային, զքաղաքական, զաղգացն, և զբնութեան:

ԳՐԻՒՅՔ ԵՇԱԽԵԼՏՎԱՅՆԵՐՈՒՄ

ՅԱՂԱԳՍ ԽՈՀԵՄՈՒԹԵԱՆ ԵՒ ԻՒՐՈՑ ԾԱՅՐԻՑ :

Գ Լ Ո Ւ Խ Ա .

Յաղագս խոհեմութեան ընդհանրապէս :

ՈՉԻՆՉ ՚ի բարոյական գպրոցի աստ լոււար ստէպ յիշատակեալ, որպէս զանունդ Ուղիղ քան . և յիրաւի . զի յայս հաստատեալ կայ մէջ առաքինութեան . զամանէ կախեալ կայ ամենայն իմաստուն ընարութիւն . սովաւ որոշին արարք մարդկան յարարից անասնոց, և առանց սորա մարդն է խլուրդ : Խսկ զինչ իցէ ուղիղ քան . բայց խոհեմութիւնն, որ թէ ուղիղ է պատշաճեալ, իբր կարակնիւ չափէ զդիտումն ընդ ուղղութեան, և զմիջոցս ընդ դիտաման : Որպէս Մնեմոսինէ մայր է ամենայն մուզայից 250, նոյնակս խոհեմութիւնն մայր է ամենայն առաքինութեանց : Զի ճանաչումն յառաջէ քան զուղղագործութիւն : Արդ քանզի այս մեծ առաքինութիւն այնչափ առաւել ազնուատոհմ է քան զայլս, որչափ առաւել ազնուական է միտք քան զայլ ամենայն կարողութիւնս հոգւոյ, վասն այսորիկ խոհեմութիւնն արժանաւոր է առաւել ՚ի համար գասիլ առաքինութեանց իմացականաց քան բարոյականաց . և հարկ է խնդրել ՚ի բարձրագոյն ևս ազգահամարէ գիտութեան հոգւոյ զնորայն ծնունդ :

Բայց պարտ է քեզ յուշ ածել զոր վաղու ևս ասացաք յառաջին գիրս, թէ երկու են մասունք հոգւոյ, մին անքանական հասարակ անասնոց, և միւսն բանական սեպհական մարդոյ . և թէ երկաքանչիւր մասն ունի կրկին կարողութիւնս, մին ճանաչողական, և միւսն բաղձողական . զի ամենայն կենդանի բաղձայ իւրում բարւոյ, և ոչ ոք բաղձայ այնմ զոր ոչ ճանաչէ : Նոյնակս, թէ յանբանական մասին ճանաչողական է երևակայութիւնն, բաղձողական է բաղձանքն զդայական : Եւ ՚ի բանական մասին, ճանաչողական է միտքն, և բաղձողական է կամքն : Մինչև երևակայութեանն լինել իբրև միտք ինչ

նիւթական . և մտացն երևակայութիւն ինչ հոգեկան . բաղ-
ձանացն լինել իբրև կամք ինչ նիւթական , և կամացն բաղձանք
ինչ հոգեկան : Հուսկ ապա , թէ առարկայ մտաց է ճշմա-
րիան , և առարկայ կամաց է բարին , բայց յոլովակի մտաց ըմ-
բըռնեալ զառերևոյթն որպէս ճշմարիտ , խաբէ զկամս . և
կամաց ըմբռնեալ զառւտ բարին որպէս իրօք բարի , խաբէ ըզ-
մարդ . և այնպէս եթէ կամք և եթէ միտք յոլովակի 'ի բաղ-
ձանաց և յերևակայութենէ խաբին և խաբեն : Արդ զոր օրի-
նակ առարկայից մտաց ոմանք են ընդհանուրք , հարկաւորք և
անայլայլուկք , որպէս էութիւնք իրաց , և ոմանք մասնաւորք .
ներընդունականք և այլայլակք , որպէս այս մարդ , այս ծառ ,
այս քար . սոյնապէս 'ի ճանաչել զառարկայս այլեայլ սեռի
պահանջին . այլ և այլ կարողութիւնք : Մինչեւ զիմացական
կարողութիւնն՝ որ ճանաչէ զընդհանուր առարկայս , կոչել
Արիստոտէլի՝ միտք ընդհանուր , և զայն որ ճանաչէ զառար-
կայս մասնաւորս , միտք մասնաւոր : 'Սոյնապէս եթէ զսեպհա-
կան առարկայիւք զկայ առնու միտն 'ի ճանաչումն հայեցո-
ղական կամ վերացեալ ինչ ճշմարտութեան , կոչի միտք հայե-
ցողական կամ տեսական : Բայց եթէ ուղղէ նա զՃանաչումն
առ վախճան ինչ առնելի և 'ի գործ դնելի , կոչի միտք գործ-
նական :

Այս է աղգահամար կարողութեանց հոգւոյ . յորմէ մարթ
է քեզ քոյին հանճարով տրամաբանել ընդհանրապէս , թէ
ունակութիւն խոհեմութեան բնակէ յիմացական կարողու-
թեան , զի կարգադրել , խորհուրդ տալ , ուղղել և պատճառս
յառաջ բերել , են գործք յանկաւորք յառաջատես մտաց , և
ոչ կոյր կամաց . թող թէ անթանական կրից , կամ խաբեբայ
բաղձանաց : Եւ ևս , թէ խոհեմութիւնն ոչ զաեղի ունի յընդ-
հանուր և 'ի հայեցողական միտս , այլ 'ի գործնական և 'ի մաս-
նաւոր միտս . զի ունի իւր առարկայ զառնելի և զներընդու-
նական իրս , և վախճան՝ զբարոյական իրս և զառաքինականս .
որպէս յիւրում տեղւոջ լուիցես : Մնայ միայն առ այժմ
գիտել թէ զոր տեղի ունիցի խոհեմութիւնն 'ի մէջ խմացա-
կան առաքինութեանց , և իւ տարբերիցի յայլոցիւրոց քերց :

ԳԼՈՒԽ Բ.

Յաղագս յիմացական առաքինուրեանց :

Ապաքէն լուար թէ ունակութիւնք են կատարելութիւնք
կարողութեանց հոգւոյ : Իւրաքանչիւրում կարողութեան՝
բնաւթիւնն , որ ոչինչ գործէ վայրապար , ետ տրամագրու-

թիւնս ինչ յօժարեցուցիչս առ առաքինութիւն . զորս մարթէ կոչել առաքինութիւնս անկերպարանս . առ ՚ի թողուլ մարդկային ճարաարմտութեան տալ նոցա կատարելութիւն և կերպարան : Անդէն իսկ ՚ի տիս մանկութեան ծանուցաւ և գուշակեցաւ ՚ի Դրուսոսէ անյեղլի ծանրութիւն կատովի , ՚ի Սկիալիոնէ՝ քաղաքավար խոհեմութիւն Մարիոսի , ՚ի Պոմպէոսէ արիական համարձակութիւն կասսիոսի , և ՚ի Սիլլայէ անզուգական վեհանձնութիւն Պոմպէոսի : Այն մեծամեծ առաքինութիւնք ստուերագրեալք ՚ի փոքր տիս յընդաբոյսքնաւորութենէ . իբրև ընկալան յիւրեանց առաքինական ունակութենէ լիով զկատարումն , յանձանց իւրեանց և ոչ ՚ի բնութենէ բարդաւաճեցին : Ապա այնչափ տարբերութիւնք են ունակութեանց , որչափ են բնական կարողութիւնք ՚ի նոցանէ կատարելագործեալք . և այնչափ տարբեր են ՚ի միմեանց կարողութենք , որչափ տարբեր են նոցին առարկայք . զի ամենայն առնչացեալ առնու տեսակ յիւրմէ առնչակցէ : Եւ յայսմանէ ճանաչել ունիս տիրասլէս զերկուս գերագոյն սեռս առաքինական ունակութեանց : Զի որք կատարելագործեն զկարողութիւնս բաղձողականս , կոչին առաքինութիւնք բարոյականք : Այլ թողեալ ՚ի մի կողմն զառաքինութիւնս բարոյականս , զորոց արդէն խօսեցաք . խօսեսցուք միայն զիմացականաց : Սոքա կամ կատարելագործեն զհայեցողական և զընդհանուր միտս , և կամ կատարելագործեն զգործնական և զմամնաւոր միտս : Եւ ահա քեզ երկու գերագոյն սեռք իմացական առաքինութեանց , այսինքն է առաքինութիւնք հայեցողականք , և առաքինութիւնք գործնականք :

Նրդ հայեցողական առաքինութիւնք թէ կատարելագործեն զմիտս ՚ի ճանաչումն առաջնոց սկզբանց հանրականաց . ծագի ազնուականն այն առաքինութիւն , կոչեցեալ առասութեամբ , ունակութիւն մտաց . այն է որ յայլոց հանճար կոչի : Բայց եթէ կատարելագործեն զմիտս ՚ի հայեցողական եղանակացութիւնս , որք յայնց սկզբանց հաւաքին , ծագի այն միւս ազնուագոյն առաքինութիւն որ ՚ի փիլսոփիայից կոչի գիտութիւն : Սակայն թէ այս գիտութիւն ունի իւր առարկայ զվամական ինչ և զաստուածային , կոչի խմաստութիւն , և գերապանծ դշոյ առաքինութեանց : Ունակութիւնք գործնականք թէ կատարելագործեն զգործնական միտս ՚ի կարգի առ առաքին գործուածս , ծնանի արուեստն : Բայց թէ կատարելագործեն զնա ՚ի կարգի առ մարդկային ներգործութիւնս . ծնանի խոհեմութիւն . զորմէ է աստանօր խնդիր : Սոքա են ունակութիւնք կատարեալք , և առաքինութիւնք իմացականք . բայց մնան մեզ գեռ երկու ունակութիւնք անկատարք . մին

'ի հայեցողական միտս, և միւսն 'ի գործնական միտս: 'Նա խօսի կարծ 'ի կարծ 'ի վերայ ընդհանուր իրաց, և է կարծիք: Սա խօսի կարծ 'ի կարծ 'ի վերայ մասնաւոր իրաց, և է կասկած: Բայց քանզի ճանաչումն հիմնեալ 'ի կարծիս է առաւել պատիր քան ճշգրիտ, վասն այսորիկ այս երկու ունակութիւնք չեն կատարեալ առաքինութիւնք, այլ ըստմասնեայ առաքինութիւնք, ըստ օրինակի այնց կիսակենդան կառաքուսից, որք են տեսակ ինչ միջակային 'ի մէջ անկոց և կենդանեաց, թերազգացք քան զկենդանիս, և առաւելեալք քան զառնկս, որպէս սպունգք: Արդ որպէս այլուր եղաք քոյ առաջն աչաց զժառ ճիւղագրութեան ամենայն բարոյական առաքինութեանց 'ի մի էջ, կամ է ինձ առնել նոյնպէս զՃիւղագրութիւն իմացական առաքինութեանց, մինչ չե ձեռնարկեալ է իմ խօսիլ զիւրաքանչիւրոցն մի ըստ միոջէ:

ԻՄԱՑԱԿԱՆ ԱՌԱՔԻՆՈՒԹԻՒՆՔ ՀԱՅԵՑՈՂԱԿԱՆՔ
Եթէ կատարելագործեն զմիտո շուրջ զառաջն սկզբամբք,

ՈՒՆԱԿՈՒԹԻՒՆ ՄՏՏԱՑ

Եթէ կատարելագործեն շուրջ զեզսակացութեամբք,

ԳԻՏՈՒԹԻՒՆ

Եթէ զվսեմական ինչ և զասառւածային առարկայիւ,

ԻՄԱՍՏՈՒԹԻՒՆ

ԻՄԱՑԱԿԱՆ ԱՌԱՔԻՆՈՒԹԻՒՆՔ ԳՈՐԾԱԿԱՆՔ
Եթէ կատարելագործեն զգործնական միտս զգործուածովք,

ԱՐՈՒԵՍՏ

Եթէ կատարելագործեն զնա մարդկային գործովք,

ԽՈՀԵՄՈՒԹԻՒՆ

Կիսամասնեայ առաքինութիւն 'ի հայեցողական միտս,

ԿԱՐԾԻՔ

Կիսամասնեայ առաքինութիւն 'ի գործնական միտս,

ԿԱՍԿԱԾ

ԳԼՈՒԽ Գ ·

Յաղաց ունակորեան մտաց կամ սկզբանց :

**Միտք մարդկային ստուգաբանեցաւ յիմաստասիրաց որպէս
թէ նուս , զի վերծանէ զիրս՝ ի ներքս յինքեան 254 : Կամք վեր-
ծանէ զիրս արտաքոյ իւր , զի շարժի ըստ իրաց ինչ հայեցեալ
յառարկայս արտաքինս , որոց ըլձանայ . մինչ զի ոչ թէ դիակ
զնոսա , այլ հետամուտ է նոցա : Բայց միտքն հայեցողական է
մատեան ինչ հոգեոր , իւր ինքեան վերծանող . զի գլխովին
ամփոփեալ յինքեան , նկատէ զգեղեցիկ իրս զոր ունի ՚ի ներ-
քըս յինքեան , ըստ օրինակի սիրամարգի , վայելէ ՚ի զքօս գե-
ղեցկութեանց զոր զիւրեւ ունի , լեալ իւր ինքեան դիտող և
դիտարան : Բայց գեղեցկագոյն նկարք , զորս դիտէ նա ՚ի պատ-
կերատան իւրոց մտաց , են առաջին սկզբունք , և ընդհանուր
առածք , որք ոչ ցուցանին պատճառօք , այլ նոքօք ցուցանե-
ղամենայն պատճառաբանն : Չեն գիտութիւնք , այլ սերմանք
գիտութեանց : Ի սոցանէ ոմանք են առաւել մասնաւորք :
որպէս սահմանք սեռից և աեսակաց : Եւ ոմանք առաւել
ընդհանուրք և բնական լուսով ծանուցեալք , որպէս սոքին .
Բոլորն է մեծ քան զմասն : Ամենայն պատճառ յառաջագոյն
է քան զգործն : Յոչնչէ ոչինչ լինի : Իսկ ոմանք են ևս ընդ-
հանրագոյնք . և վասն այսորիկ կոչին վճիռք անհրաժեշտք , և
ճշմարտութիւնք անջրելիք ամենայն ողջամտի . որպիսի են այ-
սոքիկ . Անհնար է թէ իմն իցէ և ոչ իցէ : Յերկուց հակասա-
կան նախադասութեանց , հարկիւ մինն է ճշմարիտ , և միւսն
սուտ : Այսոքիկ են բնական լոյս վառեալք յիմացական կա-
րողութեան , առ ՚ի կարող լինելոյ տրամաբանել ՚ի վերայ ի-
րաց գործնականաց և հայեցողականաց օգնութեամբ ունա-
կութեանց :**

Ոչ յոյժ իմաստութեամբ խօսեցաւ զգիտութեանց՝ աս-
տուածայինն կոչեցեալ իմաստասէր՝ Պլատոն : Վանզի համա-
րեցաւ եթէ գերագոյն արարիչն յետ ստեղծանելոյ զամենայն
ոգիս միանգամայն՝ յամենայնն եհեղ զամենայն սկզբունս
ընդհանուրս , և զամենայն գիտութիւնս կատարելապէս : Ի
վերայ բերէ թէ ապա յընկղմիլ ոգւոց ՚ի մարմինս նիւթականս ,
և ՚ի փոխաբերիլ նոցա հետզհետէ ՚ի մարմնոյ ՚ի մարմին , կո-
րուսանեն զյշշատակ գիտութեանց , զոր յառաջն ունէին .
բայց առ իւրեանս պահելով զյիշատակ ընդհանուր սկզբանց :
Մինչ զի ըստ սորա կարծեաց , մարդիկ ՚ի հասու լինել գի-
տութեանց , ոչ հասու լինին այնմ զոր ոչ դիտեին . այլ վերո-

աին յիշատակեն զայն ինչ զոր մոռացեալ էին , անմոռաց ու-
նելով զընդհանուր սկզբունս : Ո՞ երբէք լուաւ բան քան զայս
անբան , և քան զայս անմիտ իմաստասիրութիւն : Եթէ Աս-
տուած հեղոյր յոգիս զգիտութիւնս կատարեալս , զի՞նչ պի-
տին սկզբունք նոցա տարատրոհք : Եւ թէ անդնդախոր լիձ
մարմնոց ոչ մոռացոյց նոցա զսկզբունս , զիամրդ ընկլոյզ զգի-
տութիւնս զնոցին լծորդս : Զի՞նչ է գիտութիւն , բայց իմա-
ցական ինչ կապակցութիւն եղակացութեանց ընդ իւրեանց
սկզբունս : Եւ թէ աստուածային ձեռամբ գիտութիւնն ընդ
իւրոց սկզբանց գրեցաւ 'ի հոգի անմահական , հարկ էր նոցա
կամ 'ի միասին յարանալ , կամ 'ի միասին 'ի մոռացօնս լինել:
Ապա այն է ճշմարիտ թէ միտք 'ի սկզբանէ են սոսկ կարողու-
թիւն իմն որպէս յղկեալ ինչ տախտակ , բնաւորեալ առ ընդ-
ունել զպատկերս առարկայից , որպէս նիւթն առաջին զտե-
սակս . և ապա յօդել զնոսա ընդ միմեանս և կտղմել զնախա-
գասութիւնս . և հուսկ ապա 'ի նախադասութեանց անտի
հանել եղակացութիւնս , որ է յետին ճիգն մտաց : Ապա ոչ
այլ ինչ են սկզբունք զորոց խօսիմք , բայց եթէ նախադասու-
թիւնք ընդհանուրք , ըմբռնք յերկնել զգիտութիւնս՝ ծնու-
ցիչ զօրութեամբ մտաց : Եւ վասն այսորիկ միտքն 'ի հայիլ
յիւր սկզբունս՝ մեծապէս զուարժանայ . վասն զի ունելով
զՃշմարիտն իւր սեպհական առարկայ , ոչ տեսանէ ինչ ճըշ-
մարտագոյն քան զայն հանրական առածս . իւր զի գիտու-
թիւնն ըստ այնում է ճշմարիտ , ըստ որում ճշմարիտ է սկիզբն՝
ուստի իջանէ նա , անմարթ գոլով առուեն լինել յստակա-
գոյն քան զիւր աղբիւրն : Եւ թէպէտ ընդհանուր սկզբունք ,
ըստ թունոց անտառին Արդուենայ 252 , բերեն ընդ իւրեանս
ըսյս , որով լուսաւորին 'ի խաւարի , այսինքն է զբնաւոր և
զանցուշա ճշմարտութիւն նոցին իսկ եղերաց , յոր բնաւորա-
պէս բայց անկատար միտէ կարողութիւնն : Սակայն և այն-
պէս , առ 'ի կարող լինելոյ մտաց կազմակերպել անտի հաս-
տատուն ինչ դատումն , և շրջրջիկ գիւրութեամբ վարել զայն
'ի պէտա , հարկ է նմա ունակութիւն ինչ երկնեալ 'ի փոր-
ձոյ . և այն է ունակութիւն մտաց , զորմէ խօսիմք : Ապա ճըշ-
մարտութիւն գիտութեան ճանաչի պատճառաբանութեամբ .
բայց ճշմարտութիւն սկզբանց ոչ ճանաչի պատճառաբանու-
թեամբ , այլ միայն փորձառական մակածութեամբ յանհա-
տական իրաց , զոր նկատեն միտք յինքեան : Մինչ զի սկիզբն
առնէ մարդ ուսանիլ զնոսա , յորժամ սկիզբն առնէ կեալ .
և յանկ հանել զուսումն նոցա , յորժամ կերպարանէ զուսա-
կութիւն սկզբանց : Եւ ոչ կարէ մոռանալ զնոսա , մինչդեռ
կազմ են միտք : Այլ 'ի խանգարիլ նորա հիւանդութեամբ
կամ մտաթափութեամբ՝ մարթի 'ի վերայ հասանել թիւր
ըմբռնումն . մինչև մոռանալ զիւր իսկ անուն , զոր օրինակ պա-

տահեաց Որբիլիոսի առն քաջիմաստի, որպէս սլատմեն: Ամենայն ոք որ ունի միտս, ամօթ համարի հակառակիլ սկըզբանս թէ բոլորն է մեծ քան զմասն: զի շատ է ունել աչս'ի ճանաչել թէ բովանդակ մարմինն մեծ է քան զգլուխ: Բայց որ ունի զունակութիւն մտաց, կերպարանեալ ունի զլիուլի իմացումն նախադասութեանս զգալի մակածութեան բաղմաց անհատից այլ և այլ սեռի: որպէս'ի թուաբանական բոլորէ, յերկրաչափական բոլորէ, 'ի համեմատական բոլորէ, 'ի սեռական բոլորէ, 'ի բարոյական բոլորէ, 'ի քաղաքական բոլորէ, և 'ի բաղադրեալ բոլորէ որ մեծ է քան ըղբաղադրիչն: Եւ այդ ունակութիւն բազումն օդաէ մըտաց 'ի մակաբերել զգիտնական հետեւութիւնս, մերձեցուցեալ զայն սկիզբն յայլեայլ ենթակայս: զոր օրինակ, նուագ բոլորաձայն է ներդաշնակագոյն քան զստեղաձայն, զի բոլորն է մեծ քան զմասն: Թէ արժան է կորուսանել զմի ակն՝ 'ի պահել զկեանս, զի բոլորն է մեծ քան զմասն: Թէ սլարտ է քաղաքացւոյն գնել զկեանս վասն իշխանին, զի իշխանն երևեցուցանէ զբովանդակ հասաքակապետութիւնն, և բոլորն է առելի քան զմասն: Թէ օրինական արդարութիւնն է առաքինութիւն մեծ քան զարիւթիւն, զի նա բովանդակէ զամենայն առաքինութիւնս, և սա զմի միայն: և բոլորն է մեծ քան զմասն:

Բայց առաւել ևս պիտանի է ունակութիւն սկզբանց 'ի վիճաբանութիւնս. զի թէպէտ զսկզբունս ոչ է հնար ապացուցանել, բայց և այնպէս հնար է պաշտպանել: Չիք ճշմարտութիւն յաշխարհի, որում չեղեւ գիմամարտութիւն, կամ տգիտութեամբ և կամ չարութեամբ: Չինչ սկիզբն կայցէ ընդհանրագոյն և յայտնագոյն քան զայն, թէ յերկուց հակառականաց հարկ է միումն լինել ճշմարիտ, և միւսումն սուտանհնար գոլով թէ իմն համանգամայն իցէ և չիցէ: Այս այն սկիզբն է, որ յանկ հանէ զամենայն վիճաբանութիւնս, և խեղդ 'ի պարանոց արկանէ ըմբոստացելոց: Սակայն և այնպէս ճշմարտութիւնս պայծառ քան զլոյս միջօրէի՝ եգիտ երկուս չղջիկանս, որոց թուեցաւ մթին քան զմէջ գիշերի: Չի Անաքսագորայ ոչ բաւեալ լուծանել զհաւաքաբանութիւն ինչ խաբէական, և Պրոտագորայ 'ի պարանել զայլս իւրովք խաբէպատիր ձեռնարկութեամբ, հակառակ կացին ճշմարտութեանս, իբր Տիտանեանք ընդդէմ արևու 253: Պնդէին թէ արեգակն է լուսաւոր, և ոչ լուսաւոր. հուրն է ջերմ, և ոչ ջերմ: գեան միանդամայն հոսէ և չհոսէ: Բացասէին զամենայն, զոր գու ստորասէս. ստորասէին զամենայն, զոր գու բացասէս: Այսն և ոչն առ նոսա էր նոյն: Եւ զիարդ հնար էր ըմբէրանել զնոսա, ոլք արհամարհէին զամենայն զէնս, որովք հնար էր յաղթել նոցա: Եթէ ուռկան թակարդելոյ

զյամառս յիմաստասիրական վիճմունս է միայն հարկադրել ղնոսա հակառակաբանել անձանց, որ Արիստէոս կարող էր կապել զայն Պրոտէոս 254, որք 'ի ստորասել և 'ի բացտասել ամենայնի, երկոքումք և եթ բառիւք այս և ոչ, լուծանէին ըստ ձեռնածուաց զամենայն զկնճիւս։ Ապա երկաքանչիւրոցն ազաւազեալ զունակութիւն սկզբանցս ունէին միտս այնպէս անբոյժս 'ի փաստից, մինչև Արիստոտէլ իսկ, որ 'ի զարմէ էր Ասկղեալիոսի բժշկապետի, որպէս հաստատեն վիպագիրք վարուց նորա, զուր կորոյս 'ի պատճառս նոցա զժամանակ և զդեզս, որ 'ի բնազտնցական գիրս։ Սակայն նա ինքն խոսառվան լինի, թէ առաւել անբուժելի գտաւ Պրոտագորաս քան զԱնաքսագորաս։ զի սորա ախտաւորութիւն էր 'ի միտս, այլ նորայն էր 'ի կամս։ Անաքսագորաս օխալէր 'ի տըդիտութենէ, Պրոտագորաս յամառիւր 'ի չարութենէ։ Վասն այսորիկ որ մեղանչէ տգիտութեամք, յերկարեալ դիմախօսել անձին, հնար է թէ զգաստասցի։ Բայց հետամուտ լինել բժշկութեան, այնմ որ ոչն կամի բժշկիլ, է զրաջան ընդ քիրացն մտանել. իբր հերակլէս ընդդէմ խեցդեանի։ Ի վերայ բերէ Արիստոտէլ, թէ ընդդէմ ժխտողի առաջնոց սկզբանց, թէ ժխտէ անգիտութեամք, պարտ է վիճել տրամաքանութեամք։ թէ ժխտէ յիմարութեամք, պարտ է դեղ մատուցանել զեզբորոս։ ապա եթէ ժխտէ 'ի չարութենէ, պարտ է վիճել ընդ այնպիսւոյն գաւազանաւ։ Այսու մարթիս իմանալ զմոլեկան ծայրս այսր առաքինութեան։ Զի են միտք, յորս ոչինչ ստուգութիւն է սկզբանց։ և այս կոչի տգիտութիւն բացասութեան։ Եւ են յորս տարրացեալ են սկզբունք ամենեին սուտք, համարեալք որպէս ճշմարիտք։ և այս է տգիտութիւն թիւր տրամադրութեան։

Գ Լ Ո Ւ Խ Դ Գ .

Յաղացս զիսուրեկան։

Աւատիկ քեզ գեղեցիկն 'ի զգեստս, զոր զիւրե արկանիցէ իշխան 255։ Ծիրանագոյն տառատոկք զօրագլխաց, ճոխածեմ արկանելիք պատրկաց, սկարդեական լոդիկք յաղթականաց, փողփողեալ օլծոցք թագաւորաց, ականակուռ քղամիդք ինքնակալաց, են ցնցոտի վերարկուք առ արկանելիօք դիտութեանց։ Կոքա զգեցուցանեն զմարմին, և ընդ մարմնոյ փախին։ սոքա զգեցուցանեն զոդի, և ընդ ոգւոյ յետ մահու անմահանան։ Նիկիանոս կայսր կոչէր զգիտութիւնս թոյնս և ժանատախտս իշխանաց, և չեն ինչ զարմանք, զի զիւր անուն

անգամ՝ չփիտէր ստորագրել՝ ի հրովարտակս։ Աղարտէր զդրագիտութիւն, զի մի լուիցէ զիւրոյ անգրագիտութեան վատանունութիւն, սովորեալ առ անգիտութիւն, իբր Ս' իհրդատառ թունարրութիւն, արհամարհէր զգիտութիւն որ դեղթափն է տգիտութեան։ Առաւել ևս իմաստուն դտաւ վեսպասիանոս, որ ընաւորեալ՝ ի գիտութիւնս, բայց սնեալ՝ ի զինաշարժութիւնս, թէպէտ և չեղե գիտուն, սակայն սիրէր զգիտունս։ և հնարեցաւ ստանալ զգիտութիւն առանց ուսանելոյ։ Որպէս փարթամ՝ որ թէպէտ և չունիցի ոսկի՝ ծոցի, ունի հանքս ոսկւոյ յիւրում վիճակի, նոյնպէս դրագէտ է, որ ունի առ իւր արս դրագէտս։ Երանի էր Աղեք. սանդրի եթէ գիտէր վարել՝ ի պէտս զիւրն վիճակ։ Ունէր նա՝ ի տան հանքս դիտութեանց, և շրջէր՝ ի խնդիր նորա այլուր։ Կոչէր զբանաստեղծութիւնս Հոմերոսի իւր պաշար, և միշտ ունէր զայն՝ ի տուէ՝ ի ծոցի։ և՝ ի գիշերի՝ ի սնարից։ Լաւ ևս պաշար լինէին նմա մատեանք իւրոյ ուսուցչին Նրիստուաէլի։ այլ զի քան զիմաստասիրութիւն՝ ցանկալի էին նմա քերթողականին հրահանգք՝ վասն որոյ և կայր մնայր կարտեալ։ Ապա ամենայնիւ մեծ եղե բարեբաստութիւն թագաւորաց, որ ինքեանք իմաստուն դոլով ընդ իմաստունս կենցազեցան։ իբր Պերիկլէս՝ ի Յոնաստան, Պաղոմէոս յԵգիպտոս, և Օգոստոս՝ Հռոմ։ Սոքա ուսուցեալ զոր գիտէինն, և ուսեալ զոր ոչն գիտէին, առաւելուին բաղում տոկոսեօք զիւրեանց գիտութիւն։ որովհետեւ չիք յաշխարհի տուրեառ առաւել շահեկան և բերկրական, որպէս տալ զիւրն առանց կորուսանելոյ, և ստանալ զօտարինն առանց գնոց։

Ապա երկու ինչ նկատէ Նրիստուաէլ զունակութեամբ գիտութեան, մի՛ թէ ո՞ր իցէ իւր առարկայ. երկրորդ թէ ո՞ր իցէ իւր պատճառ։ Բայց քանզի առարկայք գիտութեանց այնպէս շփոթ են ընդ միմեանս, մինչեւ շփոթել և զունակութիւնս, կարծեմ չլինել քեզ տաղտկալի լսել սուղ ինչ և որոշ բաժանարարութիւն, հետազոտեալ զայն՝ ի բարձրագոյն սկզբնէ առարկայից նոցա։ Ապաքէն լուար թէ՝ ի գիտութեանց ոմանք են գործնականիք, և ոմանք հայեցողականիք։ Նրդ՝ ի գործնականաց ոմանք կանոնաւորեն զնելքին ներգործութիւնս վերաբերեալս առ բաղձանս, և են գիտութիւնք բարոյականիք։ Այլք կանոնաւորեն զնելքին ներգործութիւնս մտաց կարդեալս առ խօսս, և սոքա են զբուցականիք։ այսինքն է տրամաբանութիւն, որ գտանէ փաստս զվեճաբանելի իրօք, և հոեաորութիւն, որ գտանէ փաստս զհաւանելի իրօք։ Բայց սա՝ ի ներքս փակէ երիս այլ մտկացութիւնս. այսինքն զՊատմութիւն, որ սլատմէ զՃշմարիան. զԲանաստեղծութիւն, որ՝ ի պատմել անդ իւրում նմանող է ճըշմարտի. և զՔերականութիւն որ ուսուցանէ ուղղախօսել։ Այլ-

սոքիկ են գործնականք: Իսկ 'ի հայեցողականաց, որք ոչ հային յայլ վախճան, բայց 'ի ճանաչումն ճշմարտութեան, ոմանք նկատեն զնիւթական իրս ներքոյ անկեալս փոփոխութեան: և այսոքիկ են բնականք, որք և 'ի ներքս փակեն զբժշկութիւն հայեցողական: Ոմանք նկատեն զքանակութիւն վերառեալ 'ի նիւթոյ, և սոքին են Մաթեմաթիգականք, այսինքն Երկրաչափութիւն շուրջ զշարունակ քանակութեամբ, և թուաբանութիւն շուրջ զարորոշ քանակութեամբ: Են և այլք խառն 'ի բնականէ և 'ի մաթեմաթիգականէ, այսինքն Երկրագրութիւն որ չափէ զերկիր, Աստղաբաշխութիւն, որ չափէ զձայնս: Եմիւս ևս գերագոյն քան զամենայն, որ հայի յիրս բարձունս և յատուածայինս, վերառեալս բոլորովին 'ի նիւթոյ և 'ի քանակութենէ, բնազանցութիւն կամ Համարնաբանութիւն կոչեցեալ. որ եթէ խօսի բնական ճանաչմամբ, կոչի բնազանցութիւն կամ Համարնաբանութիւն բնական. իսկ եթէ սկզբամբք յայտնեցելովք յԱստուծոյ, այն ինքն է Սրբազն աստուածաբանութիւն:

Արդ զորօրինակ ամենայն ակունք են պատուականագոյնք քան զհասարակ քարինս, բայց ակն քան զակն է պատուական, զի ջուր նորա է յստակագոյն և սակաւագիւտ, սոյնակէս ամենայն գիտութիւնք են ազնուագոյնք քան զարուեստս, բայց գիտութիւն քան զգիտութիւն այնչափ է ազնուագոյն որչափ առարկայ նորա է սառուգագոյն և յստակագոյն, այսինքն առաւել վերառեալ 'ի զգալի նիւթոյ: Յետինն գիտութեանց է ազնուագոյն քան զազնուագոյնն յարուեստս. զի արուեստն յածի զարտաքին, զնիւթական, և զզգալի գործուածութիւնք են գործողութիւնք մատցի հոգեղէնք և ներքինք: Վասն այսօրիկ Քերթողութիւնն որ ստորինն է գիտութեանց՝ ազնուագոյն է քան զՊատկերահանութիւն, որ գերագոյնն է արուեստից. զի նա է զբուցական, և սա գործողական. նա կանոնաւորէ զմարդկային ինչ զիսօս. և սա է արտաքին ինչ գործուած: Ազնուագոյն են հայեցողական գիտութիւնք քան զգործնականս. զի զար օրինակ այն է ազնուականագոյն որ առաւել զերծ է յամենայն ծառայութենէ, սոյնակէս այն գիտութիւն է ազնուագոյն, որոյ նիազ է առ այլս արբանեկութիւն. ունելով իւր վախճան միայն զՃանաչումն ճշմարտութեան: Այլ ինչ է գիտութիւն ազատական, և այլ ինչ գիտութիւն ազատ: Ազատականն է որ արժանի է անձին ազատի և ազնուականի, ոչ ցածազգւոյ և ծառայականի, որպիսի են ամենայն արուեստք ազատականք: Բայց գիտութիւն ազատ՝ է այն որ միայն վասն իւր է ըղձալի, որպէս հայեցողականք: Մինչ զի ամենայն գիտութիւնք ազատ՝ են ազատականք. բայց ոչ ամենայն ազատականք են

աղաաք : Ուստի տրամաբանութիւնն , որ ծառայէ հայեցողականաց առ անվթար խօսել՝ է ազատական , այլ ոչ ազատ : Բայց 'ի մէջ հայեցողականաց՝ ազնուագոյնք են մաթէմաթիգականք քան զբնականս . զի բնականք հային յիրս նիւթականս իրք 'ի նիւթ զգալի և փոփոխելի , բայց մաթէմաթիգականք հային 'ի նիւթ իմանալի , այսինքն 'ի քանակ վերառեալ 'ի նիւթոյ : Օրինակ իմն , հայեաց 'ի պարունակն իրք 'ի մակերեռոյթ իմն զուգահեռական 'ի կեդրոնէ , առանց զմտաւ ածելոյ 'ի քարէ իցէ այն , 'ի պղնձոյ թէ 'ի փայտէ : Յայսմանէ և բնաղանցականք այնչափ են ազնուագոյնք և վսեմագոյնք քան զմաթէմաթիգականս , որչափ առարկայն է զտագոյն և վսեմագոյն . հայեցեալ յէակն ըստ որում էակ . այսինքն յէութիւն իրաց վերառեալ յինչեւիցէ զգալի և իմանալի նիւթոյ : Յիրաւի ճարտարապետք կոչեցան հանճարաւորք , զի մեծ հանճար ցուցին 'ի գործս իւրեանց , ևս առաւել 'ի հինդ կարգս սեանց , որք են տարելք արուեստին , համեմատեալք հինդ այլ ևայլ բարձրութեց մարդկային մարմնոց : Կարգն գրեղուկ սակաւս ունելով տրամագիծս , ըստ սառւարութեց մարմնոյ , նիազ է նորա բարձրութիւն : Կարգն բաղադրեալ աւելի ունելով տրամագիծս , այնչափ ունի բարձրութեց , որչափ նիազ է նորա մարմինն : Եւ վասն այսորիկ նա երևեցուցանէ զանձինս ցածունս և ծառայականս . և սա երևեցուցանէ զուսումնականս . նշանակեալ թէ գիտութեանց որչափ նիազ է նիւթականութիւն , այնչափ առաւելու ազնուութիւն և վսեմութիւն : Ապա ճշմարիտ գիտութիւնն զորմէ աստանօր են բանք , ոչ է զեղականաց այսինքն զանհատից , որք ներքոյ անկանին աչաց կամ այլոց զգայութեանց . զի ճանաչումն զգայութեան այնչափ միայն տեէ , որչափ առարկայն առաջի կայ , և զգալն չէ գիտել : Անասունք զգան զիրս , բայց ոչ գիտեն զնոսա . զի գիտելն է ճանաչել զիրս 'ի պատճառաց իւրեանց , և այս սեպհական է մտաց . և վասն այսորիկ իրք հեռագոյնք 'ի մարմնաւոր աչաց լաւ և ճանաչին աչօք մտաց : Չիք ճշմարիտ գիտութիւն և զներընդունական իրաց և զփոփոխականաց . զի եթէ առարկայն է փոփոխելի , փոփոխելի լինի և գիտութիւնն . և որ այսօր է ճշմարիտ , վաղիւ լինի սուտ : Ապա պարտ է առարկայի գիտութեան լինել անփոփոխ և յաւերժական , վասն որոյ և իմանալի և ընդհանուր . զի ընդհանուր իրք են հաստատունք , և հարկաւորք . իսկ մասնաւորք են առօրեայք և վաղանցիկք : Այս , և զփոփոխելի առարկայից հնար է թէ լինիցի կատարեալ գիտութիւն . բայց միայն ըստ որում ներքոյ են ընդհանուր և յաւերժական պատճառաց : Ի վաղաթառամ ծաղկանց իսկ , որ յայգուէ ծաղկին և առ օրին թօշնին , էութիւնս մշտնջենաւորէ հանճարահնար ցքահանն . որոյ որոշեալ ըզմանձրադանդաղն և զապականացուն յազնուական մասանց

բնութեան, հանէ անտի անուշահոտ ցքիս, և որակս զօրաւորս և մնայունս. մինչև 'ի ցրտասարսուռ ձմերայնի զգալքեղ զոդի ծաղկի, և շտեսանել զմարմինն: Ըստ սմին օրինակի բնախօս զննիչն՝ յիմաստասիրել իւրում 'ի վերայ արտադրութեան և փառութեան բնական իրաց, մեկուսեալ զներընդունականութիւնն և զեղականութիւն, հանէ անտի էական ինչ վսեմութիւն ընդհանուր և մշտնջենաւոր իմաստից, յորոց վերայ հիմնէ զիւր գիտնական և անվթէալ տալացուցութիւնս: Այսչափ ինչ 'ի վերայ առարկայի, արդ խօսեսցուք զպատճառէ:

Պատճառ Ճշմարիտ և կատարեալ գիտութեան են ընդհանուր սկզբունք, յորոց տրամախոհութեամբ մտաց ապացուցաբար յառաջ բերին գործք Ճշմարիտ և անմիջական պատճառաց: Զի ոչ այլ ինչ է ապացուցութիւն, բայց տրամախոհութիւն, որ ուսուցանէ գիտել կատարելապէս զիմն: Ապառէ է կատարեալ գիտութիւն Ճանաչել զառարկայ ինչ լոկով ըմբռնողութեամբ, կամ լոկով գատմամբ. որպէս Ճանաչին առաջին սկզբունք, զորոց ասացաւ. այլ հարկ է թէ իցէ երրորդ իմն գործողութիւն մտաց, իջուցանելով հաւաքաբանօրէն զմի ինչ յայլմէ: Ուստի տեսանել զիր ինչ ոչ է գիտել զայն: Զէ կատարեալ գիտութիւն Ճանաչել զՃշմարտութիւն ինչ մակածութեամբ. որպէս թէ հուրն այրէ, զի այս և այդ և այն հուր այրէ զայրելիս: Վասն զի մակածութիւնն է հիմնեալ 'ի փորձ զգայութեանց. և հսկագոյնն զգայութեանց, հեռագոյն է 'ի գիտութենէ: Եւ վասն այսորիկ լաւ ևս էր Պլինիոսի հաւատալ այնմ. քան 'ի փորձ մատչիլ 256: Ոչ է Ճշմարիտ գիտութիւն Ճանաչել զառարկայս հաւանական պատճառօք, որպէս տրամաբանութիւնն և հոետորութիւնն: Վասն զի որպէս անբաւ հասարակ քարինք չառնեն անդամանդ մի, սոյնպէս անբաւ կարծիքական ձեռնարկութիւնք չառնեն ինչ ձեռնարկութիւն ապացուցական: Եւս առաւել չէ Ճշմարիտ գիտութիւն Ճանաչել զեղրակացութիւնս խաբէական ձեռնարկութեամբք. թէպէտ և երևին անլուծանելիք. որպէս որք իմաստակացն էին՝ լրբենի խաղալիաց, որք զանուն առին զիմաստութեան 'ի ցոյց տգիտութեան: Դիսպինէս՝ այնմ անլուծանելի սուտ ձեռնարկութեան, որով եղրակացուցանէր Զենոն, թէ անհնար է իմիք շարժիլ, ոչ այլ ինչ արար պատասխանի, բայց յոտն յառնել յաթուոյ և շրջիլ: Եւ այնպէս ոչ կարացեալ լուծանել զձեռնարկութիւնն մաօք, ելոյծ ոտիւք: Զէ Ճշմարիտ գիտութիւն և յանդիմանել զսառութիւն հակառակորդին, 'ի նեղ լծեալ զյամառութիւննորա, 'ի հակասել զի իմացուցանել զայլոց տգիտութիւն, չէ Ճշմարիտ ցոյց Ճշմարտութեան: Ուստի 'ի խնդիր անհնոյն, գիւրագոյն մարթ է քեզ դիմամարտիլ կարծեաց

օտարի, քան նշանակել զզուգահաւասար պատճառ քոյոյդ : Եւ ևս, չէ կատարեալ գիտութիւն ծանուցանել զպատճառն՝ ի գործոյ : Թէ ասես դու, Աստեղք որք ոչ շողշողեն՝ մօտագոյն են մեղ, մոլորակք ոչ շողշողեն, ապա են մեղ մօտագոյն : Սա է ապացուցութիւն ստոյգ, զի գործք ծանօթագոյն են մեղ քան զպատճառս, և շողշողելն ոչ է պատճառ, այլ գործ մօտաւորութեան : Բայց քանզի պատճառք բնութեամբ իւրեանց յառաջագոյն են քան զգործս, շրջուն իմաստասիրութիւն է ապացուցանել զպատճառս՝ ի գործոց : Սակայն թէ ասես . Լուսաւորք մօտագոյնք մեղ ոչ շողշողեն . մոլորակք են մեղ մօտագոյնք . ապա ոչ շողշողեն : Սա է բուն և կանոնաւորեալ ապացուցութիւն, զի ցուցանէ զգործն՝ ի պատճառէն : Զհուսկն ասացից . չէ կատարեալ գիտութիւն, եթէ պատճառն չէ անընդմիջական : Այո, հնար է թէ գործ ինչ կախեալ կայցէ զբաղում պատճառաց . որոց բնաւ են ճշմարիտք և հարկաւորք, բայց կարգեալք ընդ միմեամբ, իբրև զանուրս շվեմային հոմերոսի : Եւ են բնաւք իբրև զալացուցութիւնս Եւկղիգեայ, զի կախեալ կայ մին զմիւսմէ : Զարմանայ մարդ ընդ նոր իրս, զի խորհի ՚ի մտի զպատճառն, զոր ոչ գիտէ . և խորհի մարդ ՚ի մտի, զի է կենդանի բանական : Մինչ զի լինելն բանական է պատճառ անընդմիջական՝ լինելոյ տրամախոհական, և լինելն արամախոհական է պատճառ անընդմիջական՝ լինելոյ զարմացական : Արդ եթէ ցուցանես գութէ մարդն է զարմացական, զի է արամախոհական, գիտութիւնն չէ կատարեալ . զի թէպէտ և պատճառն է ճշմարիտ և անընդմիջական, բայց և զայդ սիխօի ցուցանել վերագոյն իմն պատճառաւ : Եւ նոյնալէս, եթէ ցուցանես գութէ մարդն է զարմացական, զի է բանական, գիտութիւնն չէ կատարեալ . զի պատճառն ընդմիջական պէտս ունի անընդմիջական պատճառի : Ապա եթէ միակցես գու զերկաքանչիւր պատճառս աստիճանաւ, գիտութիւնն կատարեալ է ՚ի քեզ, բայց անկատար յուսուցանելոյ զայն . զի միաք համբակին գահավիժեալ ընդսանդուլք պատճառաց, մնայ առաւել շուարեալ, քան հաւանեալ : Վասն այսորիկ ասաց ոմն թէ այս եղանակ ձեռնարկութեան աստիճանեալ, որ կոչէ համբարդութիւն, ունի ինչ յիմաստակականէն և ՚ի խաթէականէն, ոչ զի է այնպիսի, այլ զի նման է նմա, և է երկեղուտ . զի իմաստակաց է սովորութիւն լարել որոգայթս այսալիսի համբարդութեամբք :

Ապա յայս կնքեմք զբանս թէ կատարեալ գիտութիւնն է անվրէալ և յայտնի ճանաչումն հայեցողական ինչ գործոյ՝ ապացուցելոյ հաւաբարսնութեամբ յընդհանուր և ՚ի հարկաւոր նախագասութեանց, յորս բովանդակի անընդմիջական պատճառն : Եւ առ չխոտորելոյ յօրինակաց Արիստոտելի,

այսպիսի ապացուցութիւն լինի եթէ ցուցցես դու թէ 'ի մէջ շնչառորաց մարդն է ընդունակ ուսման . զի մարդն է ընդունակ բանի : Կամ թէ լուսինն խաւարի , զի երկիր ընդ մէջ անկանի արեգական և լուսնի : Վասն զի սոքին են ճշմարիտ և հաւասարական և անընդմիջական պատճառք այսց գործոց : Մնայ քեզ դիտել թէ 'ի վերայ իւրաքանչիւր առարկայի չորս խնդիրս մարթ է ապացուցանել : Առաջին , թէ իցէ . զոր օրինակ , թէ յաշխարհի կայցէ լուսին թէ ոչ : Երկրորդ , թէ զի՞նչ իցէ . զոր օրինակ , թէ զի՞նչ երկնային , թէ գունա ինչ երկրային : Երրորդ , թէ որպիտի ինչ իցէ , զոր օրինակ , թէ լուսինն յիւրմէ պայծառ իցէ թէ միթին : Չորրորդ թէ զիարդ այդպիսի իցէ . զոր օրինակ թէ էր աղագաւ լուսինն խաւարիցի : Արդ 'ի չորից աստի խնդրոց զերիս առաջինսն մարթ է ապացուցանել 'ի գործոց : Թէ պէտ երկրորդն է առաւել սահման , քան ապացուցութիւն : Բայց 'ի չորրորդն միշտ ապացուցանի գործն յիւրմէ պատճառէ . և վասն այսորիկ սա է ճշմարիտ ապացուցութիւն , յորժամ պատճառս ունի զասացեալ պարագայս : Զի ոչ ամենայն պատճառք են հաւասարականք և դիտանականք :

Արդ յայսմ ամենայնէ մարթ է քեզ դիւրաւ ճանաչել թէ որք՝ իցեն մոլեկան ծայրք առաքինութեանս , որպէս ասացաւ զակլքանց : Այսինքն է անդիտութիւն . և անդիտութիւն թիւր արամադրութեան , որում մարթ է ծնանիլ կամ 'ի սուտ ուսմանց , կամ 'ի տկարութենէ , և կամ 'ի չարութենէ : Սոսկ անդիտութիւն ճշմարաւութեամբ բժշկի : Երկրորդին գժուարդույն է գարման . զի թէ յառաջ գայ 'ի սուտ ուսմանց , կրկին աշխատութեան պէտք են 'ի խլել զսուտն , և 'ի պատուաստել զճշմարիտն : Եթէ 'ի տկարութենէ , եղբօրոսաւ բժշկի : Խոկ եթէ 'ի չարութենէ , որպէս իմաստականն որ ճանաչէ զճշմարիտն , և յարի 'ի սուտն 'ի պատրել զայլս , այս ոչ բժշկի երբէք , բայց եթէ մահակաւ :

ԳԼՈՒԽ .

Յաղագս իմաստութեան :

Այս այն մեծ առաքինութիւն է որ յԱրիստոտելէ սպակեցաւ , և բարձրաբարբառ քարոզեցաւ գերապանձ գշնոյ առաքինութեանց : Յիւրաքանչիւրում սեռի ճշմարիտ առաքինութեանց՝ մին միայն է պսակաւոր . զի բովանդակեալ յինքեան զկատարելութիւնս ստորնոց , ինքն է վերջին կատարելութիւն կարողութեան : Յառաքինութիւնս կանոնաւորից

կրից, առաքինութիւնն դիւցազնեայ է դշխոյ. զի որ ստացեալ ունի զնա, այնալէս ինքնիշխան տէր է իւրոց կրից, մինչև ըստ առասպելականն դիւցազանց երեխլ նմա ստորին քան զաստուած, և վերագոյն քան զմարդ: Յառաքինութիւնս կանոնաւորիչս կամաց արդարութիւն է դշխոյ. զի անհնար է չկամիլ զամենայն բարոյական առաքինութիւնս այնմ որ կամի զարդարն: Ապա յառաքինութիւնս կանոնաւորիչս մտաց, մի միայն է դշխոյ. որ գերագոյն բովանդակէ զկատարելութիւնս այլոյ ամենայնի, և սա է իմաստութիւն: Կա, վասն զի 'ի տիեզերական դասակարգի ստորինն վերին պարունակի՝ աղնուագոյն է քան զամենայն պարունակս, հարկաւ հետևի թէ 'ի լինել կամաց աղնուագոյն քան զկիրս, և մտաց քան զկամս, և 'ի միտս անդ գերագահ գոլով իմաստութեան, նա միայն ամենայն մարդկային առաքինութեանց է դշխոյ: Զեսն ասացից, զի թէպէտ իմաստութիւնն պատահումն ինչ է հոգւոյ, ստացեալ 'ի մարդոյ, բայց և այնալէս յոյժ է աղնուական քան զնոյն ինքն հոգի աստուածատեղծ: Լոյսն պատահումն ինչ է մակեղուտ մարմնեղէն գոյացութեանց. բայց և այնալէս այս պատահումն աղնուագոյն է քան զգիմահար մարմին: Գոյացութիւն է հոգի, պատահումն է դիտութիւնն, բայց և այնալէս դիտութիւնն աղնուագոյն է քան զհոգի. զի հոգի առանց դիտութեան է որպէս մարմին անլոյս: Դակ արդ է թէ դիտութիւն առ իմաստութեամբ ջահ իմն է առ արեգակամբ, քանի աղնուական և արդոյ իցէ իմաստութիւն՝ թէպէտ և որակ է ստացական և պատահական, քան զհոգի որոյ և իցէ անիմաստ արքայի:

Բայց ո՞ր իցէ այս դշխոյ առաքինութեանց իմաստնագոյն քան զգիտութիւն, և կատարելագոյն քան զամենայն կատարելութիւն: Թուեցաւ ոմանց թէ լինի միայն իմաստուն, որ ոչինչ իմիք անդէտ գոլով կատարելապէս ստացեալ ունի զամենայն դիտութիւնս և զամենայն արուեստս զազատականս և զոչ աղատականս. մինչև մտաց հաւասարիլ բովանդակ պարունակի իմանալեաց. զի միապէս հնարաւոր թուի միոյ կամաց զամենայն կամիլ, և միոյ մտաց զամենայն իմանալ: Հռչակ հարկանէ նախնին Յունաստան զիւրն Հեղիոն իմաստակ, որ պանծայր 'ի խռանն ոլիմպիական ոչ միայն դիտել զգիտութիւնս ամենայն, և զամենայն արուեստս աղատականս, այլև զարուեստս մեքենականս և ծառայականս. իբր զի իւր ձեռակերտ էր ամենայն զոր արկեալ ունէր զանձամբ. արտախուրակն, թիկնոցն, ասուի ամղանն, մաշկեղէն գօտին, արծաթի ճարմանդք, ուկի մատանին, երկաթի կտրոցն, մինչև մաշիկն իսկ սպարացի: Այս, արար սա զկրպակն համալսարան, կամ զհամալսարանն կրպակ. բայց դիւրագոյն կարողացաւ

անշքացուցանել զիմաստութիւն անարդ արուեստիւք, քան չքեղընծայել զանարդ արուեստս իմաստութե: Յայտ է թէ ոչ ոք յեօթանց իմաստասիրացն Յունաց մեծ համարեցաւ գիտել զարուեստ կօշկակարի: Այլք կարծեցին թէ ճշմարիտ իմաստութիւն իցէ գիտութիւնն քաղաքական. որ ունի իւր առարկայ զմարդ, որում ծառայէ աշխարհ ամենայն. և վախճան՝ զկառավարութիւն քաղաքական, զոր փիլիսոփայք կոչեցին արուեստ արտեստից, և գիտութիւն գիտութեանց: Բայց սոքա կամ կարի իմն մարդահաճեն, կամ կարի իմն անգիտանան. յայն ինչ ոչ հային, թէ յիմանալեաց աշխարհի կան առարկայք յոյժ ազնուագոյնք և բարձրագոյնք այսինքն աննիւթական գոյացութիւնք, միտք անջատեալք և ներդործութիւնք մաքուրք. առ որովք մարդս է արձան ինչ Պրոմեթէոսի, ոգի ընդ տիղմ շաղախեալ 257: Թող զայն, զի եթէ գիտութիւնն հայեցողական ազնուագոյն է քան զգործնական, վասն լինելոց գիտութեանց այնչափ ազնուագոյն որչափ են ազատագոյն, յայտ է թէ 'ի լինելն իմաստութեանն գործնական, անարդագոյն լիներ քան զգիտութիւնս հայեցողականս. և ոչ լիներ գշխոյ գիտութեանց, եթէ էր աղախին արքունեաց, ոչ սյլ ինչ գոլով արքունի իշխանութիւնն բայց եթէ արքունի ինչ ծառայութիւն: Ապա երկու են առաւելութիւնք իմաստութեան քան զգիտութեան, այսինքն մեծագոյն սրատեսութիւն մտաց, և մեծագոյն բարձրութիւն առարկային, զորոց խօսեսցուք ուրոյն:

ԳԼՈՒԽ Զ.

Յաղագս թէ զինչ իցէ սրատեսորիւն մտաց:

Որպէս կարողութիւնն տեսողական, նոյնպէս կարողութիւնն իմացական կատարելագոյն է և սրագոյն 'ի միում քան յայլում: Տիբերիոս 'ի մթին գիշերի տեսաներ յստակ. և ովկ կարող էր լինել անհոգ 'ի նմանէ, որ 'ի տուէ էր յովազ, և 'ի գիշերի չղջիկն: Ստրաբոն յափրիկեան պատերազմի 'ի դարավինէ Սիկիլիոյ նշմարեր զելումուտ նաւահանգստին Կարքեդոնի: Հնար էր Գալլէոսի յայնց աչաց ուսանիլ զտարագ գիտական 258: Այլ սքանչելի ևս էր սրատեսութիւն Սարդիացւոց, որք տեսողական շառաւիղօք ընդմտեալ 'ի սիրտ երկրի՝ տեսանեին զգիակունս, և զթաղեալ գանձս. մինչև 'ի զննութենէ այնց բբաց ոչ հանգիստ մեռելոց, և ոչ ագահութիւն կենդանեաց էր ծածկեալ: Այսպիսի են ամենեին միտք մարդկան զառարկայիւք արուեստից և գիտութեանց. ոմանք

Են չղջիկն , և ոմանք յովազ . նոքա ոչ տեսանեն զերեւելն , սոքա տեսանեն և զաներեւակն : Ասպա իմաստունք կոչեցան յարուեստի Ապեղէս և Լիւսիպպոս . զի նա 'ի նկարչութեան , և սա 'ի դրօշուածո այնպէս 'ի խոր թափանցեցին ուժգնու թեամբ իւրեանց հանձարոյ , մինչ զի ճշմարիան Ազեքսանդր՝ նկարեալ կամ դրօշեալ յայլոց՝ թուէր կեղծ , և կեղծեալն 'ի սոցանէ թուէր ճշմարիտ 259 : Ըստ սմին օրինակի 'ի գիտութիւնո նա կոչի իմաստուն որ առաւել սրբութեամբ ընդմըաեալ ընդ ամենայն ծանօթութիւնս , և ընդ գաղտնածածուկ պարագայսն որ յառարկայս , և լծորդեալ զնոսա ընդ միմեանս , արագ նկատէ զսկզբունսն յայտնիս և յաւերժականս , զպատճառսն ոչ մակերեւակս կամ հասարակս , այլ զանընդմիջականս , զնորինս և զնորս . որոց առաւել ևս ստուգութեամբ հասու լինի , առաւել ևս հաստատութեամբ 'ի մաի , և առաւել ևս յայտնութեամբ ուսուցանէ , զոր ոչ առնեն այլք , որք առ իմաստով երեխն աղայք : Ասպա օրինակաւ իմն , բայց իմաստութեամբ ասացաւ թէ Աթենաս ասաուածուհի իմաստութեան՝ ծնաւ զինեալ յուղզոյ Արամազդայ : Յուղզոյ , զի ոյր այն մասն է զաագոյն , է մաաւորագոյն . ուստի կառնեագէս , յորժամ հանդերձեալ էր վիճել ընդ Ստոյիկեանս , մաքրէր զուղեղ իւր եղբորոսաւ : Եւ զինեալ . զի այլ գիտութիւնք են սկաշապանեալ յիմաստութեանէ , բայց իմաստութիւնն միայն է ինքնուրոյն սկաշապան , և ցորչափ չէ զինեալ անյաղթելի ապացուցութեամբք , չէ իմաստութիւն : Ահա այս է սրատեսութիւն մտաց :

ԳԼՈՒԽ Ե .

Թէ ո՞րք իցեև առարկայք իմաստորեան :

Կշան մեծ երեւեցաւ 'ի հռովմէական հրասպարակի , յորժամ յանկարծակի բացաւ այնպիսի խոր վիշ որ որչափ նիւթ յայն արկանէին , զամենայն ընկլնոյր , և ոչ ընանէր : Բայց զարմանագոյն ևս նշան արար բնութիւնն , բացեալ 'ի մարդկային միաս անդունդ անյագուրդ , այն է անբաւ իղձ գիտելոյ : Ինչք 'ի յաճախել յաչաց անկանին , կրագէս ամաց զնոսա 'ի ծով և Միդաս յղիացեալ ոսկւով տաղտկացաւ յիւրոց ըղձից : Փափկութեանց ելք են զզուանք . և ոչինչ այնպէս մօսալուտ է հեշտութեան , որպէս ապաշաւն կամ գառնութիւնն : Պատիւ և փառք որչափ են մեծ , այնչափ և ծանր . և որ անձկայրն արքունի իշխանութեան , յոդւոց եհան վասն առանձնաւոր կենաց : Կեանիք իսկ առելի է իւր ինքեան . և բաղումք

վաղեցին 'ի մտհ, որ էր 'ի նոցանէ փախստեայ: Այս ամենայն բարիք են վիճք, բայց ոչ կարի խորք, բազումք ըղձանան, և վաղ յափրանան: Միայն մարդկային միտք են վիճ թափուր, մանաւանդ թէ յորձանուա. որ որչափ ինչ Ճարտկէ յառարկայից այնչափ առաւել սովոր. որչափ ինչ գիտէ, այնչափ առաւել ըղձանայ գիտել: Զի այլ ամենայն բարիք ընդ 'ի բուռն ածել թողանան, բայց սոքա միայն և յետ մահու անմօռաց մնան: Առարկայն զգալի է սահմանաւոր, այլ առարկայն խմանալի՝ անսահման:

Առա ամենայն միտք են միատէս անյագք 'ի գիտել. բայց այսու տարբերին, զի որպիսի են միտք, այնպիսի են և առարկայք. մինչև անարդ մտաց անյագ լինել տու աղտեղիս և անարդս. ընդվայրաքնից առ անպիտանու և մնոտիս, և խմաստնոց առ հաստատունս և վոեմականու: Անսպառական լուալիք սղծութեանց էր Տիգերիոս, որ գաարկեալ զմիաս իւր 'ի քաղաքային խոկմանց, 'ի լնուլ զանձն վաւաշանօք, մեկուսացաւ 'ի կղզին կապրեայ. այս 'ի կղզի վայրի անասնոց, զի մեծաջան միտ դիցէ անամնական արուեստից, զոր չէր արարեալ 'ի կղզին չոռդացւոց 'ի ստացութիւն աղատական արուեստից: Անդ թէ սպէտ և վաղու ևս ուսուցիչ էր գիտնաւոր՝ այսպանելի գիտութեանս, ոչ ամօթ համարեցաւ աշակերտիլ լաւ ևս ուսուցչաց, զի առաւելցի քան զոր էրն, ուսեալ անյագուրդ 'ի վաւաշ գրոց, յաղտեղի պատկերաց, 'ի սլիզծ խօսից, յանառակ խաղուց, և 'ի կենդանի օրինակաց զամենայն զամօթալի խոհերս, զոր ուրեք երբեք ուսեալ իցէ ուրուք յաշխարհի: Եւ ոչ շատացեալ այսու, խոստացաւ մեծապարդն վարձս ամենայնի որ գտանիցէ նոր ինչ և անլուր ազգ սղծութեան, կարդեալ ոստիկան այնմ դպրոցի զՏիտոս կեսոնիոս օմն, որ մեծանունն էր յայնմ անառակ խմաստասիրութեան քան զՍոկրատէս 'ի բարոյականու: Թերես մարթ իցէ ումեք ասել թէ այդպիսեաց որպէս և անամնոց՝ տուաւ հոգի, ոչ որպէս գործարան գիտութեանց, այլ որպէս աղ 'ի պահել զմարմինն 'ի նեխոյ: Խոկ զիարդ միտք տուան սոցա, և ոչ անասնոց, բայց եթէ զի իցէ յաշխարհի անբանտգոյն քան զամենայն անասնուն: Զիարդ հաստեցան ուղղորդք, եթէ փոխանակ հայելոյ յերկինս, հայիլ ունէին միշտ յերկիր: Արժան էր սոցա խոս Ճարտկել, ոչ հաց ուտել. որովհեաւ ըստ գրելոյ բնախօս իմաստասիրին, կենդանիք որք ցորեան ուտեն, խմաստնագոյնք են. և սոքա անեքանագոյնք:

Կարի առաւել վերամբարձ և հանճարաւոր են միտ ընդվայրաքնից. միայն թէ և սոքա թողեալ զուլիլ Ճանասլարհ խմաստութեան. 'ի խնդիր լինին առարկայից անյայտից. վասն որոյ և անպիտանեաց կամ խարէականաց. և յայնպիսի մնոտի խնդիրս հաստատեն զանձուել իւրեանց և զանյագ փոյթ, յորմէ

և յիրաւի կոչեցան ընդվայրաքնինք : Ընդվայրաքնին եղե յոյժ հանձար Դիդիմոսի քերթողի , զորմէ վաղու ևս խօսեցաք . որ շարագրեացն չորս հազար գիրս ընդվայրաքնին խնդրոց նրբից , 'ի քաղել զառասպելս 'ի բանաստեղծից , և 'ի հանել զջը մարտութիւն յառասպելաց : Գործ ընդարձակ , բայց այնպէս ունայն , մինչև գովզաց իսկ նորա ախտակցիլ նմա , զի մի միայն մատենագիր կարողացաւ գրել այնչափ , որչափ ոչ ոք 'ի վերծանողաց կարողացաւ ընթեռնուլ անտաղտուկ : Բայց առաւել ևս ընդվայրաքնին գտաւ մեծն այն Տիանէոս 260 , որոյ սրեալ զհանձար իւր յեսանաւ իմաստակութեան , և ոչ կազմակերպեալ զայն ըստ ճշգրիտ ոճոյ տրամաբանութեան , զարմանաւոր և օտարուախ առարկայից եղե հետամուտ : Էանց սա ընդ Կովկաս՝ 'ի հետազոտել զդիւթական գուշակութիւնս փիլիսոփայիցն հնդկաց . նաւեաց ընդ ծով արևելեան՝ հասուլնել կախարդական մնապաշտութեանց մերկիմաստակաց Եթովպիոյ . կամեցաւ հասկանալ զլեզուս թռչնոց , ընդմտանել 'ի գաղանիս երկնից , և հրամայել սանդարամետական այսոց : Մինչև դժուարակոխ գնացիւք և ալէկոծութեամբք 'ի խնդիր լեալ գիտութեան , եգիտ զանգիտութիւն . և պատրեալ 'ի մոլար ուսուցչաց պատրեաց զիւր աշակերտս սուտակասպացնորիւք : Յոյժ կարճօրեայ են մարդկան կեանք , և յոյժ ընդարձակատարը է աւելորդաց ճանաչումն : Ուղին է երկար , և ժամանակն սուզ : Որ կամի հասանել իմաստութեան , չունի ժամ կորուսանելոյ յընդունայն զբոսանս . զի այն է յետինն գիտութեանց : Բազում ինչ է զոր լաւ է աչաց չտեսանելքան տեսանել . և բազում ինչ , զոր լաւ է մտաց չգիտելքան գիտել . և գիտողին արժան էր առնուլ զքարն գաղակախտ , այն է կաթնծոր , 'ի մոռանալ 261 . զի մի պղծեսցի պիտեանն 'ի միաս ընդ անարդ առարկայս , որպիսի են մնապաշտութիւնք Տիանէոսի , դժպատեհութիւնք Դիդիմոսի , և անբանութիւնք Տիբերիոսի :

Ապա ոչ ուրուք միտք են առաւել անյագ առ գիտութիւն , քան զիմաստնոյն : Բայց 'ի գիտել զամենայն , ոչ է հարկ գիտել զմիրստմիոջէն . շատ է գիտել զվերագոյն իրս , որք ճարտարապետորէն և գերազանցապէս բովանդակեն զստորինս : Որպէս ճարտարապետն հրամայէ որմնագրին , հիւսան , քարակոփին , դարբնին , բրչին , և ամենայն արուեստաւորաց գործադրաց իւրոյ գաղափարին , թէպէտ և ոչ ձեռն մերձեցուցանէ 'ի գործ նոցա . սոյնպէս իմաստութիւնն ուղևորէ , և սահմանէ և որոշէ , և գատէ զամենայն գիտութիւն , և զամենայն արուեստ : Ապա ըղձանայ իմաստունն գիտել յամենայն արուեստս մեքենականս զոչ մեքենականս : Չոլարծի 'ի գործ դնել զնոսա 'ի կրպակս , իբրև զիմաստակն չեղիոն . այլ ճանաչել զնոսա 'ի համալսարանի , որպէս փիլիսոփոս : Ոչ գիտե

նկարել և ոչ քանիդակել. սակայն նմա է անկ սրոշել զվեճ՝ ի մեջ նկարչութեան և քանիդակագործութեան, և ընտրութիւն առնել ճարաարութեան գործոց նոցա: Մինչև գործնականին իւրոքանչիւր արուեստի լինել յարուեստագէտն, բայց հայեցողականին ամենայնի սոցա լինել յիմաստունն: Իմաստութիւնն է թագութիւն գիտութեանց. շատ է թագաւորի գիտել հրամայել ում հրամայէ: Առաջին շարժիչն մեծ ինչ գործէ, եթէ առյ գործել: ՅԵթէ ովլպիա՝ առ իմացուցանելոյ ժողովրդեան զգերակայութիւն իւրեանց թագաւորի, 'ի սկիզբն առըւոյն շիջուցանեն զամենայն կրակ: Եւ թագաւորն հարեալ զգայլախազ ընդ պազպատ, լուցանէ նոր հուր. յորմէ տուեալ ջահս ըստ թուոյ գաւառաց, առաքէ մի մի յիւրաքանչիւր գաւառ. և գաւառք լուցեալ նովաւ այլ ջահս առաքեն յիւրաքանչիւր քաղաքս, և քաղաքք 'ի տունս, մինչզի 'ի լուցանել թագաւորին մի միայն կրակ, լուցանէ զամենայն կրակ. զի արարք ընծային իւրեանց սկզբան: Արդ ըստ այսմ օրինակի է թագաւորութիւն իմաստութեան, իմաստութիւնն որպէս թագուհի վառէ զառաջին ջահն, այսինքն է զուղղութիւն դատման. և այս գերակայ լոյս յաջորդութեամբ փոխանցի 'ի գիտութիւն հայեցողականս, անտի 'ի գործնականս, ապա յարուեստս արարողականս, հուսկ ապա 'ի ծառայականս: Եւ ոչ միայն իմաստութիւնն կատարելագործէ զունակութիւնս գիտութեանց, այլև պաշտպանէ զնոսա և բուժէ 'ի մոլորութեանց, որք են ախտք մնաց, որում բժշկութեան անհնար է լինել, թէ ոչ ճանաչէ սա զՃ՛մարտութիւն առարկայից նոցա:

Քանի՞ անհեթեթո խօսեցան նախնի իմաստունք, զորովք այսօր տղայք իսկ ծիծաղին: Ի վերայ աշխարհագրութեան յերազեցին ամենայն իմաստասէքք զոր ինչ ուսուցին վասն այրեցածին, որ ընդ հասարակածաւ. կարծեալ զայն անքնակելք 'ի սաստիկ տասլոյ. և սակայն գտաւ այն առաւել բարեխառն և բերբի կողմն երկրի, խուժագուժ խափշկաց նախանձելի: Վթէսկ յայանեցան կարծիք երկուց գերզգոնից Օգոստինոսի և Լակտանտիոսի, թէ երկիրս իցէ կիսագունտ ինչ. զի անհնար թուէր նոցա, թէ 'ի ներքոյ մեր 'ի կախ կայցեն բնակիչք առանց անկանելոյ: Եւ սակայն գտան բնակիչք որք շրջին ընդ ոտիւք մերովք անկախ և անանկ: Եւ զիարդ հնարեր այնց փիլիսոփայից ճանաչել զերկինս որ ոչն ճանաչէին զերկիր յոյր վերայ կային: Յաստեղաբաշխութեան իսկ, որ աղնուագոյնն է յուամունս, գրուատանօք ուսոյց Պղատոն, թէ պնդութիւն պարունակաց վերնոց ներդաշնակաւոր համեմատութեամբ հոլովելոց 'ի վերայ սաորնոց յօրինէ աստուածային իմն նուագ: Պաղոմէսս ուսոյց, թէ 'ի թանձրութեան

պարունակաց կառուցան այլ շրջանակք արտակեդրոնք համակեդրոնք և մակաշըջանակք միտպէս պնդակազմք, ամրափակ կալանաւորիչք եօթանց աստեղաց մոլորակաց · բայց մոլորակ էին միայն իւրեանց միտք: Ըարժումն արուաւեկի և հրատի ծանուցեալ 'ի մեր ժամանակս, և զգալի վերելք դիսաւորաց յենթալուսնեայ դաւառէ մինչև 'ի վեր քան զերեակն, ըստ նշմարելոյն Տիքոնի, յայտնի ցուցանեն ականւոյն թէ այս ամենայն ընդարձակութիւն յերկրէ մինչև ցհաստատութիւնն, ոչ այլ ինչ է, բայց լոյծ և միայար ձգումն լոկո օդոյ: Թող զբիծս լուսնի, զօրս բազումք 'ի փիլիսոփայից համարեցան տարասեռ կեղտս նորուն պայծառ դիմաց · և արդ Յովհաննէս Անդոնիացի սլացեալ աչօք յերկինս երկոքումք թեօք ապակւոյ, սաորագրէ զլուսինն որպէս երկրագունա ինչ, որոյ բիծք են ծովք: Եւ 'ի գունա ինչ աշխարհագոտկան՝ արոհէ մեզ զկղզիս, զծովեզերս, զդարափունս, զցամաք երկիր և զլերինս հանդերձ իւրեանց ստուերօք · որ և պարգևեաց զայն աշխարհ թագաւորաց այսմ աշխարհի, իւրաքանչիւր յանուանէ: Այսու օրինակաւ մեք ծիծաղիմք զտգիտութեամբ նախնեաց, և յետնորդք մեր ծիծաղեսցին զմերովք, և իմաստունն ծիծաղեսցի զամենեքումքք · զի իւր բուն առարկայ է առաւել վսեմ, և վերառեալ և անվլիւլ քան զայլոցն ամենեցուն:

Ապա ինքնարուն և գլխաւորագոյն առարկայ խմտատութեան, որպէս նշանակեցաք, է էակն ըստ որում էակ · այս ինքն սոսկ էութիւնն իրաց, մշանցենաւոր, աննիւթական, անայլայլակ և անվլիւլ: Եւ վասն այսորիկ այս գիտութիւն կոչի Մեթափիզիկայ · որ թարգմանի Բնազանցութիւն, այս ինքն 'ի վերոյ քան զբնականն, և իբր աստուածային · զի է վերագոյն քան զֆիզիկայ: Վերացուցանէ, որպէս լուար, խմաստունն՝ նրբին իմացովութեամբ զաննիւթականն 'ի նիւթականէն, զանզգալին 'ի զգալոյն, զգոյացութիւնն 'ի պատահմանց, զաւսակն յանհատէն, զսեռն 'ի տեսակէն, և յընդմիմեամբ ուռից զսեռն զսեռականագոյն · և կառուցեալ ոկրզբունս ընդհանրականս՝ քննէ զճշմարաւութիւն ամենայն գիտութեանց · և որ ծնաւն հուսկ յետոյ քան զամենայնն, իւրով մեծաւ զօրութեամբ դշխոյանայ: Եւ ոչ շատացեալ իմաստնոյն արտաքին իրօք, իբր զի վերագոյն իմաստութիւնն է ճանաչել զինքն, բաժանէ զինքն իսկ յիւրմէ · և անմեռ զատուցեալ զոգի յիւրմէ մարմնոյ, կամի ճանաչել թէ զինչ իցէ այն · արդեօք կուտակութիւն ինչ հիւլէից, որպէս կարծեաց Դեմոկրիտոս · եթէ հուր, որպէս Երակլիտոս · եթէ օդ, որպէս Դիոգինէս · եթէ ջուր, որպէս Թաղէս · եթէ արիւն, որպէս Կրիտիաս, և եթէ ներդաշնակութիւն ինչ, որպէս Եմպեդոկլէս: Իմաստասէրք ոչինչ քան զանասունս զգանագոյնք.

որք ունին ոգի, և չՃանաչեն զայն. և չեն արժանի ունելոյ: Բայց ծանուցեալ նորա յիւրմէ վերացուցիչ խմացողութենէ, թէ ոգին է հոգի անմահական, կամի խմանալ թէ զիսրդ խմայ, որպէս զգայ, որպէս գործէ, որպէս կերպարանէ զանդամա. և թէ յինչ զօրէ, յորժամ'ի մարմնոյ հրաժարի: Այսուիկ մտադիւրագոյն ևս վերելս առնէ յազնուագոյն և 'ի վերառեալ մասն աշխարհի, այսինքն է, առ սոսկ գոյացու. թիւնս հրեշտակական հոգւոց, կամեցեալ գիտել ոչ սնապաշտ ընդվայրաքննութեամբ Տիանէոսի, այլ հաստատուն սկզբամբք, թէ իցե՞ն, թէ որպէս շարժիցին, զիսրդ ընդ միմեանս խօսիցին, իւ տարբերիցին 'ի միմեանց, և համօրէն 'ի հոգւոց մարդկան. անհնար թուելով, թէ ծանիցէ զհրեշտակս, որ ոչն է հրեշտակ: Եւ ոչ յայս ստիս այս ամենայն մեծամեծ առարկայք, և տիեզերք ամենայն լնուն զվիհ մարդկային մտաց: Ելանէ խմաստունն արտաքոյ աշխարհի. անձուկ ունելով ճանաչել զամենամաքուր և զամենասպարզ էակն էից, զպատճառաց, զսկիզբն անսկիզբն, և անչափ, իւր ինքեան միայն հասանելի. զի միտ հունաւոր ոչ կալովանայ բովանդակել, բայց զառարկայ հունաւոր: Չիք ազդ այնպէս խուժագութ, որ ոչ ծանիցէ թէ է մի Աստուած, և ոչ ըղձանայցէ ճանաչել թէ ո իցէ այն: Եւս և 'ի հեռաստան ընդ բնեռօք, ուր 'ի կէս տարւոյն չժագէ արև յայն խաւարային օգս և 'ի միտս՝ ճառագայթէ այս ճշմարտութիւն. ամենայն ուրեք կանգնին սեղանիք և տաճարք, ամենեքին երկրպագուք են աստուածակետութեան, նմա աղերս արկանեն, յանուն նորա երդնուն և չՃանաչեն զնա: Հայեաց 'ի տուել յիսկն գեղանկար ծազկանց. Հայեաց 'ի գիշերի ընդ կանոնափակ շրջանս աստեղաց. ամենայն ինչ թէպէտե անմառունչ, քարոզէ քեզ, թէ է Աստուած. զի այսպիսի գեղեցիկ արուեստապետի: Կայեաց յոստայն սարդից ոստայնանկաց. 'ի տնտեսական կենակցութիւն մրջմանց. 'ի քաղաքական հասարակապետութիւն մեղսւաց, այսպիսի մանունց աշակերտաց միայն ընութիւնն է վարժապետ. մինչև հարկիս ասել, կամ Աստուած է ընութիւնն, և կամ գործ Աստուածոյ: Խեկ արդ եթէ առ ամենայն առարկայ խմանալի կարգեալ է կարողութիւն իմացական, որ յառարկայէն առնու զտեսակ, և կատարելագործի, զինչ զարմանիք են թէ միտ մարդկային անձկանօք բերիցի 'ի ճանաչել զառարկայ ինչ այսպէս մեծ և աստուածային, յորմէ միայն ընդունի զվերջին զիւր կատարելութիւն: Հայեաց 'ի գեռածին լակոտ շան զի 'ի լոյս ընծայեալ աչօք փակօք՝ 'ի խնդիր է թաւամազ ստեանց, զոր ոչ ետես երբէք. զամենայն մերժեալ և յամենայնէ խորշեցեալ միշտ կաղկանձէ, միշտ կնծկնձէ, մինչև գտանել նմա զծոց մայրենի. և իբրև գտանէ, զայն դիէ, յայն հանգչի և վայելէ:

Ըստ սմին օրինակի միտքն արարեալ յԱստուծոյ վասն Աստուծոյ՝ ոչինչ իմիք այնպէս սաստիկ և ներքուստ անձուկ ունի, որպէս ճանաչելոյ զԱստուած . բայց քանզի որպէս զաշացու առ աստուածայինս, յարի յառարկայս զգալիս, յարածս խնդրէ զարարիչն . յանցաւոր բարիս խնդրէ զգերադոյն բարին . և չգտեալ 'ի ստորինս զոր խնդրէն, տառապի, և չգիտէ էր աղագաւ : Ապա այս է գերագոյն բերկրութիւն իմաստնոյն, այս է առարկայն ընդ որ զուարժանայ : Զի որովհեաև միտք իւր լուսաւորագոյն են և սրատես քան զայլոցն, կերպարանէ ևս բարձրագոյն և ճշգրտագոյն և յանկագոյն իմաստս զայն անբաւ մնաց, որչափ հնար է տանել մնաց հունաւորի . յայնմ ընկղմի, յայն յառեալ հայի, և յայնմ վայելէ զերանութիւն ինչ յերկրի : Զի, որպէս ուսուցանէ Արիստոտէլ, առաւել շքեղ է և զուարժալի փոքր 'ի շատեանաչել զաստուածայինս, քան լիուլի զմարդկայինս : Այս վեմական արամախոհութիւնք են իմաստնոյն, յորժամներաձնանայ : Սոքօք յափշտակէ զունկնդիրս և ապշեցուցանէ : Վասն այսորիկ ասացաւ յառասպելս, թէ Աթենաս սասուածուհի իմաստութեան, զորս միանդամ տեսանէր, արձանացուցանէր : Անմիտ քան զանասունս են այնք որք կարծեն թէ Որփէոսի յապուշ կրթեալ իցէ զանասունս՝ քաղցրանուագութեամբ իւրոյ քնարի 262 : Քնար էին երդք 'ի նմանէ յօրինեալք 'ի վերայ երկնային իրաց և աստուածային առաւելութեանց, առակաւ ծածկեալք 'ի տգիտաց առասպելեաց քօղով . որ եղե բնաւոր աստուածաբանութիւն այնց դարուց, յորս միայն իմաստունն էր համարեալ մարդ, և այլ մարդիկ վայրի անբանք : Յասացելոց աստի մարթիս իմանալ զատհման իմաստութեան և զիւրոց ծայրից . իմաստութիւնն է ուղղիչ ամենայն գիտութեանց՝ որպէս գիտութիւն բարձրագոյն և ընդհանրագոյն . խօսելով ընդհանրագոյն սկզբամբք 'ի վերայ իրաց ամենեին վերառելոց 'ի նիւթոյ . ունելով գլխաւոր առարկայ զէակն ըստ որում էակ, և զգոյացութիւնս հոգեղէնս և զաստուածայինս : Ծայրք իմաստութեան են սոգիտութիւն այսց գերագոյն առարկայից, և մեապաշտ կամ յանդուդի ընդվայրաքննութիւն :

ԳԼՈՒԽ Ը.

Յաղաց արուեստի :

Ոչ խօսիմք մէք ասատ զազատական արուեստից, որք 'ի դասակարգէ են գիտութեանց, որպէս ասացաք, այլ զմեքենական արուեստից կերտուածոց, որք յածին զգործովք արտաքնովք, որ 'ի տէտ են մարդկային կենաց: Վաղիջուց տըրտունջ է հանատալազ ազգի մարդկան՝ զմօրէ հասարակաց, թէ անասունք անաշխատ և անջան գիտեն զարուեստս որ պիտոյ է նոցա: իսկ մարդկան բազում աշխատութեան պէտք են 'ի գտանել զնոսա, և ևս առաւել առ ուսանել զնոսա: Ոչ պիտօնի շերամոյ ասրագործ 'ի մանել զիւր թելս, և ոչ ծիծռան ճարտարապէտ 'ի կերտել զիւր պալտս և ոչ ցլու վարժեար, վարել 'ի տէտ զիւր եղջեւրս: Ծնանին արուեստք ընդնոսա, իւրաքանչիւրն է իւր վարդապէտ և աշակերտ, և յամօթ առնեն զմարդ, որ իմաստունն է քան զնոսա: Որ շատ գիտէ, սակաւ գիտէ: Բայց որ ոք վոսն այդք քըթմնջէ, նախատինս դնէ անձին և իւրում արարչին, որ նախ առաջին զատոյց զմարդ յանանոց: կամեցեալ զի սորա ուսցին զարուեստս խոշորս 'ի բնէ, և մարդ ուսցի զգեզեցկագոյնս յիւրմէ հանճարոյ: Եւ երկրորդ՝ զատոյց զգերազանց միտս 'ի ռամկայնոց: 'ի տալ նոցա զընդունակութիւն ազատական արուեստից, և սոցա զյարմարութիւն առ ծառայականս, տալով զուշիմութիւն բաւական 'ի գտանել, և ձեռն հնարաւոր 'ի կատարել: Զինչ լինէին հասարակապէտութիւնք առանց ռամկաց: և զինչ լինէին ռամիկք առանց արուեստից: Ազա տեսչութեամբ անօրինէ գերագոյն արուեստագէտն, զի ռամիկք ծառայեսցեն իմաստոց արուեստիւք, և իմաստունք ծառայեսցեն հասարակապէտութեան խոհեմութեամբ: Կա 'ի պահել զյառաջադէմ կարդ յանկատարից առ կատարեալս, նոյն ինքեան արարչին կամ եղեն, զի անասունք ուսցին զարուեստ 'ի բնութիւնէ, և մարդիկ յանանոց: ԶՃարտարապէտութիւն ուսուցին մեղուք, զերաժշտութիւն սոխակք, զքանիգակագործութիւն արջք, զբրտութիւն բզէզք, զնաւարկութիւն կարտպք, զնետաձգութիւն ողնիք, զականահատութիւն նապաստակք, և զդալարիս բժշկականս հիւանդագին անասունք: իմաստունք պէս ստեղծաբանեցին խորախոչ իմաստասէրք, թէ թաւմաս որ է Զարմանութիւն եղել ծնող ծիածանի 263. 'ի նշանակել, ասէ Պղատոն, թէ զարմանքն է ծնող արուեստից: Բայց 'ի գէտ է զանազանել զայս իմաստուն ասացուած: Զարմանքն

Եղե ծնօղ ազատական արուեստից . ուստի և առաջ է , թէ 'ի զարմանալոյ սկսու մարդ խմաստասիրէլ բայց հարկն եղե ծնօղ ծառայական արուեստից . ուստի է և այլ առաջ թէ հարկն առնէ զմարդ հնարագէտ : Աստ հարկն բռնագատեաց զմարդիկ 'ի խնդիր լինել այնց . օրինակն անասնոց ուսոյց նոցա . հնարագիտութիւնն յաճախեաց , և պերճասիրութիւնն կատարելագործեաց :

Եօթն արուեստս ազատականս տրոհէ նախնի խմաստասիրութիւնն . այսինքն Քերթողութիւն , Հռետորութիւն , Տրամաբանութիւն , Թուաբանութիւն , Երաժշտութիւն , Երկրաչափութիւն , և Աստեղաբաշխութիւն : Եւ զուգաթիւ արոհէ զվարձկականս և զծառայականս . այսինքն է Երկրագործութիւն , Արսորդութիւն , Զինուորութիւն , Դարբնութիւն , Վերաբուժութիւն , Ասրագործութիւն , և Կաւարկութիւն : Բայց այսմ եղե պատճու կամ պարզմտութիւն այնց դարուց , կամ խորհուրդ եօթնեակ թուոյ նուիրական համարելոյ , և կամ հոմանունութիւն անուանց նշանականաց աւելի քան զոր հնչեն : Որպէս և իցէ , յայտ է թէ որպէս եօթնեակն ազատական արուեստից է թերատ , զի ոչ յիշե Քաղաքականութիւն և բարոյականն , նոյնակէս թերատ եղե և եօթնեակն ծառայականաց , ոչ յիշելով զՊատկերահանութիւնն և ըզ-Քանդակործութիւնն , որ յանարգաց միջի են ազնուագոյնք : Մինչև մարթ է ասել թէ այնք խմաստունք ընդ թուով արկին միայն զարուեստ հարկաւորս հասարակապետութեան , և ոչ զփափկականս և զաւելորդս : Թող զի , սաոյդիմն է թէ արուեստն զինուորական 'ի կողմանէ հրամայողին վերաբերի առ քաղաքականութիւն . այլ 'ի կողմանէ հնազանդելոյն , այո՝ մարթ է կոչել զայն թոշակական , բայց ոչ մեքենական , և ոչ ծառայական , սեպհական գոլով արիութեան : Սակայն թէ չիցէ խմաստն զարուեստէ զինագործութեան , և ոչ զինակրութեան :

Բայց որպէս և իցէ բաժանումն արուեստից , սահմանն բառնայ զամենայն հոմանունութիւն : Ասլա նեղապէս խօսիլ կամեցեալ զկերտոզական արուեստից , որք կոչին մեքենականք , և ոչ զներդործականաց , որք որպէս ազատականք 'ի համար դասին գիտութեանց , այս է նոցա ճշմարիտ սահման : Արուեստն է հմտութիւն մուծանելոյ ձեռագործութեամբ զկերպարանութիւն իմն մատուեալ 'ի նիւթ ինչ արտաքին , 'ի պէտս մարդկային կենաց : Հմտութիւն կոչի ուղիղ եղանակ արուեստաւորին , հիմնեալ 'ի ճանաչումն ճշգրիտ կանոնաց , որ ինքնին չեն սխալական : Որով զանազանի արուեստն 'ի բաղդէ , որոյ երբեմն զծաղու եկեալ , առնէ զգործս արուեստի , 'ի ծաղը առնել զարուեստաւորն : Որպէս յորժամ Կէտկէս անգիտացեալ նկարել զփափուր ամեհի երիվարի , և Պրոտո-

գինես զփրփուր կատաղի շահ, կոյր բերումն բախտի արար զոր երկու անուանի նկարիչք ոչ գիտէին առնել, առ այպանել զերկաքանչիւրն : Վերսպարանութիւնն արտաքին և երեելի որ մուծանի, կախեալ կայ զներքնոյն և զիմանալոյն . որպէս դաղափարեալն զգաղափարէն, օրինակեալն զնախագիծ օրինակէն, և տիպն զնախատապէն : Զի արուեստաւորն ոչ գործէ իբրև զանասունս կոյր ազդմամբ, այլ որպէս արուեստապետ, հայեցեալ յիրս 'ի ներքս յինքեան : 'Նիւթ է այն յոր մուծանի կերպարանութիւնն, հնար գոլով զնոյն կերպարանութիւն մուծանել յայլեայլ նիւթու այլեայլ արուեստիւ . որպէս կուրիոն արար զթատրոն 'ի փայտէ, Պոմպէոս 'ի կճոյ, և Սկաւրոս յապակւոյ : Գործուածն իսկ առաւել նիւթական կամ առաւել ազնուական պէսպիսացուցանէ զարուեստս . որպէս զկենդանագրութեամբ Ազեքսանդրի երեք միայն արուեստաւորք այլեայլ Ճարտարութեամբ տշխատասիրեցին գիմամըրցանակաւ . Պիւրգոտեղէս ակրով փորագրովի, Ապեղէս գրչաւ նկարչի, Լիւսիպալոս ձուլիւք անդրիագործի, և ոչ ոք յաղթեաց այլում . այլ երեքին իսկ դտան ամենեցուն յաղթական 264 : Վախճանն է կրկին : Անմիջական վախճան է նոյն իսկ գործուածն, վերջին վախճան է կիրաւութիւն գործոյն : 'Նա է վախճան արուեստաւորին . սա է վախճան արուեստին . այսինքն է դիւրութիւն մարդկային կենաց : Յայսմ վերջին վախճանէ առնեւ արուեստաւորն զկանոնս արուեստին : Զի թէ շնէ նա զնետ, զի թռուցեալ խոցեսցէ, առնէ զնա թեաւոր և սայրասուր :

Գ. Լ Ո Ւ Խ Թ.

**Առաւելորիւնիք և վերադասորիւնիք ծառայական
արուեստից :**

Ի սահմանէ անտի մարթիս իմանալ թէ որչափ հմտութիւնն է կատարեալ, և կերպարանութիւնն չքնաղ, և նիւթն պատռւական, և գործուածն քերուք, և վախճանն մեծարգի, այնչափ առաւել ազնուական է արուեստն : Բայց քանզի դժուարաւ պատահէ այս ամենայն կատարելութեանց ընթացակցութիւն 'ի մի արուեստ և 'ի մի գործ, գովանի գոլով ոմանց 'ի միում և ոմանց յայլում, որպէս կազմութիւնք 'ի մարդկային մարմինս, յայսմանէ ծագեն վէճք արուեստից, և դժուարութիւնք 'ի դատել զնոսա և յորոշել : Բայց և այնպէս սասցդ իմն է թէ որչափ արուեստ ինչ ծառայական աւելի մերձաւորութիւն ունի ընդ ազատական արուեստս և ընդ

գիտութիւնս, այնչափ առաւել է ազնիւ. զի ազնուութիւնն չափի ՚ի ծագմանէ իւրմէ: Ապա ազնուագոյն են պատկերահանութիւն և քանդակագործութիւն, քան զդարբնութիւն կամ զհիւսնութիւն. զի սոցա կանոնք են բոլորովին մեքենականք, զօրս ուսուցանէ փորձն, այլ երկոքին տռաջինքն առնուն կանոնս ՚ի բանասաւեղծութենէ, որ կեղծեօք զնմանութիւն բերէ զշմարտի: Բայց յերկոսին յայսոսիկ բարեկամհակառակորդս՝ այնչափ ազնուագոյն է պատկերահանութիւնն քան զքանդակագործութիւն, որչափ նմանողութիւնն է առաւել հանձնարաւոր: Վասն զի քանդակագործութիւնն զնմանութիւն բերէ զհաստատուն մարմնոց ելքնդօք և խորովեօք նիւթականօք, բայց պատկերահանութիւնն նմանաբերեալ զելունդսն պայծառ գունովք, և զխորովիսն ստուբարկութեամբ, զարմանաւոր զօրութեամբ հանդիպահայեցութեան, տայ մակերեւութին լինել մարմին, և ճշմարտանմանին երեխիլ ճշմարիտ: Ուստի և վիրաբուժութիւնն լինի ազնուագոյն քան զպատկերահանութիւն. զի սա առնու զկանոնս ՚ի հանդիպահայեցութենէ, որ խաբէ երեւութիւք, և նա առնու ՚ի բնաբանութենէ, որ է գիտութիւն իրական և վերագոյն: Այս, յեղանակ դործելոյն առաւել արգոյ և ազնուական է քանդակագործութիւն քան զվիրաբուժութիւն, զի կեանս տալ մարմարիոնի մեռելոյ անմիտաս երկաթով տաշեալ ՚ի նմանէ տաշուածս անցաւս, այնչափ է զուարձալի, որչափ տաղտկալի է և սոսկալի՝ տեսանել արիւնաշտղախ ձեռօք տաշել զմիս ցաւակիր, և խարել զոսկերս զմարմնոյ կենդանւոյ: Բայց եթէ ազնուութիւն արուեստից չափիցի յազնուութենէ վախճանին, որ պիտանագոյն իցէ առ հասարակաց օգուտ, խոստովանելի է թէ վիրաբուժութիւնն է ազնուագոյն քան զքանդակագործութիւն, և արուեստն որ վարէ զսուը և զվահան վասն հասարակաց սկաշտպանութեան, քան զայն որ վարէ յղկիչս և սղոցս ՚ի պէտս կահուց կարասեաց տան: Եւ երկրագործութիւնն, որ օգնէ բնութեան ՚ի հասարակաց պէտս, քան զորսորդութիւնն որ խաթարէ զայն վասն առանձնաւոր բերկրութեան: Բայց յայլմէ կողմանէ, եթէ հայեցողական գիտութիւնք որք հաճեն միայն զմիտս ազնուագոյնք են քան զգործնականս, որք ծառայեն հասարակաց, իբր զի նիազն ՚ի ծառայութեան է առաւել ազատ, և առաւելեալն յաղատութեան է առաւել ազնուական և վեհական, հարկաւ հետեւի թէ որսորդութիւնն է առաւել վեհական քան զերկրագործութիւն. զի սա ՚ի վար արկանի վասն օգտի, և նա վասն լոկոյ բերկրութեան: Ուստի և արուեստք պիտանագոյնք են առաւել անարգք, և զբօսականքն առաւել ազնուականք, զի են ազատականք: Իսկ եթէ մտածի նիւթն, խոստովանելի է թէ ազնուագոյն է արուեստն ըստ ազնուու-

թեան և պատուականութեան նիւթոյն և ենթակային, յոր գործի: Վասն այսորիկ ոչ առանց պատճառի՝ դշխոյ արուեստից կոչեն զիւրեանց քուրայս քիմիագործք, որոց կամեցեալ կեանս տալ բոցով փիւնկանն 'ի հրահալելիս, մերձեցուցմամբ ներգործաւորաց 'ի կրաւորս, ջանան առնել արուեստիւ ըշչքնաղն 'ի գործս բնութեան, որ չափն է ամենայն գնոց, և իւրեանց ըղձանաց: Արուեստ այս՝ ըստինքեան իրական, այլ 'ի գործագրութեան երեակայական. զի չիք գտանել զՃշմարիա նիւթի ուստի բնութիւնն արագրէ ոսկի, և ոչ զորոշ չափն առաջնոց որակութեանց հանդանակաւորաց 'ի մուծանել յայն զաեսակ ոսկւոյ: Ուստի այն ազնուական Հեփեստեալէք, փշմամբ 'ի քուրայս զոսկին զօր ունին վասն 'ի ձեռն բերելոյ զայն յոր յուստցեալ են, փակեն յասլակեղէն աման իբր յանօթ Պանդորեան՝ զյոյս իւրեանց, որ հուսկ ուրեմն անյօյս՝ ծիծաղելի ճայթմամբ ոստուցեալ արտաքս, թողունոցա միայն զոսկին յաջս, և զմուրն յերեսս 265: Բայց թէ խօսիմք զիւրական նիւթոյ և զՃշմարիա արուեստէ, անտարակոյս ազնուագոյն է ոսկերիչն քան զպոլպատագործն. և ակնագործն քան զարծաթագործն. և ազնուագոյն քանդական, սոքա բազում առաւելութեամբ վասն մեծութեանց իւրեանց էին անուանի: Վասն այսորիկ առաւել ընթանայր աշխարհ 'ի Գնիդոն տեսանել զԱփրոդիտեան կուռս Փիդեայ, քան 'ի Մարմարիսնի: Սակայն յայլմէ կողմանիէ, վասն զի գործք Պիւրգոտեզայ վասն մանրութեան իւրեանց պարծանք էին արկեզաց, այլ ոչ զարդարաց և քաղաքաց իբրև զգործս Փիդեայ, սոքա բազում առաւելութեամբ վասն մեծութեանց իւրեանց էին անուանի: Վասն այսորիկ առաւել ընթանայր աշխարհ 'ի Գնիդոն տեսանել զԱզելքսանդրն Պիւրգոտեզայ. իբր զի առաւելոյր քան զյարդ նիւթոյն գեղ տեսակին: Յայսմանէ որպէս ազնուագոյն են գիտութիւնք, ըստ որում ազնուագոյն է նոցին առարկայ, սոյնակէս տեսակ գործոյն առարկայ գոլով գործաւորին, աղնուագոյն լինի գեղեցիկ ինչ աաճար քան զգեղեցիկ ինչ ապարանս. և գիւցազնեայ պատկերք Տիմանթեայ, քան զՃաղբական գեղջուկս Ղուդիսնեայ 266: Ապա եթէ գեղեցկագոյն տեսակաւ խմանայցի նմանագոյնն ընականին, ստոյգ իմն է զի թէպէտ և ազնուագոյն է մարդ քան զդրաստ, բայց և այնպէս՝ գեր 'ի վերոյ մեծարգի եղեւ մասակ ձին նկարեալ 'ի Պրաքսիտեզայ, քան զԱզելքսանդրն նկարեալ յԱպէղէսէ. զի թէ սա զարհութեցոյց զկասանդրոս, նա վրըն ջեցոյց զերիւլարս: Եւ թէ համեմատեմք զխազող Զեքսեայ ընդ վարագոյր Պարլասիոսի, սա եղեւ նմանագոյն խկականին. վասն որոյ և առաւել գովելի. զի Զեքսիս նկարեալ խաղողիւ խաբեաց զթռչունս, և Պարրասիոս նկարեալ վարագուրաւ խաբեաց զնոյն ինքն զԶեքսիս: Բայց եթէ առարկայք գիտու-

թեանց են ազնուագոյնք՝ որչափ են զարմանագոյնք և վերագոյնք ըստ կարծեաց ամբոխին, յայտ է թէ ազնուագոյն լինին այն արուեստք, որք ցուցանեն գործս հիանալիս և իբր հրաշականս, մինչեւ թուիլ նոցա ոչ դործ մարդկային, այլ գերասատածային : Այսպիսի եղեն պարունակին Արքիմեդեայ և ժամացոյցն անուաւոր, պարփակեալ յապակւոջ՝ մին զերկնից անբաւութիւն, և միւսն զժամանակին փախուատ : Եւ այսպիսի եղեն աղաւնիքն Արքիտասայ, որք թռչեին՝ փայտեղեն գոլով, և արձանիք Դեղազոսի, որք փախչեին, թէ չեին կապեալ. ունելով երկաքանչիւրոց փոխանակ հոգւոյ զաներկոյթ հանձար հեղինակաց իւրեանց 267 : Բայց և այսու ամենայնիւ հնար է մեզ հաստատութեամբ կնքել, թէ որպէս այն արուեստաւոր է գերապանծ, որ յարուեստի իւրում որ զինչ և իցէ՝ գիտէ զամենայն զոր հնար է գիտել, և առնել զամենայն զոր հնար է առնել. սոյնալէս գերապանծ լինի գործն, յոր գերիմաստ արուեստաւորն 'ի վար արկանիցէ զյեափն ձիգն զիւրոյ գիտութեան : Այսպիսի եղեւ արձանն Պողիկղեատոսի, անուանեալ կանոն կանոնաց, և չափ չափուց. զի անտի միայն ամենայն նկարիչք և քանդակագործք առնուին ըզգաղափարական համեմատութիւնս մարդկային մարմնոյ 268 : Մինչ զի ոչ տաճարն Արտեմեայ, և ոչ այլ վեց զարմանագործութիւնք արուեստի հաւասարիլ կարողացան սմա միայնոյ : Զի զայլովք ամենեքումքը՝ յաճախութեամբ ոսկւոյ և ճարտար արուեստաւորաց հնար եղեւ անցանել զանցանել. այլ այսմ միոյ միայնոյ հանճարոյ մտաց ոչինչ այլ հանճար կարողացաւ կատարելապէս լինել նմանող : Բնութիւնն իսկ ուսուցիչ արուեստից՝ յայսմ միայնոյ ճարտարէ կարող էր ուսանիլ ինչ, քան ուսուցանել. զի նախատիպք նորա երբէք չհասանեն, ցոր վայր եհաս այս օրինակ :

Յայսմ ամենայնէ որ ասացաւ, մարթիս իմանալ թէ յինչ հաստատեալ է արուեստն մեքենական, և որք իցեն ծայրք նորա : Մի ծայրն է տգիտութիւն պակասական, անուանեալ անարուեստութիւն . և միւսն տգիտութիւն վատթար տրամադրութեան, որպէս իսկ լուար : Նա չունի զսկզբունս արուեստին. սա ունի խանգարեալս. վասն այսորիկ առաւել վխասակար է սա քան զնա : Զի որ չառնէ զոր ոչ գիտէ, գովութեան է արժանի . այլ որ առնէ զոր ոչն գիտէ, զայլս խաբէ, զարդիւնս կորուսանէ, և պատժոց լինի արժանի : Ոչ սխալէ յարուեստն, որ կամաւ սխալէ ընդդէմ արուեստին, որպէս այլուր ասացաւ . նա՝ երբեմն ճարտարութիւնն է սխալէ լյարուեստն : Անյատկութիւն լեզուի ամօթ է քերթովի, յորժամ անյատկութիւնն գուստը է տգիտութեան, բայց որ կամաւ խոառի 'ի քերթողական կանոնաց, առնէ քերթողութիւն վլթար, այլ չէ քերթող վատթար : Նա երբեմն 'ի վրի-

պակ անդր ցուցանի հանձար . և անյատկութիւնն լինի ձե , յորժամ քերթողն ասէ ինչ . և կամի թէ իմանայցի այլ ինչ . որպէս 'ի փոխաբերութեան , որ որչափ խոտորի 'ի յատկութենէ , ստանայ հանձար . և քերթողութիւնն փոխի 'ի բանաստեղծութիւն : Այդպիսի փոխաբերութիւնք լինին և յարուեստո մեքենականս : 'Նկարիչն հնարագէտ՝ գիտութեամբ խանդարէ զհամեմատութիւնս մարդկային մարմնոյ , 'ի նկարել զայլանդակ իմն , և որ 'ի տգէտ նկարչի է տգիտութիւն , 'ի ներհուն նկարչի է հմառութիւն : Բայց յայամանէ պարտ է որոշել 'ի գործն և յարուեստաւորն զբնական բարութիւն 'ի բարոյականէն : Եթէ նուազ է գիտութիւնն , բայց բարուք դիտումն արուեստաւորին , բարի է արուեստաւորն , այլ գործըն յոռի : Եւ զսոքին հակառակն՝ եթէ վարէ զարուեստն վասն յոռի ինչ վախճանի , յոռի է արուեստաւորն , այլ ոչ արուեստն : Միրափղոսի կամեցեալ դաւաճանութեամբ վրտանդել զԵնոմատս զտէր իւր յոլիմպիական խազս , կառոյց կառս յանկաւորս 'ի կործանումն , քան յառաջնորդութիւն 'ի նպատակ անդր : 'Ներսն առ հեղձուցանելոյ զմայր իւր , ետ շնել նաւակ յանկաւոր 'ի նաւաբեկութիւն : Բարիոք եղեն գործաւորքն , զի բարութիւն գործոյն չափի յարուեստէն , որ է ունակութիւնն մտաց . այլ չարաչար կիրառութիւն արուեստին չափի 'ի չարութենէն , որ է 'ի կամս : Վասն այսորիկ և արուեստք անմեղականք որչափ հնանան , այնչափ յուանան . և հնարեալքն վասն հարկի՝ արբանեկեն հեշտութեան : Յոռանայ արուեստն , յորժամ շահասիրութիւնն լինի արուեստաւոր . քանզի յօրժամ հանձարն ոչ առաջնորդի 'ի բանէն , այլ առաջնորդի 'ի շահասիրութենէ , միտք կորուսանեն զհանձար , և մոլութիւնն լինի հանձարաւոր : Բժշկականութիւնն եգիտ առողջարար իւզս 'ի զօրացուցանել զմարմինս . իսկ շահասիրութիւն իւղավաճառաց քնքշեցոյց զիւզս 'ի նուազել զոգիս 269 : Կտաւագործութիւնն , որ անկանէր հաստ թելս 'ի ծածկել զմերկութիւն , ուսաւ ապա 'ի սարդից՝ ոստայնս թափանցիկս 'ի ցոյց մերկութեան : Արուեստ խոհակերութեան 'ի մերժել զքաղց , արուեստակեաց հուսկուրէմն պատուական համեմունս 'ի զարթուցանել զնա : Պերճասիրութիւնն ոչ շատանայ սակաւուք , թանկագին են չարսովորութիւնք :

ԳԼՈՒԽ Ժ.

Թէ զինչ իցէ խոհեմոքիւն :

Խմաստնապէս Արիստոտէլ մօտ առագրէ զխոհեմութիւնն՝ արուեստի . զի 'ի մէջ երկոցունց՝ առարբերութիւն միոյ լոկոյ բառի մէծ տարբերութիւն 'ի մէջ բերէ աղնուութեան , որպէս լուիցէս 270 : Ասկա ոչ այլ ինչ է խոհեմութիւն , բայց առաքինական ինչ ունակութիւն մտաց . 'ի կարգել ստոյդ և ուղիղ բանիւ զմարդկային արարս՝ զայնաքիւք , որք բարոյապէս են բարի կամ չար : Այսուիկ սահմանաւ Արիստոտէլ որոշէ մեզ նախ՝ զխոհեմութիւնն յայլոց բարոյական առաքինութեանց . զի այլք հանգչին 'ի կանոնաւորեալ բաղձանս , և սա 'ի կանոնաւորիչ միտս : Ուստի այնչափ աղնուագոյն է սաքան զայլ առաքինութիւնս , որչափ միտք աղնուագոյն են քան զայլ կարողութիւնս : Այլ և որոշէ զխոհեմութիւնն յայլոց իմացական առաքինութեանց , եթէ 'ի հայեցողականաց և եթէ 'ի գործնականաց : Վասն զի հայեցողականք զտեղի առնուն 'ի խոկումն ճշմարտութեան . և սա է կարգեալ առ արարս : Եւ գիտութիւնք ներգործականք հային յուղ զութիւն իմացական , և սա յուղութիւն բարոյական . և վասն այսորիկ նոքա առնեն գիտուն , և սա բարի : Եւ ևս առաւել որոշէ զխոհեմութիւնն 'ի կարծեաց և 'ի կասկածանաց . զի այնք են անկատար ճանաչմունք , մին հայեցողական , և միւսն գործնական . բայց խոհեմութիւնն է առաքինութիւնն ամենակատար , զի ունելով ստոյդ և ապահով կանոնս , ոչ խաբիլ կարող է , և ոչ խաբել կամի : Բայց ասիցէս , եթէ խոհեմութիւնն է զմարդկային արարովք , զիակոդ ճշմարիտ և ապահով լինիցին կանոնք խոհեմութեան . եթէ մարդկային արարք են եղականք և ներընդունականք , զիարդ միաբանիցին անվիտութիւն , և ներընդունականութիւն . ստուգութիւն , և անստուգութիւն : Պատասխանեմ , թէ ճշմարտութիւնն է երկաւսակ , մին հայեցողական , և միւսն գործնական : Հայեցողականն է համակերպութիւն ճանաչման ընդ իմանալի առարկայն . և սա չէ անվիտ , եթէ առարկայն չէ անվիտ . որպէս 'ի գիտութիւնս : Բայց ճշմարտութիւնն գործնական է համակերպութիւն ինչ կանոնի ընդ առարկայ գործելի . և սա է ինքնին ստոյդ , եթէ գործողութիւնն չէ արգելեալ : Բայց բաց յայտմանէ , խոհեմութիւնն կանոնաւորէ զբաղձանս՝ բանիւ , և համակերպութիւն բանին ընդ բարեկարգեալ բաղձանս՝ ոչ սխալէ երբէք : Յետ այսորիկ՝ որոշէ զխոհեմութիւնն

՚ի մեքենական արուեստէ . զի նա կանոնաւորէ զներքին ներգործութիւնս , և սա զարտաքին կերտուածո : Եւ վասն այսորիկ նա է ճշմարիտ առաքինութիւն , և սա ոչ . վասն զի արուեստն հայի առաւելապէս ՚ի բարութիւն դործոյն , և խոհեմութիւնն ՚ի բարութիւն դործովն : Հուսկ ապա որոշէ զսոհեմութիւնն ունակական ՚ի ներգործականէն . զսացականն ՚ի բնականէն , և զմարդկայինն յանբանականէն : Ոչ կոչի խոհեմ , որ առնէ զմի միայն դործ խոհեմութեան . որպէս և ոչ իմաստուն , որ ճանաչէ զմի միայն ճշմարտութիւն , նա է խոհեմ , որ ունի յինքեան զսկիզբն խոհեմաբար դործելոյ դիւրաւ . և սա է ունակութիւն : Միոյ ներգործութեան հնար է լինել առանց ունակութեան . բայց ունակութեան անհնար է լինել առանց ներգործութեանց . զի ծնունդ գոլով ներգործութեանց՝ ինքն ևս ծնանի : Եւս և ՚ի տղայս երեխ ինչ ինչ խոհեմական՝ յառաջ քան զժամանակն . բայց միշտ խակ է խոհեմութիւնն , որ չէ հասունացեալ ունակութեամբ . և չէ հասուն ունակութիւնն , որ չէ կերպարանեալ փորձիւ , որ անլծորդն է ընդ տղայութեան : Անասունք մի քան զմի յաւէտ՝ արագ և զգուշաւոր հնարիւք ՚ի պաշտպանութիւն և ՚ի հոգաբարձութիւն անձանց , կոչին խոհեմք կամ խորագէտք . որպէս մեղուք , աղուէսք , և արջք : Բայց չէ ճշմարիտ խոհեմութիւն , ուր չիք ուղիղ բան . և չիք ուղիղ բան յայն արարող , որ չէ բաւական զպատճառն աալ զիւրոց արարից : Ապա չեն խոհեմ անասունք , այլ բնութիւնն , որ դործէ ՚ի նոսա . և ոչ այլ ինչ է խոհեմութիւնն բնութեան , բայց նոյն ինքն աստուածախնամ տեսչութիւնն : Այս , և մարդկային ուսուցմանց ոմանք յանամենց են ընդունակք քան զայլս , որպէս շունք , կապիկք և փիղք , յորմէ երեխ թէ և անբանք իբրև զտղայս ուսանիցին խոհեմութիւն ՚ի խոհեմ մարդկանէ : Բայց այնչափ խոտիր է ընդ մէջ երեելոյ և գոլոյ , որչափ ընդ մէջ ճշմարտանմանի և ճշմարտի : Ստոյգ է թէ որպէս խոհեմութիւնն յածի զաւնելի իրօք եղականօք , նոյնալէս եղական սլատկերք՝ վասն զի են մարմնաւորք և զգալք , ոչ տպաւորին յանմարմին և յընդհանուր միաս . այլ ՚ի կարծողականն , որ է կարողութիւն զգալի և մարմնաւոր , հասարակ և անամենց : Յայս սակս անասունք , որք ունին կազմուածո մարմնականս նմանակս մարդկայնոց , ունին և կարծողական՝ պնդապահ պատկերաց եղականաց . և որ առաւել սլինդ ունի զնոսա , է առաւել ընդունակ ուսանելոյ . զի այն տպաւորեալ սլատկերք սովորութեամբ կամ գանիւշ շարժեն զանասունս և զտղայս ՚ի նմանակել զայն՝ որ աեսանեն , և ՚ի դործել զայն՝ զոր ըմբռնեն : Բայց բազում ինչ ընդ մէջ է մարդկային խոհեմութեան , և այսմ անամնական նմանողութեան : Վասն զի անասունք և աղայք՝ զհարկն ունելով փոխանակ կամաց , ՚ի յանդիման լի-

ՆԵԼ Նոցա այնց պատկերաց, գործեն միշտ միօրինակ: Բայց
այր խոհեմ համեմատէ զալատկեր առ պատկեր. հետեւ ցու-
ցանէ զմի 'ի միւսմէ, և յեզական պատկերաց կերպարանէ նա-
խադասութիւնս հանրականս, և հավեցուցեալ զնոսա 'ի տե-
ղիս, 'ի ժամանակս, և յանձինս, գործէ կամ չգործէ, որպէս
զիարդ առաւել պատշաճ թուիցի. և այս է կանոն ուղիղ
բանին. որում տղայք և անասունք չեն ընդունակ:

ԳԼՈՒԽ ԺԱ ·

**Յաղաց թէ խոհեմորիւնն ից առաջինորիւն
բարոյական :**

Ապաքէն լուար թէ յամենայն մարդկային արարս մարթ-
է մտածել իմն բնական և իմն բարոյական: Բնականն ծնանի
'ի բնական կարողութենէ, և հայի յամբողջութիւն գործոյն.
բարոյականն ծնանի յառաքինական պատշաճողութենէ, և
հայի 'ի բարութիւն գործողին: Մինչև լինել գործոց ինչ
բնապէս բարի, բայց բարոյակէս չար. որպէս նկար ինչ գե-
րապանծ, բայց անհամեստ. գործոց ինչ բնապէս չար, բայց
բարոյակէս բարի. որպէս նկար ինչ սրբազն, բայց գեղջիո-
րէն նկարեալ: Յայնմ կատարեալ է արուեստն, բայց մոլի՛
արուեստաւորն. յայսմ առաքինի է արուեստաւորն, բայց
անկատար՝ արուեստն: Արդ բարոյական բարութիւնն յատ-
կապէս հաստատեալ է յուղղութիւն բանակերպիլ արդա-
րութեան, ցամնականին արիութեան, և ցանկականին բարե-
խառնութեան: Այս երեքին բարոյական ուղղութիւնք կոչին
բարի սովորութիւնք. զի այն երեք կարողութիւնք կատարե-
լագործին բարիոք ունակութեամբք, և ունակութիւնք կեր-
պարանին սովորութեամբք, որպէս այլուր ասացաւ: Ստոյդ
է թէ և ունակութիւնք արուեստից և գիտութեանց ստացա-
նին սովորութեամբ, վասն որոյ և կոչին առաքինութիւնք. բայց
ոչ կոչին բարի սովորութիւնք, զի բարութիւննոցա է բարու-
թիւն բնական, այլ ոչ բարոյական. են առաքինութիւնք մը-
տաց, այլ ոչ ախորժակաց. առնեն գիտուն, այլ ոչ բարի
զսացիչս իւրեանց. և իրօք բազումք եղեն սուրբք, բայց ալ-
գէաք. և այլք գիտնաւորք, բայց մոլիք: Յայսմ տրամաբա-
նութենէ մարթիս ելքակացուցանել, թէ ճշգիւ խօսելով ըզ-
խոհեմութիւնն ոչ է պարտ համադասել ընդ առաքինու-
թիւնս բարոյականս, այլ ընդ իմացականս. զի ոչ հանգին 'ի
բաղձանս, այլ 'ի միտս, իբրև զգիտութիւնս. վասն լինելոյ

իւրոյ խոկութեամբ գիտութիւն առնելի իրաց : Եւ ոչ վասն այսր նուազ է յազնուութեան քան զբարոյականս, զի որպէս ասացաւ, այնչափ է ազնուագոյն քան զնոսու, որչափ միտք են ազնուագոյն քան զբաղձանս, այսինքն քան զկամս և քան զկիրս : Բայց և այնպէս, որպէս բուսան է բոյս 'ի մէջ բարանց և քար 'ի մէջ բուսոց, նոյնալէս զխոհեմութիւնն առ առաքի նութեամբք բարոյականօք մարթ է կոչել խմացական . և առ խմացականօք բարոյական, վասն ներքին և փոխադարձ հաղորդութեան, զոր ունի նա միանդամայն ընդ խմացականս և ընդ բարոյականս : Հաղորդի նա ընդ խմացականս, զի քաջ խորհըրդածել գործ է մտաց : Հաղորդի և ընդ բարոյականս . զի գործ է նորա կանոնաւորել զբաղձանս : Վասն որոյ տիրապէս խոհեմութիւնն կոչի ակն հոգւոյ . ակն, որպէս խմացական, հոգւոյ, որպէս բարոյական : Եթէ արդարութիւն, եթէ արիութիւն, և եթէ բարեխառնութիւն գործեն բարիոք, ըստ այնում գործեն բարիոք, ըստ որում զհետ երթան առաջ նորդութեան խոհեմութեան, առանց որոյ առաքինութիւնք բարոյականք են կոյրք : Մարդն է առշրջուն . գլուխն է արմատ, և անդամբ ոստք : Որպիսի է մարմինն բնական, այնպիսի է և մարմինն բարոյական . առաքինութիւնքն են անդամբ, խոհեմութիւնն գլուխ . նորա ոստք, և սա արմատ : Հնար է արմատոյ լինել դալար, թէ ակտ և ոստք իցեն խահրեալ . բայց թէ արմատն է խահրեալ, ոստք մնան անսպատուղք : Հնար է մարդոյ լինել խոհեմ հայեցողապէս, թէ և բարոյապէս չիցէ առաքինի . բայց անհնար է նմա լինել բարոյապէս առաքինի, եթէ չէ խոհեմ : Վասն այսորիկ Պղատոն մերածէ զամենայն բարոյական առաքինութիւնս 'ի խոհեմութիւն . և որպէս արձանք Դեղազոսի չէին կապեալք՝ փախչէին, սոյնալէս, ասէ, առաքինութիւնք բարոյականք առանց կապանաց խոհեմութեան չեն հաստատուն . չքանան և նուազին : Զի և խոհեմութեանն խոկ առանց բարոյական առաքինութեանց անհնար է լինել ամբողք : Զի զինչ օգուտ իցէ քաջ խորհրդածել, քաջ դատել, և քաջ հրամայել խոհեմութեանն, եթէ բանական բաղձանքն ոչ կամիցի լսել բանին . և խուժան կրից նշկահեցէ զօրէնս նորա : Զէ Ճշմարիտ թագաւոր, որ հրամայէ, և ժողովուրդն չհնազանդի նմա . և զուր պարծի խոհեմութիւնն իբր դշխոյ առաքինութեանց բարոյականաց, եթէ չեն սոքա կամակատարք հրամանաց նորա : Վեր 'ի վայր է թագաւորութիւնն, յորժամ որ հրամայէն ծառայէ, և որ ծառայէն հրամայէ : Թող զի անհնար է խոհեմութեանն քաջ հրամայել, և քաջ խորհրդածել, յորժամ երկաքանչիւր բաղձանք չեն քաջ կարգաւորեալք : Զի զոր օրինակ շոգեք որ ընդ օդս՝ այլ ընդ այլոյ երևեցուցանեն ըդպոյն և զմեծութիւն արևու, սոյնալէս ծուխ կրից խանդարէ

զդատաստան, երեւցուցեալ նմա զառերեսոյթ բարին՝ ճշմարիտ բարի: Ապա այս է առանձինն իմն առաւելութիւնն իսոհեմութեան՝ 'ի մէջ այլ ամենայն առաքինութեանց, զի թէ պէտ և կանոնաւորէ զբարոյական առաքինութիւնս, սակայն ինքն է առաքինութիւն իմացական. և թէպէտ հանդցի ՚ի մլաս, սակայն է նա առաքինութիւն բարոյական:

ԳԼՈՒԽ ԺԲ.

Յաղաց տեսակաց խոհեմորեկան և յաղաց բարաքական խոհեմորեկան:

Որչափ են տեսակք արդարութեան, նոյնչափ են և առակք խոհեմութեան. այսինքն խոհեմութիւն քաղաքական, Տնտեսական, և Անձնական: Յայլեայլ վախճանաց այսց իւրաքանչյւր տեսակաց ծնանին այլ և այլ կանոնք. զի յառնելի իւր վախճան արուեստին է սկիզբն իւրոց կանոնաց: Ապա վախճան քաղաքական խոհեմութեան, որպէս անուն իւր ցուցանէ, է օգուտն հասարակաց: Զի վախճան իւրաքանչյւր անհատի՝ ըստ որում անհատ, է օգուտ իւր. և վախճան իշխանին ըստ որում իշխան, է օգուտ այլոց: Տիբերիոս ՚ի յաջորդել իւրում այնմ որ գաղափարն էր իշխանաց (այսինքն Օգոստոսի), զայս վկայութիւն վկայեաց յատենի ծերակուտին. Ես յամենայն ժամ ասեի, և այսօր իսկ զնոյն քարոզեմ. պարտ է քաջի իշխանի ծառայել ամենեցուն ընդհանրապէս, և իւրաքանչյւրոց մասնաւորապէս: Զայս ճշմարտութիւն խոստովան եղեւ նա ինքն, ցորչափ էր իշխան. այլ մոռացաւ յորժամ փոխեցաւ ՚ի բռնաւոր: Որպէս արդարութիւնն, նոյնպէս և քաղաքականութիւն, են առաքինութիւնք առնչականք առ օգուտ այլոց: Ուստի ամենայն քաղաքականաց հաւանութեամբ, ընդ մէջ իշխանի և բռնաւորի այս միայն է էական տարբերութիւն, զի բռնաւորն թագաւորէ առ իւր օգուտ, և իշխանն թագաւորէ առ օգուտ իւրոց հպատակաց: Յայսմ հիմնական ճշմարտութենէ քաղաքական խոհեմութեան՝ բղխեն ամենայն կանոնք թագաւորելոյ, զի բովանդակութերձին առ հասարակութիւնն:

Ապա առաջին կանոնն է, թէ օրէնք իցեն օգտակարք հասարակութեան, և բարիոք պահեսցին: Օրէնք են կապանք հասարակագետութեանց, զի կապեսցեն զամենայն ժողովուրդն ՚ի մի միայն մարմին: Վասն որոյ ըստ պէսպիսութեան օրինաց՝ պէսպէս են և հասարակագետութիւնք: Ամենայն

օրէնք բնաւորապէս ենատելիք վասն հարկի հնազանդութեան. և ամենայն իշխանութիւն բնաւորապէս է նեղացուցիչ՝ վասն հրամայական իշխանութեան: Բայց օգուտ ժողովրդեան բառնայ՝ որ ինչ ատելին է յօրէնս, և որ ինչ նեղացուցիչ յիշխանութեան. զի իւրաքանչիւր ոք երջանիկ համարի զհարկն և քաղցր զհրամանն, յորժամ հրամանն յորդէ յօգուտ հնազանդելոյն, և ոչ հրամայողին: Ապա երկու օգուտք են ժողովրդեան յօրէնս. ապահովութիւն ընչից, և բարելաւութիւն սովորութեանց:

Ամենայն ոք սիրէ զիւր ինչս. և սիրէ զայն, որ պահպանիչ է նոցա: Վասն այսորիկ ժողովուրդք, թէպէտ և ազատք, ներքոյ արկին զազատութիւն իւրեանց հզօրագունի, զի բռամբ պաշտպանեցին 'ի բռնութենէ: Բայց սակաւ օգտէր պաշտպանելոյն լինել ապահով: 'ի վեասակարաց, եթէ ոչ ապահովանայր 'ի պաշտպանողէն: Եւ յայտ է եթէ առանց ընչից ժողովրդոց ոչ կայ իշխանութիւնն 'ի կայի, որպէս և ոչ Ավելիանոս՝ առանց ջուրց դետոց որոց է ասպնջական: Աւր է հպատակ, անդ և հարկ. և ամենայն հարկ բնաւորապէս ցաւ բերէ հարկատուի. որպէս եթէ հատցի միս կենդանի 'ի մարդկային մարմնոց: Բայց որպէս հիւանդն յանձն առնու զիւրցաւ, յորժամ սակաւն այն որ հատանի՝ պահպանէ զմարմինն, սոյնապէս հարկն բռնական՝ լինի կամաւոր, յորժամ տեսանեն զայն կարգեալ առ հասարակաց օգուտ՝ 'ի խաղաղութեան կամ 'ի պատերազմի: Այլև քաղցր եղանակ պահանջողութեան առնել զհարկն քաղցրիկ: Պերիկլէս յորժամ կամէր նոր ինչ հարկս հանել յԱթենացւոց, յառաջագոյն ուրախ առնէր զնոսա հասարակաց խրախութեամբք, և մեծահանդէս տօնախմբութեամբք, և թատերական հանդիսիւք. և յորժամ ջերանէին յուրախութիւնն, ապա առաջի առնէր զտխուր խնդիրն. ըստ օրինակի ճարտար երակահատի, որ մեղկաշօշափ շփեալ զբազուկն՝ միսէ զնշարակն յերակն, և առնու արիւն անցաւ:

Միւս օգուտ օրինաց է առաքինի առնել զժողովուրդս: Զի առաքինութիւնն մեղմէ զսիրտ 'ի նոսա, և հնազանդս առնէ զնոսա իւրեանց տեարց. բայց առաւել ևս կրօնն, որ ամենայն առաքինութեանց սկիզբն է և վախճան: Վասն այսորիկ ամենայն օրէնսդիրք աստի սկիզբն արարին քաղաքական իրաւանց: Յաստուածային օրէնս առաջին սպատուիրանն է աստուածապաշտութիւն: Յօրէնս Հելլենացւոց՝ առաջին օրէնք հրամայեցին պաշտել զԱստուած: Յօրէնս Հռոմուլոսի առաջին խօսք այս են. Պաշտել զաստուածսն հայրենիս: Վասն այսորիկ 'ի վերայ բերէ Պողիբիոս մեծանուն քաղաքականն հեթանոսաց, թէ ինքնակալութիւնն Հռովմայեցւոց զօրագոյն եղի քան զամենեսին, զի Հռովմայեցիք եղեն կրօնասէրք քան

զամենեսին։ Այսու օրինակաւ՝ի խաւարի հեթանոսութեան այն անկատար լոյս բարեպաշտութեան օգտեաց ինքնակալութե։ զի ուսցին առաւել ևս լուսաւորեալքն յԱստուծոյ։ Հպատակի որ պատուէ զԱստուած, պատուէ և զիշխանն. զի որովհետեւ թագաւորելն է գործ աստուածային՝ հաղորդեալ մտհկանացուի, յիրաւի զթագաւորն կոչեաց Սենեկա Փոխանորդ Աստուծոյ, և Պղատոն՝ Աստուած մարդկեղէն։ Ուստի և որ արհամարհէ զԱստուած, արհամարհէ և զիշխանն. զի որ ոչ երկնչի՝ի կոյժականց, որք են գաւազանք թագաւորին երկնաւորի, առաւել ևս չերկնչի՝ի գաւազանաց որք են կայժակունք Աստուծոյ երկրաւորի։ Եւ անտարակոյս՝ յանցուցեալն ընդդէմ աստուածային մեծվայելքութեան՝ ոչինչ խղճէ յանցաւորիլ առ մարդկային մեծափառութիւն։ Զփորձ սորայայնի տեսաք յանցեալ դարուն յաղմուկս Գերմանիոյ և Գաղղիոյ։ որոյ սկիզբն եղել ընդդէմ եկեղեցւոյ, և յանկ ել ընդդէմ իշխանաց։ զի՝ի շոանել հոգեորական միասկետութեան, շտարան և ժամանակեան թագաւորութեան։

Ապա չէ բաւական քաղաքական խոհեմութեան դիտել օրէնս դնել պիտանիս, եթէ չէ ձեռնհաս տալ պահել։ Զի կրկին նախատինք են օրինաց, տեսանել զնոսա զայտապէ կախեալս և անդոսնեալս, ուր կախել արժան էր զանգոսնիչ։ Բայց առաջին կանոն քաղաքական խոհեմութեան՝ պահելոյ օրինաց զիւրն պատիւ, և այն՝ զի օրէնսդիրն պահեսցէ զիւր մեծափառութիւն։ Մեծափառութիւն մարդկային, որպէս ասացաւ, ոչ այլ ինչ է, բայց նշոյլ իմն աստուածային մեծվայելքութեան։ որ առ կարծիս հատակաց առնէ զանձն իշխանին սքանչելի և արդոյ։ զի որպէս որ յարդէ զԱստուած, յարդէ զիշխանն որպէս պատկեր Աստուծոյ, նոյնպէս որ յարդէ զիշխանն, յարդէ զօրէնս որպէս պատկեր իշխանին։ Պահի մեծափառութիւնն մեծագործութեամբ, ծանրախոսութեամբ, և անարատութեամբ վարուց։ Մինչև գործոցն երկել գործ քաջազանց, խօսիցն՝ պատասխանատութիւն պատգամախօսից, և վարուցն՝ անախական գաղափար։ Անթերի լրումն մեծափառութեան սովորէ լինել փառացի կերպարանքն։ մինչև՝ի մարմնաւոր բնակարանէն ճանաչել զհոգին բնակեալ՝ի նմա, թէ վեհ է և արժանի իշխանութեան։ Բայց քանզի չէ այս գործ արուեստի, այլ բնութեան, որ սիրէ երբեմն ծածկել զԱսկրատէս՝ Սիլենոսի կերպարանու 271, զայսր պակասութեան արուեստն լուղ զտեղի՝ գունուրեք երեւութիւն։ մինչև երկել իշխանին պատկեր ինչ նուիրական, որ՝ի տօնախմբութեան աւուրս միայն գնի յերեւան։ Տաճարք մթինք, փասլալք խորինք, և ըստուերք գեշերականք, պատճառեն ինչ յարդ և ահարկութիւն։ Ոչինչ այնպէս է գեղեցիկ, որ՝ի հրապարակ հանեալ, ոչ լիցի ձանձրալի։ Ա-

րեգակն անդրանիկ է մոլորակաց . բայց քանզի է մշտերե , ոչ
ոք գիտէ . գիսաւոր աստեղք են ախուր վիժածք օդոյ . բայց
քանզի դուն ուրեմն երեխն , առաւել ևս ձգեն՝ ի գիտողու-
թիւն : Չիք ինչ այնպէս կատարեալ . յոր ոչ կայցէ ինչ թե-
րութիւն . 'ի հեռասատնէ չնշմարի , բայց 'ի մօաոյ երեխ : Ե-
րեոյթք տեսափոխութեանց խաղալկաց 'ի բացուստ երեխն
տաճարք , աշտարակք , թատրոնք , անտառք , և ծովք . բայց
թէ մօտ մատչիս , են կցկառուր փայտակերտք , և հնոտի կա-
պերտք և չնչին թուղթք խոշորաներկք : Գորտք իսկ խնդրե-
ցին զոմն թագաւոր . Դիս ընկեց 'ի Ճահիճս գերան ինչ մեծ
թագաւորել 'ի վերայ նոցա : Դրսդիւն նորա , մեծութիւն և
նորաձեռութիւն՝ արկ յայն Ճախնային ժողովուրդ՝ յարդ ինչ
ապշութեան : Բայց իբրև 'ի բաց եղեալ զերկիւղն , և մօա ե-
կեալ 'ի թագաւոր անդր , ծանեան թէ էր անդգայ իմն բուն
ծառոյ , ոստեան 'ի վերայ , և արարին իւրեանց խաղալիկ :
Սաոյդ իմն է թէ 'ի թագաւորութիւնս ինչ ընտանութիւն իշ-
խանին է առաւել հաճոյական . բայց սաոյդ է և այն , թէ
այնպիսի թագաւորութիւնք առաւել նշաւակ և աղէտաւոր
պատահարաց . զի ընտանութիւնն՝ դուռն բանայ նորաձեռու-
թեանց :

Բայց մեծափառութիւնն չէ մեծափառութիւն , թէ չու-
նիցի առընթեր զայն երկու դիւցազնուհիս , որք ըստ Հեսիո-
դոսի՝ կան միշտ արթուն աստի և անտի աթոռոյ մեծին Դիո-
սի : Այն են Ծնորհք պսակ 'ի ձեռին , և Արէժինդրութիւն
սուր 'ի ձեռին . այսինքն են Երախտաւորութիւն և Արդարու-
թիւն . վարձ , և պատիժ . վարձ՝ յերախտաւորել զօրինազանցս : Երախտա-
ւորութիւնն է առաւել սիրելի , բայց արդարութիւնն առա-
ւել ևս պիտանի . զի 'ի ժողովուրդս առաւել յորդէ չարու-
թիւն քան զերախտագիտութիւն . և առաւել է միոյ ուրուք
չարութեանն իվաս քան զբազմաց Երախտագիտութեանն օ-
գուտ : Իմաստունն այն թագաւոր Լուգովիկոս մետասանե-
րորդ՝ ոչ ումեր յիւրոց հպատակաց խոնարհէր զգլուխ , բայց
միայն կախաղանի . ասէ , սա է որ առնէ զիս թագաւոր . զի
առաւել շարժէ երկիւղ սլատժի , քան յոյս վարձուց հատուց-
ման : Այո՝ սաոյդ իմն է թէ երկաքանչիւր այն դիւցազնուհիք
թէսլէա և բարեգորով մարք , ծնանին ծնունդ չար . զի ար-
դարութիւնն ծնանի զատելութիւն , և Երախտաւորութիւնն
զնախանձ : Բայց երկաքանչիւրոցն բարի են ելք և անարատ ,
յորժամ երկաքանչիւրն դիտեն զհասարակաց օգուտ : Յայն-
ժամ ատելք է արդարութիւն յորժամ պատժէ զաղաւնիս , և
թողու անպատիժ զադուաւս . կամ յորժամ առաւել ցաս-
նու 'ի վերայ յանցուցելոյն՝ քան 'ի վերայ յանցանացն : Վասն
զի միտումն 'ի կողմն առաւել զարհուրեցուցանէ զբարիս քան

զշարս . և առաւել ատելի է հասարակաց , քան օդտակար առանձնաւորին : Նոյնալէս յայնժամ երախտաւորութիւնն արկանէ նախանձուկս , յորժամ շնորհք 'ի շնորհաց վերայ անձրեւն առ մի ոք միայն . կամ յորժամ երախտաւորութիւնն է միտումն առ անձն , և ոչ հատուցումն առաքինութեան : Զի յայնժամ երախտապարտ առնէ զմի միայն , և աներախտապարտ զժողովուրդն ամենայն : Զսորին հակառակն , յորժամ երախտաւորութիւնն է հատուցումն արդեանց , յայնժամ իշխանն 'ի վարձահատոյց լինել միում ումեք ուրախ առնէ զամենեսին . զի խնդան առ հասարակ , թէ առաքինութեանն փոխարեցաւ վարձ . և զի ակն ունին թէ թերես և ինքեանք առաքինութեամբ վայելեսցեն յայն յոր այլք վայելեցին : Մինչ զի ոչ է ատելի արդարութիւն , և ոչ նախանձուկս արկանէ երախտաւորութիւն , յորժամ արդարութիւնն 'ի պատելն պահէ զհամեմատութիւն թուաբանական , և երախտաւորութիւնն 'ի պարգևելն պահէ զհամեմատութիւն երկրաշփական . զի երկաքանչիւրն են յօդուտ ժողովրդեան :

Այս են գլխաւոր սկզբունք , և այս բանալիք քաղաքական խոհեմութեան՝ հայելով յիշխանն : Բայց քանզի անհնար է թէ արուեստաւոր ոք՝ թէպէտ և քաջահմուտ՝ գործիցէ անգործի , և գործի իշխանին են պաշտօնեայք և խորհրդականք , գերագոյն կանոն խոհեմութեան է , զի իշխանն մի վստահացի յիւրն խոհեմութիւն : Պարտ է իշխանի կառուցանել 'ի սրաի այնպիսի սենեակ խորհրդոյ , որպէս թէ չափակին նմա խորհրդականք . բայց ընտրել իւր այնպիսի խորհրդականս , որպէս թէ ոչ կայր իւր խորհուրդ : Եւ զսորին հակառակն , պարտ է խորհրդականաց լինել այնպէս խոհեմ , որ կարող իցեն լինել և իշխան . բայց և այնպէս հանդարտ , որ ոչ 'ի նախանձ արկանիցեն զիշխանն . գիտելով թէ եկամուաք են և ոչ գլխաւորք , հպատակք և ոչ ընկերք , խորհրդականք և ոչ ուսուցիչք : Վասն այսորիկ պարտ և պատշաճ է զի իցեն աւելի քան զմի . զի իրողութիւնք բաշխք լաւ ևս կատարին , և բազմաւորութիւն իրագէտ առնէ զիւրաքանչիւրսն թէ չեն ինքնիշխան : Եւ թէ մին միայն բաւական լիներ ամենայնի , լիներ արդեօք խնկելի : Բարիոք կանոն է ամրածածուկ պահել զիւր միտս 'ի սրաի , որ իբրև զնդիկ քիմիականաց նանրանայ եթէ յայտնի : Բայց քանզի է և վտանգաւոր 'ի կարեոր իրս գործել առանց խորհրդի , և ոչ մարթ է հարցանել խորհուրդ առանց վստահ լինելոյ , պիտոյ է դտանել մէջ 'ի մէջ վստահութեան և չվստահութեան : Ապա քաջ կանոն է , չհարցանել զկարծիս ամենեցուն միահաղոյն , այլ իւրաքանչիւրումն ուրոյն . և ոչ որոշակի որպէս դիպուած ինչ ստոյգ , այլ երկբայրէն որպէս դիպուած ինչ կարելի , հանդերձ այլայլակ ինչ պարագայիւք , զոր յայտնեսցէ դաղանեացն յայտարար .

և թէ արժան ես իցէ վատահանալ ումեք զտմենայն զխորհուրդն, մի վատահասցի ումեք զիւր մաաց որոշումն։ Բայց եթէ իշխանն ունի վախճան զասարակաց օգուտ, և ընտրէ խորհրդականս համաձայնս իւրում վախճանի, ամենայն խորհրդականնք՝ թէպէտ և անգէտք՝ ՚ի միմեանց, գտցին համաձայնք։ որպէս այլեայլ գործի ներդաշնակութեանց համաձայնին միմեանց, եթէ բնաւքն համաձայնին ընդ գլսաւոր թաւաձայն։

Ապա ամենայն կանոնք քաղաքական խոհեմութեան յայս միայն բովանդակին, զի ժողովուրդն հնազանդ իցէ օրինաց իշխանին։ և իշխանն հնազանդ իցէ բնական և աստուածային օրինաց։ Զի թէպէտ ինքնագլուխ իշխանն վերադոյն է քան զիւր օրէնս, և քան զքաղաքական օրէնս իւրոց նախորդաց, սակայն յաստուածային և ՚ի բնական օրինաց ոչ թագաւորական վեհափառութիւն կարող է զնա անօրինել, և ոչ աստուածային մեծվայելութիւնն կամի տնօրինել։

Գ Լ Ո Ւ Խ Ժ Գ .

Յաղագս տնտեսական խոհեմութեան :

Առ ոչ գիտէ վարել զտուն իւր, ևս առաւել ոչ գիտէ վարել զմագաւորութիւն ինչ, ասէր խմասառնն Փիղոն։ Զի ընդ մէջ տան և թագաւորութեան այն միայն է խտիր, որ ինչ ընդ մէջ մեծի և փոքու . իբր զի թագաւորութիւնն է մեծ ինչ տուն, և տունն թագաւորութիւն ինչ փոքրիկ։ Բայց առածն Փիղոնի չէ ճշմարիտ, թէ ոչ արոհի ընդունակութիւնն յունակութեան. այսինքն բնաւոր կարողութիւնն մաաց ՚ի հանձարոյ սաացելոյ հայեցողական գիտութեամբ կամ գործնականաւ։ Կարել պատկերս մեծամեծս և նկարել սլատկերս մանունս՝ թէպէտ և միաբանին ՚ի մի հասարակ սեռ նկարչութեան, բայց երկու տեսակք են ընդ միմեամբք՝ տարբերք ՚ի միմեանց։ զի բաց յընդհանուր կանոնաց՝ որք հասարակ են երկաքանչիւրոց, իւրաքանչիւրն պահանջէ կանոնս մասնաւորս, և գործածութիւն տարբեր։ Որ ունի զբնաւոր արամագլութիւն առ նկարչութիւն հանրական, ունի զտրամադրութիւն առ երկաքանչիւր տեսակ։ Բայց որ ՚ի վար արկանէ զերկաքանչիւր տեսակ, է զի ստանայ զսորայս ունակութիւն, և զնորայն ոչ։ Կա, ունակութիւն ունակութեան ներհականայ, և միոյն գործածութիւն աղարակ զմիւսոյն։ Ալան այսորիկ ոչ երևեցաւ, թէ Ռուպէնս մերոյ գարուս Ապէզէս, նրբացոյց երբէք զիւր գրիչս ՚ի նկարել մանր ըստ հանսիոսի,

Թէպէտ և ուներ զնորա կատարեալ հայեցողական հմառւթիւն 272: Ըստ այսմ քաղաքականութիւն և տնտեսութիւն են երկու տեսակք խոհեմութեան, բայց այնպէս տարբերք որպէս նկարել խոշոր, և նկարել մանր. իբր զի՞ որպէս առաւ, անտեսութիւնն է փոքրիկ ինչ իշխանութիւն, և իշխանութիւնն մեծ ինչ տնտեսութիւն: Ապա սաոյդ է ամենայնիւ, թէ որ ոչ ունի զգօնութիւն 'ի վարել զտուն ինչ, ևս առաւել չունի 'ի վարել զթագաւորութիւն ինչ. զի զգօնութիւնն է բնական կարողութիւն. որ թէ ոչ զօրէ առ դիւրին արարս. ևս առաւել չզօրէ առ դժուարինս: Բայց թէ բանն է զունակութենէ, դիւրին է պատահել. թէ իշխան ոք իցէ գերազանց վարիչ հասարակապետութեան, և ոչ իւրում տան, ոչ առ 'ի չդոյէ զգօնութեան կամ հայեցողական հըմտութեան, այլ զի զբաղանք մեծամեծք ընկլնուն զմանունս. կամ զի անարժան վարկուցեալ մեծի հանձարոյ զփոքր արարս, որպէս քաջաց պատկերահանտց զամփոփ նկարս, կերպարաննէ զունակութիւն խոհեմութեան 'ի հասարակաց իրողութիւնս, թողեալ այլոց զհոգ ընտանի իրողութեանց: Ոչ ոք յիշխանաց եղել զդուշաւոր քան զօգոստոս 'ի քաղաքականս. բայց և ոչ ոք քան զնա անհոգ 'ի տնտեսականս: Կարգէր նա զամենայն իրս ինքնակալութեան, և տուն իւր յանկարգութեան կայր կործան. և որչափ հնչէր նորա համբաւառ օաարս, այնչափ վատանունութիւն զիւրեամբ արկանէին իւր ընտանիք: Այլ մարթ էր նմա անպարտ առնել զանձն յամօթոյ բանիւ մեծի քաջամարտին՝ առ Եւրիսիդեայ, զորյառաջ բերէ Արիստոտէլ:

Զիարդ իմոց ես միտ դընել կարողացայց,

Ար հանապազ յիրս օաարաց եմ ընկղմած :

Զնոյն ասեմ և զայնց փիլիսոփայից ոլք ունելով զհայեցողական դիտութիւն քաղաքականութեան և տնտեսութեան, անկիրթ էին ամեննեին առ երկաքանչիւրն. զի յառաւելու 'ի նոտա հայեցողական ունակութեան ստացելոյ 'ի դպրոցս, պակասէր գործնականն որ ստացանի գործածութեամբ: Այսպիսի եղել Փորմիոն իմաստակ, որոյ չէր երբէք աեսեալ զսուսեր մերկեալ 'ի պատենից, և խօսէր առաջի Աննիբազայ զզինուորական արուեստէ, որ և գովեցաւ որպէս ճարատրախօս յիմար 273: Իսկ յաղագս տնտեսական կանոնաց խօսել կամեցեալ, յսոյտ է թէ արուեստք ընական նկարչութեան (որ պահէ զչափ մեծութեան սկզբնատպին), և ամփոփ նկարուց (որ 'ի դոյզն քանակ վերածէ զգաղափարն) առնուն զհանրական կանոնս 'ի հանրական նկարչութենէ. բայց ամփոփ նկարն առնու զմանաւոր կանոնս 'ի համեմատութենէ, զոր ունի նա ընդ ընական նկարչութեան, ամփոփեալ զայնս չա-

փակցութեամբ՝ 'ի մեծէ՝ 'ի փոքր։ Ապա ըստ այսմ տնտեսական՝ բաց՝ 'ի կանոնաց հանրական խոհեմութեան, որ հասարակ է քաղաքականին, տնտեսականին և անձնականին, առնու կանոնա մասնաւորս՝ 'ի համեմատութենէ՝ 'ի մէջ մեծի և փոքր, այսինքն՝ 'ի մէջ կառավարութեան թագաւորութեան և կառավարութեան տան։ Համեմատին, որպէս վաղ ուրեմն ասացաւ, համեմատանուն համեմատութեամբ, տանուտէրն՝ իշխանի, կինն՝ ոստիկանի, որդիքն՝ ազնուականաց, ծառայք՝ ժողովրդականաց, տունն՝ ապարանից, հպատակք՝ հարկատուաց, ազգականութիւնք՝ դաշնաւորութեանց, հրամանք՝ օրինաց, հեղինակութիւնն՝ մեծափառութեան, կերակուրք՝ արամաբաշխական երախտաւորութեանց, յանդիմանութիւնք՝ պատժողական արդարութեան. և եթէ վախճան քաղաքականութեան է երջանկութիւն ժողովրդոց, վախճան անտեսութեան՝ է երջանկութիւն տան։ Ապա նա է քաջ տնտես, որ քաջ ճանաչէ զհամեմատութիւնքս. և քաջ գիտէ մերձեցուցանել զկանոնս քաղաքականութեան՝ անտեսականին. ձգեալ զհամեմատութիւնս՝ 'ի մեծէ առ փոքրն, որպէս ամփոփ նկարն՝ 'ի բնական նկարչութենէ։

Առ ժամա պարտ էր այսմ բաւական լինել առ ընդհանուր կանոն անտեսութեան. որովհետեւ վազու ևս զրոյցք եղեն զանտեսական իրաւանց՝ 'ի ճառս արդարութեան։ Բայց քանզի այս է իւր բուն տեղի, ձեռնարկեմ յուշ առնել քեզ ըզկանոնս ինչ մասնաւորս, և զգործնական առածս, զորս փորձն ուսոյց խոհական արանց, և նոքա անտեսաց։ Եւ զի պահեսցի նոյն կարգ համեմատական, խոհեմ անտես լինի տանուտէրն եթէ հայի նա ուղիղ յիւր վախճան։ Վասն զի եթէ առաջադրի նմա օգուտ տան, լինի փոքրիկ թագաւոր. եթէ իւրն իղձ, լինի մեծ բանաւոր, կործանումն տան, և իւր իսկ անձին։ Տանուտէրն է և օրէնսդիր, բայց Ճշմարիտ օրէնք է օրինակն իւրոց վարուց։ Բանք՝ են օրէնք ժողուցիկ. վարք՝ են օրէնք հաստատունք. որոյ պահպանութիւն հաստատեալ է՝ 'ի նմանողութեան. և չէ հնար նմանողութեանն լինել բարի, եթէ օրինակն է չար։ Թագաւորի վայել է մեծափառութիւն, և տանուտեառնն ծանրութիւն։ որ վասն զի խառնուրդ իմն է լուրջ առաքինութեան՝ և առաքինի լոջութեան, ծնանի յընտանիս յարգական իմն երկիւզ և երկիւզած ինչ յարգ. բազում իւրի տարբեր՝ 'ի ծառայական երկիւզէ. զի ծառայականն երկնչի, գուցէ վնասեսցի. և յարգականն երկնչի, գուցէ բարկացուցէ։

Ի մշտնջենաւորել ղթագաւորութիւն ինչ յաջորդական չէ բաւական թագաւոր առանց թագուհւոյ. և 'ի մշտնջենաւորել զտուն ինչ չէ բաւական հայր առանց մօր։ Չէ նա ա-

զախին . բայց և ոչ տէր առնն , այլ ընկեր : Մատանին ամուսնական չէ շղթայ գերութեան , այլ յօդ ընկերութեան . հասարակաց ունելով զզաւակս , զվիճակ , և զանձինս . բայց 'ի հասարակութեան անդ բարեաց այլւայլ են նոցա պաշտամունք : Անմարթ է կնոջ ունել հաւասարութիւն 'ի հեղինակութեան . զի չունի հաւասարութիւն 'ի զգօնութեան : Երկաքանչիւրոցն ետ բնութիւնն հանգամանս հակառակս 'ի սոյն սակս : Այրն է հոգատար և ձեռներէց՝ 'ի շահիլ . կին երկչու և կծծի՝ 'ի պահել : Ունի նա զգօնութիւն բաւական 'ի կառավարել զտունն , այլ ոչ 'ի կառավարել զանձն : Փիդիաս քանդակեաց զալատկեր կնոջ ընդ ոտիւք ունելով զկրիայ՝ զերկչու սովուն , որոյ բնաւորեալ պահել զտուն իւր չելանէ երբէք 'ի տանէ : Իբրև չոքաւ Արտեմիս 'ի մանկաբարձութիւն երկանցն Ոլիմպեայ , Երոստրատոս այրեաց զտաճար նորա 274 . և երբ աիկինն ելանէ 'ի տանէ , անկարգութիւնք մտանեն 'ի տուն : Երկու գլուխք 'ի միում տան՝ լինին երկու թագաւորք 'ի միում թագաւորութեան . հրէշ երկդլսի՝ իւր ինքեան թըշնամի : Վասն այսորիկ բնութիւնն վարսիք , և օրէնք քօղով ծածկեն զգլուխ կնոջ . զի չունի նա այլ գլուխ և կամք , բայց զառնն իւրոյ . անլծորդելի գոլով երկուց կամաց ընդ մի միայն , կամ երկուց սրախց ընդ միասիրա համակամութիւն : Ընդ մեկնիլ երկնային համակամութեան՝ մտանէ գժոխային գժտութիւն . և 'ի փոխել սիրոյ յատելութիւն՝ փոխի անմեղ ջահնորա 'ի խանձող գեհենական , որ ասախ անտի փշմամբ ընտանեաց արձակէ ծուխ և կայծակունս ընդ կողմն ամենայն : Պատրուակաւ կուսակից լինելոյ միոյ 'ի կողմանց՝ ծառայք կոխւս և գրգիռս տածեն 'ի մէջ տերանց , զի աւար հարկանիցեն 'ի հրայրեացն . և եղկութիւնք տանն առանձնաւորի գուժեն 'ի յայանի հրապարակս , 'ի վերայ բերեալ վնասուն և եպերանս : Այրն սիրեսցէ զկին իւր , եթէ կամի լինել նմասիրելի . ընարողութեամբ գնասցէ , եթէ կամի զլինել նորա հլու . և եթէ կամի զնորա պարկեշտութիւն , ինքն լիցի պարկեշտ : Կայիա կեկիլիա եղե օրինակ կանանց , և կայիսս Սերուիս Տուղղոս օրինակ արանց : Վասն այսորիկ 'ի հանդէսս հարսանեաց առ Հռովմայեցիս ամենայն փեսայ հարցանէր ցհարսնն . և ինիցիս գու ինձ կին բարի : Եւ հարսն առնէր պատասխանի . թէ գու կայիսս , և ես կայիա . թէ գու լիցիս ինձ միւս Սերուիս , և ես եղէց քեզ միւս կեկիլիա 275 : Գըծուծ տնտեսութիւն է կապտել զընտանիս 'ի զգեցուցանել զլծակիցն : Հանդերձ նորա մի լիցի անարդ և մի պՃնական , այլ բամբշական . զի թէ զարդարի նա առ երկելոյ գեղեցիկ յաչս առն , աւելորդ են զարդք . եթէ առ երկելոյ գեղեցիկ յաչս օտարաց , ամօթալի են զարդք : Որ բռէ զաղաւոց՝ կոչչ զտար աղաւնիս : Ճշմարիտ պՃնութիւն կնոջ է պատիւ առնն :

և այս առաւելապէս կախեալ կայ զնմանէ : Զի՞ ՚ի պահել նորա զպատիւ առնն , սպահէ զիւրն . և 'ի պահել զիւրն , սպահէ զառնն , որ է անմեկնելի : Մի իցէ նա միամիտ , և մի խորագէտն ախորժէ անցանել զանցանել զիսոհեմութեամբ արանց : Երկաքանչիւր ծայրք են վասնդաւորք . բայց մին յոռեգոյն է քան զմիւսն : Լաւ է լինել միամիտ քան խորագէտ . զի միամիտն յետ ժամանակաց լինի աշալուրջ , այլ խորագէտն յետ ժամանակաց լինի ժպիրհ : Լինել ճարպիկ և ճոռոմ առաւել պատշաճող է սիրուհւոյ , քան տիրուհւոյ . նա՝ թէ մտանէ յուղեղ նորանշոյլ ինչ բանաստեղծութեան , այնուհետեւ մի ակնկալցիս տնտեսութեան . փոխան կայիտ կեկիլեայ ստացիս քեզ զկորիննէ . նա լիցի Մուզա կորովաբան , և դու Սիզենոս ապաբան 276 : Մի խօսեսցի կին ընդ օտարս՝ առանց գիտելոյ առն իւրոյ . ամենայն զբոյց գաղատողի ծնանի ըզյայանի կասկած . և ամենայն կասկած միտէ 'ի ձախող միասզի սիրտ մարդոյ է 'ի ձախակողմն իւր . և թէ այլն չունիցի կասկած զկնոջէն , աշխարհ կասկած կացի զառնէն :

Որդիք են սկիզբն երջանկութեան ամուսնացելոց . զի են վախճան ամուսնական սիրոյ : Եւ զսորին հակառակն , թէ պակասի շաղկապ սիրոյ , յոլովակի սէրն 'ի բաց փախչի , և մնայ ատելութիւն : Յանկալի են որդիք 'ի պահպանութիւն տեսակի , բայց առաւել ես 'ի պահպանութիւն անձանց ծնողաց : Զի թէ հարք չափահասք կերակրեն զդեռածին որդիս , որդիքն 'ի չափ հասեալ՝ կերակրեն զզառամեալ հարս . և 'ի փոխարել զկեանս՝ տուողին , փոխարինեն զերախտիսն որ է անփոխարինելի : Թող զի հարկաւոր են որդիք վասն անտեսական ընկերութեան : Վասն զի երկու ինչ պիտելով առ ամենայն գործողութիւն մարդկային , այսինքն գիտել և զօրել , գեղեցիկ յաջողէ այս գործ մեծ ընտանի կառավարութեան , յորժամ 'ի մի զուգաւորին խորհուրդք ծերոց ընդ ժրութեան երիտասարդաց : Բնաւոր իմն է զի ուստերք առաւել սիրելի են հօր , և դստերք մօր . զի ամենայն նման սիրէ զիւր նմանն : Եւ վասն այսորիկ օրէնք են սիրոյ և բնութեան , զի ուստերք գաստիարակեսցին 'ի հօրէ , և դստերք 'ի մօրէ . զի մնուցելոցն զնմանութիւն բերելով զնուցչաց , ուստերք լիցին քաջք և անվեհելք , և դստերք երկչուաք և պարկեշտք : Առաւել փոյթկալցի հայրն ճոխացուցանել զորդիս առաքինութեամբք քան բարեօք բախտի . զի զՃոխութիւնս իբրև զանտարբեր բարիս հնար է մարդոյ վարել 'ի բարի և 'ի չար . և առաւել վարէ 'ի չարն քան 'ի բարին , յորժամ ոչ իւր է ստացեալ : Բայց զառաքինութիւնս՝ վասն զի ինքնին են բարի , ոչ է հնար վարել . բայց եթէ 'ի բարի : Թող զի առաքինութեամբք ստացանին Ճոխութիւնք . այլ ճոխութեամբք ոչ գնին առաքինութիւնք :

Հօր աշալը կ պարտ է Ճանաչել զբնաւորութիւն որդոց . զի կարգեսցէ զիւրաքանչիւր յիւր վարժու : Բնութիւնն , որ չառնէ ինչ վայրապար , աեւչութեամբ ետ իւրաքանչիւր ծննդոց բնաւոր յօժարութիւնս պէսպէսս որպէս և զկերպարանս : Որպէս ամենայն կատարեալ հասարակապետութիւն է բաղկացեալ յերից կարգաց , այսինքն՝ ի քահանայից , յիշխանաւորաց և 'ի զինուորաց , նոյնպէս ամենայն կատարեալ տան պիտի ոմն եկեղեցական , ոմն իշխանական , և ոմն զօրական : Վասն զի զօրականն 'ի բանակի և 'ի դուռն արքունի , իշխանականն յօսափիկանութիւնս և 'ի ծերակուտի , եկեղեցականն յեպիսկոպոսարանս և յեկեղեցի , առաջինն սուսերաւ , երկրորդն գրչաւ , և երրորդն աստուածապաշտութեամբ և արովք սեղանոյ՝ փոփոխ զպէտս հայթհայթեն , և ամենեքին ստածեն զինչս և զպատիւ տանն 'ի պատերազմի և 'ի խաղաղութեան : Այս , Ճշմարիտ է թէ այս այլեւայլ բնաւոր յօժարութիւնք պահանջուն զայլ և այլ մշակութիւն . և գործ է խոհեմութեան հօր լրտեսել զիւրաքանչիւրոց բնաւոր յօժարութիւն , և դաստիարակել զինոսա ըստ իւրեանց յօժարութեան : Չլինի ոք երբէք գերապանծ , թէ ոչ զհետ գնայ իւրոց բնաւոր ձրից : Դիւրին է Ճանաչել զյօժարութիւնս 'ի խառնուածոց , 'ի գիմաց , 'ի խօսից , և 'ի գործոց , բայց առաւելապէս 'ի խաղուց նոցա , որպէս առնեին սպարտացիք . զի սիրտ արձակ և զուարթ 'ի բաց արարեալ զկեղծաւորութիւն՝ յայտնէ զյօժարութիւն : Ըղձակաթն ուսման մի թողցի գեգերիլ յապարանս . ըղձակաթն զինուոց մի թողցի զքնուվանկանիլ 'ի դպրոցս . ըղձակաթն յեկեղեցի մի թողցի խենեշանալ 'ի խնջոյս , և ուր ժողովք են կանանց : Մեծապէս սխալեն հարք , որք զորոշեալն յորդւոց 'ի զինուորութիւն՝ հաստել կամին նախ 'ի մարդկային իմաստից մարզս : Սուղ են կեանք , յերկարաւոր է արուեստն , ժամանակն առւեալ յայս ինչ մարզ , բառնի 'ի միւսմէ . և ոչ 'ի միումն լինի նա կատարեալ : Այլ թէպէտ և յաւելոյր ժամանակ , չէ համասնունդ մարտ ընդ իմաստս . և ոչ մզի պատերազմ գրովք կամ գրչօք : Պալլաս ծնուր սպառազէն . պարտ և պատշաճ է զինուորի 'ի մանկութենէ զձայն լսել զփողց , յածել զզինուք , դիել ընդ կաթին զոգի արիական , ելանել 'ի տանե հայրենի խնամոց , զհետ վարել դաշտաց , զի ուսցի տանել ըստ սղոցի անկոց վայրի՝ տօթոյ հարաւայնոյ , և սառնամանեաց հիւսիսոյ : Դաքնի լսւ ևս գալարի ընդ մայրենի հովանեաւ 'ի գետնի անդ ուր բուսաւ . բայց թունաւոր տունկ Պարսկաստանի այլուր անկեալ մերկանայ զթոյն : Որ ծնաւն առ ընդունելոյ զվարդապետականն գալնեայ պսակ , մի թողցէ զտան իւրոյ հովանի , զի մի պանդխառութեամբ զբաղեսցի . բայց ոգի աշխոյժ և պատերազմաէր փոխագրեալ յերկիր օտար՝ լիցի առաւել ևս քաղաքական , ուսեալ կեալ ընդ կեն-

դանականս : Եւս դիւրին և ևս դժուարին է դաստիարակու . թիւն գսաերաց քան զուստերաց . ևս դիւրին , զի են երկչոսոք և ամօթխածք . բայց ևս դժուարին , զի երբեմն սէրն վանէ զերկիւղն , և զուարթութիւնն զամօթխածութիւն : Ոչ բաւեցին հարիւր աչք Արդոսի , զգուշանալ 'ի պահպանութիւն Յովայ իբրև զերինջ կայտուելոյ 'ի պատրանաց Հերմէսի 277 : Յամը ամուսնասցին ուստերք , բայց դստերք վաղվաղ . զի այն է վաճառ , որ երթալով երթայ և բարւոքանայ 'ի տան , և սա վաճառ որ յոռանայ : Որդիք երթալով երթան և առաքինանան , և դստերք երթալով երթան և կորուսանեն զգեղ և զամօթ : Մեծն կարողոս յայնչափ իւր իմաստուն գործոց զայս միայն արար անմտութիւն , և յայնչափ իւր փառս զայս միայն յինքն էարկ կեղտ անուն , զի յապաղեաց ամուսնացուցանել զգստերս քան զարժանն : Այն ինչ սպասէր փեսայից ըստ իւրում սրտի , նոքա գտին տարփածուս ըստ իւրեանց սրտի . և ինքն առանց փեսայից ստացաւ թուունս : Ընդհանրապէս պարտ է տանուտեառն առանց սերտ ընտանութեան լինել սիրելի , և տուանց խստութեան լինել ահաւոր . զի մի կարի իմն խստութիւն նկուն արասցէ զսիրտ մանկական , և մի կարի իմն ընտանութիւն նուազեսցէ զիշխանութիւնն տիրական : Մի միաեսցէ նալաստաւորութեամք 'ի մի քան 'ի միւս որդի . զի մի վառեսցէ նախանձ առ սիրելին իւր , և ատելութիւն առ անձն իւր . այլ գովեսցէ և վարձահատոյց լիցի առաքինութեան . զի յուասցուցեալ զամենեսին վիճակիլ այնմ , առանց նախանձու արկցէ նախանձաւորութիւն նմանող լինելոյ : Մի յայտնեսցէ մի քանիւ և մի գրով , թէ զոր յորդւոց ընտրեալ իցէ լինել ժառանգ . զի բարեյոյս լեալ ամենեցուն , ամենեքին լիցին նորա կամակատարք : Ապա եթէ յայտնեսցէ զժառանգն , այլ ոչ սիրեսցի յայլոց , և ոչ 'ի ժառանգակալէն իսկ . զի որ սպասէ մահու ուրուք , ոչ ըղձանայ կենաց նորա : Բայց և խստովանելի է , թէ անհնարին ցաւ է , յորժամ առ անզաւակութեան տանուտէրն երեկի հայր անորդի . բառնայ զբեռն զամուսնութեան՝ առանց տիոփութեան , և զաշխատութեան առանց դիտելոյ թէ ոյր աղագաւ . և տանջեալ յըղձանաց առանց ակնկալութեան , մեկնիլ ունի յաշխարհէ որսէս թէ չէր եկեալ յաշխարհ : Սակայն և յայսմ մեծի արկածի մեծ քաջալերութիւն զգենու խոհեմութիւնն անտեսական որդեգրութեամբ : Սա է սքանչելի իմն բեղնաւորութիւն , իբրև զԴիսոսին որ 'ի գլխոյ իւրմէ երկնեաց զԱթենաս : Այսպէս Յուլիոս կայսր և Օգոստոս և Ներուաս , ընդհակառակս բնութեան և ճակատագրի բարեբաստ պատուատիւք բեղնաւորեցին զտուն իւրեանց և բովանդակ զինքնակալութիւնն : Ծնունդք անտարակոյս բարեբաստագոյնք . իբր զի բնական որդիք ընտրին , որպէս 'ի բնութենետ տուան , այլ որ

գեղրատկանքը ընտրին որպէս ըղձալիք։ Նոքա 'ի տղայութեան պատճառեն առաւել երկիւղ քան քաջալերութիւն, և յուղվակի խոկ լինին կամ խեռ կամ ապերախտ։ բայց սոքա առանց աշխատութեան սննդեան՝ ծնանին չափահաս։ և յառաջագոյն են ծանուցեալ, մինչ չեն ծնեալ։

Թագաւորութեանց պիտոյ են գաշնաւորութիւնք, և բարետոհմիկ տան բարեկամութիւնք։ բայց մտերմագոյն բարեկամ պարաին լինել գիւսայք։ Դատերք ամուսնասցին ընդ մեծատունը, զի ելեալք 'ի տանէ մի կարօտասցին հանապազ տան։ Որդիք ամուսնասցին ընդ մեծուհիս։ զի զաւակք ուռճասցին, և մի ապատոհմեսցին։ Որպէս զօրութիւնք անկոց, նոյնպէս զօրութիւնք տոհմից գնան միշտյապատոհմութիւն։ Զի որպէս փիլիսոփայն ասէ, և փորձն խոկ ցուցանէ, խմասառն տոհմք յանկին 'ի յիմարս։ և սպատերազմականք 'ի կատալիս։ Բայց որպէս հինաւուրց տունկք աշխոյժ պատռաստիւք, նոյնպէս տունք յապատոհմութիւն խոնարհեալք աղնուական։ ամօւսնութեամք անդրէն նորատունկ նորոգին։ Վամենայն գործ բնաւորապէս նմանի իւրում պատճառի։ բայց և այնպէս յոլովակի երևին զի 'ի ժիրաժիր հարց ծնանին որդիք մեղկք, և յառիւծուց ճագարք։ Հրէշք անտարակոյս՝ ծնեալք 'ի խառնութենէ օտար արեան։ Վասն այսորիկ երբեմն ծնունդք ոչ հայրանան, այլ մայրանան։ կերպարանեալք յանձինս զոմն 'ի նախահարց մայրենի առհմի։ Յայն հայիլ պարտ է զգուշութեամք, զի որպէս ախտք ինչ մարմնոյ, նոյնպէս ախտք ինչ հոգւոյ են փոխանցիկք, անցմամք 'ի մայրական դծէ՝ որ շաղախեալ էր այնուեկ, 'ի հայրականն, որ անշաղախ էր յայնմանէ։ Որ ոք ամուսնանայ ապաւինեալ 'ի շնորհս բարեկամաց կամ հզօրաց, բազում անգամ գտանի պատրեալ։ և ուր ակնունէր թէ սկիզբն լիցի բարձրութեան, անտի սկիզբն լինի դահավէժ կործանման տան։ Զոր օրինակ մարդկային իրք իբրև զերկնային մարմինս՝ են 'ի մշտնջենաւոր շարժման, և բարձրագոյն կէտ գագաթան է առաջին կէտ յետագարձի մոլորակաց, սոյնպէս անկումն բարեկամին պարանէ 'ի կործանումն զտալասաւանեալն 'ի շնորհս նորա։

Իշխանի պիտին սպասաւորք, և անտեսի սկիամին ծառայք։ Երկու ազդք ծառայից պիտոյ են 'ի տան։ ոմանք 'ի հոգաբարձութիւն, և ոմանք յաշխատութիւն։ Ի նոսա պահանջի աչալը ջութիւն և հաւատարմութիւն, 'ի սոսա կորովութիւն և հնապանդութիւն։ Եւ վասն այսորիկ զնոսա պարտ է պահել հաւատարիմն՝ անյապաղ թոշակօք, և զսոսա զօրաւորս պատշաճաւոր կերակրովք։ Լաւ ես են վարձուոր ծառայք, քան զարծաթագին գերիս։ Զի նոքա ծառայեն 'ի լրումն պիտոյից և ոչ բռնութեամք։ վասն որոյ սիրեն զտեարս որպէս զբարերարս։ Սոքա ծառայեն բռնի, վասն որոյ են ներբին թշնա-

միք . զի որ ատեայ զծառայութիւն , ատեայ զտէր : Մի՛ իցէ թիւ ծառայից աւելի քան զպիտոյն : Որ ունի մի միայն ծառայ , ունի զնա բովանդակ . որ ունի երկուս , ունի մի և կէս . որ ունի երիս՝ ունի և ոչ մի . զի 'ի վատահիլ միոյն թէ միւսն ծառայեսցէ , և ոչ մին ծառայէ : Եթէ տէրն է առաքինի , ծառայքն ես լինին առաքինի : Չար նշան է տեառն ունել ծառայ ապիրատ . զի այնպէս համարի , թէ նա ինքն ուսուցէալ իցէ նմա , կամ ուսեալ 'ի նմանէ : Վասն այսորիկ չէ արժան տեառն թողուլ անպատիժ 'ի ծառայս զծանը յանցանս . վասն զի որ ներէ յանցանաց ինչ , հրապուրէ յես մեծամեծս . և որ թողացուցանէ զայն , երեխ հեղինակ նորուն : Եւ չէ իսկ արժան ծանը պատուհասել վասն թեթև յանցանաց . վասն զի պատիժն փոխանակ ուղղութեան մտաքերէ 'ի խոժոռութիւն , և լու է արտաքսել 'ի տանէ զիսոժոռեալն քան ունել 'ի տան զմշնամի : Բարւոք է գիտել զամենայն , բայց ոչ ցուցանել թէ գիտէ զամենայն : Կարի իմն հետաքնին գտանէ ինչ , զոր ոչ կարծէր տեսանել : Կատովն պահէր զծառայս 'ի գըժառութեան . զի իրազեկ լիցի յոմանց զինչ այլոց է գործ : Այլ այս գեղ չար ես է քան զախան . զի 'ի ծառայս թագաւորէ նախանձ , և նախանձուն մօտաւոր է զրպարտութիւն : Ոչ ինչ այնպէս պիտանի է կառավարչի , որպէս լրտեսութիւն . բայց և չիք ինչ քան զայն գարշ և վտանգաւոր : Ծառայ որ աչս ունի յովազի , լեզու նորա լինի կաշազակի : Որ հասուցանէ յունին տեառն զայլոց մոլութիւնս , հասուցէ յունին այլոց և զմոլութիւնս զիւրոյ տեառն : Անմեկնելի են 'ի միմեանց լրտեսութիւն և զրպարտութիւն , երկաքանչիւրոցն չար ծնունդ գոլով չարախօսութեան որ դուստրն է գիւական չարակամութեան : Ամենեկին սրատես և յստակատես լրտեսք են աչք տղայոց . որ որչափ փոքր են , նոյնչափ և սուր . և որչափ յլսակ , նոյնչափ և հաւատարիմ : Զի որովհետեւ աւելի սիրեն զհայր քան զայլս , և ջանան լինել նմա սիրելի , առ նա քան առ այլս տանին զրոյց զամենայնէ զոր տեսանեն : Զիք ոք թըշուառ քան զտանուտէր , որ փոխանակ անձամբ կառավարելոյ զտունն , թողու կառավարել միում 'ի ծառայից տան : Զի ոչ ինչ կեանք է թշուառական քան զծառայութիւն . և ոչինչ ծառայութիւն է թշուառ քան զծառայանալ ծառայի : Եպերախսա է որսորդն որ վարէ 'ի տանէ զշունն , որ երբեմն էր սկիտանի , այլ առ ծերութեան եղեւ անպիտան : Բայց անդթագոյն է տէրն , որ ոչ կերակը զծառայ ծերունի , յորմէ մինչ էրն յուժի , ընկալառ քաջ ծառայութիւն : Եթէ տեառն այլ չպիտի նա , նմա պիտոյ է տէր : Յայնմ հետէ այլ ոչ զօրէ բարիս արդիւնատրել , բայց է բարեացապարտ : Որ ոչն է թոշակ արդի ծառայութեան , եղիցի հա-

տուցումն անցելոյն . և թէ սլակասի նորա ոյժ ծառայելոյ , յաւելցի յայլս սիրտ քաջ ծառայելոյ : Բայց և այն ճշմարիտ է , թէ մինչև ցյետին շունչ ծառայն ծերացեալ 'ի տան՝ է յոյժ պիտանի . զի ոչ այլում ումեք սակահովագոյն յանձն լինին փականք դրան և կրպակի , բայց այնմ որ գտաւ հաւատարիմ : Եւ թէ և բոլորովին խեղանդամ իցէ , շատ է նման աչս ունել . զի թէ չէ կարող գործել ինչ , կարող է գիտել զինչ այլք գործիցեն : Են և այլ ծառայք , ոչ նուազ հարկաւորք՝ բայց ևս վտանգաւորք . այն են աղախնայք : Հարկաւոր են աղախնայք 'ի ծառայել մօր և գստերաց , և մանկանց աղայոց . բայց ծառայութիւն նոցա է վտանգաւոր : Զի թէ են պառաւեալք , առաւել պիտոյս ունին ծառայութիւն ընդունելոյ քան ծառայելոյ : Եթէ են գեռահասակք և առոյդք , փոքր աքնութիւն պիտի պահպանութեան բերդի 'ի թշնամեաց , քան աղախնոյ յիւրոց ծառայակցաց : Եւ ո՞ կարող իցէ պահել զայն , որ իւրովի ըղձանայ կորնչիլ : Հաւասարութիւն վիճակի է միաբանեցուցիչ սիրոյ . գիւրութիւնը ընտանութեան՝ է փեսաւէր ցանկութե , և ցանկութիւնն լծորդեալ ընդ աղքատութեան՝ է միջնորդ ընտանի գողութեց : Ոչ բաւեն կուպղք՝ անջրպետել 'ի մէջ յարկաց արանց և կանանց . զի ըստ ասից վաղեմի առակին , սէրն առ իւր ունի զամենայն բանալի : Զէ բաւական և տգեղութիւն առ պահպանութիւն համեստութեան . զի չիք կենդանի այնպէս ագեղ , որ ոչ գեղեցիկ թուիցի միում 'ի կենդանեաց : Թող զի որ վտանկել կամի զհամեստութիւն աիկնոջ և գստերաց , կաշառէ զհաւատարմութիւն պահապան կանանց . որոց թափուր գոլով յլնչեց , և 'ի խորամանկութեան պատարուն , ոչինչ է նոցա դրժուարին վաճառել զայլաց համեստութիւն քան զիւրեանցն : Այսմ անկարգութեան , որ պատահէ ստէպ՝ վասն լինելոյն բնաւոր , երկու միայն են հնարք : Մի՝ ակն ծեր ծառայի , և մանկանց աղայոց , որպէս առացաւ . զի զգան 'ի հեռատանէ զառաջին նշանն : Երկրորդ՝ յառաջին նշանն թէպէտ և անսույցս , այնպիսիս վարել խստութիւնս և զգուշաւորութիւնս և տեսչութիւնս ընդդէմ չարութեան , մինչև անմեղութեանն իմ զահի հարկանիլ :

Արպէս հասարակապետութիւնն , նոյնպէս և տունն փակէ յինքեան երկու ինչ . զանձինս , և զինչս : Ապա խօսեցեալ զտնտեսութենէ՝ որ զանձամբք . մնայ խօսիլ զտնտեսութենէ , որ զընչիւք . և սա հաստատեալ կայ 'ի ստանալ զայնս , 'ի պահել , և յառաւելուլ : Են տունք յորս են մեծամեծ աւագանի . և են յորս անձինք գուեհիկք , և են յորս միջակայինք 'ի մէջ բարձր և ցած վիճակի : Եւ իւրաքանչփւրն 'ի սոցանէ լինի ճոխ յոյժ , եթէ ունի զբաւականն իւրում աստիճանի . և երջանիկ յոյժ , եթէ շատանայ բաւականաւն : Զի մարդ-

կային իղձն է միայն որ ճոխացուցանէ զազքատութիւն, կամ ազքատացուցանէ զՃօխութիւն: Ըստ Հեսիոդոսի, որ պէս յիշէ Արփատուել, հովիւ, և կին նորա, և մանուկ, և երնջակ 'ի մեռնդ նոցա բազկոցուցանէին զնախնի տունս: Վսեմական տւագութիւնք, հոյլք ծառայից, ոսկեզօծ ապարանք, մեծածախ սեզանք, անբաւ վիճակք գետնի, կացուցանեն մեծ ևս տուն, բայց չառնեն ինչ առաւել երջանիկ. զի յառաւելու ընչից՝ առաւելուն և դժուարութիւնք: Մեք աստ խօսիմք առաւելապէս զմիջակային ընչից զի որպէս չափազանց առաւելութիւն և նուազութիւն նիւթոյ խանգարմեն զարուեստ մեքենտկան, սոյնպէս չափազանց առաւելութիւն և նուազութիւն տան խանգարմեն զարուեստ անտեսական, յեղափոխեալ զկանոնս: Երկու ազգ անձանց չգիտեն զոր ունին յաշխարհի աստ, այն որ չունի ինչ, և այն որ ունի յաճախութետմք յոյժ: Փոքրիկ նաւակք 'ի մրրկի կորինչին. մեծամեծ նաւը 'ի խաղաղական պահու մնան անպիտան: Միջասահման ճոխութիւնք իբրև զմիջակային նաւս գիւրագոյն զեկավարին եթէ 'ի խաղաղական պահու և եթէ 'ի մրրկի:

Երկակի են ինչք, Բնականք և Արուեստականք: Բնականք հիմնեալ են 'ի սեպհական կալուածս. արուեստականք 'ի սեպհական հանճար: Աւաղ այնմ որ բնակեալ 'ի հասարակաց երկրի, չունի թիզ մի գետնի որ իւր իցէ: Որ չունի տուն սեպհական, է մեռեալ անթաղ: Ենա յաշխարհի, և արտաքոյ աշխարհի. թշուառ քան զգազանս, որք 'ի խօրխորին փառարս առնեն իւրեանց որջո, 'ի բնակութիւն իւրեանց, յառագաստ հարսանեաց, յօրոց ձագուցն և 'ի գերեզման մահու, յուսացեալք տո հասարակ թէ ծերանալ ունին, ուր մանկացան. և մեռանիլ ուր ծնան: Տոհմք տանուտիրականք, առին զանուն 'ի տանց: Որ չունի տուն, չունի տոհմ. օատար է նա յիւր հայրենիս: Որ 'ի վարձու ունի զտուն, միշտ է աստանգական, ոչ բնակէ, այլ սկանդիստի. վատնէ զկահ և կարասի, և գնէ օդ: Ոչ հաստարմատ աճեն տունկք որք ստէոլ տեղափոխին: Եղիցի տուն քո 'ի քաղաքս ամուրս. բայց հեռի 'ի բերդէ: Եղիցի գեղեցիկ և առողջարար, զի գեղեցկութիւն տան օդտէ գեղեցկութեան զաւակաց, և առողջարարութիւն օդոյ՝ առողջութեան անձանց: Լինի գեղեցիկ, թէ ունիցի գուռն և սանգուղք և սրահ մեծակառոյց. սենեակս և սպայծառս զարդարեալս խմաստալիք նկարուք, որք արբանեկեն յուսումն և 'ի զբօսանս: Լինի առողջարար, թէ մի կողմն հայեսցի 'ի ջերմայինն հարաւ, և միւսն 'ի ցրտայինն հիւսիս, 'ի պատսպարիլ յերկաքանչիւրոց վխառուէ յեղանակս հակառակս: Բայց և կողմն մի բնակութեան հայեսցի յարեւելս: Զի առաւել գեղեցիկ և արգասաւոր են տունիք, որք ընդունին զաւաջին շա-

ուաւիզս արեգական : Այսու օրինակաւ հողմ զհողմոյ վնաս
՚ի բաց արասցէ . և ամենեքումքը օդն սրբեսցի : Այնչափ իցէ
տունն , որ բաւական իցէ ՚ի զետեղել անդ զընտանիս , և ՚ի
վարձել զայն խաղաղական արուեստաւորաց . զի ոչինչ եկա-
մուտ է ապահով իբրև զվարձ տան , և ոչինչ դրացի է օդտա-
կար իբրև զվարձուորս տան : Ապա եթէ յաւելցի քեզ տեղի
՚ի պարտէզ բանջարոյ , և ՚ի հաւանոց , լիցի ՚ի տան քում դիւ-
րութիւն քաղաքի և գեղջ , զորմէ արդ հանդերձիմք խօսիլ :
Ճոխութիւնք առաւել բնաւորք և ազնուականք են հասք կա-
լուածոց քոց : Սոքա են դանձք որք ունին արմատս , և առանց
ուրուք տուժելոյ՝ բաղմանան : Ոսկի կղկղի ՚ի տղմոյ , բայց և
այնպէս շողշողէ : Միայն յերկրէ օրէն է ագահել զագահու-
թիւն , պահանջելով ՚ի նմանէ ընդ միոյ հազար . զի մայր է
նա միապէս շռայլ և ժլատ . և վասն այսովիկ տայ որգւոց մե-
ծամեծ տոկոսիս , գիտելով թէ ամենայն ինչ դառնայ յինքն :
Բայց չէ նա շռայլ առ անփոյթս , և ոչ գթած առ այն , որ
կարի իմն գթայ ՚ի նա . կամի նա մնունդ առնուլ , բայց տա-
ռապանօք : Թէ չպարարես զնա և չարօրադրես , ՚ի գերև հան-
ցէ զքոյդ մանգազ ունայն հասկօք : Բայց ոչինչ այնպէս ար-
դասաւորէ զնա , որպէս աչք քո , և ոտք քո : Թէ ապաւինիս
յարօրադիրս քո և ՚ի վանապանս , կամ լիցի նա անբեր , և
կամ պաղաքերեսցէ վասն նոցա և ոչ վասն քոյ :

Երկրորդ ճոխութիւնն է արուեստական , զի մթերի յա-
րուեստից : Եթէ արուեստն է մեքենական , ճոխութիւնք լի-
նին մեքենականք . Եթէ ցածուն , լինին ցածունք , Եթէ ազա-
տական , լինին ազատականք . զի այնպիսի են գործք , որպիսի
են նոցին պատճառք : Բայց թէ և հարստութիւնք ծնեալք
յազատական արուեստից՝ առ մեքենականօք են ազնուագոյնք ,
սակայն առ այնոքիւք , որք ծնանին ՚ի սեպհական կալուածոց՝
առանց ձեռագործելոյ տեառն , են նուազ բնաւորք և նուազ
պատուաւորք : Զի առաքինութիւնք՝ որպէս չեն ըղձալիք վասն
այլոց . այլ վասն իւրեանց , սոյնպէս ոչ հային յօդտակարն ,
այլ ՚ի պատուաւորն : Մինչ զի թէպէտ և գիտութիւնք ազ-
նուագոյն են քան զկալուածս , սակայն եկամուաք կալուա-
ծոց են տիրական , և եկամուաք գիտութեանց վարձկանական :
Լոմայափոխութիւն սեղանաւորաց թէ գուզնաքեայ իցէ , օդ-
տակար է . թէ յորդութեամք՝ վտանգաւոր է . երկաքանչիւրն
են անլծորդական ընդ քաջի ազնուութեան : Արծաթի թէ-
պէտ է սպիտակափառ , սևագոյն ներկանէ զձեռս . որպէս
յանդիմանեցաւ պապն Օգոստասի , որ էր սեղանաւոր :

Դիւրին է հարստի լինել բաղմահարուստ . քան աղքատի
լինել հարուստ . զի գժուարին է ՚ի չունելութենէ անցանել
յունակութիւն , բայց ունակութիւնն գործովք հեշտեաւ ա-
ռաւելու : Ճոխութիւնն յանիրաւութենէ ժողովեալ ոչ է

Ճոխութիւն, այլ աղքատութիւն. զի անմարթ է քեզ հաշուել 'ի քո հասոյթ զայն՝ որ է օտարի: Զի Ճոխութիւնն ըստացեալ յանիրաւութենէ տայ քեզ կորուսանել և զարդարվաստակսդ, 'ի թշնամութիւնս, 'ի վէճս և յապաշաւս: Բառնայ 'ի քէն զայն ինչ որ աւելի արժէ քան զՃոխութիւնս, այսինքն զանուն բարի և զերկնաւոր շնորհս: Մեծ եկամուտ է խնայութիւն, և մեծ մսխումն աւելորդութիւն: Այն տուն է բարեկարդ, ուր չիք ինչ աւելորդ, և չիք ինչ պակասորդ: Որ ոչ խաղայ, առնէ մեծ խնայութիւն. զի ամենայն փող և տունք և կալուածք խաղացողի կախեալ կան զքուէից, և աւուրն բախտ արկեալ զքուէայս մերթ 'ի սորա և մերթ 'ի նորա կողմն, չքաւորէ զերկաքանչիւրն, 'ի Ճոխացուցանել ըղձեռնածուն: Աղա եթէ դէպ լինի բախտի Ճոխացուցանել զոք խաղիւ, զշգ ընդ բախտի մտանէ դաւաճանութիւն. և մուտք դաւաճանք չանցանեն յերրորդ ժառանգ: Բայց առաւել քան զմնայութիւն՝ օգուտ է ապահովել զառւնն յօտարոտի և յընտանի յափշտակութեանց: Ի ձեռաց օտարուց ապահովէ զնա հսկողութիւն ծառայից, և 'ի ձեռաց ծառայից՝ հսկողութիւն տանուաեաւն: Տանուտերն, ասէ Սոկրատէս, մացէ յանկողին յետ ամենեցուն, և յարիցէ յանկողնոյ յառաջ քան զամենեսին. զի 'ի քուն լինել նորա ծառայք դարան դործեն: Մի կալցի առ իւր ծառայս ամուսնացեալս. զի ամենայն կենդանւոյ՝ որոյ է ծնունդ, բնութիւնն ուսուցանէ լինել դող: Մի թողցէ դեգերիլ 'ի տան զկարօտեալս. թէպէտ և հաւատարիմ թուիցին և բարեպաշտ: Ի չարաչար ազգէ է դողոց, զոր հարկն ստիպէ դողանալ. քանզի գողութեան նորա չիք դարման վասն չքաւորութեան, և կարեկցութեան խակ է արժանի վասն հարկի: Ուստի ոչ ստդտանի այն որ ձեռն ձգեաց, այլ այն որ թողացոյց լինել ձեռնածիգ: Ուր տանուտերն է ագահ, ծառայն լինի դող: Վասն զի տեսեալ սորա թէ ագահն ոչ վարէ 'ի պէտս զոր ունի յաճախութեամբ, լնու նովաւ զիւրն պակասորդ, և գթութիւն համարի հանել 'ի բանտէ զբանտարկեալ Ճոխութիւնն:

ԳԼՈՒԽ ԺԴ.

Յաղաց անձնական խոհեմոքեան:

Խոհեմութիւնն քաղաքական հայի յերջանկութիւն հասարակապետութեան . Տնտեսականն յերջանկութիւն տան . Անձնականն յերջանկութիւն անհատի : Անհատն է յառաջքան վտեսակս , և տեսակն քան զսեռն . զի եզականք են յառաջքան զընդհանուրս : Արդ զինչ օգուտ իցէ գիտել կառավարել զայլս , և ոչ գիտել կառավարել զանձն : Չէ իմաստուն որ անդէտ է անձին . և ոչ խոհեմ , որ չէ խոհեմ վասն անձին : Սա է խոհեմութիւն մասնաւոր , որ յառնելի իրս ուսուցանէ զհետ երթալ արդար , օգտակար և համեստ իրաց , և խորշել 'ի հակառակաց , առ 'ի վայելել 'ի մահկանացուաց միջի յերջանիկ կեանս : Այս անձնական խոհեմութիւն հաստատեալ է 'ի միջասահմանն 'ի մէջ երկուց մոլեկան ծայրից . ոչ գործելով ոչ ըստ գիտման և ոչ թափով . այլ մտախորհ , և ուղիղ խորհրդով : Որ գործէ թափով կամ ըստ գիտման , արժանի է քամահանաց վասն ձախող ելից . և ոչ ոք գովէ զնա թէ յաջողեն ելք . զի չէ նա տէր իւրում առնելութեան : Բայց խոհեմն է տէր իւրոց գործոց և անձին . զի կիրք նկունք հնազանդին կամաց , և կամքն կանոնաւոր հնազանդի մտաց : Մինչ զի 'ի խնդրել բաղձանաց զհամեստն , և 'ի չզանալ կամաց զննդրեալն , մարդն է երջանիկ :

Խոհեմն կազմ ունի զմիտս այնչափ գիտութեամբ , և ըլուիրան այնչափ առաքինութեամբ , որ ոչ տգիտութիւն և ոչ չարութիւն կարող են խոտորեցուցանել զսիրտ նորա 'ի բանաւորէն : Կենդանի է 'ի նմա արդարութիւն , որ ոչ թողացուցանէ նմա գործել ինչ ընդդէմ քաղաքական օրինաց . կամ բնաւոր ուղղութեան : Կենդանի է արիութիւն , որ ոչ թողացուցանէ յանդուգն ձեռներէց լինել յամօթալի վրտանդս , կամ վեհերոտութեամբ խոյս տալ 'ի պատուաւոր վտանդից : Կենդանի է բարեխառնութիւնն , որ ոչ թողացուցանէ նմա խամրիլ 'ի դատարկութիւնս և իդանալ 'ի գըրդանս : Յատուկ է խոհեմի ձեռնարկել յօդտակար իրս . բայց ոչ համարի օդտակար լինել զայն որ չէ համեստ և պատուաւոր , և ոչ շատ է նմա թէ վախճանն իցէ արդար և համեստ . եթէ չէ հնար ստանալ բայց անհամեստ և անիրաւ միջոցօք : Ամպարիշտ խոհեմութիւն եղել զոր արարն Տուղիսա յընթացուցանել զկառս 'ի վերայ որովայնի հօր իւրոյ , միայն զի հաս-

ցէ 'ի դէմ եղեալ սահման 278 : Շշմարիտ խոհեմն գիտէ թէ
ոչ ամենայն հաճոյք՝ են օրինաւորք . և ոչ զամենայն օրինա-
ւոր արժան է առնել : Կըու նա խոհականութեամբ զամե-
նայն զմիջոցս . և 'ի բազմաց անտի ընտրէ զլաւն : Հայի 'ի պա-
րագայսն . զի բարին և չարն հաստատեալ է յաւէտ 'ի պա-
րագայսն , քան յէութիւն իրին : Կերպարանք նորա և ձայն
և շարժմունք են ծանր : Զի 'ի լինել սրտի կազմ , արտաքինք
նելքնոյն լինին նմանող : Խօսի , շարժի և գործէ մեղմօրինակ .
զի չառնէ ինչ 'ի թափոյ կրից : Ի գործս իւր ոչ է գիւրորոշ ,
և ոչ գիւրափոփոխ : Ըատ խորհի , յամը որոշէ , բայց վաղ
ձեռնարկէ 'ի կատարումն . գիտելով թէ ոչինչ ժամանակ է
այնպէս դիպող ձեռն 'ի գործ առնելոյ , որպէս յորժամշերմ է
սիրտն . վասն այսորիկ որոշէ անշտապ , բայց շուտաժիր ձեռն
միւէ 'ի գործ : Ոչ համարի ինչ այնպէս դիւրին , որում չիցէ
հնար ընդառաջ ելանել ծանր դժուարութեան . և ոչ այն-
պէս դժուարին , որում արիութեամբ և զգօնութեամբ չիցէ
հնար յաղթել : Եւ վասն այնորիկ յոչինչ ձեռնարկէ , զոր ոչ
հասուցանէ 'ի կատար : Բայց և չէ այնպէս յամառ , զի յա-
ռաջ քան զգործելն լուեալ լաւ ևս ինչ խորհուրդ՝ ոչ փո-
խիցէ զիւր կարծիս . գիտելով թէ եղական իրողութիւնք առ-
նելիք՝ են պատահականք և փոփոխականք . վասն այսորիկ փո-
փոխութիւնք ոչ լինին յիւրում որտի , այլ յիրս : Յայս սակա
և յետ եղանութեան իրին եթէ 'ի յաջող ելս և եթէ 'ի ձա-
խող , ոչ սարջանայ երբէք . քանզի գիտէ թէ յիւր կողմանէ
ոչ պակասեաց . զի ունելով գիտումն ուղիղ , զայն իւր դի-
տումն եղ 'ի գործ : Մինչ զի 'ի բարեբաստ ելս՝ իւր են պար-
ծանք . և 'ի ձախող ելս բախտին է մեզ : Չիք ինչ ներկայ , յոր
ոչ ակնարկէ . չիք ինչ անցեալ , զոր ոչ վերծանէ . և յանցե-
լոցն և 'ի ներկայից այնպէս անշուշտ զապադայիցն առնու-
ժաշակ , մինչեւ երկիւ գուշակ : Հիալպոկրատէս 'ի հողմոյ ինչ
շնչելոյ գիտաց թէ յայնմ մարզէ գայ ժանտախտ , որ եղեւ իսկ :
Եւ խոհեմն 'ի նշանաց ինչ զոր ոչ նշմարեն այլք՝ յառաջ
գուշակէ զապագայ դիպուածս : Վասն այսորիկ յոչինչ իրաց
խռովի , զի ոչինչ է նմա յանկարծադէս : Համարեալ է նա
պատգամախօս ոք , մանաւանդ թէ Աստուած ոմն երկրաւոր .
զի որպէս ասէր Սեքստիոս , այս խտիր է 'ի մէջ Աստուծոյ և
խոհեմի , զի Աստուած ոչ կարէ և սա ոչ կամի գործել ինչ
հակառակ ուղղութեան :

ԳԼՈՒԽ ԺԵ ·

**Յաղագս ունեակորեան հանրական սկզբանց
խոհեմորեան :**

Զոր օրինակ 'ի գիտութեան պիտոյ են հայեցողական սկզբանք առ քաջ իմաստասիրելոյ, նոյնալէս 'ի խոհեմութեան պիտոյ են առնելի սկզբունք առ քաջ խորհրդածելոյ. բայց բազում ինչ ընդ մէջ է սոցա և նոցա: Սկզբունք գիտութեանց են ընդհանուրք, հարկաւորք և անապացուցանելիք. բայց սկզբունք խոհեմութեան են գործնականք, մասնաւորք, ներքնդունականք և բազում անգամ խրթինք՝ միմեանց դիմամարտք: Թէ գուշառաջ բերես զայս առած, Չէ պարախոհեմի վստահանալ յոք, բայց միայն յանձն. այլ ոք յառաջ բերցէ զառած սմին ներհական, խոհեմութիւն է չապաւի նիւ յիւր խոհեմութիւն: Եւ թէ ցուցանես գուշառ թէ այս ինչ գործ է պատշաճող, զի է օգտակար, ցուցցէ ներհական, թէ այդ գործ է անապատշաճ, զի է անիրաւ: Եւ ևս սկզբունք գիտութեան վասն զի են ընդհանուրք և յաւերժականք, զեաեղանան յընդհանուր և յանմահ միտս. և սկզբունք խոհեմութեան յոլովակի յեղծական միտս, այսինքն է 'ի խոհացողական կամ 'ի կարծողականն. որ կոչի զգայութիւններքին, ուր են եղական պատկերք: Ապա որպէս քաջ իմաստասիրելն հաստատեալ է 'ի գիտել կազմակերպել 'ի սկզբանց խոհեմութեան հաւաքաբանութիւնս գիտնականս, սոյնալէս քաջ խորհրդածելն հաստատեալ է 'ի գիտել կազմակերպել 'ի սկզբանց խոհեմութեան հաւաքաբանութիւնս գործնականս: Ապա այն է խոհեմագոյն քան զայլս, որ 'ի գանձ իւրոյ յիշողութեան գանձեալ իցէ ոչ մըթերս հայեցողական սկզբանց, այլ գործնականաց. և յառաջադրիլ նմա զինչ և իցէ առնելի խնդրոյ, գիտիցէ 'ի վարարկանել զնոսա հեշտեաւ 'ի լուծումն նորին: Յայտ է, որպէս խոկ լուար, թէ քաջ արամաբանութիւն զհայեցողական գիտութեանց և քաջ խորհրդածութիւն զիրաց առնելեաց, են սւնակութիւնք կարի իմն տարանջատք. նա, յոլովակի եղծիչ են միմեանց, զի սկզբունքն են այլեայլք:

Արդ այս հաւաքումն 'ի խոհական առնէ՝ լինի հնդակի, զորմարթ է մեզ կոչել հինդ յորդ աղբիւրս խոհեմութեան: Առաջինն է 'ի սեպհական և յընդաբոյս բնական լուսոյ: Երկրորդն յուսուցանելոյ իմաստասիրաց կամ ծերոց, ձայնիւ կամ գրովք: Երրորդն յիւրմէ գիտողութենէ 'ի վերայ բնա-

կան կամ արուեստական իրաց : Չորրորդն 'ի փորձոյ դիպուածոց օտարաց : Հինգերորդն 'ի փորձոյ իւրոց դիպուածոց : Եւ 'ի յայտնել քեզ յիւրաքանչիւր աղբերէ երակս ինչ այսց առնելի սկզբանց, ոկիզբն արասցուք յառաջնոյ անտի : Ամենայն խորհրդածութիւնք առն խոհեմի յածին զծվանեք երկուց այսց խնդրոց, եթէ զայս ինչ հնար իցէ առնել . և եթէ զայս ինչ պատշաճ իցէ առնել : Զի բազում ինչ է պատշաճ, բայց անհնար է առնել զնոստ . և բազում ինչ հնար է թէ վենիցի, բայց ոչ է պատշաճ : Վասն առաջին խնդրոյ հարկաւոր են սկզբունք և առածք կարելոյ և անկարելոյ . վասն երկրորդին՝ առածք պատշաճովի և անսպատշաճի : Արդ որպէս 'ի կենդանեաց ոմն է բնաւորապէս խորագէտ քան զմիւսն 'ի սլածարել զկերակուր և 'ի պաշտպանել զիւր կեանս, սոյն պէս 'ի կազմակերպել բնութեան զմարդիկ պէսպէս հանձարով վասն սլէսպէս վախճանի, յոմանս տարրացոյց առածս և սկզբունս խմանալիս և հայեցողականո՞ վասն գիտութեանց, և յայլս առածս և սկզբունս գործնականս վասն մարդկային կենաց : Ապա նախնական խնդրոյն արբանեկեն, օրինակ իմն այս սկզբունք . Յայնժամ իրն է կարելի, յորժամ ըստ կամաց է և կարողութիւնն : Զի 'ի դնիլ վախճանի և միջոցաց, զհետ դայ գործն . Յորժամ մեծ են կամք, իրն լեալ է կիսով չափ : Զի կամակար կամք սրեն զհանձար . վասն որոյ ասի, թէ ոչ ինչ է դժուարին այնմ որ կամի . Չոր ինչ կարող է առնել բնութեանն, հնար է առնել զայն և մարդկային ճարտարմառութեան : Զի արուեստին հնար է հետեւող լինել բնութեան, բայց բնութեանն ոչ է հնար հետեւող լինել արուեստի . Չոր ինչ արար ոք, կարող է առնել և այլ ոք : Որ ինչ առանց օգնականութեան է դժուարին, հզօր օգնականութեամք լինի դիւրին : Եթէ հնար է լինել մասին, հնար է լինել և բոլորին : Եթէ եղեւ աւելին, եղեցի և նոււազն : Եթէ եղեւ նմանն, եղեցի և այլ նման : Եթէ հակառակն է կարելի, միւս ևս հակառակ է կարելի : Եւ յսկզբանց հակառակաց սոցա ցուցանի և հակառակն : Երկրորդ խնդրոյն արբանեկեն այս սկզբունք : Այն է պատշաճ, որ է բնաւոր : Զի բնութեանն է քաջ օրէնսդիր, և օրէնք քաղաքականք հիմնին 'ի բնաւոր օրէնս : Այն է պատշաճ, որ է օգտակար մարդկային կենաց : Զի ամենայն ոք պարտական է պահել զայն : Եւ ևս առաւել, եթէ իրն է հարկաւոր . զի հարկն է 'ի վերոյ քան զօրէնս : Եւ ևս Այն է պատշաճական որ է դովելի : Զի ոչ դովելի, բայց միայն համեստն : Այն է անսպատշաճ, որ է անիրաւ : Զի զօգուտ մեր ոչ է պարտ գնել առւժիւք այլոց : Այն է մեղ պատշաճ, ընդոր բարեկամք մեր խնդան և թշնամիք մեր տրտմին : Զի անհնար է լինել չար զոր ըղձանայ մեղ բարեկամ մեր, և անհնար է լինել բարի զոր ըղձանայ մեղ չարակամ մեր : Այլ և

Նուազ անսպատշաճն լինի պատշաճական, յորժամ անհնար
է խորշիլ յերկաքանչիւրոցն: Զի՞ի յետին նեղութեան փոքր
չարն զգենու զբարութիւն: Քաջ կարող ես աեսանել թէ
այս առածք չեն յաւերժական ծշմարտութիւնք իրու զառածս
դիտութեան, այլ մասնաւորք և ներընդունականք ըստ պա-
րագայից, զորոց կախեալ կան: Զի յառնելի իրո յիմարու-
թիւն է խնդրել զապացուցութիւնս:

Երկրորդ աղբիւր են ուսուցմունք իմաստնոց և խոհական
անձանց: Այսպիսի եղեն այն յիշատակելի ասացուածք եօ-
թանց իմաստասիրաց Յունաստանի: որոց իւրաքանչիւրն մը-
զեալ քամեաց զիւր ամենայն իմաստութիւն յերկուս խօսս,
որք են գերակատար կանոնք մարդկային կենաց. և առաջին
սկզբունք խոհեմութեան: Կղէոբող ասէ. ՊԱՀԵԱ ԶԵՂԱՆԱԳ.
որ է փականք խոհեմութեան. զի միջասահմանութիւնն է
չափ պատշաճականին: Պիտակոս ասէ. ՄԻՇ ԽՑԵ ԽՏԵԼԱ-
ԶԱՆՑ: Զի որ խորշի ՚ի մոլեկան ծայրից, հարկաւ զտեղի առ-
նու յառաքինական ուղղութեան: Պերիանդր ասէ. ՍԱՆՁԵԱ
ԶԲԱՐԿՈՒԹԻՒԽ: Վասն զի բարկութեանն առաւել անսանձ
գոլով ՚ի կիրս, որ ոք սանձէ զսա, տիրէ այլոյ ամենայնի, և
՚ի բաց առնե զքող յաչաց խոհեմութեան: Սողոն ասէ. ՀՅՑ-
ԵԱՑ Ի ՎՃԽԱՆԱՆ: Զի թէ վախճանն է թիւր, գործոյն ան-
հնար է լինել ուղիղ. և որ հայի յելս իրաց, զգուշանայ ձեռն-
արկել յայն: Բիաս ասէ. ԲԱԶՈՒՄ ԵՆ ՀՅԲԻ: Քաջ կանոն
քաղաքական կենաց: Զի որ գիտէ թէ բարիք են սականք, և
չարք անբաւք, ոչ յումեքէ խարի, զի սակաւուց հաւատայ:
Թաղէս ասէ. ՄԻՇ ԼԻՆԻՐ ԵՐԱԾԽԱՒՈՐ: Զի վտանդաւոր յանձն-
առութիւն է խոստանալ վասն անձին, ոչ գիտելով զինչ
անցք առ յապայ անցանելոց իցեն ընդ նա: Բայց վտանդա-
ռորագոյն է խոստանալ վասն այլոց, ոչ գիտելով զայլոց
կամս: Հուսկ ուրեմն Քիզոն ասէ. ԾԱՆԻՐ ԶՔԵԶ: Ուսումն
խոհականագոյն քան զամենայն, զի որ ճանաչէ զիւր տկարու-
թիւնս, ոչ խոնարհէ զպարանոց իւր ընդ բեռամք որ ՚ի վեր
է քան զկար իւր: Բայց և ուսումն գժուարագոյն քան զամե-
նայն. զի ամենայն սէր է կոյր, և ամենայն ոք սիրէ զանձնիւր:
Ստուգութեամբ գրէ զանձնէ գաղենոս. ՄԻՆՅԴԵԱ. Էի ես
տխմար, տխմարական թուէր ինձ այդ յիշատակութիւն. այլ
իրեւ ՚ի չափ հասի, առաւել ևս յուշի կալայ: Հանդոյն ա-
սացուածոցս են հասարակ առակք, որոց ծնունդ գոլով հա-
սարակաց ձայնի՝ որ ուր ուրեմն սխալէ, և հաստառութիւն
ընկալեալ ՚ի ժամանակէ, որ որպէս ծերագոյն՝ քաջ քան
զամենեսին գիտէ, եղեն իմաստալիր առածք խոհեմութեան:
Վասն այսորիկ խրատէ Արխտոտէլ, թէ արժան է աւելի հա-
ւատս ընծայել բանից ծերոց առանց հիման պատճառի, քան
պատճառի պատանւոյ առանց հիման փորձոյ: Այսպիսի են

այն հասարակաց ասացուածք։ Առաջին անմտութիւն յիմարի է համարիլ զանձն իմաստուն։ Մի յիմար յիմարեցուցանէ զհարիւրաւորս։ Որ ոչ կարէ զոր կամի, կամեսցի զոր կարէ։ Ըստ վաղածին ծնանի լակոստ կոյրս։ Ամօթ է ասել, թէ ոչ կարծէի։ Բուռն հար դիպող առթից զվարաից։ Ծեծեա զեր կաթ, մինչ ջերմ է։ Նետ զգուշացեալ սակաւ խոցէ։ Գնա յուշիկ՝ ուր գժուարին են անցք։ Ընդ կրետացիս լեր կրետացի։ Ուր յանկ ելանեն պատրանք, սկիզբն առնուն տուգանք։ Ճշմարտութիւնն միշտ մնայ անսոյզ։ Հաստատութիւն մտաց է բազում անգամ փոխել զկարծիս։

Երրորդ աղբիւր է դիառղութիւն բնական իրաց կամ արուեստականաց, որք ընթերցեալ լինին կամ նկատին։ Ոմանք ընթեռնուն զգիրս, որպէս սասայօդ զրոյցս, ժամանակ անցուցեալ և կորուսեալ։ Հային յառարկայս աչօք և ոչ մտօք։ ոչ իմանան թէ ընութիւնն յամենայն իւր բնական գործս ընդ խփանաւ ծածկէ զսկզբունս բարոյականս, որոց խոհեմն ուշի ուշով խելամուտ լինի, և նմանաբերութեամբ յանկաւորէ զնոսա մարդկային գործողութեանց, այսպէս։ Երկչոտ կենդանեաց բնութիւնն չետ զէնս 'ի կռուիլ, այլ սրունս 'ի փախչիլ, զի ակարի իմաստութիւն է փախչիլ 'ի վտանգից։ և հզօրի ամօթ է չելանել նոցա ընդ առաջ։ և վասն այսորիկ հզօրաց պիտին զէնք։ Կատարելագոյն կենդանեաց յերկարագոյն ժամանակ պիտի 'ի ծնանիլ. և զմեծամեծ գործս պարտ է յերկարագոյն խորհիլ։ Կենդանիք որ շոյտ ծնանին, վաղ մեռանին։ Ի դոյզն ջրոյ ցողելոյ յամարայնի 'ի վերայ փոշոյ՝ անդէն ոստիք գորտ։ բայց անդէն վաղվաղակի դառնայ 'ի փոշի։ Փիզն 'ի տասն ամս ծնանի. բայց ամրի ընդ դարս։ Սոյնպէս գործք, որք շութափութեամբ լինին, վաղվաղ չքանան։ այլ որք յերկարաւոր մատածութեամբ, յերկար տեսանան։ Յամենայն փեթակի գործասէր մեղուաց՝ ծնանի իշամեղու ինչ գործատեաց, որ ծախէ զմեզր։ Նոյնպէս 'ի տունս քաջազունս ծնանի ոք անմիտ, որ վասնէ զինչս։ Զնոյն ասեմ և զազատական արուեստից և զմեքենականաց։ Վասն զի որովհեաւ խոհեմութիւնն է արուեստ արուեստից, յառածից ամենայն արուեստի հաւաքին առածք խոհեմութեան։ Բժշկութիւնն է դարմանիչ մարմնոց, և խոհեմութիւնն դարմանիչ հոգւոց։ Մասն ինչ բժշկութեան է նախապահողական, և մասն ինչ ապաքինողական։ Նա նախապահէ 'ի հիւանդութենէ, սա անդրէն յառողջութիւն հաստատէ զհիւանդն։ Ըստ սմին օրինակի մասն ինչ խոհեմութեան նախապահէ զմարդ 'ի գործելոյ զքար։ և մասն ինչ յանդիմանէ և յուղղութիւն ածէ զգործեալ չարն։ Յորժամ ոչ օդտեն դեղք մաքրողականք, 'ի վարականին դեղք կտրողականք։ Յորժամ ոչ օդտեն յանդիմանութիւնք, ձեռն արկանի 'ի սուր։ Առաւել վտանդաւոր է

փոքր ինչ խոց անբաց, քան զվեր ինչ լայնաբաց: Առաւել դժուարին է դարման գաղտնի չարութեան, քան զյայտնի ցոփութեան. զի յայտնի ախտին յայտնի է դեղ, այլ անտես ախտին՝ դժուարին է դարման: Յամենայն թունաւոր զեռնոյ հանեն դեղթափ, ծեծելով զնա: Յամենայն մոլեկանէ հանեն դեղթափ մօլութեան նորա պատժելով զնա: Դիւրաւըժշկին վէրք որոց են յաճման հասակի՝ քան զվերս չափահասից. զի 'ի նոսա աճեցուն ոյժն առնէ նոր մարմին: Դիւրագոյն դան յուղութիւն մանկահասակք քան զծերս. զի 'ի նոսա դիւրագոյն կերպարանի նոր ունակութիւն: բայց ունակութիւնն հնացեալ ոչ փոխի երեք: Յերկրագործութենէ որ քաջ ուսուցիչն է վարուց, հնար է ուսանիլ զայսոսիկ իմաստ: Ուր մոլախոտք ուռճանան, երկիր է բարի՝ սերմանել անդ սերմն բարի: Երիտասարդք որք ձեռներէց են 'ի մեծամեծ մոլութիւնս, ընդունակ են և առաքինութեանց մեծաց: Առաւել պտղաբերէ փոքրիկ ինչ անդ քաջ մշակեալ: Լաւ ևս զարդանայ չափաւոր ինչ միա մեծաւ ջանիւ, քան զմեծ ինչ ուշ սակաւ ջանիւ: Տունկիք քաջ մշակեալք, լինին առաւել պրոցաբերք: բայց իբրև պտղաբերէն բազում, վազագոյն գոսանան: Սոյնապէս բազում ջան առաւելու զիմաստ, բայց նուազէ զիկեանս: Նմենայն տունկիք՝ որք վաղ ծաղկին, վաղ գոսանան: Եւ ամենայն տղայք, որոց կանխահաս է խոհեմութիւն, լինին կարճակեաց: Սերմանել կարի վազագոյն՝ յոլովակի խաբէ. բայց սերմանել կարի անագան՝ միշտ խաբէ: Ըուտափոյթ խորհուրդ երեմն ոչ յաջողէ 'ի բարի. բայց կարի յամը խորհրդոց միշտ ձախող են ելք: Ճուր երկնից արդասաւորէ յոյժ, զի բաժանորդ է յաւերժական ինչ զօրութեան. ջուրք երկրաւորք ձգեն յիւրեանս զյուռի որակութիւնս երկրի: Ի դժուարին ձեռնարկս պարտ է հայցել զօդնութիւնն երկնային. զի օգնութիւնք մարդկան են օգտախընդիրք անձանց վասն որոյ և դժրողք: Վայրենի տնկոց պտուղք են տափակք. բայց պատուաստիւք ազնիւ ուռոյ՝ փոխեալ զբնութիւնն՝ քաղցրանան: Եւ տունք յաղատոհմութիւնն խոնարհեալք և աղոխացեալք, աղնուական ամուսնութեամբ դառնան 'ի բարետոհմութիւն: Լաւ են պատուաստք նմանւոյն 'ի նման, քան 'ի տունկ տարազքի: Բարեբաստ են ամաւանութիւնք և բարեկամութիւնք 'ի մէջ հաւասարից, քան 'ի մէջ անհաւասարից: Ի նաւարկութեան արուեստէ քաղէ խոհեմն այսպիսի իմաստ: Պարտ է քաջի նաւապետի ակնարկել ստէպ յաշխարհացոյց, և դիտել թէ ընդ որով բեկուաւ և ընդ որով աստիճանաւ և ընդ որով շնչմամբ հողմոյ իցեն իւր ընթացք. առ 'ի խորշել 'ի ժայռից, 'ի ցամաքաց, և 'ի ծովափանց լիսասակարաց: Եւ որ ձեռնարկէ 'ի դործ ինչ մեծ,

պարտ է այնպիսւոյն հայիլ՝ ի պարագայս տեղեաց, ժամանակաց և անձանց, առ զգուշանալոյ ի չար պատահարաց: Որում չէ հնար ընթանալ ամբողջ հողմով, ընթասցի կիսոյ կիսով. և որում չէ հնար ընթանալ հողմալից առաջաստիւ, պարզեցէ ի հողմը դդէմ: Ըստ սմին օրինակի, որ ոչ կարէ առնել՝ որչափ ինչ կամի, պարտ է նմա պատշաճել զկամն իւրում կարի: Չի լաւ է այնպիսւոյն յառաջ խաղալ աշխատութեամբ, քան ընդ կրունկն դառնալ վերջուութեամբ: Յառաջ քան զմբրիկն երեխն նշանք հմուտ նաւուղղի: Եւ յառաջ քան զձախող պատահարս երեխն ի բացուստ չար գուշակութիւնք քանի խոհեմի: Յորժամ երկու հողմք հակառակին՝ լինի փոթորիկ, որ ընկնու զիաւն: Եւ յորժամ երկու գործավարք հակառակին՝ ի վերայ գործոյ ինչ, վէճն յանկ ելանէ ի շահ երրորդին: Վտանգաւորագոյն փորձ նաւավարութեան է, դարձուցանել ընդդէմ հողմոյ զառագասան, ի գառնալ յետս: Եւ վտանգաւորագոյնն յառնելիս է փոխել զառաջագրութիւնն յետ յառաջադէմ լինելոյ գործոյն: Մագնիսն անցեալ քան զհասարակածն՝ իբրև այլ ոչ տեսանէ զմերս բեկո, անդէն վազվաղակի: շրջի ի հակակողման բեկո: Եւ շնորհընկան զրկեալ՝ ի շնորհաց, անդէն իսկ գառնայ յոխերիմ թշնամի այնմ յորոյ էր՝ ի շնորհս: Ըստ սմին օրինակի՝ ի ճարտարապետութենէ, ի դարբնութենէ և յայլ ամենայն արուեստից յինքն առարկանէ խոհեմն ուսուցչական իմաստս վասն բարոյական գործոց:

Բայց քան զսոսա ազգողագոյն են իմաստք, որք քաղին՝ ի կենդանի օրինակէ յաջող կամ ձախող դիստուածոց այլոց: Վասն այսորիկ որպէս՝ ի հայեցողական գիտութիւնս առաւել ազգու ձեռնարկութիւն է մակածութիւնն, նոյնպէս յառնելի իրս ազգողագոյն ձեռնարկութիւն է օրինակն: Բայց այն ինչ ընդ մեջ է սոցա, զի մակածութիւնն ոչ եզրակացուցանէ ինչ թէ ոչ ընդ թիւ մտանեն բազում գիտուածք. բայց յօրինակն մի միայն գիտուած եզրակացուցանէ. քանզի մարթ գոլով թէ ամենեցուն պատահիցէ որ միում միայնոյ պատահեաց, ի միոջէ լոկոյ գիտուածոյ՝ կազմի իմաստ հանրական. որոյ յաջողուած՝ զքեզ քաջալերէ, և որոյ ձախող ելք առնեն զքեզ զգուշաւոր. և երկաքանչիւրն առնեն զքեզ խոհեմ: Քսերքսէս ազքայ Պարսից առնէր պատահասութիւնն մեծ տիրել Եգիպտոսի: Խոհեմ Աթենացին արար խորհուրդ ընդ իւրոցն յօդնութիւն հասանել Եգիպտացւոց, այսուիկ և եթ օրինակաւ. Դարեհ արքայ Պարսից յետ առնըոյ զԵգիպտոս, վազվաղակի էանց յայսկոյս ծովու ի մեր ինաս: Զնոյն արացէ և այդ թագաւոր: Եթէ թողացուցանեմբ նմա զայս որս, Յունաստան կորհչելով կորհչցի: Վասն այսորիկ կուռնելիոս Տակիտոս եթաց նոր գպրոց քաղաքայնոց յիւր տա-

ըեգրութիւնս և 'ի պատմութիւնս, արարեալ 'ի վերայ իւրաքանչիւր գիպուածոց թէպէտ և պատահականաց խորին խորհրդածութիւնս։ Եւ առ 'ի քաղել ինչ ինչ օրինակ միայն 'ի Տիբերիոսէ անտի իւրմէ, ընթերցիր զառաջին վեց գիրս տարեգրութեանց, յորս բովանդակի ինքնակալութիւն այսր գոռոզի։ Անտանօր ուսուցանէ քեզ Տակիտոս, թէ որովք սկըզբամբք վարիցի իշխան ոք զգուշաւոր բայց չար։ Եւ թէ որովք սկզբամբք վարիլ ունիցի բարի ոք քաղաքացի ընդ այնպիսում իշխանի։ Եւ օրինակօք այլոց, որ չար և որ բարի, տանէ զքեզի խմաստուն։ Զի տռաքինութիւնն ուսեալ լինի եթէ յառաքինութենէ, և եթէ 'ի հակառակէ նորա. զայնը զհետ երթալով, և 'ի սմանէ խորշելով։ Խոհեմութիւնն է արուեստ ուղղելոյ զմիջոցս 'ի գիտեալ վախճան։ Եթէ վախճանն է արդար, խոհեմութիւնն է խոհեմութիւն. եթէ վախճանն է անիրաւ, խոհեմութիւնն է չարութիւն։ Խոհեմութիւնն է գիւրագոյն, զի գնայ ընդ հարթյատակ ճանապարհ. չարութիւնն է գժուարագոյն, զի գնայ ընդ առապար։ Նմա պիտի անկեզծութիւն և առաքինութիւն. սմա կեզծիք և ապիրատութիւն. և այսպիսի էր չարայոյզ խոհեմութիւն Տիբերիոսի, որպէս եցոյց վախճանն։

Տիբերիոս որդի էր Կղոգիոսի 'Ներոնի, և Լիւիայ Տրուսիլլայ, որ ասկա եղե ծննդակտն, այլ անձնունդ կին Օգոստոսի 279։ Այս Տիբերիոս ընդ հայրենի անգթութեան լծորդեաց զմայրենի կեզծիս, ուստի և հնարեաց զայն խժդժական առած։ Որ ոչ գիտէ կեզծել, ոչ գիտէ թագաւորել։ Առեայր Լիւիա զքաջատոհմ զաւակ կեսարեանց, 'ի բարձրացուցանել յաթու զայս ամբարտաւան զածած կղոգեանց։ զի այն էր նորա իղձ, ըստ սովորութեան խորթ մարց։ Այսմ անձկացեալ և Տիբերիոս՝ խորհէր զբոամբ ածել զինքնակալութիւնն, որ բնաւորապէս անկ էր Ագրիպայ՝ առաջնոյ արքայազնի 'ի զարմէ Օգոստոսի։ Մայր և որդի յայն առած էին ապաստան, թէ Առ թագաւորել արժան է ցրել զամենայն օրէնս բնութեան և ազգաց։ Ունէր մայրն վաղեմի ինչ իշխեցողութիւն 'ի վերայ ծերակուափն, իշխեցողութեամբ զոր ունէր 'ի վերայ Օգոստոսի։ Ունէր և Տիբերիոս զտրիբունական իշխանութիւն, որով ահեղ էր նորա զօրութիւն. մինչև անհնար էր չինքնակալել նմա, որ զփականան ունէր 'ի ձեռին։ Ապա լծորդեալ զսորամանկութիւն աղուիսու ընդ անգթութեան առիւծու, լսեաց զմեռանիլ Օգոստոսի մինչեւ ցհրատարակիլ մահուն Ագրիպայ։ որ միայն էր մնացեալ 'ի թռուանց Օգոստոսի, որ և ահընկեց էր 'ի նա քան զթոռնորդիս. զի յանշնչացուցանել զմեծն յոսոիս, սրտաթափ առնէր զմանունս։ Բայց և այնպէս երդուաւ, թէ ոչ իւր էր հրամայեալ սուլանանել զԱգրիպաս. այլ սկալատականք ասէ,

կատարեցին զպատուէր Օգոստոսի մինչ 'ի հոգեվարս էր . դովին զայս առած ուսուցեալ նորոց յաջորդաց , Զապիրատութեանն մեղ արկաննել 'ի վերայ իւրեանց նախորդաց : Զըսպարտութիւն անհաւատալի , բայց եղեւ հաւատալի՝ յահէ այնորիկ որ կարող էր սպանանել զորս ոչն հաւատային : Ասկա իբրև առաջնոյ չարութեանն յաջողելով հորդեցաւ ճանապարհ առ այն ամենայն , ձեռնատութեամբ մօրն և ծերոց ծերակուտին որ կուսակից էին նորա , ջանացաւ զի ծերակոյտն ամենայն առաջի արասցէ նմա զինքնակալութիւնն 'ի չոռվլմ , մինչը գնդաց զօրաց ընծայեալ էր զայն Գերմանիկոսի 'ի Գերմանիա : Եւ զիարդ հնար էր ծերակուտին զլանալ նմա զայն պատիւ , որ 'ի պատրաստի ունէր սատակել զայնոսիկ ուք իշխէին խափան լինել այնմ . 'ի գործ արկեալ զբանաւորութիւն յառաջ քան զիշխանութիւն : Ասկա իւրաքանչիւր զհետ չոքան կեղծ կամաց նորա : Կամէր Տիբերիոս հաւատացուցանել ծերակուտին թէ ակամայ ընդունի զայն , որում տարփմամբ փափաքէր : Կամէր ծերակոյտն հաւատացուցանել Տիբերիոսի թէ յօժարամիտ ընծայէ , զոր զլանալ ոչ կարէր : Ասկա իբրև ծերակոյտն ամենայն 'ի ծունկս անկեալ ազաշէր զՏիբերիոս յանձն առնուլ զինքնակալութիւնն , որ 'ի գիրկս նորա էր ապաստան , ետ պատասխանի ակամայ մարդահաճութեանն կեղծ ցածութեամբ , 'ի յայտնել զգաղանի միստ ծերակուտին՝ զիւրն ծածկելով : Ոչ պատասխանէր նա երբէք մեկին , այս կամ ոչ . 'ի գործ արկեալ զբանաւորացն զառած , խօսա վարել երկդիմիս , ըստ պատասխանաւուութեանց գեղիեան պատգամախօսի , որոց ոչ իմացեալ լինէր միտ , բայց եթէ յետ 'ի գլուխ ելանելոյ գործոյն 'ի մեկնել նորա ըստ հաճոյս իւր : Վասն այսօրիկ պատասխանի ետ Տիբերիոս . Ուսոյ 'ի փորձոյ Օգոստոսի , քանի գժուարին իցէ մի միայն մաաց՝ վարել բովանդակ զծանրութիւն հոռվմէական ինքնակալութեան : Տես զի Տիբերիոս գժուարին կոչէ . այլ ոչ անհնարաւոր , զվարելն բովանդակ զինքնակալութիւն . և եթէ չառնու զայն յանձն , բայց և ոչ մերժէ . այլ թողուտեղի մեծ ևս աղաչանաց ծերակուտին . կամ յայտնագոյն ևս նշանաց ձախող կամաց նոցա , 'ի սպառապուռ սատակումն նոցին : Եւ արդարեւ Ասինիոս Գաղղոս , ծեր համարձակախօս , բայց անզգոյշ , կեղծաւորեալ յանձն՝ հաւատալ թէ Տիբերիոս անկեղծ խօսիցի , ասէ . Յքեղ հարցանեմ , կայսր , զոր մասն հասարակապետութեան՝ կամք են քո զի տացաւք քեզ : Տիբերիոս յետ Երկիւղադին ինչ լոռութեան՝ քաղցրութեամբ ետ պատասխանի . Ոչ հասանէ ինձ ընարել կամ մերժել ըզմանն , որ զամենայն անձկամ թօթափել յանձնէ : Յայնժամ ծանեաւ Ասինիոս թէ այնու հարցմամբ եղ 'ի կշիռ զիեանս իւր . որսէս իսկ եղեւ : Ուր Տակիտոս կերպարանէ զայս ա-

ռած. Չիք ինչ այնպէս վտանգաւոր, որպէս թեակոխել ի-
մանալ զմիտս իշխանի: Այլ մասնին, զոր կամէր Տիբերիոս, էր
այն զի ինքնիշխան հրամայել՝ իւր իցէ. իսկ ծերակոյտն զյանձ-
նեալն յիւրմէ ծառայաբար կատարեսցէ. զի ինքն միայն իցէ
առաջնորդ պանծալեաց, և ծերակոյտն անգթականաց: Այ-
սու օրինակաւ զբուամբ ածեալ զինքնակալութիւնն սկսաւ
հնարս հնարել նորոց եղեռնագործութեանց 'ի հաստատել
զայն. զի առած է հասարակաց, թէ Որով արուեստիւ ստա-
ցանի բռնաւորութիւնն, նովին և պահի: Երկնչէր 'ի գերմա-
նիկոս կեսարէ, վտան ամուսնութեանն ընդ Ագրիպայ՝ բա-
րեբաստիկ մօր աղայոցն կեսարեանց, բայց առաւել ևս վասն
քաջութեան նորա և մեծամեծ յաղթութեանցն 'ի գերմա-
նիա, որով սիրելի էր յաջս ժողովրդեան և զօրուն, և վասն
այնորիկ ատեայր զնա Տիբերիոս, թէպէտ և հայրագիր էր
նորա: Երկնչէր յերելի աւագանւոյն, զորս Օգոստոս 'ի
յիշատակագրի ուրեք համարէր բաւականս ինքնակալութեան.
Եթզ զի ահընկէց են չար իշխանաց արժանաւորքն իշխանու-
թեան: Երկնչէր 'ի յիշատակէ սոլանելոյն Ագրիպայ, որոյ
վտան ամենեքին ողբային և յոգւոց հանէին: Վտան այսորիկ
մի 'ի գերեաց Ագրիպայ, որ ամենեին նման էր նմա, առեալ
զանուն և զզգեստս մեռելոյ տեառն՝ մեծապէս յուսացոյց
զժողովուրդն, և երկեցոյց զՏիբերիոս. որ թէպէտ և քաջ
գիտէր զմահ Ագրիպայ, բայց և այնպէս ծանեաւ թէ կեանք
իւր չէին յապահովի: Երկնչէր և յիւրմէ խղճէ մտաց, գիտէ-
լով թէ Որ ատեայ, է ատելի. և որ կամի լինել ահընկէց,
լինի յերկեղի: Եւ վտան այնորիկ ոչ համարէր զանձն ապա-
հով թէ ոչ սատակէր զամենեսին զնոսա յորոց երկնչէր. ա-
ծեալ զմտաւ զայն առած, թէ իշխանի չէ պարտ լինել 'ի
միտս կասկածոտս: Աղա ձեռնարկեալ յայս երկար և դը-
ժուարին ձեռնարկ, պատրուակ արկանելոյ անգթութեանն
զարդարութիւնն, զամենայն հնարս հնարեցաւ զի երկեցուսցէ
զամենայն անմեղութիւն՝ միասապարտ: Առաջինն եղել վերս-
տին յարուցանել զթաղեալ օրէնո՞ որ 'ի վերայ մեղանչակա-
նաց առ իշխանս. բայց յոյժ առաւել անողորմ և սարսափե-
լի քան զնախնին: Զի առաջինն այն պատուհասէր միայն ըզ-
գործս, կամ թէ աւելի՝ զդրուածս նախատագիրս իշխանի.
թողեալ յաղատ հասարակապետութեան անդ զլեզուս ա-
զատս: Բայց այս նոր օրէնք պատուհաս 'ի վերայ կապէին
ամենայն երգիծանաց ակնարկութեանց և խորհրդոց: Ըստ
էր չգովել զնորա ապիրատութիւնս՝ 'ի լինել ապիրատ: Եւ
ևս, 'ի նախնումն օրինի էր տեղի ապաշխարութեան, աղեր-
սարկութեան և ներման. և պարտ էր իշխանի գեղ մատու-
ցանել չարաբանութեանց գործովք բարեաց: Բայց յայսմ,
միայն լուր դոյզն վրիպանաց էր յանցաւորութիւն անթողի

և մեծեղեռն։ Եւ 'ի կարկաչել անզուսպ ձայնի չարախօսաց՝ լուէր ամենայն պաշտպանութիւն ամբաստանելոյն։ Խզէին ամենայն կառք բարեկամութեան և ազգականութեան։ լինէր յաջս տոհմայնոց առ կենդանութեամբ զզուելի, և 'ի մահուն հայրենի գերեզմանաց անարժան։ զի մի կարծեսցի թէ հասարակաց իցէ յանցանիքն, որպէս գերեզմանն։ Յէտ այսորիկ ձեռն էարկ յայլ հնար՝ չար ևս քան զառաջինն։ Ելից բովանդակ զջուովմ և զամենայն դաւառս խորամանկ լրտեսօք, ոչ միայն ռամկայնովք՝ որք սիրողքն են վատանունութեան, այլև աղնուազգեօք որք թշնամիքն էին աղքատութեան և փառամոլք։ և ոչ ամօթ համարէին զայսպիսի անարդ սպասաւորութիւն։ տեսեալ թէ չամաչէր իշխանն պատուել զնոսա իւր օգնականս կոչելով, և ճոխացուցանէր զնոսա ընչիւք դատապարտելոց։ Վասն այսորիկ 'ի հաճել զմիտս բռնաւորին՝ ոչ միայն զրոյց բերելով, այլև բարուրանս բարդելով անամթաբար կատարէին երիս պաշտօնս, զլստեսաց, զամբաստանողաց և զվկայից։ Եւ քանզի արդելուին օրէնք՝ տանջանօք վկայութիւն առնուել 'ի ծառայից ընդդեմ տեարց, հաստատեաց Տիբերիոս նոր օրէնս, զի ամբաստանեալն վաճառեսց զծառայս իւր ամբաստանողին։ որպէս զի տանջանքն լիցին օրինաւոր։ Այսու օրինակաւ ահիւ պարանէր զամենեսին։ քանզի այնուհետև ոչ ոք վստահ էր 'ի ծառայս տան։ զի շատ էր ծառայական որտի յոյս վարձուն՝ առանց աանջանաց՝ 'ի լինել զբարտող։ Բայց մեծ քան զամենայն բռնաւորական հնարս եղել ընտրել նորա զոք բարեկամ կարի իմն մտերիմ և անօրէն յոյժ։ Եւ այն եղել Եղիոս Սէյխանոս։ մաերիմ յոյժ, վասն լինելոյ նորա ընկեր և մեզսակից Տիբերիոսի յաքսորանս հոռոդոսի։ և անօրէն յոյժ, զի ոչ կամէր լինել լաւքան զտէր իւր, որ նմա միայնոյ բանայր զդաղտնիս իւրոց խորհըրդոց։ Եբը զի իրագէտ գոլով նոցա գաղտնեաց վարուց միմեանց, ոչ բռնաւորն ամաչէր յայտնել սպասաւորին զիւր ամպարիշտ միտս, և ոչ սպասաւորն խղճէր 'ի կատար հասուցանել զնոսա։ Ապա էր սա գործեաց գործի 'ի նիւթել զնենդութիւնս, 'ի հենուլ զամբաստանութիւնս, 'ի գեղերեսել զզրպարտութիւնս, 'ի զգրդուել զծերակոյան առ ատելիս կամ կեղակարծս, և 'ի կատարել անողորմ զգաղտնի սպանութիւնս, կամ զյայտնի կոտորածս։ Այնպիսի էր երկաքանչիւրոցն արուեստ, որ բռնաւորն երեկէր միտեալ 'ի գթութիւն, և սպասաւորն 'ի վիրագութիւն, ցուցեալ զանձն առաւել նախանձախնդիր բարօրութեան իշխանին քան զնոյն ինքն իշխանն։ Վասն որոյ և ծերակոյտն մտադիւր շնորհակալութեամբ անսայր ակնարկութեան Սէյխանոսի, քան կենդանի բարբառոյ Տիբերիոսի։ Այսու նենդաւ Տիբերիոսի բարձան 'ի միջոյ ամենէքին նոքա, զորս 'ի մտի եղեալ էր նորա մատնել 'ի մահ։

ոմանք սրտվ, ոմանք թունով, որպէս և ոմանք՝ իւրեանց իսկ ձեռօք • քանզի տեսեալ զանձինս՝ անմեղս և անօդնականս, զբոնաւորն առանց ողորմութեան և առանց բարկութեան, զծերակոյտն առանց ազատութեան և առանց իրաւանց, լաւ համարեցան զմահ կամաւոր քան զմահ նախատական : Յետին ձիգն նորա եղե 'ի կենաց կարձել զնոյն ինքն, յոյր ձեռն հնարեցաւ 'ի կենաց կարձել զայլսն ամենայն . կարծելով վայելել իրեւ 'ի հանգէս ինչ եղերական, 'ի հոսել զնա 'ի բարձանց 'ի վայր : Գիտէր Տիբերիոս, թէ մի միայն ճանապարհ դահավէտ առնելոյ զԱյիանոս՝ էր մեծաշուք մեծարել զնա . զի փառամոլութիւն չունելով սահման, այնչափ վերաբերի 'ի բարձունս, մինչև անտես առնել և զանձն : Քանզի բաժանորդ լեալ էր Այիանոս ճախորդութեանց, եղե բաժանորդ և բարեբաստութեանց : Խշանութիւն առեալ գործակալութեան պրետորական գնդին, ոչ հանգեաւ, մինչև զամենեսին ամփոփեաց յիւր պալատ . զի կախեալ կայցեն զիւրմէ հրամանէ միայնոյ : Հոգաբարձու լեալ Դրուտոսի որդւոյ Տիբերիոսի, որում մնայր յաջորդ լինել ինքնակալութեան, ամուսնացոյց զդուստր իւր ընդ կղոդիոսի խշանի որ յաղդականութենէ Օդոստոսի, 'ի հաստատել զիւրն ակնկալութիւն . և անդէն զհետ ակնդի ամուսնանալ ընդ Ախիայ կնոջ Դրուտոսի : Մինչ չե ածեալ զնա կնութեան՝ շնացաւ ընդ նմա . զի արբուցեալ Դրուտոսի դեղ մահու, բացցէ ինքեան ճանապարհ ինքնակալելոյ . և ոչ ինչ դժուարին եղե հրապուրել զնա յայն անդութիւն, յետ կորուսանելոյ նորա զհամեստութիւն : Հուսկ ուրեմն իրեւ յայանեցան յայսմ յետնում նուագի՝ նորա ամենայն անօրէնութիւնք, որոց հասեալ 'ի ծագ ինքնին եկին 'ի յայտ, յանկ ել եղերերդութիւնն կոտորմամբ ամենայն զարմի նորա մինչև ցանմեղ ստնդիացս : Եւ յետ սակաւուց Տիբերիոսի իսկ եհաս օրհաս, ալաղակելով ամենայն ժողովրդեան . Տիբերիոս ընկեսցի 'ի Տիբերիս : Այսպէս իմաստք հիմնեալք 'ի խորամանկութիւնն և ոչ 'ի խոհեմութիւնն, ընդ ճանապարհ ընդ նոյն, որով կարծիւր լինել կանգնումն, առաջնորդեն 'ի կործանումն :

Վերջին աղբիւր խոհեմութեան է փորձ իւր : Բայց քանզի այս առածք՝ ըստ պէսպէս մասնաւոր դիպուածոց, որոց հնար է պատահել ամենայն մարդկան՝ են անբաւք, վասն այսորիկ պարտ է թողուլ զի խրաքանչիւր ոք արասցէ զայն իւրովք ճգամբք : Պատ է ասել ընդ հանրապէս, թէ ոչինչ այնպէս իմաստուն առնէ զմարդ, որպէս փորձն . զի ոչինչ լաւգոյն տպաւորի 'ի սիրտ քան զկոկիծ :

ԳԼՈՒԽ ԺԶ.

Յաղագս ներդործութեանց խոհեմութեան:

Հնդից ներդործութեանց պարտ է ընթացակից լինել առ գործողութիւն ինչ կատարելապէս խոհեմ: Առաջինն է կամաց . որոյ տենչացեալ առարկայի իմլիք պիտանացուի և բարւոյ առ մարդկային կեանս , շարժէ զմիտս 'ի գտանել միջոցս առ ստանալ զայն: Երկրորդն է մտաց . որոյ հնաղանդեալ կամաց՝ հետազոտէ բազում միջոցս , որոց հնար է պիտոյ լինել առ ստացումն աենչացեալ վախճանին: Երրորդն է նոյն պէս մտաց . որոյ քննեալ մի ըստ միոջէ զմիջոցս , և բաղդատեալ միմեանց , ընտրութիւն առնէ՝ թէ ո՞ր լաւ իցէ: Չորրորդն ևս է մտաց . որ զեկուցանէ կամաց , զոր համարեցաւն լաւագոյն , և յորդորէ զնա գիրկս արկանել այնմ: Հինգերորդն է միայնոյ կամաց . որ վասն զի յայր խոհեմ ենթադրի կարգաւորեալ՝ զհետ երթայ բարւոյ խորհրդոյ . և հրամայէ զայն գործադրիչ կարողութեանց:

Առաջին ներդործութիւնն սպատկանի ոչ խոհեմութեան , այլ արտնջականին , որում անկ է ըղձանալ համեստ իրաց , և խորշիլ 'ի հակառակաց: Մինչ զի խոհեմութիւնն ոչ թէ առաջադրէ զվախճան , այլ միայն խորհի զմիջոցաց՝ առ 'ի հասանել այնմ: Որպէս արդարակորով իշխան՝ 'ի մտի եղեալ մարտ դնել ընդ սահմանակցին , ժողովէ զսորհրդականս պատերազմի , ոչ առ հարցանելոյ խորհուրդ , եթէ պարտ իցէ յարուցանել զպատերազմ , այլ թէ ո՞ր ճանապարհ լաւ օգուտ իցէ 'ի յարուցանել զայն . սոյնպէս յայր խոհեմ՝ ուղիղ գոլով կամաց և մտաց , կամք ոչ առաջադրեն մտաց , բայց եթէ զուղիղս . վասն որոյ և միտք ոչ խորհին 'ի վերայ բարութեան վախճանին , այլ միայն զմիջոցաց: Եւ այս է պաշտօն խոհեմութեան , անուանեալ յԱրիստուելէ էւլուլիս , որ է բարեխոհեմ: Անհնար է խորհրդոյն լինել բարի , եթէ վախճանն է չար: Եւ թէ և միտք գտանիցեն կարի իմն նուրբ և զօրաւոր միջոցս առ հասանելոյ 'ի չար ինչ վախճան , չէ խորհրդածութիւն ճշմարիտ , այլ այլաբանեալ . ոչ է խոհեմութիւն , այլ չարութիւն . ոչ է էւլուլիս (բարեխոհութիւն) , այլ գագուլուլիս (չարախոհութիւն) . որպիսի է աւազակացն , որք խորհիցին թէ զիարդ կողոպտեսցեն զփարթամ ոք վաճառական: Եւ այսպիսի էր խոհեմութիւն Տիբերիոսի և Սէյիանոսի:

Ճշմարիտ բարեխոհութիւնն է ուղղութիւն մտաց 'ի հասանել բարիոք միջոցօք առ բարի ինչ վախճան: Եւ վասն այսո-

ըիկ հետազոտէ զբազում միջոցս և զամենայնն քննէ, առ ընտրելոյ զլաւն։ Ումանք 'ի բնէ վիճակեալ են այնպիսի երագութեան մտաց, որ յառաջադրիլ վախճանի ինչ, անդէն վաղվաղակի 'ի պատրաստի ունին միջոց իմն առ ստանալ զայն։ և յայնմ զկայ առնուն, և երբեմն հասանեն իսկ։ Այլ այդ չէ ճշմարիտ խոհեմութիւն. զի չէ ճշմարիտ խորհրդածութիւն։ Խոհեմն հայեցեալ 'ի վախճանն, 'ի խորհուրդ կոչէ զամենայն զիւր խոկմունս. հարցանէ իւրում մտերիմ յիշողութեան զնմանակ դիպուտածս. զի չիք ինչ որ ոչ լեալ իցէ յառաջ. հայի յօրինակս. քննէ, զինչ ընդ մէջ է նոցա. 'ի միտ առնուղ զանցեալ անցս. մտաբերէ յապագայս. խնդրէ միջոցս յաղըերաց անտի, ուստի խմաստասէրն խոյզ և խնդիր առնէ միջնորդ եղերաց հաւաքաբանութեանց, այսինքն է 'ի պատճառաց արարչականաց, նիւթականաց, տեսականաց, և յառնչականաց. հայի թէ սկիզբն գործողական, այսինքն զօրութիւնն գործելոյ իցէ 'ի նմա, թէ արտաքոյ նորա։ Վասն զի եթէ գործողական կարողութիւնն է 'ի կամս գործողին, այլ ինչ ոչ պիտի, բայց միայն իւր կամք։ Բայց թէ կախեալ կայցէ զայլմէ, որ կարող է օգնել կամ խափանել, հայի թէ զիարդ հնար իցէ բառնալ զխոչս և ստանալ օգնութիւնս. յորդորմամբք, թէ փողովք, թէ աղաչանօք, թէ սպառնալեօք, թէ բռնութեամբ։ Զի ոչ ոք խոհեմ խորհրդածէ, բայց եթէ զիրօք, որ յիւր ձեռս են. որպէս այլուր ասացաւ։ Բաց յայսմանէ հայի 'ի պարագայս տեղւոյ, ժամանակի և անձանց։ Քանզի յայտ է թէ այս ինչ միջոց յայն ինչ պարագայս լինի ազդու և օգտակար, որ յայլս լինէր ներհակ և մխասակար։ Եւ ուր պակասին մարդկային օգնութիւնք, պարտ է գիմել յաստուածայինսն։ Որպէս քաջ խմաստասէր գտանէ բազում միջնորդ եղերս 'ի ցուցանել զմի և նոյն եղբակացութիւն, սոյնպէս խոհեմն գտանէ բազում միջոցս առ որոշել զգործողութիւն ինչ. և զամենայն քննէ և կըռէ զգիւրութիւն և ըզհեաւակս նորուն. քանզի չիք ինչ այնպէս ամօթալի առն խոհեմի, որպէս ասել թէ զայդ չածի զմաւաւ։ Ոչ է պարտերելք խորհրդածութեանն լինել այնպէս երկար, մինչև 'ի խորհրդածել անդ՝ դիպողութեանն 'ի ձեռաց ելանել. զի որպէս ասացաք, կարի իմն շտապ յոլովակի խաբէ. բայց կարի իմն դանդաղանք միշտ խաբեն։ Զհուսկն ասացից. չէ խոհեմ խորհրդածութիւնն. թէպէտ և յաջողեսցէ գործն, եթէ յաջողել գործոյն չիք 'ի զօրութենէ խորհրդածութեան։ Որպէս չէ ճշմարիտ գիտութիւն եղբակացուցանել զճշմարիտ ինչ նախադասութիւն 'ի սուտ առաջարկութեանց, նոյնպէս չէ ճշմարիտ խոհեմութիւն հասանել 'ի դէմ եղեալ վախճան յետ անմիտ խորհրդածութեան։ Առաւել է գովելի յետ քաջի խորհրդածութեան՝ չհասանել 'ի վախճան, քան հա-

սանել՝ ի վախճան յետ չարացար խորհելոյ: Ի պաշարել Ա-
թենացւոց զՍպարացիս՝ ի կղզւոջ ուրեք, Նիկիաս քաջ զօ-
րադլուխ Աթենացւոց՝ թէպէտ և գուն գործէր ամենայն ի-
րօք, սակայն դեռ չէր յաղթեալ նոցա: Կղէովն երիտասարդ
յանդուգն անձնամատոյց եղեւ տիրել նոցա յաւուրս քսան:
Անժուժութիւն Աթենացւոց շըջեցաւ յանմառութիւն. առին
վաղվազակի զհրամանատարութիւնն ՚ի Նիկիասայ, և ետուն
Կղէովնի: Դէպ եղեւ զի յայնմ պահու Սպարացիք, որք ՚ի
նեղելոյ Նիկիասայ՝ յոգիս էին ապաստան, հաստատեցին ՚ի
միտս տալ զկղզին Աթենացւոց. և արարին այնպէս: Ճողո-
վուրդն մեծաբարբառ գովէր զկղէովն. այլ ծերակոյտն շնորհ
ունէր Նիկիասայ, գիտելով թէ յաղթութիւնն էր ՚ի խոհե-
մութենէ նորա՝ թէպէտ և յանձանօթէ, և ոչ ՚ի յանդգնու-
թենէ Կղէովնի՝ թէպէտե յաջողելոյ:

Բայց չեն ինչ պարծանք գիտել գտանել միջոցս յոլովս և
օդակարս առ վախճան, յորժամ չգիտիցէ ոք գատել՝ որ
իցէ միջոց ճահողագոյն: Ապա այս գատումն, զոր Արիստո-
տել կոչէ զինեսիս, այսինքն հանճար, կամ հաստատուն վը-
ճիս, է այն յոյր սակս այր խոհեմ կոչի զգօն և անյօղդողդ և
քաջասիրտ յառնելի իրս: Այս, բազումք են Ճոխք ՚ի գիւտս
և ՚ի միջոցս. բայց տարտամ յամենայնի ՚ի նօսա, նմանեալ
գրաստու, որ զմէշն ունելով զերկուց պարկաց հաճարոյ, զոր
բարձեալ ունէր յերկոցունց կողմանց, կայր՝ ՚ի միջի նդողեալ:
Բայց ճշմարիտ խոհեմն առատ է ՚ի գտանել, և անսայթաք ՚ի
գատել և հաստատուն ՚ի գատումն իւր: Զի քաջ խորհեցաւ
և քաջ գատեաց. ոչ կարէ փոխել զիւր կարծիս, թէ ոչ փո-
խին պարագայք: Բայց ՚ի փոխիլ պարագայից՝ չէ ամօթ փո-
խել զկարծիս. զի փոփոխութիւնն ոչ է ՚ի նմա, այլ՝ յառար-
կայն: Ապա զինեսիսն կամ հանճարն է ուղղութիւն մտաց,
որով խոհեմն ուղիղ գատէ զմիջոցաց, զորոց ուղիղ խորհե-
ցաւ: Որ եթէ այս գատումն համաձայնի օրինական արդարու-
թեան, կոչի զգօնութիւն. եթէ բնական արդարութեան,
կոչի գերզգօնութիւն:

Զըրրորդ ներգործութիւն խոհեմութեան համարի Արիս-
տոտէլ սեպհականագոյն խոհեմութեան. այն է կշռադա-
տեալ և հրամայողական ներգործութիւն ինչ մտաց, որ շար-
ժէ և դրդէ զկամս ձեռնարկել ՚ի միջոցն, զոր ինքն լաւ հա-
մարեցաւ. զի ՚ի գլուխ ելցէ գործն: Վասն զի և ՚ի գիտու-
թիւնս պահանջի հետազոտութիւնն միջնորդ եղերաց, և ուղ-
ղութիւն գատման յորոշել զլաւագոյնս, բայց ոչ է հարկ,
թէ իցէ հրաման ինչ մտաց. որպէս յառնելի իրս, ՚ի շարժել
զկամս: Բայց են և արգոյ խմաստասէրք, որոց բացասացեալ
զհրամայել մտաց, համարին զայս չորրորդ ներգործութիւն
մտաց ոչ պատշաճիլ խոհեմութեան. իբր զի կամաց միայն է

սեպհական , որպէս ազատ կարողութեան , լինել հրամայոցական : Վասն որոյ զայդ ներգործութիւն աւելորդ համարին խոհեմութեան . զի թուի նոցա թէ 'ի գնիլ հետազօտութեան միջոցաց , և հաստատուն դատման լաւագոյն միջոցի , առանց ինչ հրամայելոյ մտաց՝ կամքն հաճեալ ընդ վախճան և կանոնաւորեալ , գիմեր ազատորէն առ 'ի գործ դնել : Այլ Արիստոտէլ խորագոյն ևս նկատեալ թէ միտքն երևեցուցանէ կամաց զիւր որոշողական դատումն՝ որպէս ուղղութիւն և կանոն և օրէնք առնելեաց , որք են սեպհական ներգործութիւնք մը տաց՝ կարգեալք 'ի շարժել և 'ի դրգել զկամս , վասն այսորիկ կոչէ զայս երևեցուցումն հրաման մտաց : Ստոյդ է թէ լով հետև միտքն է կարողութիւն բնաւորապէս արարող , և կամքն կարողութիւն ազատ , հրամայելն մտաց ոչ է ազատ իբրև զհրամայել կամաց . մինչ զի միտքն ոչ կարէ չհրամայել կամաց , այլ կամքն կարող է չհնազանդիլ մտաց : Բայց յայր խոհեմ , քանզի միտք և կամք են ուղիղք , և կիրք են կարգաւորեալք , չեք ինչ որ ընդդէմ դառնայ ուղղութեան : Վասն այսորիկ որպէս առ հրաման կամաց , որ է առաջարկութիւն վախճանին , միտք 'ի խնդիր լինին միջոցաց , սոյնապէս առ հրաման մը տաց՝ որ է որոշեալ երևեցուցումն միջոցի , կամք գիմեն 'ի կատարումն : Մինչև հասարակաց հաւանութեամբ՝ կամաց շարժել զմիտս , և մտաց շարժել զկամս : Ի վերայ խորհրդածութեան և ընտրութեան լիով խօսեցաք յառաջին գիրս , 'ի ճառել զմարդկային ներգործութեանց :

ԳԼՈՒԽ ԺԷ .

Յաղագս անխոհեմուրեան և խորամանկուրեան :

Այս ինչ ընդ մէջ է անխոհեմի և խորամանկի , զի խորամանկին կամքն է աւեր , այլ միտքն առողջ . և անխոհեմին հնար է թէ կամքն իցէ առողջ . այլ միտքն է աւեր : Երկաքանչփորցն կիրք են անբարեկարգք . բայց անխոհեմն յայտնէ զնոսա սկարզմտութեամբ , իսկ խորամանկն ծածկէ կեղծեօք . և որպէս թէ իցէ առանց բարկութեան և առանց սիրոյ , 'ի ժամանակի յորժամ առաւել ամբոխեալ է նորա սիրտ՝ ցուցանէ երեսս զուարթս և խաղաղականս : Երկաքանչփորքն են մեծ մոլութիւն , զի հակադրին այնմ որ մեծն է յառաքինութիւնս . բայց անխոհեմութիւնն է առաւել ամօթալի , և խորամանկութիւնն առաւել լիսասակար : Խորամանկութիւնն առ տնխոհեմութեամբ երևի խոհեմութիւն . և անխոհեմութիւնն առ խորամանկութեամբ երևի անմեղութիւն : Խորամանկն իբրև

զԺիբերիոս՝ ունի խառնուած չոր և սկամաղձային, երես սուր, և կերպարանս զաղուիսու ծերոյ որպէս և զբարս։ Անխոհեմն իրքե զՎիտեղվիոս՝ ունի խառնուած զուարթաբարոյ, և դէմս պարարտս, ունելով ինչ նմանութիւն հայեցուածոյ և տիմարութեան եղին։ Խորամանկն է քաջափորձ, վասն կենցաղելոյ նորա ընդ բազում նենդաւորս, և վասն տեսանելոյ և ընթեռնլոյ և դիտելոյ նորա բազում ինչ. հաւաքեալ հանապազ զջար օրինակս, և մեկնեալ զամենայն՝ ի չար միտս։ Վասն որոյ կազմակերպեալ ՚ի միտս իւր սկզբունս և առածս ամբարիշտս՝ վնասակարս և անդթականս, թաքուցանէ զնոսա ՚ի սրտի իւշում, որպէս ՚ի մթերանոց գաւաճանութեանց և հնարից, զորոց ինքն միայն ունի զբանալի։ Զսորին հակառակն անխոհեմութիւնն ծնանի առաւելապէս ՚ի լինելոյն անփորձ, կամ ՚ի ընաւոր տիմարութենէ, որ պատճառէ ըզպարզմութիւն ինչ որ տփիտաց երեխ առաքինութիւն։ Բայց ՚ի յայտ գայ ՚ի գործոց զի խորամանկութիւնն դիտէ վնասելայլոց, բայց անխոհեմութիւնն վնասէ միայն անձին։


Առարկայ երկոցունց մոլութեանցս երեխ լինել նոյն ընդառարկայի խոհեմութեան, այսինքն է բարին մարդկային կենաց. բայց է ՚ի նոսա աննմանութիւն մեծ։ Խոհեմութիւնն հայի ՚ի ճշմարիտ բարին. այսինքն յօդտակարն՝ լծակցեալ ընդբանաւորի և ընդ առաքինութեան. զի ոչ է հնար, թէ լինիցի խոհեմութիւն՝ առանց առտքինութեան, և ոչ առաքինութիւն ինչ առանց խոհեմութեան։ Բայց անխոհեմութիւն և խորամանկութիւն հային միայն ՚ի մասնաւոր ինչ բարի, եթէ ճշմարիտ իցէ այն և եթէ առերեսոյթ։ Եթէ արդար և եթէ անիրաւ. միայն թէ բաղձանքն առաջի արասցէ զայն մտաց, ՚ի գտանել զեղանակ ստացութեան նորա։ Բայց յայսմ այլազգ առաջնորդի խորամանկն, և այլազգ անխոհեմն. զի անխոհեմն չունի այնչափ չարայոյզ միտս, մինչեւ ճանաչել զանիրաւութիւն առարկային։ շատ է նմա թէ առարկայն հաճոյ իցէ բաղձանաց։ Բայց խորամանկն ճանաչէ թէ չար է այն։ սակայն և այնպէս ջանայ ստանալ, միայն թէ իցէ նմա օդտակար։ Եւ ևս, անխոհեմն շատ խօսի, սակաւ խորհի։ ամենեցուն յայտնէ զնորհուրդ իւր, և ամենեցուն վատահանայ. զի պարզամիտ գոլով համարի զամենեսին իւր նման։ Բայց խորամանկն խօսի սակաւ, խորհի բազում. և ոչ ումեք վատահի։ զի զամենեսին համարի խորամանկս և խաբեբայս, և վասն այսորիկ ծածկէ զիւր դիտմունս. զայս ինչ կամեցեալ, կեղծաւորի կամիլ զներհակն. և ոչ ճանաչէ երբէք կամք նորա, բայց եթէ ՚ի գործոյն։ Անխոհեմն թէպէտ և եռանդագին անձուկ ունիցի առ առարկայն, ոչ ունի հանճար ՚ի խորհրդածել։ այլ զառաջին միջոց, որ ընդ առաջ լինի մտաց նորա, համարի լաւ. որպէս զպանդուխտ ոք, որ առ հասանել ՚ի քաղաք, ոչ

տեսանէ բայց զմի միայն ճանապարհ, որ բազում անգամ խաբէ, կամ 'ի չարանիւթից խցանի: Խոկ խորամանկն ճանաչէ զամենայն ճանապարհ, և զամենայն դժուարութիւնս. բայց ընտրէ զղարտուղին և զղանխուլն, և միայն թէ հասցէ իւրում վախճանի, ձեռնարկէ յամենայն միջոց եթէ յիրաւացի և եթէ յանիրաւ: Վասն այսորիկ անխոհեմն յամենայն դոյզն դժուարութենէ զանդիտեալ վասն լինելոյ նորա անակնկալ և յանկարծադէպ, ստրջանայ, կամ զտեղի առնու: Բայց խորամանկն որ ամենայնի է յառաջատես, զամենայնի հնարս հնարի. և թէպէտ և միջոցն իցէ ապիրատ, դժուարութեանն ապիրատութեան յաղթէ մեծ ևս ապիրատութեամք: Զհուսկըն ասացից. եթէ անխոհեմն և եթէ խորամանկն՝ ձեռնարկեն 'ի չար միջոցս վասն բարւոյ վախճանի. կամ 'ի բարի միջոցս վասն չար վախճանի. և կամ 'ի չար միջոցս վասն չարագոյն ևս վախճանի: Բայց անխոհեմն վասն անմառութեան, և խորամանկն վասն չարութեան: Վասն այսորիկ անխոհեմն չհառանէ երբէք իւրում վախճանի, բայց եթէ ըստ հանդիպման, ըստ որում բախտն երբեմն նպաստամատոյց լինի անմտաց և պակասամտաց: Բայց խորամանկն յոլովակի հասանէ այնմ, որում ըղձանայ. զի չարութեանն թէ և անմասն իցէ յառաքինութենէ, ոչ պակասի հանճար: Բայց թէ զարդարն խօսիցիմք, որովհետեւ խորամանկութիւնն իւրովք գործովք յայտնի է ամենեցուն և ատելի, և ամենայն չար գործոց զհետդան չարաչար հետևութիւնք, ուր ուրեմն պատահէ թէ յնպիսի չարարուեսան ոչ ըմբռնիցի իւրովք արուեստիւք: Եւ ուր անխոհեմն ամենայն ոք ախտակցի, ընդ վեաս խորամանկին ամենայն ոք խնդայ:



ԳՐԱԴԱՎՈՐԻ ԱՆԹԵԼՏԱՄԱՍԵՐԱՐԴ

ՅԱՂԱԳՍ ՄԱՐԴԿԱՅԻՆ ԿՐԻՑ ԵՒ ՅԱՂԱԳՍ
ՀԵՇՏՈՒԹԵԱՆ



Գ Լ Ո Ւ Խ Ա.

Պատճառ ձառիս :

ՅԵՇՏԱ քան զմիսիլ 'ի տրոհութիւն իւրաքանչիւր բարոյական առաքինութեանց, ըստ ընաւոր ոճոյ պիտէր նախակարգել իմաստս ինչ հանրականս, առ կարգաւ յառաջանալոյ 'ի մասնաւորս : Բայց Արիստոտէլ, որ միշտ հայի 'ի լուսաւորել զմիտս առանց խտողելոյ զմոտաց աչս, երեւցոյց 'ի սկզբան անդ աղօտանուազ նշոյլ, այսմ պահու պահեալ զկատարեալ հետազօտութիւնն, յորժամ աչք ականողաց կարողանային ժուժալ անաղօտ լուսոյ : Խօսեցաւ այո, 'ի սկզբան անդ զցանկութենէ . բայց չեցոյց թէ զինչ է հեշտութիւն՝ գլխաւոր առարկայ ցանկութեան . և ոչ թէ զինչ է ժոյժ և անժուժութիւն, որք տարօրինակ հային 'ի հեշտութիւն : Խօսեցաւ զզգայական բաղձանաց, որ վառարանն է կրից . բայց ոչ խօսեցաւ զթուոյ կրից . և ոչ զբարեկամութենէ, որ գեղեցիկ դուսար է գեղեցկագունին 'ի կիրս : Խօսեցաւ զառաքինութեանց և զմոլութեանց մասնաւորաց . բայց ոչ զդիւցազնական առաքինութենէ, որ դագաթն է ամենայն առաքինութեանց . և ոչ զգազանաբարոյութենէ, որ դիրտն է ամենայն մոլութեանց : Խօսեցաւ զերջանկութենէ . բայց անմարթ էր ճանաչել զգեղեցկութիւն երջանկութեան յառաջ . քան զգեղեցկութիւնս առաքինութեանց, որոց ծնունդ է նա : Արդքանզի զայսոքիւք նիւթովք՝ յիմաստասիրաց միջի ծագեն բազում և գժուարին երկբայութիւնք, որոց լուծումն այնպէս կարեոր է 'ի գիտել, որպէս զուարճալի 'ի հետազօտել, կամ է ինձ 'ի յաջորդ գիրս՝ զքո բարեբաստիկ հանճարոյ հաճել զմիտս, հետազօտեալ կարգաւ 'ի բարձրագոյն սկզբանց զիւրացդ ստուգութիւն :

ԳԼՈՒԽ Բ.

Յաղաց մարդկային կրից :

Չեղև ինչ անտեղի կարծիք Եմպեդոկլի, թէ աշխարհի բաղկացութիւն լեալ իցէ 'ի բարեկամութենէ և 'ի հակառաթենէ. զի չիք ինչ 'ի նմա, որ չունիցի զիւր ախորժակ. և ոչ ախորժակ ինչ որ չունիցի զիւր ընդդիմակ: Չիք ոսկի անկղկըղանք, և ոչ վարդ անփուշ. և ոչ 'ի փեթակէ քաղի մելք՝ անվտանգ 'ի խայթոցաց: Չիք ինչ բարի 'ի ստորինս, ոյր խնդրողն ոչ պատահիցի ինչ հակառակութիւն: Վասն այսորիկ բնաւոր տեսչութիւնն ամենայն չնչաւորաց և անշնչից՝ ետերկուս կարողութիւնս մի՛ ըղձանալ իւրում օդատակարի, և երկրորդ գիմակալել հակառակողի իւրոց ըղձանաց: Հրոյ ետսաստիկ թեթեռութիւն և սաստիկ վառումն. զայն՝ 'ի վերասլանալ յիւրն սիրելի կամար, որ պահէ զնա. և զայս՝ 'ի քակել զաշտարակս, զքարտժայուս և զլերինս, և զամենայն որ խոչ իցէ վերելից նորա: Առ այս երկու գործ՝ արբանեկեն, եթէ 'ի մարդիկ և եթէ յանասունս՝ այն երկու կարողութիւնք զգայական բաղձանաց, զորս ստէպ յիշատակեցաք. ցանկականն և ցասմնականն: Ցանկականն 'ի խնդրել զբարին, և 'ի փախչիլ 'ի չարէն: Ցասմնականն 'ի գիմակալել այնմ որ հակառակի իւրոց ըղձից և փախստեան: Մինչև ցանկականին լինել զինակիր և սպաշտան ցանկականին: Տեսքանի սրտնութեամբ ամենայն անասուն՝ կամ ատամամբք, կամ եղջերբք, կամ ճիրանօք, կամ այլովք զլինուք վտանկէ զլսափանարարն իւրոց հաճոյից: Այս զէնք են արտաքինք ցասմնականին: Ամենայն գազան զդրգուեալ՝ և ևս գազանանայ: Տես որպիսի սրտմտութեամբ այր զայրագին՝ ներքուսազնի կատաղանօք, և արտաքուստ ձեռն 'ի զէն արձակէ. գուայ, կրծտէ զատամունս, սպառնայ, արձակէ բոմբիւն 'ի կրծոց, բոց յաչաց և ծուխ յըռնդաց. այս են արտաքին յարձակմունք ներքնոյ ցասմնականին. որոյ հանդիսացեալ 'ի ձակատ մարտի, աւնու իւր կուսակից զցանկականն: Առա զգայական բաղձանքն է հրէշ երկերպարան, բաղկացեալ յերկուց հրէշից. մին բոլորովին խանդակալմ և հեզահամբոյր. միւսն գլխովին բարկացայտ և կռուարար, փակեալ 'ի մի սիրազերկուորեակ տարերս բարեկամութեան և հակառակութեան: Այլ զոր օրինակ ամենայն գլուխ հիդրայի շառաւի. զէր բաղմապատիկ գլուխս հրէշաւորս, սոյնպէս ցանկականն

և ցամանականն երկնեն այնչափ կիրս, որչափ են նոցա շարժ-
մունք զբարեաւ և զարաւ։ Եթէ յըմբռնողականէն առաջա-
դրի զգայական բաղձանաց առարկայ ինչ բարի, կամ կար-
ծեալ բարի, ծնանի ՚ի ցանկականն սէր։ ապա եթէ առար-
կայն է բացական, յառնէ յետ սիրոյ ցանկութիւն։ և թէ
ցանկութիւնն ունի զլրումն, զհետ գայ բերկրութիւն։ Եւ
զսորին հակառակն, եթէ առարկայն է տաղտկալի և չար,
ցանկականն շարժէ զատելութիւն։ և թէ առարկայն է բա-
ցական, զհետ գայ փախուստ։ իսկ թէ չիք հնար փախստի ՚ի
չարէն, անդէն ՚ի վերայ հասանէ ցաւագին տրամութիւն, որ
զմեզ հալէ և մաշէ։ Բայց թէ առաջեգեալ բարին է դժուա-
րին և խիստ վասն զիմադրութեան ինչ, եթէ ՚ի մտի դնէ
մարդ թէ կարող է յաղթել, ծնանի ՚ի ցամանականն յոյս։
եթէ ՚ի մտի դնէ թէ չէ կարող, ծնանի յուսահատութիւն։
Զսորին հակառակն եթէ չարն դժուարին է բացական, ծնա-
նի կամ ջեռեալ համարձակութիւն ունելոյ զայն ՚ի բացեայ,
կամ ցուրտ երկիւղ, եթէ վտանգն է մեծ քան զյոյս։ Բայց
եթէ չարն ՚ի վերայ հասեալ իցէ, ծնանի բարկութիւն ՚ի
խնդրել զվրէժ նորա, և կամ մեղկութիւն ՚ի համբերել այնմ։
բայց մեղկութիւն բնական, ոչ մոլեկան և ոչ առաքինական։
Արդ թէ կամիս տեսանել զՃիւղագրութիւն կրից, որպէս
տեսեր զառաքինութեանցն, աւասիկ քեզ։

Բ Ա Ղ Զ Ա Ն Ք Զ Գ Ա Յ Ա Ն

ՅԱՆԿԱԿԱՆ

ԶԲԱՐԵԱՒ ԵՒ ԶՀԱՐԵԱՒ

ՍՈՍԿԵՊԻՍ

ՅԱՍՄՆԱԿԱՆ

ԶԲԱՐԵԱՒ ԵՒ ԶՀԱՐԵԱՒ

ԴԺՈՒԱՐԵԱՒ

Աէր։ Ատելութիւն։
Ցանկութիւն։ Փախուստ։
Բերկրութիւն։ Ցաւ։

Յոյս։ Յուսէհտութիւն։
Հմրձակութիւն։ Երկիւղ։
Բարկութիւն։ Մեղկութիւն։

Քաջ գիտեմ, թէ ոմանք տաղտկացեալք ՚ի գեգերելոյ ՚ի
շաւիզս իմաստասիրաց, ուսուցին թէ չկայ կիրք աւելի քան
զմին, և այն է սէրն։ Ցանկութիւն, բերկրութիւն, յոյս, և
ևս առաւել՝ ատելութիւն, փախուստ, բարկութիւն, և եր-
կիւղ ոչ են, ասեն, այլ և այլ կիրք, այլ այլ գործք մի

և նոյն սիրոյ, որ փոխէ զանուանս և զկերպարանս, այլ ոչ
զէռութիւն։ Եւ թերես ճշմարիտ իցէ, զոր ասեն։ այլ ոչ նոր
ինչ, զի խաղալ կամին 'ի վերայ բառից։ Թէ դու սէր կամիցիս
կոչել զգայական բաղձանս, որ ոչ այլ ինչ է բայց ախորժակ
մարմնական, որպէս և ամենայն իսկ կիրք կոչին ախորժակք,
այո, հնար էր քեզ ասել՝ թէ ամենայն շարժմունք զգայա-
կան բաղձանաց են շարժմունք սիրոյ։ բայց շփոթէիր զեղերա՝
'ի ցուցանել զհանձար։

ԳԼՈՒԽ Գ.

Թէ ոչը բնականան կիրք։

Ի վերադաս աղիւսակէդ մարթիս իմանալ զանմիտ մոլո-
րութիւն քրիստոպոսի 280, թէ կիրք ընականան 'ի միտս։ 'ի
կոչել նորա զբերկրութիւնն կարծիք ինչ ներկայ բարւոյ, և
զցաւն կարծիք ինչ ներկայ չարի։ և ամենայն իսկ կիրք ըստ
նորա ոչ այլ ինչ են, բայց կարծիք։ Բայց որպէս եթէ դը-
տեալ էր նա 'ի ցուլ Փաղարեան, զցափ առնոյր արգեօք, թէ
ցաւք իցեն կարծիք, նոյնպէս իւր մոլորութիւնն ինքնին ստի։
զի մասց առարկայ է ճշմարիտն, և ոչ թէ բարին։ Մարթիս
ստել և զայնց ևս մոլորութիւնն, որք օթեցուցանեն զկիրս յի-
մացական բաղձանս, այսինքն 'ի կամս։ տեսեալ քո թէ բա-
զում անդամ կիրք յառաջեն քան զկամս, և բազում անդամ
հրամաց յաղթի 'ի հրամանէ յամառ կրից։ Սաոյդ է
թէ կամքն իսկ բաղձանք իմն դոլով և սա ևս ունի զիւր շարժ-
մունս սիրոյ և ատելութեան, ցանկութեան և փախտեան,
ուրախութեան և արտմութեան։ բայց քանզի է նա բաղձանք
ինչ իմացական և ոչ զգայական, շարժմունք իւր չեն զգայա-
կանք, այլ իմացականք։ նմանողք կրից, այլ ոչ կիրք։ 'Նա'
թէպէտ և երբեմն կտրող է նա կամ շարժել և կտմ մեղմել
զգայական կիրս իւրով քաղաքական, այլ ոչ տէրական իշխա-
նութեամբ, որպէս իսկ լուար, բայց և այնպէս՝ առ այս ծա-
ռայեցուցանէ զգայական բաղձանս, որ բազում անդամ ընդ-
դիմանայ։ Մինչ զի թէպէտ և կիրք են ընդ կամառ, այլ ոչ 'ի
կամս։ Ասլա յայտ է թէ զգայական կիրք օթին 'ի զգայական
բաղձանս, որոյ աթոռ է 'ի սրտի։ Եւ որպէս ուղեղն է դոր-
ծարան ըմբռնողական կարողութեանց, նոյնպէս սիրան է դոր-
ծարան բաղձողական կարողութեանց զգալեաց։ կամեցեալ
տեսչութեան զատանել զայտոսիկ անարդ դործատունս յաղ-
նուագունից։ Ասլա ոչ շարժին կիրք 'ի սրտի, թէ ոչ յառա-
ջէ 'ի դլուխն երևեցուցումն առարկայի, զի որպէս առանց

աչաց՝ սայթաք է ոռն, նոյնալէս առանց ըմբռնողականին՝ կոյր
է բաղձողականն: Ապա սիրտն անդրանիկ անդամոց և արմատ
կենաց, է միանդտմայն և գործարան բաղձանաց, և թարդ-
ման կրից և ախորժակաց՝ իւր ոքանչելի շարժմամբք: Ովկիա-
նոսի առւաւ՚ի բնութենէ սեպհական ինչ և կարդաւորեալ
հոսումն, որ կոչ աեղատութիւն և մակընթացութիւն: զի
կալով յերերի որակէս տղայ յօրոցի, յիւրում շարժման՚ի
քուն լիցի: բայց թէ 'ի ցրտասարսուո հողմոց հիւսիսոյ, և
'ի տապախառն հողմոց հարաւոյ յուղի, ոչ ևս կարացեալ
զուսպ կալ, է զի դայ և է զի դնայ, է զի յամուս վերանայ, և
է զի յանդունդս իջանէ: Կոյն տեսչութիւն ետ սրտի մշտնջե-
նաւոր իմն և բնաւոր շարժումն պատշաճող խտանուածոյ ան-
հատին, լայնեալ և կծկեալ բաղմօրինակ չափու, 'ի տուրեա-
ռութիւն շնչոյ և 'ի ծաւալել զկենսական ոգիս ընդ ամենայն
մարմինն: Բայց թէ յուղի նա 'ի հողմոց կրից, յայնժամ օտա-
րոտի լայնմամբ կամ կծկմամբ այլայլեալ զհամեմատութիւն
բնաւոր շարժմանն, այլայլէ զգգայարանս. և այնչափ են փո-
փոխութիւնք սրտի, որչափ և կրիցն: Եւ յայտ է թէ յառաջ
շարժի հոգին յառարկայէ, քան գործին 'ի հոգւոյ: Սա է
շարժումն բնական, և այն բարոյական: Տեսարան լիներ զուար-
ճալի եթէ ընդ ապակի ինչ 'ի կրծոց անտի հնար լիներ երեխել
շարժմանց սրտի՝ իբրև զժամացուցացն: Եթէ ըմբռնողականն
առաջի առնէ զառարկայ ինչ սիրելի, սիրան գլխովին խան-
դակաթ՝ յառաջ մատչի, և ընդարձակի գիրկս արկանել նմա:
Եւ թէ զառարկայ ինչ ատելի, սիրան գլխովին զզուանօք
կծկի, և որակէս թէ փախչի: Ի կարի իմն ուրախութեան,
կայթէ սիրան և ոսառստէ. և 'ի վիշտս ամփոփի, և լքեալ ե-
րեխի: Ի բարկութեան սիրան եռայ, և արիւն 'ի դուրս տայ.
և յերկիւղի սառի, և բաբախէ և գողայ: Փոքրիկ անդամ է
նաւի՝ զեակն. բայց ամենայն փոքրիկ շարժումն զեկի շարժէ
զմեծ զայն մեքենայ լայնատարր շրջանաւ յաջ և յահեակ:
Եւ ամենայն փոքրիկ շարժումն սրտի, որ կայ 'ի մէտն, պատ-
ճառէ 'ի շրջանակ մարդկային մարմնոց շարժմունս մեծամեծս:
Այն քաղցր ծիծաղ և անձուկ դրկախառնութիւնք պատա-
հելոյն սիրելոյ բարեկամի, այն երեսդարձութիւն և խոժո-
ռումն 'ի տեսանել զանհաճոյ ինչ կամ զզուելի, այն ծափիւն
ձեռաց և գոփիւն ոտից յուրախութեան, այն հեղութիւնք
և հառաջանք 'ի արամութեան, այն վասիլ երեսաց և շրջըր-
ջել աչաց և կրծել ատամանց 'ի բարկութեան, այն սառնա-
սառոյց դեղնութիւն և գողդոջումն անդամոց 'ի տագնապել
երկիւղի, առ հասարակ են արտաքին գործք ներքին շարժ-
մանց սրտի. որք փոքր են 'ի մէտն, այլ մեծամեծք 'ի շրջա-
նակն:

Ապա գեղեցիկ սահմանեաց Արիստոտէլ զկիրս այսակէս.

Կիրքն են շարժմունք զգայական բաղձանաց՝ ըմբռնմամբ բար-
ւոյ և չարի, հանդերձ մարմնական իմն փոփոխութեամբ 'ի
բնաւոր վիճակէ յանբնաւոր վիճակ : Ուր ունիս տեսանել
երկուս շարժմունս 'ի կիրս . մին բաղձանաց, որ այլայլէ զըլ-
գայական հոգի . միւսն սրաի, որ յայլայլել զինքն այլայլէ և
զմարմինն . վասն այսորիկ կիրք կոչին ամբոխմունք : Իսահմա-
նէ աստի առցես գու 'ի միտ, թէ որպէս երբեմն հոգին միով
ներքին պատերազմաւ պատերազմի, և պատերազմ կրէ ընդ-
դէմ իւր : Առաջին մարտն է 'ի մէջ զգայական բաղձանաց և
բանական բաղձանաց՝ շարժմամբ կրից 'ի սրաի, և բանին 'ի
միտս, գէմ ընդդէմ միմեանց յերկուս այլայլ թատրոնս :
Զայսպիսի մենամարտութիւն յանձին զգաց Օգոստինոս՝
տարտամութեամբ իւրեւ յերկծիղ Ճանապարհ Պռոդիկո-
սի 281 : Յինքն ձգէր զնա սէրն երկնաւոր . յինքն ձգէր և սէրն
երկրաւոր . մին զինեալ իմանալի բանիւք, միւսն զգալի ախոր-
ժակօք, բազսեցան 'ի միմեանս, և ինքն յերկուց կողմանց
կայր հարուածեալ : Ասէիր արդեօք, թէ յօգոստինոսի էին
երկու Օգոստինոսք, որոց մին կամէր, և միւսն ոչ կամէր պար-
կեշտանալ : Կամ թէ 'ի մի միայն Օգոստինոս էին երկու կամք,
մին պարկեշտ և միւսն անառակ : Յերկարեաց կռիւն, վասն
լինելոյ միոյ սիրոյ իմաստնագոյն, և միւսոյն բռնագոյն . և ոչ
արդեօք յանկ ելանէր, բայց եթէ ընդ կենաց, թէ շնորհն
երկնային չէր լեալ զօրավիգն սիրոյն երկնայինոյ, և գլաւահար
երկրայնոյն : Բայց յառաքեալն հեթանոսաց, որպէս նա ինքն
խոստովան լինի 282, տեեաց կռիւս որ 'ի մէջ բանի և զգայու-
թեան մինչ 'ի մահ, առ առաւելութիւն փառաց նորա :
Վասն զի յամենայնի յաղթական գտեալ բանին, հանապա-
զորդ մարտն եղե նմա հանապազորդ յաղթանակ : Երկրորդ
մարտն է միայն 'ի զգայական բաղձանս, մարտն ընդերաց և
սրաի . յորժամ յառաջադրիլ երկուց ներհակական առար-
կայից զգալեաց, պատերազմին 'ի թատրոն սրտի երկու ներ-
հական կիրք : Մարտայսպիսի գրգռեցաւ 'ի սիրո Մեդեայ 283,
'ի մէջ երկուց բռնագոյն կրից բարկութեան և սիրոյ : Վալա-
շնորհին Յասովին մերժեալ էր զՄեդիա, զի ածցէ կնութեան
զդուստր կրէովին : Կինն զայրագին հաստատեաց 'ի միտս ըս-
պանանել զզտւակսն, զորս ծնեալ էր 'ի Յասովին : Սիրէր
զտղայսն, զի էին իւր . ատեայր զնոսաս, զի էին Յասովին .
բարկութիւնն վանէր զսէր, և սէրն փոփոխակի վանէր զբար-
կութիւն : Աստի բորբոք բարկութեան, և անտի բորբոք սիրոյ .
բոց զբոց շիջուցանէր, և ինքն երկրումբք բորբոքիւր : Վազե-
ցին աստի և անտի ձեռն տալ յօդնականութիւն կողմանց այլ-
տմենայն կիրք : Կախանձաւորութիւնն ընդ սիրոյ, տաելու-
թիւնն ընդ բարկութեան զհասարակաց դատ վարէին : Մի
առ միով մարտնչէին՝ երկիւղն ընդդէմ համարձակութեան ,

համարձակութիւնն ընդդեմ յուսահատութեան, և յուսահատութիւնն ընդդեմ երկիւղի: Իբրև այնպէս 'ի վարանս երողորմելին 'ի բազմադեմ մենամարտութեանց աստի, ոչ պարտեալ և ոչ յաղթական, սիրող միանգամայն և թշնամի, ահաբեկ և խրոխա, աղեխորով և անդորով, հուսկ ուրեմն բարկութիւնն յաղթեաց սիրոյ: Ուշ եղետլ թէ այնուհետեւ չէ կին, մոռացաւ զլինել իւր մայր, խովսողեաց զանմեղան, վասն զի չէր ձեռնհաս խողխողել զդաւաճանն:

Գ Լ Ո Ւ Խ Պ .

Հարցուածք 'ի վերայ կրից :

Խնդրիցէ նախ քոյին զգուշաւոր հանձար. Եթէ բնութիւնն ոչ բազմացուցանէ զկարողութիւնս և զգործս վայրասլար, զի՞ է զի 'ի սկարդեւել մարդոյ զիմացական բաղձանս, յաւել 'ի վերայ որպէս մակդիր՝ զզգայականն, զոր Պղատոն կոչէ բազմագլուխ գազան: Պատասխանեմ, թէ վասն զի մարդն է բազագրեալ 'ի հոգւոյ և 'ի մարմնոյ, ալիտէին նմա երկու ըմբռնողական կարողութիւնք, մին հոգեղէն, և միւսն մարմնական. այսինքն միտք և երեւակայութիւն, զի ըստ եղանակի գոլոյ յերիւրի եղանակ գործելոյ. և այլեւայլ առարկայից պիտին այլեւայլ կարողութիւնք: Ուստի և ալիտէին երկու բաղձողական կարողութիւնք. մին հոգեղէն, և միւսն մարմնեղէն. այսինքն կամք համեմատ մտաց, և զգայական բաղձանք համեմատ երեւակայութեան. զի ըստ եղանակի ըմբռնուման յերիւրի եղանակ բաղձման: Վասն այսորիկ երբեմն ըմբռնումն մարմնական երեւցուցեալ զառարկայ ինչ պատշաճող մարմնոյ, և ըմբռնումն հոգեղէն երեւցուցեալ զառարկայ ինչ պատշաճող հոգւոյ, յարուցանեն զայն կոիւ 'ի մէջ հոգեոր և մարմնաւոր բաղձանաց, որ ոչ վերջանայ երբէք մինչև ցբաժանիլ հոգւոյ 'ի մարմնոյ:

Խնդրիցէս երկրորդ. Ի՞ւ տարբերիցին զգայական բաղձանք անքանից 'ի զգայական բաղձանաց մարդկան, և կիրք մարդկան 'ի կրից անասնոց: Պատասխանեմ. բաղձանք անասնոց հարկիւ զհետ երթան առարկային, և բաղձանք մարդկան ազատօրէն զհետ երթան առարկային, կամ բանին. առարկային կարող է շարժել զնա, բայց բանն կարող է զսպել: Վասն այսորիկ մարդկային կիրք բաժանորդ գոլով աղդեցութեան կամաց, կամ առաքինականք են և կամ մոլեկանք. բայց անասնային կրից ոչ է հնար լինել՝ ոչ առաքինական, և ոչ մոլեկան: Սոքա զհետ երթան ազդեցութեան բնութեան, որ

է անվրիպակ . նոքա զհետ երթան մարդկային կարծեաց , որ ներքոյ անկեալ է բազում վրիպանաց . և յոլովակի կուրացեալ 'ի նոյն խոկ կրից : Այլ է դատումն մարդոյ ախտակրի , և այլ խաղաղականի . վասն այսորիկ յԱղեքսանդրէ ցասուցելոյ բողոք լինի յատեան Աղեքսանդրի հանդարտելոյ 284 : Եւ վասն զի անասունք ոչ ըմբռնեն ոչ զբարի և ոչ զքար , բայց միայն զներկայն , կամ զփոքք մի բացական , սակաւ կրից են ներքոյ անկեալ . և թէ 'ի բաց առնուս զսէր կենաց և զզաւակաց , այլ ամենայն առարկայք անտարբեր են նոցա : Բայց մարդ յօրինէ իւր ցանկութիւնս և երկիւզս . գնայ 'ի խնդիր կարի իմն հեռաւորաց , կամ առելորդաց , և անբաւից , յոլովակի՝ և անհնարաւորաց : Մինչև տանջիլ նմա յանցելոյն և 'ի ներկայէն և յապատայէն , և 'ի ճշմարտէ և 'ի ստոյ . և տանջիչ է իւր ինքեան :

Ասիցես . կամէի գիտել յայտնագոյն ևս , թէ որպէս կտմք շարժեն զկիրս , և որպէս կիրք շարժեն զկամս : Կամք շարժեն զկիրս . զի բնաւոր կարգն պահանջէ , թէ վերնագոյնն հրամայեսցէ ստորագունին : Եւ զայս առնէ նա երկակի . կամ հրամայելով մտաց՝ առաջադրել զդայական բաղձանաց զայն առարկայս , որք շարժեն զկիրս : Եւ կամ հրամայելով իշխանաբար բաղձանաց , զի շարժեսցի 'ի յառաջեդեալ առարկայն . որպէս Ոդիսես հրամայէր իւրում սրտի չերկնչիլ յալէկոծութենէ , ըստ գրելոյ Հոմերոսի .

Ճուժեա սիրտ իմ համբերատար ,

Որ բռնագոյն չարեաց տարար :

Խոկ կիրք շարժեն զկամս , ոչ հրամայելով , զի ստորինն ոչ հրամայէ վերնագունին , և ոչ նիւթականն՝ հոգեղինին . այլ դիպուածով , կամ պատճառաբար : Դիպուածով , եթէ առարկայն այնպէս 'ի հրապոյրս ձգիցէ , զի կիրք յառաջեսցեն քան զկամս , և կամքն յառաջեսցէ քան զտրամաբանութիւն մտաց . մինչե շարժիլ կամաց յառաջ քան զուշաբերիլ : Խոկ պատճառաբար , յորժամ կիրք մթագնեն զմիտս , որպէս ասացաք . զի յայնժամ կոյր կուրի առաջնորդէ 'ի խորխորատ :

Խնդրիցես և ևս . Որո՞ց կրից դժուարագոյն իցէ յաղթել : Բարկութիւնն է բռնագոյն , բայց հեշտութիւնն կարի յամառ : Վասն զի բարկութիւնն է զայրոյթ հակառակ բնութեան և վասն այսորիկ սուզ . այլ հեշտութիւնն է քաղցր իմն քնափութիւն , որ յանոյշ քուն ըմբռնէ զզդայարանս . բայց դժուարաւ սթափի : Բարկութիւն գրգռեալ 'ի բանէ՝ բանիւ դիւրաւ զիջանի : Հեշտութիւնն բթացուցեալ զոյժ մտաց , ոչ անսայ բանիւ և ոչ յորդորանաց : Զհուսկն ասացից . բարկութիւնն է որպէս առիւծ , որ թէպէտ և գազանաբարոյ : կրթանօք ընտելանայ : Հեշտութիւնն է որպէս ձուկն , որ թէ-

պէտ և անմեղ է, ոչ շողոմութեամբ և ոչ ահարկութեամբ նուածի :

Հարցանիցես և ես . Եթէ յայր իմաստուն ունիցի՞ն զտեղի կիրք . քանզի ազդու երեխ այն ձեռնարկութիւն ստոյիկեանց , թէ կիրք են ամբոխմունք սրտի . ամբոխմունք են հիւանդութիւնք . սիրտ հիւանդագին չէ առողջ . առա՞ թէ չէ առողջ , չէ իմաստուն : Պատասխանեմ . կիրք ոչ են ամբոխմունք և ոչ ախտք սրտի , բայց միայն յորժամ չեն կանոնաւորեալք : Եւ զի յիմաստունն են կանոնաւորեալք , ոչ են ախտք և ոչ ամբոխմունք , այլ ճշմարիտ առաքինութիւնք : Ճշմարիտ իմաստութիւն է կանոնաւորեալ զկիրս : Բայց զիանդ զամբոխմունս հնար իցէ , ասես , կանոնաւորեալ : Պատասխանեմ . բանն կանոնաւորէ զնոսա կրկնակի . բնապէս , հրամայելով զգայական բաղձանաց և իւրում սրտի . որպէս ասացաւ : Եւ բարոյապէս , վերածեալ 'ի միջասահման , զոր օրինակ յիւրում տեղւոջ ասացաւ . այսինքն է խորչելով 'ի ծայրից , և չափմամբ պարագայից : Աէր և ատելութիւն են կիրք բնականք և անտարբերք : Լինին առաքինութիւնք , եթէ լինի սիրել և ատել զայն զոր արժան է , և որչափ արժան է , և որպէս արժան է : Լինին մոլութիւնք . յորժամ զանցանեն զշափովս . չափ է բանն , և բանն է յիմաստունն : Մինչ զի բարութիւն և չարութիւն ոչ են 'ի կիրտ , այլ 'ի գործածութեան կրից :

Տարակուսիցիս և ես , թէ զարմացումն և ծիծաղ 'ի համար մարդկային կրից իցեն . կամ առ ո՞ 'ի նոցանէ վերածիցին . իբր զի երկաքանչիւրն զգալապէս այլայլեն զմարդ . զարմացումն ընդարմացուցեալ զնա , 'ի զարմանալ նորա . և ծիծաղն ծաղածանակ արարեալ զնա , 'ի ծիծաղիլ նորուն : Զպատասխանին մարթ է առնուլ 'ի սահմանաց նոցին : Զարմացումն է ուշագիր յառումն մտաց 'ի նորանշան իմն առարկայ , զորոյ ոչ գիտելով զպատճառն՝ ոգին տարտամ , ըղձանայ գիտել զայն . և յայնու սուղ յափշտակութեան մարմինն ևս մնայ իբրև յանկարծ ապշութեամբ ընդարմացեալ , սալացեալ անշարժ և անբարբառ : Ուստի որ զարմանայն՝ բացագանցէ բարբառ այսականի . Մարթ ինչ իցէ այդմ լինել : Ճշմարիտ իցէ զոր տեսանեմն , թէ ցնորք ինչ իցեն : Ուր ունիս տեսանել , թէ զարմանքն չէ կիրք . զի ոչ է գործ զգայական բաղձանաց , այլ մտաց և կամաց : Տարտամութիւնն և զգիտութիւն ոլատճառին՝ հայի 'ի միաս : Իզն և խնդութիւնն ընդ գիտութիւն նորա՝ ոչ հայի 'ի զգայական բաղձանաց , այլ լիմացականն , որ է կամքն : Իսկ թէ զարմանքն այլայլէ զերեսս , այն չէ գործ կրից . այլ մտաց . որոյ զարմացումն զեղու և 'ի մարմինն , որպէս պատահէ յալշութեան : Եւ վասն այսորիկ զարմանք ոչ հիացուցանեն զանասունս , զի տեսանեն զգործս , և ոչ 'ի խընդիր են պատճառին : Իսկ ծիծաղն է բուռն շարժումն ինչ

ոգւոյ, նշանական ներքին խնդութեան վասն զուարթարար ինչ առարկայի՝ երևեցուցչի անցաւ իմն տղեղութեան։ Եւ շարժման ոգւոյն զհետ գայ շարժումն սրտի և կրծոց, որ ցնցէ զատոծանին և զմկանունս բերանոյ և աչաց։ Ուստի որ ծիծաղի, բացագանչէ բարբառ այսպիսի։ Ով հաճութեանս մեծի։ Բարե՛, այլ ոչ կարեմ ժուժալ։ Մահ է ինձ 'ի ծաղուէ։ Բայց յուշ լիցի քեզ, զի թէ տղեղութիւն առարկային է աղտեղի, և զգալի, շարժի նախ բաղձանքն զդայական, և կիրք անարդ խնդութեան, որ ձեւացուցանէ ծիծաղ ինչ ուժնդակ և տարապայման։ Այլ թէ տղեղութիւնն է խմանալի, որպէս 'ի զըոյցս նուրբս կամ երդիծականս և հանձարաւորս, շարժի նախ բաղձանքն իմացական։ և ծիծաղն է առաւել պայմանաւոր, վասն լինելոյն առաւել 'ի միաս քան 'ի զգայութիւնս։ Իսկ թէ առարկայն է խառն 'ի զգալուոյ և յիմանալուոյ, խառն լինի և ծիծաղն։

Ապա թէ կամիցիս գիտե՛ւ, զինչ կիրք իցէ այն՝ զոր արտաքին և սրբազն իմաստասէրք կոչեն ջանկութիւն։ Պատասխանեմ, է սա բառ բազմանշան։ Վասն զի ընդարձակապէս նշանակէ զամենայն զզգայական բաղձանս, բովանդակեալ զցասմնականն համայն և զցանկականն։ Նշանակէ զցանկականն և զկիրսն յօժարեցուցիչ սրտի առ հեշտութիւն, զորմէ՝ վասն զի նիւթ է ժուժկալութեան և անժուժկալութեան, յիրաւի է մեղ խօսիլ ընդարձակագոյն։

ՅԱՂԱԳՍ ՀԵԾՈՒԹԵԱՆ

Գ Լ Ո Ւ Խ Ա .

Յաղագս երկնակ ազգի հեղտուրեան։

ԱՅՍ այն է, որ յամենեցունց խնդրեալ, այլ 'ի սակաւուց ծանուցեալ, զգտիչս իւր յաւետ տխրեցուցանէ քան ուրախ սռնէ։ Եւ այս պատահէ վասն մարդկային ցանկութեան՝ խարեալ խարեբայի, որ անզդուշութեամբ ըմբռնէ զհեշտութիւն ինչ փոխանակ այլոյ։ Երկուս Ափրագիտս առասպելէին նախնի գիւցաբանք 285. մի երկնային՝ դուստր Դիոսի և լուսոյ, մայր առաքինական սիրոյ. և միւս դժոխային՝ դուստր

սանդարամետի և գիշերի, մայր մոլեկան սիրոյ հակամարտի: Չիք ինչ բարի առանց հակառակի, և ոչ հակառակ ինչ առանց վիճի: Երկաքանչիւրոցն յԱթէնս նուիրեցաւ մեհեան՝ պէսպէս զոհիւք. զի նա օգտեսցէ, և սա մի վնասեսցէ. յորմէ ծագեաց այն ճարտար զրոյց. թէ և չարաց դից պարտ է մատուցանել զոհս: Այս երկու Ափրոդիտք, որպէս մեկնէ մեզ Պղատոն, ոչ այլ ինչ են բայց երկու այլեւայլ հեշտութիւնք. մին ազնուական և տիրական, որ սեպհական է մարդոյ ըստ որում բանական. միւսն անարդ և ծառայական, որ հասարակ է անասնոց անբանից: 'Կա ծնեալ յերկինս, այսինքն 'ի բարձրագոյն մասն հոգւոյ, միշտ առաջնորդէ յերջանկութիւն. սա ծնեալ 'ի սանդարամետս զդայութեանց, յորժամ չիշխի յերկնայնոյն, առաջնորդէ 'ի թշուառ կեանս: Թէ յիշես դու զայն երկու աղջկունս երկճիղ ճանապարհին Պռոդիկոսի, այնպիսի երեսք են երկոցուն Ափրոդիտացս: Երկնային բամբիշն ցածուն, և ծանրութեամբ զարդարեալ, առաւելու 'ի ճշմարտութեան քան 'ի նանրութեան: Դժոխայինն պերճ և զուարթագին առ երեսս՝ սնապաճոյճ պլճնութեամբ, իբրև զվհուկն Կիրկէ, թէ զերծուն 'ի նմանէ զարտաքնայարդար կերպարանն և լուծանեն զկամարն, մնայ անպաճոյճ գժոխային ինչ ուրուական: Վասն այսորիկ անդոյշք, որպիսի են բազումք 'ի մարդկանէ, զստապատիր հեշտութիւնն է գլխաւոր վախճան բարոյականին, որ բովանդակ ամիոփեցաւ յայս իմաստ: 'Կա է առաքինի, ոյր բերկրութիւն և ախրութիւն է 'ի վերայ այնը, որ արժան է: 'Կա է մոլի, ոյր բերկրութիւն և ախրութիւն է 'ի վերայ այնը, որ չէ արժան: Արդ այս ծանօթութիւն կախեալ կայ զահմանէ, որպէս արդ լուիցէս:

ԳԼՈՒԽ Բ.

Թէ զինչ իցէ հեշտորիւնն:

Հեշտութիւնն է կատարելութիւն ինչ գործողութեանն, զոր համարի իւրաքանչիւր ոք պատշաճող անձին: Այս հռչակեալ սահման է ճեմականաց. որոյ մասունք՝ թէ քաջ մտաւին, բովանդակեն զամենայն զոր ինչ մարթ իցէ ասել 'ի նիւթայուչափ հաճելի, միանգամայն և վտանգաւոր:

Որովհետեւ կեալն է կարդեալ առ 'ի գործել, ընդհանուր

տեսչութիւնն համեմեաց զամենայն բնաւոր գործողութիւնս
մասնաւոր իմն բերկրանք , 'ի յորդոր գործելոյ . զի ովնչ կա-
րողութիւն մնայցէ անգործ յինքեան , և անալիտան աշխարհի :
Հաճութիւնն զոր զգան աչք՝ 'ի վայելել 'ի լոյս և 'ի զուար-
ճալի գոյնս , անուշութիւնն որ հեղու յունին զօդային մեղս
մեղեգեաց , և ամենայն փափկութիւնք այլոց արտաքին զգայա-
րանաց , ոչ այլ ինչ են , բայց անուշակ համեմունք բնաւոր
գործողութեանց : Բայց բաց 'ի հաճութենէ արտաքին զգայ-
ութեանց , հաճեալ է և երեակայականն ընդ իւր երեակայ-
մունս . և անրջական ճոխութիւնք իսկ՝ թէպէտ և սուտք , են
բերկրականք , զի են երեատկայեալք : Հաճ է և յիշողականն
ընդ անցեալ հաճոյս , առաջի արարեալ զնոսա յիշատակու-
թեամբ նոցին : Աս , որ ինչ դառն էր 'ի կրել , քաղցրանայ 'ի
յիշատակել զայն : Զի որպէս չունելութիւն բարւոյ մեծի՝ է
մեծ ինչ չար , նոյնպէս չունելութիւն մեծի չարի է մեծ ինչ
բարի : Հաճեալ է կամքն ընդ մարզութիւն իւրոց առաքինու-
թեանց , զի եթէ պառուղք իսկ չար ունակութեանց են քաղցր ,
և առաւել քաղցր են պառուղք առաքինական ունակութեանց :
Հաճեալ է միտքն ընդ արամաբանել , ընդ հրամայել և ընդ
ուսանիլ իւր , և ևս առաւել ընդ խորհիլ իւր զնորին խոր-
հուրդս երկնայնոց և ասառւածայնոց : Զի յերսիլ նմա , թէ
յափշտակեալ իցէ յերկինս , կամ յինքն կորզեալ զերկինս ,
վայելէ 'ի մահկանացուաց միջի յերջանկութիւն անմահից :
Արդ այս ամենայն համեմունք գործողութեանց զգայակա-
նաց կամ իմացականաց՝ կոչին վերջին կատարելութիւնք գոր-
ծողութեանց , և այն է հեշտութիւն :

Ապա ամենայն հեշտութիւնք բերկրալի առնեն զգործո-
ղութիւնս , բայց ոչ ամենայն գործողութիւնք են բերկրա-
կանք : Այնք են բերկրականք , որք ըմբռնին որպէս պատշա-
ճականք . և այս պատշաճողութիւն հաստատեալ է 'ի համե-
մատութիւն առարկային ընդ տրամադրութեան կարողու-
թեան : Առարկայից ոմանք բնաւորապէս պատշաճին ամենայն
մարդկան . ոմանք իւրաքանչիւր հասակի , ոմանք ասաիժանի
իւրաքանչիւրոց , և ոմանք այժմու տրամադրութեան , և ըստ
պիտելոյ իւրաքանչիւրոց . որպէս սովելոյն կերակուր , վաս-
տակելոյն հանգիստ , կալանաւորին ազատութիւն : Բայց ընդ-
հանրապէս ամենայն ինչ բազմալի՝ 'ի լնուլ զբազանս է բերկ-
րական : Վասն այսորիկ Պղատոնականք սահմանէին զհեշտու-
թիւնն լրումն պակասորդի . և զցաւն պակասօրդութիւն լըր-
ման : Մինչ զի թէպէտ և գործողութիւնքն իցեն մտաց , կամ
զգայութեանց ներքնոց , և կամ զգայութեանց արտաքնոց ,
հեշտութիւնն միշտ է 'ի բաղձանս : Հեշտութիւնք զգալիք 'ի
զգայական բաղձանս , այսինքն է 'ի կիրս . և հեշտութիւնք ի-
մանալիք յիմացական բաղձանս , այսինքն է 'ի կամս :

Մնայ արդ Ճանաչել, թէ որպէս հեշտութիւնն իցէ կատարելութիւն գործողութեան : Երկուս կատարելութիւնս ունի իւրաքանչիւր գործողութիւն բերկրական : Մի ներքին, և էական գործողութեանն . ըստ այնմ որ ամենայն գործողութիւն է կատարելութիւն գործողական կարողութեան, որպէս ամենայն պտուղ է կատարելութիւն արնկոյն, և ըստ այսմ ամենայն ներգործութիւն է կատարելութիւն ունակութեան : Այս է ներքին և էական կատարելութիւն գործողութեան : Երկրորդն է կատարելութիւն ինչ պատահական և արտաքին, ծագեալ 'ի բաղձանս (որպէս ասացաւ) 'ի պատշաճող գործողութենէ : Առաջին կատարելութիւնն է տեսակ ինչ, որ տարբերէ զէութիւն գործողութեան իրեք յէութենէ այլոյ . որպէս զտեսանել 'ի լսելոյ, կամ զտեսանել զայս ինչ առարկայ՝ 'ի տեսանելոյ զայլ առարկայ, քանզի յայտ է թէ տեսանել զծառ չէ տեսանել զդաղան : Բայց հեշտութիւնն է տեսակ ինչ եկամուտ, որ տարբերէ զհաճոյական գործողութիւնն յանհաճոյ գործողութենէ . կամ զհաճութիւն ինչ յայլմէ, իբր զի յայտ է թէ մի և նոյն գործողութիւն է զի հաճոյանայ միում և ոչ միւսում, վասն զի միում է պատշաճական, և միւսում ոչ . որպէս մի և նոյն կերակուր քաղցր է առողջի, և տաղուկալի հիւանդի : Ապա հեշտութիւնն է վերջին կատարելութիւն մարդկային գործողութեանց . զի յանկ հանէ նազարժմունս ոգւոյ, կարէ զթես սիրոյ և ցանկութեան, սպանանէ զյոյս և զերկիւղ, յաղթանակէ բարկութեան և ցաւոյ, և ստացութեամբ առաջակայ բարւոյն՝ ամենայն անհանգըտառութեանց տայ հանգիստ և գաղար : Ապա չորք իբք ընթացակցին 'ի հեշտութեան . Կարողութիւն, Առարկայ, Գործողութիւն, և Հաճութիւն : Կարողութիւնն է սկիզբն շարժեալ, առարկայն է սկիզբն շարժիչ, գործողութիւնն է շարժումն, հաճութիւնն է աւարտ : Գործողութիւնն է նիւթ, հաճութիւնն աեսակ, բայց տեսակ արտաքին և պատահական : Մինչ զի 'ի լինել կարողութեանն տրամադրագոյն, և առարկային ամոքագոյն, և գործողութեանն պատշաճողագոյն գործողին, հեշտութիւնն լինի քաղցրագոյն, և հանգարտագոյն 'ի հանգստեան : Բայց 'ի վեր քան զամենայն հարկաւոր է ըսբռնումն պատշաճողութեան . զի բաղձողական կարողութիւնք ոչ շարժին, բայց եթէ լուսով ըմբռնողականին . և առանց ըմբռնման առարկայք ցաւագինք ոչ ցաւեցուցանեն, և բերկրականք ոչ բերկրեցուցանեն : Եւ զսորին հակառակն, շատ է թէ իցէ ըմբռնումն, 'ի լինել բերկրականաց ցաւագին, և ցաւագնաց բերկրական : Բազումք են թշուառք, զի ոչ Ճանաչեն զիւրեանց երջանկութիւն . և բազումք են երջանիկք, զի ոչ Ճանաչեն զիւրեանց թշուառութիւն . մինչև կարծել

միում՝ ի փելսոփայից թէ երջանկութիւն և թշուառութիւն իցեն կարծիք։ Այնչափ երջանիկ էր աղքատն թրասիւզոս 286, որ կարծէր զինքն լինել թագաւոր։ որչափ թշուառ էր արքայն Դիոնեսիս, որ կարծէր հանապազ ունել սուսեր կախեալ՝ ի վերայ գլխոյ։

ԳԼՈՒԽ Գ.

Յաղագս հեղտորեան մարմնոյ և հոգոյ։

Հոդին է սկիզբն մարդկային գործողութեանց, և մարմինն է գործի հոգւոյ, որպէս այլուր ասացաւ։ Բայց անհնար է մարմնոյ լինել ըմբռն գործի, թէ չիցէ՝ ի նմա ընաւոր ինչ կազմութիւն պատշաճական։ Պիտի՝ ի մարդկային մարմնի կուռ ոսկերոտի, աղմաղմատեալ երակօք և շնչերակօք՝ ի ճառաղիս արեան և օգւոց, հասասատեալ բարեխառնութեամբ չորից հիւ թոց և չորից առաջնոց որակութեանց, յորոց ծագեն պէսպէս խառնուածք և՝ ի խառնուածոց անտի այլևայլ բնաւորութիւնք յիւրաքանչիւր անհատ։ Պիտին և՝ ի հոդին բազմօրինակ համեմատութիւնք կարողութեանց արագնոց և ներքնոց, կենսականաց և կենդանականաց, բաղձողականաց և իմացականաց, որք կազմ իցեն և պատրաստական առ իւրեանց անբանական և բանական գործողութիւնն։ Իւրաքանչիւր մասնիկ մարմնեղէն կտղմուածոյ թէ խախտի կամ այլայլի, բովանդակ բաղադրեալն զգայ զցաւ։ Նմին իրի անդամք ընդ թուով անկանին, այլ ցաւք նոցտ են անթուելի։ Ծառ մի՝ ի ծովեղեր թրակիոյ կարեալ յԵնէասայ եհան՝ ի վիրտց արիւն, և՝ ի կըտրօնոյ անտի հեծութիւն։ Զի եթէ բուսականք ունեին զգայութիւն, ցաւ լինէր ծառոյ զգալ թէ զրկի՝ ի մասնէ ինչ, որ ամբողջութեան իւրոյ կազմածոյ և աղատութեան իւրոց գործողութեանց էր պատշաճող։ Եւ բերկրութիւն լինէր նմա ծծել արգաւանդ հիւթս, ճապաղել ոստս, արձակել սաղարթս և բերել պտուղս։ Ըստ այսմ օրինակի՝ յորժամ մարմինն ունի զամենայն պատշաճեալս իւրոց բնաւոր գործողութեանց առանց ինչ խափանածոյ, բնութիւնն՝ ի նմա է կատարելասկէս արամտդրեալ, վասն որոյ և ուրախ։ Եւ զսորին հակառակն՝ այնչափ ցաւ է նմա և տրամութիւն, որչափ՝ ի բնաւոր վիճակէ այլայլի կամ խափանի։ Առա ոչ այլ ինչ է հեշտութիւն մարմնական, բայց կատարելութիւն ինչ գործողութեանց պատշաճականաց մարմնոյ, որպիսի են գործողութիւնք զգայութեանց արագնոց։ Եւ հեշտութիւնն հոգեոր

կատարելութիւն ինչ գործողութեանց պատշտճականաց հոգ-
ւոյ, որպիսի են խօսիլ, հրամայել և խոկալ: Այսպիսի է բերկ-
րութիւն զգօնամաց, որք հասանեն 'ի ճանաչումն գաղտնի
և նոր ինչ գիտողութեան: Այսպիսի եղե բերկրութիւն Ար-
քիմեդեայ, որում իբրև հրամայեցաւ 'ի Հերովնէ արքայէ
գտանել՝ քանի խառնուրդ օտար հրահալելոյ կայցէ 'ի պատկ
մի ոսկեղին՝ առանց հալելոյ զայն, գտեալ սորա զապացոյցն
ամանով ինչ ջրոյ, իբրև խելայեղ աղաղակէր 'ի խնդութենէ
եթէ գտի, գտի, որպէս թէ գտեալ էր մեծ ինչ գանձ: Այս-
պիսի եղե և բերկրութիւն Պիւթագորայ. որոյ գտեալ զհըռ-
չակաւոր զերկրաչափական ցոյցն, որ առ Եւկլիդեայ է երես-
ներորդ ութերորդն առաջին գրոց, զոհեաց Դիոսի հարիւր
զուարակս, որպէս թէ ստացեալ էր մեծ ինչ թագաւորու-
թիւն 287: Ապա այսու օրինակաւ՝ է հեշտութիւն, որ հաճէ
զբաղձանս զգայական, և է որ զիմացականն: Բայց միոյ հա-
ճոյք զեղուն 'ի միւսն. և թէ մին ախտակրէ, միւսն ախտակ-
ցի: Կարի գորովանօք սիրեն զմիմեանս այս երկու անբաժան
տմուսինք հոգի և մարմին. և 'ի լծակցութեան իւրեանց՝ հա-
սարակաց են նոցա բարիք և չարիք: Թէպէտ երբեմն՝ որպէս
պատահէ 'ի մէջ սիրելի լծակցաց, երեխն առ միմեանս խեթա-
հար, բայց և այնպէս՝ առ վայր մի է կոխւն, և երկար՝ հաշ-
տութիւնն, և սիրան է նոցա թարգման և միջնորդ հաշտու-
թեան: Մինչև հեշտութեան մարմնոյ յոլովակի ընկլուզանել
և 'ի մոռացօնս արկանել զոգի. և ուրախութեան ոդւոյ ցայ-
տել 'ի մարմինն, և փայլատակել յերեսո: Վասն այսորիկ ի-
մասնապէս ասացաւ թէ դիւրութիւնք մարմնոյ՝ դեղ են
ոդւոյ: Զի զոր օրինակ ցաւք, երկիւզ, անսուաղութիւն և
ախտք, 'ի չարչարել զմարմինն՝ ամբոխեն և խափանեն զոգի
յիւրոց աղնուական գործոց, նոյնպէս չափաւոր հաճոյք,
զուարթութիւնք ընդ խաղ, անոյշ կերակուրք և քաղցր հան-
գիստ, 'ի կաղդուրելն զոյժ մարմնոյ՝ զօրացուցանեն զզօրու-
թիւնս ոդւոյ: Թող զի հաճոյք մարմնոյ ունին իւրեանց կո-
պար. յոր իբրև լինի հասանել, խնդութիւնն յետս ընկրկեալ
փոխի 'ի տաղուկութիւն: Յորժամ որովայնն է յագեալ, ա-
նուշութիւն կերակրոյն փոխի 'ի զզուանս, և հաճոյքն լինին
տանջանք: Բայց բերկրութիւն մտաց չունի ինչ կէտ նպատա-
կի. որչափ առաւել ճարակէ, այնչափ առաւելու ախորժակ-
քաղցի. հնար է մարդոյ ուտել աւելի քան զքափն, այլ ոչ է
հնար գիտել աւելի քան զքափն: Ապա թէ երբեք հոգի՝ եր-
կասիրութեամբ մտաց խոնջի, խոնջութիւնն չէ հոգւոյն, այլ
մարմնոյն. զի արուեստաւորն է անձանձիր, այլ գործին ար-
կար: Յասացելոցս մարթ է քեզ դիւրաւ որոշել զերկեակ
տրոհմունս հեշտութեան: Ոմանք ինքեամբք ամենայնիւ են
բարի. զի ծագին 'ի գործողութեանց բնութեան բոլորովին

կատարելոյ, որպիսի են առաքինութիւնք և դիտութիւնք: Ոմանք են հեշտութիւնք, ոչ ամենայնիւ ինքեամբք բարի, այլ ըստ այնմ որ արբանեկեն 'ի կատարելագործել զբնութիւնն: որպէս դիւրութիւնք մարմնականք, որք 'ի բաց առնեն 'ի հոգւոյ զիսափանարարն բանաւոր և առաքինական գործողութեանց. և սոքա են դեղք հոգւոյ:

Արդ դիւրին լիցի քեզ որոշել զերկուս Ափրոդիտս, առ խմանալ ո՞ր իցէ երկնաւորն, և ո՞ր դժոխականն: Այսուհեաւ ոչ են մեր զբոյցք առ որոշելոյ զհեշտութիւն մարմնոյ 'ի հեշտութենէ ոգւոյ, այլ առ որոշելոյ զհեշտութիւնն մոլեկան յառաքինականէն: զի եթէ մարմնական և եթէ իմացական հեշտութեանց ոմանք են առաքինականք, և ոմանք մոլեկանք, ոմանք ճշմարիտք, և ոմանք սուտք: որպէս և լուիցես: Եւ արդ սահմանն է, որ ցրեալ զթովզութիւն և 'ի բաց արարեալ ըզպատրուակ հեշտութեանն ծալտելոյ՝ 'ի յայտ ածէ զնորապղծութիւնս և զգարշ տգեղութիւնս, և զհետեղաց նորանախատինս: Ապա մոլեկան հեշտութիւնն է սուտ զուարձութիւն ինչ ծագեալ յայնմ գործողութենէ, որ պատշաճական թուի միայն տրամադրեցելոյն առ մոլութիւն: որպէս արբեցութիւնն անժուժկալին: Ուստի և մոլեկան տիրութիւնն է ախտ ինչ ծագեալ յայնմ գործողութենէ, որ անպատշաճ թուի միայն տրամադրեցելոյն առ մոլութիւն: որպէս զգաստութիւնն անժուժկալին, և աշխատութիւնն ծուլին: Մի և նոյն ախտ է չարազգած կարողութեան, միտել 'ի չարն և փախչիլ 'ի բարւոյն: խնդալ ընդ մխասակարս, և խորշել յօգտակարաց: Սմին իրի որպէս մոլութիւնք և առաքինութիւնք զանազանին 'ի միմեանց պէսպիսութեամբ կարողութեանց և առարկայից, նոյնպէս մոլեկան հեշտութիւնն ընդհանրապէս բովանդակէ յինքեան զամենայն հեշտութիւնն ծնեալս յանկարգ կարողութիւնս 'ի մոլեկան առարկայից: Ուստի և առասական անուամբ հեշտասէրս կոչեմք զամենեսին զնոսա, որք զհետ երթան մոլեկան հեշտութեանց, և փախչին յառաքինական գործոց: զի չարայօժար բնութեան այնոքիկ են դիւրինք, և այսոքիկ դժուարինք: Արդ զոր օրինակ 'ի կարողութեանց ոմանք են զգալիք, և ոմանք իմանալիք: Նոյնպէս 'ի հեշտութեանց՝ որք թշնամիքն են առաքինութեան, ոմանք անկեալ գնին 'ի ստորայարկ զգայական մասին, և ոմանք 'ի գահաւանդ իմացականին: Բայց է միւս ևս ազգ միջնայարկեան, յորում կամ զգօնութիւնն զգաստացուցանէ զզգայութիւն, և կամ զգայութիւնն կուրացուցանէ զզգօնութիւն: Եւ բաց յայսմանէ՝ հեշտութիւնք ինչ են մոլեկանք վասն առարկային, որ յիւրմէ է ապօրինաւոր. և այլք վասն չափազանցութեան միայն, որ անցուցեալ զգործն յօրինաւորէ յապօրինաւոր փոխէ զգեղն 'ի մահադեղ:

Ապա 'ի մոլեկան հեշտութեանց ոմանք են անասնայինք, աղտեղիք, և ամօթականիք. և ոմանք փարազնականիք, հետաքննինք, և դրդականիք: Անասնայինք են այնք որք խնդրեն զանխութ տեղիս առ ապահովութեան և առ ամօթոյ: Ափրոդիտք այո՞ դժոխականիք, խաւարասէրք, և արժանիք թաղելոյ 'ի դժոխային խաւարի: Աւելի քան զդժոխականն եղեւ Արտաշէսինն, որոյ ազգապիղծ բազմակնութեամբ ածեալ կնութեան զերկուս զիւր դստերս, նախանձաբեկս արար զերկաքանչիւրն հարճիւք ըստ աւուրց տարւոյ, և եկամուտ յաւելուածովք ըստ ժամանթուի աւուր: Ապշեցան սանդարամետք, զի թագաւորն Մարաց ոչ ժուժեաց կեալ առանց այնչափ Ափրոդիտաց, մինչ պետն սանդարամետից շատացաւ միուլ միայնով: Ոչինչ նուազ անասնայինք և ամօթականիք են հեշտութիւնք շուայանութեան և արբեցութեան. որպիսի էր Աստիդամասայն, որ հրաւիրեալ յԱրիոբարզանայ արքայէ 'ի մեծապատրաստ հանդիսի կոչունս, անձամբ միայն լավլիզեաց զամենայն զոր հանդերձեալ էին ուտել կոչնականիք, և ցամաքեցոյց զամենայն կարասս: Ինքն միայն եղեւ կոչնական, իսկ այլքն ամենայն ակնկառոյց գետք, զարմացեալք թէ զեարդ մի միայն փոր զամենայն փորոց նոցա տարաւ զուտեստ: Այս հեշտութիւնք են անասնայինք և հիւթանիւթեայք, որք աւելազանցութեամբ օգտակարաց մարմնոյ այնպէս զնա յուացուցանեն, մինչեւ նոյն իսկ մեղաց լինել նմա պատուհաս:

Իսկ այլք են հեշտութիւնք նոյնպէս անասնայինք ըստ ըդգայական բազմանաց, այլ անծանօթք անասնոց: Զի են ճասկկութիւնք ջանահնարեալք 'ի մարդկային մասաւորութենէ, և վասն այնորիկ կոչին փարազնականիք: Եւ որ անձնատուր լինի 'ի սոսա, ոչ հեշտասէր կոչի, այլ գիրգ: Ծառայական մոլութեանն զեղսութեան սովոր է յաջորդել փարազնական մոլութիւն սլերճութեան, գալիք փափկութեան և դրդանաց ամենայն զգայարանաց: Մինչեւ նոցա ակարացուցանել զմարմինս. այլ սոցա ակարացուցանել զոդիս: Զիք մոլութիւնքան զայս գիրգ, բայց և չկը քան զայս բուռն յիդացուցանել զհուժկու արս: Զուր ջանահնար եղեւ տեսչութիւնն զբօսեցուցանել զաչս այնչափ գեղեցկադիտակ տեսարանօք, ծաղկազսրդութեամբ աստեղաց յերկինս, և աստղազարդութեամբ ծաղկանց 'ի դաշտ, և այնչափ պէսսպիսակ գեղովք, առ ամոքել 'ի սէր և 'ի զարմանս: Անցոյց զանցոյց Ոստիոս Լեբերտիոս գտանել գրդանս ընդվայրաքննինս և նախատս, 'ի զբօսեցուցանել զաչս իւր, ագուցեալ պէսսպէս հայելիս 'ի սենեակս իւրոց հաճոյից, 'ի փայփայել զանձն՝ ըստ Նարկիսոսի: Դոյզն և թարմատար գրդանիք թուէին թագաւորաց Ասորեստանեայց արբենալ քաղցր օշարակօք, թէ ոչ արբեցուցանէին և զականջս անառակ երդօք մերկ յուշկապարկաց:

Նա՝ առ առաւել՝ յանցաւորել զերաժշտութիւն, կտրէին ցաւագին կտրոցաւ զարուութիւն ազնուական տղայոց, զի՞ ՚ի ՚նրբածայն աւաչելոյ՝ երգեցիկք թուեսցին վարձակք։ Բայց վասն հոտուաելեաց ոչ շատ եղև Աւրուելի պրետորի Սիկիլիոյ նմանաբերել զբարս խոզի, զորոյ կրէր և զանուն, յորժամ ընկօղմնեալ ՚ի պատգարակ շրջէր ընդ գաւառն, որպէս խոզ ինչ մալեալ. եգիտ և դիւտ գրգանաց, կախեալ զռնդաց վանդակագործ քսակս վարդալիրս. գրգանք որ ոչինչ էին ճահողական ոնդաց անասնոյ տղմասիրի 288։ Բայց զանցոյց զսովաւ Աւրելիոս Անտոնիոս, որոյ գլխովին ուշ եգեալ բարեբաստել զռնդունս՝ լուղէր ՚ի տօթագին աւուրս ՚ի լիճինչ անուշահոտ ջուրց. և լուղեցուցանէր զըսյս ճրագաց ՚ի բաշասանի, զի և ծուխն լիցի ՚նմա խնկենի։ Քանի՞ Ղուկուղղոսք աշխատ եղեն զկնի ՚ի տալ ճաշակելեաց ճաշակ՝ օտարութիմն և անլուր համեմիւք։ Բայց չեղև ինչ անլուր օրինակ քան զԱնտոնիոսին և զկղէոսկատրայն։ Սոցա մեծագործութեամբ ընթրեաց անցեալ զանցեալ զամենեքումքը, որք գտող եղեն արուեստի՝ ոչ մերժելոյ, այլ զարթուցանելոյ զքաղց, ՚ի բաստ եկին ընդմիմեանս, թէ ո՛ կարող իցէ գտանել գրգանս մեծահարուստս, և գրգական մեծութիւնս ՚ի հրաւիրել զմիմեանս ՚ի կոչունս։ Այնչափ մեծածախ համագամս Ղուկուղղեան դողրոցի եգիտ Անտոնիոս, մինչև թուէր անյաղթելի։ Բայց պարտեցաւ յեգիպտական հանճարոյ. քանզի կորզեալ տարփածուի նորա Կղէոսկատրայ յիւրմէ ունկանէ մարդարիտ մի որ արժէր զթագաւորութիւնն, ետ ըմպել Անտոնիոսի՝ ողողեալ և համեմեալ. կամէր ողողանել և զզոգնորա, բայց Անտոնիոսի պարառութիւն խոստովանեալ, չթողացոյց։ Քանի՞ փափիկութիւնք հուսկ ուրեմն հնարեցան ՚ի նուազել զյեանորդ զդայութեանն տաղտկութիւն ՚ի նեղութենէ. աքսորեցան մաշկեայք և ասուիք, որք պաշտամանէին զմարմինս ՚ի պատահարաց օդոյ. սկսան քաղել զտերես ծառոց վասն մետաքսի. ծէծէլ զվուշ չոլանդիոյ, անկանել ոստայնս թափանցու և թէթէս, մինչև չկմանալ թէ մարմինն զգեցեալ ինչ իցէ թէ մերկ։ Ոչ կարեն գտանել քուն գիշերոյ՝ բայց ՚ի փափիուկ անկողինս, որոց տուընջենային աշխատութիւնք կակղէին արդեօք և զապառաժ քարինս։ Ոչ տոկան առանց հեծութեան, ոչ թէ ցաւոց վիրաց, այլ և ոչ չիթելոյ ճանճից. որ և զմի ՚ի հռովմէական կայսերաց արար ճանճորս 289։ Զհուսկն ասացից. ոչ զօրեն հանդուրժել այնու, որում ամենայն մարդոյ պարտ է հանդուրժել. ոչ ՚ի սակս անզօր և տկար խառնուածոյ, այլ ՚ի սակս մոլեկան ունակութեան, որ թուլամորթից զդոյզի տաղտկութիւն առնէ ծանրատաղտուկ։ Ի ցուցանել քաղց արքային Ահւսիմաքոսի գեսպանաց իդասիրի արքային Դեմետրի զսպիս ժանեաց առիւծու, յոյր վերայ ցասումն

Աղեքտանդրի զիա յարձակեցոյց, դեսպանքն ետուն պատասխանի. Դու ցուցանես մեղ զսպիս ժանեաց տռիւծու. և մեր թագաւոր ցուցցէ քեզ 'ի պարանոցի և 'ի բազուկո զսպիս ժանեաց յուշկապարկի : Եւ այն էր հարճ նորա սիրելի, Կամիա անուն որ թարգմանի յուշկապարկի :

Ամենեքին այսոքիկ են մոլեկան հեշտութիւնք ցանկականին. ամօթականիք հետամտին, քան վնասակարք օտարի : Բայց ահաւոր և երկիւզալի հեշտութիւնք են հեշտութիւնք ցանկականին : Ահընկէց են և այսօր ուշոյ յիշատակաց ցուլն գաղարեան, երիվարք բուսիրեան, առիւծք թէոդամասայ, ընկողինք Պրոկոստեայ, ընթրիք Աստէոսի, հերձիք ծառոց Սկինեսի 290 . և այլ մեքենայք հնարեալք 'ի մարդախոշոշ մարդկանէ . որոց քաղցր էր որպէս տղրկաց արիւն կենդանի, և որպէս ամենի գաղանաց գիշատութիւն մարդկային մարմնոց : Ծառ լիցի առաջի առնել զանդթութիւնն Աստրոբազայ, որոյ կուտակեալ 'ի վերայ պարսպաց Կարքեղոնի ակնյանդիման Ըստիոնի և հռովմէական զօրուն զամենայն հռովմայեցիս, զորս ունէր 'ի կալանս, իբրև 'ի խաղալկաց խնջոյս զուարձանայր յանձն, զի զմիոյ ուրուք բրէին զաչս, զայլոյ կտրէին զլեզու, զոմանս կարթակոտորս առնէին, և զոմանց կենդանւոյն զերծուին զմորթ, և զամենեսին բիւրազգի կտտանօք տանջեալ կախէին զպարսպաց : Տեսիլ երկակի հեշտալի խժաբարոյին, 'ի լսել նորա զհեծութիւն ականողաց և ականելոց . և 'ի տեսանել ասախ զհոսումն արտասուաց, և անտի արեան : Կման են այսոցիկ հեշտութիւնք չարախօսաց . իբր զի բղանեն 'ի մի և նոյն աղբերէ ցամմականին չարադործութիւն և չարաբանութիւն, որպէս այլուր ասացաք : Կարի անողորմ չարագործութիւն է սպանանել լեզուաւ քան սրով . և խոցել գրչաւ, քան նետիւ . զի մեծ կորուստ է կորուսանել զպատիւ քան զարիւն : Թող զի սպանողն վտանգելով իւրով սպանանէ զկենդանիս, այլ չարախօսն աներկեան սպանանէ և զմեռեալս : Բայց գոյզն և ծառայական հեշտութիւն բերէ անպահոյք և յայտնի չարաբանութիւնն . չարաչար ևս բերկրութիւն բերէ երգիծականն և հանձարաւորն : Որպէս բերու օծեալ ձիթով ուժդիագոյն մխի 'ի փայտ, նոյն պէս չարաբանութիւն համեմեալ սրտմառութեամբ խորագոյն խոցէ : Ոչ ախորժէր Մարտիալէս քերթող զլրոյցս նրբինս, թէ չէին կծանօղք : Զնոսա անոււանէր խիւսս տղայոց, և զսոսա կերակուրս տեարց : Աւստի գրի զնմանէ, թէ դիւրին էր նմա առնուլ 'ի բերան կայծ ինչ վառ, քան զրոյց ինչ չարախօս . և մտադիւր կորուսանէր զբարեկամ ոք, քան զմի 'ի զըւարճ խօսից : Են և այլ հեշտութիւնք մեծամեծք և մոլեկանք, որք գան կարծեօք յարտաքին բարեաց . որպէս երեխ յագահօ, ուք ըստ Պիգմաղիոնի 291 'ի մթերել զինչս միշտ են ընչայեղցք,

և 'ի փառամոլս՝ որ ըստ գետնառիւծոց կերակրեալք հողմով գովութեան և պատուոյ, միշտ են փքոցուռոյցք և սովեալք։ Յայսմ ագահական հեշտութենէ՝ ծնանի հեշտութիւն խաղացողաց, այս բերկրական վասն յուսոյ յաղթութեան և շահելոյ ինչ, այլ վնասակար ագահ խաղացողի։ որոյ յագահութենէ 'ի շռայլութիւն յեղեալ՝ վատնէ զինչս 'ի հետամտել սաացութեան։ և չքաւորէ զառնն առ հարստացուցանելոյ զնա։ Են և այլ ևս մոլեկան հեշտութիւնք իմացականք, որք ծնանին յանկարգ ցանկութենէ գիտելոյ։ որպէս մնապաշտական կամ կախարդական և սատանայական արուեստք, որոց լաւ ևս է չգիտութիւն քան գիտութիւն։ Եւ կամ ժամավաճառ դեգերանք ազատական արուեստից, որպէս վտանգաւոր բանաստեղծութիւնք, և գերասանական խաղարկութիւնք, վատնիչք ժամանակի և խանգարիչք բարի վարուց։ Զհուսկն ասացից, այն ամենայն որում ստորին կամ վերին բաղձանք ըղձանան աւելի քան զպիտոյն, կամ ընդդէմ բանի, բովանդակ է հեշտութիւն մոլեկան, և զսորին հակառակն, այն ամենայն որ բերկրեցուցանէ 'ի կոպար բանի, է հեշտութիւն առաքինական։

ԳԼՈՒԽ Դ.


Հարցուածք 'ի վերայ հեշտորեան։

Ի նախընթաց վարդապետութենէ զարթուցեալ՝ այլ ոչ լիով շատացեալ քո ուշիմ մտացդ, գուցէ նախ տուածին ցիս հարցանիցէ։ Ո՞ր հեշտութիւնք իցեն մեծագոյնք, հոգեորականք թէ մարմնականք։ Որում ընդհանրապէս աամ պատասխանի, թէ մարմնականք են մեծագոյնք հայելով 'ի զգայական բաղձանս. զի են առաւել զգալիք, և հոգեորականք են մեծագոյնք հայելով յիմացական բաղձանս, զի են առաւել իմանալիք։ Իւրաքանչիւրն հաճ է ընդ այն, զոր համարի պաշաճողագոյն ինքեան։ Բայց թէ ինդրի բացարձակ, ո՞րք իցեն մեծագոյնք, յայտ է թէ կարողութեանն կատարելագունի կատարելագոյն է գործողութիւն։ և գործողութեանն կատարելագոյն է հեշտութիւն։ վասն որոյ և մեծագոյն։ Այն զի հոգեորական հեշտութեանց ներքին գոլով և զգալեացն արտաքին, մարթ է ասել թէ զգալին է 'ի ներքո 'ի հեշտութեան, և հոգեորականն զհեշտութիւնն ներառնույինքեան։ Հարցանիցես և ևս։ Եթէ ճշմարիտ է այն սահման, բարին է՝ որում ամենեքեան բաղձան, զլ՛ է՝ զի ոչ ամենեքին ըղձանան առաքինական և իմանալի հեշտութեանց, այլ առա-

և լընկղմին՝ ի մարմնականու և՝ ի մոլեկանու։ Պատասխանեմ նախ, թէ թէպէտ ոչ ամենեքեան ըղձանան մի և նոյն հեշտութեան՝ ի տեսակի, սակայն ամենեքին ըղձանան նմին՝ ի սեռի. այսինքն, այնմ որ երեխ պատշաճական և բարի։ Զի ամենեցուն է բարի ոչ այն որ է բարի. այլ այն որ երեխ բարի։ Բայց բաց յայսմանէ՝ պարտ է հայիլ յայն, զի ընդհանութ ընութիւնն է աստուածական իմն. զի կախեալ կայ զառաջնոյ սկզբնէ որ է Աստուած. և ամենայն աստուածային դիմէ առ ևս բարեգոյնն և կատարեալն։ Վասն այսորիկ բնութիւնն միտեցուցանէ զամենեսին առ Ճշմարիտ և կատարեալ հեշտութիւնն, որ է երջանկութիւն. որ և հաստատեալ կայ յիմացական գործողութիւնն։ Բայց որպէս յառաջն ասացի, անզգուշաւոր միտք տարտամեալ՝ ի խնդիր նորա, ըմբռնեն այլ ընդ այլոյ։ Բայց ասիցես. Զի՞ է, զի զգալի հեշտութիւնք վաղվաղակի գան՝ ի յափրութիւն. և որ մեծապէս էր հաճոյ՝ լինի մեծապէս անհաճոյ։ Պատասխանեմ, թէ զգալի հեշտութիւնք ծնանին՝ իրից. և զի կիրք են բուռն բերմունք վայրկենականք հաստատեալք՝ ի բաղձողականն և ոչ՝ ի բանաւորականն, ընդ դադարել բուռն բերմանն դադարէ և բերկրութիւնն։ Նմին իրի առարկայք առ որս եռանգնաշարժ է տարփումն, վաղագոյն լինին ատելի։ Բայց զիարդ գէթ խմանալի բերկրութիւնք ոչ հանասղաղորդեն. և զիարդ ուսումն և խոկումն մշտնջենաւորաց ոչ մշտնջենաւորեն՝ ի միտս զհաճութիւն իւրեանց։ Պատասխանեմ, թէ առարկայ ինչ էապէս կատարեալ, և կատարելապէս ըմբռնեալ կապէ զմիտս և զկամս մշտնջենաւոր կապանօք։ Որ նկատէ զԱստուած գէմ յանդիման լուսով փառաց, անհնար է թէ յագեսցի երբէք։ Բայց որ նկատէ լուսով գիտութեան, հնար է այնպիսւոյն զգալ յագուրդ վասն երկուց։ Մի զի մարմնեղէն կազմուածն, որ արբանեկէ մտաց,՝ ի գործել անդ իւրում վաստակի։ որպէս խարտոց՝ ի մաշել զերկաթ ինքն ևս մաշի։ Եւ երկրորդ, զի այլ ինչ առարկայ առաւել ստիպող կամ բերկրական լինի յանդիման. և ինքն անձկանօք և ևս գիտելոյ, թողու զայն որոյ էր՝ ի խնդիր. որպէս որսորդ շունք փախուցեալ զմի յէրէոց վաղեն յայլ։ Վասն այսորիկ պէսպիսութիւն բնաւորապէս է հաճոյական, վասն անյագ գոլոյ զդայութեան առ առնուլ զփորձ, և մտաց առ խմանալ զնորանորս։ Եւ վասն զի նորոց իրաց առաւել մտադիր է միտք մարդկան, այնչափ առաւելու բերկրութիւնն, որչափ առաւելու մտադրութիւնն։ Կամիցիս գուցէ գիտել և զայն, թէ երկու մեծամեծ՝ բայց բոլորովին տարբեր հեշտութիւնք՝ լինիցին միահաղոյն՝ ի միում ժամանակի։ Պատասխանեմ. ստոյգ է թէ որ յառեալ զմայլեալ իցէ՝ ի քաղցրանուագ ինչ եղանակութիւն, այնպիսւոյն չէ հնար հաւասարապէս միտ դնել միանգամայն՝ ի հայիլ և

՚ի զմայլել չափակցութեամբ քերուք ինչ նկարու : Վասն զի որովէս գործողութիւն ինչ խափանէ զայլ, նոյնալէս հեշտութիւն միոյ գործողութեան խափանէ զհեշտութիւն այլոյ գործողութեան . գէթ չժողացուցանէ լինել ՚ի հաւասար աստիճանի : Վասն այսորիկ ասացաւ, թէ ՚ի հարկանել թրակացւոյ նուագածուին Որփէոսի զքաղցրանուագ զիւր կիթառ, մուանային անդեայք զարօտս, թուչունք զբոյնս և մարդիկ զիւրեանց գործս, յայն համաձայնութիւն լարից քաղցրութեամբ յափշտակեալք և անշարժ կապեալք : Որոյ պատճառն է, զի որպէս ամենայն բնական արարօղք, նոյնալէս ամենայն մարդկային կարողութիւնք ձգին ցորոշ ինչ կոպար ներգործականութեան, յորմէ և անդր ոչ գործեն, կամ տկար գործեն : Եւ վասն այսորիկ սր ուշ դնել գործոյ ինչ, ոչ կարէ միանգամայն ուշ դնել այլում գործոյ : Եւ յայսմանէ մարթիս քեզէն լուծանել զայս միւս ևս խնդիր, թէ էր աղագաւ վաղանց թուիցի ժամանակին այնմ որ ՚ի վայելս իցէ, և երկար այնմ որ ՚ի վիշտո իցէ : Կոյն է պատճառն : Իբր զի բերկրութիւնն այնալէս ընկընու զմիտս այնորիկ որ ՚ի վայելս իցէ, մինչ զի ոչինչ ուշ եղեալ նորա յաջորդական աւողութեան ժամանակի, միակցէ զառաջին վայրկեանն ընդ յեանոյն, որպէս որ ՚ի քուն իցէ . վասն այսորիկ յերկարաւոր ինչ ժամ թուի նմարութէ : Եւ զսորին հակառակն, որ ՚ի ցաւս է և ՚ի վիշտո, ոչ այլ իմիք ըղձանալով, որպէս հասանելոյ ՚ի վերջ, չտփէ զամենայն բոսկէս, և ամենայն բոսկէ թուի նմա գար : Վասն այսորիկ նշան մեծ՝ լինելոյ ուրուք կատարեալ յիւրում արաւեստի՝ է այն յորժամ ընդերկար աշխատի նա և չիմանայ . վասն զի, որպէս լուար, ունակութիւնն առնէ զերիս զայսոսիկ օգուտ . զի տայ պատաղել զգործով բերկրանօք, դիւրութեամբ, և ընդերկար : Յայսմանէ իմանաս և ևս թէ զիարդ յոյժ առաւել բերկրեցուցանն քերթածք ոգեշարժք, որպէս եղերերդականք և գորովականք, քան զատենաթանական և զվարդապետական ձառս : Պատճառ այն է, զի ոգեշարժիքը մեծապէս շարժեն զկիրս վասն զգալի իմն համակրութեան ՚ի մէջ ախորժակին և տռարկային . և ՚ի շարժիլ զգայութեան ազդողագոյն գործէ երեակայութիւնն, և վտան այսորիկ առաւել զմայլի քան ՚ի խօսս սոսկատէս մատաւորականս : Եւ ևս, կարողութիւնք իմացականք վասն զի վարեն ՚ի պէտս ըղգործարանս գիրգս, դիւրագոյն խանջին : Այն զի իմանալի խօսք միանգամայն հաճոյանան, զի լիով հաճեն զմիտս . բայց ոգեշարժք կրկին և կրկին լսելութեամբ կամ ընթերցմամբ՝ միշտ բերկրեցուցանն . զի բաղձանքն չշատանայ երեկք : Խնդրիցէս հուսկ ուրեմն . Երդեօք մարդիկ սիրիցէն զկեանս վասն հեշտութեան, թէ զհեշտութիւն վասն կենաց : Պատասխանեմ, կարի դժուարին է որոշել զսէր կենաց ՚ի սի-

րոյ հեշտութեան։ Զի որովհետև կեանք հաստատեալ են 'ի գործողութեան, և ոչ այլ ինչ է հեշտութիւն, բայց կատարելութիւն ինչ գործողութեան, ոչ է հնար սիրել զմին առանց միւսոյ։ Սակայն և այնպէս երեխ թէ առաւելալէս սիրելի իցեն կեանք քան զհեշտութիւն։ զի որովհետև հեշտութիւնն հանդիսա իմն է բազմանաց 'ի պատշաճական գործողութեան, ինձ թուլի թէ ցանկութեանն պատշաճական գործողութեան պարտ է յառաջել քան զցանկութիւնն հանդըստեան։ Բայց և խոստովանելի է թէ ոմանք 'ի մարդկանէ սիրեն զհեշտութիւն առաւել քան զկեանս, և ոմանք զկեանս առաւել քան զհեշտութիւն։ Վասն այսորիկ ոմանք առ չհանդուրժելոյ ցաւոց կամ վատանունութեան, սպանանենի զանձինս։ Եւ կամ առ վայելելոյ 'ի հաճոյս մարմնոյ, որպիսի են վավաշականք, կամ 'ի հաճոյս սրտի, որպիսի են փառք, բարձի թողի առնեն զկեանս, զթիթուանն ասելով։ Միայն թէ 'ի լոյս վայելեսցեն իմ աչք, թող այրեսցին փետուրք։ Իսկ այլք զսորին հակառակն հանդուրժեն հարուածոց և տանջանաց, կամ վատանունութեան և անարդ ծառայութեան, միայն թէ կեցցեն։ Որոյ այն է պատճառ, զի որովհետև իւրաքանչիւր ոք զայն համարի լաւ, զոր համարի առաւել պատշաճական, ոմանք ըմբռնեն զայն պատշաճականութիւնն 'ի կեանս, և այլք 'ի կատարումն հաճոյից իւրեանց։ Բայց այր առաքինի, յաչ որոյ չկը ինչ յարգի բայց միայն համեստն, առաւել պատշաճական համարի զհամեսառութիւնն առանց կենաց, քան ըղկեանս առանց համեստութեան։



ԳԻՒՅԻ ԻՆՍԵՒՏԱՄՆԵՐՈՐԴ

ՅԱՂԱԳՍ ԺՈՒԺԿԱԼՈՒԹԵԱՆ
ԵՒ ՅԱՂԱԳՍ ԴԻՒՑԱԶՆԱԿԱՆ ԱՌԱՔԻՆՈՒԹԵԱՆ



Գ Լ Ո Ւ Խ Ա .

Թէ զինչ իցէ ժումկալորիւն :

Լ ուսը բաղում անգամ, թէ բան և բաղձանք են երկու սկզբունք մարդկային առնելութեանց : Ասել բաղձանք է ասել ցանկութիւն . է ասել կիրք ցանկականին և ցասմնականին, է ասել սէր հեշտութեան, և փախուստ 'ի ցաւոց : Եւ այսմ հակադրի անկրութիւն կամ անզգայութիւն և թմբութիւն : Ասել բան է ասել միտք լուսաւորեալ յունակութենէ բնական սկզբանց, որ է արանջականն կամ խիզք մտաց . է ասել համաձայնութիւն ընդ աստուածային կանոնի յորմէ յառաջ գան ամենայն օրէնք : Եւ այսմ բանի հակադրի չարութիւն կամ տգիտութիւն : Թէսպէտ և բանն միտէ 'ի համեստն, և բաղձանքն 'ի բերկրականն, բայց և այնպէս յոլովակի միաբանին ընդ միմեանս և յոլովակի տարածայնին : Յորժամ բանն է կանոնաւորեալ, և բաղձանքն կանոնաւոր, երկաքանչիւրն միաբանին 'ի բարին . և անտի ծնանին գեղեցիկ և կատարեալ առաքինութիւնք, որք ցուցան քեզ 'ի նախընթաց գիրս : Յորժամ ոչ բանն է կանոնաւորեալ, և ոչ բաղձանքն կանոնաւոր, երկաքանչիւրն միաբանին 'ի չարն . և յայնուանէ ծնանին տգեղ մոլութիւնք՝ այնց հակառակ.ք : Յորժամ բանն է կանոնաւորեալ, բայց բաղձանքն անկանոն, յառնէ 'ի նոսա տարածայնութիւն և վէճ, և որ զօրագոյնն է յաղթէ : Վասն այսորիկ եթէ բանն զօրանայ քան զբաղձանս, ծնանի ժուժկալութիւն . բայց եթէ բաղձանքն զօրանայ քան զբանն, ծնանի անժուժկալութիւն : Ապա ժուժկալութիւնն է առաքինութիւն ինչ հոգւոյ, որով կանոնաւորեալ բանն սանձէ զանկանոն բաղձանս հեշտութեան : Իսկ անժուժկալութիւնն է մոլութիւն ինչ հոգւոյ, որով բանն թէսպէտն կանոնաւո-

րեալ՝ զառածանի և յափշտակի յանկանոն բաղձանաց երթալ զհետ հեշտութեան։ Մինչ զի յանժուժկալութեան ցանկութիւնն է ուժգնագոյն քան զբանն, և 'ի ժուժկալութեան բանն է ուժգնագոյն քան զցանկութիւն։ զի յաղթեալն է տկարագոյն քան զյաղթողն։

Յասացելոց աստի մարթիս իմանալնախ առաջին թէ ժուժկալութիւնն է առաքինութիւնն ինչ անկատար։ զի 'ի կատարեալ առաքինութիւնս եթէ բանն և եթէ կիրք են կանոնաւորեալք և միաբանք։ բայց 'ի ժուժկալութեան ցանկութիւնն դեռ մարտնչի ընդ բանին։ թէպէտ և հուսկ ուրեմն գայ 'ի պարագութիւն։ Ուստի և անժուժկալութիւնն է մոլութիւնն ըստ իրաց ինչ անկատար։ զի թէպէտ բաղձանքն է տկար և անզօր, բայց դատումն է բանաւոր և ողջամիտ։ Եւ ևս մարթիս իմանալ զտարբերութիւնն որ 'ի մէջ ժուժկալութեան և բարեխառնութեան։ Վասն զի 'ի բարեխառնն ուղիղ է բանն, և ուղիղ բաղձանքն։ բայց 'ի ժուժկալի բանն է ուղիղ, այլ բաղձանքն դեռ ըմբոստ։ Մինչ զի բազումք են ժուժկալք, բայց սակաւք բարեխառնք։ Եւ առ լաւ ևս իմանալ զայս, յուշ լիցի քեզ զոր լուարն 'ի ճառս բարեխառնութեան։ այսինքն թէ ընդ մէջ գործողութեանց անբանից և անբարեխառն մարդկան այս է խախր, զի յառաջադրիլ բերկրական ինչ առարկայի, անբանն առանց ինչ տրամաբանութեան բնաւորապէս յայն ընթանայ, որպէս քարն 'ի կեդրոն։ բայց անբարեխառնն կազմէ 'ի սրտի տրամաբանութիւնն ինչ առժամեան ըստ օրինակի գործողական և եղական հաւաքաբանութեան, այսպէս։

Ամենայն բերկրական է բաղձալի։

Այս առարկայ է բերկրական։

Ապա ուրեմն է բաղձալի։

Արդ քաջ տեսանես, թէ մեծագոյնդ այդպէս ընդհանուր և անկոպար է սկիզբն ինչ զեղծ դատման և թիւրեալ բանի։ Նմին իրի, եթէ զգալի ըմբռնողականն յառաջադրիլ բերկրական առարկայի՝ առնէ զփոքրագոյնն, այնուհետեւ թիւր ցանկութիւնն անբարբառ, բայց գործադրաբար, եղակացուցանէ 'ի կողմն հեշտութեան, դիմեալ արագ դիրկս արկանել զնովաւ։ Վասն զի 'ի միաբանիլ թիւր բանին ընդ թիւր բաղձանաց, այնուհետեւ առանց ինչ խափանածոյ բնաւորապէս զհետ գայ թիւր գործն։ Այլ անժուժկալն, յորում բաղձանքն է զեղծ, այլ ոչ զեղծ է դատումն, ոչ ընդունի 'ի միտս իւր զայն ընդհանուր սկիզբն, այլ ամփոփէ զնա և կոպարաւորէ բանիւ այսպէս։ բերկրականն է բաղձալի, միայն թէ իցէ

Համեստ : Բայց Եթէ ըմբռնողականն, յառաջադրիլ նմա հրապուրողական ինչ առարկայի կազմէ զփոքրագոյնն հաւաքարանութեան, իսկ այս ինչ է բերկրական, անդէն անժուժ կալն առանց զկայ առնլոյ յայնմ դատողական կոպարի, թողու հրապուրանօք յափշտակիլ յանկարգ բաղձանաց առ անբանաւորն հեշտութիւն : Բայց ժուժկալն՝ թէպէտ և չունի բարեկարգ բաղձանս, սակայն և այնպէս կացեալ հաստատուն յիւր սկիզբն կոպարաւորեալ 'ի բանէ, բուռն առնէ ցանկութեան, թէպէտ և միտեալ իցէ նա 'ի չարն և ըմբռստ, զի մի զանցանիցէ զկոպարաւ համեստութեան : Վասն այսորիկ անժուժկալն է առաւել ախտակցելի քան զանբարեխառնն զի ըստ ամենայն դատաստանաց՝ յանցանք որք գործին բորբոքեալ կրիւք, համարին առաւել արժանի ախտակցութեան : Եւ յայտ է թէ անբարեխառնն մեղանչէ կամաւոր ընտրութեամբ, և այս է չարութիւն . այլ անժուժկալն մեղանչէ 'ի թափոյ կրից : Վասն զի 'ի նմա բաղձանք հովուութեամբ զառածանին 'ի մատաց, 'ի սմա միտք ջերաջերմ վարին 'ի հրատապ բաղձանաց : Յորմէ զհետ գայ և այս ես, զի անժուժկալն դիւրաւ ուղղի քան զանբարեխառնն, զի 'ի նմա շատ է ուղղել զապականեալ բաղձանս . բայց յանբարեխառնն ապականեալ են և բաղձանք և դատումն, և դժուարագոյն է վանել զերկուաթշնամիս քան զմի միայն թշնամի :

ԳԼՈՒԽ Բ.

Առարկայք ժուժկալուրեան և անժուժկալուրեան :

Յայտ է սահմանաւն թէ առարկայ ժուժկալութեան է հեշտութիւն : Բայց քանզի 'ի հեշտութեանց՝ որպէս տեսեր, ոմանք ծագեն 'ի ցանկականէն, և այլք 'ի ցամականէն, ոմանք 'ի մարմնաւոր բարեաց, այլք յարտաքին բարեաց, և այլք յիմանալի բարեաց . յիրաւի է քեզ խնդրել արդեօք այս ամենայն հեշտութիւնք իցեն առարկայք և նիւթք ժուժկալութե կամ անժուժկալութե : Թէ խորհուրդ հարցանես Արիստոտէլի, դիւրին է քեզ առնուլ 'ի միա, թէ նիւթ բարեխառնութե և ժուժկալութեան է նոյն . զի երկաքանչիւրն նման են 'ի նիւթն, բայց աննման յեղանակն, ըստ որում 'ի միումն բաղձանքն է հլու քան 'ի միւսումն, որպէս ասացաւ . և վասն այսորիկ մինն է առաքինութիւն, և միւսն կիսամասնեայ առաքինութիւն : Արդ յուշ լիցի քեզ զի 'ի ճառս բարեխառնութեան ասացաք թէ յատակ նիւթ բարեխառնի է հեշտութիւն երկուց ասորին և անարդագոյն զգայութեանց, որք հասարակ են ընդ-

անասնոց. այսինքն ճաշակելեաց և շօշափելեաց. որոց մին հայի 'ի պահպանութիւն անհատին, և միւսն 'ի պահպանութիւն տեսակին: Ուստի և Արխառուէլ 'ի ճառելն աստանօր գժուժկալութենէ թուի յայն կնքել զբանն, թէ յատուկ և ճշմարիտ ժուժկալութիւնն հայի միայն 'ի հեշտութիւն ճաշակելեաց և շօշափելեաց. և այլ ամենայն ժուժկալութիւնն է անյատուկ և այլաբանական: Բայց յայլմէ կողմանէ, եթէ մոլութիւնն է անժուժկալութեան՝ չսանձել զհեշտութիւն վաւաշ ցանկութեան, զիարդ չիցէ մոլութիւն անժուժկալութեան չսանձել զհեշտութիւն վրէժխնդրութեան, գողութեան, փառամոլութեան, չարաբանութեան, ընդվայրաքըննութեան, և գիտութեան ևս. 'ի մասնել անչափաւոր կրից, որք բազում անդամ զեղուն յանհարին աւելազանցութիւնս: Եթէ ժուժկալութեանն է Ճնշել զցանկութիւն, ովչ չափիցէ թէ ցանկութիւնն թեարկէ յամենայն որինչ է հաճոյ, եթէ զգալի իցէ և եթէ խմանալի: Ցանկութիւնն կրէ 'ի կապարձա ազգս ազգս նետից, է որ կապարեայ, է որ ոսկեղէն և է որ բոցեղէն. որովք խոցէ բազմօրինակ. ոմն սիրահարի անարդ հաճոյից, ոմն մեծութեան, և ոմն պատուոյ. ամենայնն է ցանկութեան: Ասիցէ ոք. Ճնշել զայսոսիկ մոլութիւնս՝ յատուկ է հեղութեան, արդարութեան, հանդարառութեան, քաղցրաբարոյութեան, խոհեմութեան, խմաստութեան, և այլ մասնաւոր առաքինութեանց: Եւ ես ասեմ, թէ Ճնշել զցանկութիւն այնց երկուց զգայութեանց՝ յատուկ է բարեխառնութեան, և ոչ ժուժկալութեան: Եւ թէ կրկնիցէ ոք. թէ 'ի բարեխառնութեան առողջ են միաք, առողջ են և բաղձանք. բայց յանժուժկալութեան առողջ են միաք, և հիւանդ բաղձանք: Ի վերայ բերեմ և ես, թէ 'ի բարկութեան, յագահութեան և 'ի փառամոլութեան միաք առողջ են, և բաղձանք հիւանդ: Եւ զիարդ չիցէ պատշաճող ճշմարիտ անունն անժուժկալութեան այնմ որում պատշաճի ճշմարիտ սահմանն: Բայց թէ յայն մոլութիւնս տրոհի գործողութիւնն 'ի հեշտութենէ գործողութեան, յայտ է թէ թէալէտ և Ճնշել զմոլեկան գործողութիւնն անկ է կատարեալ առաքինութեան, սակայն և այնալէս՝ Ճնշել զցանկութիւնն զհեշտութեամք այնք մոլեկան գործողութեան, պատշաճի ժուժկալութեան: Ատրէոսի 292 խորհեալ զանողորմ վրէժխնդրութիւն առ եղբայր իւր, առաւել յափշտակիւր 'ի հեշտութենէ եղանակի, քան պատշաճողութեան պատժին. ասէ.

Քան վրէժ քինու ինձ եղանակ այս քաղցրանայ,

Ոյր կերպարան այժմէն 'ի յաջ իմ ձեւանայ.

Ի վտակաց հոսման արեան սիրտ զովանայ,

Ես զի հեղդամ զիմ բերկրականն չածել նըմա:

Ճանաչեր Ատրէսոս զքափաղանցութիւն յանցանացն, բայց 'ի բերկրանաց էր յափշտակեալ: Բարկութիւնն է դառն քան զօշինգը, և քաղցը քան զմեղը: Ատրէսոս միանգամայն կայր սասանեալ և զուարձացեալ: Դատումն էր առողջ, այլ ցան կութիւնն թիւրեալ: Եւ զի՞նչ այլ իցէ ճշմարիտ անժուժկալութիւնն: Աւտողիկոս 293 աւազակ առասպելեալ որդի Մեր կուռիսի Աստուծոյ աւազակաց, կամ ծնեալ ընդ համանուն յափշտակիչ փայլածու մոլորակաւ, էր յօժարամիտ 'ի դողանալ ոչ վասն օդաի ինչ որ 'ի յափշտակութենէ, այլ զի հեշտալի էր նմա յափշտակել: Գիտէր թէ չար է զոր գործէ. բայց առիթն առնէր զնա գող: Որպէս մադնիս առ երկաթ, այնպէս ձեռն նորա վազէր յոսկի. ոյր յափշտակութիւն զնա յափշտակէր: Ուստի Մարտիաղէս կոչեաց զայն ձեռն ձիւթազօծ: Եւ զի՞նչ այլ իցէ ճշմարիտ անժուժկալութիւնն, բայց ցանկութիւն մոլեգին, և դատումն ողջամիտ: Զայն անզուսակ հեշտութիւն, զոր զգայր Զոյիլոս յերգիծանել զայլ, և Լեսլիդոս 'ի տիրել, զորոյ զառաջինն քերթողք կոչեցին Չարաբարոյութիւն, և զերկրորդն Տուղլիոս Անկարութիւն, որով անուամբ հնար էր խակագոյն խմանալ, բայց կոչելով անժուժկալութիւն. վասն անկար լինելոյ երկաքանչիւրոցն սանձել զանյագ կամն, թէսլէտ և երկաքանչիւրն դիտէին թէ այլ ոչինչ քաղեն անտի, բայց եթէ ցաւս 294: Քանիցս անդամ տարապայման հեշտութիւն յիմարեցուցանէ զքաջիմաց խմաստութիւն: Արքիմեդէսի 'ի բազանիս լեալ, և 'ի համեմատութենէ ջրոյն՝ որ ելանէր յաւազանէն 'ի մատանել իւրում անդր, 'ի միտ առեալ զասացեալ ապացոյցն ոսկեզէն պատկին, ընդորում էր խառնուրդ օտար հրահալելոյ, չհանդուրժեալ զսպել զզեղումն ուրախութեան նորահնար գիւտոյ, ել 'ի բազանեաց, և գլխովին մերկ և օծեալ վազէր ընդ տունն որպէս խելագար, ձայն բարձեալ թէ գտի գտի: Թէ չէ այս անժուժկալութիւն խմանալի հեշտութեան, զի՞նչ այլ իցէ: Ապաքէն Դեմոկրիտոս ածեալ զմտաւ խոր խմաստութեամբ զյիմարութիւս մարդկան, այնպէս բուռն խնծղայր ծալու, մինչև լինել նմա ծաղածանակ: Եւ Քսենոփոն չհանդուրժեալ զսպել զպայթիւն ծաղու, պայթեցաւ 295: Արդ մեքզինչ ասիցեմք թէ իցէ չկարելն զսպել զայն չափազանց կիրս, բայց եթէ ճշմարիտ իմն անժուժկալութիւն: Արդ եթէ յայսոսիկ օրինակս տեսանես դու զկանոնաւոր գատումն բանի, և զանկանոն բաղձանս ցանկութեան զհեշտութեամբ, որք չեն հեշտութիւնք ճաշակելեաց և շօշափելեաց, ապա է անտանօր ճշմարիտ իմն և ոչ այլաբանական ժուժկալութիւն. կիսամասնեայ իմն առաքինութիւն, որոյ չեն նիւթ այն երկու ստորին զգայութիւնք: Իսկ յայսմանէ զի՞նչ ունիցիմք եզրակացուցանել. բայց զայն թէ թարգմանիչք ոչ բարւոք թարգմա-

նեցին զբան մերոյ պատգամախօսի, որ ոչ երբէք դտաւ երկխօս, և ոչ երբէք իւր ինքեան ներհակախօս. թէ քաջ իմանայցի :

Արդ ասեմ, եթէ զգուշագոյն հայիս դու 'ի միտս քան 'ի խօսս Արիստոտէլի, տեսանես զի որովհեաւ մեծ փոյթ էր նորա կարճ 'ի կարճոյ ուսուցանել, և ոչ միում յառաքինութեանց կամեցաւ ներքոյ արկանել նիւթ անբաւ, այլ չափաւոր. զի մի ընկղմեսցէ յընդարձակ ծովածոցի զհամբակ լուղորդս: Վասն այսորիկ որոշեալ նորա զմասնաւոր խոհեմութիւնն յընդհանրոյն, և զմասնաւոր արդարութիւնն յընդհանրոյն, նշանակեալ մասնաւորին առարկայս ինչ մասնաւորս, ըստ նմին օրինակի և յայս ևս խրթին ճառ ժուժկալութեան որ 'ի պղատոնեանց և 'ի ստոյիկեանց խաբանօք կրէր մաքառումն, որոշէ զմասնաւոր ժուժկալութիւն յընդհանուր ժուժկալութենէ, զերկոսին իսկ զհեշտութեամբ. բայց զմասնաւորն զառարկայիւք բարեխառնութեան, և զընդհանուրն զառարկայիւք այլոց առաքինութեանց: Կարի իսկ կարեոր է առ գիւրութիւն վարդապետութեան որոշումն բառից, զի սկիզբն գիտելոյ է միաբանիլ 'ի խօսս: 'Նմին իրի 'ի խօսիլ նորա զգուժկալութիւնէ լոկոյ, իւր կամք են թէ իմանայցի ժուժկալութիւնն որ ունի առարկայ զհեշտութիւնն որկորոյ և վաւաշ ցանկութեան վերաբերելոյ առ բարեխառնութիւնն: Բայց 'ի խօսիլ իւրում զգուժկալութիւնէ, որ ունի առարկայ զհեշտութիւնն՝ վերաբերեալ առ այլ առաքինութիւնս, կամի զի կոչեսցի ժուժկալութիւն վերադրաւ, 'ի վերայ բերեալ զվերտաւութիւն այլոց առարկայից. ժուժկալութիւն բարկութեան, ժուժկալութիւն արծաթսիրութեան, ժուժկալութիւն փառամոլութեան, առ 'ի չշփոթելոյ ընդ մասնաւոր ժուժկալութեան, որ ունի զհասարակաց առարկայ ընդ բարեխառնութեան: Եւ թէ այս իցէ միտ մեծի իմաստասիրին, երկու յայտնի ձեռնարկութեամբք քաջայայտ երեկի: Վասն զի նախ առաջին, որպէս սրոշեաց նազգուժկալութիւնն 'ի բարեխառնութիւնէ, ըստ այնմ որ բարեխառնութիւնն է կատարեալ առաքինութիւնն և ժուժկալութիւնն կիսամասնեայ առաքինութիւնն զնովիմբ առարկայիւ, նոյնակէս զբարկութեամբ կայ կատարեալ առաքինութիւնն, այսինքն է հեղութիւն. և անկատար առաքինութիւնն, այսինքն ժուժկալութիւն բարկութեան. որ զնովին առարկայիւ ունի ուղիղ դատումն, բայց բուռն ցանկութիւն: Միւս ձեռնարկութիւնն է, զի յայս ճառ ժուժկալութեան ոչ միայն խօսեցաւ զմարմնական հեշտութեանց ընդդէմ պղատոնեանց, այլ զամենայն սեռէ հեշտութեանց ընդդէմ ստոյիկեանց. յայտ արարեալ թէ բովանդակ իմաստասիրութին բարոյական կայ 'ի կշիռ 'ի վերայ երկուց առանցիցս. դիտել ուրախանալ

և տրտմիլ որպէս արժանն է : Ասկա որպէս հեշտութեան մասնաւորի պատասխանէ ժուժկալութիւնն մասնաւոր , նոյնպէս հեշտութեան ընդհանրոյ պատասխանէ ժուժկալութիւնն ընդհանուր : Յաւել և զայն , թէ որովհեաւ կարգէ նա զայս ճառ ժուժկալութեան առ առաքինութիւն դիւցազնական , որ է յաղթութիւն ինչ վախճանական , և անթերի յաղթանակ ցանկութեան ամենայն հեշտութեանց որք հակառակին առաքինութեան , թերի արգեօք լիներ յաղթանակին եթէ միայն ժուժկալութիւնն այսց երկուց անարդ զգայութեանց շատ համարիւր առաքինութեանն դիւցազնականի : Որկորամոլութիւն և վաւաշ ցանկութիւն՝ յառաջատութեամբ ամաց , և իւրովի իսկ երթալով երթան և նուածին , և փոքր յաղթութիւն է յաղթել նկուն եղելոյն . բայց բարկութիւն , ագահութիւն , և ամբարտաւանութիւն , որչափ ծերանայ մարգ , այնչափ զօրանան և ըմբոստանան , և վասն այսորիկ առաւել ժուժկալութեան պէտս ունին :

ԳԼՈՒԽ Գ.

Տեսակը ժուժկալութեան :

Եպիկտետոս փոխդիացի ծառայ , որ եթող իշխանաց իմաստա տիրականս , բովանդակեաց զբարոյական իմաստասիրութիւնն յերկուս սուր զրոյցս . Հրաժարեալ և համբեր 296 : Այսոքիկ են երկու դլսաւոր տեսակը ժուժկալութեան . անձնապահ լինել յամօթական հեշտութեանց , և համբերել պատուաւոր ցաւոց : Իւրաքանչիւր ՚ի սոցանէ ստորաբաժանի յայլ երկուս տեսակս , որք լաւ ևս ճանաչին ՚ի հակակայ մոլութեանց : Զի ընդդէմ անձնապահութեան մեղանչեն երկու ազգք անբարեխառնութեանց , ձեռներիցութիւն , և տըկարութիւն , և ընդդէմ համբերութեան այլ երկուք , ասլաժուժութութիւն և մեղկութիւն :

Ձեռներէցն է այն անժուժկալ , որում երք առաջի լինի առարկայ հեշտալի , բայց անպատշաճական , ճանաչէ այս զանալատշաճութիւնն , բայց անձինչ և ապաժոյժ ցանկութիւնն առանց ժամանակ տալոյ հայիլ յայն մտածութիւն , վազ ՚ի վազ ձգի յայն որում ըղձանայ : Իսկ տկարն է , որ ուշի ուշով հայեցեալ յանվայելութիւն և ՚ի զազրութիւն դործոյն , խորհի ընդ միտս հրաժարիլ , բայց խաբեալ և դրդեալ ՚ի ցանկութենէ հուսկ ուրեմն մատնի ՚ի սկարտութիւն : Մինչ զի ձեռներէցն և տկարն ոչ տարբերին ՚ի նիւթն , այլ յեղանակն : Երկաքանչիւրն անձնատուր լինին հեշտութեան , բայց

մին դիւրաւ և միւսն դժուարաւ : Հոգին յոլովակի զհետ երթայ խառնուածոյ մարմնոյն : Ի մարմնի են չորք հիւթք, որք համեմատին չորից տարերաց . մաղձն՝ հրոյ, սեաւ մաղձն՝ հողոյ, արիւնն՝ օդոյ և մաղասն ջրոյ : Արդ որպէս հուր և հողունին ինչ սեպհական կայան, և սեպհական ինչ սահման, բայց օդ և ջուր են հոսական, և յամենայն արտաքին սահման փոխեն զկերպարան . նոյնպէս մաղձուտք և սեամաղձուտք են առաւել ժուժկալք, և հաստատունք 'ի բարի առաջադրութեան . բայց մաղասուտք և արիւնայինք դիւրագոյն դիմեն 'ի բերկրական առարկայս, որք յանդիման երեխն նոցա :

Այս երկու տեսակք են անժուժկալութեան զհեշտավլի առարկայիւք : Մնան այլ երկու զցաւագին առարկայիւք : Ապաժոյժն է, որ տոկայ փոքունց նեղութեանց, այլ ոչ մեծաց : Ի թեթև չարիս արի է քան զայր, 'ի ծանունս կնատ է քան զկին : Փիլոկտետէս հարեալ յիժէ, թէպէտ և բուռն առնէր իւրոց ցաւոց, ոչ կարէր զապել զարտասուս, և ոչ ընկրկել զկողկողագին կականս և զհեծութիւնս : Այնպէս ապաժոյժ էր վնասուն, մինչև լինել անտանելի ամենայն զօրուն : Վասն այսորիկ վարեալ յանապատ ծովեզերեայ, անդառ խուլ ալիս և յօդս թեթևս թափիէր զիւր արտօսր, և արձակէր կական 297 : Բայց մեղի և գիրդ այն է որ և ոչ փոքր նեղութեանց ժուժայ . ոչ առ հիւանդութեան և ոչ առ տըկարութեան խառնուածոյ, այլ առ իդութեան, և չար ունփութեան, կամ կարի իմն ճապուկ սննդեան, որպէս վերագոյն ասացաւ : Այնպէս այլ ընդ այլոյ էր սննդով փոխւգացւոց և լատինաց, մինչև երեխիլ թէ 'ի մարմինս նոցա բնակէին այլ և այլ ոգիք : Լատինք ուսեալք զուսպ ունիլ զիսառնախուր վարսս սաղաւարտիւ, և զանդակազմ անդամն թաւամազ մորթովք դազանաց, զհետ երթեալ դազանաց 'ի տօթագին և 'ի սառնասասոյց եղանակս, զզբօսանս համարէին պատերազմ, և զպատերազմ զբօսանս : Փոխւգիացիք արկեալ զիւղաթորմ վարսիւք սլսաղուն ծամակալս, և զմարմնով օթոցս թեզանաւորս նրբամանս, որպէս կնամարդի և անարի զեղսէին 'ի գրգանս և յօծութիւնս . զորս ոմն 'ի լատինաց ծալը արարեալ՝ ասէ 298 .

Ով փոխւգեան կնամարդիք, ոչ փոխւգացիք,

Երթայք, ուր են ձեր գինդիմեան բարձըր մայրիք,

Ուր ոչ փողոց պատերազմի հնչեն բարբառք,

Այլ կանացի թմբկաց պարուց են դեգերանք :

Ապա չափ ժուժկալութեան է հասարակաց սովորութիւնն : Որ ոչ հրաժարէ 'ի հեշտութեանց, որք 'ի հասարակաց սո-

վորութենէ են մեղադրելի, և ձեռներէց կամ տկար, բայց
տկարն է նուազ անժուժկալ քան զՃեռներէցն։ Եւ որ ոչ
տանի տաղտկութեանց, որք 'ի հասարակաց սովորութենէ են
տանելի, և ապաժոյժ կամ մեղկ։ բայց մեղկն է առաւել ան-
ժուժկալ քան զապաժոյժն։ Այն է առաւել անժուժկալ,
որ 'ի փոքր հեշտութեանց յաղթի. և այն է առաւել ժուժ-
կալ, որ մեծաց հեշտութեանց յաղթէ։ Այն է առաւել
ժուժաւոր, որ տոկայ մեծաց նեղութեանց. և այն է առաւել
մեղկ, որ խորշի 'ի փոքրունցնեղութեց։ Զի որ խորշի 'ի փոքրունց,
առաւել ևս խորշի 'ի մեծաց. և որ տանի մեծաց, առաւել ևս
տանի փոքրունց։ Հուսկ ապա մարթիս եղբակացուցանել, թէ
որպէս զժուժկալն ոչ է մարթ կոչել բացարձակապէս բարի,
զի չունի ուղղութիւն բաղձանաց. նոյնպէս զանժուժկալն ոչ
է մարթ կոչել բացարձակապէս չար. զի չունի թիւրութիւն
դատման։ Խոկ արդ խնդրիցես. Եթէ առաքինութիւնք հաս-
տատեալ կան 'ի մէջն երկուց ծայրից, որ իցէ մէջն ժուժկա-
լութեան։ Եթէ ցայտվայր ոչ եղել զրոյց, բայց եթէ զմիոյ
ևեթ ծայրէ, այսինքն է զանժուժկալութենէ, ապա ժուժ-
կալութիւնն ոչ է 'ի մէջն. ուստի և ոչ առաքինութիւն է, և
ոչ կիսամասնեայ առաքինութիւն։ Պատասխանեմ թէ և
ժուժկալութիւնն ունի զիւր մէջն իբրև զբարեխառնութիւնն։
Ապա որպէս բարեխառնութիւնն եղեալ կայ 'ի մէջ անբա-
րեխառնութեան, և թմբրութեան։ Նոյնպէս ժուժկալու-
թիւնն եղեալ կայ 'ի մէջ անժուժկալութեան և թմբրու-
թեան։ Բայց քանզի թմբրութիւնն է մոլութիւն նուազա-
գիւտ և անծանօթ, և անժուժկալութիւնն ստէպ և յայտնի.
ընդդէմ այսմ միայն բողոք ունին ամենայն դպրոցք և ամ-
բիոնք։ Զնոյն է ասելի զանժուժկալութենէ շուրջ զբարկու-
թեամբ, և զայլ ամենայն առարկայից մասնաւոր առաքինու-
թեանց. պահեալ միշտ զտարբերութիւնն, որ 'ի մէջ կատա-
րեալ առաքինութեանց և կիսամասնեայ առաքինութեանց,
և 'ի մէջ կատարեալ մոլութեանց և կիսամասնեայ մոլու-
թեանց։



ՅԱՂԱԳՍ ԴԻՒՑԱԶՆԱԿԱՆ

Ա. Ո. Ա. Ք Ի Ն Ո Ւ Թ Ե Ա Ն

Գ Լ Ո Ւ Խ Ա .

Թէ զինչ իցէ առարինուրիւնն դիւցազնական :

Վ Ի Ծ Մ Ի Կ քեզ առաքինութիւն , որ կարող է տանել զքեզ
մեծ քան զամենայն մեծս , քաջ քան զքաջս , և 'ի մարդկանէ
դիւցազն 299 : Յամենայն 'ի տիեզերական զարդս գտանի կարգ .
և կարգն հաստատեալ կայ 'ի համեմատութեան մասանց՝ գե-
րակայից , ստորնոց , և միջակայնոց : Յիմացական կարգի գերա-
կայ է Աստուած , ստորին մարդս , և միջակային է հրեշտակն :
Հրեշտակն բոլորովին է հոգի . բայց բաղադրեալ 'ի ներգոր-
ծութենէ և 'ի կարողութենէ : Մարդն է բաղադրեալ 'ի հոգւոյ
և 'ի մարմնոյ : Աստուած է հոգի ամենապարզ , անստեղծ ,
անհուն . չէ մասն տիեզերաց , այլ 'ի վերոյ քան զտիեզերա .
չէ ներառեալ 'ի կարգ , այլ 'ի վերոյ քան զկարգ : Կախնի
իմաստասէրք , յայն միջակային աստիճան 'ի մէջ Աստուածոյ
և մարդոյ ուր մէք դասեմք զհրեշտակ , դասեցին զգիւցազնն ,
փոքր քան զԱստուած բնութեամք , մեծ քան զմարդ առա-
քինութեամք . որպէս մարդ ոք աստուածեղէն , կամ Աս-
տուած ոք մարդկեղէն : Եւ այսպիսիս անուանեցին զհե-
րակլէս , զ՛սկիս , զկաստոր և զՊողիկեատիս . որք թէպէտ և
մահկանացու էին , ստացան անուն անմահութեան քաջու-
թեամք 300 : Արդ որովհետեւ մարդն է բաղադրեալ ինչ 'ի
հոգւոյ և 'ի զգայութենէ , և միջակային 'ի մէջ դիւցազնն և
անասնոյ , ունելով հասարակ ընդ դիւցազնն զհոգի իմացա-
կան , և ընդ անասնոյ զոդի զգայական : Վասն այսորիկ 'ի հա-
ղորդիլ միջակայնոյն երկոցունց ծայրից , եթէ հաղորդի միում
աւելի քան միւսում , նմանագոյն լինի միում քան միւսում :

Ուստի և որչափ առաւել հեռանայ մարդ յանասնային զգայ-
ականութենէ, լինի առաւել նման դիւցազին. և որչափ ա-
ռաւել հեռանայ 'ի դիւցազնական վսեմութենէ, լինի առա-
ւել նման անասնոց: Զնոյն համեմատութիւն նկատել ար-
ժան է յառաքինութիւնս, արոհեալ զայն յերիս աստիճանս,
'ի գերակայ, 'ի ստորին, և 'ի միջակային: Առաքինութիւնն
միջակային հասարակ է բարի մարդոց, որպէս բարեխառնու-
թիւնն: Ստորինն է առաքինութիւն անկատար, որպէս ժուժ-
կալութիւն: Խոկ գերակային է առաքինութիւն գերակատար,
կոչեցեալ դիւցազնական: Զսորին հակառակն, երեք են աս-
տիճանք մոլութեան. չար, չարագոյն, ևս չարագոյն: Միջա-
կայինն է չարութիւն հասարակ մարդկային մոլութեանց.
յորս զեղծ է բանն և բաղձանքն. որպէս անբարեխառնու-
թիւնն: Փոքր մոլութիւն է այն. յորում զեղծ է բաղձանքն,
այլ ոչ բանն. որպէս անժուժկալութիւնն: Եւս չարագոյն է
այն յորում յայն ապականութիւն հասանէ բանն և բաղձանքն,
մինչև այլ չերեխլ մարդոյ՝ մարդ, այլ վայրենի գազան. և այս
կոչի գազանաբարոյութիւն: Ապա քանզի 'ի նախընթաց գիրս
խօսեցաք զառաքինութեանց և զմոլութեանց մարդկայինոց; և
'ի սմին յայսմիկ զառաքինութեանց և զմոլութեանց անկա-
տարից, ոչ ինչ մնալ այլ մեղ, բայց խօսիլ զառաքինութեանէ
որ գեր 'ի վերոյ է քան զամենայն առաքինութիւնս, և զմո-
լութեանէ որ անցանէ զանցանէ զամենայն մոլութեամբք:

Ապա ոչ այլ ինչ է դիւցազնական առաքինութիւնն, բայց
եթէ այնպիսի կատարեալ կանոնաւորութիւն դատման, և
այնպիսի բացարձակ տէրութիւն 'ի վերայ կրից, մինչև ոչ ինչ
առարկայի զօրել խախտել զդիւցազնն 'ի բանաւորէն: Յորմէ
երեխ լինել 'ի նմա յաւէտ աստուածեղէն իմն քան մարդկե-
ղէն. որպէս ասէ Հոմերոս զհեկտորէ

Չերեկի ծընունդ մահական մարդկան,
Այլ յանմահ զարմէ դիցըն վերնական:

Եւ ոչ 'ի միում միայն առաքինութեան գերապանծ է նա,
այլ զամենայն առաքինութեամբք է 'ի նմին տրամադրութեան:
Չէ նմա մեծ աշխատութիւն զհետ երթալ ամենայն առաքի-
նութեանց քան միում միայնոյ. և ոչ խորշիլ յամենայն մո-
լութեանց, քան 'ի միոյ մոլութեանէ միայնոյ: Զի այլ ամե-
նայն առաքինութիւնք ունին սեպհական ինչ առարկայ. բայց
ամենայն առարկայք այլոց առաքինուեց են սեպհական առար-
կայք առաքինութեն դիւցազնականի, սակայն յաստիճան գե-
րակայ: Բազում ինչ ընդ մէջ է մեծանձին և դիւցազին: Մեծ-
անձնութիւնն ունի սեպհական առարկայ՝ զմեծ պատիւ. և

է մի միայն առաքինութիւն, ընկերելով նմա ամենայնի, բայց յաստիճանի մարդկային առաքինութեանց: Դիւցաղնութիւնն է առաքինութիւն ինչ ընդհանուր իբրև առաքինութիւն աստուածային, որ զանցանէ զանուամբ առաքինութեան: Առաջի առնեն Սկիպիոնի յափրիկեան աւարէ օրիորդ մի քան զամենայնն չքնաղ և ազնուական, յորժամ առաւ կարթագինէ. և Սկիպիոն անդէն անվթար առաքէ զնա առ ծնողս իւր: Պանծագոյն գտաւ անյաղթութեամբ՝ ի կարթագինուհւոյն քան յաղթութեամբ կարթագինեայ: Այս է դիւցաղնական բարեխառնութիւն: Կալանաւորի՝ ի պատերազմի Ապեսիղայոս իշխան սպարտացւոց: և խժդժական կտտանօք տանջեալ յարքայէն Պարսից, ոչ յոդւոց հանէ, ոչ յոդոք խոնարհի. մինչև երկիլ թէ տանջեալն ոչ Ագեսիղայոս իցէ, այլ արձան նորաւ. վասն այսորիկ կարծիս՝ ի մտի եղեալ թըշնամոյն թէ գերմարդկային ոմն իցէ, արձակէ յաղատութիւն, զի մի՝ ի դից զոք ունիցի՝ ի կալանս: Այս է դիւցաղնական արիութիւն: Տուռնոս պարտեալ՝ ի մենամարտի՝ մատուցանէ Ենէասայ բազում տաղանդս ոսկւոյ, զի շնորհեսցին նմա կեանք: Ենէաս թէալէտ և՝ ի կարօտելոց էր սակի, մերժէ զամենայն զգանձնն, զի մի գժրեսցէ արդար վրէժինդրութեանն բարեկամի իւրոյ Պալլասայ: Այս է դիւցաղնական զգաստութիւն: Յանդիմոն լինին կամիլլոսի 301 ընտիր ընտիրքն աղնուական որդւոց Փաղիսկեանց պաշարելոց, որք մատուցան նմա որպէս պատանդք յաղթութեան՝ մատնութեամբ դաստիարակի իւրեանց. նա տայ կտպել զգաստիարակն, և դանակոծ արարեալ զնա ձեռամբ իւրոց աշակերտաց, նոքօք հանդերձ առաքէ անդրէն առ պաշարեալնն. վասն զի սիրելի էր նմա յուշիկ յաղթութիւն իւրով քաջութեամբ, քան զարագ յաղթութիւն մատնութեամբ: Այս է դիւցաղնական հաւատարմութիւն, որ յաղթեաց պաշարելոցն՝ առանց զինուց. զի այնուհետեւ երջանկութիւն անձանց համարեցան նոքա հարկատու լինել այնմ, որ գեր՝ ի վերոյ թուէր քան զմարդ: Աստ ՚ի Ճշմարիտ դիւցաղնն հաւաքի բարեխառնութիւն Սկիպիոնի, արիութիւն Ագեսիղայոսի, զգաստութիւն Ենէասայ, հաւատարմութիւն կամիլլոսի. և այս ամենայն, որ սքանչելի առնէ զամենայն քաջազունս, միաբանի՝ ի մի միայն դիւցաղն: Տես արդ, որպիսի առաքինութիւն իցէ դիւցաղնութիւն:

Թէ այդպէս իցէ, առա գազանաբարոյութիւնն է մոլութիւն ինչ, որ յառացուցանէ և զեղծանէ զգաստումն և զկիրս ցայն վայր, որ յառաջադրիլ որպիսի և իցէ անձոռնի և մեծեղեռն առարկայի, մարդ զօրէն անասնոյ բնաւորապէս գըրգուելոյ՝ անզուսպ յայն դիմէ. մինչև Ճշմարիտ կերպարանափախութեամբ երեիլ նմա փոխակերպեալ՝ ի գաղան, իբր ԱՅ-

կայոն 'ի գայլ. և ընկերք Ողիսեայ 'ի գարշ անասունս 302 : Զե չեք յաշխարհի գաղան ահաւոր և այլանդակ քան զմարդ գաղանաբարոյ : Զի իւրաքանչիւր մասնաւոր տեսակ անասնոց ունի ինչ մասնաւոր անբանութիւն՝ անհաղորդական այլոյ տեսակի, այլ 'ի մարդ անբանական՝ բնաւք միահաղոյն միաբանին : Ի նմա լինին միանգամայն աղտեղութիւն խոզի, մըռզգայլութիւն դայլոյ, անդթութիւն վագեր, նենգութիւն աղուիսու, բռնութիւն վարագու, կատաղութիւն շան : Իսկ արդ եթէ մարդ յոր ատրացեալ իցէ մի միայն մոլութիւն, չար է քան զանասուն յայնմ մոլութեան, որպէս ասէ Արիստոտէլ, զի թիւր կամաց 'ի վերայ գայ հնար մարդկային, որպիսի գաղան իցէ այն յոր շեղջակուտին ամենայն մոլութիւնք :

ԳԼՈՒԽ Բ.

**Թէ որո՞վ օրինակաց լինիցի հասանել յառաքինորիւնն
դիցազնական, և 'ի գաղանաբարոյորիւն :**

Ուղղութիւն 'ի մարդ է առաքինութիւն, այլ յԱստուած է կատարելութիւն անբաւութեամբ առաւելեալ քան զառաքինութիւն, որ և կոչի աստուածութիւն : Թիւրութիւն 'ի մարդ է մոլութիւն, բայց յանբանս է որակութիւն յոռի յոյժ, վասն լինելոյ նոցա անընդունակ ամենայն բանի . և վասն այնորիկ կոչի անբանութիւն : Ասկա զոր օրինակ այն ամենայն որ խոսարի 'ի միջոյ, դիմէ 'ի ծայր և 'ի նմանէ առնուանուն, սոյնպէս առաքինութիւնն յանցանել իւրում քան զսովորականն մարդկային առաքինութեանց, երեխ բաժանորդ լինել աստուածայնոյն . և մոլութիւնն յանցանել իւրում քան զսովորականն մարդկային մոլութեանց, երեխ բաժանորդ լինել գաղանականին, որպէս արդ լուար : Բայց ոչ առաքինութեան և ոչ մոլութեան մարդկայինոյ հնար է թէ անցանիցեն յայսոսիկ ծայրս 'ի մի վայրկեան : Ոչ ոք լինի յանկարծակի բարի կամ չար, և ոչ ոք յանկարծակի 'ի բարւոյ լինի ևս բարեգոյն, կամ 'ի չարէ ևս չարագոյն, անհնար գոլով անցանել ծագէ 'ի ծագ առանց ընդ մէջն անցանելոյ :

Երեք են մէջք, ընդ որս լինի ժամանել յառաքինութիւն գիւցազնական, կամ 'ի գաղանաբարոյութիւն : Առաջին է բարքն : Երկբայական է թէ որ զօրագոյն իցէ, վիճակ ծընդեան թէ սովորոյթ սննդեան : Բայց ստուգութեամբ երկաքանչիւրն ունին բուռն զօրութիւն յանկուցանելոյ զսիրան

՚ի մեծամեծ մոլութիւնս, կամ 'ի մեծամեծ առաքինութիւնս:
Այս, երևի երբեմն զի 'ի կրտակէ բրախ 'ի վեր երևի դիւցազն
Սիրակուսացի որպիսի եղեւ Ագաթոկլէս զգօն արքայ Սիրա-
կուսացւոց, որոյ հայրն էր բըռուտ, և յընտիր ընտիր հռովմայե-
ցի դիւցազնց 'ի վեր երևին կայսերք անասնաբարոյք • բայց
սոքա են հրէշք կերպարանեալք յայլ պատճառաց, զորոց
ասացի ստորև: Չէ ինչ բնաւոր թէ 'ի հաստաբեստ կաղնոյ
բուսցի դիւրաբեկ մոշայ. և ոչ 'ի կաղամբոյ ամբառնայ ար-
մաւենի: Զարմին Պեղոպեայ ուսք էին փղոսկրեայ, զարմին
թեսէսի գէմք արծուային. և Լենտուլեանց սկիսակոտ էին
մորթք: Եթէ նիշք մարմնոյ անցանեն 'ի զաւակս, ապա և
նիշք ոգւոյ: Ի դիւցազնց ծնանին դիւցազունք, 'ի գազանաց
գազանք: Թող զի, որպէս այլուր ասացաւ, ոչինչ պատուէր,
ոչինչ ուսումն, ոչինչ օրէնք այնպէս խոր տպաւորին, որպէս
օրինակն հայրենի: Այս օրէնք են, որք աւանդին գործովք,
ուսեալ լինին աչօք, գրին 'ի սրտի. և որդիականն հնազան-
դութիւն միապէս արգոյս յարդարէ զուսուցիչն և զուսումնն:
Այլ և հայրենի երկիր, և հայրենի օդ միանդամայն ազգեն
առառաւելութիւն դիւցազնական կամ անասնական բարոյից:
Կիմմերացիք, որոց կէս տարւոյն է դիշեր և կէս արշալոյս,
կրեն զիւրեանց խաւար 'ի միտս: Մարմատացիք ծնեալք յա-
պառաժուտա՝ արդաւանդաբերս երկաթոյ քան կերակրոյ,
զապառաժն 'ի սիրտ արկեալ, և զերկաթն 'ի ձեռս առեալ,
որ զօրագոյնն է կեայ յաւարէ տկարին: Մարդակերք, որպէս
անունն իսկ ցուցանէ, վասն զի մարդկան միս է նոցա կերա-
կուր, շամիքրով և պառականաւ որսացեալ զոտարս յան-
տառս, յայն մարդկեղէն որսոց միայն սնանին, առաւել գա-
զանացեալք 'ի թաղել զնոսա քան 'ի սպանանել: Զսորին
հակառակն, նախնի Եգիպտացիք, թեքացիք և Հռովմայեցիք
համարեալ զմարդկութիւն որպէս ընդհանուր ինչ ազգակ-
ցութիւն, կարծէին նախատինս գնել աստուածութեան Դիո-
սի վանատրի, եթէ առ հիւրս ոչ ցուցանէին զանձինս կրօնա-
սէրս և մարդասէրս: Զհուսկին ասացից . այնպիսի են մարդիկ,
որպիսի են այնք, ընդ որս կենցաղին. զի ամենայն ոք ամաչէ
չնմանիլ իւրում նմանւոյ:

Երկրորդ պատճառն է պատահական ինչ տրամադրութիւն
բնաւորապէս կամ 'ի վերնախնամ տեսչութենէ 'ի վերայ ե-
կեալ իմացական կամ զգայական կարողութեան: Դիւցազնն
Ովքստէս 303, այո քաջայաղթ բայց դժբախտ, գրգռեալ
'ի հայրենի ուրուականէն սպանանել զնացեալ մայրն, այլ
'ի մայրենի ուրուականէն դիւագնեալ, ուր և փախչէր՝ թուէր
նմա թէ բռնազբօսի յԵւմենեայ, ջահիւք և օձիւք՝ սպանա-
նել զմարդիկ, և ուտել զիւր մարմին: Այս 'ի լոկոյ տիրու-
թենէ վասն յետնեալ համարելոյ 'ի Յունաց քան զՈդիսես

'ի կագել իւրում 'ի վերայ զինուց Աքիլլեսի, այնպիսի հարաւ սրացաւութեամբ և դազանային կատաղութեամբ, մինչ զի 'ի կոտորել և 'ի սղատառոտել համակ զանդեայս, կարծէր հանել զվոէժ քինու 'ի Յունաց : Եւ զսորին հակառակն՝ սքանչելի իմն ազդէ առ դիւցազնական գործս նախանձաւորութիւն մեծանուն դիւցազնաց : Վասն այսորիկ լոկ երևակայութիւն յաղթական հանդիսից Միլտիադեայ ոչ թողացուցանէր 'ի քուն լինել քաջասիրտ հետեւողաց 304: Այլ զօրագոյն զարթուցիչք են երկնային ազդեցութիւնք, զորսքաշնէ Աստուածիւրոց սիրելեաց : Վասն այսորիկ հեթանոսք իսկ պաշտօն մատուցանէին կոնսոսի Աստուածոյ, իբր սադրողի խոհական խորհըրդոց, և Պալլասայ ընծայէին զիսոր գիտութիւնս, Հերմեսի զհանձարաւոր արուեստս, և Նորէսի զդիւցազնական ձեռնարկս . որք իրօք ոչ այլ ինչ էին, բայց երկնային օդնականութիւն ճշմարիտ աստուածալետութեան :

Բայց հասարակ և բնաւորական պատճառ դիւցազնական առաքինութեան, և յետսամիտ անբանութեան, հաստատեալէ 'ի վարժս առաքինական կամ մոլեկան ունակութեանց : Ի դուզնաքեայ սկսուածոց լինին հասանել 'ի մեծամեծ աւելազանցութիւնս : Յորդախաղաց հոսանք սկսանին երբեմն 'ի կաթուածոյ . և անշէջ հրայրեացք 'ի կայծէ : Ամենայն ունակութիւն ունի որոշ ինչ սկիզբն, բայց ոչ որոշ ինչ աւարտ . գիտէ ոք թէ երբ սկսանի, բայց ոչ գիտէ՝ ուր յանկ ելանէ : Մի ներգործութիւն է արմատ տրամադրութեան . 'ի տրամադրութենէ բողբոջէ ունակութիւն . և ունակութիւն արձակէ զշտուափիղս իւր աւելի քան զամենայն նշանակեալ վայր : Արակէս տիտեռն չունի վերջ աճման, այլ ցորչափ մնանի աճէ, սոյնպէս ունակութիւնն չունելով աւարտ դադարման՝ միշտ միտէ 'ի նոր ներգործութիւնս . և ամենայն ներգործութիւն առաւելու զունակութիւն, մինչև առաքինութեան և չարութեան մրցիլ ընդ անբաւութեան : Մի միայն լոկ հաճութիւն մղէ երբեմն զսիրտ անմեղ յանակնկալ իմն անհամեստութիւն : Մի միայն վայրկենական տկարութիւն հրապուրէ զցանկութիւն 'ի համանման ներգործութիւնս : Յաճախութիւն ներգործութեանց անկարգացուցեալ զկիրս՝ վինի անժուժկալութիւն : Անժուժկալութիւնն խաւարեցուցեալ զմիտաս հասուցանէ յանբարեխառնութիւն : Եւ անբարեխառնութիւնն անցեալ զանցեալ զսահմանօք մարդկային վեճակի, խարդաւանէ 'ի վիհ ազդապղծութեանց և անասնական եղեռնութեանց, և որ 'ի սկզբանն եղեւ աղատութիւն : Հուսկ ապա լինի հարկադրութիւն : Այսպէս ընդ աստիճանս 'ի միոյ լոկոյ ներգործութենէ առաքինական յառաջատութեամբ, և սքանչելի աճելութեամբ բարեբաստօրէն հասին 'ի գագաթ դիւցազնական և աստուածային առաքինութեան թէ

ոչ քսենոկրատէսք, Սոկրատէսք և Կատովէսք՝ի հեթանոսաց,
այս Պախոմէսք, Բենեգիկոսք և Փրանկիսկոսք և այլ քրիս-
տոնէայք քաջազունիք. որք բարոյական առաքինութեանց՝ի
վերայ յաւելին գերբնական ունակութիւնս, հանապաղորդ
հոսմամբ Երկնային շնորհաց, որ ոչ պակասի Երբէք որոց
խնդրենն զնա՝ի սրտէ:

ԳՐԻՎԻ ՔԱՐԵՎՈՅԱՐԴ

ՅԱՂ. ԲԱՐԵԿԱՄՈՒԹԵԱՆ կամ ՍԻՐԵԼՈՒԹԵԱՆ 305

Գ Լ Ո Ւ Խ Ա .

Յաղագս սիրելութեան առ հասարակ :

Ա յս է այն սուրբ յօդակաալ, որ 'ի խառնիխուռն վհի զատուցեալ զհակառակամարտս 'ի միմեանց, զնման առնման լծորդեաց, և յանկերպարան ձուլոյ կերպարանեաց զգեղեցիկ կազմութիւն տիեզերաց 306: Սա յանշնչականս պահէ զէութիւն, 'ի զգայականս զընկերութիւն, և 'ի բանականս զառաքինութիւն: Յանշնչականս է սէր փոխադարձ, այլ չծանուցեալ. Ի զգայականս է փոխադարձ և ծանուցեալ, բայց կանոնաւորեալ 'ի զգայութենէ. Ի բանաւորս է ծանուցեալ և փոխադարձ, բայց կանոնաւորեալ 'ի բանէ: Վասն այսորիկ առ ընտրելագոյն ցուցանելոյ զգործս փոխելով զանուանս, յանշնչականս է լոկ համակրութիւն, 'ի զգայականս է բնաւոր ազգեցութիւն, և 'ի բանաւորս է կամաւոր սիրելութիւն, որ կոչի 'ի մեզ սեպհական անուամբ բարեկամութիւն: Ապա ազնուագոյնն 'ի մարդկային կիրս է Սէր. և ազնուագոյն սլատուղ սիրոյ է բարեկամութիւնն. որ թէպէտս է անկատար առաքինութիւն, իբրև զժուժկալութիւնն. բայց և այնպէս իբրև զի է յոյժ դեղեցիկ և յոյժ պիտանի քաղաքական կենաց և մարդկային երջանկութեան, արժանի համարեցան իմաստասէրք և զսա ևս դասել ընդ բարոյական առաքինութիւնս: Եւ արդարեւ զինչ կայցէ աստուածայնագոյն յերկրի քան զկատարեալ բարեկամութիւն, 'ի հաղորդել Աստուծոյ անմահի մահկանացուացս զայն որ սքանչելագոյնն է 'ի նմա և երանական, այսինքն է զմիութիւն 'ի բազմաւորութեան: Զինչ սքանչելագոյն կայցէ քան զլինել երկուց մի, և ունելով երկաքանչիւրոց զիւր սիրա՝ կեալ 'ի սիրտ միմեանց: Երկաքանչիւրն ունին երկու ոգի կամ և ոչ մի. զի կեան միմեանց ոգւով, և ոչ իւրեանցայնով: Զինչ զուարձագոյն,

բայց հասարակաց առնել զիղձ բարւոյ իրերաց։ Վասն այսուրիկ որպէս ջերմ շառաւիղք արեգական անդրէն ցոլացետլք յերկուց հայելեաց՝ ի նոյնս առաւելուն զնոցա ջերմութիւն, նոյնապէս ՚ի վայելել երկաքանչիւրոց՝ ի բարիս միմեանց սքանչելապէս առաւելուն ՚ի նոսա վայելք։

ԳԼՈՒԽ Բ.

Պատճառ բարեկամուրեան կամ սիրելուրեան։

Ի ներհակութենէ ծնանի ատելութիւն, և ՚ի նմանութեան ծնանի սէր։ որպէս մարթիս իմանալ մակածութեամբ յամենայն գոյացութեանց անուանելոց սնչնչական, զգայական և բանական։ Աքանչելի սէր յանչնչական մարմինս է սէրն մագնեսսուխ վիմի ընդ երկաթոյ 307. որ ասլշեցուցանէ զքեզ թէ զիանդ մագնիսն գեղջուկ սիրուհի բուռն յափշտակէ զսիրեցեալն երկաթ։ կամ երկաթն եռանդագին սիրող տեսեալ՝ ՚ի հեռաստանէ զսիրեցեալն առարկայ, անակն ՚ի նա յառի, անփետուր ընդ օդու սլանայ, և անբազուկ գիրկո արկանէ։ Աքանչելիք են ընծայեալք յիմաստասիրաց նմանութեան բնաւոր խառնուածոյ տարերաց և տարրականաց, կարգելոյ առ պահպանութիւն միմեանց։ իբր զի մագնիսն է երկաթ քարացեալ, և երկաթն մագնիս մետաղական։ Վասն որոյ և ընդ միմեանս միտկցեալ՝ երկպատկեն զիւրեանց ոյժ, և հաղորդեն միմեանց զիւրեանց զօրութիւն։ մագնիսն երկաթանայ, և երկաթն մագնիսանայ։ Բայց զսորին հակառակն՝ թէ մատուցանես դու երկաթոյ այլ մագնիս, որոյ խառնուած հակառակ իցէ իւրոյն, տեսցես զայն բռնամարտիկ՝ սնուտի երկիւզիւ յետս ընկըրկիլ, և թիկունս ընդդէմ դարձուցեալ նախատանօք ՚ի փախուստ դառնալ։

Հայեաց և ՚ի տունկո աճեցունս, որպէս արմաւենի առարմաւենի խայտայ, և դարձուցեալ՝ ՚ի միմեանս զստղարթաղարդ դէմս՝ փոփոխ գրկախառնութեամբ արմատոց զանխուլ զմիմեանս ողջադուրեն։ և որ էինն անուշակ ծնունդք՝ դան ՚ի մայրութիւն։ և թէ մին կտրի, միւսն ոսնեալ ողկուզօք և տըխուր դակութեամբ թօնի և գոսանայ։ Հայեաց զսորին հակառակն յորթն, որ քան զամենայն տունկո է արդասաւոր և զուարթարար։ բայց թէ զգայ մօտ իւր զկաղամբ, որոյ տըխուրագին և ցուրտ է հիւթ, իբր արհամարհանօք և ցաւօք դարձուցեալ զիսիղբս և զարմատս յայլ կողմն, խորչի յատելի երեսաց նորա, թող թէ ՚ի շօշափմանէ։ Եւ թէ ոչ բառնան յերեսաց նորա զիւր թշնամի, կամ ՚ի ցաւոց և կամ ՚ի կատաղութենէ ծիւրեալ հաշի։

իսկ արդ եթէ բնական սիրով այնպէս վառին գոյացու թիւնք անզգայք, մինչև երեխը գործովք, և որպէս թէ լսելի լինել հեծութեանց նոցա, որչափ ևս սաստիկ զգայցեն ըզգայունք: Ով ոչ տեսանէ որպէս նոյնատեսակ անասունք՝ համահանգէտք՝ ի խորագիտութեան հնարս՝ ընկերական ազգամբ սիրեն զմիմեանս, ընկերշակելով ձեռնտու լեալ միմեանց ի գործս իւրեանց: Այսալիսի է գործակցութիւն մեղուաց ի քաղաքականս, մըջմանց ի տնտեսականս, և ամենայն չորբոտանեաց և թեաւորաց ի սնունդ զաւակաց և ի փոյթ որսոց, ի մաքառիլ ընդ թշնամիս և ի խաղալ ընդ միմեանս սիրողապէս. և ոչ պակասի նոցա բարբառ ի կոչել զիրեարս, և ի յայտնել միմեանց զսէր իւրեանց: Եւ զսորին հակառակն՝ ով ոչ տեսանէ, քանի դժնէութեամբ գարշին խորշին ի կենակցութենէ անամնոց, որոց օտար է խառնուած և բոյս բարօւց. և թէպէտե չիցեն յառաջածանօթ և նախատես, կամ երկիւղիւ ի նոցանէ փախչին, կամ ատելութեամբ զնոսա հալածեն. մնալով ոխութեան նոցա և երկիւղիւ ևս և յետ մահու: Վասն այսորիկ փետուրք արծուոյ յափշտակողի ուտեն զփետուրս աղաւնոյ անմեղի. և աղիք գառինն անմեղի ոլորեալ և տողեալ ի լար քնարի ընդ աղիս յափշտակող գայլոյ՝ ոչ երբէք միաբանին ի ձայնարձակութեան, յայտնի նշանակ գոլով անմիաբանութեան:

Արդ քանզի ի վերագոյն կարգի միանան կատարելութիւնք ստորագաս կարգի. վասն այսորիկ ի կենդանիս բնաւոր համակրութիւնն միանայ ընդ զգայտական ընկերութեան. ուստի և ի մարդիկ որ գերագոյնն են յաստիճանս, միանան սէր համակրութեան, սէր ընկերական, և սէր բանական: Սէր համակրութեան և բնաւորական եղի Պողիւսարաատունն և Հիստաղողիդեայն 308: Ծնեալ սոցա յաշխարհ ի մի և նոյն օր, ի նմին կլիմայի ընդ նովին համաստեղութեամբ, համանման խառնուածով, գիմօք, հանճարով և բախտիւ, զառաջինն ի տեսանել զմիմեանս, սիրով նոցա գաղտնի կապանօք սերտ կապեցան ընդ միմեանս. և որպէս ի միասին ծնան, նոյնպէս ի միասին կեցին, ի միասին հիւանդացան, և ի միասին մեռան. որպէս թէ մի միայն հոգի յերկուս մարմինս էր արարեալ մուտ և ել: Է ի մարդիկ և բարեկամութիւն ընկերական սիրոյ, բայց բանաւորագոյն քան զմեղուացն, հիմնեալ ի նմանութիւն համարուեստութեան կամ քաղաքային իրադործութեանց, յարեալ յարմարեալ այնց զինչս և զուշիմութիւն, ի ձգել անտի զհասարակաց օդուտ: Այսալիսի եղի երդմնակուռ բարեկամութիւն թեսէոսի և Պերիթոսի 309, վասն փոփոխ նիզակակցութեան ի ձեռնարկս պատերազմի, առ ստանալոյ պարծանս և ինքնակալութիւնս: Վասն այսորիկ որ ոք զմի ի նոցանէ ունէր իւր թշնամի, երկուս ունէր

ոխերիմ թշնամիս, կամ մի թշնամի երկդլսի՝ և քառաբազուկ։
որ և ետ օրինակ դաշնաւորութեանց երկրաւու իշխանաց։
Այսպիսի եղեւ բարեկամութիւն Դամոնի և Պիւթեայ 310,
որք ետուն զանձինս 'ի Ճիգն հասարակաց իմաստից, 'ի դպրո-
ցի Պիւթագորայ։ օգնելով միմեանց յուսումն իմաստից իբրև
ընթերցասիրաց շահավաճառի։ Այսպիսի է և բարեկամու-
թիւն արուեստաւորաց և վաճառականաց, որք կոչին միմեանց
ընկերք, և սիրելիք զի յօդտէ անտի ծնանի սէր։ Բայց որպէս
սիրելութիւնն համակրական՝ հասարակ է մարդոյ և անշնչա-
կան իրաց, և սիրելութիւնն ընկերական հասարակ է մարդոյ
և անտանոց։ սոյնակէս սիրելութիւնն սեպհական մարդոյ, այն
է աիրապէս բարեկամութիւն, հաստատեալ է 'ի նմանու-
թիւն բարի վարուց։ Գաղափար այսր բարեկամական սիրոյ
'ի մէջ հեթանոսաց եղեւ բարեկամութիւն երկուց ավելուա-
կան թեթացւոց Պեղոպիդայ և Եպտամինոնդայ։ որք յերկա-
րաւոր փորձիւ ծանուցեալ ներքուստ զառաքինութիւն իրե-
րաց, կապեցան ընդ միմեանս անքակ սիրով բարեկամութեան
մինչ 'ի մահ։ Տեսին 'ի միմեանս մեծ խոհեմութիւն, սիրելի
ծանրութիւն, սլարկեցտ զգաստութիւն, անկաշառ արդա-
րութիւն, դիւցազնական արիութիւն սրտի։ և 'ի վեր քան
զամենայն եռանդագին սէր առ հայրենիս, յոյր վերայ բըռ-
նանային Սպարտացիք։ Ապա վախճան բարեկամութեանս էր,
ոչ պատիւ, ոչ ճոխութիւն, ոչ իւրեանց օգուտ, որպէս յըն-
կերութեան, այլ սէր առաքինութեան, մինչ զի 'ի միաբա-
նիլ իւրեանց 'ի վախճանն, այլ չէր հնար նոցա բացաձայնիլ։
Երկաքանչիւրն մարտնչէին այլ ոչ դիմամրցանակաւ, ուրախ
էին ընդ յաղթութիւն միմեանց, զի ուր է սէր, անդ չիք նա-
խանձ. և ուր չիք նախանձ, զուարճալի է այլոյ առաքինու-
թիւն իբրև զիւրն։ Եւ զի սէրն արարեալ էր յերկուց ան-
ձանց մի միայն անձն՝ փոխակերպեալ զմին 'ի միւս, 'ի յաղ-
թանակել միոյն յաղթանակէին երկոքին իսկ. և երկոցունց
նոցա յաղթանակէր սէրն։ Ապա նմանութիւնն է մայր սիրե-
լութեան կամ բարեկամութեան։ ուստի առած է հասարա-
կաց կրկնեալ յԱրիստոտէլէ, և առեալ 'ի հոմերական դա-
բիրայէ։ Ամանւոյն առ իւր նման, առաջնորդէ ինամ վերնա-
կան։ Որպէս և ասացեալն Պղատոնի, զոր յառաջ բերէ կա-
տով կրտսեր։ Դիւրակի իմն նմանի, հաւասար ընդ հաւասարի։

Գ Լ Ո Ւ Խ Գ .

Յաղագս սիրոյ ցանկութեան և բարեկամութեան :

ԹԱ 'Նարկիսեայ տեսեալ զինքն յականակիտ աղբեր հա-
րաւ 'ի սէր իւր , չեղեն ինչ զարմանք . զի սիրոյ ակն յանդի-
ման ունելով զառարկայ սիրելի , և յազդել 'ի նա բորբոք-
մանն որ բիւրուց ազդեր յաւերժահարսանց , չէր նա խա-
բեալ յիւրոց աչաց , այլ միայն 'ի կարծեաց թէ ոչ իւր իցէ
որ իւրն էր : Մեծ ևս զարմանք այն եղեն , զի Ակկա գարշա-
տեսիլ պառաւ , յիշելով զգեղ մանկութեան իւրոյ կարծեալ
զինքն ոչ տիպ միայն , այլ և չնաշխարհիկ աստուածունի գե-
ղոյ , այն ինչ ականէր 'ի հայելոջ յանկերպ իւր կերպարան ,
որպէս կռապարիշտ ընդ բագին խանդակաթեալ կաթոգնէր ,
գիրկս արկանէր և յիմարէր , իւր ինքեան լեալ նախանձախրն-
դիր տարփածու , ոչ զոք ունելով տարփակից : Այս է աւե-
լազանցութիւն ինքնասիրութեանն , որ 'ի տեսչութենէ տալա-
ւորեցաւ յոգի 'ի սկահպանութիւն անհատի : Բայց թէ չէ
չափաւորեալ 'ի բանէ , լինի վնասակար սիրողին , և ծաղա-
ծանակ տեսողաց , իրրե զանմիտն Ակկա և զըուառացեալն
Նարկիս : Ոչ այլ ինչ է ինքնասիրութիւն , բայց իւրական ցան-
կութիւն , արմատ այլ ամենայն մարդկային բաղձանաց . որ է
հետամուտ լինել իւրոց բարեաց , և խորշել յիւրոց չարեաց .
Վայելել 'ի բարիս զօրս ունի , և ցաւիլ վասն բարեաց զօրս
չունի : Եւ այս զզդալի բարեօք՝ ունի դադար 'ի ստորին բաղ-
ձանս , և զիմանալի բարեօք՝ 'ի վերին բաղձանս : Բայց քանզի
նոյն ինքն տեսչութիւնն արար զմարդն ընկերական , հաստեաց
'ի նա միւս ևս ազդեցութիւն , հաղորդել այլոց զիւրն սէր :
Ըղձալի է առատաձեռին հաղորդել այլոց զիւր ինչս , և ու-
սումնականին զիւր ուսմունս : Ըղձալի է հոգւոյ փոխաբերել
յայլս զիւր խոկմունս և զսէր իւր : Ամենայն ծաղիկ ծնունդ
իմն է սերման , և սերմն ծնունդ այլոյ ծաղկի : Ծնանի սէրն
յանհատ ոք , և տարածի յայլ անհատ 'ի ձեռն կամաց : Ոչ ոք
շատանայ կամելով բարի իւր ինքեան , թէ ոչ կամի բարի այ-
լում իւրականի : Այն է սէր մնայուն 'ի ներքս . այս է սէր
զեղուն առ արտաքս , այն է սէր ցանկութեան , կամ բարեյօ-
ժարութեան : Բայց դեռ ամուլ է այս սէր բարեյօժարու-
թեան առ սիրեցեալն , թէ ոչ արտածէ 'ի սիրեցեալն փոխա-
դարձ սէր առ սիրողն , որ յերկուց սիրողաց առնէ երկուս սի-
րելի բարեկամս : Սկիզբն բարեյօժարութեան է սէրն իւրա-
կան , բայց ոչ է բարեյօժարութիւն : Սկիզբն բարեկամու-

թեան է բարեյօժարութիւն, բայց ոչ է բարեկամութիւն։ Ամենայն բարեկամ է բարեյօժար, բայց ոչ ամենայն բարեյօժար է բարեկամ։ Թէպէտ աչք են հաւատարիմ առաջնորդք սիրոյ, բայց և այնպէս զսէր բարեյօժարութեան մարթ է իմանալ և տկանջօք. զի շատ է համբաւն առաքինութեան ՚ի ծնանիլ զսէր առ անծանօթն ՚ի մի վայրկեան։ Բայց սէրն բարեկամութեան ծնունդ է փոխ, որ վասն զի է երկայնակեաց, երկար ժամանակ պիտի նմա ՚ի ծնանիլ։ Յոյժ կեղեապատ և խորածոց են ոգիք մարդկան։ չէ հնար խելամուտ լինել կամ ճանաչել, բայց եթէ ուշեղ հետազոտութեամբ, երկար ընտանութեամբ և ապահով փորձիւ։ Զանասունս իսկ և զատնեկը մարթ է սիրել սիրով բարեյօժարութեան, բայց ոչ սիրով բարեկամութեան։ զի ոչ փոխարէն սիրեն զսիրովն։ Սօսն սիրով պաշտեցեալ և զարդարեալ ՚ի Քսերքսեայ, այնչափ անզգայ էր առ այն սէր, որչափ սիրովն եղեւ անմիտ։ Գլաւկոս այնչափ սիրէր զիւր երիվար, մինչեւ միս մարդոյ ջամբէր նմա, և փոխանակ այսր ինքն եղեւ նորա կուր։ Սիրեցեալ էր գրաստն, այլ ոչ սիրէր։ կամ թէ սիրէր զմիս տեառն իւրոյ և ոչ թէ զտէրն։ Բարեկամութիւն թուի սիրելութիւն շան, որ ՚ի գդուիլ իւրում գդուէ, ՚ի շողոմին շողոմէ, սիրեցեալ՝ փոխարէն սիրէ զտէրն։ բայց քանզի այն է լոկ կիրք և ախորժակ զբայական, ոչ ընտրողական, և ոչ բանական, կոչի աղքեցութիւն և ոչ բարեկամութիւն։ Սիրէ զի բարերարութիւն գըտցէ. ոչ եթէ փոխարէն սիրէ, վասն զի է սիրեցեալ։ Չէ բարեկամութիւն եթէ սիրեցեալն ոչ ճանաչէ զսէր սիրովն, և ոչ փոխարէն սիրէ ընտրութեամբ։ Առա երեքկին է սէր. մնայուն ՚ի ներքս, ածանց յայլս, և փոխադարձ։ Սէր իւրական, սէր բարեյօժարութեան, և սէր բարեկամութեան։

Սառյգ իմն է, թէ որ սիրէ արժան է թէ սիրեսցի, բայց և այնպէս սիրել զի փոխարէն սիրեսցի, է առաւել սէր ցանկութեան քան բարեկամութեան. և ևս առաւել, եթէ սիրէ նա առ ընդունելոյ զօդուտ կամ զբերկրութիւն։ Որ բարերարէ, արժան է թէ բարերարութիւն ընկալցի. բայց որ բարերարէ առ ընդունելոյ զբարերարութիւն, ոչ է բարերար, այլ բարերարութեանց վաճառող։ Եւ որ սիրէ առ ընդունելոյ զսէր, ոչ է բարեկամ սիրելի, այլ սիրոյ վաճառող, ոչ սիրէ զբարեկամն, այլ զանձն իւր։ Վասն այսորիկ սէր ցանկութեան ոչ պարտաւորէ առ փոխադարձ սէր. զի փոխարէն այնը սիրոյ ունի ՚ի վարձ զբերկրութիւնն կամ զշահն։

Գ. Լ. Ո. Խ. Դ.

Տեսակը բարեկամուրեան :

Երեք են սիրելի առարկայք, օդտակար, բերկրական, և համեստ: Բարիք բախտի են օդտակարք, բարիք մարմնոյ են բերկրականք, և բարիք հոգւոյ են համեստ. որպէս այլուր ասացաւ: Օդտակարք չեն սիրելիք ըստ ինքեանց, այլ ըստ պատահման. ըստ այնու որ տրբանեկեն՝ ի ստոցութիւն բերկրականաց կամ համեստից: Բերկրականք են սիրելիք ըստ ինքեանց բնութեանն զգայականի ըստ պատահման այլայլելոյ: Համեստք են սիրելիք ըստ ինքեանց բնութեանն բանաւորի և կատարելոյ: Մինչ զի ըստ կորդի տեսչութեան օդտակարք մարմնականք են կարգեալք առ բերկրականու, և բերկրականքը առ համեստու. զի արտաքինքն արբանեկեն մարմնոյ, և մարմինն ոգւոյ: Ասլա երեք են տեսակք բարեկամութեան. օդտակար, բերկրական, և համեստ. զի ունակութիւնք՝ ի ներդործութեանց, և ներդործութիւնք յառարկայից առնուն տարբերութիւն: Յորմէ մարթիս ճանաչել, թէ այս երեք տեսակք բարեկամութեան ոչ բաժանեն զսեռն միեղինապէս, այլ համեմատօրէն. վասն զի երից սիրելի առարկայիցս մի քանզմի ստորագաս գոլով, սիրելութիւնդ կամ բարեկամութիւնդ անուն գլխաւորաբար և յատկասկէս պատշաճի համեստին, աղա բերկրականին, հուսկ ասլա օդտակարին. մինչ զի համեստն էապէս, իսկ օդտակարն և հեշտականն միայն նմանական իմն փոխաբերութեամբ են սիրելութիւնք կամ բարեկամութիւնք: Վասն այսորիկ բարեկամութիւնն որոյ առարկայ է օդուան, որպէս 'ի խորհրդակցութիւնս և 'ի վաճառական ընկերութիւնս, քանզի չէ հիմնեալ 'ի հաստատուն և 'ի ներքին առաքինութիւն, այլ յարտաքին և 'ի պատահական օդտախնդրութիւնս, 'ի փոխել սոցա փոխի. և յոլովակի բարեկամութիւնն 'ի թշնամութիւն շրջի, և ընկերութիւնն մարդկային յընկերութիւն գաղանային: Ի հոսվմէական երրորդապէտութեան Լեպիդոսի Անտոնիոսի և Հոկտաւիանոսի՝ այնշափ տեսեաց բարեկամութիւն նոցա, ցորչափ տեսեաց յոյս բաժանելոյ 'ի մէջ իւրեանց զհոռվմէականն ինքնակալութիւն կործանմամբ նրուտոսի և կասսիոսի: Բայց իւրե կործանեցան երկոքին սոքա, և բաժանեցաւ ինքնակալութիւնն, բաժանեցին և երրորդապէտք զբարեկամութիւնն: Վասն զի իւրաքանչիւրոց անձուկ ունելով բոլորին, միաբանեցան Անտոնիոս և Հոկտաւիանոս 'ի մերժել զլեպիդոս յիւրմէ բաժ-

նեւ . ապա ամբարձաւ Անտոնիոս 'ի մերժել և զհոկտաւիանոս յիւրական մասնէ . բայց 'ի զօրանալ քան զնա Հոկտաւիանոսի քաջութեամբ կամ բերմամբ բախտի , սա միայն մնաց միահեծան 311 . և այլ ոչ պիտոյացան նման բարեկամբ . զի ամենեքին եղեն նման հպատակք : Ահա վախճան օդտակար բարեկամութեան :

Չէ ինչ հաստատուն քան զայս բարեկամութիւնն հեշտական : Հեշտութիւնն է արագագոյնն 'ի մարդկային կիրս , և յատուկ է կրից լինել առօրեայ . և այնչափ անկայուն , որչափ են արագագոյն : Վասն զի բովանդակ են անբանաւոր շարժմունք , որք 'ի վայրկենի փոփոխին , որչափ առաւել են բուռն , նոյնչափ կարճաան : Յիրաւի հեշտական սէրն նկարագրեցաւ տղայ թեւաւոր , անբան գոլով քան զտղայ , և թեւթե քան զիւր փետուրս . Ճրագ 'ի ձեռին ունելով 'ի ցողնոյ , որ շոյտ վասի և վաղ շիջանի : Տեէ սէրն հեշտական , ցորչափ տեէ հեշտութիւնն : Թէ աւուրց շրջան և կամ խօթութիւն փոխէ յերեսս զծաղկեալ գարուն յեղեմնապատ ձմեռն , կամ գեղեցիկ ինչ գէմք 'ի գեղեցկագոյն ինչ գիմաց առնու խաւարումն , սիրելին լինի ատելի , և որ յառաջն էր հաճոյական , բերէ զզուանս : Իրաւացի և ոչ ծանր ինչ եղեւ տրտունջ Արիանեայ առ թեսէոս , և Դիէանիրայ առ հերակլէս . որք քաջքն էին 'ի շահատակութիւնս , այլ յողդողդք 'ի սէր . զի յերեկու նորոյ գեղոյ խղէին զհաւատարմութեանն կապ առ առաջինն , վասն որոյ շահատակէին որսէս քաջք , և սիրէին որսէս հեշտասէրք : Մէծ ևս զարմանք այն եղեն , զի Պերիանդր մի յեօթանց իմաստասիրացն յունաց՝ իրրե հարաւ 'ի սէր Փրինեայ օտարուտոյ ումեմն կնոջ , թշնամացաւ Մելիսսեայ իւրում զուգակցի . կտրեալ սրով զկապ ամուսնութեանն և զկենաց նորա 312 : Բայց սէր այն իմաստնոյ չէր արմատացեալ յիմաստութեան , այլ 'ի բերկրականս : Վատ գիտէր բայց չէր գիտուն , թող թէ իմաստուն . զի ճշմարիտ իմաստունն ոչ սիրէ վասն հեշտութեան , այլ վասն համեստութեան : Ուստի այն իմաստունք լաւ ևս գիտէին ուսուցանել քան առնել :

Ապա չէ ճշմարիտ բարեկամութիւն ոչ օդտակարն , և ոչ հեշտականն . զի և ոչ մին հայի 'ի բարին բարեկամին , այլ յիւրական բարին . ուստի սէր է ցանկութեան , և ոչ թէ բարեկամութեան : Վասն որոյ ճշմարիտ և կատարեալ բարեկամութիւն է միայն համեստականն հիմնեալ յառաքինութեան . որսիսի եղեւ Եպամինոնդայն և Պեղոպիդայն , որսէս ասացաւ : Չիք ինչ յաշխարհի կայուն և հաստատուն քան զառարկայ առաքինութեան , համակերպութիւն իմն գոլով նորա ընդ ուղիղ բանի , այսինքն ընդ յաւերժական և անփոփոխ օրինաց աստուածային մտաց : Ապա անյեղլի և անփոփոխ է

ըստ ինքեան բարեկամութիւնն առաքինական . զի առարկայն չէ փոփոխելի . և անձնն ոչ սիրէ կրիւք , այլ ունակութեամբ : Բայց թէպէտ ճշմարիտ բարեկամութիւնն ոչ սիրէ վասն օգտի , և ոչ վասն բերկրութեան , այլ վասն համեստութեան , սակայն և այնպէս համեստ դոլով հարկիւ է և օգտակար և բերկրական : Թէ բերկրութիւն է ամենայն ումեք տեսանել հայելոջ զպատկեր իւրոց դիմաց , յորժամ դէմքն են զուարիծ և դեղեցիկ , քանի բերկրութիւն իցէ առաքինի սիրովի , յորժամ փողփողեալ տեսանիցէ յառաքինի բարեկամն իւր սիրելի զպատկեր իւրոց առաքինութեանց , և իւրոց բարի վարուց : Խակ եթէ փոխադարձ իցէ սէրն , քանի առաւելու բերկրութիւնն , իբր զի ցոլմամբ սիրոյ՝ ի միմեանս , երկաքանչիւրն վայելէ . ի վայելս յիւրականս և 'ի բարեկամին : Թող զի զինչ օգտակարագոյն կայցէ երկաքանչիւր վիճակի քան զբարեկամ ոք հաւատարիմ , մերթ խորհրդատութեամբ յիրողութիւնս , և մերթ ձեռնառութեամբ 'ի վիշտս : Աշնչ ընկերութիւն շահավաճառի երկապատկէ զդլուխ գրամոյ , որպէս ճշմարիտ բարեկամութիւնն . զի 'ի տալ զսէր իւր փոխարէն , ստանայ որշափ ինչ ունի սիրելի բարեկամն , առանց կորուսանելոյ զիւրն . իբր զի 'ի սիրելի բարեկամաց միջի ամենայնն է հաստրակաց , որպէս և լուիցես : Յասացելոց տստի մարթ է քաղել , թէ հասակ սեպհական ճշմարիտ բարեկամութեան է հասակն միջակային : Աշխոյժ երիտասարդ ուժգնակի յուղեալ 'ի կրից , սիրէ վասն հեշտութեան : Ծոեր տկար որում բազում օգնականութեան պէտք են , սիրէ վասն օգտի : Միջակայինն , յոր ցածուցեալ են կիրք , բայց ոյժն գեռ չէ թօշնեալ , սիրէ վասն համեստութեան : Երիտասարդն կարի իմն դիւրահաւան , հաւատայ ամենայն սիրելեաց իբրև բարեկամաց : Ծոերն կարի իմն կասկածոտ , յամենայնէ առնու կասկած : Միջակայինն զմէջն ունելով զերկուց ծայրից , դատէ ըստ ճշմարտութեան և սիրէ ըստ դատման :

ԳԼՈՒԽ Ե .

Գործք ճշմարիտ բարեկամութեան :

Երեք Են գործք ճշմարիտ բարեկամութեան , այսինքն բարեյօժարութիւն , բարերարութիւն , և Միաբանութիւն : Բարեյօժարութիւնն որ և ասի բարեհաճութիւն , է սոսկ շարժումն ինչ կամաց , որ ըղձանայ ումեք բարի . բայց առանց կամելոյ առնել նմա բարի : Թէ դէպ լիցի քեզ տեսանել հանդէս ինչ զինաշարժութեան , կամ զուարձալի ինչ

շահատակութիւն երկուց ասպետաց զորս չիցէ երբէք քո տեսեալ, բնաւորապէս յանձին զգաս յանկարծակի իմն և մեկողմանի միտումն 'ի յաղթութիւն սորա քան նորա • բայց վասն այդր չշարժիս մատուցանել նոցա օգնութիւն : Այս, բարի կամք է այն պատճառեալ 'ի բնաւոր համակրութենէ կամ 'ի յանկարծ կրից • բայց է սէր բարեյօժարութեան, և ոչ թէ ցանկութեան . զի ըղձանաս նմա բարի վասն օդախ նորա, և ոչ վասն օդախ քոյ : Սակայն ցայտվայր է այն գործ ներքին և ամուլ, զի ոչ ծնանի գործ ինչ արտաքին առ սիրեցեալն : Ոչ կարէ լինել բարեկամ, որ ոչն է բարեյօժար • բայց որ էն բարեյօժար, ոչ վասն այդր է խեկեխսկ բարեկամ : Եւ թէ սոսկ սէրն բարեյօժարութեան լինէր փոխադարձ, անմարթ էր կոչել զնա բարեկամութիւն ճշմարիտ, այլ այլաբանական և անգործ ։ սկիզբն բարեկամութեան, այլ ոչ բարեկամութիւն :

Ապա առաջին գործ բարեկամութեան է կամիլ բարի բարեկամին . ըղձանալ, զի կեցցէ նա, և կեցցէ զուարթամիտ . խնդակցիլ բարեբաստութեանց նորա, և կարեկցիլ դժբախտութեանց : Բայց ծաղրական է այս բարեյօժարութիւն, թէ ոչ ձեռն կարկառեացէ բարերարութիւն : Չէ կամք գործադրիչ այն որ կամի զայլոյ բարի, բայց ոչ գուն գործէ թէ հասցէ այնմ : Որ ոչ ըղձանայ օդնել, ոչ սիրէ . բայց որ կարող է օդնել և չօդնէ, ոչ ըղձանայ օդնել : Սիրտ ճանաչի 'ի գործոյ, որպէս առօղջութիւնն 'ի զարկէ բազկի : Ծիծաղեցաւ Դիսա 'ի վերայ հերկագործին, որ ուխաս գնէր, զի ասյլիւր եցէ 'ի տղմոյ յոր խրեալն էր, և ինքն չարկանէր ձեռն 'ի գործ : Այնչափ արժէ բարեկամն որ չօդնէ, որչափ թշնամին որ չինասէ : Բարերարութիւնն և անիրաւութիւնն են երկուներհականք : Անիրաւութիւնն քակէ զբարեկամութիւն, և բարերարութիւնն պնդէ : Այս, սիրել առ ընդունելոյ զբարերարութիւն ; ոչ է սէր բարեկամութեան . բայց սիրել վասն այսորիկ զի ընկալաւ զբարերարութիւն, գեղեցիկ սկիզբն է բարեկամութեան : Ապա բարերարութիւնք յառաջ են տարերք, և ասպա մնունքը բարեկամութեան . զի ամենայն մարմինք որով իւլիք բաղադրին, նովին և պահին : Այլ ոչ ամենայն բարերարութիւնն է բարերարութիւն, թէ չէ համեստ : Բարերարութիւնն երբեմն է չարարարութիւն, զի 'ի հաճոյանալ բարեկամին լիսաս առնէ բարեկամութեան, և առնէ զնաշար ևս քան զմշնամութիւն : Էին սէրտ բարեկամք Հռոտիղիոս և Սկաւրոս . բայց 'ի խնդրել Սկաւրոսի 'ի Հռոտիղիոսէ անիրաւ ինչ, նա չէառ յանձն : Խռովեցաւ Սկաւրոս ընդ մերժումն, ասէ . Զի՞ պիտի ինձ բարեկամութիւնդ, թէ ընդունիմ ինչ 'ի քէն բարերարութիւն : Եւ Հռոտիղիոս ետ պատասխանի . Զի՞ պիտի ինձ բարեկամութիւնդ, թէ մնայ ինձ

վասն քո անիրաւիլ : Եւ անդէն վախճանեաց զբարեկամութիւնն : Սէրն երեկ զաղեղն և շիջոյց զշահն : Գեղեցիկ և եղե պատասխանին Պերիկլեայ , բայց ոչ նոյնալէս գեղեցիկ հետեւութիւնն : Իշխեաց աղաչել զիա մի 'ի բարեկամաց իւրոց 'ի շնորհս բարեկամութեան երգնուու սուտ՝ 'ի նորաստ իւր . և նա ետ պատասխանի . Բարեկամք մինչև ցոեղանս , կամիմ , ասէ , զի լիցուք բարեկամք , բայց մինչ 'ի սուրբ սեղանս : Սու վոր էին հանդիսավես երգուողք դնել զձեռն 'ի վերայ սեղանոյ : Վասն այսորիկ առաւել ևս յիշատակաց արժանի եղե իւրն պատասխանի քան զչուոտիղիուին . բայց սա ոչ անդէն վաղվաղակի կարեաց իբրև զչուոտիղիոս զամօթականն բարեկամութիւն : Ճշմարիտ յօդ բարեկամութեան ոչ է այն , որ պնդէ զսուտ ոք բարեկամ . և սուտ բարեկամ է այն , որ 'ի պէտս բարերարութեան պահանջէ առնել ինչ սեղանակապտութիւն : Բարեկամութիւն լինէր այն ըստ ասից Կատունի , ոչ քակելի , այլ խզելի :

Ի բարեյօժարութեան կցորդելոյ ընդ բարերարութեան ծնանի միաբանութիւն կամ միասրտութիւն . որ ոչ այլ ինչ է , բայց միութիւն երկուց սրտից : Սիրտ մարդկային է իշխան անդամոց , սկիզբն կենսական շարժմանց , գործարան կրից և արքունիք սիրոյ : Յերկուց քնարաց միաբանելոց 'ի նոյն ձայն արձակութիւն՝ թէ մօտի ոք 'ի մինն , միւսն իւրովի միաձայնի : Որ ինչ են 'ի քնարն լարք , այն են 'ի սիրովս նոցին սիրոք : Վասն այսորիկ թէ երկու ճշմարիտ բարեկամք յետ ժամանակաց ինչ պատահեն միմեանց , յակնկառոյց լինել նոցա՝ երկոցուն սիրոք բարեխելով դիմեն 'ի միմեանս , և 'ի թարգման իւրեանց փոփոխ ախորժակաց բեկրեկ ձայն արձակեն 'ի լեզու , ջերաջերմ ոգիս յերեսս , քաղցր արտասուս յաչս , անոյշ ժալիտ 'ի բերանն , և գորովական գրկախառնութեամք լանջակցեալ զսիրտ սիրտ միաւորեն ըստ մարթելոյ : Ապա 'ի հաղորդիլ սրտից ընդ միմեանս 'ի ճշմարիտ բարեկամս , փոփոխակի հաւասարորդ լինին և խորհուրդք նոցա և կամք . զայն կամեցեալ , զոր միւսն կամի , և այնմ հաւանեալ որում միւսն է հաւան . անմարթ գոլով մտաց նոցա լինել տարածայն , որոց սիրտն է միաձայն : Յայսմանէ ծագէ ծայրագոյնն այն սրտի դիւր՝ 'ի կենցաղիլ նոցա 'ի միասին , և յականել 'ի միմեանց ոգիս ընդ աչս՝ որք պատուհանքն են սրտի . որ և լեալ միմեանց տեսարան պշուցեալ հային 'ի գեղեցիկ արարս իրերաց : Յայսմանէ ծնանին և այն ծանր անձկութիւնք 'ի մեկնիլ նոցա 'ի միմեանց , զի բաժանին սիրտ 'ի սրտէ : Այն 'ի հեռաստանէ խօսակցութիւնք առաքմամք խորհրդոց փակելոց 'ի նամակի : Այն աղէկտուր կոկիծ 'ի մահու անքակ սիրելոյն . մինչև մլիլ երբեմն կենդանւոյն 'ի փայտակոյտ մեռելոյն յայրումն . կամեցեալ մանաւանդ մեռանիլ ընդ նմա-

քան կեալ առանց նորա, և իբրև զամիանտեանն կապերտ՝ առաւելուլ բոցով զփայլիւն իւրոյ մաերմութեան 343 : Եւ զինչ զարմանք իցեն, զի գոլով՝ ի նոսա մի միայն սիրտ, մի միայն կամք և մի միայն միտք, եր յերկուս մարմինս մի միայն հոգի: Մայր Դարեհի խաբեալ ՚ի չքեղ հանդերձից չեփես տիսնի, նմա մատոյց մեծարանս փոխանակ Աղեքսանդրի: և ՚ի լինել նորա ՚ի չքեղս վասն սխալանացն, առէ Աղեքսանդր: Ոչ սխալեցեր տիկին: դա է միւս ես: Աքանցելի է սէր և թովիչ հղօր, որ օտարոտի իմն՝ այլ ճշգրիտ ոգեփոխութեամք զայս ոք յայն ոք փոխարկէ, և յերկոցունցն առնէ մի: Ապա ոչ ստեցին առաջի բանաւորի այն անուանի տիպք սիրելի բարեկամաց Պիւղագէս և Որեստէս: Երբ վասն մեռանելոյ փոխանակ միմեանց, Պիւղագէս սկնդէր թէ է Որեստէս, և Որեստէս թէ է Պիւղագէս: Զատոյդն ասէին ՚ի սառութեան անդ: Որեստէս կենդանի էր ՚ի Պիւղագէս, և Պիւղագէս յՈրեստէս: ՚ի սպանանել բանաւորին զմին՝ սպանանէր զմիւսն. և ՚ի սպանանել զերկոսին՝ սպանանէր զմի ոք. նա և ոչ զմի ոք. զի համբաւ սքանչելի սիրոյն արար զնոսա անմահս 344:

Գ. Լ. Ո. Ի. Խ. Զ.

Արդեօք բարեկամուրիւնն իցէ առարինուրիւն, և քէ որպիսի առարինուրիւն իցէ:

Անարժան են սրբազնն անուան առաքենութեան՝ բարեկամութիւնք ոքք հային ՚ի հեշտութիւն և յօդուտ զգայական. զի չամբառնան ՚ի համար համեստութեան, այլ անկեալ գնին ՚ի ստորին սահման ցանկութեան, որ հասարակ է և անբանից: Բայց սիրել զոք վասն լինելոյ նորա առաքինի, է ներգործութիւն առաքինական բարեյօժարութեան, վասն ունելոյ նորա եզր զառաքինութիւնն: Եթէ սիրես զու զարին Աշոնիդաս վասն լինելոյ նորա արի, լինի ներգործութիւն ինչ ընտրական որ մերածի յարիութիւն. եթէ զքաջախոհն կատով որպէս քաջախոհ, վերաբերի ՚ի քաջախոհութիւն. եթէ զԱտափիոս ճշմարտախոսն, ՚ի ճշմարտախոսութիւն. եթէ զՔսենոկրատէս պարկեշտն, ՚ի պարկեշտութիւն. զի այնպիսի է ներգործութիւնն, որպիսի է առարկայն: Թէ այս ներգործութիւնք լինիցին ստէսլ, ծնանին ունակութիւնս ընտրականս և առաքինականս համատեսակս. զի այնպիսի է ունակութիւնն, որպիսի է ներգործութիւնն: Բայց այս առաքինական բարեյօժարութիւն, եթէ ոչ է փոխագարձ: Պըիմասսոս առսպինասէր դրագէտ, այնչափ

Հարաւ 'ի սէր մեծամեծ առաքինութեանց աբբային կղուկնեայ զորոյ լուեալ էր զհամբաւ, մինչև ել 'ի Փարիզէ՝ երթալ հաստել սէր բարեկամութեան ընդ այնպիսում առաքինասէր առաջնորդի: Իսկ աբբայն որ ոչ ճանաչէր զնա, ընդ աեսանեն կարծեալ թէ գեղջուկ ոք իցէ, այնպէս սաստիկ հակակրութիւն կալաւ առ նա, մինչև զոր չէր երեկք արարեալ այլում, զդուրս ընդդէմ փակել նմա, զի մի տեսցէ զնա: Երկաքանչիւրն էին առաքինիք. բայց Պրիմասսոս սիրէր զարբայն, և էր ատեցեալ 'ի նմանէ. իսկ աբբայն ատեայր զՊրիմասսոս, և էր սիրեցեալ 'ի նմանէ: Մին էր բաղեղն, որ սիրէ զկնձնի. և միւսն կնձնի, որ ատեայ զբաղեղն: Բայց իբրև ծանեաւ աբբայն զառաքինութիւն Պրիմասսոսի, եղեւ սէրն փոխադարձ և մեծ. և պնդեցին ընդ միմեանս բարեկամութիւն առաքինական և նշանաւոր:

Ապա սեպհական է բարեկամութեան յաւելուլ 'ի վերայ լոկոյ առաքինութեան զդժուտրագիւտ ինչ և զգերազանցիկ որակ, այսինքն է զփոխադարձութիւն: Էսա առաքինութիւն ինչ ծագեալ յերկուց առաքինութեանց. որպէս յանդրէն ցոլմանէ նշուլից ծնանի ջերմութիւն, նոյնպէս 'ի միաւորութենէ առաքինական գործոց երկուց սիրողաց ծնանի սէր: Ի փոխադարձ ատելութենէ բորբոքի թշնամութիւն, և 'ի փոխադարձ սիրոյ բարեկամութիւն: Ապա առաքինութիւն բարեկամութեան հաստատեալ է 'ի փոխադարձութիւն առաքինական սիրոյ. որպէս փոխանակութիւն և անդրէն փոխանակութիւն 'ի քաղաքական ընկերութիւնս: Սէրն է հարուստ ինչ դլուխ դրամոյ տուեալ մարդկան յերկնից. զոր մարթ է նոցա 'ի գործ արկանել 'ի բարի կամ 'ի չար. է որ սլարդնէ, է որ ընդվայր հարկանէ, է որ վաճառէ, և է որ վասնէ 'ի մնութիւ. է որ յանառակս, և է որ 'ի համեստս. և այնպիսի է սէրն, որպիսի է պատաղումն: Բայց արդ որպէս Ճշմարիտ բարեկամութիւնն է իբրև փոխ ինչ և լուելեայն դաշն 'ի մէջ երկուց առաքինեաց և հաւասարից՝ սիրելոյ և փոխարէն սիրելոյ զմիմեանս վասն առաքինութեանց իւրեանց ըստ հաւասարութեան, սոյնպէս հայի նա յառաքինութիւն արդարութեան, ոյր առարկայ է հաւասարութիւն 'ի տուրեառս և 'ի դաշինս: Ոչինչ կարող է քակել զբարեկամութիւն, բայց միայն անիրաւութիւն. և ոչինչ կարող է պահել զնա, բայց միայն արդարութիւն: Ապաքէն լուար թէ արդարութիւնն է հաստատուն ինչ կամք տալոյ այլում հաւասարութեամք զիւր պարտս, և բարեկամութիւնն ևս է կամք որ հայի 'ի բարին այլոց՝ և ոչ յիւրն, ըստ արդեանց: Վասն այսորիկ ոչ այլ ինչ է սիրել զբարեկամին, բայց կամիլ բարի բարեկամին վասն իւրոյ առաքինութեան: Բայց յարդարութեան բաւական է առնչական կամք միոյն առ միւսն. և 'ի բարեկամութեան եր-

կու են կամք առ ընչակիցք : Ճշմարիտ է թէ առաքինութիւն հաճոյականութեան , զորմէ խօսեցաք , ունի ինչ նմանութիւն ընդ բարեկամութեան . բայց այն է առաքինութիւն տարբեր յոյժ : Դիտաւորութիւնն է որ տարբերէ զներգործութիւնս և զունակութիւնս մարդկայինս : Հաճոյականութիւնն յորդորի հաճոյանալ ամենայն մարդկան . զի այսովէս պահանջէ մարդկութիւնն և քաղաքական կենցաղավորութիւն : Բայց բարեկամութիւնն յորդորի փոխարէն սիրել զբարեկամն , զի արդարութիւնն բարեկամական այգապէս պահանջէ : Ամենայն մարդ քաղաքավար՝ ևս և առ թշնամին 'ի կիր արկանէ զքաղաքավարութիւն և զհաճոյականութիւն , այլ ոչ զբարեկամութիւն : Բայց քանզի բարեկամութիւնն է որպէս գաշն ինչ բարոյական և ոչ քաղաքական , և չափ հաւասարութեանն չէ բնական , այլ բարոյական , վասն այսորիկ ոչ է նա կատարեալ արդարութիւն : Եւ յայս սակա ասացաք թէ բարեկամութիւնն չէ կատարեալ տռաքինութիւն : Ոչ է նա արդարութիւն օրինական համեստութեան , այլ արդարութիւն բարոյական համեստութեան . բայց այնչափ կանոնաւորեալ 'ի քանիկն ոկզբամբք օրինական արդարութեան , և այնչափ գեղեցիկ և օգտակար մարդկային կենաց , մինչև բազում իրաւամբք 'ի փիլիսոփայից ընդ առաքինութիւնս գասեցաւ : Երկու են տեսակք արդարութեան , որպէս լուար յիւրում տեղւոջ , Փոխարինական և Տրամաքաշխական : Եւ երկու են տեսակք բարեկամութեան . Փոխարինական , որ չափէ զքանակ իրին զոր պարտի ոք . Տրամաքաշխական , որ չափէ զորակ անձին որում պարտի ոք : Այն է բարեկամութիւն հաւասարութեան , որ տայ հաւասար ընդ հաւասարի : Այս է անհաւասարութեան , որ տայ զհամեմատականն ընդ համեմատականի : Զերկաքանչիւրոցն արժան է խօսել :

ԳԼՈՒԽ է .

Յաղագս հաւասարական բարեկամուրեան :

Եական հիմն օրինական փոխարինական արդարութեան է փոխադարձ տոյժն Հռագամանթեան . այսինքն զի իւրաքանչիւր ոք ընկալցի զոր արարն ըստ հաւասարութեան : Այն սա է հիմն բարեկամութեան հաւասարականի . զի այնչափ ոք փոխարէն սիրեսցի , որչափ սիրէ : Այս հաւասարութիւն է հարկաւոր 'ի վիճակ անձանց որք սիրին . 'ի քանակ սիրոյն որով սիրին , և յորակ բարեացն զոր երկաքանչիւր սիրողք ըղձանան միմեանց : Բայց թէս 'ի փոխարինական հաւասարու-

թեան մասին բարեկամութիւնն նման է օրինական արդարութեան, սակայն այլազգ է նա յեղանակ փոխարինելոյն։ Արդարութիւնն փոխարինական ենթադրէ զանհաւասարութիւն՝ ի մէջ պարտապանին և պարտատեառն, և ածէ զայն ի հաւասարութիւն։ Ենթադրէ թէ Տիտիոս ունի առ Սէյսօնի զկէս գնոց կալուածոյ ինչ, և տալով նմա վճարել զայն կէսն հաւասարէ զպարան առնելաց։ Բայց բարեկամութիւնն փոխարինական ենթադրէ զհաւասարութիւն արդեանց ի մէջ սիրողին և սիրեցելոյն, և ըստ հաւասար արդեանց հաւասարէ զփոխագարձներդութիւնս բարեյօժարութեան և բարերարութեան և միաբանութեան։ Վասն այսորիկ ճշմարիտ և կատարեալ բարեկամութիւնն է հիմնեալ ի նմանութիւն առաքինութեան։ զի առաքինութիւնն հաւասար՝ հաւասարէ զարդիւնս, և հաւասար արդեանց համեմատի հաւասար սէր և հաւասար գործք։ և այս է արդարութիւն ինչ, որ առյ իւրաքանչիւրում զոր պարան է։ Բայց և ճշմարիտ է թէ ի կատարեալ բարեկամութեան փոխարինականի ընդնմանութեան առաքինութեան պահանջի և հաւասարութիւն անձանց, զի արդիւնք երկաքանչիւր կողման իցեն հաւասարք։ Առաւելուն արդիւնք առաքինութեան՝ ըստ առաւելութեան արժանաւ պատուածինութեան անձին։ Ապա եթէ կրտսերն ի փոխարինել զսէր երիցուն պահէ զհամեմատութիւն անձանց, այնուհետեւ ոչ լինի բարեկամութիւն փոխարինական, որ հայի ի բացարձակ հաւասարութիւն, այլ լինի բարեկամութիւն արամաբաշխական, որ հայի ի հաւասարութիւն համեմատական։ ուստի և ոչ լինի կատարեալ բարեկամութիւնը որպէս և լուիցես։

Բայց աստանօր ընդդէմ դառնայ մեծ ոմն փիլխոսոփայ պնդեալ թէ ճշմարիտ բարեկամութիւնն ոչ ծնանի ի նմանութենէ, այլ ի ներհակութենէ։ Ոչ տեսանէք ասէ Եմակեդոկէս, որպէս երկիր պատքեալ ի ծարաւոյ սիրէ զզով աեզարափ, և մարմին սարսուացեալ ի ցրտոյ սիրէ զջերմ շոշի ջերմուկի։ ապա ներհականն սիրէ զներհական։ Ոչ տեսանէք, որպէս գիտնաւորք անմիտբան աղանդովք սրեն զլեզուս ընդդէմ միմեանց, և զգրիչս խայթիչս։ և արուեստաւոր արուեստաւորի նախանձ բերէ և ոխակալէ։ Ապա ի նմանութենէ ծնանի ատելութիւն, և ոչ թէ սէր։ իմաստուն յանմտաց, այլ անմիտ յիմաստունց համարեցաւ այս իմաստ։ Առ ասելի է թէ յորժամ ենթակայ ինչ գտանի քաջ արամադրեալ յիւրում պատշաճական և բնաւոր վիճակի, բնաւոպէս սիրէ զիւր նմանն, կամ վասն պահսկանութեան և կամ վասն կենակցութեան։ Բայց թէ է այլայլեալ, և արտաքոյ իւրում պատշաճական վիճակի, սիրէ ըստ պատհման զիւր ներհակի։ զի գարձցի անդրէն յիւր բնաւոր խառնուած։ Ախտք ցուրտք բժշկին ջերմային դեղօք, և ջերմք ցրտայնովք,

զի դիմամարտելով ծագի ընդ ծագ դարձցի առողջութիւնն , որ հաստատեալն է 'ի միջասահմանութեան : Մինչ զի նմանն բնաւորապէս սիրէ զիւր նմանն . և ըստ պատահման սիրէ զիւր ներհակն : Ուստի և 'ի նմանութենէ ծնանի բարեկամութիւն բնաւորապէս . և թշնամութիւն ըստ պատահման : Երկու ամոլք գերյորջորջակ պատկերահանաց , Պրոտոդենէս ընդ Ապեղէսի , և Սավրա ընդ Բակորակայ , Եղեն յարուեստի և 'ի բարեկամութեան անքակ լծորդք : Եսլիկուրոս և Մեարոդորոս փիլիսոփայք , Դամոն և Պիւթիաս աշակերտակիցք եղեն տիպք բարեկամութեան ըստ նմանութեան : 'Նա՝ ոչ միայն նմանութիւն առաքինական գործոց՝ այլ և մոլեկանաց պատճառէ զբարեկամութիւն : Բարեկամութիւն Ատապայ և 'Նումենիոսի այնպէս սերտ , մինչև լինել յառակս , եր հիմնեալ 'ի նմանութիւն արուեստի գողութեան . որպէս և Սիմոնին և Նիկոնին յարուեստ ստերգմնութեան 315 : Ապա նմանութիւն արուեստի եթէ ազատականի , և եթէ մեքենականի ըստ ինքեան բնաւորապէս ծնանի զսէր : Բայց քանզի յոլովակի պատահէ զի արուեստաւոր ոք կամ ճարտարութեամբ նուազէ զահավաճառայլոյ , նախանձ , տուլութիւն և թշնամութիւն չեն բնաւոր գործ նմանութեան արուեստին , այլ մոլեկան դէսլք արուեստաւորաց : Բայց ասսանօր մեր զրոյցք չեն զորպիսի և իցէ նմանութենէ , այլ զայնմանէ ևեթ որ հաստատեալն է յառաքինութեան : Արդ այս է ըստ ինքեան սիրելի և անլծորդելի ընդ նախանձու և ընդ փառամոլութեան , զի առաքինութիւնն է անլծորդ ընդ ամենայն մոլութեան :

ԳԼՈՒԽ Ը.

Յաղագս անհաւասարական բարեկաւորնան :

Ըստ հայեցողութեան ընդհանուր բնութեան՝ պիտէր ամենայն մարդկան լինել հաւասար յառաքինութեան , յիմաստութեան , 'ի բախտի և 'ի վիճակի , զի չունելով ոչ երկիւզ և ոչ պիտոյս 'ի միմեանց՝ հաւասարութիւնն պահեսցէ զսէր , և սէրն զիսաղաղութիւն : Եւ այսպիսի եղե թերես բնաւոր վիճակն յայնմ բարեբաստ բայց վաղանցիկ ոսկեղէն գարուն , մինչև դեքն երկոքին իմ և ո՞ս խորտակմամբ գրանց սանդարամետից , 'ի վեր բալսեցուցեալ էին զյորձանս անմիաբանութեան : Բայց քանզի մասնաւոր բնութիւնն՝ կամ առ պակասութեան նիւթոյ , և կամ առ 'ի պէտս նիւթոյ առաքինութեան ոչ կարէ հաւասարապէս առնել զամենեսին իմաս-

տունս , և ոչ զամենեսին առողջություն , և ոչ զամենեսին մեծա-
տունս , և ոչ զամենեսին թագաւորություն , խնամ կալաւ զի բարե-
կամութիւնն անհաւասարական , կամ սիրելութիւնն անհաւա-
սար , առաւելութեամբ միոյն լցուսցէ զպակասութիւնն միւ-
սոյն՝ համեմատութեամբ : Վասն այսորիկ հիւանդն սիրէ զբը-
ժիշկ որպէս զիւր բեկուական աստղ . աղքատն զմեծատուն
որպէս զիւր ապաստան . ողոքաւորն զիմաստունն որպէս իւր
փաստաբան . հպատակն զիշխանաւորն որպէս իւր պաշտպան :
Բայց այս է սէր ցանկութեան , և ոչ բարեկամութեան : Կ
լոկ առնչութիւն չունեորին առ ունեորին , առանց առնչակ-
ցութեան սիրոյ ունեորին առ չունեորին : Ոյր սէր վերադարձի
յինքն , այնպիսին ոչ սիրէ զայլս , այլ զինքն : Թող զի ոչ գո-
լով անտանօր հաւասարութիւն 'ի մէջ ունեորի և չունեորի ,
անհնար է թէ լինիցի անդ ճշմարիտ սէր բարեկամութեան :
Նա աւելազանցութիւնն է թոյն սիրոյ : Այս հնար է , թէ ան-
գեղեայն Գղաւկոս սիրեսցէ զհրաշագեղն Կերէտ . բայց ոչ
է հնար Կերէտայ փոխարէն սիրել զանգեղեայն Գղաւկոս 346:
Գեղեցկութիւն չափազանց է միշտ ամբարտաւան , ապշեցու-
ցանէ զսիրողս և անդոսնէ զնոսա . կամի զի պաշտեսցի , և ոչ
թէ սիրեսցի . և ինքն ոչ սիրէ , այլ բռնակոլէ : Չէ ճշմա-
րիտ բարեկամութիւն , ասէր Սողոն , 'ի մէջ սոսկականի և
'ի մէջ թագաւորի . զի թագաւորն կարող է առնել ընդ
բարեկամս զոր ինչ առնէ խաղարկուն ընդ քուեայս , ար-
ժեցուցեալ զնոսա ըստ կամս իւր երբեմն դահեկան մի և
երբեմն լումայ : Այնչափ առաւելուն արդիւնք առաքինու-
թեան , որչափ առաւելու արժանապատութիւնն անձին ,
որպէս ասացաւ : Զի թէպէտ ներքին արժողութիւն առա-
քինութեան նոյն է յիշխան ոք , և 'ի ժողովրդական , բայց և
այնպէս՝ ըստ արտաքին արժողութեան , որ յաջս ռամկաց առ-
նու փայլիւն յանձնէ , առաքինութիւնն մեծարդի է յիշխան
ոք քան 'ի ժողովրդական : Թէ սիրելի է նա 'ի ժողովրդա-
կանն , խնկելի է յիշխանն : Ապա պարա և պատշաճ է վերա-
ծել զայս անհաւասարութիւն 'ի հաւասարութիւն . զի սէրն
առնչական ծնցի զառնչակիցն , և լոկ սէրն փոխեսցի 'ի բարե-
կամութիւն համեմատութեան : Զոր օրինակ 'ի հաւասար ան-
ձինս վերածի սէրն 'ի հաւասարութիւն բացարձակ փոխարի-
նական արդարութեամբ , սոյնպէս յանհաւասար անձինս վե-
րածի սէրն 'ի հաւասարութիւն համեմատական տրամաբաշ-
խական արդարութեամբ . զի որ արժանաւորագոյն է՝ առա-
ւել ևս սիրեսցի : Հաւասարի առաւելապէս աղդ ինչ սիրոյ
ընդ սէր այլասեռ : Գեղեցիկ հաւասարութիւն եղե հաւա-
սարութիւն կաղի և կուրի առ խսիդորոսի : Կոյրն կարող էր
գնալ , այլ տեսանել ոչ . կազն կարող էր տեսանել , այլ գնալ
ոչ : Ապա կոյրն վարեալ զկազն զոր բարձեալ էր շալակաւ , և

կաղն ուսուցեալ կուրին զուղին, կոյրն փոխ տայր զոտս կազին, և կաղն փոխ տայր զաջս կուրին. և յերկուց մարմնոց լեալ մի մարմին, կըկնակի սքանչելեօք կոյրն տեսանէր, և կաղն գնայր: Այսուիկ փոփոխ երախտաւորութեամբ ցայտեալ 'ի միմեանս զինոփոխ սէր, արձանացուցին զՃշգրիտ տիստ անհաւասարական բարեկամութեան, ըստ անզուգականութիւն մեծ Արիստիպոսի աղքատի և մեծահարուստ արքային Դիմոնեսիոսի: Բայց յընդունիլ աղքատին 'ի փարթամէ անտի զինչս, և փարթամին յաղքատէ անտի զիմաստութիւն, փոխանակելով համեմատական հաւասարութեամբ ըզբարիս հոգւոյ ընդ բարիս բախտի, 'ի փոխադարձ արդեանց ծնաւ փոխադարձ սէր: Ըստ սմին օրինակի, 'ի սլարդեել տգեղին Գղաւկոսի չքնաղին 'Ներէայ մարդարիտս, և յընդունիլ իւրում 'ի 'Ներէայ բերկրանս, սէրն բերկրական հաւասարեցաւ ընդ սէր օգտաւոր. և յերկու այլեւայլ սիրոյ ծնաւ հասարակ սէր բարեկամութեան օգտաւոր համայն և բերկրառիթ: Չէ այնպէս հակառակ հիւսիս հարաւոյ, որպէս տէրութիւնն գերութեան: Սակայն և այնպէս Մարկոս Անտոնիոս հաճոյական հրամայովութեամբ, և գերի նորակամակատար ծառայութեամբ՝ այնչափ վառեցան բորբոքեցան սիրով առ միմեանս, մինչև համբերեալ գերւոյն գժնդակ տանջանաց վասն տեառնն, և տեառնն հաղորդեալ իւրում գերւոյ ազատօրէն զիւր ինչս, դասեցան երկաքանչիւրն ընդերևելի օրինակս բարեկամութեան: Չիք ինչ այնպէս փանաքի, որում չիցէ բաղդատ անբաղդատ ինչ երախտաւորութիւն, և մեծի սիրոյ արժանաւորութիւն: Աղաւնոյն տրկեալ 'ի գետ շիւզ մի, առլրեցոյց զփոքրիկ մըջիմն 'ի հեղձմանէ, և մըջմանն խածեալ զոտս հաւորսին զերծոյց զբարեացապարտ աղաւնին յոստղէ, զոր լարեալ էր հաւորսին առ որսալոյ զնա: Բայց թէ պակասեսցի ևս ոյժ 'ի փանաքն փոխարինել հաւասար երախտիս ընդ երախտեաց, միշտ հնար է համեմատօրէն փոխան երախտեաց փոխարինել շնորհակալիս: Ոչ եթէ արժողութիւնն է, որ մեծացուցանէ զպարգեն, այլ սիրան սրով սլարդեի. և ոչ երբէք այնպէս մեծ է սիրա սլարդեովին, որում չիցէ բաւական հաւասարիլ ըստ իրաց ինչ սիրտ ընդունողին: ՎՃարք են մեծաց շնորհաց շնորհակալիք 'ի սերտ սրտէ. զթերին լնու զտկար զօրութեան առատաձեռն կամք: Մեծափափաք իլձ բարերարելոյ 'է մեծ ինչ բարերարութիւն: Այսու օրինակաւ տրամաբաշխական արդարութեանն հաւասարեալ երկրաչափական համեմատութեամբ զփոքրն ընդ մեծի, հաւասարէ նովին զպարտաւորութիւնն ընդ արդեանց և զմեծ բարերարութիւնն ընդ մեծի բարեյօժարութեան, և փո-

խաղարձ սիրով հիմնէ յանհաւասարութեան հաւասարութիւն ինչ բարեկամութեան, թէ ալէտե անկատար:

Յայսմ ամենայնէ, զոր ցայսվայր որոշեցաւ, դիւրին է քեզ փարատել զշփոթ կատարեալ և անկատար բարեկամութեան իւրովք սեալհական և բովանդակեալ սահմանօք: Կատարեալ բարեկամութիւնն է փոխադարձ և գործունեայ բարեյօժարութիւն 'ի մէջ երկուց հաւասար անձանց. պատճառեալ 'ի նմանութենէ առաքինութեան, անձկալով բարւոյ միմեանց, հանդերձ փոփոխ բարերարութեամբ և միաբանութեամբ: Բարեկամութիւնն անհաւասարութեան է փոխադարձ բարեյօժարութիւն 'ի մէջ երկուց անհաւասար անձանց, համեմատական հաւասարութեամբ բարերարութեան և միաբանութեան առ միմեանս:

ԳԼՈՒԽ Թ.

Հարցուածք՝ ի վերայ բարեկամութեան:

Ո՞ր լաւ իցէ. ունել զբարեկամն, թէ չունել: Չի բարեկամութիւնն է պինդ կապ, և ամենայն կասլ բառնայ զազատութիւն կապելոյն: Ըստ է աչաց լալ զիւր չարիս, առանց լալակից լինելոյ չարեաց այլոց: Եթէ կիսով չափ դու այլոյ իցես, ապա կիսով չափ ոչ քոյ իցես. և որ ոչն է բոլորովին իւր, չէ ազատ: Մեծամեծ փիլիսոփայք իսկ պնտէին, թէ լաւ է իմաստնոյ չունել զբարեկամ քան ունել. զի վերադասելոյն քան զամենեսին չէ արժան լինել ումեք ստորադաս: Ապա պատասխանեմ, թէ կապեալն իւրով ազատ կամաւ չէ կապեալ: Մանաւանդ թէ այնչափ կապէ նա զկամն օտարի ընդ իւրումն, որչափ զիւրն ընդ օտարին. և այնչափ ինչ ստանայ, որչափ ինչ կորուսանէ: Բայց թէ մարթ իցէ ասել թէ ազատութիւնն ըստ իրաց ինչ նուազի 'ի բարեկամութեան, այնմ փոխատրին այնչափ պիտանի բարիք կարևորք առ կեանս մարդկան, մինչ մեծ ևս երջանկութիւն է լինել կապեալքան լինել ազատ:

Արդեօք զանձն առաւել պարտաւոր իցէ սիրել մարդ թէ զբարեկամն: Ըստ իրաց ինչ ամօթալի ախտ է սէր իւրական, զի է սէր ցանկութեան, մահացուցիչ սիրոյ բարեկամութեան: Յայլմէ կողմանէ եթէ արժան է սիրել զբարեկամն, զի լծորդ է 'ի սէրն, ո՞ առաւել լծորդ իցէ մեզ քան զանձինս մեր: Որ չէ բարի վասն անձին, չէ բարի և վասն այլոյ: Պատասխանեմ, թէ 'ի բերկրական բարիս, կամ 'ի բարիս գովելի ևս է վերադասել զբարեկամն քան զանձն. բայց 'ի բարիս հոգւոյ՝ դըու-

բովելի է յետնիւ յառաքինութենէ վասն հաճոյանալոյ բարեկամին, կամ ջանահնար լինել առաքինութեանց առաւել վասն այլոյ քան վասն անձին: Բարեկամութիւնն է մեծագոյնն արտաքին բարեաց, բայց ներքին բարիք լաւ ևս են քան զբարեկամութիւն: Օրինակ առաջնոյն եղեւ Սկիպիոն աֆրիկեցի որ 'ի հետամտել հիւպատոսութեան, առաւել ևս փառս ստացաւ տալով զայն բարեկամին, քան կորդելով յանձն: Օրինակ երկրորդին եղեւ չոռոտիղիոս, որ առաւել ընտրեաց կորուսանել զբարեկամութիւն, քան զարդարութիւն: Եւ երկոքին իսկ չեն ընդդեմ օրինաց ոչ ինքնասիրութեան, և ոչ սիրելութեան այլոյ: Զի թէ բարեկամն է առաքինի, զնոյն առնել ունի առ քեզ, առա թէ է մոլի, չէ Ճշմարիտ բարեկամ. և կորուստ սուտ բարեկամի է մեծ գիւտ:

Արդեօք բարեկամ ոք իցք պարտաւոր գնել զկեանս վասն բարեկամի: Զի 'ի միոջէ կողմանէ որպէս գործելն ենթադրէ զգու, նոյնալէս բարեկամութիւնն ենթագրէ զկեանս. և 'ի կորնչել կենաց կորնչի և բարեկամութիւնն: Ճշմարիտ չափ բարեկամութեան է սիրել զբարեկամն իբրև զանձն: Զանցանէ զկանոնաւս, որ 'ի կեցուցանել զայլ ոք իւրական՝ կորուսանէ զանձն. զի ոչ սիրէ զնա իբրև զանձն, այլ աւելի քան զանձն: Եղծանել զսկզբնատիպն առ անեղծ պահելոյ զպատկերն է անմտութիւն մեծ: Վասն այսորիկ Մեկենաս, տիստ բարեկամաց, ասէր թէ զամենայն վասն բարեկամի արասցուք, միայն թէ կեցուք: Իսկ յայլմէ կողմանէ, եթէ գովելին է չափ համեստի, յայտ է թէ գրչօք գովչաց իբր թեօք յերկինս վերաթեւեցին այնք, որք վասն կենաց բարեկամի զանձինս իւրեանց պատարագեցին: Պատասխանեմ թէ 'ի համեմատել զկեանս ընդ կենաց՝ ամենայն ոք պարտաւորի վերադասել զիւր կեանս քան զայլոյ. զի կարգաւորեալ սէրն սկըսանի յանձնէ: Բայց թէ համեմատին կեանք ընդ առաքինական ինչ գործոյ, մարթ է վերադասել զառաքինականնն գործ քան զիւր կեանս: Եւ զինչ առաքինագոյն գործ կայցէ քան գնել զկեանս վասն հայրենեաց, վասն իշխանի և վասն հօր: Բայց այնչափ առաւել արիական առաքինութիւն է գնել զկեանս վասն բարեկամին քան վասն հօր, որչափ առաւել սէրտ պնդէ կապ արենակցութեան քան զկապ բարեկամութեան: Այն է պարտք օրինական արդարութեան. այս է արդիւնք բարոյական համեստութեան: Եւ առաւել արիական է առաքինութիւնն կամաւոր քան զբոնագատ: Ճշմարիտ է և այն թէ պարաւաւոր գոլով Ճշմարիտ բարեկամն սէր փոխարինել հաւասար ըղձմամբ, եթէ գու գնես զկեանս վասն նոր, պարտի և նա գնել զիւրն վասն քոյ: Եւ եթէ 'ի հասարակաց նաւաբեկութեան, մի միայն տախտակ գոլով քոյ՝ արիական առաքինութեամբ թողցէս զայն 'ի նա, նոյնդունակ

առաքինութեամբ պարտ է նմա հրաժեշա տալ զի գու ապ-
րեսցիս . ապա թէ ոչ , ոչ հաւասար և ոչ փոխադարձ է սէր :
Եւ յայս հաւասարակշռութիւն հիմնեցան այն խանդակաթ
վիճմունք Պիւղագէսի և Արեստէսի , որք և ցարդ 'ի թատրոնս
երեւալ յարտասուս լուծանեն զլողս , քանի ևս յորժամ
իրօք եղեն :

Եթէ սիրելն ոչ այլ ինչ է , բայց ըղձանալ բարւոյ բարե-
կամին , կամէի գիտել ո՞րչափ ինչ բարի պարտ իցէ ըղձանալ
նմա : Վասն զի թէ ըղձանալ նմա փոքր բարիս՝ է սիրել զնա
սակաւ , ապա որ մեծապէս սիրէ զնա , ըղձանայ նմա մեծա-
մեծ բարիս , մեծ բարեբաստութիւն , և մեծ իշխանութիւն :
Դարեհ վասն զի մեծապէս սիրէր զիւր Զովպիւրոս , ըղձա-
նայր նմա այնչափ ոգիս և այնչափ մարմինս , որչափ հատք էին
'ի նռան , զոր ուներ նա 'ի ձեռին 347 : Պատասխանեմ թէ
ցանկութիւն գործադրիչ ոչ անցանէ ըստ կոպար կարելւոյ .
և իղձք ճշմարիտ բարեկամաց ոչ են անբաղաղոյդ ընդ բարե-
կամութեան : Տկարամտութիւն է կանացի ըղձանալ աղայոց
մեծութիւնս ցնորականս , և անմիտ է իղձ բարեկամի ուրուք
սոսկականի ըղձանալ բարեկամին մեծ ինչ իշխանութիւն :
Զի թէ ըղձանաս գու և քեզ իսկ իշխանութիւն հաւասար ,
է ունայնութիւն մեծ : Եւ թէ մնալով քո 'ի սոսկականու-
թեան՝ բարեկամդ քո ամբարձի յաթոռ թագաւորութեան ,
բարձմամբ հաւասարութեան բառնի և բարեկամութիւն :
Կղէովնի ակամայ կամօք լեալ թագաւոր Աթենայ՝ կոչեաց
զիւր սիրելի բարեկամն , արտասուօք արձակեաց զնոցայն բա-
րեկամութիւն , գիտելով թէ բարեկամութեան և մեծափա-
ռութեան անմարթ է բազմիլ 'ի մի գահոյս . և որ արկանէ
զանձամբ զարդարութիւն , զերծու յիւրմէ զբարեկամութիւն :
Մինչ զի 'ի ստանալ նոցա զթագաւոր զոմն կորուսին զբարե-
կամ ոք :

Ո՞ր արդեօք յատկագոյն իցէ բարեկամութեան , սիրել եթէ
սիրիլ : Քանզի որսկէս լաւ է պատուիլ քան զպատուել . իբր
զի 'ի պատուել դու յարդես զայլոյ առաքինութիւն , իսկ 'ի
պատուիլ քոյդ յարդի առաքինութիւն . սոյնապէս 'ի սիրելն
պատուես դու զայլոյ առաքինութիւն , իսկ 'ի սիրիլն՝ քոյդ
պատուի առաքինութիւն : Պատասխանեմ թէ 'ի սէր ցան-
կութեան լաւ է սիրիլ քան զսիրել , բայց 'ի սէր բարեկա-
մութեան լաւ է սիրել քան զսիրիլ . զի այն սէր անդրէն ցո-
լանայ 'ի սիրովն , և սա ուղղակի հայի 'ի սիրեցեալն : Բարե-
կամութիւնն է ունակութիւն ինչ առաքինական , և ամենայն
ունակութիւն է ներգործական քան կրաւորական . զի յօժա-
րեցուցանէ առնել զներգործութիւնս իւրոյ տեսակի : Սէր
ցանկութեան է սէր կրաւորական . սէր բարեկամութեան է
սէր ներգործական : Սա սիրէ 'ի սիրել , նա սիրէ 'ի սիրիլ :

Ունակութիւն առատաձեռնութեան թէպէտե առաքինութիւն է չափաւորիչ ախորժակի՝ ի բարերարել և յընդունել զբարերարութիւնս, որպէս և լուար, բայց և այնպէս ըստ ինքեան առաւել միտէ առ առնել զբարերարութիւնս, քան առ ընդունել. զի այն է իւր սեպհական. ուստի և յատկագոյն է բարեկամութեան սիրել, քան սիրիլ: Բայց բաց յայսմանէ որ սիրէ, գիտէ թէ սիրէ, բայց սիրեցեալն ոչ գիտէ թէ սիրի: Զի իւրաքանչիւր ոք լաւ ևս ճանաչէ զսիրտ իւր քան զայլոյ: Իսկ արդ դոլով մինն ստոյգ և միւսն անստոյգ, ուր մեծ է ստուգութիւն մեծ էսկ սէրն:

Արդեօք ո՞ր լաւ իցէ. ունել բազում բարեկամն թէ զմի միայն բարեկամ: Զի՝ ի միոջէ կողմանէ առաւել հաստատուն է նաւ բազմախարիսխ, և առաւել ապահով բեռն բազմամոյթ: Բարեկամք՝ են խարիսխք ընդդէմ ալէկոծութեան, և մոյթք ընդդէմ անկման: Ասկա լաւ է ունել զբազումն քան զսակաւս: Յայլմէ կողմանէ, գովեցաւ ասացեալն մեծի ուրումն իմաստասիրի, թէ չէ բարւոք կնոջ լինել առանց առն, որպէս և ոչ ունել նմա բազում արս. և չէ բարւոք իմաստնոյ լինել առանց բարեկամի, և ոչ իսկ ունել բազում բարեկամն. զի որ ունի բազումն, չունի և ոչ մի: Պատասխանէմ յաղագս օգտակար և բերկրական բարեկամութեան, թէ ակել բարեկամութեան երկուց՝ է դժուարին. բազմաց է անհնար, զամն զի ոչ մին և ոչ միւսն են կատարեալ բարեկամութիւն, չունելով մշտառե հիմն. օգուտն և բերկրութիւնն փոփոխին ժամ՝ ի ժամէ: Բայց յաղագս կատարեալ բարեկամութեան, դտանել զբարեկամն ոք նման քեզ ըստ վիճակի, ըստ խառնուածոյ, ըստ բնաւորութեան և ըստ առաքինութեան, է դժուարագիւտ իմն. իսկ դտանել զբազումն՝ է անհնարին իմն: Կատարեալ բարեկամութիւնն պահանջէ մեծ բարեյօժարութիւն, մեծ բարերարութիւն և մեծ միաբանութիւն: Ի բազմաց միջի չլինի մեծ բարեյօժարութիւն. զի սէրն առ այս ոք նուազէ զսէրն առ այն ոք: Եւ ոչ մեծ բարերարութիւն. զի որ՝ ի բազմաց ընդունի, բազմաց պարտի: Եւ ոչ մեծ միաբանութիւն. զի մարթ է սրտի միաբանիլ ընդ այլ սիրտ, այլ ոչ ընդ բազումն. զի որչափ են մարդիկ, այնչափ և յօժարութիւնք: Ասկա սիրել զբազումն թուլակի, և սիրիլ՝ ի բազմաց թուլակի չէ ինչ դժուարին առաքինւոյն. բայց հարիւր թոյլ սէր՝ չարժեն մի կատարեալ սէր: Բայց սիրել զբազումն կատարելապէս իբրև զանձն քո՝ չէ քեզ հնարաւոր, թէ չբաժանիս դու՝ ի բազումն կամ չմիակցես զբազումն: Լալ ընդ միում, և խնդալ ընդ այլում միանգամայն, յերիւրել զբոյդ բնաւորութիւն ըստ այլ և այլ բնաւորութեանց՝ այնպէս է դժուարին որպէս ծառայել տեարց բազմաց: Մինչ զի իղձ Դարեհի թէ իցեն նորա այնչափ գերա-

կատար բարեկամք, որչափ հատք են ՚ի նռան, մի էր յերազոց Դարեհի, որ որում իմիք ըղձանայր զայն երազէր: ԶՍկեսիոննէ Ափրիկանոսէ կրսերոյ գրի, թէ չելանէր երբէք ՚ի տանէ, զի մի ստասցի զոք բարեկամ: Ճշմարիտ բարեկամք չդատանին իբրև զքարինո ՚ի վերայ ճանապարհի: Եին նոքա բարեյօժարք, ոչ բարեկամք: Մի միայն և ճշմարիտ բարեկամ նորաէր Պողիբիոս, որ զայն խրատ տուեալ էր նմա: Ապա լաւ է առն խոհականի ոչ զոք ունել թշնամի, զամենեսին ունել բարեյօժարս, այլ բարեկամ մի միայն:

Ո՞ր կապ արդեօք պնդագոյն իցէ, եղբայրութիւնն թէ բարեկամութիւնն: և ում աւելի պարտիցիմք, եղբօր թէ բարեկամի: Պատասխանեմ. կապ եղբայրութեան հիմնեալ է յայն սկիզբն երկրաչափական: և թէ երկու ինչ հաւասարին ընդ միում երրորդի, հաւասարին ընդ միմեանս: Եւ զի երկաքանչիւր բարեկամք միանան ՚ի մի ինչ երրորդ, այսինքն ՚ի սէր առաքինութեան: Մինչ զի ՚ի սիրել նոցա զառաքինութիւն միմեանց, սէրն միաւորէ զնոսա ընդ միմեանս: նա՝ փոխակերպէ իսկ ՚ի միմեանս: Ապա յոյժ ազնուագոյն է կապ բարեկամութեան քան զեղբայրութեան: զի սա է մարմնական և հասարակ ևս և անբանից, և նա հոգեոր և սեպհական մարդոյ: Սա միաւորէ արիւն ընդ արեան, նա զկամն ընդ կամաց, զմիաս ընդ մաաց, զոդի ընդ ոգւոյ: Վասն այսորիկ ՚ի մէջ եղբարց թէսկէտե ողջիկ կալցէ կապ արեան, ուր ուրեմն է միաբանութիւն. և որ միաւորիչն է նոցա, լինի բաժանարար: Զի ակն եղեալ իւրաքանչիւրոց յինչս հօր, մի զմիոյ ըղձանան կորզէլ ՚ի ձեռաց զինչս: Բայց ՚ի մէջ սիրելի բարեկամաց՝ ցորչափ տեէ կապ սիրոյ, անհնար է թէ տեղի ունիցի անմիաբանութիւն ինչ. զի իւրաքանչիւրոց միաբանեալ ՚ի կամիլ միւսում բարի, հասարակաց լինին իւրական ինչը: Ապա ասելի է թէ եղբայրութիւնն է կապ առաքինական: Նա պարտաւորէ ՚ի բարերարել վասն օրինական արդարութեան, և սա վասն բարոյական համեստութեան: Եւ որպէս լուար մեծ ևս առաքինութիւն է առնել այլում քարի յօժարամիտ բարեյօժարութեամք, քան պարտաւորութեամք արդարութեան:

Հուսկ ապտ խնդրիցես. Արդեօք մահն լուծանիցէ զբարեկամութիւն: Վասն զի գոլով մահու վերջին գիծ մարդկային իրաց, երևի թէ նովին կտրոցաւ օրահասի՝ կտրէ զկապ կենաց և սիրոյ: Ոչ են բանք աստանօր զդերբնական և զերկնային սիրոյ: իբր զի երկինք դլսովին սէր են, և դժոխք դլսովին դժնեայ ոխութիւն. այլ բանք են զբնաւոր վիճակէ անջա-

տեալ հոգւոյ , հրաժարեցուցեալ զայն 'ի յաւիտենական փառաց և 'ի յաւիտենական դատապարտութենէ : Ապա սպատասխանեմ թէ զգայտկան սէրն վախճան առնու ընդ վախճանիլ կենաց . բայց իմացական սէրն կեայ և յետ մահու , զի մարմնական կարողութիւնք մեռանին ընդ մարմնոյ , բայց հոգեղէն կարողութիւնք մնան յոգւոջ : Մնան 'ի հոգի միաք , ուստի մնան 'ի հոգի և կամք . զի բաղձողական կարողութիւնք անանջբակետք են յըմբոնողականաց . և 'ի կամս մնան ունակութիւնք հոգեղէնք , որպիսի է ճշմարիտ բարեկամութիւնն : Արդ թէ յիշէ միաք մեռելոյն զայն առարկայ , որ եղե նմա սիրելի յոյժ և զուարթարար , 'ի նոյն շարժի միանդամայն և կամքն իւրական ունակութեամք , և այն շարժումն է առաջին սէրն : Կա վասն զի յանջատեալ հոգւոջ միտքն յօժարական առ մարմին է առաւել մաքուր և յստակատես , կամքն ևս լինի առաւել եռանդագին , և սէրն առաւել լինջ . զի որ լաւագոյն ճանաչէ զառարկայն սիրելի , առաւել ևս սիրէ : Ապա եթէ յանջատ հոգւոջ՝ որպէս ուսուցանեն սրբազան դպրոցք , կենդանի է յօժարութիւն ինչ բնաւոր անդրէն միաւորելոյ ընդ իւր անդամն , և խնդութեամք միւսանդամ տեսանելոյ զիւրն շիրիմ կաթոգին է առ իւր սիրելի կողոպուտ , և ըստ կարի ըղձանայ զայն անդրէն զիւրն արկանել . իբր զի մարմինն սիրելի իմն բարեկամ եղե հոգւոյ , ոչ փոքր իղձ է նորա միւսանդամ ընդ միտ ածել և անդրէն տեսանել զճմարիտ բարեկամն , որ եղե առարկայ սիրոյ իւրոյ , և ոգի ոգւոյ իւրոյ : Զսորին հակառակն , զոյր ոգի մինչ էրն ընդ մարմին միաւորեալ , մեծապէս ատեայր , բնաւորապէս ատեայ և յորժամ է բաժանեալ . մնալով ատելութեանն՝ որպէս և սիրոյն՝ միապէս յոգի : Յայտնի վկայեն այսմ մարմինք սպանելոց , որք եթէ առաջի բարեկամի և եթէ առաջի թշնամւոյ՝ հոսեն 'ի վիրաց արեան ճապաղիս : Զէ այս սքանչելիք , այլ ցոյց զարմանալի , որ առադրի յիմասանոց ատելութեան և սիրոյ . որ խոր տարրացեալ յոգի սպանելոյն , որպէս թէ արեան բարբառով զարիւն կոչէ զսպանողին . և զբարեկամն տեսլեամք արեան վառէ որպէս զփիղ 'ի վրէժխնդրութիւն :

ԳԼՈՒԽ Ժ.

Օրէնք բարեկամութեան և եթէ յայլ փոխարինական դաշինս, պիտին օրէնք, դատաւորք, ատեանք, վարձք, և պատիժք . զի հաւասարութիւն պահեսցի, և անհաւասարութիւնն հաւասարեսցի : Այսր ազնուական դաշին բարեկամութեան վարձ է երջանկութիւնն, պատիժ՝ ստգիւտն . ատեան խիղճն մտաց . դատաւոր՝ բանն . օրէնք՝ արդար փոխարինութեանն սկզբունք : Օրէնք բարեկամութեան համարեցան սրբազանք, զի փոխանակ ձեռագրի առեալ զերդումն, և փոխանակ վկայից զաւենտինեանն Դիոս 348, համարեցան այն նախնի իմաստունք, թէ դաշանց սրտից անմարթ է լինել այլ վկայ, բայց ակնն սրտատես : Օրէնք իսկ հիւրասիրութեան կոչէին սրբազանք . զի հաստատեցան 'ի վերայ օրինաց բարեկամութեան : Բայց հիւրասիրութիւնն է բարեկամութիւն ինչ առժամայն և անցաւոր . բարեկամութիւնն է հիւրասիրութիւն հանտաղազրդեան . յորում օթելան միոյ 'ի բարեկամաց է սիրտ միւսոյն : Մինչ զի, եթէ անցանել զօրինօք հիւրասիրութեան՝ էր դրժողութիւն, անցանել զօրինօք բարեկամութեան էր սեղանակապտութիւն :

Արդ քանզի չորք են ներդործութիւնք բարեկամութեան, որպէս երեկի 'ի նախագրելոց, ընարութիւն, բարեյօժտրութիւն, բարերարութիւն և միաբանութիւն, չորեքին իսկ ներդործութիւնք առնուն զօրէնս իւրեանց 'ի հաւասարութենէ փոխարինական արդարութեան : Առաջին օրէնք ընարութեան է այս, նմանւոյն ընտրել զնմանն . զի ոչ կարէ լինել կատրեալ փոխադարձութիւն սիրոյ, բայց եթէ 'ի հաւասարս : Սակայն և ոչ նմանութիւնն կարէ լինել կատարեալ, բայց եթէ այն որ առաքինութեանն է . զի այլք ամենայն են սիրելի ըստ պատահման, միայն առաքինութիւնն կատարելապէս է սիրելի ըստ ինքեան, առ որ են կարգեալ այլք ամենայն : Զայսմ ընտրութենէ կախեալ կայ հաստատութիւն կամ յողդողութիւն բարեկամութեան : Ի դառնանալ ուրուք և յասել, բարեկամն իմ յողդողդ է և անհաւատարիմ և ապաշնորհ . այդ գանդատառաւել յամօթ առնէ զգանդատաւորն, քան զայն զումմէ է գանդատան : Եթէ չճանաչէիր դու զնա, ապա անմիտ էիր զի ընտրեցեր զնա կոյր զկուրայն . իսկ թէ ճանաչէիր, ապա մոլի ոք էիր, զի ընտրեցեր զմոլին . քանզի յայտ է թէ նմանն սիրէ զիւր նմանն : Բայց եթէ էր նա սուտ

բարեկամ, չէր բարեկամ։ Ոչ կորոյս նա զհաւատարմութիւն, այլ զկեղծիս։ և քեզ պատիր ընտրութիւնդ լինի ՚ի պատիմ և ՚ի խրատ։ Բեեռացոյց մագնիսն նաւորդաց թէսլէտ և աչս ոչ ունի, յայնչափ կիսագնտեան աստեղաց միջի գիտէ ճանաչել զայն միայն, որ է անփոփոխ։ Այլ ամենայն աստեղք պաոյտքին յառաջնում շարժունի, որ անդադար գոլով չթողու իմիք կալ դադար։ Միայն աստղն բեեռական յայնչափ շարժական աստեղաց միջի կայ անշտրժ։ զի յեցի ՚ի բեեռն հաստատուն։ Զուր ետ բնութիւնն զկօնութիւնն մարդկան, եթէ յընտրութեան հաւատարիմ բարեկամի անզգօն են քան զանզգայ քար։ Ծերակոյտն հռովմէական ՚ի բարեկամութիւնն ընկալաւ զԵւմենէս արքայ, ամենայն ծերք ծերակուտին ընթացան գորովել զնա։ միայն Մարկոս Կատովն ոչ հաճեցաւ ընդ բարեկամութիւնն նորա։ և ՚ի յորդորել զնա ամենեցուն, ակնդեալ թէ Եւմենէս սիրէ զհռովմայեցիս, և յոյժ պիտանի է մեզ և հաւատարիմ, ասէ Կատովն։ Թէսլէտե այդպէս իցէ, գաղան է նա ամենի, իմ ոչ են կամք լինել գմա բարեկամ և դրացի։ Եւ Կատովն միայն գտաւ անխաք։

Բարեյօժարութեանն օրէնք այս են։ սիրել զբարեկամն իբրև զանձն։ և փոխարէն սիրիլ, որչափ ինքն սիրէ։ Այս է կանոն փոխագարձ տուժի փոխարինականի, թէ իւրաքանչիւր ոք որպէս առնէ, նոյնուկս ընդունել ունի։ Չափ սիրոյ յերկաքանչիւր բարեկամն է սէր անձին։ ոչ մին և ոչ միւսն պարտաւորի առ աւելին։ զի ՚ի սիրել երկաքանչիւրոց զընկերն իբրև զանձն, յերկու սիրոյ առնեն մի միայն սէր։ որ այնչափ տայ, որչափ առնոււ։ և այս է կատարեալ հաւասարութիւն։ Վասն այսորիկ որ սիրէ զբարեկամն, սիրէ և զորս ենն բարեկամին։ զի իւրաքանչիւր ոք ՚ի սիրել զանձն, սիրէ և զիւրսն։ ըստ առակելին, իւրաքանչիւրում գեղեցիկ են իւրքն։ Այլ աստանօր արժան է որոշել զառաքինականն անձնասիրութիւն ՚ի մոլեկանէ։ Մին սիրէ զանձն, և միւսն անձին շողոքորթէ։ Եւ վասն այսորիկ նա այնչափ սիրէ զիւր իրս, որչափ ունի զնոցանէ համարումն։ սա այնչափ ունի զայնց համարումն, որչափ սիրէ։ Զի նա հայի աչօք բանին, և սա շացութեամք կրից։ Յորժամ կամքը արծուի ընտրել զեղեղեցկագոյնս ՚ի ձագուց թռչնոց՝ իւր սպասաւորս ՚ի պատիւ, մատոյց բու զիւր ձագս։ և ասէ։ Առ զսոսա արքայուհիդ, որ գեղեցիկ են քան զամենայն ձագս, զի նման են ինձ։ Մոլին առաւել սիրէ զիւր մոլութիւնս քան զայլոց առաքինութիւնս։ բայց առաքինին սիրէ զիւր բարեկամին, որպէս սիրել պարաի զիւրսն։ զի ոչ շողոքորթելով յիւրսն, ոչ շողոքորթէ և յայլոցն։ Ոչ դսրովէ զգովելիս առ նախանձու, և ոչ գովէ զդսրովելիս ՚ի շնորհուկս։ Եւ եթէ հնար իցէ ուղել զդսրովելիս, խրատէ զբարեկամն։ որպէս և ինքն կամի

թէ խրատեսցի : Ապա եթէ ուղղել չէ կարող, գովէ զդիտումն և անմեղագիր առնէ զեղեալն . զի բարեկամութիւն և հաճոյականութիւն եթէ չեն քորք , սակայն են խնամիք : Ուստի և այս ևս օրէն է բարեկամութեան . Եթէ քոյդ բարեկամ ունի թշնամիս , և դու ևս կալջիր զնոսա որպէս թըշնամիս . զի ոչ է նման նմանւոյն , որ չիցէ հակառակ հակառակին : Հերովդէս մտերիմ բարեկամ գեմեղոսի քակեաց զբարեկամութիւնն , զի գեմեղոս բարեկամ եղեւ Աղեքսանդրի ոխերիմ թշնամւոյն Հերովդի 349 : Որ ոք բարի կամի բարեկամին որպէս անձին , ոչ կարէ բարի կամիլ այնմ որ բարեկամին չար կամի . զի այդ լինէր ատել միանգամայն և սիրել զանձն : Հարկ է կամ բաժանիլ 'ի միոյն 'ի սիրել ըզմիւն , կամ բաժանիլ յերկոցունց 'ի կալ երկուստեք հրաժեշտ . և կամ հաշտեցուցանել զնոսա ընդ միմեանս , զի մնացէ կցորդ երկոցուն : Այս երրորդ խորհուրդ է բանաւոր . զի թէ բարեկամ քո է առաքինի , համեստ պայմանօք հաշտի ընդ իւրում թշնամւոյ . և թէ չէ առաքինի , չէ քո ճշմարիտ բարեկամ . զի ճշմարիտ բարեկամութիւնն հիմնի յառաքինութեան : Բայց թէ այն թշնամի է անհաշտելի և մոլի , արժան է քեզ ատել զնա որպէս մոլի , թէպէտ և քեզ թշնամացի . և թէ զէն առնու անիրաւութեամբ ընդդէմ քումդ բարեկամ , պարտ է քեզ պաշտպանել զբարեկամդ որպէս զանձն քո : Այս օրէն է մարդկային բարեկամութեան ըստ ընաւոր սկզբանց :

Բարեյօժարութեան հպաւոր է բարերարութիւն : Ճշմարիտ է թէ մի միայն պառուղ բարեկամութեան է սէրն . բայց թէ և բարեկամութիւնն ոչ զհետ երթայ օգտի , օգուտն ըզհետ երթայ բարեկամութեան : Ընտրել զոք բարեկամ կարօտեալ , ոչ է յատուկ բարեկամութեան հաւասարականի . բայց թէ կարօտութիւն 'ի վերայ գայցէ բարեկամութեան , զմիմեանց պարտաւորին խափանել ըստ կարի զմնամն , որ երկաքանչիւրոց հնար է դիպիլ : Դժբախտութիւնք առաւել են պատրաստական քան զբարեբաստութիւնս : Ապա օրէնք բարերարութեան է առնել բարեկամին զբարին , զոր կամելը թէ լիցի նմա 'ի բարեկամէն 'ի կարիս իւր : Գաղբա 'ի տալ զգեցագահ ինքնակալութիւնն որդեգրելոյն Պիտոնի , զամենայն զկանոնս բարւոք թագաւորելոյ յայս կանոն ամփոփեաց . Աէր դու այնպիսի իշխան 'ի վերայ այլոց . որպիսի կամելը թէ լինէր այլ ոք իշխան 'ի վերայ քո : Այնպիսի է այս օրէն բարերարութեան , որպիսի եղեւ միւս օրէն բարեյօժարութեան , երկաքանչիւրն հիմնեալ 'ի փոխարինական ուղղութիւն . բայց միայն զի նա կամի առնել և սա առնէ : Բայց զայս ևս օրէն պարտ է մեկնել իբրև զնախընթացն , զի փոխադարձութիւնն իցէ յառաքինուոյ առ առաքինի : Մինչեւ առնել քեզ բարե-

կամին զայն բարերարութիւնս, զոր և քեզ համեստօրէն արժան էր խնդրել՝ ՚ի նմանէ ՚ի նմանակ դիպուածս։ Այսու օրինակաւ բարերարութիւնն մնայ ՚ի կոսկար բարեկամութեան, որպէս բարեկամութիւնն ՚ի կոսկար համեստութեան։ և կարող լինիս ասել զՊելիկեայն։ Բարեկամք մինչ ՚ի սեղանս։ Այսու նման է բարեկամութիւնն առատաձեռնութեան, զի երկաքանչիւրն է բարերար։ բայց այնու տարբերի բարերարութիւնն բարեկամութեան ՚ի բարերարութենէ առատաձեռնութեան, զի ՚ի սմա ոչ լինի տրտունջ զապաշնորհէն։ բայց յայնմ լինի ։ զի բարեկամութիւնն էապէս է փոխադարձ։ բայց առատաձեռնութիւնն ոչ։ Առատաձեռնն առնէ բարերարութիւն օտարի, բայց պահանջել զայն ՚ի նմանէ չէ նմա արժան։ Բարեկամն առնէ բարերարութիւն բարեկամի, և արժան է նմա պահանջել զայն ՚ի նմանէ, յորժամ պիտոյ լինիցի ։ Կախատինս դնէ բարեկամին, որ դիմէ յայլ ոք մինչընէ զիմեալ առ նա ։ զի փոխադարձ բարերարութիւնն է փոխարինական հաւասարութիւն բարեկամութեան։ Որ ընդունի յառատաձեռնէ, պարտի նմա շնորհակալութիւնս փոխանակ գործոց։ բայց որ ընդունի ՚ի բարեկամէ, պարտի գործս փոխանակ գործոց։ զի բարերարութիւնն լինի արդարութիւն։ Այս, յոլովակի ՚ի մէջ բարեկամի և բարեկամի ՚ի գործ ածի առատաձեռնութիւնն ձրիական պարգևոք արտաքոյ պիտոյից։ այլ այնք են առհաւատչեայք սիրոյ, և ոչ հարկք բարեկամութեան։ Բայց է և այլ մեծ առաւելութիւն ՚ի մէջ բարեկամի և առատաձեռնի ։ զի առատաձեռնն պարգևէ զմանինչ իւրոց ընչից, բայց բարեկամն պարգևէ զամենայն։ Զի որ պարգևէ բարեկամին բովանդակ զինքն, պարգևէ զամենայն ինչ զիւր։ Պիւթագորաս, որ մեծին Յունաստանի՝ չասացից թէ մոլեկանին ուսոյց զօրէնս բարեկամութեան, եղ զայս օրէն հիմնական ։ ՚ի մէջ բարեկամաց ամենայն ինչք են հասարակաց։ Կամէր հալածել ՚ի բարեկամութենէ զայն երկեակ դես տարաձայնութեան զիմէ զքո։ և վասն այսորիկ հասարակաց եղ զամենայն զսեպհական գոյս բարեկամաց, զկալուածս, զդրամս, զտունս, զհանդերձս, ևս և զկանայս։ Ուստի սկիզբն կալաւ պիւթագորեանն այն առած։ Բարեկամաց ամենայն ինչ է հասարակաց։ Այլ այս էր հալածել զգե չար ևս դիւաւ։ Այդ օրէն էր մասամբ իմն անհամեստ, և մասամբ իմն անքաղաքական։ Անքաղաքական, կողոպտելով զքուն ստացիչ իրին, զի արացէ զնա պտղոյն միայն բաժանորդ։ Եւ անհամեստ, հասարակաց արարեալ զայն ինչ, որում պահմբ համեստութեան անմարթ է լինել հասարակաց։ Չապլ զոր պարտն է տալ, և տալ զոր չէ արժան տալ, ՚ի բարեկամութեան են միօրինակ յանցանք։ Ճշմարիտ օրէնք բարեկամութեան զամենայն ՚ի մէջ բարեկամաց առնէ հասարակաց

ըստ օրինակիս ըստ այսմիկ . Զի երկաքանչիւրն իցէ տէր իւրոց ընչից . բայց երկաքանչիւրքն պարտաւոր իցեն հաղորդել զայնս միմեանց 'ի գիտող առիթս , ըստ պահանջելոյ փոխադարձ և բանաւոր սիրոյ : Այսու օրինակաւ չկողոպտեն զմիմեանս , և երկաքանչիւրքն վայելեն յինչս միմեանց : Երկաքանչիւրքն են կապեալք , և են ազատք : Որ բոլորովին չքաւորի յիւրոցն , այլ ոչ կարէ լինել բարերար . որ ծախէ զգըլուխ գրամոյ , չքոտի : Ի վախճան առնուլ բարերարութեանն վախճան առնուլ և բարեկամութիւնք առ կենդանութեամբ են անվանք , զի հակառակին բարեկարգութեան : Թէ որպէս բարերարիցէ բարեկամ ոք իւրում բարեկամի 'ի լինել բարեկամութեանն կատարեալ , որ գրադէսն է ուսցի օրինակաւ յոր ջորջակ գաղափարաց : Բարեկամք , 'ի բարեբաստութիւնս՝ լինին . 'ի դժբախտութիւնս՝ ճանաչին :

Իսկ յաղագս միաբանութեան գլխաւոր օրէն այս է . Զի հաւասար վստահութեամբ մին հաղորդեսցէ զիւր գաղանիս , և միւսն նովին հաւատարմութեամբ պահեսցէ զնոսա : Որ դնէ յաւանդի զսիրտ իւր 'ի կուրծ բարեկամին , ոչ կարէ ծածկել 'ի նմանէ զայն որ է 'ի սրտի . և որ ընդունի յինքն զայն մեծ աւանդ , երկիւղածութեամբ պահել ունի զայն : Զարմանային քաղաքականք իբրև ընդ գիւցական ինչ սկատդամ ընդ այն կանոն բիասայ , որ մի եր յեօթանց իմաստասիրաց Յունաստանի . Այնուէս սիրեա զբարեկամդ , որպէս թէ ունի լինել քեզ թշնամի : Այս ասացուած իմաստնոյս մեծի յիրաւի թուեցաւ Սկիպիոնի մեծ ինչ հայհոյութիւն . զի է առած ինչ դէմքնդդէմ թշնամի բարեկամութեան 320 : Ըստ է այդ 'ի բառնալ 'ի բարեկամաց զմիաբանութիւն գաղտնի կասկածանօք , և զհաւատարմութիւն փոխադարձ անվստահութեամբ . կամելով ասել համառօտ . բարեկամք մի վստահասցին 'ի միմեանս : Թէ բարեկամն չէ հաւատարիմ , չեղև երբէք բարեկամ . և թէ յերկըայս ես դու ընդ հաւատարմութիւն նորա , լաւ ևս եր քեզ չսկսանիլ սիրել զնա , քան սարջանալ 'ի սիրոյ նորա : Ապա սկատշաճող կանոն է այդ վասն բարեկամութեան տարբիածուաց և աւազակաց . բայց վասն բարեկամութեան առաքինեաց այն է լաւ կանոն . Մի արասցեսինչ , զոր ոչ կարող իցես վստահանալ և թշնամւոյ : Դարձեալ սնապաշտական է այն միւս կանոն . չաղորդեա քում բարեկամի զքո յաջողակ գէպս , զի ուրախ արասցես զնա . այլ ոչ զձախողս , զի մի տրտմեցուացես զնա . զի ուրախ առնել է հաճոյական , այլ տրտմեցուանել է գեղջկական : Բայց խտիր մեծ է ընդ մէջ լոկոյ հաճոյականութեան և բարեկամութեան : Այդ առած յօտարաց միջի է քաղաքավարական հաճոյականութիւն , բայց 'ի բարեկամաց միջի է ան-

քաղաքավարութիւն, նախատադիր միում և վեասակար միում: Բառնայ 'ի բարեկամէդ զվատահութիւն թեթևեռնելոյ ընդ քեզ փոխանակաւ զիւր վիշտոս, և 'ի քէն զգիպողութիւն ընդունելոյ զօգնութիւն կամ դէմ զքաջալերութիւն: Իբրև եհաս Հերակլէս յԱմիրիւս՝ 'ի ցաւագին սկահու, յորում Ագմետ արքայ վաղնջուց իւր ընդակից լայր զյանկարծագէպ մտհ չքնաղին Ազկեստեայ, Ագմետ կեղծաւորեցաւ լալ յուրախութենէ վասն եկաւորութեան նորա. և ետ ըզբուեցուցանել զնա 'ի զուարձալի ուրեք տարտիզի, մինչ ինքն ցաւագին հանդուսցէ գաղտագողի 'ի շիրմի զսիրելին զիւր աւանդ. պատուելո տուեալ ծառային չհանել 'ի վեր զբան արխուր պատահարին: Զգացեալ Հերակլէսի 'ի նշանաց ինչ, և ստուգեալ 'ի ծառայէն զգաղտնիան սպառնալեօք, յանդիմանեաց զԱգմետ վասն ցրելոյ նորա զբարեկամութիւն կեղծթաքստեամբ ճշմարիտ ցաւոց: Բայց և անդէն կորզեալ 'ի ձեռաց Պերսեփոնեայ զթագուհին որ ընդ մեռեալս էր համարեալ, գարձոյց կենդանի առ արքայ, որոյ և ոգիք արծարծեցան անգրէն 321: Որպէս սիրտ բարեկամի ոչ է բոլորովին իւր, նոյնպէս ոչ տրտմութիւն և ոչ ուրախութիւն է բոլորորովին իւր: Ասկա ոչ իրաւամբք տարատրոհէ զանտրոհելին, եթէ հաղորդէ բարեկամի իւրում զմին և թաքուցանէ ըզմիւն: Թէ հաղորդէս զերկաքանչիւրն, յերջանկութեան և 'ի թշուառութեան դտանես ընկեր: Որով ոչ երջանկութիւնն զեղու զքէ, և ոչ թշուառութիւնն առնէ հեղձամուղձ, յառնուլ նորա 'ի քէն և 'ի կորուսանել քո զկէսն:

Միւս ևս օրէն միաբանութեան է, հրաւիրել զմիմեանս փոփոխակի 'ի ճաշ, որ համեմեալ իցէ առաւել զուարթութեամբ քան զեղսութեամբ. զի փոխագարձ խրախութիւնք սնուցանեն զբարեկամութիւն, խոկ զեղսութիւն արտասահմանէ զընտանութիւն որ ընկերն է բարեկամութեան: Տարկուինիոս 'ի կապակցել զբարեկամութիւն Հռովմայեցւոց և Լատինացւոց կարգեաց տօնս հռովմէալատինս 'ի լերինն Աւբեայ, ուր տարւոջէ 'ի տարի կոչունս արարեալ Լատինք և Հռովմայեցիք, ուտէին 'ի մի և նոյն զոհից որպէս մի մարմին, զի իցէ նոցա մի ոգի: Այլ և կատիլինաս 'ի կապակցել զսէր երդուելոցն ընդդէմ հայրենեաց, խառնեալ զարիւն իւրաքանչիւրոց 'ի մի, արբոյց անտի իւրաքանչիւրում զիւր մասն. կոչնականք սեղանակապուտք և կոչունք նզովելիք. զորոց յիրաւի էր ասել թէ ոգի անասնոց է յարեան: Բայց և այնպէս զարմանալի իմն միաբանութեամբ հեղին վասն միմեանց զարիւն և զոգի ընդ վէրս 322: Խոկ արդ եթէ 'ի սուտ բարեկամութիւնս, կոչունք այսչափ ինչ ներդործեն, զինչ ոչ ներդործիցեն ճշմարիտ կոչունք:

Արդար օրէն բարեկամութեան է՝ գիտել կեալ 'ի միա-

սին ընդ մօտակայ բարեկամն , միակցեալ նոյնգունակ ըղկարծիս և զկամն , զի մօտակայ անձանց սիրտք մի իցեն բացականք . բայց և արդար օրէն է գիտել կեալ ընդ բացականս , զի և հեռաւոր անձանց մօտակայ իցեն սիրտք : Օրէն անջրելի ճշմարիտ բարեկամութեան է , այնպէս սիրել զհեռաւոր բարեկամն , որպէս զմօտակայն : Կա՝ որպէս ծիածանն լաւ ևս երեխ 'ի հեռաստանէ քան 'ի մօտոյ , նոյն պէս ճշմարիտ բարեկամութիւնն առաւել ճանաչի 'ի հեռաւորութեան քան 'ի մերձակայութեան . զի զբերկրական առարկայից առաւել զդամք զցաւ զրկման , քան զհաճոյս ստացութեան : Ազօք է սիրեցեալ և ոչ սրտիւ որ 'ի հեռանալ յաչաց՝ հեռի լինի 'ի սրտէ : Հոգին կեայ , ուր սիրէ . և սիրէ ուր խորհի : Ուր հասանէ խորհուրդն հասանէ և սէրն . և չիք լեառն կամ ծով կամ այրեցած գօտի , որ խափանեցէ զընթացս , կամ այրեսցէ զթիս խորհրդոյ : Պաշտրէ զբարեկամն փակեալ 'ի բարձրաբերձ պարլսպի , որ երկաթի թմբօք և խիտ առ խիտ տիգօք ցանկապատէ զամենայն ճանապարհ տեսոյ և լրոյ : Հիրտիոս և բրուտոս հանապազրդեցին ընդ օդս զերթեեկ թղթոց թեօք թռուցիկ աղաւնոյ 323 : Բայց ոչինչ պիտի զարմանալ ընդ այն աղաւնի . որովհետեւ աղաւնին լիգուրացի այն է կոլոմբոս , թեօք առագաստից եղիտ երթեեկ 'ի մէջ միոյ և միւսոյ աշխարհի 324 : Ապա չարգարանան սուտ բարեկամք յասել թէ հեռաւորութիւնն խրամատէ զբարեկամութիւն : Խոկ ոլինչ հեռաւորութիւնն կայցէ մէծ քան ըդմահուն . սակայն և 'ի մահուանէ և անդր պարտ է հանապազրդել զընտանութիւն բարեկամութեան :

Ապա վերջին օրէն բարեկամութեան է թէ որ սիրեացն զբարեկամն առ կենդանութեամք , սիրել ունի և յետ մահու : Եթէ ոգի մեռելոյն սիրէ գեռ զողջ մնացեալն , մէծ անիրաւութիւն է սիրոյ եթէ մեռեալն սիրեսցէ զկենդանին , և կենդանին ոչ սիրեսցէ զմեռեալն . և մին վախճանարասցէ սիրոյ , յորժամ միւսն 'ի վախճան հասանէ կենաց : Պարտ է կենդանւոյն դարձուցանել 'ի կեանս զբարեկամն հանապազրդ յիշատակութեամք իւրոց պանծալի առաքինութեանց , խօսից և բարի գործոց , հայեցեալ ըստեպ 'ի պատկեր նորա , այց արարեալ գերեզմանի նորա , և գթասիրութեամք ողջունեալ զայն հոգի , որ ստէպ դառնայ ակնարկել յիւր նշխար . գիտելով ստուգիւ զի թէ առաքինի ոմն էր բարեկամն , որպէս ասացաւ , վայելէ յուրախութեան և ձեռնհաս ևս է օգնելոց : Ապա անգթական դթութիւն եղեւ գթութիւն մահակցացն Եգիպտացւոց , որք փակեալ 'ի շիրիմ մեռելոյն բարեկամի , դրկախառնեալ ընդ նմա միահաղոյն նեխէին . զի այլ մի վայելեսցէ 'ի կետ-

նըս մին քան զմիւսն : Այդ ոչ էր սիրել զբարեկամն իբրև
զանձն , այլ ատել զինքն և զբարեկամն . իբր զի մեռեալն
սպանանէր զկենդանին , և կենդանին բառնայր 'ի մեռելոյն
զայն երկրորդ կեանս որ մնայր նմա , կրկնակի զնա մեռու-
ցեալ : Լաւ է կեալ ըստ կիսոյ , քան մեռանիլ բոլորովին :
Ըստ կիսոյ կեայ մեռեալն , որ կեայ դեռ 'ի կենդանին :
Բոլորովին մեռանի , որ ոչ թողու 'ի կեանս բարեկամ և
ոչ մի : Ասլա յայս լիցի մեզ կնքել զբանս թէ կատարեալ
բարեկամութեանն չէ պարտ լինել իբրև զհուր մոլի , որ 'ի
վերայ դերեզմանաց առ վայր մի երևեալ և անդէն չքա-
նայ . այլ իբրև զհուր մշտատե , որ 'ի վերայ սեղանոյ սրտի
առ անդամ մի վառեալ անշէջ ճառագայթէ :



Գ Ե Բ Ա Վ Ա Բ Ե Ր Ա Ւ Ե

ՅԱԴԱԳԻ ՄԱՐԴԿԱՑԻՆ ԵՐՃԱԿՈՒԹԵԱՆ



Գ Լ Ո Ւ Խ Ա .

ԹԻ զինչ իցէ երջանկութիւն :

Ա յստիպ քեզ հուսկ ուրեմն այն որ հաւաքեալ 'ի կասկի-
տովիոն փառաց զժրաջան ստացիչս դիւցազնական առաքինու-
թեան . վոխատրէ պանծալի վաստակոց յաղթական և յա-
ւերժական հանգիստ 325 : Առ այս ամենայն մարդ ընթանայ
թէսէտ և չգիտէ . բայց է որ որչափ առաւել ընթանայ , ա-
ռաւել ևս հեռանայ . զի զհետ երթեալ սուտ երջանկու-
թեան՝ որպէս ճշմարտի , զզարտուղին գնայ շաւիզ . և որ չա-
րաչար սկսանի , երթալով երթայ և յոռանայ : Ապա սա յըն-
թացս իմոց բանից բացցէ քեզ դուռն . և սա առաջի արացէ
քեզ նպատակս . վասն զի 'ի մարդկային գործողութիւնս ա-
ռաջին անկեալն 'ի միտս , վերջին է 'ի ստացութեան : Ապա
ուրեմն եթէ 'ի մատենի աստ գուեր դու ինչ առաւել անա-
խորժ քան ախորժելի , գէթ զայն խոստովան լիջիր , թէ ըս-
կիզբն նորա և կատարած եղեւ երջանիկ . զի սկիզբն արարեալ
յերջանկութենէ , աւարտ էառ երջանկութեամբ : Գիտեմ
զի 'ի սկզբան անդ տեսեր դու զերջանկութիւն իբրև 'ի հե-
ռաստանէ , ընդ աղօտ , առանց հասու լինելոյ գեղեցիկ հան-
գամանաց նորա և զարդուց և մեծագին կահուց . զի որպէս
ասեն իմաստասէրք , առաջին ծանուցեալն է միշտ ընդհա-
նուր , վասն որոյ և շփոթ : Զկնորսի , որ գիտէր 'ի հեռաստա-
նէ զառաջին նաւն Նըրդոնաւորդաց , այն նաւ թուեցաւ զա-
ռաջինն հաստատուն ինչ ժայռ յանկարծ ուրեմն 'ի վեր ե-
րեւեալ . ապա վիշապ ձուկն կայտուական . բայց առաւել ևս
'ի մօտոյ և 'ի լոյս տունջեան տեսեալ նորա զյօրինուած [թոռ-
ցիկ կերտուածոյն , զկայմն , զառագաստոն , զչուանսն , և զըս-
պառազէն քաջազունս որ 'ի նմա , յասլուշ հարաւ ընդ այն
տեսիլ զուարձալի : Ի սկիզբն գործոյս հարկ եղեւ մեզ խօսիլ

զերջանկութենէ, որ վերջին վախճանն է բարոյական իմաստասիրութեան : Բայց քեզ անհնար էր լիով խելամուտ լինել այնմ մինչև 'ի վերայ հասեալ էր քո զինչ իցեն մարդկային կիրք, զինչ բարոյական առաքինութիւնք, և զինչ իմացական գործողութիւնք, առ որս պիտէր մեծ ևս յայտնութիւն : Արդ վասն զի այդմ ամենայնի հասու եղեր դու, մարթիս յայտնագոյն ևս խելամտել գաղտնի իմաստից սահմանի երջանկութեան, որ 'ի սկզբան անդ առաջի եդաւ քո : Ծայրագոյն երջանկութիւնն է ամենակատար գործողութիւն հոգւոյ, ոչ առանց բարեաց արտաքնոց և մարմնականաց՝ որպէս օգնչաց . ընկերելով զուարթութեան և մեծարոյութեան որպէս լծակցաց, և ապահովութեան և յաջողուածոյ հանապազրդելոյ : Մեծամեծս խոստանայ այս սահման . բայց ամենայնն է ճշմարիտ և բացայաց . զի է հաւաքումն ինչ վարդապետութեանց որ ասացան, և բարոյական իմաստասիրութիւն ինչ 'ի քառեակ տողս ամփոփեալ :

Արդ ասէ նախ Արիստոտէլ թէ երջանկութիւնն հաստատեալ կայ 'ի գործողութեան : Զի որպէս և տեսեր չէ նառնակութիւն, թէպէտ և ծնանի յունակութեանց : Գործէ նա առաքինորէն, բայց չէ առաքինութիւն ինչ : Զէ նա նոյն ինքն առաքինութիւն, այլ գուստը նորա: Եթէ երջանկութիւնն լինէր ունակութիւն ինչ, մարդ և 'ի քուն լինէր երջանիկ . զի քունն խափանարար է գործոց, այլ ոչ ունակութեանց որպէս և լուար : Որ ոք ննջէ, կեայ կենօք տնկոյ . զի գործէ 'ի նմա միայն աճողականն որպէս 'ի տունկո : Որ ոք գործէ զգայապէս, կեայ կենօք անասնոյ . զի զգայութիւնն է որ գործէ 'ի նմա, որպէս յանասունս . որ երջանիկն է, կեայ կենօք մարդոյ . զի գործողութիւնն է բանաւոր, և սեպհական մարդոյ :

Եւ արդ թողեալ զգործողութիւնս հասարակս մարդկան ընդ անկոց և ընդ չ'ըքոտանեաց, յորս երջանկութիւն չունի զաեղի, 'ի միտ առեր դու թէ այն գործողութիւնք են առաւել կատարեալք և առաւել սեպհականք մարդոյ, որք վերաբերին առ կարողութիւն գերագոյն, այսինքն առ խմացականն : Միտք են կարողութիւն երիցագոյն քան զամենայն մարդկային կարողութիւնն . նա է գատաւոր գործողութեանց ամենայն զգայութեց արտաքնոց . նա է խժան երկիւղի և սանձբարկութե : կամքն ցայնվայր է ուղիղ, ցորվայր 'ի մտաց առնուզօրէնս : Նա է գրասուն անցելոց, պատգամախօս ապագայից, գործատուն արուեստից, գանձարան գիտութեանց, տաճար մտաւոր առաքինութեանց, առաջին շարժուն գործողութեանց, հրեղէն երկինք հոգւոց, պաշտօնակից հրեշտակաց, պատկեր երկնաւոր աստուածակետութեան . նա աստուածակետութիւն է երկրաւոր, զի նա է իշխան հասարակապետութեան

փոքու աշխարհի , որպէս Աստուած է իշխան հասարակապետութեան մեծի աշխարհի : Բայց 'ի մէջ աղնուական գործողութեանց մտաց տեսեր զի երկու են գերազանցագոյնք և կատարելագոյնք . մին է գործածութիւն խոհեմութեան , որ կանոնաւորիչն է առնելեաց և առաքինութեանց բարոյականաց . միւսն է գործածութիւն իմաստութեան , որ կանոնաւորիչն է հայեցողական իրաց , և նկատող անմահականաց և աստուածայնոց : Որով ծանեար թէ 'ի մի և նոյն աղբերեցին երկու երջանկութիւնք . որոց մին վերաբերի առ գործնական կեանս , և միւսն առ տեսական կեանս . զորոց թողին իմաստասիրք վէճ թէ ո՞ր լաւագոյն իցէ : Սիմոնիդէս որ 'ի մտաւորաց ոք էր , աքսորեալ զտեսական գիտութիւնս , հաստատէր զերջանկութիւնն 'ի բարոյական առաքինութիւնս , 'ի վերայ բերեալ զհասարակաց զայն առած . Որ ինչ 'ի վեր է քան զմեզ , չէ անկ մեզ : Թողոյը զգիտութիւն երկնային գաղանեաց այնմ որ արարն զնոսա . կարծէր թէ յանկագոյն իցէ մարդոյ բարոյական կարգաւորութիւն մարդկային կրից , քան զընդլայրաքնին հետազօտութիւն աստուածային գաղանեաց , զոր ինքն Աստուած իննեականթափանց ադամանդեաց վարագուրօք պարածածկեաց : Ծագէր այս իւր նիւթական իմաստասիրութիւն 'ի թանձրամտութենէ , զի կարծէր թէ հոգի չէ ինչ բարեվլիճակ քան զմարմին . և վասն այսորիկ ծիծազէր եթէ մահկանացուք մեծամեծս խորհէին զանմահականաց : Բայց Ճշմարիտ իմաստասիրողք , որոց սրատես միտք տեսանէր որ ինչ 'ի միտս է անբաժան , անմահ և աստուածային , իմաստնասլէս 'ի վերայ բերին , թէ արժանագոյն և իսկագոյն գործողութիւն այսպիսի գերապանծ կարողութեան , է հետազօտել զբարձունս և զաստուածայինս , որով մահկանացուն մօտի յաւիտենականին ըստ կարի : Այս գերահրաշիրք 'ի յառաջատես աստուածապետութենէ ոչ կարի իմն յայնեցան և ոչ կարի իմն ծածկեցան . իբր զի սրամիտք 'ի նմանէ սիրեցեալք որպէս իւր նմանակք , մեծապէս խնդայցեն 'ի խոյզ նոցա : Անմիտք անծանօթք անձանց , և ևս առաւել աստուածային առարկայից , կեցցեն արբանեկեալ այլոց . փոխանակ զի չեն արժանի վայելել յերջանկութեան : Բայց ոքք ոչ անմիտ են և ոչ սրամիտ , թէ չվայելեն 'ի հայեցողական երջանկութեան՝ վայելեսցեն 'ի գործնականն առ իւրեանց քաջալերութիւն : Այս , կեանք գործնական պիտանագոյն են քան զհայեցողականն . զի առաւել սլիտոյ է մարդոյ լինել բարի , քան լինել գիտուն առ 'ի լինել երջանիկ : Բայց գործողութիւն հայեցողական կենաց նմանագոյն գոլով գործողութեան անմարմին գոյացութեանց , այնչափ է կատարելագոյնք քան զգործնականն , որչափ մերձաւորագոյն է աստուածայնոյն : Արդարես սեպհական են մարդոյ բարոյական առա-

քինութիւնք. բայց ըստ իրաց ինչ թէպէտ և թերապէս՝ ընծային և անասնոց. զի և սոցա բաժանորդ գոլով զգայական բաղձանաց, մարդկային ուսուցչութեամբ և սովորութեամբ ուսանին և սոքա սանձել զնոսա, 'ի սանձել զբարկութիւն և զցանկութիւն յուսով և երկիւղիւ։ Զի իմաստասէրք ետուն մարդկան ուսուցիչ բարոյական առաքինութեանց զնոսին իսկ զանթանս, զառիւծն՝ արիութեան, զարագիլ՝ երախտագիտութեան, զտատրակ՝ ողջախոհութեան, և զշուն՝ հաւատարմութեան. զի 'ի նոսա գործէ ընութիւնն, որում անհնար է սխալել։ Բայց հայեցողութիւնն է գործ մտաց այնպէս ամբարձեալ 'ի զգայութեանց, և վերառեալ 'ի նիւթական առարկայից, զոր ոչ լիուլի և ոչ թերի հնար է պատշաճել անթանից. այլ միայն Աստուծոյ և հրեշտակաց և մարդկան։ Ազա անանջրապետ են 'ի մարդ այս երկու կեանք հայեցողական և գործնական, առ հասանելոյ 'ի ստացութիւն կատարեալ երջանկութեան։ Վասն զի գոլով նորա իմացական և զգայական, ոչ կարէ լինել կատարելապէս երջանիկ, եթէ որպէս իմացական ոչ կատարելագործէ զմիտս իմաստութեամբ. և որպէս զգայական ոչ չափաւորէ զկիրս խոհեմութեամբ։ Բայց քանզի յարանուանութիւնք առեալ լինին 'ի կատարելագոյն և յազնուագոյն մասնէ ենթակային, վասն այսորիկ Արիստոտէլ յարանուանեաց զերջանկութիւնն միայն 'ի հայեցողութեան աստուածայնոց իբրև 'ի կատարելագոյն և յաստուածայնագոյն գործոյ։ Այլ քանզի յընդմիմեամբ գասաւորեալս կարդն վերին 'ի ներքս փակէ զկարգն ստորին, թէպէտ և ստորինն ոչ փակէ զվերին, վասն այսօրիկ երջանկութիւնն գործնական թէպէտ ոչ 'ի ներքս փակէ զհայեցողականն, բայց և այնպէս հայեցողականն փակէ գերազանցապէս զգործնականն։

ԳԼՈՒԽ Բ.

Նկարագրութիւն առե երջանկի։

Իսկ արդ ո՞վ իցէ երջանկագոյն քան զայն, որոյ ունակացուցեալ զսիրտ իւր երկար սովորութեամբ յամենայն բարոյական առաքինութիւնս, վասն որոյ և ազատ լեալ 'ի ծառայական կապանաց մոլութեանց, յայնպիսի հասուցանէ զըլձական ախորժակս. և յայնպիսի հանդարտութիւն զաղմկալի երկիւղս, մինչև սլատրաստական գտեալ առ ամենայն պատահար, թէպէտ և փոխեսցի բաղդն, ինքն երբէք ոչ փոխի. և թէպէտ և կործանեսցի աշխարհ, ոչինչ զարհուրի. զի

յինչ իրաց երկնչիցի , որ 'ի ծայրագունէն ահարկուաց չերկնչի : Եւ զի փոքր կոպար է մարդոյ իւր անհատ , զեղու յիւրմէ և անդր զյորդեալ զիւր առաքինութիւն առ օգնելոյ հասարակութեան , որոյ ինքն է ընարելադոյն մասն . վերաբարձեալ զհայրենիս խորհրդով և գործով , իբր առաս զերկինս դլսով և ձեռամբ 326 : Որով տնդէն իսկ հանդիսանայ աղաւաւորս զիւրեւ ունելով բազումս , և շնորհակալուս անբաւս . բարեհամբաւեալ 'ի ռամկայնոց , և մեծարդի յաչս աւագաց , սիրելի իւրոց , և մեծանուն առ օտարս . որում ամենեքին խորհուրդ հարցանեն , և որպէս պատգամախօսի ծունդ ածեն :

Բայց չէ պարագրեալ իւր երջանկութիւն մարդկայնովքս կամ եղականօքս : Ոչ շատանայ այնուիկ զոր առնէ , թէ ոչ ճանաչէ և զամենայն որ լինի ընդ աին զերս : Ամբառնայ մտօք 'ի գիտողութիւն համակ տարրական աշխարհի . և 'ի վերայ հասեալ ճշգրիտ պատճառաց բարձանց բնաւոր գործոց՝ երեւոց 'ի ծովու և 'ի ցամաքի , յօդս և յերկինս , որք պարզամիտ ամբոխին թուին անհաս սքանչելիք , ծիծաղի ընդ զարմանս տիմարաց . յանդիմանէ զմոլորութիւնս խմաստնոց , և խնդայ վասն գիտելոյ իւրոյ զոր այլք ոչ գիտեն . մինչև թուիլ նմա , թէ ոչ վասն այլոց , այլ վասն իւր միայն արարեալ իցէ աշխարհ : Անցեալ զանցեալ զիւթականօք և զփոփոխելիօք , և 'ի գերմարդկային գործոց ծանուցեալ զգոյութիւն գերմարդկային գոյացութեանց (հրեշտակաց) , որք 'ի վեր են քան զմարդ , և ստորեւ քան զԱստուած , ջինջ միտք , պարզ խմանալիք , սոսկ հոգեղէնք , անմարմին գեղեցիկք , անթեւ երադունք , անուսումն խմաստունք , ընդ նոսխն կենցաղի նա . ածեալ զմտաւ , որպիսի ինչ իցեն նոցա կեանք , որպէս գիտիցեն , զիարդ տեսանիցեն , որպէս շորժիցին , որպէս միմեանց խօսակից լինիցին : Եւ այս իսկ են զարմանք մեծ , թէ որպէս մարդ ծանիցէ զհրեշտակա , և յերկրի գոլով բնակեսցէ յերկինս : Բայց անբաւութեամբ առաւելու նորա երջանկութիւն , յորժամ ոչ միայն յիւր փոքր աշխարհէ ելանէ յաշխարհ տարրական , և 'ի տարրականէն 'ի հրեշտակական , այլ և 'ի հրեշտակական աշխարհէ սլանայ 'ի սկզբնատիտ և յաստուածայինն աշխարհ : Եւ նշովիւք բնաւոր լուսոյ իւրոյ որ յարարածս , նկատեալ զարարիչն , խորհի զայն հրաշափառ և յաւերժական առարկայ , զոր այլ մարդիկ որպէս խլուրդք 'ի միջօրէի իսկ չտեսանեն : Յինչ մեծադոյն երջանկութիւն հնարիցէ մարդկային մտաց վայելէլ , քան 'ի նկատել զաստուածայինն միտս , և 'ի ճանաչել թէ որով օրինակաւ ճանաչէ Աստուած զեղականքս , և ճանաչելով 'ի գոյ ածէ զամենայն յոշնչէ . թէ քանի գեղեցիկ իրս արար , և թէ ևս գեղեցիկս կարող է առնել : Եւ թէ կարել և կամիլ են յԱստուած էապէս մի և նոյն , զիարդ ասկա ոչ կամիցի զայն ամենայն զոր

կարէ: Եւ որպէս ազատօրէն կամելով առնել կամ չառնել, ազատութիւնն որ կարող է կամիլ կամ չկամիլ, ոչ յաւելու ինչ գործ սկատահական, որում իցէ հնար լինել կամ չլինել յԱստուած: Եւ թէ կարող է նա առնել 'ի միում վայրկենի զայն ամենայն, զոր կարող է առնել առանց ծախելոյ զիւր կարողութիւն: Ապա յանբաւ կարողութենէ անցեալ յանբաւ բարութիւն, ճանաչէ թէ քանի երախտիս ոչ միայն յամենայն կեանս, այլ և յամենայն վայրկենի ընդունի նա: Եւ զի յայտնի ճանաչէ թէ յԱստուծոյ միայնոյ կախեալ կայ ամենայն իւր բարութիւն, 'ի նա միայն ապաւինի, և առ նա միայն դիմէ: Եւ յայսմանէ առ այլ բազում ախորժական խոկմունս միայն առաջնորդութեամբ իմաստասիրութեան գնայ խրախամիտ, որոց իւրաքանչիւրն կարող է արդահատել յաւիտեան զամենայն անդորր միտս: Ապա այս է այն կատարեալ իմաստութիւն՝ գշխոյ առաքինութեանց, յոր հանդուցանէ Արիստոտէլ զգերակատար երջանկութիւն բնական:

ԳԼՈՒԽ Գ.

Օգնականք երջանկութեան:

Զորինչ ցայս վայր լուար, է երջանկութիւն էական: Յաւելու ապա Արիստոտէլ, թէ մարմնական բարիք և արտաքին բարիք են օդնիչք երջանկութե: Եթէ լինէր մարդ միաք վերառեալ և սոսկ հոգի, հայեցողութեամբ լոկով վարէր զերջանիկ կեանս. և այլ ամենայն բարիք լինէին նմա աւելորդք: Բայց անհնար է նմա ստանալ զերջանիկութիւն առանց արբանեկութեան ըզդայութեանց, որք են դրունք ընդ որս մտանեն ճանաչելի առարկայք 'ի տաճար մտաց, և ոչ զօրէ 'ի վտր արկանել զայն եթէ մտաւոր գործողութեանց չոդնեն մարմնականք: Ապա պիտոյ են բարիք մարդոյ, առողջութիւն, ոյժ, կերակուր, ըստ այնմ որ արբանեկեն գործողութեանց հոգւոյ: Վասն որոյ պիտոյ են և բարիք բախտի, Ճոխութիւնք, կալուածք և դիւրութիւնք. ըստ այնմ որ արբանեկեն 'ի հաստել զմարդկային մարմին: Չեն ինչ անլծորդականք ընդ երջանկութեան ճոխութիւնք. ոչինչ արդարութիւն ալարաւանդէ զփիլսոփայական իմաստութիւնք. իմաստութիւն առ խիստ մուրողութիւն: Կատաղի նախանձ եղե նախանձ շնական աղանդոյ կիւնիկեանց. որոց որպէս աղտեղի էին գնացք, նոյնպէս և հանդերձք. որ և յիմաստասիրել իւրեանց 'ի մարագս, հաչէին ընդդէմ Պղատոնի, Արիստիսպոսի և Զենոնի, ասելով. Ստացեալ ունին բազում ճոխութիւնս, մեծակառոյց ապարանս, զուարժալի դրախտս,

պերճապահոյք պՃղնաւորս, բաղմախորտիկ սեղանս, և ուսուցանեն թէ կեանք փիլիսոփայի սակաւուք շատանայ: Առ իմաստասիրել ոչ պիտի ընկենուլ զգանձո 'ի ծով իբրև զկրատէս, և ոչ բրել զաջս իբրև զԴեմոկրիտոս, և ոչ մուրանալ զցնցոտիս իբրև զԴեմետրիոս, և ոչ բնակիլ 'ի կարաս իբրև զԴիոդինէս: 'Նա որպէս 'ի հնդիկո բուսանի ծառ, որ արժանապէս կոչի երջանիկ՝ զի յիւրմէ ևեթ արտադրէ, ասեն, պտուզս և իւղ և ասր և զէնս, և զամենայն որ ինչ պիտի առ մարդկային կեանս. դոյնափիսի պարս է լինել երջանկութեան իմաստնոյն, լի ամենայն բարեօք, և ոչինչ իւիք կարօտեալ, զի երջանկութիւնն կոչի վիճակ կենաց ամենայն մասամբք կատարեալ: Չեն ինչ արտասահման յերջանկութենէ իշխանք և միահեծան թագաւորք, զի չեն արտասահման յիմաստութենէ: 'Նա՝ որչափ առաւելուն քան զայլս բարեօք, այնչափ դիւրագոյն քան զայլս կարող են իմաստասիրել և լինել երջանիկ: Լաւ ևս իմաստասիրէր Պտղոմէս մեծահարուստ եղիսակացին, դիտելով աչօք յերկինս, 'ի դիրս, և 'ի մեծագին տափարակ աշխարհացոյցս զընթացս աստեղաց, քան անմիտն Դեմոկրիտոս բրելով զիւր աչս, 'ի նկատել կոյր զկուրայն: Լաւ ևս իմաստասիրէին մերկիմաստակք 'ի դիրգ կոչունս, քան սովեալ կիւնիկեանք իբրև զանսուազ ճպուունս. լաւ ևս իմաստասիրէին Պղատոն և Զենոն 'ի կրակատունս ապարանից իւրեանց, քան Դիոդինէս 'ի տապ արեւու, 'ի կարասի անդ իւրում, զոր երգիծաբանն գովէ և միանգամայն պախարակէ: Առ քաջ իմաստասիրելոյ, լաւ է ստացող լինել քան մուրող, լաւ է մեծատուն լինել, քան զմեծատանց զհետ ընթանալ: Ճամանակն զոր կորուսանէին կիւնիկեանք փոխառութեամբ հնոտեաց 'ի տունս տունս, խափան էր հայեցողութեան աստուածայնոց, ուստի և երջանկութեան: Ցող զի որովհետեւ երջանկութիւնն ոչ է բոլորովին հայեցողական, այլ մասամբ իմն գործնական, բազում ինչ պիտոյ է իմաստնոյն ըստ գործնականին, որ ըստ հայեցողականին էր աւելորդ: Կատարեալ և ժրագլուխ խոհեմութեան պիտին վեհ իշխանութիւնք և մեծ դերգաստան. արդարութեան՝ տաճկինակք և ատեանք, մեծագործութեան մեծ ճոխութիւնք, մեծանձութեան մեծ պատիւ, բարեխառնութեան մեծ դըրգանք: Իսկ կիւնիկոսի չէ մեծ բարեխառնութիւն ժուժկալել յայնմանէ զոր ոչն ունի: Մինչ զի ճոխութիւնք լաւ ևս կան 'ի ձեռս իմաստնոյ քան մոլեկանի. զի նա կամ վարէ 'ի պէտաս կամ բաշխէ. սա կամ մսխէ և կամ դաղէ: Լաւ է և ճոխութիւն Պղատոնի քան զմուրողութիւն կիւնիկոսի, զի նա պատուէ զիմաստասիրութիւն և սա անարգէ:

Բայց ասիցէ կիւնիկոսն. իսկ զիարդ Զենոն և Պղատոն և Արիստակոս ուսուցանէին թէ կեանք իմաստնոյ շատանայ

սակաւուք, և ինքեանք ստացեալ ունեին ինչս բազում։ Զոր օրինակ անուաւոր ժամացոյց, յորժամ անիւ ցուցակին չէ բաղադրյալ ընդ անիւ զանդակին, մի ժամ ցուցանէ և տասն հարկանէ, սոյնավէս այն իմաստասէրք բացաձայնք յինքեանց, այլոց աղքատութիւն քարոզէին, և ինքեանք փարթամութեան զծեալ վարէին։ Խոկ ընդէր այնալիսի իմաստուն փիլիսոփայք ոչ կէին որպէս քարոզէին, կամ ոչ քարոզէին որպէս կէին։ Ասէլի է թէ արդարե ոչ բացաձայնէին նոցա կեանք 'ի վարդասկառութենէ։ Ոչ եթէ Ճոխութիւնք խոչ են իմաստութեան, այլ կիրառութիւնն։ Հնար է լինել աղքատ յառաւելութեան, և Ճոխ 'ի չքառորութեան, յորժամ Ճոխն խնայօրէն վարէ 'ի պէտս զայն զոր ունի, և աղքատն տարփմամբ ըղձանայ այնմ զոր չունի։ Ագահն խոկ գիտէ լինել աղքատ 'ի Ճոխութիւնս։ բայց ագահն թշուառութեամբ կեայ 'ի պահել։ իմաստասէրն խնայօրէն վարէ զայն առանձինն առ օգտելց հասարակաց։ առաւել խնդամիտ լեալ 'ի պարդեել զայն քան 'ի վայելել։ Ապա վարէին 'ի պէտս իմաստասէրք զՃոխութիւնս, այլ ոչ ծառայէին Ճոխութեանց։ ստացեալ ունեին զայնս, այլ չէին ստացեալ 'ի նոցանէ։ Եին այնք՝ ինչք արագքինք, այլ ոչ ներքինք։ Ունեին զնոսա առ մարմնով, այլ ոչ 'ի ներքս 'ի հոգի զի 'ի հասանել առ նոսա ժառանգութեամբ, կամ վարձատուութեամբ, խաղաղական անձամբ ընկալեալ ոչ ջեւնուին 'ի ստացութեան նոցա, ոչ խռովէին 'ի պահսկանութեան և ոչ տառապէին 'ի կորստեան։ Զհուսկն ասացից։ գիտէին լինել երջանիկ նոքօք, և առանց նոցա։ որպէս արդ ասացուք։

ԳԼՈՒԽ. Պ.

Յատկուրիւնք երջանկութեան :

Առաջին յատկութիւն երջանկութեան՝ ըստ Արիստոտէլի, է լինել նմա կեանք ինչ ծայրագոյն բերկրական։ Զի եթէ երջանկութիւնն չէ բերկրական, զինչ ինչ բերկրական կայցէ յաշխարհի։ Բայց գործ է գիտել, որ իցէ նորա բերկրութիւն։ Աստի սկիզբն առնու տատանումն այնոցիկ, որք պատրեալ 'ի բառէն զսուտ հեշտութիւնն կարծեն ճշմարիտ։ Այսպէս աշակերտքն Եպիկուրոսի լուեալ թէ վարդապէտ իւրեանց զմարդկան գերագոյն բարին հաստատէր 'ի հեշտութեան, և շիմացեալ թէ որ հեշտութիւն իցէ այն, արձակերասան գիմեցին 'ի հեշտութիւն զգայական։ խնդրելով ոչ զբերկրութիւն յերջանկութեան, այլ զերջանիկութիւն 'ի բերկրութեան։ Թէ հարցանես դու գրաստու, որ ջամբ իցէ համեղա-

Ճաշակ, աացէ սկատասխանի . խոս մայիսի, և վարսակ օդոստոսի . և թէ հեշտասիրի հարցանես, ո՞ր իցէ մեծագոյն երջանկութիւն, յայտ է թէ աացէ սկատասխանի . հեշտութիւն զգայութեան : Այդպիսում քմաց այդպիսի վայելէ ջամբ : Ոչ կարէ առնել կատարեալ դատաստան զիրաց որոյ ոչ կատարեալ են խելք : Դուկուղոս երևելին 'ի հանդերձանս կոչնոց մարթի ընտրութիւն առնել համոց, և ոչ թէ կին յղի որոյ թիւր երևակայութիւն զառածանէ զՃաշակ . մինչև դառին թուել նմա քաղցր, և քաղցուն դառն : Ապա իմաստունք և ոչ ռամկայինք առնուն զՃամարիտ Ճաշակ բերկրականին : Ապաքէն լուար թէ բերկրութիւնն է վերջին ինչ կատարելութիւն, և անուշակ իմն համեմ գործողութեանց իւրաքանչիւրամ պատշաճելոց : Իսկ արդ եթէ հայեցողութիւնն է գործողութիւն առաւել սեպհական և առաւել պատշաճական մարդոյ, որպէս ասացաւ, ապա չիք ինչ գործողութիւն քան զայն բերկրական . զի չիք ինչ քան զայն պատշաճական : Եւ եթէ այնչափ բերկրականագոյն են գործողութիւննք իմացականք, որչափ լաւագոյն են առարկայք, ապա այնչափ լաւագոյն են բերկրանք իմաստնոյն քան զայլոց մարդոց, որչափ առարկայն աստուածային է լաւագոյն քան զայլ առարկայս : Եթէ զբերկրանս մասաց ընկղմելոց 'ի խոկումն առառածայնոց, կարող լինէին տեսանել հեշտասէրք, ստուգէին արդեօք զասացեալն յընկերաց Ադիսեայ . որոց 'ի Ճաշակել զեղեգնաշաքար 'ի ծովագինեայ ամայութիւնս Վերիոյ, ամոքեալք յայնմ անակնկալ քաղցրութենէ և մոռացեալք ըզզըւարձութիւն Յունաստանի և զդիւրութիւնս հայրենի վաստակոց, կամէին յայնմ անապատի վախճանել զկեանս 327 :

Ապաքէն 'ի միտ առեր գու թէ երջանկութիւնն չէ ինչ նուազ պատուաւոր քան բերկրական : Եթէ պատիւն է յարդ ինչ, զոր ընծայեմք այլում գերազանցութեան, և վասն այսորիկ առաքինութիւնն է պատուաւորագոյն քան զայլ ամենայն մարդկային բարիս . ապա իմաստունն այնչափ է պատուաւորագոյն քան զայլ առաքինիս, որչափ առաքինութիւնք աստուածայինք են գերագոյնք քան զմարդկային առաքինութիւնս : Բայց յայսմ վայրի իւրով խորին խոհականութեամբ որոշեաց Արիստոտէլ երկուս ազգս գերազանց կատարելութեանց . մին բացարձակ, որ կատարելագործէ զմարդ 'ի ներքս յինքեան, և միւսն առնչական՝ որ կատարելագործէ զմարդ հայելով յայլս : Զառաջինն կոչեաց նա պատուաւոր, և զերկրորդն գովելի : Զի պատիւն հայի յանձն, իսկ գովեստն հայի յարտաքին գործս : Վասն այսորիկ ասէնա թէ Աստուած առաւել պատուելի է քան գովելի : Աստուածութեանն առաւել վայելէ լուելեայն երկրագործիւն, քան բազմաբեզուն գովասանութիւն, վասն զի գոլով Աս-

առւած միշտ պարագածկեալ յինքեան՝ և էապէս զմայլեալ
՚ի հայեցողութիւն իւր, է ինքնաբաւ առանց գործելոյ ինչ
արտաքոյ իւր: Եւ թէպէս և գործէ արտաքոյ իւր բազում
ինչ դեղեցիկ և սքանչելի, սակայն և այնպէս գործէ հայեցո-
ղութեամբ յինքն իբր ՚ի գաղափարական պատճառ ամենայնի:
Մինչև յԱստուած հայեցողական կենաց լինել հարկաւոր, և
գործնականին ազատ: Ասդա յայսմ տրամաբանութենէ քա-
ղէ, թէ որովհետեւ մարդ երջանիկ սկատաղեցուցեալ զմիտո
յաստուածային խոկմունս կեայ յինքեան, առաւել յարդելի
է նա և պատուելի քան գովելի: իբր զի երեխ նա առաւել
աստուածանման ոմն քան մարդ մահկանացու: Բայց քանզի
խմաստունն ընդ առաւելութեան հայեցողականին լծորդէ
երբեմն զառաւելութիւն գործնականին, որ հայի յօդուտ
այլոց, անտարակոյս է նա և մեծապէս գովելի: որպէս Աս-
տուած բաց յերկրագութենէ վասն իւրոյ կատարելութեան
գովի ևս երդովք վասն իւրոց գերահրաշ գործոց արտաքնոց:
Ստոյգ իմն է թէ ոչ միայն պատուելի է այս անձն երջանիկ
որպէս աստուածանման ոմն յերկրի, այլ և պատուելի առնէ
զծնողսն որք ՚ի լոյս ընծայեցին զնա, զհայրենիսն որ եղեն
նմա վանատուր, զտեղին յոր ետ զանձն խոկման, և ուր միտք
նորա երկնեաց զայն աստուածային խմաստս: որպէս պա-
տուիւր օրոցն ուր ծնաւ Դիոս յիդաս լերին: Երեկին ՚ի Ստ-
մոս արդոյ աւերակք լուին խրճթին, ուր համերց ուսոյց Պիւ-
թագորաս զիմաստութիւն: Եւ Սովոնին ՚ի Սաղամինա, և Ա-
նաքսագորայն ՚ի Կղաղոմենէ, և Քուենոկրատայն ՚ի Քաղկե-
դոն, և արտաքոյ Աթենայ (քաղաքի) նսեմ քարայրն Եպի-
կուրոսի և Մետրոդորոսի, որ ՚ի համբաւոյ նոցա պայծա-
սացաւ: Ասդա չեն ինչ զարմանք, եթէ Արիստոտէլի մա-
սեալ զայսպիսի մեծ համարումն զիմաստոյ, և ծանուցեալ
զափակ նորա ՚ի դիւցական յիւր վարժապետ ՚ի Պղատոն, ձօ-
նեաց նմա սեղան, և առ նովաւ զնորուն անդրի, որում օրըստ-
օրէ մատուցանէր խունկո ծաղկահոտս յաւելեալ ՚ի վերայ
այսպիսի իմն վերտառութիւն: Սա է, որում սկարտ է բնա-
ւից պատիւ ընծայել, և նմանող լինել: Յանձին կալաւ
մեծն Աղեքսանդր զնորայն վարդապետութիւն և զօրինակ
պատուեաց և սա ևս զիւրն Արիստոտէլ, որպէս Արիստոտէլի
պատուեալ էր զիւրն Պղատոն: Արար քաղաք մեծ զփոքքը
Ստագիրաս, ուր ուսուցիչ իւր էր ծնեալն և մտախոհու-
թեամբ շարագրեալ էր նորա զերկնային ճառս զերկնայնոց:
Ետ Արիստոտէլ զգիրս երկնից իւրում աշակերտի. ետ աշա-
կերան իւրում ուսուցչի զերկիրն, յորում ծնեալն էր: Պարգև
պատուական, այլ այնչափ անհաւասար, որչափ երկիր եր-
կնի, զի մեծամեծս գիտէ պարգևել խմաստունն իշխանի, քան
իշխանն խմաստնոյ:

Առաւել ևս գժուարին թուի թերես այն միւս յատկութիւն, լինել երջանկութեանն բարի ինչ աննիազ և մշտնջենաւոր : Ասիցէ ոք . Որոյ բարւոյ հնար իցէ լինել կայուն յանկայունս, և մշտնջենաւոր 'ի փոփոխականս : Ոչ այլ ինչ են այս թշուառ կեանք, բայց անձուկ ինչ Եւրիպեան նեղուց. ուր բարին և չարն հանտագազորդ մակընթացութեամբ և տեղատութեամբ փոփոխակի ելեւ արարեալ, և զի ընկղմեն ըղմարդ բարեօք, և է զի թողուն 'ի ցամաքի : Վասն այսորիկ վեհք իմաստնոց Յունաստանի լիշեցուցին թէ չէ մարթ զոք կոչել երջանիկ ցորչափ է կենդանի : Ապա եթէ երջանկութիւնն ոչ դայ բայց եթէ յետ մահու, զինչ օգուտ իցէ մարդոյ, որ այլ ոչ ևս է մարդ : Եւ թէ յայնժամ մարթ է ասել, եղեւ դա երջանիկ . զինչ բարի իցէ այն, որ ոչ է յորժամ է, այլ միայն յորժամ եղեն : Բայց և յայլմէ կողմանէ ամենայնիւ ճշմարիտ է, թէ ճշմարտապէս երջանիկն՝ կարէ ասել երջանիկ . մինչդեռ կենդանի է, և չէ ճշմարիտ երջանկութիւնն թէ չէ մնայուն : Սակայն արժան է հայիլ թէ յինչ հաստեալ իցէ ճշմարիտն երջանկութիւն : Թէ երջանկութիւնն հաստատեալ իցէ 'ի մարմնական հեշտութիւնս որպէս Տիբերիոսին, շատ է աւելազանց հեշտութեանն տռնել զայն թշուառ : Եթէ 'ի բարիս բախտի որպէս Կրասոսին, շատ է միայն դժբախտութեան վեր 'ի վայր շրջել զայն : Եթէ 'ի պատիւս իբր Դիոնեսիսին, շատ է ապստամբութիւն ինչ ժողովրդեան զթագաւոր Սիրակուսայ առնել մանկավարժ 'ի Կորնթոս : Ոչ է մեր այն ինչ զոր բախտն առնէ մեր : Արդ յամենայնէ զոր լուար, մարթ եղեւ քեզ ճանաչել թէ մարմնական բարիք և բարիք բախտի, Ճոխութիւնք, պատիւ և իշխանութիւնք, են օդիչիչք երջանկութեան . բայց չմտանեն յեռւթիւն երջանկութեան, որ հաստատեալն է 'ի գործողութեան իմաստութեան և առաքինութեանց : Այս գործողութիւն է բարի ինչ ներքին և կամաւոր, որ ոչ ժողովրդեան, ոչ բախտի և ոչ մարմնական պատահարաց, այլ միայն իւրական կամաց է ներքոյ անկեալ : Եւ մարթ է կոչել մշտնջենաւոր զայն բարի, որ տեսէ այնչափ որչափ կամի մարդ : Ճշմարիտ է, թէ երջանին հնար է թէ 'ի վերայ գայցեն ոչ միայն բախտի՝ այլ և մարմնայ և զգայութեան դառն և ցաւադին պատահարք : Ոչ կամիմք ասել ընդ Եպիկուրոսի, թէ և 'ի ցուլ Փաղարեան, և 'ի մամուլս Պլուկոստեան, իմաստունն թմբրեալ յայն անզգայ անկրականութենէ, չղգայցէ ինչ ցաւ 328 : Բայց և այն է ճշմարիտ, զի թէ պատահարքն զկայ առնուն 'ի կորուստ արտաքին բարեաց, Կիւնիկոսն իսկ առանց այնց իմաստամիրէ և ուրախ կեայ : Եթէ անցանէ ցաւն 'ի մարմնական զգայութիւնս, բայց այնպէս, որ հնար իցէ տոկալ, ոչ միայն չխափանէ զերջանկութիւն իմաստնոյն, այլև պայծառացուցանէ որպէս պողպատն

զգայլախաղ։ Երջանկութիւն և թշուառութիւն չեն լծորդականք, բայց երջանկութիւն ընդ ցաւոց է լծորդական։ Չեն սոքա երկու շարժմունք ներհակականք՝ ի միում ենթակայի։ զի երջանկութիւնն է 'ի հոդւոջ, և ցաւն յանդամն։ թէպէտ և որսպէս մարդ մսեղի գոչէ և հեծէ և ցաւադնի, բայց և այնպէս հոդի նորա ունի ինչ աղատ խորշ՝ ի վերնայարկ իւր։ թէ ոչ կարէ առ ժամն միտ գնել նկատողութեան հետաքըննին և վերամբարձ իրաց, վարէ 'ի պէտս որոց յառաջն օդախւեղի նկատող։ Աղաչէ զԱսառւած զոր ծանեաւ։ յուսայ յաստուածային տեսչութիւնն որ խնամէ զաշխարհ։ մխիթարի յիւրում անմեղութեան, որ գիտէ պատիւ փոխատրել ամենայն վշտաց։ Չասէ ինչ զրոյց անարժան առն խմասանոյ, և չառնէ ինչ գործ անարժան առն արիսկանի։ Մինչ զի թէ և ոչ 'ի վերայ գայցեն վերադիրք երջանկութեան, երջանկութիւնն էական գործէ զիւր գերապանծ գործս, անհնար գոլով խմասանոյն լինել թշուառ, թէ ոչ յեղափոխեսցի 'ի մոլիկամ 'ի խելագար։ Աղա եթէ հուսկ ուրեմն ըստ Ագեսիզայուի՝ ելցէ յաղթական 'ի տանջանաց անտի, ոչ պիտի նմա անգրէն ստանալ զերջանկութիւննորովք ունակութեամբք իմացականօք և բարոյականօք աւելի քան եթէ լեալ էր առ վայր մի 'ի քուն։ Մանաւանդ թէ առաքինութեան նորա առաւել ևս զօրացեալ 'ի փորձ վշտաց, երկպատկէ զիւրն երջանկութիւն, և գործէ մեծ ևս զօրութեամբ և բերկրանօք։ Բայց եթէ տանջանք այնպիսի իցեն, մինչեւ խղեալ զէականն յօդակալ բռնադասեսցեն զոդի վտարանդիլ 'ի մարմնոյ, մնան 'ի հոդի ունակութիւնք առաքինութեանց ապահովագոյն, և ունակութիւնն խմաստութեան առաւել ևս մեծապայծառ։ որով և գործողութիւնք լինին առաւել գերապանծք յանջատ միտս քան 'ի միացեալն ընդ մարմին, առանց սքանչելեաց։ Մինչ զի յամօթ երեսաց տանջանաց և մահու, տանի զիւր երջանկութիւն 'ի լաւագոյն ևս կեանս։

Ասացաւ վերագոյն թէ երջանկութիւնն է կեանք ինչ, որ իւրեւ լոկով շտանայ։ Բայց այս թուիցի թերեւս տարակոյս ինչ կարի իմն դժուարամոքելի։ Ասիցէ ոք։ Եթէ երջանկութիւն, ըստ ասից խմաստասիրաց, է կուտակութիւն ամենայն բարեաց, բազում ինչ պիտի մեղ 'ի շատացուցանել զնա։ Զի ունել զամենայն բարի, մինչդեռ է ոք կենդանի, է անկարելի։ և թէ պակասի ինչ յայնց, ոչ ևս է կուտակութիւն ամենայն բարեաց։ Բայց յասացելոցս փոքր մի յառաջ քաջայայտ է պատասխանին։ Աղաքէն ցուցաւ թէ բարիք բախտի ըստ այնմ միայն են հարկաւորք, ըստ որում կազդուրեն զմարմին։ և բարիք մարմնոյ ըստ այնմ միայն են հարկաւորք, ըստ որում արբանեկեն հոգւոյ, այլն ամենայն ոչ միայն չէ հարկաւոր առ երջանկութիւն, այլ է և վնասակար։ Աղա-

քէն'ի միտ առեր թէ երկու են երջանկութիւնք . մին ճշմարիտ և միւսն սուտ . այն է առաքինական և այս մոլեկան . այն է բանաւոր և սա անբանական : Առ երջանկութիւն հեշտախտութեազում բարիք մարմնոյ և բախտի են հարկաւորք : Ամենայն խայծ՝ սակաւ է քաղցու մեծի : Բազմաց պէտս ունի , որ բազում ինչ ստացեալ ունի : Ամենայն ինչ պակասի այնմ , որ ամենայնի ըղձանայ , զի իղձն է անբաւ և բարիքն նիազ : Բայց երջանկութիւն առաքինական՝ յետ միանդամ ստանալոյ , սակաւոք պահի . և այլ չեն նմա հարկաւոր ճգանք և ճոխութիւն , որք օգնեցին 'ի ստանալ զայն : Ապա Եթէ իմաստունն , մինչդեռ կեայ՝ պիտոյս ունիցի բարւոյ ինչ արտաքնոյ կամ մարմնականի , ոչ պիտոյս ունի այնմ որպէս իմաստուն , այլ որպէս ըդդայական : Զի որպէս իմաստուն՝ կեանք իւր է իմացական իւրև շատացեալ , որպէս հրեշտակականն և աստուածականն : Գիտես զի վերագոյն իրք բովանդակեն զստորինս . և որ ստացեալ ունի զառաւելն՝ ստացեալ ունի և զնուազն : Չունի հրեշտակն զզդայութիւն անոյշ հոտոց և ոչ ներդաշնակութեան հնչմանց և ոչ քաղցրութեան կերակրոց , բայց է 'ի նմա հոգեղին ինչ զօրութիւն , որ բազում իւիք առաւելուքան զայսոսիկ զգայութիւնս . և յայսպիսեաց աստի ինչ ոչ պակասի նմա զի և ոչ մի 'ի սոցանէ պիտի նմա : Երջանկութիւն իմաստոյ է կեանք ինչ իմացական՝ կատարելագոյն յոյժ քան զգործնական և քան զհեշտական : Նկատող լինել և կեալ առաքինորէն՝ չէ ինչ թանկագին մարմնոյ և գանձուց : Որ կեայ մտօք , չունի պիտոյս հեշտութեան մարմնոյ : Զի հոգի իմաստոյ , որպէս լուար , ևս և անջատ 'ի մարմնոյ՝ վայելէ յիւրում իմաստութեան . և նկատող է գեղեցիկ գաղափարաց կրելոց յինքեան լաւ ևս , քան թէ լինէր 'ի բանտի մարմնոյ :

Յասացելոց աստի յատկութեանց հարկաւ զհետ դայ յետինն այն և մեծն քան զամենայն թէ երջանկութիւնն է կեանք ինչ երանական : Վերտառութիւնն գերապանծ , զոր նախնի փիլսոփայք ընծայէին զից իւրեանց , եղեւ երանելին , նշանակեալ նովաւ զիմացական կեանս մեծին Յատուծոյ , որ միշտ գործէ մտօք և միշտ է անդադար 'ի նկատումն իւր . ուստի և կեանքն զոր կեայ , է զիւրև և ինքնաբաւ . և վասն այսորիկ ամենազուարձ և երանական : Զմտաւ ածին զի թէպէտ և մարդիկ կերպարանեն իմաստս զՅատուծոյ մարդկօրէն , բայց և այնպէս յԱստուած տիրաբար չունին զտեղի առաքինութիւնք բարոյականք , զի չունի ծայրս առ չափաւորելոյ միջասահմանութեամբ , այլ 'ի տեղի ամենայն առաքինութեանց ունի զիւր միտս , զէական և զգերագոյն կանոն ուղղութեան : Ապա վասն զի Աստուած է ամենապարզ ներդործութիւն , ըստ այսմ իմաստութիւնն որբա որպէս և բարութիւն՝ են մի և նոյն

ընդ իւրումն էութեան։ Մինչ զի յԱստուած ըստ իսկութեան, ոչ միայն իմաստութիւնն է բարի, և բարութիւնն իմաստուն, այլ իմաստութիւնն է նոյն ինքն բարութիւն, և բարութիւնն նոյն ինքն իմաստութիւն։ Ցայս վայր էհաս Արիստոտէլ իւրով ընաւոր արամաբանութեամբ։ յորմէ իմաստասիրեալ 'ի վերայ բերէ, թէ որպէս երջանկութիւնն Աստուծոյ իրօք հաստատեալ է 'ի նկատումն իւր ինքեան, նոյնպէս գերակատար երջանկութիւն մարդոյ տիրապէս հաստատեալ է 'ի նկատումն Աստուծոյ։ Եւ որպէս երջանկութիւն Աստուծոյ կոչի երջանկութիւնն իմաստնոյ։ այսուիկ տարբերութեամբ, զի Աստուած է երանեալ էութեամբ, և իմաստունն է երանեալ հաղորդութեամբ։ Արդ եթէ 'ի նմանութենէ ծնանի սէր, և 'ի սիրոյ հաստարակութիւն բարեաց, ո իցէ այնպէս սիրեցեալ և նպաստաւորեալ յԱստուծոյ որպէս զիմաստունն, որոյ ամբարձեալ զմիտս յերկրաւոր առարկայից յաստուածայինն առարկայ ըստ արևատէր անկոց, թէպէտ և ոտիւք կառեալ ընդ գետին, աջօք միշտ հայի յարեգակն, դէտ ակն ունելով նորա յԱստուած, և Աստուծոյ 'ի նա։ Ասդա միայնոյ իմաստնոյ ևս 'ի մահկանացու յաստի կեանս յիրաւի պատշաճի երանեալդ անուն։ Այս այն անուն է զոր հռովմէական կայսերք 'ի հրովարտակս իւրեանց և 'ի յաղթական կամարսյիւրեանս կորզեցին յաղկաղի ժողովրդոց, որք ակամոյ կամօք կոչէին զնոսա երանեալս և աստուածեանս, և 'ի սրտէ կղկաթէին կոչէլ զնոսա ծիրանազգեաց գաղանս և սատանս սանդարամետականս։ Առաւել ևս իրաւամբք քրիստոնէական է կեղեցի, որ չափէ զպատուոյ անուանսն ոչ 'ի բարձրութեան երկնից, այլ 'ի բարոյական առաքինութեանց, 'ի վերաձայնել նորա զմեհանձունս Ընտրողութիւն ձեր, Սէր ձեր, Սրբութիւն ձեր, արժանապէս զայս մեծ վերտառութիւն Երանութիւնդ ձեր, ընծայեաց այնց սրբազն վեհապետաց, որք ըստ օրինակի Ատլասսայ աստուածիմաստ դլսով բարձեալ ունին զերկինս 'ի յերկրի։ Եւ թէպէտ և նոքա կոչեն զանձինս արուալ ծառայս, բայց և այնպէս հաւատացեալք կոչեն զնոսա երեքերանեան հարս։ Եւ երկաքանչիւրոցն է իրաւացի պատճառ։ Զի որ զայդ վերտառութիւն ընդունի, հայի 'ի մարդկայինն իւրոյ անձին։ և որ տայ, հայի յաստուածականն որ յիշխանութեան անդ։ որ կամ իրօք կամ համարմամբ լծորդ է ընդ իմաստութեան աստուածայնոց։

ԳԼՈՒԽ ՎԵՐՋԻՆ

Յաղաց աւետարանական երջանկուրեան : Աշարտ
գործոյս :

Տեսեր դու 'ի բովանդակ յայսմ մատենի , ո՞րպէս Արիս-
տոտէլ քաջ վարժապետ 'ի բարոյական իմաստասիրութենէ
առաջնորդէ յերանութիւն իմաստասիրական . մնայ քեզ տե-
սանել 'ի զուարթարար լրումն ո՞րպէս երանութիւնն իմաս-
տասիրական առաջնորդիցէ յերանութիւնն աւետարանական :
Իմաստասիրականն հաստատեալ է 'ի հայեցողութիւն աս-
տուածային իրաց , սկզբամբք ուսուցելովք յիմաստասիրական
և 'ի բնաւոր լուսոյ : Աւետարանականն հաստատեալ է 'ի հայ-
եցողութիւն աստուածայնոց սկզբամբք յայտնեցելովք 'ի լու-
սոյ հաւատոյ . բայց չարտաքսելով զլօյս իմաստասիրական և
բնական : Եւս և բնականն և իմաստասիրականն նշոյլ իմն են
աստուածային լուսոյ , և 'ի Քրիստոս իսկ համարնակեին ի-
մաստութիւնն անստեղծ և ստացական , և մին զմիւս ոչ ար-
տաքսէր : Մեծ եղեւ այս երջանկութիւն աստուածանկատ
սրբոց , որք թողեալ զիմաստասիրական դիտողութիւնս դիտ-
նոց ճառատողաց 'ի Ստոյիկեան և 'ի Լիկէականն սրահի , և
միտ եղեալ առաւել անձանց քան իւրեանցայնոց , աւետա-
րանչաց քան փիլիսոփիայից , Աստուծոյ քան մարդկան . գտին
'ի լոին անտապատս 'Նեղոսի և Եւփրատայ զկորուսեալ շաւիղս
Երկրաւոր գրախտին , որ մուտն է երկնայնոյն : Բայց խոստո-
վանելի է , թէ մեծ ևս եղեւ երջանկութիւն Օգոստինոսի , Հե-
րոնիմոսի և Յովանայի և այլոց սրբոց վարդապետաց , որք յաս-
տուածային դիտողութիւնս իւրեանց՝ ընդ աւետարանական
լուսոյ կցորդեցին և զիմաստասիրականնի : Եւս և 'ի սուրբ սե-
ղանս , թէպէտ և 'ի լոյս արեւու լուցանին փոքր ճրագունք 'ի
պատարագի : Բայց մեծ խալիր է 'ի մէջ երկուց երջանկու-
թեանցս . զի իմաստասիրականն ունի վախճան առաքինու-
թեան զհայեցողութիւնն , իսկ աւետարանականն ունի վախ-
ճան հայեցողութեան զառաքինութիւնն : Եւ իրաւամբք :
Վասն զի ներգործութիւնք մտաց ազնուագոյն են քան զներ-
գործութիւնս բարոյական առաքինութեանց , զի կարողու-
թիւնն է վերագոյն . բայց առաքինութիւնն աւետարանական
է ազնուագոյն քան զու և իցէ ներգործութիւն մտաց . զի լը-
ծորդ է ընդ աստուածային սիրոյ : Յայսմ Արիստոտելի պի-
տէր մեծ ևս ուսուցիչ . բայց և այնալէս ախտակցութեան է
արժանի , զի ոչ ծնաւ երեքհարիւր ամօք անագան 329 : Ապա

կամք էին նորա, զի բարոյական առաքինութեամբք ցածուցեալ մարդոյ զկիրս՝ խաղաղեցէ զմիտս, առ յստակագոյն ընդունելոյ զտպաւորութիւնս գերագոյն հայեցողութեանց, զոր օրինակ ջինջ և հեղահոս գետ յստակագոյն ընդունի ըզպատկերս աստեղաց երեւելոց 'ի նմա. և յայնմ դնէր զիմաստասիրական երջանկութեանն վերջին կոպար սահմանափակ 330: Բայց իմաստասիրութիւնն քրիստոնէական թէսլէտ և արամագրէ զմիտս առ ճանաչումն երկնայնոց, բայց յայնմ չառնուց զտեղի, այլ կարգէ զՃանաչումն Աստուծոյ 'ի սէր Աստուծոյ, որ է գերագոյն առաքինութիւն աւետարանական: Առաւել հաճոյ է Աստուծոյ սէր ընդունել 'ի մահկանացուաց քան հայեցողութիւն: Մտադիւր բնակէ նա 'ի որտի քան 'ի միտս. նա ինքն ինդրէ յիւրոց որդւոց զսիրտ զաթոռ սիրոյ, և ոչ զուղեղ զաթոռ իմաստութեան. զի զիմաստութիւն նա պարգևէ իբրև իմն իւր, զսէր ինդրէ իբրև իմն մէր: Այս սէր միայն է որ կատարելագործեալ վերանութիւնն աւետարանական, արժանացուցանէ երանութեանն յաւենականի: Այս է ձողն ոսկի, որով չափի երկնայինն երաւսաղէմ. զի երանական տեսութիւնն չէ հատուցումն դիտողութեան, այլ սիրոյ: Զի բովանդակ իմաստութիւնն աւետարանական՝ որ է հաւատն, չարժանանայ երկնայինն երանութեան, թէ ոչ արծարծանի սիրով: Եւ զինչ իցէ սէրն հեղական, բայց սուրբ սէր 'ի մէջ մարդոյ և Աստուծոյ, և 'ի մէջ մարդոյ և մարդոյ, ըստ որում երկոքին կցորդ են Աստուծոյ. զի որպէս լուար, որք միաբանին ընդ միում երբորդի, միաբանին ընդ միմեանս: Իսկ արդ եթէ 'ի մարդկայնում սիրելութեան ոչինչ օգտէ ճանաչել զսիրելին, եթէ ոչ սիրի, յայտ է թէ առանց հեղական սիրոյ ոչ միայն ամենայն իմաստութիւն իմաստասիրական, այլ և ամենայն իմաստութիւն մարդարեից և հրեշտակաց լինէր անդիտութիւն վնասակար. զի ճանաչել զԱստուած, և ոչ սիրել զնա չար և է քան զըճանաչել զնա. զի այդ է ապիրատութիւն դիւաց: Եւս և յերկինս տեսութիւն երանելոց հարկիւ եղանայ 'ի սէրն: Յնստուած իսկ նկատողութիւնն արտադրէ զբանն, և եղանայ 'ի սէրն: Մինչ զի սէրն է լրումն երջանկութեան աւետարանականի, երանականի և աստուածայնոյ: Եղուկ մտաց այնց որք գիշերավարժ աքնութեամբք և տունջենային վիճամբք գզրդեն զդպրոցս, լնուն զթուղթս և առ թզթովք դալկանան, 'ի ճանաչել թէ զինչ է Աստուած. զուր ժամանակ կորուսանեն, և հողմոյ հոսեն զաշխատութիւնս, եթէ վախճան ճանաչման նորա չիցէ սէր նորուն: Ովկոյր անմտութեան բարձրամտաց. գիւրին է սիրել զԱստուած քան 'ի խընդիր լինել նորա, 'ի ինդրել զնա բազում է աշխատութիւն. 'ի սիրել զնա բազում է օգուտ. բայց և ոյնսկէս առաւել սի-

ըեն աշխատիլ՝ ի խոյզ և ՚ի խնդիր, քան վայելել՝ ի սէր գերագոյն բարւոյն. որ թէ ոչ սիրի ՚ի զուր խնդրի, և տուժիւք գտանի: Բիւրիցս երջանկագոյն են այն տգէտք, որք թէպէտ և անծանօթ են բարձանց սառողելեաց և խորոց գաղտնեաց աստուածային էութեան, բայց գիտնագոյն գտեալ կոյր հաւատով քան ականի խմաստասիրութեամբ, լոկով սիրով նորա արժանանան տեսանել զնա. և յառաջ քան զիմաստասիրել՝ ի դպրոցս՝ թէ զինչ է Աստուած, գնան վայելել՝ ի նմա: Եւ զինչ իցէ այս սէր, բայց եթէ համեմատական իմն բայց խանդակաթ բարեյօժարութիւն առ առարկայ ինչ անբաւապէս սիրելի վասն իւր. որոյ գերազանցութիւն է այնչափ գերազանցեալ, մինչեւ շարժել զարդար խոնարհ՝ ի խոր երկրազագութիւն: Այսմ բարեյօժարութեան զհետ գայ անբակ միաբանութիւն, կերպարանակցեալ զկամս մէր իւրոց կամաց, յարդական երկիւղիւ չբարկացուցանելոյ զայն անբաւ բարութիւն որ ամենեցուն է ձեռնկալու: Եւ յայսմանէ ծնանի փոխադարձ բարերարութիւն, ըստ մարթելոյ սիրելութեան՝ անբաւութեամբ անհաւասարականի. ՚ի տալ բոլորովին զանձն քո այնմ որ ետ քեզ զամենայն զոր ունիս, և կարող է տալ զամենայն որում ըզձանաս:

Խսկ արդ եթէ սոսկ երջանկութիւնն բարոյական է բարի ինչ այնչափ գերազանցեալ, որչափ լուար, որպիսի լուսնն երջանկութեան լինիցի ՚ի հոգի, որ թէպէտ և ընկղմեալ՝ ի մարմին, գլխովին ընկղմիցի յաստուածայինս. և ՚ի վերայ յաւելեալ լուսոյ գիտութեան զլոյս հաւատոց զպայծառագոյն և բնական սիրոյն Աստուծոյ զգերբնականն սէր զեռանդագոյն, արծուօրէն յայն լոյս յառեալ հայիցի. և ըստ հրակեաց թիթռան յայն վառ վայելեսցէ, ևս քան զես բորբքեալ սաստկագոյն ևս ներգործութեամբք երկրազագութեան և սիրոյ: Վասն զի է այն շարժումն ինչ հանապազորդեան, և փոփոխ պատճառելութիւն գերբնական կարդի. զի յառաւելուլ սիրոյ առաւելուն շնորհք, և յառաւելուլ շնորհաց առաւելու սէրն: Եւ թէպէտ զբազնու յոլովակի սիրտ ՚ի խոր իրողութիւնս ՚ի սկստա հասարակաց, և միոյ միոյ ՚ի մասնաւորաց, բայց վասն այդր չհեռանայ յաստուածային սիրոյ. որ գլխաւոր առարկայն է մտաց նորա: ՚Նա՝ վասն զի սիրէ զԱստուած, օգնէ ամենեցուն, վասն լինելոյ աստուածութեան այնչափ սիրելի, մինչ անհնար է նմա սիրել զայլ ինչ և ոչ խսկ զանձն իւր, բայց եթէ ըստ այնմ որ գարձ առնէ ՚ի սիրել զայն ծայրագոյն սէր, որ զամենեսին սիրէ: Վասն այսորիկ սէր իւր առ այլս չէ այնուհետեւ սէր մարդկային, այլ սէր աստուածային: Այսր աղագաւ բազմապատիկ առաւելու զիւր երջանկութիւն. իբր զի ՚ի սիրոյ զոր ունի յաստի կեանս, ծնանի ՚ի նմա յոյս յաւիտենական երանութեան. և այնու-

Հետեւ զհանողերձեալ բարեացն աստատին առեալ զՃաշակ, նա-
խադրաւէ յերկրի զերջանկութիւն երանելոց: Եւ այս է յե-
տին եղբ երջանկութեան, յոր մարթի հասանել հոգի աստ
ի ստորինս պանդիստեալ: Զի որովհետեւ միտք նկատող փո-
խակերպի յառարկայն զոր նկատէ, և սէրն ևս փոխակերպէ
զսիրողն յայն զոր սիրէ, ապա հարկաւ զհետ գայ, թէ առա-
քինութեամբ կատարեալ սիրոյ՝ որպէս թէ սքանչելի իմն
անձնաւորական միաւորութեամբ՝ իբրև անքակ յօդի սիրող
մարդկութիւնն ընդ սիրեցելոյ աստուածութեան, մարդ փո-
խակերպէ զԱստուած յինքն, և զինքն յԱստուած. մինչեւ կա-
րող լինել. կենդանի եմ այսուհետեւ, ոչ ես, այլ կենդանի
է յիս Աստուած: Որ է ճշմարիտ աստուածայնութիւն մար-
դոյ մահկանացուի 334:

Ապա առ այս վախճան մեծապէս օդտամատոյց կալ քեզ
զբարոյականս խմաստասիրութիւն, միայն թէ 'ի սկզբան անդ
դիտմամբ սէրտ ուղղեցես զայն 'ի սէրն Աստուծոյ, իբրև 'ի
վերջին նպատակ քոյդ խմաստութեան: Ով սքանչելի զօրու-
թեան մարդկայինս դիտման: Սա է ակն աստուածական, որ
'ի սկզբան իրաց հայի 'ի վախճան: Սա է Ճարտար ձեռնածու,
որոյ յեղափոխեալ զմարդկային գործս, կարող է լոկով ակն-
արկութեամբ փոխագրել 'ի ստորէ 'ի վերին կամար, և փո-
խակերպել յանարդէ 'ի պատուական, 'ի նիւթականէ 'ի հո-
գեոր, յերկրաւորէ յերկնաւոր, 'ի մարդկայնոյ յաստուա-
ծային: Ապա այս դիտումն որպէս հաւատարիմ ուղեցոյց՝ աս-
տուածային օդնականութեամբ առաջնորդեցէ քեզ յիմաս-
տասիրական երանութենէ յաւետարանականն, և յաւետա-
րանականէն 'ի յաւիտենականն, եթէ 'ի սկզբան անդ հայի-
ցիս 'ի վախճան: Զի թէ քո քաջ մտաւորութիւն, սնեալ
յուղլափառ հաւատս, և ոչ աղճատեալ թիւր ունակու-
թեամբք, ուսցի յիմաստասիրէն, քանի ինչ իցեն կարողու-
թիւնք հոգւոյ և որովք ունակութեամբք կատարիցին, քա-
նիօն իցեն կիրք մարդկայինք և որովք կանոնօք նուածիցին,
քանի իցեն ծայրք մոլեկանք, և որ իցէ մէջ բանին, անտարա-
կոյս կարող լիցիս բարոյական առաքինութեամբք առնել ըզ-
քեզ ընդունակագոյն խմացական ունակութեանց, որք ամ-
բառնան զմարդ 'ի նկատումն երկնայնոց և աստուածայնոց:
Ամբոխեալ կիրք ամբոխեն զմիտս. որ վՃտագոյն ըմբռնէ զՃը-
մարիան, յորժամ' է խաղաղ, քան յորժամ' է ամբոխեալ 'ի
կրից: Եւ վասն զի բաղձողական զօրութիւնք ընաւորապէս
զհետ երթան ըմբռնողականաց, անտարակոյս որչափ յայտ-
նագոյն ծանիցէս դու խմաստասիրական և աւետարանական
ուսմամբք զանբաւ բարութիւն արարչին, այնչափ յորդ-
եռանդն վառեցի 'ի քում սրաի սուրբ սէր առ Աստուած, որ
ոչ երբէք պարտեցի 'ի սիրոյ:

Ապա ոչ էր հնար բնաւորական նկատողութեան հեթանոս փիլիսոփայից, և ոչ բնաւոր սիրոյ որ հետեւորդ է բնաւոր նը կատողութեան, իւրովի արժանանալ յաւիտենական փառաց. զի ոչ դոլով ինչ համեմատութիւն 'ի մէջ բնական կարգի և գերբնականի, անհնար է թէ սպատճառ ինչ ստորին կարգի արաւադրեսցէ զգործ ինչ վերագոյն կարգի: Մինչ զի իմաստասիրականն այն երանութիւն ոչ կարողանայ առնել զիմաստասէրն իսկապէս երանեալ: Ապա եղեն նոքա դիտողութեամբք իւրեանցիք չերմեայն անդրիք քառուղեանք 332. զի մատամբ ցուցեալ այլոց զՃանապարհ երջանկութեան, և ոչ զհետ երթեալ, մեզ օգտեցին և ոչ անձանց: Բայց 'ի քրիստոսասէր իմաստասիրի եթէ այն դիտութիւն ուղիղ դիտմամբ կարգի առ սուրբ սէր, աստուածային շնորհօք 'ի հողոյ փոխի յոսկի, յիմաստասիրական երանութենէ յերանութիւն աւետարանական. զի սէրն իմաստասիրական հոգեսորեալ հեղական սիրով յեղափոխի 'ի գերբնական: Ապա այս է Ճանապարհ, ընդ որ ամենայն սոսկական և ամենայն իշխան քրիստոսասէր կարողանայ դիւրաւ վերանալ 'ի բարոյական իմաստասիրութենէ յերկնային երանութիւն: Այս, կամեցեալ Աստուծոյ երբեմն շնորհ առնել ալարզամտաց և տգիտաց, հեղու 'ի նոսա նշոյլ բաւական 'ի վառել զբոց սիրոյ իքը 'ի ցողուն ինչ. և ընդ դաղանի և համառօտ Ճանապարհ յափըշտակէ զնոսա յերկինս. կամ ինքեանք իքը ոստմամբ դողիդող յափշտակեն զայն: Բայց ազնուական սիրո նախատինս գնե իւրում ազնուութեան, և հոգւոյ բանականի զոր Աստուծեհեղ 'ի նա, եթէ կարող դոլով ելանել յերկինս ընդ արքունի և լուսաւոր Ճանապարհ իմաստութեան, շտասցի ելանել յայն ընդ մթին շաւիղ անդիտութեան: Ապաքէն ստոյդ իմն է առ մեկնիչս սուրբ գրոց, թէ ուշիմ մտաց ուղղափառաց որք փայլեն իմաստութեամբ 'ի մէջ կենդանեաց, և յերանելեաց միջի պատրաստեալ է մասնաւոր իմն փառք 'ի վերագաս կարգի:

Ապա այս լիցի, արքայապուն բողբոջդ սաբաւդեան քաջանց, վախճան քումդ իմաստութեան. և աստանօր լիցի վախճան իմումս բազմաջան երկասիրութեան. զոր ոչ յիմմէ յանդուդն ձեռներիցութենէ, այլ 'ի վսեմական հրամանէ արքայապատիւ հօր քո և աեառն իմոյ դթասիրի, 'ի վերջին աւուրս ութմնամեայ իմոյ ծերութեան 'ի պէտս քո հնազանդութեամբ յանձն առի, զոր և մտադիւր քեզ վերընծայեմ 333:

101

Ծ Ա Ւ Օ Թ Ո Ւ Խ Թ Ի Ի Ւ Ք
Ի Թ Ա Բ Գ Մ Ա Ն Զ Ե Ւ

ՆՈՒՅ կամեցեալ զխոստումն մեր որ 'ի յառաջաբանի անդ, մատչիմք աստանոր յաւարտ գործոյ թարգմանութեանս տալ փոքր 'ի շատէ տեղեկութիւնս ընթերցասիրաց 'ի վերայ վիպասանական և բանաստեղծական օրինակաց, զորտ 'ի մեջ առնու ստէալ հեղինակս մեր թեսաւրոս։ Փոքր 'ի շատէ ասեմ, որպէս և կանխաւ յուշ արարաք 'ի խոսաման մերում 'ի համառօտն բերիլ ծանօթաբանութիւն։ զի թէ զամենայն իրաց մի առ մի ճառել կամէաք, հարկ լինէր վեր 'ի վայր յեղյեղել 'ի կարգիս զբանաստեղծութիւնս հոմերոսի, Ալերգիլիոսի, Ովիդիոսի, Մարտիաղէսի և զայլց բազմաց։ յորոց բազում ինչ քաղէ հեղինակս։ նոյնագէս և զերևելի երևելի վիտասանից հելենացւոց և հոռվայեցւոց զու ստկաւ բանս կրկտել։ Մեր փոյթ այս եղե, զի ընթերցողք առցեն ինչ հանրական տեղեկութիւն, և մի գտցին անծանօթ ծանօթագոյն հնախօսութեանց հարեւանց յիշատակելոց 'ի թեսաւրոսէ։ զիմաստ առաջի եղեալ օրինակին իմասցին, և ոչ եթէ զամենայն հանդամանս առասպելաց լուիցեն։ Այլ 'ի վերայ այսր ամենայնի ոչինչ տարագէսլ վարկաք ուրեք ուրեք փոքր մի ընդարձակագոյնս քան զոր առաջիկայ բանն պահանջէր, զիրսն ստորագրել։ զի յայտնի լիցի թէ յորպիսի անցից պատմութեանց կամ 'ի քերթածաց բանաստեղծութեանց զմանաւոր ինչ պարագայ ևեթ վեր 'ի վերոյ յիշէ հեղինակս։ և թէ 'ի բազմապատիկ աւանդութեանց հնախօսից զորն ընտրէ յօրինակ բանից իւրոց։ Թող զայն զի յոլովակի նոյն պատմութիւնն կամ առասպելք ըստ այլում մասին յայլում վայրի պէտս ունէին առանձին բացատրութեան։ և մեր չկամեցեալ կարի յոյժ ցրիւ դնել զգիաելիսն, 'ի մի վայր հաւաքեցաք ըստ կարի։ և այլուստ անգր յղեցաք, ասելով թէ տես զայսմանէ յայն ինչ թիւ համարոյ։ Ուրեք ուրեք ևս ոչ յան-

դեպս ինչ արդեօք երկարեցան բանք մեր ՚ի պատճառս
ըերելոյ զվկայութիւն նաև ՚ի հայերէնագիր մատենից . այս
ինքն եթէ ՚ի բանից մատենագրաց աղգիս մերոյ , և եթէ ՚ի
յունական մատենագրութեանց թարգմանելոց անդատին ՚ի
մերոց նախնեաց :

Ի հաւաքումն նիւթոց ծանօթութեանց է զի ՚ի հին հեղի-
նակս անդր ընթացաք , զորոց զանուանս յիշատակեմք առըն-
թեր , և բազում այն է զի յերևելի բառարանաց հատընակիր
արարաք . և յայսպիսիս չեղեւ ինչ մեզ փոյթ նշանակել զա-
նուն գործոյն կամ հաւաքողին : Ի տառագարձութիւնս յա-
տուկ անուանց զգուշագոյնս զհետ գնացաք նախնի սովորու-
թեան թարգմանչաց մերոց . այլ քանզի գտանին և պէսպէս
գրութիւնք նոյն անուանց յաջախեալ առ բազումս , ըստ
տեղւոյն նշանակեցաք և զայնս . որպէս և բազում անգամ
զբնիկ հնչումն այլոց աղգաց հարկ համարեցաք երկրորդել ,
մանաւանդ ՚ի ստուգաբանելն :

Համարքն կամ թուանշանքն յաջորդաբար եգեալք յըն-
թացս ծանօթութեանց ցուցանեն ըստ կարգի զիւրաքանչիւր
աեղիս յորս հային այս բանք ՚ի կարգի անդ մատենին , համե-
մատութեամք նոյն թուանշանաց որք եգան անդէն : Թոյլ
զայն համառօտ տեղեկութիւնս , զորս կանխաւ անցուցաք
փակագծիւ ՚ի կարգ բանից հեղինակին . իբր զի որչափ ինչ
բառք կամ բանք տեսանին յընթացս թարգմանութեան ե-
գեալ ՚ի մէջ փակագծի , եթէ հային ՚ի բացարութիւն յա-
տուկ անուանց կամ մթին իմացուածոց , առ ՚ի մէնջ եդան .
իսկ եթէ հային առ դիւրութիւն ընթերցանութեան առ ամ-
փոփ նշանակելոյ զմիջանկեալ ինչ ասացուած , նորին իսկ
հեղինակի են փակագծութիւնք :



Շանօրորդիւնք յառաջին գիրս :

1. Առվորութիւնն էր առ հեթանոսս ոչ միայն զերևելի անձինս, այլ և զանուանս առաքինութեանց, որպէս երբեմն և մոլութեանց, կրից և ախտից յաջող բախտից և ձախող ելցից, ձեւացուցանել իրը աստուածս և աստուածուհիս՝ կանգնելով արձանս յանուննոցա և պաշտօն մատուցանելով, հանդերձ ազգի ազգի առասպելոք զոր պատմէին զնոցանէ. զորս և յետինք պէսպէս օրինակաւ այլաբանեն, ոմն այսպէս և ոմն այնպէս բացատրելով, առ 'ի չգիտելոյ բազում անգամ զըստոյդն : Որպէս և յառաջիկայդ զվոլուպիա և զվագերոնադիս յիշատակեալս 'ի թեսաւրոսէ ոչ միօրինակ ստորագրեն . զի ոմանք մի և նոյն աստուածուհի ասեն լինել զերկաքանչիւրն կրկնակի անուն առեալ ըստ այլ և այլ գործոյ + քանզի ասեն վոլուպիա, այն է ըստ լատինացւոց Վօլո-Քիս աստուածուհին հեշտութեան, անուանեցաւ Անգրոնա կամ անձէոծնա, որպէս թէ փարատիչ ցաւոյ, զի 'ի ժամանակին յորում փարատեցաւ 'ի չռովմ քաղաքէ հանրական ինչ ախտ փողացաւի, համարեցան կռապաշտք թէ 'ի ձեռն վոլուպիայի լեալիցէ այն դիւրութիւն : Իսկ այլք պնդեն թէ այլ էր 'ի վոլուպիայէ Անգերոնա աստուածուհի . միայն թէ չուներ ասեն առանձին մեհեան, այլ արձան նորին եղեալ կայր 'ի մեհենին վոլուպեայ առընթեր բագնի նորա, և կամ թէ 'ի մեհենի միոյն պաշտօն մատուցանեին և միւսումն :

2. Կրիտովայոս էր անուն իմաստասիրի ուրումն Աթենացւոյ 'ի դասէ Ճեմական փիլիսոփիայից որ գեղեցիկ վճիռ եհատ թէ բարիք հոգւոյ և առաքինութիւնք անհամեմատ առաւելութեամբ ծանրակշիռ են քան զբարիս մարմնոյ և զբախտի . կամ որ նոյն է, հոգեւորն յանչափս առաւել է քան զմարմնաւոր : Այլ զայս յայտնի իմաստ սորա հանդիսացոյց բանն կիկերոնի ճարտարախօսի յասելն 'ի է . Գիւս պուսկուղեան ինդրոյ . Գւահ 17. “Զինչ զօրութիւն իցէ կշռորդին այն կրիտովայ , որ իբրև 'ի մի կողմն եղ կշռոյն զբարիս հոգւոյ , և 'ի միւսումն զմարմնոյսն և զարտաքինս , այնչափ ծանրակշիռ եցոյց զառաշնին զայն թաթ բարւոյ մասին հոգւոյ , մինչև զծով և զամաք ընդ իւրև Ճնշելու :

3. Յուլ Փաղարիսի կամ Փաղարեան ցուլ էառ զանուն 'ի Փաղարիս անուն բռնակալէ Ակրականդացւոց 'ի Սիկիլիա, որ բաց յայլոց նորահնար տանջանարանաց՝ ունէր և պղնձի մեքենայ մեծ ցլաձև, յոր արկանէր զմահապարտս, և 'ի ներքոյ հուր բորբոքէր. զի յորժամ փակեալն 'ի ներքս ճշեսցէ առ տագնապին, բառաչ ցլու լսելի լիցի արտաքս: Յայս անողորմ տանջանս էարկ նախ զարուեստապեան դործոյն զՊերիղոս. և այն ըստ արժանւոյն, զի սա 'ի շնորհուկս բռնաւորին հնարեալ էր զայնպիսի չարաբուեստ ճարտարութիւն: Այլ 'ի վախճանի ինքն իսկ բռնաւորն արկաւ 'ի ժողովրդենէ յայն մեքենայ. և այնպէս կորեաւ իբր 'ի լթ Ողոմպիադի, յաւուրս Յովսիայ արքային Յուդայ, կամ քանի մի ամօք զկնի: Ուր ծանիր զի Նոննոս մեկնիչն առասպելաց յիշատակելոց 'ի Գրիգորէ Աստուածաբանէ նոյնացուցանէ զՊերիղոս շինողն ցլու ընդ Փաղարիսի, և փոխանակ անուան բռնաւորիս դնէ զԴիսնեսիս զերեելի բռնակալն Ոիրակուսայ որ 'ի Սիկիլիա. բան նորա է այս ըստ հայերէն հին թարգմանութեան. "Եւ Փաւլառիդոս այսպիսի ոմն է, զի և նա նորագոյն տանջանարանաց եզւ գտիչ. այլ էր ինքն ազգաւ Սիկիլացի: Նա Դիսնեսայ բռնաւորի շնորհուկս առնելով առնել ցուլ սլղնձի, յոր պարտ վարկանէր արկանէլ զպատժապարտսն, և հուր առ նովաւ վառեալ. զի 'ի ներքս գոլով և կիզեալ լինելով աղաղակեսցեն. և ձայնին ելանելով ընդ բերան ցլուն՝ թուեսցի ցուլն կիզելով գոշիւն հանել: Իսկ Դիսնեսիս թէպէտ խստագոյն գոլով և պատժամէր, սակայն տեսանելով զՓաւլառիսոս 'ի տմարդութիւնն, զինքն արկ 'ի ցուլն և կիզեալ հրով սպան,, : Դիսնեսիս Սիկիլիոյ բռնացաւ բազում ամօք յետոյ քան զՓաղարիս բռնաւոր, այլ թէ յորոյ աւուրս էալ իցէ այս գործ, մեզ չէ փոյթ:

4. Ուր ուրեք յիշատակի յընթացս թարգմանութեան մերոյ անուն Արիստոտելի, իմա 'ի թեսաւրոսէ եղեալ յիտալականն առանց անուան մէրս ժիւէսուժայ. զի այսպէս անուանէ միշտ զԱրիստոտէլ. որում յամենայնի զհետ երթայ 'ի բարոյական իմաստափրութեան. զի և այլ ոչ ոք 'ի իիլիսոփայից այնպէս գեղեցիկ ճառեաց զայսմանէ իմաստափրական ոճով, որպէս ներհունն այն իմաստասէր:

5. Կինիկոս կամ Կիւնիկոս անուամբ նշանակի աստանօք Դիոգինէս կարասաբնակ փիլիսոփայն, որ էր աշակերտ Անտիսթենեայ առաջնորդի Կիւնիկեան կամ Շնական կոչեցեալ աղանդոյ: Արդ սա ինքն Դիոգինէս ծաղկեալ յաւուրս Աղեքսանդրի մակեդոնացւոյ, գտաւ 'ի մէջ արտաքին իմաստափրաց առաւել խստակեաց և գլխովին թշնամի դիւրութեան:

կենաց . կեայր անյարկ բնակեալ 'ի կարաս , որով աստ անդ հոլովեալ յածէր ըստ ժամանակին . և ասէր ընդ կատակս ունել իւր տուն շրջական և հոլովական , որ ընդ փոփոխական ժամանակի շրջան առնուցու . զի յաւուրս ձմերան՝ զբերան կարասին 'ի հարաւակողմն դարձուցանէր , և յամարայնի առ հիւսիսակողմն . այլ ստէպ 'ի ցերեկի յոր կողմն և դառնայր արե , յայն կողմն և նա զկարասն շրջէր : Բազում են սորա դործք յօրինակ խստակրօն և տառապադին կենաց : Սոյնպէս և Մետրոդորոս էր այլ ուն խստակեաց փիլիսոփայ ժամանակակից Դիոգինեայ , բնակեալ 'ի քարանձաւս . և քարոզէր հանգոյն նմին գործով քան բանիւ , թէ կարող է մարդն բնապէս երջանիկ գտանիլ յո և իցէ վիշտս թշուառութեան : Եւ զի առաւել քան զչափն ասացին և արարին սոքա , նմին իրի հեգնէ զնոսա հեղինակս : Իսկ Կիկերոն զՄետրոդորոս կոչէ երկրորդ Եպիկուրոս , 'ի կշտամբել զերկոսին ևս յի : Գիւս յաղագի վախճանաց :

6. Բռնաւոր Սիրակուսայ կոչի երեկլին 'ի բռնաւորութեան Դիոնեսիոս արքայ Սիրակուսացւոց 'ի Սիկիլիա . որպիսի եղն նախ հայրն և տպա որդին համանուն , զորս յիշատակէ Եւսեբիոս 'ի ճշ . ուսմունադն . ասելով . « Դիոնիսիոս վախճանի , տիրեալ սիկիլացւոց ամս ժը . յետ որոյ մանուկն Դիոնեսիոս , , : Եւ սոքա երկոքին իսկ 'ի բռնաւորութեան անդ ունէին իմաստասէր բարս . այլ առաջիկայ բան թեսաւրում ընդ յաջողուածո և ընդ փառս Դիոնիսեայ , և յերանելն զնա մարդահաճութեամբ , սլատասխանի ետ նմա բռնաւորն . Կամիս և դու հաղորդ լինել իմումս բարեմասնութեան և զփորձ առնուլ երջանկութեան իմոյ : Եւ 'ի հաւանիլ նորա խնդութեամբ , հրաման ետ արքայ զգեցուցանել նմա թագաւորական ծիրանիս , և բազմեցուցանել զնա յոսկեղէն դահոյս իւր 'ի սենեակն արքունի , որ զարդարեալն էր բեհեղօք և մեծագին սպասուք . եղ առաջի նորա սեղան բարելից համագամ կերակրովք և ծաղկահոտ ըմպելեօք , կարգեալ մանկունս գեղեցիկս զարդարեալս 'ի զգեստս պայծառս սպասաւորել նմա ըստ ամենայն ակնարկութեան նորին : Եւ յետ ամենայնի ետ կախել 'ի բարձանց սուսեր մի մերկ ուղղակի վերոյ գագաթան Դամոկլեայ կախեալ զթելէ միոջէ , որ մերձ ընդ մերձ թուէր անկանիլ : Եւ այն ինչ սոսկացեալ կայր նա յերեսաց սրոյն , ասէ ցնա արքայ . Մի՛ երկնչիր , վայելեա 'ի բարիս որ կան քո առաջի . կեր արք և ուրախ լեր : Իսկ նա պաղատէր լալով արձակել զինքն 'ի բաց . Չատ էր ինձ ասէ վիճակ իմ անփառաւոր , չկտմիմ զայդակիսի երջանկութիւն ,

միայն զերծացց 'ի սրոյ աստի : Յայնժամ ասէ ցնա Դիռնեսիոս , ահա և ես զօր ամենայն զփորձ առնում այդպիսի աւաղելի երջանկութեան . զի հանապազ թուի ինձ տեսանել սուր այնպիսի կախեալ 'ի վերայ գագաթան իմոյ զդիւրախզելի ասղանւոյ . որով և գառնանան ինձ ամենայն վայելք իշխանութեան իմոյ : Զայս յիշէ կիկերոն և Պերսէոս Փլակիոս բանաստեղծ ընդ այլ մատենագիրս : Արդ սրովն այնուիկ իմանայր Դիռնեսիոս ըստ կարծելոյ ոմանց զիշատակ մահուն կամ զերկիւղ հանդերձելոյն . և ըստ այլոց զիսայթ խղճի մըտաց իւրոց վասն ազգի ազգի չարութեանց 'ի գործո բռնաւորութեան :

7. Կրասոս Մարկոս Լիկինիոս էր երևելի զօրավար և հիւպատոս Հռովմայեցւոց , այր ընչասէր և անյագ . որ յաճախեաց օր քան զօր 'ի մեծութիւն և յիշխանութիւն , և համարէր վայելել յերջանկութեան . այլ 'ի վախճանի թշուառացաւ յոյժ . զի յետ լինելոյ գահակից կեսարոսի և Պոմպէի յորժամ խաղաց պատերազմաւ 'ի վերայ Պարթեաց , այսինքն Հայոց և Պարաից , չարաչար 'ի պարտութիւն մատնեցաւ 'ի Տիգրանայ միջնոյ Հայոց արքայէ , և բնաջինջ եղե զօրօքն հանդերձ . և ամենայն գանձք և մեծութիւն նորա յաւարի եղեն զօրացն Տիգրանայ : Յայսնի է և պատմութիւն կրեսոսի Լիւդացւոց արքայի , որ Ճոխացաւ գանձուք և մեծութեամբ քան զամենայն թագաւորս իւրոյ ժամանակի , և համարէր զանձն հասեալ 'ի կատարեալ երջանկութիւն . այլ խրատեցաւ 'ի Սողոնէ իմաստնոյ տթենացւոյ չերանել զբարեբախտութիւն մարդոյ մինչև ցվախճան . զոր և արդեամբք յանձին իւրում ետես . զի յետ այնչտի փառաւորութեան իւրոյ անարդար 'ի ձեռս մատնեալ թշնամեաց իւրոց , յերկաթի տապակ հանաւ 'ի կիւրոսէ Պարսից արքայէ , կամ ըստ խորենացւոյն յԱրտաշիսէ Պարթևէ Հայոց արքայէ . այլ 'ի յիշելն հառաչանօք զբան Սողոնի եգիտ գթութիւն , և արձակեցաւ 'ի տանջանաց : Երանի թէ ամենայն մեծատունք և փառաւորք աշխարհի , կամ որք երջանկանան յանձինս իւրեանց , 'ի միտ ածէին զօրինակն կրեսոսի , և ստէալ ասէին 'ի յաջողութեան զասացեալն 'ի կրեսոսէ 'ի ձախողութեան . “ Աւաղ փառացս անցաւորի , :

8. Հարեանցի , բայց որոշակի ծանոյց բանիւս հեղինակն զընթացս և զնապատակ գործոյս . յորում ամենայն բանք ուղղին առ ընական երջանկութիւն բնական իմաստասիրութեամբ . որպէս և 'ի յառաջաբանի անդ լիով յուշ արարաք , նմին իրի և խոնարհութեամբ հրաժեշտ տայ թեսաւրոս խօսիլ զգերբնական երանութենէ , որ աստուածաբանից և աստուած-

իմաստ մտաց է անկ . զոր և յաստուածեղէն գրոց և յայլոց հոգեորական մատենից լիով ուսանիմք , զաստուածայինն ասեմ գիտութիւն և զբարձրագոյն իմաստութիւն . որ ուսուցանէ զաւետարանական երանութիւնս որք առաջնորդեն յերանութիւն յաւիտենական : Այլ 'ի սոյն իսկ կնքէ և հեղինակս զվախճան գրոց իւրոց , որպէս և տեսեր :

9. Աղղայոս հայրենեօք 'ի Փստիխս քաղաքէ Արկադացւոց՝ էր այր նուաստատոհմիկ և աղքատ ծնեալ և մնեալ 'ի հայրենաժառանգ փոքրիկ կալուածի իւրում . որ մինչև 'ի խործերութիւն ոչ ել արտաքոյ քան զսահմանս անդոյ իւրոյ . զի 'ի հասից նորին զակաւապէտ կերակուր իւր հոգացեալ կայր գլխովին շատացեալ և գոհ ընդ վիճակ իւր յառանձնութեան անդ , զերծ 'ի բազում հոգոց աշխարհի : Եւ եղե յորժում Գիւդէս արքունի հովիւ ըստ յաջողելոյ բախտին զօրացաւ և թագաւորեաց 'ի Լիւդիա՝ 'ի տեղի կանդաւղէսի արքային Լիւդացւոց , մեծամտեալ ընդ յաջողուածսիւր որով անկարծ 'ի նուաստութենէ վերառեալ եղե յայն պատիւ բարձրութեան , եհարց ցգեզմիւան պատգամախօսն դից Ապողոնի թէ կայցէ արդեօք այլ ոք երջանիկ իբրև զնտ 'ի վերայ երկրի . և լուսւ պատասխանի թէ բազմօք երջանիկ է քան զքեզ Աղղայոս Փստիխօացի : Զայս պատմեն Պլինիոս և Վաղերիոս Մաքսիմոս : Յիշէ և Պաւսանիաս , այլ սա փոխանակ Գիւդէս դնէ զկիարդ եհաս Գիւդէս յաթոռ թագաւորութեան , այլ և այլս դրեն վիպասանք . յորոց միջի Հերոդոտոս համարի թէ կանդաւղէս զկին իւր ցուցեալ իցէ Գիւդէայ . և ընդ այս դըժուարեալ տիկնոջն միաբանեալ իցէ ընդ Գիւդէայ և 'ի ձեռն նորա սպանեալ զայր իւր , և զնա ինքն զԳիւդէս հանեալ յաթոռ տէրութեան : Այլ զայս բան Հերոդոտեայ հերքէ մերս Մովսէս քերթող 'ի գիրս պիտոյից յօրինակ հռետորական եղծման . ուր անուն արքային կոչի կանտուղէս կամ կանդուլէ :

10. Ուիշլէն Դար կոչի յընթացս մատենիս ըստ առման բանաստեղծից նախկին դար աշխարհի , կամ առաջին Ժամանակին , մինչդեռ որդիք մարդկան շատանային բնաբոյս բարեօք երկրի , և չե էին զբաղեալ 'ի ծփանս մեծամեծ հոգոց վասն ազգի ազգի հանդերձանաց կերակրոց և զգեստուց , վաճառականութեանց և արուեստագործութեանց , խռովութեանց և պատերազմաց :

11. Ապեղէս էր նկարիչ երկելի՝ հայրենեօք 'ի կով կղզւոյ , յաւուրս մեծին Աղեքսանդրի Մակեդոնացւոյ : Սա գերա-

զանցեաց յիւրում արուեստի զամենեքումբք՝ որ յառաջ քան
զնա էին, և 'ի յեանոց խոկ սակաւք հասին'ի չափնորա: Այն
չափն անուանի եղեն նկարք սորա, մինչև պատուէր հրամանի
ետ Ազեքսանդր զի մի ոք այլ իշխեսցէ նկարել զպատկեր իւր
բաց յԱպեղէսէ: զի 'ի ձեռն այնպիսւոյ պանծալի արուեստա-
ւորի մնացէ փառօք յիշատակ իւր յապագայս: Վասն որոյ
և թեսաւրոս կոչէ զԱպեղէս նկարիչ գիւցազանց: Թող զայն
զի նկարեաց նա և զերկուս պատկերս Ափրոդիտեայ քաջ ճար-
տարութեամբ, որոց մեծ էր յարդ առ Հելլենացիս: որպէս և
զպատկեր բարեկամին իւրոյ Անտիդոնոսի միտկանւոյ, զմի
կողմն նորա ևեթ ցուցանելով, առ առագաստել զթերու-
թիւն կոյր ականն: Նկարեաց և զերիվար մի այնչափ բնական
կենդանագրութեամբ, մինչև 'ի տեսանել զնա այլոց երիվա-
րաց խինջային: ուստի և ասի թէ ասացեալ իցէ երբեմն Ա-
պեղէս ցԱզեքսանդր ընդ խաղս, երիվար քո առաւել իրա-
գէտ է նկարուց քան զքեզ: Խակ Լուդիոն որ և Լուդիոս, էր
նկարիչ ոմն 'ի Հռովմ յաւուրս Օգոստոսի կայսեր: Սա, ըստ
ասելոյ Պլինիոսի հնարեաց զառաջինն զվայելուչ նկարս որմոց
առ 'ի զուարձութիւն, ստուերագրելով գիւզս և ագարակս,
դաշտս և հովիտս, լերինս և բլուրս, անտառս և գետս, ծով
ափունս և նաւահանգիստս: և յիւրաքանչիւր տեղիս զյան-
կաւոր արարս մարդկան և անտառոց: զոր օրինակ շինականս
որ բառնան բեռինս 'ի վերայ իշոյ կամ գրաստու, հնձողս
հանդերձ որայիւք, հովիւս հանդերձ խաշամբք, եզնավարս
և անդէորդս, որսորդս, ձկնորսս, նաւորդս, և այլն: Արդ
զայս ամենայն յուշ առնել կամեցեալ թեսաւրոսի, 'ի մաս-
նաւոր ինչ գործոյ կոչէ զլուդիոն նկարիչ եզնավարաց: ո-
րով տայ իմանալ զնուաստութիւն արուեստին առ համեմա-
տութեամբ Ապեղէսի, որ նկարէր զդիւցազունս:

12. Բայիէս կամ Պայա էր 'ի հնումն անուն քաղաքի, այժմ
աւանի, 'ի կամպանիա դաւառն խտալիոյ: Երկելի ըստ զուար-
ճալի դրից և ըստ առողջարար ջուրցն առատութեան, յան-
կաւոր 'ի շինութիւն բաղանեաց: առեալ զանուն 'ի Բայսու
ումեմնէ անդ թաղելոյ, որ համարի հիմնադիր քաղաքին: Արդ
հեղինակն որպէս զՓաղարեան ցուլ բերէ յօրինակ դառն
վշտաց, նոյնպէս և զԲայեան բաղանիս յօրինակ զուարձու-
թեանց:

13. Հերակլէս կամ Երակլէս կոչի 'ի գիրս մեր այն զոր Հեր-
քիւլէս կոչեն զորմէ բաղմապատիկ առասպելս յօդեն նախնի
բանաստեղծք, համարելով զնա իբր մի միայն քաջ 'ի մէջ քա-
ջացն Հելլենացւոց, գլուխ հսկայից և վեհ գիւցազանց: են և որք
հաւասարեն զնա Սամիսոնի, որպէս և զժամանակ նորա փոքր

մի յառաջ դնեն քան զԱսմիսոն առ ժամանակօք Արգոնաւորդաց, իբր 1200 ամօք նախ քան զՔրիստոս. թող զի քազումք բազում Հերակլէսս թուեն և յայլեայլ ժամանակս ձգեն: Այլ զերեւելին Հերակլէս Հայք կոչէին երթեմն նաև Վահագն 'ի մի կարդ դասելով զնա ընդ քաջին Վահագնի հայկազնոյ: Խոկ Հեղինէ էր քոյր երկուորեակ եղբարց Կատովիր և Պողիկեաւեայ, և կին Մենեղաւոսի դքսին Սպարտիոյ, համբաւեալ վասն գեղոյն 'ի մէջ Հելենացւոց. և յափշտակեալ նախ 'ի թեսէոսէ, և ապա 'ի Պարիսայ տրոյացւոյ. զորմէ բազում բանք լինին յառաստելայօդ պատմութեան Արգոնաւորդաց և Տրոյացւոց. և սա խոկ էր, յորոյ 'ի պատճառս եղեւ իղիոնական պատերազմն այն տասնամեայ հանդիսացեալ առ հին վիպասանս արտաքինս:

14. Առ բարւոք իմացուած բանից հեղինակիս յառաջիկայս դլուխ ծանիր նախ, զի առ Լատինացիս և խտալացիս մի և նոյն բառ. է, որ նշանակէ զօրութիւն և առագինութիւն. այն է ըստ նոցա ՀԱՅՐԱՆԻ կամ ՀԱՅՐԱՆ, և ըստ այսմ թեսաւրոս զզօրութիւնն բաժանէ յայլ և այլ տեսակս, և ըստ կարգի ուղղէ զբանս իւր 'ի վերայ բարոյական առաքինութեան: Զդոյն խոկ և 'ի մեր բարբառ մարթ է իմանալ. զի ձայնս առագինութիւն ըստ ինքեան առեալ նշանակէ զարիական զօրութիւն, կամ զքաջամարտիկ շահատակութիւն. այլ 'ի բարոյական կարգի ունի զիւր մասնաւոր նշանակութիւն: Ծանիր երկրորդ զի պատմուճանի կամ զգեստու նմանեցուցանէ հեղինակն զունակական առաքինութիւնն, ոչ միայն վասն պատշաճական ինչ նմանաբանութեան, այլև յաւետ վասն յարմորութեան հոմաձայն բառիս առ խտալոցիս առինչու, որ միօրինակ նշանակէ առականեիւն և սդիւտ. առեալ յայնմանէ զի զգեստն կամ ձորձն է այն ինչ, զոր ունի ոք 'ի վերայ մարմնոյն:

15. Կենտաւրոս, ստուգաբաննի ցլավար. որով նշանակի հրէշ ինչ առասպելեալ՝ կիսով չափ մարդակերպարան յառաջոյ կողմանէ, և կիսով չափ իբր ցուլ ձիախառն յետոյ կողմանէ. որ և 'ի գիրս Հայոց կոչի ձիադուլ, համառօտեալ 'ի յունական բառէս իբբօգէնդառս՝ որ թարգմանի Յիայլան: Կոչի սա 'ի մեզ նաւ Յաւակառիչի. որ է անուն հրէշաւոր կենդանեաց՝ ըստ հաճոյս բանաստեղծից կերպարանեալ. որպէս և պարիկն, և համբարուն կամ իշացուլն, ծովացուլն, եղջերուաքաղն, յարալեզն, և այլն. զորս առ հասարակ կեղծիք մատացածին լինել գիտեն ամենայն մատացիք, որպէս և բազմօք ցուցանէ մերս Եղնիկ կողբացի: Խոկ թէ ուստի սկիզբն առեալ իցէ առասպելն կենտաւրոսաց կամ ձիացլուց, աւանդեն հին պատմիչք թէ 'ի փախչիլ երթեմն եղանց և զլուց,

պնդեցան զհետ նոցա արք ձիտորք, և հասեալ առ նոսա խթանօք վարեցին և դարձուցին յետս. իսկ շինականք աեղ- ւոյն՝ որոց չեւ էր տեսեալ զայր հեծեալ՝ ի ձի, ընդ տեսանելն զնոսա՝ համարեցան թէ՝ ի վերայ ձիոյ բուսեալ իցէ կերպա- րան մարդոյ, և զցուլս՝ որ առ նոքօք՝ իբր խառն ընդ նոսա նշմարելով, կարծեցին լինել նորատեսիլ կենդանի ձիախառն և ցլախառն: Եւ այս ասի լինել յաշխարհին թետաղացւոց կամ՝ ի թեսսաղիա գաւառի, 'ի ստհմանս Պելետրոն քաղաքի առ Պեղիոն գետով. զի ասեն նախ 'ի թետաղիա եղեւ գիւտ սանձելոյ զերիվարս և հեծանելոյ 'ի նոսին. փոխանակ ասե- լոյ թէ թետաղացիք քաջավարժ էին 'ի ձիավարել: Որ զինչ և իցէ բնակիչք թետաղիոյ ըստ մասին կոչեցան Լապիթեայք, և ըստ մասին կենտաւրոսք կամ՝ ձիացուլք. զորոց ունիմք յի- շել և 'ի ստորե:

16. Պրաքսիտեղէս էր մեծանուն անդրիագործ յաւուրս Արտաշէսի Ոքոնի արքային Պարսից, իբր 350. ամառ. յառաջ քան զբրիստոս: Սա քաջարուեստ գտաւ 'ի դրօշել զար- ձանս կճեայս. և բաց յայլոց բազմապատիկ գործոց դրօշեաց երկուս արձանս Ափրոդիտեայ. զմին զգեստաւորեալ, զոր գնեցին բնակիչք կղզւոյն կովայ. և զմիւսն մերկանդամ 'ի խնդրոյ Գնիդացւոց. և այս գնիդեան արձան այնչափ մեծա- համբաւ գտաւ, մինչեւ 'ի հեռաւոր վայրաց նաւեալ գային 'ի Գնիդոն 'ի տեսանել զայն: Կամեցաւ Նիկոմիդէս արքայ Բիւ- թանիոյ յետ ժամանակաց գնել զայն, խոստանալով բնակ- չաց տեղւոյն վճարել զամենայն սլարաս զոր ունեին նոքա առ օտարս, կամ զհարկն որ յարքունիս. այլ նոքա չառին յանձն. որպէս գրէ Պլինիոս: Այլ այս արձան Ափրոդիտեայ՝ որչափ էր Ճարտար կենդանագրեալ, այնչափ առաւել եղեւ նշաւակ անպարկեշտութեան 'ի գայթակղութիւն տեսողաց. զորմե- քազում ինչ գրեն հնախօսք, և յայս յաւէտ հայի բան թե- սաւրոսի 'ի յետագայ բացատրութիւնս իւր: Այլ է և Պրաք- սիտեղէս Ճարտարարուեստ արծաթագործ յաւուրս մեծին Պոմպէի: Սոյնալէս և Փիդիաս էր հնագոյն անդրիագործ ե- րեւելի յաւուրս երկայնաձեռն Արտաշէսի Պարսից արքայի, իբր 450 ամօք յառաջ քան զբրիստոս: Սա յաջողաձեռն գտաւ յոյժ 'ի քանդակել արձանս փղոսկրեայս սքանչելի Ճարտարութեամբ. յորոց միջի նշանաւոր եղեւ արձանն Աթե- նասայ աստուածուհւոյ, զոր արտր յԱթէնս 'ի փղոսկրէ: Թող զԴիոսն Ոլիմպիական նոյնալէս փղոսկրեայ, և զԱփրո- դիաէ, և զայլ գիս քանդակեալ 'ի նմանէ. մինչեւ ասել կուին- տիլխանոսի թէ Փիդիաս յաջողակ ևս էր 'ի դրօշել զգիս քան զմարդիկ: Ասի թէ 'ի դրօշել սորա զարձանն Աթենասայ, չիշխելով զանուն իւր դրոշմել զի չէր օրէնս, ձևացոյց հնա-

ըիւք իբրև 'ի զարդ զպատկեր դիմոց իւրոց 'ի վահանի անդ զոր տուեալ էր 'ի ձեռս արձանին : Առած իմն եղեւ նշանակ Փետիայ անուանել զգործս Ճարտարութեան, որք բազում աշխատութեամբ լինին և ընտիր գտանին : Սոյն սա Փիդիաս էր միանգամայն և սպատկերահան քաջ :

17. Կղոդիանոս էր անուանի բանաստեղծ կամ տաղասաց 'ի լատին բարբառ, հայրենեօք Եգիպտացի, 'ի վախճան չորսորդ դարուն յաւուրս մեծին թէոդոսի կայսեր . որոյ որդիքն Արկադէոս և Ռոբրիոս ետուն կանգնել արձան 'ի յիշատակ Կղոդիանոսի, թէպէտե հեթանոս ոք էր նա : Են սորա բազմապտիկ ոտանաւորք քաջաբան և խմաստալից : Խոկ Սիմոնիդէոս էր հին բանաստեղծ Հելլենացւոց և նոււադայարդար 'ի Կէայ կղզւոյ, յաւուրս Կիւրոսի և Դարեհի Վշտասսլեայ Պարսից արքայի : Սա առաւել յաջողակ էր 'ի յօրինել զողբական կամ զեղերերգական տաղս քան զուրախտական և ըզյաղթողական : Եւ զի սա ձեռն էարկ գովել զջորին յաղթական յընթացս Ոլիմպիական խաղուց, սովին որպէս թէ նախանձ էարկ Վիրգիլեայ ևս քան զես մեծացուցանել զերագընթաց վազս Կտմիլսայի յիւրումն բանաստեղծութեան . խոկ թէ ո՛ իցէ Կամիլլո, ունիս տեսանել զկնի 'ի համարն (32) : Կան և այլ բանաստեղծք Սիմոնիդէոս անուամբ յետոյ ժամանակաւ : Այլ թէմիսոն էր անուն ուրումն երեւելի բժշկի . զորմէ գրէ Պլինիոս . “ Հռչակ եհար ասէ և թէմիսոն բժիշկ զհասարակ զայն բոյս ջղախոտ, իբր գտակ նորին, գիրս շարագրելով 'ի վերայ նորա ,,: Սա աշակերտ էր Ասկղեպիադէսի և յետ մահու վարդապետին իւրոյ բազում ինչ 'ի գրուածոց նորա ըստ կամս ուղղագրեաց : Խոկ նա ինքն Ասկղեպիադէս էր անուանի բժշկապետ 'ի Պրուսիոյ Բիւթանացւոց, ծաղկեսոլ 'ի Հռովմ յաւուրս մեծին Պոմակէի իբր 100 ամօք յառաջ քան զբիրիստոս : Զոր ասէ զամանէ թէսաւրոս թէ գովեալ իցէ զԱրտեմիսիա, թուի առեալ 'ի Պլինիոսէ այլ անդուչ դրի Արտեմեսիա, այլ Անթեմիս . “ Անթեմիս խոտ ասէ մեծաւ գովութեամբ հռչակի յԱսկղեպիադիսէ ,,: Եւ թէպէտ կայ նաև այլ խոտ ծանօթագոյն Արտեմիսիա անուն, զոր յիշէ Պլինիոս . բայց ոչ գիտեմք թէ մասնաւոր գովութիւն տուեալ իցէ և այնու Ասկղեպիադէս : Սոյնակէս և Բանիաս էր բնազնին ոք որ բազում գովութիւնս խօսեցաւ զեղնջոյ, ըստ վկայելոյ Պլինիոսի ուր 'ի խօսիլն 'ի վերայ եղինջ խոտոյ, ասէ . “ Յօրինեաց զգովութիւն սորին Փանիաս բնախօս ,,: և յարէ զպատճառս գովութեանն, թէ յորչափ ինչ իրս պիտանացու իցէ եղինջն :

18. Ազկիդէս է մականուն կամ առասական անուն քա-

զին չերակլեայ . իբր զի Աղկիդէս և չերակլէս է նոյն այր , որպէս Տուղղիոս և Կիկերոն . վասն որոյ և բանաստեղծք անխտիր վարեն զերկաքանչիւր զայս անուանակոչութիւնս : Իսկ թէ ուստի եղեւ չերակլեայ կոչել Աղկիդէս , ոմանք համարին թէ անուն հաւու նորա էր Աղկիդոս . վասն որոյ և նա Աղկիդէս ձայնի , որպէս թէ Աղկիդեան կամ թոռն Աղկիդոսի : Իսկ այլք դնեն թէ 'ի գործոց քաջութեան առեալ իցէ զայդ անուն . զի Աղկիդէս , թարգմանի զօրաւոր , հզօր , ուժեղ :

19 . Արիստիդէս թերայեցի էր նկարիչ երևելի ժամանակակից Ապեղէսի . սա ասեն նախ քան զամենեսին ձեռնամուխ եղեւ նկարագրել 'ի պատկերի զկենդանական շարժմունս հոգւոյ և զկիրս մարդոյ . թէպէտ և փոքր մի գունեղ յօրինէր : Ի նկարս սորա այն պատկեր էր առաւել 'ի համարի , յորում ձեւացոյց մանուկ դիեցիկ դիմեալ 'ի ստինս մօրն առ 'ի մահ վիրաւորելոյ . ուր մայր նորա ձեռօք արգելոյր զտղայն , որպէս թէ զգուշացեալ զի մի վտխանակ կաթին զարիւն դիեցի մանուկն : Զայն պատկեր տեսեալ Աղեքսանդրի՝ ետ պահել ուրեք 'ի պատուի : Իսկ թէ սոյն այս պատկերի իցէ , զորյեա ժամանակաց գնեաց Ատաղոս , և կոմ այլ , չունիմ ասել զհաւաստին : Իսկ նա ինքն Ատաղոս էր արքայ Պերգամայ՝ ընչաւետ յոյժ և առատաձեռն . և այնչափ բաղում էին նորա մեծագին սպասք , մինչեւ մեծածախ և մեծաշէն իրաց Ատաղական կոչել առ մատենագիրս : Սա անզտւակ մեռեալ եթող զամենայն ինչ իւր կտակաւ 'ի ժառանգութիւն չոռվայեցւոց . իրը 200 ամաւ յառաջ քան զբրիստոս :

20 . Տիմոլէսն Կորնթացի էր սպարապէտ անուանի , քաջութեամբ և առաքինութեամբ փայլեալ՝ իբր 350 ամօք նախ քան զբրիստոս : Խաղաց նաւուք 'ի Սիկիլիա 'ի վերայ բռնաւորին Դիոնեսիոսի կրտսերոյ . և առեալ զՍիրակուսա քաղաք՝ աքսորեաց զբռնակալն հանդերձ գործակցօք նորին 'ի Կորնթոս : Դիմեաց ապա և 'ի վերայ Լեոնտացւոց , և ձերբակալ արարեալ զբռնաւոր նոցա սպան : Յաղթեաց և այլոց բազմաց բռնաւորաց և զօրավարաց յայլ և այլ կողմանս , ուր ուրեք յօդնութիւն կոչէին զնա նեղեալքն 'ի բռնակալաց : Իսկ զՍիկիլիա ողջոյն որ 'ի բազմաց հետէ հեծէր ընդ հարլստահարութեամբ ինքնիշխան բռնաւորաց , դլսովին յազատութիւն դարձոյց : Եւ ինքն յետ բազմապատիկ գործոց քաջութեան՝ նստաւ խաղաղութեամբ 'ի Սիրակուսա իբրև սոսկական ոք առանձնացեալ իւրովք ընտանեօք : Ի մեռանիլ սորա կանգնեցաւ յանուն նորուն մեծաշէն մահարձան 'ի հրապարակն Սիրակուսայ . յորմէ և կոչեցաւ տեղին հրապարակ Տիմոլէսնեան :

21. Ակագեմիա . Եր զուարձալի վայր պարտիզաց և անտառաց՝ իբր մշտաչափ հեռի յԱմենայ . անդ ծնաւ Պղատոն , և անդ կարգեաց գոլրոց , և ուսոյց փիլիսոփայական իմաստաբազմութեան աշակերտաց խրոց . վասն որոյ և հետեօղք նորա Ակագեմեանք կոչեցան . և յայս անուն զուսումնարանս սովորութիւն եղե Ակագեմիա ձայնել : Խոկ Լիկէոն կամ Լիւկիոն էր անուն Ճեմարանի յորում Ճեմելով ուսուցանէր զաշակերտս նրբախօսն Արիստոտէլ աշակերտ Պղատոնի :

22. Ակատ է ակն ինչ պատուական , որ նախ 'ի Սիկիլիա ասի գտեալ առ Աքատ գետով , և անտի առեալ զանուն : Էր առ նախնիս 'ի մեծ յարդի , զե համարիւր ցածուցանելը խորովութիւն օդոց , և մեղմել զհոսանս բռնութեան գետոց : Արդ ասի թէ Պիւրոս թագաւոր Եպիոսսայ , այն որ մղեաց պատերազմ ընդ Հռովմայեցիս իբր 300 ամաւ յառաջ քան զբրիստոս , ունէր զմի յականց աստի , այսինքն ակատ մի , յորում 'ի բնէ ձեւացեալ էին ուրուական պատկերք ինն մուզայից , որք համարէին առ Հելլենացիս չաստուածուհիք բանաստեղծութեան և իմաստութեան և ազգի ազգի տղատական արուեստից հանգերձ իւրեանց նշանակօք , ընդ որս և Ապոլոն Աստուածն երաժշտութեան՝ հանգերձ քնարաւ իւրով : Զայն ակն օրինակ 'ի մէջ առնու թեսաւրոս նմանեցուցանելով գլխոյ , յորում հաւաքեալ իցեն բազմադիմի իմաստութիւնք և մակացութիւնք :

23. Փաղերէոս , որ և Դեմետրիոս Փաղերես կոչեցեալ՝ էր մեծանուն հռետոր և փիլիսոփոս Ճեմական աշակերտ Թէոփրաստոսի , յաւուրս Աղեքսանդրի Մակեդոնացւոյ և Պաղոմէոսի առաջնոյ արքային Եգիպտացւոց : Սա վասն զգօնութեան իւրոյ ընտրեցաւ իշխանապետ Աթենացւոց ամս տասն , և արար բազում բարեկարգութիւնս . վասն որոյ և յանուն նորա կանգնեցին Աթենացիք արձանս պղնձիս թուով 360 . իբր ըստ աւուրց տարւոյն . այլ զկնի այսր փառաւորութեան , մինչք լցեալ էին այնչափ աւուրք՝ որչափ էր թիւ արձանացն , կործանեցին արք յաշաղկոտք զարձանս նորա . և զփաղերէոս արտասահման արարին . և նա դիմեալ անկաւ յԵգիպտոս առ Պաղոմէոս : Սա եղե ըստ ասելոյ ոմանց , յորդորիչ Պաղոմէոսի Փիլադեղփիեայ շինել գրատուն մեծ յԱղեքսանդրիա , և հաւաքել անդ ընտիր ընտիր մատեանս . ընդ որս և զաստուածաշունչն Եբրայեցւոց տալ թարգմանել 'ի Յունական բարբառ 'ի ձեռն եօթանասուն և երկու ծերոց : Գըրեաց սա և պէսակէս պիտառնութիւնս . յըրոց մնացուածք ինչ հռետորականք կան մինչք ցայսօր : Յիշէ զսա Եւսեբիոս 'ի Քըոնիկոնն :

24. Յառաջիկայ բանսդ հայի ասելն Եւսեբի 'ի քրոնիկոն կանոնի, 'ի ժամանակին՝ յորում մարդարէանային Դանիէլ և Եղեկիէլ “Սովոն եղ օրէնս և քակեաց զԴրակոնին,, : Քանզի Դրակոն, որ թարգմանի վիշապ, առաջին օրէնսդիր Աթենացւոց՝ անագորոյն մաօք վՃիռ հատեալ էր՝ զամենայն վնաս միօրինակ սկատժել չարաչար, մինչեւ զպղերդս անդործս կամ զդոյզն ինչ իրաց գողացողս անհնարին տանջանօք պատուհասել, ևս և գլխապարտ առնել. վասն որոյ և առած էր առ Հելենացիս, թէ Դրակոն զօրէնս իւր ոչ մելանաւ, այլ արեամբ արձանագրեաց: Իսկ Սովոն այր իմաստուն մին յեօթն իմաստասիրաց, նոր օրինագիր եղեալ Աթենացւոց, մերժեաց զամենայն օրինադրութիւնս Դրակոնի, բաց յայնց որք հայէին առ արիւնահեղս:

Ծանօթորթիշնը յերկրորդ գիրս:

25. Մարդիտէս ասի լինել իշխանաւոր ոք յաւուրս կործանման Տրոյիոյ՝ եկեալ յօդնութիւն Պրիամոսի յանագան ժամու, այր ապուշ մաօք և իբր անզգայ. մինչեւ անդէտ իսկ էր օրինաց ամուսնութեան, զոր խաթանօք իմն ձգեաց ասեն կին նորա 'ի զուգաւորութիւն: Այլ որպէս կարծի ոչ գոյլ ոք այսպիսի անուամբ. այլ այս եղև դիւտ բանաստեղծական. իբր զի ըստ ասելոյ ոմանց անունս Մարզիդիս ծագի 'ի բառիցս մէ երլան, այսինքն ոչ գործ, այն է անդործ և անպէտ յամենայնի: Եւ 'ի սոյն անուն վերագրեցաւ բանահիւսութիւն ինչ հոմերական. ուր ասի վասն Մարդիտայ.

Զոր ոչն եղին դիք վերնական,
Գործել ինչ գործ 'ի մէջ մարդկան.
Ոչ մշակել զերկիր անդամ,
Չունել արուեստ իմաստութեան:

26. Հերմէս ըստ բանաստեղծիցն դիւցաբանութեան էր որդի Դիսոսի ծնեալ 'ի Մայեայ, և համարիւր դեսպան և թարգման աստուածոց, խելամուտ ամենայն դիտութեանց. դաիչ աղգի աղգի արուեստից, և միանդամայն Աստուած սլերձախօսութեան և վաճառականութեան: Թող զայն զի ոմանք բաղումս թուեն Հերմէսս կամ Մերկուրիոսս: Իսկ ասացուածն այն թեսաւրոսի վասն արձանին Հերմեսի է բան

Պիւթագորայ փիլիսոփայի որ ասէր . “ Զէ օրէն յինչ և իցէ փայտէ դրօշել զարձան Հերմեսի , . այլ թէ զորպիտի աղնիւ փայտ կամ նիւթ այլ ընտրէին վասն արձանի նորա , չէ մեզ յայտ :

27. Աքիլլէս կամ Աքիւլս է ծանուցեալ անուն առն քաջի առ Հելենացիս և արքային թետաղացւոց յաւուրս Տրոյական պատերազմին . զորմէ բազմօրինակ քաջութիւնս դրեն հնախօսք աղդի աղդի յաւելուածովք . մինչև ախորժէլ Խորենացւոյն զի մերս Զարմայր հայկազն հզօր ’ի հանդէս արութեան , որ անկաւ յայնմ մարտի , չիցէ սպանեալ յայլմէ , այլ ’ի քաջ բազկէն Աքիլլէայ . “ Ի քաջացն Հելենացւոց վիրաւորեալ մեռանի , այլ կամիմ յԱքիլլէայ , և մի յայլ ումեքէ ’ի քաջացն , : Որպէս և զՎարազդաս քաջ արքայ հայոց արշակունի՝ համեմատէ նմին Աքիլլէայ . “ Եւանդ էր տեսանել նոր զոմն Աքիւղևս՝ ընդ Սկամանդրոս գետ վազելով , : Իսկ մեկնիչն Գրիգորի Աստուածաբանի Կոննոս յաւելու ’ի մէջ բերել և զստուգաբանութիւն անուանն Աքիլլէայ , յասելն ըստ հին թարգմանութեան . “ Ծնեալ Աքիւլս աւանդեցաւ առ Քերոն . որով վարեալ լինէր մնուցողաւն համանդամայն և վարդապէտաւ աղեղնաւորութեան . և էր այս Քերոն իպապուկէնդաւոսոս (Յիաշուն) բնակեալ յայրս ինչ քարանձաւացն ’ի թետաղիայ . արդ առեալ Քերոն զայս Աքիւլս , և նստուցեալ յետոյ իւր ’ի վերայ ձիեղէն կողմանն . մնուցանելով զնա ոչ կաթամբ կամ հացիւ , այլ ուղղովք առիւծուց և այլոց կենդանեաց . վասն որոյ Աքիւլս անուանեցաւ , իբր ոչ Քիղոսիւ մնեալ . քանզի Քիղոս սովորական կերակուրս է , : Այլ վասն Քերոնի ձիացլու տես ’ի ստորև ’ի համարն 94 : Իսկ Ոդիսես էր այլ ոք երևելի ժամանակակից Աքիլլէայ , այլ Ճարտարամիտ և խորագէտ . որ և եղեւ թագաւոր Իթակայ և Դուլքիայ կղզեաց . և վասն բազմադիմի դործոց իւրոց առ արոյական մարտիւ համարեցաւ ’ի կարգս դիւցազանց . յորոյ վերայ բանաստեղծական առասպելոք ուրոյն գիրս ոտանաւորաց յօրինեաց չումերոս : Զսա ևս յիշէ խորենացին : Ունիմք և մեք յիշատակել ’ի կարդի ինչ ինչ ’ի դործոց ընծայելոց սմա :

28. Գեղեցիկ է օրինակս , բայց զի մի խրթնասցի առ ոմանս յընթերցողաց , հաճոյ թուի և ևս պարզել այսպէս . Որ խաղայ քուէիւք ցանկայ յաջողութեան քուէից . բայց թէ և անյաջող դայցեն , նա հնարի ըստ կարի այնպէս ղետեղել զքարինս զի մարթասցի շահիլ զսազն , որպէս և շահի իսկ յուվակի : Իսկ իմաստ օրինակիս յայն հայի թէ նաև ’ի բնական ձիրս թէ և նուազեալ դացի ոք , չպարտի լքանիլ , այլ ջանալ

Հնուլ առաքինութեամբ զալակասն . որպէս և տեսանեմք իսկ , զի ժրաջանք թէպէտե տկարք կամ տգէտք , առաւել յառաջադէմ գտանին յառաքինութիւնս , քան զայնուսիկ որք ունին ձիրս բնատուրս , այլ հեղգասիրաք են և անփոյթ : Զսոյն ակնարկէ և նախակարգեալ օրինակն անդաստանի . որ թէ և չեցէ քաջ արգասաւոր , 'ի ձեռն հանապաղորդ մշակութեան բերէ արգիւնս շահեկանս քան զայլ արգաւանդահող տեղիս , ուր նուազ լինի մշակութիւն :

29. Կադմոս էր որդի Ագենովրայ , ըստ նախնեացն եղիպ . տացի և ինքն փիւնիկեցի . որ և թագաւորեաց 'ի կողմանս Փիւնիկեցւոց յերկին Ասորւոց . և ապա անցեալ 'ի Յունատան շինեաց զնորն թեքաս 'ի Բիովտիա դաւառի , և անդ եղ զաթոռ իւր : Սա ասեն ստեղծ զառաջինն նշանագիրս Յունաց , բերեալ ընդ իւր ալֆաբետս ինչ 'ի Փիւնիկիոյ՝ թուով վեշտասան որովք առ ժամանակ մի վարեցան Հելլենք . և ապա այլք ևս յաւելին հետ զհետէ քանի մի տառս : Գործակից էր կադմոսի և եղբայր նորա Փիւնիքս . այլ անուն կադմոսի նշանաւոր եղել յոյժ : Էր սա ասեն առ ժամանակօք Մովսեսի փոքր մի զկնի , և կամ ըստ ոմանց փոքր ինչ յառաջ : Եւսեբիոս գնէ յաւուրս Յեսուայ և Գոդոնիէլի :

30. Անաքսիմանդր Միլետաց էր փիլիսոփայ ոմն աշակերտ և գործակից թաղէսի առ ժամանակօք կիւրոսի մեծի . եղեք քաջ աստեղաբաշխ , և եդիտ պէսպէս զնուութիւնս լուսաւորաց և պարունակաց երկնից . սա ասի լինել առաջին հնարսդ ժամացուցի արեգական . եդիտ և զակլբունս աշխարհագրութեան և գծագրեաց աշխարհացոյցս :

31. Փոխանակ անուան Դիպենոսի , առ որ հայի բան հեղինակիս , յիտալական տպագրութեան վրիպակաւ միոյ տառի գնի Դիպելոս . այլ չեք այնպիսի անուամբ անդրիագործ ոք . թող զայլ և այլ անձինս Դիփելոս կոչեցեալս , յորոց մին էր յամրագործ ճարտարապետ շինուածոց . մինչև յառակս եղեք զյուշիկ գործողս կոչել Յամր քան զԴիփելոս : Արդ Դիպենոս կրետացի , զորմէ մեր բանքս են , որ և գրի Դիպինոս կամ Դիպոյենոս , է այն զոր յիշատակէ Պլինիոս . “ Ի գրօշել զկը-ձեայս նախ քան զամենեսին ծաղկեցան Դիպենոս և Սկիւզիս ծնեալք 'ի կրետէ , մինչդեռ տակաւին տիրեին Մարք՝ յառաջ քան զսկիզքն թագաւորելոյ կիւրոսի 'ի Պարսս , այս է իբր 'ի ծ Ողոմպիագի : Սոքա գէմ եդեալ գնացին յերկիրն Սիկոնացւոց , որ ընդ բազում ժամանակս եղեւ տեղի գործարանաց ամենայն մետաղաց . զդրօշեալս քանի մի դից եղին հրապարակաւ 'ի Սիկոնիոն . այլ մինչք էր լըումն առեալ այնց

գործոց, արուեստապետքն հարստահարութիւն ինչ կրեալ խոյս ետուն առ Ետողացիսն։ Իսկ և իսկ զօրացաւ 'ի Սիկոնիոն սով և անսպազութիւն և աղէտք անհնարին։ Ի խնդիր լինել հնարից գեղոյ՝ Ապողոնն Պիւթեան ետ պատասխանի խոստանալով հասանել նոցա յօդնութիւն եթէ Դիպենոս և Սկիւղիս 'ի գլուխ հանցեն զդրօշեալս դիցն։ Վասն որոյ և բազում վարձուք և աղաջանօք կոչեցին զնոսա 'ի կատարումն գործոյն, և էին գրօշեալքն այն Ապողոնի, Արտեմիդեայ, Հերակլեայ և Աթենասայ որ յետոյ շանթահար եղմ,,։ Եւ ահա 'ի սոսին հայի նաև աւանդեալն 'ի Խորենացւոյն, յասելն վասն Արտաշէսի Պարթևի Հայոց արքայի. « Գտեալ յԱսիա պղնձաձոյլ ոսկեղօծ պատկերս զԱրտեմիդեայ և զՀերակլեայ և զԱպողոնի տայ բերել յաշխարհս մեր, զի կանգնեսցեն յԱրմաւիր։ Զոր առեալ քրմապետացն որ էին յաղգէ Վահունեաց, զԱպողոնին և զԱրտեմիդայն կանգնեցին յԱրմաւիր։ Իսկ զՀերակլայն զառնապատկերն, զոր արարեալ էր 'ի Սկիւղեայ և 'ի Դիպենոսէ կրեացւոյ, զՎահագն իւրեանց վարկանելով նախնի՝ կանգնեցին 'ի Տարոն յիւրեանց սեպհական գիւղն յԱշտիշատ յետ մահուանն Արտաշիսի,,։ Իսկ Պալլաս է անուն աստուածուհւոյ պատերազմաց. որ ըստ առասպելաց ծնաւ յուղղոյ Դիոսի առանց մօր, և զի ջախմամբ գլխոյ Դիոսի հնար եղէ հանել զնա 'ի գուրս, 'ի վիրաց անտի նորա ասի ծնեալ Պալլաս զինավառեալ անձամբ. նմին իրի և նկարիւր զինեալ և վահանաւոր, որ և վահանաւ իւրով փոխեաց ասեն զոմանս 'ի մարդկանէ 'ի քարինս։ Հասարակօրէն նոյն համարի սա ընդ Աթենասայ աստուածուհւոյ գիտութեան, որ 'ի լատինացւոց կոչի Միներվա. զի սա ինքն է ասեն ծնեալն յուղղոյ Դիոսի 'ի նշանակ իմաստութեան. վասն որոյ և ոմանք զՄիներվայդ անուն ստուգաբաննեն՝ սպառնացող, այլք աղքարարօղ, և կէսք նուազեցուցիչ կամ տկարացուցիչ ջղաց, վասն մաշելոյ ուտմանց զգիտնականս։ Իսկ Պալլաս կոչեցաւ ասեն կամ վասն սպանանելոյ նորա զերեելի ոմն հսկայ Պալլաս անուն, և կամ զի ծագի 'ի յունական բայէս բաւլին, այսինքն ճօճել կամ կշռել զնիղակն. վասն որոյ և հասարակօրէն նիղակ 'ի ձեռին նկարի՝ իբր պատրաստեալ 'ի ձգել 'ի վերայ թշնամեաց։

32. Կամիլլէ էր գուստը Մետաբոսի արքային Վոլսկաց 'ի սահմանս խտալիոյ առ ժամանակօք տրոյական պատերազմին. զոր ընդ ծնանին նուիրեցին Արտեմեայ աստուածուհւոյ ընկեցեալ յանապաս. ուր 'ի կաթանց երիվարաց սնաւ ասեն. և 'ի սնուցչաց անտի իւրոց ուսեալ վարժեցաւ 'ի ձիրնթացս և 'ի մարտադրութիւնս, և առաւել ևս յերագուն վազս. մինչև ըստ բանաստեղծութեանն Վերդիլիոսի երագաթուիչ

լինել քան զմաս հողմոց, և անթաց ոտխւք անցանել ընդ երեսս ծովու։ Եկեալ ապա 'ի տուն հայրենի սիրեաց զպարկեշտութիւն, և ոչ կամեցաւ լինել առն իբր նուիրեալ կուսան ոք . զորմէ երկար ճառէ Վերդիլիոս Ենէտկանին : Յօդեն զնմանէ և ոյլք ազգի ազգի առասպելս, և հասարակօրէն յօրինակ բերեն երագութեան և պարկեշտութեան : Այլ ընդհանրապէս անունս կամիլոս յարականն, և կամիլլա յիդականն, էր առասական յորջորջումն ընծայեալ այնոցիկ որք 'ի մանկութենէ կարգեալ լինէին 'ի սպաս դից . վասն որոյ և այս անուն նշանակէր արբանեակ կամ սպաշտօնեայ աստուածոց :

33. Յայս իմաստ հայի և պարզէ իսկ զառաջիկայս տեղի այն խոնարհական ասացուած որբոյն Գրիգորի Կարեկացւոյ (ԿԵ) . “Ատտիկեցիս ըստ վատթարութեան, այլ ոչ ըստ բարեբաստութեան ,,: Իբր զի Ատտիկեցիք որ և Աթենացիք, ունէին բարեբաստութիւն ըստ իմաստութեան մասին, և միանգամայն վատթարութիւն ըստ մոլեկան վարուց :

34. Ագասիկղէս էր մեծանուն և իմաստուն արքայ Սպարտացւոց իբր 650 ամօք յառաջ քան զբրիստոս, առ ժամանակօք Մանասէի արքային Յուդայ : Արդ 'ի դէմս սորտ յառաջ բերեն վիպասանք քանի մի իմաստուն ասացուածս, զի իմաստնագոյն գտաւ 'ի մէջ Լակեդեմոնացւոց որոց եղանակ խօսից արդէն էր հոչակեալ իբր վշուական և իմաստալից յաւէտ 'ի Լակոնիա գաւառի, յորմէ և կոչին Լակոնացիք : Հընչակաւոր է այն առած Ագասիկղէայ առ Պլուտարքեայ . Չիք այլ ամրութիւն աներկեան 'ի հաստատութիւն թուգաւորութեան՝ քան վարիլ թագաւորի առ քաղաքացիս իբրև հայրառ որդիս : Իսկ զոր գրէ Ցեսարոս ասել Ագասիկղէայ 'ի մանկութեան այլք այսպէս 'ի մէջ բերեն . 'ի հնչել համբաւոյ Փիլոփանեայ սովիեստի 'ի մէջ Յունաց, ասաց ոմն ցԱգասիկղէս արքայ Լակեդեմոնացւոց . Քանզի այդչափ մեծ է քո սէր առ ուսումն գիտութեանց, զարմանամ զի ոչ ունիս առ քեզ զայնապիսի այր մեծանուն : Առ որ պատասխանի տուեալ նորա իմաստութեամբ ասէ . Կոցա կամիմ աշակերտ լինել, որոց եղէ ես որդի : Յայտ արարեալ թէ շատ է ումեք եթէ հետեւող գտանիցի հայրենի առաքինութեանց :

35. Բեղերովինտ էր թագաւոր Եսլիոսի առ ժամանակօք դատաւորացն Խորայելի . որ իբրև անկտու 'ի թագաւորութենէ, կայր յարքունիս Պրիտայ արքային Արդիացւոց . և 'ի լինել չարախօսութեան որպէս թէ Բեղերովինտ բռնագաւեալ իցէ զկին արքայի, առաքեաց զնա թագաւորն առ աներ իւր Յոքատ արքայ Լիկիացւոց . և նա յղեաց զիեղերու

փոնտ 'ի պատերազմ, զի մեռցի 'ի խուան: Այլ իբրև յաղթող դտաւ նա, զի էր այր քաջ և վարժ 'ի ձիավարել, առաքեցաւ գարձեալ 'ի վերայ խուժադուժ բնակչաց լերինն Քիմեռայ որ 'ի նմին Լիկիա գաւառի. բայց նա և անդ զօրացաւ, և լցոյց զեւառն զայն շինութեամբ և նոր բնակութեամբ. որոյ վասն սիրելի եղեւ Յոբատայ, և փեսայացեալ նմա կարգեցաւ յաջորդ թագաւորութեան: Արդ քանզի լեւառն Քիմեռայ հուը շնչէր 'ի գագաթանէ հանգոյն Ետիային Սիկիլիոյ, և 'ի լանջակողմանս նորա առիւծք որջացեալ կայլին, որպէս և յայլ կողմն քաղք և քօշք վայրի, և 'ի ստորոտն զեռունք և վիշապք, առասպելարկուք զքիմեռայն ասացին լինել հրէշ ինչ հրաշունչ և բաղմագլսի, որոյ գլուխք և լանջք առիւծու իցեն, առորտն այծի կամ քաղի և տուտն վիշապի. ընդդէմ որոյ կռուեալ իցէ Բեղերովիոնտ հեծեալ 'ի Պետասոս ձիթեաւոր, և սպանեալ զհրէշն զայն: Սոյն այս անգոյ Քիմեռա կոչեցաւ 'ի հայումն Էղջէրստատալ: Այլ 'ի թարգմանութիւնս պահի և բառս քիմէռ կամ քեմէռ. որպէս է տեսանել 'ի բանս 'Նոննոսի, ուր այս առասպել համառօտի այսպէս. “ Է լեւառն յորում երեւեցաւ գազան ինչ, որոյ առաջին կողմնն էր առիւծու, և վերջինն վիշապի. և 'ի մէջն էր քեմէռ (քաղ կամ այծ). յոլմէ հուը ելեալ սատակէր զպատահեալսն. իսկ յետոյ եկեալ Բեղեռովիովիոնտէս ունելով զերիվարն Պետասոս սպան զնա,,,: ‘ Նոյնն ընդարձակ ևս գրի այլուր 'ի նոյն գիրս, հանդերձ յիշատակութեամբ Պռիտիս անուն արքային Լիւկացւոց:

36. Վասն Եպիկուրոսի յաւուրց անտինորա մինչև ցայժմ հակառակութիւն է, թէ արդեօք յինչ միտս ասաց զերջանկութիւն մարդոյ լինել 'ի հեշտութեան կամ 'ի բերկրալից հաճութեան. Դիմոկրատէս որ էր յեպիկուրեան գոլրոցէ, որոշեալ զանձն յայնմ աղանդոյ գրով և բանիւ եպերեաց զԵպիկուրոս և զվարդապետութիւն նորա. և զի եղեն ոմանիք 'ի մէջ Եպիկուրեանց խառնակեաց և անկարգ վարուք, յանցանք նոցին առ ուսուցիչ իւրեանց վերագրեցաւ: Բայց սակայն ելն և բազում մատենագիրք որք 'ի ձեռն գրոց Եպիկուրոսի ուր ընտիր ընտիր խրատք գտանին առ պարկեշտ և առաքինի քաղաքավարութիւն, միանգամայն և 'ի խստակեաց վարս նորին հայելով, բաղմասպատիկ պատճառօք ցուցին թէ բանք նորա ոչ հայեին 'ի մարմնապաշտութիւն, այլ 'ի ներքին հանդարատութիւն կրից և յանայլայլակ անդորրութիւն հոգւոյ յինչ և իցէ վիշտս տառապագինս. որպէս և թէսաւը ոս զնոյն սկնդէ: Գեղեցիկ կշտամբէ Սենեկա զայնոսիկ որք պատճառս առնուին անառակութեան իւրեանց զվարդապետութիւնն Եպիկուրոսի, յասելն 'ի գիրս որ յղ. երջանիկ կե-

նաց . (ԳԼ . ԺԲ) . “ Ապաքէն դոքա ոչ ՚ի սադրելոյ Եպիկուրեայ , ասէ , անառակին , այլ անձամբ զանձինս մատնեալ ՚ի ձեռս ախտից զանառակութիւն իւրեանց ՚ի գիրկս իմաստասիրութեան զուղակեն , և անդ ուրեմն համախուռն ընթանան , ուր լսենն զգով հեշտութեան : Զառնուն երեկք ՚ի միտթէ հեշտութիւնն այն Եպիկուրեայ , որպէս ինձ թուի , զիարդպարկեշտ է և չորակեր . այլ ՚ի լոկ անուն անդր գիմեալ ապաւինին , խնդրելով հեշտախտութեան իւրեանց պաշտպանութիւնն ինչ և քօղարկութիւն : Որով և զոր ունեին ինչ մի բարի ՚ի չարիս անդ , կորուսանեն , զամօթն ասեմ ՚ի մեղանչելոյ : Զի գովեն զայն ինչ ընդ որ պարտ էր ամաչել , և անպատկառ ընդ ախտս պարծին , :

37 . Զայս առասպել սերափոխութեան ՚ի մէջ բերէ Պլենիոս յասելն . “ Լիկինիոս Մոկիանոս աւանդեաց , թէ տեսեալ իցէ ինքն յԱրդիացւոց երկրի զԱրեսկոս ոմն (այր) , որում անուն լեալ էր յառաջն Արեսկուսա (կին) . և թէ յորժամ տուաւ ՚ի կնութիւն , նոյնժամայն մօրուսս և այրականութիւն ստացաւ , և էաւ ևս իւր կին : Սմին նման և ՚ի Զմիւնա տեսեալ իցէ նորա զմանուկ մի , : Եւ թէպէտ նա ինքն Պլենիոս ոչ անհաւան ցուցանէ զինքն այսպիսի կեղծեաց , այլ մանաւանդ և այլովք օրինակօք ջանայ հնարաւոր ցուցանել , այլ մեզ աւելորդ թուի զայնպիսի իրաց խնդիր ՚ի մէջ առնուլ : Հատ լիցի իմանալ թէ թեսաւրոս զայսպիսի օրինակ իբր անհնարաւոր ՚ի մէջ առնուլ՝ խօսելով ՚ի ձեւ չափազանցական , ՚ի կամիլ իւրում ցուցանել թէ իբր անհնարին իմն է ունակացելոյն ՚ի մոլութեան յանկարծակի միով և եթ ներդործութեամբ փոխիլ յունակութիւն առաքինութեան :

38 . Եթէ ճշմարիտ իցէ և եթէ սուտ այս պատմութիւնքրմապեաի առ նախնի չուովմայեցիս , ՚ի դէպ դայ օրինակս առ ՚ի խրատ լսողաց . զի թէ հեթանոսք այնչափ մեծ յարդունեին առ կրօնս իւրեանց , և ամենայն իրօք պարտ վարկանէին պաշտօնէից կռոց անարատ վարուք քաղաքավարիլ , զինչ պարտ իցէ ասել վասն ծառայից ճշմարտին Աստուծոյ , և մանաւանդ վասն անմիջական պաշտօնէից նորա որք մատչին յահաւոր խորհուրդս աստուածայինս : Զայս յայն սակս յուշ արարաք , զի մի անպառուղ լիցի ընթերցումն այսպիսի օրինակաց ՚ի սմին մատենի . և մի վայրասլար ինչ կարծեսցի յառաջքերեալ ՚ի հեղինակէս , որ զամենայնն խորհրդով դնէ ՚ի խրատ ընթերցողաց :

39 . Լուտաս է անուն բանջարոյ կամ ծառոյ , որոյ տեսակինչ ասի լինել յԵգիպտոս բուսեալ ՚ի Նեղոս գետ , և ՚ի

կիր առեալ 'ի նախնեաց անտի Եգիպտացւոց 'ի պաշտամունադից : Եւ այլ տեսակ յԱփրիկէ դառնարմատ և քաղցրապըտուղ : Արդ ասի 'ի բանաստեղծութիւնս պատմութեանն Տրոյական պատերազմի , թէ յորժամ Ոդիս'ս դիւցազն 'ի նաւել իւրում հանդերձ ընկերօք բռնութեամբ հողմոց անկաւ 'ի ծովափն Ափրիկոյ , տեսեալ ուղեկցաց նորա զբոյալուտասայ 'ի գաւառն Լուտասակերաց , և ճաշակեալ զքաղցրահամ պառուղ նորա ոչ ևս յօժարէին դառնալ 'ի հայրենիս իւրեանց . չէ արժան մեզ ասեն մեկնիլ յերկրէ աստի որ բերէ այսպիսի ազնիւ բոյսս , և զրկիլ 'ի վայելից լուտասայ . մինչև հազիւ ուրեմն մարթացաւ Ոդիս'ս հաւանեցուցանել զնոսա գնալ զՃանապարհ իւրեանց : Եւ ահա յայս հայի այն բան խորենացւոյն յաշխարհագրութեան . “ Անի յԱփրիկէ բանջար ինչ լուտաս անուն . զոր թէ ուտէ ոք , զհայրենիսն մոռանայ , : Իսկ թէ ուստի անուն առեալ իցէ բոյսս այս , յաւելուն առասպելարկուք թէ Լոտիդէ մին 'ի յաւերժահարսանց փախուցեալ յերեսաց Պրիապոսի , իբրև ետես թէ չկարէ զերծանիլ փախստեամբ , աղաչեաց զդիս զի կերպարանափոխ արասցեն զնա . և նոյնժամայն փոխեցաւ 'ի ծառ . և այնպէս հետամոռան անցեալ առ նովաւ չկարաց դտանել զնա , և այն է ասեն լուտաս ծառաբոյսն :

40. Կուինդոս Մուտիոս մականուանեալն Սկեւոլա , էր ազնուական ոմն հռովմայեցի այր կորովի և սրտեայ . որոյ առեալ հրաման 'ի ծերակուտէն միաբանեաց ընդ իւր զարս զօրաւորս դաւել զթշնամիս . և նախ ինքնին առանձին գնաց 'ի բանակն Պորսենայ արքայի որ սլաշարեալ էր զՀռովմայեցիս , եղեալ 'ի մտի մեռանել վասն հայրենեաց՝ միայն թէ մեռուցէ զթշնամին հայրենեաց : Եւ զի ոչ ճանաչէր զՊորսենաս , տեսեալ զդարապետն արքունի համարեցաւ թէ նա ինքն թագաւորն իցէ , և անգէն եհար և սատակեաց զնա : Եւ իբրև կալան զնա և ածին առաջի թագաւորին , աներկիւղ խոստովան եղէ թէ ես այս անուն հռովմայեցի եմ թշնամի ձեր , եկեալ 'ի սպանանել զթշնամին մեր , և մի կարծէք ասէ թէ ես միայնակ յայս յօժարեցայ , զի են և այլք 'ի քաջաց որք սովոր օրինակաւ պատրաստեալ կան դնել զանձինս 'ի մահ : Յայնժամ հրաման ետ Պորսենաս բորբոքել խարոյկ , և ստիպէր զՄուտիոս բացայտագոյնս 'ի յայտ ածել զդաւադրութիւն իւր և զընկերացն . ապա թէ ոչ ասէ կենդանւոյն 'ի հուր այրեսցիս : Իսկ Մուտիոս ձգեաց վաղվաղակի զաջ բաղուկ իւր 'ի խարոյկ անդր , և ետ այրիլ չարաչար 'ի բոց հրոյն , ես ինքնին վրէժ խնդրեցից ասէ յաջոյ իմմէ որ վրիպեցաւ 'ի հարկանել զայլ ոք փոխան արքայիդ . և ցուցից թէ ոչ ինչ տանջանք կարեն ահ արկանել յիս : Աքանչացեալ արքայի ընդ անպար

տեղի արիութիւն առնն, հրաման ետ արձակել զնա յաղատութիւն: Յայնժամ ապա և Մուտիոս փոխարէնս կամելով հատուցանել չնորհի նորա պատմեաց անպատրուակ, թէ երեքհարիւր կորովի երիտասարդք յիմում խորհրդի են գաւել զանձն քո: Արօյ վասն զահի հարեալ Պորսենայ յետս եկաց ՚ի պաշարմանէ. և առեալ պատանգս դարձաւ ՚ի տեղի իւր: Աստի Մուտիոս Սկեւոլա անուն էառ ասեն, որպէս թէ ձախձեռնեայ, իբր զի անպիտանացաւ աջ նորա և այնուհետեմ միայն ձախու ձեռամբն վարէր:

41. Ի խաղալ Ենէասայ յետ Տրոյական պատերազմին յարկամուտս, էառ ընդ իւր զՊալլաս Արկադացի զորդի Եւանդրի պատանի կայտառ և զօրաւոր. և ունէր զնա իբրե զմի յիւրոց մտերիմ սիրելեաց: Եւ եղե զի յելանելն ՚ի մարտ պատերազմի ընդդէմ Տուռնոսի իշխանին Հռուտուզաց, սպանաւ Պալլաս ՚ի Տուռնոսէ: Ընդ այս կարի յոյժ տրտմեցաւ Ենէաս, և կոծ առեալ ՚ի վերայ պատանւոյն առաքեաց զմարմին նորա առ հայր նորին: Եւ ինքն իբրե միւսանգամ ել ՚ի պատերազմ, յարձակեցաւ գաղանաբար ՚ի վերայ Տուռնոսի և ստտակեաց անխնայ: Վերդիլիոս բանաստեղծ ՚ի վախճան Ենէական գրոց իւրոց գեղեցիկ նկարագրէ թէ զիարդ Տուռնոս ՚ի պարտութիւն մատնեալ յողոք անկեալ աղաչէր զԵնէաս խնայել յինքն. այլ նա ոչ իւիք յանձն էառ, զի գառնացեալ էր ոդի նորա վասն սպանանելոյ Տուռնոսի զՊալլաս պատանին զիւր սիրելի:

42. Ոգիսես յետ մեկնելոյ ՚ի գաւառէն Լուտասակերաց՝ զոր ՚ի վերոյ յիշեցաք, նաւեաց ՚ի Սիկլիա. և ՚ի հասանել իւրում անդր, բանս եղեալ ընդ ուղեկիցս իւր փութով դառնալ առ նոսա, ել ՚ի ցամաք հանդերձ երկոտասան ընկերօք. այլ յակամայս յամեաց անդ վասն այսպիսի պատճառանաց՝ ըստ առասպելաց: Էր անդ ասեն Պողիւփեմոս որդի Պոսիդոնի կիկլոպ կամ կիկլոպս կոչեցեալ, այն է հրէշ գադաթակ. նեայ բնակեալ յայրի ուրեք ուր էին դոմք խաշանց, զի էր խաշնարած. առ սա գնաց Ոգիսես իւրովքն հանդերձ ակն ունելով դտանել ՚ի նմանէ մարդասիրութիւն. այլ նա անդէն և անդ գիշատեալ եկեր զերկուս յընկերաց նորա, և յետ սակաւուց զայլ ևս երկուս: Եւ թողեալ զՈդիսես մնացեալ ընկերօքն յայրի անդ իբր ՚ի կերակուր այլոյ սպահու, թաւալեցոյց վէմ մի ահագին ՚ի դուրս այրին. և ինքն մեկնեցաւ ՚ի բաց ընդ ջոկս ոչխարաց: Յայնժամ Ոգիսեայ հնարս խորհեալ հաճել զմիսս կիկլոպայ, և աղատել զանձն և զորս ընդ նմա ՚ի ձեռաց վիրագին այնորիկ, սպատրաստեաց գինի ազնիւ զոր բերեալ էր ընդ իւր, ընծայել նմա: Եւ իբրեւ դարձաւ կիկ-

զոստ, և մտեալ 'ի ներքս փակեաց անդրէն քարամբը զմուտս
 այրին, մատոյց նմա Ողիսես զգինին աղաչէլով զնա խնայել
 յինքն և յընկերո իւր: Խակ նտ արքեալ զայն ասէ. Խնայեմ
 'ի ձեզ, եթէ միւսանգամ տաջլէք ինձ 'ի գինւոյ այտի. և իբրե
 էարք երկիցս և երիցս, եհարց ցՈղիսես, զի՞նչ անուն է քո.
 և նա ասէ, Ո-Շիս. (որ յունարէն նշանակէ ու ոչ): Յայնժամ
 ասէ ցնա Կիկղոստ. Փոխանակ զի ետուր ինձ այսպիսի ըմպելի
 աղնիւ, ահա 'ի մեծարանս երեսաց քոց յետ ամենեցուն պա-
 հեմ զքեզ ինձ 'ի կերակուր: Այլ յետ սակաւուց թմրեալ
 Կիկղոստայ 'ի գինւոյն զոր էարք, եմուտ 'ի քուն թանձրու-
 թեան: Զոր տեսեալ Ողիսեայ փութացաւ հրացոյց զփայտ
 ինչ, և միւսաց ուժգին յացս Կիկղոստայ և անդէն կուրացոյց:
 Եւ 'ի ձայնել նորա տագնապաւ առ իւրսն որ արտաքոյ այ-
 րին, հասանել յօգնութիւն, եկեալ ոմանց առ դուրս որ փա-
 կեալն էր, հարցանէին ցԿիկղոստ, թէ ո՛վնասեաց քեզ. և նա
 ասէ. Ուղիս: Եւ նոցա ոլատրեալ 'ի ձայնէ անտի, համարե-
 ցան թէ ոչ ուրուք վնասեալ է նմա, այլ ախտ ինչ բնական
 խօթութեան պատահեալ իցէ, և ասեն. Զդիւցազն հայր քո
 կարդա քեզ յօգնութիւն. և թողեալ զնա 'ի բաց դնացին:
 Յետ այսորիկ ստիպեալ Կիկղոստայ երաց զդուրս այրին, զի
 հօտք ոչխարաց որ կային 'ի ներքս, ելցեն արտաքս. այլ յե-
 լանել նոցա նստեալ էր ինքն առ դրօքն, և շօշտիէր ձեռօք
 զմի մի 'ի նոցանէ, զի մի և Ողիսեանք ընդ նոսա զերծցին:
 Յայնժամ Ողիսես և ընկերք նորա մտին 'ի ներքոյ խաշանց,
 կամ արկին զանձամբք զմորթս ոչխարաց. և այնպէս պատրեալ
 զԿիկղոստ՝ Ճողովրեցան 'ի ձեռաց նորա, և ելեալ դնացին 'ի
 տեղիս իւրեանց: Այս ամենայն է ստեղծաբանութիւն բա-
 նաստեղծից, զոր ոմանք մեկնաբանեն այսպէս. Պողիւփեմոս
 էր այր աչալուրջ և զդաստ, և վասն այսորիկ ասացաւ ունել
 զացս 'ի գագաթան կամ 'ի Ճակատն մերձ յուղեղն, զի խորա-
 գիտութեամբ իւրով քաջատես երեէր յամենայնի. և զի Ո-
 ղիսես խորագիտագոյն ևս գտաւ, և խոհական հնարիւք ինչ
 յաղթեաց նմա, յայս սակս կեղծեցին բանաստեղծք թէ նա
 կուրացոյց զԿիկղոստ: Այլ վասն Կիկղոստայց բնակչաց Սիկի-
 լիոյ ունիմք յիշել և 'ի ստորե 'ի համարն 69: Զսոյն զայս Ա-
 ռասպել Կիկղոստայ այսպէս համառօտէ Կոննոս մեկնիչն Աս-
 տուածաբանի. “Կիկղոստս այս ասի դիցազն դու աւազա-
 կական և հովիւ, որ բնակեալ էր 'ի Սիկիլիայ, և ունէր մի
 ակն: Արդ Ողիսոս յետ Տրովական պատերազմին մոլորեալ
 ընկերօքն իւրովք եկն 'ի Սիկիլիա. և Կիկղոստայ ըմբռնեալ
 զնոսա եկեր նախ զընկերսն Ողիսեայ. իսկ զՈղիսոս պահեաց
 յետոյ ուտել. այլ ոչ կարաց. քանզի զերծաւ արքեցուցեալ
 զԿիկղոստ և կուրացուցեալ, և ընդ ասուոյ խոյի միոյ գաղ-
 տաբար կալեալ զանձն իւր ել: Ասէ Գրիգորիոս (Աստուածա-

բանն), թէ որպէս կիկլոպոս զՈդեսոս պատուեաց յետոյ ուտել կամելով, այսպէս Յուլիանոս զիս և զԲարսեղիոս, ըստ պառնացեալ յետոյ քան զայլն տանջել. վասն որոյ և ասէ թէ վրէժինդիր եղեւ մեզ հողն Պարսից,, ուր սատակեցաւ Յուլիանոս:

43. Որեստէս Միկենացի որդի Ագամեմնոնի հանդիսացեալ է՝ ՚ի ստեղծաբանութիւնս առասպելարկուաց ըստ այլ և այլ գործոց, զոր կեղծեն զնմանէ ՚ի թատրոնական խաղս և յեղերերգութիւնս. որպիսի է և առաջիկայս գիպուած յիշատակեալ ՚ի թեսաւրոսէ, որպէս թէ յանդէտս հարեալ զեղջերուն զնուիրեալն գից Արտեմեայ, պարտաւորեալ իցէ ՚ի մահ. այլ ՚ի վախճանի ասի զերծեալ, որպէս և յայլ բազում վտանգաց Ճողոպրեցաւ ասեն: Անունս Որեստէս թարգմանի լեռնային. և այսպէս կոչեցաւ ասեն վասն վայրենի և անագորոյն բարուց իւրոց. զի սպան զմայր իւր զԿլիւտեմնեստրէ. արար և զայլ արիւնհեղութիւնս. մինչև առած եղեւ ասել թէ յանցանք Որեստէայ լնուն ծայրալիք զերկոսին կողմանս քարտի, և ևս յաւելուն. և յայնմանէ զգրուածս երկարս առաւելեալս քան զպատշաճն Որեստէս կոչէին: Հըռչակեալ է և սերտ բարեկամութիւն Որեստէայ ընդ Պիւղադէսի. մինչև դնել զանձինս ՚ի մահ ՚ի վերայ իրերաց, այլ զայսմանէ տես ուրոյն ՚ի համարն 314:

44. Ագամեմնոն հայրն Որեստէայ էր թագաւոր Միկենաց և Արդիացւոց, որ ընտրեցաւ զօրավար ՚ի Յունաց ընդդէմ Տրովացւոց: Եւ եղեւ ՚ի հասանել զօրուն Յունաց նաւուք յԱւլիս գաւառ Բիովախոյ, յորժամ հարցին զդիս վասն յաջողութեան պատերազմի, եղեւ պատասխանի ՚ի պատդամախոսէն թէ ոչ այլազդ յաջողի ձեզ եթէ ոչ զոհեսցի Արտեմեայ աստուածուհւոյ իփիւգինէ դուստրն Ագամեմնոնի: Ընդայս թէպէտե յանհնարինս գժուարացաւ Ագամեմնոն, այլ զի մի շարժեսցէ ընդդէմ իւր զբովանդակ Յոյնս, ակամայ կամօք միաբանեցաւ ՚ի զոհել զդուստր իւր. և զի գիտէր թէ մայր աղջկանն շթողու զնա, եդ պատճառանս թէ կամիմ ըդդուստր մեր ամուսնացուցանել քաջին Աքիլլեայ, և այնպիսի հնարիւք ետ բերել զնա: Այլ իբրև այն ինչ ունէին զոհել զիփիւգինէ. Արտեմիս աստուածուհին գթացաւ ՚ի նա ասեն, և եղեալ ՚ի տեղի նորա զեզն մի, յափշտակեաց զաղջիկն, և թեօք հողմոց թուուցեալ տարաւ զնա յերկիրն Տաւրիոյ, և արար զնա քրմուհի մեհենին իւրոյ որ անդ կայր: Թող և զայլ ևս առասպելս ընդարձակս, զոր ՚ի սմին պատմութեան կցկցեն բանաստեղծք: Այլ Նոննոս մեկնիցն Աստուածաբանի զայսօրինակ համառօտէ զնախագրեալսդ. “ Յորժամ յԱւլադաց-

ոոց նաւարկութիւն եղեւ 'ի վերայ Տրովադայ, և ժողով Ելլենացոցն, առ Յովլիգայ Բիովտացւոց զոհ լինելով Արտեմիդեայ, զդուսարին Ագամեմնոնի որում անուն էր Եփիւգենիայ՝ 'ի սպանդ աւանդելով, Արտեմիս զի կոյս էր՝ ողորմելով կուսին յափշտակէ զնա, և 'ի բաց տանի առ Տաւրոս 'ի Սկիւթիա. և Երևեցոյց փոխանակ կուսին եղն. զոր առեալ Ելլենացոցն զոհեցին. իսկ Եփիւգենիա 'ի Սկիւթսն քահանայուհի եղեւ Արտեմիդեայ ։։։

45. Լուկրետիա էր մեծազդի օրիորդ Հռովմայեցի դուստր Լուկրետիոսի քաղաքապետի, տուեալ 'ի կնութիւն Կոլատինոսի արքայազնի, գեղեցիկ տեսլեամբ և սպարկեցա վարուք: Եւ Եղեւ 'ի գովել առն նորա զգեղ նորուն՝ առաջի որդւոց Տարկուինեայ Սուսերբոսի արքային Հռովմայ, և 'ի յանդիման առնել զնա նոցա, Սեքստոս Երէց որդի թագաւորին հարաւ 'ի սէր նորա. և յետ բազում հնարից բռնաբարեաց զնա ընդդէմ կամաց նորա: Ընդ որ չհանդուրժեալ Լուկրետիայ, և յանհնարինս ալեկոծեալ 'ի խորհուրդս իւր, կոչեաց առ ինքն զհայր իւր և զայր և զայլ մերձաւորս. և պատմեաց նոցա զաղէտս անձին իւրոյ. և անդէն ձգեալ զձեռն 'ի դաշոյն զոր ծածկեալ ունէր ընդ հանդերձիւք, միսեաց ինքնին 'ի սիրտ իւր յանդիման նոցա: Եւ թէալէտ կարտլ էին արգելուլ զնա որք մերձն կային, բայց անմիտ մտօք թոյլ ետուն նմա, որպէս զի զերծցի 'ի տառապանաց սրտի իւրոյ: Այլ այս դործ աղետալի դրդուեաց զհռովմայեցիս 'ի վրէժինդրութիւն, մինչև հալածական արարին զթագաւորն և կարգեցին իւրեանց ծերակուտական իշխանութիւն եղեալ հիւպատոս տարեկան նախ զառաջին զկոլատինոս զայրն Լուկրետիայ, հանդերձ Բրուտոսիւ: Եւ թէալէտ ոմանք զլուկրետիա կոչեն կին Բրուտոսի, այլ շփոթութիւն անուանց է 'ի մէջ երկուց հիւպատոսացս. քանզի ըստ ամենայն սկատմչաց Լուկրետիա էր կին կոլատինոսի. որ էր 'ի զարմէ Տարկուինիոսի արքային. իսկ Յունիոս կոչեցեալն Բրուտոս էր աղգական և բարեկամ կոլատինոսի և քեռորդի Տարկուինիոսի: Որ և զայս անուն էառ ասեն վասն կեղծելոյ զանձն յիմար, և այս կամ առ երկիւզի, և կամ առ 'ի կարող լինելոյ հնարիւք սպանանել զջարկուինիոս արքայ, որոյ սպանեալ էր զհայրն և զեղբայրն Բրուտոսի: Եւ իբրև այնպիսի անցք անցին ընդ Լուկրետիա յորդւոյն Տարկուինիոսի, սա ինքն Բրուտոս եղեւ գլխաւոր վրէժինդիր, և ետ հալածական առնել զթագաւորն. և կարգեցաւ հիւպատոս ընդ կոլատինոսի, որպէս ասացաք: Իսկ յորժամ մեռաւ Բրուտոս 'ի մարտի, սուրդ առին 'ի վերայ նորատիկնայք Հռովմայեցւոց զամ մի ողջոյն, իբրև 'ի վերայ առաքինի առն որ Եղեւ վրէժինդիր սպարկեցաւութեան իւրեանց 'ի պատճառոս Լուկրետիայ:

46. Եղերերգութիւնդ անուն որ և ողբերգութիւն կոչի, առեալ լինի 'ի մէնջ փոխանակ ողբերգական տաղից կամ խաղուց, յորս նկարագրին աղետալի դիպուածք, այն է ըստ յունաց դրազգի ասացեալ որ թարգմանի նոխաղերգութիւն. զի սովոր էին 'ի նախնութին նոխազ պարգևել ողբերգակաց, սցսինքն այսպիսի երգաբանից կամ խաղարկուաց: Այլք ասեն թէ նուագեալ լիներ 'ի պատիւ բաքոսի աստուածոյն խաղողոյ և գինոյ, որում զոհեին զնոխազ՝ որ ապականին է այգեաց:

47. Ոմանք որոշեն զՊիտտակոս օրէնսդիր Հելլենացւոց կրտսեր կոչեցեալ, 'ի Պիտտակոսէ Միտիլինացւոյ որ մին էր յեօթն խմաստասիրաց, իսկ ոմանք նոյնացուցանեն. և 'ի մէջ այլեայլ խրատուց և օրինադրութեանց նորա գնեն և զայս, թէ սահմանեաց զի առաւել ծանունս պատժեացին զինչ և իցէ յանցանք արբելոց քան զգաստից. զի կրկին է տաէր նոցամեղն, մի արբեցութիւն, և միւս ևս գործն վնասակար զոր առնեն վասն արբեալ գոլոյ: Գոյր և այլ ոմն Պիտտակոս անուն խմաստակ, որ առ ցուցանելոյ զՃարտարութիւն մասց իւրոց յօրինեաց ներբող 'ի վերայ երկանաքարի:

48. Կլիտոս այր քաջ և խմաստուն էր եղբայր Հելանի. կեայ գայեկին Աղեքսանդրի Մակեդոնացւոյ, և սիրելի յաչուորա: Սա առ Գրանիկ գետով տեսեալ զԱղեքսանդր գլխիքաց կոռւիլ վահանաւ իւրով ծածկեաց զգլուխ նորա. և զձեռն չուստակայ որ ձգեալ էր 'ի հարկանել զԱղեքսանդր սուսերահար կարեաց 'ի բաց: Եւ յայնմ հետէ առաւել ևս յաւելաւ սէր Աղեքսանդրի 'ի վերայ Կլիտոսի իբրև աղատչի իւրոյ: Եւ եղե զի 'ի կոչունս ուրեք ընդ գինի մտեալ ընդ արքայի սկսաւ Կլիտոս գովել զգործս և զալատերազմունս Փիլիպոսի քան զԱղեքսանդրի, և յորդորել զնա լինել նմանող հօր իւրում: Ընդ որ ծանրացասումն լեալ արքայի՝ եհար զնանիզակաւ, զոր ունէր մօտ առ իւր, և անդէն սատակեաց: Այլ յորժամ սթափեցաւ 'ի դինւոյն, այնչափ ստրջացաւ Աղեքսանդր ընդ կորուստ այնպիսի առն, մինչեւ կամէր նովին նիզակաւ հարկանել և զանձն իւր, թէ չէր արգելեալ 'ի մերձակայից, և ապա եռօրեայ անկաւ 'ի սուդ թախծագին փակեալ յառանձնութեան, եդեալ 'ի մտի անձնամահ լինել սովու: Եւ թէպէտ բարեկամք արքայի մխիթարել կամելով զնա ասէին, թէ իրաւամբք սպանաւ Կլիտոս, այլ նորա գիտելով զսուտ փաղաքշանս նոցա առաւել ևս 'ի խոր խոցէր, այլ 'ի վախճանի առ փոքր մի դիւրութիւն սրտի իւրոյ հրաման ետ մեծահանդէս փառօք թաղել զԿլիտոս: Միւս այլ կանխագոյն աղդարարութիւն Կլիտոսի առ Աղեքսանդր յի-

շատակեալ՝ ի յետադայ բանս թեսաւրոսի, այն էր զի ՚ի հա-
ճել ոմանց ՚ի սուտակասպասից զմիտս Աղեքսանդրի, որպէս
թէ չիցէ նա որդի Փիլիպպոսի, այլ ծնունդ ուրումն յաս-
տուածոց, որ ՚ի կերպարանս Փիլիպպեայ մաեալ իցէ առ Ռ-
դիմպիտ մայր Աղեքսանդրի, Կլիտոս մեզմով իմն աղդեաց ար-
քայի թէ այդ հրապոյըք ստութեան գառնան ՚ի նախատինս
հօր քո և քոյդ անձին դլսովին :

49. Թեմիստոկլէս էր մեծանուն և քաջ զօրավար Աթե-
նացւոց, որոյ գործք յայտնի են ՚ի պատմութիւնս պատերազ-
մացն Յունաց ընդ Քսերքսեայ Պարսից արքայի : Այլ թէ սո-
րան որդի իցէ Դէկիփանտոս, կամ այլոյ ուրուք, ոչ գիտեմք :
Յիշեն ոմանք Դէկիփոնտէս անուն զոմն որդի Անտիմաքոսի .
այլ ոչ ինչ գործ որոշակի ՚ի մէջ բերեն : Ի դէսլ գայ իւիք
բանից թեսաւրոսի այն որ տոի յոմանց զթեմիստոկլէայ թէ
սովոր էր ասել . “ Զանցանեն զամեհի երխվարօք՝ անսանձ
քուռակիք, եթէ քաջ կրթանօք սանձեսցին „ . ցուցանելով
այսու զանձին իւրոյ զյառաջադիմութիւն . զի յառաջն էր
պատճառ տասնամեայ պատերազմին և աւերածոյն Տրովա-
դայ . զի Յոյնք խնդրէին զչեղինէ, և Պարիս չառնոյր յանձն
տալ :

50. Կամի ասել թէ Պարիս որդի Պրիամոսի Տրովացւոյ
յափշտակելով զչեղինէ զկին Մենեզաւոսի արքային Սպար-
տացւոց, նովին իսկ և ինքն յափշտակեալ էր ՚ի նմանէ . այս
ինքն ըմբռնեալ և գերեալ դլսովին ՚ի սէր նորա . և այս եղեւ
պատճառ տասնամեայ պատերազմին և աւերածոյն Տրովա-
դայ . զի Յոյնք խնդրէին զչեղինէ, և Պարիս չառնոյր յանձն
տալ :

51. Կիրկէ ըստ առասպելաց էր դուստր արքային Կողքի-
ոց կոչեցելոյ հինգերորդ արեգակն, և Պերսիտայ յաւեր-
ժարսին, առ ժամանակօք Տրովական պատերազմի : Աս ա-
սեն այնչափ հմուտ գտաւ յարուեստ վհկութեան և կախար-
դական գեղատուութեան, մինչև յարբուցանել զբաժակ իւր
ումեք՝ դարձուցանէր զնա ՚ի կերպարանս անամնոյ : Ամուս-
նացեալ ընդ արքային Սարմատացւոց՝ գեղամահ սատակեաց
զնա . և իբրև սկսաւ ինքնակալել անագորոյն օրինօք, հալո-
ծեցաւ ՚ի բնակչաց տեղոյն, և վախսատեայ անկաւ յիտալիս .
և արար իւր իջավանս բնակութեան ՚ի Լատեան լեառն էրկ-
րին Վոլսկաց՝ ՚ի տեղի խոտաւէտ . ուր ընթանային առ նա բա-
զումք ՚ի հեռաւոր վայրաց վասն համբաւոյ կախարդութեանց
նորա . և զի զբազումն աշակերտեաց յանիմաստ մոլորութիւնն
իւր և յանբանութիւն դլսովին դարձոյց զմիտս նոցա, բանք
եղեն յառասպելս թէ զոմանս փոխարկեաց ՚ի չորքոտանիս,

զայլս 'ի թռչունս և 'ի ձկունս, և այլն . զոր բազումք պէսպէս մեկնաբանեն : Սա, ասեն, և զընկերս Ոդիսեայ նախ գարձոյց 'ի կինճս վայրենիս, և ասդա անդրէն ետ նոցա զմարդկային կերպարանս՝ 'ի շնորհս նորին Ոդիսեայ, որում և կին լեալ ծնաւ նմա զՏեղեգոնս : Իսկ տեղին այն ուր գադարեաց Կիրկէ յերկրին Վոլսկաց, կոչեցաւ յանուն նորա Կիրկէտ . այն է ասեն՝ որ այժմ կոչի Չիտ՛-Ա՛ր որ թարգմանի հին քաղաք :

Ծանօթութիւնք յերրորդ գիրս :

52. Կղոդիս կայսր 'ի զարմէ Օգոստոսի և Տիբերեայ՝ ան գըսաին 'ի մանկութենէ էր ապուշ մաօք, որպէս և մարմնով տկար . մինչև մայր նորա 'ի պախարակել զոք իբրև անմիտ և անպէտ, ասէր . Զիարդ նման է դա որդւոյ իմում կղոդեայ : Եւ թէպէտ 'ի հասանել յարբունս, երևէր խոհական մաօք և յաջողակ 'ի բանս և 'ի գործս, այլ յորժամ նստաւ յաթոռ ինքնակալութեան, եցոյց արդեամբք զընդաբոյս անմտութիւն իւր անիմաստ անտեսութեամբ . մինչև վասս բազում առնել կայսերութեան և օգուտ սակաւ :

53. Սիղզա, այն է կոռնելիսս Սիւլլա էր ազնուական չոռվ մայեցի, այր գիտնաւոր և հզօր, այլ դժնեայ և անագորոյն բարուք . արդարակորով երևէր և առատաձեռն, մեծասիրտ և բարեզարդ, բայց 'ի զայրանալ մոլեկան բարուցն կարի յոյժ անգութ և անողորմ դտանէր : Որ և դատաւորական իշխանութիւն սատացեալ 'ի չռովմ, այնպէս ընկճեաց զծերակոյան և հարստահարեաց զժողովուրդն, մինչև ասել Կիկերոնի . « Մի միայն եղե անդստին 'ի հիմնարկութենէն չռովմայ մինչև ցարդ, յորոյ 'ի ձեռս գլխովին մասնեաց զանձն՝ հասարակապեառութիւնս այս, նեղեալ 'ի դառնութեանց ժամանակին և յառտնին չարեաց, այն ինքն է Սիղզա : Սա այնչափ զօրացաւ, մինչև ոչ ումեք հնար էր առանց կամաց նորա անկորուստ պահել զինչս և զհայրենիս և զկեանս : Եւ յայն յանդընութիւնն ժամանեաց խրոխացեալն ոգւով, մինչև իշխեաց ասել յատեան բազմութեան, թէ ես երբ 'ի վաճառ հանեմ զինչս քաղաքացւոցդ չռովմայեցւոց, ոչ զօտարին ինչ, այլ զիմ սեպհական ստացուած վաճառեմ , : Եւ սա այն է՝ որ երկար պատերազմունս մզեաց ընդ Միհրդատայ յարեւլս :

54. Ասացաք վերադոյն 'ի համարն 18, թէ Ազկիդէս է առասական անուն քաջին Հերակլեայ. զոր վասն յազթահասակ հսկայութեանն ըստ ներհական ծայրի համեմատէ թեսաւրոս ընդ թզուկի, այսինքն ընդ թզաչափ դաճաճի: Կարէր ևս 'ի մէջ բերել զԳողիադ մեծանուն հսկայ փոխանակ Հերակլեայ. այլ չկամի 'ի կարգս արտաքին առասպելաց խառնել զօրինակս ստոյդ պատմութեանց սուրբ դրոց:

55. Պողիկղետոս էր երևելի անդրիագործ յոյն աշակերտ Ագեղասայ, հայրենեօք Սիկոնացի կամ աղքաւ Սիթոնացի, իբր 400 ամօք յառաջ քանի զբրիստոս: Եւ զի ստ երկաթի քանոն 'ի կիր առնոյր առ հաստատուն ունելոյ զքափ և զհամեմատութիւն գործոյն, քանոն նորա օդաէր միայն ուղղորդ և տափարակ ձեռյ. նմին իրի և յօրինակ առեալ լինի անզիշանելի բարուց կամ ճիշդ չափմանց, որպէս և անայլայլէլի և անկաշառ օրինաց արդարութեան: Խսկ Լեսբեայ կղզւոյն հանդէպ Տրովադայ և մեծին Միւսիոյ. ուր ճարտարապետք 'ի կիր առնուին քանոնս արճճեայս առդիւրաւ յարմարելոյ առ ամենայն ձեւ, ըստ պիտելոյ ուղիղ պահելով և կամ թեքելով. յորմէ և յառակս եղեւ Լեսբեան կանոն կոչել զայն որ ընդ ամենայնի ամենայն լինի, կամ զայն ինչ որ ըստ յարմարութեան տեղւոյն 'ի գործ ածի. որպէս և յորժամ օրէնքն զիջանին զկնի սովորութեան, կամ իշխանն վարի ըստ բարուց հպատակաց: Վասն որոյ 'ի բարի կողմն առեալ յօրինակ բերի խոհեմութեան կամ գերզգօնութեան, խսկ 'ի չար կողմն նշանակ է անարդարութեան կամ անիրաւութեան:

56. Փայեթոն ստուգաբանի լուսանշոյլ կամ հրափայլ, և 'ի բանաստեղծից կոչի որդի արեգական: Սա ասեն խնդրեաց երբեմն 'ի հօրէն իւրմէ թոյլ տալ ինքեան դէթ զմի օր վարել զկառու նորա. և իբրեւ թոյլ ետ նմա արեն, մանուկն տիմար անվարժութեամբ իւրով իրտեցոյց զերիվարս, և վեր 'ի վայր ընթացուցեալ զկառս արեւու և անցեալ ըստ սահման երկնից, հրդեհեաց զեթերս և զերկիր: Վասն որոյ և կայծակինահար պատուհասեալ 'ի Դիոսէ՝ կործանեցաւ ասեն 'ի կառաց, և անկաւ 'ի Պադոս գետ. և այլ ևս բանք առասպելաց որ 'ի նոյն յարին: Այս առակ բազմօրինակ մեկնաբանեալ 'ի բազմաց՝ հասարակօրէն յօրինակ բերի չարաչար անկման այնոցիկ, որք տղայամութեամբ կամ ամբարտաւանութեամբ ձկտին 'ի գեր 'ի վերոյսն քան զկար իւրեանց. որպէս և երբեմն իրաց արտաքոյ կարգի գործելոց, կամ մեծամեծ հրդեհից եղելոց ընդժամանակս ժամանակս: Այլըստ ստոյդ պատմութեանց՝ Փայեթոն էր իշխան ոմն 'ի սահմանս Եղիսլտոսի. առ որով հրայ-

բեացք մեծ եղե յԵթովպիա . որպէս յիշէ Եւսերիոս 'ի ժամանակագրութեան առեալ 'ի Պղատոնէ :

57. Վասն Նեմեսեայ աստուածուհւոյ ունիս տեսանել 'ի ստորև 'ի համարն 210:

58. Դեդաղոս էր անուանի անդրիագործ Աթենացի , որ դրօշեաց ասեն արձանս շարժունս . մինչև ըստ բանաստեղծից թէ չէր զնոսա կասկեալ , ոտս առեալ փախչէին 'ի տեղւոջէն , արար և այլ մեքենայս ճարտարարուեստս : Եւ զի կամկածէր սա թէ թոռն իւր Դադոս անուանի լիցի քան զինքն 'ի գիւտս ճարտարութեան , հնարիւք սպան զնա . և ինքն առեալ զորդի իւր զիկարոս՝ փախստեայ անկաւ 'ի կղզին Կրետայ առ Մինոս արքայ : Անդ շինեաց լաբիւրինթոս երևելի կամ բանտ անելանելի . և իբրև կամէր մեկնիլ 'ի կղզւոյ անտի , արգել զնա Մինոս յայն բանտ անել հանդերձ որդւովն : Յայնժամ ըստ առասպելաց նոր հնարս խորհեցաւ Դեդաղոս . շինեաց թես մեծամեծս վասն իւր և վասն որդւոյն , և մածուցեալ մոմով փորձ փորձեաց թուչելոյ . և այնալէս թեաւորեալ վերացաւ յօդս , դիմել յիտալիա , պատուէր տուեալ որդւոյն միջասահման բարձրութեամբ միշտ թեարկել : Իսկ իկարոսի ոչ պահեալ զիսրատ հօրն վերացաւ 'ի բարձունս քան զսահման օդոյ . և այրեալ զթես իւր 'ի կամարն հրոյ թեաթափ անկաւ 'ի ջուրս ծովու , 'ի տեղին որ յանուն նորա ասի կոչեցեալ իկարեան ծով : Այլ Դեդաղոս եհաս անվասս մինչև 'ի կալաբրիա . և յետ ժամանակաց դարձ արար ասեն 'ի կողմանս Եգիպտասի և անդ սպանաւ : Զայս առասսպել դրեթէ ամենեքին մեկնեն վասն փախչելոյ Դեդաղոսի 'ի Կրետեայ առագաստեալ նաւուք , և չկարելոյ այլոց հասանել զինի նորա թիալարութեամբ . որպէս և զարձանս նորա շարժականս իմանան վասն արուեստագործ դրօշուածոցն . իբր զի ինչ նորագիւտ ճարտարեաց սա յայնմ արուեստի քան զառաջինս : Յիշէ զայսոսիկ Եւսերիոս 'ի քրոնիկոն կանոնի յաւուրս դեդէսնի դատաւորի , յասելն . “ Դեդաղոյ իրքն . որ կարծեցուցանէր , թէ պատկերս շարժունս առնիցէ . քանզի նախ զոտս պատկերաց 'ի միմեանց զատանէր . և պատմէ Պաղեփատոս , և թէ որպէս հանդերձ որդւովն իւրով իկարոսիւ զնաւէ կալեալ փախեաւ 'ի Մինոսէ . և վասն չգտանելոյ պատսպարան փախստեանն համարեցաւ թուանել , : Թեսաւրոս անդթական կղզի կոչէ զկրետէ վասն արգելեալ գոլոյ անդ Դեդաղոսի , կամ վասն լաբիւրինթոսին որ անդ շինեցաւ 'ի նմանէ : Իսկ զիտալիա կամ զկալաբրիա կոչէ երկիր խաղաղական , կամ ըստ խտալական բառին բարեկամական , զի անդ զերծաւ . եթէ ոչ դուցէ այլ ինչ ստուգաբանութիւն դիտէ :

59. Մանլիոս սկատանի Հռովմայեցի էր որդի Մանլիոսի Տիառոսի հիւպատոսի Տորկուատոս կոչեցելոյ: Որոյ գնացեալ 'ի սկատերազմ՝ թէպէտ և յաղթեաց քաջութեամբ, այլ քանզի արտաքոյ հրամանաց հօրն եղե ճակատամարտ նորա, տապարահար սպանաւ 'ի հօրէ իւրմէ: Զայս յիշէ և Եւսեբիոս իբր 335 ամօք յառաջ քան զՔրիստոս, յասելն: “ Հռոմայեցւոց հիւպատոսն զորդի իւր տաշեաց տասկարաւ, թէ ընդէլ առանց նորա կամաց ճակատս ետ և յաղթեաց ,,: ”

60. Սա ինքն է Տորկուատոս Մանլիոս հայրն նախասացեալ Մանլիոսի սկատանւոյն: Արդ սա 'ի մանկութեան թէպէտ և երեկո աշխոյժ բարուք և եռայր 'ի սրտի, այլ անյաջող էր յոյժ 'ի քաղաքական կենցաղավարութիւնս. վասն որոյ և հայր նորին կոչեցեալն Մանլիոս Լուկիոս չետ նմա թոյլ կալ 'ի Հռովմ քաղաքի, այլ յղեաց զնա յադարակս իւր արածել զհօտս 'ի դաշտի: Եւ եղե զի Պոմպոնիոս տրիբունն թշնամացեալ ընդ հայր մանկանն, խորհեցաւ 'ի մահ մատնել զնա ազգի ազգի ամբաստանութեամբք, յորոց մի էր և անդթութիւն նորա առ որդին: Զայն իմացեալ մանկանն եկն գիշերայն 'ի քաղաքն. և մտեալ 'ի տուն Պոմպոնիոսի, և դաեալ զնա դեռ յանկողնի, մերկեաց զսուսեր և ահացոյց զայրն. մինչեւ էառ 'ի նմանէ երդումն չառնել ինչ չար հօր իւրում. մի լիցի առէ վասն իմ լիսաս ինչ նմա՝ որ ետ ինձ զկեանս, և այնալէս աղատեաց զհայր իւր: Եւ իբրև յարբունս եհաս նա եղե այր զօրաւոր, և արար բազում քաջութիւնս 'ի հանդէս մարտի. և 'ի միում նուադի մենամարտեալ ընդ դաղղիացւոյ ումեմն հզօրի սպան զնա, և էառ զոսկի մանեակ 'ի սկարանոցէ նորա, յորմէ և ընկալաւ զանունս Տորկուատոս, այն է մանեկաւոր կամ մանեկաւորեալ: Սա բազում անգամ կարգեցաւ հիւպատոս, և բազմապատիկ մրցանօք յաղթահարեաց զթշնամիս Հռովմայեցւոց. այլ 'ի վերջոյ ինքնակամ հրաժարեաց 'ի պատուոյ հիւպատոսութեան ասելով թէ չկարէմ տանիլ մոլեկան բարուց ժողովրդեան. որպէս և ժողովուրդն իսկ զայն կամէր զի և նոքա չկարէին տանիլ խիստ բարուց նորա:

61. Հռչակեալ է առ ամենեսին անուն մեծանուն զօրավարի Հռովմայեցւոց Ծիսկիոն կամ Սկիսկիոն կոչեցելոյ, այն որ բազմադիմի քաջութք հանդիսացաւ ընդդէմ Ըննիբաղայ քաջի զօրավարին կարքեդոնացւոց. և յաղթական դաեալ ընդդէմ նորա և նորայոցն այսինքն Ափրիկեցւոց, էառ մականուն Ափրիկանոս. ըստ որում յիշէ և Կոննոս մեկնիչն Աստուածաբանի, յասելն: “ Այլէ Սկեպիոն զօրավար էր Հռովմայեցւոց . . . յաղթեաց և սայ կարքեդոնական մարտին, որ և 'ի յաղթու-

թենէն աղգին՝ ընկալաւ մականունութիւն • վասն զի կոչեցաւ Սկեպիոն Ափրիկեցի • և Ափրիկեցիք Կարբեդոնացիք են ,,: Արդ սա ինքն Սկիպիոն թէպէտե 'ի մանկութեան անառակ գտաւ, այլ իբրև զգեցաւ զզօրութիւն արութեան յերիտա սարդական տիս' եցոյց յանձին զգովելի օրինակո պարկեց տութեան: Այլ առաւել մեծապէս համբաւեցաւ առ Հռով մայեցիս այն առանձին գործ Սկիպիոնի, զի յառնուլ իւրում զկարբեդոն քաղաք, տեսեալ 'ի մէջ գերելոց աղջկանց օրիորդ մի նշանաւոր գեղով, զորմէ շնչչէին ամենայն զօրք բանակին, 'ի ցոյց համեստութեան իւրոյ հրաման ետ արձակել զնա և դարձուցանել պատուով 'ի տեղի իւր, որպէս և զայլ մեծաղգի տիկնայս հանդերձ որդւովք աղատաց:

62. Այս կադմոս այն է որ ասի լինել առաջին գտակյունական նշանագրաց, որպէս յիշատակեցաք վերադոյնդ 'ի համարն 29, արքայ Թերայ՝ որդի Ագենովայ արքային Փիւնիկեցւոց առ ժամանակօք Մովսեսի կամ գատաւորացն Երրայեցւոց: Զամանէ բազմապիսի առասպելք յօդին առ հնախօսս. յորոց միջի է և առաջիկայս օրինակ. զի 'ի միում նուագի յորժամ կամեր ասեն զոհ մատուցանել Դիստի, յղեաց զըն. կերս իւր 'ի մերձակայ անտառ բերել անտի ջուր. իսկ վիշապ օձն որ կայր մօտ աղբերն, սատակեաց զնոսա: Ի վերայ հասեալ ասկա կադմոս սպան զօձն. և լուաւ ձայն որ ասէր առնա, թէ հանդերձեալ ես դու յօձ փոխարկիլ: Եւ մինչդեռ 'ի վարանս էր նա, եկին եկաց ասեն առ նմա Պալլաս աստուածուհին զինուորութեան. և հրամայեաց կադմոսի ցանել յերկիր զատամունս օձին սպանելոյ. և նոյնժամայն 'ի վերբուսան 'ի հողոյ անտի բազմութիւնք երիտասարդաց քաջ սպառազինաց. որոց 'ի զէն աճապարեալ մարտ եդին ընդ միմեանս. և անդէն սատակեցին զիրեարս, և մնացին միայն հինգարք 'ի նոցանէ. որք հրամանաւ Պալլասայ 'ի համբոյր հաշտութեան եկեալ միտքանեցան ընդ կադմոսի. և շինեցին նմաքաղաք թագաւորութեան եօմնագուռն 'ի բիովտիա գաւառին Ելլադացւոց, որ կոչեցաւ Թերաս կամ Թերէ յանուն Թերայ քաղաքին Եգիպտացւոց, ուստի էին նախնիքն կադմոսի: Զայս ամենայն այսպէս համառօտէ Կոննոս. “ ի թերաս բիովտացւոց ասի թէ կադմոս և կամ այլ ոմն՝ առեալ զԱտելփինոս վիշապին զատամունս սերմանեաց 'ի յերկիր. և վերաբուսեալք եղեն արք սպառազինեալք. այլ եղեն վերաբուսեալք 'ի բարձիցն մինչեւ 'ի վեր. նոյնպէս կալով մարտնչէին ընդ միմեանս և ընդ այլս ,,: ”

63. Ի նկարագրել հեղինակին զզոհագործութիւն հեթանոսական՝ պարտ է քաջ դիտել զվախճան նորին, որ ոչ յայն

հայի թէ գից զոհէր Օգոստոս, այլ թէ զդործ կրօնի առներ, նմին իրի և իբր գովութեամբ առաջի դնէ . իբր զի ըստ ինքեան էր գովելի եթէ առ Ճշմարիտն Աստուած ուղղեալ լիներ : Վասն որոյ և խորհուրդ սպանութեանն զոր մեքենայէր կիննա 'ի գործ դնել յայնմ սպահու զոհից, լիներ առաւել չարագոյն, և առաւելոյր զյանցանս նորա . զի մեծապէս անարդութիւն էր կրօնի թէպէտ և սուտ կրօնի, 'ի գէպ եկեալ իմաստութեանն առածի . “Զի ոչ եթէ երդմնելեացն զօրութիւն, այլ մեղուցելոցն դատաստան հանէր ընդ գլուխ զանիրաւաց զյանցանս , , , իմաստ . ժԴ . 31 :

Ծանօթութիւնը 'ի չորրորդ գիր:

64. Որպէս վերագոյնդ յիշեցաք 'ի թիւն 31, Պալքաս համարիւր աստուածուհի պատերազմաց, և Աթենաս աստուածուհի դիտութեանց . մանաւանդ թէ մի և նոյն կռոց ընծայիւր քաջութիւն Պալքաս անուամբ, և իմաստութիւն Աթենաս անուամբ . վասն որոյ և ստեպ 'ի գործ ածին այս անուանք փոխանակ պատերազմական արութեան և մակացական գիտութեան : Այլ զնախընթաց նկարագրութիւնս հեղինակիս 'ի վերայ արիութեան ազգի ազգի նմանաբանութեամբ և խորհրդածութեամբ, ոչ ինչ հարկ համարեցաք մի առ մի բացարել աստանօր . զի շատ է ընթերցողաց իմանալ թէ արիութիւնն առ արագս երեխ վեհ քան զսոհեմութիւնն և քան զարգարութիւն . այլ ըստ սաոյդ տեսութեան բազում իրօք նախապատիւ են սոքա քան զնա, որպէս և ցուցանե նա ինքն թեսաւրոս 'ի բազում դլսոց :

65. Պաիւղացիք կամ Պաիղեայք էին ժողովուրդք միոյ մասին Լիբիոյ, առեալ զանաւն 'ի Պաիղոսէ ումեմնէ արքայէն իւրեանց : Արդ որպէս յիշէ Պլինիոս և այլք 'ի հնախօսից, 'ի մարմինս Պաիւղացւոց ասիւր լինել բնածին թոյն ինչ սատակիչ օձի, կամ հոտ զօրաւոր թմրեցուցիչ թունաւոր զեռնոց : Եւ էր առ նոսա սովորութիւն, ընդ ծնանիլ զմանկունս առաջի արկանել դժնդակագոյն օձի, առ 'ի զփորձ առնուլ հաւատարմութեան լծակցաց . քանզի ասէին թէ 'ի խառնածին մանկանց ոչ ինչ խորշի օձն . իսկ յերեսաց հարազատածին աղայոց տագնապի և կամ թմրեալ ընդարմանայ . մինչեւ համարձակ բուռն հարկանել նոցա զօձէն, և ինչ ոչ վնասիլ : Եւ Պլուտարքոս գրէ թէ կատովն զօրավար յանցանել իւրում

ընդ ամայի և ընդ օձաբնակ տեղիս Ավելոյ, տանէր ընդ իւր սպասաւորս Պախւղացիս. որք գարման մատուցանէին ընդդէմ խայթուածոց օձից, երբեմն բերանովք իւրեանց ծծելով ըզթոյնս նոցին, և երբեմն թովութեամբ թափելով զզօրութիւն նոցա :

66. Ամփիտրիոն էր իշխան թեքայեցի որդի Ազկէոսի . սորա կին եղեւ Ազկմենէ մայր երկուորեակ եղբարց չերակեսի և Խփիկլեսի . որք որպէս համամայր էին նոյնպէս և համահայր, բայց մայր նոցա յայտնի, և հայր նոցին անյայտ, վասն խառն անկողնոյ մօրն իւրեանց : Իսկ բանաստեղծք ըստ կամս որոշելով զիրսն՝ հայր չերակլեայ համարեցան զԱրամազդ զհայր Աստուածոց, և Խփիկլեայ զԱմփիտրիոն : Ըստ որում յիշէ և Նոննոս յասելն զՀերակլէ . “ Եւս ստ ասի որդի գու Արամազդայ. քանզի Զեւս Նրամազդ նմանեալ Անփաւդրիոնի շաղաշարի ընդ Ազկմիոնեայ, և ծնանի 'ի նմանէ զՀերակլէս , : Եւ դարձեալ ասէ այլուր . “ Ուժդին ճառս հրատարակեալ լինի զՀերակլեայ, իբր թէ որդի է Արամազդայ և Ազկմէոնեայ . և դիցազն գոլով զերկոտասան նահատակութիւնսն կատարեաց , . Այլ այս դիւտ հեթանոսական 'ի նախատինս դառնայր քաջին չերակլեայ . զի թէպէտ իբր 'ի պատուոյ սակս ընծայի նմա աստուած որդի լինել, բայց ընդ նմին կրէ և զանուն աղջկորդւոյ . իսկ Խփիկլես մնայ որդի հօր իւրոյ հարազատի Ամփիտրիոնի :

67. Պրիամոս, որպէս յայտ է, էր արքայ Տրոյացւոց . յորոյ աւուրս եղեւ առումն Տրովագայ կամ Խղիոնի : Զսա սպան Պիւռոս, որ էր որդի քաջին Աքիլլեսի, և եղեւ առաջինն որ եմուտ յառասպելեալ ձին փայտակերտ, և 'ի գիշերին յորում առաւ քաղաքն, արար կոտորածո մեծամեծո, և անխնայ խողխողեաց զարքայն Պրիամոս 'ի մեհենի : Արդ թեսաւրոս ըստ օրինակի բանաստեղծից նկարադրէ իբրեւ արիական գործ զանդործունեայ քաջութիւն Պրիամոսի 'ի յետին պահու անդ, յորում յոդիս ապաստան եղեալ մրցեցաւ ընդ Պիւռոսի . յաղթեցաւ ասէ, այլ եցոյց զարութիւն իւր նաև 'ի ծերութեան անդ :

68. Կեղաացիք կամ Կեղտք, որ և Գաղատացիք կոչէին, արք կորովիք և յոխորտք, էին 'ի նախնումն մասն ինչ Փռանկաց, որք երբեմն կոմատեան Գաղղիացիք ասացան . և հուսէ յետոյ Լուգդոնացիք անուանեցան :

69. Կիկլոսպայք էին առասպելեալ հսկոյք գագաթակնեայք, այսինքն են նախնի ժողովուրդք Սիկիլոյ առ Եսմայ

Հերամբ . զորոց ասացին բանաստեղծք ունել մի ևեթ ակն մեծաբոլոր 'ի գագաթան կամ 'ի ճակատու . զի և անուն նոցայունարէն գիտքու ստուգաբանի բոլորակն կամ շրջատես : Ասի թէ սոքա նախ գտին զալինձագործութիւն 'ի Սիկիլիա . յորմէ և ել առասպելն այն թէ Կիկլոպայք էին գարբինք արբանեակք Հեփիստեայ , որ հրոյ գտակ կոչի . և կայծակունաշինէին Արամազդայ որոյ գործ համարիւր շանթառաք լինել կամ արձակել զկայծակունս յերկնից 'ի յերկիր . և զի 'ի ձեռս Կիկլոպայց էր պատրաստել նմա զկայծակունս կամ զշանթս , իշխէին սպառնալ նաև նմին իսկ շանթառաք Արամազդայ : Յայս հայի բան կաստովի ժամանակագրի , զոր 'ի մէջ բերէ Եւսեբիոս յառաջին մասին քրոնիկոն գրոց . “ Բեղոս էր ասորեստանեայց թագաւոր , և առ նովաւ Կիկլոպայքն՝ փայլատակունս և շանթս հրացանս Արամազդայ մարտուցելոյ ընդ Տիտանացիսն նպաստ 'ի կռիւ լինէին , : Եւ Նոննոս մեկնիչն Աստուածաբանի ասէ . “ Ի Սիկիլիա կղզոյն առ լեռնակողմամբքն բնակել ասեն Կիկլոպեանքն հովուական կենցազով կեալ Ճահաւորեալք , և մանաւանդ բռնութեամբ . և ասին մարդակերք գոլ սոքա . որք և զընկերս Ողեսեայ կերան . այլ երիս ասացեալ լինին 'ի սոցունց առ տուն անկեալքն գարբինք արուեստիւ . որք 'ի ձեռնիւրեանց արուեստին զորոառմն և զփայլատակումն Արամազդայ կազմեցին , և ասին առ տուն անկեալքն գոլ այսոքիկ , Բուօնուտէս , Սառվակէս , Արգէս : Կիկլոպեանք անուանէին որպէս Խովզոս (Հեսիոդոս) ասէ , զի մի ակն ունէին բոլորեալք . և որպէս այլք ասեն զի 'ի բոլոր կղզով բնակեին , : Եւ Կիկերոն հեգնելով իմն ասէ . “ Ոչ կարծեմ զքեզ յայն կարծիս լինել , որպէս թէ Կիկլոպայք յետնայ շանթ կազմեալ իցեն Դիոսի . քանզի արժան էր զարմանալ թէ զիարդ Դիոսս այնչափ կայծակունս արձակէ , երբ մի շանթ իցէ նորա , :

70 . Հիդրայ կամ Հիւգրաս , է օձ ջլային : Այլ ըստ առասպելաց՝ Հիդրայ լեռնեան ասի լինել վիշապ օձ եօթնդլսեան կամ բազմագլսի 'ի լիճն Լեռնայ . ընդ որում իբրև կամեցաւ կռուիլ Ազկիդէս՝ այն ինքն է քաջն Հերակլէս , անկարանայր սատակել զնա . զի ընդ հատանել զմի 'ի գլսոց նորա՝ կրկին բուսանէր , և կամ փոխանակ միոյ եօթն ևս այլ գլուխք 'ի վեր երևէին . մինչև եհաս յօդնութիւն Հերակլէայ եղբօրորդի նորա Յոլասս որդի Խփիկլէայ . որոյ առեալ ասեն ջահ մեծ իսկ և իսկ կիզոյր բոցով նորին զտեզի գլսոցն հատելոց սրով Հերակլէայ , զի մի ևս բուսցի նոր գլուխ . և այնպէս 'ի ձեռն սրոյ և հրոյ կարողացան երկոքին կորուսանել զհիդրայն : Զոր այսպէս 'ի մէջ բերէ Նոննոս : “ Առասպելեալ եղեւ գաղտն ինչ 'ի Լեռնէ (անուն Ծիր) գոլով յիսուն-

դլսի, և այլք ասեն իննագլսի, զդլուխսն օձի ցուցանելով, զոր եկեալ հերակլէս հանդերձ հեղոսիւ մանկամբ իւրով տպան: Այլ առասպելաբանի և այլ, թէ 'ի հատանել միոյ դլսոյն՝ 'ի տեղւոջ անդ երկու գլուխք բուսանեին, որպէս զի լինել գաղանին հարիւրագլսի. այլ հիւղոս իմացեալ այսովի. ոի ինչ, հուր բերեալ և զհատեալ գլխոցն տեղիս այրէր հըրովն. այնպէս կարացին սպանանել զնա,, : Զայս առասպել թէպէտ և պէսովէս մեկնաբանեն ոմանք, այլ գուցէ յարմարագոյնս գրեցին այլք 'ի վիպասանից թէ հիդրայ էր անուն լճի 'ի լեռնայ գաւառն Արգիացւոց. որոյ առաստացեալ և բաժանեալ յայլեայլ առաջս հեղեղեալ աստականէր զըրջակայ տեղիս. և եթէ ուրեք փակէին զանցս՝ այլուր յորդեալ տարածանէր. զոր տեսեալ հերակլեայ փոխեաց զճանապարհ դեացն, որք 'ի լիճ անդր իջանէին, և այնպէս ցամաքէցոյց զիլճն, կամ գէթ չափաւոր արար զջուր նորա: Իսկ ըստ անելոյ Պղատոնի, զոր և յիշէ Եւսեբիոս 'ի քրոնիկոն կանոնի, հիդրայ էր սովետատէի ոմն խորագէտ. զորոյ զհարցուածս դժուարանային լուծանել արք իմաստունք. զի 'ի պատասխանել միոյ 'ի բանից նորա՝ նա այլ ևս բազմապատիկ ընդդիմութիւնն հանէր: Որուէս զիարգ և իցէ, յառակս եղե ասել, պհիրայն հագանէ դա, երբ 'ի ջանալ ուրուք բառնալ զդժուարութիւնս առաջիկայ գործոց՝ այլ նորանոր դժուարութիւնք ընդառաջ ելանէն: Յայսպիսի առասպելաց առեալ եղին 'ի կարգս համաստեղութեանց զհիդրայն կամ զօձն ջրային: Իսկ խեցգետինն սպանեալ 'ի հերակլէ յիշտակի 'ի կարգի նախասայեալ առասպելաց. քանիզի ասի թէ 'ի վտանգիլ հիդրայի յերեսաց հերակլեայ, հերա աստուածունի օդնականութեան հրաման եա խեցգետինի միում մեծի հասանել յօդնութիւն հիդրայի, և ասլրեցուցանել զնա 'ի ձեռաց հերակլեայ: Եւ եղե իբրև դիմեաց խեցգետինն 'ի լճէ անափ, և եխած զոտս նորա, աճապարեաց հերակլէս և օդնականութեամբ Յոլառսի եհար և ջաղլսեաց զիսեցգետինն. և ապա սպան և զհիդրայն: Իսկ հերա վերառեալ զիսեցգետինն դժուաց 'ի կարգս կենդանակերպից, որպէս և զհիդրայն ըստ ռուասպելաց: Արդ քանիզի հերակլէս 'ի մարտնչիլն ընդդէմ երկուց գաղանացս կարօտացաւ գործակցութեան Յոլառսի, վասն որոյ և առած եղե ասել. “ Եւ ոչ հերակլէս ընդդէմ երկուց կարող եղե առանձինն մենամարտիլ,, :

71. Ասկանիոս էր որդի Ենէասայ Տրովագացւոյ, և յաջորդ նորա 'ի թագաւորութեան Լատինացւոց: Իսկ առաջիկայս բան թեսաւրոսի զԱսկանեայ առեալ է 'ի Վերդիլիոսէ, որ 'ի գիրս իւր նկարագրէ զելանելն Ենէասայ ընդ որդւոյ իւրում Ասկանեայ յորսս երեոց. ուր ասէ այծեմունք և եղ-

չերուք ընթանային ընդ լերինս և ընդ բլուրս . իսկ մանուկն Ասկանիսս հեծեալ յերիվար յայսկոյս յայնկոյս վաղս առնոյր 'ի ծործորս , և քերեալ զվախստեայ երեովք անփոյթ . առնէր . քանզի ցանկայր զի 'ի բարձանց իջցէ կինճ կատաղի կամ առիւծ ամենի , և կամ այլ ինչ դաշտն ահագին , և 'ի նոսա ցուցցէ զքաջութիւն իւր : Այլ յանկարծակի յարեաւ ասէ խռովութիւն օդոց , և աեղաց անձրե կարկախառն . մինչև փախչել Ասկանիսս և Ենէասայ յայլեայլ ծերոս և 'ի խորչս լերանց : Ն'յը է և այն առասպել զոր 'ի մէջ բերէ Եւսեբիսս 'ի սլատմութեանց Հռովմայեցւոց վասն Ենէասայ , թէ յորժամ կամէր նա զոհել դից խոզ մի մատակ համակ սպիտակ , որ մերձ էր 'ի ծնանիլ , զերծու այն 'ի ձեռաց նորա , և ելեալ 'ի բլուր մի ծնաւ անդ երեսուն խոճկորս , և ասացաւ Ենէասայ թէ յետ երեսուն ամի 'ի աեղւոջ անդ շինեսցի քաղաք , այն է Ալբան քաղաք զոր շինեաց յետոյ Ասկանիսս որդի Ենէասայ :

72. Յուղորթաս էր թագաւոր Կումիդացւոց մի 'ի գլխաւոր թշնամեաց Հռովմայեցւոց , այր խրոխտ և սէդ . որ յետ պէսպէս սլատերազմաց յորս յաղթեաց և յազթեցաւ , հուսկ յետոյ 'ի նեղ անկեալ դիմեաց առ Բոկրոս արքայ Մաւրիտանացւոց . և 'ի ձեռն նորտ մատնեցաւ 'ի ձեռս Սիղզայի զօրավարին Հռովմայեցւոց , և ածաւ կապանօք 'ի Հռովմ , ուր հանաւ 'ի հանդէս յաղթանակի , և ապա արդելաւ 'ի կալանս . և այնպէս 'ի շղթայս մեռաւ դառնութեամբ , իբր 105 ամօք յառաջ քան զՔրիստոս : Սոյնպէս և Սիփակ էր թագաւոր միոյ մասին Կումիդացւոց . որ նախ 'ի կողմն Հռովմայեցւոց գոլով միաբանեցաւ յետոյ ընդ թշնամիս նոցտ ընդ Կարքեդոնացիս , և 'ի սլարատութիւն մատնեալ ձերբակալ եղե 'ի Հռովմայեցւոց , և եղաւ 'ի բանու հանդերձ կնաւ իւրով . և 'ի բանախ անդ մեռաւ առւայտանօք առ անհարին ցաւոց սըրտին , իբր 200 ամօք յառաջ քան զՔրիստոս , յաւուրս սլատերազմացն Սկիոլիսնի և Աննիբաղայ : Իսկ սլատմութիւն Կրասոսի և Կրեսոսի յայտնի է , որպէս և փոքր 'ի շատէ յիշ շատակեալ է մեր 'ի համարն 7 : Արդ Թեսաւրոս որպէս բոց Կրեսոսի կոչէ զելանելն նորա յերկաթի տապակ հրացեալ , նոյնպէս և արհամարհանս Կրասոսի անուանէ զըարաչար խորտակումն սորին ամենայն զօրօքն հանդերձ 'ի Պարթեաց . զի արդարե ամենայն իրօք ամօթապարակեալ խայտառակեցաւ առաջի Տիգրանայ Հայոց արքայի յարհամարհանս անձին իւրոյ և 'ի նախաաինս բովանդակ ծերակուտին Հռովմայ : Յոր յաւելուն սլատմիչք Հռովմայեցւոց և այլ ինչ նոր հանդամանս արհամարհանաց . և զայն իսկ թուի յուշ առնել Թեսաւրոս , քանզի ասեն թէ յորժամ գլուխին Կրասոսի տարեալ

եղեւ առ Արշեղ արքայ Պարսից (զոր ինքեանք Որոտէս կոչեն), անդ գտաւ առաջիկայ և Արտաւազդ որդի Տիգրանայ արքայի Հայոց ուր յետ անարդելոյ տսեն զմեռեալ գլուխն բանիւք Թշնամանաց, ետուն հալել ոսկի և լնուլ ընդ բերան նորա ասելով. Ոսկւոյ և մեծութեան էր փափաքող այրդ այդ, որ յայսչափ չարիս ձեռնարկեաց. արդ ոսկի լիցի վերջին տանշանք դորա, և գէթ յետ մահուն յագեսցի ոսկւով:

73. Կղեոպատրա թագուհի որպէս և յայտ է, եղեւ վերջին ՚ի թագաւորս Եգիպտացւոց. որ միաբանեալ ընդ Անտոնինո սի զօրավարին Հռովմայեցւոց պարտեցաւ յօդոստոս կայսերէ. և առ չտալոյ զանձն ՚ի ձեռս կայսեր չոքաւ զիւրովին. վասն որոյ և չկարաց Օդոստոս կենդանւոյն ըմբռնել զնա, և հանել ՚ի հանդէս յաղթանակի. այլ փոխանակ նորա արձան մի յանուն նորա ետ բերել զհետ կառաց իւրոց ՚ի հանդիսի անդ: Իսկ Զենոբիա էր թագուհի Պալմիրայ, որպէս կարծի ՚ի զարմէ թագաւորացն Եգիպտացւոց և Կղեոպատրայ, յերրորդ գարուն յետ Քրիստոսի, գշխոյ խմաստուն դրագէտ և սրտեայ, այլ ՚ի յանդդնին ընդդէմ կալ Որեղիանոսի կայսեր ՚ի պարտութիւն մասնեցաւ, և կենդանւոյն ձերբակալ եղեւ յանցս Եփրատայ յամի տեառն 272. զոր բերեալ կայսեր հանդերձ որդւովք նորա ՚ի Հռովմ, եհան ՚ի հանդէս յաղթանակի ՚ի պարծանս իւր, և ապա բնակեցոյց զնա յանդորրու: Արդ հեղինակս ըստ արիութեան մասին նոււաստացուցանէ զսա քան զկղեոպատրա. այլ ըստ այլ բանի բազմօք գովելի էր սա քան զնա: Թոող զայն զի և արիութիւն Կղեոպատրայ յառաջիկայս օրինակ ոչ պարզապէս գովի, այլ ըստ իմիք տեսութեան. ապա թէ ոչ անձնաստանն լինել չէ արիութիւն, այլ յետին կնատառութիւն և վատասրառութիւն. զի է գործ անյուսութեան:

74. Կամի ասել թէ որպէս յետ յաղթութեան պատերազմի օրէն էր ՚ի պատիւ յաղթանակի ծիրանիս սփռել ընդ ձանապարհն ընդ որ մասնէր ՚ի քաղաքն կամ ՚ի պալատն յաղթող զօրավարն կամ թագաւորն, ևս և կամար կանդնել յաղթովական, զի ընդ այն անցցէ փառօք յաղթականն եթէ կենդանի, և եթէ դի նորա պսակեալ և եղեալ ՚ի գահոյս, սոյնպէս և արին ՚ի տալ զանձն ՚ի մահ վասն համեստ և օրինաւոր պատճառի՝ արեամբ իւրով ծիրանազարդ առնէ զՃանապարհ իւր աստի ՚ի հանդերձեալն. և կամար նորա համարի գուռն վերաբերանին կամ պատառուած վիրացն:

75. Վասն Մանլիոսի ասացաւ վերագոյն, թէ յի՞նչ առթէ էառ զանունդ Տորկուատոս: Իսկ կուրիս Մանիոս մակ-

անուանեցաւ Դենտատոս այսինքն ատամնաւոր, զի այնպէս ծնաւ ասեն, ըստ Պլինիոսի. իբր զի ընդ ծնանին գտան ատամունք նորա բուսեալ ըստ կարգի 'ի աեղիս իւրաքանչիւր: Սա եղեւ այր հզօր և հանձարեղ. երիցս կարգեցաւ հիւղատոս Հռովմայեցւոց, և արար բազում յաղթութիւնս և գործս գովելիս, իբր 280 ամօք յառաջ քան զՔրիստոս: Կայ միւս ևս այր երեւելի Սիկկիոս անուն, մականուանեալն նոյնպէս Դենտատոս զոր յիշէ Պլինիոս: Որոյ բազմապատիկ են քաջութիւնք և հանդէսք մրցանաց, աղգի աղգի յաղթութեամբք և ընդունելութեամբք յաղթանակաց: Երկոցուն ևս միօրինակ պատշաճի բան թեսաւրոսի, եթէ ցիցեն նոյն: Իսկ կոսսոս կուինդոս որ և կոչի կոռնելիոս կոսսոս, էր աղնուական Հռովմայեցի՝ կարգեալ 'ի պատիւ գիկտատորութեան իբր 380 ամօք յառաջ քան զՔրիստոս. սա բազում պատերազմունս մղեաց ընդդէմ շրջակայ թշնամեաց, և սպան զլարէս Առլումնիոս զարքայ Այենտաց, և զղէնս ոսոխին իւրոյ կողոպատեալ կախեաց 'ի մեհեան Դիոսի: Համարեալ էր առ Հռովմայեցիս իբր նոր Աքիլլէս կամ նմանող հռոմուլոսի:

76. Ասացուածն Պալլասայ կամ Աթենասայ աստուածու հւոյ առ Տելեմաքոս առեալ է 'ի բանաստեղծութենէն Հոմերոսի. ուր նկարագրին աղգի աղգի արարք Տելեմաքոսի և հօր նորա Ողիսեայ դիւցազին. զի յաւուրս գարձի զօրավարացն Հելենացւոց 'ի պատերազմէն Տրովադայ Տելեմաք որդի Ողիսեայ տեսեալ թէ յամէ հայր իւր, ել 'ի խնդիր նորա. և հաղիւ ուրեմն մարթացաւ զնա գտանել. և եղեւ գործակից հօր իւրում յայլեայլ գործս քաջութեան, և զօրացաւ յոյժ. և այս ըստ դիւցաբանից 'ի ձեռնատուութենէ և 'ի յորդորանաց Պալլասայ: Յիշէ զՏելեմաքոս զոդիսեան Նոննոս մեկնիչն Աստուածաբանի այսպիսի օրինակաւ. « Ագամեմնոն յորդորէր զնվգեսոս (զՈդիսես) ելանել 'ի Տրովադայ. և նորա ոչ կամնցեալ ձեանայր մոլութիւն և լծեալ էշ և արջառ, իբր թէ արօրադրել ձեռվ մոլութեան. իսկ Պաղամիդէս յանդիմանէր զայն ոչ գոլ մոլեալ, և յանդիմանեաց այսպէս, զՏեղեմոքոս զորդի նորա եղ առաջի արօրոյն. ապա հասեալ Ողեսեայ մինչեւ ցմանուկն վերացուցանէ զարօրն, զի մի գանեսցի մանուկն, և ծանուցաւ թէ զգաստ է,,,: Յայս հայի և ասեն Գրիգորի Մադիստրոսի 'ի թուղթն առ կարծեցեալ ոմն գիտնական. « Բայց եթէ պատճառես այժմ իբրեւ զՈդիսես, զի մի զինուորիցիս ընդ մեզ զեղն և զձի 'ի միասին լծեալ, սակայն գտցի քեզ Պաղեմիդէս և զՏելեմաքոս կալեալ 'ի պատճառս զենման զի զգաստացի,,,: Իսկ պատմութիւնն Աղեքսանդրի Մակեդոնացւոյ յայտնի է, զի հայեցեալ նորա 'ի գերազանց գովութիւնս ընծայեալս քաջին Աքիլլեայ 'ի հո-

մերսուէ, ըղձակերտ լինէր և ինքն ունել զկնի իւր վիակասան զոք նոյնօրինակ գովիչ գործոց իւրոց: Որպէս և յետ ժամանակաց Յուլիոս կեսար տեսեալ զմեծամեծ գովութիւնս զորս ընծայէին սլատմաբանք նմին Վաղեքսանդրի, նախանձաւոր եղեւ նմանիլ նմա, և ունել զնմանօրինակ գովասանս: և արդարեւ ոչ վրիպեցաւ յակնկալութենէ իւրմէ. զի ոչ նուազ դրեցին և Հռովմայեցիք զՅուլիոսէ քան Հելլենացիք զԱղեքսանդրէ:

77. Եպամինոնդ էր ազնուական Թէբայեցի իրը 350 ամօք յառաջ քան զԲրիստոս, որդի Պողիւմնեայ, այր զգօն և արի, աշակերտեալ Փելլայոսի պիւթագորականի, և ծաղկեալ 'ի մեջ Հելլենացւոց փիլիսոփայութեամբ, սլերճախոսութեամբ, և նուագածութեամբ, մանաւանդ թէ և առաքինի քաղաքավարութեամբ. զի այնալէս Ճշմարտախոս էր, մինչև չառնոյր յանձն և ընդ կատակս ասել ինչ սուտ: Հուսկ յետոյ եղեւ զօրավար քաջ, եդիտ զհայրենիս իւր 'ի ծառայութեան, և 'ի մեռանիլն եթող յաղատութեան: Սա զկնի բազմապատիկ մրցանաց՝ 'ի միումնուագի մարտնչելոյ իւրոյ ընդ Լակեդեմոնացիս 'ի կողմանս Մանտինիոյ կարեվէր խոցեցաւ 'ի Ճակատու, և յորժամբ բարձեալ 'ի զօրականաց տծաւ 'ի բանակն կիսամեռ, և հազիւ հազ կարէր բարբառիլ, զայս մի ինչ և եթ ինդրեաց 'ի մերձակայից ասել նմա, թէ 'ի խոցիլ իւրում և յանկանիլ արդեօք ախոյեանն կորզեան իցէ զվահան իւր. և իբրև ասացին թէ ոչ, այլ աստ առ քեզ կայ ասպար քո, ետքերել զայն և համբուրեաց իբրև գործակից Ճգանց իւրոց և պարծանաց: Եւ յաւել հարցանել. ո՞ր կողմն յաղթեաց. և յորժամբ լուաւ թէ Թէբայեցիք, ասէ. Ուրախ մեռանիմ' ուրախակից լինելով հայրենետոց իմոց, և անդէն փչեաց զոգին: Այլք ասեն թէ յորժամբ խոցեալն էր նետիւ 'ի Ճակատամարտի անդ, չեթող ումեք հանել յանձնէ զնետն, այլ հանդերձ նետիւն մխելով յառաջ մղեաց զմարտն հրաման տալով զօրացն զոր ինչ օրէնն էր. մինչև յետ իսպառ վանելոյ զթշնամիս ասէ. Արդ շատ է ինձ կեալ, զի անյաղթ մեռանիմ. իբր այն թէ միւսանդամ ծնանիմ. և յայնժամ հանեալ յանձնէ զնետն ընդ նմին և զոգին եհան:

78. Վասն Պալլասայ շատ լիցի զոր ասացաքն 'ի համարն 31, և յայլ տեղիս:

79. Այս բան թուի հայիլ 'ի սլատմութիւն կրեսոսի Աւացւոց արքայի. զոր իբրև կամեր հարկանել սուսերաւ ոմն 'ի զօրականաց կիւրոսի յանդէտս, որդի նորին կրեսոսի համբ 'ի ծնէ բարբառեցաւ ասեն առ տագնապ սրտին. Մին մխեր ըշձեռն քո, զի հայր իմ կրեսոս է դա: Զայս սլատմէ Հերոդոտոս, և այլք յետ նորա:

80. Գեղարդն Հռոմուլոսի ծառացեալ՝ ի հովանի լինել քաղաքացւոց, ոչ այլ ինչ թուի, բայց եթէ բանաստեղծական ասացուած ինչ, իբր զի՞ ի ձեռն գործոց քաջութեան նորա կանգնեցաւ Հռովմ և պաշտպանեցաւ ընդդեմ թշնամեաց : Յիշէ Պլինիոս յայլեայլ տեղիս զայլ և այլ ծառոս արնեալս՝ ի Հռովմ՝ ի Հռոմուլոսէ կամ յանուն Հռոմուլոսի . ընդ որովք ժողովեալ քաղաքացւոց յաւուրս հանդիսից առնենին աղդի աղդի խաղս և զուարձութիւնս : Պատմէ և Պլուտարքոս այսպիսի ինչ . Հռոմուլոս ուխտեաց Դիոսի յելանելն՝ ի պատերազմ ընդդեմ Ակրանի Կենինեցւոց արքայի, զի թէ յաղթեացէ թշնամոյն, զզէնս նորա նուիրեացէ նմին Դիոսի : Եւ իբրև՝ ի գլուխ տարաւ զյաղթութիւնն և սպան զԱկրոն, երարձ ինքնին շալակաւ զզէն և զզարդ նորա, և երեր՝ ի Հռովմ քաղաք . ետ կտրել և զկազնի մի բարձր որ կայր՝ ի աելի պատերազմին, և ածել ընդ իւր . զոր կանգնեալ՝ ի մեջ հրապարակի քաղաքին իւրոյ կախեաց զոստոց նորա զզէնս Ակրոնի . և արար մեծաւ շքով հանդէս յաղթանակի հանդերձ բազմութեամբ ժողովոյն, ըստ նկարագրելոյ Պլուտարքեայքեայ . որ և յարէ թէ աստի սկիզբն կալաւ առ Հռովմայեցիս սովորութիւնն առնելոյ զհանդիսաւոր յաղթանակ մարտի : Ի վերայ այսօր ամենայնի գրեն ևս պատմիչք թէ Հռոմուլոս ընկալաւ զմականուն կուիրինոս . զոր բազումք ուեսալէս ստուգաբանէին, որպէս և ոմանք ըստ նորին Պլուտարքեայ վկայելոյ աստցին, թէ առ նախնիս ըստ բարբառոյ Սաբինացւոց գեղարդն կամ նիզակն կոչեւը քուիրիս և կամ գուրիս . և զի նիզակն էր նշանակ Հերայի և Արեսի դիցն պատերազմաց և յաղթութեան, և զի յաղթող զօրականաց նոր նիզակ տային՝ ի պարգևս, Հռոմուլոս ևս վասն յաղթութեանց իւրոց անուանեալ իցէ կուիրինոս, որպէս թէ նիզակաւոր, կամ իբր երկրորդ Արես Աստուած նիզակաց . որպէս և տունն կամ տաճարն կանգնեալ՝ ի Հռովմ յանուն Հռոմուլոսի կոչեցաւ կուիրինեան :

81. ‘Նեսոս է անուն միոյ յառասպելեալ կենտաւրոսոց, այսինքն՝ ի ձիացլուց կամ՝ ի յուշկապարկաց . զորմէ ասի թէ տեսեալ զԴէյանիրա գուստը Ենեայ արքայի Ետողացւոց ըշհարսնացեալն Հերակլեայ քաջի առ ափն գետոյ, զի վարանէր անցանել յայնկոյս և ոչ կարէր, գոլով ինքն քաջ ըղորդ երարձ զնա հրամանաւ Հերակլի՝ ի վերայ ուսոց իւրոց, և անցոյց յայն կողմն . և իբրև ելին՝ ի ցամաք, յափշտակեալ զաղթիկն փութադաւ փախչչիլ : Խակ Հերակլեայ տեսեալ զնենդ Նեսոսի՝ արձակեաց զինի նորա զնետ իւր, և կարեվէր խոցեաց զնա : Յայնժամ դառնացեալ յոյժ Անսոսի, և յուսահատեալ՝ ի կենաց իւրոց անձկայր մեռանիլ և ազատիլ՝ ի ցա-

ւոց . այլ կամեցեալ նախ վրէժ խնդրէլ յերկոցունց անտի դաւանօք , ետ յարենէ իւրմէ կամզարիւնաթաթաւ հանդերձս իւր զկախարդեալն բժժանօք իբրև ընծայ յիշատակի Դէյանիրայ , ասելով թէ ունի սա զօրութիւն ձգելոյ 'ի քեզ գլխովին զսէր տուն քո : Եւ եղեւ յետ ծնանելոյ չերակլի զորդի մի 'ի Դէյանիրայ , իբրև հովացաւ 'ի սիրոյ նորա , 'ի կիր էաւ Դէյանիրա զայն կախարդեալ պատմուճան կամ զարիւնն Նեսոսի . որով գեղեալ չերակլի անկաւ յախտ չարատանջ , այն է ըստ ոմանց ժանտախտ . մինչև ցնորեալ 'ի մտաց էարկ անձամբ զանձն 'ի խարոյկ հրոյ , և մեռաւ . զոր տեսեալ կը նոջն առ գառնութեան սրտին չոքաւ և նա զիւրովի : Զայսու սիկ յիշատակէ և Նոննոս դոյզն տարբերութեամբ . իսկ վասն մտհուն չերակլեայ այսպէս դրէ . “ Յորժամ զգեցաւ չերակլէս (զպատմուճանն օծեալ յարենէն Նեսոսի) , վառեալ պատմուճանն եկէզ զնա . իսկ նա մինչդեռ այրէր , ընկէց զանձն 'ի գետն որ մերձն էր , և ջերմացոյց զջուրսն . յորմէ և եղեն ջերմաջուրք և ջերագրութիւնք 'ի մէջ թեսալացոցն և Փովկիսոյ , : Այլ Եւսեբիոս 'ի քրոնիկոն կանոնի համաձայն նախագրելոցս ասէ . “ չերակլէս 'ի սրտծութեան խօթութիւն անկեալ 'ի կրտկ դիմեաց . և այնպէս 'ի մարդկանէ վճարեցաւ , կեցեալ ամս ԾԲ , :

82. Նիսոս էր արքայ Մեգարացւոց յԱքայիա , որ 'ի գադաթան գլխոյն ունէր ասեն քանի մի հերս ծիրանեգոյն . զորս և պահէր ամենայն զգուշութեամբ իբրև սրբազն ինչ և բարեգուշակ . քանզի ասացեալ էր նմա պատկամախօսն թէ ցորչափ անկորուստ պահին 'ի քեզ այն հերք , ոչ պարտեսցիս յումեքէ , այլ մշտայաղթ և անսասան մնացես 'ի թագաւորութեան քում : Եւ եղեւ 'ի պաշտրէլ Մինոսայ արքային կրետացւոց զՄեգարա , գուստը Նիսոսի Սկիւզէ անուն որ կամէր հաճոյ լինել յաչս Մինոսայ և հարսնանալ նմա , գերծեաց հնարիւք զծիրանի հերս 'ի գլխոյ հօր իւրոյ , և մատնեաց զքաղաքն 'ի ձեռս թշնամեաց : Իսկ թէ զինչ յետոյ գործեցաւ , բազում են բանք առ առասպելարկուս : Մի արդեօք 'ի պատմութենէ Սամիսոնի գողացեալ իցեն զայս բանասեզծք , որպէս և զայլ պատմութիւնս ինչ սուրբ գրոց խառնեալ 'ի նոսա ազգի մտացածին առասպելս :

83. Քաջայայտ է օրինակ մահուն Յուլիոսի Կեսարու , յորոյ վերայ յարեան ոմանք 'ի ծերակուտէն և չարաչար խոցուեցին սրով տալով նմա իբր քսան և երեք վէրս : Սոյնպէս և վախճան Սոկրատայ յայտնի է , որում արբուցին Աթենացիք գեղ մահու կոնիոն ասացեալ առ Յոյնս , որ 'ի մեզ մուշինդ կամ խնդամովի ասի : Զայս յիշէ Նոննոս յասելն .

“Սոկրատէսս այս էր աղքաւ Աթենացի՝ իմաստասէր հրա-
հանդաւ . . . և գատապարտեալ եղեւ մեռանել . . . և ապա
ըմպէլով կոնիոն, և արբեալ մահացաւ ,,: Եւ զնոյն յիշատա-
կէ Եւսեբիոս 'ի քրոնիկոն կանոնի ասելով. “Սոկրատէս արք
զկոնիոնն և մեռաւ, որ է խնդամովի ,,: Յայս հայի և ասելն
Խորենացւոյն (Բ. 89) յողբերգութեան իւրում 'ի վերայ սըր-
բոյն Տրդատայ. “Տան նմա արբումն, որսէս անդ ուրեմն 'ի
հինսն Աթենացիքն Սոկրատայ զմոլեխինդն ,,: Ասի թէ յոր-
ժամ պատմեցաւ Սոկրատայ դատապարտին իւր յԱթենաց-
ւոց 'ի մահ, ետ սկատասխանի անխռով սրտիւ. Ես անգստին
'ի բնութենէ վաղու ևս դատակնքեալ եմ 'ի մեռանել: Եւ զի
կին նորա չայր դառնապէս վասն յանիրաւի դատապարտու-
թեան առն իւրոյ առանց իրեք յանցանաց, սաստեաց նմա Սո-
կրատէս ասելով. Եւ զի՞նչ, կամէիր արդեօք զի իրաւացի լինէր
իմ դատապարտութիւն իբրև զմիոյ 'ի չարագործաց:

84. Ատտիկեսս Հռեդուլոս հիւրատոս Հռովմայ, այր ա-
նուանի, յետ յաղթահարելոյ զկարքեդոնացիս 'ի բաղում
մրցմանս մարտի հուսկ յետոյ անկաւ 'ի ձեռս նոցա, իբր 251
ամօք յառաջ քան զբրիստոս: Յորում ժամանակի կամեցեալ
Ափրիկեցւոց առաքել դեսպանս 'ի Հռովմ վասն հաշտու-
թեան, արձակեցին ընդ նոսա և զՀռեգուլոս: զի թէ հաս-
տատակացի խաղաղութիւն 'ի միջի, աղատ լիցի և նա. ապա թէ
ոչ, անդրէն դարձի: Եւ եղեւ յորժամ լուաւ ծերակոյան
զինդիր Ափրիկեցւոց, և թուէր յանձն առնուլ զհաշտու-
թիւն, նա ինքն Հռեդուլոս զընդդէմն հաստատեաց. քանզի
հայելով յօդուտ և 'ի պարծանս հայրենեաց և ոչ յազատու-
թիւն անձին իւրոյ, յանձն էառ զի ինքն դարձուսցի անդրէն
'ի ձեռս թշնամեաց իւրոց: Եւ այսպէս հաստատուն կոցեալ
'ի վերայ բանից իւրոց՝ գնաց անդրէն յԱփրիկէ իբրև դերի:
Խմացեալ թշնամեացն թէ Հռեդուլոս ինքնին խափանիչ եղեւ
հաշտութեան, վառեցան անհնարին սրտմառութեամբ ընդ-
դէմ նորա, և նորահնար տանջանօք խորհեցան սպանանել
զիա. 'ի բաց կտրեցին յարմատոց զարտեանունս նորա, զի մի
կարասցէ փակել զաշս իւր և 'ի քուն լինէլ, և ապա եդին
զիա 'ի մէջ մէքենայի որ լին էր երկաթի ոլաքօք կամ ածե-
լեօք. և այնպէս չարաչար տուայտանօք անքուն արթնու-
թեան, և դառնամահ կատանօք սայրատուր կարոցաց բարձին
զիա 'ի կենաց: Իսկ Սենեկայ փիլիսոփայն՝ այրն մ.ծիմաստ,
որ դաստիարակին եղեւ Ներոնի կայսեր, 'ի նմին իսկ մարդախո-
շոց բռնաւորէ մահու դատեցաւ. որ ապառում մտօք զայս
մարդասիրութիւն և թէ եցոյց տու վարժապէտն իւր, զի ա-
սաց. Ընտրեա քեզ Սենեկա զտեսակ մահու, որով ըստ հա-
ճոյս քո սպանից զքեզ, և նա յանհնարս մտեալ խնդրեաց,

զի հատցին երակք նորա 'ի բաղանիս, և առ սակաւ սակաւ դիւրութեամբ լուծցի 'ի կենաց խօսակից լինելով ընդ բարեկամն իւր : Եւ իրեւ արարին այնալէս, տեսեալ նորա թէ տագնասլ մահու կրէ ընդ երկար, խնդրեաց և մահադեղ . այլ ոչ այնչափ 'ի զօրութենէ թունիցն, որչափ 'ի հոսմանէ արեանն և 'ի ջերմութենէ բաղանեաց հեղձամղձուկ լեալ և անշնչացեալ մեռաւ :

85. Դիտեա ինձ աստանօր զգեղեցիկ ասացուածո հեղինակիս յաղագս քրիստոնէական արիութեան, որով նահատակեցան երջանիկ վկայք 'ի սէր փրկչին, և 'ի միտ առ զհեանս բանից թէ որպէս յարիութեան մասին նոյնալէս և յայլ ամենայն առաքինութեանց կարդի այնչափ վսեմէ և գերագոյն քրիստոնէական առաքինութիւնն քան զբարոյականն, որչափ 'ի վեր են աստուածային իլք քան զմարդկայինս: Եւ ահա սովին համառօտ ազգարարութեամբ տայ իմանալ թեսաւրոս, թէ ինքն 'ի մատենի աստ խօսելով միայն զբարոյական առաքինութեանց, և ցուցանելով զլուռութիւնն ոոցին զօրութեամբ իմն միշտ մեծացուցանէ զգովութիւն տատուածային առաքինութեանց ևս քան զես, և որպէս թէ անբաւական զանձն խոստվանի ճառել զնոցանէ . Զայս յայն սակս երկրորդեցաք աստ, զի ընթերցողք 'ի հայիլ անդ 'ի կատարելութիւն քարոյական առաքինութեանց՝ յորդորեսցին առաւել ևս բորբոքիլ 'ի սէր գերագունիցն քրիստոնէական և աստուածային առաքինութեանց, զի և հեղինակին գլուովին զոյն յուշ առնէ :

86. Վասն Սկիովիոնի և Սիփակայ փոքր 'ի շատէ բանք եղեն վերագոյն . տես 'ի համարն 61, և 72:

87. Կեսիոն էր հիւպատոս Հռովմայեցւոց, որ նիզակակցութեամբ Մանիլիոսի հիւպատոսի ել 'ի սպատերազմ ընդդէմ ազգացն Գերմանացւոց որք կոչէին Կիմբրացիք և Տետոնեանք . այլ զի տնիսորհրդաբար մղեցաւ 'ի գործ մարտի, անսաստ գտեալ խրատու խորհրդականաց, յաղթեցաւ չարաչար, իբր 100 ամօք յառաջ քան զՔրիստոս: Սոյնալէս և Մինոտիոս էր զօրավար ոմն հեծելուդնդին Հռովմայեցւոց յաւուրս սպատերազմաց Փաբիոսի մեծի սպարապետի ընդդէմ Պէնացւոց, այսինքն ընդդէմ Լիբէացւոց զօրացն Աննիբաղայ Կարքեդոնացւոյ . որոյ տեսեալ զգանդաղանս Փաբիոսի զի ոչ համարձակ մխէր 'ի ճակատ ընդդէմ Աննիբաղայ, ոյլ ըշդուշութեամբ սպատեր դիպոլ ժամու և տեղւոյ, չկարաց հանդուրժել . այլ որոշեալ զիւր գունդ ձեռներէց եղն 'ի դեմի հարկանիլ թշնամեաց . խրատեաց զնա Փաբիոս հանդար-

տիլ առ վայր մի, և ոչ կարաց խափանել։ Ապա իբրև յարձակեցաւ Մինոտիսս յանդղնաբար իւրովքն հանդերձ, չորսշար խորտակեցան զօրք նորա և ինքն սակաւ արամբը մազապուր զերծաւ. իսկ Փարիսս 'ի գեղ ժամու պատերազմեալ վանեաց զթշնամիս։ Զայս ամենայն երկար ճառագրէ Պլուտարքոս 'ի գործս Փարիսսի Մաքսիմոսի, և 'ի վերջոյ յարէ թէ զիարդ ամօթապարտ կորանօք յանդիման եղեալ Մինոտիսսի առաջի Փարիսսի խոստովան եղեւ զանխորհուրդ գործ իւր, այլ Փարիսս մարդասիրութիւն ցուցեալ առ նա չկամ ցաւ յերեսս հարկանել զանմատութիւն նորա և կամ պատուհասել։ Յայնժամ տաէ Մինոտիսս ցՓարիսս, ըստ գրելոյ Պլուտարքեայ. « Կրկնակի յաղթութիւն 'ի գլուխ ապարար այսօր իշխանդ քաջ, մի արութեամբ ընդդէմ թշնամեաց, և միւս ևս՝ ընդդէմ նիղակակցացդ քոց խորհրդով և մարդասիրութեամբ, առաջնովն ապրեցուցեր զմեզ, և երկրորդիւս հրահանդեցեր, և այն ինչ մեք չարացար կորանօք 'ի ողարտութիւն մատնեալ էաք յԱնիբաղայ, ահա և առ 'ի քէն հանդարտամիտ և աղատարար յաղթութեամբ պարաեալ դտաք » :

88. Կոդրոս երդի Մելանթոսի եր արքայ Աթենացւոց. յորոյ աւուրս իբրև յարձակեցան թշնամիք պատերազմաւ 'ի Պեղուոնէսսոս, լուեալ Կոդրոսի 'ի պատգամախոսէն թէ այն ժողովուրդ լինի յաղթով որոյ առաջնորդն մեռանի 'ի պատերազմի, ծպտեցաւ 'ի հանդերձս առն սոսկականի, և մտեալ իբր անզէն 'ի ճակատ թշնամեաց՝ դրգուեաց զզօրական մի, և սպանաւ 'ի նմանէ իբր հազար ամօք յառաջ քան դՔրիստոս։ Զայս յիշէ և Եւսեբիոս 'ի քրոնիկոն կանոնի յաւուրս Դաւթի արքայի. « Կոդրոս վախճանեցաւ, տուեալ զանձն ի մահ վասն յայտնութեան », և յարէ թէ յայնմ հետէ բարձաւ թագաւորութիւն Աթենացւոց, և սկսան նստիլ իշխանք, որոց առաջնոն եղեւ Մեդոն որդի Կոդրեայ։ Ոմանք ասեն թէ 'ի յիշատակ այսոր քաջութեան Կոդրոսի ոչ ևս կամեցան Աթենացիք ունել թագաւոր, այլ լոկ իշխան, որ 'ի Յունաց կոչի աշխօն։ Իսկ Կիւդնոսդ անուն նշանակէ զթոչունն անուանեալ կարապ կամ պոր։ Եւ զի ոմն 'ի թագաւորացն Լիգուրաց Կիւդնոս կոչիւր, ասացաւ յառասպելս թէ 'ի կորապ թոջուն փոխարկեալ իցէ զիտ Արամազդ։ Քանզի ասեն թէ յորժամ Փայեթոն որդի արեգական կայծակնահար եղեալ անկաւ 'ի Պադոս գետ, քորք Փայեթոնի որք լային ընդ կորուստ եղբօր իւրեանց, փոխեցան 'ի կաղամախ կամ 'ի սոս, և արտասուք նոցա 'ի բուրկէն կամ յամպէր. և զի Կիւդնոս ևս եր մերձաւոր ազգական նոցա և լայր, փոխեցաւ և նա 'ի կարապ թոջուն, և նստեալ յոստ քերցն Փայեթոնայ ծառացելոց, կամ ընդ հովանեաւ նոցին ձայն արձակեալ եղա-

նակեր զերգս ողբոց : Զայս ամենայն նկարագրեն Ովիդիոս և Վերգիլիոս բանաստեղծք . զորոց զբանան պէսպէս մեկնաբանեն այլք : Իսկ առաջիկայս բան թեսաւրոսի հայի յայն զի 'ի գագաթան կիւգնոսի ասին բուսեալ փետուըք պայծառք և արծաթափայլք իբրև զսպիտակ կարապոյ , զոր ոմանք իմանան վասն սպիտակացեալ հերաց նորա :

89. Կամի ասել թէ կայսերք որք յաջորդեցին զկնի Յուլիոսի կեսարու , յետնեալ դտան 'ի քաջութենէ գործոց նորա իբր յանարժանս կրելով զանուն նորա . զի կայսրդ անուն ինքնակալաց առեալ էր 'ի բառէս կեսար որ մականունն էր Յուլիոսի : Մէք հասարակօրէն առ որոշումն անուանց զՅուլիոս՝ կեսար կոչեմք , և զայլ ինքնակալս կայսր . թող և զնոսա որք կեսար կոչին իբր գահակից կայսեր . թէպէտե թեսաւրոս զամենայն միօրինակ կեսար կոչէ յիտալականն . զի մի և նոյն անունն է ըստ ինքեան կեսարոս , կեսար և կայսր :

90. Համեմատութիւն սերմնարանի ընդ ուսումնարանի ընտել է առ իտալացիս , վասն համաձայն առման բառիս սէմենարիս . որ ստուգաբանի սերմնարան , և նմանութեամք 'ի գործածի փոխանակ ուսումնարանի կամ համալսարանի :

Ծանօթութիւնք 'ի հինգերորդ զիրս:

91. Յաղագս առասպելեալ հեղրայի և խեցգետնի լիով ասացաւ 'ի համարն 70 , տես անդ :

92. Հանդոյց Հիմենեան նշանակէ զկապ ամուսնութեան , այսինքն զպսակն անլուծանելի . քանզի Հիւմեն կամ Հիմենէսոս , համարեալ էր առ Հելենացիս Աստուած հարսանեաց կամ ամուսնութեան , զոր և նկարէին պատանի առոյգ պատեալ ծաղկօք , ունելով 'ի միում ձեռին ջահ բոցավառ , և 'ի միւսում քօղ կարմիր : Բաղում են առասպելք՝ զոր յօդեն զնմանէ բանաստեղծք տարբեր յիրերաց :

93. Զոր ինչ խօսի հեղինակս զաղդեցութենէ երկնից ըստ այլ և այլ կլիմայից պարտ է իմանալ 'ի բնական կարգի ևեթ և ոչ բարոյապէս , որպէս և յայտ է . իբր զի տեղիք ծննդեան կամ դիրք բնակութեան ոչ եթէ առնեն զոք առաքինի կամ մոլի , այլ միայն զբնական խառնուածն պէսպէս արամագրեն :

Արդ թեալէտ և այլ և այլ խառնուածք այլ և այլ գործս յառաջ բերեն , մինչեւ լինել ոմանց 'ի բնէ յայս կամ յայն առաքինութիւն և կամ 'ի մոլութիւն առաւելագոյնս տրամադրեալ , բայց 'ի ձեռս անձնիշխան կամաց իւրաքանչիւր անձնն է ուղիղ տնօրինել զկեանս իւր ըստ ուղիղ թելադրութեան բանի : Թող զարտաքին ձիրս ընաւորականս , որք չեն 'ի ձեռս մեր . որպէս լինել սրամիտ , սրատես , ուժեղ , և այլ :

94. Վիրովն կամ Վերոն է անուն միոյ յառասպելեալ ձիացլուց իմաստնագոյնն համարեալ 'ի նոստ և ամենայն իրաց խելամուտ . սա ասեն նախ որսորդութեամբ թափառեալ 'ի լերինս անվրէալ նետաձգութեստացաւ զյաջողութիւն ձեռաց առ ամենայն գործս . և ստէալ զննելով զզօրութիւնս բուաց որ 'ի լերինս և 'ի դաշտս , հմուտ դտաւ կատարեալ արուեստի բժշկութեան . նոյնապէս և դիտողութեամբ աստեղաց եղեւ քաջ աստեղաքաշխ . վասն որոյ և այնչափ անուաննի եղեւ , մինչեւ ըստանալ իւր աշակերտս զամենեսին զնոսա որք ականաւորք եղեն յայլ և այլ գիտութիւնս և յարուեստս , որպէս Ասկղեպիոսի Աստուծոյն բժշկութեան ուսուց ասեն զբժշկականութիւն . Հերակլեայ դիւցազին զատեղագիտութիւն . քաջին Աքիլլեայ զերաժշտութիւն և զզօրութիւն խոտոց , և այլն : Եմուտ 'ի նաւ Յասոնի ընդ Արգոնաւորդս , և եղեւ նոցա բըժիշկ : Ի վախճաննի դիպուածով իմն խոցեցաւ ասեն 'ի թունաւոր նետից Հերակլեայ մսելոց արեամբ Հիդրայ գաղանին , 'ի խառնելն անզգուշութեամբ զկապարձս նորա . և առ զերծանելոյ 'ի ցաւոցն աղաջեաց զդիս հանել զինքն յերկրէ , և Արամազդ վերաբերեաց զնա 'ի կարգս աստեղաց : Այն է մին 'ի կենդանակերպից կոչեցեալն աղեղնաւոր . զի առաջին գործ Վիրովնի էր աղեղամբ շրջիլ յորսս : Եւ զի վիրահատութիւն Յունարէն + իտուրլիտ ասի , համարին ոմանք թէ անտի առեալ իցէ անուն Վիրոնի , վասն լինելոյ նորա գիտակ ամենայն տեսակաց բժշկութեան . մանաւանդ թէ վասն անուանն ընծայեալ իցէ նմա այնպիսի արուեստ :

95. Զեքսիս էր պատկերահան երևելի 'ի Հերակլիոյ , ծաղկեալ ըստ ոմանց 'ի ՀԸ Ողոմնիադին՝ յաւուրս Վսերքսեայ առաջնոյ Պարսից արքայի , իբր 460 ամօք յառաջ քան զՔրիոտոս : Սա ըստ սլատմելոյ Պլինիոսի և այլոց 'ի վէճ մտեալ ընդ Պարրասիոսի նկարչի Եփեսացւոյ , նկարեաց ողկոյզ մի խաղողոյ այնչափ բնական , մինչեւ իջանել թունոց 'ի յափշտակել զայն : Իսկ Պարրասիոս նկարեաց վարագոյր մի իբրև 'ի ծածկոյթ պատկերի . զոր տեսեալ Զեքսեայ 'ի հեռուստ , և համարեալ իսկական պատառ ինչ , ասէ ցՊարրասիոս . Զի՞ է զի ընդ վարագուրաւ ծածկես զարուեստդ . բաց զի տեսցեն ա-

մենքին . այլ իրրե դիտաց եթէ այն խոկ է պատկեր նկարեալ
'ի միտ էառ . թէ քանի՛ քաջ է արուեստն Պարբառիսի , որ
դիտաց խաբել ոչ զթուչունս , այլ զայր պատկերահան : Կա-
րեաց Զեքսիս և այլ պատկեր , այսինքն մանուկ մի՛ բարձեալ
զողկոյզս խաղողոյ , և դարձեալ իջին թուչունք 'ի վերայ պատ-
կերին : Զոր տեսեալ Զեքսեայ զայրացաւ ընդ անարուեստ
նկարչութիւն իւր . զիաղողս ասէ լու ևս նկարեցի քան զմա-
նուեին . զորոյ զհակառակին պարտ էր գործել . զի յայնժամ
խուսափեին արդեօք թուչունք յերեսաց մանկանն , և չիշխէին
իջանել 'ի վերայ խաղողոյ . վասն որոյ ջնջեաց զիսաղողսն 'ի
պատկերէ անտի . զի գուցէ մանուեին առանձին կենդանատիպ
երևեսցի . այլ ասին լինել սորա և այլ նկարք նշանաւորք : Խոկ
վասն գրաստուն նկարելոյ 'ի Պրաքսիտեղեայ չունիմք ինչ ա-
սել . զի Պրաքսիտեղէս համբաւեալ է յարուեստ անդրիա-
գործութեան , որպէս ասացաւ 'ի համարն 16 . և թէպէտ գի-
տէր ասեն ոմանք և զնկարչութիւն , այլ այսպիսի ինչ գործ
ոչ յիշատակեն : Յիշին առ Պլինիոսի կառք և երիվարք դրօ-
շեալք 'ի նմանէ , և գուցէ յայնս հային առաջիկայքանք թե-
սաւրոսի , և կամ թէ շփոթութիւն անուան իցէ աստանօր .
զի 'ի գետ գայ յառաջ բերեալ օրինակին այնոմ երիվարի զոր
նկարեաց Ապեղէս . տես 'ի համարն 11 . բայց սակայն թե-
սաւրոս և այլուր երկրորդէ զյիշատակութիւն այսր նկարու
Պրաքսիտեղեայ :

96 . Ծրաքմանեայք էին կարծեցեալ խմաստունք չնդկաց
'ի կարգէ մերկիմաստակաց , քննիչք աստեղաց և որդիք աս-
տեղաքաշխից . զի կրկին ազդ մերկիմաստակաց ասին լինել ,
նորա որք ինքնակամ ընարութեամք փիլիսոփանային , Սամա-
նեանք անուանէին . խոկ որք իրը ժառանգորդ հայրենի խմա-
ստակիրութեան յաջորդութեամք իջեալ պարտղէին 'ի քննու-
թիւնս իրաց , Ծրաքմանեանք կոչէին , և սոքա յետինքս յուր-
վակի զանունն եեթ կրկին խմաստասիրութեան . և արդեամք
անխմաստք էին , ցոփակեացք , մարմնապարարք և պորտա-
բոյծք :

97 . Վասն ակամոյ կամօք հարկելոյ Ագամեմնոնի 'ի զոհել
զիփիւդինէ զդուստը իւր յիշեցաք վերագոյնդ 'ի համարն 44 :

98 . Պուդիկոս էր Սովիեստէս ոմն 'ի կովայ , մեծապէս
համբաւեալ 'ի մէջ Աթենացւոց : Սա շարագրեաց գիրք մի
յորում ընարական ստեղծաբանութեամք առաջի արար զայն
նմանութիւն զոր յառաջ բերէ հեղինակս , իրը զի նկարա-
գրեաց զդիւցազն չերակլէս իբրու վարանեալ 'ի վերայ երկ-
շաւիղ պողոտայի կամ փողոցի բաժանելոյ յերկուս առաջ

որոց մին ընդ զառ 'ի վեր տանէր , այն է դժուարակոխ ճանապարհ առաքինութեան . և միւսն ընդ զառ 'ի վայր , այն է հաճոյք մարմնոյ կամ հեշտութիւնն , յոր ինքնին միտէ բնութիւնն : Առաքինութիւնն իբրև օրիորդ համեստ յորդորէր զնա գնալ ընդ իւր ճանապարհ . և ընդ հակառակն՝ հեշտութիւնն լինեալ հրապուրէր զնա գալ զինի իւր . այլ հուսկ յետոյ քաջն չերակլէս՝ որ ցուցանէ զանձն առաքինասէր , սիրեաց ասէ զառաքինութիւն և անդոսնեաց զհեշտութիւնն :

99. Դիդէ որ և Եղիսա կոչի , էր գուստը Կաքքեդոնի կամ բեղոսի արքային Տիւրոսի առւեալ 'ի կնութիւն Ակերքայ կամ Սիխեայ ընչաւետ քրմի . և եղև 'ի թագաւորէլ Պիւգմալիոնի Եղբօրն Դիդեայ , իբրև սպան նա զքեռայր իւր առ 'ի ժառանգել զհարստութիւնս նորա , Դիդէ այրի մնացեալ էառ զթագուցեալ ինչս առն իւրոյ , և մեկնեցաւ 'ի Կիսլոս , և ապա էանց յԱփրիկէ . ուր շնեաց զհոյակապ քաղաքն Կաքքեդոն . և արարեալ այլ ևս բազում շնութիւնս և կարդաւորութիւնս նստաւ անդ իբր դշխոյ զօրաւոր : Եւ իբրև տարածեցաւ անուն նորա ընդ ամենայն տեղիս , պատգամ յղեաց առ նա Յարսկաս թագաւորն Մաքոխտանացւոց ամուսնալ ընդ իւր . ապա թէ ոչ առէ , ելից ծանր պատերազմաւ 'ի վերայ քո : Իսկ Դիդէ որ 'ի սէր վախճանեալ առն իւրոյ առաջնոյ 'ի սուդ էր համարակալ զամենայն աւուրս , և հաստատեալ էր 'ի մաի չլինել առն այլում , իբրև լուաւ զայսակիսի պատգամ , սկսաւ յոգւոց հանել և լալ դառնադին : Ճամադիր եղև յետ երից ամսոց տալ պատասխանի բանից արքային . և ինքն լուծեալ լքեալ 'ի խորհուրդս իւր՝ ետ կանդնել 'ի մի կողմն քաղաքին փայտակոյտ մեծ . և 'ի խարոյկ անդնութիրեաց զոհս բազումս 'ի պատիւ առն իւրոյ քրմի . և ապա առեալ սուր 'ի ձեռս ել անձամբ 'ի վերայ խարուկին յանդիման ամենայն բազմութեան . և առէ ցնոսա . Ահա գնամ ես առ այր իմ , որպէս եղև ինձ հրաման . և անդէն սպան զանձն սրով , և այրեցաւ 'ի մէջ բոցոյն : Այլ ծանիր զի թեսաւրոս աստանօր զհետ գնայ ստեղծաբանութեանցն Ակրգիլիոսի լատին բանաստեղծի , որ փոխանակ Յարսկասայ արքային Մաքոխտանացւոց դնէ զԵնէաս Տրոյացի զեկեալն յարեմուտս , և Ճոխագոյնս նկարագրէ յԵնէականին (Դ) թէ զիարդ բանս եղ Դիդէ ընդ Ենէասայ լինել նմա կին , և այնուհետև կասեցաւ 'ի դործոց շնութեան : Եւ ահա նոյն իսկ համառօտ ոտանաւորն յառաջ բերեալ 'ի հեղինակէս , առեալ է յընդարձակ բանից անտի Ակրգիլիոսի : Բայց սակայն ըստ ստոյդ սլատմութեանց , առումն Տրովադայ՝ առ որով էր Ենէաս , բազում ամօք յառաջ էր քան զշնութիւն Կաքքեդոնի 'ի Դիդեայ : Յայս հայի և ասելն Եւսեբեայ 'ի քրոնիկոն կանոնի , յաւուրս

Դաւթի արքայի . “Կարքեդոն շինեցաւ ըստ ոմանց ’ի կարքեդոնէ Տիւրացւոյ . և ըստ այլոց ’ի Դիդեայ նորին դստերէ , յետոյ քան զՏրովացւոց իրքն ՃԽԳ ամօք , , , զոր այլք ընթեռնուն ՃԽԳ ամօք :

100 • Եւագնէ որ ասի լինել դուստր Արեսի ծնեալ ’ի թեքեայ կիոջէն Ասովալոսի , տուաւ ’ի կնութիւն կապանէոսի քաջ զօրավարին Արգիացւոց : Սա այնչափ սիրէր զայր իւր , մինչև ’ի լսելն զմեռանիլ նորա ’ի սկատերազմի ’ի կողմանս թեքայեցւոց , ցնորեալ անկաւ ’ի մտաց . և իբրև բերաւ մարմին առն նորա , զի այրեսցի հրապարակաւ իբր ’ի նշանակ սկատուաւոր թաղման , Եւագնէ զգեցաւ հանդերձ հարսանեաց , և էարկ զանձն ’ի նոյն բորբոքեալ խարոյկ , որպէս զի գէթ մոխիր ոսկերաց իւրոց միասցի ընդ ոսկերս առն իւրոյ . և մի զաացի ’ի նմանէ ’ի մահու , ընդ որում միացեալ էր ամենայն սիրով ’ի կենդանութեան : Խոկ Պղոտիոս էր իշխան ոմն Հռովմայեցի , որ հրամանաւ ծերակուտին խաղացոյց յԱսիա վաճառուն նաւս պատերազմի , և կին նորա Որեստիզզա ընդ նմա . և եղե իբրև հասին ’ի Տարենտոն , անդ ծանրացեալ կինն ’ի խօթութենէ մեռաւ : Յորոյ վերայ սուդ մեծ էառ այր նորա , և ապա ինքնին օծեալ զմարմին նորա պատրաստեաց զհանգէս այրման նորին ’ի խարոյկ , և առ սաստիկ սիրոյն որ առնա , մերձ եղե ’ի փայտակոյտ անդր , և մխեալ զսուրն ’ի կողս իւր չոքաւ զիւրովի : Յայնժամ առեալ զնա բարեկամաց նորին եղին ’ի վերայ նոյն խարուկի հանդերձ զինուքն , որպէս և էր զինեալ ամենայն զինուորական զարդուք . և ապա հուրմատուցեալ այրեցին ’ի միասին զերկոցունց լծակցաց զմարմինս : Ուր արժան է գիտել , զի զգործ սոցա գովութեամբ Ճառագրէ թեսաւրոս լոկ ըստ բարի կատարեալ սիրելութեան , զոր անկ է ունել լծակցաց առ միմեանս , այլ ոչ ըստ անկարգ եղանակին որով զանձինս մահացուցին յումապէտս ’ի սէր իրերաց . քանզի մահ բերել անձին վասն սիրելոյն , ոչ զանձն է սիրել , որում նախ է ամենայն ոք պարտական , և ոչ զընկերն (որում ինչ ոչ օգտէ) , այլ է անմտութիւն գլխովին , կամ կուրութիւն սիրոյ : Վասն որոյ և հեղինակս զայս անկարգ գործ հեթանոսական յառաջ բերէ միայն ’ի նշանակ սաստկութեան սիրոյն , զոր ունեին լծակիցք ’ի կենդանութեան իրերաց :

101 • Փիլոքսենոս , որ Թարգմանի օտարասէր կամ հիւրասէր , եղե անուն այլ և այլ որկորաժէտ անձանց . յորս առաւել գտաւ Փիլոքսենոս կիւթեւացի որդի Եռիւքսիդեայ , մականուանեալն Քիւիիւիս (Զկնասէր) : Սա ըստ գրելոց Արիստոտելի ’ի բարոյական գիրս , մոլեալ զհետ համառութեան

կերակրոց ասէր. Երանի՛ թէ երկայնաձիդ լինէր իմ որկոր քան զալարանոց կռնկան, առ ՚ի կարող լինելոյ երկարագոյնս վայելել զհամեղութիւն ճաշակաց: Պատուիրէր որդւոյ իւրում գնել աղնիւ կերակուրս. և յասել մանկանն թէ թանկադին է այն ինչ ուտելի, տայր պատասխանի. Այնչափ քաղցր լինի ՚ի կոկորդս իմ, որչափ թանկ գնեցից: Խրատ տայր խահարաբին զի ջերաջերմ բերցէ զկերակուրս ՚ի սեղան, մինչեւ չկարել այլոց ուտել. և այն ինչ սպասէին բաղմականք զի փոքր մի հովասցի կերակուրն, նա իսկ և իսկ լափէր զամենայնն. և նոքա զարմացեալ հայէին ընդ երեսս նորա: Երբեմն ևս այնչափ մոլեգին յարձակէր ՚ի խորտիկս, մինչեւ միսէլ ՚ի ներքս և զռնդունս իւր. յորմէ տաղտկացեալ սեղանակցաց յետս կային ՚ի սկտեղէ անտի, և նմա միայնոյ մնայր ամենայն:

102. Յունական հուր կոչիւր արուեստական ինչ նիւթ հնարեալ ՚ի նախնեաց առ ՚ի սէտս ծովային պատերազմաց, զոր արծարծեալ ձգէին ՚ի ծով. որ և առաւել բորբոքեալ ՚ի մէջ ջրոյ բոցավառ տոչորէր զնաւս թշնամեաց, և դժուարին էր շիջուցանել զայն. զի ՚ի փչելն ՚ի նա կամ ՚ի շնչել հողմոյ՝ առաւել սաստկանայր, և ջրով ոչ յաղթահարէր: Այլ այս գիւտ բարձաւ յետոյ ՚ի միջոյ: Իսկ մոլի հուր կոչի վառումն իւղային գոլորշեաց յօդս ՚ի վերայ գերեզմանաց և ՚ի վերայ մարմնոց կախելոց զփայտէ. և ասացաւ մոլի վասն յայսկոյս յայնկոյս շրջըթելոյ ՚ի շարժութենէ օդոյն. զի թէ ոք զհետ նորա ընթասցի, ՚ի բաց խուսափէ մշանօք օդոյն. և թէ ոք ՚ի բաց հեռասցի՝ նա զկնի գայ վասն օդոյն յայնկոյս ձգելոյ:

103. Ի միտ առ և աստ թէ զիարդ համառօտ բանիւ գեղեցիկ արտայայտէ թեսաւրոս զգերազանցութիւն քրիստոնէական կուսակրօնութեան: Ախորժէր արդեօք երկարագոյնս ճառել զգովութենէ նորա, բայց քանզի գիտումն իւր յայս գիրս է խօսիլ միայն զբարոյական բարեխառնութենէ որչափ ինչ լուսով բանի ճառեցին զնմանէ փիլսոփայք, շատ համարի կարծ՝ ՚ի կարծոյ անցանել զմիւսովն, յուշ արարեալ թէ կամաւոր ժուժկալութիւն քրիստոնէից ՚ի վեր էր քան զտեսութիւն արտաքին փիլսոփայից:

Ծանօթորիւնը՝ ի վեցերորդ գիր:

104. Վերտումնոս էր Աստուած ոմն առ Հռովմայեցիս, որ յամենայն կերպարանս յեղափոխէր ասեն զանձն, որպէս կերպարանափոխն Պրոտէոս առ Յոյնս։ Բազում են առաս-սլելք որ զսմանէ, և բազմօրինակ մեկնաբանութիւնք բանա-ստեղծից։ Իսկ բան Թեսաւրոսի հայի յայն, զի ասի թէ կամե-ցեալ Վերտումնոսի հաճոյ լինել յաջ միոյ ՚ի յաւերժա-հարսանց որ կոչիւր Պոմոնա, եմուտ՚ի պարտէզ նորա, և յայլ և այլ կերպարանս երեւցոյց զանձն։ զի գէթ ընդ միով կեր-պարանաւ սիրեսցի ՚ի նմանէ։ Ճեացաւ ասեն ՚ի կերպարանս երկրագործի, հնձողի, այգեպանի և ծերունւոյ։ Եւ զի Պո-մոնա ծագի ՚ի բառէս բանակ՝ որ է խնձոր կամ պառուղ, ուղիղ մեկնաբանեն ոմանք ասելով, թէ Աստուածն անուանեալ Վերտումնոս այլայլափոխ՝ ոչ այլ ինչ էր, եթէ ոչ նկարա-գրութիւն չորից եղանակաց տարւոյն, որ պէսպիսանայ ըստ ժամանակին առ ՚ի հասուցանել զպտուղս երկրի և շատացու-ցանել զմարդիկ։ Վասն որոյ Վերտումնոս իբրև երկրագործ՝ նշանակէ զգարուն, իբրև հնձող՝ զամառն, իբրև այգեպան կամ կթող խաղողոյ՝ զաշուն, և իբրև ծերունի անշքացեալ և ալեորեալ՝ զձմեռն։

105. Ստուգի օրինակ Թեսաւրոսի ըստ երկաքանչիւր կար-ծեաց ևս։ իբր զի եթէ ըստ նախնեաց ոմանց գիցին ՚ի յատակս ծովու ստորերկրեայ անցք ջրոց, և ՚ի նոցունց լինիցին աղբե-րակունք յորոց բղնեն գետք, և թէ ըստ արդեաց ոչ գիցին այնպիսի անցք, այլ լոկ ՚ի գոլորշեաց ելելոց յերեսաց ծովու և յամապացելոց՝ եկաւորութեամբ անձրեաց անպակաս մնաս-ցեն լիձք և բղնմունք աղբերաց և գետոց, ըստ երկուց կար-ծեաց իսկ ծրմն է աղբիւր աղբերաց և գետոց։ կամ է շտե-մարան աղբերականց, յորոց բղնեն գետք։ որպէս և գետք անդրէն հոսեն ՚ի ծով անդր։

106. Պրոտէոս որդի անուանեալ Ովկիանոսի, համարիւր մի յաստուածոց ծովու՝ արածող ծովային որթուց։ էր ասեն գուշակ ապագայից, այլ չտայր ստոյգ պատգամ եթէ չլինէր կապեալ և ստիպեալ բռնութեամբ։ բայց դժուարին էր ու-նել զնա։ զի ոչ միայն երագ փախչէր, այլև կերպարանափո-խութեամբ անյայտացուցանէր զանձն այլափոխեալ ըստ հա-ճոյս յայլ և այլ կերպարանս մարդկան և անասնոց, չնչաւո-

բաց և անշունչ տարերաց . զորմէ բազում են բանք առասպել արկուաց . և են որք կարծեն զսա նոյն լինել ընդ նախասացեալ Աւրատումնոսի : Այլ ըստ Դիոգորոսի Սեկիլիացւոյ Պրոտեստիւն կրել յառաջոյ կողմն թագի կամ սաղաւարտի ազգի ազգի զարդս փողփողեալս . զի երբեմն առիւծաձև առներ զայս նշան , և երբեմն վիշապաձև . է զի սաղարթազարդ կամ փեարտուոր , և է զի հրակերպ կամ բոցատերե , առ ահաւոր և փառացի երեւելոյ յաճս տեսողաց : Եւ զի սա ընդարձակեաց զտէրութիւն իւր ընդ ծովակողմն , վասն որոյ և իշխան ծովու կամ Աստուած ծովային համարեցաւ : Յիշէ զսա Կոննոս յասելն , թէ յորժամ երկոքին որդիք նորա Մոզոն և Տեղագունոս յաւազակութեան լմբոնեալ սպանան 'ի Հերակլեայ , “ Սդացեալ Պրովտես վասն սպանման զաւակացն իւրոց ընկեաց զանձն իւր 'ի ծով . զոր անմահացուցին աստուածքն ողորմելով նմա , և եղեալ դև ծովային եկն բնակեցաւ 'ի Փարոս կղզոջ . . . այլ տոմի զՊրովտեայ կերպափոխիլ առ հանդիպեալսն պէսապէս , բայց 'ի սպիտակէ ,, : Եւ դարձեալ այլուր գրէ զնմանէ . “ Լիներ վախակերպեալ առ մերձաւորան , զի՞ մի հայցեսցի դիւթութիւնս ասել և նախագիտութիւնս ,, . և յանուն սորա Փարոս կղզին կոչեցաւ առէ Պրովտեան կղզի : Այլ զոր ասէ Թեսաւրոս վասն յաջորդին Դարեհի՝ իմանայ զՔսերքսէս առաջին զարքայն Պարսից . նմին իրի և 'ի ստորե բացարձակ ծանուցանէ թէ յիշեցաք վերագոյն զՔսերքսէս : Արդ կոչէ զնա յաջորդ ատելութեան Դարեհի . զի Դարեհ թշնամութիւն մեծ ուներ ընդ Յոյնս , և պատրաստեալ էր ելանել ընդգեմ նոցա 'ի պատերազմ . այլ իբրև եհաս նմա վախճան , յաջորդ նորին Քսերքսէս 'ի գործ եղ զայս պատերազմ տշխարհագումար ամբոխիւ զօրաց ընդ ծով և ընդ ցամաց . ձգեաց և նաւակամուրջ 'ի վերայ ծովուն Հելեսպոնտակայ , և անցոյց զզօրոս : Եւ եղէ իբրև 'ի պարառութիւն մատնեցաւ յերեսաց Յունաց , առ զայրոյթ սրտի կամելով վրէժ առնուլ յաստուծոյն ծովու 'ի Պրոտէոսէ՝ վասն չյաջողելոյ նորա զծովային պատերազմ մեծ , ընկէց 'ի ծով ոտնակապս որպէս թէ կապէլ զաստուածն 'ի շղթայս , կամ ծառայեցուցանել զծով . թէպէտ և ոսկի արար զոտնակապսն 'ի պատիւ աստուծոյն : Յիշէ զայս և Արքիանոս 'ի գիրս արշաւանացն Աղեքսանդրի Մակեդոնացւոյ , յասելն . “ Ոմանք ասացին , թէ Աղեքսանդր հրամայեալ իցէ քանդել զմեհեան Ասկղեպիոսի որ յԵկետատան . բայց և այս գործ է բարբարոսական , և ոչ իւիք յանկաւոր Աղեքսանդրի . այլ յաւէտ 'ի գէպ գայ ամպարշտութեանն Քսերքսէայ առ դիս , և ոտնակապից նորա զորս ընկէց նա ասեն 'ի Հելեսպոնտոս առ 'ի վրէժ ինդրելոյ ,, : Եւ Սենեկա ասէ 'ի գիրսն յլ . հաստատութեան

իմաստնոյ. “ Զիանդ թուի քեզ, յորժամ խակամիտ արքայն բաղմութեամբ նեաից ստուերացոյց զլոյս տունջեան, միթէ գծեաց ինչ նետ արեու. և կամ յարկանել նորա շղթայս ’ի խորս ծովու, կարմղ ինչ եղև պրկել զՊոսիդոն :

107. Հեստերեան դարաստան, կամ պարտեզ Եսպերիգեայց է այն զոր յիշէ խորենացին յաշխարհագրութեան իւրում, և կոչէ “ Երեկորնական պարտեզս ,,: Այս տեղի ըստ առասպելաց էառ զանուն յերից օրիորդաց, որք անուանէին Եդղէ, Արեթուսա և Իպերթուսա կամ Եսպերեթուսա, դստելք Եսպերայ (երեկոյի) և Նիւկաեայ (գիշերոյ): Եր սոցա ասեն դրախտ զուարձալի յԱփրիկէ, ուր կային ծառատունիք ոսկեսկառուղք. կամ որոյ ծառքն բերէին ոսկի խնձորս. և զի մի ոք մերձ լիցի ’ի պտուղ ծառոցն այնոցիկ, կարգեալ էր ’ի պահպանութիւն դրախտին վիշտապ օձ մի ահագին բազմագլխի և բազմաբարբառ, միշտ արթուն զտիւ և զգիշեր: Այլ քաջն Հերակլէս եմուտ ասեն անդը հրամանաւ Եւրիսթեայ արքային Միկենաց . և սպանեալ զվիշտապն երեր զոսկի խնձորս առ արքայ : Ոմանիք ևս ասեն թէ որովհետեւ յունական բառո մէլքն, որ է խնձոր, նշանակէ երբեմն և խաշինս կամ ոշխարս, փոխանակ ասելոյ թէ Հերակլէս յԱփրիկոյ երեր ’ի Յունատան զիսաշինս որք ունեին ասր ծիրանեգոյն, ասացաւ յառասպելս թէ ոսկի խնձորս իցէ բերեալ: Խոկ այլք այլ և այլ օրինակաւ մեկնաբանեն զայս ամենայն . որպէս և ոմանիք կարծեն ինչ ինչ խառնեալ յայսոսիկ և ’ի պատմութեանց դրախտին Ագինայ :

108. Պոմոնա, որպէս վերագոյնդ յիշատակեցաւ, ծագեալ ’ի լաաին բառէս բօնուս, այն է խնձոր կամ պառող, էր անուն միոյ յառասպելեալ յաւերժահարսանց, որ համարիւր իբրև աստուածուհի սլտղոց իշխել պտղաբեր ծառոց, որոյ և մեհեանն կայր ’ի Հռովմ. և քուրմ նորա ըստ ժամանակին զոհէր նմա զի տացէ պտղաբերութիւն երկրի . արձաննորա դրօշեալ լինէր իբրև կին նստեալ ’ի վերայ պտղալից կողովոյ ունելով ’ի ձեռին պտուղս և ոստոս ’ի ծառոց: Կոյնակէս և Փլորա համարիւր աստուածուհի ծաղկանց, այլ ըստ Հելլենացւոց կոչիւր խօսիս (կանաչ), և համարիւր իշխել ամենայն բուսոց: Սորա ևս գոյր առանձին մեհեան ’ի Հռովմ, և գրօշեալ լինէր իբրև կին ծաղկապսակ ունելով ’ի ձեռին անօթ ծաղկալից: Այլ բազում են զսմանէ բանիք առասպելաբանից . և մեծ էր հանգէսն՝ զոր առնէին հեթանոսք ’ի տօնի նորա անհամեստ սովորութեամբք :

109. Առասպելեալ աստուածն ստորայնոց կամ սանդա-

րապետն, որ և միանգամայն համարիւր Աստուած Ճոխութեանց, կրկնակի անուն ունէր առ Հելենացիս. մի՛ Աղէս որ թարգմանի դժոխք կամ դժոխական, և միւս ևս Պղուածն կամ Բաւծոն, այն է մեծատուն կամ Ճօխ. իբր զի ինչք և գանձք ոսկւոյ և արծաթոյ և ականց սկատուականաց՝ի ստորայնոց ելանեն, այս է 'ի ներքին ընդերաց հողոյ. յոր միտս և առ Ասորիս Մամոնայ կոչիւր աստուածն ընչից, և ինչքն Եւ էր մականուն այսր դից Ագեղայոս (անծաղը). զի սառընիք երկրի կամ դժոխք անմասն են յամենայն ծաղուց և յուրախութեանց: 'Նկարէին զսա այր խոժոռադէմ նստեալ 'ի կառս լծեալս 'ի չորից սեաւ երիվարաց, ունելով 'ի ձեռին երեքժանի և փականս դժոխոց. և էին արօտք երիվարաց նորա մարմինք մարդկան որք թաղին 'ի ծոց երկրի: Ի կարգի դից համարիւր, այլ ատելի էր ամենեցուն. ոչ կանգնէին ուրոյն տաճար կամ բագին յանուն նորա. և ոչ երգ ինչ յօրինէին 'ի սկատիւ նորա. և թէ ուրեք երբէք զոհէին նմա, միշտ սեաւ անասունս կամ ցուլս մատուցանէին. և զամենայն ձախող պատահարս և զգժբախտ գուշակութիւնս նմա ընծայէին: Ոմանիք 'ի վիտասանից ասեն զսա լինել մի յերից Տիառանեանց, որդի Կոռնոսի և եղբայր Արամազդայ և Պոսիդոնի. և եղեւ ասեն 'ի բաժանիլ թագաւորութեան հօր իւրեանց՝ երկինք վեճակեցաւ Արամազդայ, ծով Պոսիդոնի և ստորինք երկրի Պղուածնի. զի նա էր կրտսեր, այսինքն է՝ ասեն, առաջինն ափրեաց արեելեան կողմանց տէրութեան հօր իւրեանց թագաւորեալ 'ի Կրետէ. երկրորդն ափրեաց կղղեաց թագաւորեալ 'ի Պեղուպսնեսոս, և երրորդն ափրեաց ստորինք գաւառաց յարեւմտակողմն թագաւորեալ յԵպիոս: Որպէս և իցէ, այլ և այլ արձանիք Պղուածնի կային յԱթէնս. և անուն նորա առաւել առ Աթենացիս էր ծանուցեալ: Բայց են ոմանիք որք երկու Պղուածնս որոշեն, և զայլ և այլ անուանը նորա սկսապէս մեկնաբաննեն: Անուն սորա 'ի գիրս խորենացւոյն (բ. 62), կոչի Պղուածնէոս կամ Պղեատոնիոս. և 'ի թարգմանութեան բանից 'Նոննոսի գրի միշտ Պղատոն, փոխանակ գրելոյ Պղուածն:

110. Փաբրիկիոս Լոսկինոս էր ազնուական Հռովմայեցի, որդի մեծատան. այլ ինքն աղքատ կոչի, զի էր այր անպաշոյք գլխովին և աղքատութեան սիրող. որ ոչ թողոյր վարել 'ի տան անօթս ոսկեղենս և արծաթեղենս բաց 'ի քանի մի սպասուց 'ի սպաշտոն դից իւրոց, այլ սպատուանդան նոցին ևս եղջերեայ կաղմեալ: Եղեւ հիւպատոս իբր 280 ամօք յառաջ քան զՔրիստոս: Գնացեալ գեսպանութեամբ առ Պիւռոս արքայ պատուեցաւ 'ի նմանէ. և 'ի տալ նմա արքայի ինչս բազումն և պարգևս մեծամեծս չեառ ինչ բնաւին: Ելեալ 'ի

պատերազմ՝ ընդդեմ Սամիացւոց և ընդդեմ Պիւռոսի վանեալ նուաճեաց զնոսա, և զբժիշկն Պիւռոսի, որ խոստանայր Փաբրիկեայ դաւել զարքայ մահագեղով, կապեալ առաքեաց 'ի ձեռս տեառն իւրոյ: Իսկ Սամիացիք իբրև անկան ընդ ծառայութեամբ Փաբրիկիոսի, առաքեցին նմա ընծայս տասն տաղանդս ոսկւոյ, և հնդետասան տաղանդս արծաթոյ. Հանդերձ հնդետասան ծառայիւք 'ի սպաս նորա. այլ նա զամենայնն յետս դարձոյց ասելով. Եթէ միոյ միոյ 'ի հռովմայեցւոց բերէիք դոյնչափ, ընդունէի և ես. այլ ինձ միայնոյ և ոչ դանկ մի առնում: Իբրև կարգեցաւ Փաբրիկիոս քննիչ կամ դատաւոր ժողովրդեան, փոյթ կալաւ զի յամենեսին սպահեցի չափաւորութիւն, և մի ոք արասցէ աւելորդ ծախս 'ի սպէտս չքոյ. սմին իրի և մերժեաց 'ի դասէ սինկղիտոսաց ըզչուուփինոս հիւպատոս զայրն երևելի, զի շինել տուեալ էր նորա անօթ մի արծաթի 'ի տասն տաղանդոյ: Ի վախճանի իբրև մեռաւ, այնչափ անինչ դտաւ, մինչև առ ամուսնացուցանելոյ զդստերս նորա հարկ եղեւ ծերակուտին 'ի հասարակաց արկեղէ սպատրաստել զօժիաս նոցա:

111. Սա ինքն է Ապեղէս անուանի նկարիչն յաւուրո Աղեքսանդրի մեծի, յիշատակեալն 'ի մէջ 'ի համարն 11: Յորում ժամանակի էր և Արկեսիզայոս փիլիսոփայ 'ի Պիտանայ առաջնորդ աղանդոյն իմաստասիրաց Երկրորդ Ակադեմեան կոչեցելոց, որք զամենայն ինչ անստոյդ ասէին լինել, և անհնար համարէին որոշել զստոյդն 'ի ստոյ: Սա ինքն Արկեսիզայոս էր այր քաղցրաբարոյ, բարեկամատէր և առատաձեռն. որպէս և ընդ խաղս եցոյց Ապեղէսի զառատաձեռնութիւն իւր հնարիւք իմն դնելով ընդ սնարիւք նորա քսակ լի ոսկւով: Էր նաև դրասէր յոյժ. մինչև ասել թէ յորժամ ընթեռնում զգրուածս երևելի արանց, և մանաւանդ զհոմերոսին, այնչափ քաղցրանամ, որպէս թէ ընդ սիրելի ումեք բարեկամի խօսակից լինէի անյագ սիրով: Զառաջիկայ դործ Արկեսիզայոսի 'ի մէջ բերէ Սենեկա (յԲ. գիրս բարերարութեանց, գլ. ժ). “ Արկեսիզայոս, որպէս ասեն, 'ի տես երթեալ բարեկամի իւրոյ աղքատի, որ առ ամօթոյ ծածկէր զիւր աղքատութիւն, և 'ի հիւանդութեան իսկ չիշխէր ասել զչքաւորութիւն անձին 'ի պէտս կարեորս, բարւոք համարելով լոխիկ նմին նպաստել զանխուլ սպրդեցոյց զքսակն ընդ մնարս նորա. որպէս զի այրն տառապեալ որ 'ի զուր ամաչէր, յաւէտ դտցէ քան թէ առցէ՝ որում կարօտէր »: Ապա 'ի վերայ բերէ. “ Եւ չէ ինչ թէ անդէտ լիցի որ էառն թէ յում մէ էառ. նախ զի և այդ իսկ դործ է երախտեաց . . . և միւս ևս, թող չգիտասցէ նա թէ էառ, շատ է այն զի ես դիտեմ զոր ետու . . . Պարտ է շատանալ անձին վկայութեամբ. ապա

թէ ոչ, յայտ առնես թէ ոչ բարերարել, այլ բարերար եւ ընկիւ խնդրես , :

112. Փիլոկտետ որդի Պէտասայ էր մին յԱրգոնաւորդաց մտերիմ բարեկամ քաջին Հերակլեայ : Արդ ասի յառասպելս, թէ Հերակլէս 'ի մեռանիւ իւրում երդմնեցոյց զՓիլոկտետ ցյայտնել ումեք զտեղի ոսկերաց իւրոց . և ետ նմա 'ի յիշատակ պարգևի զկապարձ իւր, յորում կային նետք դեղեալք լեղեաւ հիդրայի կամ մլսեալք յարիւն նորա : Եւ եղել յորժամ ել պատգամ 'ի դեղփեանն Ապողոնէ առ Յոյնս, թէ առ 'ի կարող լինելոյ կործանել զՏրոյա պէտք են նետից Հերակլեայ, եկեալ Յունաց հարցանէին զՓիլոկտետէս . Ո՞ւր թաղեցաւ Հերակլէս, և ո՞ւր իցէ կատարձ նորա : Իսկ նա թէ պէտև յօժարէր լնուլ զլսնդիր նոցա, բայց վասն երդմանն չկամեցաւ բերանով ասել զտեղի գերեզմանին, այլ ժխտեալ թէ ոչ դիտեմ, եհար միով ոտամբ զգետինն յորում էին ու կերք Հերակլեայ : Եւ վասն կապարձին խոստովան եղել թէ առ իս է . այլ չկարէ ոք ասէ ձգել զնետս նորա բաց յինէն . վասն որոյ առեալ Յունաց զՓիլոկտետ կամէին տանել 'ի Տրոյիա : Այլ յանցանել նոցա ընդ Լեմնոս կղզի, իբրև փորձել կամեցաւ Փիլոկտետ զնետաձգութիւն իւր, առ անվարժութեան նորա սահեալ նետին խոցեաց զոտս նորա, որով ցուցեալ էր զգերեզման Հերակլեայ . և անկեալ հիւանդագին չկարաց գնալ յո՛ դէմ եգեալն էր . մինչեւ զկինի ժամանակաց եկեալ Ոդիսեայ՝ տարաւ զնա : Եւ յետ առման Տրոյիոյ էանց ասեն Փիլոկտետ յարեմաւս, և եկեալ 'ի Կալաբրիա՝ շինեաց զՊետիզիա : Բայց ըստ Հոմերոսի՝ ոչ եթէ 'ի նետէ խոցեցաւ Փիլոկտետ, այլ 'ի թունաւոր զեռնոյ, կամ 'ի ջրային օձէ :

113. Սա ինքն է Կրատէս Թերայեցի, որդի Ասկոնդեայ և աշակերտ Դիոգինեայ, փիլսոփայ նշանաւոր . որ զամենայն ինչո իւր ընկէց ասեն 'ի ծով առ աղատօրէն բերիւ յիմաստասիրութիւն : Այլք ասեն թէ ետ զգոյս իւր 'ի ձեռս աւանդապահի ուրումն կամ սեղանաւորի, այսու դաշտմք զի եթէ որդիք իւր անիմաստ գտանիցին, դարձուսցէ զամենայնն 'ի ձեռս նոցա . ապա թէ իմաստառնք լինիցին՝ քեզ լիցի ասէ ամենայնն . զի եթէ իմաստասէրք գտանիցին նոքա, ոչ ինչ սկիտոյ են նոցա ինչք : Իսկ 'Սոննոս այսպէս պատմէ զիրսն . « Կրատէս Թերայեցի՝ էր Բիովացի ազգաւ . սա կամեցեալ իմաստասիրել ըստ նշանակի իմաստասիրութեան, առեալ զգոյս իւր ընկէց 'ի հանդէսն, բողոքելով այսպէս . Կրատէս արձակեմ զոր ինչ Կրատեսիս են, զի մի յաղթեսցէն Կրատեսի գոյքս Կրատեսի . և թողացոյց զվայրս իւր լինել միլօքուտք . և միլօքուտ է վայրն ուր արձակեալ լինին ոչ

խարբն՝ ի ճարակս. քանզի միլօ զոշարն է ասացեալ չոմերոս. աստուստ և միլաճարակը են հովիւք, և միլովտ է մորթոշարին,,,: Զայս յետին բանքս՝ որք հային առ բառս մէջ, յայն սակս օրինակեցաք աստ, զի օդտեն առ իմաստ ասացելոց ՚ի համարն 107: Կայ և այլ ոմն կրատէս անուն փիլիսոփայ Ակադեմեան, որոյ աշակերտ եղեւ ասեն Սրկեսիզայսոս, զոր փոքր մի յառաջ յիշեցաք: Իսկ վասն Քոերքսեայ թէ զիանդ ոտնակաստ ոսկի ընկեց ՚ի ծով, ասացաւ ՚ի համարն 106:

114. Իմաստ բանին կախեալ է զատուգաբանութենէ անուանն Դիոսի. զի Դիոս ըստ իտալացւոց ասի ճիօ՛՛, իսկ ճիօ՛՛ նշանակէ օգնէ: ‘Նոյնապէս է և ՚ի Լատինս, զի զԴիոս (՚ի սեռական հոլովին) կոչեն Եօ՛՛. և Եօ՛՛ է օգնէ: ‘Նովին մտօք մեկնաբանեն և զանունս Եռ-Բիու-ընծայեալ Դիոսի (յուղականն), այսինքն է ասեն Եռ-կանս բարեկա, այն է օգնող հայր. որպէս և զհերա զիին Դիոսի որ և իրա կամ իւա, անուանեն Եռ-նօ, և իտալացիք ճիռանձնէ. որ և համարի աստուածուհի օդնականութեան նեղելոց ՚ի մարտի. կամ յաղթութեանց պատերազմի, ևս և Ճոխութեանց և տարգեաց: Արդ մեզ հարկ եղեւ պահէլ զատուգաբանութիւն հնարել ըստ հայումն. զոր օրինակ, թէ Դիոս դիզէ զտարգես կամ դիեցուցանէ զկարսուք նոր ինչ ստուգաբանութիւն հնարել ըստ հայումն. զի հարկեսցուք նոր ինչ ստուգաբանութիւն հնարել ըստ հայումն. զի առ Յոյնս Դիոսն անուանի Զես կամ Տես, որոյ սեռականն լինի պիօն. որ ՚ի մեզ փոխանակ ուղղականի վարի: Իսկ ըստ հասարակ գործածութեան՝ որ ՚ի դիրս նախնեաց, կոչենոյնն Արամազդ. այն է որ ըստ տարսկականին գրի երբեմն Որմիզդ կամ Որմըզդ: Սա ինքն է Ներըովլթ հսկայն ըստ դրելոյ Յով հաննու իմաստասիրի ՚ի ճառն ընդդէմ Պաւղեկեանց. քանզի ասէ. “ Ըստ այսմ օրինակի Քաղդէացւոցն տեսեալ զտիտանեանն զայն վիթիսարի և աշխոյժ . . . զգերամբարձեալն մարմնոյն տրամադրութեամբ՝ աստուածօրէն իմն պատուով պատուեցին. և սորա խաւար չարապաշտութեանն զբոլոր տիեզերս ընդիւրե կալեալ կուրացոյց՝ ըստ իւրաքանչիւր լեզուաց այլաձեւով զնորա զանուն. Քուշացիք Ներըովլթ կոչելով, Բաբեզացիք Բէղ, Փղտացիք Բահազ, Եղղենացիք Դիոս, Պարսիկք Որմըզդ, Հայք Արամազդ,,,: Իսկ Կիկերոն բազում Դիոսս կամ Արամազդս ՚ի թիւ արկեալ ՚ի դիրսն յղ. բնութեան աստուածոց, ասէ (դ. 16). “ Հինդերորդ (Դիոս) ՚ի հնդիկս, որ Բէլ անուանի,,. իբր զի ըստ թուոյ քաջազանց կամ հսկայից որք անուն ստացան յայլ և այլ ժամանակս և ՚ի տեղիս, բազմացան և դիւցազունիք Դիոս կամ Արամազդ անուամբ. յոր միտս ասէ և խորենացին. (ս. 30). “ Բայց ըստ

գիւցազնութեանն կարծեաց հաւաստի է և ասելս մեր, ոչ
Արամազդ ոք, այլ 'ի կամեցողսն լինել Արամազդ, չորից ևս
ևս այլոց անուանեցելոց Արամազդ, յորոց մի է և կունդ ոմն
Արամազդ,,:

115. Մեկենաս կիշիոս էր 'ի զարմէ նախնի թագաւորացն
Տոսկանայ, այր ճոխ և զգօնամիտ, սիրեցեալ յոյժ յաջս Օ-
գոստոսի կայսեր և երեւելի 'ի տան նորա 'ի կարգէ ներքին
խորհրդականաց: Սա եղեւ տմենայնիւ խնամածու և պաշտպան
դիտնաւորաց ուսումնասիրաց և բանաստեղծից, և առաւել
ևս Վերգիլիոսի և Որատիոսի. զորս ընկալաւ 'ի սերտ բարե-
կամութիւն իւր, և 'ի նոցանէ ընկալաւ տաղս յօրինեալս յա-
նուն իւր: Եւ զի առատաձեռնէր սա գրասիրաց ինչս բաղումս
և պարգևս մեծամեծս, և յորդորէր 'ի սլիտանի գրութիւնս,
այսպիսի գործ սորա եղեւ յիշատակ մեծ առ չոտվմայեցիս,
մինչև այնուհետեւ զերեւելի սատարիչս ուսումնականաց Մե-
կենասս անուանել: Եւ ինքն իսկ Մեկենաս էր այր գրադէտ,
որ և յօրինեաց ասեն քանի մի գրուածս, այլ չերեխն այժմ
'ի միջի: Ըստ է այն զի մնաց անուն նորա գովութեամբ 'ի
գործս այլոց՝ որոց նա եղեւ սատար 'ի գրել:

116. Անունս Տիբերիոս յոմանց ստուգաբանի անագորոյն
կամ խիստ, հանելով 'ի յունական բառէս իւրիս, որ է անի-
րաւութիւն, հարստահարութիւն, ամբարտաւանութիւն,
թշնամանք և խստութիւն: Այլ թէ միտք թեսաւրոսի առ
այսպիսի ստուգաբանութիւն հայի արդեօք, և կամ առ սո-
վորական բարս Տիբերեայ կայսեր, չէ յայտ:

117. Գետ Լիւդիայ խմազնակտուլզոս անուն գետ 'ի Լիւ-
դացւոց աշխարհի, որ անցանէր առ Սարդիս քաղաքաւ կամ
ընդ մէջ քաղաքին. իսկ լեառն Միդայ կոչեցեալ թերես յա-
նուն ոսկեմոլ արքային Միդասայ, յայլոց կոչի Տմովլոս
լեառն Լիւդացւոց: Արդ որպէս գրէ չերոդոտոս 'ի լեռնէ
սատի իջաննէ ոսկի բաղում 'ի գետ անդր, նմին իրի և 'ի յա-
տակս նորա է աւաղ ոսկեխառն, կամ ոսկի աւաղ. զոր ժո-
ղովեն ըստ մասին բնակիչք երկրին. այլ բաղում մասամբ ևս
վարի ոսկին 'ի հոսանաց ջուրց 'ի Տմովլոս գետոյ 'ի չերմոս
գետ, որ անկանի 'ի ծով: Եւ գարձեալ նոյն հեղինակ ասէ
այլուր թէ Լիւդիա ոչ ինչ այլ ունի արժանի յիշատակի բաց
'ի հատուածոց ոսկւոյ, որ իջաննէն 'ի Տմովլոս լեռնէ: Բա-
նաստեղծք զՏմովլոս կոչեն լեառն քըքմաւէտ, և զՊակտու-
լզոս ոսկեբեր գետ Լիւդիական: Իսկ լերինք Արիմասպեայ ա-
սին զանուն յԱրիմասպեանց, որք են ազգ ինչ Սկիւթացւոց
'ի հիւսիսակողմն Եւրոպիոյ, կամ Սարմատացիք արևմտեանք

'ի սահմանս Մոսկովաց, արք աղեղնաւորք, կարծեցեալքն միականիք կամ ճակատակնեայք վասն խփելոյ զմի ակն 'ի նետաձգութեան առ ուղիղ դիտողութիւն նպատակի: Արդ որպէս աւանդէ Հերոդոտոս և Պլինիոս սոքա ստեղ կռուէին ընդ մըջնառիւծ գաղանս 'ի պատճառս հանքաց ոսկւոյ. զի մըջնառիւծքն փորեալ զմետաղս հանէին գիզէին զոսկին 'ի բացի, և պահէին զգուշութեամբ. իսկ Արխմասպեանք 'ի վերայ հասեալ 'ի տօթաժամու յորում գաղանքն յորջս իւրեանց դնային, առնուին զոսկին և երագոտն ուղտուք 'ի փախուստ գառնային. այլ սակայն շատ ևս այն էր զի գաղանքն զհոտ առեալ եկաւորութեան նոցա, կատաղաբար յարձակեին զկընի, և գէշագէշ պատառեալ զարսն հանդերձ ուղտուքն, անդրէն յետս դարձուցանէին զոսկին, բնաւոր իմն սիրով մոլեալ զհետ ոսկւոյն. այլ զայս ոմանքընդ անսայդո դասեն:

118. Եպամինոնդ այր իմաստուն և քաջ զօրավար Թերայեցւոց, զոր յիշեցաք 'ի համարն ՇՇ, յետ բազմապատիկ երախտեաց զոր եցոյց առ հայրենիս իւր, որով և սիրելի գտաւ յոյժ յաջս ամենեցուն, մեռաւ իբր անինչ. զի էր ատեցող ընչեց, և ոչ ինչ փոյթ տանէր ժողովելոյ զգանձս կամ փարթամացուցանելոյ զիւրսն. վասն որոյ և գանձ սորա կոչի լիքարեկամօք, այլ թափուր յընչեց: Իսկ Պաւսանիաս էր երեկելի զօրավար Լակեդեմոնացւոց. որ քաջութեամբ վանեալ զզօրս Քսելքսեայ արքային Պարսից ոչ միայն անուն մեծ ստացաւ. այլ և լցաւ փարթամութեամբ ընչեց. այլ յետոյ գտաւաճան գտեալ առ հայրենիս իւր բանս եղ ընդ Քսելքսեայ մատնել 'ի ձեռս նորա զտէրութիւն Սպարտիոյ, ելմէ տացէ ինքեան արքայ զդուստր իւր: Զայս իմացեալ իւրայոց սպանին զնա, և այսպէս թէպէտ և հարուստ մեռաւ, այլ ատելի հայրենեաց իւրոց. սմին իրի և գանձ նորա կոչի լիք դրամօք թափուր 'ի բարեկամաց: Կայր և այլ ոմն Պաւսանիաս Մակեդոնացի, որ սպան զՓիլիպպոս արքայ, և յորդւոյ նորա յԱզեքսանդրէ մեծէ 'ի փայտի բեռնեցաւ. իսկ Ողիմապիաս արքայ Եպիուսայ դործակից մահուն Փիլիպպեայ եկեալ որտութեամբ 'ի լալ զՓիլիպպոս, գիշերայն թագ ոսկի եդ 'ի գլուխ Պաւսանեայ կախելոյն զփայտէ: Բայց բան թեսաւրոսի առ առաջինն հայի:

Ծանօթութիւնը յեօթներորդ գիրս :

119. Հոռոգովալէ կին Յրակացի էր ծառայակից Եսովազու, այսինքն աղախին նորին տեառն որում ծառայ լեալ էր Եսովազոս առասպելարկուն . Եղև նմին և գերեկից 'ի միասին վարեալ 'ի գերութիւն . այլ իբրև զերծաւ հառովալէ 'ի գերութենէ տուեալ զանձն 'ի գործս անարժանս, ժողովեաց չարեզք իւրովք գանձ բազում . մինչև կարող եղև շինել զմեծ ամբարտակ մի յԵգիպտառոս առաւել շքեղ քան զամենայն բըրգունս թագաւորացն Եգիպտացւոց . մանաւանդ թէ ըստ ասելոյ ոմանց եղև և թագուհի Եգիպտացւոց, լեալ կին Պսամմետիքոսի արքայի : Բայց են որք ստեն զայս ամենայն, և զմեծ ամբարտակն զայն որ համարեցաւ մի յեօթն սքանչելեաց աշխարհի, ընծայեն Միւկերինոսի արքային Եգիպտացւոց : Յաւսաւրոս զհետ երթայ բանից Պլինիոսի :

120. Զասացուածն Տիտոսի այլք այսովէս յիշատակեն . Տիտոս որդի Վեսպիանոսի էր այնչափ բարի, մինչ զի թէ յիշեր 'ի սեղանի ընթրեաց ոչ ումեք յայնմ աւուր բարի ինչ արարեալ, ասէր, սիրելք, զօրս զայս կորուսի :

121. Եօթն սքանչելիք տիեզերաց կամ եօթն հրաշք աշխարհի անուանեցան 'ի հնախօսից եօթնեակ հոյակապ կերտուածք կամ ամբարտակք մեծակառոյց և ահաւոր տեսլեամբ յայլ և այլ տեղիս : Արդ թէ ակէտ թիւ եօթանցն ամբողջ պահի 'ի վիպասանից, այլ ոմանք զայս և ոմանք զայն ինչ երկելի շինուած յօյն թիւ մուծանեն : Քանզի բազումք եօթներորդ դնեն զբուրաստանսն կախաղանեայ անուանեալս որ 'ի բարելոն, բարձրացեալ յօդս իբրև վերնայարկ ինչ սեամբք կալեալ 'ի չորից կողմանց, յորում կտյին և ծառատունկք և ջըրբուղիք : Յիշէ զայս Եւսեբիոս յառաջին գիրս ժամանակագրութեան, ուր յետ յառաջ բերելոյ զբանս Աբիւդենեայ, թէ զիարդ Նաբուգոդոնոսոր՝ զարքունիսն մատաղատունկանկովք ծառոց զարդարեաց, և անուն կոչեաց կախաղանաբուրաստանս,, , յարէ . “ Եւ մի ըստ միոջէ մեկնութիւն ընծայեցուցանէ (Աբիւդենոս) անուանելոյ կախաղանաւոր բուրաստանին . զոր ասէ և Յոյնք յանուանելոց յեօթն չքնաղ հրաշակերտիցն համարին,, : Այլք յաւէտ 'ի նոյն կարդ դասեն զշամիրամայ քարն միասլաղաղ բերեալ 'ի լերանց չայոց, և կանդնեալ իբրև կոթող 'ի բաբելոն . որոյ բարձրութիւնն

ասի հարիւր յիսուն ոտնաշափ, և լայնութիւնն քսանեցորս : Ըստ այլոց 'ի կարգի եօթն հրաշխ դնի կապիտոլեան տաճարն չուվմայ . թէատրոն ինչ 'ի չերակլիա շինեալ 'ի վերայ գլխոյ անդրւոյ միոյ . մեհեանն քարաշէն 'ի կիղեկոն , զորոց չէ տեղւոյս գրել : Ծառ լիցին յիշատակեալքն 'ի հեղենակէս հանգերձ համառօտ բացատրութեամբ իւրեանց յայլ և այլ տեղիս :

122. Պարծանքն արեգական վասն մի՞միայն գոլրյն ախորժալուր ձեւանայ յիտալականն վասն մերձաւորութեան ձայնիցս սէլէ և սօւ . որոց առաջննն է արեգակն , և երկրորդն միայն :

123. Բանաստեղծք զտեռողութիւն ժամանակի նմանեցուցանեն կռոնոսի Աստուծոյ՝ որկորեայ ծերունւոյ , որ ուտէր զիւր ծնունդս , իբր զի գործք 'ի ժամանակի եղեալք ժամանակաւ ծախին և սպառին : Արդ կամի ասել թէսսաւրոս , թէ գէթ հաստատուն գործս շինեսցէ մեծագործն , զի ժամանակն մի կարասցէ դիւրաւ ծախել և եղծանել զայն , այլ գժուարասցի 'ի ծասկել . որ է ասել լիցի գործ հաստապինդ և երկարատեւ : Ի գէալ գայնմանութիւնն յաւետ 'ի յունական բարբառ . զի ըստ Յունաց Գոծնոս է Աստուածն կռոնոս , և խոծնոս թարգմանի ժամանակ : Այլ կիկերոն քաջ յարմարէ զայն և 'ի լատին բարբառ վասն կոչելոյ լատինացւոց զկռոնոս Սադուռնուս , որպէս թէ ծագեալ 'ի բայէս Սադուռնոս , որ է յագեցուցանել կամ շատացուցանել . “ Դարձեալ և յայլ պատճառէ , այսինքն է 'ի բնախօսութենէ , յառաջ եկին բազմաթիւ հոյլք աստուածոց . որոց զգեցեալ զձև մարդկային նիւթ առասպելաց ընծայեցին բանաստեղծից , և ամենայն աւելորդապաշտութեամբք լցին զմարդկան կենցաղս . . . Որպէս Սատուռնոս համարեցան զնա լինել , որ զընթացս և ըզշըրջանս ամաց և ժամանակաց յանձին կրեսցէ . և այս այն Աստուածն է որ և առ չելքենացիս զնոյն անուն կրէ . քանզի կռոնոսդ անուն , որ նոյն է ընդ ձայնիս խոօնոս , զըափ ժամանակին յայտ առնէ : Իսկ Սատուռնոս կոչեցաւ , զի շատանայ ամօք , իբր զի յօդեն բանս զնմանէ որպէս թէ սովորեալ իցէ ուտել զիւր ծնունդս . վասն զի ամանակն ծախէ զմիջոցս ժամանակաց , և անյագաբար յագենայ ամօք անցելովք : Որ և կապեցաւ 'ի Դիոսէ , զի մի յանչափս երագեսցէ յընթացս , այլ կապեալ կայցէ ընդ դիրս աստեղաց , :

124. Լապիթք կամ Լապիթեայք էին ժողովուրդք թէտաղիոյ , այսինքն թէսսաղիայ գաւառի , մօտ յՈղիմպիոս լեառն և 'ի Լարիսսա քաղաք , առեալ զանուն 'ի Լապիթեայ դստե-

ըէն Ապողոնի : Արդ ըստ առասպելոց, 'ի ժամանակի հարանեաց Պէրիթոսի որդւոյ իքսիօնի արքային Լապիթաց, յարձակեցան կենտաւրոսք կորդել զչիպարոդամէ հարսն . վասն որոյ և գրգռեցաւ ալատերազմ մեծ ընդ Լապիթս և ընդ ձիացուլս . և եղեն բազում հեղմունք արեան . այլ հուսկ յետոյ 'ի պարտութիւն մասնեցան ձիացուլք յերեսաց քաջին հերակլի և թեսէոսի , որք էին գլխաւորք գնդին Լապիթաց : Յիշէ զայս Եւսեբիոս 'ի քրոնիկոն կանոնի յաւուրս թովզայ դատաւորին Երրայեցւոց , այսու օրէնակաւ : " Իշացլուց և Լապիթաց կոիւ : Իշացուլքն թեսազացւոց հեծեալք էին , որպէս պատմէ Պաղեփատոս յառաջնումն վասն անհաւատից , : Որպէս և Խորենացին 'ի պատմէլ անդ զկոռուիլն Տըրդաայ Բագրատունոյ ընդ Բակրոյ նահապեաի Ախոնեաց 'ի պատճառս 'Սազինիկ անուն կնոշ 'ի վերայ սեղանոյ , ասէ . (բ . 60) . " Եւ անդ էր տեսանել նոր զոմն Ոդիսես զՊենոպայ սեղեխն սատակելով , և կամ զԼապիթեայցն և զուշկապարկանցն կռիւս 'ի վերայ Պէրիթեայ հարսանեաց , :

125. 'Սիմֆարան թարգմանի հարսարան . այլ յառասպելարկուաց զրոյցս 'Սիմֆայք կոչին յաւերժահարսունք , որք համարին աստուածուհիք խրախութեանց , լուացմանց , աղբերականց , գետոց , անտառաց և ամենայն զուարճալի տեղեաց . ըստ նմին և նիմֆարանն կամ հարսարանն պէսպէս առեւտլինի 'ի բանաստեղծից : Խակ 'ի մասնաւորի չոռվմայեցիք տային զայս անուն երբեմն բաղանեաց կամ ջերմկաց , և երբեմն ջրմկաց կամ ստորերկրեայ անցից ջրոյ , և յաւետ ևս լուալեաց , ուր հաւաքին աղտեղութիւնք քաղաքի :

126. Կամի ասել թէ յաւուրս յետագայ կայսերաց 'ի բազմանալ կՃեայ շինուածոց 'ի չոռվմ , մեհեանն Դիոսի ոչ լոկ կՃեայ այլք ոսկեայ գլխովին երեկը . զի հետզհետէ զարդարէին զայն և ընուին փարթամութեամք ընծայատուութիւնք և յիշատակք ինքնակալացն չոռվմայեցւոց . և թէ երբէք մնասիւր 'ի կայծականց կամ յայլոց սկատահարաց , կրկին ևս նորոգէին հոյակապ զարգուք . և զի Դիոս համարիւր Աստուած շանթառաք , 'ի շանթահար լինել մեհենի նորա ասէին ռամիկք թէ Դիոս կամելով զի առաւել հոյակապ նորոգեսցի տաճար իւր , հրդեհեաց զհինն :

127. Միդաս էր ընչաւէտ և ոսկեսէր արքայ Փոխւգիոյ . վասն որոյ և յօրինակ բերի փարթամաց և արծաթասիրաց : Շատ լիցի յառաջ բերել զբանս 'Սոննոսի զնմանէ . " Մինդասս այս թագաւոր էր Փոխւգացոցն , և էր արծաթասէր յոյժ և ոսկէմոլ , որպէս և գործք նորա յայտնեն : Արդ ըզ

ձացաւ սա , թէ յոր ինչ և մերձեսցի ոսկի լինիցի . և կատարեցան իղձք սորա , և յոր ինչ և մերձենայր ձեռամբ կամ ըերանով , ոսկի լինէր . և այնպէս ամենայն ինչ նմաս ոսկի էր . այլ ուտել ոչ կարելով մահուամբ կորուսեալ լինէր . զի արւեալ նմա կերակուր ՚ի ձեռն բերանոյն ոսկիացեալ լինէր . վասն որոյ և ասլականեցաւ սովով : Այլ պատմեն այլք ոմանք , թէ հրաման առեալ եկեաց . և հրամանն էր այսպիսի ինչ . վարել զկաւսն , և ուր արգելցին կառքն՝ լինէլ քաղաք . և արար այնպէս , և շինեաց զշնկիւրիաս Գաղատացոց . քանզի խարիսխ երկաթի գետանաւի կառուցեալ ՚ի կառսն արգելաւ և առկայացոյց զՄինդաս . և այնպէս շինեցաւ քաղաքն , և կոչեցաւ Վճնկիւրիայ , որ թարգմանի խարիսխ , : Այլ այս ամենայն է մտացածին գիւտ բանաստեղծից , որպէս և յայտ է :

128 . Պանթէոն , թարգմանի ամենաստուածեան կամ ամենայն դից . նմին իրի և ՚ի թարգմանութեան Եւսեբեայ դնի ամենադիւժ թէնեան : Այսպէս կոչեցաւ տաճարն շինեալ ՚ի Մարկոսէ Ագրիպասայ ՚ի փեսայէն Օդոստոսի կայսեր ՚ի Հռովմ քաղաքի յանուն ամենայն աստուածոց . բոլորաձեւ կառուցեալ , մի ևեթ լուսամուտ ունելով ՚ի գագաթան . այն է որ յետոյ ՚ի ժամանակս քրիստոնէութեան սրբեալ նուիրեցաւ ՚ի պատիւ ամենայն սրբոց ճշմարտին Աստուածոյ :

129 . Այս յիմարական վառասիրութիւն սովորական ինչ եղեւ առ նախնի կայսերս զկնի Տիբերեայ . զի անպիտանք ոմանք ՚ի կենդանութեան զանձինս աստուածացուցանէին , և զայլս երեելիս յետ մահու ծերակոյտն ՚ի նոյն պատիւ գրէր : Որպէս է տեսանել ՚ի քրոնիկոնն Եւսեբեայ . ուր ասի . “ Գայիոս զանձն աստուածացոյց . . . Սինկղիտիկոսն վՃիռ պատգամաւորութեան տալով Տիտոս Աստուած անուանեցաւ . . . Սինկղիտոսն զՆերուաս Աստուած համարեցաւ . . . Սինկղիտոսն համարեցաւ զԱգրիանոս Աստուած , :

130 . Յառաջ բերեալն ՚ի սրբոյն Պօղոսէ բան կրետացւոյն մարդարէ անուանելոյ . “ Կը էպասիտ հանապաղասուաք , չարաճնիք , դատարկապորտք , , , (Տիտ . Ա . 12) . Է ասացուած Եպիմենիդեայ փիլիսոփայի , որ էր ՚ի գնոսոս կամ ՚ի Փեստոս քաղաքէ կրետայ կղղւոյն . և վասն մենակեաց առանձնութեան իւրոյ , և ՚ի ձեռն բազմապատիկ գրուածոց իւրոց զոր արար ստանաւոր չափմամբ , ստացեալ էր անուն մեծ առ կրետացիս իրը պատգամախօս ՚ի կողմանէ դից . մինչեւ կոչել վնա և Պղատոնի այր դիւցանման : Ասի թէ սա ՚ի մանկութեան վաստակեալ ննջեաց ՚ի քարանձաւի միում անընդհատ ամս իբր յիսուն :

131. Ափրոդիտէ կոչին աստ կանայք, որք խոտորեցուցին զսիրտ Օգոստեայ կայսեր ապողոնակերպ զգեստաւորելոյ խենեշանալ և շռայլել 'ի խրախճանս խնջուից յաղետալի ուահու անդ սովու:

Ծանօթուրիւնք յուրերորդ գիրս:

132. Այս փոխաբերութիւնք յարմարին յիտալականն առաւելապէս ըստ նմանաւոր գոլոյ բառից. զի քաւէ նշանակե ջահ, և քաւէ մանդաղ. ստալս սանդուղք, և ստոծ դպրոց. որպէս եթէ և մեք 'ի հայումն յարմարէսք այսալէս. ճշմարտութեան ջահ, երկբայութեան նահ. առաքինութեանց ստուդիա, և ջանք գիտութեանց անդունք:

133. Առաջիկայ անուանք պատուայ կամ վերտառութիւնք հային 'ի սովորութիւն արևմտեայց յաւէտ ըստ վիճակի յետին դարսց, զորմ՝ դժուարին է պահմամք նախկին նշանակութեան վերածել 'ի հայ. և մանաւանդ զբառդ սէրէնիդամ կամ սէրէնիսսինօ, որ է պարզութիւն օդոյ կամ ամենապարզ իբրև զօդ յստակ, ուր մեք եգաք վսեմ:

134. Ըստ առասպելաց Կերբերոս կամ Կերբեր անուանեալ շունն էր գաղան եռագլխի կարգեալ 'ի Պղուտոնէ սանդարապետէն պահապսն գրանց դժոխոց. որ սիրով ընդունէր ասեն զի ներքս եկեալսն, այլ չտայր թոյլ ումեք ելանել արտաքս. սա ֆալան զջերիթոս որ եկեալն էր 'ի յափշտակել զՊերսեփոնէ դուստր Դիոսի և Դիմետրէայ զյափշտակեալն 'ի Պղուտոնէ. գործակից էր Պերիթոսի և թեսևս, որ արգելու 'ի դժոխս. այլ զերծոյց զնա տսեն Հերակլէս և զկերբերոս կապեալ շղթայիւք նուաճեաց: Զայս ոմանք մեկնաբանեն այսալէս. Կերբերոս ասեն էր շուն Պղուտոնի արքային Եպիոսի կամ ստորին Ալբանիոյ, ուր գտանէին շունք ահագին, որպէս թէ եռապատիկ աւելի լինել քան զհասարակ շունս. և եղեւ յորժամ թեսևս ըմբռնեցաւ 'ի կտանս Պղուտոնի արքայի, Հերակլէս հնարինք հանդարատեալ զշունն որ կայր առ դուրս բանտին, ազատեաց զժեսևս: Իսկ ոմանք դնեն թէ Կերբերոս էր օձ մեծ զոր սպանեալ իցէ Հերակլէս: Այլք այլազգ մեկնեն, Կերբերոսդ անուն ծագի ասեն 'ի բառէս գրէօլօրօս, այն է մասկուլ. որով նշանակի ասեն գերեզման կամ հող երկրի, որ կլանէ զմարմինս մեռելոց. և վասն

աղատելոյ չերակլի զթեսևս 'ի մահուանէ , ասացաւ թէ աղատեալ իցէ 'ի գերեզմանէ , կամ 'ի կերբերոն մսակուլ շանէ . և այս առակ թուի ասեն ծագեալ 'ի սովորութենէ Եդիպացոց , որք դնէին շունս ահաւորս 'ի տահապանութիւն գերեզմանաց : Յիշատակէ զայս առասպել նաև Եւսերիս 'ի քրոնիկոնն գրելով յաւուրս գատաւորացն իսրայելի այսպէս . “Աղջկան (Պերսեփոնեայ) յափշտակութեան իրքյԱյդոնեայ Մողոսացւոց արքայէ . որոյ էր շուն մի յաղթանդամ կերբերոս . որ զՊերիթոս յետոյ սպան եկեալ 'ի կնոջն առևանդութիւն թեսեաւ հանգերձ , և զթեսևս ապրեցոյց , որ մերձ էր յապականիլ , պատահեալ չերակլի . իսկ վասն յայտնի վտանգին 'ի դժոխոց ելեալ կարծէր . պատմէ և Փիղոքորոս , : Իսկ Նոննոս ըստ նախագրելոցս ասէ . “Առասպելեալ լինի թէ է ինչ շուն՝ որ ունի գլուխս երիս , որ և կոչի եռանդ . սա ասեն պահէ զդրունս դժոխոց . և զիջեալսն 'ի դժոխս ողոքելով շողոմէ . իսկ զելեալսն խածանէ և ոչ թողացուցանէ ելանել . արդ ասի թէ չերակլէս յորժամ' էջ յափշտակել զՊերինթոս և զՊերսեփոնէ ելանելով սատակեաց զԿերբերոսն , :

135. Իսիս էր աստուածուհի Եդիպտացւոց պաշտեալ 'ի նոցանէ 'ի կերպարանս արջառոյ . զի ըստ առասպելաց Յովդուստր Ինաքայ փոխեալ յարջառ կամ յերինջ 'ի Դիոսէ դնաց յԵդիպտոս , և անդ աստուածացեալ՝ իսիս անուանեցաւ , որ էր անուն գերագոյն պաշտաման առ հեթանոսս : Այլ ոմանք ասեն թէ իսիս պաշտեալն յԵդիպտացւոց էր լուսին , որ նշանակիւր եղջերաւոր անասուն . որպէս և արեգակն կոչիւր 'ի նոցանէ Ոսիրիս այսինքն բազմաչեայ , վասն լուսանշոյլ ճառագայթիցն . զոր համարէին եղբայր իսիդեայ միանդամայն և այր . վասն այսորիկ կոչէին և զնա Ասլիս , որ թարգմանի արջառ : իսկ զոր ասէ թեսաւրոս վասն գրաստուն որ բարձեալ ունէր զալատկեր իսիդեայ , թուի զրոյց բանաստեղծից . իբր զի կամ որոշեցին ոմանք զարջառն իսիս յայլմէ գրաստէ , և կամ հեգնօրէն ասացին թէ գրաստն կարող էր պարծիլ , որպէս թէ երկրպագուք արձանին՝ զոր բարձեալ տանէր , ինքեան երկիր պագանեն և ոչ արձանին :

136. Այաս էր անուն երկուց քաջ արանց . որոց մին կոչեցաւ Ոյիլէսս յանուն հօր իւրոյ Ոյիլեայ , և միւսն Տեղամոնիսս յանուն հօր իւրոյ Տեղամոնի : Արդ սա ինքն Այաս Տեղամոնեան որ էր արքայ Սաղամինոյ , եղեւ նշանաւոր արութեամբ առ չելենացիս իբր երկրորդ յետ Աքելլէսի . վասն որոյ և պնդէր թէ ինքեան անկ է ժառանգել զվահանն կամ զզէնս քաջին Աքելլեայ . այլ Ոդիսես այր խորամանկ հաճե-

ցոյց զդատաւորս Յունաց, զի լնքեան տացեն զիրաւունս ժա-
ռանգելոյ զայն զէնս : Ընդ որ յանհնարինս դառնացեալ
Այասայ ցնորեցաւ 'ի մտաց, և դիմեալ 'ի դաշտն 'ի վերայ
հօտից անդէոց արար կոտորած մէծ, կարծելով զՅոյնս կո-
տորել. այլ իբրև 'ի յուշն դարձաւ և 'ի միտ էառ զանմտու-
թիւն իւր, առ ամօթոյ անձամբ զանձն սպան : Այլ ասի յա-
ռասպելս, թէ վահանն Աքիլլեայ անկեալ 'ի ձեռաց Ոդի-
սեայ 'ի ծով, և վարեալ յալեաց եհաս 'ի ցամաք անդը, ուր
թաղեալն էր Այաս, ցուցանելով թէ նմա էր անկ :

137. Կուխնտիոս Կինկիննատոս Երկիցս եղեւ դիկտատոր
կամ իշխանապետ հրամանատար 'ի չոռվմ. զի զկնի առաջին
նուագի իշխանութեան իւրոյ յորում ժամանակի արար գործո
մեծամեծս, իբրև եհաս յամս ծերութեան առանձնացաւ 'ի
վիճակ կալուածոց իւրոց յութանամեայ հասակի . ուր 'ի հեր-
կելն նորա զերկիր կամ 'ի սերմանելն զցորեան, յանկարծակի
հասին պատուիրակը 'ի ծերակուտեն չոռվմայ, և դարձու-
ցին զնա 'ի քաղաքն կացուցանել անդրէն դիկտատոր : Արդ
'ի գործոյ աստի մականուն եդաւ նմա ասեն Սերբանոս կամ
Սերանոս . զի «Է-» 'ի լատին բարբառ նշանակէ սերմանել :
Սմին նման անցք անցին և ընդ Ատաղիոս հոչեցաւ ասեն : Բայց
են ոմանք որք նոյնացուցանեն զանցս Երկոցունց : Թեսաւրոս
առնու զբանս իւր 'ի գրոց Պլինիոսի : Յայս հայի և ասելն Սե-
նեկայ . « Կուխնտիոս փութայ յանձնէ թօթափել զպատիւ
դիկտատորութեան, այլ յետս կոչի 'ի գործոյ արօրադրու-
թեան » : Եւ կիկերոն . « Յագարակս գտանէին և անձինք
ծերակուտի, և այն ծերունիք : Զի ահա յարօրադրել անդ
կուխնտիոսի Կինկիննատոսի տուան նմա աւետիք, եթէ եղեր
դիկտատոր . . . Յանգատատանէ 'ի ծերակոյտ հրաւիրեցան և
կուրիոս և այլ ծերք . յորմէ և հրաւիրակը նոցին ուղեգնացք
անուանեցան » :

138. Ագրիպաս էր փեսայ Օդոստոսի շինողն Պանթէոնի,
զորմէ տես 'ի վերոյ 'ի համարն 128. և Սեկենաս մտերիմ
սիրելի նորին կայսեր, որպէս յիշեցաք 'ի համարն 115 : Արդ
սոքա Երկոքին էին խմասառն խորհրդականք և խրատտուք
կայսեր 'ի բաղում իրս . վասն որոյ և յետ մեռանելոյ նոցա՝
որչափ ինչ վրիպակ գործէր Օդոստոս անխորհրդաբար, յոդ-
ւոց հանէր վասն չունելոյ առ իւր զԱգրիպաս և զՍեկենաս :

Ծանօթութիւնք յինևներորդ գիրս :

139. Արդոս որդի Արիստորայ ըստ առասպելաց ունէր հարիւր աչս, որոց յիսունքն միշտ բաց էին՝ 'ի փակիլ այլոց յիսնից 'ի քուն. վասն որոյ և 'ի Հելլենացւոց կոչեցաւ բանօբդիս, այսինքն ամենագէտ : Արդ բանաստեղծք յօդեցին, թէ Հերա կին Դիոսի կարգեաց զԱրդոս պահապան Յովայ գստերն Ինաքայ 'ի փոխիլն նորա յարջառ կամ յերինջ. որ այն ինքն է Խոխ նախայիշատակեալն 'ի մէնջ. այլ յետոյ Հերմէս հրամանաւ Դիոսի սպան զԱրդոս, և յափշտակեաց զՅով. վասն որոյ և կոչեցաւ Արդոսասպան : Խոկ զտչս Արդոսի էառասեն Հերա, և ընդելուզեաց յագիս թռչնոյ իւրոյ, այն է սիրամարդ : Զայս առասպել ոմանք մեկնեն այսպէտ : Արդոս ասեն հարիւրաչեայ աստղալից երկինքն է բաղմանշոյլ լուսով փայլեալ իբրև բաղմաչեայ . Յով կամ Խոխ յարջառ փոխեալն է Երկիրս, զոր եգիսլտացիք 'ի նմանութիւն արջառոյ ձեւացուցանէին 'ի խորհրդաւոր նկարագրութիւնս . և զի աստեղք երկնից լուսատու լինին երկրի 'ի գիշերի, վասն որոյ ասացաւ թէ Արդոս բաղմաչեայն կայ իբրև գէտ 'ի պահպանութիւն Յովայ . և այն 'ի ձեռն Հերայի, այն է այեր կամ օդ . Խոկ Հերմէսիւ նշանակի արեգակն, որ յայնժամ սպանանել ասի զԱրդոս, յորժամ ծագեալ ընդ առաւօտս ծածկէ զլոյս աստեղաց իւրով պայծառութեամբ 'ի տեսութենէ մարդկան, և յինքն յափշտակէ զՅով այսինքն զերեսս երկրի : Եւսեբիոս այոչափ ինչ յիշատակէ 'ի կանոնն յառաջին ամս Մովսէսի . “ Առ սոքօք այլք լեալ սպատմեն . . . զԱրդայ մենադիտէ, զՅովայ գստերէ Պրոմիթեայ , :

Ծանօթութիւնք 'ի տասներորդ գիրս :

140. Վասն Դեգաղոսի լիով ասացաւ վերագոյնդ 'ի համարն 58, աես անդ :

141. Սարդ ապուլեան է տեսակ ինչ թռւնաւոր սարդի, որ ուտէ զայլ սարդս և զվարդս . թշնամի է կարճաց, և լոկ տեսլեամբ իւրով ահացուցանէ և թմրեցուցանէ զնոսա . և զի

ոչ այնչափ գտանի յայլ գաւառս խտալիոյ, որպէս յԱպու-
լիա գաւառն Նէապօլսոյ, անտի էառ զանուն: Ունի սա և
աստղանիշ կիտուածս 'ի վերայ մարմնոյն, վասն որոյ և լա-
տինք կոչեն զնանակ ըստէւլիօ այսինքն աստղանիշ: Բայց քան-
զի ըստէւլիօ է յատկապէս տեսակ ինչ մողեզի կոչեցեալն 'ի
մեղ կովագիաց, թուի թէ ոմանք 'ի մի շփոթեն զյատկու-
թիւնս երկոցունց կենդանեացս: Եւ յիրաւի բան թեսաւրոսի
'ի գէստ գայ նաև կովագիացի. զորմէ ասի թէ ունի թոյն վնա-
սակար, այլ ոչ մահաբեր. և կամ թէ 'ի ձեռն թովչութեան
տկարացեալ ոչ յոյժ ազդէ թոյն նորա. է խորամանկ բարուք,
ամ ըստ ամէ փոխէ զնորին, և ուտէ ասեն զայն՝ զի մի լիցի
դեղ 'ի պէտս այլոց:

142. Բրիսէյա կամ Վրիսէյիս էր մականուն Հիպալոդա-
մէի դստեր Վրիսէսի արքային Լիւռնեսացւոց՝ յաւուրս տրո-
վական պատերազմին. և եղել յառնուլ Յունաց զլիւռնեսա-
քաղոք, և 'ի բաժանել վիճակաւ զգերիս 'ի մէջ իւրեանց, Բրի-
սէյա անկաւ քաջին Աքիլլէսի: Իսկ Ագամեմնոն արքայ Ար-
դիացւոց և Միկենաց որ սպարապէտն էր բովանդակ զօրուն
Յունաց, աչս արձակեալ 'ի Բրիսէյա՝ կորզեաց զնա 'ի ձեռաց
Աքիլլէայ: Ընդ որ գժգմնեալ նորա յոյժ յետս եկաց 'ի գոր-
ծոյ պատերազմին, և չկամեցաւ այլ ևս մարտնչիլ ընդ թշնա-
միս Յունաց ընդ Տրովագացիս. մինչեւ յետ աարւոյ միոյ 'ի
սպանանիլ Պատրոկլի սերտ բարեկամին իւրոյ 'ի Հեկտորէ
Տրովացւոյ, վառեալ 'ի վսէժինգրութիւն արեան նորա անդ-
րէն բուռն եհար զգործոց քաջութեան, մինչեւ սպան ան-
ձամբ զշեկառը:

143. Որպէս այլուր յիշէ սա ինքն թեսաւրոս պատճառ
զայրանալց Տիբերեայ եղել սնոտի կասկած իւր. զի 'ի յիշելն
Զենոնի հուեասրի զշորդոս 'ի միտս անկաւ Տիբերի աքսո-
րանքն իւր յառաջ ժամանակաւ յայն կղզի, և համարեցաւ
թէ նաև Զենոն առ 'ի նախատինս դնելոյ նմա յիշեալ իցէ
զանուն կղզւոյն այնորիկ. նմին իրի և 'ի բարկութիւն անհնա-
րին բրդեալ սպան զնա վաղվաղակի:

144. Նոյն համարի թեսաւրոս ըստ ոմանց 'ի մատենա-
գրաց զնապն կոչեցեալ Պենտաթզոս կամ Բէնդանց ընդ միւ-
սումն, որ կոչիւր Պանկրատիոն կամ Բանդրատիօն. արդ Բէն-
դանց թարգմանի հնդամրցական կամ հնդեկի մրցանք. իսկ
Բանդրատիօն ամենազօր կամ ամենայաղթ մրցանք, այսինքն
յորում ամենայն տեսակ մրցմանց կատարիւր. վասն որոյ և 'ի
թարգմանութեան Եւսեբեայ դնի ամենախումբ ճարպ: Արդ ե-
թէ Տեսլիփոնա քաջայաղթ կամ ամենայաղթ կոչեցաւ, կամ

որ նոյն է բանիրարիաստիւ, որպէս ասէ հեղինակս, կամ 'ի հնդեակ մրցանաց խաղի եղև յաղթող, և կամ' յայնմ յորում ամենայն տեսակք ըմբշամարտութեան կատարէին: Քանզի և են ոքք սկնդեն թէ մի և նոյն հանդէս էր հնդեակ մրցանօք: յորում թէ ոք ըստ ամենայնի յաղթող դտանէր կոչիւր ամենայաղթ:

145. Եծելինոս էր բռնաւոր ոմն 'ի կողմանս իտալիոյ յ' ժգ դարուն. որ զամս քառասուն վեր 'ի վայր արար զբազում տեղիս, և մանաւանդ զսահմանս Վերոնայի և Պատաւիոյ: Ընդ բանիւ արարին զնա քահանայապետք, զի թերես զգաստասցի. այլ նա և ևս ստահակեցաւ: Հուսկ յետոյ 'ի դիմելն 'ի վերայ Մեդիոլանու՝ 'ի պարտութիւն մատնեալ յիշխանացն Լոմպարտացւոց վիրաւորեցաւ չարացար, և ձերբակալ եղեալ եղաւ յարգելանս. ուր անձամբ զանձն պատառութեալ յուսահատաբար կորեաւ յամի տեառն 1259:

146. Անունս Կեսար յայն սակս ասի ընծայեալ Յուլիոսի, զի 'ի ծնանիլ նորա հարկ եղև ասեն հատանել զորովայն մօրն. արդ Թեսաւրոս կամելով նկարագրել զբարկասիրտ բարս Յուլիոսի՝ առիթ առնու զանուանակոչութիւն նորա: Եւ 'ի վերջոյ յայս աւարտէ զբանն, թէ Յուլիոս՝ Կեսար ծնաւ, և Կեսար մեռաւ. այսինքն հատմամբ կամ կարմամբ մօրն ծնաւ, և ինքն սրակոտոր եղեալ 'ի դաւագրաց մեռաւ: Եւ արդարե ըստ բարկացողութեան մասին այսչափ պախարակելի եղև Յուլիոս. բայց յայլ դլսոց բազմապատիկ ձիրս բարելաւութեան յանձին բերէր, որպէս և ուրեք ուրեք յիշատակէ հեղինակս:

147. Առ ինչ հայի պատուհան Սոկրատայ, չէ մեղ յայտ. բայց առաջիկայ բանք հեղինակիս քաջ յարմարին պատուհանին Մոմոսի, որ ըստ որում ունիմք յիշել 'ի համարն 159. ստգտանէր զգործս Հեփեստոսի աստուածոյն ասելով, թէ պարտ էր քեզ դնել պատուհան մի 'ի վերայ կրծոց մարդկան, զի ընդ այն տեսցի զոր ինչ ունին մարդիկ 'ի սրտի, և մի լցի ումեք գաղտնի ինչ չարիս խորհիլ: Այլ մարթ է յարմարել տեղւոյս և զայլ անցս որ պատմին զՍոկրատայ: Առաքեաց ասեն երբեմն մեծատուն ոք զորդի իւր առ Սոկրատիորձել և տեսանել զուշիմութիւն մանկանն. և եղև իբրեւ ասց մանկածուն ցՍոկրատ, ածի առ քեզ զպատանի զայս ըստ հրամանի հօր իւրոյ զի տեսցես. ասէ Սոկրատ ցմանուկն. խոռեաց որդեակ, զի տեսից զքեզ. յայտ արարեալ թէ 'ի բանից Ճանաչի իւրաքանչիւր ոք, և իբրեւ ընդ հայելի կամ ընդ պատուհան տեսանի բերումն սրտի նորա. զի 'ի յաւելուածոյ

սրտի խօսի բերանն։ Այլ է և հայելի Սոկրատեան, իբր զի խրատէր Սոկրատէս զմանկունս կամ զաշակերտս իւր հայել երբեմն 'ի հայելս, զի թէ գեղեցիկ իցեն դիմօք, զգուշացին չարատել զոգիս չարեօք, և թէ տգեղ, փութասցին ընուլ առաքինութեամբ զթերին բնութեան, գեղազարդելով զհոգիս փոխանակ մարմնոց։ Դարձեալ պատմի թէ Անտիոքենէս Կիւնիկեան միլիստիոս արկեալ զիւրե վերարկու կարկատուն և պատառոտեալ, շրջշրջէր զպատառուածս նորա 'ի ցոյցս մարդկան, զոր տեսեալ Սոկրատայ ասէ. Ընդ Ճեղքուածս վերարկուիդ տեսանեմ ես իբրե ընդ պատուհան զքո մնափառութիւն։

148. Աս ինքն է միջինն Տիգրան արքայ Հայոց Արշակունի, որդի Արտաշիսի Պարթևի, քաջազօր ախոյեան ընդդէմ Հռովմայեցւոց զօրութեան գործակցութեամբ քեռառն իւրոյ Միհրդատայ։ Զսորին Տիգրանայ զմեծամեծ գործս բազում անդամ տեսին Հռովմայեցիք, և զարմացան և սասանեցան. այլ 'ի յաղթիլ նորա 'ի միում նուադի յանալատրաստից, առաւել քան զքափն ուրախացան, և մեծ ինչ համարեցան զի յաղթեցին անպարտելոյն. վասն որոյ և մեծացուցին ևս քան զես զանունն Պոմակէի որ դիմամարտն էր Տիգրանայ, և բազմօրինակ նկարագրեցին զայն յաղթութիւն, որպէս թէ Տիգրան յոտս անկեալ իցէ Պոմակէի, և զթադն յերկիր եղեալ. այլ 'ի նմանէ մարդատիրութեամբ ընկալեալ. բայց զստոյգն ունիս տեղեկանալ 'ի գրոց պատմութեանց Հայոց։

149. Յայս գլուխ բառս ուշըմութիւն կամ մշկուկօրդիա առեալ լինի փոխանակ ախտակցութեան 'ի գորովալիք սրտէ ընդ թշուառութիւն ուրուք, մինչև յողորմ գալ և ցաւիլ նաև ընդ դոյզն իրս, և կամ ընդ արժանահաս սկատիժ յանցաւը բայց։ Մարթ էր զայս կոչել կարեկցութիւն, աղեկիղութիւն, կամ ըստ իտալական բառի ողորմասրտութիւն։ Զայս կարեւոր է 'ի միտ առնուլ, զի մի շփոթեսցի ընդ առաքինութեան ողորմածութեան, և կամ նաև ընդ գթութեան զորմէ 'ի նախընթաց գլուխն ճառեաց հեղինակս։

150. Պրամեթէոս կամ Պռոմիթէս, որ թարգմանի յառաջախնամ կամ նախահոգակ, ըստ առասպելաց էր այնակիսի ոք Ճարտարահնար, մինչև ասեն իմաստութեամբ իւրով 'ի հողոյ երկրի կերպարանեաց զբազում մարդիկ. և ապա ելեալ նաև յեթերս վերին մերձեցոյց խրձունս ինչ դիւրավառ խրուռոյ յանիւս արկու. և գողացեալ անտի հուր՝ եբեր և ետ 'ի պէտս իւրաստեղծ մարդկան. ընդ որ ցասուցեալ ասեն Արա-

մազդայ առաքեաց՝ ի մարդիկ պէսպէս ախտս հիւանդութեան, և զնոյն ինքն զՊռոմիթես ետ կատել՝ ի ձեռն չերմէսի՝ ի վերայ քարի միոյ՝ ի լերինն կովկասու. և արծակեաց՝ ի վերայ նորա արծուի մի, զի կրծեսցէ և կերիցէ զսիրտ նորա: Եւ ահա այս է առասպելեալ տանջանքն Պռոմիթեայ: Յաւելուն առասպելարկուք թէ յետոյ եկեալ չերակլի սպան զարծուին, և ազատեաց զՊռոմիթես: Զայս ամենայն այսպէս համառօտէ Կոննոս. “Արդ Պռովմիթոս այս ասի թէ գողացաւ զհուր յաստուածոցն, և շնորհեաց մարդկան, և եթէ առ միս զոհիցն սպատրեաց զԱրամազդ, և ՚ի բարկութիւն շարժեաց զնա կրկին. իսկ Արամազդ զսա կամեցեալ պատուհասել, եդ արծուի ուտել զլերդ նորա. և գիշերի դարձեալ ողջանայր, և միւսանդամ արծուին սկսանի ուտել՝ ի վաղիւն. մինչեւ եկեալ չերակլեայ նետիւք խոցեաց զարծուին,,,: Ոմանք ըստ Եւսեբեայ դնեն զՊռոմիթես յաւուրս Յովսեփայ նահապետի, և զառասպելն վասն ստեղծանելոյ նորա զմարդիկ՝ այսպէս մեկնեն. քանզի, ասեն, իմաստուն էր՝ ի մարդկանէ: Այլք ասեն թէ նախ առաջին սա ուսոյց դրօշել արձանս. որպէս և զելս նորա յերկինս մեկնեն ոմանք վասն պարապելոյ նորա յաստղաբաշխութիւն, կամ վասն քննելոյ զպատճառս փայլատականց, և այլն: Գրեգոր Մագիստրոս՝ ի թուղթն առ Պռուտես պատրիկ տյսչափ ինչ յիշէ. “Զոր իւր բերեալ զՊռոմիդոսն զայն յաստուածոցն զհուր գողացեալ շնորհէր աշխարհի հանդերձ չեփեստոսիւ,,,: Եւ ՚ի թուղթն առ Պետրոս կաթուղիկոս զնախանձն անուանէ, “կայծակն հրափայլութեան քան զՊռոմիդեայն և զՅեփեստոսին,,,: Իսկ վասն Դիդեայ այրասէր կնոջ, որ անմիխթար լայր ընդ մահ առն իւրոյ, և առ չաւնլոյ յանձն լինել առն այլում ցաւագին մահուամբ չոքաւ զիւրովի, յիշեցաք՝ ի վերայ ՚ի համարն 99: Յորոյ վերայ Վերդիլիոս և այլ բանաստեղծք այնպիսի ցաւագին ստեղծաբանութիւնս յօրինեն, մինչեւ յողը շարժել զընթերցողս կամ զլողս: Այլ առաւել աղետալի ձեւանան՝ ի խաղս եղերերդութեան մտացածին անցք Եղիպոսի որդւոյ Լայոսի արքային թեթայ: Արդ ըստ առասպելաց Լայոս լուեալ՝ ի պատգամախօսէն, թէ յորդւոյ քումմէ սպանցիս, հրաման ետ հովուի միոյ տանիլ զմանուկն Եղիպոս՝ ի դաշտ և կորուսանել: Իսկ հովիւն աղեկիզեալ՝ ի վերայ արքայորդւոյն, և միանդամայն երկուցեալ յահէ արքայի, առեալ ծակեաց զպատճունս ոտից մանկանն իբրև զոչխարի, և կախեաց զծառոյ. որպէս զի մի լիցի կերակուր դաղանաց, այլ առ սակաւ սակաւ ինքնին մեռցի՝ ի սովէ: Եւ մինչդեռ կայր այնպէս կախեալ Եղիպոս, և ձայն բարձեալ լայր, եկն՝ ի աեղի անդը Փորբաս հովիւր Պողիւբոսի արքային Կորնթա-

ցւոց . և գթացեալ 'ի տղային իջոյց զնա 'ի վայր , և առեալ տարաւ առ թագուհին իւր Մերովլսէ , որ էր անզաւակ . վասն որոյ և գութ մեծ անկաւ 'ի սիրտ թագուհւոյն , և սիրեաց զմանուկն , և ետ դարմանել . մինչև ողջացաւ 'ի վիրաց ոտիցն . յորմէ կոչեցաւ նա ասեն իտիբաս , ցաւոան կամ ոտնուռոյց : Եւ իւրեւ աճեաց մանուկն , տեղեկութիւն առեալ վասն հայրենեաց իւրոց դարձ արար յերկիր իւր , և մինչև էր ծանուցեալ զծնողս իւր , հանդիպեալ յաղմուկ ինչ քաղաքական սպան զհայր իւր իւրեւ զմի 'ի թշնամեաց , ապա ասեն յանդէտս ամսւսնացաւ ընդ մօր իւրում և թագաւորեաց : Եւ այլ ևս անհեթեթ զրոյցք խառն յաղետաւոր և յեղեռնաւոր գործոց . մինչև հուսկ յետոյ ինքնին կուրացոյց ասեն զազս իւր վասն հայրասպան և ազգապիղծ լինելոյ , և ինքնակամ յաքսորս չոքաւ յԱթէնս . իսկ որդիք նորա անցեալ 'ի տեղի նորա սպանին զիրեարս : Յորոց յայտ է թէ բովանդակ պատմութիւն Եղիպոսի ծայրէ 'ի ծայր է շեղջակուտեալ մտացածին կեղծեօք աղետալի դիպուածոց 'ի սկէտս եղերերգական խաղուց . վասն որոյ և բարւոք ասէ հեղինակս , թէ նաև այն որ լայ 'ի վերայ այսպիսի աղէտէից , դիտէ թէ են կեղծիք :

Ծանօթուրիշնք 'ի մետասաներորդ գիրս :

151 . Ի դէսկ գայ ասացուածս յիտալական բարբառ վասն մերձաւորութեան բառիցս գօնվէուացիօնէ և գօնվէուացիօնէ . որսէս եթէ և 'ի հայումս ասէաք նմանաւոր ձայնիւ , կենցաղակցութիւն և կենսապահութիւն . կամ կենաց կցորդ լինել 'ի վարիւլընդ իրեարս և 'ի պահել զիրեարս :

152 . Տիմանթէս էր անուանի պատկերահան 'ի վերջին աւուրս Աղեքսանդրի Մակեդոնացւոյ : Ի մէջ նկարուց սորա երևելի էր այն զի ձեւացոյց զիփիւդինէ զդուստր Ագամեմնոնի մատնեալ 'ի սպանդ զոհից . ուր յետ նկարելոյ զդէմս ամենայն մերձաւորաց նորա տիրագին և լալագին , անկարացեալ այլազդ արտայայտել զանհնարին աղէտս հօրն նորա էարկքող զերեսօք նորին . որով եցոյց թէ ցաւ նորա է անպատմէլի : Իսկ բան թեսաւրոսի հայի յայն նկար Տիմանթեայ , զի ձեւացոյց զկիկղոպ հսկայն անհեթեթ 'ի փոքրիկ տախաակի . յորում կամեցեալ քաջ ևս բացատրել զբարձրութիւն հասակի նորա , նկարեաց առ նովաւ ճիւաղս կամ այժամարդս որք ունէին 'ի ձեռս ըստ Բաքոսի գաւազանս կամ ոստս 'ի

թաւ ծառոց, և նոքօք չափէին զբոյթ կիկղոսպայ. որով տայր խմանալ թէ երբ մին 'ի մատանց այնպիսի քանակաւ չափի. որչափ ևս մեծ իցէ բովանդակ մարմինն: Զայս ամենայն 'ի մէջ բերէ Պլինիոս և ասէ, թէ “Յամենայն գործս նորա միշտ առաւել իմն նշմարի քան զոր նկարի. և թէ ալէտ արհեստն է գերապանծ, այլ հանձնարն 'ի վեր է քան զարհեստն,,:

153. Գորդոնա կամ Գորդոնայք կոչին ըստ առասպելաց երեք քորք ծովածինք, նստեալք յեզր կիսագնտոյ երկրիս կամ առ դուրս դժոխոց, պղնձանիւթ ձեռօք և օձախուիւ դիսովք. որոց այնչափ տգեղ էին, ասեն, կերպարանք, մինչեւ տեսողացն առ ահի ցնորիլ, և 'ի դժնեայ հայեցուածոյ նոցա թունաւորիլ. և այլ պէսպէս բանք մնացածինք. զորս բազմօրինակ ընդլայնեն մեկնաբանք ըստ այլ և այլ սլատմութեանց: Այլ սակայն բազումք ևս ընդ հակառակն ասացին, թէ սոքա այնչափ գեղեցիկ էին, մինչեւ սքանչանալ տեսողաց և թմբրիլ և քարանալ ևս: Եւ յայս միտս գրէ Եւսեբիոս առ Ժամանակոք դատաւորացն խրայէլլ 'ի կանոնի իւրում. “Պերսկս Պարսից զօրաժողով եղեւ. զԳորդոնա գլխատեաց, և ինքն այլ կին գեղեցիկ արար, որ ապշեցուցանէր զտեսողսն գեղով, մինչ քարանալ համարել,,,: Իսկ Կոնոնոս ըստ առաջին կարծեաց խօսի յասելն. “Այլ յաղագս Գորդոնացն այսպիսի ինչ է. երեք ահագին կանայք էին, այնպէս զարհուրական ունելով զգեմն որպէս զի մահացուցանել զտեսողսն. այլ ասի Պերսեայ զմին 'ի սոցանէ սատակել նիզակաւ գերանդոյ,,:

154. Ի մէջ առնու թեսաւրոս նաև զնիւթական նմանութիւն 'ի մէջ մարդահաճոյի և գովասանի վասն նոյնատառ գոլոյ երկուց բառիցս ապուլադոնէ, որ է մարդելոյդ կամ մարդահաճոյ, և լառ-պարտոնէ, այն է գովիչ: Այլ զի չէր մարթ նիւթապէս վերածել զնոյն 'ի հայերէն, մեք ընդ հանրապէս զմիաս բանին եղաք այլով բացատրութեամբ: Իսկ բուն բան հեղինակին ըստ բառիցն է այս. “Ո՞վ ո՞րպէս նման են անուանք մարդահաճոյի և գովասանի, մինչեւ առաքինութեան և մոլութեան 'ի նոյն տառից յօդիլ. բայց որչափ նման են միմանց անուանքն, այնչափ տարօեր են նոցին վախճանք,,:

155. Փոխւգացի ծառայ կոչի նա ինքն Եսովառս առասպելարկուն և առակախօսն, զի հայրենեօք էր 'ի Փոխւգիոյ, և ըստ վիճակին 'ի ծառայական կարդէ, մանաւանդ թէ և 'ի ստրկութեան անդ ծնեալ: Ցիշէ զսա Եւսեբիոս 'ի ՆԳ ողոմալիադին առ Ժամանակօք կիւրոսի և Աժդահակայ յասելն. “Եսովառս բանաստեղծ 'ի Դեղիացւոց սատակեցաւ,,:

156. Սա ինքն է Կելեստինոս հինգերորդ պատն Հռովմայ 'ի վախճան ժամանուն . որ յառաջն էր կրօնաւոր 'ի կարգէ սրբոյն Բենեդիկտոսի , և եղև սահմանադիր կարգի Կեղեստինեանց 'ի լերինն Մասեղայ : Ընտրեցաւ քահանայապետ արժանաւոր յամի տեառն 1294 . այլ զինի հնդից ամսոց ինքնակամ հրաժարեցաւ յաթուոյն՝ հրատարակեալ զհրաժարումն իւր 'ի ժողովն Նէապոլսոյ . և այս եղև ասեն թելադրութեամբ հնարից Բենեդիկտոսի Կայետանոսի , որ ջանայր հասանել յայն իշխանութիւն . որպէս և եղև իսկ . զի ինքն նըստաւ 'ի աեղի նորա , և կոչեցաւ Վոնիփակիոս ութերորդ , և զերանելին զկեղեստիանոս ետ փակել 'ի բերդի ուրեք , զի մէ ևս կարասցէ դառնաւ յիշխանութիւն իւր :

157. Կաստրուկիոս Կաստրական (Գասդրուչիոյ Գասդրագանի) , էր երևելի իշխանաւոր Լուկացւոց յերկրին Տոսկանայ 'ի ոկիզբն ժամանուն , այր զօրաւոր զինուոք և զգօն մոոք , որ մեռաւ յամի տեառն 1328 :

158. Որէա կամ Ռիա և կամ Հռէ , որ և Կիւրեղէ կոչի , մայր անուանեալ աստուածոց , էր ըստ գիւցաբանից քոյր և կին Կռոնոսի . և յորժամ ծնանէր զորդիս , այր նորա որկորեայն Կռոնոս կլանէր զմանկունսն , կասկածելով թէ մին 'ի նոցանէ յարիցէ 'ի վերայ իւր և թագաւորեսցէ , որպէս ինքն բռնացեալ էր ընդդէմ հօր իւրոյ Ուռանոսի : Այլ յորժամ ծնաւ Որէա զԴիոս՝ որ և Արամազդ , հնարս խորհեցեալ ապրեցուցանել զնա , առաջի եդ Կռոնոսի արձան մի քարեղէն իբրև զծնունդ իւր . և նա եկուլ զայն . և նոյնժամայն զառաջին կլեալսն ևս արտաքս փոխեաց : Իսկ Դիոս տպրեալ և աճեցեալ զօրացաւ ընդդէմ հօր իւրոյ Կռոնոսի , և ընկէց զնա յերկնից . և փակեաց 'ի սանդարամետ ընդ այլ Տիտանեանս : Երկար են առասպելք հեթանոսաց վասն սոցին իրաց , զորս պէսպէս մեկնաբանեն բազումք : Յիշատակէ զայս Գրիգոր Մագիստրոս 'ի թուղթն առ Անանիա վանահայր 'ի խօսիլն զառասպելեալ կանանց դից . “ Սոցա կանայո , ասէ , որպէս զԱեմելայն , և զՌէայն՝ ոմն արձանական առն կլուցեալ , և ոմն շանթիւք սատակեալ , իբրու զԱփրոդիտէս որ 'ի փրփրոյ և յարենէ ծնեալ , : Իսկ Նոննոս դրէ այսպէս . ” Այլ յաղագս այնը՝ որ զամենեսին զաստուածսն կլանէր , ոչ ասէ յաղագս Երիկապէսոսի , այլ յաղագս Կռոնոսի . զի ասի թէ զորդիսն զորս կանխաւն ծնաւ , դարձեալ զնոսա եկուլ . և դարձեալ 'ի վեր եբեր զորս միանդամ եկուլն . զի՝ ասի քար կլանել փոխանակ Զեսայ . և քարիս իջեալ զամենեսին ետ 'ի վեր բերել , : Այլ վասն Կռոնոսի տես և 'ի համարն 123 :

159. Արիստարքոս Սամոթրակեցի որ կարգեցաւ դաստիարակ որդւոյ Պաղոմեայ Փիլոմեաորի արքային Եղիպտացւոց, էր սովիեստէս ոմն իմաստակ հետամուտ 'ի խուզարկել և 'ի պախարակել զդրուածս այլոց. որ և առաւելապէս արար Ճիշդ քննութիւն կշտամբողական 'ի վերայ քերթուածոցն հոմերոսի. նմին իրի և ատելի եղե յաչս Յունաց որք զհոմերոս անստգիւտ բանաստեղծ դնէին: Եւ աստի եղե սովորութիւն Արիստարքոս ձայնել զայնոսիկ որք վայրապար զհետ լինին խուզարկել և երգիծանել զբանս և զդրութիւնս իմաստնոց: Իսկ Տիմոն Աթենացի մականուանեալն 'ի չելլենացւոց ժառներօքս, այսինքն մարդատեաց, էր փիլիսոփոս առանձնասէր՝ մանաւանդ թէ անմարդասէր և վայրենասէր, գլխովն թշնամի մարդկային ընկերութեան: Հարցին ցնա ոմանք թէ զի՞ է զի սիրես դու զԱզկիբիադէս փոքր, երբ ատելի են յաչս քո ամենայն մարդիկ. նա ետ պատասխանի, քանզի գիտելով գիտեմ, ասէ, զի նա հանդերձեալէ լինել պատճառ կործանման Աթենացւոց: Սա ինքն Տիմոն է որ եկեալ 'ի հրապարակ քարոզեաց առ ժողովուրդն ասելով. կամիմ կտրել զթղզենին որ կայ 'ի պարտիզի խմում. որ ոք կամի կախել զանձն փութասցի գալ. զի յետոյ ոչ կարէ գտանել զայն ծառ, որ լեալ էր կախազան հասարակաց: Ասի ևս թէ սա նախ քան զմեռանիլ իւր յօրինեաց տագանագիր վասն շիրմի իւրոյ. ուր անէծս և չարամազթութիւնս էր կարգեալ 'ի վերայ այնոցիկ որ ընթեռնուն զայն. և յայս յաւէտ հայի առաջիկայ բան հեղինակիս: Այլ Մոմոս որ թարգմանի ստգտանք կամ մեղադրանք, համարիւր աստուած խեղկատակութեան կամ կծանելոյ զայլս բանիւք եպերանաց, կարծեցեալ ծնունդ քնոյ և գիշերոյ. որ այպէս առնէր և ծիծաղէր զարարուածովք այլոց դից. զի որպէս ասի յառասպելս, չեփիւստոս և Պոսիդոնի և Աթենաս գիքն գատաւոր կացուցին զՄոմոս ընարել, թէ ոյր 'ի նոցանէ գործք առաւել գովելի իցեն: Իսկ նա զերեսին ևս սկսաւ երգիծանել. քանզի մեղադիր եղե հեփետոսի թէ պարտ էր քեզ դնել պատուհան մի 'ի վերայ կրծոց միոյ միոյ 'ի մարդկանէ, որպէս զի տեսցի ընդ այն սիրտն, որ կայ 'ի ներքս, և մի ոք կարասցէ ունել ինչ ծածուկ 'ի սրտի: Եւ Պոսիդոնի մեղադրեաց ասելով. պարտ էր քեզ զեղջերս ցլու առաջի աչացն դնել, զի տեսցէ թէ զո՞ և ուր հարկանէ. և կամ 'ի թիկունս կոյս, զի ուժգին ևս հարցէ: Իսկ զԱթենաս ստգտանէ ասելով. պարտ էր քեզ զտուն քո շարժական շնել. զի յորժամ գրացի ոք չար հանդիպի, դիւրաւ այլուր փոխադրեսցի բնակութիւնդ:

160. Զոյիլէ կամ Զոյիլոս էր հռետոր ոմն յԱմփիպօլիս քաղաքէ Թրակիոյ իբր 270 ամօք յառաջ քան զՔրիստոս,

բարուք նման վերոյիշեալ Արխտարքոսի և առաւելեալ քան
զնա 'ի դիմախօսել և յերգիծանել զբանս այլոց զի և սա
Ճիշդ խուզարկու և կշտամբիչ հանդիսացաւ գրուածոց նախ-
նեաց , որպէս Պղատոնի , խոկրատեսի , և յաւետ ևս Հո-
մերոսի . ընդդէմ որոյ յօրինեալ ոտանաւորս ինչ ընթերցաւ
առաջի Պաղոմէոսի Փիղադելֆիեայ գրասէր արքային Եդիա-
տացւոց . ընդ որ դժուարեալ արքայի ամօթով արձակեաց
զնա . և որպէս այլք ասեն՝ Ետ սպանանել զնա քարկօծմամբ
կամ 'ի փայտ հանելով . և են որք ասեն թէ կենդանւոյն այ-
րեցաւ 'ի Զմիւռնիա : Յանուն սորա ևս դժնեայ դատաւորք
գրուածոց այլոց կամ ընդվայրահար քննիչք Զոյիլէ ձոյնեին
իբր աաելի անուամբ :

161. Աիկայոն կամ Աիկայովինէս , ելեալ 'ի յունական
բառէս լիքու որ է գայլ , ասի լինել թագաւոր Արկադացւոց՝
անուանեալ որդի Տիտանայ և Երկրի , կամ որդի Պեղասդոսի
տուաջնոյ արքային Արկադիոյ . սա՝ ըստ առասպելաց՝ վասն
արիւնահեղ բարուց իւրոց , որով խոշոշէր զհիւրս , կամ թէ
զենեալ զորդի իւր արեամբ շաղախեալ էր զսեղանն Դիոսի ,
պատուհասեցաւ և փոխակերպեցաւ 'ի գայլ : Բանաստեղծք
այսպէս նկարագրեն զիրան : Լուեալ ասեն Դիոսի թէ ամ-
սկարշտութիւնք մարդկան յաճախեալ են յերկրի , և ոչ դիւ-
րաւ հաւատացեալ այնմ , եթող զերկինս և էջ անձամբ յեր-
կիր տեսանել զդործս նոցա . և եկեալ զհասարակ գիշերաւ
յԱրկադիա գաւառ՝ իջևանս կալաւ 'ի տան Աիկայոնի . և ազգ
արար բնակչաց տեղւոյն , թէ ինքն իսկ է Դիոս հայր դից ա-
մենայնի : Եւ այն ինչ պատրաստեալ էր ժողովուրդն զոհիւք
պատուել զնա , Աիկայոն արքայ ծաղք արարեալ զդիւրահա-
ւան բարուք ամբոխին ասէ ցնոսա . թոյլ տուք առ վայր մի ,
զի ես յայսմ գիշերի հնարիւք զփորձ առից , եթէ դա ինքն
իցէ Դիոս անմահ կարդացեալ : Սովոր խորհրդով ննջեցոյց
զԴիոս , և յանկարծակի յարեաւ 'ի վերայ սպանանել զնա ;
Այլ իբրև ետես , թէ նաև 'ի քուն իբրև արթուն կայ , չիշ-
խեաց առնել զոր խորհեր . և յայլ ինչ ձեռն էարկ : Զոմն 'ի
պատանդից յղելոց առ նա յաղգէն Մողոսացւոց զենեալ իբ-
րե զոշխար , եփեաց և եղ առաջի Դիոսի , տեսանել թէ ու-
տէ զայն , և կամ իմանայ զոր ինչ էն : Յայնժամ չհանդուր-
ժեալ ասեն Դիոսի ընդ այնպիսի մեծեղեան գործ նորա ,
հրձիդ արար զտուն բռնաւորին շանթառաք զօրութեամբ իւ-
րով . և զնա ինքն զԱիկայոն՝ որ 'ի փոխուստ աճապարէր յան-
տառս , փոխեաց 'ի գայլ :

162. Ոչինչ փոյթ կալաք մի առ մի բացատրել թէ ոյք ո-
մանք էին այս մատենագիւք կամ անձինք , և զինչ գործք սո-

ցատ է խմանալ թէ վասն պախարակելոյ ոմանց անդգուշից զգը բուածո այլոց՝ մեծամեծ յոյզք և դիմամարտութիւնք եղեն և լինին 'ի մէջ գալրոցաց գրով և բանիւ. և 'ի գոյզն իրաց երբեմն ծանր աղմուկք յառնեն, երբ երկոքին կողմանք ևս ունիցին իւրեանց կուսակիցս և թևակիցս 'ի յաղթահարել զմիմեանս :

163. Վասն Լապիթաց և Կենտավրոսաց կամ ձիացլուց տես 'ի համարն 124, ևս և 15:

164. Այս բան առեալ է յ՞ դրոց Սենեկայի որ յաղագս բարկութեան (Ը) ուր կամեցեալ նորա ցուցանել, թէ զիարդ բարկասիրաք երբեմն առաւել բորբոքին 'ի տեսանել իւրեանց զհակառակորդն իսպառ զիջանիլ ինքեանց կամ շողոմել, ասէ. “Կեզիոս ճարտարախօս, որպէս յայտ է, էր այր բարկասիրա յոյժ. ընդ որում նստէր ասեն երբեմն յընթրիս 'ի սենեկի նորին՝ ոմն ապաստանեալ 'ի նա՝ այր համբերատար. այլ իբրև ընդ գինի մտին, դժուարին էր սմա խուսափել 'ի հակառակաբանութենէ անտի նորա, ընդ որում ուտէր. նմին իրի լաւ վարկաւ զիջանիլ նմա զոր ինչ և ասիցէ, և զայսն զհետ բերել առանց դիմադարձութեան: Զկարաց հանդուրժել կեզիոս ընդ զիջողական հաւանութիւն առնն, այլ գոչեաց մեծաձայն. Ասա ինչ ընդդէմ, զի երկու լիցուք: Բայց ինքն իսկ ընդ բարկանալն վասն չբարկանալոյն, իսկ և իսկ հանդարաեաց առանց հակառակորդի ,,: Արդ զոր բերէ Սենեկա յօրինակ բարկութեան, զնոյն յարմարէ թեսաւրոս բանից իւրոց որ յաղագս հաճոյականութեան 'ի փոխադարձ հակառակաբանութեան:

165. Պեղովիս կամ Պեղոպս և կամ Պելոպոս, յորմէ էառ զանուն կղզին Մոռայու ասացեալ Պեղոպոնէսոս, այսինքն կղզի Պեղոպոսի, էր որդի Տանտաղոսի արքային ֆուիւդացւոց: Արդ ատի 'ի բանաստեղծական առասպելս, թէ Տանտաղոս ընկալաւ երբեմն 'ի տուն իւր զդիս, և եդ առաջի նոցա սեղան բարելից. ուր կամեցեալ զփորձ առնուլ եթէ խաբին արդեօք աստուածքն, ընդ այլ խորտիկս եհան 'ի սեղան և զմարմին որդւոյ իւրոյ Պեղոպայ խորովեալ: Եւ իբրև այն ինչ Դեմետրէ աստուածուհին յանդէտս սկսաւ ուտել 'ի մոյ անտի, և համեղ գտեալ զայն սպառեաց զմի կողմն քամակին, զգացեալ Դիոսի զգաւաճանութիւնն, պատուհասեաց զՏանտաղոս առաքելով զնա 'ի դժոխս. իսկ զՊեղոպայ զխորովեալ մարմինն անդրէն կենդանացոյց. և 'ի տեղի այնր մասին որ կերեալն եղե, հաստեաց նմա նոր քամակ փղոսկրեայ, կամ 'ի փղոսկրէ շինեաց զմի կողմն ուսոց նորա: Իսկ թէ զիարդ

մեկնեն ոմանք զայս առասպել, չէ տեղւոյս զհետ լինել այնմ:

166. Հերակլէս հսկայն յաղթահարեալ զԴիոմեդէս պարքայն Բիստոնիոյ կամ Թրակիոյ, որ զերիվարս իւր կերակրէր 'ի մարմնոց օտարաց և հիւրից եկելոց առ նա, զնա ինքն էարկ առաջի երիվարաց իւրոց 'ի կերակուր: Եւ յորժամ վաստակեալ անձամբ գնաց Հերակլէս առ սիրելի բարեկամն իւր Ադմետ արքայ Փերէյացւոց 'ի Թեսսաղիա, և հիւրընկալեալ 'ի նմանէ նստաւ յընթրիս, տեսանէր զերեսս Ադմետայ տիսուր: Եհարց զպատճառն. այլ նա ոչ եհան նմա 'ի վեր, զի մի և նա տիսրեսցի: Իսկ մի ոմն 'ի ծառայից տանն դադա ծանոյց Հերակլի, թէ մեռաւ 'ի սոյն աւուրս Ազկեստիս թագուհին, և այն իսկ է պատճառ արտմութեան տեառն մերոյ: Յայնժամ արտմեցաւ յոյժ և Հերակլէս, և ընթրիքն համադամ կերակրոց դառնացաւ նմա: Այլ սկսաւ սիրով դանդատել զԱդմետայ, և ասէ. Եթէ Շշմարիտ բարեկամ զիս քեզ գիտէիր, չէր սկարտ թաքուն ունել զցաւս քո և առանձինն վշտագնիլ, այլ հաղորդել և ինձ զնոյն տրտմութիւն: Իսկ մահ թագուհւոյն այսպիսի օրինակաւ աւանդի լինելըստ առասպելաց: Հիւանդացեալ ասեն երենին Ադմետայ՝ լուաւ ասել 'ի դից թէ ոչ այլազգ հնար է քեզ ազատիլ 'ի մահուանէ, եթէ ոչ փոխանակ քո յանձն առցէ ոմն 'ի սիրելի մերձաւուրաց քոց ինքնակամ մեռանիլ: Զայս լուեալ կնոջ նորա Ազկեստեայ՝ խնդրեաց մահ անձին և մեռաւ. և յայնիմ միջոցի եհաս ասեն Հերակլէս 'ի տուն անդր: Այլ յաւելուն առասպելարկուք թէ յետոյ դիքն յարուցին զԱզկեստիս:

167. Վէտով կամ Լետոն էր դուստր Կէոսի Տիտանեան, կամ ըստ այլոց Կոռնոսի: Արդ՝ ըստ առասպելաց, յորժամ սիրեաց զսա Դիոս և յղացոյց, Հերա կին Դիոսի զքարեալ ընդ այն՝ երդմնեցոյց ասեն զերկիր զի մի տացէ ուրեք Վէտովայ տեղի ծնանելոյ զմանկունս իւր. և կարգեաց զվիշապ օձ մի պիւթոն անուն զհետ լինել նմա ուր և երթիցէ: Այլ Պոսիդոն աստուած ծովու գթացեալ 'ի նա 'ի վեր եհան 'ի ծովէ նոր կզզի. և անդ ծնաւ ասեն Վէտով զԱրտեմիս ըղգուստր իւր, որ և Անահիտ, և յետ սակաւուց զեղբայր նորա զԱպողոն. որում մանկաբարձ լեալ համարին զնա ինքն Արտեմիս: Յետ այսորիկ դէպ եղեւ ասեն Վէտովայ անցանել ընդ դաւառն Լիկիոյ հանդերձ մանկամբք իւրովք. և յորժամ վաստակեալ և ծարաւեալ անձամբ խնդրեաց ըմպել ջուր 'ի լճէ միոյ, ոմանք 'ի շինականաց արգելին զնա և սլղտորեցին զջուրս, և նա անէծ զնոսա. և նոյնժամայն 'ի դորտ դարձան նոքա, որպէս ասեն առասպելարկուք:

168. Գլխաւոր կամուրջն որ 'ի ԱԵՆԵԹԻԿ կղզւոջ, միակամար մեծադիր և լայնանիստ, շինեալ 'ի վերայ լոյն առուի կամ ջրանցից ծովու, կոչի կամուրջ ոխալգեան, կամ բօնդէ աէ Ռիալէո:

169. Ծխախոտն առեալ լինի աստ եթէ 'ի տեղի տերեոյն, որ այլազգերէն ԱԽԱԽԻՆ ասի առեալ 'ի ծխոյն, և եթէ 'ի տեղի փոշւոյն որ պատռնելու կոչի, վասն ընդ ըռնդունսն ձգելոյն: Արևմտեայք զերկաքանչիւրն ևս կոչեն դապատէօ, յանուն կղզւոյն ուր յաճախ բուսանի ասեն. որպէս և երբեմն Նիկոլաւան խոտ անուանեն. իբր զի ասեն թէ յետքացման Ամերիկոյ, նախ զառաջինն բերին ոմանք 'ի Փլորիտայ կղզւոյն Ամերիկոյ զծխախոտ առ Նիկովտիս դեսպան արքային Գաղղիացւոց Յուլիսսիպապոնա. և նա եմոյծ զկիրառ ութիւննորա առ Գաղղիացիս, յորոց և առ այլ Եւրոպացիս տարածեցաւ: Իսկ թէ արեւելեայք երբ սովորեցան յաւէտ 'ի գործ արկանել զխոտն քան զփոշին, չէ մեղ յայտ: Զիարդ և իցէ, որովհետեւ յաւուրս թեսաւրոսի դեռ այն ինչ սկսեալ էր յաճախին սովորութիւն ծխախոտի յարեմուտս, բաղումք հնարեցան պէս որպէս սկատճառօք համոզել զմարդիկ յետս կալ 'ի յաճախ կիրառութենէ նորին, ոչ միայն վասն չլինելոյ նորա այնչափ օգտակար որպէս կարծիւր, այլ և վասն ողբանացն որ հանդիպէր յանվայել կիրառութեան նորին ընդդէմ քաղաքավալարութեան յանդիման այլոց. և տհա յայսմ մասին ծանունս և սաստիկս խօսեցաւ հեղինակս. և այն՝ որպէս երեխ, 'ի մասնաւոր թէլադրութենէ դքսին Սաբաւդիոյ առ 'ի կարճել զոյս սովորութիւն 'ի միջոյ մեծամեծաց, կամ դէթ մեղմել. այլ ոչ սորա բանք և ոչ այլոցն ազդեցին կամ ազդեն ինչ ընդդէմ արմատացեալ սովորութեան: Երանի թէ առնուն ոմանք 'ի բանից ասաի սորա խրատ զգուշութեան դէթ վասն չսկսանելոյ՝ թէ չէ են սկսեալ. զի դիւրին է չսկսանիլ քոն յետ սկսանելոյն դադարել:

170. Հեգնօրէն նմանեցուցանէ հեղինակս զծխախոտն առողջար խոտոյն այնմիկ, զոր Հելենացիք կոչէին Բէօնիս, գովութեամբ յիշատակեալ 'ի Հոմերոսէ 'ի Ն գիրս բանատեղծութեանց իղինական սկատերազմի: Անուն այնը խոտոյ կոչեցաւ ասեն 'ի դտողէ նորա, որում անուն էր Պէոն կամ Բէօն. որոյ բժշկեալ իցէ սովու զՊղուտոն անբուժելին ըզկարեվէր խոցեալն 'ի Հերակլէ: Ասի թէ և Ամերիկացիք զծխախոտն կոչեն Պետոն կամ Բէդում:

171. Կամի ասել թէ 'ի փանդալն մարդոյ՝ սովորութիւն է մերձակայից ողջունել զնա բարեմազմութեամբ, որպէս թէ

զերծեալ իցէ 'ի վտանդէ որ կարէր պատճառիլ 'ի ցնցմանէ ուղղոյն և ոգւոցն . քանդի և դիպեալ իսկ է մեռանիլ ոմանց յայնպիսի արկածից . և կամ թէ համարելով զայն յառաջ ե- կեալ յաւելորդ և 'ի վնասակար հիւթոց , մաղթեն զերծ լի- նել անտի անվնաս :

172. Սա ինքն է Դիոմեդէս որդի Արեսի ասացեալ՝ ար- քայ թրակիոյ . զորմէ յիշեցաք 'ի վերոյ թէ զերիվարս իւր կե- րակրէր 'ի մարմնոց մարդկան . արդ ասի առ բանաստեղծս , թէ երիվարք նորա էին ամեհիք յոյժ , և հուր շնչէր ընդ ոըն- դունս և ընդ բերանս նոցա , փոխանակ տսելոյ թէ արեամբ շաղախեալ էին : Սմին նման ասացաւ և զառասպելեալ ցլուց կարգելոց 'ի պահպանութիւն ոսկի գեղմանն . զորս ցուլս Յասովին կոչէ Թեսաւրոս , զի Յասովին էր առաջնորդ Արդո- նաւորդաց որք գնացին 'ի յափշտակել զոսկի գեղմն . և Մե- դիա որ եղե կին Յասովին , ուսոյց ասեն առն իւրում սան- ձել զայն ցուլս հրաշունչս , և թմրեցուցանել զանքուն վի- շապն ահադին :

173. Վասն օծանելեացն կապուայ զորս 'ի կիր առնոյր Անիթաղ , տեսոցես 'ի ստորև 'ի համարն 269 :

Ծանօթութիւնը յերկուսասաներորդ գիրս :

174. Պիդիմոս քերթող Ազեքսանդրացի ծաղկեցաւ յա- ռուրս Օգոստոսի կայսեր . կարգեցաւ ուսուցիչ 'ի Հռովմ , և գրեաց գիրս կամ ծառս և քերթածս թուով 3000 , կամ 3500 . ըստ այլոց 4000 . և վասն անձանձիր ուսումնասիրու- թեան իւրօյ կոչեցաւ Խաչէնդէնոս , այսինքն ունող զպղնձա- նիւթ ախոնդանս , կամ պղնձի աղիք : Ոմանք ևս կոչեցին զնա գրամուաց . զի այնչափ ինչ էր շարագրեալ՝ մինչև մոռանալ զասացեալսն այլուր , որպէս և փորձիւ տեսաւ . զի 'ի պախա- րակել նորա զպատմութիւն ինչ գրեալ յայլմէ իբրև յայտնի սուտ , հակառակորդն 'ի մէջ եբեր թէ ահա և 'ի գիրս քո ա- ւանդի այդ իբրև ստոյդ յայն ինչ գլուխ բանից , զոր ինքն ոչ յիշէր : Այլք ևս գրամոլ անուանեցին , և յաւէտ ևս վայրա- խօս և ժամավաճառ . զի զբազում ինչ իրաց մնոտեաց գրեաց ընդ վայր , որպէս յիշէ և հեղինակս : Այլ է և Դիդիմոս Ա- զեքսանդրացի Եկեղեցական մատենագիր յաւուրս որբոյն Ա- թանասի մեծի :

175. Զայս գործ Փիլոկտետեայ լիադոյնս տռաջի եղաք 'ի վերոյ 'ի համարն 112:

176. Դեմադէս էր ճարտարաբան Աթենացի՝ յառաջ եկեալ 'ի նաւավարութենէ, նախանձաւոր պերճախօսութեան Դեմոսթենեայ և նմանող նմա: Եւ սոքա երկոքին այլ և այլ ճանապարհաւ հնարեին ազատել զհայրենիս իւրեանց 'ի ծառայութենէ գիլիապատի արքային Մակեդոնացւոց. Դեմոսթենէս զԱթենացիս գրդուելով, և Դեմադէս որ անկեալ էր 'ի ձեռս Մակեդոնացւոց՝ զնոսա համոզելով: Բազում ինչ խօսէր Դեմադէս քաղցրաբանութեամբ առաջի արքային, և սիրելի լինէր յաչս նորա. այլ երբեմն ևս ճարտար բանիւք յանդիմանէր զարքայ վասն հարստահարելոյ նորա զգերիս կամ զստրուեկս, և տռաւել ևս վասն սնոտի խրոխտանաց նորա ընդ յաղթութիւնն զոր արար 'ի Փերսնիա, և էտո զԿորոնիա քաղաքն Աթենացւոց:

177. Քսենոկրատէս փիլիսոփայ անուանի էր աշակերտ Պղասոնի, միանդամայն և աշակերտակից Արիստոտէլի, ծաղկեալ բարոյական վարդապետութեամբ և անստդիւտ վարուք, մականուանեալն Անծիծազ վասն ծանր բարուցն: Զսմանէ բազում ինչ իրք պատմին վասն առաքինի քաղաքավարութեան նորա, և մանաւանդ ըստ պարկեշտութեան, ըստ անընչութեան և ըստ անկեղծ Ճշմարտախօսութեան. մինչեւ զի ծերակոյտն Աթենացւոց որ ոչ ուրուք վկայութեան հաւատայր երեկք յատենի առանց երգման, սմա ևեթ տիրապէս հաւատս ընծայէր առանց պահանջելոյ զերդումն ինչ:

178. Հռաբիրիոս էր ասպետ Հռովմայեցի, որ սպան զՍատուռնինոս Ապուլէսոս տրիբուն՝ զայր վնասակար. և զի առանց իրաւանց թուէր զայն արարեալ, չարախօս եղեւ զՀռաբիրիոսէ Տիառոս Լաբիենոս տրիբուն. այլ Կիկերոն հռետոր արդարացոյց զՀռաբիրիոս: Կայ և այլ Հռաբիրիոս ասպետ Հռովմայեցի Պոսթումոս կոչեցեալ. յորոյ վերայ ևս եղեն այլ ամբաստանութիւնք 'ի Մեմմիոսէ տրիբունէ վասն կաշոյ կամ գողունի դրամոց. բայց նա ինքն Կիկերոն եկաց 'ի պաշտապանել և նմա: Այլ է և Հռաբիրիոս բանաստեղծ ժամանակակից Ովեդիոսի, և Հռաբիրիոս ճարտարապետ անուանի յաւուրս Գոմետիանոսի կայսեր: Բան հեղինակիս հայեա մին յերկուց ասպետաց, յորոց վերայ կան ատենախօսութիւնք Կիկերոնի:

179. Կարկիսոս ըստ առասպելաց կոչեցեալ որդի Կեփիսայ գետոյն, և Լիւրիովայ յաւերժահարսին դստերն Ով.

կիանոսի, էր մանուկ գեղեցիկ յոյժ . որ արհամարհէր զգեղ կանանց առ հասարակ , և ոչ ումեք 'ի նոցանէ հաւանէր : Եկեալ սորա երբեմն 'ի դաշտէ մատեաւ յաւաղան աղբեր՝ կամ յառու մի գետոյ ըմսկել ջուր . և 'ի խոնարհէլ զգլուխն՝ տեսեալ զպատկեր դիմաց իւրոց 'ի ջուր անդ իբրև 'ի հայելով , հարաւ 'ի սէր իւր , և ընդարմացեալ փոխեցաւ 'ի ծաղիկ , որ յանուն նորա կոչեցաւ նարկիս : Եւ այս դիպաւ ասեն առասպելարկուք 'ի պատիժ նորա . զի որ անգոսնէր զգեղ այլոց 'ի սիրոյ գեղեցիութեան իւրոյ վնասեցաւ : Յայս հայի ասելն Մագիստրոսին մերոյ 'ի թուղթն առ կարծեցեալ օմն դիտնական . “ Բայց քեզ գերապանծ պանծալով ըստ Կարկիսեայ յորսուց դարձեալ պատահեցի աղբիւր , : Այլք առեն թէ Կարկիսոսի էր քոյր մի ամենսկին նման նմին . և եղե 'ի կորնչիլ կամ 'ի մեռանիլ քեռն նորա երթայր նա յափն գետոյն , զի տեսեալ զգեմս իւր 'ի ջուր՝ միակթարեցի իբր առսութեամբ քեռն իւրոյ : Թող զոր այլք այլազգ գրեն , և պէս պէս մեկնաբանեն . բովանդակն է կեղծիք : Գրեն վիպասանք թէ կայր շիրիմ յանուն Կարկիսեայ 'ի Բիովտիա գաւառի . առ որով լռիկ և անշշունչ գնային անցաւուք , վասն որոյ և կոչիւր գերեզման լուռթեան : Իսկ Սպորինէ էր ասեն այլ մանուկ գեղեցիկ դիմօք և իմաստուն մտօք . որոյ տեսեալ թէ գեղ իւր 'ի գայթակվութիւն լինի բազմաց , խոցոտեաց ինքնին զցութունս իւր , և խանդարեաց զվայելցութիւն դիմաց իւրոց :

180. ԶՍոկրատէս փիլիսոփիայն զծաղկեալն բարոյական իմաստութեամբ և ընտելիր քաղաքավարութեամբ իբր մի միայն առաքինի 'ի մէջ չելենացւոց , 'ի մէջ բերէ հեղինակս առ 'ի խրատ իմաստուն անձանց . որք թէտէտ և չիցեն վայելուչ գիմօք կամ առոյդ մարմնով , շատ է նոցա զգօնութիւն մասց և վարք բարի . զի այս ձիբք բազում առաւելութեամբ լնուն զպակասութիւն ընտելիան և առնեն գովելի ոչ միայն յաչս Աստուծոյ , այլ և առաջի մարդկան . քանզի ամենեքին առաւել գովեն զիմաստունն և զառաքինին անմասն 'ի գեղոյ , քան ըզգեղեցիկ մոլին : Թող զի ասէ Կիկերոն “ Ուղղութեամբ մարթի և գեղեցիկ կոչիլ (այր իմաստուն և առաքինի) . քանզի գծագրութիւնք հոգւոյ առաւել գեղաւոր գտանին քան մարմնոյ , :

181. Սա ինքն Ագաթոկլէս որ էր որդի առն բրտի 'ի Կալաբրիոյ , եղե անուանի բռնակալ 'ի Սիկիլիա որ և բազմօք յաղթահարեաց զկարքեգոնացիս իբր 300 ամօք յառաջ քան զՔրիստոս : Սա , որպէս ասի , նաև յաւուրս իշխանութեան իւրոյ խեցեղէն անօթս 'ի կիր առնոյր յարքայտկան սեղանի ,

առ անմոռաց ունել զարհեստ հօրն և զնուաստ վիճակ տոհմին իւրոյ :

182. Մարկոս Տերենտիոս Վարրոն էր հիւպատոս Հռովմայեցի, որոյ Ելեալ՝ ի պատերազմ նիղակակցութեամբ Ղուկիոս Եմիլիոսի Պաւլոսի՝ ընդգէմ քաջին Անհիբաղայ Կարքեդոնացւոյ առ Կաննայ քաղաքաւ Ապուլիոյ Պեւկետեայ, ի պարառութիւն մատնեցաւ չարաչար, և խորտակեցան զօրք նորա . մինչև անկանիլ քառասուն հազար արանց ի գնդէ Հռովմայեցւոց : Եւ Եղե՝ ի դառնալ նորա կորանօք ի Հռովմ, մեծամեծք Հռովմայ փոխանակ պատուհասելոյ զնա ընկալան բազում մարդասիրութեամբ, և կամեցան ընտրել՝ ի պաշտօն դատաւորութեան որ կոչիւր Քիգրադարա . զի մի անկցի լըքումն ի սիրտ քաղաքացւոց վասն այնպիսի մեծի կոտորածին . բայց նա առ ամօթոյն չեառ յանձն զայն պատիւ : Այլ է և անուանակից սորա Մարկոս Տերենտիոս Վարրոն Երևելի մատենագիր Հռովմայեցի, ժամանակակից Կիկերոնի . որպէս և այլ ոմն ժամանակակից նոցուն Տերենտիոս Վարրոն Ատակինոս կոչեցեալ, անուանի բանաստեղծ Գաղղիացի ի Կարբոնայ . զօրոյ զգրուածս օրինակ առնոյր Վիրդիլիոս ի յօրինուածս ընտիր քերթուածոց իւրոյ :

183. Եմպեդոկլէս Ակրականդացի ի Սիկիլիոյ՝ իբր 450 տմօք յառաջ քան զՔրիստոս, էր փիլիսոփիայ բնազննին և բժիշկ . որոյ գնացեալ՝ ի լեառն Ետնայ Եթող զընկերս իւր առ ստորոտվ լերինն, և ինքն մերձեցաւ ի հրաբուղիս տեղիս . զի ի բոցակեղ լինել իւրում անտես ի մարդկանէ՝ կարծեսցի յերկինս փոխադրեալ . այլ սակայն երկաթի կօշիկք նորա ի դուրս սատուցեալ՝ ի լեռնէ անտի յայտնի տրարին զշարաչար կիզումն նորա : Այլք տսեն թէ դիպուածով կիզաւնա, և ոչ կամովին . իսկ այլք թէ ի նաւել իւրում ի ծերութեան ի ծով անկաւ և հեղձաւ . զոր արդիք ոմանք առաւել հաւանական համարին : Այլ զառաջին կարծիս հաստատէ և Կոննոս մեկնիչն Աստուածաբանի գրելոյլ այսպէս . “ Եմպեդոկլէսս այս Սիկիլիացի էր ազգաւ, վարժեալ սփթագորակտն իմաստութեամբ, և կամեցեալ սնափառիլ Եթէ սրբազնեալ յերկինս վերացաւ, արկ զանձն իւր ի հուրն որ ելանէ ի լեռնէն Սիկիլացոց յԵտնէ, զի այս է անուն լերինն, այլ հուրն ասի թէ Հեփեստոսի խառնելիքն է : Արդ նա կորեալ ի ձեռն հրոյն, այլ Աստուած կամեցեալ հրապարակել զսնափառութիւն նորա և զդի նորա ողջ հրոյն ի բաց եաթքանել, նախ զհողաթափն և ապա զմարմինն այրեցած խանձողեալ . և այսպէս ծանուցաւ թէ ոչ վերացաւ, այլ կիղաւըստ արժանի սնափառութեան իւրոյ , :

184. Ասկղեպիոս համարիւր Աստուած բժշկութեան, որդի Ապոլոնի և աշակերտ Քիրոնի ձիացլու . բժշկէր ասեն ըզցաւս անբուժելիս, յորոց յուսահատ լինեին բժիշկք, մինչեւ մեռելոց անդամ յարուցիչ լինել 'ի ձեռն դեղոց առասպելելն դիւցաբանք: Հնութիւն ժամանակին ետ զայսալիսիս ընծայել նմա . այլ ըստ սառյդ պատմութեանց՝ քանի մի և թսկղբունք բժշկութեան գտան յԱսկղեպիոսէ, որպէս և արուեստն հանելոյ զատամունս: Նկարիւր սա երբեմն 'ի ձև օձի, և երբեմն որպէս ծերունի ոք ունելով 'ի ձեռին գաւազան օձապատ: Մին 'ի համաստեղութեանց որ կոչի օձ, սմա ընծայի . որպէս թէ նա ինքն Ասկղեպիոս անդր փոխեալ իցէ . իբր զի օձն է նշանակ բժշկականութեան վասն պիտանութեանն 'ի դեղորայս . և գարձեալ նշանակ նորոգութեան կենաց վասն փոխելոյ զնորիսն հնացեալ . որպէս և խորագիտութեան կամ հանճարոյ որ հարկաւոր է բժշկի: Բայց ըստ ոմանց, Ասկղեպիոսի նշանակն 'ի համաստեղութիւնս ոչ է օձն, այլ օձական . և յայս միտ գրէ Նոննոս ասելով. “ Իսկ օձակալ ասի գուլ Ասկղեպիոս վերատեսուչ բժշկականին . և նշանակէ օձգ զոչ ծերանալն . զի ասի թէ մերկանայ զծերութիւնն, և նորոգի . արդ քանզի Ասկղեպիոս 'ի ձեռն բժշկականին նորոգէ զմարդկային մարմինս, առնեն զնա հանդերձ վիշապաւ . արդ կամելով աստուածքն սրբազանել զնա, փոխանակ պատկերի 'ի ձեռն աստեղաց սրբազանեցին յերկինս , :

185. Գոնսաղվոս Կորդովա, անուանի զօրավար էր 'ի Կորդովեան երեելի տանէ Սպանիացւոց . գուքս Դէռուանովայի և իշխան Վենուսայի, և Գոնդստապլ թագաւորութեան Նէալուսոյ, մեռաւ յամի տեառն 1612:

Ծանօթութիւնք յերեքտասաներորդ գիրս:

186. Պեմետրէ ըստ դիւցաբանութեան Հելլենացւոց էր դուստր Կոռնոսի, և քոյր Դիտոսի. համարեալ աստուածուհի արմատեաց և պաղաքերութեան երկրի, որպէս և անունն իսկ սառուգաբանի առ Յոյնս երկիր մայր, կամ տուիչ մայր: Սա ասեն ամսւանացեալ ընդ եղբօր իւրում Դիտոսի ծնաւ ուստր մի բաքոս անուն, որ և Դիտոնիսոս ասի աստուած խաղողոյ և գինւոյ . և դուստր մի որ կոչեցաւ Պերսեփոնէ, զոր գտեալ 'ի դաշտի ուրեք Սիկիլիոյ յափշտակեաց ասեն սանդարապետն Պղուտոն, և տարաւ 'ի խորշա խաւարինս որ 'ի դժոխս, առ-

նել իւր հարսն : Խոկ մայր նորա Դեմետրէ խնդրեալ զնա զօրն ողջոյն և ոչ գտեալ, ելոյց ասլա ջտհս 'ի հրոյ Ետնայ լերին . զի և 'ի գիշերի շրջեսցի 'ի խնդիր գտեր իւրոյ : Եւ յետ յածելոյ ընդ ամենայն երկիր, խմացեալ թէ նա 'ի սանդարամեաս անդնդոց պահի, գիմեաց առ Դիոս զի նա հնարեսցի հանել զդուստր իւր . իսկ նա ասէ . Հնար է նմա ելանել յանդնդոց, եթէ չիցէ ինչ ճաշակեալ անդ . այլ քանզի կերեալ էր նորա զերիս կամ՝ զեօթն հատս նուան յեղիւսեան դաշտէ, վասն որոյ չկարաց ելանել անտի . Այլ հուսկ յետոյ թոյլ տուաւ զի զկէս տարւոյն ընդ առն իւրում Պղուտառնի լիցի 'ի ստորինս երկրի, և զկէս այլ ընդ մօր իւրում Դեմետրեայ 'ի վերայ երկրի : Ահա յայսպիսի առասպել ձեւացուցանէին բանաստեղծք զլուսինն , որ երբեմն լրանայ և երբեմն նուազի, երբեմն է 'ի մի կողմն՝ և երբեմն 'ի միւս կողմն հողագնտոյս : Թողից և զայլ հետեանս այսր առասպելաց վասն Յամբեայ պառաւոյն . զի ըստ բաւականին բացատրէ հեղինակն 'ի կարգի անդ բանից իւրոց : Ըստ մասին յիշատակէ զայսոսիկ և Կոննոս յասելն . “ Դիմէտր ունէր գուստը զՊերսեփոնէ . զնա յափշտակեաց Պղուտոն . և շրջելով Դիմէտրի և խնդրելով զդուստրն՝ եկն յԱտտիկէ . և իջավանեալ առ Տրիալտղոմէոսի ումեմն 'ի գեղն որ կոչի Ելեսինէ . արդ խմացեալ 'ի Տրիալտղոմէոսէ թէ Պղուտոն յափշտակեաց զՊերսեփոնէ, յաղագս այսր երախտեաց ետ Տրիալտղոմէոսի զսերմանիս ցորենոյ և գտրոյ, ոսպն և ոլուն և զայլ սերմանիս, սլատուէր տուեալ ոչ մախալ, այլ շրջել և ցրուել զսերմանիսն առ ամենայն մարդիկ . զի ուսցին զսերմանելն և ուտել զպտուղս ընտանիս՝ գործելով զերկիր . քանզի յառաջագոյն ուտէին կաղինս վայրի անկոց անտի . վասն որոյ քանզի կաղնոյն յունարէն փիգոս (Փիգոս) ասեն, ուտելոյն ասացաւ փագին (Փագին) , :

187. Հեղինակս մեր թեսաւրոս՝ բաց յայլ գործոց իւրոց ունի և գիրք մի շարագրեալ իտալերէն 'ի վերայ հոետորական ձեռց և արուեստաւոր ասացուածոց՝ ըստ ընթացից Արիստոտէլի , անուանեալ Դիտակն Արիստոտէլեան . և ահա այն գիրք է յոր յղէ աստ զընթերցողս :

188. Բառս գաղտավաշունելին անձկօրէն առեալ լինի աստ որպէս և առ լատինս սառողանիտաս , 'ի տեղի հաճոյական զրուցաբանութեան , զոր վարէն անձինք ազնուականք և գիտնաւորք 'ի վայելուց և յախորժալուր զուարձախօսութիւնս , յօդելով զբանս խմաստալից եղերօք , յորս պէսսպէս գիւտ և անակնկալ ձեք կամ փոխաբերութիւնք տնին : Յայս միտս և 'ի նախընթաց գլուխդ ծանոյց հեղինակն թէ Արիստոտէլ իսկ քաղաքավարութիւն կոչեաց զզուարձախօսութիւնն :

189. Թռվմաս Ստիլիանոս ասալետ Մալդայու, եր բանաստեղծ կամ՝ տաղասաց յիտալական բարբառ . որ մեռաւ յ' ֆէդարու :

190. Աս ինքն է Մարկոս Որեղիոս կայսր մականուանեալն Եզիոդաբաղոս 'ի սկիզբն երրորդ դարու, խենէշ բարուք և անառակ վարուք :

191. Կիկղոս կամ Կիկղոսս կոչին առասպելեալ հսկայք գագաթակնեայք կամ միականիք 'ի ճակատս, որպէս յիշեցաւ 'ի համարն 42, և 69: Արդ կամի ասել Որատիոս, թէ Կիկղոսն կամ այլոք նմանեալ Կիկղոսպայ ըստ կերպարանացն, վասն միականի գոլոյ և յաղթանդամ և այլանդակ յելանելն 'ի հանդէս չունի կարօտութիւն արկանել յերեսս դիմակ նորատես 'ի ծաղր շարժել զայլս, երբ ունի յինքեան բաւական այլանդակութիւն անհեթեթ և ծիծաղաշարժ կամ ահարկու :

192. Աէր առեալ լինի աստանօր փոխանակ աստուծոյն սիրոյ, որ նկարիւր երկոքումըք աչօք կոյր . և համարիւր որդի Ափրոդիտեայ, որ համարեալն է աստուծուհի գեղոյ :

193. Յայտնի են իմաստք բանիցս որոց գիտակն են սկասմաւթեանց չոռվմայեցւոց . Վասն կատովնի ունիմք ասել 'ի ստորև 'ի համարն 205: Իսկ Ներուաս կայսր չոռվմայ որ նըստաւ յամի աեառն 97 կամ 98, եղեւ մին 'ի գովելի ինքնակալաց, հեզութեամք և իմաստութեամք թագաւորեալ, մինչե 'ի տեսանել երեելի անձանց զայսպիսի իշխան, առաւել ընտրելի համարէին զկայսերական միապետութիւն քան զծերակուտական հասարակապետութիւն, որպէս և զհակառակն դատէին երբ յայլ անպիտան կայսերս հայէին: Եւ ահա զայս կամի յայտնել բանաստեղծն Մարտիաղէս այնու բանիւ, “Եթէ գառնայր արդ կատովն յաշխարհ, զկողմն արդեօք ունէր զկեսարոսի , , , որպէս թէ ասել. կատովն ճարտարախօս՝ որ չէր հաւան ընդ միահեծան ինքնակալութիւն Յուլիոսի կեսարու, այլ ջատագով էր հասարակապետութեան, եթէ կենդանի լինէր յաւուրս Ներուասայ, տեսանելով զբարելաւութիւն նորին՝ ջատագովէր զկարծիս Յուլիոսի, այսինքն թէ լաւ ևս է միապետութիւն քան զհասարակապետութիւն:

194. Պարիս որ և Ազեքսանդրոս հովիւ, որդի Պրիամոսի տրքային Տրովացւոց, ըստ առասպելաց ընտրեցաւ 'ի Դիոսէդատաւոր առ որոշելոյ զդատ երից աստուծուհեաց, Ամենասայ, Հերայ և Ափրոդիտեայ, որք վիճէին ընդ միմեանս 'ի վերայ ոսկի խնձորոյ միոյ, որ եղեալ կայր յատենի գիցն այս-

պիսի իմն մակագրութեամբ . Գեղեցկագունին : Եւ իւրաքանչիւրն յերից անտի խօստանային Պարիսի տալ մեծ ինչ պարգևս ըստ զօրութեան իւրեանց , եթէ զինքն՝ ի մէջ երից դառնացէ արժանի ոսկի խնձորոյ : Յայնժամ՝ Պարիս անգոսնեալ զԱթենաս՝ զօրինակն իմաստութեան , և զհերա զօրինակն փարթամութեան , ընտրեաց զԱփրոդիտէ զօրինակն դեղեցկութեան , իբրև արժանաւոր ժառանգելոյ զայն ոսկի խնձոր : Ընդ որ ուրախացեալ Ափրոդիտէայ՝ ետ ասեն Պարիսայ՝ ի պարգևս զհեղինէ , զկին Մենեղաւոսի արքային Սպարացւոց զհամբաւեալն դեղեցկութեամբ . փոխանակ ասելոյ՝ թէ Պարիս յափշտակեաց բռնութեամբ՝ ի Յունաստանէ զհեղինէ . յորոյ՝ ի պատճառս եղեւ մեծ պատերազմն Իղիական , և քանդումն Իղիոնի կամ մեծի քաղաքին Տրովադայ : Զայսնշանակէ և Եւսեբիոս՝ ի կանոնի իւրում յաւուրս Եսեբոնի դատաւորին Եբրայեցւոց , յասելն . “ Աղեքսանդրոս զԵղենէ առեանգեաց . և Եղիական պատերազմն զտամն ամ՝ դումարեցաւ՝ վասն խնձորոյ դեղոյ . որոյ ընտրոյ տէր էր Պարիս անդիորդ , :

195. Սա ինքն է Եղիպոս որդի Լայոսի արքային Թեքայ , որ յանդէտս սպան զհայր իւր , և թագաւորեաց . որպէս ասացաւ՝ ի համարն 150 : Իսկ Սփինքս ասի լինել դուսար թագաւորի ուրումն , կամ կին կադմոսի . և վասն իրիք յանցանաց իւրոց փոխեալ՝ ի խառն ճիւազ ըստ առասպելաց իբրև քաղան չորքուանի , առիւծաձև , թեաւոր և վիշապատառուն , դարանէր յայրի միում՝ ի դուրս Թեքայ կամ՝ ի կիրճու լերանց գիշատել զանցաւորս . քանզի առաջի առնէր նոցա առակս խրթինս և առեղծուածս մթինս . և յոչ կարելն նոցա լուծանել , ձգէր զնոսա տուամբն , և տարեալ յորջ իւր յօշտէր : Արդ՝ ի մտանել Եղիպոսի՝ ի Թեքաս առաջի արար նմասեն Սփինքս զայն առած . որ կենդանի է այն որ ընդ առաւօտս է չորքուանի , ի հասարակ աւուր երկուտանի , և ընդ երեկո եռուտանի : Եւ նա իսկ և իսկ ելոյծ ասելով . ի մարդն , որ՝ ի տիս տղայութեան է իբր քառուտանի՝ ի քայլելն . զի առ չկարելոյ յոտին կալ յափսիթերս գնայ , երկու ձեռօք և երկու ոտիւք սողելով ընդ գետին . այլ յորժամ զարդանայ և քայլէ ոտիւք համարձակ , է տիրապէս երկուտանի . իսկ՝ ի ծերութեան առ տկարութեան ոտիցն կարօտի յենուլ և՝ ի դաւազան , որով լինի եռուտանի : Յայսմ սպատասխանւոյ զամօթի հարեալ Սփինքայ առ կատազութեան ընկեց զանձն ընդ ժայռս , և սատակեցաւ . կամ թէ նա ինքն Եղիպոս սասակեաց զնա և թագաւորեաց :

196. Մնջկատակ էին ծաղրածուք կամ կատակերգուք ,

որք 'ի թատրոնս և 'ի հանդեսս խաղալկաց ձևացուցանելին զամենայն ազգ շարժմանց 'ի յայտարարութիւն այլ և այլ կրից կամ գործոց այլոց, երբեմն անշըռնչ իբրև զհամերս, և երբեմն հանդերձ ձայնիւ . այլ առաջիկայս բան հայի յաւետ առ անձայն կատակողս :

197. Այս դրուագ խորհրդաւոր կախեալ է յաւետ զնմանաձայնութենէ լատին բառիցս, նօմէն էտ օմէն . որ թարգմանի ըստ ձայնին, անուն և գուշակութիւն (բարեբախտութեան) . որ է ասել . զոր ինչ նշանակէ անունն արդեամբք արժանի է այնմ ունողն զնոյն անուն :

198. Ծաղրածուք պորտաբոյծք զորս մեք պատառաքաղ կոչեցաք, 'ի Յունաց կոչին սեղանակապուտք կամ սեղանանգք, որպէս թէ 'ի ձեռն արուեստի ծաղրածութեան վայելողք 'ի սեղանոյ այլոց : Կային և թոչունք ինչ յայն անուն անուանեալք 'ի չելենացւոց վասն յարձակելոյ նոցա 'ի մեհեանս դից, և դողանալոյ 'ի սեղանոյ բագնաց զմիս զոհից : Իսկ չարպայք այսինքն յափշտակիչք, էին ըստ բանաստեղծից թոչունք գիշատիչք անյադ 'ի կերակրոց, 'ի կերպարանա աղջկանց հիւծելոց 'ի սովէ . որ և կոչէին դստերք ծովու և ցամաքի . ուր և հասանէին՝ ծախէին զամենայն ճարակ, և պատճառէին սով անբերելի . ընդ աեսանելն ուրեք սեղանեգեալ 'ի վերայ դիմէին և լափէին զամենայն . յոր ինչ և հըպէին դարշ հոտով պղծէին, մինչև անմերձենալի լինել մարդկան . և որչափ ոք վանէր զնոսա 'ի բաց անդրէն դառնային : Թող և զայլ բանս առասպելարկուաց . յորոց ոմանք դևս յափշտակիչս կոչեն զնոսա, և այլք այլազդ մեկնեն :

199. Վերբէս որ ըստ ձայնին և ըստ նշանակութեան գրեթէ նոյն է ընդ բառիս վարագ, զի թարգմանի խոզ արուկամ ոչ մալեալ, էր անուն ուրումն յիշխանացն չուվմայեցւոց : Սա կարգեալ 'ի ծերակուտէն 'ի վերակացութիւնն Սիկիլիոյ՝ հարստահարեաց զբնակիչս տեղւոյն բռնաւորութեամբ, և կեղեքեաց զնոսա յոյժ . և զայլ ևս բազում չարիս դործեաց յայլեայլ աեղիս : Վասն որոյ և կիկերոն Տուղիոս մեծ ճարտարաբանն յոյզ և խնդիր արարեալ ամենայն գործոց նորախօսեցաւ ընդդէմ նորա երկարագոյնս և զօրագոյնս յատենի գատաւորաց . և 'ի կարգս այլոց բանից կշտամբել կամեցեալ զնա և 'ի ստուգաբանութենէ անուանն 'ի մէջ եբեր զայսուիկ . Տեսեալ ասէ ժողովրդեանն զանօրէն օրինադրութիւնո գորա վկայէին ասելով . Չեն ինչ զարմանք թէ 'ի Վերբեսէ վարազային գործք գործեսցին, կամ զիարդ լինիցին իրաւացի իրաւունք Վերբէսի : Այլք ասէ դժուարէին ընդ գործս քըր-

մաց, որոց թողեալ զվերբէս վարազանման՝ զարժանին սատակման, կամ զսլարարեալն իբրև զխող օտարին ընչեք, զայլս յանասնոց զանմեղս կամ զվատեալս՝ 'ի սպանդ զոհից մատնեին :

200. Վասն Անծազը Քսենոկրատայ յիշեցաք 'ի վերոյ 'ի համարն 177: Այլ այս Անծազը անուն առաւելապէս սեակհականեալ է Կրասոսի Հռովմայեցւոյ հաւուն Կրասոսի կոտորելոյ 'ի Պարթեաց. քանիզի ասի թէ միանդամ ևեթ ծիծաղեալ իցէ 'ի կեանս իւր, այսինքն յորժամ եաւս զէշ մի որուտէր զեկքան փուշ զճարակ ուղտու. և ասաց. Ահա ծամելիք գտեալ են զիւր ծամելին, կամ ահա աղցան յարմար քմաց :

201. Թէ ո՛ք իցէ Տիմոն՝ տես 'ի համարն 159: Իսկ աստկամի ասել հեղինակն, թէ բնութիւնն իբր վրիպակաւ հրէշս ինչ առնելով ետ օձաբարոյ Տիմոնի զկերպարան մարդկային. որում յաւէտ օձադէմ կամ գլխովին օձ պարտ էր լինել. որովհետեւ ուներ զդժնեայ բարու անմերձ 'ի մարդկանէ հանգոյն օձի :

202. Երակլիսոս կամ Հերակլիսոս էր փիլիսոփիայ Եփեսացի, աշակերտ Քսենոկրատայ, կամ ըստ ասելոյ այլոց, առանց ուսուցչի ինքնին մտավարժ գտեալ և բնական ճարտարութեամբ յիմաստամիրութիւն կրթեալ: Սա ոչ միայն անծիծաղ էր ըստ Քսենոկրատայ, այլև գիւրապարատաստ 'ի լալ. զի յելանելն 'ի տանէ՝ յորժամ տեսանէր զաղմուկ որդւոց մարդկան, հայելով 'ի վերայ բազմավրդով վիճակի նոցա՝ յարտասուս հարեալ լայր իբրև սգաւոր ոք: Իսկ Դիմոկրիտոս էր փիլիսոփիայ Աբգերացի մականուանեալ Ծիծաղող, զի 'ի տեսանել զգործս որդւոց մարդկան ստէպ 'ի ծաղը շարժէր 'ի վերայ տղայամտութեան նոցա, և ծիծաղէր զնոքօք: Սա հուսկ յետոյ կուրացոյց ասեն զերկոսին զաջս իւր, զի մի խափան լիցին անզբաղ խոկմանց հոգւոյն: Զերկու զայս փիլիսոփիայս միանդամայն յիշատակէ և 'Յոննաս յասելն. “Հերակլիսոս և Դիմոկրիտոս ոչ 'ի միում ժամանակի լեալք, այլ բնաբանականք գոլով նմանապէս զաշխարհիս զայսորիկ զշետեւմունս խաղ առնեին. մինն ծիծաղէլով, և միւսն լալով. Դիմոկրիտոս ստէպ զիրողութեամբք աշխարհիս ծիծաղէլով, և Հերակլիսոս լալով. այլ Դիմոկրիտոս Աբգերացի էր, և Հերակլիսոս Եփեսացի ,:

Ծանօթութիւնք՝ ի չորեքտասաներորդ գիրս:

203. **Աւելորդ համարեցաք մի առ մի յիշել զարսն մի ըշկնի միոյ յիշատակեալս 'ի բանի անդ հեղինակիս . յորոց ոմանք 'ի սովորական բարս՝ զայս կամ զայն պակասութիւն մուեկան բարձեալ բերեին : Ըստ լիցի խմանալ զմիտս թեսաւրոսի , թէ զիարդ ըստ համեմատութեան մի մոլութիւն քան զմիւսն ամօթալի կոչի . և այն երբեմն առաւել կամ նուազդատի ըստ վիճակի իւրաքանչիւր անձանց : Թող զայն զի ինչ ինչ 'ի մոլութեանց , որ նուազ ամօթալի երեխին առաջի մարդկան , առաւել յամօթ առնեն զմարդ առաջի Աստուծոյ յահեղ առենին , քան զայլ մարդկային պակասութիւնս ինչ որ առ մարդկան առաւել ամօթալի թուին :**

204. Իղոս որ և Տրովս կոչի , եր արքայ Դարդանիոյ՝ որ շինեաց զիզիսն կամ զՏրովաս , այն է մեծ քաղաքն Տրոյիոյ : Արդ ըստ առասպելաց Դիոս ընկեց յերկնից զարձան մի Պալլասայ աստուածուհւոյ Պալլագիով ասացեալ . զոր նա ինքն իզոս յափշտակեաց , և փոխանակ նորա դրօշեաց զայլ արձան նման նմին , որոյ վասն և պատուհասեալ կուրացաւ : Յաւելուն առասպելարկուք , թէ յետ ժամանակաց յառաման Տրոյիոյ Յոյնք կարծելով զերկնառաք արձանն 'ի քաղաքի անդ վնել կորդեցին հնարիւք . այլ Հռովմայեցիք համարեին թէ Յոյնք զերկրորդն առին . իսկ առաջինն այն փոխադրեցաւ առեն 'ի Հռովմ : Իսկ վասն Դեմոկրիտեայ փոքր ինչ 'ի վեր ասացաւ :

205. Կատովն անուամբ բազում եղեն արք երեկելիք 'ի մէջ Հռովմայեցւոց . այլ առաւել անուանի գտաւ Մարկոս Պորկիոս կատովն մականուանեալն խմաստուն և Մեծ , որ մեռաւ իբր 150 ամօք յառաջ քան զՔրիստոս՝ 'ի հասակի 86 ամաց , այր իշխանաւոր և գիտնաւոր , զօրաւոր դրով և բանիւ և դործով . մինչեւ ասել Կիկերոնի զնմանէ թէ եղեւ առենաբան ճարտարախօս , խորհրդական հանճարեղ և զօրավար քաջ : Սա ասէր թէ վասն երից իրաց ևեթ զդջացեալ է իմ . վասն անցուցանելոյ զօր յորում չիցէ իմ ուսեալ ինչ նոր , վասն հաւատալոյ զգաղտնիս իմ կնոջ իմում , և վասն նաւելոյ ընդ ծով երբ կարողն էի ընդ ցամաք ճանապարհորդել : Յետ սորա անուանի եղեւ թունորդի սորին Մարկոս կատովն իմաստասէր՝ այն է մականուանեալն Ուտիկեցի , կամ կատովն կրտսեր , ե-

ընելի դտեալ յամենայնի հանդոյն նախահաւուն իւրոյ, և առաւելեալ 'ի մեծանձնութեան և 'ի քաջասրտութեան . սիրէր զիմաստասիրութիւն, այլ միտեալ զհետ աղանդոյ Ստոյիկեան փիլիսոփայից : Սա է որ երբեմն միախոհ դտաւ ընդ կիկերոնի հռետորի, և ասլա հակառակ . ջանացաւ միաբանել զՅուլիոս կեսար ընդ Պոմպէի, և յոչ կարելն խաղաղէլ էանց 'ի կողմն Պոմպէի, և բազմօք ընդդէմ եկաց միահեծան ինքնակալութեան կեսարու . վասն որոյ և 'ի մեռանել Պոմպէի և 'ի զօրանալ Յուլիոսի, փախստեայ անկաւ կատովն յերեսաց նորա . և առ գառնութեան սրտին մահ խնդրեալ անձինն, հրաման ետ վասն տան իւրոյ, և ընթերցեալ երկիցս զՃառն Պղատոնի որ վասն անմահութեան հոգւոյն, արհամարհեաց զմահ մարմնոյ, և միտեալ զսուրն 'ի կողսիւր մեռաւ յՈւտիկէ քաղաքի . ուստի և էառ զՈւտիկեցիդ անուն : Զսաստգտանէ թեսաւրոս վասն արբեցութեան, որպէս և զառաջինն վասն տռփանաց 'ի ծերութեան . զորոց ուրոյն ուրոյն ճառեաց Պլուտարքոս :

206. Աշակերտ իմաստնոյն Սենեկայի եղեւ անխմաստն 'Ներոն կայսր հրէշ մոլութեանց, ամենելին աննման իւրում վարժապետի և չարարար նմին, որպէս այլուր յիշեցաք : 'Ներոնը ստ ոմանց ստուգաբանի 'ի յն . և 'ի լտ . ջիզ . իսկ թեսաւրոս աստանօր թուի իտալերէն ստուգաբանել սեաւ կամ թուխ, տղմատեսակ կամ արիւնըռուուշտ : Այլ 'ի հայումն ոչ ինչ տարադէսլ նոյնանայ ընդ անուան քրիստոսամարտ գերաքրիստոսին, այն է նեռն . մանաւանդ թէ որպէս կարծի անունս նեռն առեալ է 'ի 'Ներոնէ :

207. Բան Սենեկայի այսպիսի ինչ է . "Պարտ է մեղ ընաբել զայր ոք բարի, և հանապազ առաջի աչաց ունել զնա . որպէս զի իբր յառաջիկայութեան նորա քաղաքավարեսցուք, և զամենայն ինչ այնպէս արասցուք որպէս թէ նա հայեցեալ աեսանէ . . . երանի այնմ որ գիտէ այնպէս պատկառիլ յումքէ, մինչև ընդ յիշելն իսկ զնա յարդարեսցէ և ուղղեսցէ զանձն իւր : Որ այսպէսն գիտէ սլատկառիլ յայլմէ, փութանակի և ինքն լիցի սլատկառելի : Եւ արդ ընարեա քեզ զկատովն . և եթէ սա թուի քեզ կարի խիստ, ընտրեա զբարեմոյն անձն զԼելիոս . ընտրեա զայն, որոյ վարք և բանք հաճոյ եղեն քեզ . . . Զէ մարթ քեզ ուղղել ինչ առանց մերձ գնելց զկանոն , : Ի բանից ասաի որպէս և յայլոց աեղեաց Սենեկայի երեխի թէ 'ի գիրս թեսաւրոսի փոխանակ անուանս կատովն՝ սպրդեալ է կենսորինոս . քանզի և կիկերոն իսկ որ 'ի բազում տեղիս գովէ իբրև առաքինի զԼելիոս, առ նմին յարէ միայն զկատովն :

208. Զայս սպատմութիւն դրէ Հերոդոտոս : Ի լինել ասէ հակառակութեան 'ի մէջ Արգիացւոց և Սպարտացւոց վասն անդոյն կամ դաշտին , որ կոչիւր Թիւրէա , ընտրեցան յերկուց կողմանց ևս երեքհարիւր արք մարտնչիլ ընդ միմեանս մինչև իսպառ կոտորելոյ միոյ կողման զմիւսն . և յորում կողման մնացորդք արանց դացին , նոցա լիցի տեղին , և իբրև կոռւեցան մինչև ցերեկոյ , 'ի սպարտացւոց մնաց միայն Ոթրիւադէս . իսկ յԱրգիացւոց մնացին երկու արք Ազկինոր և Քրոմիոս , որք իբրև յաղթողք դարձան յետո անհոդութեամբ . իսկ Ոթրիւադէս կողոպաեաց զզէնս անկելոց թշնամեաց , և բերեալ 'ի կողմն բանակի իւրոյ եկաց մնաց արիաբար 'ի տեղւոջ մարտի : Ի վազիւ անդր պնդէին Արգիացիք թէ մեր է յաղթութիւնն : զի 'ի մէնջ երկուք մնացին . և ընդ հակառակն Սպարտացիք ասէին , թէ մինս 'ի մէնջ տակաւին անպարտելի կայ մնայ . և այն զի ձերքդ 'ի բաց փախեան 'ի տեղւոջէ պատերազմին , և մերս հաստատուն և անվեհեր սրաիւ ժուժեաց և զաւար ևս զձեր էտո : Ի սաստկանալ վիճմանց այնուհետե խմբեցաւ սպառերազմ մեծ յերկուց կողմանց և յաղթեցին Սպարտացիք քաղք : Յարէ տպա Հերոդոտոս . “ Այլ վասն Ոթրիւադէայ որ միայն էր մնացեալ յերից հարիւրոց անտի ընտրելոց , ասեն թէ ամօթ համարեցաւ դարձառնել 'ի Սպարտիա յետ նիզակակցացն անկանելոյ . և անդրէն 'ի Թիւրէա անձամբ զանձն կարձեաց 'ի կենաց , : Իսկ վասն Լուկրետիայ Հռովմայեցւոյ յիշեցաք վերագոյնդ 'ի համարն 45 :

209. Միռու կամ Միւռուա , որ թարգմանի զմուռս և զմուսենի , ըստ առասպելաց էր գուստը Կինիւռայ արքային Կիսպրոսի . որոյ տոփեալ ասեն առ հայրն իւր հնարիւք դայեկին եմուտ առ նա 'ի մթան , և յզացաւ 'ի նմանէ . իսկ Կինիւռոս իբրև խնդրեաց լոյս , և իմացաւ զի դուստր իւր է նա , իսկ և իսկ կամեցաւ սատակել զիա . այլ նորա օդնական իւր առեալ զգիշեր փախեաւ 'ի տանէ հօր իւրոյ , և դիմեալ անկաւ յԱրաբիա . ուր փոխեցաւ ասեն 'ի համանուն ծառ :

Ծանօթութիւնք 'ի հնգետասաներորդ գիրս :

210. Թէակտում ոմանք այլ և այլ գիս համարին զւեմեսիս և զԱդրաստիա , բայց բազումք ևս մի և նոյն դնեն : Արդ Նեմեսիսդ անուն , որ կրկնակի ստուգաբարանի , այսինքն բաշխոյք և սրամտութիւն , ընծայիւր աստուածուհւոյ համարելոյ վրէժ-

խնդիր արդարութեան . զի փոյթ նորա է , ասէին , պատժել զյանցաւորս զառ՝ ի մարդկային դատաստանէ զերծեալս , և պսակել զարժանաւորս զառ՝ ի մարդկանէ անտես եղեալս . վասն որոյ և կոչիւր դուստր արդարութեան : Իբրու Նեմեսիս բաշխէ ասէին բարիս իւրաքանչիւր ըստ արժանի արդեանց , և իբրև Ագրաստիա (անխուսափելի) , անվրէպ հատուցանէ յանցաւորաց զպատիժ : Ասէին ունել նմա աչս մշտաբաց և սրատես դիակել զամենայն որ ինչ դործի յաշխարհի : Նկարիւր օրիորդ թեաւոր , որպէս և երբեմն նստեալ՝ ի վերայ անուոյ կամ եգեալ զմի յոտիցն յանիւս , առ՝ ի նշանակել թէ հոլովեալ շրջի ընդ ամենայն աիեղերս , և երագ՝ ի վերայ հասանէ աեսանել և քննել զգործս որդւոց մարդկան : Նշանակ նորայատենի աստուածոց՝ էր ունել՝ ի ձեռին չափ երկրաչափական , որ է անվրէպ : Գոյր առանձին մեհեան նորա՝ ի չուովմ՝ ի կողմն մի կապիտոլիսնի . ուր պահիւր արքունի չափ կանդնոյ իբրև յատենի արդարութեան . չուովմայեցիք հանդիսապէս զոհ մատուցանէին նմա , յորժամ ունէին ելանել՝ ի պատերազմ :

211. Նարկիսոս որ երբեմն ծառայ ոք էր և անարդ գերի , ամբարձեալ՝ ի կղոդեայ կայսերէ՝ ի պատիւ աւագութեան մեծացաւ յոյժ յոյժ իշխանութեամբ և հարստութեամբ . մինչև ըստ դրելոյ Դիտինի ունել նմա աւելի քան զտամն միլիոն սսկի : Յոբնազ բանաստեղծ՝ ի մի կարգ դասէ զնա ընդ կրեսոսի Լիւդացւոյ ընչաւէտ արքայի , և ընդ հարստագոյնս՝ ի թագաւորոցն Պարսից . և այլք նմանեցուցանեն զնա Միդասայ որ խնդրեաց ոսկի լինել ամենայնի , յոր ինչ և մերձեսցի : Արդ Նարկիսոս , որ այնչափ համարձակութիւն եգիտ առ կղոդեաւ , մինչև չանկանիլ միոյ՝ ի բանից նորա՝ գետանին , և ըստ խրատու նորա սպանանել կայսեր զկին իւր , յետ սակաւուց յաւուրս Ներոնի սպանաւ չարաչար թելագրութեամբ Ագրիպինայ մօրն Ներոնի :

212. Յայտնի է պատմութիւն դործոց քաջ զօրավարին Բելիսարիոսի . որ յետ մեծամեծ յաղթութեանց՝ որովք մեծացոյց զանուն մեծին Յուստինիանոսի կայսեր Յունաց , հուսկ յետոյ ամբաստանեալ եղեւ իբրև դաւադիր ընդդեմ ինքնակալին . վասն որոյ և կայսրն ըստ սագրելոյ կնոջ իւրոյ մերկեաց զբելիսարիոս յամենայն ընչեց և՝ ի պատուոյ , և բրեաց զաշս նորա . և այնուհետեւ անկեալ նորա՝ ի հրապարակս՝ մուրացիկ լինէր ընդ աղքատս : Բայց են և ումանք որք ասեն թէ կայսրն՝ ի պատուոյ և թ զրկեալ իցէ զնա առ ժամանակ մի , և անդրէն դարձուցեալ՝ ի նոյն պատիւն առաջին . սա ասի վախճանեալ յամի տեառն իբր 565 : Յետագայ բան թեսաւ .

ըռսի հայի առ նախասացեալ կայսերս . յորոց Կղոդիոս յարքունի ընչից Ճօխացոյց զՆարկիսոս գերի անպիտան , և Յուստինիանոս կեղեքեաց զԲեղիսարիոս և էառ զինչս նորա յարքունիս յորդորանօք կնոջ իւրոյ :

213. Եւտրոպիոս էր ներքինի 'ի պահատանաց կանանցին յաւուրս Արկադեայ կայսեր որդւոյ մեծին թէոգոսի : Սաօր քան զօր յառաջեալ 'ի պատիւ , էհաս մինչև յաւագութիւն հիւպատոսութեան . և անձանտչող գանալ չափու անձին յանդուդն ձեռնամուխ լինէր 'ի բազում իրո ընդդէմ իւրաւանց . նմին իրի և ատելի եղեւ յաչս տմենեցուն մանաւանդ վասն հարստահարելոյ նորա զեկեղեցականս և զերևելի եպիսկոպոսունս : Այլ իբրև իշխեաց խրոխտալ նաև ընդդէմ Եւդոքսիայ թագուհւոյն , առաքեաց թագուհին արս զինի նորա առնուլ զգլուխ նորին . և նա փախեաւ յեկեղեցին : Ապա 'ի դիմել բազմութեան ամբոխին յափշտակել զնա՝ ոչ ետ թոյլ սուրբ հայրապետն Յովհան Ոսկեբերան վասն ապաւինելոյ նորա 'ի տունն Աստուծոյ . և խօսեցաւ առ ժողովուրդն 'ի վերայ այսր քարոզ սքանչելի : Յետ այսորիկ աքսորեցաւ Եւտրոպիոս 'ի կիպրոս . և հուսկ յետոյ գլխատեցաւ 'ի Քաղկեդոն յամի տեառն 399 :

214. Վիճակ կամ վիճակընկեցութիւն , 'ի գործ ածիւր առ հեթանոսս բազմապատիկ սնապաշտութեամբ 'ի գուշակութիւնս բախտից . քանզի ընուին 'ի բախտանոցս կամ յամանս ինչ որպէս յեղջեւրո կամ 'ի սափորս վէդս կամ քուեայս և կամ այլ ինչ բեկորս , յորոց վերայ կային նշանակեալ մտացածին տառք կամ գիծք առ որոշումն յաջողութեանց և ձախողութեանց . և 'ի դատարկել անդ զամանն ում և ելանէր այս կամ այն նշանակ , համարիւր այն նմին գուշակ երջանկութեան կամ թշուառութեան : Արդ լստ այսմ նմանութեան յօդեցին բանաստեղծք , թէ վիճակն իբրև զօրութիւն ինչ վերին թափիէ 'ի վերայ մարդկան զայլ և այլ գիպուածս բախտից յերկուց ամանոց , յորոց 'ի միումն կայցեն քուեայք երջանկութեան , և 'ի միւսումն թշուառութեան : Այլ այս սմենայն է ունայնաբանութիւն , եթէ չիցէ նմանաբանութիւն . զի փոխանակ ասելոյ թէ Աստուած է որ յաջողէ զամենայն յամենայնի , և բաժանէ զպարգևս իւրաքանչիւր որպէս և կամի , այսպիսի բանից սնոտեաց զհետ կրթեցան :

215. Եգիսթոս որ թարգմանի այծասուն կամ սնուցեալ յայծէ , լստ առասպելաց էր որդի թիւստէսի՝ ծնեալ յանկարդ խառնակութենէ այսինքն 'ի դստերէ նորա 'ի Պեղոպեայ . արդ ասի թէ մայր մանկանն 'ի ծածկել զչարիսն ըն-

կեց զաղայն յանտառս, զի լիցի կերակուր գաղանաց . այլ դը-
տեալ զնա հովուի միոյ սնոյց կաթամբք այծից : Երբե եհաս
յարբունս, եղև ոյր զօրաւոր, այլ վայրագ և անաւակ . և յետ
սպանանելոյ զհօրեղբայր իւր զԱտրես և զորդի նորա զԱգա-
մեմնոն՝ սպանաւ ասկա և ինքն յՈրեստեայ յորդւոյ Ագամե-
մնոնի : Իսկ Հիպակողիւտոս էր որդի թեսէոսի 'ի Հիպակողիւ-
տեայ ամաղոն կնոշէ . սա ըստ առասպելաց անգոսնեալ զաղգ
կանանց՝ սիրեաց զամուրի կեանս և սպարապէր յորսորդու-
թիւն : Իսկ մօրու նորա ֆեդրա աչս արձակեալ 'ի նա՝ բռնա-
դատեաց 'ի պղծութիւն . և յոչ առնուլ նորա յանձն՝ չարա-
խօս եղև զպատանւոյն առաջի հօր նորա . և նա յաքսորս ա-
ռաքեաց զնա : Կամ ըստ այլոց, իբրև գիտաց Հիպակողիւտոս
զցասումն հօր իւրոյ, հեծեալ 'ի կառս փութացաւ փախչիլ .
այլ յանիծից հօր իւրոյ՝ անկեալ 'ի կառաց, յօշոտեցաւ յե-
րիվարաց իւրոց, բայց յաւելուն առասպելարկուք թէ գիք ան-
դրէն կենդանացուցին զնա : Մտացածին պատմութիւնք Ե-
գիսթոսի և Հիպակողիւտոսի հանդիսացեալ են առ բանա-
ստեղծս և առ եղերերդուս :

216. Մարսիաս էր փողահար Փիւգացի, որ ըստ առասպե-
լախօսաց իշխեաց կոչել իւր ախոյեան 'ի նուադածութիւն
զՓերոս զաստուածն երաժշտութեան, տեսանել թէ ոյր գոր-
ծի քաղցրածայն հնչիցէ . փո՞լ իւր եթէ քնարն Ապողոնի :
Իսկ դատաւորք հանդիսի սոցա ասին լինել Տմողոս արքայ
Լիւգացւոց որդի Արեսի կարծեցեալ, և Միդաս արքայ կող-
մանցն Փոխւգացւոց : Տմողոս յաղթող դատեցաւ զԱպողոնի,
և սպարտաւոր զՄարսիաս . իսկ Միդաս գովեաց զՄարսիաս .
ընդ որ զայրացեալ Ապողոնի ասէ . Փոխանակ զի այդչափ
թանձրալուր գտար, և ոչ գիտացեր որոշել ընդ քաղցրալուր
և ընդ խոշոր հնչիւն նուագաց, բուսցին քեզ ականջք իշոյ .
իսկ զՄարսիաս կապեալ 'ի ծառ մի արար մորթեզերծ ըստ
դատաստանին Տմողոսի, վասն իշխելոյ նորա 'ի վէճ մտանել
ընդ իւր : Այլ ոմանք զդատաստան Տմողոսի և Միդասայ դնեն
լինել յայլ առասպելեալ դիպուտած, յորժամ Պանէս առ-
տուածն հովուաց նոյնօրինակ 'ի վէճ եմաւտ ընդ Ապողոնի :

217. Սաղմոնէոս որդի Էյողայ՝ արքայ Հեղիացւոց կամ
թեսսաղացւոց, ըստ առասպելաց ցանկացեալ յաստուածոց
կարգի համարիլ, խորհեցաւ որոտմունս և կայծակունս հնա-
րել հանդոյն Արամազդայ հօր աստուածոցն, այն է Դիոս
շանթառաք . շինեաց կամուրջ մի պղնձի, բարձր, լայնանխօս
և երկայնաձիգ . յորոյ վերայ ընթացուցանէր զկառս իւր ա-
մեհի երիվարօք՝ մտրակեալ զնոսա արջառաջլօք . և առնէր
շառացիւն մեծ և դղրդիւն որոտածայն . և միանդամայն լու-

ցեալ ջահ բոցավառ սպառնայր կիզուլ զմարդիկ՝ իբր յօրինակ կայծականց : Զայն տեսեալ ասեն Արամաղդայ յարոյց յանկարծակի զիսկական որոտմունս , և արձակեալ կայծակունս 'ի վերուստ՝ շանթահար իջոյց յանդունդս զՍազմոնէոս : Ստորագրէ զսոյն անցս Վիրդիլիոս'ի Զ Ենէական գիրա: Նոննոս փոքր մի այլազդ գրէ . “ Սազմանէոս որդի էր , ասէ , Էովլոսի Թագաւորին Յեսաղացոց . սա ամբարշտեալ առ աստուածսն չոր և կարծր արջառակաշխեք և կատայօք թնդմունս և հնչմունս գործէր , 'ի ձեռս ունելով լապտերս վառեալ՝ պարծէր և մեծաբանէր որոտալ որսկէս Զես և փայլատակունս առնել . մինչեւ շանթահար եղեալ կիզաւ յԱրամաղդայ : Իսկ վասն Պերիղղոսի որ գտակն եղեւ փաղարեան պղնձացլու , տես 'ի համարն 3 : Այլ յաղագս առն որ սիրելի էր յաչս Աղեքսանդրոսի Սևերոսի կայսեր , բայց քանզի զձիրս կամ զաւադութիւնս շնորհեալս յարքայէ կաշառօք վաճառէր այլոց , 'ի ծուխ հեղձուցաւ , բազում անդամ յիշատակեաց Յեսաւրոս :

218. Յիտալականն առած ձեւանայ 'ի ձեռն նմանաձայն բառիցս Քաստոնի , ա-դունի . որոց առաջինն նշանակէ զնապատամատոյցս կամ զդործակից ձեռնտուս . իսկ երկրորդն ըդբուն հեղինակս գործոյն կտմ զսկզբնապատճառս :

219. Լայնաբար առեալ լինի աստանօր նշանակութիւնն անուանցս Կեմեսիս և Ագրաստիա , հայելով 'ի գործս ընծայեալս նոցին . այլ զՃիշդ ստուգաբանութիւնն ունիս տեսանել 'ի համարն 210 :

220. Ի չորից անտի արանց զորս սպան ասեն Աղկիդէս այսինքն Հերակլէս քաջն , կակոս որդի Հեփեստեայ կարծեցեալ էր տւազակ ոմն առ Տիբերիս գետով ուր յետոյ Հոռվմ շինեցաւ . սա գողացաւ ասեն զարջառս Հերակլի 'ի գառնալ նորա 'ի Սպանիոյ յայն տեղիս . քանզի յանկարծուստ 'ի վերայ յարձակեալ անդեռոց 'ի թիկանց կուսէ բուռն զօրութեամբ ձգէր զադիս նոցա , և տանէր յայր իւր . այլ 'ի բառաչել նոցա յայրի անդ զդացեալ զայն Հերակլի դիմեաց 'ի տեղին , և հաստ բրովն իւրով հարեալ սատակեաց զկակոս . և ապա զոհս մատոյց դից վասն այսր յաղթութեան 'ի տեղին որ կոչիւր հրապարակ արջառոց : Կակոս թարգմանի չար կամ չարագործ . վասն որոյ և 'ի հայերէն թարգմանութեան առաջին մասին ժամանակագրութեանն Եւսեբեայ գրի այսպէս . “ Հերակլէս Երթեալ 'ի Սպանիայ աշխարհէ՝ բագին կանգնեաց 'ի հրապարակի Բոյարեայ , վասն զի զչար որդին Եփեստեայ սպան , : Իսկ Բուսիրիս էր բռնակալ ոմն յԵդիալտոս համարեալ որդի Պոսիդոնի աստուծոյն . սա ըստ

ասելոյ ոմանց զանցաւոր օտարոն հիւրընկալեալ դաւաճանութեամբ՝ զոհէր զնոսա գից իւրոց . և իրքն զնոյն կամեցաւ առնել և ընդ չերակլէս՝ 'ի վեր ել նենդութիւնն և սպանաւ 'ի չերակլէ : Առ սա հայի ասացեալն Եւսեբեայ 'ի կանոնի իւրում յաւուրս Յեսուսայ . “ Բուսիրոս առ կողմամբքն Նեղոս գետոյ բռնանայր , և զանցաւորս զօտարս կողոպատէր , : Ամանք գնեն թէ սպանեալն 'ի չերակլէ Բուսիրիս իցէ այլ ոմն բռնաւոր 'ի Սպանիա : Խառկրատէս սոփեստէս յօրինեաց առանձին ձառ 'ի գովեստ գործոց Բուսիրիսի անողորմ բռնաւորի 'ի ցոյց Ճարտարութեան մտաց իւրոց : Անտէոս էր հսկայ ոմն վիթխարի և ուժով անսպարտելի 'ի Անբիա՝ համբաւեալ 'ի խաղս ըմբշտմարտութեան . որում չերակլէս ևեթ կարողացաւ ասեն յաղթել , և բաղում են բանք բանաստեղծից զնմանէ : Զատ ևս յիշէ Եւսեբիս 'ի կանոնի առ ժամանակօք Գեղետնի , յասելն . “ չերակլէս զնահատակութիւնս իտարէր . և զԱնտէոս սպանանէ , և զիղիոն աւար հարկանէ . ասի թէ երկրածին էր Անտէոսն . քանզի միայն յանուանելոցն կուռողաց 'ի գետնի՝ հմուտ էր կուռոցն . մինչև կարծել յերկրէ մօրէն իւրմէ օգնականութիւն գտանելլ , : Սոյնակէս և Գերիոնի կամ Գերիւյոն բռնաւոր արքայ Սպանիոյ էր այլ քաջալանջ և քաջաբազուկ՝ եռամարմին ասացեալ ըստառասպելաց , թէրեւս վասն ախրելոյ երից կղզեաց՝ որպէս կարծեն ոմանք , կամ զի ունէր և զերկոսին եղբարս իւր համակամ թեակիցս և օգնականս , որպէս այլք դնեն . ընդ որում մարտուցեալ չերակլի յաղթահարեաց ասեն զնա , և ձերբակալ արարեալ երեր յիտալիա : Զայս ամենայն գտանես յիշատակեալ առ Վիրդիլիոսի և առ այլ բանաստեղծս՝ 'ի խօսիլն նոցա զքաջութեանց չերակլի :

221. Պորղիոս Սիրոս կոչեցեալ , այսինքն սիւրացի կամ ասորի վասն գոլոյն հայրենեօք յերկրէն Ասորւոց , էր բանաստեղծ միմսական անուն մեծ ստացեալ 'ի Հռովմյաւուրս Յուլիոսի Կեսարու , և սիրելի յոյժ յաչնորա վասն հանձարոյ իւրոյ :

222. Արքիլոքոս էր բանաստեղծ ոմն կամ երդայարդար լակեդեմոնացի , այսինքն սպարտացի , իբր 650 ամօք յառաջ քան զՔրիստոս . որոյ որչափ Ճարտարարուեստ և աղդու էին բանքն , նոյնչափ և խայթողական . վայելքահիւս , այլ երդեծաբան : Անկամբէս ոմն խոստացեալ էր զդուստոր իւր տալ Արքիլոքոսի 'ի կիութիւն . և աղա ստեալ նմա այլում ետ . վասն որոյ և Արքիլոքոս զայրացեալ յօրինեաց 'ի կշտամբանս նորին տաղս ինչ այնչափ զկծեցուցիչ , մինչև Անկամբէայ չկարացեալ տանիլ այնմ խեղդ էարկ անձին : Ի մեռանիլ ա-

պա և Արքիլոքոսի՝ քանդակեցան պիծակը 'ի վերայ շիրմի նորա 'ի նշանակ խայթողական բանից նորին։ Արդելեալ էր 'ի Ստարտիա ընթերցումն ոտանաւորաց սորա, զի մի ուսցին համբակը վարել զայնալիսի ոճ կծանողական։ Զհետագայ անձանց որք բանիւ կամ դրով չարիս խօսեցան զայլոց, չկամեցաք կարդել աստ ծանօթութիւն։ զի ոչինչ աւելի օդակն առ իմանալ զմիտս բանին։

223. Ստիգս կամ Ստիւգեան լիճ կոչի 'ի բանաստեղծից տարտարոսեան լուալիքն իբր ընդունարան ամենայն ժահից։ որ էր ասեն յառաջն դուստր Ովկիանոսի, և մայր լեռնեանն հիդրայի, և ասպա փոխեցաւ 'ի ջրակոյտ դժոխոց։ Այս առասպել առեալ է ըստ ոմանց յՍտիւգս անուն աղբերէ բըղիսելոյ յԱրկագիա գաւառի։ որոյ ջուրն այնչափ ցուրտ էր ասեն և դժնեայ, մինչեւ սպանանել զըմպովն, զերկաթ և զարդ մաշել, և զայլ անօթս իսկ և իսկ խօրտակել։ միայն կըճզակը ջորւոյ տոկային ընդդէմ նորա։ Եւ 'ի ջրոյ աստի էր ասեն թոյնն որ տուաւ Ազեքսանդրի Մակեդոնացւոյ։ իսկ զբոնասոս գաղանն յիշէ և խորենացին յաշխարհագրութեան յասելն։ “Եւ լինի 'ի Դաղմատիա գաղան, որպէս զեզն, Բոնոսոս անուն, որ զկոյն ձգէ որսորդացն, և այրէ,,։ Զնոյն երկրորդէ և Վանական վարդապետ 'ի հարցմունս իւր, ասելով։ “Ի Դաղմատիա գաղան ինչ է որպէս զեզն, Բոնոսոս անուն, զկոյն ձգէ որսորդացն, և այրէ,,։”

224. Յայտնի է իմաստ բանին, զի այն ինչ իբր նորածին էր աշխարհն, ետես զդաւաճանութիւնն կայենի ընդդէմ եղբօր իւրոյ Հաբելի։ յորմէ ձեռնարկէ թեսաւրոս, թէ և 'ի կատարածի իւրում ոչ նուազ ապիրատութիւնս տեսցէ այս աշխարհ հնացեալ։”

Ծանօթորթիւնը 'ի վեշտասաներորդ գիրս։

225. Զանց տրարաք զստուգաբանութեամբ անուանս օրէնս, ըստ իտալ. լէմմէ։ զոր հանէ թեսաւրոս յերկուց բայիցս, լէմմէուն որ է ընթեռնուն, և լէկառն որ է կապէլ։ զի կապէ ասէ զընթերցողն պարտաւորելով լինել օրինապահ և առաքինի։

226. Հռամիրոս եղբայր թագաւորին Արագոնացւոց ընտրեալ էր իւր վարս միակեցական։ այլ 'ի մեռանել արքայի՝ ստիպեցին Արագոնացիք զքահանայալետն, զի տացէ հրա-

ման Հռամբոսի գալ նստիլ 'ի տեղի Եղքօր իւրոյ, և կանգնել զթագաւորութիւնն և զզարմ արքունի, և այնպէս յակամայս թագաւորեաց նա, և ամուսնացաւ. այլ յետոյ տեսեալ զանձն անբաւական 'ի բառնալ զբեռն արքունի հոգոց, և ցանկացեալ իւրում առաջին վիճակի, դարձաւ 'ի միայնութիւն իւր, որպէս և ժողովուրդն իսկ զայդ կամեր, զի տեսանէին զնա անյաջող 'ի հասարակաց տնտեսութիւն:

227. Պատրիկիոս և Տրիբոնիանոս արք անուանիք ուշիմութեամբ, միանգամայն և ապիրատութեամբ անիրաւ գործոց, եղեն իրաւագէտք 'ի վեցերորդ դարու յաւուրս մեծին Յուստինիանոսի կայսեր. որ 'ի ձեռն նոցա և այլ ևս իմաստուն անձանց յօրինեաց զհաւաքումն դրոց իրաւանց և օրինաց. որոյ դատաստանագիրքն նշանաւոր է յոյժ մինչեւ ցարդ: Արդ թէ պէտ ինքն Յուստինիանոս չէր գիտնական ոք, բայց սիրող էր գիտնաւոր արանց: Եւ զի սոյն այս կայսր արար և ինչ ինչ անկարդ անսալով խրատու կնոջ իւրոյ, դուցէ նմին իրի պախարակէ զնա թեսաւրոս ասելով, թէ որ օրէնո ետ աշխարհի գրով, օրինագրեալ լինէր 'ի կնոջէ գործով:

228. Վասն Գորդոնեանց Երից առասպելեալ քերց փոքր 'ի շատէ ասացաւ 'ի համարն 153:

229. Աստրէա ըստ դիւցաբանից էր դուստր Աստրեսի, որ 'ի Տիտանաց անտի պատերազմողաց ընդ Դիոսի, և կամ ծընունդ Դիոսի 'ի թեմեայ կնոջէն Աստրեսի: Արդ որպէս թեմիս համարիւր աստուածուհի իրաւանց և արդարութեան, նոյնպէս համարեցաւ և Աստրէա, մանաւանդ թէ և արդարութիւն անուանեցաւ. որ նկարիւր իբրև օրիորդ զդաստ և անաշառահայեաց, ունելով 'ի ձեռին երկթաթ կշիռ զուգահաւասար: Սա ասեն նախ յերկնից եկն յերկիր յոսկեղէն դարու անմեղութեան աշխարհի. այլ յետոյ 'ի զօրանալ չարեաց որդւոց մարդկան՝ անդրէն 'ի վեր չուեաց. կամելով ասել թէ արդարութիւնն նուազեաց յերկրէ: Իսկ վասն Նեմեսեայ տես 'ի համարն 210:

230. Վասն Դրակոնի որ թարգմանի վիշապ, որ և Եղեգմնդակ օրէնսդիր Աթենացւոց գնելով գազանային օրէնս, յիշեցաք 'ի համարն 24: Իսկ Հռադամանթէս էր օրէնսդիր Կրետացւոց, որ սահմանեաց կարդս անաչառ իրաւանց և դատաստանաց. զորմէ յօդեցին բանաստեղծք լինել դատաւոր սանդարամետին, խիստ և ահարկու: Հռադամանթեան դատաստան կոչի յառակս անհրաժեշտ վճիռն անկաշառելի և անողոքելի դատաւորի, կամ ճիշդ և անվրէպ դատաստանն:

Յիշէ զսա Կոննոս, և կոչէ Հռադամանթես արդար դատաւոր եղբայր Մինովսայ, և որդի Արամաղդայ. և յաւելու թէ ըստ քերթողաց և ըստ Պղատոնի ասի զՄինովսայ և զՀռադամանթեայ թէ “Սոքա մեռեալք՝ ոչ ընդունակ լինին խաւարի, այլ երանելեաց կղղեքն և Ելեսէօն դաշտն ընկալաւ զնոսա,,:

231. Թուաս էր արքայ Տաւրիոյ, ուր կայր երևելի մեհեան Արտեմեայ դից. և էր օրէնք եղեալ յարքայէ զի որ միանգամ յօտար երկրէ նաւարկեալ հանդիպի յայն տեղի, զո՞հ լիցի նա Արտեմեայ: Եւ էր անդ քրմուհի կարդեալ Խփիւգինէ դուստր Ագամեմնոնի, զոր յափշտակեալ էր Արտեմիս'ի զենմանէ, որպէս յիշեցաք 'ի համարն 44: Եւ եղեւ զի յորժամ Որեստէս եղբայրն Խփիւգենեայ սպանեալ զմայր իւր զկլիւտեմնեստրա լլիէր չարաչար 'ի դիւաց, ասացաւ նմա 'ի պատգամախօսէն Ապողոնի թէ ոչ այլազդ զերծցիս 'ի տանջանաց այտի, եթէ ոչ տռեալ բերցես յԱթէնս զարձանն Արտեմեայ որ 'ի Տաւրիս, զկարծեցեալն յերկնից եջեալ. և նա զնացեալ գողացաւ զայն հնարիւք. և այն ինչ խորհէր փախչել, 'ի վեր ել բանն. և հրաման ետ թուաս զենուլ զՈրեստէս 'ի զո՞հ Արտեմեայ իբրև զայլսն. բայց նա օդնականութեամբ քեռն իւրոյ, որում ետ ծանօթս զանձննէ, սպան զարքայն. և այնպէս արեամբ նորա ջնշեաց զօրէնս նորա, և զարձանն տարաւ յԱթէնս: Իսկ Կոննոս գրէ այսպէս. “Տաւրոսք ազգ են Սկիւթացւոց առ որս փոխադրեցաւ 'ի ձեռն Արտեմիդեայ Խփիւգինիա դուստր Ագամեմնոնի, յորժամ հանդերձեալ էին զո՞հել զնա յաղագս Ելլենացոցն յԱւլիդիա. վասն որոյ եղն փոխանակ տռեալ աստուածուհին՝ ոչ ետ զո՞հել զկոյսն. արդ այս Խփիւգենիա 'ի Տաւրոս գոլով, զի մի ծանիցի 'ի հիւրոցն եկելոց՝ եթէ ոք իցէ, հրամայէր զո՞հել զնոսա Արտեմիդեայ. և նա էր օտարասպանն զոր ասէ աստուածայինն Գրիգորիս: Յետ այնորիկ երկուցեալ Որեստէս առ 'ի Կղէիտեմնեստրայ, և եկեալ 'ի Տաւրոս, և ըմբռնեալ 'ի նոցանէ իբրև հիւր 'ի սպանումն ածաւ առ իւր քոյրն Խփիւգենիա իբր առ քահանայուհի. և ծանօւցաւ վասն փզոսկրէից ուսոցն, և թողաւ 'ի զենմանէն. և այսպէս առեալ Որեստէս զքոյրն իւր զԽփիւգինա՝ բերէ յԵլլադա,,: Հարևանցի յիշէ զայս պատմութիւն և Գրիգոր Մագիստրոս 'ի թուղթն առ Անանիա վանահայր. ուր զայն բագին կոչէ պռուական արքէմիս օպարտուպան:

232. Յայս հայի ասելն ոմանց թէ 'ի ԶԲ ողոմակիադն Հռոմայ-եցիք 'ի Յունաստանէ օրէնս խնդրեցին, յորոց զերկոտասան մատեանսն շարագրեցին: Եւ այն մատեանք կամ տախտակք համարեցան առ նախնի Հռոմայեցիս իբր անվրէալ կանոն օրինաց. և 'ի մեկնութիւն նոցա դեգերէին իրաւագէտք նոցին:

233. Այս առած կախեալ է յաւետ զնմանաձայնութենէ լատին բառից չելում է և չենում. այսինքն են երկինք և տիղմ. որպէս եթէ և մեք ասէաք երկին և երկիր, կամ եթեր և երր: Եւ միտ բանին է, թէ Օգոստոս վասն չափազանց առատաձեռնութեանն՝ 'ի մեռանիլ իւրում ոչինչ այլ պահեաց վասն իւր, բայց միայն վասն հոգւոյն զհանդերձեալ աշխարհ, և վասն մարմնոյն զհող գերեզմանի: Սոյնպէս և միւս այլ ասացուած որ 'ի ստորև, այն գիրք եղեն իշխու, կախի զնմանաձայն իտալական բառից լիուու և լիուու. ուր և 'ի մեզ նմանաւոր գան երկոքին բառք: Որպէս և այլուր յիտալականն դնի պօջ և պօջը, և 'ի մեզ 'ի դէպ յարմարի դաւ և շաւ:

234. Սիմպղեգական ժայռք, որք և հասարակօրէն գիտնեան վէմք կոչին, են երկու փոքրիկ կղզիք Եւքսինեան ծովու 'ի բերան Վոսպորին թրակիոյ, մերձ յանցս Սեաւ ծովու ընդ կիրճս կոստանդինութօլսոյ. որք այնչափ մերձ են միմեանց, մինչև փոքր մի 'ի հեռուստ միացեալ համարին. վասն որոյ և յունարէն կոչեցան «իմբլիուս», այսինքն միացեալք կամ զօդեալք կամ ընդհարեալք ընդ միմեանս: Արդ ասի թէ 'ի գնալ Արդոնաւորդաց 'ի գիւտ ոսկեգեղմանն, իբրև հասին մօտ յայն տեղի, տեսեալ զկոհակս ֆրփրադէղ ալեաց որք բազիսէին ընդ այն ժայռս, և միդապատ առնէին զօդն, երկեան յոյժ. և յետ բազում աշխատութեան հազիւ անցին ընդ այն տեղի. յորոյ վերայ ազգի ազգի առասպելս յօդեն բանաստեղծք:

235. Թէմիս է բառ յունական, որ Թարգմանի իրառունք: Արդ թեմիս անուն ընծայիւր ասաուածուհւոյ իրաւանց և արդարութեան իբր ծնողի ամենայն ուղիղ կարգաց. վասն որոյ և գստերք նորա անուանէին ուղղութիւն, օրէնք և խաղաղութիւն. կամ ըստ այլոց՝ մի և նոյն համարէին ընդ նմա, ըստ այլ և այլ գործոց այլ և այլ անուանս առեալ: Իսկ վասն Պղուտոնի այլուր յիշեցաք թէ Թարգմանի Ճոխ, և համարի Աստուած ստորայնոց. որ և առ լատինս կոչի գիս իբր թէ պէս, այսինքն Ճոխ կամ մեծատուն, և խալերէն գիրէ:

236. Առ խալացիս մի և նոյն բառ այն է ունիշեաս, նշանակէ հանրական և գիշելերք. վասն որոյ և 'ի դէպ գայ ասացուածն այն, տիեզերք են հանրական:

237. Պերիկղէս Աթենացի որդի Քսանթիպպոսի, աշակերտեալն այլ և այլ երեելի արանց 'ի բազմապատիկ գիտութիւնս, եղեւ մի 'ի նշանաւոր արանցն Յունաստանի ծաղկեալ իմաստութեամբ և քաջութեամբ, ատենախօս Ճարտար և հզօր

զօրավար։ Յորժամ կարգեցաւ իշխան Աթենացւոց, այնպէս յինքն ձգեաց զսիրտ ամենեցուն, մինչև ոչ ևս համարիւր ծերակուտական իշխանութեամբ վարիլ ժողովրդեան, այլ 'ի միահեծան արքայէ առաջնորդիլ։ Ի տալ նմա Աթենացւոց զալէսպէս վերտառութիւնս կամ զանուանս տպատուոյ, ընտրեաց միայն կոչիլ Արդար։ Սա քանզի կարի եռանգեամբ և առաւելագոյն սաստկութեամբ բարբառէր յատենախօսութեան, կոչեցաւ յոմանց փայլատակող և որոտացող։ և յայլոց Ողիմակոս ձայնեցաւ։ Մեռաւ իբր 430 տմօք յառաջ քան զՔրիստոս։ Արդիք նորտ Պարագոս և Քսանթիպոս ուսան 'ի հօրէ իւրեանց զարուեատս իմաստութեան, այլ ոչ զառաքինութիւն։

238. Վասն Մանլիոսեանց տէս 'ի վերոյ 'ի թիւն 59։ Իսկ հայրասպանն ասացեալ Պտղոմէոս է չորրորդն Պտղոմէոս արքայ Եգիպտացւոց որդի Պտղոմեայ Եւերգետի, մականուանեալն Փիլոպատովը։ և թէպէտ այս անուանակոչութիւննորին նշանակէ հայրասէր, բայց որպէս ասի, 'ի նախատինս իւր կոչեցաւ այնպէս։ իբր զի համբաւ էր զնմանէ թէ դեղ մահու արբուցեալ հօր իւրում կարճեալ իցէ զնա 'ի կենաց։ Եւչեն ինչ զարմանք. զի և վասն Պտղոմէոսի Փիլադեղփէայ (Եղբայրասիրի), ասեն ընկալեալ զայդ անուն հեգնօրէն։ զի սպան ասեն զեղբարս իւր։ որպէս և վասն այլոյ Պտղոմէոսի՝ Փիղոմետոր կոչեցելոյ, այն է մայրասէր, ասի թէ որովհետեւ ատէր զմայր իւր զկղէսպատրա՝ ներհական անուն ընծայեցաւ նմա 'ի նախատինս նորուն։

239. Մեղենտիոս էր արքայ Ետրուրիոյ առ ժամանակօք Ենէասայ և Տրովլական պատերազմին, այր բռնաւոր և անողօրմ առ հսկատակս իւր։ որ բաց յայլոց գժնդակ տանջանաց զորտայր յանցաւորաց և անմեղաց, հնարեցաւ և զայս անդթութիւն, զի ընդ մեռեալ դիակունս տայր կապել զկենդանի մարդիկ երես ընդ երես, բերան առ բերան, ձեռն 'ի ձեռն։ և այնպէս թողոյր տագնապիլ կամ մեռանիլ կենդանւոյն 'ի դարշութենէ մեռելոյն։ Մինչև չհանդուրժեալ ժողովրդեանն հալածական արտրին զնա 'ի տէրութենէն։ և նա յետ դեգերելոյ յայլեայլ տեղիս՝ գնաց և 'ի պատերազմ ընդդէմ Տրովլացւոց։ և հուսկ յետոյ 'ի մարտ դրգուեալ նաև ընդդէմ Ենէասայ՝ յաղթեցաւ 'ի նմանէ։

240. Տիափոս ըստ առասպելաց էր ծնունդ Դիոսի յԵղարայ դստերէն Ուբրոմենոսի, ծնեալ յանյայտ խորշս երկրի, վասն որոյ և առացաւ երկրածին։ Եւ իբրև եհաս 'ի չափ հսսակի, եղեւ հսկայ անհեթեթ։ մինչև յընկողմնիլն 'ի դետնի

Հնոյր ասեն զտեղի ինն արտաշափ հողոյ : Ի յառնել սորա
բռնութեամբ 'ի վերայ Ղէտովայ մօրն Ապողոնի՝ եհար զնա
Ապողոն նետիւ , և ընկեցեալ յանդունդս դժոխոց կապեաց
զնա անդ , և հրաման ետ զի ցինք կրծեսցեն զլեարդ նորա . և
այն հանապազ . զի ընդ սպառիլն բուսանէր նոր լեարդ 'ի փո-
րոտիս Տիտիոսի . և այնպէս ցինք միշտ կրծէին , և Տիտիոս
միշտ չարչարէր : Նոննոս այլազգ գրէ զտանջանաց Տիտիոսի .
“ Տիտիոս ցանկացաւ , ասէ , Լետոսի . և տռփեալ բուռն ե-
հար զգլիսապինդ վարշամակէն . ապա Արտեմիս և Ապողոն
մանկունք գոլով Լետոսի նետիւք վիրաւորեցին զնա , և սպա-
նին . և այժմ է 'ի դժոխս , և ունի զնետան կառուցեալս 'ի
նմա , և այնքիւք պատուհասեալ լինի , : Իսկ զտանջանս Պրո-
միդեայ յիշեցաք վերագոյնդ 'ի համարն 150 . ուր և տեսա-
նես զի Նոննոս ըստ մասին զայն ինչ գրէ զՊրոմիթեայ , զոր
ինչ այլք զՏիտիոսէ ասեն :

241. Զնամանաձայն եզերս հեղինակին մուդուս և մուդուլ
թարգմանեցաք ըստ Ֆիշդ նշանակութեան ժադին և հաճը , այլ
մարթ էր և 'ի հայումն նմանաձայն յօրինել ըստ յարմարու-
թեան իրացն այսպէս . “ Փախադարձ հաւանութեանն անդարձ
ապաշաւ զհետ դայ , : Իսկ անմիջական հետեւորդն այն , “ Եւ
ուրախ հարսնածութեան՝ տիսուր կոծութիւն , , , յիտալական
դնի այսպէս . “ Եւ ուրախ հիմենէից՝ տիսուր օմէիք , , : Ուր
օմէի յայտ առնէ զաւաղական հեծութիւն ձայնից որպէս ըզ-
կոծ 'ի վերայ մեռելոց . իսկ հիմենէոս է նշանակ ուրախու-
թեան հարսանեաց համարեալն Աստուած ամուսնութեան ,
որպէս յիշեցաւ վերագոյն 'ի համարն 92 :

242. Պրոտագորաս էր Փիլիսոփայ Աբդերացի 'ի Թրակիոյ
աշակերտ Դեմոկրատեայ և օրինադիր Թուրացւոց . ուսոյց առ-
ժամանակ մի յԱթէնս , և ապա աքսորեցաւ վասն նորաձայն
վարդապետութեանց իւրոց . զորա Ճառատանս և Պղատոն
առանձին Ճառիւք կշտամբեաց : Եւսեթիոս 'ի 27 ողոմակիադն
ասէ . “ Պրովագորաս սոփեստէս , զորոյ զգիրսն վճիռ ետուն
այրել Աթենացիք , : Եղեն և այլ իմաստասէրք կամ իմաս-
տակը ոմանք նովին անուամբ :

243. Ագրիպաս Մենենիոս էր իմաստուն և զօրաւոր հիւ-
պատոս Հռովմայեցւոց իբր 500 ամօք յառաջ քան զՔրիս-
տոս . յորոյ աւուրս ամբոխ ժողովրդեանն Հռովմոյ ընդվե-
զեալ ընդդէմ ծերակուտին՝ մեկնեալ որոշեցան , և համա-
խումբ դիմեցին յԱւենտին լեառն , որ այժմ կոչի լեառն
սուրբ : Իսկ Ագրիպաս գնացեալ առնոսա խրատեաց զնո-
սա այսու առակաւ . տեսեալ ասէ անդամոց մարմնոյն զո-

ըովայնն անգործ, որ գիտէ ուտել և եթ զվաստակս իւրեանց, զշարեցան ընդդէմնորա, և ոչ ևս կամեցան տալ նմա կերակուր, և եղե 'ի նքողիլ որովայնի լուծեալ լքան և անդամքն ամենայն, և յայնժամ 'ի միտ առին զպիտանութիւն որովայ. Նի, որ սնուցիչն է բովանդակ մարմնոյն: Սովոր առակախօսութեամբ շահեցաւ զմիաս ժողովրդեանն, և հաճեցոյց զնոսա հպատակիլ անգրէն ընդ իշխանութեամբ ծերակուտին. յայտ արարեալ զի թէպէտ ծերակոյան վայելէ 'ի վաստակս ժողովրդեան, այլ ոչ եթէ առանց նորա կարէ յոտին կալ ժողովուրդն:

244. Եսքիղոս էր անուանի երգահան, այսինքն յօրինող ազգի ազգի երգոց 'ի պէտս թատրոնական իւազուց, այր կունտ կամ ճաղատ գլխով: Արդ ասի 'ի պատմութիւնս ոչինչ ընդհատ յառասպելաց՝ գուշակութիւն լինել յոմանց առ Եսքիղոս, թէ քար անկցի գիպուածով 'ի վերայ գլխոյ քո և այնպէս մեռցիս, վասն որոյ և զգուշանայր ասեն շրջիլ 'ի ներքոյ շինուածոց: Դէպէ եղե զի յելանել նորա երբեմն 'ի գաշտ և 'ի նստիլ ուրեք, արծուի մի որոյ բարձեալ էր 'ի մագիլս իւր զկրիայ, և կամեր գտանել տեղի ապառաժ ուր ընկեցեալ խորտակեսցէ զայն առ 'ի կարող լինելոյ ուտել, տեսեալ ըզճաղատ գլուխ Եսքիղոսի՝ համարեցաւ թէ վէմ հաստատուն իցէ. վասն որոյ և ընկեց ուժգին զկրիայն 'ի վերայ գագաթան գլխոյ նորա 'ի բարձանց. և այնպէս փոխանակ խորտակելոյ զկրիայն ջախջախեաց զգլուխ Եսքիղոսի, որով և մեռաւ իսկ: Եւ սա ևս ծաղկեցաւ իբր 500 ամօք յաւաջ քան զբիստոս:

245. Վասն Կեսոսի և մահուն Հերակլեայ լիով ասացաւ 'ի համարն 81. որպէս և վասն կատովի որ սպան զանձն 'ի չտեսանել զՅուլիոս 'ի պատիւ ինքնակալութեան, տես 'ի համարն 205:

246. Մի՛ ոք 'ի պարզամտաց համարեսցի թէ թեսաւրոս գովէ ըստ ինքեան զգործ Ամաղեկացւոյն, կամ անպարտ կացուցանէ 'ի մեղաց. զի ոչ երբէք արդարանայ ոք 'ի սպանանելն զայն որ կամիցի սպանանիլ. այլ զայս միայն պնդէ հեղինակս 'ի բովանդակ յայս խնդիր, թէ ըստ Ճիշդ բանի անձնական իրաւանց՝ առ 'ի լինել ումեք անիրաւութիւն՝ պահանչի ընդդիմութիւն կամաց յանիրաւեալն. և զի Ամաղեկացին ենթադրի լինել կամակատար Սաւուղայ, ըստ այսմ բանի ոչ ասի անիրաւեալ առ նա. ապա թէ ոչ, ըստ ինքեան ծանունս յանցեաւ և անիրաւեցաւ. զի պարտական էր գիտել թէ չունի ոք իշխանութիւն 'ի վերայ կենաց իւրոց, որով կարող լիցի

Հրաման տալ այլում սպանանել զինքն. և հետեւաբար թէ նաև ինքն չկարէ ունել իշխանութիւն սպանանելոյ. և այն զի այր թագաւոր էր և օծեալ տեառն. վասն որոյ գեղեցիկ ասէ թեսաւրոս. Արար որ ինչ կամք էին Սաւուղայ, չարար որ ինչ կամք էին Աստուծոյ: Թող զայն, զի որպէս բազումք հաւասահ համարին ընդ հեղինակիս, Ամազեկացին ստութեամբ յօդեաց զայն սպատմութիւն սպանման Սաւուղայ յիւրմէ՝ կարծելով հաճոյանալ յաչս Դաւթի, և ընդունիլ պարգևս 'ի նմանէ. այլ փոխանակ պարգևաց զարժանին պատիժ մահու ընկալաւ: Ասացի թէ չունի ոք իշխանութիւն 'ի վերայ կենաց իւրոց. և այս ոչ միայն լուսով հաւատոյ յայտ է, զի չեմք անձանց տէր, և զի ոչ ոք 'ի մէնջ անձամք կեայ, և ոչ անձամք մեռանի. զի եթէ կեամք՝ տեառն կեամք, և եթէ մեռանիմք, տեառն մեռանիմք. այլև 'ի բնական լուսոյ ինքնին քաջայայտ է. զի որպէս ոչ մեղէն եղաք, այլ յԱստուծոյ արարաք, և նա արար զմեզ և ոչ մեք եաք, և նովաւ կեամք, շարժիմք և եմք. նոյնակու և կեալն և մեռանին մեր ոչ 'ի ձեռո մեր է, այլ տեառն մերոյ և արարչի. ապա որ ոք ըստ կամս իւր իշխէ բառնալ զկեանս իւր, յայտնապէս անիրաւի առ տէրն կենաց և մահու, այսինքն առ Աստուծ. որով և գործէ ապիրատութիւն մեծ ընդդէմ աստուածային և բնական օրինաց: Զայս ամենայն իբրև անտարակոյս ենթագրէ հեղինակս. վասն որոյ և բանք նորա ոչ են զայսմանէ թէ արգեօք անձնասպանն անիրաւի առ. Աստուծ, կամ մեղանչէ թէ ոչ. այլ զայն եեթ պիդէ ըստ ոմանց 'ի հին փիլիսոփայից թէ առ անձն իւր չառնէ անիրաւութիւն այսինքն զրկանս. իբր զի ոչ է ինքն յինքենէ բաժանեալ զի ընդդէմ իւր զինեսցի, և ոչ յակամայս առնէ զայն գործ զի ընդդէմ կամաց իւրոց անիրաւեսցի. որ է տեսական խնդիր ինչ սովեստական, և ոչ իւիք գործադրական:

247. Ախերոն էր անուն զանազան գետոց երեցունց 'ի Կալաբրիա, յԵպիուս, և 'ի Բիւթանիա, յոր եթէ յաւելցես և զԱխուրեանն որ 'ի Հայս, իբր նմանաւոր ըստ անուան, լինին չորք: Եւ զի ջուր Եպիուսեանն Ախերոնայ էր դառնահամ և վնասակար, և միանդամայն երկար միջոցաւ ընդստորերկրեայ անցս յածեալ՝ աներեւութանայր, յօդեցին առասպելարկուք թէ իցէ նա մի 'ի գետոցն անդնդոց գժոխոց, կամ թէ ակն այնը գետոյ իցէ 'ի տարտարոսն. վասն որոյ փոխանակ ասելոյ գժոխային և անել գուք, յոր թէ անկցի ինչ չէ մարթ հանել 'ի վեր, ասէին Ախերոնեան գուք կամ Ախերուսիա: Թող և զայլ հանդամանս այսը ստեղծաբանութեան: Անունս Ախերոն ըստ ոմանց ստուգաբանի 'ի յունականն հոսանք ցաւոց, կամ յորձանք արտմութեանց. որ 'ի

գետ գայ դժոխոց ամենայն իրօք : Իսկ վասն Պողիկլետեան և
Լեսբեան քանոնաց ստեղ յիշատակելոց տես 'ի համարն 55 :

248 . Ամանաւոր բառիւք վարեցաք յայն բան , “ Եւ տուռ-
ղին տայ տեղի , , , իբր համաձայն նմանաձայնութեան բնագրին ,
ուր ասի . ա +ի պօնա , բէտպօնա . այսինքն տուռղին ներէ : Եւ
միտ բանին է թէ անիրաւ դատաւորն դիւրաւ ներող դատանի
այնմ որ տայ ինչ նմա . որ է ասել , կաշառօք զիջանի :

249 . Հեփեստոս համարիւր առ հեթանոսս տստուած
հրոյ , կամ առաջին դատակ կրակի և վերակացու դարբնաց .
որ 'ի դարբնոցի իւրում շինէր ասեն 'ի ձեռն պաշտօնէից իւ-
րոց կիկղոպայց շանթս կամ կայծակունս 'ի պէտս Դիոսի , և
զէնս պէսպէս 'ի պէտս այլոց դից ընդդէմ հսկայից տիտա-
նեանց : Արդ ըստ առաստելաց Հեփեստոս , որ ամուսնա-
ցեալ էր ընդ Ափրոդիտեայ , տեսեալ զիին իւր յարեալ յԱ-
րէս աստուած , արար ցանց մի անխզելի կամ ուռկան երկա-
թի , և ըմբռնետլ զերկոսին զնոսա զԱփրոդիտէ և զԱրէս 'ի
ներքս անդ կապեաց աներեւոյթ շղթայիւք . մինչև չկարել նո-
ցա զերծանիլ , և ածեալ զնոսա 'ի հրապարակ ատենի ուր
ժողովեալ էին ամենայն դիք , նշաւակեաց զքարիս նոցա :
Զայս առասպել ոմանք մեկնեն 'ի վերայ զօդուածոյ երկա-
թոյ և պղնձոյ և այլոց հրահալելեաց : Եւ այս չէ ինչ ընդդէմ .
զի վասն դործոյ դարբնութեան պղնձոյ և երկաթոյ յօդեցան
'ի վերայ Հեփեստեայ այս ամենայն և այլ ևս ազգի ազգի
ստեղծաբանութիւնք : Եւ որպէս բազումք ստոյգ դատեն ,
հեթանոսք զգիւտ թորելայ որ ըստ սուրբ դրոց էր Ճարտա-
րապետ դարբին պղնձոյ և երկաթոյ , ընծայեցին յանուն Հե-
փեստեայ : Արդ յասել թեսաւրոսի թէ ադամանդեայ ցանց
Հեփեստեայ համարեալ են օրէնք առ ատելիս օրինաց , իմա-
նայ ցանց անխզելի կամ ուռկան անճողոպրելի :

Մանօթորիւնք յեօթնետասներորդ գիրս :

250 . Մնեմոսինէ ըստ բանտառեղծից էր մի 'ի յաւերժա .
հարսանց համարեալ մայր ամենայն մուզայից , այսինքն ծնող
ամենայն դիտութեանց և ազատական արուեստից : Գոյր ա-
սեն և աղբիւր մի յանուն Մնեմոսինեայ . յորմէ եթէ ըմպէր
ոք զջուր , յիշէր զամենայն զոր միանդամ տեսեալն էր 'ի
կեանս իւր :

251. Արտինք զբառս ինդեւէ՛գուսս , որ է իմացութիւն կամ միտք ստուգաբանեն ինդուս կամ ինդէս լէգիօ , այսինքն 'ի ներքս ընթերցողութիւն , կամ ներվերծանութիւն . և սովորն նմանութեամբ ընդլայնէ թեսաւրոս զբացարութիւն որ հայէրլիրն , այլ զնիւթական ստուգաբանութիւնն ըստ հայումն յարմարեալ եղաք , մտ՝ որպէս թէ ճռագ . յոր թէ յաւելցես և ըզբառդ մատեան իր նմանաձայն , հաղաւորի 'ի գիտումն հեղինակին : Գտանեմք և առ հոգեկիր հուտորին մերում սրբոյն Գրիգորի Նարեկացւոյ , զբառս ճռագ ընդ մտի բառիս զուգորդեալ խորհրդարար 'ի Գովեստ առաքելոց յասելն . “Երագունիք 'ի թռիչս իմաստից բանի , 'ի ճռագս անմատոյց՝ ճռագ սլացեալք , :

252. Արգուենա կամ Արդեննա էր անտառ 'ի Գաղղիա Բեղդացւոց յարմար որսորդութեան . յորմէ և Արգուինա էր անուն ընծայեալ 'ի նախնի Գաղղիացւոց և 'ի Սաբինացւոց՝ Արտեմեայ աստուածուհւոյն , իբր վերակացուի որսորդաց որ շրջիցի յանտառս . վասն որոյ և դրօշէին զնա 'ի ձեւ առնացի զբահաղդեստ , աղեղն 'ի ձեռին , և շուն առ ոտամբն . և մասնաւոր տեղի որսորդութեան նորին համարէին զայն անտառ Արգուենեան . որոյ թռաջունք լեալ իցեն լուսափայլ ընդ թեօք իբր զփոսուռայս , որք 'ի թռաջին ինքնին լուսով իւրեանց 'ի յայտան . գուցէ կամելով ասել թէ դիւրաւ որսացեալք լինին :

253. Տիտանեանք կամ Տիտանացիք բազում ուրեք առեալ լինին 'ի գիրս փոխանակ հսկայից , որք երևելի եղեն յաղթահասակ մարմնով : Իսկ ըստ բանաստեղծից Տիտանեանք կամ հսկայք էին որդիք երկրի և Տիտանայ ուրումն աստուծոյ՝ կոչեցելոյ որդի երկնից . որ հանդերձ որդւովք իւրովք ասի մարտուցեալ ընդ այլ դիս վերինս և ընդ զօրութիւնս երկնից : Կամ ըստ այլոց , Տիտանեանք կոչեալ իցեն ընդ արեգական , որ յոլովակի Տիտան կոչի առ Վերդիլիոսի և առ այլ բանաստեղծս : Այլ առաւել հանդիսացեալ է առ ամենայն հնախօսս պատմութիւն հսկայիցն շինողաց աշտարակին այսպիսի օրինակաւ այլաբանելով զստոյդ բանս սուրբ գրոց : Վարանջեալ ասեն Տիտանեանց 'ի Դիոսէ , որ կոչի հայր աստուծոց , խորհեցան ընկենուլ զնա յերկնից . և եղեալ լերինս 'ի վերայ լերանց մերձ եղեն զինուք յերկինս . յայնժամ միաբանեցան դիք ընդդէմ նոցա վանել զնոսա , և նա ինքն Դիոսշանթս արձակեալ քակտեաց և տապալեաց զառ 'ի նոցանէ դիղեալ լերինս , և զՏիտանեանս արկ 'ի սանդարամեաս :

254. Աւան Պրոտէոսի յիշեցաք և այլուր , թէ ըստ առաս-

պելաց ուներ զարուեստ գուշակութեան և հանձարաւոր խորհրդատուութեան, բայց չասեր ումեք զոր գիտէրն, եթէ նախ չլինէր կտակեալ. զի կամ փախչէր, և կամ զգէմն յայլ կերպարան փոխէր: Իսկ Արիստոս էր որդի Ասլողոնի և Կիւրենեայ՝ արքայ Արկադիոյ. որ եղեւ ասեն առաջին դարմանիչ մեղուանոցաց, և ուսոյց մարդկան՝ ի գործ ածել զմեղը. որ պէս և մակարդել զկաթն, անկել զձիթենիս, և այն: Եւ զի ՚ի պատճառ սորա մեռաւ Եւրիդիկէ կին Որփէսի, վրէժ առնուլ կամեցեալ յաւերժարսանց յԱրիստէսէ՝ կորուսին յերկրէ զամենայն մեղուս: Յայնժամ Արիստէսոս դիմեաց յօդնականութիւն մօր իւրոյ Կիւրենեայ՝ որ մին էր ՚ի յաւերժարսանց. և նա յղեաց զնա առ Պրոտէսոս խորհուրդ հարցանց. և նա յամենէ վասն նոր գիւտի մեղուաց. բայց խրատ ետ որդւոյն, զի հնարեսցի ՚ի քուն գտանել զծերունին Պրոտէսոս, և անդագոյնս կապել զնա կարկամ չուանօք, զի մի ասէ խուսափեսցէ կտմ ծածկեսցէ զանձն իւր յաչաց քոց ՚ի ձեռն բիւրափոփոխ կերպարանաց իւրոց: Եւ նա իրեւ արար ըստ բանի մօրն, ուսոյց նմա Պրոտէսոս հնարս կենդանածնելոյ նոր մեղուս թաղելով յերկրի զփորոտիս ցլու, և այն: Այլ վասն պատերազմին Հերակլի ընդ խեցգեանի յիշեցաք՝ ՚ի համարն 70:

255. Զունակութիւն գիտութեան՝ զգեստու ՚նմանեցուցանէ հեղինակո. և այս որպէս ասացաք ՚ի համարն 14, գիւղողագոյն է յիտալական բարբառ վասն հոմաձայնութեան բառիս ապէջօ, որ միօրինակ ՚նշանակէ պատուապ և ունախութիւն:

256. Սա ինքն է երևելին և առաջինն Պլինիոս Վերոնացի մականուանեալն Սեկունդոս, մին յիմաստուն դրագիտացն չոռվմայ, այր ՚նշանաւոր գրով և բանիւ յառաջին գարու որ յետ Փրիստոսի. արդ սա ՚ի գնալ իւրում ՚ի տես հրաբուղիս լերինն Վետվայ վտանգեցաւ ՚ի ծխոյ ՚նորա, և մեռաւ: Սոյն այս Պլինիոս է, յորոյ ՚ի գրոց՝ որ մակագրի Պատմութիւն բնութեան կամ Բնական պատմութիւն, ՚ի մէջ բերաք ուրեք ուրեք բանո ինչ:

257. Վասն Պրոմիդեայ որ համարիւր ՚ի հողոյ զմարդիկ կերպարանել, տես ՚ի համարն 150:

258. Գալիլէոս Գալիլեան Փլորենտացի ծաղկեցաւ չափերական ուամսոմք ՚ի սկիզբն ծէ գարու. եղեւ գասատու ՚ի Պատաւիոն, ՚ի Փիզա, և ՚ի Փլորենտիա: Հնարեաց Ճարտարութեամք ազգի ազգի գործիս և ընտիր գիտակունս. որովք ՚նախ զառաջինն ՚ի յայտ էած զչորեսին արբանեակս լուսնթագին, շարագրեաց և բազում գրուածս ուսումնականս: — Իսկ

Սարդիացիք էին արք գերեզմանակրկիտք կամ գիակապուտք . զի ընդ առնուլն զլուր թէ թագեալ իցէ ոք ուրեք մեծադին զգեստուք , գնային գաղտ 'ի գամբարանս , և կողոպտէին զամենայն զարդս մեռելոյն : Սարդիացւովք իմացեալ լինին երբեմն Սարդենիացիք , այսինքն բնակիչք Սարդինիայ կղզւոյն յարևմուտս . և երբեմն բնակիչք Սարդիս քաղաքի Լիւդացւոց :

259. Վասն Ապեղեայ Ճարտար նկարչի ասացաւ վերադոյն 'ի համարն 11 : Իսկ Լիւսիալոս Սիկոնացի էր անուանի անդրիագործ , որ գրօշեաց բազում արձանս մի քան զմի Ճարտարարուեստ . վասն որոյ և Ազեքսանդր Մակեդոնացի ընտրեաց զի Լիւսիալոս և թքանդակեացէ զարձան իւր . որպէս և զԱպեղէս միայն ընտրեալ էր 'ի նկարել զիւր պատկեր :

260. Տիանէ կամ Տիւյանէ էր քաղաք Կապադովկացւոց 'ի ստորոտս Տորոսի , որ և կոչի Տիանա քաղաք Գամբրաց մերձ 'ի ստորոտս Անտիաորոսի : Ի քաղաքէ աստի էր երևելի մոգն կամ բազմարուեստ խմաստակն Ապողոնիոս , վասն որոյ և կոչի Տիանէոս կամ Տիանացի . կեցեալ 'ի վերջին աւուրս Օգոստեայ կայսեր մինչև ցժամանակս Դոմետիանոսի : Սա յետ շրջելոյ ընդ բազում աշխարհս և ընդ անձանօթ վայրս հուսկ յետոյ յանձանօթս մեռաւ , և գրեցան գործք նորա մտացածին բանիւք և լի առասպելեօք՝ յաշակերտէ նորա 'ի Դամիայ , և ապա նաև 'ի Փիլոսարատոսէ . ուր անհեթեթ նշանք և արուեստք հրէշաւորք ընծային նմա , և աղգի ազգի գործք մեծամեծք արտաքոյ կարդի . որոյ վասն իսկ առ բազումն 'ի հեթանոսաց մեծացաւ անուն նորա , և համարեցաւ 'ի նոցանէ իբր առառած ոմն ըստ օրինակին Սիմոնի մոգի :

261. Գաղակտիս , է անուն քարի միոյ պատուականի 'ի գոյն կաթին . այլ երբեմն ունի և նիշս ինչ իբր 'ի գոյն արեան : Լինի ասեն յայլեայլ տեղիս , այլ առաւել կաթնագոյնն ելանէ 'ի Նեղոս գետոյ . որ 'ի լոսիլն կամ 'ի Ճմլիլն ծորէ յիւրմէ աւիշկ ինչ կաթնորակ և կաթնահամ : Տայ ասեն կաթնատու գայեկաց առատութիւն կաթին . և եթէ կախեացի զպարանոցէ սանդիաց մանկանց՝ գոյաւորէ 'ի բերանս նոցա հիւթթքոյ կաթնահամ . իսկ եթէ մատուացի 'ի բերանս , հալի : Զայս ամենայն յիշատակէ բաց յայլոց և Պլինիոս թէ ասի ունել և զօրութիւն բառնալոյ զիշողութիւն կամ առնելոյ ըշմարդ մոռացկոտ , և յայս հայի բան թեսաւրոսի :

262. Որփիէոս , որ ըստ նախնեաց գրի Որփիս կամ Որփիւս որդի համարեալ Ապողոնի գիցն երաժշտութեան , էր Թրակոցի ոմն բանաստեղծ և քնարահար մեծանուն յոյժ առ հեւմարդ մոռացկոտ , և յայս հայի բան թեսաւրոսի :

լենացիս . մինչև ըստ առասպելաց 'ի ձայնէ քնարահարութեան նորա շարժիլ և ոստոստել տնկոց և բուսոց , կատիլ գետոց յընթացից իւրեանց , վայրի էրէոց թմրիլ և ընդարմանալ , և թռչնոց վայրաբերիլ և ամոքիլ յընտանութիւն . փոխանակ ասելոյ թէ քաղցրահնչիւն թռւեր 'ի լսելիս ամենայն մարդկան : Սա ասի լինել մի յՆարգսնաւորդաց . զոր յայն սակա ընդ իւրեանս առեալ իցեն ուղեկիցքն , զի 'ի սկատահիլ յուշկապարկաց ծովու՝ մարթասցի Որփէոս քնարաւ իւրով յաղթել քաղցրածայնութեան նոցա , և մի լիցի ինչ վտանգ նաւորդաց : Ի մեռանիլ կնոջ իւրոյ Եւրիդիկեայ էջ ասեն Որփէոս քնարաւ իւրով 'ի Սանդարամետս , և քաղցր նուագօք հաճեալ զսանդարապեան ազատեաց զկին իւր . այլ անդրէն զրկեցաւ 'ի նմանէ ոչ պահելով զխոսառումն իւր , զոր խոստացեալ էր չհայիլ յերեսս նորա զՃանապարհայն : Բազում և այլ առասպելք դրին յաղագս երգոց և նուագածութեանց Որփէոսի . որոյ և քնարն գլխովին դասեցաւ 'ի կարդ համաստեղութեանց : Յածին քանի մի բանաստեղծութիւնք 'ի գիրս յանուն Որփէոսի . այլ 'ի բազմաց ընդ անստոյդս դասին : Բազումք 'ի նախնեաց համարեցան թէ սա եղեւ առաջին 'ի մշջէլ չելլենացւոց , որ կարգեաց զալաշտամունս կրօնից , և յօրինեաց գիւցաբանութիւնս , կամ դրեաց բանս պէսպէս զերկնայնոց և զԱստուծոյ , այլ ըստ հեթանոսական կարգաց կամ ըստ տանելոյ լսելեաց կռասպաշտից : Յայս ամենայն հայի ասելն Կոննոսի . « Որփէոս երաժիշտ ոմն էր ազգաւ թրակացի . ասի թէ կանխաւ այնպէս երգէր , որպէս զի հետեւ երդոյն զծառս կազնիս . և զանբան կենդանիս և զքարինս և զգետս հետեւ լով 'ի ձայն հնչմանցն . այլ սորա քերթուածք բերին , զորս իբրև աստուածաբանութիւնս ունին Ելլենացիքն . այլ առ այսոքիւք քերթուածովք 'ի ձեռն առասպելական նշանաց ասէ զաստուածոցն դասս և զսերս , եթէ որո՞ց ոմանց ոյք են գործք , և որք որո՞ց ոմանց կատարմունք , և ոյք ոմանք որո՞յ են գոյացուցիչք , : Եւ դարձեալ այլուր , ասէ , թէ « Որփիւս աստուածաբանելով զԵլլենացւոց միւստեռինսն (զխորհուրդսն) , ուսոյց թէ որպէս զաստուածսն պատռել սլարա իցէ , . և այլն :

263 . Հելլենացիք զծիածանն կոչէին Առաջանդիսա , և ասէին լինել դուստր թաւմասայ ծովային դից ծնեալ յԵլլեկտրեայ դստերէն Ովկիանոսի . փոխանակ ասելոյ թէ ծիածանն որ գոյանայ յանձրեաց , առեալ է զանունն առ Հելլենացիս 'ի զարմանալի տեսոյ իւրմէ . և յիրաւի , զի վայելքանկար տեսութիւն ծիածանի պատճառէ զարմանս յամենետին , որք հային յաղեղնաձև մեծ կամար նորա և 'ի գոյնս երփնագեղս : Յաւելուին բանաստեղծք թէ թաւմանդիս կամ ծիածանն իցէ

պատգամաւոր գից յիրս չարագուշակս, իբրև բօթաքեր. որպէս և ընդ հակառակն զհերմէս դեսպան գիցն ասէին լինել պատգամաւոր լրոյ բարւոյ կամ աւետաքեր: Եւ այս ներհական իմանցուածով առեալ 'ի բանից սուրբ դրոց. զի որով հետեւ ասաց Աստուած Նոյի թէ զաղեղն իմ եղից յամասո 'ի նշանակ հաշտութեան չածել այլ ևս անձրեւ համաշխարհական, հեթանոսք որք ոչինչ ստոյգ գիտէին 'ի բանից աստուածեղէն տառից, տեսանելով զաղեղն երկնից 'ի ժամանակս անձրեայինս՝ համարեցան գուշակ լինել ամսկրոպաց և վնասակար օդոց. զորոյ զհակառակն պարտ է իմանալ:

264. Որպէս վասն Ապեղեսի նկարչի և Լիւսիալպոսի անդրիագործի յիշեցաք վերագոյնդ, թէ այնչափ անուանի եին յարուեստի իւրեանց, մինչև նոցա միայն տայր հրաման Աղեքսանդր Մակեդոնացի նկարել զպատկեր իւր և դրօշել կամ ձուլել զարձան իւր, սոյնօրինակ ասի և վասն Պիւրգոտեղէսի քաջ ակնագործի, որ գիտէր քանդակել դրօշուածս 'ի վերայ ականց պատուականաց. որպէս թէ պատուիրեալ իցէ Աղեքսանդր, զի մի ոք այլ քանդակեսցէ զպատկեր իւր 'ի վերայ ականց բաց 'ի Պիւրգոտեղէայ: Յայս հայի ասելն Պլինիոսի. « Սոյն այս ինքնակալ (Աղեքսանդր) պատուէր եղ զի մի ոք այլ նկարեսցէ զինքն՝ բաց յԱպեղեայ. մի ոք քանդակեսցէ բաց 'ի Պիւրգոտեղէայ, և մի ոք ձուլեսցէ 'ի պղնձոյ բաց 'ի Լիւսիալպոսէ, : Դարձեալ ասէ. « Առ ժամանակօք իսմենեայ... երեխ սովորութիւնն քանդակելոյ և զզմրուխտու. հաստատէ զսոյն կարծիս պատուէրն Աղեքսանդրի մեծի, որով արդել չքանդակել ումեք զինքն 'ի վերայ ական բաց 'ի Պիւրգոտեղէայ, որ անշուշտ երեւլին էր յայն արուեստ, :

265. Հեփեստեանս կամ Հեփեստոսս ձայնէ թեսաւրոս զմոլար քիմիականս հեղնելով. իբր զի որպէս Հեփեստոս համարիւր Աստուած դտակ հրոյ, և դարբնապետ գից, որ զտիւ և զգիշեր 'ի պէտս աստուածոց առ հրով վաստակեր, նոյնպէս և քիմիականք զամենայն աւուրս իւրեանց զբոցով հրոյ յածին 'ի գիւտ անգիւտ ոսկեոյ: Եւ դարձեալ քանզի ըստ բանաստեղծից հուրն փոխաբերաբար Հեփեստոս ձայնի, որպէս և իմաստութիւնն Աթենաս, և քաջութիւնն Պալլաս, նմին իրի և հրապաշտք կամ որք 'ի զուր ճգնին առ հրով, Հեփեստեանք ձայնին: Խոկ թէ զինչ Պանդորեանն անօթ իցէ, ծանիր, զի Պանդորա որ թարգմանի ամենապարդե, կոչի 'ի բանաստեղծից անուն առաջնոյ ինով, զոր ստեղծագործեալ իցէ Հեփեստոս հրամանաւ Գիոսի, և կացուցեալ առաջի այլոց գից արկեալ քօղ զերեսօք նորա. և եղեալ պսակ ոսկի 'ի դլուխ նորա. յայնժամ դիք իւրաքանչիւր պարզես տուեալ

իցեն կնոջն այնմիկ . Աթենաս ասեն ետնմա զիմաստութիւն , Ափրոդիտէ զգեղեցկութիւն , Ապոլոն զնուագերգութիւն և Հերմէս զՃարտարաբանութիւն : Եւ եղեւ ասեն 'ի գողանալ Պրոմիթեայ հուր յերկնից 'ի պէտս մարդկան յիւրմէ ստեղծելոց , բարկացեալ Դիոսի 'ի վերայ նորա խորհեցաւ հնարիւք պատուհասել զնա և զբնակիչս երկրի . յղեաց յերկնից 'ի յերկիր զՊանդորա ունելով 'ի ձեռին բախտանոց մի , այսինքն անօթ ինչ հմայական ուժգին խփեալ ընդունարան ձախող բախտից և թշուառութեանց ախտից , տանիլ զայն Պրոմիթեայ իբրև 'ի պարդես : Այլ նորա զգացեալ զգաւաճանութիւնն չէառ յանձն ընդունել զայն պարդես : Իսկ Եպիմեթէոս եղբայրն Պրոմիթեայ տեսեալ զանօթն գեղեցիկ , և կարծեցեալ զայն լինել աման բարելից լի բարեբախտութեամբ , մեծաւ յուսով եբաց զայն . և նոյնժամայն թափեցան յերկիր թշուառութիւնիքն լցեալք յայն աման . և այն ինչ փութացաւ նա խփանել զանօթն , չէր ինչ այլ մնացեալ 'ի նմա , բայց միայն յոյսն որ իջեալ կայր 'ի յատակս անօթոյն : Եւ ահա այսպիսի անօթ անուանէ իրաւամբք հեղինակս զամանն յորում դնեն քիմիականք զյոյս իւրեանց 'ի դիւտ ոսկւոյ :

266. Վասն Տիմանթեայ ասացաւ 'ի համարն 152 . որպէս և վասն Լուդիոնի և Ապեղեսի 'ի 11 : Իսկ յաղագս Պրաքսիտեղեայ և Զեքսեայ և Պարրասիոսի 'ի 95 :

267 . Արքիմեդէս սիրակուսացի , ազգակից և ընտանի Հերոնի Սիրակուսացւոց արքայի , իբր 200 ամօք յառաջ քանզՓրիստոս , մեծապէս համբաւեալ 'ի չափաբերականին , եղեքաջ հնարագէտ 'ի ճարտարել զգործիս մեքենայականս , մաթեմաթիգականս և աստղաբաշխականս . մինչև ասել Լիւիոսի զնմանէ . “ Մի միայն զննիչ երկնից և աստեղաց գտիչ զարմանալեաց և հնարիչ պատերազմական մեքենայից , : Սա կազմակերտեաց պարունակի ինչ ապակեղէն , յորում ամենայն շարժմունք աստեղաց և երկնից նշմարեին . շինեաց և ժամացոյց անուաւոր և այլ գործիս 'ի ցոյց չափմանց ժամանակի : Սա ինքն է որ սքանչելի ճարտարութեամբ 'ի ձեռն այլևայլ գործեաց և հրացայտ հայելեաց վտանգեաց զնաւս հռովմայեցւոց 'ի պաշարել նոցա զՍիրակուսա . այլ յետոյ յորժամառաւ քաղաքն , սպանաւ յանգէտս 'ի զօրականէ միոջէ երբ զբաղեալ կայր 'ի տան իւրում 'ի դժուարին չափմունս և 'ի գծագրութիւնս չափաբերականս : Իսկ Արքիտաս կամ Արքիւտաս էր փիլիսոփայ տարենաացի 'ի դասէ Պիւթագորեանց , իբր 400 ամօք յառաջ քանզՓրիստոս , քաջ աստեղաբաշխ և երկրաչափ . զոր Որատիոս կոչէ “ Զափող ծովու և ցամաքի և անթուելի աւազոյ , : Սա ասեն հնարեաց ազ-

դի ազգի մեքենական գործիս, յորս համբաւեալ է աղաւնին փայտակերտ, որ երևէր թռչնի իրք զկենդանի: Մեռաւ նաւաբեկութեամբ 'ի ծովու, կամ անկաւ 'ի նաւէ անտի 'ի ծովի ադրիական: Այլ են որք թռւեն չորս և հինգ անձնու Արքիաս անուամբ ծաղկեալս փիլիսոփայութեամբ և ուկոպէս Ճարտարութեամբ: Եյլ վասն Դեղտողոսի՝ զորմէ առասպելէին շնորհ արձանս ինքնաշարժականս, լիով ասացաւ 'ի համարն 58:

268. Սա ինքն է Պողիկղեառս անդրիագործ երևելի, որ վարէր երկաթի քանոնաւ, որպէս յիշեցաք 'ի համարն 55. արդ թէպէտ և ամենայն դրօշուածք սորա ունեին զգեղեցիկ համեմատութիւն մասանց, զի զամենայնն Ճիշդ կանոնաւ և չափմամբ գործէր, այլ առաւել նշանաւոր եղեւ այն գործ նորա զոր մասնաւոր դիտմամբ արար 'ի ցոյց Ճարտարութեան իւրոյ. քանզի 'ի միումնուագի խորհրդով դրօշեաց զերկուս արձանս նմանաձես, այլ ոչ նոյնարուեսաս, զմին յօրինեաց այնպէս որպէս ինքն գիտէր և կամէր, ըստ անվրէտ կանոնաց արուեստին իւրոյ. իսկ զմիւսն արար ըստ խրատտուութեան ամբոխին, որք 'ի տեսանելն զնու 'ի գործել իւրում ասէին, այսպէս և այնպէս պիտէր լինել այս և այն մասն արձանիս: Եւ եղեւ իրք կատարեաց զերկուսին ևս, կոչեաց զբազմութիւնն, և հանեալ եցոյց առաջի նոցա նախ զիւրոյն արուեստի գործածն. ընդ որ ամենեքին հաւանեալ գովեցին միաբան. Եցոյց ապա և զմիւսն զոր ըստ հաճոյ նոցա էր գործեալ. ընդ որ ոչ ոք գտաւ հաւան: Յայնժամ առէ ցնոսա Պողիկղետոս. Զայդ զոր դսրովէքդ, դուք արարիք. իսկ զոր գովեցիքդ իմ էր արարք: Եւ ահա այս այն արձան է Ճարտարաբուեստ, որ կոչեցաւ 'ի Ճարտարապետաց կանոն անդրիագործութեան. զի 'ի նմանէ առնուեին օրինակ քաջ արուեստաւորք: Եւ այս է զոր յիշէ Պլինիոս յասելն վասն Պողիկղետեայ. “Արար և զոր կանոն կոչեն Ճարտարապետք, 'ի նմանէ առնլով զգծադրութիւնս արուեստին իրք յօրինակէ օրինաց. որ և միայնակ համարի 'ի գլուխ տարեալ զարուեստն 'ի մէջ մարդկան՝ 'ի ձեռն արուեստին,,:

269. Հահատիրութե իւղավաճառաց բացարի 'ի թեսաւրոսէ բառիւս սէրլասիո, որ էր անուն հրապարակին կապուայ քաղաքի որ 'ի կամպանիա. ուր վաճառք լինեին ազգի ազգի օծանելեաց և իւղոց անուշից. որովք մեղկացաւ ասեն քաջն Աննիրաղ յետ արիական մըցանաց իւրոց. զի 'ի մտանել իւրում 'ի կապուա՝ տուեալ զանձն 'ի վայելս այնպիսի օծանելեաց Աէսլասիոյ, զհետ եղեւ թուլամորթութեան: Յայսմանէ սովորութիւն եղեւ Սէրլասիա ձայնել զիւղավաճառութիւնն

կամ զգործս վաճառողացն զիւղս անուշունս, որք պէսպէս հնարս հնարեն առ առաւել հաճոյ ընծայելոյ զօծանելիս. որով և պատճառեն 'ի մարդիկ զփափկասիրութիւն և զթուլամորթութիւն :

270. Միով բառիւ ասի տարբերիլ խոհեմութիւնն յարուեստէ, հայելով 'ի բուն առարկայ կամ 'ի սեպհական վախճան երկոցունց . զի արուեստն է ուղիղ բան նիւթապէս կերտելեաց, իսկ խոհեմութիւնն ուղիղ բան մարդկօրէն առնելեաց, այն հայի յարտաքին և 'ի նիւթական գործս, սա 'ի ներքին և 'ի բարոյական ներգործութիւնս. այն զգործն առնեքարի. իսկ սա նաև զգործողն, որպէս և 'ի ստորեւ բացատրէ հեղինակս : Արիստոտէլ 'ի բարոյական գիրս (2) այսպէս զանազանէ . Արուեստն է ունակութիւն գործելոյ ճշգրիտ բանիւ . խոհեմութիւնն է ունակութիւն առնելոյ ինչ զմարդկային բարեօք ճշգրիտ բանիւ : Սա է ասէ առաքինութիւն, և այն ոչ :

271. Սիղենոս, անուն էր ըստ առասպելաց, արբշիու ծերունւոյն, որ համարիւր գասափարակ Բաքոսի աստուծոյն արբեցութեան, և ուղեկից նորա և գործակից յամենայնի : Նկարագրէին զա իբր արբեալ ոք անհեթեթ կերպարանօք, արիւնըռուշտ և լրենի ժպտեալ, հաստ ունդամբք վերնակամար և սրածայր, մեծափոր և սկրտապարար, կարծ հասակաւ և գլխովին անգեղեայ, հեծեալ յէշ կամ յէցեալ 'ի գաւազան, անկար 'ի քայլել : Համառօտիւ ասել, այնպէս ձեւացուցանեին զպատկեր նորա, մինչեւ ամենայն աեսողաց իմանալթէ է արբեցող և շուայտեալ ծերունի . և զնոյն անուն տային նաև այլոց հետեւղաց Բաքոսի, գինեսէր և շուայտոտ անձանց : Եւ զի Սոկրատէս փիլիսոփիայ ըստ արագին կերպարանաց երեկը իբր այսպիսի ոք լինել, և այնպէս իսկ գատեալ եղե 'ի Զովոլիւրոսէ իմաստակէ ընդ տեսանել նորա զառաջինն զգծագրութիւն դիմաց Առկրատայ, և ևս յԱղկիբիագիսէ բաղդատեցաւ կերպարան նորա կերպարանաց Սիղենոսի և այլոց Ճիւաղաց, յայն սակս ասէ թեսաւրոս, թէ բնութիւնն տայ երբեմն արանց իմաստնոց և զգաստից՝ որպիսի ոք Սոկրատէսն էր, զայնպիսի գծագրութիւն արբշիու և շուայտոտ արանց, որպիսի ոք Սիղենոսն էր :

272. Ռուպէնս անդուերբացի Պետրոս Պօղոս կոչեցեալ, եղեւ անուանի պատկերահան յարևմտւտս 'ի սկիզբն ժէ դարու . սա նախ շրջեցաւ ընդ բազում տեղիս Եւրոպիոյ, և մանաւանդ յիտալիա տեսանել զգործս երեկէլ նկարչաց, և առաւելապէս 'ի Վենետիկ քաղաքի փոյթ կալաւ նմանող լի-

նել մեծանուն պատկերահանաց Դիցիանոսի, Պողոսի Աւրոնացւոյ, և Դինդորեգդեայ, ապա դարձ արարեալ 'ի քաղաք իւր Անդուերբիա, (Վնվերսա), 'ի լոյս ընծայեաց զազդի ազդի ձեռագործութեալ վայելքանկարս, և անդ մեռաւ յամի տեառն 1640։ Սա էր միանդամայն և քաջ ճարտարապետ շինուածոց, և քաջ լեզուագէտ հմուտ եօթնեակ լեզուաց։ Իսկ չանսիոս էր այլ ոմն քաջարուեստ 'ի մանրանկարս։

273. Զանցս Փորմիոնի և Աննիբաղայ 'ի մէջ բերէ Կիկերոն յասելն 'ի դիմաց կատուղոսի։ « Չեն ինչ ինձ պէտք այն պիսւոյ Հելլեն վարժապետի, որ զսովորական վարդապետութիւնս 'ի լսելիս իմ յեղյեղեսցէ, երբ չիցէ նորա երբէք 'ի հրապարակ ելեալ, և ոչ յատեան ուրբէք հանդիսացեալ. որ պիսի ոք Ճեմականն այն ասի լինել Փորմիոն. զի յորժամ Աննիբաղ տարագիր եղեալ 'ի կարթագինոյ՝ եկն վտարանդի առ Անտիոքոս յԵփեսոս, դէպ եղեւ ասեն զի վասն անուանի լինելոյ նորա մեծաւ փառօք առ ամենեսին, հրաւիրեցին զնահիւրընկալուք նորին, զի թէ կամք իցեն առաջիկայ դացի 'ի լուր բանից Փորմիոնի։ Եւ յոչն անհաւան գտանիլ նորա՝ խօսեցաւ այրն պէրճախօս զօդուտ ժամս զիրաց իրաց, որք անկ են սպարապետի զօրուն, և զզինուորական կարդաց համօրէն։ Յայնժամ որք մերձն կային յունկնդրութիւն, յակճիռս եղեալ հարցանել սկսան և զԱննիբաղ, թէ քեզ զիարդ թուի վասն իմաստասիրիս այսորիկ։ Իսկ Պենացին այն (այսինքն Լեբէացին Աննիբաղ) թէ և ոչ իբրև քաջ հելլենախօս, այլ ազատօրէն ետ ասեն պատասխանի. ասէ. Բազումս բազում անդամ տեսեալ է իմ 'ի շաղփաղփ ծերոց, բայց և ոչ զմի ոք տեսի այնպէս շաղփաղփել որպէս զՓորմիոն։ Եւ կարի յիրաւունս (ասէ կիկերոն). զի զինչ այլ յանդգնագոյն, կամ զինչ այլ անհնարին շաղակրատանս մարթ իցէ ասել քանզայդ, զի առաջի Աննիբաղայ 'որոյ զայնչափ ամս մարտ պատերազմի էր մղեալ 'ի վերայ տէրութեան ընդ Հռովմէական ժողովրդեան՝ ընդ ամենայն ազգաց յաղթականի, իշխեսցէ այր ոք Հելլենացի՝ որոյ ոչ երբէք զթշնամւոյ զփորձ առեալ իցէ, կամ զբանակ անդամ տեսեալ, և պարզաբար ասել՝ և ոչ 'ի դոյզն գործ արքունի անձամբ երբէք մտեալ, օրինադիր լինել յաղագս զինուորական կարդաց ։։։

274. Յայանի է գիւտ բանաստեղծից և վլպասանից Հելլենացւոց, որոց կամեցեալ տալ պատճառս թէ զիարդ 'ի միում աւուր դիպաւ ծնունդ Աղեքսանդրի Մակեդոնացւոյ յՈղիմպեայ թագուհւոյն, և հրկիզութիւն տաճարին Արտեմեայ աստուածուհւոյ յԵփեսոս 'ի ձեռն Երոստրատոսի ուրումն, յօդեցին զայն առասպել թէ Արտեմիս գնացեալ էր յայն-

ժամ մանկաբարձ լինել Աղեքսանդրի, և յայն զբաղեալ չեղե
ձեռնհաս պահել զտաճար իւր զի մի այրեսցի: Այլ գեղե-
ցիկ է հետեւութիւնն, զոր հանէ Թեսաւրոս 'ի բանաստեղծա-
կան օրինակէ այտի:

275. Ոմանք համարեցան թէ Կայիա Կեկիլիա իցէ կին
Կայիոսի Սերուիոսի Տուվղոսի որ վեցերորդն էր 'ի թագաւորո
Հռովմայեցւոց յետ Հռոմուլոսի. և յայս միտս խօսի Թեսաւ-
րոս. բայց ըստ այլոցն աւանդելոյ իբրև ստոյգ՝ էր նա կին
Կայիոսի Տարկուինիոսի Պրիսկոսի հինգերորդ թագաւորին
Հռովմայ: Որպէս զիարդ և իցէ, անունս Կայիոս եղեալ լի-
նէր իբրև մականուն այնոցիկ՝ որք համարէին լինել պատճառ
խնդութեան ծնողաց, կամ պանծալի զաւակ. և բազում ան-
դամ ևս առեալ լինէր փոխանակ անուան պատուոյ, և նշա-
նակէր տէր, որպէս և Կայիա տիրուհի: Արդ 'ի մէջ կանանց,
որք յայս անուն կոչեցան առ Հռովմայեցիս, անուանի գտաւ
նախասացեալդ Կայիա Կեկիլիա, կին այրասէր և ժրագլուխ,
ճարտար և յաջողակ 'ի գործ և 'ի վաստակս ձեռաց իւրոց:
Կմին իրի և պարծանս համարէին անձանց տիկնայք Հռովմայ
յայն անուն կոչիլ. մինչև սովորութիւն իսկ եղե, զի յաւուր
հարսանեաց յորժամ ածեալ լինէր հարսն 'ի տուն փեսային,
'ի հասանելն առ գուրս հարցեալ լինէր. Ո՞ իցես գու, և նա
իբր բարեգուշակ անուն տալով անձին ասէր. Կայիա: Եւ
կամ 'ի փեսայէն հարցեալ, թէ Լինիս ինձ լծակից բարի,
զայս տայր պատասխանի. Թէ գու Կայիոս և ես Կայիա:

276. Կորիննէ էր կին հելենացի՝ նշանաւոր գեղով, և ա-
կանաւոր յարուեստ բանաստեղծութեան՝ յաւուրս Քսերք-
սեայ առաջնոյ Պարսից արքայի, յորում ժամանակի ծաղ-
կէին երեւելի բանաստեղծք և նուագայարդարք առ Յոյնս. յօ-
րինեաց բազում տաղս և երգս Ճարտարս, զորս և նուագէր
'ի հարկանել իւրում զքնար. մինչև ստանալ անուն քնարա-
հար մուզայի համարեալ իբրև զմի 'ի մուզայից երաժշտու-
թեան. վասն որոյ և Թեսաւրոս զկին նուագածու կամ կորո-
վաբան նմանեալ Կորիննէայ մուզա կոչէ. որպէս և զայր նո-
րա նմանեցուցանէ Սիղենոսի շաղփաղի և բանդադուշեալ
ծերունւոյ. որոյ բերանն ոչ բանաւոր ինչ բարբառէր, այլ
միայն արքեցութեան գինւոյ ծառայէր, որպէս յիշեցաք վե-
րագոյնդ:

277. Վասն հարիւրաչեայ Արդոսի որ կարգեալն էր 'ի
պահպանութիւն Յովայ, և սպանաւ 'ի Հերմեսէ, տես 'ի հա-
մարն 139: Ուր ծանիր, զի որովհետեւ ըստ առասպելաց Յով
փոխակերպեալ էր յարջառ կամ յերինջ, Թեսաւրոս աստա-

Նօր փոխանակ անուան Յովայ դնէ Հիւէլլա, այն է Երինջ,
իսկ մեք բացատրութեամբ Ծարգմանեցաք :

278. Տուղղիա էր դուստր Սերվիսի Տուղղոսի վեցերորդ
թագաւորին Հռովմայ զինի Հռոմուլոսի, տուեալ 'ի կնու-
թիւն Տարկուինիոսի Սուպերբոսի : Արդ սա առ վաղագոյն
թագաւորեցանելոյ զայր իւր միաբանեցաւ ընդ նմա 'ի սպա-
նութիւն հօր իւրոյ, և ասկա անագորոյն մտօք ընթացոյց ըդ-
կառս իւր 'ի վերայ մարմնոյ հօրն, որ յարեան թաթաւէր . և
թէպէտ երիվարքն խրտուցեալ զտեղի առնուին, այլ նա մըտ-
րակեաց ուժգին . և այնպէս կոխոտելով զգի ծնողին իւրոյ
էանց առ տեղեաւն :

279. Լիւխա Դրուսիլլա դուստր Լիւխոսի Դրուսոսի տուաւ
'ի կնութիւն Տիբերիոսի Կղոգեայ Ներոնի . յորմէ ծնաւ նա
զՏիբերիոս կայսր, և զԴրուսոս Գերմանիկոս Կեսար : Արդ
զսա ինքն զԼիւխա՝ մինչդեռ յզի էր, էառ Օդոստոս կայսր
իւր 'ի կնութիւն իբր հաւանութեամբ առն նորա . և զի ինքն
Օդոստոս ոչ ունէր զաւակ արու, զծնունդս Լիւխայ արար
իւր յորդեգիրս՝ ըստ թախանձելոյ կեղծաւոր և նենդամիտ
կնոջն, որ գլխովին որսացեալ էր յինքն զկտմն նորա, որպէս
թէ իշխան լինել նմա 'ի վերայ կամաց Օդոստոսի, զի զամե-
նայն զոր ասէր Լիւխա, առնէր ինքնակալն . և այնպէս յաջո-
ղեցաւ Տիբերեայ որդեգրեցելոյն Օդոստեայ յաջորդ լինել
կայսերութեան նորին, այլ գլխովին անմասն 'ի բարելաւու-
թեանց անտի նորա :

Ծանօթորթիւնք յուրեատասներորդ գիրս:

280. Խրիւսիպպոս էր փիլիսոփիայ յաղանդոյն Ստոյի-
կեանց, աշակերտեալ Զենոնի և Կղէանթեայ . որոց և յա-
ջորդ եղե 'ի դպրոցի նոցա, և համարեցաւ գլխաւոր առաջ-
նորդ Ստոյիկեանց : Էր այր խորագէտ և խորամանկ յաջողակ
մտօք . վասն որոյև 'ի տրամաբանութեան զօրաւոր գտաւ քան
զյոքունս . գրեաց բազում ինչ 'ի վերայ իմաստասիրական ի-
րաց, է որ ուղիղ, և է որ վրիսպական . որպիսի է և յառաջ
բերեալն 'ի հեղինակէս : Մեռաւ 'ի հասակի իբր եօթանասուն
և չորս ամաց, վտանգեալ ըստ ասելոյ ոմանց 'ի գինարբու-
թենէ . զի հրաւիրեալ յաշակերտաց իւրոց 'ի կոչունս զոհից,
և արբեալ աւելի քան զչափին զգինի անոյշ շնչարգել եղե, և

յետ հինգ աւուրց փչեաց զոդին : Կամ ըստ այլոց մեռաւ վտանգեալ յուժդին ծիծաղմանէ . զի տեսեալ ասէն զէշ մի որ ուտէր թուզ, ժպտելով ասէ ցաղախինն, հասկա քեր և գինի, զի տացուք իշոյդ ըմպել . և այս ծաղբական ասացուած իւր այնչափ ախորժալուր ցուցաւ առաջի իւր, և շարժեաց զնա 'ի ծաղը սաստիկ, մինչև չկարացեալ հանդուրժել հեղ ձամահ եղեւ : Զայսպիսի անշնչութիւն յերեսաց ծաղու պատմեն և վասն Քսենոփոնի, զոր յիշատակէ այլուր թեսաւրոս . միայն թէ չիցէ լեալ շփոթութիւն անուանց ընդ Խրիսիպպոս և ընդ Քսենոփոն :

281. Վասն Երկազի ճանապարհին Պոռդիկոսի յիշեցաք 'ի վերոյ 'ի համարն 98: Արդ գեղեցիկ նմանեցուցանէ ասու զայն ճանապարհ Երկշաւիղ վարանմանն Օգոստինոսի յաւուրս դարձի իւրոյ . զոր բաղմօք նկարագրէ նա ինքն Օգոստինոս 'ի գիրս խոստովանութեան, որպէս յասելն (Շի գիրսն ը) . “ Ես յորժամ խորհուրդ 'ի մասի դնէի թէ այսուհետեւ ծառայեցից տեառն Աստուծոյ իմոյ, որպէս վաղագոյն ընտրեալ էի, ես ինքն էի որ կամէի, և ես ինքն որ ոչն կամէի . Այո, ես էի, որ բոլորովին կամէի և ոչ բոլորովին չկամէի : Նմին իրի և ընդ անձին ոգորէի, և անձամբ յանձնէք քակտեալ բաժանէի . . . Զայսօրինակ առգնապէի յանձն իմ և տառապէի . դանդատելով զանձնէս դառն քանիքարատանօք արտաքոյ սովորութեան, և շրջշրջելով զիս 'ի մէջ կապանաց իմոց . մինչև խորտակեսցին շղթայքս բովանդակ . . . Եւ ասէի 'ի սրտի իմում . ահա արդ լիցի, այժմ լիցի : Եւ այն ինչ բանիւ մերձենայի 'ի բարին, արդեամբք որպէս թէ առնէի և ոչ առնէի . . . և առաւել զօրանայր յիս չարն սովորեալ քան բարին անսովորական : Եւ որչափ մերձեալ լինէր այն վայրկեան ժամանակի յորում հանդերձեալ էի փոխիլ յայր այլ, այնչափ առաւել ահ և արհաւելիք արկանէին զիննեւ : Եւ ոչ եթէ յետս ընկրկէր կամ 'ի բաց դարձուցանէր, այլ կախ 'ի կախ թողոյր : Կաշկանդէին զիս սնոտիք սնոտեաց և ունայնութիւնք ունայնութեանց . . . և յապաղէին զնորհուրդս իմ, մինչև դանդաղէի բուռն առնել անձին և կորզել զիս 'ի ձեռաց նոցա , և յառաջ խաղալ 'ի տեղին յոր կոչեցեալն էի : Վասն զի ասէր ցիս բռնաւոր սովորութիւնն, եթէ համարիցին թէ կարող ինչ իցես կեալ առանց այդոցիկ սովորեալ հեշտութեանց աշխարհի , և այլն : Մինչև յետոյ ուրեմն յաղթեաց, ասէ, յորդոր առաքինութեանն, և ուսոյց զիս ապաւինիլ յԱստուած 'ի բոլոր սրտէ, և վառեցաւ 'ի խորհուրդս իմ բորբռք առ բարին . “ Ապա, ասէ, տարածեցի զանձն իմ 'ի գետին ընդ թղենեաւ միով, ոչ գիտեմ որպէս . արձակեցի զկապանս արտասուաց, և յորդեալ զեղան գետք իբրև յաղբերականց յաչաց

իմոց ՚ի պատարագ ընդունելի Աստուծոյ . . . և արձակեալ ձայն ողորմ ասէի ցանձն իմ, մինչև ցերք, մինչև ցերք . վաղիւ, առ վաղիւ: Ընդէր ոչ այժմ, հիմ ոչ յայսմ պահու վախճան եղիցի վատթարութեան իմոց ,,: Յարէ ապա զկնի և զօրինակ կատարեալ դարձի իւրոյ մասնաւոր շնորհօք աստուածային ողորմութեան:

282. Թուի ակնարկել յայն բան առաքելոյն . “Հաճեալ եմ ընդ օրէնսն Աստուծոյ ըստ ներքին մարդոյն . բայց տեսանեմ այլ օրէնս յանդամս իմ զինեալ հակառակ օրինաց մտաց իմոց, և գերեալ զիս օրինօք մեղաց որ են յանդամս իմ: Այրմի տառապեալ եմ ես. ովլ ասպրեցուսցէ զիս ՚ի մարմնոյ առտի մահու, այլ շնորհքն Աստուծոյ ՚ի ձեռն Յիսուսի Քրիստոսի տեառն մերոյ ,,: (Հռովմ. Է. 22): Եւ կամ յայն . “Եւ զի մի առաւելութեամբ յայտնութեանցն հպարտացայց, տըւաւ ինձ խայթ մարմնոյ հրեշտակ սատան կռվիել զիս, զի մի հպարտացայց . և վասն այնորիկ երիցս ազաշեցի զտէր, զի ՚ի բաց արասցէ յինէն . և ասէ ցիս. շատ են քեզ շնորհք իմ, զի զօրութիւն իմ ՚ի տկարութեան կատարի,,,(Բ. Կոր. ՓԲ. 7):

283. Ըստ առասպելապառում հնախօսութեանց որ յաղագս Արգոնաւորդաց, Մեղիա ասի լինել դուստր Այետայ արքային կողքիսաց, ընդ որոյ ձեռամբ էր գեղմն ոսկի. իսկ Յասովն էր որդի արքային թետաղցւոց, և եղեւ առաջնորդ արգոնաւորդաց . որ իբրև եհաս՝ ի կողքիս՝ հարաւ՝ սէր Մեդեայ . և ՚ի ձեռն նորա կորզեալ զգեղմն ոսկի յափշտակեաց և զնա, և տարեալ ՚ի թետաղիս արար իւր կին: Բայց յետ ծնանելոյ ՚ի նմանէ զորդիս՝ անտես արարեալ զնա Յասովնի ամուսնացաւ ընդ Գղաւկիայ դստեր Կրէսովնի արքային կորընթացւոց: Ընդ որ յանհնարինս գառնացեալ Մեդեայ, և գրգռեալ ՚ի վրէժինդրութիւն գեղեաց մահաբեր թունիւք զդղաւկիա և զկրէսովն. սպան և զզաւակս զծնեալս ՚ի Յասովնէ. և ինքն խոյս ետ յԱմէնս: Ապա ամուսնացաւ ընդ Եդէսոսի որդւոյ Պանդիսովնի. յորմէ ծնաւ որդի մի Մեդոս անուն. և նովաւ հանդերձ դարձ արար ՚ի հայրենիս իւր ՚ի կողքիս. և տեսեալ թէ հայր իւր ընկեցեալ է յաթոռոյ թագաւորութեան ՚ի ձեռն որդւոյ իւրոյ Պերսէսոսի, անդրէն հնարեցաւ դարձուցանել զնա յաթոռն: Բաղում են և այլ դործք ընծայեալք Մեդեայ ՚ի բանաստեղծից անտի, որք համարին զնա վհուկ լինել երևելի յարուեստ կախարդութեան: Զմի ՚ի մտացածին գործոց նորա զնկարագրեալն յԵւրիսիդեայ ողբերգութակէ եղծանէ մերս Մովսէս քերթող ՚ի գիրս Պիտոյից, ընդ ոյսու մակագրութեամբ . Եղծ զՄեդեայ:

284. Սմին նման գրեն այլք զՓիլիպպոսէ զհօրէն Աղեք-սանդրի, թէ յորժամ'ի ժամ թմրութեան'ի քնոյ կամ'ի գինոյ արար դատաստան անիրաւ, զըկեալն աղաղակեաց և ասէ. Բողոքեմ առ արքայ: Ասէ Փիլիպպոս. Առ ո՞քողոքես ով դու. ո՞չ ապաքէն ես ինքն եմ արքայ Փիլիպպոս որ որոշեցի զդատ քո: Եւ նա ասէ. Բողոքեմ'ի Փիլիպպոսէ թըմք-ըելոյ առ Փիլիպպոս սթափեալ: Այս իմաստուն պատասխանի ոչ զայրացոյց զՓիլիպպոս, այլ սթափեցոյց, և ետ դատել դատաստան արդար. բայց ոչ յետո դարձոյց զառաջին վՃիռ իւր, այլ յարքունի դանձուց ելից զզրկանս նեղելոյն:

285. Ափրոդիտէ թարգմանի փրփրածին. քանզի ասի յառասպելս թէ ծնաւ'ի փրփրոյ ծովու, յոր կաթեալ իցէ արիւն Ուռանոսի այսինքն երկնից՝ հօրն կոռնոսի: Արդ Ափրոդիտէ համարեալ էր առ հեթանոսա աստուածուհի սիրոյ, գեղեցկութեան և հեշտութեան: Բայց ոմանք երկու Ափրոդիտէս դնէին որպէս յիշէ և թեսաւրոս, և այլք երիս. իսկ կիկերոն չորս թուէ, զորոց չէ մեզ անկ խօսիլ: Այլ ծանիր զի ոմանք հոմարեցան թէ նոյն իցէ ընդ Ափրոդիտեայ և Անահիտ, գուցէ շփոթելով զանուն Անահտայ ընդ յունական անուանս անէպիտ, որ թարգմանի անամօնունիւն, որ և էր դործ Ափրոդիտեայ. և սակայն բազմօք յայտ է՝ ի գրոց նախնեաց զի Անահիտ ոչ է Ափրոդիտէ, այլ է նոյն որ առ լատինս կոչի Տիտան, և առ յոյնս Արտեմիս. զոր և մեք ստէպլյունական ձայնիւ Արտեմիս կոչեմք. որոյ սեռականն լինի Արտեմեայ կամ Արտեմիդեայ համաձայն յունականին: Ի կարգս մոլորակաց Ափրոդիտէ է արուսեակն, որ և լուսաբեր. իսկ Տիտանա կամ Անահիտ է լուսին, ըստ առման բանաստեղծից: Այլ զկիրկէ վշուկ որ 'ի ստորեւ յիշատակի, յիշեցաք վերադոյն 'ի համարն 51:

286. Թրասիւղղոս Աքսոնացի որդի Պիւթոդոդորայ անկեալ յախտ մտաթափութեան՝ համարէր զանձն լի փարթամութեամբք և անկարօտ յամենայնի. 'ի կորնչիլ իրեք ցյուղէր, իբր զառաւելն ունելով, ինդայր ընդ մեծութիւն այլոց իբր ընդ բախտ իւր. 'ի հասանել նաւուց 'ի նաւահանգիստն Պիւրէայ, իւր կարծելով զնոսա ընդառաջ ելանէր նոցա, և մեծաւ խնդութեամբ ընդունէր. և 'ի մեկնիլն 'ի տեղւոջէն յուղարկէր զնոսա պատուով առ փոքր մի ուղեկից լինելով առ ցամաքաւ. և պարզաբար ասել երջանկացեալ էր յանձին, զի համարէր զինքն տէր այնչափ իրաց: Եւ եղեւ իբրեւ կամեցաւ եղբայր նորա տանիլ զնա 'ի բժիշկս, չէառ նա յանձն, մինչև յետոյ ինքնին 'ի յուշն դարձաւ: Եւ ապա սովոր էր ասել. Ոչ երբէք այնպէս երջանիկ և քաղցր կեանս վարեալ է իմ,

որպէս յայնմ՝ մտաթափութեան կամ 'ի մոլար յայն կարծիս փարթամութեան . զի ոչ ինչ պակասէր ինձ ըստ խմումն կարծեաց : Իսկ վասն Դիոնիսեայ երևակայութեանն՝ ունիս տեսանել 'ի համարն 6 :

287. Գոյք տեսակ ինչ հանդիսական զոհից առ Հելլենացիս, զոր մատուցանէին յաւուրս մեծախումբուրախութեան, և անուանէին զայն հարիւրզուարակեան, զոր ոմանք մեկնեն՝ զոհ հարիւր զուարակաց կամ հարիւր ցլուց . բայց այլք մեկնաբանեն լինել հարիւր կճղակեան կամ հարիւրոտնեան, այսինքն զոհ քսան և հինգ զուարակաց : Սոյն այս է որ պահ հարիւրաւոր կոչե 'ի թուղթն Գրիգորի Մագիստրոսի յասել նորա առ Թոռնիկ Մամիկոնեան . “Աեհ կազմելով զիսոյ երախանին բազմազան խորտկաց՝ առաւել քան 'ի Պելլէ թեսաղացւոց զզոհն հարիւրաւոր Արամազդայն տօնի , : Իսկ թէ յիրաւի Պիւթագորաս զայնպիսի ինչ զոհ մատուցեալ իցէ, չաւանի Կիկերոն, քանզի առէ . “Թէալէտե ասի զՊիւթագորայ թէ 'ի գտանել իւրում նոր ինչ գիւտ յերկրաչափութեան՝ զուարակ զոհեալ իցէ մուզայից, այլ ինձ անհաւատ թուի այդ . քանզի նա չէառ յանձն զոհ մատուցանել և ոչ իսկ Դեղոսեանն Ապոլոնի, զի մի առէ արեամբ շղախեցից զսեղանն , :

288. Վասն Աերրէսի եղեն բանք վերագոյնդ 'ի համարն 190: Այլ զաւածիկայ գործ նորա ստորագրէ Կիկերոն 'ի գիրս իւր : Ոչ այլուստ իմանայր, առէ, զգարնանային եղանակ, բայց միայն թարթափելով 'ի մէջ վարդից . նստէր 'ի գահաւորակ կամ 'ի պատգարակ բարձեալ 'ի յութից, յորում էին բարձկնեար վարդալից . պսակ ունէր 'ի գլուխն վարդաշէն, և մանեակ 'ի վարդից արկեալ զպարանոցաւ . և այլ վանդակագործ քսակ վարդալիր առ հոսոտելեօք, և այլն : Իսկ վասն յետագայ անուանց ըստ բաւականին առյ տեղեկութիւն նա ինքն թեսաւրոս՝ նկարագրելով զգործո նոցա :

289. Աս ինքն է Դոմետիանոս տղայամիտ կայսր Հռովմայեցւոց, որ 'ի սկզբան անդ իւրոյ տէրութեան սահմանեալ էր անձին օր ըստ օրէ ժամ պարապոյ՝ մտանել 'ի սենեակ իւր առանձին, և որսալ Ճանձս սրածայր գործեօք, 'ի խաղալ նոքօք, կամ 'ի զերծանիլ 'ի ձեռաց նոցա : Եւ եղեւ երբեմն միում յիշխանաց նորա՝ որ կոչւր Ուրբիոս Կրիսպոս, մտանել առկայսրն վասն կարեւոր ինչ իրաց . և իբրեւ ել արտաքս 'ի սենեկն, և հարց զնա այլ ոմն իշխան թէ իցէ ոք առ ինքնակալին . զի և ինքն ունէր ինչ բանս ասել նմա . իսկ Ուրբիոս զայս ետ պատասխանի ընդ խաղ . Եւ ոչ իսկ Ճանձ գտանի առ կայսեր :

290. Վասն Փաղարիսի և ցլու նորա լիով տօացաւ կանխաւ ՚ի համարն 3 : Սոյնպէս և վասն Բուսիրիսայ մարդախոշոշ բռնաւորի յիշեցաք ՚ի համարն 220 , թէպէտե ոչ գտաք ինչ բանս վասն Երիվարաց նորա , միայն վասն Դիոմիդեայ աւանդի թէ մարմնովք օտարաց կերակրէր զերիվարս իւր , որպէս ունիս տեսանել ՚ի համարն 172 . զնոյն ասէ Հեղինակս և վասն Գլաւկոսի , գուցէ և Բուսիրիս այնպիսի ուներ սովորութիւն , կամ թերես յագիս ձիոց կատէր զմարդիկ , և այնպէս թողոյր ձգձգիլ ընդ քարուտ տեղիս : Ոչ գտաք ինչ և վասն առիւծուց թէոգամասայ բռնաւորի , որ սպանաւ ՚ի Հերակլէ որպէս զբուսիրիս . գուցէ առաջի առիւծուց արկանէր զմարդիկ : որպէս և բազումք ՚ի բռնաւորաց արարին : Այլ է և Աթամաս արքայ թերայ , զորմէ ասի յառասպելս ոսկի գեղմանն և Արգոնտաւորդաց , թէ վասն հալածելոյ նորա զգաւակս իւր զՓռիւգսոս և զՀելլէս ՚ի սադրելոյ ինովայ՝ որ էր մօրումանկանցն , հարաւ ՚ի դիւէն . և ՚ի տեսանել իւրում զինով և զօրդիս նորա համարելով զնոսա առիւծունս լինել , ՚ի վերայ յարձակէր սպանանել զնոսա , և այլ ևս բանք մնոտիք : Պրոկոստէս կամ Պռոկրուստէս էր աւազակ նշանաւոր յԱտափիկ գաւառի առ կեփիս գետով . որոյ ընկալեալ զանցաւորս իբր հիւրասիրութեամբ՝ հանէր յանկովինս ՚ի հանգչիլ . և եթէ տեսաներ զհասակ ուրուք երկայն քան զբափ անկողնոյն , ծայրատէր անդէն զոսա նորա զի հաւասարեսցի ընդ անկողինն . և եթէ գտանէր կարճ քան զանկովինն , ձգտեցուցանէր զմարմին նորա ճարճատելով չարաչար , թող զայլ զորս ՚ի մամուլս ոլորէր և այլ ևս անբերելի տանջանօք կորուսանէր . զսա ևս սատակեաց յետոյ Հերակլէս , կամ ըստ այլոց թեսես : Ատրէոս կամ Ատրես էր որդի Պեղոպայ արքայի . սա յետ մահու հօրն կոռւեալ վասն ժառանգութեան թագաւորութեան ընդ եղբօր իւրում թիեստեայ վանեաց զնա . և ապա նենդանօք կոչեալ զնա առ ինքն՝ որպէս թէ գահակից առնել խոստանալով , արար նմա կոչունս ընթրեաց . և յընթրիս անդ եհան ՚ի աեղի խորտկաց զմարմինս որդւոց թիեստեայ խորովեալս , կամ զմին խորովեալ ՚ի հուր և զմիւսն խարշեալ ՚ի ջուր . որպէս և զարիւննոցա խառնեալ ընդ գինւոյ մատոյց եղբօր իւրում բաժակաւ : Եւ յետ ընթրեաց ետքերել զգլուխս մանկանցն . և ցուցեալ զնոսա թիեստեայ ասէ . Ճանաչես զսոսա . ահա ՚ի մոյ անտի դոցա էին խորտիկքն զորս կերար : Զայս անդթութիւն անբերելի յայտնաբանել կամելով վիալասանիցն Հելլենացւոց ասացին , թէ չհանդուրժեալ արեւու այսպիսի մեծեղեռն գործոյ յետս կոյս գարձաւ . կամ թէ եղեւ խտւարումն արեգական : Իսկ Սկինէս կամ Սկինիս էր աւազակ ոմն մերձ ՚ի Կորնթոս այր գաղանամիտ և զօրաւոր , որ ըստ գրելոյ Ռվեդիոսի ինքնին ձեռօք

իւրովք բուռն հարեալ զերկուց ծառոց՝ զերկոցունց զծայրս մինչև 'ի դետին իջուցանէր և միացուցանէր . և կապեալ զմարդիկ զոտից և զձեռաց յերկոսին կողմանս, թողացուցանէր զոստս ծառոցն . և այնպէս 'ի վերանալ նոցին յօդս յեղակարծ յարձակմամբ՝ հերձեալ կոտորէին մարմինք կապելոցն : Այլ անցին զանցին զսոքօք բոնաւորքն յետագայք 'ի նահատակել զսուրք վկայս այսպիսի և այլ ևս ազգի ազգի տանջանօք :

291. Պիգմալիոն էր որդի Բեղոսի արքային Տիւրոսի, այրընչափաղ, որ ամենայն իրօք զհետ էր հաւաքելոյ զինչս . և որչափ փարթամանայր և ևս ագահէր, որպէս օրէն է ամենայն արծաթասիրաց : Եւ զի քեռայրն իւր, այն է Սիխէս Ակերբաս քրմապետ այրն Դիդեայ՝ ունէր Ճոխութիւն բազում ծածկեալ 'ի թաքստի, սպան զնա Պիգմալիոն դաւադրութեամբ յառանձին պահու առաջի զոհարանին . այլ ոչ եհաս ժառանգել զամենայն ինչս նորա . զի քոյր իւր Դիդէ իմացաւ զդաւն, և ժողովեալ զինչս առն իւրոյ խոյս ետ 'ի Տիւրոսէ 'ի Կիպրոս . և ապա անկեալ յԱփրիկէ՝ շինեաց անդ զկարքեդոն, որպէս յիշեցաք 'ի համարն 99 :

Ծանօթութիւնք յիննևտասներորդ գիրս :

292. Առ ինքն է Ատրէս կամ Ատրես եղբայր Թիեստեայ, զորոյ զանողորմ բարս փոքր ինչ վերագոյն յայտնեցաք : Արդ կամի ասել Թիեսաւրոս ըստ բանից բանաստեղծից, թէ Ատրես 'ի տալ եղբօր իւրում ուտել զմարմինս որդւոց նորին և ըմպել զարիւնս նոցա խառն ընդ գինի, ոչ եթէ 'ի պատշաճողութիւն կամ յանպատշաճութիւն դործոյն հայէր յորմէ պարտ էր սոսկալ, այլ միայն հեշտանայր ընդ անագորոյն եղանակ այնը ապիրատութեան :

293. Աւտողիկոս, որ և դրի Աւտողիկոս կամ Անտիղոքոս, էր անուանի գող և աւազակ, համարեալ 'ի դիւցաբանից որդի Հերմէսի Աստուծոյ, որ առ լատինս Մէրտունիոս ասի, և զի Մերքուրիոս կոչի առնոսա և փայլածուն, ասի յայլոց թէ Աւտողիկոս ծնեալ իցէ ընդ ազդեցութեամբ այնը մոլորակի : Արդ ըստ առասպելարկուաց էառ սա զօրութիւն 'ի հօրէ իւրմէ 'ի Հերմեայ կերպարանափոխ լինել յայլ և այլ դէմս . և զայն 'ի կիր առեալ 'ի դործս յափշտակութեան ոչ միայն

զանձն այլակերպէր, զի մի ծանիցի, այլ և զգրաստու և զանդեայս զորս յափշտակէր, յայլ գոյն փոխարկէր ըստ երեռութի մորթոյն . մինչև անմարթ էր տերանց նոցա գտանել և ճանաչել զնոսա : Եւ եղե 'ի յաճախել նորա յայս չարիս, որով համարձակ գողանայր և զգրաստու դրացեաց, զդացեալ զայս Սիսիփոսի ուրումն 'ի մերձաւորաց նորա նշան եղ 'ի վերայ դրաստուց իւրոց խորագոյնս քան զմորթն . և յորժամ գողացաւ զայնս Աւտողիկոս, սա նշանաւ իւրով կալաւ զդողոնն և զդողն : Այս ամենայն զմի ինչ միայն ցուցանէ, թէ ամենայնիւ ճարտար էր Աւտողիկոս յարուեստ գողութեան և յափշտակութեան . բայց ամենայն գող ճարտար ըմբռնի հուսկ յետոյ ճարտարութեամբ իւրով :

294. Վասն չարամիտ և երդիծաբան Զոյիլեայ ասացաւ 'ի վերոյ 'ի համարն 160 : Իսկ Լեպիդոս՝ Մարկոս Եմիլիոս կոչեցեալ էր ազնուական ոմն յերսելի տանէ, այր փառասէր և իշխանասէր, որ միշտ փառաց 'ի փառս, և յաւագութենէ յաւագութիւն վերանալ ձկտէր, եղե մեծ քրմապետ . և երիցս էառ պատիւ հիւսպատոսութեան . կարգեցաւ զօրագլուխ և սպարապետ և գարձեալ ընտրեցաւ մի յիշխանաց եւապետական տէրութեան ընդ . Օգոստոսի և ընդ Անտոնիոսի : Եւ ոչ այնու շատացեալ ձեռն էարկ սեպհականել ինքեան և զտէրութիւն Սիկիլիոյ . և այն ինչ կարծէր նստիլ իշխանաբար 'ի Մեսսինա . ըմբռնեցաւ յոսոխէ իւրմէ, և արաւասահմանեցաւ 'ի փոքրիկ քաղաք մի իտալիոյ : Արդ զախտ այսպիսի իշխանասիրութեան, որով ոք անյագաբար ձկտի ևս քան զես մեծանալ և տիրել, (զնոյն իմա և զբուռն բերմանէ ցանկութեան, բարկութեան, և այլն) Կիկերոն կոչեաց Անկարութիւն . իբր թէ չկարէ այնպիսին զուսպ ունել զանձն, և կամ չէ տէր անձին, բուռն ձգեալ 'ի բերմանէ կրից և ախտից :

295. Զայսպիսի մահ յառաջ եկեալ 'ի սաստիկ ծիծաղմանէ յիշեցաք և վերագոյնդ 'ի համարն 280 : Այլ թէ որ Քսենոփոն իցէ յիշատակեալն աստանօր չէ մեզ յայտ . զի բաց 'ի պատմաբանն Քսենոփոնտեայ, վեց ևս այլ նոյնանուն թուեն մատենագիրք :

296. Եպիկտետոս էր մեծանուն փիլիսոփայ Ստոյիկեան, հայրենեօք 'ի Տրապօլսոյ Փոխւդացւոց . սա 'ի ծառայական կարդէ յառաջ եկեալ եղե մի 'ի սենե կապետաց Ներոնի կայսեր, և երսելի գտաւ յոյժ 'ի Հռովմ . վարդապետութիւն սորա և ընթացք վարուց առաւել մերձաւոր եղեն քրիստոնէական կարգաց քան զամենայն նախնի փիլիսոփայից . գրեաց բազում ինչ ընտիր և պիտանի : Առած էր դորա թէ բովան-

դակ իմաստասիրութիւնն կախեալ կայ զերկուց բառից , համբէր և հրաժարէա : Եւ եղե 'ի ժամանակին յորում արտաքսեաց Դոմետիանոս կայսր զամենայն փիլիսոփայս 'ի Հռովմայ , յամի տեառն իբր 94, գնաց և Եսպիկտոս 'ի 'Նիկոպօլիս քաղաք Եսլիւսոսայ . և անդ մեռաւ 'ի խոր ծերութեան : Աշանակին կաւեղէն զոր 'ի կիր առնոյր նա , վաճառեցաւ յետոյ երեք հաղար դենարի :

297. Սա ինքն է Փիլոկտետ յիշատակեալն 'ի մէնջ 'ի համարն 112. զոր ոմանք 'ի խոցմանէ նետի ասեն մեռեալ , և այլքըստ Հոմերոսի 'ի խայթուածոյ օձի , տես անդ :

298. Այս բան է Վիրդիլոսի լատին բանաստեղծի յԵնէականին (թ.) ուր փոխւգուհիս անուանէ զկնամարդի արս փոխւգիոյ վասն կանացի թուլամորթութեան նոցին : Իսկ թէ զինչ իցեն Դինդիմեան մայրիք , կամ բարձունք Դինդիմեայ , ծանիր . զի Դինդիմոս կամ Դինդիմա էր անուն տնկախիտ լերին 'ի փոխւգիա . ուր 'ի ներքոյ վարսաւոր ծառոց գոյր տեղի սլաշտաման կիւբեղեայ , այսինքն Ռէայ մօր աստուածոց , որ համարիւր դուստր Դինդիմէի կնոջն Մէտինայ արքային Լիւդացոց . ուստի և ինքն կոչիւր Դինդիմեան , և անտառ նորա Դինդիմեան . յորում տեղւոյ լինէին խրախութիւնք հեթանոսականք թմբկօք և սլարուք : Եւ յայս տեղի հայի ասեն խորենացւոյն յաշխարհագրութեան : “ Փոխւգիա . . . ունի լեառն զԴիդոնիա (կամ զԴինդիմոն) , :

299. Անունս Դինդան թէպէտև 'ի մերս բարբառ ստուգաբանի յաղդէ դից կամ 'ի զարմէ աստուածոց , այլ սակայն սովորութեամբ առեալ լինի փոխանակ բառիս քաջազն կամ փառազուն , այսինքն որ երկելին է 'ի մէջ մարդկան 'ի ձեռն մեծամեծ արութեանց և տուաքինութեանց : Արդ որպէսյայէ , հեթանոսք մոլար մտօք զորս միանդամ համարէին առաւելեալ քան զհասարակ մարդիկ իւկիք իւկիք կատարելութեամբք , ձայնէին զնոսա դիւցազն՝ իբր աստուածանման և աստուածամերձ . յոր միտս ասէ Յովհաննէս իմաստասէր 'ի Ճառն ընդդէմ Պաւղիկեանց . “ Այլ և դիւցազունք անուանեալ գեր 'ի վերոյ մարդկայնոյս համբառնային ընութեան , : Այլ մէք զնոյն անուն յարդիս 'ի կիր առնումք ըստ սովորութեան 'ի վերայ երկելի անձանց ծաղկելոց մեծագործ առաքինութեամբք : Կմին իրի և աստ դիւցազնական առաքինութիւն նշանակէ զայնպիսի կատարեալ առաքինութիւն , որ գեր 'ի վեր գտանի քան զհասարակ առաքինեաց իբր առաւելաստուածամերձ , կամ զքաղաքավարութիւն այնպիսի՝ որ 'ի վեր տեսանի քան զհասարակ ընթացս մարդկան , և իբր

Հրեշտակային իմն երեխ . որպէս և ընթացք բանից հեղինակիս լաւ ևս յայտնեն :

300. Ի մէջ սոցա զորս յիշէ թեսաւրոս 'ի կարգի դիւցազն կոչեցելոց առ հեթանոսս , քաջայայտ է անուն քաջին Հերակլեայ հսկայի , որ բազում անգամ յիշեցաւ . և 'ի մեղ Վահագն ևս անուանի : Իսկ Ոսիրիս էր անուանի ոք քաջազն , զորմէ ասեն շրջեալ յարեւելս և յարեմուտս , և 'ի բազում տեղիս սահմանեալ և հաստատեալ քաղաքական կեանս , արուեստս ազգի ազգի , Երկրագործութիւնս , և այն . և այս յաւետ յԵղիպտոս . մինչև նոյն կարծի լինել ընդ դլխաւոր աստուածն Եղիպտացւոց , որ կոչիւր Ասկիս կամ Սերապիս , որդի Դիոսի ծնեալ ըստ առասպելաց 'ի 'Նիոբեայ դստերէն Փորոնէի արքային Արգիացւոց , Եղբայր և այր Սիդեայ . զորմէ յիշեցաք 'ի համարն 135 : Իսկ Կաստոր և Պողիտեկիս էին յընկերաց անտի Արգոնաւորդաց , Եղբարք Հեղինեայ , վերառեալք 'ի Հելլենացւոց 'ի պատիւ դիւցազանց , և դասեալք 'ի կարգս համաստեղութեանց Երկաւոր կամ Երկուորեակ անուամբ , որ և կոչին Դիոսկորք կամ Դիոսկուրացիք :

301. Կամիլլոս՝ որ և Մարկոս Փուրիոս , էր մի յերևելի զօրավարացն Հռովմայեցւոց իբր 390 ամօք յառաջ քան զՔրիստոս , և ընարեալ բազում անգամ 'ի պէսպէս աստիճանս աւագութեան : Արար բազմապատիկ գործս քաջութեան 'ի սէր հայրենեաց . մինչև կոչիլ նմա Երկրորդ Հռոմուլոս՝ հայրենեաց նորոգիչ :

302. Յաղագս Լիկայոնի 'ի գայլ Փոխելոյ ըստ առասպելաց՝ տես 'ի համարն 161 . սոյնպէս և վասն ընկերաց Ոգիսեայ որք ասին Փոխակերպեալ յայլեայլ անասունս 'ի Կիրկեայ վՀկէ , տես 'ի 51 :

303. Ըատ լիցի զոր յիշեցաք վասն Որեստեայ մայրասպանի 'ի համարն 232 . որպէս և վասն Այասայ կատաղելոյ 'ի 136. թող զի և հեղինակին բացատրէ ըստ բաւականին :

304. Միլտիադէս՝ էր անուանի զօրավար Աթենացւոց , որ մետասան հաղար արամբք վանեալ խորակեաց զվեց հարիւր հաղար զօրս Պարսից 'ի Մարաթոնեան դաշտին : Եւ այսպիսի անուն քաջութեան նորա Եղե օրինակ և յորդոր այլոց քաջաց : Այլ սա ինքն Միլտիադէս հուսկ յետոյ ըմբռնեալ յԱթենացւոց իբրև պարտաւոր 'ի կապանս բանտի վՃարեաց ըզկեանս :

Ծանօթութիւնք 'ի քաներորդ գիրս:

305. Բարեկամութիւնդ անուն 'ի մերս բարբառ որպէս և յայտ է, առեալ է 'ի կամելոյ զբարի այլում, որ է հարազատ գործ սիրելութեան, կամ նշան ճշմարիտ սիրոյ. այլ այնպէս զի յանուանելն զոք բարեկամ, ոչ այնչափ նշանակի բարի կամին նորա այլում, որչափ 'ի մէջ բերի բուն իսկ սիրելութիւնն. այն է մտերիմ սէրն նորա որով կապեալ է ընդ սիրելոյն, յորմէ և հետևաբար կամի միշտ զբարին նորա: Իսկ առ Լատինս և առ Յոյնս ընդ հակառակն է. զի զբուն բարեկամութիւնդ անուն առնուն յանուանէ սիրոյ. նմին իրի և առ նոսա նոյն է ասել սիրելութիւն կամ բարեկամութիւն: Եւ ըստ այսմ տարածանեն զնոյն բառ ոչ միայն 'ի վերայ սիրելութեան որ գտանի 'ի մէջ բանաւորաց, այլև փոխաբերաբար 'ի վերայ բնաւոր յօժարութեան որ գտանի յանասունս, ևս և 'ի վերայ համակրութեան որ 'ի տունկս կամ յայլ էակս նիւթականս: Զայս քաջ 'ի միտ առ, զի դիւրաւ իմասցիս զընթացս բանից հեղինակիս 'ի բովանդակ ճառս առաջիկայ. ուր միշտ զմի և զնոյն բառ վարէ նա (ամենին) այլ մեք է զի բարեկամութիւն եդաք, և է զի յաւելաք և սիրելութիւն:

306. Աէրն ըստ բանաստեղծիցն այլաբանելոյ համարիւը լինել գեղեցկագոյնն 'ի համօրէն էակս և երիցագոյն ժամանակաւ. 'ի վեր երեեալ ըստ Հեսիոդոսի անդսատին 'ի սկզբնութեան տիեզերաց, յորում էր լոկ երկիր աներեւոյթ և անպատրաստ կամ նիւթ անկերպարան. որ յայլոց կոչի անդունդ կամ վիհ խառնութեանց. արդ՝ ըստ Արիստոփանեայ, սէրն զարդարեալ ոսկի թեզք միացաւ ընդ վհի, և 'ի զուգաւորութենէ անտի 'ի վեր ելին մարդիկ և կենդանիք, և ամենայն զարդք երկնի և երկրի: Եւ ահա ըստ այսմ նմանաբանութեան. զոր բազմօք ընդլայնեն մեկնաբանք, խօսի ասաթեսաւրոս: Յիշեցաք և վերագոյնդ զսէր անուանեալ աստուածն սիրոյ 'ի համարն 192. զոր ոմանք նոյն համարին ընդ սմին, և կոչի ասեն նաև ցանկութիւն:

307. Թեսաւրոս 'ի բնագրի անդ զՄագնիս կոչէ հէր+ն+նէան+ար կամ հէրակլէան վէճ, որպէս և զերկաթն՝ հըտք հանտաց, կամ հարս մէտաղաց. քանզի ոմանք համարին, թէ մագնիսն առեալ իցէ զայն անուն փոխաբերական 'ի քաջէն Հերակլեայ, որ և Հերքիւլէս ասի. և այս վասն բնաւոր իմն յօժարութեան նորա առ պատերազմական մրցմունս որ նշանակի հրատիւ,

որպէս է բերումն մագնիսի առ երկաթ : Իսկ այլք պնդեն թէ ոչ յանուանէ չերակլեայ կամ չերքիւլեայ հսկայի , այլ 'ի չերակլիայ քաղաքէն Լիւդացւոց կոչեցաւ մագնիսն վէմ չերակլեան . որպէս և երբեմն քար լիւդեան կոչի մագնիսն , և փորձաքարն . և նոյն իսկ մագնիս կամ մագնեստիս անունդ առեալ է ասեն 'ի Մագնեսիայ քաղաքէն Լիւդացւոց , զի յայն կողմանս յաճախ գտանի : Այլք յաւելուն թէ ընտիր և մագնիս ելանէ 'ի սահմանս միւս չերակլիա քաղաքի որ 'ի Մակեդոնիա : Իսկ երկաթն կոչի հրատ 'ի մէջ հանքաց , կամ Մարս այսինքն Արէս 'ի մէջ մետաղաց , մի զի արտադրութիւն հանքաց երկաթոյ ընծայի հրատ մոլորակի . և միւս ևս զի հրատն առ լատինս կոչի Մարս , որ նշանակէ մարտ . և յայտ է թէ գլխաւոր գործի մարտի պատերազմաց երկաթն է . զոր օրինակ սուր , գեղարդն , նետ , և ըստ նմին նաև Արէս աստուածն զոր լատինք նոյնալէս Մարս կոչեն , համարիւր վերատեսուչ պատերազմաց :

308. Ըստ գրելոյ Վաղերիսի Մաքսիմոսի Պողիւստրատոս և չիպպովեդէս էին փիլիսոփայք 'ի մի և 'ի նոյն աւուր ծնեալք . որք և 'ի միումդպրոցի Եպիկուրոսի աշակերտեալք՝ կապեցան ընդ միմեանս սիրով , և ունէին զամենայն ինչ 'ի մէջ իւրեանց իբրև հասարակաց . և այնպէս կացեալ 'ի միաբանութեան որ առ միմեանս մինչև ցիսոր ծերութիւն , 'ի միում աւուր մեռան երկոքեան :

309. Պերիթոս էր որդի իքսիոնի արքային Լապիթեայց , մտերիմ սիրով բարեկամութեան կապեալ ընդ դիւցազինն թեսեայ Աթենացւոյ : Էած 'ի կնութիւն զչիպպոդամէ ըզդուստր Ատրակայ . զոր իբրև յափշտակել կամեցան կենտաւրոսք կամ Զիացուլք , թեսես հանդերձ չերակլիւ ձեռնտուլեալ Պերիթեայ վանեաց զ'ի վերայ յարձակեալսն , որպէս յիշեցաք 'ի համարն 124 : Յաւելուն առասպելարկուք թէ 'ի մեռանիլ չիպպոդամէի՝ Պերիթոս և թեսես միաբան յարձակեցան 'ի տարտարոսն կորզել զՊերսեփոնէ զկին Պղուտոնի ուանդարապետի . այլ ընդ հասանելն մօտ առ դուրս Պերիթոս սատակեցաւ 'ի կերպերոսէ , որ էր շուն եռագլխի սկահապան դրաց դժոխոց . և թեսես վտանգեալ ըմբռնեցաւ 'ի ներքս անդ . մինչև եկեալ չերակլի՝ ազատեաց զնա . որպէս ասացաւ 'ի համարն 134 : Կոննոս այսպէս յիշատակէ զիրսն . “Պերինթոս իջեալ 'ի դժոխս , զի յափշտակեսցէ զՊերսեփոնայ զդուստր Դեմետրի , զոր Պղատոն յափշտակեալ տարաւ 'ի դժոխս . և կապեալ եղե Պերինթոս 'ի Պղատոնէ առ վէմս ումանս : Արդ իջեալ չերակլէս զի առցէ զՊերինթոս , զնա առ ինքն ձգեաց . այլ յատակք նորա առ քարինան մնացին , և կոչեցաւ Պերինթոս անյատակ , :

310. Զայս յառաջ բերէ Կիկերոն 'ի գիրս իւր այսպիսի բանիւք . “Պատմեն վասն Դամոնեայ և Պիւթիայ պիւթագորեանց այնպիսի ունել մտերմութիւն առ միմեանս , զի յորժամ զմին 'ի սոցանէ 'ի մահ դատապարտեաց բռնաւորն Դիոնեսիոս 'ի սահմանեալ ինչ աւուր . և այն որ դատակնքեալն էր 'ի մահ , խնդրեաց աւուրս քանի մի երթալ հրաման տալ վասն տան իւրոյ , միւսն եկաց երաշխաւոր փոխան ընկերին վասն դարձի նորա , յանձն առեալ զմեռանել [թէ ոչ դարձի նա : Եւ եղե իրեն դարձ արարնա յաւուր ժամադրութեանն , զարմացեալ բռնաւորին ընդ հաւատարմութիւն նոցին , խնդրեաց զի և զինքն երրորդ դրեսցեն 'ի բարեկամութեան իւրեանց , :

311. Առ բացատրութիւն իմաստիցն եղաք . “Սա միայն մնաց միահեծան , . ուր իտալական բառքն հնչեն . “Սա միայն մնաց արև , . և զայս ձև ասացուածոց վարէ թեսաւրոս վասն նմանաձայնութեան բառիցս «օց , մայն , և «օւէ , արև . որպէս և այլուր նշանակեալ եղե 'ի մէնջ : Սոյնպիսի նմանաձայնութեամբ 'ի յաջորդ գլուխն ելէմենտի և աւիմենտի բարեկամութեան կոչէ զբարերարութիւնս . ուր մեք ճշդիւ թարգմանեցաք պարեր + և սնունդ :

312. Պերիանդրոս մին յեօթն իմաստասիրաց , էր արքայ Կորնթացւոց որդի Կիպսեղայ : Սա թէպէտե զանուն էառ իմաստասիրի վասն Ճարտարութեան մտաց իւրոց , և գիտնաւոր գրուածոցն զորս յօրինեաց յուղլութիւն վարուց մարդկան , այլ անձամբ էր մոլի առաւելապէս ըմբռնեալ յախացանկութեան , և կատաղի բարկութեան : Իւր էր առածն գովելի . Սանձեա զբարկութիւն . և ինքն էր անսանձ բռնաւոր , անագորոյն և խիստ առ հպատակս . այնչափ ատելի իւրոցն , մինչ զի յելանելն 'ի տանէ կասկածէր առանց բազմութեան զինուրաց երկիլ առաջի ամբոխին , և ակն ածէր նաև յերեսաց տկարաց և վատասրտաց : Յայս ամենայն հայեցեալ համարեցան ումանք , թէ իմաստասէրն Պերիանդր այլ ոք իցէ որիշ 'ի բռնաւորէս Կորնթացւոց : Բայց այլք պնդեն նոյն լինել բերելով օրինակ զԱռղոմոն , որ իմաստնագոյնն էր քան զամենայն իմաստունս , այլ խոտորեցաւ զինի ցանկութեան : Եւ յայտ իսկ է թէ իմաստութիւն մտաց ոչ ինչ օդտէ այնմ որ ոչն դնէ 'ի գործ զիմաստութիւն իւր , և ոչ վարի բարոյական իմաստասիրութեամբ , այսինքն կարգելով զգիտութիւնն 'ի գործադրութիւն ուղիղ վարուց :

313. Ամիանդ է տեսակ ինչ քարի , որոյ մասունքն վատացեալ գղղին իրեն ասր կամ բամբակ , մինչև մարթ է նիւթել

կամ մանել, և գործել իբրև զկտաւ : Եւ զի բնիկ նիւթն է քարեղէն, ոչ այրի 'ի հրոյ իբրև զպաստառս վշոյ . այլ մանաւանդ եթէ աղտեղեալ իցէ, հրով մաքրի . և թէպէտ 'ի մէջ հրոյ լինի հրաշէկ, և վառի 'ի բոցոյ . այլ ոչ ծախի . զի 'ի շիջանիւ բոցոյն՝ անդրէն 'ի նախկին իւր որակութիւն դառնայ պայծառ քան զառաջինն :

314. Պիւղադէս կամ Պիլադէս էր որդի Ստրոփեայ արքային Փոկէացւոց, ազգակից Որեստեայ որդւոյ Ագամեմնոնի արքային Մեկենաց : Եւ էին սոքա երկոքին Որեստէս և Պիւղադէս սերտ սիրով զօդեալք ընդ միմեանս, և գործակիցք իրերաց յամենայնի . և եղե 'ի գնալ Որեստեայ յափշտակել զարձանն Արտեմեայ որ 'ի Տաւրիս սկիւթացւոց, ընդ նմա էր և Պիւղադէս . և երկոքին 'ի միասին ըմբռնեցան և մատնեցան 'ի շղթայս լինել զոհ Արտեմեայ : Յայնժամ քրմուհին իփիւդինէ կամեցաւ ազատել զմին, զի շատ է ասէ 'ի ընուլ զօրէնս տեղւոյս զոհել զմին ևեթ յօտարաց տստի . և ընտրեաց պահել զՊիւղադէս 'ի սպանդ զոհից : Զայն իբրև գիտաց Որեստէս պնդէր, թէ ինձ յաւէտ պարտ է մեռանել . և ընդ հակառակին Պիւղադէս ջանայր զի ինքն սպանցի, և բարեկամն իւր սիրելի կացցէ մնասցէ կենդանի : Եւ յետ բազումն հակառակելոյ ընդ միմեանս վասն սիրոյ՝ ածան առաջի թոռասայ բռնաւորի, որ թագաւորն էր տեղւոյն . և նա հրամայեաց, զի Որեստէսն այն որոյ եկեալ իցէ 'ի յափշտակել զԱրտեմիս, զոհ լիցի, իսկ միւսն իբրև ուղեկից նորին գտեալ ազատ լիցի : Յայնժամ յառաջ մատեաւ Պիւղադէս, և հաստատեաց երդմամբ թէ ես ինքն եմ Որեստէս մահու պարտականն : Իսկ Որեստէս երդնոյլ թէ ես ինքն եմ Ճշմարիտն Որեստէս . ապա թէ դա իցէ, ասէ, Որեստէս, ես Պիւղադէսն եմ մահապարտ : Զարմացեալ բռնաւորին և ոչ գտեալ զելս իրացն, եհան զնոսա յատենէ իւրմէ . և մինչդեռ խորհէր թէ զինչ արասցէ վասն արանցն, ծանեաւ քրմուհին իփիւդինէ 'ի նշանաց՝ թէ Որեստէս եղբայր իւր է, և զերծոյց զնա և ըզբարեկամ նորա . և 'ի ձեռն նոցա սպանեալ զթոռաս խոյս ետ նոքօք հանդերձ յերկրէ անտի 'ի հայրենիս իւր յԱրկադիա : Իսկ Կոննոս այսպէս համառօտէ զբանն ասելով . “ Որեստէս այս որդի էր Ագամեմնոնի . այլ սիրելութիւն այնչափ ունէր առ Պիլադէս, և Պիլադէս առ Որեստէս, զի մեռանելով Պիլադէսի ընդ նմին իջանել Որեստէսի 'ի դժոխս , :

315. Ատտաքաս և Կումենիոս էին երեելի դողք համախոհք իրերաց, Ճարտարք յարուեստ չարութեան իւրեանց . մինչև 'ի յայտ առնել զքարարուեստ հնարս անուանի դողոց 'ի մի միաբանելոց՝ յառակս եղե ասել, “ Միաբանեալ են

Ատաթբաս և Կումենիոս,, : Իսկ վասն Սիմոնի և Կիկոնի ըստոյդ ինչ ոչ գտաք . միայն գրէ Լիւիոս թէ Կիկոն և Փիլոմենոս երիասասարդք Տարենտացիք 'ի թշնամութիւն դարձեալ ընդդէմ Հռովմայեցւոց , միաբանեցին ընդ էւրեանս արս քանի մի , և բանս եղին ընդ Աննիբազայ կարքեդոնացւոց զօրավարի՝ մատնել զքաղաքն Տարենտոն 'ի ձեռսնորա . և 'ի խնդրել նորա 'ի նոցանէ ինչ ինչ պայմանս հաստատութեան յանձն առին երդմամբ : Այլ թէ առ սոսա հայի բան թեսաւրոսի կամ առ այլս ոմանս . չէ մեզ յայտ :

316. Գղաւկոս ըստ առասպելաց էր ձկնորս ոմն , որ ընկէց զանձն 'ի ծով , և համարեցաւ աստուած ծովային . զոր և նկարէին այլանդակ դիմօք իբր խառնածին ինչ կենդանի 'ի մէջ ծովու : Իսկ Կերէա կամ դնի փոխանակ միոյ 'ի Կերեայց , որք համարեալ լինէին յաւերժահարսունք բնակեալք 'ի ծովդստերք Կերէոսի ուրումն , և կամ պարափ լինէլ Կերա , որ էր ասեն օրիորդ չքնաղ անուանեալ հարսն արեգական . յորմէ և սովորութիւն եղե բանաստեղծից զդեղեցիկս 'ի կանանց Կերա ձայնել :

317. Զոսիւրոս բարելացի որդի Մեդաբիւդոյ էր մի 'ի նոցանէ , որք միաբանեալ 'ի բաց հանին զսուտ Շմերդ 'ի թագաւորութենէ , և վանեալ զմոդս բոնացեալս թագաւորեցուցին զԴարեհ Վշտասպեան 'ի վերայ Պարսից : Այլ եցոյց սա և այլ երախտիս մեծ Դարեհի արքայի . զի յոչ կարելն որա առնուլ զԲաբելոն քաղաք Զովսիւրոս ծայրատեաց զունչս և զականջս իւր , և ետ հարուածել զանձն , և այնպէս արիւնաշաղախ մարմնով դնաց առ քաղաքակիցս իւր առ Բաբելացիս իբրև փախստական յերեսաց Դարեհի , որպէս թէ յարքայէ լեալ իցեն նմա այն հարուածք վասն յորդորելոյ իւրոյ զնա մեկնիլ 'ի սկաշարմանէ Բաբելոնի : Եւ զի մեծ էր անուն Զովսիւրոսի , հաւատացին բանից նորա քաղաքացիք և ընկալան յիւրեանս . մինչեւ յետ սակաւուց առաջնորդ պատերազմի ևս եղե Զովսիւրոս , և մատնեաց զԲաբելոն 'ի ձեռս Դարեհի : Եւ ահա վասն այսպիսի մաերիմ սիրոյ նորա այնչափ սիրէր զնա Դարեհ արքայ , մինչեւ յառնուլ երբեմն 'ի ձեռս զնուռուն մի ասաց . Յանկայի արգեօք զի որչափ հատք են 'ի նռանս , նոյնչափ ոդի և մարմին լինէր Զովսիւրոսիդ իմում . ցաւ է ինձ ասէր վասն ծայրատութեան անդամոցն՝ զոր յանձն էառ նա կամակար 'ի սէր իմ . զի առաւել արժէ յաչ իմ Զովսիւրոս մի ողջանդամ քան զքսան Բաբելոն : Այլ զնախասացեալ գործ Զովսիւրայ , զոր գրեն Յուլստինոս , և Հերոդոտոս 'ի մէջ բերէ և Կոննոս . ուր չգիտեմ զիարդ 'ի հայերէն թարգմանութեան փոխանակ Դարեհի հասարակօրէն

Կիւրոս գրի . Հաճոյ թուի օրինակել աստեն զգրեալսն . “ Քանզի բազում ժամանակս մարտնչելով կիւրոսի ընդ Բարելոնի , և դժուարամարտ գոլով նորա և անառիկ , յոյժ տրտմեալ լինէր . ապա այր ոմն Զովափիւրոս անուանեալ արիագոյն անձամբ , որպէս եցոյց իրն՝ որ առ ՚ի նմանէ գործեցաւ , և առ կիւրոսիւ ոչ վատափառ լեալ , հնարի այսպիսի ինչ . Հատեալ զունչս իւր և զականջս , և խարազանօք յոյժ հարեալ զանձն իւր , գնայ առ Բաբելացիսն ինքնակամ կամօք որպէս չարիս բազումն կրեալ առ ՚ի կիւրոսէ , և ՚ի գնալն՝ բարեկամութիւն ցուցանէ Բաբելացոցն , և ՚ի խորհուրդ մտանէ ընդ նոսա զընդդէման կիւրոսի . և ողարզաբար հաւատարմանայ Բաբելացոցն զմիտս նոցա յանդուցեալ յինքն . և զօրավար եղեալ Բաբելացոցն սպանանէ զբազումն՝ ի զօրացն Դարեհի . (ասք մէայն ուղիղ գրի անուն Դարեհի) . այլև ժամադիր եղեալ նորա և սահմանեալ օր առ կիւրոս , յորում պարտ իցէ գալ ՚ի գուռն Բաբելոնի . և յայնմաւուր հաւանեցուցանէ զԲաբելացիսն , և առնու զբանալիս գրացն , պատճառելով զայս ինչ մի գուցէ ձանձրացեալ ՚ի կռուոյն կամ զարհուրեալ յերկիւզէն անձն տուր լինիցին . և այսպէս խաբելով , և ապա բացեալ մուծանէ զՊարսիկսն . և այսպէս առաւ Բաբելոն : Զայսոսիկ Հերովդիտոս ասէ յերկրորդում պատմութեան „ : Այլ որպէս ասացաք՝ այս բան գրի ՚ի Հերովդոտեայ յերրորդում պատմութեան . և այն միշտ Դարեհ անուամբ , գէթ յայժմու օրինակս . նոյնպէս Դարեհ գրի միշտ և ՚ի լտաին թարգմանութեան բանից Կոննոսի :

318. Հեթանոսք ստէպ զայս ձև երդման վարէին , “ Երդուեալ ՚ի Դիոս „ , կամ “ Օն և օն արասցէ ինձ Արամազդ „ : Այլ թէ ո՞ր կուռք կամ բագին Դիոսի իցէ Աւենտինեան ասացեալն , ոչ գիտեմք : Աւենտինոս կամ Աւենտինն էր անուն միոյ յեօթն բլոց Հռովմայ առեալ զանուն Յաւենտինոսէ յորդւոյ Հերակլեայ , զոր ծնաւ նա ասեն ՚ի Ռէայ քըրմուհւոյ ՚ի գալ իւրում յիտալիս : Ի տեղւոջ անդ գոյր նախ մեհեան Արտեմեայ , ուր այժմ է եկեղեցի սրբոյն Սաբինայ . վասն որոյ և բլուրն այն կոչի լեառն սրբոյն Սաբինայ : Այլ հանդիսական տեղի երդմանց և ուխտագրութեանց առ Հռովմայեցիս էր բագինն Դիոսի ամենաբարի և ամենամեծ կոչեցելոյ ՚ի Կապիտոլիոն , ըստ Կիկերոնի :

319. Յովսեպոս պատմէ Երկար թէ զիարդ ՚ի ստստկանալ թշնամութեան և ատելութեան ընդ Հերովդէս և ընդ Աղեքսանդրոս որդի նորա , կասկած առեալ Հերովդի թէ ոմանք ՚ի բարեկամաց իւրոց կուսակից են Աղեքսանդրի , ՚ի բաց մեր

ժեաց զնոսա 'ի պալատանէ իւրմէ : Ի մէջ սոցա էին և Անդրոմաքոս և Գեմեղոս արք անուանիք և պիտանիք 'ի գործ արքունեաց և իբր առաջին խորհրդականք . “ ԶԱՆԴՐՈ-
ՄԱՔՈՍ , տաէ , մերժեաց , զի որդի նորա ԴԵՄԵԹՐԻՈՍ սերտ
ընտանութիւն ունէր ընդ Ազեքսանդրի , և զԳԵՄԵՂՈՍ՝ զի
տեսանէր զնա բարեսէր լինել առ Ազեքսանդրոս . քանզի
և 'ի մանկութենէ հետէ 'ի մարդս դրաւորութեան դաստիա-
րակեալ էր զնա , և 'ի դեգերիլ նորա 'ի չոռվմ ընդ նմա էր
կացեալ , :

320. Զբան Բիասայ ոմանք ընծայեն Փիղոնի , որ և նա
մի էր յեօթն խմաստափրաց . և այլք յանուն այլեայլ նախնի
փիլիսոփայից և բանաստեղծից 'ի մէջ բերեն : ԱՅԼ ԹԵՍՈՎ-
ՐՈՍ զհետ երթայ բանից Կիկերոնի Տուղղիսսի , որ գրէ այս-
պէս . “ Նախ զայն յուշ արարից , զոր մեծապէս կշամքել
սովոր էր Սկիակիոն : Զէ մարթ ասէր դատանել զայլ տսացուած
այնչափ թշնամի բարեկամութեան , քան զնորայն որ ասացն
թէ այնպէս պարտ է սիրել՝ որպէս թէ ատել ունիս երբեմն :
Եւ անհնար է ինձ ասէր հաւատալ երբէք , թէ այս ասա-
ցուած , որպէս ասի , իցէ առած Բիասայ , որ մի համարի
յեօթանց խմաստնոց . այլ է զրոյց խառնակեցիկ առն , կամ
բարձրամտի , և կամ նորա որ զամենայն ինչ ըստ իւր կա-
րի յարմարէ : Քանզի զիա՛րդ մարթի ոք բարեկամ՝ լինել
այնմ , որում թշնամի լինել երբէք կասկածէ . . . ոմին իրի
այդ պատուէր , որոյ և իցէ , 'ի բարձումն բարեկամութեան
գիտէ առաջնորդել : Ապաքէն զայն յաւէտ պարտ էր պա-
տուիրել , թէ զայնպիսի զդուշութիւնն պէտք են մեզ ունել
'ի ստանալ զբարեկամութիւնս , զի մի երբէք սկսցուք սիրել
զոր երբեմն ունիմք ատել , :

321. Զայս գործ ՀԵՐԱԿԼԻ և ԱԴՄԵԹՈՎ յիշեցաք կանխաւ
'ի համարն 166 :

322. Կատիլինաս , որ և Ղուկիոս Կատիլինա , էր պատրիկ
Հռովմայ , այր սրտեայ և յաջողամիտ , այլ շոայլ և անառակ .
որ յետ սպառելոյ զամենայն ինչս իւր խորհուրդ չար յան-
դրգնութեան եղ . 'ի մաի վրդովել զհայրենիս իւր , ցրել զծե-
րակոյան , և տիրել բովանդակ հարստութեան և տէրութեան
Հռովմայ : Միաբանեաց ընդ իւր սրս սրիկայս և արիւնա-
հեղս . և արարեալ նոցա կոչունս խրախութեան՝ էառ 'ի նո-
ցանէ երդումն միաբանութեան . և առ հաստատութիւն երդ-
մանն ետ նոցա ըմակել զարիւն մարդոյ , կամ խառնեաց 'ի բա-
ժակս գինւոյ զշիթս ինչ արեան իւրաքանչիւր բազմականաց ,
և այնպէս արբոյց միոյ միոյ 'ի նոցանէ : Եւ արդարե 'ի գլուխ

տանէր զիսորհուրդ իւր այլն անագորոյն 'ի կործանումն Հը-
ռովմայեցւոց, եթէ չէր 'ի յայտ եկեալ գաղտնահնար գաւ-
նորա 'ի ձեռն զգաստ և աշալուրջ կառավարութեան մեծին
Կիկերոնի, որ 'ի ժամանակին յայնմիկ ունէր զպատիւ հիւ-
պատստութեան, զի սա իրադէտ լեալ չարութեան Կատիլի-
նայ 'ի ձեռն միոյ ուրուք 'ի միաբանելոցն ընդ նմա, կշտամ-
բեաց զնա յատենի ծերակուտին սքանչելի ատենախօսու-
թեամբ իւրով, և ետ աքսորել 'ի հեռաւոր վայրս. այլ նա
հնարիւք զերծեալ անտի ժողովեաց անդրէն զառաջին հա-
մախոհս իւր և զայլ ևս զօրս, և խաղաց 'ի վերայ Հոռվմայ. և
'ի լինել սաստիկ պատերազմի թէպէտ և եցոյց զզօրութիւն
բազկի իւրոյ, այլ հուսկ յետոյ տկարացեալ անկաւ և կորեաւ
հանդերձ գործակցօք իւրովք:

323. Պլինիոս 'ի խօսին զպաւնեաց ասէ, թէ պատգամա-
բեր գտան երբեմն յիրս մեծամեծո: որպէս յորժամ բրու-
տոս կապեալ գիր յոտս աղաւնւոյ 'ի պաշարման Մուտինայ
տռաքեաց 'ի բանակն: Խոկ Փրոնախինոս վասն Հիրտիոսի գրէ
թէ յղեալ իցէ գիր այնպիսի առ բրուտոս: Երկաքանչիւրն
է Ճշմարիա՝ որպէս ասեն ոմանք, զի նոյնօրինակ թղթակցու-
թիւն արարին ընդ միմեանս: Եւ յայս միտ խօսի թեսաւրոս:

324. Քանզի ազաւնի առ լատինս Գօլումպուս կամ Գօլումպա
ասի, ստուգաբանութեամբ անուան ազաւնւոյ նմանեցուցանէ
հեղինակս զդոլումսոս լիկուրացի, այն է Քրիստափոր Կո-
լոմբոս գենուացի 'ի գաւառէն Լիգուրիոյ, գտիչն Ամերիկոյ
յամի տեառն 1492. այլ անուն այնը նորագիւտ երկրի եղաւ-
ըստ անուան Ամերիկոսի Վեսպուչիոյ քաջ աշխարհագիր
առն Փլորենտացւոյ, յամի տեառն 1497:

Ծանօթութիւնք 'ի վերջին զիրս:

325. Կապիտոլիոն որ ստէալ յիշատակի յընթացս մատե-
նիս, էր հոյակաս տաճար Դիոսի 'ի Հռովմ երեելի 'ի պաշ-
տամունս Հռովմայեցւոց: Անդ էր տեղի խորհրդոց: և անդ
լինէին հանդիսական ուխտադրութիւնք վասն մեծամեծ ի-
րաց, և անդ լինէին երդումն հաւատարմութեան ինքնակալաց
և զօրավարաց, և որք միանդամ յաղթող գտեալ 'ի մարտի
գառնային 'ի Հռովմ, նստեալ 'ի կառս երթային մեծահան-

դէս փառօք 'ի տաճար անդր առնուլ զսլատիւ յաղթանակի .
և յայս հայի առաջիկայ բան թեսաւրոսի :

326. Ատլաս ասի լինել արքայ Մաւրիտանիոյ կոչեցեալ
որդի Ուռանոսի քաջ աստեղագէտ և իբր գտակ արուեստի
աստղաբաշխութեան . յորմէ ել առասպելն թէ նա բարձեալ
ուներ 'ի վերայ ուսոց իւրոց զբովանդակ գունա երկնից : Եւ
կամ ըստ այլոց , այս առասպել յառաջ եկն յայլ առասպե-
լաց , յորս ասի թէ Ատլաս փոխեցաւ 'ի լեառն մի մեծ , որոյ
գագաթն հասանէր մինչեւ յերկինս . փոխանակ ասելոյ թէ 'ի
յարուցանել Պերսէոսի պատերազմ ընդդէմ Ատլասայ , նա
խոյս ետ 'ի բարձր լերինս որոց գլուխք ոչ երեկին վասն ծած-
կեալ լինելոյ յամսոց , և այնպէս աներեւութացաւ յաչաց
թշնամոյն : Յանուն սորա կոչեցաւ ասեն Ատլաս լեառն 'ի
Մաւրիտանիա , և յայնմանէ անուն էառ ծովն Ատլասեան
կամ Ատլանտեան : Կայ և այլ Ատլաս լեառն 'ի Լերիա նոյն-
պէս բարձր , և գագաթն նորա միշտ ձիւնապատ գտանի . զոր
բանաստեղծք կոչեցին սիւն երկնից : Յիշատակէ զայսոսիկ ըստ
մասին Եւսերիոս 'ի կանոնն քրոնիկոն յաւուրս ծառայու-
թեանն իսրայելի յԵգիպտոս , յասելն . “ Ատլաս Պրոթեայ
եղբայր աստեղագէտ Ճարտար երեկր , և վասն իմաստու-
թեանն զերկինս կրել համբաւէր : Իսկ Եւրիպիդէս լեառն
'ի վերոյ քան զամսկ ասէր լինել զԱտլասայ , :

327. Վասն Ողիսեանց , որք 'ի Ճաշակելն զԼուտաս քաղց-
րահամ ոչ ևս կամէին գառնալ 'ի հայրենիս , աես 'ի վերոյ 'ի
համարն 39 :

328. Վասն Պրոկոստեայ անողորմ աւաղակի ասացաւ 'ի
համարն 290 որպէս և յաղագս Փաղարիսի բռնաւորի 'ի 3 :
Իսկ Դիոնեսիոս որ անկեալ յիշխանութենէ , աքսորեցաւ 'ի
կորնթոս , և անդ մանկավարժութեամբ լնոյր զիւր պէտա , է
Դիոնեսիոս կրտսեր որդի առաջնոյն , զորմէ տես 'ի համարն 6 :

329. Որպէս այլուր նոյնպէս և աստանօր ցաւակցի թե-
սաւրոս ընդ դժբախտութիւն Արիստոտէլի , զի ծնաւ 'ի գարս
հեթանոսութեան իբր 350 ամօք յառաջ քան զՔրիստոս , և
անմասն գտաւ 'ի լուսոյ Ճշմարիտ աստուածալաշտութեան
և քրիստոսական հաւատոց : Եւ կամի ասել հեղինակս , թէ
թէսկտե զարմանալիս և գեղեցիկս բարբառեցաւ նրբախօնն
Արիստոտէլ բնական լուսով զբարոյական տռաքինութեանց
և զբնական երջանկութենէ , այլ գլուխովին անգէտ գտաւ աս-
տուածային առաքինութեանց և աւետարանական երանու-
թեան , որպէս և ամենայն փիլիսոփիայիցն գասք . քանզի աե-

սութիւն նոցա ցայնվայր և էթ եհաս ցորչափ ձկտէր բիբ աչաց հոգւոյն միջնորդութեամբ բնատուր լուսոյ, որ զկայ առնու՝ ի ներքոյ երկնից. իսկ լուսաւորեալքն յԱստուծոյ լուսով հաւատոյ ձկտեցուցանեն զաշս մտաց ՚ի վերոյ քան զերկինս առդերքնական երանութիւն. զի առ Աստուած բերին գլխովին, և երջանկութիւն անեղական գիտեն զժառանգութիւնն Աստուծոյ: Եւ ահա այսպիսիք ոմանք եղեն առաւելապէս սուրբ հարք և վարդապետք եկեղեցւոյ, որք անհամեմատ առաւելութեամբ գերազանց գտան ՚ի Ճշմարիտ իմաստութեան քան զարտաքին իմաստասէրս համօրէն: Յայսպիսի մաածութիւնս յորդորեն զբարեսէր ընթերցողս ընթացք բանիս հեղինակիս ՚ի վերջին յայս գլուխ մատենիս:

330. Զկոպար սահմանափակ բացատրէ հեղինակս ըստ նմանութեան որոշման սահմանաց ՚ի մէջ այլ և այլ տէրութեանց կամ կալուածոց, կոչելով սիւնս չանցանելոյ անդք քան զայն, կամ կոթողս յեզր սահմանակցութեան. որպիսի գեղեցիկ նկարագրէ Խորենացին՝ յասելն վասն մերոյն Արտաշիսի (Բ. 53). “ Եւ նշանս սահմանաց հաստատեաց այսպէս. հրաման տալով քարինս կոփել չորեքկուսիս, և պնակաձե փոսել զմէջսն ծածկելով յերկրի, և չորեքկուսիս ՚ի վերայ յարուցանել ամբարտակս սակաւ ինչ բարձրագոյն յերկրէ , : Արդ այսպիսօրէն նմանութեամբ ասէ Թեսաւրոս սահման եղեալ յԱրիստոտելէ, թէ ցոր վայր հասանէ երջանկութիւնն իմաստասիրական :

331. Ուր մեք եղաք ասպուածայնունիւն, թեսաւրոս վարի յունական ձայնիւս աբօնէօնիս, որ է աստուածացուցումն. զրմէ յիշեցաք ՚ի համարն 129: Որով կամի ասել թէ անմիտ գտան կայսերք Հռովմայ. որք ՚ի զուր հնատրեցան ընդունիլ ՚ի ժողովրդենէ զայն պատիւ աստուածական. զի ստութիւն և կեղծիք էր բաղձանք և փառք նոցա: Իսկ մեզ հաւատացելոցս կայ, ասէ, դիւրին և օրինաւոր Ճանապարհ աստուածանալոյ փոխակերպելով սիրով յԱստուած, և հաղորդակից լինելով աստուածութեան աստ ՚ի ձեռն շնորհաց և ՚ի հանդերձեալն ՚ի ձեռն լուսոյ փառաց:

332. Անդրի քառուղեան է արձան զոր կանգնեն ՚ի գլուխս Ճանապարհաց բաժանելոց ՚ի չորս առաջս կամ ՚ի քառեակ պողոտայս, որ մատամբ ցուցանէ անցաւորաց զարքունական Ճանապարհ արահետ: Զայսպիսի արձանս և զայլ ամենայն կոթողս Ճանապարհաց և կամրջաց, որպէս և զկարկառս քարանց առ Ճանապարհօք, յոյնք կոչէին Հերմաս յանուն Հերմեսի աստուծոյն, որպէս և լատինք Մերկուրուս: Եւ ար-

դարեւ գեղեցիկ օրինակէ զարձան այդպիսի՝ հեթանոս փիլիսոփայից, որք մատամբ իմն նշանակեցին և իբր նշանացի ցուցին այլոց զՃանապարհ իմաստասիրութեան, այլ ինքեանք իբր կոթողս անշունչս՝ անշարժ մնացին, և ոչ գնացին ընդՃանապարհ իմաստութեան, 'ի գեպ եկեալ առաքելական բանին. “Ծանեան զԱստուած, և ոչ իբրեւ զԱստուած փառաւորեցին կամ գոհացան, այլ նանրացան 'ի խորհուրդս իւրեանց,,. (Հռովմ. Ա. 12):

333. Վերջաբանութիւն հեղինակիս զնոյն յայտ առնել զոր մեք 'ի յառաջաբանութեան անդ կանխաւ ասացաք, թէ զայս գիրս նուիրեաց նա ինքն թեսաւրոս արքայազն որդւոյ իշխանին Սաբաւդիոյ 'ի դաստիարակութիւն առաքինական վարուց ըստ արժանի իւրումն աստիճանի: Այլ արդորապէս նա զիւր երկս այլում վերընծայէ, նոյնպէս և մեք զդուզնաքեայ մերս երկասիրութիւն 'ի թարգմանութեան և 'ի ծանօթաբանութեան յօժարամիտ սրտիւ ընծայեմք մերազնեայ ընթերցասիրաց առաքինասէր իմաստասիրաց 'ի վայելս ոգեշահս, 'ի փառս Փրկչին բոլորեցունց և 'ի պատիւ օրհնաբանեալ Տիրամօրն:



ՅԱՆԿ

ՅԱՆԿ	3
------	---

ԳԻՐՔ ԱՌԱՋԻՆ

ԳԼ.	Ա.	Յաղագս վախճանի բարոյական իմաստասի րութեան	11
ԳԼ.	Բ.	Յաղագս թէ զինչ պիտի առ երջանկութիւն, և յաղագս բոլորական սահմանի նորա .	15
ԳԼ.	Գ.	Ընդդիմագրութիւնք առ այս սահման, և նո- ցին պատասխանատուութիւնք	18
ԳԼ.	Դ.	Յաղագս թէ զինչ իցէ առաքինութիւնն բա- րոյական	21
ԳԼ.	Ե.	Յաղագս յատկութեան բարոյական առա- քինութեան	25

ԳԻՐՔ ԵՐԿՐՈՐԴ

ԳԼ.	Ա.	Յաղագս բնական կարողութեանց, յորո ծնանին բարոյական ունակութիւնք . .	31
ԳԼ.	Բ.	Բնական կարողութիւնք իցե՞ն արդեօք կա- տարելագոյնք յայս ոք քան յայն . . .	33
ԳԼ.	Գ.	Յաղագս նախկին սերմանց, որք արագրեն զբարոյական ունակութիւնս	36
ԳԼ.	Դ.	Յաղագս բարոյական ունակութեան . . .	39
ԳԼ.	Ե.	Յաղագս յատկութեանց բարոյական ունա- կութեան	41
ԳԼ.	Զ.	Յաղագս կամաւոր և անկամաւոր ներգոր- ծութեանց	44
ԳԼ.	Է.	Թէ ո՞ր իցե՞ն խոչք առաքինութեան . . .	47

ԳԻՐՔ ԵՐԵՌՈՐԴ

ԳԼ.	Ա. Յաղագս չորից գլխաւոր առաքինութեանց, և թէ յոր մասն հոգւոյ զետեղանան	50
ԳԼ.	Բ. Թէ զիամրդ զանազանին այս չորեքին առաքի- նութիւնք յայլոց բարոյական առաքինու- թեանց .	53
ԳԼ.	Գ. Յաղագս բաժանման բովանդակ բարոյական առաքինութեանց ըստ սեպհական առար- կայից .	54
ԳԼ.	Դ. Ճիւղագրութիւն բարոյական առաքինու- թեանց, և նոցին մոլութեանց՝ որ 'ի ծագս	56
ԳԼ.	Ե. Յաղագս թէ ո՞ր իցէ մէջ առաքինութեան .	58
ԳԼ.	Զ. Թէ զիամրդ գտանիցի մէջ առաքինութեանց յերկուց ծայրից միջի	60
ԳԼ.	Է. Բաղդատութիւն երկուց ծայրից առ միմեանս .	62
ԳԼ.	Ը. Արդեօք ամենայն մոլութիւնք իցե՞ն հտա- սար .	64
ԳԼ.	Թ. Յաղագս թէ որպիսի և քանի՞ իցե՞ն պարա- գայք բարոյական դործոց	66

ԳԻՐՔ ՉՈՐՏՈՐԴ

ԳԼ.	Ա. 'Ներածութիւն յԱրիութեան ճառս.	70
ԳԼ.	Բ. Յաղագս թէ զի՞նչ իցէ առաքինութիւն ա- րիութեան, և ո՞ր իցէ արին.	71
ԳԼ.	Գ. Յաղագս առարկայից արիութեան. այսինքն թէ յորոց չարեաց երկնչեցի արին և յո- րոց ոչ .	74
ԳԼ.	Դ. Թէ վասն որոց պատճառաց գործիցէ արին.	75
ԳԼ.	Ե. Յաղագս թէ որով օրինակաւ գործիցէ արին	78
ԳԼ.	Զ. Յաղագս յանդդնութեան և վեհերուու- թեան .	82

ԳԻՐՔ ՀԻՆԳԵՐՈՐԴ

ԳԼ.	Ա. Թէ զի՞նչ իցէ բարեխառնութիւնն	86
ԳԼ.	Բ. Թէ որպիսի իցէ բարեխառնն	88
ԳԼ.	Գ. Թէ ո՞ք իցե՞ն առարկայք բարեխառնութիւն .	90
ԳԼ.	Դ. Թէ ի՞ր աղագաւ լինիցի մարդ բարեխառն .	92
ԳԼ.	Ե. Թէ զո՞ր եղանակ վարիցէ բարեխառնն . .	94
ԳԼ.	Զ. Յաղագս թմրութեան և անբարեխառնու- թեան .	98

ԳԻՐՔ ՎԵՅՑԵՐՈՒԴ

ԳԼ.	Ա. Թէ զի՞նչ իցէ առատաձեռնութիւնն	101
ԳԼ.	Բ. Թէ ո՞ր իցէ առատաձեռնն	104
ԳԼ.	Գ. Առարկայք առատաձեռնութեան	105
ԳԼ.	Դ. Թէ վասն որո՞ց իրաց գործիցէ առատա- ձեռնն	108
ԳԼ.	Ե. Թէ որո՞վ օրինակաւ գործիցի առատաձեռ- նութիւնն	109
ԳԼ.	Զ. Յաղագս շռայլութեան և ագահութեան .	114

ԳԻՐՔ ԵՕԹՆԵՐՈՒԴ

ԳԼ.	Ա. Թէ զի՞նչ իցէ մեծագործութիւնն	116
ԳԼ.	Բ. Թէ ո՞ր իցէ այր մեծագործ	118
ԳԼ.	Գ. Թէ ո՞ր իցեն առարկայք մեծագործութե .	120
ԳԼ.	Դ. Թէ առ ի՞նչ վախճան գործիցէ մեծագործն .	125
ԳԼ.	Ե. Թէ որո՞վ օրինակաւ գործիցէ մեծագործն .	128
ԳԼ.	Զ. Յաղագս փոքրավայելցութեան և չափա- ղանց վայելցութեան	133

ԳԻՐՔ ՈՒԹԵՐՈՒԴ

ԳԼ.	Ա. Թէ զի՞նչ իցէ մեծանձնութիւնն	137
ԳԼ.	Բ. Թէ ո՞վ իցէ մեծանձն	138
ԳԼ.	Գ. Առարկայք մեծանձնութեան	140
ԳԼ.	Դ. Թէ ո՞ր իցէ վախճան մեծանձին	143
ԳԼ.	Ե. Թէ որո՞վ օրինակաւ գործիցէ մեծանձնն .	144
ԳԼ.	Զ. Յաղագս փոքրոգութեան և փքացման . .	153

ԳԻՐՔ ԻՆՆԵՐՈՒԴ

ԳԼ.	Ա. Թէ զի՞նչ իցէ պարկեցտութիւնն	157
ԳԼ.	Բ. Որո՞վ օրինակաւ և առ ի՞նչ վախճան գործի- ցէ պարկեցտն	158
ԳԼ.	Գ. Յաղագս քրիստոնէական խոնարհութեան .	160

ԳԻՐՔ ՏԱՄՆԵՐՈՒԴ

ԳԼ.	Ա. Թէ զի՞նչ իցէ հեղութիւնն	162
ԳԼ.	Յաղագս բարկութեան	163
ԳԼ.	Գ. Թէ որո՞վ օրինակաւ գործիցէ բարկացողն .	166
ԳԼ.	Դ. Յաղագս անզգայութեան	171

ԳԼ.	Ե.	Յաղագս միջասահմանութեան 'ի մէջ բար. կութեան և անզգայութեան	173
ԳԼ.	Զ.	Թէ զի՞նչ ընդ մէջ է հեղութեան և իւրոց համանմանից	176
ԳԼ.	Է.	Թէ զի՞նչ ընդ մէջ իցէ հեղութեան և գլխու- թեան	—
ԳԼ.	Ը.	Թէ զի՞նչ ընդ մէջ իցէ հեղութեան և ողոր- մութեան	177
ԳԼ.	Թ.	Թէ զի՞նչ ընդ մէջ իցէ հեղութեան բարոյա- կանի և աւետարանականի	178

ԳԻՐՔ ՄԵՏԱՍԱՆԵՐՈՒԴԻ

ԳԼ.	Ա.	Յաղագս քաղաքական կենցաղավարութեան ընդհանրապէս	180
ԳԼ.	Բ.	Յաղագս քաղցրախօսութեան կամ հաճոյա- կանութեան	181
ԳԼ.	Գ.	Յաղագս մարդահաճութեան	182
ԳԼ.	Դ.	Յաղագս վախճանի մարդահաճոյին . . .	184
ԳԼ.	Ե.	Թէ որո՞վ օրինակաւ վարիցի մարդահաճոյն 'ի մարդահաճել իւրում	186
ԳԼ.	Զ.	Յաղագս հակառակասիրի, կամ կռուասիրի .	189
ԳԼ.	Է.	Յաղագս առարկայից հակառակասիրի . .	190
ԳԼ.	Ը.	Թէ զի՞նչ իցէ վախճան հակառակասիրին .	191
ԳԼ.	Թ.	Թէ որո՞վ օրինակաւ գործիցէ հակառակա- սիրն	192
ԳԼ.	Ժ.	Յաղագս միջասահմանութեան 'ի մէջ եր. կուց ծայրից	194
ԳԼ.	ԺԱ.	Թէ զի՞նչ իցէ քաջ մարդավարութիւն . .	198
ԳԼ.	ԺԲ.	Յաղագս տմարդութեան, որ մուծաւ 'ի ծխախոտէ	206

ԳԻՐՔ ԵՐԿՈՏԱՍԱՆԵՐՈՒԴԻ

ԳԼ.	Ա.	Յաղագս թէ զի՞նչ առաքինութիւն իցէ ճըշ- մարտախօսութիւն	211
ԳԼ.	Բ.	Յաղագս առարկայից ճշմարտախօսութեան .	212
ԳԼ.	Գ.	Թէ ո՞ր իցէ յորդոր ճշմարտախօսին . . .	214
ԳԼ.	Դ.	Թէ որո՞վ օրինակաւ գործիցէ ճշմարտախօսն .	215
ԳԼ.	Ե.	Յաղագս ճառատանաց և կեղծեաց	218

ԳԻՐՔ ԵՐԵՎՏԱՍԱԸՆԵՐՈՐԴ

ԳԼ.	Ա.	Օգուտ զուարձախօսութեան	223
ԳԼ.	Բ.	Թէ զի՞նչ իցէ քաղաքավարութիւն, կամ զուարձախօսութիւն	224
ԳԼ.	Գ.	Թէ ո՞ր իցէ աեսակ զուարձախօսութեան և քանի՞ իցեն տարբերութիւնք նորա . . .	226
ԳԼ.	Դ.	Յաղագս նիւթոյ և ենթակայի զուարձախօ- սութեան	227
ԳԼ.	Ե.	Յաղագս զուարձախօսութեանց ծանունց .	231
ԳԼ.	Զ.	Կիրառութիւն զուարձախօսութեանց՝ի քա- ղաքական կենցաղավարութիւնս . . .	233
ԳԼ.	Է.	Զուարձախօսութիւնք գործոց	236
ԳԼ.	Ը.	Զուարձախօսութիւնք որք խառն են յարա- րից և յասից	237
ԳԼ.	Թ.	Յաղագս առաքինական ունակութեան զը- ւարձախօսութեան	239
ԳԼ.	Ժ.	Թէ ո՞ր իցէ վախճան զուարձախօսին . . .	240
ԳԼ.	ԺԱ.	Թէ որով օրինակաւ գործիցէ զուարձախօսն .	241
ԳԼ.	ԺԲ.	Յաղագս գեղջկութեան և խեղկատակու- թեան	245

ԳԻՐՔ ԶՈՐԵՎՏԱՍԱԸՆԵՐՈՐԴ

ԳԼ.	Ա.	Թէ զի՞նչ իցէ ամօթխածութիւն	248
ԳԼ.	Բ.	Յաղագս առարկայից ամօթխածութեան .	251
ԳԼ.	Գ.	Յաղագս պատճառի ամօթխածութեան .	252
ԳԼ.	Դ.	Թէ որով եղանակաւ գործիցէ ամօթխածն .	254
ԳԼ.	Ե.	Յաղագս անամօթի և երկչութի	258

ԳԻՐՔ ՀՆԳԵՏԱՍԱԸՆԵՐՈՐԴ

ԳԼ.	Ա.	Թէ զի՞նչ իցէ սրտմտութիւն	261
ԳԼ.	Բ.	Թէ ո՞ր իցեն առարկայք սրտմտութեան .	262
ԳԼ.	Գ.	Թէ ո՞ր իցէ առիթ սրտմտութեան	264
ԳԼ.	Դ.	Թէ որով օրինակաւ գործիցէ սրտմտեալն .	266
ԳԼ.	Ե.	Գործք սրտմտութեան	269
ԳԼ.	Զ.	Յաղագս չարակամութեան և նախանձու .	270

ԳԻՒՔ ՎԵՇՏԱՍԱՆԵՐՈՐԴ

ԳԼ.	Ա.	Թէ զի՞նչ իցէ արդարութիւն	274
ԳԼ.	Բ.	Յաղագս օրինական կամ հանրական արդարութեան	277
ԳԼ.	Գ.	Յաղագս ուղղութեան կամ մասնաւոր արդարութեան	278
ԳԼ.	Դ.	Յաղագս գերարդարութեան	280
ԳԼ.	Ե.	Յաղագս արդարութեան տրամաբաշխականի և փոխարինականի՝ ընդհանրապէս	283
ԳԼ.	Զ.	Յաղագս տրամաբաշխական արդարութեան .	285
ԳԼ.	Է.	Յաղագս փոխարինական արդարութեան .	289
ԳԼ.	Ը.	Յաղագս փոխադարձ տուժի	292
ԳԼ.	Թ.	Յաղագս քաղաքական և բնական իրաւանց .	297
ԳԼ.	Ժ.	Յաղագս քաղաքական իրաւանց, որ անյատուկ և անտեսական: Եւ նախ յաղագս հայրական իրաւանց	300
ԳԼ.	ԺԱ.	Յաղագս տիրական իրաւանց 'ի վերայ ծառայից	302
ԳԼ.	ԺԲ.	Յաղագս ամուսնական իրաւանց	304
ԳԼ.	ԺԳ.	Յաղագս իրաւանց զոր ունի մարդ 'ի վերայ անձին իւրոյ	308
ԳԼ.	ԺԴ.	Թէ ո՞ր իցէ ճշմարիտ և կատարեալ սահման արդարութեան	313
ԳԼ.	ԺԵ.	Յաղագս անարդարութեան և բաղդատութիւն արդարոյ ընդ անարդարոյ	316

ԳԻՒՔ ԵՕԹՆԵՒՏԱՄՆԵՐՈՐԴ

ԳԼ.	Ա.	Յաղագս խոհեմութեան ընդհանրապէս .	318
ԳԼ.	Բ.	Յաղագս իմացական առաքինութեանց .	319
ԳԼ.	Գ.	Յաղագս ունակութեան մտաց կամ սկըզբանց	322
ԳԼ.	Դ.	Յաղագս գիտութեան	325
ԳԼ.	Ե.	Յաղագս իմաստութեան ,	331
ԳԼ.	Զ.	Յաղագս թէ զի՞նչ իցէ սրատեսութիւն մտաց .	333
ԳԼ.	Է.	Թէ ո՞րք իցեն առարկայք իմաստութեան .	334
ԳԼ.	Ը.	Յաղագս արուեստի	341
ԳԼ.	Թ.	Առաւելութիւնք և վերադասութիւնք ծառայական արուեստից	343
ԳԼ.	Ժ.	Թէ զի՞նչ իցէ խոհեմութիւն	348
ԳԼ.	ԺԱ.	Յաղագս թէ խոհեմութիւնն իցէ առաքինութիւն բարոյական	350

ԳԼ.	ԺԲ.	Յաղագս տեսակաց խոհեմութեան և յա-	
		ղագս քաղաքական խոհեմութեան . . .	352
ԳԼ.	ԺԳ.	Յաղագս անտեսական խոհեմութեան . . .	357
ԳԼ.	ԺԴ.	Յաղագս անձնական խոհեմութեան . . .	370
ԳԼ.	ԺԵ.	Յաղագս ունակութեան հանրական սկզբ-	
		բանց խոհեմութեան	372
ԳԼ.	ԺԶ.	Յաղագս ներդործութեանց խոհեմութե .	383
ԳԼ.	ԺԷ.	Յաղագս անխոհեմութեան և խորամանկու-	
		թեան	386

ԳԻՐՔ ՈՒԹԵՒՏԱԾՆԵՐՈՐԴ

ԳԼ.	Ա.	Պատճառ ճառիս	389
ԳԼ.	Բ.	Յաղագս մարդկային կրից	390
ԳԼ.	Գ.	Թէ ո՞ւր բնականան կիրք	392
ԳԼ.	Դ.	Հարցուածք 'ի վերայ կրից	395

ՅԱՂԱԳՍ ՀԵՇՏՈՒԹԵԱՆ

ԳԼ.	Ա.	Յաղագս երկեակ աղգի հեշտութեան . . .	398
ԳԼ.	Բ.	Թէ զի՞նչ իցէ հեշտութիւնն	399
ԳԼ.	Գ.	Յաղագս հեշտութեան մարմնոյ և հոգւոյ .	402
ԳԼ.	Դ.	Հարցուածք 'ի վերայ հեշտութեան . . .	408

ԳԻՐՔ ԻՆՆԵՒՏԱԾՆԵՐՈՐԴ

ԳԼ.	Ա.	Թէ զի՞նչ իցէ ժուժկալութիւն	412
ԳԼ.	Բ.	Առարկայք ժուժկալութեան և անժուժկա-	
		լութեան	414
ԳԼ.	Գ.	Տեսակք ժուժկալութեան	418

ՅԱՂԱԳՍ ԴԻՒՑԱՀՆԱԿԱՆ ԱՌԱՔԻՆՈՒԹԵԱՆ

ԳԼ.	Ա.	Թէ զի՞նչ իցէ առաքինութիւնն դիւցաղ-	
		նական	421
ԳԼ.	Բ.	Թէ որով օրինակաւ լինիցի հասանել յա-	
		ռաքինութիւն դիւցաղնական, և 'ի դա-	
		զանաբարոյութիւն	424

ԳԻՐՔ ՔՍԱՆԵՐՈՐԴ

ԳԼ.	Ա.	Յաղագս սիրելութեան առ հասարակ . .	428
ԳԼ.	Բ.	Պատճառ բարեկամութեան կամ սիրելու-	
		թեան	429


ԳԼ.	Գ.	Յաղագս սիրոյ ցանկութեան և բարեկամութեան	432
ԳԼ.	Դ.	Տեսակք բարեկամութեան	434
ԳԼ.	Ե.	Գործք ճշմարիտ բարեկամութեան	436
ԳԼ.	Զ.	Արդեօք բարեկամութիւնն իցէ առաքինութիւն, և թէ որպիսի առաքինութիւն իցէ .	439
ԳԼ.	Է.	Յաղագս հաւասարական բարեկամութեան .	441
ԳԼ.	Ը.	Յաղագս անհաւասարական բարգկամութե .	443
ԳԼ.	Թ.	Հարցուածք՝ ի վերայ բարեկամութեան .	446
ԳԼ.	Ժ.	Օրէնք բարեկամութեան : Բովանդակութիւնառիս	452


ԳԻՐՔ ՎԵՐՃԻՆ

ԳԼ.	Ա.	Թէ զի՞նչ իցէ երջանկութիւն	460	
ԳԼ.	Բ.	Նկարագրութիւն առն երջանկի	463	
ԳԼ.	Գ.	Օգնականք երջանկութեան	465	
ԳԼ.	Դ.	Դ.	Յատկութիւնք երջանկութեան	467
ԳԼ.	ՎԵՐՃԻՆ.	Յաղագս աւետարանական երջանկութեան : Աւարտ գործոյս	474	
	ԾԽՈԹՈՒԹԻՒՆՔ		483	



18073





0025892

3.12

